

MED. 9549

GERARDI VAN SWIETEN
MED. DOCT.
COMMENTARIA
IN
HERMANNI BOERHAAVE
APHORISMOS,
DE
COGNOSCENDIS ET CURANDIS
MORBIS.

64-62-9

616
B64h

GERARDI VAN SWIETEN
MED. DOCT.
COMMENTARIA
IN
HERMANNI BOERHAAVE
APHORISMOS,
DE
COGNOSCENDIS ET CURANDIS
MORBIS.
EDITIO TERTIA PARISIENSIS.
TOMUS PRIMUS.



PARISIIS,
'Apud GUILLELMUM CAVELIER, viâ San-Jacobeâ,
sub Signo Lillii Aurei.

M. DCC. LXIX.
CUM APPROBATIONE ET PRIVILEGIO REGIS:



P R Æ F A T I O.

DUM acerbum MAGNI BOERHAAVII .
funus Academia, Civitas, Respublica, imò per
orbem terrarum lugerent omnes boni, videbar
& *mih*i non minimam justì mœroris causam ha-
bere, cùm irreparabile damnum fecissem, & per-
didissem oraculum, quod in rebus dubiis semper
consultere licuit. Summâ enim ingenii perspicaciâ,
& longævo artis usu, in difficillimis etiam atque
intricatissimis morbis latentes causas detegere
noverat, atque uno sæpe vel altero verbulo his
tenebris lucem affundere. Dum verò in curandis
ægris felix successus meis aliquando respondebat
votis, agnovi illico, me omnia debere optimo
Magistro, qui cespitantem in gravioribus mor-
bis curandis prudenti consilio toties firmaverat,
blandè correxerat devium quandoque, neque

Tom. I.

a iij

unquam repulerat interpellantem, licèt fortè sæpius, discendi aviditate, importunum. Probè enim memini, & gratus recordor, me nunquam accessisse hoc oraculum, quin redierim doctior.

Omnia hæc impulerunt me, alia quamvis dudum meditantem, ut, sepositis omnibus, primos labores, MAGNI PRÆCEPTORIS scriptis illustrandis, impenderem. Placuit inprimis hoc propositum, quia & gratum sic testari animum, & tanti Viri vestigia premere possem, dum & fortè sic prodessem illis, qui salutarem artem addiscere cupiunt.

Institutionum Medicarum explicationem sublimioribus ingeniis relinquens, commentandis *Aphorismis de cognoscendis, & curandis Morbis* me accinxi: quibus autem copiis instructus aggredi hoc ausus fuerim, paucis dicam.

Rarâ certè felicitate mihi contigit, fortè unico, vigenti ferè annorum spatio MAGNI BOERHAAVII institutionibus frui, tam publicis, quàm privatis: nec defuit occasio consulendi Magistrum, si quid minùs rectè percepissem. Cùm interim angusto anni Academici curriculo hos Aphorismos explicaret suis discipulis Auctor, atque prima horum elementa sedulò

inculcarer, imò & eadem repetere cogeretur, ut tardioris etiam ingenii Auditoribus prodesset, sæpe contigit, ut circa finem harum exercitationum domesticarum, invitus quamvis, festinare deberet. Quot autem & quàm utilium rerum jacturam patiebantur Auditores, dum tempus dicentem deficeret, noverunt illi, qui interfuerunt mecum publicis prælectionibus, quas *De calculo, Venereâ Lue, Nervis & Nervorum Morbis, & de Corde* habuit BOERHAAVIUS. Plurima enim, quæ in privatis cursim tantum, ob temporis angustiam, delibaverat, latius deduxit in publicis. Omnia autem & hæc, quatenus explicandis his Aphorismis inservire poterant, in Commentariis his invenientur.

Præter hæc cuncta, que ex optimis Auctori-
bus, & imprimis ex antiquorum Medicorum monumentis, in proprios usus collegeram, addidi: patebitque, credo, quàm pulchre BOERHAAVII dogmata *Hippocratis* & *Galen*i placitis, tot sæculorum consensu probatis, consonent. Simul hîc contuli illa, quæ attentæ harum rerum meditatio suggessit, vel aliquis jam in arte salutari usus me docuit.

Adhibui autem *Hippocratis* & *Galen*i Ope-

ra à *Renato Charterio* edita, in citationibus *ra-*
men notavi libros & capita, ut minori cum *di-*
ficultate loca allegata etiam in aliis editionibus
inveniri possent. Ultimo verò tomo horum *Com-*
mentariorum addam Catalogum Auctorum &
Editionum, ex quibus collegi illa, quæ illuf-
trandis aut confirmandis his Aphorismis con-
venire credidi. Subjungam & finito operi locu-
pletum indicem.

Ut verò gratum animum publicè testarier ;

IMMORTALI

IMMORTALI MEMORIÆ
MAGNI BOERHAAVII

HÆC

COMMENTARIA
SACRA

VOLUI

Lugduni Batavorum.

1742

G. VAN SWIETEN.

Tom. I.

82

INDEX CAPITUM

HUJUS TOMI.

<i>Prolegomena.</i>	<i>pag.</i>
<i>Morbi fibræ solidæ simplicis.</i>	1
——— <i>debilis & laxa.</i>	18
——— <i>rigida & elastica.</i>	21
——— <i>Vasorum minimorum & majorum.</i>	38
——— <i>Viscerum debilium & laxorum.</i>	44
——— <i>fortium & rigidorum.</i>	47
<i>De simplicissimis humorum vitiis & spontaneis.</i>	57
<i>Morbi spontanei ex acido humore.</i>	72
——— <i>à glutinoso spontaneo.</i>	73
——— <i>ex alcalino spontaneo.</i>	86
<i>De morbis oriundis ab excessu motus circulatorii solo.</i>	101
——— <i>ex defectu circulationis, & plethora.</i>	120
<i>Morbi compositi simplicissimi, obstructio, & vulnus. Obstructio.</i>	136
<i>De vulnere in genere.</i>	143
<i>Hæmorrhagia.</i>	156
<i>Dolor.</i>	312
<i>Convulsio, &c.</i>	322
<i>Vulnera Capitis.</i>	338
——— <i>Thoracis.</i>	353
——— <i>Abdominis.</i>	445
<i>Contusa.</i>	467
<i>Ossa fracta.</i>	487
——— <i>luxata.</i>	506
<i>Inflammatio.</i>	545
<i>Abcessus.</i>	572
<i>Fistula.</i>	635
<i>Gangræna.</i>	658
<i>Sphacelus.</i>	674
<i>De Combustione.</i>	736
<i>Scirrhus.</i>	766
<i>Cancer.</i>	777
<i>De morbis Ossium.</i>	804
	835

A P P R O B A T I O N .

J'Ai lû par ordre de Monseigneur le Chancelier *Hermanni Boerhaave Opera Omnia, cum Notis Alberti Haller, & Commentariis Gerardi Van-Swieten*, avec les *Aphorismes de Chirurgie en François*, & je les ai trouvés tous très-dignes d'être imprimés. A Paris, ce 13. Mars 1760.

BARON.

P R I V I L È G E D U R O I .

LOUIS, PAR LA GRACE DE DIEU, ROI DE FRANCE ET DE NAVARRE, A nos amés & féaux Conseillers, les Gens tenans nos Cours de Parlement, Maîtres des Requêtes ordinaires de notre Hôtel, Grand Conseil, Prévôt de Paris, Baillifs, Sénéchaux, leurs Lieutenans Civils, & autres nos Justiciers qu'il appartiendra, Salut. Notre amé le Sieur *PIERRE-GUILLAUME CAVELIER*, l'ainé, Libraire à Paris, Nous a fait exposer qu'il désireroit faire imprimer & donner au Public des Ouvrages qui ont pour titre : *Hermanni Boerhaave Opera omnia, cum Notis Alberti Haller, & Commentariis Gerardi Van-Swieten, avec les Aphorismes de Chirurgie en François, Abrégé de l'Histoire des Plantes, par Chomel, nouvelle Edition. Abrégé de toute la Médecine pratique par M. Allen. Les Œuvres de Huxham en Latin & en François*, s'il Nous plaîtoit lui accorder nos Lettres de Privilège pour ce nécessaires. A ces Causes, voulant favorablement traiter l'Exposant, Nous lui avons permis & permettons par ces Présentes, de faire imprimer lesdits Ouvrages, autant de fois que bon lui semblera, & de les vendre, faire vendre & débiter par-tout notre Royaume pendant le tems de dix années consécutives, à compter du jour de la date des Présentes : Faisons défenses à tous Imprimeurs, Libraires & autres personnes de quelque qualité & condition qu'elles soient, d'en introduire d'impression étrangère dans aucun lieu de notre obéissance ; comme aussi d'imprimer, ou faire imprimer, vendre, faire vendre, débiter ni contrefaire lesdits Ouvrages, ni d'en faire aucun extrait, sous quelque prétexte que ce puisse être, sans la permission expresse & par écrit dudit Exposant, ou de ceux qui auront droit de lui, à peine de confiscation des Exemplaires contrefaits, de trois mille livres d'amende contre chacun des contrevenans, dont un tiers à Nous, un tiers à l'Hôtel-Dieu de Paris, & l'autre tiers audit Exposant, ou à celui qui aura droit de lui, & de tous dépens, dommages & intérêts ; à la charge que ces Présentes seront enregistrées tout aulong sur le Registre de la Communauté des Imprimeurs & Libraires de Paris, dans trois mois de la date d'icelles ; que l'impression desdits Ouvrages sera faite dans notre Royaume & non ailleurs, en bon papier & beaux caractères, conformément à la feuille imprimée attachée, pour modèle, sous le

• • ij

contrescel des Présentes ; que l'Impétrant se conformera en tout aux Réglemens de la Librairie, & notamment à celui du 10 Avril 1725 ; qu'avant de les exposer en vente, les Manuscrits qui auront servi de copie à l'impression desdits Ouvrages, seront remis dans le même état où l'Approbation y aura été donnée & mains de notre très-cher & féal Chevalier, Chancelier de France, le Sieur **DE LAMOIGNON**; & qu'il en sera ensuite remis deux Exemplaires de chacune dans notre Bibliothèque publique, un dans celle de notre Château du Louvre, un dans celle de notre-dit très-cher & féal Chevalier, Chancelier de France le Sieur **DE LAMOIGNON**, le tout à peine de nullité des Présentes, du contenu desquelles vous mandons & enjoignons de faire jouir ledit Exposé & ses ayans cause pleinement & paisiblement, sans souffrir qu'il leur soit fait aucun trouble ou empêchement. Voulons que la copie des Présentes qui sera imprimée tout au long au commencement ou à la fin desdits Ouvrages, soit tenue pour dûment signifiée, & qu'aux copies collationnées par l'un de nos amés & féaux Conseillers Secrétaires, soit jointe comme à l'Original. Commandons au premier notre Huissier ou Sergent sur ce requis, de faire pour l'exécution d'icelles tous actes requis & nécessaires, sans demander autre permission, & nonobstant clameur de Haro, Charte Normande & Lettres à ce contraires. Car tel est notre plaisir. Donné à Versailles, le vingt-deuxième jour du mois d'Avril, l'an de grace mil sept cent soixante, & de notre Règne le quarante-cinquième.

LE BEGUE.

Registré sur le Registre XV de la Chambre Royale & Syndicale des Libraires & Imprimeurs de Paris, N°. 3311. fol. 68. conformément au Règlement de 1723. A Paris, ce 5. Mai 1760.

G. SAUGRAIN, Syndic.

COMMENTARIA



COMMENTARIA
IN
HERMANNI BOERHAAVE
APHORISMOS,
DE
COGNOSCENDIS ET CURANDIS
MORBIS.
~~~~~  
PROLEGOMENA.

§. I.

OMNIS humani corporis conditio, quæ actiones vitales, naturales, vel & animales, lædit; Morbus vocatur.

Absoluta hîc traditur Morbi definitio, necessariò præmittenda, antequam aliquid certi de morborum curâ dici possit. Ubi vident à sanitate deflectere corpus, morbum adesse dicunt omnes: sed pulchrè notavit *Galenus* (a) sanitatem habere latitudinem quamdam, non enim absoluta ipsa est, nec indivisibilis simul, quæ est & dicitur sanitas, verùm etiam quæ ab hac deficit, modò adhuc usibus nostris non sit inepta.

(a) De Sanitate tuenda Lib. I. Cap. v. Charter. Tom. VI. pag. 45.  
Tomus I.

Perfectè sanum invenire sortè arduum foret, in quo nempe nec in solidis nec in fluidis, nec in motu fluidorum per canales solidos, deficeret nihil: externi enim nos ambientis aeris vicissitudine, animi affectibus, alimentis, vel tenacioris indolis, vel parum largiori copiâ ingestis, &c, sic mutamur quotidie, ut non nisi laxiori sub significatione sani possimus dici: hinc videtur hoc sensu *Galenus* (a) sanitatem definivisse: *perfectè sanus nemo dici potest; sed sani dicuntur, qui nullâ corporis parte dolent, & ad vitæ munera haudquaquam sunt impediti.*

Sanitas verbò læsa morbus est; sed ut in morbis indagandis haberent ordinem, sanî corporis actiones ad tria genera redegerunt Medici, nempe vocaverunt **VITALES**, **NATURALES**, **ANIMALES**. **VITALES ACTIONES** dicuntur, quibus præsentibus vita adest, quibus absentibus vita abest. Certè possunt in corpore manere solida & fluida, dotibus & copiâ, eadem, & abesse vita; sic dum homo aquis submergitur, nihil perit, nihil accedit corpori, sed solus motus deest; hunc si resuscitare potes, redit vita.

In syncopen perfectam delapsus homo mortis imaginem quàm bene exhibet! *Aspersâ frigida, contractæ venæ suum sanguinem versus cor derivant; hoc sic irritatum contrahitur, reviviscit mox.*

Vita perfecta est sanitas, vita penitus abolita, mors; vita læsa morbus.

Post cognitum sanguinis circulum, demonstratum est, quòd vita omnium minima adhuc consistat in actione cordis contracti & aperti, sed ut hæc fiant, debet superesse motus muscularis cordis, sanguinis venosi influxus in cava cordis, sanguinis arteriosi ex cavis cordis expulsi.

Ad actionem autem musculosam cordis, requiritur cerebelli & nervorum inde ad cor tendentium libera actio, & sanguinis arteriosi per coronarias arterias impulsus.

Ut autem sanguis venosus in cor fluat, requiritur, ut sanguis saltem in quasdam venas adhuc redeat.

Sed in homine nato, ut sanguis ex dextro cordis ventriculo in sinistrum possit transire, requiritur liberum per pulmones iter.

Veteres dixerant, actionem vitalem esse duplicem, pulsus nempe & respirationem: sed actiones vitales videntur esse omnes illæ conditiones, sine quibus vita non potest esse; pulsus autem & respiratio sunt signa externa vitæ.

Hinc morbi vitales sunt omnes illi, qui lædunt influxum venosi sanguinis in cava cordis, & expulsionem sanguinis arteriosi ex cavis cordis; omnia enim mortium genera investigata hoc docuerunt.

An non appareat ex his veritas dicti *Hippocratici* in ipso principio libri de locis in homine: (b) *Principium corporis mihi quidem nullum esse videtur, sed partes omnes per æquè principium, omnesque finis. Descripto namque circulo principium non invenitur.*

Certè ad cordis actionem requiritur actio cerebelli per nervos in cor, sed ut cerebellum agat, & spiritus secernat, & secretos moveat per nervos, requiritur alio cordis pellentis sanguinem per arterias cerebelli: idem de reliquis verum est.

Sic autem agit cor, quatenus communes causas sui motus cum aliis musculis habet; sed adest in corde mira proprietas, quâ sine his omnibus motum suum satis diu continuare potest.

(a) De Sanitate tuenda, Lib. VI. Cap. v. | rentis, Cap. 1. Charter Tom. VII. pag. 1.  
Charter, Tom. VI, pag. 170. & de Morb. disse- | (b) Charter, Tom. VII. pag. 357.

Hinc in corde latere vitale principium crediderunt Veteres; cordi innatum esse motum, dixit Galenus. (a).

Nec hoc absurdum videbitur cogitanti, quod cor, licet communibus motus muscularis causis per arterias & nervos allatis instructum sit, tamen præter hæc omnia in se ipso recondat vim excitandi motus, quæ ex cognita partium fabrica deduci minime potest.

Cor enim rescissum à suis vasibus omnibus motum suum continuat, & satis diu quidem: sic cor anguillæ de corpore exemptum pulsare perrexit, imò sub recipiente positum, exhausto aere, perrexit pulsare per horæ spatium (b); cor pectunculi piscis excisum, transversim in duas partes dissectum, compressu à sanguine purgatum, linteo ab utraque parte deterfum, per spatium temporis notabile, motum suum retinuit (c).

Ex similibus Experimentis concluderat Galenus (d), cor non indigere nervis ad suam functionem exercendam, &c; illos maxime errare, qui cor musciculum esse censent, &c; sed esse nativi veluti caloris quemdam fontem.

Plurima talia de animalium cordibus recenseri possent Experimenta, sed & constitit, idem obtinere in ipso corde humano: Verulamius (e) dicit, se vidisse hominis cor, qui evisceratus erat (supplicii genere apud nos versus proditores recepto) quod in ignem de more injectum saltabat in altum, primò ad sesquipedem, dein gradatim ad minus durante spatio (ut meminimus) 7 vel 8 minutorum.

NATURALES sunt omnes illæ actiones, quæ faciunt, ut corpus impleatur talibus, qualia amisit; ut tot & talia apponantur, quot & qualia defecerunt. Vita enim se ipsam destruit; per ipsius vitæ actiones deterimur quotidie, & nisi ex ingestis resiceremur, brevi deficeremus. Galenus (f) verissime dixit: quod a singulis partibus defluit, tale est, qualis ipsa pars. Nihil autem eorum quæ edimus aut bibimus, tale profus; hinc necesse habuit natura prius immutare (προμίσχεται) & concoquere illa, & alendo corpori similia prius præparare (προπαρασκευάζειν).

Ingesta ergo non sufficiunt ad hanc rem alimenta, sed requiruntur creati corporis perfectissima machina, ut ex illis fiat nutrimentum.

Paucis multa comprehendere solitus Hippocrates dixit (g), alii concoctum.

Hinc in Aphorismis (h) monuit: à morbo bene comedenti, nihil proficere corpus: malum: designat enim deficere vires coquentes, id est, deficere naturam ipsam.

Natura (φύσις) antiquum illud Hippocratis vocabulum, à multis tam malè explicatum, quid designat? Nihil aliud, nisi aggregatum omnium conditionum Physicarum, quæ requiruntur, ut vita sit constantissima, durabilissima, & simul agilissima mobilitas. Sed hoc est perfecta sanitas: si aliquid deest, est natura deficiens, & ille defectus morbus est.

Non ergo Summo Numini injuriam faciunt Medici, dum naturæ tam multa tribuunt; per hanc enim intelligunt creati corporis fabricam.

(a) Adversus Lycum, Cap. II. Charter. Tom. IX. pag. 359.

(b) Boyle, nova Experimenta Pneumatica de Respiratione, pag. 18.

(c) Boyle, de Utilitate Philosoph. Experim. exerc. 1. pag. 112. & seq.

(d) De Anatom. administrat. Lib. VII. Cap.

VIII. Tom. IV. pag. 155.

(e) Historia vitæ & mortis, pag. 559.

(f) Comment. II. in Lib. de alimento Hippocratis, Charter. Tom. VI. pag. 145.

(g) De alimento, Charter. Tom. VI. p. 245.

(h) 32. Sect. II. Charter. Tom. IX. pag. 73.

Optimè ergo dixerat *Helmontius* (a), *Naturam esse jussum Dei, quæ res est id quod est, & agit, quod agere jussa est.*

De hac dixit *Hippocrates* (b) *natura omnia omnibus sufficit* (c). (*ἡ φύσις πάντα ἱκανοῖ*) *Morborem naturæ Medicæ, & invenit natura sibi ipsi vias, non ex intellectu* (*ὡς ἡ διαίτης*) *à nullo edocta natura & citra disciplinam omnia, quæ conveniunt, efficit: & ad hunc locum Hippocratis videtur alluisse Galenus* (d) *dum scribit* (*ὅτι οὐκ ἔστιν ἀδιδασκτος*) *naturæ enim animalium à nullo doctæ sunt, dicit Hippocrates. Et hanc rem pluribus confirmat exemplis: vitulus enim inermi adhuc fronte ferit; hinnulus molli adhuc ungulâ calcitrat, &c.*

Ingestorum ergo manducatio, deglutitio, digestio in ventriculo & intestinis, chyli secretio, distributio, excrementorum secretio, &c., ad actiones naturales reducuntur, quia per hæc omnia cibi & porus in nostram convertuntur naturam.

ANIMALES vocaverunt omnes mutationes corporis humani viventis, quæ mentem in suis cogitationibus mutant, vel à mente cogitante mutantur.

Omnes ergo hæc actiones cogitationem supponunt.

Illud, quod cogitat, dicitur mens, cogitare enim est primum, quod scitur de mente: An non cogitare est ipsa mens? Certè maneat omnia, prout nunc sunt, si non cogitas, omnia nihil erunt respectu tui, & de mente nil aliud scimus.

Quædam ex illis actionibus sunt, dum novæ oriuntur in mente cogitationes mutato prius organo corporeo, & serè tantum in sua superficie, sive hoc fiat à causâ externâ, sive à causâ internâ; sic mens videt objecta, dum bonus est oculus, sed & in morbis sæpe credunt ægri se videre objecta externa, quæ non adsunt, mutato organo corporeo per causas internas, & non per objecta externa.

Aliæ actiones animales fiunt, dum mens prius mutata in sua cogitatione corpus mutat, excitando motus musculares: v. gr. dum quis vult brachium elevare, mox elevatum est; est enim in homine illa proprietas, ut pro voluntatis arbitrio possit motum excitare, sustinere, dirigere, mutare, sistere, renovare.

Maximè mirum est, quòd cum motus sic excitati sint adeo sensibiles, adeo mutantes vim mechanicâ alia corpora, ramen in sua origine vix videantur corporei, nulla appareat horum causa; id est, nulla mutatio Physica in corpore præter rem mutatam, nec, suppresso per voluntatem motu, maneat ullum vestigium.

Et hæc omnia fiunt sine cognitione causæ, nam periclitissimus Anatomicus non melius hæc perficiet, quam idiota: profundæ certè speculationis argumentum.

Reliquæ actiones animales ad sensus internos dictos solent referri, memoriam nempe, imaginationem, animi affectus, attentionem, &c.

Potest enim mens nostra sine ullo sensuum externorum adminiculo cogitare ratione intimi fontis sui, & quasi in proprio fundo contemplari.

Sic sæpe memores sumus, nos habuisse aliquam ideam, quam non possumus nunc nobis præsentem reddere: quærit in suo intimo thesauro hoc principium cogitans, quid hoc sit, & nescit quid quærat, distinguit tamen ab omnibus aliis, quæ tunc cogitat.

Possunt tamen & intimæ illæ cogitationes mutari corpore mutato, imò & deleri integrè: quoties enim non videmus, sapientissimis viris imaginationem depravari,

(a) pag. 38.

(b) 6. Epidem., Charter. Tom. IX. p. 509.  
\* 513.

(c) De alimento, Charter. Tom. IX. p. 264.

(d) De usu Partium, Lib. I. Cap. 111. Charter. Tom. IV. pag. 286.

memoriam aboleri, &c. dum atra bilis gravat præcordia!

Et licet dixerit *Hippocrates* (a) qui aliquid parte corporis dolentes ut plurimum dolorem non sentiunt, illis mens laborat (γνώμην νοσῶν) tamen ille corpus curabat, non mentem: dum enim Abderitarum precibus motus, ut *Democritum*, quem insanire credebant, curaret, Abderam versus tendere proposuit, salutare jubet *Crates* ut colligeret herbas, ut hanc dementia curaret (b).

Medicina ferè semper in corpus agit etiam in illis morbis, ubi nihil in corpore mutatum invenitur, sed tantum cogitationis apparet mutatio. In quâdam mania specie hoc observatur, verbi gratiâ, ubi vel sagacissimi Medici nullum possunt culpâre in corpore vitium, tamen delirat homo ferociter & sine febre in his casibus ab omni ævo dederunt talia, quæ incredibili vi fundendi & movendi omnia sic totum systema nervorum, vasorum, muscutorum movent, ut nullibi maneat eadem conditio, hac spe ut sic turbato toto corpore deleatur illa impressio latens in sensorio communi, unde oriebarur hoc malum.

Sic antiquissimus *Melampus*, diu ante bellum Trojanum vivens, furentes observaverat ab helleboro sanari capræ, & felici successu insanientes regis filias curaverat, unde & *Hippocrates* *Melampodium* vocavit helleborum.

§. 2. QUÆ verò disciplinæ Medicæ pars docet morbum in ipso ægroto præsentem detegere & curare, Præxis appellatur Medicæ. Sanitatem ægris Medicina promittit. *Cels.* 1.

Ultimus scopus, ad quem universa Artis Medicæ cognitio collimat, est ægris sanitatem reddere; hinc merito dixit *Celsus* (c), ut alimenta sanis corporibus Agricultura, sic sanitatem ægris Medicina promittit. Præxis jam, ἀπὸ τῆς πρᾶξης dicta, est illa pars Medicæ doctrinæ, quæ docet, quamvis ratione in homine vivente ægroto per certa signa Physica debeat detegi, an præsens sit morbus, & qualis, in quo sit statu, an in initio, ascensu, statu, descensu, quâ methodo & quibus auxiliis præsens jam cognitus morbus tolli possit.

Omnia autem hæc determinari debent in ægro decumbente, longè enim aliud quid est describere pleuritidem, quàm ex Artis regulis definire, quòd homo decumbens labores pleuritide, cum morbus ille, idem licet nomen servet, vario tamen tempore variam medelam requirat.

Medici nunc Artem exercentes vocabantur Clinici apud Veteres, quia ægri (ἐν κλίστραις) in lectulis decumbebant.

§. 3. QUI ergo actionum vitalium, naturalium, atque animalium exercendarum requisita ignorat, adeoque vitæ causas nescit, & sanitatis, ille defectum illarum; id est, morbos, cognoscere non poterit.

Medico ergo morbum curaturo necesse est morbum nosse, sed morbus erat læsio functionis ad sanitatem requisitæ; qui ergo ignorat requisita ad functionem, quo-

(a) Aphor. 6. Sect. II. Charter. Tom. IX. | epistolæ, ut vulgò sit.

pag. 47.

(b) Si Hippocrati adscribendæ sint hæc | (c) Pag. 1. in ipso initio Præfationis.

modo cognosceret, quid deficiat? Merito dixerat *Galenus* (a), *cujusque morbi tanta magnitudo est, quantum à naturali statu recedit; quantum verò recedat, is solus novit, qui naturalem habitum ad amissum tenuerit.*

Cæcitas, v. gr; morbi nomen est, designans abolitum visum, sed potest ille morbus ortum ducere à concretionem palpebrarum, obscuracione corneæ post inflammationes validas, cicatrices relictas, &c, potest humor aqueus turbidus factus, humor crystallinus opacus redditus visum tollere; potest nervus opticus in retinam expansus insensibilis fieri; potest idem nervus in toto suo decursu à cerebri ventriculis ad oculum usque comprimi à variis tumoribus, exostosi, &c; potest in ipsis cerebri ventriculis hæere origo mali, &c.

Qui jam per cognitum organi fabricam non novit ex tot possibilibus causam nunc præsentem distinguere, quomodo idonea poterit adhibere auxilia?

Dum in febre ardenti, sanguine ferè omni immeabili hærente in arteriis distentis fiebat cæcitas perfecta, frustra fovebantur collyriis oculi, qui puri & limpidi manebant: peritus Medicus omnem spem ponebat in salubri & larga superveniente hæmorrhagia natium; depletis sic vas, resolutio sic spisso inflammatorio, redibat integer oculorum usus.

Obijci posset *Hippocratis* in Arte pericia, tot sæculorum consensu probata, qui orbatus illis inventis pulcherrimis, quibus hodiernum gaudet sæculum, ex sola Observatione phænomenorum in morbis Artem salutarem adeo promovit.

Sed certè magnus *Hippocrates*, si novisset Recentiorum inventa, major fuisset.

Unde ergo post tot detecta, nova non accessit major Arti Medicæ firmitas? Ratio videtur hæc esse.

Multa detexit, circa corporis fabricam, Recentiorum industria; plura tamen latent & latebunt fortè diu: novis his superbientes Medici ad hypothesas condendas nimis proni, ex paucis numero particularibus universales fecerunt in Praxi regulas; quæ occurrebant in morbis, minùs faventia præconceptæ hypothesi, neglexerunt penitus, vel vi detorserunt sic, ut favere viderentur.

Sic Artem, quam longam sapiens pronunciaverat antiquitas, voluerunt facere brevem.

Jam dudum hæc prurigo generalia condendi & pauca axiomata invaluit. Methodici satis esse credebant, quædam communia morborum intueri, & quidem horum tria genera esse, unum adstrictum, alterum fluens, tertium mixtum (b).

Qui ergo castis veterum Observationibus jungunt Recentiorum inventa, videntur habere optima Medicinæ fundamenta.

§. 4. **SANATIO** porro est morbi (1) in sanitatem (2) mutatio: ponit ergo & hæc eadem cognita (3): quare cognitio & curatio morborum Scientiam Dogmatum, quæ explicant quæ vita sanitasque sit hominis, id est, Instituta Physiologica, Medica, requirunt.

Prior pars Practicæ disciplinæ versabatur circa morborum cognitionem, altera docet, quomodo morbus cognitus curetur.

(a) De Methodo Med. ad Glaucon. Lib. I. Cap. 1. Character. Tom. X. pag. 345.

(b) Celsus in Præfatione, Lib. I. pag. 154.

Sed sanatio ipsa requirit omnia eadem cognita; est enim sanatio mutatio corporis viventis talis, ut conditio corporea, quæ vocabatur morbus, tollatur, & resiliatur illud, quod ablatum, faciebat morbum. In exemplo res patebit evidenter.

Paronychiæ illa species, in qua sine ullo ferè tumore acutissimus dolor ultimam digitorum phalangem occupat; & vel in corpore sanissimo validissima incenditur febris; syncope, phrenitis, convulsiones, & ante tertium diem mors sæpe fit; totam suam malignitatem peculiari structuræ hujus partis debet: tendinibus enim flexentibus duas phalanges extremas digitorum circumponitur ligamentum forte, coercens, ad cartilaginis ferè firmitatem accedens, *Galenus* jam descriptum (a): sub hoc tenacissimo scuto si fiat inflammatio (sive ligamenti, membranz cellulosæ, periosteï, vel tendinum vitio hoc fiat, non multum refert) oriuntur omnia illa horrenda symptomata, quia sub duro hoc tegmine cedere non potenti locus inflammatus hæret. In tempore vocatus Medicus fabricæ peritus jubet audacter scalpello discindi à parte laterali digiti omnia incumbentia ad os usque; sic mutat singularem hujus partis structuram in conditionem communem toti corpori; dolor sedatur statim, & mollissimis applicatis cedit adeo minax malum.

Possit hujus asserti veritas pluribus demonstrari, hoc pro exemplo sufficiat.

§. 5. **I**LLA mutatio (4) motum excitat, sopit, vel dirigit, per applicationem instrumentorum, quæ Artifex nosse debet, & regere: hinc ponitur perspecta Victus, Medicamentorum, & Chirurgiæ, materia, præparatio, usus.

Omnis sanatio requirit vitam superstitem, quam motus humorum vitalium per vasa comitatur, per hunc motum actiosa fiunt applicata remedia, quæ in cadaver nihil agunt: hunc motum, ubi languet in multis morbis chronicis, excitamus; dum furibundo impetu corpus destrueret in morbis acutissimis, sopimus prudenter; dum nimio impetu ruit in quasdam partes, revellendo, versùs alias partes dirigimus.

Dum languet albâ pituitâ gravatum corpus, debilem vitam acribus excitamus stimulis; dum acutâ phrenitide correptus homo furit, debilitamus vitam sanguinis missione, & per balnea, fomenta, cucurbitas & similia impetum omnem, quantum fieri potest, à capite avertimus.

Sed omnia hæc perficiuntur per quædam instrumenta, quæ applicata corpori ægrotanti illud sic mutant ut fiat sanitas; hæc autem instrumenta vocantur Medicamenta.

Dixit de his *Hippocrates* (b) omnia medicamenta sunt, quæ præsentem statum (ὁ παρὼν) dimoveant, vehementiora autem omnia immutant, &c; ægrotanti verò omnia è præsentî statu dimovere conducit.

Hæc autem instrumenta corpori humano applicantur per Victum, Medicamenta, & Chirurgiam.

Primis Medicinæ temporibus horum omnium cura uni incumbere Medico.

Sed circa *Herophili* & *Erasistrati* tempora Medicina in tres partes diducta est: ut

(a) *Galen. Admin. Anatom. Lib. I. Cap. v.*

(b) De locis in homine, Cap. xvi, *Chartes-Charter. Tom. IV. pag. 36.*

(b) De locis in homine, Cap. xvi, *Chartes-Charter. Tom. VII. pag. 375.*

una esset, quæ Victu, altera quæ Medicamentis, tertia, quæ Manu mederetur (a).

Turpe penitus videtur artificii propriæ Artis instrumenta ignorare, & licet Medicus optimè perpexerit, quid in corpore mutandum sit, ut fiat sanitas, si non noverit illa auxilia, quibus hæc mutatio perfici debet, prodesse non poterit.

Nec perfunctoriè didicisse Pharmacorum nomina sufficit, nisi enim quis horum indolem & attributa noverit, ineptis formulis se ludibrio exponet, ægrisque suis nocebit sæpius.

Quantùm enim mutant variæ præparationes Medicamentorum indolem! Scammonæi Syriaci lacryma, ingesta corpori humano, in putridam aquam solvit humores, solutos per alvum evacuat; dum verò sulphuris accensi vapori exponitur, ut fiat diagridium dictum sulphuratum, iners ferè redditur.

Rhabbarbari radix servidæ infusa aquæ, innoxium dat purgans omni ætati & sexui; decocta diu & fragrantiam & vires amittit.

Sed & varius usus nosci debet. Jalappæ resina assumpta tenacitate suâ ventriculi plicis & intestinorum adhærens hypercatharsim induxit sæpius; cum sacchari paulillo trita, vel vitello ovi fractâ tenacitate illâ resinosa, darur tutius longè.

Tithymali acerrimum succum ficubus instillabat Hippocrates, ne in transitu gulam læderet (b).

Innumera similia adduci possent, ut demonstraretur, quàm necessaria sit Materiæ Medicæ cognitio.

§. 6. **D**IRIGITUR illa applicatio (5) à mente præscia futuri effectus, quò exigitur scientia generalis legum, juxta quas actiones illæ exercentur; unde itaque doctrina signorum, & Methodi Medendi, necessaria est. Adeoque tradituro Praxin (2) omnes partes Institutionum Medicarum scitu necessariæ prius sunt. Eas ideo ponemus notas, & demonstratas alibi.

In dirigendis his instrumentis, ut fiat talis mutatio, quam Ars requirebat, ut restitueretur sanitas, summa hæret difficultas.

Omnia enim Medicamenta corpori viventi applicantur, per vitam actiuosa sunt, & sæpe in variis hominibus diversos, imò oppositos, producunt effectus, ratione peculiaris idiosyncrasiz: sed hoc nunquam à priori, determinari potest, per sola Experimenta cognoscitur.

Sed & idem remedium aliter afficit sanum hominem, quàm ægrotantem: post æstivos calores summos incensa bilis, levi stimulo purgante incitata, quàm enormes facit sæpe dejectiones! Sextupla dosis data hydropico languenti fecit nihil. Maniæ furentissimæ, à paucis granis scammonæi ante hunc morbum in syncopen usque mobili, data quinque grana mercurii vitæ fecerunt nihil.

Dum in chronicis morbis, tabesactis ferè & friabilibus redditus visceribus, vomitorium propinatur vel ex mitissima ypecacuanha, quantum imminet periculum!

Omnia hæc attendere debet prudens Medicus, nam exhibitum Medicamentum

(a) Celsi Præfatio, pag. 3. (b) De victu acut. Charter. Tom. XI. pag. 163.



extra ejus potestatem est. Monuerat Galenus (a) sive purgans dederis, sive vomitorium, &c, prima exhibitio in tua potestate est, reliqua sibi fortuna vindicat.

Sed & in morbis toties natura modis incognitis nititur expellere latens morbosum, sive morbi causa fuerit, sive effectus: qui tunc imprudenti consilio remediis oppositis turbat inceptum naturæ opus, nocebit semper.

Hinc doctrina Signorum & Methodi Medendi omnino necessaria; hinc adeo operosus in enarrandis signis Hippocrates.

Unde merito concluditur, Institutionum Medicarum omnes partes requiri cognitæ, antequam Praxi addiscendæ quis se accingat.

Idem concludit Galenus (b), dicens, *At non propter se cætera omnia ad Artem spectantia, aut discimus, aut docemus, aut denique auscultamus, sed quod eorum unumquodque sit ad finem utile.*

5. 7. **M**ORBUS (1), cùm corpori inhæreat, erit effectus corporeus singularis determinatæ causæ.

Ex antè dictis in §. 1, patuit, ab omni ævo Medices corpus curasse, etiam in illis morbis, ubi solæ mentis functiones videbantur læsæ: morbum quidem & morbi causam corpori inhærere, quando in corpore sensibilem mutationem percipiebant, dubitaverunt nunquam, sed multis visum fuit magnam paradoxum, idem affirmare de illis morbis, in quibus sola cogitatio læsa apparebat.

Sed videtur illud in nobis principium cogitans, quatenus sibi conscium est, esse immutabile, esse simplex, idem semper & ubique; de quacunque enim re cogito, scio me cogitare, præterea novi, de qua re cogitem: sed cùm omni momento cogitem alia, ergo in me cogitante manet aliquod semper idem, dum infinita varietas est, quæ me cogitantem afficit.

Hoc autem cogitans principium ex adorandi Creatoris voluntate sic unitum est corpori, ut mutato corpore, mutentur cogitationes; & vicissim mutatâ cogitatione, mutari possit corpus.

Totum ergo, quod Medicina potest, est, ut mutato corpore læsam mentis corpori unitæ actionem emendet. Sæpe autem leve vitium corporis totam mentem turbat. Sic observaverunt, fatuos à nativitate semper ferè habere capitis vitiatam figuram: sic uncia sanguinis effusi sub olla cranii totam humanitatem delet (c): puer octennis magnis caloribus aeris perdebat memoriam ferè omnium quæ dedicerat, per duos vel tres dies frigidiuscula tempestas reddebat perditam; calore redeunte eadem redibat calamitas. Innumera alia hanc rem evincunt Observata.

In corporis ergo mutatione morbos considerat Medicus.

5. 8. **C**UJUS accurata ablatio sanat.

Cùm ergo sollicita indagatione invenerit Medicus, quid in functionibus à sanitate deviet, & à qua causa facta fuerit illa corporis mutatio, quæ morbus dicitur, omni

(a) Galen. de venæsectione adversus Erasistratum, Cap. VII. Charter. Tom. X. pag. 401. (c) Histoire de l'Académie des Sciences an. 1705. pag. 73.

Artis molimine cognito niritur, ut hanc causam tollat: generale enim habetur axioma, sublata causâ, tolli effectum.

Notandum hic, quàm maximè fieri posse, ut ablata morbi causâ, hinc & morbo ipso, maneant tamen in corpore per morbum prægressum mutatae functiones, v. gr. homo laborat febrâ quartanâ autumnali, repetitis paroxysmis sæpe sic debilitantur solida, sic dissolvuntur fluida, ut nascatur hydrops; datur cortex Peruvianus, sanatur febris, manet hydrops: non tamen inde concludi potest, quod sublata morbi causâ, non tollatur effectus. Cortex enim Peruvianus latentem febris causam sic domuit, ut febris effectus hujus causæ, evanescat; sed per febrim mutatum sic fuerat corpus, ut hydropicum fieret, & sublata febre per corticem, causæ illæ manent, ex quibus hydrops ut effectus sequitur, debilitas nempe nimia in solidis, nimia dissolutio in liquidis.

§. 9. **A**UFFERTUR correcto malo singulari, vel per remedium in illud solummodo agens; vel auxilio in omnia simul aquâ vi agente. Hanc universalem, illam propriam, Medelam vocamus.

Duplex modus est, quo tollimus morbos, vel enim directè in morbos agimus, non mutato restquo corpore, vel totum corpus mutando inertem reddimus vel eliminamus morbum.

Quartana purgantibus, vomitoriis, sudoriferis, frustra tentata, imò per mediam salivationem (ut vidi) constanti typo pergens, tollitur cortice Peruviano; qui cæteroque corpus non observatur mutare, vocatur propria & specifica medela, quia dum febrim tollit, reliquum corpus non mutat. Opium deglutitum in ventriculo hærens, doloris sensum tollit, nec turbat corpus. Fortè plura talia latent ad alios morbos remedia, felices Medici, si novissent!

Calculus ex rene in pelvim, inde in ureterem delabitur, oritur intolerabilis dolor, spasmi abdominales, nauseæ, vomitus, &c. Si specificum cognosceret Medicus remedium, quo solvere posset impactum calculum, sanaret statim: sed talè auxilio caremus hæcenus. Fomentis, clysmatibus, venæsectione, decoctis emollientissimis mutat totum corpus Medicus, ut laxatis & lubricatis viis expellat hostem; hæc vocatur generalis medela.

Hæc ferè semper agit inducendo alium morbum: dum enim lue venerè laborantem hominem salivatione curat Medicus, facit per mensem & ultrâ ægrotare, ut à diro hoc morbo liberet.

Hic imitatur salutaria naturæ molimina, quæ, turbato sæpe toto corpore, morbosam causam eliminat.

Per asperæ arteriæ rimam micula panis illabatur, excitat natura, per fideles custodes nervos, tussim violentissimam, nec quiescit hæc, donec educatur.

Hinc ausua fuit concludere Sydenhamus (a) morbum, quantumlibet ejus causæ humano corpori adversentur, nihil esse aliud, quàm naturæ conamen materiæ morbi sic exterminationem in ægri salutem omni ope molientis.

(a) Pag. 321.

§. 10. **U**TRAQUE (9.) reperitur Observatione; similitudine; vel ratiocinio ex hisce binis.

Nullum est dubium, quin Medicamenta & Medendi Methodus inventa sint per Observata singularia; hæc enim videntur fuisse Medicinæ primordia, dum illa, quæ in seipsis vel aliis ægrotantibus viderant profuisse, suadebant iterum aliis, hac spe ut prodessent similitur.

Dumque videbant, morbum non omnino eundem, similem tamen morbo antè observato, affligere, ex similitudine concluderunt, eandem medelam esse adhibendam.

His binis contenta Empiricorum secta Medicinam absolvi posse contendebat: (a) dicebant enim, *Diligentes homines notasse, quæ plerumque melius responderent, deinde ægrotantibus ea præcipere cœpisse: sic Medicinam ortam, subinde aliorum salute, aliorum interitu, perniciose discernentem à salutaribus.*

Quodd si morbus incidat ignotus, Medicum (b) protinus visurum, cui morbo id proximum sit, tentaturumque remedia similia illis, quæ vicino malo sæpe succurrerint, & per ejus similitudinem opem reperturum; ... sed latentium rerum conjecturas ad rem non pertinere, quia non interfit, quid morbum faciat, sed quid tollat.

Deinde possunt ex his binis casto ratiocinio plurima in Arte utilissima deduci; modò nihil admittatur incerti quoad Observationes, nihil concludatur ex his, quod repugnet Experimentis: pulchro certè monito post examinatas Empiricæ & Ratiocinalis Medicorum sectæ disceptationes concludit Celsus (c) *rationalem quidem Medicinam esse debere, instrui verò ab evidentibus causis; obscuris omnibus, non à cogitatione artificis, sed ab Arte ipsa rejectis.*

§. 11. **O**BSERVATIO habetur: 1. ex accurata Historia morbi; enarrante causas, naturam, effectusque mali. 2. Ex enumeratione exquisita eorum quæ profunt vel nocent, dum casu, vel arte, morbo subministrata sunt. 3. Ex introspectis cadaveribus incisis eorum, quorum morbi observati fuerant prius.

1. Dum homo incipit ægrotare, habet in corpore aliquid mutatum à sanitate; aliter non foret morbus; hanc mutationem corporis prius sani sensibus detegere possumus: procedente morbo magis & magis defleat à sanitate, hinc novæ quotidie mutationes apparent, & quæ prius apparuerunt, augentur, persistant, minuantur, vel desinunt aliquando; omnia hæc accuratè notata illo ordine, quo se mutuo sequuntur, dant Historiam morbi. Sed jam morbus, ut effectus adæquatus, idem est cum sua causa completa sive proxima dicta, cujus præsentia morbum ponit, cujus absentia morbum tollit. Sed hæc causa proxima rarò simplex est, semper ferè composita ex aliis causis, quæ singulæ non sufficerent morbo producendo, quæ junctæ simul morbum faciunt. V. gr. pleuritidis causa proxima est sanguis inflammatoriâ spissitudine peccans, adactus in vasa angustiora, aucto simul per febrim motu: nulla ex his tribus causis sola pleuritidem facit, simul junctæ morbum hunc constituunt. Illæ

(a) Celsus Præfat. Lib. I. pag. 2.

(b) Celsus ibid. pag. 10.

(c) Ibid. pag. 10.

jam causæ, quæ simul unitæ causam proximam constituunt, sunt vel prædisponentes (προϋπάρχουσας) vel (προκαταρκτησας) dictæ, sive occasionales.

V. gr; homo valde plethoricus, calidissimâ aeris tempestate validos motus musculares faciens, ruptâ in cerebro arteriâ fit apoplecticus; causa remota prædisponens erat in hoc homine plethora, causæ occasionales erant calor aeris, & impetus sanguinis auctus per motus musculares; sed ille aeris calor, & validi motus musculares non fecissent apoplexiam in hoc homine, nisi adeo fuisset plethoricus.

Pulchrè hoc noravit Galenus (a), dicens corpore nostro ad morbos quasi præparato; externum quoddam adveniens febrim accendit, quoddam ex se morbum vehementem minime generaret, &c; & propter corporis dispositionem unumquodque horum non morbi causa, sed occasio redditur; has causas vocaverunt προπαύειν.

Similia & Celsus habet (b) nihil omnino ob unam causam fit, sed id pro causa apprehenditur, quod contulisse plurimum videtur; potest autem id dum solum est, non movere, quod junctum aliis maximè movet.

Qui jam accuratâ Observatione sic causam proximam morbi detexit, intelligit morbi naturam.

Sed morbus, sic cognitus in suis causis, dum pergit, omni momento corpus plûs mutat, functiones plûs lædit, & novos quasi morbos facit, qui vocantur effectus morbi, vocantur & symptomata; sic enim vocantur omnia illa præternaturalia, quæ ex morbo, ut causâ, in corpore ægroto fiunt ita, ut distingui tamen queant ab ipso morbo & ab ejus causa proxima.

V. gr; pleuriticus præ acerbitate doloris non audet inspirando pectus dilatare, hinc sanguis cordis dexteri per pulmonem difficilîus transiens incipit ibi accumulari, & facit peripneumoniam, quæ tunc est novus morbus ex pluritudine ut causâ natus.

2. Homo qui ægrotat, vivit, vita semper æstiva est, ergo aliquid movet, agit, vel non agit, æger aliquid bibit vel comedit, vel non: post singula hæc fit aliquid boni, vel mali. Medicus jam observat omnia illa, quæ fiunt tempore morbi, notat nocentia & juvantia, illa prohibet, hæc jubet. Hæc est illa doctrina de juvantibus & nocentibus tanti in Praxi usûs; hæc videtur Arti Medicæ dedisse primam ferè originem. Vide Celsum (c).

CASU. Dum multa aliquando tentant ægri, fiunt sæpe mutationes improvisæ in morbis & maximè notabiles, quæ sæpe ansam dederunt pulchris in Arte inventis. Galenus (d) sæpe vidit, non paucos febre ardente laborantes, eum jam mediocriter concocti humores essent, statim ex frigida potione liberatos.

Epilepsiam sanaverunt manantia capitis ulcera sponte enata, unde & artificialia profutura conclusit Tulpus. (e) Vidi in acuta continua febre pessimè delirantem hominem mox resipuisse, dum incendium suis vicinam domum occupasse audiret.

VEL ARTE. Licet omnia ex Artis regulis adhibuerit Medicus, tamen attentè mente debet spectare eventum, an profueint, an non. Hippocrates hoc in multis locis sollicitè inculcavit: sic certa dat signa, quibus distinguimus, an purgant datum profuerit nec-ne, dicens (f) si qualia purgari decet, purgantur, tum confert, tum facillè ferunt, si è contrâ, difficiulter. Ab aliis enim, quæ nocere videmus, abstinendum jubet

(a) Comment. 4. in Hippocrat. de victu acut. Charter. Tom. XI. pag. 178.

(b) In Præfat. Lib. I. pag. 16.

(c) In Præfat. pag. 2.

(d) Galenus Meth. Med. Lib. IX. Cap. xxi; Charter. Tom. X. pag. 220. 221.

(e) Observ. Medic. Obs. 8.

(f) Aphor. 25. Sect. 1.

ratio : ut autem quid certi de nocentibus & juvantibus statuatur, requiritur attentæ circumspèctio ad morbi indolem, aliter sæpissimè adscribetur remedio exhibitio, quod debebatur soli morbo; v. gr; dum in hemitritæ alternis diebus fit exacerbatio ex morbi natura, malè tunc adscriberetur remediis exhibitis molestia ingravescentis circa hoc tempus morbi.

3. Utinam liceret sæpiùs defunctorum cadavera scrutari! Quàm cauti essent in tractandis morbis Medici, si novissent; post mortem in cadavere se debere demonstrare, an bene an malè de Morbi indole judicassent! Quot non detegerentur latentes morborum causæ! (a) *Herophilus* & *Erasistratus* nocentes homines inciderunt vivos, nec crudele putaverunt, paucorum nocentium supplicii remedia populis innocentibus omnium sæculorum quæri: hodie sædum, imò crudele, clamant multi, mortuorum lacerare cadavera, ut viventibus certior Medicina fieret. Summà tamen cautelâ hic opus est: in cadavere enim invenitur tantùm ille corporis status, in quo erat, dum morti proximum fuit, plurima inveniuntur per morbum mutata, quæ utpote effectus morbi malè pro ejus causâ venditantur: dum suppuratâ pleuritide mortui cadaver lustrans Medicus invenit in thoracis cavo ingentem copiam puris, quam malè concluderet, pus illud fuisse morbi causam!

Infinita certè docuit prudens cadaverum inspectio, de quibus ne seminaissent quidem Medici. Quis credidisset per vomitum enormem posse œsophagum rumpi: lienem ingentis molis in pelvim posse prolabi elongatis vasis nectentibus; in ipsa cordis semper moti substantia posse nasci calculos, &c?

Dum visa in cadaveribus collegit in Sepulchreto Anatomico *Bonetus*, & ordine disposuit, latentibus morborum causis indagandis summam attulit lucem.

§. 12. **E**X similitudine concludit, qui observatis jam (11), adeoque cognitis, casum præsentem, hæcenus ignotum, comparans de indole & curatione mali incogniti argumentatur, à præteritis ad futura arguens.

In Exemplo res videbitur satis evidens. Vidit Medicus hominem febre acutâ continuâ cum dolore lateris punctorio, inspirationem impediente, decumbentem; observavit, nec per sputa, nec venæsectionem & alia auxilia levatum morbum, sed ortâ dispoenâ sensim auctâ post diuturnos languores exstinctum hominem. Notavit quæ profluerant, quæ nocuerant; in cadavere invenit saccum ingentem pure plenum pulmone compresso suffocasse hominem. Postea invenit alium ægotantem, in quo observat eadem phenomena, quæ in priori vidit in initio morbi, ex similitudine concludit similem & in hoc agro eventum metuendum esse: quæ priori profuisse visa sunt, adhibet, & omni Artis molimine funestum morbi eventum præcavere nititur. Hoc vocatur ex similitudine, ex analogia, concludere.

Dum epidemici novi morbi latentem rimabatur indolem *Sydenhamus*, sedulò observabat, quomodo in sanationem, mortem, vel alium morbum abiret; quænam adhiberet molimina sibi soli sufficiens natura, ut sanaret; hæc imitatus postea in simili casu ex analogia concludit.

(a) *Celsus Præfat. Lib. I. pag. 7.*

§. 13. QUI denique omnia, quæ ægro accidunt, observando cognita (11), ad amussim ponderat seorsum singula, comparat deinde inter se universa, confert iis, quæ in sanitate contingunt, hincque tandem severitate ratiocinii subacti assurgit in intellectum causæ proximæ; & auxiliorum ei tollendæ aptorum, verum Medici nomen meretur.

Quenam sit idea optimi Medici, sequentibus temporibus futuri, nescimus, sed qui utitur omnibus illis adminiculis, quibus hodierni sæculi felicitate Ars Medica illustratur, perfectus dicitur Medicus.

Geometræ docuerunt, quomodo in simplicissima quadam re diu examinata detegantur infinita, de quibus prius non cogitabatur. Quid simplicius ideâ circuli, quam unusquisque facillè percipit? Sed applicando huic simplicem rectam, quàm pulchra deduxerunt inde Geometræ!

Idem & in morborum consideratione verum est; illa enim, quæ Observatio detexit, data sunt, ex quibus, attentæ mentis acumine sedulò lustratis, infinita & saluberrima deducit in Arte prudens Medicus.

Hæc autem singula seorsim, non perfunctoriè consideranda sunt. V. gr; dum in quartanæ exquiritur initio oritur mirum illud frigus, quod sensim ex minimo gradu (auræ quasi frigidiusculæ sensu) in rigorem ascendit tantum, ut membra omnia tam rigida faciat, ut flecti nequeant, sæpe omnem tollat sensum sic, ut pedes ad ossa usque combusserint ægri sine ullo dolore; quàm multa illud Medicum docet! Demonstrat enim habetur in Physicis, quòd ignis absentia, vel non determinatio ad locum, sit frigus; sed ex legibus corporis humani hodie certò concluditur, frigus sequi imminutam circulationem; sed in quartanæ initio evidenter videmus imminutam circulationem, cor quidem celerius palpitat, sed auctas resistentias superare impotens ad extrema corporis vitalem sanguinem propellere nequit; hinc primò incipiunt pallere extrema, nasi apex fit pallidissimus, ungues & extrema digitorum pallent, sic & labia, &c; & dum frigus omnia contrahit, contractæ venæ suos humores majori impetu versus cor dextrum ducunt, cor interim sinistrum non potest evacuare contentum suo cavo sanguinem in arterias plùs contractas, hinc circa pulmonem & cor accumulatur sanguis, & inexplicabilem illam anxietatem facit, unde adeo anhelant, & omni respirationis molimine nituntur prementem hanc amovere sarcinam; hinc concludimus magnum tunc adesse mortis periculum, & metuendum esse, ne flagrans ferè in magnis venosis receptaculis sanguis in concretiones polyposas abeat; sæpe totâ vitâ non resolvendas.

Hinc non est bonus Medicus, qui tantum notat phænomena, sed qui illa ponderat, & quæ ex illis necessariò sequuntur, determinat.

Nec hoc sufficit adhuc, sed requiritur ut dein COMPARET INTER SE UNIVERSA: sequetur enim post summum quartanæ frigus, calor sensim increfcens in summum æstus usque; sed calor distendit, elongat omnia solida, augeat liquidorum volumen; sic fibræ solidæ per præcedens frigus accurtatæ, calore subsequente elongabuntur; sed nil plùs debilitat solidarum partium fabricam, quàm illa vicissitudo alternæ contractionis & elongationis: hinc tanta sæpe debilitas corporis post quartanam diu toleratam, & plurima, quæ inde sequuntur, mala.

Hic est secundus usus illorum, quæ in morbis apparent; primus usus erat singula seorsim considerare, & ab omni facie contemplari: deinde his in chartam congestis, ut memoriæ succurratur, secundus usus erat, illa considerata combinare, ita usque ad ultimum procedere. Sic faciendo ad omnem in Arte Medica ceritudinem possibilem pervenimus.

CONFERT IIS QUÆ IN SANITATE CONTINGUNT. Summi momenti in Arte hæc regula est. Sapiens *Hippocrates in Prognostico* inde, tot sæculis jam probata præfagia deduxit: jubet considerari faciem ægri, an similis sit bene valentium, sed maxime an sibi ipsi, pessimam autem dixit, quæ sanorum faciei prorsus contraria est; nasus acutus, oculi concavi, &c; faciem postea à Medicis dictam *Hippocraticam* describens. Decubitus ægri considerans confert cum sanorum decubitu, & in tantum damnat, quantum inde recedit: à moderato homine ferrox responsum damnat; præter consuetudinem aliquid facere, aliquid curare magno studio non consuetum, tanquam pravum & delirio proximum notatur in *Coacis Prænotionibus*. Innumeralia apud *Hippocratem* habentur: hæc pro exemplo adduxisse sufficiat.

Nullum enim apparet iam morbo phænomenon, quin sit actio læsa, quæ in sanitate exercebatur, & morbi magnitudo tanta est, quantus est à sanitate recessus.

HINCQUE TANDEM SEVERITATE, &c. Qui enim jam quartanæ frigus juxta regulas prædictas expendit, concludit illius causam proximam esse imminutam circulationem ob cordis vires expellentes minutas, vel resistentias auctas circa fines arteriosos, vel utrumque simul; sed cur distinctè hic dicitur, quodd sic acquiramus intellectum causæ proximæ? Quia causæ remotæ plures possibiles esse possunt, nec tam facillè intelliguntur omnes.

Sed ex intellectu causæ proximæ auxilia huic tollendæ idonea inveniuntur; dum enim novi, quid in quartana faciat hoc frigus, facillè concludo quid agendum sit, ut hoc curetur, vel mitigetur saltem: tenuis, tepidus, leviter aromaticus potus, cum levi frictione, diluendo liquida, laxando vasa, excitando parum vires vitales, totum absolvunt. Veteres Medici in balneum ægros deducebant, ut frigus febrile præcaverent. Dum aliam viam sequebantur Medici, quantum à veritate aberraverunt! Dum videbant quædam corpora effervesce simul mista, & tunc producere frigus, similem causam frigus febrile producere auctaster dixerunt: sed mors majus frigus producit, quàm in ulla quartana observatur.

§. 14. **O**RDO itaque optimus describendæ Historiæ & Curationi morborum erit, qui,

Datur hic casta methodus, quæ morbi describi debent, & curari, utinam observetur semper! Multi enim Medici, dum communis consilii causâ aliis casus examinandus traditur, non describunt phænomena observata, sed credunt sufficere, si indicaverint, quid sentiant de morbo, dein agenda ex communi consilio determinanda relinquunt: sed summo opere necessarium videtur, ut describantur omnia observata phænomena per totum morbi decursum, ut alii, qui consuluntur Medici, de morbi genio suum ferre possint iudicium, & legitimam inde agendorum indicationem deducere. Hoc autem optime fieri posse videtur juxta sequentes regulas.

1. Uniuscujusque mali phænomena individua, propria, communia, consideratè cognita; justo ordine; verâ fide, proponit.

1. PHÆNOMENA vocantur omnia illa, quæ in morbis apparent à sanitate recedentia; hæc jam vel sunt INDIVIDUA ET PROPRIA quæ in morbo describendo adfunt semper & nunquam inde possunt separari: talia v. gr; sunt in pleuritide, dolor acutus, punctorius, inspirando valide auctus cum febre acuta continua; hæc vocantur signa pathognomonica.

Præterea adfunt in morbis phænomena multis aliis morbis communia; v. gr; in pleuritide sæpe adest dolor capitis, lumborum, &c, quæ millenis aliis morbis adfunt, hæc vocantur COMMUNIA; omnia autem hæc debent notari JUSTO ORDINE, prout sibi mutuo succedunt, aliter tota descriptionis utilitas tollitur. Qui simpliciter diceret, variolis laborantem delirasse, nihil proferet, unde firma prognosis deduci posset: plurimum enim differt, an deliraverit in statu contagii, an post eruptionem variolarum. Nisi hoc observassent antiqui Medici, quomodo potuissent ex illis, quæ quarto die morbi apparebant, prædicere, quid septimo die futurum esset?

*Præterita dicere, præsentia noscere, futura prædicere, oportet, dicit Hippocrates (a).*

VERA FIDES. Omnia hæc debent proponi, prout morbi decursus offert, non autem detorqueri ad præconceptas hypotheses.

2. Cuncta, quæ acciderunt ægro ab iis, quæ gessit, ingessit, retinuit; excrevit, vel sibi applicuit, dum morbus adfuit, enarrat.

2. Summi momenti hæc regula est, & sine qua omnia in morborum descriptione obscura erunt & turbata: omnia enim hæc, quæ ingeruntur, vel applicantur corpori illud mutant, & ab illo vicissim mutantur; sed illas mutationes sollicitè distinguere debemus, ne confundantur cum illis, quæ ex morbi natura ægro accidunt: ingens enim in decursu morbi varietas est, dum variis tractatur modis. Quantum differre inter se vidit variolas Sydenhamus, dum calido vel frigido regimine tractabantur! Quantum exacerbantur omnia in morbis acutis, dum non quiescunt ægri! Quàm anomala apparuerunt symptomata in morbis ab imprudenter applicatis vel externè tantum cantharidibus, mercurio, arsenico, &c! Omnia enim hæc non agunt sola, sed cum morbo, nec morbus tunc agit solus, sed cum illis.

3. Auxilia Victus, Manus, Medicamentorum, unà cum vera methodo applicandi, prout casus, vel Ars, obtulit, exponit.

3. Candidè enarranda sunt omnia, quæ per Victum, Chirurgiam, Medicamentorum exhibitionem, observata fuerunt proficua vel noxia; dissimulandum nihil est. Hippocrates (b) ingenuè fatetur errorem, dum teli læsionem in vulnere capitis à futura non distinxerat; ægrorum plurimi, quorum morbos in Epidemicis descripsit, perierunt. Observatores plerique felices tantum successus narrant, infaustos tacent.

4. Ea, quæ ex hisce tribus, ut ex datis, juxta (13.) dictam legem effectu rationis verissimè deduci queunt, ita ut pro regulis Praxios accipi tutò possint, concludendo elicit.

Si jam tria priora collecta habeantur, ex his datis casto ratiocinio possunt deduci

(a) Epidem. Lib. I. Charter. Tom. IX. | (b) Epidem. Lib. V. Charter. Tom. IX. pag.  
pag. 59. | 340, 341.



regulæ fidelissimæ, quæ Praxi Medicæ dirigendæ inservient semper immutabiles. Certa Observata dum docuerunt, quartanam febri, quamdiu durat, epilepticos insulsus cohibere, imò sæpe radicitus tollere, meritò concluditur, quartanam epileptico accidentem esse relinquendam, tollendam minimè.

Dum ingruentes morbos, tanquam incognitum quid, sollicitè observabat *Sydenhamus*, vidit applicata quædam malè, alia bene celsisse, quasdam vias naturam affectare, opposita his methodo exacerbari omnia: ex illis deduxit Methodum Medendi, quæ tam felix fuit, & tantam jure merito auctoritatem in Arte obtinuit.

Debit hæc Observationum tædia sæpius devorare, dum nova constitutio epidemica, quamvis satis similis videretur prioribus, iisdem tamen tentata remediis infauslos planè exhiberet successus, quod tam candidè fatetur; eadè tamen indagatōis viâ novam & certam curandi methodum invenit.

Sic moniti ergo talem sæpe diversitatem in morbis satis sibi similibus obtinere, per regulas has datas testam morborum indolem rimari debemus, ut salutari Arte ægris prodesse possimus.

## §. 15. **M**ULTITUDO quidem morborum his ordinandis officit.

Qui omnia hodie cognita in arte Medica probè nosset, fortè in nulla re plus titubaret morborum Historiam descriprurus, quàm dum deberet determinare, unde inciperet, quomodo pergeret, ubi finiret. Certè vel apud optimos Auctores varius occurrit ordo; quidam à chylopoiesi & ejus actionibus læsis, dein ab hæmatopoiesi, &c, inceperunt; alii singulas partes corporis à capite ad calcem usque percurrerant harum morbos enarrantes: sed omnibus his methodis magnæ insunt difficultates; videtur sequens paragaphus simplicissimum ordinem dicere.

## §. 16. **S**ED ordinem dicat: 1. Clarius morbi notitia. 2. Simplicior ejus natura. 3. Facillima sanatio. 4. Ejus requisita ad alium intelligendum cognitio.

1. Ab evidentissimis enim incipiendum esse, omnis evincit doctrina, & Geometræ optimi veritatis Magistri ex paucis postulatis tam evidentibus, ut de illis nemo sanæ mentis dubitare possit, sensim procedendo innumera pulcherrima deduxerunt.

2. Simplicissimus morbus foret, qui unum tantum haberet phænomenon, (si fortè quis talis existat) si jam alter morbus duo vel tria haberet phænomena, à priori, tanquam simplicissimo, fortè incipiendum: sic enim à simplicissimis ad magis composita omnis ordinata doctrina procedit.

3. Facillima sanatio dicitur illa, cujus requisita morbum consideranti statim appaerent, & quæ sine magno artis molimine perfici possent.

4. Ad hanc rem quàm maximè attendendum est, ut ille morbus priùs explicetur, cujus cognitio requiritur necessariò, ut alii intelligi possint. Solebat celeberrimus horum Aphorismorum Auctor hæc occasione semper Auditoribus suis enarrare, quod morbos in chartam conjecerit, & illis dein applicuerit has quatuor regulas, & deinde deduxerit sequentes conclusiones.

*Tomus I.*

**C**

§. 17. **EX** quo fundamento (16.) omnes sequenti serie tractabimus.

§. 18. **MORBORUM** itaque simplicissimorum species, & curatio præmittenda reliquis.

Hæc sponte sequuntur ex prædictis.

§. 19. **SOLIDARUM** ergo partium morbi explicandi & sanandi primum locum postulant.

Omnes morbi sunt vel solidorum vel fluidorum, vel amborum simul; sed fluidorum indoles longè intricatior est & magis composita, quàm solidorum, hinc secundum præmissas regulas à solidorum morbis est incipiendum.

§. 20. **FIBRÆ** simplicissimæ solidæ morbi explicati, sanati, inter hos (19.) denique primi sunt.

Inter partes solidas corporis nostri nihil possumus simplicius concipere fibrâ; vasa enim ex membranæ ex fibris constant: fibra autem vocatur pars corporis humani secundum longitudinem extensa, quæ ratione latitudinis suæ consideratur habere partes nullas; hinc comparari potest lineæ Geometricæ, quæ definitur esse longitudo latitudinis expers: manet jam hæc fibra simplicissima, quantumcumque longa fuerit, modò nullam habuerit latitudinem.

---

## MORBI FIBRÆ SOLIDÆ SIMPLICIS.

§. 21. **ILLÆ** partes, quæ ex fluido vasis contento secretæ, sibi mutuò vi vitæ, & ope glutinis tenuissimi, aquosi, pinguisve, applicatæ, fibræ minimam faciunt, sunt minimæ, simplicissimæ, terrestres, vixque mutabiles per eas causas, quæ in nobis viventibus deprehenduntur.

Fibra jam simplicissima constat ex partibus minoribus secundum longitudinem sibi mutuò appositis; hæc partes fibræ constituentes, non ampliùs dividendæ in minores, vocantur elementa fibrarum. *Elementum enim dicitur, quodcumque minima est pars illius rei cuius est elementum* (a). Quæ ex binis talibus elementis secundum longitudinem sibi appolitis concrevit fibra, est omnium minima, unicum tale elementum, solum consideratum, non facit solidum, sed in fluidis hæret; combinata elementa fibræ constituunt.

Quomodo jam hæc fibræ nascuntur? Certè adultus homo ducentas libras pendens in prima sua origine latuit in spumantis libidinis guttula, & ex tantillæ moleculæ excre-

(a) Galenus de Hippocratis & Platon. placit. Lib. VIII. Cap. 11. Charter. Tom. V. pag. 229.

vit tam vāsum pondus; totum illud augmentum in solidis partibus per fluida allatum fuit; docent hoc *Malpighianæ* Observationes in ovo incubato factæ, jam tentatæ ab *Hippocrate* (a), ubi ex albuminis attenuato liquido per incubarum, intra 21 dies, pulvis jam solida firma adeo habens, ex invisibili molecula crevit.

Sed illud albuminis liquidum debuit per organa fabricata pulli adhuc ulterius attenuari & perfici, antequam per vascula illa, quæ suâ parvitate omnem captum fugiunt, potuerit transire.

Et tamen cum hoc fluido subtilissimo vehebantur illa elementa solidarum partium.

Hinc merito concluditur, quod partes illæ constituentes fibræ solidam sint *MINIMÆ*.

Sed & sunt *SIMPLICISSIMÆ*; si enim aliud simplicius concipi posset, non forent elementa ex data definitione.

**TERRESTRES.** Audax videtur sortè propositum determinare sic horum corporulorum fibras constituentium naturam. Terrestre vocamus illud, quod nec in aqua solvitur, nec ad ignem fluit, sed fixum perstat: sed partes solidæ animalium Arte Chemicâ omnibus volatilibus orbæ tales dant reliquias. Numquid putrefactio, quæ terram à reliquis principiis perfectissimè separat, hoc evidenter docet: cadaver humanum sub terra desolatum per multos annos dum hæsit, & postea lustratur, quid exhibet? Nisi exsiccatum induruerit, ut aliquoties observatum fuit, omnia pristinam figuram retinuerunt, sic ut facies distingui possit; sed levi concussu collabuntur omnia, & repetitur terræ subtilissimæ pauculum, quæ firma plerumque adhuc ossa tegebant; eadem hæc ossa diu aeri aperto exposita, vel igne aperto usla, omnibus sic expulsi, meram terram relinquunt.

**VIXQUE MUTABILES, &c.** Docuimus, ubi vividissimo igne metalla explorant cum plumbo fusa, testulas suas inde conficiunt omnium optimas, quæ cribri instar plumbum transmittunt, pretiosa metalla retinent. An credibile est tantâ ignis vi immutabiles partes à causis in nobis viventibus deprehenfis mutari posse? Possunt coherere inter se, possunt iterum dissolvi, cæteroque immutabiles.

Mirum videri posset, fixam adeo & insolubilem tetram potuisse latere in subtilissimis liquidis. Chémia hoc fieri docet. Animalium spiritus salini alcalini, igne expressi, limpidissimi, terram gerunt; olea animalium destillationeeducta, purissima quamvis, repetitis destillationibus terram relinquunt, tandemque terrâ suâ depositâ evanescunt in auras. Videtur enim terra hæc stabilitatem dare reliquis principiis.

Sed requiritur, dum ex his elementis terrestribus fiunt fibræ nostræ solidæ, ut cohererent inter se: hoc in nobis facit vis vitæ applicans fibris jam factis nova elementa, quæ depeditorum loca suppleant; illud vocamus nutrire. Et quantum apparet res factas considerando, dum sortè modum, quo fiant, ignoramus, sit hoc interpositione **GLUTINIS AQUOSI VEL PINGUIS.** Aqua enim incredibilem vim habet corpora adunandi; lapidis alabastrini exusta calx, oris halitu dissolvida, (gypsum vocant) aquâ additâ fit ductilis pasta, brevi in lapideam duriciem concrefcens: conchyliæ in calcem usla pollinem exhibent tenuissimum, volatili levitate pulmonem tam sepe noxium; cum aqua subactus ille pulvis dat pastam igne in durissimum lapidem convertendam: & in durissimis animalium partibus, ubi nemo suspicaretur aquam adesse, incredibilem copiâ hæret: dum siccissimum ebur, vel quæ per

(a) De natura pueri, Cap. x. Charter. Tom. V. pag. 322.

annos latuerant in Officiis cervorum cornua aridissima, ex retortis vitreis destillantur, maxima pars volatilis fit, Inque excipulum transit, & magna copia aquæ sic exprimitur, residuum fragile est.

An hoc voluit indicare sapiens *Homerus* (a), dum *Heclore* Græcos ad singulare certamen provocante, hi obmutescerent? *Iratus Menelaus* ipsis annihilationem quasi imprecatus, dixit:

*Vos quidem omnes aqua & terra fiat.*

Ἄλλ' ὕμεις μὲν πάρος ὕδωρ ἔχ' ἡγία γένοιθε.

Sed & pingue gluten terrestres partes cohzere facit, docent iterum *Chemica Experimenta*. Quamdiu enim ultimum illud oleum, nonnisi ignis in aere libero agentis vi separandum, adhæret partibus animalium, cohzrent adhuc, hoc expulso in cineres fatiscunt: ossa calcinata fragilissima, oleo immissa, iterum cohzrent.

§. 22. **Q**UARE in his (21.) separatim spectatis, nullus occurrit morbus, qui Medicis observatus, sanatusque describitur.

Si jam minima illa elementa, ex quibus adunatis fibra simplicissima fit, separatim spectentur, de illis certè nihil dicere novimus. Qui subtili speculatione voluerunt & horum morbos indagare, nihil unquam dixerunt bonæ frugis. Transpenti posse, à cohzsione cum aliis dimoveri concipimus; immutabilia autem penitus esse corporum elementa suadet constans per sex mille annos *Universi* facies.

Hæc enim minima solidarum partium elementa vel considerantur, dum fluidis in-hærentia per vasa deferuntur, sed tunc horum morbi, licet cognoscerentur, fluidorum forent vitia; vel considerantur, dum adunata solidam partem faciunt, sed tunc non ampliùs sunt elementa, sed conflatum ex his solidum.

§. 23. **S**ED in fibra minima, ex adunatis his (21.) concreta, morbi simplicissimi sequentes, (24. ad 38.) considerari merentur: sunt enim frequentes, & fundamenta jaciunt intellectui aliorum, licet prætervisi, vel non bene cogniti.

Omnium ergo simplicissimi morbi non in elementorum vitiis, quæ fortè in æternum nos latebunt, sed in fibræ minima, horum adunatione, facta, quaerendi sunt. Dum enim vel bina tantùm inter se cohzrent elementa, varia cohzsio potest morbum facere: & uti ex sequentibus patebit, nimia vel nimis parva cohzsio in fibris solidis simplicibus, & vasibus & visceribus inde formatis, infiniis morbis originem dare poterit.

Hi autem morbi ferè prætervisi fuerunt; nam nequidem *Methodici* dicti, quibus destricto & laxo doctrina solet adscribi, de his simplicissimis morbis egerunt.

Paret ex horum doctrina à *Celfo* b) descripta. *Satis esse credebant, communia morborum inveni, & quidem horum tria genera esse; unum adstrictum, alterum fluens, tertium mixtum. Nam modò parum excernere ægros; modò nimium; modò alià parte parum, alià nimium.*

(a) *Homer, Iliad. Lib. VII, vers. 99.* (b) *Lib. I, in Præfatione, pag. 15.*

## MORBI FIBRÆ DEBILIS ET LAXÆ.

§. 24. *FIBRÆ* (23.) *debilitas* vocatur adunatio partium minimarum (21.) cum nisu in cohesionem tam parvo, ut vel illo levi motu solvi queat, qui sanitatis effectū sit, vel non multum majori.

A quacumque demum causa fiat cohesio elementorum, fibrarum constituentium, inter se, poterit facile concipi, quod illa vis, quæ coherent, possit augeri, possit minui; debent vasa nostra ex fibris conflata cedere posse impulsu liquido, & distendi, nec nimis tamen; debet manere cohesio sine ruptura: hinc requiritur certus & determinatus cohesionis gradus in fibris nostris, qui, si major vel minor fiat, morbum faciet.

Debilitas ergo fibrarum nunquam poterit definiri nisi relativè. Primis post conceptionem septimanis, hominis rudimentum ad tactum liquefcit, & nisi æquabili pressione ambientis fluidi sustineretur, in informem mucosam massulam collaberetur. Tam parva cohesio fibrarum requirebatur hoc tempore. Sed quantum jam robur cohesionis in his requiritur in adulto!

Sed & in variis partibus ejusdem hominis quàm diversa requiritur cohesionis vis. Longè minor videtur esse cohesio ultimi solidi, quod mollem pulsam nervi acoustici facit, quàm illius, quod durum Achillis dictum tendinem constituit.

Hinc fibra solida tunc minùs debilis dicitur, quando non potest integrè cohesione sustinere illum motum, qui ad functionum exercitium in sanitate requiritur.

Neque hoc adhuc sufficit, sed debent semper paulò majorem vim posse sustinere. Si enim solida illa ultima haberent tantum talem cohesionem, quæ placidum fluidorum per vasa motum in sanitate posset sustinere, non ultra, solveretur statim, ubi aucta circulatio majori momento motus pelleret liquida per vasa. Sed à levibus adeo, nec ullà prudentià humanà evitandis causis augetur circulationis velocitas! Audito subito fragore mox cor palpitāt celerrimè, omnes arteriæ pulsant velociùs: risus, rissus, sternutatio quantum accelerant sanguinis motum!

In morbis aliquando apparuit, quàm misera sit conditio hominis habentis fibras solidas tam debiles, ut tantum pacatissimo motui sustinendo pares sint.

Qui debili nimis pulmone sanguinem rupta arteriola exspuunt, si quiescant, per venæsectionem minuuntur distendentis vasa sanguinis quantitas, nil in victu fumant, quod movere vel irritare potest, satis commodè vivunt; si valida tussis miseros corripit, vel imprudenter clament, animi affectu valido agitentur, &c, tenera nimis pulmonis vasa, aucto sic imperu transmissi sanguinis, rumpuntur, & undatim profuso sanguine sæpe subito pereunt.

§. 25. *HANC* (24.) antecedunt: 1. impedita ingestorum assimilatio in naturam liquidi vitalis sani; quæ debetur jacturæ nimis humoris boni, & inertiae virium solidorum in liquida; vel alimentis magis tenacibus suā indole, quàm virium permurantium in corpore virtus est.

C lii

2. Debilis nimium applicatio partis unius (21.) ad aliam, quæ oritur à nimis debili motu liquorum, isque ut plurimum à defectu motus musculorum. 3. Nimia distractio fibræ rupturæ proxima.

1. Certissimum est, quodd conslemus illis, quibus nutrimur; sed materies, quæ nutrit, præparetur in corpore, ut nutriat: hinc ingesta sola ad hanc rem non sufficiunt, ut in §. 1, explicatione jam notatum est; sed requiritur actionum naturalium integritas, ut fiat illa assimilatio ingestorum in naturam nostram, & restituantur illa, quæ vitæ actuositas abstulit. Dum conclamatis phthificis vel optima ingerunt alimenta, Medici mirantur non proficere, sed deficit in illis illa assimilans virtus, sine qua nulla perfici poterit nutritio. Merito igitur damnavit *Galenus* (a) ad hoc non attendentes Medicos, nomine quidem methodicos, opere verò ab omni methodo alienos (ἀμεθόδους) vinum & carnes dantes, ac tanquam in vas inanimatum (ὡς ἀψυχὸν ἀνέστος) nutrimenta infundentes.

QUÆ DEBETUR JACTURÆ NIMIÆ HUMORIS BONI. Dum consideramus illa, quæ accidunt crudis ingestis, antequam in nostros humores convertantur, videmus, quodd incredibilis copia liquorum humanorum illis admisceatur. Inter manducandum saliva & mucus oris, linguæ, palati, faucium, &c; in ventriculo succus gastricus, inde exeuntibus utraque bilis, ingentis pancreatis latex; in omni intestinorum puncto novi admiscetur jam per fabricam corporis elaborati humores: subtilissimis fistulis lacteis receptus chylus lymphæ copiam ingenti diluitur, in ductu thoracico totius ferè corporis lymphâ reduce perfunditur, ex hoc tandem guttatim in subclaviâ venam deductus chylus integro sanguinis torrente abreptus ablorbetur: hinc merito concludere licet, inter præcipuas assimilationis causas esse numerandam illam miscelam pauci crudi ingestii cum tanta copia humorum coctorum.

Pulchre hanc rem confirmant Experimenta: dum robustissimis mililibus per vulnera ferè omnis exhaustus fuit sanguis, alimenta avidè quamvis ingesta non subigunt & mutant in bonum sanguinem, sed hydropè sepulti languent, debilitatâ totius corporis compage.

Quantus manet languor & quàm diu, in scæminis per abortum maximâ copiam sanguinis orbatis!

Omnes aliæ evacuationes nimis per alvum, urinam, sudorem, &c, idem efficiunt.

INERTIÆ VIRIUM SOLIDORUM IN LIQUIDA. Dum chylus recens sanguini ingestus arteriarum pulmonis & totius corporis efficaciam per aliquod tempus perpeffus est, jam lactis indolem habet, lac autem jam propius ad naturam nostram accedit quàm chylus, post longius spatium, ut *Lowerus* (b) docuit, feri jam indolem habet; sed toto hoc tempore vasorum in fluida actionem expertus est, quæ est ille renixus, quo vasa nostra distendens fluidum reprimunt. Quo ergo hæc vasa firmiora sunt, (modò non nimis rigida cedere possint liquidis impulsis) eò plûs agunt, & eò citior & melior fit subactio ingestorum in naturam nostram.

Dum debilis, languidâ chlorosi torpet puella, ingerit nutrimenta quidem, sed non inde perficit bonum sanguinem, sed lac quasi tantum; unde tota pallet, imò imprudenter sectâ venâ in tali casu vidi sanguinem exivisse album. Si in his vires paulò plûs valent, plûs mutantur ingesta, non tamen perficiuntur integre, tunc oritur co-

(a) De ratione victus in morbis acutis ex Tom. XI. pag. 189.  
Hippocratis sententia, Cap. rv. Charter. | (b) De Corde, pag. 259.

lor flavescens, viridescens: deficit enim in his solidarum partium actio in fluida; tumet, impletur crudis, sed non fit bona nutritio.

Per terrum ingestum, & corporis exercitia augeatur in hac puella vis firmarum partium in fluida contenta, incipit tumens subsidere facies, amœno roseo colore genæ & labia perfunduntur, redit debitus vigor toti corpori.

VEL ALIMENTIS MAGIS TENACIBUS, &c. Admissio maximæ copię humorum coctorum ad pauculum crudi chyli, & actio solidarum partium in contenta fluida, erant bini illi modi, quibus conspirantibus crudum ingestum in nostram convertitur substantiam. Sed, quamvis hæ actiones adeo efficaces sint, ut ex tot & tam variis ingestis ultimo suo effectu conficiant sanguinem humanum, tamen requiritur in alimentis talis dispositio, ut per has vires permurantes nostri corporis possint superari (a); ipsa enim concoctio est in coquentis substantiam (visum) deductio quædam ejus, quod concoquitur; corpore igitur secundum naturam habente, quando & concoquendum familiarem habuerit naturam respectu coquentis, mutatio & alteratio totius substantiæ coquendi fit, aut maximæ ejus partis, paucissimo nobis immorante semicotto.

Dum in urbibus obsessis fame pressi coguntur obvia quævis devorare, languent, debilitantur omnes. Cum (b) propter annonæ penuriam pane & libis ex semine lini collis vestebantur Middelburgi in Zelandia, distenta his valde citò hypochondria fuerunt, & facies aliæque partes tamidæ factæ, quorum non pauci sic affecti etiam mortui sunt.

Non poterat indomabile gluten leminis lini in bonum nutrimentum converti.

Cum depravato appetitu arenam, calcem, lanam, & plurima alia abiurda devorant puellæ, quàm debiles, quàm pallidæ fiunt!

Proportionalis ergo debet esse ingestorum tenacitas viribus assimilantibus, vel non reficitur inde corpus, sed gravatur. Dum teneris infantibus de plebe homines, ex farinosis non fermentatis pultes, solani esculenti tubera, &c, ingerunt, tumet miseris abdomen immaniter, decrescit reliquum corpus.

Hæc probè cognoscens Hippocrates jussit (c) ut, dum motbus in vigore fuerit, tenuissimo uterentur victu; oppressa enim tunc vi morbi natura impar est validioribus alimentis immutandis, & ex hoc fonte plures saluberrimas in victu regulas deduxit alibi.

2. Dum sanissimus homo suffocatur sub aquis, habet omnia solida & fluida ac antè, nulla tamen fit assimilatio, nulla restituitur fibra, deficit enim vis vitæ movens, distribuens, applicans: licet enim ingerantur in corpus talia, in quibus sunt elementa fibris restituendis idonea, nisi per vim vitæ applicentur, firmentur, nulla fit nutritio.

In illis morbis, in quibus vitalis humorum circuitus languet, licet optima dederis nutrimenta, nil proficis; potes hæc corpora replere ut tumeant, graventur, imò suffocentur ferè; bene nutrire non poteris; docent hydropici.

Circulationis jam velocitas imminuta, est causa præcipua, cur non fiat debita applicatio elementorum ad fibram nutriendam.

In corde autem videtur origo & fons vitalis motus hætere, per quem motum expulso ex thalamis cordis sanguine, dilatantur arteriæ omnes, quæ postea contractæ motum impulsu sanguinis continuant.

(a) Galen. Comment. 2, in Epidem. 1 Char-  
ter. Tom. IX. pag. 55.

(b) Dodonæi Stirp. Hist. pag. 534.  
(c) Aphor. 8. Sect. 1.

Sed inter causas, quæ cordis motum faciant, præcipua fortè est venosi sanguinis influxus in cava cordis: diu enim post mortem protruso sanguine venoso versùs cordis thalamum dextrum, redit cordis motus, ut certissima docuerunt Experimenta: verùm turgent musculi dum agunt, comprimunt adjacentes venas, sic venosi sanguinis motum versùs cor accelerant, hinc cor irritatum citiùs contrahitur, hinc celerior sanguinis circuitus.

Hanc rem confirmant certissima Experimenta: dum bini iisdem parentibus orti fratres vario utuntur vitæ genere, dum unus Sapientiæ studia excolens sedentariam degit vitam, alter venatu, equitatione, bellicis laboribus corpus firmat, quanta in corporis robore est differentia! Prior debilis puellæ instar labili valetudine fruitor, alter firmato per labores corpore, Herculeo serè robore gaudet.

Validis cursibus quotidie assuetus equus quiescat in stabulis opimâ brevî pinguedine turget, sed simul longè debiliior fiet, solitis laboribus impar omnino.

*Otium humefcat & corpus reddit debile, labor ficit, & corpus robustum efficit (a).*

3. Nil magis docet impossibilitatem explicandi per principia Mechanica singularium corporum naturam, quàm cohæsiō, mira illa corporum proprietas: cohærent partes ferri inter se, illud ferrum ducitur in tenue filum instrumentis musicis applicandum, circumducto vertibulo illud filum fit longius; fit tenuius, pauciores particulæ se mutuo tangunt, tandem ulteriùs distractum rumpitur, & extrema rupta, licet sibi mutuo applicata, cohærebunt nunquam: hinc cohæsiō potest sensim per gradus ita minui, ut tandem fiat nulla, & circa momentum rupturæ vix cohærent ampliùs; vel saltem sic tantùm cohærent, ut levissimâ vi accedente disrumpantur: idem in fibris nostris solidis obtinet.

Dum invitis maleficis per tormenta veritatem exprimunt, solent suspensis applicare ad pollices pedum pondera sensim aucta; hæc tormenta passi per plures dies vix possunt membra movere, serè paralytici à sola distensione.

Numquid distenta nimis per diu retentam urinam vesica omnem se contrahendi vim amittit? Distenti abdominis in gravida muliere cutis & panniculus adiposus, excusso quamvis distendente sætu, totâ vitâ flaccida & rugosa manent.

§. 26. **P**RODUCIT autem facilem vasculorum ex his (24.) conflatorum extensionem, rupturam, in sua liquidâ contenta inertiam; unde tumores ab distendentibus, putrefactiones ab stagnantibus vel extravasatis liquidis, tum ea, quæ ex binis hisce sequuntur, infinita.

Res hæc evidenter patet, si supponatur, corpus humanum perfectè sanum statim fieri nimis debile in omnibus fibris solidis: omnia vasa nostra constant fibris inter se inflexis & intricatis, hinc vasorum omnium robur penderet à robore harum fibrarum: sed major aut minor cujusque vasis capacitas mensuratur ratione compositâ ex ratione directâ imperiùs liquidi impulsu, & ratione inversâ resistentiæ laterum: cùm ergo, debilitatis fibris constituentibus latera vasorum, minuatur resistentia laterum, impetu interim liquidi impulsu manente eodem, necessariò distendentur vasa.

(a) Hipp. de Viâ&ratione Sanorum, Lib. II, Cap. x. Charter. Tom. VI. pag. 474.



Si pars corporis, pes, v. gr; exponatur vaporī tepidæ aquæ, quo nil plūs debilitat, tumebit paulō pōst & fiet œdematosus.

Dum pergit causa eadem fibras debilitare, à minima vi fiet cohesio nulla, id est, ruptura, uti toties docuerunt tristia exempla, dum tenelli homines tam facili à tussi, cantu, clamore, &c, habuerunt ruptam in pulmone arteriam.

IN SUA LIQUIDA CONTENTA INERTIAM. Distenta ab impulso liquido vasa arteriosa suarum fibrarum efficaciam reprimunt fluida: dum nituntur minuere fibræ capacitatem vasis, quod constituunt, liquida contenta premunt, compingunt, mutant: & ab his binis omnia in corpore pendent; dum ergo minuitur fibrarum robur, facili patet, quòd vasa ex his constata minùs agant in fluida contenta.

TUMORES AB DISTENDENTIBUS. Ratio dicta fuit. Observata certissima rem demonstrant. Dum incipit languida chlorosi debilitari tenera virgo, mox incipiunt laxissima illa sub palpebris loca (*ὀφθαλμοὶ ὑπερβολικὰ* dixerunt veteres Græci) tumere, dein tota facies turgidula, alba, apparet; & dum quotidie increfcit humorum moles movenda, non aucta causâ mortice, tota incipit tumere in omnibus serè partibus: sic & in primo initio cacochymiz leucophlegmaticæ lætatur sæpe homines, dum credunt se bene valege & pinguescere: dum per multos dies aer nebulosus est, corpora omnium hominum apparent inflata, quia partes externæ sic quasi in perpetuo ponuntur balneo, unde labefactæ cedunt liquidis distendentibus.

PUTREFACTIONES, &c. Quamdiu æquabili motu per vasa circumducuntur humores, nulla nascitur in corpore putredo, omne illud, quod inciperet disponi ad putredinem, solitis corporis viis eliminatur: sed dum debilitata solida non possunt propellere distendentia fluida, fit stagnatio, & in calore aeris communis omnia liquida humana (si fortè pingua exceperis) sibi relicta putrescunt solo lacte excepto, (quod nondum omnes dotes humani liquidi acquisivit), hinc longè plūs in calore corporis nostri, qui semper aeris communis calorem superat: idem verum est, dum rupta ob nimiam ténertitudinem vasa suos effundunt humores.

Si jam hæc applicentur variis partibus humani corporis, apparebit, ex simplici hac causa oriri posse infinita & gravissima mala.

Dum tener nimis pulmo impetum sanguinis corde expulsi ferre nequit, ruptis vasibus hæmoptoe; & toties inde immedicabilis phthisis.

Dum cerebri vasa debilitata vel distenduntur nimis, vel rupta effundunt suos humores, omnes morbi functionum animalium à levissima vertigine ad lethalem apoplexiam usque oriri possunt. Idem in aliis visceribus verum est, hæc pro exemplo sufficiunt.

§. 27. **E**X hisce (§. 24. 25. 26.) præsens, futura, præteritave noscitur: effectus prævidetur; & curationis requisita perspicuntur.

Qui jam bene intellexit omnia antè dicta, de natura fibræ simplicis nimis debilis, de illis, quæ antecedunt hanc debilitatem, de phænomenis, quæ hoc docent, & de effectibus, quæ sequuntur; poterit facili definire, an adsit nimia fibrarum debilitas: hæc vocatur *diagnos* in Medicina, sive evidens cognitio morbi præsentis distinctissimi ab omni alio, & denotat morbi naturam individuum: hæc *diagnos*

habetur, si novimus præcessisse tales causas Physicas, quæ semper antea hunc morbum fecisse deprehensæ sunt. Si v. gr; homo à propria temperie jam debilis, balneis aquosis, potibus similibus tepidis frequenter usus inertio torpuit, tunc novi præcessisse tales causas, quæ fibræ debilem faciunt, hoc primum est diagnosis fundamentum. Alterum diagnosis fundamentum est cognitio morbi in sua natura & effectis præsentibus, quæ si sensibus parent, per illos observantur; sed morbi recti natura cognoscitur, quando cognoscuntur effectus facti ab hoc morbo ut causæ, unde qui novit effectus fibræ debilis, poterit detegere, an adsit, vel non.

**PROGNOSIS** autem significat, cognoscere aliquid, antequam fiat, unde est cognitio, nata in mente Medici, morbi alicujus certò futuri, qui nondum est: cognoscitur morbus futurus ex causis cognitis talibus, ut nondum faciant morbum, sed quæ majores factæ, vel aliis unitæ faciunt morbum: v. gr; si noverit Medicus temperiem hominis vergere ad hæmoptoen, monebit hunc morbum ipsi metuendum esse, licet nunquam antea laboraverit; jubebit, ut caveat ne aromata vel vinum copiosè ingerat, abstineat à clamore, cantu, &c: nam prognosis non habetur ex eo, quòd cognoscamus causam completam morbi in ægro, tunc enim jam adesset morbus, sed quòd cognoscatur causa quædam Physica, prædisponens ad morbum cognitum ut pars causæ totalis, & quòd prævideat Medicus, alteram causam accessuram, quæ priorem illam prædisponentem faciet completam. Dum pleuritide decumbit æger, & à Medico petitur prognosis, & ille videt, non esse pessimam, nec tamen retolvi pernaturam, nec ullà criticā evacuatione vel metastasi causam morbi materialem educam fuisse, nec idonea adhibita fuisse Medicamenta, tunc prædicet, quòd pleuritis illa suppurabitur: hæc prædictio non pendebat à pleuritide præsentē, sed juncta talibus causis, quæ faciunt inflammationem in suppurationem tendere.

Sic evidenter intelligitur, quid sit diagnosis, quid sit prognosis.

Si jam observatæ fuerunt illæ mutationes, quas morbus, per diagnosis cognitus; fecit in corpore sano priùs, possum ex his mutationibus visis in ægro concludere, morbum adfuisse; hæc vocatur *ἀναμνησις*, *recordatio*.

**CURATIONIS REQUISITA.** Hoc jam est magnum illud Artis molimen: curare enim est, corporis præsentem conditionem Physicam, unde morbus sit, sic permutare, ut salvā vitā redeat integritas læsarum functionum.

Postquam enim diagnosis docuit morbi nomen, ejus statum varium incrementi; &c, partem affectam, & materiem peccantem in parte affecta; & prognosis demonstraverit, quænam speranda, quænam metuenda sint; tunc ex his omnibus concluditur, quænam sint agenda: hæc vocantur *Indicata*, & scientia sic nata in mente Medici vocatur *Indicatio*.

Semper hic primò consideramus, an morbus naturæ sit committendus, an verò Ars aliquid addere debeat: vivit enim æger, & per vitæ superstitis effectus multa fiunt, quæ nondum sunt; si hæc mutatio à vitâ superstitē facta talis est, ut per certā Observata constiterit, illam posse causam morbi sic mutare, ut redeat sanitas, nihil agendum est. V. gr; si pleuriticus primo morbi stadio tussi rejicit mucosam flavam materiem cum strigmentis sanguineis, cum levamine omnium symptomatum, ex fide Veterum Observatis novimus, quòd si possit hæc expectoratio sustineri, intra paucos dies sanabitur æger: hinc nec venæsectionibus, nec aliis remediis turbabimus salutare hoc naturæ molimen, sed dabimus tantum mollissimam decoctā, quæ hanc expurgationem suslinere possunt; sed si v. gr; in pleuritico

videmus febrim magnam, calorem urentem, tussim siccam linguæ siccitatem, nec ulla observantur signa, quæ docent, naturam affectare aliquam metastasin salutarem, tunc novimus, quodd si pergant in hoc corpore agere illa, quæ nunc agunt, sequentur vel lethalis gangræna, vel, si mitior fuerit morbi indoles, suppuratio semper bona, ubi materies suppurata poterit extrorsum educi, sed hic magnum instat periculum, ne pus factum in cavum thoracis decidat, & funesto empyemate ægrum necet: hinc tunc concludimus, hic non esse sibi relinquendam naturam, sed validis Artis auxiliis mutandum esse sic morbum, ut non fiat suppuratio vel gangræna: hæc autem auxilia ex cognita morbi indole & causis prægressis patebunt.

§. 28. **H**ÆC enim obtinetur: 1. nutrimento, in quo materies (21.) abundet, quodque jam ferè ita præparatum sit, ac in corpore sano & forti sit. Lac, ova, jura carniū, decocta panis bene fermentati, vina austerā, primaria sunt. Quæ parvā copiā sæpe repetitā sumenda. 2. Aucto moru solidi & fluidi per frictiones, vectiones in equo, rhedā, navi, ambulationes, cursus, exercitia corporis. 3. Leni compressione vasorum, liquidorumque repulso. 4. Medicamentis acido austeris, aut & spirituosius fermentatis, prudenter, lenitèrque usurpatis. 5. Omni modo, quo nimia distractio tollitur.

In hoc casu ponitur nullum vitium in toto corpore, nisi sola debilitas fibrarum, hinc ille morbus jam abstractè sumitur: non possumus faciliè curare fibrā præsentem nimis debilem, ut fiat requisitæ ad sanitatem rigiditatis, sed futuræ ex lege corporis fibræ possumus talia suppeditare elementa, ex quibus per vires vitæ fiet fibra satis fortis.

Prima causa debilitatis nimis fibrarum recensetur impedita assimilatio crudi assumpti in ultimum illud coctum, quod est materies omnium subtilissima, per minima vasa delata: sed ut fibræ fiant satis fortes, debet adesse materies debita illis apponenda; sed hæc est illa, quæ omnium viscerum & vasorum actiones passā juxta sani corporis legem ultimæ elaborationis perfectionem adeptæ est: sed dum fibræ nimis debiles supponuntur, & omnium vasorum in fluida contenta actio à debito fibrarum robore pendeat, omnes functiones permutantes crudum ingestum in nostram naturam erunt minus efficaces, hinc in tali corpore per vires proprias non poterit præparari ultima illa materia, quæ nutrimento inservit: mirantur hinc sæpe Medici cur optimæ carnes debilitati homini ingestæ non nutrant, sed hæc tantum præbent materiem remotam, unde vitæ actiones nutrimentum faciant, & his functionibus læsis frustra dantur optimi cibi.

Dum in utero materno hæret tenellus embryo, matris viribus præparati humores illum nutriunt, debile enim corpusculum non valeret ex aliis minus assimilatis suum facere nutrimentum; recens nato lac materno in corpore præparatos humores infundit: sic naturæ modum imitata Ars Medica debilibus talibus corporibus ingerit jam præparata in corpore sani animalis nutrimenta: inter illa præcipuum est,

**LAC.** Proprio lacte omnis homo nutritur, & ex eo solo omnia reliqua solida & fluida vi suæ vitæ perficit; est enim in viris æquè ac fœminis semper præsens, licet nunquam pepererint, nunquam nutrices fuerint; ex sexagenario sene, solâ suctione

lac eductum narratur (a), & ex mammis mulieris non prægnantis (b); est enim chylus, cordis, pulmonis, arteriarum actiones passus, omnibus humoribus, mistus, mammarum mirabili fabricâ inde separatus.

Omnium jam optimum lac & humanum ad hos usus, utpote naturæ nostræ maximè analogum, hinc semper præferendum lacti aliorum animalium: lac illud debet esse foeminae sanæ, quæ salubri motu corpus exercet, & victu laudabili utitur, & integro ætatis flore viget; omnium optimum, si quatuor vel quinque post partum horis ducantur ubera, tunc enim chylus in lac coctum jam mutatus est, & alimentorum indole depositâ, incepit humanam induere naturam; ingens enim est differentia, prout lac vario post ultimum partum tempore ducitur. Quod statim post ingestos cibos & potus in mammis colligitur, crudum est, & multum de ingestorum indole retinet: quod duodecim ab ultimo partu horis ducitur, jam tenue, subflavescent, foetorem suburinofum serè instar feri sanguinis habet; intermedio hinc tempore optimum lac est.

Sed & aliud maximè notandum hic est; omnia animalia, quæ lacte materno utuntur, illud ducunt de uberibus, nunquam aeri exponitur lac, sed omnibus suis parvibus subtilissimis dives teneris præbetur animalibus: videntur enim lacti inesse subtilissimi spiritus, ultimâ concoctione in sano corpore elaborati; docent hoc tot nervi concurrentes ad chyli & lactis officinas, subtilissimos ros exhalans ex lacte recens multo adhuc calido, miræ mutationes observatæ in tenellis infantibus à lacte assumpto: vidi sic infantem, qui irâ furentis nutricis ubera duxerat, mox fuisse convulsam, licet sanissimus fuisset antè.

Sed jam ab omni ævo corpora interitura præ debilitate conati fuerunt Medici refocillare, dum subtilissima illa exhalantia de valido juvenili corpore insinuantur debilissimis corporibus sub iisdem stragulis decumbentibus.

Sic *Davidis* effœtum senectute corpus fovebatur sanissimæ puellæ in eodem lectulo decubitu (c); si ergo lac jam penitus frige factum, vel postea igni admotum iterum exhibeatur, jam subtilissimum illud, quod præ cæteris requirebatur, abest.

Dixit hinc *Galenus* (d), *Veteres* verò etiam mulierem lactantem illis, qui phthoe consumerentur, adflare voluerunt, quorum sententiæ ipse quoque accedo, & quòd famulare id sit, & quòd priusquam ab ambiente aere refrigeretur, id sumi voluerint.

Et alibi (e) postquam similia præfatus fuerat, lac comparat semini genitali, quod nec ipsum aliquamdiu extra propria vasa, si modò suam virtutem servabit, morari patitur, sed vel in maris partibus contineri, vel foemina partes tangere debet: & sanè optimum lac est, si quis ex ipsis mammillis extraxerit, &c. Postea ridens quorundam morositatem, addit: quod cum exhiberi sibi, ceu pueris, plerique recusent; utique ceu asinis ipsis dare asinum convenit.

Confirmaverunt jam hanc rem Observata plurima. *Capivaccius* nobilissimæ gentis unicum hæredem servavit, dum inter binas florentis ætatis decumbentem nutrices ubera illarum ducere iussit.

Juvenis marasino verò correptus Bononiæ, juvenulæ nutricis pulcherrimæ ubera ducebat, & in eodem cum illa lecto dormiebat, unde sic instaurabatur exsuccum

(a) Miscell. Cur. Dec. II. An. 5. pag. 60. Append.

(b) Miscell. Cur. Dec. I. An. 3. pag. 12.

(c) Regum, Lib. III. Cap. 1.

(d) Method. Med. Lib. V. Cap. xii. Charter-Tom. X. pag. 123.

(e) Method. Medend. Lib. VII. Cap. vii. Charter. Tom. X. pag. 160.

corpusculum, ut metuerent, ne inrempeſivâ venere perderet renaſcentes ex lactis uſu vires (a).

Defectum lactis humani proximè ſupplet aſininum, poſt caprinum, dein vaccinum.

Ova, quæ fragili ſub teſta tot miracula recondunt, & per immortalis *Malpighii* Obſervationes tantam lucem animalium generationi aſſuderunt, ad hunc ulum pariter adhibentur.

Albumen ovi, ſero ſanguinis humani plurimis dotibus conveniens, habet in ſe materiam, quæ calore incubatûs murgæ intra viginti & unum dies, in ſacculo colliquamenti latens, vitale ſtamen pulli in tantam molem facit excreſcere, vitellus enim non conſumitur, ſolum albumen videtur nutrimento pulli in ovo ſervire.

Hinc optimum in ſe nutrimentum habere merito affirmatur: dixit *Hippocrates* (b) *volucrum ova validum quid & nutriens & inſtans habent: validum quidem, quia animalis generatio eſt; nutriens, quia lac eſt pulli; inſtans, quia ex parva mole in multam diſſunduntur.*

Albumen ovi hinc præcipuè commendatur ad nutriendos debiles homines, ſed dilutum aquâ, ut tenacitatem amittat, & levi aromate conditum, ne nimis fatuo ſapore diſpliceat; repidâ autem aquâ dilui debet, ſervidæ enim aquæ calore coagulatur in ſciſſilem maſſam, diſſicillimæ digeſtionis.

Multum tamen deficit à lactis uſu, albuminis enim ovi liquor, antequam nutriat pullum, ejus vaſorum & viſcerum actionem expeſiri debet, cum in lacte jam adſint humores ſubtiliſſimi animali fabricâ præparati.

Vitellus autem, licet nutrimentum optimum det, requirit firmiorem viſcerum ſabricam, nam, ut *Harvæus* (c) poſt *Ariſtolelem* pulchre notaverat, pullus primis ab excluſione diebus vitello, intra ſuum abdomen concluſo, pro nutrimento uitur; albumen autem conſumitur illo tempore, quo pullus ex inviſibili molecula in ovo ad debitam magnitudinem creſcit, hinc videtur facilius in nutrimentum converti poſſe quàm vitellus.

Videtur ergo *Galenus* locutus fuiſſe (d) de ovis coctis, non de crudis, ubi debilibus vitellos commendat præcipuè, quia albumen difficile concoquitur (*Συνετοιμαστέον τὰς ὄβας*); uti clarè patet, dum in alio loco de ovis ſorbilibus loquens ſimilia dicit (e).

**J U R A C A R N I U M.** Inprimis ſi animalia, quorum carnes juſculis parandis adhibentur, viginti quatuor ante mortem horis jejuna manſerint, tunc enim omnes crudi humores per fabricam animale mutati ſunt in debitam indolem: carnes mactatorum animalium ſucculentæ penitus ſunt, ſanguis tantum ruber, pro maxima parte educus fuit, reliqui omnes adſunt humores, qui inter coquendum aquæ miſti debilibus corporibus præbent materiam in ſani animalis corpore jam elaboratam; ſed inter coquendum pars ſubtiliſſima avolat, quæ retineri poſſet, ſi in machina *Papiniana* coquerentur; ſed decocta ſic parata ſaponaceum, nauſeoſum ſatis ſaporem habent, dum pingue carnibus ſemper adhærens ignis & aquæ validiſſimâ actione in vaſe exactiſſimè claſſo ſic attenuatur, ut aquæ intimè miſceatur; præterea nimis me-

(a) *Foreſti, Obſerv. Tom. I. Lib. IV. p. 152.*

(b) *De ratione Viſûs ſinorum Lib. II. Cap. v. Charter. Tom. VI. pag. 469.*

(c) *Harvæi Exercit. de generatione Animal, pag. 93.*

(d) *Method. Medendi. Lib. XII. Cap. vi. Charter. Tom. X. pag. 185.*

(e) *Method. Medendi ad Glaucon. Lib. I. Cap. x. Charter. Tom. X. pag. 355.*

raca sunt hæc jufcula, & dilutione indigent; hinc in vafis vulgaribus, quantum fieri poteft, altis & claufis diurnâ coctione omne folubile ex carnibus educi poteft, fic ut meræ folidæ fibræ mufculofæ fuperfint, jufcula hæc dein refrigerata pingue fuper-natans, in frigore plerumque concrefcens, habent, quod follicitè auferendum, ne debiliū ventriculū offendat, citò rancefcens hoc oleum.

Magnus tamen error foret credere, eò meliora effe in hos ufus jura carniū, quò meraciōra; *confummata* enim dicta indomabili tenacitate debilem ventriculū potiùs gravant, hinc moderata requiritur dilutio.

Sic tamen decoquendo in vafis vulgaribus multū perit de fubtiliffima parte, docet gratus & reficiens halitus ex vafis non bene claufis transpirans, dum carnes decoquantur.

An ideo ferociffima funt illa animalia, quæ vivas carnes laceratas devorant? Certè canes crudas carnes vorantes ferociffimi evadunt.

Solent præferri ad jufcula carnes ex genere gallinaceo, vitulina dein, poft ovilla, bubula denique (a). Si negligitur fubtiliffimum illud pro maxima parte exhalans in vulgari coctione, reliquum quod nutrit hæret in parte illa gelatinofa, quam infpiffata jufcula exhibent. Experimenta tunc docuerunt, quòd vitulina caro plùs habeat de illa parte gelatinofa quàm bubula, ovilla caro adhuc parum plùs quàm vitulina, pulli carnes minùs dant, galli veteris carnes duplum ferè refpectu carnis vitulinæ (b). In loco citato tabula habetur variam in diverfis carnibus proportionem exhibens.

Ex vitulina, ovilla, bubula & gallinacei generis carne permiffis optima & fapidiffima habentur jufcula, inprimis fi his poftea pauculū fucci citri vel aurantium adfpergatur, ut nimia in putredinem proclivitas tollatur.

**DECOCTA PANIS BENE FERMENTATI.** Magni ufus apud illas gentes, quæ calidiffimis regionibus viventes ftricta & macilentia corpora habent, in quibus in morbis acutis flatim omnia in fummam vergunt putredinem. Requiritur ut per fermentationem nimia frumentorum glutinofitas frangatur, ne noceat, tunc decocta inde facta feri lactis fpiffitudinem ferè habentia optime profunt, meraciōra lactis cremorem ferè æquantia minùs facilè digeruntur: tali decocto poftunt grata aromatata, vini pauculū addi, fic magis reficiunt.

Notandum tamen, quòd hæc ex pane præparata decocta tantū eò ufque perfici poftint, ut chylo fimillima fiant, quatenus chylus ex ingeftis conflat, non quatenus admiftis humoribus humanis conficitur; hinc fempet de vegetabili natura participant: fed ut ex chylo fiat liquidum humanum, requiritur pulmonis inprimis, uti & reliquorum vifcerum & vaforum actio: hinc in phthificis & omnibus aliis, quibus debiles nimis pulmones funt, in folo ferè lactis ufu falutis fpes pofita eft: ideo panis decocto longè magis remotam ab ultima perfectione nutrimenti materiam habent, quàm lac.

**VINA AUSTERA** In vinis omnibus mirus ille ineft, & naturæ humanæ gratiffimus ftimulus, omnia excitans, omnia calefaciens: dum modicâ copiâ ab homine non admodum affueto fumuntur, oritur promptitudo omnium fenfum, fuma in omnibus membris agilitas, incredibilis lætitia; dum meditationibus exhaustus Philofophus pauculū vini forbet, mox inde reficitur, & redit menti pacata illa ferenitas, & novus quafi vigor. Petulca illa vina, ut Campanum, &c, hoc habent, fed citò eva-

(a) Herm. Boerh. Mater. Med. pag. 2. (b) Acad. des Scienc. An. 1730. Mém. p. 314. & fuiv

nidum; austera vina firmius quasi hærens illud spirituosum magis durabili actione corpori applicant, & simul adstringente vi debiles fibras plus roborant, hinc in hoc casu præteruntur: omnium optimo successu exhibentur, dum panem biscoctum his vinis madidum deglutiant omni trihorio, sic non tam cito dilabitur vini virtus, & novam quasi viram flaccidis primis viis inspirat. In pane & vino robor & virtus est (a).

PARVA COPIA, &c. Sæpissime hic peccatur, dum volentes reficere debilia hæc corpuscula, nimiam copiam simul ingestam obtuunt. Quantæ sunt angustiae, dum phthisici plusculum, licet oprimi nutrimenti, ingentes novo chylo debilem pulmonem gravant nimis! Sapiens naturæ institutum iussit, ut debiles infantes sæpius, sed parviori copia lac maternum sumerent: nisi hoc observetur, reliqua omnia, utilissima quamvis, proderunt nihil.

2. Inter causas debilitatis nimiae fibrarum debilis nimis applicatio partium ad se muru numerabatur; hæc tollitur, dum solida fortius agunt in fluida contenta, à solidorum enim in fluida actione & reactione muru, omnia in corpore pendent. Hæc autem actio & reactio instauratur.

FRICTIO, quæ est alterna quasi pressio & relaxatio partium corporis: levis frictio solas venas premit, validior & arterias: premendo venas per frictionem acceleratur sanguinis venosi motus cor versus, hinc cordis excitatur motus, ergo velocior fit propulsio per omnia vasa; potest ideo vis vitalis per frictiones augeri, nullo alieno intra corpus introducto, ad quemvis gradum: potest enim per frictiones frigidissimo hydropico calida excitari febris: in illis corporibus, ubi præ inertia nullum ferè ex chylipoieticis visceribus suoungebatur munere, frictiones jejuno homini per totum abdomen factæ pannis asperis laneis dederunt mirabiles effectus. Hinc Veteres & ad tuendam sanitatem & ad curandos multos morbos tantè fecerunt frictiones.

Dum in stabulis equus relinquitur neglectæ cutis sordidæ depuratione, intra paucos dies fit ad omnia inutilis; dum ferreo pectine quotidie cutis raditur, perfricatur fetis, agilis manet per multos annos.

Nec minùs quotidie corpora pecudum quàm hominum defricanda sunt: ac sæpe plus prodest pressâ manu subegisse terga, quàm si largissimè cibos præbeas: sic monuit Columella (b).

Frictiones autem variae erant, & oppositis sæpe serviebant usibus; hinc Hippocrates, dixit (c) *frictio potest solvere, ligare, carne implere, minuere: dura, ligare; mollis, solvere; multa, minuere; moderata, carne implere*. Dum enim cum oleosis mollibus perfricatur pars, laxior fit.

In fibra autem debili curanda frictio pannis laneis asperis calidis, inprimis penetratis fumo accensis succini, mastiches, &c., ut simul hoc aromaticum, roborans thymiana laxis se insinuet partibus, maximè prodest; sed sensim hic progrediendum, nec statim validissimis utendum frictionibus, ne stagnantia multa in distentis nimis vasis, nimiam copiam cor versus pressa; illud obruant & suffocent, vel tenera nimis adhuc vasa aucto imprudenter motu frangantur.

VECTIONES IN EQUO. Omni momento tunc viscera abdominalia; imò & thoracica, pendula concutuntur, sibi invicem leniter quasi affricantur, in-

(a) Homerus Iliad. Lib. IX. Vers. 702.

(b) De Re Rustica, Lib. VI. Cap. 30. p. 597.

(c) De Medicis Officin. Charter. Tom. XII. pag. 94.

terim aer purus majori impetu in pulmones agit, omnibus his simul conspirantibus incredibiles fiunt mutationes: notandum, debilem hominem non debere equitare pleno ventriculo, sed ante prandium, vel post digestionem ferè peractam, distento enim ventriculo non sine molestia hos concussus equi, ferunt debiles homines, jam ferè vacuis primis viis residuæ fæces hoc concussu eliminantur.

Tanti fecit equitationem Sydenhamus (a), ut non tantùm leviora mala, sed tabem tantùm non conclamaram, ubi jam nocturnis sudoribus funesta adeo phthisicis diarrhoea accesserat, se curare posse confidat solâ equitatione, nec magis efficacem credidit Mercurii in lue venerea, vel cœcis Peruviani in febribus intermittentibus usum, quàm equitationis in curanda phthisi.

Sed sensim auctis equitationis vehementiâ & tempore, non subitò & semel validissimâ equitatione defatigandum monet, & pulchra ibidem curationum exempla adducit.

Deinde addit, quòd licet equo vehi phthisicis præcipuè conferat, tamen & itinera turru facta mirandos sanè effectus ediderint.

Hinc tam debiles, ut se sustinere non possent equo insidentes, rhedâ vehantur, donec plùs firmato corpore equitationem ferre possint. Ab omni tempore hominum debilissimis, infantibus nempe, profuit gestatio & in cunis agitatio.

NAVI autem vehi conducit debilibus: si placido navis feratur motu, miram alacritatem perspiratione auctâ solet excitare, famem augere, ingestorum digestionem promovere: illa autem, quæ sit procelloso in mari, jactatio robustissimum hominem non assuetum vertigine, vomitu, anxietate intolerabili, ipso animi deliquio, afficit, hinc casu aliquando inveteratos morbos sic sanari novimus, debilibus tamen tantæ in corpore excitatæ turbæ minimè prodesse.

Omnia jam hæc inprimis profunt debilibus, quia sine defatigatione multa beneficio motus fruuntur, postquam autem sic inceperunt redire vires, tunc motu musculari firmandum corpus.

Hoc autem fit per **AMBULATIONES, CURSUS, EXERCITIA CORPORIS.**

Nisi enim tales ægri velint his uti, sensim in eandem calamitatem relabuntur: hoc roties dolemus in Praxi, dum à languida chlorosi curatæ puellæ, sedentariam vitam nimis amantes, negligunt restauratum corporis robur sustinere corporis exercitiis, post paucas enim septimanas æquè debiles, æquè pallidæ sunt ac antè, volunt ex ingestis nutrirî, & nihil agere: nunquam sic inde faciunt bonum sanguinem, sed iners & vappida redit cacochymia. *Cibi enim & labores adversas inter se potestates, mutud tamen ad sanitatem conferentes, habent: labores namque ea quæ adsunt, solent consumere, cibi verò & potus, quæ vacuata sunt, replere (b).*

Quantùm autem possit ad firmandum corpus nimis debile motus muscularis, dictum fuit ad num. 2. §. 25.

In his iterum à lenissimâ ambulatione incipiendum, sensim augendo in cursum usque: profunt inprimis corporis exercitia, quæ mentem simul delectant, dum corpus movent, ut pilæ ludus, Ars gladiatoria, &c. Unde & sapiens Vetuslas præmia proposuit illis, qui in his exercitiis gymnasticis reliquos superarent, ut sic juvenilia corpora ad bellicos labores firmaretur; Cyrus Persis, quos rectè instituere semper

(a) In Dissertatione Epistolari pag. 523. 524. | I. Cap. 11. Charter. Tom. VI. pag. 448.

(b) Hippocrat. de Viâ, ratione Sanorum Lib.



studuerat, quasi legem dedit, ne ipsi unquam sine labore cibum caperent (a).

3. Maximi momenti est hoc monitum, cum sæpe pro desperatis habitis morbi sanati fuerint solâ leni compressione vasorum, quæ nunquam debet esse tanta, ut vasorum cavitatem integre tollat, tunc enim vita suffocaretur in parte, sed ut tantum reddat vasa angustiora, quam sine hac compressione fuissent, sic enim cavetur, ne vasa nimis debilia distendantur nimium à fluidis contentis; vasis enim capacitas non à solo distendente liquido, sed ab excessu hujus super resistentiam vasis pendet: sed quò fibra plus distrahitur, eò fit debilior, hinc omne illud, quod distractionem fibræ impedit, causam debilitantem tollit; fasciæ jam vel vestes artius appressæ corpori, succiendi vasa, illud suppleant, quod deficiens solidorum robur facere non poterat, nempe impediunt nimiam dilatationem.

In morbis curandis plus per hanc methodum proficitur, quam per omnia alia. Dum hydrops anasarca crura, femora, tumida reddidit, & casu vel arte, ruptâ cute, exstillaverit aqua omnis, flaccidæ pendulæ manent partes, & nisi circumductis fasciis firmaveris, paulò post æquè tumidæ fiunt.

Dum asciticis perforato abdomine aquosam colluviem educunt, nisi statim circumductis loris stringant pendulum abdomen, sæpe ipso momento lethalis syncope adest; vel postea omnia in pendulas & laxas partes ruunt, & citò recrefcit dirus hydrops.

Dum dilatatis vasis stagnantia vel certè minus mota liquida hærent in cruribus, accedente inprimis scorbuticâ labe, toties erosa cute fiunt ulcera illa caecothæ, ad optima quævis sæpe rebellia; fasciæ circumductæ sic constringentes partes, ut in vasis dilatatis non possint hære liquida, profuerunt toties.

Memini me curasse nobilem puellam, quâ in genere nervoso morbiore nuncquam vidi: à minimo sono, lumine vividiori, convellebatur illico, miros motus cum lacerationis sensu in abdomine sentiens: nec ferulacei succi, nec adeo salubre in his casibus castorei virtus, proderant: dum autem fasciis crura, femora, totum abdomen ad mammas usque firmabantur, remisit statim molestum malum, & datis dein idoneis remediis convaluit: per menses tamen sic, instar mumie Ægyptiacæ ferè, fasciis circumductis vixit non invita, cum illico tantum inde sentiret solamen.

4. Descripta hætenus fuit curatio debilitatis nimix in fibra solida simplici, quatenus per usum rerum non naturalium & Chirurgica remedia (fasciarum v. gr; circumductionem) perficitur: superest jam talia eligere Medicamenta, quæ ingesta corpori, & naturæ viribus commissa, talem faciunt mutationem, qualis requiritur, ut fiat sanitas. Fibrarum elementa nimis debili cohesione unita faciebant morbum: requirebantur ergo remedia, quæ corpori applicata facerent, ut fortior esset illa cohesio: talia jam in *Materia Medica* habentur.

ACIDO AUSTERA, quæ adstringentia vocantur: omnia hæc applicata linguæ vim suam satis manifestè exerunt; totum enim os exsiccat, confectis omnibus exhalantium vasorum osculis; lingua ipsa contracta quasi & brevior fit, hinc *Galenus* (b), dixit, *gustûs solius proprium est discernere, quod vim adstringendi habet*. Videtur enim omnibus his Medicamentis hæc inesse proprietas, ut applicata corporis partibus faciant elementa fibrarum propius quasi ad se invicem accedere & plus coherere, imò vel mortuorum animalium partibus hæc applicata hoc efficiunt; dum enim coria animalium diuturnâ maceratione omni adherente pingui orbaverunt coriati,

(a) *Mercur. de Arte Gymn.* p. 9. (b) *Meth. Med. Lib. VIII. Cap. 11. Charter. Tom. X. p. 1844*  
Tonus I, E

hæc emollita penitus serè diffiunt, tunc austeris his additis debitum robur reddunt. Hoc vocavit *Plinius* (a) coria perficere, dum de punicis malis, dixit: *Corticis major usus ex acerbis ad perficienda coria*. Viliores longè quercûs cortices his usibus hodie hîc adhibent. Vegetabilia præcipua talibus viribus prædita in *Materia Medica* recensentur.

Sed inter acida austera fossilia reliquis serè omnibus palmam præripit ferri, in acidis vegetabilibus fermentatis soluti, usus; quo miraculi instar tumentia illa frigida debilia corpora reviviscunt: nulla sit inde evacuatio liquidi diffidentis, sed novum robur accedit vasî, quò plûs contra promoveant stagnantes serè humores: illi autem, qui evacuando curare volunt hos morbos, plûs debilitant.

Dum his utuntur, sentiunt gratum calorem renasci toto corpore, subsident omnia tumentia, color pallidus labiorum, genarum, &c, in rutilum sanguineum mutatur, torpor ille & ad minimos motus anhelitus cedit, & pristina redit agilitas, omnes insurgunt functiones, & nova quasi redit vita.

Idem præstat ferrum in acidulis fontibus Medicatis solutum.

**SPIRITUOSIS FERMENTATIS.** Si alcohol purum affunditur fero sanguinis, vel albumini ovi, illa mox coagulat: si partes solidæ animalium in alcohole detineantur, sunt duriores longè, & contrahuntur in omnem dimensionem; hinc revera vis hæc accurtandi solida animalium in alcohole adest, sed simul humores coagulat: hinc in usu spiritu um fermentatorum summâ cautelâ opus est, nam duplici hoc effectu inspissandi liquida & contrahendi solida infinita mala possunt producere, si imprudenter usurpentur. In cadavere ebriosæ mulieris lien, pancreas, hepar, pulmones, sicca, scirrhusa, pro parte quasi petrefacta, glandulæ omnes internæ, externæ, inveniebantur lapideam serè habere duritiem (b). Plurima similia apud alios leguntur Observatores.

**PRUDENTER LENITERQUE, &c.** Omnia enim hæc assumpta primò agunt in ventriculum & intestina, & nunquam integris suis viribus possunt ingredi sanguinem; tunc enim nocent: unde debent dari parçâ copiâ simul, & repetitis vicibus, ut diluta humoribus nostris sensim intrent in sanguinem. Acerbissimus acaciæ *Ægyptiacæ* succus si ad pauca grana tantum ore retineatur, omnia contrahit, omnia oris interni vascula inhalantia & exhalantia sic stringit, ut per semiquadrantem horæ os totum siccissimum maneat: itaque si illud vasorum lacteorum tenerrimis orificiis applicaretur, hæc constringendo sibi ipsi viam intercluderet; sed dum omnia hæc in primas vias agunt inprimis, nec nisi multum diluta ingredi possunt lacteorum oscula, & sursum quasi se sanguini insinuare, hinc non nisi valde jam imminutis viribus ad ultima illa venire possunt. Pulchre hîc convenit monitum *Galenî* (c) dicentis, *Quocirca Medicamenti, sive id foras applicatum, sive ex illis fuerit, quæ devorantur vel potantur, potestatem præsentem non oportet considerare, sed qualem habebit, ubi ad affectum locum pervenerit.*

Hæc autem acido austera, inprimis validiora, imprudenter adhibita, partim coagulando liquida, partim claudendo omnia vasa tenerrima, quæ superficiem internam ventriculi & intestinorum constituunt, miserrimos possent producere morbos.

Ilinc ferrum in lenibus acidis solutum reliquis serè præfertur, quia non tantum vi austera adstringendo agit, sed sulphuris sui metallici, naturæ humanæ adeo amici, miro stimulo vires vitæ incitat.

(a) Lib. XIII. Cap. xix.

(b) Acad. des Scient. l'an 1706, Hist. pag. 29.

(c) De Method. Medend. ad Glauco. Lib. II.

Cap. iv. Charact. Tpmu. X. pag. 375.

5. Distractio removebat à contactu mutuo minimarum fibrarum elementa : hinc disponebat ad cohesionem nullam, id est, rupturam. Status ille proximus rupturæ est debilissima cohesio, minimâ vi superadditâ separanda : omne ergo quod distrabit, minuendo cohesionem, facit debilitatem. Dum chorda musica appenso pondere tenditur, fit longior, aucto adhuc pondere, extensio augetur, tandem rumpitur. Momento ante rupturam coherebat adhuc, sed tam parum, ut exiguo pondere addito rumperetur : qui ergo tunc aufert pondera distrahentia, auget chordæ robur.

Idem in nostris fibris verum est : dum enim distendentes causæ minuuntur, crescit omni ferè momento fibrarum robur, quo nituntur se accurrere. In morbis exempla evidentissima hoc docent. Homini cuidam scirrhusus tumor œsophagum sic presserat sensum auctus, ut ultimis miserrimæ vitæ mensibus non nisi paucas guttulas lactis aquâ diluti, vel tenuis iusculi, & adhuc cum summa molestia, potuerit deglutire. In hujus cadavere vidi ventriculolum non excedere ferè suâ capacitatis tenuis intestini molem : tot enim septimanis nullo modo distentus fuerat ventriculus, hinc fibræ ejus sensim se sic contraxerant in tam breve spatium.

Mira enim hæc proprietas in omnibus nostri corporis partibus firmis obtinet, ut si diu in eodem contactu maneant, postea sic cohereant ut divelli non possint.

Dum fracto crure decumbit homo, nec Chirurgus subinde articulos leviter flectit ; sanatus postea habet immobiles illas articulationes : ligamenta enim, nullo motu articuli per tot septimanas distracta, induruerunt rigida facta.

§. 29. **LAXITAS** Fibræ vocatur ea cohesio partium (21.) inter se quæ parvâ vi potest mutari ita, ut fiat se ipsâ longior ; unde patet, hanc esse debilitatis (24.) speciem, & *flexilitatem* inde pendere ; adeoque hæc omnia clarè ex dictis (21. 22. 23. 24. 25. 26. 27. 28.) intelligi, ut & *imminutam elasticitatem*. Namque vitrum corpus fragilissimum, Arte ductum in filamenta subtiliora aranæ filo, coheret ; estque flexile quaquaversum minimâ vi in omnes spiras, absque ruptura. Crescit pro subtilitate flexilitas. *Ac. Reg. Sc. 1713. Hist. 11.*

**LAXITAS.** Debilitas fibrarum nimia dicebatur adesse, quando non poterant ; manente cohesione, sustinere illum impetum, qui ex sanitatis actionibus fieri debebat ; vel licet perfectissimæ sanitatis efficaciam sustinere possent, aucto parum mora (quod in vita humana inevitabile est) rumpebantur. Laxitas autem nimia adesse intelligitur, quando fibræ impetum vitalis motus sine solutione cohesionis quidem ferunt, sed à parva vi distractæ nimis, sunt se ipsis longiores.

Filum sericum, appensum pondus sine ruptura sustinere non potens, fibræ nimis debilis ideam dat : filum autem ex plumbo mollissimo factum, eodem pondere statim immaniter elongandum sine ruptura tam facili, fibræ nimis laxæ speciem præbet.

Sed à debita laxitate pendet,

**FLEXILITAS** : ut enim omnia illa fiant in corpore, quæ per motum humorum ; vasorum, muscutorum, facta quotidie observantur, debebant solidarum partium elementa partim à contactu mutari, partimque in eo permanere, hinc elongari posse ; ut flectantur v. gr. articuli, debent ligamenta coercencia posse elongari requiruntur hinc certus laxitatis gradus, ut sanitas sit, si augetur morbus est.

E. ij

*IMMINUTAM elasticitatem.* Fibrarum elasticitas in hoc consistit, quòd extendi possint, & ablata vi extendente iterum ad pristinam longitudinem redeant.

Sed tota hæc vis est tantum nixus, quo partes minimæ fibræ constituentes se invicem trahunt, dum per elongationem superficieum plùs distant, manente tamen cohæsiōe: si ergo à quacumque causa fibra sit nimis debilis, id est, partes ejus se invicem minus valido nixu trahunt, necessariò minuitur elasticitas.

Vasa nostra majora ex minoribus componuntur; hæc adhuc ex multò minoribus sunt, sic ut hætenus nullus limes in Anatomicis demonstratus sit: musculi ex minoribus musculis, & quæ nobis nudo oculo fibra muscularis apparet, microscopio lustrata fibrarum longè minorum fasciculum exhibet.

Idem in nervis, &c, observatur: hinc videntur omnes partes corporis ex infinitè parvis similibus constare: hoc autem requirebatur ad flexilitatem partium: & Experimento hic allegato patet, quomodo fragilissimum corpus (vitrum) simplici divisione in tenuissima filamenta reddatur ductile adeo, ut, textorii artibus illud adhiberi posse aliquando, non desperaverit acutissimus *Reaumur* (a). Fictitiam ex vitro in fila ducto comam vidi, in qua vitrum sine ruptura poterat in cincinnos crispari.

§. 30. **Q**UIN ex iisdem etiam respondetur ad hæc quæsitā: cur aquosa, & pingua alimenta dant fibras debiles: cur frigidis, junioribus, quiescentibus, crescentibusque debiles: cur terrestria, austeratque dant fibras fortes: cur calidis, exercitatisque fortes: cur elasticitatis robur concomitatur.

**CUR AQUOSA ET PINGUA, &c.** Experimenta hoc docent: durissimæ enim animalium partes tepidæ aquæ, vaporì inprimis, expositæ, redduntur mollissimæ. Annosa cervorum cornua vapore tepidæ aquæ, vel & ebullientis, ut in præparatione cornu cervi Philosophica officinarum sit, fiunt scissilia.

Dum quotidie tepidos potus aquosos forbillant puellæ, quàm flaccidæ fiunt! In libro de liquidorum usu *Hippocrati* adscripto (b) noxæ recensentur, quas calida copiosior adfert utentibus, facit nempe *carnium effaminationem, nervorum impotentiam, mentis stuporem, hæmorrhagias, animi deliquia.*

Debilis fibræ in facili separabili cohæsiōe partium consistit, sed aquæ elementa parum admodum cohærent: hinc fortè si binæ vel plures aquæ particulæ se interponant elementis fibrarum, videtur inde debilior reddi fibra; si verbò singulæ hæreant aquæ particulæ inter elementa fibrarum, multò inde rigidiores fiunt: elementa enim aquæ sola seorsim considerata videntur esse durissima & immutabilia, & miro modo concrefcere possunt cum aliis corporibus, ut in explicatione §. 21, demonstratum est: hinc fortè ratio deduci potest, quare partes animalium aquâ madefactæ fiant molliores; exsiccata iterum longè fiant rigidiores, quàm antea fuerant. Posse autem aquam se insinuare inter elementa corporum & illa à contactu remove, docuerunt Experimenta: chartarum lacinia aquâ madefactæ ferè sextâ parte fiant longiores (c).

Similem ob causam pingua mollire solidas partes plurima docent Experimenta:

(a) Acad. des Sciences, l'an 1713, Mém. pag. 16. Séct. Charter. Tom. IX. pag. 307.

(c) Acad. des Sciences, l'an 1714, Mém.

(b) Cap. II. Charter. Tom. VI. p. 444. & pag. 72.

rigidissima animalium coria, oleo penetrata, mollescunt; ut debitam flexilitatem retineant muscoli, vaginis oleosis undique vestiuntur; ne rigeant ligamenta, attenuatum medullare oleum illis affunditur: dum in decrepita senectute illud oleum incipit deficere, quanta rigiditas! Dum in obesitas abundat, quanta laxitas, quantus tumor totius debilitatæ compagis!

**CUR FRIGIDIS.** Intelliguntur hic frigidi temperie: frigus enim absolute consideratum elementa ad se invicem adducendo roborat. Sed in frigida temperie hominibus minor est circulatio, sanguinem habent minus pressum, cruda minime mutata, elementa ultima minori vi ad invicem applicata; hinc minus coherent.

**JUNIORIBUS.** In prima origine sua embryo humanus infinitæ parvitas ferè molecula est: auctus dein, & jam sensibus observabilis, mucis instar collabitur; nisi liquidi ambientis pressione æquabili sustineatur. Recens natus infans mollis totus & pulposus omnia adhuc ossa flexilia habet; procedente ætate firmior fit sensum: hinc quò origini suæ propior homo est, eò molliores habet omnes partes suas: hinc fibræ ejus, licet debitam firmitatem habeant in hac ætate, comparatæ tamen cum adulti hominis fibris debiles dici possunt: hoc autem requirebatur, ut in omnem dimensionem faciliè extendi posset corpus humanum, ex tantilla molecula in tam magnam molem excrefcens.

**QUIESCENTIBUS.** Vide §. 25. num. 2. Dum nolunt à languidis suis morbis curatæ puellæ, per salubrem ferri usum, exercere corpus, quàm citò relabuntur in pristinum languorem! Languentes hydropicos laborare jussit *Hippocrates*; acutis morbis decumbentibus absolutam imperabat quietem: in his enim nimia vitæ incitatus per febrem ætuositas consumeat omnia liquida, solida reddebat siccissima: hinc tota ferè cuta acutissimorum morborum in eo consistit, ut diathesis ad hydropep inducarur, id est, major debilitas.

**CRESCENTIBUS.** Humores pulsi per canales conicos, plenos à basi versùs apicem, semper conantur producere latera suorum canalium secundùm axim longitudinis: quamdiu cedere possunt & elongari canales ab hac vi crescit homo: hinc requiritur minus firma cohesio, ut cedere possint; sed videmus incrementum omnium velocissimum, dum origini suæ propior est homo, & tunc ferè non resistentia solida habet: crescit enim intra novem menses ex flamine omnem sensum fugiente in molem sedecim, imò viginti aliquando librarum.

Sed & observamus in juvene nondum incrementi apicem adepto, natam febrem faciliè adhuc elonganda vasa producere sensibili admodum staturæ augmento. Requiritur ergo ad incrementum minus firma fibrarum cohesio, ut cedere possint: dum ergo valido labore nimis durantur juniorum corpora, incremento obex ponitur ante tempus. An ideo, qui caniculos nutriunt, parvitate suâ puellis gratissimos, illis junioribus quotidie vini spiritum ingerunt?

**CUR TERRESTRIA ET AUSTERA.** De austeris dictum fuit §. 28. n.º 4. Nempe talia corpora videntur per Experimenta prædita esse tali vi, ut elementa nostrarum fibrarum ad se invicem propius faciant accedere. Terrestria autem illa bibula corpora attrahunt omnia humida, quæ possunt attingere; & deinde concrefcunt cum illis firmissimè: fistula tabacaria recens excocta, nullâ crustâ vitreâ obducta, labiis admodum, mox pertinacissimè coheret, sic ut vix sine læsione avelli possit. Cùm ergo aquosa, ut ex antè dictis patuit, debilitent fibras; illa, quæ aquam absorbent, inter roborantia recenseri possunt.

**CUR CALIDIS.** Calor externus corpori applicatus omnia debilitat; facit enim elementa fibrarum plūs distare à se invicem: hinc fibras reddit debiliores. Sed hic intelliguntur calidi temperie, in quibus densi & compacti humores satis valido motu pelluntur per vasa: in his semper vis assimilans ingesta fortis est, & efficacissima applicatio elementorum fibrarum ad se invicem. Ab his autem robur fibrarum pendet.

Quantum interfit inter calorem excitatum per validum corporis motum, & calorem foci, docemur ubique. Qui hyeme prope focum frigus pellit, surgit iners & debilis; qui valido motu corporis aeris frigus superare potuit, alacris & agilis manet.

**EXERCITATIS.** Dictum fuit de hac re §. 25. num. 2. Dum duro labore victum sibi & suis comparat rusticus, quam firma habet omnia, quam robusta! Omnes aeris injurias spernit, durissimos vorans cibos, digerit perfectissimè: orio & luxu perditus homo quam debilis, quam misere vivit! Minimam aeris ambientis mutationem sentit illico, & millenis gulæ irritamentis, quæ satietas, non fames, invenit, vix potest languentem excitare ventriculum.

**CUR ELASTICITAS,** &c. Elastica dicuntur corpora, quæ distracta redeunt in tot puncta contactus, quot ante distensionem habebant: hinc requiritur valida vis, quæ partes distractæ se mutuo trahant: sed in hac vi consistit fibrarum robur.

Exemplum sequens hanc rem illustrat. Bini magnetes sibi mutuo applicati cohærent: si parum removeantur à se invicem, sed maneant tamen in tali distantia, in qua in se mutuo agere possunt, iterum uniuntur: sic & corporis elastici partes distractæ à se invicem, ablata causâ distrabente, iterum se mutuo attrahunt, & manet pristina cohæsiō: dum debili leucophlegmaticæ puellæ premitur digitis pars corporis, pastacæa mollitie cedit, & vix, nec nisi lentè, resurgit: si valido homini idem fiat, elasticæ partes mox se restituunt.

Sic jam descriptus fuit morbus simplicissimus, & data fuit methodus, per quam ejus indolem cognoscimus; dein enarratæ sunt causæ, quæ illum faciunt. Apparuit porro, quinam effectus præter naturam hic soleant oriri, quomodo futura inde prævideamus; & quomodo ex cognita Historia morbi, per sua signa descripti, habeatur indicatio, quæ docet, quomodo & per quæ Medicus debeat agere, ut sanet. Tandem ex omnibus illis deducta fuerunt quædam corollaria generalia.

Rarò autem sola debilitas fibræ solidæ simplicis peccat, sed plura mala simul: sed tamen hæc debebant sic abstractè considerari, ut liquidò intelligerentur; unde supponebatur homo perfectè sanus, sed qui momento post haberet à quacumque causâ fibras nimis debiles.



## MORBI FIBRÆ RIGIDÆ ET ELASTICÆ.

§. 31. **RIGIDITAS** fibræ nimia est illa adunatio partium minimarum (21.), quæ tam validè faciat eas cohærere, ut non cedant illi actioni fluidorum, quæ superare debet hanc resistentiam, ut maneat sanitas.

Tota nostra vita & sanitas pendet ab eo, quòd omnes fibræ omnium arteriarum sint adeo flexiles, ut à sanguine, cordis vi musculari expulso, possint sic distendi,

§. 31-33. MORBI FIBRÆ RIGIDÆ ET ELASTICÆ. 39

ut capiant illum sanguinem expulsum : dum enim cor est in sua diastole, arteriæ & venæ plenæ sunt ; aliter non daretur propulsio continuata sanguinis. Memento post cor in sua systole expellit sanguinem in arterias plenas , & per has in venas etiam plenas : hinc si vasa illa infinitâ vi resisterent suæ dilatationi , nec sanguis tamen sit adeo compressilis , non posset cor evacuari : actum ergo esset de vita. Requiritur igitur fibrarum , hæc vasa constituentium , talis laxitas , ut possint cedere distendenti sanguini , à corde expulso in plena hæc vasa. Quò jam sunt rigidiores hæc fibræ , eò major sit resistentia.

Hinc , æque ac in fibra debili dictum , non potest dari absoluta definitio fibræ nimis rigidæ , sed tantum cum relatione ad variam ætatem , &c : ut tenelli embryonis corculum sufficeret dilatandis vasis , propulso sanguine , requirebatur tam parva cohesio , ut mucî instar ferè diffunderent omnia solida.

§. 32. **HÆC** ( 31. ) sequitur eas causas , quas requirit sanatio fibræ debilis ( 28. ) , si diu , & nimis perseverant.

Fibræ nimis debilis Historia præmissa est , quia curatio hujus morbi dat intellectum causarum fibræ nimis rigidæ. Omnia ergo in cura fibræ nimis debilis hic repetenda forent : sed unicum exemplum sufficiet.

Moderatus labor corpora roborat : nimius exsiccat , & omnia rigida facit. Dum à teneris annis jam nimis laboribus coguntur corpus exercere rustici , sæpe quadragesimo anno jam exsucci & rigidi marasmo senili pereunt , ante ætatem incurvo corpore vera facti silicernia.

§. 33. **NATA** ( 31. ) verò facit vasa , quæ ex his fiunt , minus flexibilia , angustiora , breviora , liquidorum motui nimis resistentia , & quæ hinc sequuntur ; vid. ( 50. 51. 52. 53. )

Vasa nostra semper renituntur suæ distensionî : hinc illorum capacitas pendet ab excessu virium distendentium supra hanc contractilitatem. Quando ergo increfcit hæc vis contractilis vasorum , eadêmque manet vis distendens , plus contrahentur vasa , id est , fiunt angustiora. Ultimus hujus morbi gradus est , quando vasa nullo modo cedunt liquidis distendentibus ; hinc suffocatur illico motus sanguinis , & sit placidissima illa senilis mors , dum in ultima senectute rigida facta omnia resistunt fluidis impulsis. Simulac quacumque de causa liquida minuuntur , robor vasorum sic coarctat vasa , ut plena maneant quidem , longè minus tamen distenta.

Homo potest intra 14 dies in febre acuta continua dimidium sui ponderis perdere contractis sic vasîs , prout minuitur liquidi copia. Hoc evidenter patet , quia omnia animalia , in quibus auctur robor fibrarum , habent vasa magis contracta.

Dum pastu abundans in stabulis quiescens equus , hinc pinguior factus , sensim aucto motu validis tandem quotidie exercetur laboribus , fortè tertiam sui ponderis partem amittit ; longè tamen ad labores ferendos erit robustior ; & per hocce labores consolidatis vasorum fibris , licet postea quiescat in stabulis ; non tam citò pinguescet iterum.

**BREVIORA.** Impetus liquidi impulsî per canales conicos flexiles nititur elongare hos canales ; hinc quamdiu fibrarum cohesio hoc patitur , elongantur ; docet

hoc juniorum incrementum tam notabile, post morbum acutum toleratum. Memini me vidisse, dum uno ictu cunei fortis & acuti abscindebatur magnus pedis digitus, statim extra æquabilem vulneris superficiem prominuisset binas arterias, ferè ad lineæ Geometricæ longitudinem: tantùm elongabantur hæc vasa in loco tam dissito à corde. Quando nimia oritur fibrarum rigiditas, non patiuntur se elongari; imò tandem, prævalente fibrarum robore, accurrantur. Patet in senibus, qui revera decrescunt.

**LIQUIDORUM MOTUS, &c.** Dum cor pellit per arterias sanguinem, pars impetûs à corde communicati impenditur dilatandis arteriis; reliqua pars sanguinem propellit per arterias. Si ergo arteriæ fiant minùs facilè dilatabiles, id est, rigidiores, plùs de motu à corde communicato impendi debet dilatori arteriarum, minùs impendetur sanguinis propulsioni. Hinc patet evidenter, quare fibræ nimis rigidæ augeant resistentias liquidis movendis.

Sed à debito motu humorum per vasa pendent omnia in corpore humano: hinc infinita possunt à tam simplici causâ oriri mala, de quibus postea in numeris citatis.

§. 34. **E**X quibus (31. 32. 33.) ipsis internoscitur id malum (31.); simulque prævidentur inde secuturi effectus (33.) neque latet curatio.

Ex tribus §§. præcedentibus facilè colligitur diagnosi, quæ docet, an fibrarum nimia rigiditas addit. Si enim videamus hominem esse macilentum, os internum & fauces habere sicciora, totam cutim externam esse aridiorem, omnes articulationes minùs flexiles, & manere hæc omnia, licet implentia adhibeantur corpori; concludimus, solida nimis firma esse, liquidis prævalere, illa celerrimè diffilare. Sunt tales homines macilenti penitus, & simul voracissimi, qui omnia assumpta digerunt velocissimè, & de corpore diffilant.

Si jam novimus in Victu & Medicamentis adhibita illa esse, quæ in curatione fibræ nimis debilis enarrata sunt, prævidemus, hunc morbum nimis rigiditatis futurum.

Prout jam hæc rigiditas nimia in parte vel in toto fit, varii & mirabiles oriri possunt morbi. Observationes enim Medicæ docuerunt, omnes cognitos canales nostri corporis rigescere posse, sæpe à causis adeo subtilibus, ut nullâ ratione possint detegi.

Sic aliquando digitus, aliquando brachium integrum ita sensim decrevit, & aridum fit: si enim resistentia vasorum à quacumque causâ fiat major, minor erit extensio, hinc lentissimus marasmus. Vidi læminam nondum quadragenariam, cui sine ullo vitio sensibili corporis, sine ulla suspitione internæ suppurationis, sine ulla evacuatione sensibili aucta, intra biennium lento marasmo tam effuxum redditum fuerat corpus, ut squalida cutis ossa tantùm tegeret. Fortè similes morbos vocaverunt veteres Medici *ἰκτέρος γυνήσεως* (a) *ex morbo senectutem*.

In Observationibus suis Anatomicis accuratissimis Santorini (b) narrat, dum scrutabatur cadaver hominis, cui dexter oculus verâ amaurosi dudum laboraverat, invenisse nervum opticum ejusdem lateris æquib. graciliorem, & colore obscuriorem. In hoc casu videtur à latente causâ nimia rigiditas fortè orta fuisse in nervo optico dextro. Idem si fiat in aliis organis sensuum, vel in visceribus, infiniti diversi morbi oriri possunt.

(a) Gal. Method. Med. Lib. VII. Cap. vi. | (b) Cap. III. §. 14. pag. 64.  
Charter, Tom. X. pag. 167.



Ex illis omnibus jam faciliè inveniuntur auxilia ad nimiam rigiditatem tollendam apta, quæ recenseantur §. sequenti.

§. 35. **H**ÆC enim efficitur 1. cibo & potu aquosis, leniùsque; sero lactis inprimis, oleribus mollissimis, farinosis dilutis, nec fermentatis. 2. Quiete in aere humido frigidiusculo, cum somno pleniore. 3. Remediis aquosis externis, internisque, tepidè applicatis, vel assumptis, insulsis, levisimis & blandissimis oleosis, similiter adhibitis.

1. **CIBO ET POTU AQUOSIS, &c.** Vocamus potum aquosum vel aquam ipsam, vel omnem potum, in quo aqua prædominatur. Cibos aquosos vocamus omnes illos, in quibus aqua maximam partem constituit: ut sunt pulciculæ, carniū juscula, & similia. Omnia hæc assumpta magnam aquæ copiam interno corpori applicant; per omnia vasa deducunt, omnia emolliunt, omnia lubricant; hæc enim aquæ, & inprimis tepidæ virtus est ut partes animalium durissimas possit emollire: sic cornua, ungues, imò ipsa ossa aquâ tepidâ possumus mollia reddere.

Hinc videmus, omnes illas gentes, quæ calidissimis locis viventes strictissima habent corpora, aquam & aquosâ sola ferè apperere. Non mirum debet videri, quòd serum lactis hic commendetur, cum lactis usus ad roborandas fibras nimis debiles antea laudatus fuerit: sed in sero lactis abest jam subtilissimum illud spirituosum, abest pars caseosa; superest sola pars aquosa graminis vi dissolvente dives. Inprimis laudatur ad hos usus serum lactis ebutyrati, omni pinguedine butyraceâ orbum, acidulum; quod hinc in morbis acutis tanti usus est. Huc etiam referuntur omnes succi fructuum horæorum bene maturi.

**OLERIBUS MOLLISSIMIS.** Omnia hæc recensita sunt in *Materia Medica* celeberrimi Auctoris, & in omnibus his ferè nec magnus odor nec sapor est, sed aquosam quasi mucilaginem emollientissimam exhibent. Juscula inde facta strictis illis atrabiliariis corporibus adeo salubria sunt.

**FARINOSIS DILUTIS.** Dum strictissimis corporibus, in quibus semper sunt densi & compacti humores, ingeritur aqua, diffatur illico, nec diu manet in corpore. Hoc toties dolemus in morbis acutis, quòd aqua ingesta illico per sudores vel urinam dilabatur; sed aquæ addiderunt farinosa illa in *Materia Medica* descripta hoc effectu, ut semel ingesta aqua farinosa hoc lentore plùs quasi hæreat, non tam citò expellatur de corpore. Hæc videtur esse ratio quare *Hippocrates* (a) aquæ potum damner in acutis, dum in eodem libro ptisanæ usum adco laudat. Omnia hæc farinosa lentorem aquæ conciliant, atque tecto & aquæ miscibili oleo (quod purum ex illis exprimi potest) emolliunt omnia. Solum certè avenæ decoctum, magnâ copiam potatum quotidie, sic solvit totius corporis robur vel in validissimo homine, ut totus inde langueat. Sola farina, sero lactis vel aquâ subacta, sues adeo laxos, adeo pingues noverunt reddere rustici.

Plurimi in his locis de plebe homines sedentarios labores, nec validos, exercentes, interim his farinosis ferè solis vitam sustentantes, laxissima semper habent corpora.

(a) De Victu Acutor. Morbor. Charter. Tom. XI. pag. 102.

NEC FERMENTATIS. Idem de succis fructuum horzorum verum est: nam & inter remedia fibræ debilis recensentur merito spirituosa fermentata. Per fermentationem enim ex omnibus his nascuntur liquida illa spirituosa, quæ ad summam perfectionem redacta, ignis ferè instar, omnia solida corporis comburunt, & sanguinem densant in massas irresolubiles.

2. QUIETE, &c. Motus muscularis præcipuum remedium habebatur ad curandam fibræ nimis debilem; non mirum ergo si quies contrarium faciat. Qui citissime volunt faginare animalia, illa semper ab omni motu prohibent, largo dato simul pabulo. Hinc in morbis acutis, ubi omnia adeo exsiccantur, quietem summam, inprimis in aere frigidiusculo & humido, imperaverunt veteres Medici: frigidus enim & siccus aer roborat fibras.

Nihil autem magis laxat corpora, quàm tepor lecti, dum somno largiori indulgent ægri: hærent enim sic in proprio vaporum de corpore exhalantium balneo. Hinc omnia animalia à somno tument. Dixit ideo Hippocrates (a): *Longiores verò somni calefacientes colligunt carnem, & corpus diffundendo resolunt, & imbecillum reddunt.*

Et alibi, (b): *In quibuscumque morbis siccitas confert, conducit quàm minimum dormire. Quibus verò humiditas confert, non debent in diem pati, nec cibo aut potu indigere, neque laborare, & dormire quantum volunt.*

3. Primarium inter hæc, & reliquorum omnium basis est aqua: quæ tepida, & in vapores resoluta, vel durissimas animalium partes sic emollire potest, ut diffuant ferè. In morbis acutis, ubi sæpe aridissima cutis, contractis penitus vasis exhalantibus, nihil transpirat, frustra nituntur calidissimis remediis exhibitis provocare sudorem; dum verò nudato corpore tepidæ aquæ vapori exponuntur ægri, resolutis vasorum osculis, madescit cutis, & brevi pòst sudoribus diffiunt. Cum autem in his morbis interna æquè sicca sint, ac externa cutis, per clysmata similia injiciuntur, aquosa cum farinaceis decocta exhibentur, ut emolliantur omnia interna: imò dum nimis diu aquosis his debilitant corpus, sæpe oppositum malum, hydropem nempe, inducunt.

Omnia hæc aquosa debent applicari tepida: frigida enim densant fibras & roborant; nimis calida sanguinem coagulant, & in crustam gangrænosam solida comburunt.

Omnia autem hæc insulsa debent esse, quia sales omnia indurant: docent hoc carnes salitæ. Summum simul auxilium dant.

OLEOSA BLANDA. Certè coria animalium aquâ madefacta sunt flaccida; sed postea exsiccata plùs rigescunt: si verò cum oleo perfricentur, manent diutissimè mollia; plùs enim adhæret, nec tam citò diffiatur oleum. Dum spasmus contractæ intestinorum fibræ horrendos illos faciunt cruciatus, mollissima olea, ad libras usque porata, & per clysmata injecta, solvunt hoc strictum laxatis fibris.

In morbis acutis, ubi summa ariditas, & nimium solidorum robur per morbum nascitur, vel sæpe præexistit, egregiè hæc conducere, nisi auctus calor facillè rancescentia hæc olea corrumpere, & ex blandissimis faceret acerrima: sed tunc decocta ex farinosis illis, in *Materia Medica* recensitis, oleorum vicem pulchre supplent: ex omnibus enim illis, inprimis siccatis, prælo potest exprimi purum & copiosum oleum, quod in decoctis horum mucilagini unitum sic latet, ut integrum

(a) De Victus ratione Sanorum, Lib. II. Cap. x. Charter. Tom. VI. pag. 474.

(b) De Affectionibus, Cap. XII. Charter. Tom. VII. pag. 632.

vim emolliendi, quam olea habent, fervet, sine ullo metu futuræ ranciditatis.

Dum topicum hæret in quodam articulo, rigiditatis nimia vitium (sæpe enim ankyloses fiunt à nimia duritie ligamentorum, quæ non patiuntur se extendi, ut flectatur articulus) optimo cum successu curatur, dum pars affecta lixivio saponis bene perfricatur undique, ut tota tersa, nitida, & perspitabilis sit; & tunc vaporî tepidæ aquæ exponatur sæpius de die; porro exsiccata pars molliissimo inungatur oleo; & dein lenis fiat distractio nimis rigidorum ligamentorum, flectendo articulum. Inter causas enim fibræ debilis recenscebatur nimia distractio: hinc post hæc præmissa summo opere prodest distendere nimis rigidas partes.

Dum volebant emaciatas partes ad pristinum reducere habitum Veteres, irritabant hæc loca, ut levis fieret inflammatio, & tumor; sic enim majori impetu & celeritate huc delati humores plùs distendebant vasa nimis stricta. Dum autem hoc sæpius fieret, nimium robur vasorum sic minuebatur, ut cederet humoribus, ex lege sanitatis influentibus; atque ita redibat pristina corositas: sic frictione à somno cum pinguibus multos longo tempore macie tabescentes paucis diebus faciliè carne implevit *Galenus* (a).

Hinc frictiones quidem hic conveniunt sed cum pinguibus, & tantùm ut fiat levis rubor: si enim ultra pergas, discutitur illud, quod frictio attraxit ad partem: hic autem requiritur distensio major vasorum nimis fortium; hoc sollicitè monuit (b) *Galenus* dicens: *Ideoque ubi carne implere quodlibet corpus volumus, id eò usque calefaciendum nobis est, dum intumescat: ubi verò discutere & vacuare cupimus, continuandum est eò usque, dum, quod intumuit, subsidat.*

Si alibi (c), dicit, *Ferulas parvas ac læves modicè illitas gracilibus partibus incutiunt, donec modicè attollantur.* Tali percussione nates pueri graciliores brevi auctas fuisse narrat, dum hoc fiebat quotidie vel alternis diebus, unà cum moderata picatione.

Hinc apparet, quomodo frictio oppositos habeat aliquando effectus: fortis nempe, cum pannis asperis, siccis, lanceis, inprimis accenso aromatum fumo, penetratis, debiles nimis fibras curat; levis frictio cum pinguibus attrahendo humores, laxando solida, fibras nimis rigidas emollit.

§. 36. **H**INC elasticitas nimia intelligitur; curaturque, quippe, rigiditatis (31.) ut plurimum comes, & effectus.

Explicatum fuit, quid sit rigiditas, quæ semper cum elasticitate eadem proportionem progreditur; perfectè enim rigidum corpus, quod nullà vi flecti possit, non faciliè invenitur. Hinc cum elasticitas (ut dictum fuit in §. 29.) pendeat ab illa vi, quæ partes fibram constituentes nituntur ut cohæreant, hæc autem vis major sit in fibra nimis rigida; patet faciliè, quod nimia elasticitas rigiditatem nimiam comitetur semper.

Ex argilla molli facti globi, oppositâ directione motus concurrentes, quiescunt; in cilbano excocti, fiunt elastici, & resiliunt à se mutuo.

(a) De Sanitate tuenda, Lib. V. Cap. 111. Charter. Tom. VI. pag. 143.

(b) Meth. Med. Lib. VII. Cap. vi. Charter.

Tom. X. pag. 162. & seq.

(c) Meth. Medend. Lib. XIV. Cap. XVI.

Charter. Tom. X. pag. 336.

F ij

§. 37. **CUR** pueris, fœminis, otiosis laxitas? Contra verò adultis, viris, exercitatis, fibrarum, adeoque omnium solidarum partium rigiditas, & solutarum valida contractio?

**CUR PUERIS.** Vide §. 30. Nondum enim in his fibræ & vasa callosa facta sunt, quod vitæ actuositate postea fiet.

**FŒMINIS.** Ab Anatomicis confirmatur, fœmininum corpus, cæteris paribus longè mollius esse corpore virili. Hoc autem Creatoris instituto pendet, qui sic fecit corpus fœmininum, ut, sine multo malo possit distendi quàm maximè; ut nempe fœtum possit locare & nutrire, & mensuram plethoram accumulare. Multùm etiam huc confert, quòd plerumque minùs validis laboribus exerceantur, quàm viri.

**OTIOSIS** Vide §. 25. n°. 2, & §. 30.

**CONTRA VERO ADULTIS.** Quia quò diutius vixit homo, eò vires consolidantes sapiùs & fortius applicatæ fuerunt fibris: hinc crescente ætate crescit fibrarum robur. Puer omnia habet flexilia & obsequiosa membra, decrepitis verò fenex in omnibus rigescit, nec ratio dari potest, cur hoc in viris plùs fiat, cæteris paribus, quàm in fœminis, nisi ex primogenita corporis fabrica ab insluito Creatoris pendente.

**EXERCITATIS.** Quid corporis exercitia possint in roboranda fibra nimis debili, dictum fuit §. 28. n°. 2. Illud enim, quod vocamus tenacitatem in partibus firmis, est continuatæ vitæ effectus: sed quò minùs quis motum animale superaddit motui vitali, eò solida debiliora manent. Qui nullum opus manibus exercet, habet manus molles & teneras; qui validè illis operatur, easdem habebit duras & callosas; tandèmq; immobiles & rigidas.

**ET SOLUTARUM, &c.** Quando unitatis solutio fit in parte solida in corpore vivente, semper partes solutæ retrahuntur à se invicem, quia vis illa, quæ cohererent fibrarum elementa, necessariò retrahit utrumque extremum. Quò ergo hæc vis fortior est, eò major fiet hiatus partium separatarum: hinc vulnus in corpore laxo statim coalescit; in corpore rigido plùs hiant vulnera inflicta, & difficiliùs consolidantur.



## MORBI VASORUM MINIMORUM; ET MAJORUM.

§. 38. **VASORUM** minimorum, ex fibris simplicibus (21. 23.) applicatu, intertextu, vel intortu, adunatis, factorum morbi ex iisdem causis eandem indolem, effectum, & curationem habent; ergo ex dictis (ab 21. ad 38.) intelliguntur.

Morbis fibrarum consideratis, hincque etiam omnium partium solidarum corpo-

ris, quatenus fibris constant, apparuit, ad qualem simpliciter potuerint reduci hi morbi, qui in omnibus partibus solidis occurrunt.

Sicut jam elementa sibi mutuo applicata fibram solidam constituunt, sic possumus concipere fibras minimas sibi mutuo apponi in omnibus punctis laterum contiguum, quando sic cohererent secundum longitudinem tantum. Si duæ tales fibræ sibi mutuo applicentur parallelo ductu, erit membrana omnium minima, si nullæ juxta se invicem positæ uniantur, erit membrana latior, non crassior. Hinc membrana simplicissima concipitur constare fibris secundum longitudinem adunatis.

Robur jam fibrarum pendebat à cohesione elementorum; sed singula elementa fibræ, membranam simplicissimam constituentis, cohererent cum elementis binarum fibrarum proximarum utrinque; hinc duplò majus robur fibræ aliis fibris utrinque junctæ, respectu roboris in fibra simplici.

Hinc fibrarum robur crescit, dum in membrana simplicissima adunantur. Fibræ autem, quæ ultimos limites membranæ simplicissimæ constituunt, cum tantum ab uno latere contiguam aliam fibram habeant, tantum dimidiò majorem vim cohesionis suorum elementorum habent, quàm fibra simplex.

Dum jam intertextis, vel intortis inter se, fibris membrana constat; multiplicatis punctis, quibus se contingunt, augetur fibrarum, talem membranam constituentium, robur.

Hinc patet, illam partem membranæ simplicissimæ facillimè à cohesione cum reliquis posse separari, quæ marginem constituit.

Si jam concipiatur talis membrana simplicissima convolvi in vas cavum, tunc omnes fibræ inter duas alias fibras positæ sunt, & nulli tunc habentur margines; sed omnium fibrarum, constituentium membranam simplicissimam, in vas cavum convolutam, cohesio duplò fortior est, quàm in fibra solida simplici.

Illud jam vas, ex tali membrana simplicissima convoluta, factum, vocatur vas minimum.

Sed omnes morbi talis vasculi minimi tantum pendent à nimia, vel nimis parva vi, quâ fibrarum elementa cum se invicem & cum vicinis cohererent. De illis autem jam actum est in morbis fibræ simplicis.

§. 39. VASA majora, ex minimis (38.) applicatu, intertextu; vel intortu, unicis, conflata habent duo diversa morborum genera. Horum prius pendet ex morbis minimi canalis (38.), majorem hunc componentis, adeoque origo, natura, efficacia, curatio ejus inde (38) peti debent. Posterius verò pendet, 1. à vi, quâ fluidum, per majorem hunc canalem fluens, ejus latera extendendo premit: quæ latera, ex aliis minoribus canalibus constantia, hac pressione orbantur suo liquido, uniuntur quoad latera, concrelescunt in fibræ (21. 23.) solidæ, sed crassioris, speciem: potestque idem & vicinis communicari vasculis; 2. à liquido cum vasculo proprio concrefcente.

Ut jam fibræ, adunatæ secundum longitudinem, faciebant membranam, sic

F iij

possumus concipere, vascula minima, ex simplicissima membrana convoluta facta, sibi mutuò applicari, & facere membranam; quæ iterum convoluta faciet, vas non minimum, sed majus jam; non ex fibris, sed ex vasis minimis fibrarum loco constatum.

Cùm jam vasorum horum minimorum sectio perpendicularis ad axim sit circulus, non poterunt singuli circuli adjacentium sibi mutuò vasorum se tangere nisi in puncto: hinc vascula vicina se mutuò tangent per lineam, id est, per fibram simplicissimam: ergo in illis locis contactuum iterum augebitur robor talis membranæ ex vasis minimis loco fibrarum constatæ.

Vas ergo minimum constabit ex fibris in membranam adunatis: vas huic proximum magnitudine, sive penultimum simplicitate erit, si ejus membrana constet ex vasculis minimis loco fibrarum: vas antepenultimum simplicitate non construitur ex vasis minimis, ut penultimum, sed ex vasis minimis & penultimis; & sic porro, donec ad maxima corporis vasa perveniat, quæ ex omnium vasorum seriebus, quæ in corpore inveniuntur, fiunt.

Aorta, maximum vas, per injectiones demonstrata fuit constare membranis ex minoribus vasis, sed adhuc magnis, conflatis: horum vasorum aortæ membranas constituentium, membranæ iterum aliis, sed minoribus, constant vasculis; & sic porro, donec ad ultima perveniat. Simplicissimas olim habitas & solidas membranas innumeris constare vasculis, docuit Arte suâ *Ruyfchius*.

Hinc ex multiplici concretione laterum robor continuò augetur in vasis majoribus; & sic incipimus intelligere, unde robor & firmitas corporis humani pendeant.

Quæritur jam, quinam morbi in vasis majoribus oriri possint, non respectu fluidorum contentorum, sed quatenus solida sunt hæc vasa? Apparet primò quòd pati possint omnes morbos vasorum minimorum, ex quibus componuntur; sed de his actum est.

**POSTERIUS VERO PENDET. I.** Dum aorta à sanguine ex corde sinistro expulso distenditur, canales constituentes ejus membranas comprimuntur: dum iterum cessat cordis actio, contrahens se aorta liberat hos canales ab hac compressione. Sed dum omni momento sic comprimuntur vascula minima constituenta membranas majorum vasorum, hæc sensim sic incipiunt orbari suis liquidis, ut vix detur tempus influxi: tunc concrescunt latera inter se, & aboletur cavitas, & fit membrana, sed crassior & fortior; cohesio enim membranæ in vas convolutæ erat duplò fortior, quàm cohesio fibræ simplicis: sed dum vas complanatum concrescit, tunc oppositæ fibræ concrescunt, & fiet talis membranæ, ex vase complanato concreto factæ, cohesio adhuc fortior, quàm antea.

Quò jam vis cordis major est, & diutius egit, eò pauciora numero vasa, sed fortiora solida sunt. Hinc ultimà senectute robor solidorum fit immensum; & tandem, cùm nimis resistentes canales non patiantur se extendi ampliùs à liquidis impulsis, fit quies omnium, & fatalis, sed placidissima, in summo senio mors. Hinc nimio labore exercitatis animalibus cito venit senectus, callosis factis ante ætatem omnibus vasis.

Ridendi ergo sunt jactatores illi, qui rugas & gravem senectutem se avertere posse clamant, paucis elixirii guttis quotidie sumptis, dum inevitabili vitæ sanæ effectui, callosis factis omnibus vasis, ad fatalem ducimur terminum.

Sapientius certè Medæ institutum, quæ balneis fovebat exsucca hæc cor-

pōra : hinc credebatur senibus juventutem reddere (a).

A LIQUIDO CUM VASCULO, &c. Quando liquidum contentum ; parte liquidissimā orbatum, tandem concrefcit cum proprio vase. Ab omni ævo observatum fuit, quōd in morbis, in quibus (ut dicebant Veteres) calidum innatum prævaleret humido radicali, sive ubi vis vasorum vim liquidorum distendentium excederet, sanguis fiat talis, ut concrefcit in pellem novaculā vix discindendam : certē plastica est in liquidis nostris indoles, nec ingesta fiunt humores nostri, antequam illam induerint naturam : *Ruyfchius* (b) ex suo sanguine, simplici agitatione ramulo plantæ Africanæ, fecit membranā densā coherentem.


Hinc facillē intelligitur, sanguinem, inflammatoriā densitate in morbis acutis jam nimis in concretionem pronum, orbatum adhuc plūs parte liquidissimā per morbi vim ; posse concrefcere cum vasis continentibus.

Sed evidens habemus exemplum, quōd vasa majora etiam cum liquido contento possint concrefcere. Magnus enim ille canalis, qui, dum utero materno latebamus, sanguinem ex placenta in hepar deferebat, postea concrefcit, non in complicatum canalem, quod fieri debuisset, si solo collapsu concrevisset ; sed in teretis & solidi funiculi speciem mutatus evidens dat argumentum, quōd cum contento liquido concreverit.

In vasis ergo majoribustriplici de causā robur nascitur ; 1. à fibrarum robore ; 2. à vasis collapsis vel compressis in membranas concretis ; 3. à vasis concretis unā cum liquido contento.

§. 40. **I**NDE vasorum debilitas, laxitas, robur, rigiditas, elasticitas, de quibus multa imperitis memorantur, clarē intelligi possunt. Et meretur dignitas horum pertractationem.

Omnia hæc jam explicata sunt ; recensentur tantūm hæc paragrapho, ut exhibeant quasi summarium omnium illorum, quæ ex simplici hac doctrina intelligi possunt : sequentia capitula docebunt, infinitos morbos inde posse cognosci & curari.



## MORBI VISCERUM DEBILIUM ET LAXORUM.

§. 41. **V**ASORUM, & viscerum debilitas vocatur illa partium (23. 38. 39.), hæc constituentium, cohesio, quæ tam levi motu tolli potest, ut imparia sint iis efficiendis, quæ sanitatis & vitæ ratio ab his postulat.

Viscus solet plerumque definiri, quōd sit pars organica corporis, quæ humores allatos per suam fabricam plurimū mutatur, sic ut hæc mutatio proffit totius corporis vitæ & sanitati. Sic pulmo viscus est, accipiens omnem sanguinem, & mutans

(a) *Palæphatus* de incredib. Hist. Cap. XLIV. (b) *Thesauro* VI. n°. 7. & *Thesauro* VII. n°. 39.

fic, ut aptus evadat fluere per omnia corporis vasa. Sic etiam cor omnem sanguinem recipit, & mutat in motus directione & miscela: idem de reliquis visceribus verum est.

Constat jam per Anatomicas injectiones omnia viscera constare vasibus innumeris, vario ordine in variis visceribus dispositis; & ab his vasibus viscerum actionem pendere, quâ mutant allatos humores. Si ergo hæc vasa debiliora sint, quàm requiruntur ad sanitatem, minùs agent in contenta fluida, minùs illa mutabunt. Sic debilis nimis pulmo non poterit chylum mutare in bonum sanguinem. Si nimis laxum hepar fuerit in suis vasibus, sanguis per illud viscus sine bilis secretionem fluet & refluet, & nascetur hydrops: dum nimis debilis ventriculus languet, totum chylicationis opus turbabitur.

§. 42. **Q**UÆ alia ætate, atque sexu alia, sunt.

**ÆTATE.** Viscera omnia robur accipiunt, sensim auctum, prout vitæ vires diutius in hæc egerunt. In prima hinc origine debilissima omnia diffiunt, sensim major accedit firmitas, donec omnia in summo senio rigescant ferè. Jam inter maximam illam debilitatem & maximam firmitatem infiniti gradus mediû intercurrunt vario vitæ nostræ tempore.

**SEXU.** Viris enim hanc legem imposuit Deus, ut in sudore vultûs panem lucrentur suum; sæminis verò, ut sœtus concipiant, pariant, & nutrant. Apud illas gentes, quæ potiùs naturæ consilio quàm legibus vitam suam moderantur, idem obtinet: ad hæc autem in diverso sexu varium robur requirebatur.

§. 43. **H**ÆC debilitas oritur 1. à debilitate fibræ (24.) ejusque causis; (25.) 2. à debilitate canalium minimorum (28.) atque causis hujus; (38.) 3. ab inertia liquidi per vasa majora (39) fluentis, quæ pendet à minuta copia, fluiditate aquosâ auctâ, motu musculari torpescente. A numero magno canalium minimorum, pro ratione ætatis, nimis diu remanentium.

Dux priores causæ jam sunt explicatæ.

3. Tota actio omnium viscerum pendet ab eo, quodd liquida, vi cordis pressa, dilatant arterias; hæ, suo robore & elasticitate reagentes, promoveant distendentes humores: sed motum semel impressum servant diutius omnia illa, quæ sub eodem volumine plûs massæ corporeæ habent, id est, quæ sunt solidiora.

Requirebatur ergo in liquidis, cordis vi motis, certus soliditatis gradus, ut motum impressum non tam citò amitterent. Ubi illa debita soliditas abest, dicuntur inertes esse humores: sed hæc soliditas conciliatur partibus constituentibus nostrorum humorum per efficaciam vasorum per quæ fluunt: sed hæc efficacia est illa vis, quâ distenta vasa reagent in humores distendentes. Dum ergo minutâ nimis liquidorum copiâ non satis distenduntur vasa, minùs reagent; hinc languent omnia & debilitantur. Ob hanc etiam causam, ubi per vulnera, vel alias causas quascumque, ingens liquidorum copia subducta est, ex ingessis non fit solidus ruber sanguis, sed omnia in aquosam degenerant tenuitatem.

**FLUIDITATE**



**FLUIDIDATE AQUOSA AUGFA.** Fuerunt quidam Medici in illa opinione, ac si tunc foret omnium perfectissima corporis conditio, quando omnia liquida nostra essent tenuissima, hincque per omnes canales expeditissima esset via: sed aliâ lege factum invenitur corpus humanum: respondent diversis vasorum seriebus proportionalis crassitiei fluida. Si enim sanguinis noster aquæ tenuitatem haberet, per patula in superficie corporis interna & externa vasorum exhalantium officia dilaberetur, vel replerentur omnia cava corporis loca humoribus, tenuioribus quidem, sed non propulsis. Sanguinis enim pars crassissima rubra in arteriis & venis maximis, rubris nempe, semper manens in sanitatem, momentum motûs ad vitam & sanitatem requisiti à binis causis motricibus, corde & arteriis, recipit, & reliquis communicat: ab hac parte rubrâ, ad sua vasa continentia attritâ, calor noster producitur; simulac enim illud rubrum incipit deficere, omnia frigent. Docent hoc leucoplegmatici, & palido morbo languentes puellæ.

Hinc adorandus Creator cerebri medullæ, collectæ in medullam oblongatam; circumposuit majora vasa rubra, ut tenuissima hæc vasa, in quibus omnis attritus deficiat, foveantur blando tepore.

Ergo inter debilitatis viscerum causas merito recenseretur aquosa humorum fluiditas.

Robusti hominis de vena saliens sanguis in scissilem coherentem massam statim concrescit: dum debili puellæ sanguis mittitur, subrubella, tenuis, vix concrelescens, effluit aqua.

**MOTU MUSCULARI TORPESCENTE.** De hac re dictum fuit §. 25. n. 2.

4. Constat certissimè, quòd in quavis ætatis diversitate requiratur certa callositas, & vasorum quorundam abolitio. Anatomici observaverunt, injectiones felicissimo successu semper factas in junioribus. Videmus sic, procedente ætate, multa aboleri vasa.

Glandula thymus, adeo insignis in recens natis, in adulto homine adeo decrescit, ut vix sui vestigium relinquat. Quæ plures infantes successivè plenis lactei nectaris fontibus nutriti mulier, annosa & strigosa facta, flaccidas, vix mammarum nomine dignas, habet pelliculas. Glandulæ vagæ mesenterii in provecioris ætatis hominibus abolentur penitus.

Magnum enim robur additur partibus firmis corporis, quando plurima vasa minima compressa concreverunt in fortiores membranas: hæc autem concretio nascitur à valido motu, quo liquida feruntur per vasa majora; ergo quòd fortior fuerit ille motus, vel quòd diutius eger, eò major consolidatio corporis. Hinc in recens nato homine maximus canalium numerus; sed laxa totius corporis compages: in adulto nomine, pluribus vasis abolitis, major firmitas.

§. 44. **A**B hac debilitate (41.); per suas causas (43.) producta; oriuntur multi morbi, qui falso temperiei, vel congeniti, habentur; primarii sunt: facilis vasorum dilatatio, tumor; facilis norum compressio, inanitas; liquidi stagnatio; cordi aucta resistentia; liquidorum cruditas; spontanea corruptio; ad actiones vitales, animales, naturales exercendas ineptitudo; & illa omnia, quæ ex his sequi solent, quæ ut infinita numero, ita difficillima curatu, &

fecundissima novis morbis producendis sunt; maximè *καχεξία*, & *κακοχυμία* 2. Facilis vasorum dissolutio ab internis, externisve causis, acribus vel motis; effusio, stagnatio, corruptio, evacuatio liquidi ad vitam, sanitatēque necessarij; interceptio motus fluidi per vasa rupta; corruptio eorum, quæ hoc motu vigeant; qui rursus varii sunt, maximè *φθίσις ἐμπύημα*, *ὑδρωψ*, *ἀστροφία*.

Supponitur hic iterum corpus antea sanum nunc habere viscera & vasa nimis debilia: tunc apparent mutationes læsarum functionum, præcipuè sequentes in textu enumeratæ.

Cùm videatur unicuique homini sua esse & singularis sanitas, & diversa corpora hominum penitus inter se varia esse, tam in solidis quàm in fluidis, appareat, licet singula sana sint, vocaverunt illam constitutionem singularium corporum, quæ differunt ab aliis corporibus etiam sanis, *ιδιόσυγκριαι*; & quæ inde pendebant aliquando vitia, habebantur incurabilia, quia jam à prima origine facti corporis credebantur adfuisse: sed morbos illos debiliū nimis vasorum & viscerum non semper congenitæ conditioni adscribere possumus.

Nobili de stirpe ortæ puellæ, molliter educatæ, otiosa defluit vita; languet debile corpusculum: primis vitæ mensibus priori similis rustica à teneris jam assuescens laboribus viget firmo corporis robore.

Debilitas prioris, & morbi inde pendentes, falsò habentur pro congenitis.

Dum robustissimus homo per vulnus omnem serè sanguinem amisit, fit hydropicus: quanta tunc sic dictæ vulgò temperiei mutatio!

**PRIMARIJ SUNT FACILIS VASORUM DILATATIO, TUMOR.** Quomodo viscera quælibet conficiant humores suos, disputatum fuit à nata Medecina huc usque, nec multùm boni dixerunt Auctores, donec *Ruyfchius* demonstraverit ubique in visceribus esse ad fines arteriarum aliam conformationem in variis locis; & videtur viscus factum esse, ut hæc conformatio arteriarum maneat: si jam arteriæ fiant nimis debiles in quodam viscere, plùs dilatabuntur necessariò, cùm eadem vis impulsij liquidi distendat vasorum latera minùs resistentia: hinc non conficiunt viscera debilitata tales humores, quales in sanitate, sed longè alios; unde turbabitur totum corpus. Sic simulac fabrica hepatis mutatur, non fit bilis; sed longè alius & degenerans liquor; ut certa docuerunt Observata. Laxata renum vasa sanguinem transmittunt loco urinæ.

Sed dilatata vasa tumorem faciunt majorem totius, vel partis, debilia enim vasa & viscera habentes, faciem habent inflatam, buccas tumidas, fungosi toto corpore, ut bombyces, quando se parant ad fila explicanda; hinc dum incipit sensim hoc malum subrepere, sæpe quasi aucto corporis habitu lætantur.

**FACILIS HORUM COMPRESSIO ET INANITAS.** Vasa hominis robusti sibi commissa contrahuntur quidem, ut minuunt cavitatis suæ diametrum, sed non colabuntur flaccida; imò contractioni, quæ naturali major est, validè resistunt. Hydropico cruri impressa vestigia manent; in sano verbò & robusto homine statim pars pressa reassurgit.

**LIQUIDI STAGNATIO.** Cordis enim vis serè tota impenditur dilatandis arteriis: si jam debilitate arteriæ, à sanguine per cordis vim impulsio dissentiat, se non satis contrahant, manebit sanguis immotus in vasis dilatatis: binæ enim causæ

sunt, quæ liquida nostra per canales suos movent: 1<sup>o</sup>. cordis vis, distendens impulsio sanguine vasa: 2<sup>o</sup>. robur & contractilitas vasorum, cessante cordis actione, propellant impulsam à corde sanguinem: ubi ergo hæc contractilitas vasorum deficit, liquida stagnant.

**CORDI AUCTA RESISTENTIA.** Hoc mirum fortè videtur, cum vasa debilitata facilius cedant impulso à corde sanguini: sed dum arteriæ debilitatæ non satis validè systole contrahuntur, manent distentæ & plenæ; hinc momento sequenti cor non potest tam faciliè se evacuare in vasa plena & distenta jam nimis. Quotidie videmus tumida illa & pallida corpora, dum quiescunt, se satis bene habere; ad minimum verò motum anhelant, cor palpitat, venæ jugulares tument, suffocantur ferè: dum enim quiescentibus parca copia sanguinis venosi, lentè moti, ad cor deferuntur, illud adhuc exprimitur, sed per motum corporis sanguinis venosi celeritate auctà cor non valet tam citò acceptum sanguinem per vasa repleta pellere.

**LIQUIDORUM CRUDITAS.** Omne, quod assumimus, vocatur crudum, quia nostris liquidis alienam naturam habet, nondum à viribus vitæ subactum: dum autem viscera debilitantur, illorum vires singulares pereunt, quibus conspirant ad mutanda ingesta in nostram naturam: ut enim bona fiat chylopoiesis, requiritur in primis ut omnia viscera chylopoietica suâ fabricâ confectos affundant humores: requiritur ergo ut tales confecerint: si ergo debilitata fuerint, degeneres à nativa indole humores affundent; unde totum turbabitur chylicationis opus. Sic debile virginis, chlorosi laborantis, corpus ex assumptis vel optimis alimentis non facit bonum sanguinem, sed pallidum quendam humorem, ac si multum lactis paucò sanguini misceres: & inde fiunt mirabiles degenerationes, & morborum, inde pendentium, miræ & variz species. Ut ingesta mutantur in nostram naturam, omnia viscera conferunt suam symbolam: si nunc unum vel plura debilitentur, hæc assimilatio deficiat, & fit aliud longè.

Hinc pulchrè monuit *Galenus* (a) quidd considerandum sit in debilibus reficiendis; *nutrimentum se ipsum non concoquere, nec in partes distribuere, nec alendi partibus assimilare, &c.*

**SPONTANEA CORRUPTIO.** Ingesta in corpus humanum mutantur per omnes actiones omnium vasorum & viscerum, & assimilantur naturæ nostræ; hæc mutatio vocatur (*σπασίς*) coctio; sed si ingesta tam tenacis indolis fuerint, vel vires corporis adeo imminuant, ut non possint subigere ingesta; tunc hæc mutantur quidem in corpore, non autem assimilantur naturæ nostræ, sed sequuntur suam naturam, quæ in calido & humido loco sota degenerant in corruptelam acidam, putridam, rancidam, &c. Hæc vocatur corruptio spontanea. In exemplo res patebit: dura messorum ilia ex pane fecalino faciunt bonum sanguinem; sed panis ille, calore simili, calori nostri corporis, si foveatur in vase Chemico, additâ aquâ, in acidum pessimum mutatur: robusta viscera superant illam acefcentiam; sed debili puellæ si ingeratur, ibi suam sequetur naturam panis ille, & acefscens cardialgias, tormina, &c, faciet.

Non fit hæc degeneratio quidem in corpore debili eodem penitus modo ac extra corpus; sed tamen assumpta, si non prævalet vis corporis humani assimilans, semper tendunt in spontaneam mutationem.

**INEPTITUDO AD ACTIONES VITALES, ANIMALES, &c.** Omnes actiones nostri corporis quodam sensu dependent à musculari motu; uni-

(a) Method. Medendi, Lib. VII. Cap. vi. Character. Tom. X. pag. 183.

versales enim causæ motrices omnium humorum, cor nempe & arteriæ, musculosæ sunt: sed hæ actiones tantum fieri possunt, dum adsunt boni spiritus: sed spirituum confectio ultimam & perfectissimam requirit assimilationem.

Itaque dum debilia nimis viscera non possunt ingesta ad ultimam elaborationem usque perficere, subtilissimum illud, à quo omnia ferè pendunt in corpore, incipit deficere. Hinc dum incipit languere chlorosi debilis puella, sensum subreptit insolitus torpor, à minimo motu ingens lassitudo, vertigo, hebetudo omnium sensuum; quæ omnia animalem facultatem læsam significant. Cor palpitans à minimo motu, pulsus mollis & debilis, respiratio anhelosa, vitales actiones imbecilles monstrant. Languens vel & miris modis depravatur appetitus, molestia ingens ab assumptis, tarda sæpe alvus, urina pallida, cruda, naturales functiones depravatas indicant.

Hinc apparet faciliè, ex hoc fonte infinitos numero posse oriri morbos, dum omnes functiones corporis sic lædi possunt. Faciliè etiam inde patet curationis difficultas: debet enim restitui omnium partium deficiens robur; sed hoc non potest fieri, nisi tantum adhuc superstit de natura creata corporis, ut illud, ab impeditis levarum, & deficientibus instructum, valeat, bonum sanguinem facere ex non sanguine, id est, ex ingessis. Hinc dum v. gr.; pulmo vel hepar tabe periit, frustra promittitur Medicina.

Maximè autem omnium inde fiunt,

*Κακία* Malus habitus (de quo postea peculiari capitulo dicitur) talis est debilitas ut nutritio lasa & depravata sit per totum corporis habitum simul. Fit hæ cachexia, quando omnia liquida & solida desciscunt ab his conditionibus, quæ requiruntur, ut fiat assimilatio: sed omni cachexiæ necessariò adest *κακὸς χυμὸς*, quæ est degeneratio omnium humorum ab his conditionibus, quæ requiruntur in sanitate: sed humores nostri suæ dotes accipiunt per vim vasorum & viscerum; hæc ergo si sint nimis debilia, necessariò degenerant humores.

2. **FACILIS VASORUM DISSOLUTIO.** Requiritur talis cohesio partium solidarum constituentium canales nostri corporis, ut possint sustinere impetum liquidi, vis cordis impulsus, sine solutione continuitatis: dum jam debilitata est cohesio hæc, metus rupturæ est à majori impetu impulsu liquidi: sic toties occurrunt tristes illi casus, ubi ad incrementi sui apicem pervenerunt tenelli homines, quibus vel à nativa labe, vel non firmato per motus musculares corpore, debilia nimis sunt vasa, quòd clamore, cantu, cursu, &c., rumpatur in pulmone arteria, sicque unà cum sanguine animam vomant, vel postea lentà phthisi marcescant. Quibus debiliora sunt renum vascula, in carpento per strata lapidea rudiùs vestri sanguinem mingunt toties.

Sed præterea dictum fuit, debilitatis visceribus degenerare humores in spontaneam corruptelam; hinc semper fieri acriores: blanda enim est humorum nostrorum in sanitate indoles, sic ut sanguis sanus oculo instillatus nullum dolorem faciat: eùm ergo liquida acriora debilitatos canales perfluunt, facilis fit solutio horum: docet hoc scorbutus, in quo sæpe laxitas totius corporis cum acrimonia humorum concurrunt, unde fractis vasis effusus sub cute sanguis maculas illas scorbuticas efficit.

Sed erosus sic ab aeri liquido, vel fractis nimio impetu motu liquidi vasis, effunduntur humores contenti; effusi stagnant, quia movens causa deficit; stagnantes corrumpuntur: dum nullus datur aeri accessus; seriùs quidem hoc fit, corrumpuntur tamen. Effunduntur liquida ex vasis fractis; abruptitur continuatio circuitus

humorum, dum vasa fracta hiant; omnes functiones, quæ à motu liquidorum per integra hæc vasa pendebant, abolentur. Hinc dum in variis corporis locis hæc fieri possunt, infiniti numero possunt oriri morbi, non faciliè recentendi, sed ad classes quasdam revocandi, quarum præcipuæ sunt sequentes:

*obitus*, à corruptendo dicta; sed obtinuit apud Medicos, ut hoc vocabulum non sumatur pro qualibet corruptione; sed pro totius corporis in suo habitu consumptione, nata ex cacochymia purulenta prædominante, ubicumque demum fomes ille hæserit in corpore. Debilibus nimis vasis exesis, vel fractis, etiam humores contumuntur, vicina omnia inflammant suâ acrimoniâ: sic sanguis in cavum thoracis effusus putrescit, pulmonem alluens inflammat, post hanc inflammationem suppuratione secuta verâ phthisi pulmonali hominem perdit: sic intelligitur, quomodo ab eadem causa nasci possit, *ιμωδύμια*, quod latiori significatione omnem suppurationem denotat, plerumque tamen designat puris collectionem in cavo thoracis.

*ὑδρῶς*. Omnes illi, quibus sensim subrepit hoc malum, laborant debilitate vasorum & viscerum; & omnis hydrops, non natus ex alio morbo valido prægresso, hanc ferè causam agnoscit. In omnibus enim cavis majoribus & minoribus corporis exhalantes arteriæ suos effundunt humores; sed observatum fuit, illam vim, quâ minima officina venosa imbibunt ex cavis corporis locis effusos humores, crescere & decrescere proportionaliter ad circulationis vires; hinc in morbis acutis, ubi circulatio nimia est, exsiccantur omnia: in languidis chronicis morbis sensim accumulato humore tument omnia. Accedit & hoc, quòd in summis languoribus diutius videatur persistere vis evacuens arteriæ, quàm vis refovens venæ: hinc in omni corporis diathesi, in qua vitalis vigor imminuitur, aquosa incipiunt accumulari.

*ἄσπexia*. Priori videtur primâ fronte oppositum malum; sed dum ascite turget immaniter abdomen, videmus gracilescere omnia superiora: nec mirum, quia nimis debilia viscera non possunt conferre singula suam symbolam, ut fiat ultima elaboratio ingestorum, quâ mutantur in nostram naturam, & perditâ resiliuntur: vita enim nostra destruet corpus, nisi reficiatur ex ingestis. Deficere potest ergo ex hac sola causa nutritio; & hic defectus atrophia dicitur.

§. 45. QUÆ (41. 42. 43. 44.) si quis accuratè observat, ille, non hujus modò (41.); sed infinitorum & obscurissimorum morborum originem, præsentiam, eventum internoscet, & solus auxilia impetrandæ sanationi valida & tuta inveniet.

Qui omnia antè dicta attentâ mente considerat, concludet faciliè debilitatâ actione vasorum in contenta fluida, posse lædi omnes functiones corporis; quia omnium functionum integritas ab actione solidorum in fluida, & fluidorum in solida pendet; hinc veram hanc esse lernam malorum, unde infiniti morbi pullulant. Ubi verò morborum à debilitate ortorum effectus sensibus obvii sunt, nulla in cognitione causæ manet difficultas; sed sæpe latentissimi morbi huic tantùm causæ suam debent originem. Dum nimis debilia pulmonum vasa rupta floridum & coccineum erucunt sanguinem, faciliè prægressa debilitas, ut mali causa, cognoscitur; sed similes arteriolæ in cerebro ruptæ lethalem fecerint effuso sanguine apoplexiam, latens tantî mali causa eadem est. Dum fracta in hepate vasa suos effuderunt humores, qui

corrupti stagnando, vicina inflammant, tandèmq; post multas miseriæ toto hepate consumpto certam mortem inierunt: prima hujus mali origo ab eadem causa pendet. Idem in omnibus alijs visceribus verum est.

Nullus videtur melior canon esse in Medicina, quàm ille, quòd in curandis morbis semper ad causam primam, unde omnia reliqua fluxerunt, sit respiciendum: ex hoc fundamento enim solo certa & valida auxilia deduci possunt. Qui ex debilitate natum hydropem, purgantibus emungendo corpus, curant, post paucos dies mirantur æquè timere omnia, dum omnia ruunt in flaccida hæc vasa, nihil serè de ingestio potu per sudorem vel diaphoresim, parum admodum per urinam, excernatur. Qui primam mali causam investigaverunt prudentiores, distendente saburrâ eductâ, fasciis laxum corpus stringunt, Victu sicco, roborantibus remediis, corporis exercitiis, primam morbi causam, unde omnia fluxerunt, debellant.

§. 46. **I**N applicatione verò horum, præsens debilitas tarditatem jubet; nec enim alibi perniciosior mutatio subita.

Subitam mutationem inducere in omnibus morbis sapiens damnavit Hippocrates, dicens (a), quod paulatim fit, tutum est, tum alijs, tum maxime si quis ab altero ad alterum transeat. Sed generalis hæc regula imprimis in cura debilium vasorum & viscerum observanda est. Si quis in hoc casu vel Medicamentis stimulantibus, vel motu musculari, humorum per vasa motum imprudenter nimis accelerat, debilia nimis viscera & vasa impetûs augmentum dum sustinere non possunt, franguntur sæpissimè, & turpi errore pro remedio mortem infert Medicus.

Qui hæmoptoe laborantem ex pulmonis debilitate validis exercitiis statim vellet curare, hoc efficere, ut accelerato sanguinis impetu nondum consolidatum vulnus rumperetur denuò: hinc requiritur summa hic cautela, prudens tarditas.

§. 47. **E**RGO remedia (28.) lentè, cautè, à primo in ultimum gradum, adhibenda sunt. Quorum usu roboratis vasis, motus validus muscutorum adhibeatur, donec omni effectu constet, satis compacta, solidata, & callosa evasisse vasa & viscera.

Omnia jam quæ de curatione fibræ nimis debilis dicta sunt, hic forent repetenda. Notandum maxime, per gradus omnia hæc augenda esse, donec redeat sanitas. Si per motum muscularem volumus curare hos morbos, incipiendum est à lenissimo; dein sensim & cautè augemus, continuò respiciendo ad effectum observatum in corpore ægri ex hoc motu. Qui hydropicum factum ex sola debilitate vasorum validissimis vellet statim exercere moribus, suffocaret; sed priùs imminutâ copiâ aquarum distenderentium, laxæ partes fasciis firmantur, dantur remedia leviter calefacientia, postea validiora, lenis imperatur motus, sensim augendo ad validissima exercitia usque: sic certò firmantur illa corpora, & morbus superabitur.

Sed non sufficit morbum superasse, debent etiam tolli cause, unde necessariò rediturum prævidemus. Dum enim hydropici aquas evacuasti, reddidisti tantum cor-

(a) Aphor. 51, Sect. II. Charter, Tom. IX, pag. 88.

pustale, quale erat, antequam hydropicum fieret suâ sponte: hinc debent laxæ tunc roborari partes.

Sed undenam novimus satis firmam jam esse viscerum, priùs nimis debiliu, compagem? Si calor per totum corpus sit æquabilis, & sanus; in debilibus enim calor deficit: si à potu ingesto non tumeat corpus in parte vel in toto; sed omnium maximè si color sit vivus & ruber in partibus illis, ubi vasa nuda, nullâ cute tecta, conspicua sunt, in labiis, lingua, faucibus, gingivis, oculorum angulis: ex his enim turò concludimus debitum jam adesse viscerum & vasorum omnium robur.

Ubi jam eò usque cura deducta est, tunc non requiritur ulterius roboratio; nam induceretur oppositum vitium nimis rigiditatis: sed servandum est corpus in illo gradu acquisiti roboris: sollicitè eviranda sunt omnia illa, quæ recensita fuerunt inter causas nimis debilitatis; nisi enim hoc fiat, citò redibit morbus. Hoc toties dolemus fieri in puellis à chlorosi curatis; dum nolunt abstinere, tepidis illis forbitiunculis, & inertì otio corporis robur restauratum perdere malunt, quàm exercitio sanitatem tueri: siquæ summum Medicis tedium, sibi ipsi tandem insanabilem morbum parant.

§. 48. **H**INC patet, omnia, quæ de facultate nutrimentorum tractantur, aliàs vera, aliàs falsa esse; exercitia muscutorum roborare fibras; exercitia ventionis resolvere coacta, roborare laxa, nec dissipare vires; ipsum sanguinem & cruorem in robustissimis esse maximè densum, lentum, blandum; in tenerrimis dissolutum, levem, acrem; infinitos morbos, facie diversissimos, unâ sæpe radice hæere posse, eaque succisâ tolli.

QUÆ DE FACULTATE NUTRIMENTORUM, &c. Qui absolute de his scripserunt, nunquam potuerunt vera dicere in omni casu, quia alimentorum facultas non pendet ab alimentis solis, sed omnium maximè à corpore, in quod ingeruntur (vide §. 25. n<sup>o</sup>. 1.) Integre nationes solis vegetabilibus & aquâ vixerunt incolumes; solis ferè piscibus & aquâ aliz gentes; omnibus ferè simul mistis, quæ terra sponte vel Arte protulit, quæ animalium partes exhibere potuerunt, uti erudita gula docuit alios; & tamen satis sani adhuc vixerunt omnes, vel saltem plurimi ex illis, nec nutrimenti varietas tam magnam differentiam attulit. Est enim in corpore humano sano talis facultas, ut, conspirantibus viscerum & vasorum actionibus omnibus, ex diversis indole ingestis fiat idem omni ferè dote sanguis humanus. Pro vario tamen vasorum & viscerum robore nutrimenta ejusdem indolis nocere vel prodesse possunt: sumo & sale conditæ carnes, cum pane atro duris aratoris visceribus convenient: si carniū juscula darentur tali homini, deficeret præ languore: sed hæc debilibus adeo prosunt, & contrà duri tales cibi nocerent summopere. Qui copiosos cibos conficere queunt, illis forbitiones ne dederis, cibum enim excludunt; qui verò non possunt, his dato (a).

Nullum ergo alimentum universali titulo salubre dici potest; & qui rogat, quodnam sit salubre alimentum, idem facit, ac si quæreret, quisnam sit ventus secundus, non cognito itinere.

(a) Hippoc. de affect. Cap. XII. Charter. Tom. VII. pag. 633.

**EXERCITIA MUSCULORUM, &c.** De his vide §. 25. n.º 2, & §. 28. n.º 2. Solo motu enim musculari, nimis exercitato, oppositus morbus nimix rigiditatis fieri potest. Quantum differunt carnes in stabulis faginati bovis à carnibus ejusdem animalis, quod aratrum ducens duro labore exsucca seipò omnia habet!

**EXERCITIA VECTRONIS, &c.** Motus musculares firmant corpus, sed fatigant, & quantum spirituum faciunt renasci, tantum perdunt: unde debilissimos his curare est impossibile. Hinc in debilibus substituuntur motibus muscularibus vectriones, & primò quidem lenissimæ, dum funi insidentes ægri motu oscillatorio leni agitantur (a): his succedunt gestationes in lecticis; dein vectriones in carpentis molles, postea in curribus per strata viarum motis: tandem ægri tales equos conscendant, & per varios gradus velocitatis quadrupedante cursu corpus firmant. Sic difficillimi curatu morbi sanantur, & omnes fere motus muscularis fructus habent ægri sine virium dispendio. Omnia autem hæc inprimis triplici de causa profunt; 1.º. Quia pendula viscera illis concussionibus agitata roborantur, & concreta partim his concussionibus, partim auctis vasorum & viscerum viribus resolvuntur. 2.º. Quia feces ex ultima digestionis residuæ sic ex primis viis eliminantur in illis, quibus vis horum viscerum deficit: hinc profunt inprimis unâ vel alterâ horâ ante cibum ingestum. 3.º. Quatenus impetus & efficacia aeris in pulmonum vasa sic augeatur, & ambiens atmosphæra, calore corporis statim tepescens, renovatur assiduò; quod inprimis equitando obtinetur.

**SANGUINEM ET CRUOREM IN ROBUSTISSIMIS, &c.** Densum vocamus sanguinem, quando est maximi ponderis in data mensura; hoc autem pendet à pressione vasorum, Omnia fere quæ assumimus, ut & inde paratus chylus & lac sanguine sunt leviora. Sanguis extravasatus, à vasorum compressione liber, fit se ipso levior. Sanguinis ergo compactio & soliditas eò majores sunt, quò vasa fortiora plùs consolidaverint: hinc in morbis acutis, in quibus nimia actio vasorum est in contentos humores, sanguis fit ponderosior, fit densior. In fortissimis viris sanguis de vena secta, vel vulnere exiliens, densus & niger est: hinc *Homerus* (b), ubi *Ajax* vulnerabat *Hælorem*, dicit: *Ater exfliebat sanguis*: & alibi (c) *Heroum Sanguinem atrum*, dixit. Sed & simul adest tali sanguini *lentior*, quo concrevit statim in unam massam solidam. In sanguine arterioso in robustis hoc temper verum est: & post validos labores, vel in morbis acutis inflammatoriis, sanguis venosus etiam sic concrevit illico seipò. In tali sanguine simul obtinet hæc conditio, ut oculo sano immixtus nullum dolorem faciat: adeo blandus est sanguis sanus, aliquid lenissimi subalsi habens, sed dilutum valde, sic ut nullâ acrimoniâ lædat partes acutissimi sensus: omnia enim, quæ nimis acria fierent in sanguine, eliminantur de corpore, per vesicam, alvum, sudorem, &c.

**IN TENERIMIS DISSOLUTUM, &c.** Sanguis sani hominis difficulter examinatur hydrostaticè, cum statim concresecat, & liber à pressione vasorum rarefat illico. Ut aliquam tamen, licet non omninò accuratam (ut ipse fatetur) hujus rei noticiam haberet *Boyleus* (d), excepit phialâ oblongâ sani hominis sanguinem: cum jam quietus stagnaret, & bullulæ evanuiscent, adamante notavit altitudinem: postea eandem phialam, eloto prius sanguine, replevit aquâ ad eandem altitu-

(a) *Mercurialis de Arte Gymnastica* p. 317.

(b) *οἷον δ' ἀνὰ στήθεσσι πίμπη*, *Iliad. Lib. VII.* vers. 262.

(c) *τὸν αὖτ' αἷμα κίχον*, &c. *Ibid.* vers. 329.

(d) *Hist. Sang. Humani*, pag. 11.

dinem;



nem; trúnque invenit, sanguinem sani hominis superare aquæ gravitatem specificam circiter unâ vigesimâ quintâ parte: sed ex paulò antè dictis constat, ex ingestis vi vasorum & viscerum sanguinem fieri solidiorem, ergo & ponderosiorém ingestis ipsis: hinc ubi in tenerrimis hominibus illa vis languet, minùs consolidatur sanguis; hinc dissolutus magis, & levis, tandem in aquosam tenuitatem degenerat. Docet id ex sola inertia & debilitate natus hydrops.

Sed plerumque nimia sanguinis tenuitati comes est major acrimonia: unde tenerimis illis faciles eroliones debiliùm vasorum: unde hæmoptoe, & similia mala. Hinc illis tam frequentes acres illi & falsi catarrhi.

**INFINITOS MORBOS, &c.** Dum liquida humana per canales proportionalis diametri fluunt, & singulæ series decrefcentium liquidorum per sua vasa feruntur, omnes omnium vasorum & viscerum functiones illibatæ sunt. Dum debilitata vasa, ab impulsis liquidis nimis dislenta, alienos humores admiserunt, turbantur omnia, hinc infinitorum morborum origo à simplici hac causa pendere potest; omnesque inde orti morbi, restituito naturali vasorum robore, tolli possunt. Unicum sufficiet ex innumeris, quæ adduci possent, exemplum. Naturaliter adnata oculorum tunica sanguinis rubri in suis vasis nihil habet: hæce verò laxatâ à quacumque causa sanguis ruber ingreditur, & ibi hæret; facitque ophthalmiam, in initio sæpissime aquæ frigida applicatione sanabilem, dum hoc frigore stricta vasa repellunt ingressum sanguinem rubrum: cùm in hoc casu emollientia & laxancia applicantur, augetur sæpe malum.

Hinc apparet, quantum usum habeat consideratio simplicis talis morbi, cùm viam parat, ut intricatissimi alii, ab eadem origine pendentes, cognosci & curari possint.

§. 49. **EX** iisdem cognitio & curatio laxitatis vasorum & viscerum habetur.

Cùm laxitas sit debilitatis species, uti antea dictum est, omnia priùs enarrata conveniunt.



## MORBI VISCERUM FORTIUM ET RIGIDORUM.

§. 50. **RIGIDITAS** nimia vasorum & viscerum nominatur illa partium (23. 38. 39.) hæc componentium cohesio, quæ non cedat illi motui, qui illa mutare & movere debebat, ut fierent ea, quæ sanitatis & vitæ tempore ab hac mutabilitate fluebant.

Omni vitæ nostræ tempore corpus mutatur in suis vasis, cùm hæc nunquam binis momentis maneant in eadem amplitudine, sed nunc distendantur vi impulsu à corde liquidi, nunc contrahantur in minorem diametrum suo robore. Requiritur ergo talis cohesio partium, constituentium hæc vasa, ut cedere possint: ubi hæc cohesio tanta est, ut non cedant omnino, vel non satis, morbus est nimis rigiditatis in visceribus & vasis.

*Tomus I.*

**II**

Quid viscera sint, dictum jam fuit §. 41, & notatum fuit ibi, quòd omnia viscera omnes suos effectus singulares faciant per vasorum, quibus constant, fabricam. Sed omnia vasa tantum agunt in fluida contenta, quantum reprimunt, & nituntur minuire suas diametros: & ubi semel contracta fuerunt ad minimam suam diametrum, tunc vis hæc quiescit, nec agit iterum, nisi ab impulso liquido distendantur rursus vasa. Requiritur ergo in vasis talis flexibilitas, ut cedere possint & expandi ab impulso liquido; dein, cessante vi impellente, rursus se contrahere.

Sed præterea requiritur, ut in singulis visceribus, quæ suâ fabricâ præparatos liquores lecernunt per emissaria, ultimi canales secretorii habeant certam & determinatam amplitudinem, ne dimittant illa, quæ retineri debent; aut retineant fecerenda: à justo hoc moderamine tota vita & sanitas pendent.

In variis jam corporis visceribus varia requiritur vasorum flexilitas: longè major certè in corticis cerebri arteriis, quàm in renum secretoriis vasculis: hinc iterum nihil hic generaliter definiri potest, sed tantum cum limitatione ad varios usus, quos vita sana requirit.

§. 51. **O**RITUR 1. ab omni causa fibræ nimis rigidæ, (32.) 2. maximè à fibris, validâ vi propulsi liquidi vitalis admodum compactis ad se mutuò; 3. ab adunatione canalium minorum orbatorum suo liquido per violentam pressionem, quâ vitale liquidum arteriosum canalium majorum latera premit, cujus maxima effectrix causa est valde exercitatus muscularis motus; 4. à concreto vase in unum solidum cum proprio liquido stagnante, exsiccato, coagulato.

1. De his dictum fuit. §. 32.

2. Licet in liquidis forent partes, restituendis elementis, per sanitatis actiones detritis & deperditis, aptæ; requirebatur tamen (ut in cura fibræ debilis dictum) applicatio harum per propulsum liquidi vitalis ad loca debita, & quasi appressio ad alia elementa, quæ quò validior erat, eò firmiter fibræ inde natæ vel restitutæ fabrica. Eadem jam hæc vis, quæ elementa fibrarum inter se compingit, fibras ex his adunatis factas, fortius ad se invicem apprimat, & plùs coherere faciat.

3. De hac re §. 59. n°. 1, dictum fuit. Maximi enim canales habent suas membranas contextas, ex minoribus: sed minimi canales per cordis vim longè minùs distenduntur, quàm majores, in quos primo quasi impetu, & integris suis viribus cor agit: hinc majoribus canalibus distentis minora vascula, majorum canalium membranas constituenta, complanantur & impervia fiunt; unde concresecunt, & inde augetur robur. Motus jam muscularis valde exercitatus, velociùs movendo sanguinem venosum versùs cor, illius motum auget: hinc major impetus inprimis in maxima vasa, & hinc omnia illa dicta sequuntur. Hæc inprimis ratio est, quare debilia corpora motus muscularis tam pulchre roboret.

4. Dictum fuit de hoc §. 59. n°. 2.

§. 52. **U**BI obtinet in vasis, producit effectus: 1. similes, vel eosdem iis, qui à fibra nimis rigida (33.) 2. facit in vasis validum nixum, quo fibræ conantur se applicare ad axin sui canalis; arctare cava sua; premere, comprimere, repellere, expellere sua liquida; hinc eorum motui à corde, adeoque & cordi resistere; vix dilatari; hinc interrumperæ æquabilem sanguinis motum, adeoque omnium secretionum, minuere copiam sanguinis aliter uno iclu ex corde expellendi; impedire cordis evacuationem perfectam, polypos sanguinis producere; fluidum comprimendo, & à fluidissimis spoliando, id condensare, suffocationes, mortem creare. 3. Vulneratis vasis magnos hiatus creat per vim magnam, quæ trahuntur in sua sustentacula partes vasorum; discissis integre cavitates minuit extremas, vel claudit.

1. De his actum est.

2. In canali conico linea ducta ab apice ad centrum basis, dicitur axis. Dum canales nostri flexiles distenduntur ab impulsu liquido, sunt in statu violento, & fibræ longitudinales, in arcum distentæ, nituntur redire in pristinam longitudinem: fibræ orbiculares distractæ nituntur redire ad minores diametros. Utræque hæc actione latera canalis propius accedunt ad axim: hæcque est sola actio canalium nostrorum, quatenus nempe fibræ distentæ nituntur se restituere. Quod jam firmiter fabrica, & major elasticitas est horum laterum, eò validior hic nixus est, ut evidenter patet.

Sed dum latera canalis ad axim propius accedunt, necessariò minuitur cavitas: ergo premitur liquidum contentum; & cum liquidum non possit tam citò exprimi per convergentes arteriarum fines, nec retropelli in cor (obstant enim aortæ valvulæ) hinc comprimitur, reprimitur, & condensatur: omne enim porosum, & simul flexile corpus, in tantò minus spatium redigitur, quantò major est vis comprimens. Hæcque videtur esse ratio, quare chylus & lac leviora semper sanguine, repetitis vasorum nostrorum actionibus compressa mutantur in sanguinem solidum & compactum.

Sed omnia, quæ ingrediuntur corpus nostrum, nova liquida, sive ex cibo & potu, sive per bibula vasa in tota corporis superficie, semper per venas ingrediuntur: hæc dilatabiles faciliè admittunt omnia. Postquam autem hæc ingressæ sunt arterias, si in his robur supra sanitatis vires increverit, statim disstantur de corpore: hinc intelligimus, unde homines macilentis & fortes comedant duplè plus sæpe quàm obesi & otiosi, nec tamen pinguescant, licèt parçà copiâ tantùm alvum deponant. Ingesta quidem in his ingrediuntur venas lacteas, dein cavam venam, corque dexterum; sed in pulmonis arteriis, & postea per totum systema arteriosum reliqui corporis sic accedunt, ut per ultima exhalantia corporis vasa diffiliari possint, sicque evanescant.

**HINC EORUM MOTUI A CORDE, &c.** Maximè notandum, quòd, licèt majus robur accedat arteriis, ideo non statim debeat oriri cordi nimia resistentia; nam aucto arteriarum robore, cordis vires augentur: influxus enim venosi sanguinis in cava cordis, trajectio sanguinis arteriosi per cordis substantiam, influxus spirituum in villos musculosos cordis, sunt causæ à quibus motus muscularis cordis

pendet. Sed dum aorta validiori vi se contrahit, sanguinem majori celeritate pellit per arterias coronarias in cordis substantiam; simul validiori vi per carotides & vertebrales sanguinem cerebro & cerebello applicat; unde major spirituum secretio: deinde ex arteriis in venas sanguinem velocius promovet, sicque sanguinem venosum celerius movendo cor irritat: omnes ergo causæ motus muscularis cordis augentur, aucto robore arteriarum.

Quamdiu hoc manet æquilibrium, summa permutatio & celerrima conversio ingestorum in naturam nostram fit; magna conciliatur sanguini soliditas: sed nondum inde sanitatis detrimentum. Ubi verò robur arteriarum eo usque increvit, ut vix patiantur se dilatare; tunc omnia illa mala hic recensita fiunt. Dum enim non dilatantur arteriæ, non contrahuntur postea: sed contractio arteriarum præcipua causa est, quæ sanguinis motum per vasa facit; cordis enim actio tantum ferè dilatat arterias, & in illis dilatatis locat contentum in cavis suis sanguinem: momento post contractæ arteriæ contentum sanguinem propellunt. Hoc evidenter apparet, dum arteria major vulnerata sanguinem fundit: nunquam enim uno impetu profluit, sed per subsultus: longè minori celeritate exit, quando cor contractum arterias dilatat; longè majori impetu, dum arteriæ contrahuntur & cor est in diastole.

Ubi ergo à quacumque causa tanta fit rigiditas vasorum, ut non patiantur se dilatare, vel saltem non satis, tunc cordis vires non valent expellere contentum in cavis suis sanguinem: tunc cor mirabili quasi tenesmo irritatum nimitur pluribus ictibus facere, quod unicæ contractione non potuit; hinc palpitaciones cordis & interruptus pulsus in summo senio toties observata: nam in valde longævus vasa majora circa cor cartilaginea, imò ossæ, aliquando inventa fuerunt; ut testantur Observationes Medicæ. Cordis jam motu turbato omnia turbantur in corpore: illud enim fons & origo motus est. Hinc nulla secretio, nulla excretio manet talis, qualis antea fuerat: sed dum in cordis cavis, & in sinibus & auriculis, incipit hærere sanguis, nascuntur.

POLYPI, à Polypo pisce sic dicti, qui plurimis cirris se vicinis assigit: morbus frequentissimus, latens admodum & rebellis.

*Malpighius* in tractatu de Polypo cordis primus ferè obscuræ hætenus polypi Historiæ lucem affudit, & demonstravit, unde polypi in corde & majoribus vasibus origo deducatur.

Sanguis enim sani hominis venâ missus lentescit statim, & incipit facere crustam concretam, quæ repellit à se liquorem flavum fluidum. Massa hæc magis & magis concrevit, & innatat liquidiori parti expressæ; concreta deinde aquâ purâ lota albecit, fibrosa apparet, discissa exhibet cellulas, ichore rubello plenas.

Experimentum *Ruyshii* (§. 39.) antè memoratum docet, quomodo semel incipiens nasci talis concretio, & reliquo sanguine trahat similes partes, & ex illis adunatis fiat membranæ quasi species.

Sanguis ergo sani hominis, ut constat ex his Experimentis *Malpighii* & *Ruyshii*, constat binis talibus partibus, quæ se mutuo repellunt, sed motus vitalis hæc miscet inter se: hinc simulac sanguis in homine vel sanissimo in vasibus magnis aliquandiu quiescit, aut tardius motus copiâ nimîâ aggregatur in vasibus distensis, disponitur ad coagulationem flocculentam: flocculi sic nati concrevunt inter se, sibi que assimulant & quasi attrahunt similes partes, & faciunt sic polyposas massulas, quæ continuatione ejusdem causæ concrevunt sæpe in immanem magnitudinem, & vasibus ipsius.

cordis columnis, auriculis, &c, accrescunt; ut docuerunt in cadaveribus factæ Observationes (a).

In jugulatis animalibus omni sanguine emisso, circa solum cor dextrum pauculum adhuc sanguinis hæret, in massulas oblongas polyposas concretæ: hincque apparet ratio, quare post ingentes sanguinis jacturas polypi sæpe circa majora vasa concrecant, postea miserrimos inducentes morbos. Vidi sic fœminam, cui per abortum tanta facta fuerat sanguinis jactura, ut pro mortua deponeretur; revixit postea, satis commodè se habens dum quiesceret; si verò minimùm moveret corpus, mox anxietas intolerabilis, & subitanea omnium virium prostratio, anhelatio miserima, donec quiete sensim rediret pacatior status: sic jam per decem annos hæret lectulo affixa. Videtur in hac fœmina idem factum fuisse ac in jugulatis animalibus, factas nempe polyposas concrectiones lentè motum sanguinem transmittere, & viam præcludere celerius moto.

Apparet hoc evidentissimè in syncope: quando enim in syncopen delapsis vitæ redit, suspirant, anhelant; concrescunt sanguinis polyposi flocculi in arteria pulmonali, ex ingenti capacitate in tam minutas angustias statim abeunte, sistuntur; contractione cordis & arteriæ pulmonalis, respirationis molimine tunc semper aucto, eunt, redeunt, & aliquando solvuntur: qui autem sæpius syncopen patiuntur, nato jam polypo totâ vitâ cordis palpitationibus obnoxii manent.

Malum hoc frequentissimum foret mobilissimis puellis, quæ ab animi affectu validiore statim animo deficiunt, nisi illarum sanguis vitium oppositum polyposæ concrectioni haberet: in illis enim, quibus validæ vires sunt, & actiuosa vita, sanguis majorem vim concrescendi habet; hinc requirit motum perpetuum & æquabilem, ne concreseat.

A polyposis autem illis concrectionibus, vel in cordis ipsius cavis, vel circa vasa majora natis, oriuntur tam anomala, tam tetra symptomata, ut causis majoribus adscripta fuerint sæpius. Concretio talis polyposa ovi columbini magnitudine, nullibi acreta, sed libere hærens in sinistri cordis cavo, horrenda mala produxit (b).

Angusta spes curæ est in polypo confirmato. Jactantur plurima remedia, profunt sæpe nunquam. Totum autem, quod, sperari potest, est, ut reddatur sanguis dilutissimus, ab omni concrectione maximè alienus; id est, inducatur per Artem caco-chymia nimis diluti sanguinis, ne augeri possint polypus novæ materiæ appositione; sed tritu omni momento vitæ præterlabentis deteratur sensim.

3. Si nulla foret in partibus nostris solidis contractilitas, vulnus inflictum non haberet majorem hiatum, quàm est crassities instrumenti lædentis: sed videmus vulnera, vel acutissimâ novaculâ inflicta, paulò post hiare: vis enim illa, quæ cohærent partes firmæ inter se, facit retrahi utraque extrema. Quò ergo hæc vis est major, eò plus recedent partes discissæ à se invicem. Cum verò integre discissæ sunt vasa, eadem hæc vis extrema vasorum retrahet & occultabit sub aliis partibus; sicque in hoc casu hæmorrhagiæ feliciter sistuntur in robustis quàm in debilibus, quia & vis contractilis orbicularium fibrarum in arteriis robustiorum fortior est.

(a) Abridgement Tom. III. pag. 70. Malpigh. | (b) A.R. Physic. Med. vol. 2. pag. 52.  
de Polypo & passim apud Observatores.

§. 53. **E**X his (31. 32. 33. 34. 35. 36. 37. 50. 51. 52.) accuratè perspectis clara habetur doctrina, quâ noscitur præterita, præsens, futura, agens, & actura vasorum rigiditas, elasticitas, vis, curatio.

In præcedentibus capitulis explicata fuit methodus, quomodo diagnosi morbi præsentis, anamnesis morbi præteriti, prognosis futuri & effectuum inde sequentium; tandemque indicatio curatoria inveniri possint; vide §. 27, & 34.

§. 54. **E**AM enim efficiunt 1. remedia curandæ rigiditati fibræ propria, (35.) 2. illa maximè, quæ liquidi vitalis copiam, densitatem, pressionem minuunt. 3. Quæ motum muscularem suspendunt. 4. Ea, quæ humectant, leniunt, emolliunt, diluunt, resolvunt, abstergunt.

1. De his dictum fuit.

2. QUÆ MINUUNT LIQUIDI VITALIS COPIAM.

In fibra nimis rigida curanda solum considerabatur solidum: in visceribus & vasis nimis rigidis curandis ratio haberi debet & solidorum & fluidorum simul. Inter causas nimis rigidorum viscerum §. 51, recensita fuit valida vis propulsi liquidi vitalis, compingens ad se invicem fibras. Liquidum autem vitale vocatur, quod corde expellitur, & in cor refluit. Sed quò plùs hujus liquidi vitalis, manente vitâ, auferatur, eò minor fit solidarum partium actio & attritus ad fluida contenta; id est, minuitur vitalis circuitus humorum vehementia: minutâ enim copiâ viralis liquidi, non reddit ad cor eadem quantitas. Sed sanguinis, per venas allati, in cava cordis influxus inter causas motum cordis excitantes meritò numeratur, ut antè dictum fuit §. 28. & alibi jam, sæpius: ergo minuitur cordis constructio muscularis in suo robore & velocitate. Docet hoc evidenter venæsectio, quæ furentem in morbis acutis nimio impetu vitam sic potest compescere, ut incipiant omnia remittere, languere, imò ad animi deliquium deductâ hac evacuatione in acutis continuis, ubi validæ ægrotantis vires sunt, sæpe illico tollitur febris; ut *Galeno*, sic febrem curanti, adstantium quis dixerit, *ô homo, jugulasti febrem (a)!*

Sed jam antiquis temporibus disputaverunt Medici, quomodo deberet in morbis tolli illa copia nimia vitalis liquidi. Simplicissimus, & naturæ, toties hæmorrhagis excitatis morbos sanantis familiaris modus videbatur aperto vase per venæsectionem minuere copiam. Sed *Erasistrati* sectatores damnabant venæsectionem, & exsuperantem sanguinem tolli posse volebant inediâ, quam triduanam imperabant ægris suis. Famosa illa *diatriplex æuria* ab *Hippocrate* in libro de Victu acutorum morborum fuit proscripta. Integrum librum *Galenus (b)* scripsit, ubi & argumentis, & rerum Experimentis, hanc sententiam refutavit, licet postea à Chemicis quibusdam infelicitè resuscitatum.

Dum enim per inediâ humorum copiam minuere volunt, diffantur subtilissima; crassissimi humores in vasis maximis eò plùs condensantur; & simul omnia in putri-

(a) Method. Medend. Lib. IX. Cap. IV. Charter, Tom. X. pag. 106.

(b) De venæsectione adversùs Erasistrateos; Charter, Tom. X. pag. 406. & seq.

dam acrimoniam disponuntur: venæsectio verò crassissimam humorum nostrorum partem, sanguinem rubrum nempe, educit, viamque facit diluendis ingessis.

**DENSITATEM.** In homine sano sanguis semper densitate aquam superat; & dum in aquosam tenuitatem incipit degenerare sanguis, perit omne robur; docent hydropici. Ubi ergo nimium robur in vasis & visceribus peccat, depletis per venæsectionem vasis, educit densissimâ sanguinis parte, ingeruntur aquosa; serum lactis, pituitæ hordeaceæ, &c., in quibus aqua prædominatur; ut his repleta vasa debilitentur, & quasi dispositio ad hydropem inducatur. In morbis acutis Hippocrates solis ferè aquosis in victu ægrorum usus est.

**PRESSIIONEM.** Omnia ingesta alimenta & potulenta sanguine sunt leviora: vis ergo vasorum hæc continuatâ actione compingit & consolidat in bonum sanguinem. Quò hæc vis vasorum minor est, eò minus compactus ex ingestis nascitur sanguis: docent debiles puellæ, quibus subrubellus ichor quasi per vasa fluit, non solidus sanguis. Quò jam vasa pleniora sunt, eò major compressio liquidorum vasis contentorum: cordis enim vis, projiciens sanguinem in arterias, jam valde distentas, debet comprimere plùs sanguinem in arteriis, ut locare ibi possit contentum in suis cavis sanguinem: hinc dum minuitur hæc vasorum plenitudo, minuitur & hæc pressionis causâ. Quò jam densiora sunt liquida nostra, eò majori impetu in vasa nostra agunt; cui actioni in sinitate æqualis est vasorum reactio in liquida. Dum ergo minuitur liquidorum nostrorum densitas, minuitur etiam pressio, ut patet. Quò jam celerior est propulsio sanguinis per vasa, eò sæpius, eodem dato tempore, applicantur causæ condensantes nostris liquidis: hinc in omnibus morbis, in quibus nimius vitæ impetus peccat, summam quietem imperavit sapiens Antiquitas. Minutâ ergo copiâ, minori conciliatâ densitate liquidis, minuto motu fluidorum per vasa, minuitur pressio; & quod inde necessariò sequitur, nimium robur vasorum & viscerum præfens tollitur, vel futurum præcavetur.

3. Quid motus muscutorum valeat efficere, dictum fuit §. 26. n°. 2. §. 37. §. 43. n°. 3. §. 48.

4. **QUÆ HUMECTANT.** Quidnam vocatur humectare in Medicina? Corpus humanum replere pluribus, quàm hætenus habebat, liquidis; & simul sic disponere, ut plùs, quàm solebat antea, retineat: hæc duo simul faciunt humectationem. Dum enim ingeritur aqua, non mansura in corpore, perlucit corpus, non humectatur. Aqua tepida pota laxat omnia vasa, sed cum farinosis costâ longè plùs emollit & humectat, sicque efficit, ut repletioni minùs resistent vasa. Hoc totum jam verum est respectu solidarum corporis partium; sed ratione fluidorum difficultas magna manet. Sanguis enim humanus per vim nimiam vasorum in fluida incipit coire in spissitudinem inflammatoriam; tuncque non facillè miscetur aquæ ingessæ; sic sæpe in morbis acutissimis observatur, largam copiam aquæ epotam per urinas & sudores statim dilabi, & post paucas horas urinam esse æquè rubram ac antè, nec leviori symptomata. Videtur tunc aqua fluxisse quidem cum sanguine per vasa, non autem cohesisse sanguini intimâ miscellâ, sed mox secessisse. Tunc taponēs blandissimi, aquæ misti, ut sunt omnes succi fructuum horæorum, olerum molissimorum, mel, manna, saccharum, &c., sic dividunt nimis pronum in concretionem sanguinem, ut aquæ facillior fiat, & magis durabilis, miscela cum sanguine.

Remedia jam humectantia in *Materia Medica* descripta sunt, in quibus omnibus semper prædominatur aqua. Adhuc simul talia, quæ aliquid glutinosi lentoris addunt

aquæ, nimis citò præterlapfuræ; ut sunt omnia farinosa, omnes herbæ emollientes. Adduntur & saponacea, quæ dividunt nimium sanguinis lentorem: sed in primis laudabuntur pro hoc scopo decocta cancrorum fluviatiliū in Græcia, ad siccos illos marafinos ab *Hippocratis* temporibus jam adeo laudata. In Italia viperinarum carnum decocta tantū sunt. Fortè hic decocta anguillarum substitui possent, in his enim omnibus est subviscosus, humectans, blandus succus, qui plūs facit in exsuccis illis corporibus, quàm serè sperari posset. Si his decoctis, ex se fatuis, gratis oleribus additis concilietur saporis gratia, summum habetur remedium.

**LENIUNT.** Quæ lenientia dicuntur, sunt talia vel respectu solidorum, vel respectu fluidorum: respectu solidorum lenientia dicuntur, quæ nimiam rigiditatem tollunt; respectu fluidorum, quæ omne acre stimulare obvolvunt & inviscant: quæ sunt omnia recensita statim.

**EMOLLIUNT.** Quæ lenientia dicuntur ad emollientium classē pertinent, hæc tamen cum diversitate, quod emollientia respiciant tantum solidas partes, lenientia & fluidas & solidas partes simul.

**DILUUNT.** Diluere tantum de liquidis dicitur: his verbō dilutis solida laxantur. Sed quid diluit? Certè aqua unicum propriè diluens est respectu nostri sanguinis; & reliqua omnia, quæ diluentia dicuntur, tantum ratione aquæ agunt. Salia quidem attenuant & resolvunt, non diluunt tamen. Spirituosa omnia potius coagulant nostros humores. Aqua autem frigidissima, æquè ac fervida, sanguinem coagulat: hinc sola tepida dat optimum diluens. Hæc jam aqua tepida potest omni modo applicari corpori nostro, per balnea, vapores, clysmata, fomenta, &c.

**RESOLVUNT.** Nimium robur fieri dictum fuit, concretis multis vasis; antea perviis: hinc resolutentia, respectu solidarum partium, debent habere talem potestatem, ut vasa concreta redderent iterum aperta: hoc vix videtur fieri posse, vel saltem non facillè. Sed resolutentia respectu fluidorum sunt omnia illa, quæ partes olim fluidas, nunc concretas, iterum solvunt in illas moleculas, ex quibus constabant ante concretionem. Hæc autem dividunt concreta vel insinuatione suæ molis inter partes coherentes, vel stimulorum instar vasorum vim augent, unde major attritus, & sæpe divisio concreti: aliquando utrisque his viribus simul conspirantibus agunt.

Sanguis ruber, dum fluit per totum corpus, debet transire per vasa, quorum diameter decimam partem crassitie capilli non superat: sed sanguis ille, extra corpus dimissus, sic concrefcit, ut per maximos canales transire non posset: jam resolvens diceretur illud, quod sanguinem concretum posset iterum dividere in particulas adeo parvas, ut per vasa illa minima posset transire.

Prout jam sunt varia genera concrefcientium humorum, diversa etiam requiruntur resolutentia: quorum præcipua in *Materia Medica* ad hunc numerum sunt recensita.

Diluentia aquosa enim solvunt omnia mucosa, glutinosa, gummosa, saponacea; &c; plurima autem sunt per aquam non resolvenda: sanguis enim noster in aquam tepidam dimissus à concretionē non impeditur.

Salina solventia pleraque, recensita in *Materia Medica* optimè hoc munus absolvent: inflammatoriis concretionibus resolvendis sales neutri optimè conveniunt, maxime nitrum & ejus præparata pleraque, quod sale marino levius, faciliusque superandum à natura humana, tam pulchro usu in omnibus serè morbis acutis adhibetur.

Sales



Sales alcalini ad glutinosas lentas concretiones magis laudantur, &c.

Saponacea, mitissima inprimis illa ex saccharo, melle, fuccis, &c, sine ullo ferè molimine, sine ullis turbis, plurima concreta solvunt: fortiora illa, & Chemica acriora, simul excitato majori motu agunt.

Hæc omnia autem maximè adjuvantur frictionibus, dum alternâ pressione & relaxatione vasorum resolventia, sanguini mista, teruntur quasi cum concretis fluidis. Sic certè post balneum vaporis moderata frictio, simul internè solventissimis remediis adhibitis, læpe duros glandularum tumores dissipavit, qui resolvi posse vix credebantur.

**ABSTERGUNT.** Dum viscosum vel glutinosum aliquod tenacitate suâ apprehendit superficiem vasis, & meatus naturales obstruit, si hoc aufertur, dicitur deterfa esse illa pars corporis. Hinc abstergentia sunt resolventia concreti, inprimis saponacea omnia. In illis autem vasis, per quæ rapidissimus est humorum motus, non faciliè inveniuntur talia viscosa vasis adhærentia, sed in ultimis vasis vel in receptaculis, ubi colliguntur humores in proprios usus occurrunt talia. Magnus tamen error foret credere, omnia talia viscosa esse semper morbosa: certè totum os internum, œsophagus, ventriculus, &c, tali obsidentur muco, quo deficiente pessimi oriuntur morbi. Ad classẽ abstergentium pertinent omnia quæ diluunt, quæ resolvunt; omnium maximè saponacea. Illa autem nimis rigiditati vasorum & viscerum curandæ profunt, quatenus, obstaculis remotis, per vasa patula liberrimus fit humorum transitus; unde æquabilissima facta circulatio non compingit adeo ad se invicem solidas partes, non condensat tantâ vi humores.

§. 55. **EX** hisce omnibus (ab 21. ad 55.) morbi partium solidarum proprii intelliguntur, curantur; & ex iisdem clarescit, quid respondendum his quæstionibus: Quæ diversitas structuræ partium solidarum in ætate diversa? Cur homo crescit, perstat, decrescit? Cur in utero materno omnium ocyssimè augeatur? Cur laxus, fortis, rigidus sit? Cur humidus, plenus, siccus? Cur morte naturali, vel fato senili, moritur, & quo tum morbo? Quinam morbi plerumque singulæ ætati proprii? Quis Viçtus, quæ vita, quæ Medicamenta, cuique tempori vitæ commoda? Quænam fides, quæ utilitas, doctrinæ de stricto & laxo in solidis? Unde desumenda nota certissima iustæ mensuræ laxi, & stricti, in hominẽ & c.

Ex hæcenus dictis omnes morbi solidarum partium intelligi possunt, & explicari: pendunt enim omnes à mala cohæsiõne partium, & ex hac doctrina plurima sequuntur, & maximi usûs, in Medicina; facili enim sequitur responsio ex prædictis ad sequentes quæstiones.

**QUÆ DIVERSITAS STRUCTURÆ,** &c. Quod propius origini suæ est corpus humanum, eò pluribus vasis, fibris & membranis simplicibus, constat; eò facilius cedunt vasa liquidorum impulsui; eò major proportio encephali & nervorum inde productorum ad reliquas partes. Si recens nati corpusculum lustratur undique, omnia pulposa, mollia, humida sunt; volæ manuum, pedum plantæ; ubique in

omni puncto per minima vascula exhalantia humido madent; nihil seci, nihil callosi invenitur; sensim facta ætatis augmento plurima ex minimis vasculis incipiunt consolidari: sic vasorum numerus minuitur, solidorum augetur robur; donec tandem in ultima senectute dura accedat exsucco corpori callositas, & minimorum vasorum plurimorum abolitio: unde omnes actiones, quæ pendent à subtilissimi humoris per minima vasa motu, in senibus incipiunt deficere; & solida omnia nimis rigida facta resistunt magnâ vi fluidis impulsis.

**CUR HOMO CRESCIT?** Dixerat Hippocrates (a): *Partes autem simul omnes discernuntur, & augentur, neque una prior alterâ neque posterior: majores tamen naturâ minoribus priores conspiciuntur, quum priores non existant.* Dum enim generationis animalium mirabilem Historiam, quantum per fidelissimas Observationes hodie cognoscitur, consideramus, videntur in embryone partes præexistentes explicari in majorem molem. Idem & in plantarum propagatione constat, ubi in fecunda semine integra plantula convoluta latet, sensim explicanda. Dum ergo in tenello embryone pleraque vasa intorta & convoluta jacent, oritur resistentia liquidis per hæc vasa propellendis; sed liquida pulsa per canales, cum renixu quodam contra hunc motum facta, conantur distendere hos canales, & simul producere latera canalium juxta longitudinem: hinc elongantur omnia, & fit crimentum. Ubi verò, explicatis omnibus vasis, minor fit resistentia liquidis propulsis, fit liberrima circulatio per omnes canales; tuncque cessat illa productio canalium secundum suam longitudinem, quia jam liberrimè perfluunt liquida, & vitali motu (ut antè demonstratum est) consolidata canalium latera non patiuntur se distrahi ulterius ab eadem vi: tunc corpus,

**PERSTAT.** Dum copia & impetus humorum ex corde pulsorum æquilibrantur viribus solidorum resistentium: corpus enim humanum non desinit crescere, quia solida extendi non possunt; sed quia explicatis vasis omnibus liberrima circulatio efficit, ut minùs urgeant liquida suos canales: quacumque enim de causa nato obstaculo circa quædam vasa (etiam in corpore jam adulto) velocitate & copiâ humorum manentibus iisdem, videmus partes incrementum. Docet hoc uterus gravidarum in tantam molem expansus; hepar & lien obstructa in immanem magnitudinem excreverunt; cutanea vascula invisibilia à comprimente atheromate vicino insigniter aucta (b).

Forè à tali latente causa mirabile sæpe quarundam partium augmentum. Puellam novî, cui lingua: immaniter aucta, extra os infra mentum pendula esset, deglutitione, loquelâ, gustu integerrimis.

**DECRESCIT.** Inevitabili viræ sanæ effectû sensim nascitur tale robur in vasis omnibus, ut incipiant nimis resistere liquidis impulsis. Hinc sensim contrahuntur omnia; totum corpus aridum & exsuccum fit; omnis ferè pinguedo consumitur, quæ tam magnam partem corporeæ molis humanæ facit: hinc in senum manibus; omni ferè pinguedine evanidâ, nudas quasi tendinum chordas videmus; mirabilia illa ligamenta inter corpora vertebrarum media evanescent sæpe sic, ut fiant nulla, & vertebrae vertebrae rasantur: unde minuitur corporis proceritas, incurvatur spina dorsi anteriorum, gibbosi fiunt senes, & vera silicernia, tandem senilis marasmo percutunt.

(a) De Viâ ratione Sanorum, Lib. I. Cap. 21. Charter. Tom. VI. pag. 455.

(b) Simson the system of the womb. pag. 24. 25. & seq.

**CUR IN UTERO MATERNO, &c.** Rem se sic habere certi sumus: ex invisibili enim molecula intra novem menses crescit infans, ut sexdecim librarum pondus sæpe æquet, imò exsuperet aliquando. Ratio videtur hæc esse; tenerima sunt vasa, corculo validè moto valde propinqua, convoluta plurima magis resistunt liquidis impulsis; hinc plàs elongantur & distenduntur; totus embryo sovetur assidue tepenti calore liquoris amnii: hinc omnia servantur laxissima; nutrimentum materni corporis viribus præparatum affunditur continuò, distribuitur æquabilissimè.

**CUR LAXUS.** Si otio ignavus torpeat homo, somno indulgeat, mollissimis simul utatur cibus, tumebit inerti mole corpus, vires tamen non adeo insurgunt, vasa non satis consolidantur: hinc faciliè distendenda cedunt liquidis replentibus.

**FORTIS.** Dum liquidorum vis prævalet vasorum firmitati, corpus tumet & laxum est: dum corporis exercitiis roborata vasa liquidorum impetum sustinent sine dilatatione nimia, & vasorum robur fluidorum copię & motui æquilibratè vi resistit, tunc fortis dicitur homo; in quo firma cohesio solidarum partium, & debita humorum densitas.

**RIGIDUS.** Si eadem causæ pergant agere, quæ corpus reddiderunt forte, tandem illud facient rigidum: ætas sensim tenellum recens nati hominis corpus firmat, corporis exercitia robur addunt vel debilissimis; provectior ætas omnia callosa rigida facit; nimii labores præproperam senectutem faciunt.

**CUR HUMIDUS.** Omnes venæ nostræ facillimè dilatabiles replentur ab ingestis novis liquidis; sed arteriarum firmitus robur expellit iterum ingestos liquores: homo enim sanus & fortis incredibilem copiam aquæ potare potest, quæ omnis recepta venis cordi traditur, per arterias dein distributa expellitur de corpore; sequenti enim die pristinum pondus recuperat. Ubi ergo talis in arteriosis vasis est debilitas, ut venis receptos humores nec moveant satis, nec expellant superfluos, tunc accumulantur liquida, & prævalent solidis, humidamque dictam temperiem inducunt.

**PLENUS** dicitur homo, quando vasa ejus plùs repleta sunt bonis humoribus, quàm requiritur ad stabilem sanitatem. In illis talis laxitas est in vasis, ut impleantur ad illum terminum, in quo nondum morbus fit; sed si augeantur plùs humores, aut rarefiant à calore vel alià quâcumque causâ sanitas manere non potest.

**SICCUS.** Hoc fit simpliciter ab crescente vasorum robore: quando arteriæ majore contrahuntur vi, quàm requiritur ad perfectam sanitatem, liquida expelluntur, siccum fit corpus: hinc ætas & labores solida roborando corpus siccant.

**CUR MORTE NATURALI, &c.** Mors naturalis dicitur illa, quæ inevitabili lege ex creati corporis constitutione sequitur: hæc autem fit, quoniam elementa fibrarum ad elementa, fibræ ad fibras, membranæ ad membranas, parietes vasorum ad invicem applicantur, & vasa complanata cum aliis similibus concrefcunt; sicque tandem, minimis vasis serè omnibus concretis, per sola majora adhuc absolvitur humorum circulus: donec & hæc arida, callosa, imò tandem cartilaginea & ossæ facta (ut docuerunt Observata) impendant liberam sanguinis expulsionem ex corde: sicque vita definit in placidam, maximèque optabilem, mortem. Ita defecit centenarius major Ludovicus Cornaro (a).

(a) Raadgeving om gezond en lang te leven, pag. 78.

Hinc inanis Chemicorum jactantia patet, qui magno hiatu serè immortalitatem promittebant; saltem pro libitu se vitam posse producere clamabant inepti: vide §. 39. n<sup>o</sup>. 1.

ET QUO TUM MORBO. Simplici quiete repleti cordis, non potentis se evacuare in arterias plenas, & tam rigidas, ut à vi cordis distendi non possint.

QUINAM MORBI, &c. Pulcherrima est hujus rei consideratio, & maximè necessaria, cùm varià ætate variis malis homo obnoxius vivat.

In prima ætate omnibus morbis generis nervosi magis obnoxius vivit homo, quia docent Observata, encephalon, ejusque producta, medullam spinalem & nervos, eò majorem habere proportionem ad reliquias partes corporis, quò origini suæ est propior: accedit, quòd ut cerebrum minùs firmum in hac ætate, ita & nervi, cerebri producta, molliores sint, hinc faciliùs afficiendi, & præterea tenuioribus involucris tegantur: hinc tam faciliè convelluntur; vix enim laborat infans minimà febriculà, quin convellatur. Ab acido primarum viarum nata ventris tormina, susceptum contagium variolosum vel morbillosum, omnia quæ sensùs organa afficiunt vividissimà actione, ut fragor magnus, lux fulgidissima, &c, toties convulsiones excitant: imò Sydenhamus, dentitione defunctos dum convulsione correptos videbat, præfagebat variolas & quidem boni moris (a). Hinc cùm à tam levibus causis in hac tenera ætate convulsiones oriantur, non adeo illas timuit ante septimum annum Hippocrates; post hanc ætatem, majoribus causis dum excitantur tantùm, periculosas pronunciat (b).

Altera origo morborum in prima ætate est, quòd humorum copia solidorum robori prævaleat; omnes enlm in prima ætate turgiduli, & humidi sunt: hinc tam faciles & tam miræ mutationes humorum, qui tam sæpe per cutim modo non dum bene intellecto mutatam exeunt; docent hoc achores, herpes, excoriationes ponè aures, sub axillis, &c; sicque sæpe incredibilis copia humidi quotidie excernitur, quod, imprudenter dum cohibebatur, molestissimis morbis toties originem dedit.

Postea circa pubertatis tempus miræ mutationes accidunt toti corpori in utroque sexu; in masculis testium tumores, varicosæ vasorum seminalium inflationes, leni frictione supra vapores accensi succini, simulque purgante levi dato, faciliè curabiles: in foemellis miri sæpe morbi primam menstruorum eruptionem præcedunt & comitantur.

Dum postea ulteriori incremento incipit resistere corpus, nec vasa patiuntur se tam faciliè extendi, nascitur æquilibrium inter fluidorum impetum copiàmque, & vasorum resistentiam. Pergunt interim bona viscera novos quotidie generare humores: unde facilis vasorum ruptura, hinc hæmorrhagiæ narium, sputa sanguinis, &c.

Adulto dein homini maxima actio vasorum in fluida: hinc densus & compactus sanguis; unde frequentes tunc morbi acuti inflammatorii.

Ingravescente demum ætate solida magis compacta sunt, minima vascula sensim concresecunt, & callosa fiunt omnia, quæ à subtilissimis humoribus per minima vasa motis pendent, incipiunt aboleri sensim: hinc omnes actiones cerebri & nervorum incipiunt debilitari; humores in frigidam & pituitosam indolem degenerant; per sola majora vasa humorum circuitus adhuc absolvitur; tandèmq; inevitabili

(a) Pag. 162. (b) In Prognostico & Coarct.

necessitate mors sequitur. Quia naturæ progressum, qui est ad siccitatem, effugere non licet, ideo senescimus, & corrumpimur (a).

Ætatem varios morbos sollicitè notavit Hippocrates (b).

QUIS VICTUS. Quamdiu in utero materno hæsit foetus, à matre præparatos recipit humores. In lucem editus infans mox materna novit ducere ubera. Lac ergo maternum solum ferè infantibus convenit. Dum dentes anteriores prodierunt solidiora parum, sed prius commansa, exhibenda, & perficandi sæpe, sed non nisi vacuo ventriculo (c): panis bene fermentatus, lacte vel carniū julsulis affusis; in pul-tem mollem convertus; tunc exhibitus prodest. Quando dentes molares jam prodierunt, durioribus sensum uti licet: omnia autem calida, vinosa, irritantia, &c, nocent infantibus, quia totum genus nervosum adeo mobile habent.

Sæpius autem cibandos esse juniores, & puerorum voracitas suadet, & monitum est Hippocratis (d), dicentis, pueros omnium minimè jejuniū ferre: qui crescunt, plurimū habent calidi innati, hinc plurimo alimento indigent, aliter corpus absumitur.

Adultis & fanis ferè sufficit regula Hippocratica (e), professio tuendæ sanitatis; non saturitas cibi, impigritas ad labores. Cūque hæc ætas morbis acutissimis obnoxia sit, patet calefacientia evitanda esse. Labori autem semper proportionatus sit cibus: longè alio enim & copiosiori indiget durus arator, meditationibus solis incumbens Philosophus.

Senibus autem (cū facillimè jejuniū ferant, & parvum habeant calorem, hinc paucis egent fomitibus, à copiosis namque exstinguuntur (f)) mollium ciborum sæpe repetita exhibitio prodest: cūque jam edentuli facti fuerint, solo ferè lacte, julsulis, ovis, sed pueri facti senes vitam sustineant, inprimis illis prodest moderatus vini usus, quod ideo lac senu dicitur. Nascitur enim in fermentantibus liquidis aliquid miri spirituosum, quod momentaneâ actione in cerebrum & omnes nervos agit efficacissimè; imprudenter autem & nimia copiâ applicatum corpori humano ipsam mortem, & subitissimam, facere potest: vel & minori violentiâ agens, tristēm magis ipsam morte conditionem adfert, amentiam nempe, & alia mala (g). Illud spirituosum in novis illis & petulcis vinis hærens summum dat restaurans senile. Cornaro singulis annis mense Julio & Augusto abhorrebat ab omni vino: hinc mox languebat appetitus, & circa medium Augusti debilis penitus factus erat: simulac verò per tres quatuorve dies Septembris mensis initio novum vinum sumpserrat, mox redibant vires, & crudè in hoc viro senectutis vigor (h).

QUÆ VIAT A. Tenellâ ætate, cū agilissimum sit corpus, vix quiescere possunt, & pessimè se habent, si à severis nimis parentibus vel custodibus à ludis pueri cohibeantur penitus. Cū autem nimis citò duris laboribus adhibentur, corpus redditur robustum quidem, sed citò perituum senili callositate ante ætatem. Sic

(a) Galen. de Sanitate tuenda, Lib. VI. Cap. 111. Charter. Tom. VI. pag. 169.

(b) Sect. 3. Aphorism. 24. 25. 26. 27. 28. 29. 30. 31.

(c) Galen. de Sanitate tuenda, Lib. I. Cap. 2. Charter. Tom. VI. pag. 55.

(d) Aphor. 13. & 14. Sect. 1. Charter. Tom. IX. pag. 23. 24.

(e) Epidem. Lib. VI. Charter. Tom. IX. pag. 500.

(f) Hippocr. Aphor. 13. & 14. Sect. 1. Charter. Tom. IX. pag. 23. 24.

(g) H. B. Chem. Tom. I. pag. 806. 807.

(h) Cornaro raadgeving om gesond en lang te blijven leven, pag. 54. 55.

videmus rusticos, à teneris annis jam nimis laboribus exercitatos, senum instar rigidos & callosos factos quadagesimo ætatis anno.

Nec minus peccatur, dum inferioribus Disciplinis nimis citò adhibentur: sic sæpe præcoces & admirandos ingenii fructus exhibent; sed ferè semper brevi pereunt, vel postea stupidi & ad omnia ferè inepti vivunt. Qualia exempla passim obvia occurrunt.

Adultis salubri corporis motu vires sustinere & firmare convenit, ne torpeat corpus, tandèmq; opimà pinguedine sepulti (ut de *Ptolemæo Ægypti Rege* dixit *Iustinus* (a)) sensu hominis nimia saginà careant. Quantum boni corpori humano præstent corporis exercitia, dictum §. 28. n°. 2.

Senibus autem frictionem cum oleo manè post somnum commendat *Galenus* (b) jubetque, ut consueti exerceantur laboribus, vehementià tamen laborum remissa: cumque minima diætæ vitia senes sentiant, juvenes autem vix maximos errores, reperiitis vicibus cibos molles ut sumant, jubet (c).

QUÆ MEDICAMENTA. Infantibus ferè tantum videntur conducere illa, quæ humorum copiam aliquantum minuunt. Hinc tam bene ferunt lenissima inprimis ex rhabarbaro purgantia. Profunt plerumque & illa, quæ acidæ acrimonie temperandæ conducunt, ut absorbentes ex lapidibus cancerorum, &c, pulvisculi: deinde quæ nimis facilem irritabilitatem generis nervosi aliquantum compescunt, & simul solidas partes moderatè roborant. Hinc rhabarbarum, cum lapidibus cancerorum & pauxillo cinnamonì, adeo prodest.

Incremento demum ætate nunquam dentur talia, quæ stimulo suo motum humorum nimis incitant: metus enim tunc est, ne tenella rumpantur vasa.

Adultà ætate profunt inprimis illa, quæ nimiam propensionem humorum in spissitudinem inflammatoriam tollunt.

Senectus autem, cum sit nihil aliud, quàm siccum & frigidum corporis temperamentum annorum multitudine proveniens (d), requirit humectantia, & leviter nutrientia, additis gratissimis stimulis spirituosis, sed semper humectantibus mistis.

QUÆNAM FIDES, QUÆ UTILITAS, &c. Postquam Medicina in duas partes secta erat, quæ singulæ suos habebant sectatores, quorum quidam solis Experimentis Artem natam esse contententes, evidentes quidem causas ut necessarias amplectebantur, obscurarum verò causarum & naturalium actionem quæstionem supervacuum esse credebant, dicebantque, Medicinam non esse inventam post rationem, sed post inventam Medicinam rationem esse quæsitam, hinc Experimentorum notitiam tantum necessariam esse contendebant; vocabantur Empirici. Alii, qui Rationales dicebantur, non negabant Experimenta quoque esse necessaria, sed ne ad hæc quidem aditum fieri potuisse, nisi ab aliqua ratione contendebant: sed præterea abditarum & morbos continentium causarum notitiam, deinde & evidentium, post hæc etiam naturalium actionum, ideòque & partium interiorum notitiam necessariam esse volebant.

Inter Rationales verò Medicos unus ex *Asclepiadis* sectatoribus *Themison*, & illo Auctore postea alii, Artis difficilis compendium parabant, asserentes nullius causæ notitiam quidquam ad curationes pertinere, satisque esse quædam communia mor-

(a) Lib. XXXIV. Cap. II.

(b) De Sanitate tuenda, Lib. V. Cap. III.

(c) Ibid. Cap. IV. Charter. Tom. VI. p. 146.

(d) Galen. de Sanitate tuenda, Lib. V. Cap. IX. Charter. Tom. VI. pag. 154.

borum intueri : & quidem horum tria esse genera , unum adstrictum , alterum fluens , tertium mixtum ; nam modò parum excernere ægros , modò nimium , modò aliâ parte parum , aliâ nimium (a).

Hæc fuit prima origo doctrinæ de stricto & laxo , de quo postea *Prosper Alpinus* in Medicina Methodica tam operosè egit : & plurima circa hanc rem apud *Calium Aurelium* , Methodicorum sectæ pariter addictum habentur.

Sed propriè strictum & laxum in solidis tantum partibus obtinet ; nec humorum morbi ex hac doctrina facillè explicari poterunt ; ut postea patebit. Magnum ergo usum habet in Medicina consideratio mutatæ cohesionis in partibus firmis : nec tamen omnes morbi inde deduci poterunt , ut voluerunt Methodici.

UNDE DESUMENDA NOTA CERTISSIMA , &c. Queritur hic , quænam sint signa , quæ doceant , talem obtinere cohesionem in solidis , ut nec nimis resistant , nec nimis facillè cedant , distendentibus liquidis : deinde quænam sint signa , quæ nimis validam , vel nimis parvam cohesionem designant. Quando à pleniorè Victu , potu copiosiore assumpto , aere humidiusculo , non statim tumet , vel saltem non diu tumidum corpus manet ; novimus debitum robur inesse vasis & visceribus , per quod distendentium liquidorum nimia copia brevè de corpore expellitur. Si simul non decrescat sensim adulti hominis corpus , arctatis nimia contractilitate vasis , sicque expulsi liquidis , sed in eadem nec auctâ multum tamen torositate perstet , novimus illud obtinere æquilibrium : si ab ingestis copiosioribus , &c , statim tumescat corpus , novimus nimis debilem , nimis facillè dilatabilem esse vasorum compagem : si macilenta , exsucca , arida sint omnia , facillè nimium robur vasorum adesse videmus.

§. 56. **V**ULNUS hinc (16.) jam primò pertractandum , post morbos solidi simplicissimos. Sed , cum vitia liquorum spontanea semper trahat secum , de hisce ante vulnera agendum erit , quæ nosci debent ante Historiam vulnere abfolvendam.

Post explicatos morbos , qui à nimio robore , vel nimia debilitate , solidarum partium pendent , videretur agendum esse de cohesionem nulla partium antea coherentium , sive de soluta unitate (ut vocant) : sed inter solutæ unitatis morbos omnium simplicissimus est vulnus , sive solutio recens facta à corpore duro , acuto , & moto. Constat autem certissimè , ne minimum posse infligi vulnusculum , quin læsis vasis effundantur humores. Humores verbò effusi , non amplius propriis vasis coerciti , stagnant , nec nostri corporis leges sequuntur , sed spontaneâ corruptelâ mutantur in alienam indolem. Prius ergo debet explicari , quid humoribus extravasatis accidat , antequam de vulneribus aliquid bonæ frugis dici possit.

§. 57. **U**NDE agetur primò de his humorum morbis , qui in illis nascuntur sponte ; dum vel sibi ipsis permittuntur ; nullâ habitâ ratione vasorum , vel vitio incitati , torpentive nimium , vitalis motus.

Primò ergo considerandum est , quænam fiat mutatio liquidorum à causis commu-

(a) Vide Celsi Præfat. Lib. I.

nibus, quæ in omnia corpora agunt. Hæc autem mutatio vocatur spontanea. Quamdiu autem in vasîs nostris hærent liquida; vim corporis nostri experiuntur, & per hanc mutantur. Hinc nunquam sola spontanea mutatio in hæc agere potest, sed vasorum & viscerum efficacia longè aliam mutationem inducit: ergo, nullâ habitâ ratione efficaciæ vasorum in liquida, sola mutatio per communes causas expendi debet: sic lac humanum extra corpus in serum, caseum, & pinguem cremorem abit, quod nunquam in corpore fit.

Sed vitalis motus humorum per vasa nostra facit insignem mutationem in humoribus, imò aliam prorsus naturam inducit. Prout jam ille motus nimis incitatus furibundo quasi impetu agit in acutissimis; vel torpens in languidis morbis filet serè; longè aliæ, imò oppositæ, sæpe mutationes inducuntur: quæ ergo necessariò etiam debent examinari.

Tria ergo hic consideranda sunt, 1°. quid fiat humoribus extra vasa positis à causis communibus. 2°. Quænam fiat mutatio in his ab aucto motu. 3°. Quænam oriatur à motûs defectu.



## D E

SIMPLICISSIMIS HUMORUM VITIIS,  
ET SPONTANEIS.

§. 58. **H**UMORES in homine vivo reperiundi, vel crudi assumptorum naturam retinent hætenus, vel vi actionum naturalium, & miscelâ fluidorum humanorum, indolem acquisiverunt nostris liquoribus similem,

Omnes, qui fluunt per vasa nostra, humores vel ingestorum naturam adhuc retinent, vel per miscelam liquidorum humanorum, & vasorum viscerumque vires; propriâ indole depositâ, in nostram jam transiverunt naturam.

Quamdiu autem ingesta adhuc aliquid de sua indole retinent, tamdiu cruda dicuntur. Crudus ergo est cibus & porus, dum deglutuntur. Chylus inde factus, in ventriculo & intestinis, in vasîs lacteis cisternâ lumbari, ductu chylifero, in vena magna, in corde dextro, crudus adhuc est, licet tot costis humoribus jam mixtus. Cùm per pulmones pellitur, incipit coctio secunda, quæ ex chylo lac facit: tandemque per aliquot horas chylus crudus expertus vim vasorum & viscerum, imprimis pulmonis, ingestorum naturâ depositâ, assimilatur nostris humoribus, & coctio absoluta est.

Cùmque hæc coctio satis longam requirat vel in sano corpore moram, hinc serè semper aliquid crudi, nondum penitus mutati, cùm costis humoribus per vasa fluit; nisi diu à cibo & potu abstinuerit homo.



§. 59. **P**RIORES (§8.) vel ex plantis, vel ex aliis sunt hausti animalibus.

Ex regno enim vegetabili & animali nutrimenta nostra sumuntur; ex fossilibus vix, nisi fortè condimenta quædam, ut sal marinus, gemmæ, &c, vel siquam quis inter fossilia numerare vellet.



## MORBI SPONTANEI EX ACIDO HUMORE.

§. 60. **L**IQUIDA nostra, confecta ex plantis farinosis, vel ex horæis fructibus, crudis, fermentatisve, si vires vitæ nostræ vincunt, eam in nobis indolem acquirunt, quam suæ naturæ per calorem solæ debent. Acrimonia acida, & glutinosum pingue hinc oriuntur maximè: Prior ex fermentatis inprimis & non fermentatis: posterius ex farinosis cerealibus, vel leguminosis, non fermentatis, neque coctis nascitur; quò spectant etiam illa, quæ austeri adstrictu tenacitatem humorum creant.

Acidum dicitur, quod lingæ applicatum excitat saporem illum, quem communi consensu acidum omnes vocant (sapor enim verbis describi non potest); quod naribus suppositum, inprimis si calefactum fuerit, odorem spirat, quem omnes vocant acidum. Omne acidum cum testaceis pulveribus, exustis animalium ossibus, cretâ, &c, effervesceat, uti & cum salibus alcalinis. Syrupus florum violarum à levissimis etiam acidis in rubrum colorem convertitur.

Omne jam illud, in quo recensitæ dotes observantur, acidum vocabitur.

Magna jam agitur quæstio an tale acidum ingestis solis originem debeat, posteaque per vim humani corporis mutetur in non acidum; an verò in liquidis humanis sanis, vel aliorum animalium, acidum prius definitum existere possit naturaliter, sic ut Arte inde educi posset?

Si lac exceperis, (& fortè quædam pinguis) quod nondum penitus animale naturam acquisivit, sed in quo ingestorum adhuc indoles prævalet, omnes humores reliqui, sibi relictî, in aere aperto putrescunt. Omnia animalia sibi relictâ, nisi magno calore exsiccantur, putrescunt. Chemica analysis sales volatiles alcalinos inde educit: plurimique & celeberrimi Chémici inde acidum educi posse negant. Sanæ hominis de vena saliens sanguis nullam acidi notam habet: urina sana, sanguinis sales abluens, nullum signum acidi dat, etiam in illis, qui acidorum copiam magnam ingesserunt. Contrariam opinionem & specioso ratiocinio, & Experimentis, defenderunt celeberrimi in Arte Viri.

Licet enim ingesta mutantur in corpore humano, antequam nutrant, fortè tamen non semper omnes suas dotes deponunt. Volucrum, solis piscibus viventium, carnes ingraturum piscium fætorem retinent; turdorum, rhamni cathartici baccia vescentium, carnes purgant. Hinc cum tot acida ingerantur & acefcentia, quædam posse aliquid pristinæ indolis servare, probabile videtur.

*Hombergius* se ex variorum animalium sanguine, imò & ex ipso sanguine humano, acidum eduxisse destillando affirmat; & quod mirum videtur, inde produxit liquorem, in quo & alcali & acidum simul aderant separatim hærentia, nec concreta in salem neutrum (a).

Ex viperis, limacibus, muscis, formicis, acidum destillando eduxit idem *Hombergius*; phosphorus urinæ acidum acre habet (b).

Illud deinde *Lemery* confirmavit (c): imò salibus volatilibus animalium, destillatione indeeductis, acidum adhuc adhærere voluit (d).

Acidum autem ex animalium partibus faciliè educi asserit, si priùs macerentur, ut volatilis sal pro magna parte abeat; si addatur sal alcali fixus acida trahens, ac impediens, ne unà cum sale volatili eleventur; si in initio adhibeatur ignis modicus, ut volatilissima priùs eleventur; si postea valido igne torqueantur, ut exprimatur acidum terrestri parti adhærrens, &c (e).

Liquidorum humanorum sales nullà Arte mutati ad salis ammoniaci naturam accedunt proximè: sed ex acido fixante & volatili alcalino sale simul unitis, videtur constare sal ammoniacus: hinc & tale quid in salibus humanis fortè obinet: hinc expulso sale volatili, non mirum foret, in residuo hæreere acidum, antea unitum cum sale volatili.

Sed efficacià vasorum & viscerum in corpore humano sales illi nascuntur. An ergo bina illa principia constituenta aliquando seorsim fluxerunt in humoribus nostris, unita postea? An acida ingesta per vim nostri corporis mutantur sic, ut suam naturam amittant penitus? An verò, non deposità suà naturà, cum alcalino volatili concreverunt in salis ammoniaci quasi speciem? Interim sanguis hominis fani, & urina, nullam notam acidi præsentis exhibent.

Saltem hoc certo constat, plurima vegetabilia, & inter illa inprimis farinosa, cerealia, legumina, uti & horæos ferè omnes fructus in calore tali, qualem habet corpus nostrum, acquirere acidam acrimoniam, vel in glutinosum pingue mutari; eadem verò, ingesta robusto sano corpori, per vim vasorum & viscerum, & liquidorum humanorum miscelam, sic immutari, ut deposità suà indolem in nostram convertantur naturam: dum verò à quacumque causa debile factum corpus minùs assimilare valet ingesta, tunc suam sequuntur indolem, & in spontaneam degenerant corruptelam.

Acidi ergo in corpore humano origo videtur deberi ingestis non satis mutatis per corporis vires. Peregrinum ergo corpori acidum est: nullus enim humor, verè animalis diceretur, unquam suà sponte accescit.

Omnia jam vegetabilia, sive fermentata, sive non, quæ sibi relicta accescunt, in corpore debili possunt & in acidum mutari: farinosa autem illa omnia cum aqua lentescunt priùs, & glutinosas pastas formant; postea autem acida fiunt, ubi fermentatio tenacitatem illam glutinosam attenuavit.

Acidum autem ex ingestis sic in corpore natum vel mite & excoctum est, ut acidi plerique horæorum fructuum maturorum succi, ut in ribeosis, &c, & in fermentatione paratis acidis; vel simul junctum habet austerum acerbum, ut immaturi fructus, & acida quædam fossilia, quæ coagulo inducto, humorum augment tenacitatem.

(a) Académ. des Sc. an. 1712. Mém. pag. 10. ad 19.

(b) Académ. des Sc. an. 1711. Mém. p. 352. ad 361.

(c) Académ. des Sciences an. 1719. pag. 217. 246.

(d) Ibid. an. 1720. pag. 218. &c.

(e) Ibid. an. 1721. Mém. pag. 51. 52.

§. 61. **A**CIDA hæc acrimonia (60.) causas habet antecedentes, 1. alimenta ex farinosis, succulentis acidis, recentibus, crudis, fermentibus jam, vel fermentatis, vegetabilium partibus. 2. Inopiam boni sanguinis in corpore hæc alimenta assumentes. 3. Debilitatem fibrosæ compagis (24. 29. 41.) vasorum & viscerum. 4. Defectum animalis motus.

Reconsentur hic causæ, quæ acidum in humano corpore producere valent. Hæc commodè ad duas classes revocari possunt: sunt enim vel ingesta, ex propria sua indole in acrimoniam acidam degenerantia; vel talia quæcumque, quæ debilitant illam virtutem, quæ corpus sanum ingesta in suam naturam assimilant.

1. Enumerantur illa, quæ materialem causam acido generando præbent.

**FARINOSA.** Omnes farinæ ferè fatuum & mitem saporem habent; cum aqua subactæ glutinescent, post fermentationem in liquores spirituosos mutantur; ulterius protractâ fermentatione in acre degenerant acetum.

**SUCCULENTIS, &c.** Quales sunt omnes succi fructuum horarum bene maturorum, (in immaturis enim austerum inest fermentationi non ita obnoxium) (a). Hi succi jam vel sunt acidi, ut succus ribesiorum, &c., vel facillè post fermentationem in acidum degenerant, dulcis uvarum succus fit acidulum vinum, iteratâ fermentatione acerrimum acetum.

Cùm autem fermentatio ultimo suo effectû acidum producat, hinc quo magis hi succi in fermentationem proni sunt, vel dum jam fermentationem absolverunt, eò citius inde in debilibus corporibus acidum nascitur; minùs ergo succus recens prefusus uvarum saccharinæ dulcedinis ferè, plùs dum incipit motu intestino agitari, & cum sibilo assiduè crepitantes bullas habere, (fervere tunc dicitur), maximè, dum peractâ fermentatione in vinum mutatus est, in acidum vergit. Debiles homines vinum potantes mox acidum eructant, nisi fuerit vinum oleosum meracissimum & non tam citò mutabile.

Sequuntur jam causæ efficientes.

2. Omnes actiones vasorum & viscerum conspirantes ingesta mutant in naturam nostram: hoc autem fit partim vasorum actione, partim miscellâ fluidorum jam assimilatorum; sanguis autem bonus recondit materialiter in se omnes reliquos humores, bilem, salivam, &c.; & illi humores à sanguine secreti sequuntur naturam, sanguinis, qui bonus est; quando ex assimilatis humoribus constat, crudus verò, dum ingesta adhuc quid retinent de sua natura. Dum ergo boni sanguinis inopia est, deficit primaria vis immutans ingesta in naturam nostram. Vide de his & §. 25. n°. 1.

3. De his dictum fuit paragraphis citatis; & ibi apparuit, quantum solidorum robur faceret ad coctionem ingestorum. Hinc corpora laxa ab acidis & acescentibus (id est, nondum acidis, sed admodum dispositis, ut acescant) pessimè se habent. In calidis verò regionibus, ubi strictissima corpora sunt, acidis maximè delectantur, & inde optimè se habent. Romanis militibus, in fervidis regionibus bella gerentibus, familiaris potus erat acetum aquæ mistum, poscam vocabant (b).

4. Chylus ex ingestis per viscera chylopoietica paratus sanguini parçâ copiâ simul

(a) H. Boerh. Chem. Tom. II. p. 173. (b) Nonnius de re cibaria, Lib. IV. Cap. xv. p. 479.

76 MORBI SPONTANEI EX ACIDO HUMORE. §. 61. 62.

miscetur, dūmq̃ue sic cum sanguine fuit vasorum & viscerum efficacīā, mutatur in lac: tandem post aliquot horas in sanguinem nostrum, depositā priori indole, transīt. Totum autem hoc opus circulationis efficacīā, & inprimis pulmonis actione perficitur. Quò autem quis motu musculari corpus plūs exerceat, eò celerior humorum per vasa motus, eò respiratio fortior & celerior: ergo tantò citior & facilior ingestorum assimilatio. Durus arator arum, & jam acidum, panem vorans, inde optimè se habet; debili homini ingestus talis panis in rodens acidum convertitur, & molestissimā cardialgiā afficit. Hinc recēns natis, qui debile corpusculum vix multum movere possunt, interim solo ferè lacte vivunt, toties ab acido morbi: procedente ætate, dum alacriter currunt, nunquam ferè quieti, minūs his morbis obnoxii vivunt.

§. 62. **SEDEM** habet jam nata maximè primæ digestionis officinas, inde tardius sanguinem, denique omnes humores inficit.

**PRIMÆ DIGESTIONIS OFFICINAS.** Omnis illa mutatio: quæ ingestis alimentis accidit per manducationem, ventriculi, intestinorum, vasorum lacteorum, glandularum mesenterii, ductūs chyli ferī actionem, donec venæ subclaviæ infunditur chylus, vocatur digestio prima. Omnia vasa & viscera, quæ suos liquores in toto hoc itinere affundunt, ad primæ digestionis officinam pertinent. Hujus primæ digestionis effectus est chyli productio: sed chylus semper aliquid de ingestorum indole retinet. In secunda verò digestionē (cujus effectus est sanguificatio) totum illud peregrinum deletur, & in nostram naturam tandem convertuntur ingesta. Cū ergo acidum peregrinum sit corpori, & ingestis suam debeat originem; facilius nascetur in illis locis, in quibus crudi humores ingestorum naturam adhuc aliquatenus retinent: longè difficilius autem ubi ingesta mutata nostris jam assimilata humoribus sanis fluunt.

**TARDIUS SANGUINEM.** Nec videtur hoc fieri posse, nisi tota digestionis primæ officina acido repleta fuerit. Minima lacteorum & venarum meseraicarum oscula nihil facillè admittunt, quod acre est: contraherentur enim statim tenerima horum vasorum orificia. Deinde chylus in ductu thoracico ingenti copiā lymphæ diluitur: & talis chyli, tot jam humoribus diluti, minima copia subclaviam ingreditur; ibique mox torrente sanguinis abripitur, & disparet. Hinc licet aliquid levis acidi in chylo foret, illud sic dilutum evanesceret. Sed chylus brevi temporis spatio cum sanguine fluens, mammarum fabricā inde separatus, lac dat; quod ductum de uberibus recēns acidum invenitur fortè nunquam; sibi relictum extra corpus, in calore aeris communis, acidum fieri novimus. An autem, ex mammis dum ducebatur, acidum unquam lac inventum sit vel in debilissimis fœminis, nemo, credo, hoc facillè affirmabit.

Cū ergo lac, adhuc remotum à sanguinis humani perfectione, vel numquam vel rarissimè inveniat acidum; multò difficilius sanguis ipse acidā inficietur labe: infici tamen posse, suadent quædam in morbis Observata.

In morbis languidis aliquando sudor acidum spirans observatur, imò & aliquando in fine acutorum.

Acidulorum vinorum abusus podagram fecit, alcalinorum parco & repetito sæpius usu sanatam.

§. 62. 63. MORBI SPONTANEI EX ACIDO HUMORE. 77

Atra sanguinis fex hypochondria occupans, soluta, mota, vomitu excreta, aliquando acidissima inventa fuit; sic ut lapides arroderet, & cum terrestribus corporibus efferverecet fortissime.

Ossa acidis immersa mollescunt, flexilia fiunt; pleraque alimenta sunt acescentia, quorum indoles mutatur in sano corpore: quando verò hæc vis immutans nimis debilis est, non superatur illa acescentia ingestorum; tunc aliquando ossa, cartilagine, &c, flexilia redduntur, ut in rachiticis (a).

§. 63. **PRODUCIT** ructus acidus, famem, morsum ventriculi, dolores iliacos, flatus, spasmos, inertiam bilis, mutationem ejus variam, chylum acidum, fœces alvi acidum spirantes. Hæc ejus effecta in stomacho, & intestinis.

**RUCTUS ACIDOS.** Ructus est explosio materię elasticę, convulsivâ constrictione fibrarum œsophagi & ventriculi compressę, mox liberatę: cùmque in ventriculo & intestinis prædominetur acidum, sequitur hos ructus acidus esse debere.

**FAMEM.** A plurimis causis pendet fames; inter quas & stimuli recensentur, & inter illos inprimis acidi. Minimè autem verum est, quòd sola acida appetitum excitent, ut voluit *Helmonsius* (b).

Bilis, abstinẽti succus, &c, appetitum languentem excitant: ab acido sæpe fames oritur: non tamen semper ubi fames, ibi acidum adest. Docent hoc rapacissima animalia, quę solis animalibus vivunt, in quorum ventriculis nunquam acidum; interim voracissima sunt. Infantes acido laborantes sæpe appetitu valido fruuntur, miranturque, nutrices, quòd avidè comedentes nihil proficiant tamen.

**MORSUM VENTRICULI.** Sentitur tunc dolor satis acutus sub cartilagine ensiformi in illo loco, quem scrobiculum cordis vocant: dixerunt καρδιαλγίαν καρδιαχὸν, quia ventriculi os καρδίαν (cor) dixerunt, ut ex *Nizandro*, *Thucydide*, *Hippocrate* probat *Galenus* (c) qui & alibi monuit (d), quòd nulla pars tam accuratum habeat sensum, nec utrumque principium unà secum afficiat, ut os ventriculi & vulgò & Medicis stomachus distet; dum per nervos adeo magnos cerebrum, situs vicinid cor, afficit.

Ventriculus enim ipse non videtur adeo sensibilis esse, sed illud orificium superius: dum enim acidum hæret in ventriculo quietum, non inde dolor oritur: sed simulac vel ructus expellens sursum, vel motus, vel mutatus situs corporis illud applicat orificio superiori ventriculi, statim molestissimus doloris sensus adest. Ille ventriculi morsus non semper ab acido, sed & ab alia quacumque acrimonia, irritante cardiam, oriri potest.

**DOLORES ILIACOS.** Acidum sic in ventriculo ex ingestis natum, nisi bilis efficacit mutetur, in fistula intestinali morà & calore acrius factum, rodendo, vellicando, enormes dolores facere potest: hinc ventris tormina infantibus adeo frequentia.

(a) H. Boerhaav. Chem. Tom. I. pag. 737.

(b) Pag. 164. 14.

(c) De Hippoc. & Platon. placitis, Lib. II. Cap. VIII. Charter. Tom. V. p. 108. & Com-

ment. in Lib. II. Epidem. Charter. Tom. IX. pag. 114.

(d) De Symptom. causis, Lib. I. Cap. VII. Charter. Tom. VII. pag. 57. 60.

**FLATUS, SPASMOS.** Aer, liberè in cavo ventriculo & intestinis hærens, nihil mali facit: sed docuerunt Experimenta, in vivis animalibus capta, quòd si intestinum tangatur, v. gr; spiritu vitrioli, in quodam loco, stringatur illico valido spasmò: si in alio loco parum distante hoc iterum fiat, stringitur & ibi: mox intermedia pars intestini inflatur ab incluso aere rarefacto. Ubi ergo acidum in intestinis hærens irritando spasmos producit, quibus arctatur in diversis locis intestinum, inclusus aer rarefactus illud distendit, & solutis his spasmis, cum impetu exit vel sursum, ructus faciens, vel deorsum, flatus producens; vel, mutato tantum loco, in intestinis oberrans cum murmure, borborygmus dicitur. Accedit præterea, quòd omnia fermentantia copiosam generent elasticam materiam. Hinc duplici de causa flatulentia oritur ab acido: ab irritatione, quâ intestinorum fibræ spasmò contractæ inclusum coercent aerem; & à genita materia elastica in omnibus ad fermentationem pronis liquidis: hinc acido laborantes adeo sunt flatulenti.

**INERTIAM BILIS.** Simulac ex ventriculo per pylorum exit chylus in duodenum, utraque bilis admiscetur, summum auxilium ad mutationem peregrini humoris in naturam inquilini. Sed bilis inter omnes humores nostros non excrementitios accerrima est, & citò in putredinem prona: hinc circa hepar cadavera citissimè putrescunt. Hujus admixtio nimiam sæpe chyli aciescentiam tollit, omnia dividit; solvit, & ad æquabilissimam miscelam disponit. Hinc cerevisias, ne nimis citò acescant, amarissimis plantis, bilis ferè æmulis, lupulo, absinthio, &c, coniunct. Ubi ergo prædominatur acidum, bilis natura quasi invertitur, & ejus efficacia iners redditur. Patet hoc in infantibus acido laborantibus: in illorum enim ventriculo colostrum caseosum lactis secedit, quod à bile, quamdiu bona est, solvitur; & tunc fæces alvinæ flavæ & æquabiles apparent: sed ubi prædominante acido bilis iners redditur, integra fragmenta caseosa alba per alvum exeunt.

Si bilis aliorum animalium inspissata parum, in minima cataportia redacta, parvâ copiâ ingeratur quotidie, sæpe satès citò superatur hoc malum. Quamdiu enim bilis iusta temperies adest, illibata ferè obtinetur sanitas: dum enim abundat, vel nimis acris est, putridi morbi fiunt; dùm verò deficit, vel iners reddita est, morbi fiunt chronici: quorum plurimi à mala digestionè primæ officinæ orti, sensim natis humorum vitiis, sanitatem opprimunt.

**MUTATIONEM EJUS VARIAM.** Quamdiu infantes bene se habent, fæces alvinæ flavæ & æquabiles sunt: dum incipit in his acidum prædominari, fæces excretæ flavescunt quidem, sed post dimidiam horam in aere aperto viridescunt: si augetur malum, jam virides fæces excernuntur; & quidem aliquando tam saturati coloris, ut æuginis instar maculis vix delendis lintea tingant. Hinc ex colore sæcum alvinarum, in infantibus, acidi copia & acrimonia ferè determinari potest.

Verum quidem est, & ab aliis causis æuginosam illam bilem nasci posse, uti aliâ occasione dicitur; sed in tenera illa ætate ferè semper ab acido prædominante fit.

**CHYLUM ACIDUM, FÆCES ALVI ACIDUM SPIRANTES.** Si ventriculus & intestina acido sic repleta sunt, tunc & chylus poterit acidus esse, ut facillè patet: sed non facillè oscula minima lacteorum intrabit, quia ab omni acri constringuntur. Tandem & ipsæ fæces alvinæ acidum spirant, quod in infantibus acido laborantibus observatur sæpe; tuncque designant totam primæ digestionis officinam acido plenam esse; simulque indicat magnum periculum.

§. 64. **I**N sanguine pallorem; serum chylosum acidum; hinc foeminis lac acidum, aut potius nimium acescens, sudorem acidum; salivam acidam, producit; inde pruritus, obstructions, pustulae, ulcera, lactis prompta nimis, quin & fortè ipsius quoque sanguinis coagula, & ad circuitum ineptitudo exsurgunt, tum irritamenta cerebri nervorumque; unde convulsio, turbata circulatio, mors.

**PALLOREM.** Omnes, in quibus acidum prædominatur, pallent: patet in infantibus, teneris puellis, & viris laxæ temperiei. Sed pallor ille designat defectum solidissimæ rubræ partis in sanguine. Ubi autem hæc deficit, minor fit assimilatio crudorum in naturam nostram: hinc facilius degeneratio in spontaneam corruptelam. Ergo & pallor ille non tantum ut effectus acidi in corpore geniti considerari debet; sed & ut præsagium acidi futuri, ob debiliores vires assimilantes. Videntur præterea acida corpori ingesta pallorem illum facere: acetum labilis applicatum illa pallere facit. Illi, qui acetum ex vino vel cerevisiâ parant, quotidie in aere, acidis vaporibus pleno, versantes, pallent sæpe.

**SERUM CHYLOSUM ACIDUM.** Quod maximè distinguendum à sero cocto sanguinis, quod flavum ad ignem concrefcit, & nunquam nec acidum, nec acescens, invenitur; sed spontaneâ corruptellâ in putredinem pronum est. Per serum chylosum autem hic intelligitur chylus cum sanguine fluens, nec satis subactus viribus corporis; hinc nimis diu suam naturam servans, quâ in acidum vergit: ex chylo enim cum sanguine circumducto fit lac; ex hoc lacte porro serum sanguinis, & sanguis ruber continuatâ per horas viginti quatuor circulationis efficaciâ: sed si debilior hæc vis fuerit, non mutabit, vel saltem non tam citò, lactis naturam: hinc lactis acescentia manebit, & fortè in debilissimis acidum fieri poterit in sanguine ipso.

**HINC FOEMINIS LAC ACIDUM AUT POTIUS NIMIUM ACESCENS.** Lac rarè; si unquam, observatur acidum in mammis; sed potest fieri facilè tale, ut citissimè acescat. Fœmina sana, si per viginti quatuor horas nihil assumpserit cibi vel potûs, non habebit lac in mammis, sed serum flavescens falsum, à quo abhorrent infantes: ratio est, quia omne lac per vires circulationis jam in serum mutatum est, & ingestorum indole depositâ in naturam humoris inquilini transivit. Si jam debiliores fuerint hæ vires immutantes, lac diutius retinebit illam dotem, quâ in acidum vergit: hinc eò citius acescet, quò minus subactus est. Sed hæc subactio pendet à robore sani corporis, & à mora lactis in vasis, in quibus cum sanguine fluit: hincque ratio apparet, quare statim post partum, vel ex debilis nutricis uberibus ductum lac, acescat citius.

**SUDOREM ACIDUM ET SALIVAM ACIDAM.** Rariùs fortè, nec nisi in debilissimis facilè patet, si sanguis acidum in se habeat, quòd & secreti inde humores illud habere possint.

**PRURITUS, &c.** Videmus, quòd omnia aciora ad cutim delata pruritus, obstructions circa subcutaneos inprimis folliculos, pustulas, &c., excitent. In ictericis bilis ad corporis superficiem delata intolerabilem sæpe pruritus excitat. Si acidâ

acrimoniâ infecti humores huc transeant, idem fiet. Rusticorum pueri, immaturos fructus, penitus austeros, dum comedunt, malis sæpe cutis morbis cum summo pruritu laborant. In prima ætate miris illis cutis erosionibus infantes laborant sæpe.

**LACTIS PROMPTA NIMIS COAGULA.** Lac nimis jam vergens in aciditatem, in receptaculis galactophoris mammarum stagnans, collectum, ibi fortè potest acidum fieri: separabitur tenue à parte caseosa serum, effluet per papillas; relictum crassamentum hærens duos tumores, inflammationes, &c. facere potest. Longè tamen frequentius mammarum à coagulato lacte inflammationes fiunt, febre prius validâ prægressâ: tuncque alcalescens potius degeneratio est: fortè centies Medici observant, lac coagulari sic à febre, ubi ne semel id vident factum ab acido (a).

**IPSIOUS QUOQUE SANGUINIS COAGULA.** Acida fortissima fossilia sanguinem coagulant: vegetabilia mitiora longè potius illud diluunt: hinc rariùs videtur acidum, in corpore ex ingestis natum, posse sanguini inducere coagulum: tamen si atra bilis, quæ, ut Veteres jam observaverunt, aliquando tam acida est, ut terram fermentet, lapides rodât instar aquæ stygiæ, sanguini misceatur, lethale certò inducet sanguini coagulum.

**IRRITAMENTA CEREBRI NERVORUMQUE, &c.** Certum est, si acre quodcumque teneram cerebri & nervorum fabricam attingere possit, quod turbarentur omnes, quæ inde pendunt, functiones. Rariùs tamen acria ad minima illa vasa pertingere possunt. Cavit sollicita natura, dum ubique fidelis custodia impedit, ne admittantur talia. Accerrima quævis impune in ventriculum demittunt homines, quæ si ad cerebrum deferri possent, illud destruerent. Si oculum tangat levissimus fumus, clauditur illico; si nares, quanta oritur sternutatio; si pulmonem, tussis orta avertit hoc noxium; si quid acris insueti ingrediatur ventriculum & intestina, quanti vomitus, diarrhœæ, &c!

Omnes ferè humores totius corporis ex locis propriis deducuntur ad hæc loca, ut illud abluant: sed ubi in majoribus omnibus organis lex quædam admittitur, videtur & eadem obtinere in minimis. Certè cortex cerebri, omnibus vasis sanguineis separatis, satuum valde saporem habet, & oculo applicatus dolorem nullum facit. Hinc non tam facilis ingressus acrium in minima vasa, ac crederentur multi; sed alia videtur esse ratio, quare irritamenta cerebri nervorum & infinita, quæ inde sequuntur, mala oriantur ab acido hærente in primis viis: nervi enim, per ventriculum & intestina dispersi, mirum imperium habent in omnes partes corporis, uti certissima docent exempla. Vermis, reptatu suo irritans nervosas has partes, convulsiones toties fecit: hernia suffocata toties subitam mortem, & ante mortem, sæpe omnia turbati cerebri signa. Atra bilis hæc viscera occupans quàm miras mentis alienationes facit! Venena ingesta, in ventriculo adhuc hærentia, totum corpus turbant ad mortem usque: opium deglutitum, in ventriculo adhuc contentum, solum vix, omnes dolores pacat, nimias evacuationes sistit, &c. Hinc videtur acidum natum in primæ digestionis officina, solâ irritatione nervorum, per hæc viscera disperforum, posse mirabiles morbos, imò mortem ipsam, facere; neque ad hæc producenda requiri, ut acidum sanguini mistum, ad cerebri & nervorum intima perveniat. Inprimis autem hoc fiet in illa ætate, in qua totum nervorum systema maximè mobile est: hinc toties infantibus acido laborantibus convulsiones accidunt.

(a) H. Boerhaave, Chem. part. II. pag. 303.



. 65. **EX** his (60. 61. 62. 63. 64. 65.) recitatis præfens, futura; præterita cognoscitur acida temperies; hinc prænoscentur ejus effecta; hinc curatio scitur.

**PRÆSENS** acida temperies noscitur, si color in angulis oculorum, ore interno, faucibus, labiis, pallidus sit; ructus sint acidi; sitis ferè nulla; frigus & laxitas in toto corpore; tæces alvinæ acidum spirent; urina aquosa alba; appetitus satis magnus plerumque.

**FUTURA.** Si temperiem debilem & laxam, sanguinem dissolutum, vitam otiosam, magnam jacturam sanguinis prægressam fuisse noverit Medicus; & interim talia alimenta assumpta esse, quæ spontaneâ mutatione in acidam acrimoniam degenerant; tunc prælagiet futuram brevi in tali corpore acidi generationem, dum bina hæc juncta videt, acescentia ingesta, & vires nimis debiles, ut hoc corrigant.

**PRÆTERITA** autem ex modò dictis facillè cognoscitur.

**EFFECTA**, quæ varia erunt, antea jam commemorata, prout vel primas vias solas, vel & ipsum sanguinem, jam infecerit acida labes: iterumque ex observatis acidi prædominantis effectis, illud adesse cognoscitur.

Ex omnibus autem his curationis requisita patent facillè.

§. 66. **QUÆ** perficitur : 1. Alimentis acido oppositis ex animalibus, vegetabilibusque. 2. Succis bono sanguini similibus ex avibus rapacibus. 3. Roborantibus. 4. Motu valido. 5. Medicamentis acidum absorbentibus, diluentibus, obrudentibus, immutantibus.

Si omnes forent ab acido morbi, ut voluit quædam Medicorum secta, Ars Medica longa minimè foret, sed brevi compendio tradi posset. Si enim homo acido pessimè laboret, viscera tamen omnia adhuc integra habeat, videtur intra paucos dies posse curari; & quidem solo Victu, sine Medicamentis; si solâ aquâ pro potu utatur, pro cibo solis carnibus vel piscibus, vel illorum jusculis.

1. Nullum animal sponte suâ in acidum vergit, in putredinem semper: hinc omnia, quæ ex animalibus petuntur alimenta, acido opposita sunt: inprimis carnes animalium asparæ; tunc enim magis ad oppositam indolem dispositæ sunt. Pisces autem inprimis hic conveniunt, qui longè citius putrescunt quàm carnes; inprimis pisces illi, qui alios pisces vorant, uti lucius piscis, &c, huc spectant & carnum juscula, & gelatinæ inde factæ: sic gelatina, ex cornu cervi rasurâ facta, intra bidduum ællivo tempore jam putrescit.

**VEGETABILIBUS.** Pleraque vegetabilia acescunt, non omnia tamen: Amara ferè omnia acido resistunt; hinc cerevisias his condiunt, ne acescant. Brassicarum ferè omnia genera sibi relicta putrescunt; decoctum certè brassicarum jam aliquid subpuridi fœtoris habet: plantæ illæ antiscorbuticæ acres ut cochlæarizæ, raphani, sinapi, &c, putrescunt, non fermentantur; imò & recentes destillatæ salem volatilem alcalinum exhibent: hinc in morbis illis scorbuticis frigidis tantum usum habent, dum & acido resistunt, & efficaci stimulo languentes functiones excitant.

Tomus I.

L

Pro potu sola aqua; & omnes enim cerevisiæ acefcunt. Si debilitas vini ufum fuaudet, fumatur oleofum, meracum; quale Hispanicum, Hungaricum, Canarinum, &c. vel detur post vinum assumptum abforbens aliquod, quod acidum vini corrigit.

2. In *Materia Medica* recentitæ sunt tales aves, quæ aliis animalibus vivunt: hinc illarum carnes in alcalinam putredinem magis pronæ sunt. Bos solo gramine vivit, & gramine, per corporis efficaciam mutato, constat; ideoque hujus animalis carnes magis quasi ad vegetabilis naturam accedunt: sed dum aliis animalibus pascuntur aves, materia nutrimenti ingeffi jam animale naturam habet, & ulterius adhuc in corpore affumentis perficitur, hinc harum avium carnes libidinosum illum dictum saporem habent; & nemo illis diu, sine acidis condimentis vel fale, vivere poffet; adeo in putredinem pronæ sunt.

Ut autem curetur acidum prædominans in corpore humano, tria requiruntur: 1. ingeffi talium alimentorum, quæ spontaneâ mutatione nunquam in acidum, sed in oppositam acidum indolem, vergunt: de his actum fuit binis prioribus numeris hujus paragraphi. 2. Corporis actiones, quæ cruda ingeffa affimilant in naturam nostram, excitandæ & roborandæ sunt: de his agitur numero tertio & quarto hujus paragraphi. 3. Acidum præfens nociturum debet tolli vel iners reddi: hoc docet ultimus hujus paragraphi numerus.

3. De his jam dictum fuit §. 28. n°. 4, & ob hanc rationem ipsa acida austera; corpori ingeffa, sæpe acidum tollunt non admiffione suæ substantiæ, sed ratione effectûs ultimi, per quem actionem vaforum & viscerum in ingeffa augent. Plerumque tamen eliguntur illa, in quibus vis roborans sine acido simul præfente adest. Omnibus ferè palmam præripit Momma Brunfwicenfis, quæ cæteris quasi syrupus in Indis delata summis illis caloribus sine ulla mutatione refistit, & in morbis omnibus languidis plus prodest ferè, quàm sperari poffet: sic & vina omnia inprimis oleofa illa meraciffima, quatenus roborant & motum augent, sunt antacida, inprimis si aromata stimulantia addantur.

4. Quid motus & exercitia corporis valeant in roborando corpore nimis laxo in solidis partibus, dictum fuit §. 28. n°. 2. Sed per motum auctum actio vaforum & viscerum augetur, per quam ingeffa mutantur in naturam humoris inquilini, qui semper in putredinem, nunquam in acidum, vergit: dum valido labore corpus exercetur, urina fit longè acrior, & jam aliquid subputridi quasi spirat; sudor flavescens olidus exprimitur; imò nimis laboribus corpus ad morbos acutos putridos disponitur. Mirantur sæpe Medici, debilia illa corpora, debellato optimâ quamvis methodo acido, paulò post iisdem languere morbis. Fit hoc tantum ferè, quia negligunt corporis exercitiis firmare corpus: certò enim semper redit morbus, nisi augeatur muscularis motus, vel ejus defectus validis frictionibus suppleantur. Hinc rustici, pane fecalino jam acido, lacte ebutyrato, &c., quamvis utantur, duro labore hæc omnia superant, nec acido inde laborant.

5. ACIDUM ABSORBENTIBUS. Præcipua in *Materia Medica* enumerata sunt. Sunt autem talia Medicamenta, quæ habent hanc peculiarem dotem, quòd acidum in liquidis latens ad se trahant, illud à reliquis liquidi partibus separent, & cum illo concrefcant quasi.

Spiritui aceti purissimo sensim immiffi lapides cancerorum in pollinem tritos; oriebatur sibilus, effervescentiæ motus, & videbantur dissolvi, sic tamen ut quiescente liquido, flocculenta plurima secederent; sensimque fundum peterent. Moto

§. 66. MORBI SPONTANEI EX ACIDO HUMORE. 83

vase hi flocculi æquabilissimè miscebantur liquido supernatanti. Perrexi addendo lapidum cancrorum pulverem donec in fundo non dissolutus maneret, & nulla fierent amplius effervescentiæ signa. Filtro dein depuratum liquorem gustans inveni saporem acidum utcumque, miscens tamen syrupo florum violarum, nulla fiebat coloris mutatio. Purum hunc liquorem ex alta cucurbita superimposita alembico, lenissimo igne destillavi: prodiiit notabilis copia spiritus ardentis, in quo nulla apparebat acidi nota. Hoc spiritu expulso, aucto parum igne prodiiit aqua, quam ex odore & sapore acidi quid habere suspicabar; tamen hæc aqua nec mutabat syrupum florum violarum in rubrum colorem; nec effervecebat cum oleo tartari per deliquium, nec mouebat solutionem mercurii sublimati corrosivi aquâ purâ factam. Perrexi inspissare residuum liquorem serè ad siccitatem: erat tunc sapore talsus, subamaricans: conclusi inde in hoc residuo hære acido aceti, unitum cancrorum lapidum pulveri: addidi dein huic residuo potentius acidum, vitrioli nempe oleum, ut illud excuteret cancrorum lapidibus adhærens aceti acidum; dein lenissimo igne ex vasis purissimis destillavi; habuique spiritum acidum valde, fugacissimum, nares ferientem penetrabilissimo odore.

Cùm ergo aceti generatio videatur pendere à combinatione ardentis spiritus cum acido paulò fixiore, quod in vino latebat (a); apparet clarè ex Experimento narrato, quòd lapides cancrorum habeant hanc vim, ut acidum aceti separent à reliquis aceti partibus, quibus cohærebat: deinde ut illud acidum sibi uniant sic, ut, quamdiu hæc unio manet, non agat ut acidum.

Hinc apparet absorbentium pulverum utilitas: ex se enim inertes serè videntur, efficaces tantùm, ubi acido occurrunt: interim nullâ acrimoniâ corpori nocent.

Unicum restat monendum de horum absorbentium usu: solent in Officinis supra porphyritem terere hos pulveres in subtilitatem pollinis impalpabilis, ut æquabilis dilui possint in mixturis, nec ingrato sub dentibus stridore displiceant. Sed tunc acquirunt hanc proprietatem, ut vel cum aqua pura concrecant, & longè magis adhuc, si in primis viis occurrant glutinosis humoribus; tunc si non adfit sufficiens copia acidi, quod solvere possit, in massas difficulter postea resolubiles, mole & pondere gravantes, concrecant.

Nulla docuit Observatio, pretiosas margaritas ad hos usus præferri debere vilibus cancrorum lapidibus.

Omnium autem absorbentium actio, quâ acidum domant, videtur tantùm in primæ digestionis officina obtinere.

**DILUENTIBUS.** Quæ sunt aqua, & dein omnia talia, in quibus aqua prædominatur. Oleum vitrioli comburit omnes partes corporis, quas rangit: idem illud vitrioli oleum, dilutum maximâ copiâ aquæ, non nocet amplius: sed quia acidum plerumque in debilibus corporibus prædominatur, aquosa autem diluentia, dum acidi vires enervant, simul solidarum partium robur debilitant, (vide §. 35. n°. 1. 3.) fibrosæ autem compagis debilitas inter causas acrimoniæ acidæ in corpore natæ recensetur: (vide §. 61. n°. 3.) ob hanc ergo causam absorbentia præferuntur diluentibus.

**OBTUNDENTIBUS.** Vocantur obtundentia, quæ mollioribus suis, & inprimis oleosis, partibus sic involvunt omnia acris, ut illa inertia reddant: simul omnes partes corporis, quæ oleosis inprimis illis obtundentibus teguntur, ab omni

(a) H. Boerhaave, Chem. part. 2. pag. 214.

#### §4 MORBI SPONTANEI EX ACIDO HUMORE. §. 66. 67.

rosione defenduntur. Dum lapide infernali, mercurio sublimato corrosivo, &c, in quibus concentratissimum acidum metallo soluto adhæret, Chirurgi erodere volunt corporis partes, pinguis applicatis vicina loca defendunt: dum venena acria ingesta sunt, nil plus profuit, quàm olei ingens copia potata. Acerrimum vitrioli acidum, oleo unitum, concrevit in blandum sulphur; quod insipidum terè, rodens illud acidum continet. Hinc infantibus acido laborantibus mollissima illa olea adeo profunt. Hanc tamen noxam habent, quòd simul solidarum partium compagem laxent & debilitent, (vide §. 35. n°. 3.)

Huc etiam referuntur juscula ex animalium partibus inspissata in gelatinas; quæ & glutine non acidum inviscant, & simul profunt, dum ea propria sua natura in putredinem semper, nunquam in acidum vergunt.

**IMMUTANTIBUS.** Vocantur hæc immutantia, quæ acido occurrentia cum illo uniuntur in novam salis speciem; in quo salæ nec acidum nec alcali prævalet, sed vocatur Chemicis sal neuter, vel sal compesctus, optimas resolvendi vires obtinens. Dum oleo vitrioli acidissimo miscetur aeris liquor salis tartari per deliquium soluti, ex binis his acerrimis nascitur sal blandus compositus, quem tartarum vitriolatum in Officinis vocant: optimum decoflruens remedium.

Tales jam sunt omnes sales alcalini fixi, ex vegetabilium combustorum cineribus elixivando parati: præterea omnes sales volatiles ex animalibus & vegetabilibus confecti. Huc & referuntur omnes saponæ, ex sale alcalino, sive fixo, sive volatili & oleo parati.

§. 67. **Q**UORUM electio, præparatio, dosis, applicatio tempestiva, innotescunt Medico ex cognito malo, ejus sede, ægrotante, &c.

**ELECTIO.** Ex recensitis præcedenti paragrapho eliguntur jam illa, quæ maxime conveniunt pro varia indole & sede mali, & varia ægrotantis natura. Tenerimis infantibus rarè damus sales alcalinos, vel fixos, vel volatiles; vel saltem exiguâ tantùm quantitate: quia, nisi statim occurrant acido, suâ acrimoniâ æquè lædere possent ac acidum ipsum. Sed his damus absorbentia, in quibus nulla lædens acrimonia est; vel saponæ, in quibus alcalini salis acrimonia oleo sic obvoluta est, ut non noceat; interim acido potentissimè resistunt. Si acidi rosione excoriata sint intestina vel ventriculus, ad oleosa confugimus, & gelatinas ex animalium partibus confectas. Si unâ cum acido lentum glutinosum addit in primis viis, quod absorbentes pulveres inviscando inutiles redderet; sales alcalinos fixos adhibemus; qui & omne glutinosum lentum dividunt, & acidum mutant in silem neutrum. Si jam ipsum sanguinem infecerit acidi læbes, simulque frigus & inertia adsint, ut sit plerumque, alcalini volatiles sales mobilissimi profunt, qui simul efficaci stimulo languentem vitam excitant. Profunt tunc & sales alcalini fixi, quatenus in chylis diluti videntur sanguinem ingredi posse. Absorbentium non adeo tunc laudatur usus, quia non faciliè videntur vasa lactea posse ingredi, Si simul roborandum est corpus, limatura ferri præferatur reliquis.

**PRÆPARATIO.** Sales alcalini volatiles, vel fixi, dilui in aqua pura dantur optimè. Ubi metuitur, ne effervescentiâ factâ in concursu acidi & alcali molesta oriatur flatulentia, alcali cum oleo coctum in saponem exhibemus. Ab-

§. 67. 68. MORBI SPONTANEI EX ACIDO HUMORE. 85

forbentia non in nimiam tenuitatem trita damus, ut jam monitum fuit in paragra-  
pho præcedenti. Est præterea alia præparatio abforbentium in quibusdam Officinis,  
non multi usûs, ut videtur: abforbentes pulveres solvunt in aceto stillatitio, solutes  
præcipitant affundendo oleum tartari per deliquium; dein subsidentem pulverem  
abutum servant: vocant magisteria. Tractavi hæc methodo lapides cancrorum, &  
inveni magisterium inde factum nil aliud esse, nisi tenerrimum pulvisculum lapidum  
cancrorum, qui æquè effervescebat & solvebatur in aceto stillatitio, ac antè. Hinc  
fatis inutilis videtur hic labor: nec tamen verum est, ut dixerunt quidam, hæc ma-  
gisteria cum acidis non amplius effervesce.

DOSIS. In abforbentibus non facillè peccatur: turò enim largâ dosi dantur, cum  
ex seipsis non adeo actiosa sint, ut nocere possint. Nec in diluentibus, aut obtun-  
dentibus, anxia cautela requiritur; sed immutantia, semper acria cum sint, limita-  
ram magis dosim requirunt; uti in *Materia Medica* notatur.

APPLICATIO TEMPESTIVA. Dum in primis viis hæret acidum, maximè con-  
venit, leni stimulo purgante addito, remedia antacida per totum intestinorum tra-  
ctum deducere; dum in sanguine hæret, volatiles alcalini sales, disposito simul ad  
sudorem corpore, inprimis.

Dum infans ubera matris ducens acido laborat, possumus acidum præsens tollere  
& enervare; sed victum ex alcalescentibus tali infanti exhibere nequimus; cum præ-  
ter lac omnia ferè reliqua fastidiat. Hinc tempestiva applicatio tunc requirit, ut  
matri præscribatur Victus talis, qui chylum & lac reddat quàm maximè alienum ab  
acida acrimonia. De his dictum in §. 66. n<sup>o</sup>. 1. 2. 3. 4.

§. 68. **H**INC patet cur pueris, pigris, virginibus, pauperibus, &  
certis artificibus, hic morbus familiaris sit.

**CUR PUERIS.** Solo ferè lacte materno vivunt, vel pulciculis ex farinosis, pane,  
lacte animalium: solida omnia habent tenerrima: carent animali motu ferè.

**PIGRIS.** Dum inerti otio torpent, corpus vix moventes, omnium vasorum &  
viscerum actiones debilitantur; ingesta non assimilantur, sed spontaneâ corruptelâ  
degenerant: cumque pleraque, quæ assumimus, acescere possint, ut panis, cerevisia,  
vinum, olera pleraque, &c, hinc non mirum, acido repleti talia corpora.

**VIRGINIBUS.** Quia laxiorem corporis compagem habent; otiose vitæ nimis  
deditæ sunt, ditiores si fuerint; sedentario autem labore Victum sæpissime querunt  
illæ, quibus angusta res est; & aquosis tepidis potibus; saltem in his regionibus, ni-  
mis delectantur.

**PAUPERIBUS.** Qui in his locis rarè carnibus uti possunt; lacticiis, inprimis  
lacte ebutyrato, hordeo, avenâ, sigopyrâ, oryzâ, &c, oleribus, cerevisiâ tenui  
vivunt; & plurimi ex illis sedentario labore victum querere debent, vel saltem tales  
Artes exercent, quæ non adeo validos motus requirunt.

**CUR CERTIS ARTIFICIBUS.** Omnes illi, qui tales Artes exercent, quæ  
requirunt ut totâ die in aere acidis halitibus repleto, versentur, frequenter acido  
laborant. Bibulæ enim in tota superficie corporis venæ ex aere multum resorbent;  
aer talibus plenus inspiratur; per ventriculû & intestina oberrat; hinc totum cor-  
pus tandem acido quasi repletur. Hinc videmus pallidos, languidos, tumentes tam

ſæpe illos, qui cereviſias, aceta conficiunt, aquas fortes parant, &c: tanta enim copia acidi corpus quotidie ingreditur, ut motu & robore corporis ſuperari nequeat.

## MORBI A GLUTINOSO SPONTANEO.

§. 69. **GLUTINOSUM** pingue ex vegetabilibus habet cauſas antecedentes, primò farinofa cruda, auſtera immatura. 2. Inopiam boni ſanguinis. 3. Debilitatem vaſorum, viſcerum, bilis. 4. Imminutum motum animale. 5. Diſſipationem liquidioris per laxata vaſa ſecernentia. 6. Retentionem craſſioris debilitate instrumentorum excernentium.

Ut multi à ſolo acido pleroſque morbos deducebant; ſic alii à pituita derivare illos conati ſunt. Ubique hanc damnabant, ſemper de corpore eliminandam volebant, licèt multis in locis corporis naturalis ſit, & ab hujus pituitæ defectu plurimi, & difficillimi morbi, oriantur ſæpiſſime.

Glutinofum jam dicitur omne corpus, quod ad fluidi naturam utcumque accedens; tale eſt, ut ejus partes tantà tenacitate cohereant, ut in filamenta ſe duci patiantur. Hinc glutinofum quaſi ſemiliquidæ naturæ eſt, ſed cum tali partium lentore, ut moræ coherendo quaſi inter ſe teneant.

In omnibus liquidis humanis, ſi ſubtiliſſima fortè, & quædam excrementitia, excipiantur, lentor adeſt: ſanguis & ejus ſerum, bilis, ſaliva, &c, aliquam tenacitatem habent, quæ ad ſanitatē requiritur; ſimulac enim ſanguis plasticum illum lentorem amiſit, & in nimiam tenuitatem degeneravit, naſcitur hydrops.

Sed & obſervantur in corpore ſano à ſanguine ſecreta liquida, quæ optimo jure glutinofa dicenda ſunt: v. gr; liquor unctuoſus articulis lubricandis inſerviens; mucus naturalis partes membranaceas corporis plurimas defendens & lubricans, ut in ventriculo, œlophago, inteſtinis, &c; arteriarum interni parietes quoque mucoſo tali ſinegmate obducuntur, &c.

Hinc non ſemper glutinofum damnandum eſt, tanquam morboſum; cùm pituita ex lege corporis naſcatur in ſanitate illibata, & tam pulchros uſus habeat.

In hoc capitulo autem de pituita morboſa agetur, quæ vel ingeſtis, glutinosà nimis tenacitate præditis; vel abundantè nimis aut ſpiſſiori redditæ pituitæ naturalè originem debet.

Duplicem pituitam Veteres agnoverunt: illud, quod uſum & velut ſupra modum in ſuccis coctum erat, vocabant *φλέγμα* (ἐν τῷ πικρῷ), quod uſum eſſe ſignificat; illud autem albi coloris, quod omnes pituitam vocant, *βλέννας* (mucum) dixit *Prodicus* in opere de hominis natura (a).

Prius illud erat phlegma calidum, & phlegma phlegmonodes dictum: poſterius erat frigidus lentus humor, qui ſimpliciter pituita, vel & phlegma frigidum dicebatur.

Phlegma illud calidum in ſanguine venis educto, in morbis inflammatoriis, ap-

(a) Galen. de natural. facultat. Lib. II. Cap. ix. Charter. Tom. V. pag. 50.

pariet saepe, ubi insulae superficies coriaceâ tenaci albâ lamellâ tegitur: phlegma frigidum in catarrhosis morbis tantâ copiâ secernitur.

Causæ jam nimis pituitæ recensendæ, quatenus ex his prægressis in corpore sano nasci & accumulari potest.

1. Omnes farinæ plûs minûsve, cum aqua subactæ, lentescunt. Amylum, farina subtilissima, gluten dat adeo notum: farina seminum lini cum aqua in passam tenacissimam abit, indomabilem corpori, si assumitur, ut dictum §. 25. n°. 1. Sed hoc faciunt farinæ crudæ inprimis: si enim fermentatio accesserit, licet levis & incepta tantùm, frangitur illa tenacitas, ut in pane fit. Hinc multiplices pauperum morbi, dum farinosis crudis utuntur ferè quotidie, & interim plurimi ex illis sedentario labore Victum quærunt.

AUSTERA IMMATURA. Hæc talem vim habent, ut & solidarum partium elementa ad se invicem propius accedere faciant, & fluidis lentorem concilient majorem. Dum quis mespili immaturum fructum gustat, sentit totum os siccati & contrahi, & salivam inspissatam plûs lentescere: hæc austera deglutita in ventriculo & intestinis eadem efficiunt. Dum rusticorum pueri immaturos fructus avidè devorant, tumido abdomine, pallido vultu, languore totius corporis, pœnas torques luunt.

2. Inter illas causas, quæ ingesta alimenta mutant in nostros humores, recensetur merito sanguinis boni copia præfens; ut demonstratum est §. 25. n°. 1, & §. 43. n°. 3. Ubi ergo deficit boni sanguinis idonea copia, glutinosa ingesta suam retinent indolem, nec subiguntur. Magnam jacturam sanguinis passi toto corpore tumidi frigido lentore languent, sanguis enim bonus suo motu & calore omnia hæc lenta attenuat. *Hippocrates* (a) memorabilem locum habet, qui hoc confirmat, dicit enim: *Cum in utero gerat mulier, tota fit cum virore pallida, (χαλκρὴ) quodd purus ipsius sanguis quotidie ex corpore destillet, & ad fatum feratur, illique incrementum fiat, & pauciori in corpore sanguine existente, eam ex viridi pallidam esse necesse est.*

3. Vasorum & viscerum debitum robur cruda ingesta mutat in naturam humoris inquilini. Illud robur auctum lentorem quidem sanguini conciliat, sed calidum dictum, sive phlogisticam diathesim sanguini inducit, penitus oppositam frigido pituitoso lentori, de quo hic agitur: effectus enim fortium vasorum & viscerum est lentorem glutinosum ingestorum attenuare, & videre: hinc robusti & duro labore corpus exercentes farinosa talia assumunt sine ulla noxa; debiles, otiosi, his utentes, abdominalia viscera infarcta habent satis subitò.

BILIS. Ex viscerum abdominalium sanguine venoso per hepatis fabricam secernitur bilis; chylò, ex ventriculo egresso, affunditur; saponaceâ indole fundit omnia; æquabilissimæ miscelæ apta reddit; glutinosa lenta omnia dividit & attenuat. Dum vituli solo adhuc utuntur lacte, illud in primo ventriculo horum animalium jam in caseum & serum dividitur: caseus ille in secundum & tertium ventriculum delatus sensim fit lentior & crassior; in quarto ventriculo exsuccus ferè, sed dum huic caseo in duodenum delato miscetur bilis, totus resolvitur; tantam habet efficaciam bilis. Hinc bile utuntur saponis instar, ut cericeas vestes à sordibus repurgent: tenacissima pigmenta bile diluunt Pictores, ut æquabilissimè possint diduci. Ubi ergo inertior facta bilis minùs bene suo munere fungitur, ingesta glutinosa, & pituita naturalis ventriculum & intestina obducens, accumulatur, in majorem tenaci-

(a) De Mulierum morbis Lib. I. Cap. xxxiii. Charter, Tom. VII, pag. 748.

tatem degenerant, & pessimos morbos præducunt, bile acriori redditâ, vel Medicamentis aniaris saponaceis, bilis vicem suppletibus, curabiles. Accidit sæpe in autumnibus inprimis tebribus acriorem factam, & putridam ferè bilem, vel sponte vel Arte evacuari: nisi tunc curati ab his febribus, amarâ illis, bilis defectum compensantibus, utantur, pituitosis frigidis morbis diu languent.

4. Naturale gluten lubricandis & defendendis partibus inserviens in quiescentibus hominibus accumulatur semper: hinc laxa, tumidula, glutinosis humoribus plena, horum corpora fiunt. Dum enim salubri motu corpus exercetur, liquidorum per vasa propulsio augetur: sic averritur omne, quod inciperet hæerere. Quiescentibus membris, linimentum illud mucosum articulis lubricandis inserviens, incipit sensim accumulari; sicque sæpe anchyloses facit, postea vix curabiles. Ventriculus & intestina, lento glutine in interna sua superficie obducuntur: valido motu dum corpus exercetur, respiratio aucta diaphragmatis & muscutorum abdominalium actione recit: proci omnia hæc viscera movet, premit, ad se mutuo quasi affricat; & sic deterguntur omnia. Lentum olosum, quod in quiescentibus bene passis animalibus tantâ accumulatur copiâ, motu musculari attenuatum dissipatur iterum.

5. Frequens fatis causa nati lentoris in liquidis nostris, licet de illa non tam sæpe cogitetur: plerique enim humores nostri hanc habent indolem, ut ablato paucò liquidiore concrelescant: lentæ tales mucosæ concretiones ex lymphâ tenuissimâ perspirante inspissata, nasci possunt tam citò, ut incredibile videretur omnibus nisi certissima Obiervata docerent.

Nares hominis sani, in acre moderatè calido degentis, totâ die ne unicam liquoris guttam pluunt: totum ergo, quod de naribus exhalat, perspirabile est tenuissimum. Sed si vespertino corripitur frigore totâ die in acre calido versatus, sentiet narium pruritus, sternutationem, incipit exire liquor limpidissimus, vocatur coryza: dormiens de nocte incipit à tumente membrana interna narium, clausis naribus, per os solum posse respirare, sequenti die sæpe jam emungit maximam copiam mucû spissi; durat hoc per plurimos dies; imò aliquando per menses: dum in somno non sentit homo gravedine laborans irritamenta mucû in naribus collecti, matutino tempore evigilans invenit fragmenta tenacia penitus coriacea, ex inspissato muco nata. Idem jam circa laryngem, asperam arteriam, pulmonem fit: unde post somnum fragmenta densa adeo mucû concreti rejiciuntur, ut mirum videatur, suffocationem inde non accidisse: hinc catharrho laborantibus illæ luctæ, & jactationes, & insomnia laboriosa, dum dormiunt; quæ videntur difficiliorem tractum vitalis sanguinis per pulmonem indicare.

Quantum ergo peccant sæpe, qui sudotiferis, diureticis, &c, sanguinem volunt attenuare, dum, liquidissimis subductis, reliqua facilius in concretionem tendunt!

6. Sanum corpus pituitam generat, quæ functa suo munere debet eliminari de corpore; aliter remanens colligitur, & fit pituita morbosa. Tota superficies interna asperæ arteriæ & bronchiorum pulmonis tenerimo obducitur muco, qui nervos hic dispersos, tam facili irritabilitate præditos, tegit & defendit: sed in juvene sano optimè respirante, agili, omnis ille mucus suo munere functus dissipatur, vel post somnum paulò majori copiâ aliquando collectus, levi tussiculâ excrescendo educitur facillimè. In senili verbò ætate mucus ille iners, lentus, sensim aggeritur, debilior pulmo, & minùs firma latera, hunc educere nequeunt; hinc collectus stertorem facit & sibilum in parte aerea pulmonis; tandèmq; tussi repetitâ, non sine molestia



lestia, educitur. Assiduè renatus mucus, ob pulmonis vires coquentes imminutas, dilatata plùs vasa, & cryptulas mucosas diffuentes, senile illud tussiculofum asthma facit, de quo dixit Hippocrates (a), *raucedines & gravedines in valde senibus coctionem non admittunt*. Hinc omnia illa, quæ lentum illud mucosum attenuant, & simul languentes vires incitant, adeo profunt senibus: nam non tantùm in pulmone, sed & in ventriculo & intestinis, &c, muci aggestio fit; imò & in ipsa vesica: unde toties senes urinam pituitosam reddunt.

§. 70. **N**ASCITUR primò in prima officina digestionis, hinc in sanguine, dein in reliquis, inde derivandis, liquidis.

Lentum illud gluten, ex ingestis tali indole præditis natum, semper primò apparbit in ventriculo & intestinis. Sed non videtur facîle glutinosum tale posse ingredi subtilissima lacteorum vasorum & venarum mesentericarum oscula: sed tales particulæ, quæ unitæ lentum illud mucosum constituiebant, separatæ, & dilutæ tenuioribus liquidis, possunt se furtim quasi per hæc oscula subducere, sicque sanguini misceri, deinde possunt in magnis cavis cordis & sinu venoso iterum uniri & lentorem præternaturalem facere: qui se primò ferè semper manifestabit in pulmone, dum recens chylus statim per pulmonis angustias transire debet. Hinc ubi debiliores imprimis homines farinosa non bene fermentata in prandio assumpserunt, paucis horis postea dyspnœam sentiunt; lentiori chylo difficiliùs per pulmonem pulso.

Sed sanguinis indolem sequuntur inde secreta liquida. Hinc ubi semel sanguis tali lentore gravatur, reliqui humores inde secreti plùs lentescunt, quàm in sanitate requiruntur.

§. 71. **I**N primis viis facit prostratum appetitum; repletionis sensum; nauseam; vomitum; ingestæ cruditatem; bilis inertiam, ejus inviscationem & consumptionem; pituitæ stomachicæ & intestinalis ortum; alvum tardam & tumentem, impedimenta chyli parandi, perficiendi, secernendi.

**PROSTRATUM APPETITUM.** Quando in ventriculo non sunt vires ad digerendum cibos, deficit appetitus; qui redit, simulac ventriculi vires insurgunt: sed nisi debilis fuerit ventriculus, rarè lentum illud accumulatur. Cognoscitur huic causæ adscribendam esse appetitus deletionem, si sine morbo prægresso, sine signis corruptorum humorum circa ventriculum hærentium; lentè & sensim minuatur appetitus, tandèmq; penitus deficiat. Miseri illi, qui fermentatione paratis spiritibus ardentibus abutuntur, tandem destructo omni ventriculi robore penitus appetitu carent: omnibus illis manè surgentibus nausea molestissima & tenacis pituitæ vomitus.

**REPLETIONIS SENSUM.** Semper se plenos, semper saturos dicunt, & de molesto pondere hinc hærente conqueruntur. Sic enim factus est ventriculus, ut, dum aliquid continet non facîle digerendum, gravitatem & anxietatem homines sentiant. Spissius carnum jusculum debiles ex morbo homines quantum gravat!

**NAUSEAM, VOMITUM.** Lenta hæc pituita faucibus adhærens, vel in

(a) Aphorism. 40, Sect. II. Charter. Tom. IX. part. II. pag. 80.

ventriculo fluctuans, & hinc inde mota irritat sic, ut continua serè nausea fiat, & sæpe vomitus molestus; nec facillè tamen adhærens pituita ventriculi lateribus vomitu excutitur: hinc diuturna affligit ab hac causa nausea. Notum est, levem irrationem faucium & ventriculi, simplici motu mechanico factam, nauseam & vomitum producere posse. Dum lumbrici in ventriculo repunt, quanta nausea! Dum plumbula in faucibus movetur, mox nausea & vomitus. Malum hoc sæpe molestum Literatis provectioris ætatis, in quibus aliquando faucium, œsophagi, ventriculi interior tunica sic disponitur, ut membranæ narium accidit in catarrhosis hominibus; ex qua sæpe per integros menses maxima copia muci depluit.

**INGESTI CRUDITATEM.** Cibi ingestæ pituitæ tenaci hic hærente obvolvuntur sic, ut humorum, per fabricam viscerum secretorum, huc affluentium efficacia reddatur iners penitus: sed horum humorum, & inprimis bilis actio, præcipuum est chylopoiesis instrumentum. Cum ergo illæ causæ, quæ in homine sano abstergunt & dividunt omne viscosum in his locis, non potuerunt impedire hujus viscosi aggestionem, multò minùs poterunt illud gluten jam hic accumulatum dividere & attenuare: hinc sæpe cibi, inprimis duriore, post multos dies, pituitæ undique obvoluti, evomuntur.

**BILIS INERTIAM.** Præcedenti paragrapho dictum fuit, glutinosa in primis viis hærentia, non posse ingredi sanguinem, nisi diluta; sed illas partes, quæ unitæ viscosum illud lentum faciebant, separatas, & aliis tenuioribus mistas, posse intrare hiantia in cavum intestinorum oscula venosa. Hæc autem sunt vel vasa lactea, vel venæ mesentericæ. Sed omne, quod per venas mesentericas ingreditur, directè per venam portarum tendit in hepar. In hepate verb tardissimus circuitus humorum; hinc facilius unio partium glutinosarum in sanguine hepatico: sed ex hoc sanguine secernitur utraque bilis: & bilis cystica, in suo solliculo collecta & stagnans, dat magnam opportunitatem adunioni particularum viscosarum. In porcis macatis laniones aliquandoprehendunt vesiculam fellis immaniter distentam, & bile tam glutinosâ plenam, ut in filamenta cohærentia se distrahi patiatur.

**EJUS INVISCATIONEM ET CONSUMPTIONEM.** Videtur admodum probabile, bilem, chylo intestinorum mistam, pro parte iterum resorberi per venas mesentericas; sic redire in hepar; & postquam efficaciam hujus visceris rursus passa est, de novo secerni. Hinc elaboratissima bilis portio iret & rediret sæpius hanc viam: sed dum bilis tenaci glutine inviscatur, impeditur hæc resorptio per venas mesentericas, ideo huic viscoso permista manet, & cum illo, motu peristaltico intestinorum, ad crassa intestina deducitur: patet ergo, multùm bilis tenuissimæ sic consumi frustra.

**PITUITÆ STOMACHICÆ ET INTESTINALIS ORTUM.** Morbosæ nempe, ex causis explicatis hic natæ & collectæ. An & ab iisdem causis deduci potest origo pituitæ, vitreæ Veteribus dictæ? Observatum fuit, sæpius per alvum excerni splendentes, gelatinæ instar tremulas, purissimi viri instar pellucidas massas; quæ ob tenacitatem glutinosam huc referri posse videntur. Sed plerumque acerrimos abdominis dolores priùs toleratos sequitur hæc pituita vitrea.

De se ipso narrat Galenus sequentia (a). *Memini mihi ipsi accidisse dolorem vehementissimum, ut mihi videretur in intimo ventre terebrâ perforari, in eo potissimum spatio, per quod à renibus ad vesicam ureteres scimus extendi, injecto deinde rutaceo oleo,*

(a) De locis affectis, Lib. II. Cap. v. Charter. Tom. VII. pag. 405.

cum id paulò pòst excernere tentarem, excrevi simul gravissimo cum dolore humorem, vitreum à Praxagora appellatum, qui vitro juso, tum colore, tum consistentiâ consimilis est, atque id aliis quoque accidere conspexi. Quod verò hic humor sit frigidissimus, jam & à Praxagora dictum est, qui vitrei nomen ipsi imposuit; at manifestè quoque percipitur sensu tactûs, tum ipsorum qui excernant, tum si quis conspexim ipsum tangere voluerit, &c. Evacuato hoc humore dolor sedabatur: fatetur autem le deceptum fuisse, dum crederet, calculum alterutri ureterum impactum, causam doloris fuisse. Acerbus ille dolor inerti pituitæ non videtur adscribi posse: hinc videtur pituita illa vitrea differre à pituita naturali accumulata.

ALVUM TARDAM ET TUMENTEM. Bilis præcipuum stimulum alvi exonerandæ facere videtur: hinc reddita acrior choleras & dyenterias validissimas facit: si impediatur fluere in intestina, ut in ictericis, alvus tarda sit. Sed antea jam dictum est, bilem inertem fieri, inviscari, consumi, dum glutinosum illud in primæ digestionis officina accumulatum hæret. Naturaliter intestina sunt contractissima: sed dum pituita spissa intestinale fistulam obturat variis in locis, accumuluntur ingesta, tenuissima sola transeunt, crassiora hærent: his aggestis, intercepto elastico aere, distenditur miram in molem sæpe abdomen; ut toties in pueris, pituitâ tali aggestâ laborantibus, apparet, in quibus prominulum abdomen turget, & omnia reliqua corporis adeo decreescunt, ut skeletorum instar appareant, defectu nutritionis. Purgantibus deturbatâ per alvum hæc saburra, dein roborantibus exhibitis pulchre curantur, simul perfricato abdomine aromaticis unguentis.

IMPEDIMENTA CHYLI PARANDI, &c. Ut enim bonus chylus fiat ex ingesto cibo & potu, ventriculi & intestinorum actio requiritur; affusio bilis utriusque, lymphæ pancreaticæ, succi gastrici, intestinorum, &c. Sed omnia hæc impediuntur à glutine hic hærente: hinc ad debitam perfectionem non elaboratur chylus. Præterea & glutinosum illud tenuissima venarum mesentericarum & vasorum lacteorum oscula obstruit; & hinc secretio chyli in intestinis facti impeditur; ac corpus, defectu nutrimenti, vero marasmo consumitur.

§. 72. **I**N sanguine visciditatem, pallorem, immeabilitatem; in vasis obstructions, concretiones, urinam pallidam vix olentem; salivam lentam; tumorem album; impeditas secretiones; defectum subtiliorum; sic minimorum canalium coalitum-facit.

Si jam talis iners pituita ex ingestis glutinosis, vel ex naturali lubricante mucos non satis deterfo, sed accumulato, nata sanguinem infecerit, sient quædam phenomena mutæ sanitatis, quæ Observata vocantur effectus glutinosi spontanei in sanguine hærentis.

VISCIDITATEM distinctissimam ab inflammatorio viscido, uti jam mox itum fuit §. 69. Sed hic intelligitur tale viscidum mucosum, quod in aqua solubile est, cum concretiones inflammatoriæ sanguinis in aqua non solvantur: tale viscidum vis. m fuit sæpius, dum imprudenti consilio frigidis & pituitosis illis hominibus vena secabatur; pauculum enim rubri concreti sanguinis innarabat magnæ copię feri viscidii glutinosi.

PALLOREM. In omnibus illis locis, ubi cutis abest, sanguinis colorem, per vasa tenerrima translucentem, observare possumus; uti in lingua, gingivis, ore interno, naso, oculorum angulis, adnatâ, palpebrarum interiori superficie, &c. Quando

tunc in his locis omnia pallida apparent, tunc novimus, viscidum in sanguine hærens non esse inflammatoriz naturæ, sed lentæ pituitosæ indolis. Ubi enim inflammatoria sanguinis tenacitas adest, omnia rubent, calent: ubi lenta pituita prædominatur, pallor & frigus adfunt. Chylus enim omnis albus est, quando sanguinem ingreditur, debetque per circulationis efficaciam mutari in sanguinem rubrum: debilia autem illa corpora, dum hanc chyli mutationem perficere nequeunt, pallent semper. Cum chlorosi, seu pallido morbo, incipiunt laborare toties circa primam menstruum eruptionem virgines, res hæc evidenter patet: dum enim ad incrementi apicem pervenit muliebre corpus, incipit æquilibrium inter solida & fluida nasci: viscera interim chylopoietica agunt ut antè: hinc gignitur plùs boni liquidi, quod non augeat vim corporis, sed molem movendorum, manente eadem causâ motrice: hinc torum corpus iners fit, tumet, pallet; non ob jacturam sanguinis rubri, sed quia quotidie chylus albus sanguini affunditur, quem vires corporis non valent mutare in sanguinem rubrum. In hoc morbo semper illud glutinosum lentum nascitur; ut docet pastacea totius corporis mollities, pallor, inertia.

**IMMEABILITATEM.** Tandem enim nimis lentescens sanguis non potest pelli amplius per vasa; inprimis cum semper debilior circulatio adsit in illis, qui viscoso illo lento abundant. Hæc autem immeabilitas inprimis observabitur in vasis minimis, in pulmone & cerebro: hinc horum viscerum actiones tunc turbantur quàm maximè: & tandem ferè lethargici pereunt; vel oppresso pulmone suffocantur.

**IN VASIS OBSTRUCTIONES.** Quæ longè frequentius à tenacitate inflammatoria nascuntur, quàm à pituita frigida. Tamen inde nasci possunt, dum fluidorum moleculæ, lentâ viscositate nimis cohærentes, non patiuntur se dividi per vasorum actionem in illam tenuitatem, quæ requiritur, ut transire possint per ultimas vasorum angustias.

**CONCRETIONES.** Ubi stagnat pituita, in massas coriaceas densas concrefcere potest; inprimis liquidiori parte dissipatâ. Docet id narium mucus, in tales concretiones abiens. Similia concreta in faucibus nata sæpe excreantur. Idem & in pulmone aliquando fieri, docent quotidiana Observata.

**URINAM PALLIDAM VIX OLENTEM.** Hæc semper designat languentes corporis vires: hinc pueris, laxis mulieribus, debilibus senibus, semper talis urina. Quò fortior enim homo est, eò cæteris paribus magis colorata urina est, magisque olida. Sed in robustis glutinosum illud spontaneum rarè nascitur; nam acrior in his bilis, validæque viscerum actio, omne lentum dividunt, solis verò debilibus hic morbus familiaris est.

**SALIVAM LENTAM.** Saliva vel in homine sanissimo lentescit; inprimis quia mucus oris & vicinarum partium huic miscetur. Sed cum sanguinis naturam sequantur inde secreta liquida, non mirum est, ex sanguine viscidiori secerni lentiorè salivam, quæ deglutita, & inter manducandum cibis mista, in primæ digestionis officina viscidum augeat.

**TUMOREM ALBUM.** Vocaverunt λεῖκον φέγμα Veteres; unde & λευκοφλεγματίας dixerunt hunc morbum. Dicitur adesse, quando sanguis degenerat in talem cacochymiam, ut rubedinem & densitatem amittat; & levior factus magis laxam, & mucoso frigori accedentem, naturam acquirat: ubi verò sanguis dissolutus in aquosam tenuitatem loca subcutanea hydropico tumore distendit; vocaverunt & simili nomine aliquando Medici; sed melius Veteres vocaverunt tunc hydropem

*ἀπὸ τῆς αἵμα.* Apparet facillè distinctos esse hos morbos, licet sæpe confundantur: in leucophlegmaticis enim frigida pituitosa humorum indoles est; in hydrope in tenuitatem aquosam degenerant omnia. Hydrops *ἀπὸ τῆς αἵμα* plerumque ab inferioribus ortus, sensim ascendente tumore pergit; leucophlegmatia, pituita in habitum corporis diffusâ, magis æquabiliter per totum dispergitur; hinc laxitas & pastacea mollietis totius corporis; & hoc morbo laborantes homines bombycum instar pellucunt ferè. Hinc Hippocrates hæc distinguens, dixit (a): *Cùm pituita alba detinuerit, totum corpus tumore albo intumescit. .... Si cutatus inchoante morbo fuerit, convalescit; sin minus, in hydropem morbus transit, & hominem perimit: & alibi (b), albâ pituitâ hydrops succedit.*

**IMPEDITAS SECRETIONES.** Omnes secretiones à sanguine fiunt. Ut ergo illæ fiant debito modo, requiritur, ut sanguis bonus adsit. Sed debilia hæc corpora chylum, & lac album conficiunt; sanguinem solidum rubrum difficillimè: hinc albus ille color. Si vires paulò plûs valeant, magis mutantur; non tamen integre perficiuntur humores: tunc color oritur flavescens vel viridescens; ut patet in chlorosi. Ideo vix perspirant, parum mingunt, parcior & inertior bilis secernitur, &c. Accumulatùm illud pituitosum obstruit minora vasa secernentia, vel distendendo partes comprimit, sicque secretiones impedit.

**DEFECTUM SUBTILIORUM.** Videmus evidenter in leucophlegmaticis, omnes illas functiones deficere, vel languere, quæ à subtilissimo liquido, per minima vasa moto, pendent. Hinc illa tarditas ad omnes motus musculares, torpor, hebetudo sensuum, oblivio, somnolentia: videtur enim naturæ prudenti insituto sanguis ad cerebrum tendens liberari à lentiori minùs mobili parte, dum carotis externa ad nares, linguam, os internum, &c., deferat sanguinem, unde tanta copia lentè mucī secernitur: & sic solidissimus & purissimus sanguis ad cerebrum & cerebellum defertur, ut inde fiat spirituum secretio. Dum ergo sanguis in pituitosam inertem cacochymiam degenerat, debita spirituum secretio deficit; & omnes, quæ ab his pendent, actiones.

**MINIMORUM CANALIUM COALITUM.** Certò novimus, magna etiâ vasa orbata liquido transfluente, collapsa concrevisse. Canalis arteriosus, medius inter aortam & pulmonalem arteriam, tam patulus in fœtu, postea concrefcit, dum respiratione explicatus pulmo liberam viam facit sanguini, ex corde dextro per arteriam pulmonalem pulso: unde per hunc canalem non ampliùs fluit sanguis; contigua facta collapsi canalès latera concrefcunt, & satis citò quidem. Sed si hoc fiat in tam magno vase, quid fiet in minimis illis, quæ suâ parvitate omnem imaginationis vim fugiunt, si orbeantur subtilissimo suo liquido? Ex antè dictis autem patuit in hoc morbo deficere illud subtilissimum, quod suo transfluxu minima illa vasa aperta servare potest: & ex hac causa toties, post apoplexiam vel paralyfes ex hac cacochymia glutinosa natas, supersunt immedicabilia mala.

§. 73. **HINC** coctiones, circuitus, secretiones, excretiones, motus vitales, naturales, animales, omnes perturbantur, unde suffocatio, mors.

Omnia, quæ in hac paragrapho recensentur, à debito motu liquidorum sanorum

(a) De Affectionibus, Cap. v. Charter, Tom. VII. pag. 625. (b) Aphor. 74. Sect. 7. Charter, Tom. IX. part. II. pag. 336.

per vasa, requisitum robur habentia pendent: ubi ergo nimia sanguinis glutinositas difficiliorem tractatum per minora vasa facit, vel tandem omnino impedit, necessariò sequuntur omnia hic recensita mala. Dum consideramus illa symptomata, quæ in chlorosi laborantibus ob servantur, hæc omnia patebunt evidenter.

In hoc enim morbo, nulla sit COCTIO ingestorum, vel depravata penitus; & omnia in spontaneam abeunt corruptionem. Hinc illi ructus acidi, nidrosi, &c. CIRCUITUS humorum penitus turbatur; docet hoc pulsus inordinatus toties in hoc morbo, & frigus, imminutæ circulationis sequela. SECRETIONES omnes ferè à naturali lege declinant; viscida saliva, iners bilis, spirituum defectus hoc docent. EXCRETIONES mutantur omnino; urina pallida, spumosa, vix olens: alvus plerumque tardior, perspiratio vix ulla. VITALES MOTUS perturbantur omnino; respiratio difficilis, ad minimum motum corporis anhelosa: cordis palpitaciones enormes sæpe: animi deliquia à levissimis causis: pulsus tardus, parvus, dum quiescunt; velox & inæqualis, dum corpus movent. NATURALES functiones depravatæ penitus sunt; appetitus vel nullus, vel inordinatus absurda quævis desiderat; dum arenas, calcem, cretam, &c. clanculum toties vorant hoc morbo laborantes puellæ; unde calamitosissimi sæpe morbi: ab assumptis cibis gravantur; nec inde reficitur corpus. ANIMALES functiones languent omnino; languida membra vix trahunt, à minimo corporis motu delassatæ illico: sensuum omnium hebetudo, stupor, vertigines molestissimæ adfunt. Tandem, immeabili præter nimiam viscositatem hærente in pulmonibus sanguine, suffocantur; vel subtilissimorum spirituum defectu lethargo pereunt.

§. 74. **E**X his (69. 70. 71. 72. 73.) diagnosi, prognosis, anamnesis mali hujus patet, nec verò, sanatio quid indicet, obscurum est.

DIAGNOSIS docens descriptum morbum adesse, ex dictis facillè habetur. Si sit solidorum debilitas, boni sanguinis inopia, talia assumpta sint alimenta in quibus glutinosum illud prædominatur, sedentaria vita fuerit, tuncque sine febre, sine siti, sine ulla nota putredinis, incipiat sensim appetitus deleri; totum corpus tumere, pulsus sit debilis, frigus adsit; certò licet concludere pituitosum illud frigidum prædominari.

PROGNOSIS. Omnia illa mala recensenda forent in prognosi, quæ §. 71. 72. 73., enumerantur. Et ex iisdem prægressi mali ANAMNESIS habetur.

SANATIO. Quomodo obtineri possit, ex iisdem certissimè deducitur: hæc enim obtinebitur evitatione causarum §. 69., sic enim prohibetur viticiid generatio: deinde viscidum jam præsens in corpore debet attenuari idoneis remediis, ut non amplius functiones ledere possit.

§. 75. **Q**UÆ obtinebitur, 1. usu cibi potûsque bene fermentati; sale, & aromate conditi; 2. Jusculis volatiliùm animalium; 3. Roboratione vasorum & viscerum; 4. Aucto motu; 5. Medicamentis diluentibus, resolventibus, stimulantibus, biliosis, saponaceis; 6. Fricu, calore, balneo, vesicatoriis. Caterùm interiora corporis oblidentur glutinosis, vel spissis, cascosis, macosis mucila-

ginosis, lemosis, ceraceis, pultaceis, amurcosis, calculosis, tartarcis, serosis inflammatis, polyposis, meliceratis, steatomatosis, atheromatosis densis, scirrhis concretis. Cavendum religiosè, ne perturbetur glutinosum beneficum, naturale, lubricans, inungens, defendens, quod oculis, palpebris, naso, ori, faucibus, gulæ, ventriculo, intestinis, pelvi, ureteribus, vesicæ, urethræ, vaginis mucilaginosis tendinum, articularum commissuris, laryngi, arteriæ asperæ, bronchiis, datum in usus necessarios, cum glutinoso morbofo; quod fatali idiotarum & Medicastrorum errore nimis crebrum.

1. Dum farina cum aqua subigitur, fit lenta & ductilis pasta, glutinosa penitus: si fermentatio concilietur huic massæ, omne illud tenax dividitur, & quidem eo plùs, quò fermentatio fortius & diutius egit in hanc tenacem massam. Optimè ergo fermentatus panis requiritur, inprimis biscoctus; tunc enim sponte inter manducandum deliquescit, inprimis si pauculo salis & aromatibus gratissimis, in *Materia Medica* recensitis, condidatur.

Pro potu vinum, vel cerevisia optima, meracior, vino fortè præferenda ad hos usus. Ubi inflammatorium gluten adest, mollissimum hordei decoctum datur, quod frigidum glutinosum, de quo hic agitur, auget: cerevisia verb ex hordeo facta etiam, sed diversâ præparatione, nobile remedium dat in glutinosa frigida sanguinis, & humorum inde secretorum, degeneratione. Hordeum enim in cerevisiæ præparatione aquâ perfunditur & maceratur, donec intumescat, & incipiat germinare; tunc in area spargitur, & bis de die vertitur, donec humidum pro maxima parte perdat; dein supra fornacem succatur; vocatur tunc *malum*: illud deinde, molè tritum, aquæ ferventi infunditur, & in illa relinquitur per aliquot horas: aqua hæc, solutâ hordei totâ ferè substantiâ dives, decoquitur in alio vase; deinde fermentata dat cerevisiam, quæ suos spiritus tenaciori quasi vinculo ligatos retinet, quàm vinum; & hinc magis durabiles effectus in corpore facit. Hæc cerevisia, inprimis meracior, nobilissimum remedium exhibet, & Momma Brunsvicensis, cum pane biscocto, sæpe sine aliis remediis tales morbos superavit.

2. Illa enim juscula non adeo habent tenax illud gelatinosum, sed ingesta calore corporis humani illico disponuntur ad incipientem putredinem, quasi quia inprimis laudantur hæc juscula facta ex carnibus avicularum, quæ infectis vivunt; hinc illa dispositio major est, quàm in carnibus animalium vegetabilibus viventium. Adduntur simul pro condimento aromata acriora: putredo enim vel incipiens tantùm omne lentum attenuat; gelatina spississima scissilis ex cornu cervi rasura, longâ coctione in aqua factâ, simulac levissimum putredinis initium oritur, diffiuit instar aquæ.

3. Quomodo roborari possint vasa & viscera nimis debilia, dictum est §. 47; & quotidie videmus, rusticos robustos validissima edulia commodè digerere, quæ debilius viscera infarcirent pessimè: solani esculenti tubera, farinosa non fermentata, durissimas tumo & sale carnes, impune ferunt.

4. Frustra Medicus tentat sanare hominem, pituitosâ humorum cacochymiâ laborantem, per Pharmaceutica & Victum, si non possit impetrare, ut æger superet

pigritiam, in quam ducit morbi indoles, & laboribus ferè ultra potestatem exerceat corpus. Non tamen statim quidem corpus, glutinosum plenum in summos motus ducendum est; nam subitò motà hac mucosâ matiere, pulmo obrueretur summo cum periculo: ut toties fit, dum hyemali tempore aggestum glutinosum, verno calore subitò sufum, & sanguini mistum, in pulmonis angustis hæret, & suffocat inopinatò hominem: sed motus sensim & per gradus augendus est. Quamdiu debilitas corporis exercitia non permittit, frictions illorum defectum suppleant.

5. **MEDICAMENTIS DILUENTIBUS.** Sola aqua propriè diluit; & omnia reliqua, que diluentia dicuntur, tantùm agunt ratione aquæ. Iners illa frigida pituita, de qua hic agitur, potest aquâ dilui, imprimis tepidâ, & sic resolvi: sed momentaneum tantùm levamen adfert hæc pituitæ per aquosa diluentia resolutio: aquæ enim tepidæ usu omnes partes solidæ debilitantur; unde augeatur causâ pituitam producens in corpore. Hinc adeo fallax hæc medela, dum sæpe homines Sapientiæ studiis dediti, accumulata quotidie inerti pituitâ laborantes, tepidis aquosis potibus levamen sentiunt; dein his indulgentes tandem corpus misere perdunt. Ubi verò subita dilutio pituitæ, v. gr; in ventriculo fluctuantis, requiritur, tunc profunt.

**RESOLVENTIBUS.** De his actum fuit §. 54. n°. 4, ubi & de diluentibus dictum fuit.

**STIMULANTIBUS.** Omne, quod applicatum corpori facit augeri motum in toto vel in parte, posset vocari stimulans: ille enim communis omnium Medicamentorum stimulantium effectus est, quocumque demum modo in corpus agant. Inter stimulantia quedam sunt, quæ videntur rigiditate & figurâ suarum partium agere, dum acutâ superficie lateribus vasorum, per quæ cum humoribus nostris fluunt, impacta, irritatione hac celeriores contractiones vasorum faciunt. Plurimorum stimulantium effectum videmus evidenter; modum verò, quo agunt in corpus nostrum, intelligimus non facilè.

Verbi gratiâ, cinnamomum gratissimo, nec minùs efficaci, stimulo languentes corporis vires excitat: illud autem, quod in cinnamomo has vires habet, incredibiliter parvum mole, dum liberum est à tenaci vinculo oleoso, quo irretitur, omnem fugit sensum. Oleum ex cinnamomo destillatione productum totum aroma stimulans cinnamomi possidet: illud oleum per aliquot dies expositum aeri libero sine sensibili ponderis jactura ferè omnem vim amittit. Quis poterit determinare figuram illius subtilissimi, quod in cinnamomo hærens stimuli vice fungitur? Sed & venenati stimuli quomodo corpus totum turbant? Quantos excitant motus! Venenum variolosum, morbiliosum, pestis, &c, quàm enormi vi agunt! In illis tamen eadem subtilitas omnem indagationem eludit, solis effectis tantùm detegitur efficacia.

Sed numquid & animi affectus, mutata solum cogitatione, tam miris modis corpus mutant, validissimas excitant febres, omnes secretiones, omnes excretiones; augent, minuunt, turbant?

Hinc stimulantium effectus non semper à figura, pondere, rigiditate partium pendet: sufficit Medico novisse talia, quæ applicata corpori motum augent; licet ignoret, quomodo agant.

Omnia autem hæc, majori motu & calore excitatis, videntur agere, sicque ultimo effectû dividere glutinosum iners, illudque sic mutare, ut proprietates sanorum humorum acquirat,

Possè



Posse autem sanguinem, qui glutinosâ inerti cacochymiâ gravabatur, sine evacuatione illius viscosi, aucto motu & efficacîâ vasorum in liquida contenta, iterum acquirere omnes dotes ad sanitatem requisitas, certissima docent Observata.

Chlorosi laborat debilis puella; totum corpus laxo œdemate tumet; pallent & frigen omnia. Dato prius leni vomitorio, vel purgante ex pilulis *Ruffi*, v. gr; vel similibus, saburra mucosa in primis viis hærens educitur, ne aliorum Medicamentorum efficaciam impediât: dein datur vinum medicatum & opimis aromaribus, & ferri limaturâ. Dum his utitur, incipit oriri major calor, levis quasi febricula; quotidie incipit subsidere laxus partium omnium tumor; redit amœnus rubor in cute; labiis, gingivis, &c; nullâ evacuatione factâ prædominantis viscosi, renascitur solidus ruber sanguis, redit omnium functionum integritas.

Prudentissimum certè erat *Galenî* monitum, dicentis (a), *Pituita autem frigida & humida est, & veluti quoddam semicoctum alimentum: quare non est evacuanda, sed debet in corpore manere atque alterari* (ἡλλοῦσθαι).

Stimulanti in *Materia Medica*, variis classibus distributa, recensentur.

**BILIOSIS.** Adeo oppositam inter se habent indolem bilis & lenta pituita, ut nunquam simul prædominentur: summum enim detergens pituitæ est ipsa bilis, omnia solvens & attenuans. Simulac bilis, impedita fluere in duodenum, regurgitat in sanguinem, totus sanguis sic dissolvitur, ut tandem diuturnum icterum sequatur hydrops. In illis hominibus, in quibus lentum illud pituitosum accumulatur, semper bilis copiâ deficit, vel peccat inertîâ. Nihil ergo videtur plus convenire, quàm ut bilis defectus suppleatur: hoc autem fit, bilem, ex alio animali desumptam, ingerendo corpori, in quo deficit bilis, vel usu plantarum amararum, abinthii, centaurei, &c. Prius maximè naturale videbatur, hinc selegerunt imprimis bilem illorum animalium, quæ voracia satîs, manducatione tamen, & pluribus aliis digestionis adminiculis, carebant: in illis enim acerrima bilis horum defectum supplere videbatur. Hinc fel lucii piscis, integros pisces vorantis, fel anguillarum adeo laudatur ad hos usus. Sed & observaverunt Zoographi, ferocissimis animalibus acriorem bilem inesse; hinc fel taurinum inspissatum, ne putresceret, in officinis servant, ex hac bile inspissata, facta cataportia tanti usûs sunt. Fortè pretiosissimus lapis porcinus, *Pedra dei Porco*, dictus, bili suam efficaciam æquè ac originem debet.

**SAPONACEIS.** Inprimis sapo Venetus, blandissimâ actione omne glutinosum; omne pingue solvens, hic laudabatur. Addebant Medici saponi Veneto vigesimam bilis inspissatæ circiter partem, inde facta cataportia exhibebant in hoc casu ægris, & sic utriusque bilis defectum supplere conabantur. Bilis enim hepatica nunquam saponacea penitus, saponi Veneto conveniebat utcumque; bilis cystica parçâ tantum copiâ videtur effluere, ob colli vesicæ fellæ angustiam, intensionem, situm: sic naturam Ars conatur imitari.

**6. FRICU.** Quid possint efficere frictiones, dictum §. 28, n°. 2. Dum glutinosis infarctum puerorum abdomen tumet: frictiones pannis laneis asperis factæ plurimum profunt; sed debent perfricari manè post somnum, vacuo ventriculo: illo enim distento, non facîle illud ferunt. Imò in frictionibus ventrem omnino non contingendum esse voluit *Galenus* (b), *Cùm aliqui periculum sit, ne & cibum dete-*

(a) In Librum Hippocr. de alimento Comment. III. Charter, Tom. VI. pag. 255.

(b) De Sanitate tuenda, Lib. III. Cap. ult. in fine. Charter, Tom. VI. pag. 114.

*rius concoquat, & succus quispiam ex eo semicrudus in corpus digeratur, & caput turbetur, & stomachus subvertatur. Vacuo autem ventriculo dum instituuntur triticiones, non est hujus rei periculum.*

**CALORE.** Omnia serè, quæ laudantur ad glutinosos morbos sanandos, Medicamenta, sunt talia, majorem calorem corpori conciliant. Inprimis hic prodest calor per motum muscularem corporis excitatus, qui semper simul roborat, cum calor foci debiliter potius. Nec nocebit humidi dissipatio per calorem majorem corporis facta, cum in his morbis plerumque simul humidi nimia copia adsit.

**BALNEO.** Balnea sunt vel humida, vel secca. Humida luxando & diluendo agunt: hinc in hoc casu aromaticæ herbæ adduntur, quæ simul roborant & attenuant, & post balneum frictiones. Balnea secca calore majori excitato præfunt. Cum autem tota corporis externa superficies bibulas venas habeat, hinc balnea, ex herbis aromaticis facta, possunt laxatis venis bibulis insinuare simul harum herbarum vires.

**VESICATORIIS.** Sic vocantur illa remedia, quæ cuti sæpe applicata epidermidem in vesicam, tenui ichore plenam, attollunt. Talia sunt ex acerrimis plantis, raphano, sinapi, ranunculis, &c. vel frequentissimè ex cantharidibus. Omnia hæc calorem excitant illo in loco, cui applicantur; & dein toti corpori caloris augmentum faciunt. Imprudenter applicata corpori, febrem, sitim, calorem urentem, halitum cadaverosum, molestissimam stranguriam, faciunt, inprimis cantharides: quæ ideo à *Dioscoride* inter venena recensentur. Omnia hæc agunt ratione stimuli, quo languentem motum sanguinis excitant, & vi fundente, quæ pituitosum iners dividunt & attenuant: hinc in omnibus morbis languidis & frigidis tantum usus. Ubi verò humores dissoluti, acres, in putredinem vergentes, & magnus motus adest, non adeo tutò adhiberi posse videntur.

**CÆTERUM INTERIORA CORPORIS OBSIDENTUR, &c.** Observata Medica docuerunt, posse ex humoribus nostris nasci variis in locis corporis miras concretiones, & penitus diversæ indolis; quæ partium, quas occupant, actiones impediunt: unde mirabilem & lentissimorum morborum origo sæpe pendet. Præcipue talium concretionum classes hic recensentur.

**GLUTINOSIS, VEL SPISIS.** Talia oriri posse in corpore, partim ex ingestis, tali indole præditis, partim ex naturali glutine accumulato, toto hoc capitulo demonstratum est.

**CASEOSIS.** Lactis silius productum caseus est; chylus enim non exhibet caseum: sed lac, coagulo addito, separatur in binas partes: serum nempe tenue, & spissum colostrum, quod omni sero expresso caseum exhibet; qui exsiccatu corneam duritiem sæpe habet; imò, ut cornua animalium, ductilitatem ab igne acquirit, & destillatione sale volatilem alcalinum exhibet. Sed lac illud continens caseum, qui in tantam duritiem concrefcere potest, fluxit cum sanguine per minimas vasorum pulmonalium angustias: si ergo lacti cum sanguine fluenti accideret talis mutatio, quæ fieret separatio feri & colostri, quanta fierent mala! Dum in membris ductibus galactophoris collectum lac stagnat, & corrumpitur, per papillam stillat tenue serum; colostrum retentum, inflammationes, suppurationes, scirrhum, imò cancerum toties produxit. In cadavere nobilis juvenis tumor inventus in abdomine (a) 7<sup>o</sup> libræ materiam albam plenam, quæ partim lactis instar fluida, partim caseosa apparebat.

(a) Académ. des Sciences, Tan 1729. Hist. pag. 17. 18.

**MUCOSIS.** In omnibus illis locis, quæ membrana *Schneideriana*, vera mucæ officina, investit, nasci mucum, accumulari, concrefcere in moles sæpe non faciliè postea resolvendas, docent quotidiana Observata. Sed magis mirabile videtur in talibus locis corporis mucum nasci, in quibus subtilissimi tantum naturali fabricâ partium, secernuntur humores: in ipsis enim cerebri ventriculis mucum verum, frigida apoplexiæ causam, invenerunt Observatores (a).

**MUCILAGINOSIS.** In articulis, majoribus inprimis, manifestè apparent glandulæ illæ, *Haversianæ* à primo descriptore dictæ, quæ smegma mucilaginosum fundunt, interserviens lubricationi ossis excepti & excipientis, & internæ superficiei ligamenti articulationem ambientis. Hæc mucilago, vel nimia spissitudine degenerans, vel nimis quiescente articulo accumulata, viros sæpe tumores circa articulos facit, & aliquando immedicabilem ankylosim producit.

**LEMOSIS.** In homine sano oculi, tenuissimâ lymphâ irrorati, splendent: minimo hic orto vitio, copiâ majori secretum hoc liquidum depluit: postea apparet ibi mucus crassus, viscositate suâ hærens, & deturpans oculi pulchritudinem: hinc incipit concrefcere in lemas, quæ paucas post horas friabiles penitus colliguntur circa angulum majorem oculi. Sic ab humore limpidissimo, à sanguine purissimo secreto, intra paucas horas, dura friabilis nascitur massa.

**CERACEIS.** Mirabilis casus docuit, oculi humores omnes, adeo limpidos, adeo sinceros in sanitate, degenerasse in sebaceam materiam: dum enim prominens oculus extra palpebras, metu majorum malorum extirpabatur, & felici quidem successu; postea oculo extirpato & discisso paruit omnes humores oculi sic degenerasse (b). Sed si in oculis fieri possit, ut in tam alienam indolem degenerent humores, quid non possibile erit in aliis corporis locis? In rugis ani ceracea talis materies naturaliter in suis loculis hæret, quæ inspissata & accumulata tales tumores producere potest (c).

**PULTACEIS.** In abscessibus similem materiam invenit *Severinus* (d). Admodum videtur probabile, & in partibus internis similia observata fuisse.

**AMURCOSIS.** Inflammatum hepar, ut reliquæ corporis partes, in suppurationem aliquando tendit, & sæpe consumpto friabili viscere non bonum pus fit; sed corrupti visceris tabus, amurcæ similis, per alvum deponitur: imò abscessu ad exteriora verso, talis materia, discissis vel sponte ruptis integumentis, exit; unde *Hippocrates* (e) monet, quòd qui hepate suppurato uruntur, si effluat velut amurca, pereant.

In abdomine sub peritonæo tumor invenitur, plenus sanie, facibus vini rubri tam calore quàm consistentiâ similis, quantitate pintas circiter duodecim æquans (f).

In tumore, genu sinistrum occupante, discisso, similem invenit materiem *Severinus* (g).

**CALCULOSIS.** Nasci in corpore humano calculos, nullus dubitat; inprimis circa urinæ vias, renes, ureteres, vesicam, & circa hepar: sed in his locis humores effusi in cavis majoribus stagnant, vel tardius moventur, saltem in hepate: hinc faci-

(a) Theoph. Boneti Sepulchr. Lib. I. pag. 103. 104. 105. 108. 113. & seq.

(b) Theoph. Boneti Sepulchr. Lib. I. pag. 127. 413.

(c) H. Boerhaav. Epist. Anatom. ad Fred.

Ruyfch. pag. 11.

(d) De Recondita Abscess. Natura, pag. 183;

(e) Coacat. n<sup>o</sup>. 451. & Aphor. 45. Sect. 7.

(f) Peyer. Parerg. Anatom. pag. 191.

(g) De Recond. Abscessuum Natura, p. 133:

lius videntur hic posse nasci calculosæ concretiones. Sed magis mirabile videtur; in ipsa substantia cordis, nunquam quiescentis, reperiri calculos (a); ut & quòd in cavo abdominis nulli parti affixus calculus repertus fuerit (b); itidem quòd bovis robustissimi, qui quater se subduserat lanionibus, antequam mactaretur, cerebrum inventum totum lapideum fuerit (c).

**TARTAREIS.** Sic vocantur concretiones calculosæ, quæ totam superficiem loci, quem occupant, tartari instar crustâ calculosâ tegunt. Placenta uterina tali crustâ calculosâ aliquando undique testâ observatur: dura mater cerebri lapideâ tali materiâ incrustata fuit inventa (d).

**SEROSIS INFLAMMATIS.** Docet hoc sanguis pleuriticorum: in quo densa, coriacea, vix cedens novaculæ pellis, ex sero condensato nata, insulse pertinaciter adhæret: naturaliter enim inest sanguini in concretionem proclivitas, quæ in morbis acutis inflammatoris augetur.

**POLYPOSIS.** De his vide §. 52, n°. 2.

**MELICERATIS, STEATOMATOSIS, ATHEROMATOSIS.** Hæc tantum differunt inprimis inter se ratione diversæ consistentiæ, quam habet materia contenta. Sic enim Galenus dicit, quòd in atheromatis pulicula simile quid invenitur; mellis in meliceridibus; sebo in steatomatis. Caterum hujusmodi universa, tunica quædam membranosa sæpe comprehendit (e). In cute externa folliculi, emillario obstructo, tumentes, novâ aggestâ materie, nec evacuatâ, toties in hos tumores degenerant. In internis & nasci posse similia, docuerunt Observationes Medicæ. Inter cerebrum & cerebellum natum steatoma pugni magnitudine, cæcitatem primò, post & necem intulit (f). Verum steatoma ultra sex libras pendens in cavo pectoris repertum, quod post enormes calamitates tandem suffocavit agrum (g).

**SCIRRHOSIS CONCRETIS.** Scirrhum exquisitum vocavit Galenus (h) tumorem præter naturam, sensu carentem, & durum. Talis autem tumor post malè curatas inflammationes toties relinquitur; inprimis circa loca dicta glandulosa. Innumere possent citari Observationes Practicorum, quibus constat, omnia viscera per morbos scirrhosa facta fuisse aliquando.

**CAVENDUM RELIGIOSE, NE PERTURBETUR GLUTINOSUM BENEFICUM, NATURALE, &c.** Maximi momenti monitum est, quod neglectum turpibus erroribus toties ansam dedit. Multi enim fuerunt in illa opinione, cum vita & sanitas in liberrimo motu fluidorum per vasa consistere tantum ipsis videretur, quòd vix posset unquam peccare nimia liquidorum tenuitas: omne crassum, omne tenax, dicebatur morbosum. Qui parvum humani corporis fabricam & usum examinaverunt, viderunt evidentissimè, lentum mucum in plurimis corporis locis præparari naturali lege per organa huic scopo infervientia, & maximè necessarios usus habere. Palpebrarum limbi toties attriti ad se invicem, nisi molli smeg-

(a) Philosoph. Transactions Abridged, Tom. III. pag. 128.

(b) Académ. des Sciences l'an 1703. Hist. pag. 16.

(c) Académ. des Sciences l'an 1703. Mém.

(d) Theoph. Boneti Sepulchr. Lib. I. p. 59.

(e) Lib. de Tumor. præter natur. Cap. v. Chatter. Tom. VII. pag. 317.

(f) Theoph. Bonet. Sepulchr. pag. 411.

(g) H. Boerhaav. atrocis & rarissimi Morbi Historia altera.

(h) Method. Med. ad Glaucon. Lib. II. Cap. 41. Charier. Tom. X. pag. 378.

mate defenderentur, inflammarentur brevi, & excoriati dolerent: docent hoc molestissimæ lippitudines toties ab hujus defectu ortæ. Nervi per narium ingentia cava dispersi, nisi muco repleti forent, ab aere exsiccarentur brevi, & periret olfactus. Omnes partes oris interni, faucium, œsophagi, simili obducuntur linimento, ut deglutienda facili per lubricata loca transirent. Ventriculi & intestinorum interna superficies, vel in sanissimis animalibus mactatis, lubricissima apparet, inuncta simili muco, ut tenerrimæ vasorum & nervorum extremitates hic patulæ & prominentes defenderentur ab acrimonia vel asperitate assumptorum; unde in dysenteria, derafo hoc muco, tam enormes dolores; non sedandi, nisi ingestis talibus remediis, quæ suo glutine defectum hunc suppleant. Omnes viæ, quas acris urina transit, tali muco inunctæ sunt: dum deest in Ærethæ quodam loco talis mucus, molestissima stranguria oritur, quæ mucilaginoso althææ decocto tam pulchre curatur. Tendines mucilaginosi vaginis ambiuntur, ut facillima fiat mobilitas: dum per validas suppurationes, vel gangrenas, destruantur hæ vaginæ, rigescunt omnia.

In articulis ossium extrema tenuissimo smegmate obliniuntur: dum post summos & diuturnos motus, vel per morbos, aut senium, deficit, crepitus & dolor articulorum oritur. Laryngis, asperæ arteriæ, interna superficies, totum cavum aereum pulmonis, adeo irritabiles nervos habet, ut nisi muco tegerentur, ab ipso aeris attacku continua fieret tussis.

Cum omnibus illis locis naturalis sit mucus, malè culpatur tanquam morbosus; & pessimo successu de corpore expellitur. Cantharides assumptæ cum sæva stranguria mucii sanguinolenti pauculum faciunt exprimi, derafis virulentis horum insectorum acrimoniæ urinæ viis: acriora purgantia toties, post sæpius evacuatam alvum, exprimunt flavescens glutinis pauculum cum striis sanguineis, summo cum tenebris & dolore; est tantum beneficium illud gluten abrasum, unde postea sæpe molestissima tormina manent, excoriatis & dolentibus intestinis. Idem & in aliis locis verum est.

## MORBI EX ALCALINO SPONTANEO.

§. 76. **N**ONNULLÆ plantæ scatent materiâ, quæ sponte corrupta non acescit, nec coit, sed resolvitur in foetidum volatile, pingue alcali: tales omnes serè aromaticæ valde acres. Has verò rarò assumunt tantâ copîâ, ut morbum creent ex suo ingenio. Sin autem id contingit, pertinebit ad acre alcali oleosum.

Alcali, receptum jam in Arte nomen à falsissima herbula Kali dictum videtur, quæ vivis flammis usita relinquit cineres acri sale divites. Pleræque plantæ, igne aperto combustæ, relinquunt cineres plûs minûsve salios; cineres illi in aqua cocti, filtrati, dant lixivium salsum, quod inspissatum relinquit salem, alcalinum dictum; qui certas habet notas, quibus cognosci potest (a), fixus in igne satis diu; in aere

(a) H. Boerhaav. Chem. Tom. I. pag. 765.

humido deliquescent penitus; saporem habens acrem, igneum, urinosum; odorem nullum; acidis mistus ebullit; syrupi violarum colorem cæruleum in viridem mutat, &c. Sal ille, ex vegetabilibus valido igne & aperto productus, in corpore nostro nasci nequit; ingeri quidem.

Dum vegetabilia aperto igne comburuntur, exit fumus; qui lateribus carni adhaerens, pinguem, nigram massam exhibet, fuliginem nempe: hæc fuligo destillata vasis Chemicis dat magnam copiam salis, conrescentis ad latera excipuli; qui sal linguam urit cum sapore urinoso, ut sal fixus alcalinus; similiter cum acidis effervesceat, colorem syrupi florum violarum mutat, &c: hinc sal alcalinus ob has dotes merito dicitur, sed volatilis, & minimo igne mobilis.

Animalium partes, igne examinatae, primâ destillatione dederunt talem salem volatilem alcalinum.

Putredo hæcenus explorata animalium & vegetabilium corpora ed redigit certissimè, ut salinum eorundem principium evadat alcalinum volatile (§).

In quibusdam plantis hæret jam alcalinus volatilis sal, nativâ plantæ fabricâ paratus; nullam Artem requirens, ut se manifestet. Sinapi semina fracta mox spirant halitum illum volatilem alcalinum; cum aceto trita effervescentiæ signa dant; sponte & primâ destillatione statim salem volatilem alcalinum exhibent.

Aliæ plantæ sunt, in quibus non adeo manifesta quidem indicia sunt præsentis alcalini volatilis, quæ tamen sibi relictæ spontaneâ corruptelâ degenerant in foetidum volatilem pingue alcali: harum catalogus habetur in *Materia Medica*.

Alcalini ergo origo in corpore nostro pendet vel ab humoribus nostris, corruptis putridâ degeneratione spontaneâ; vel ab ingestis, quæ talem indolem habent, ut sponte suâ in putredinem vergant, vel denique ab assumptis salibus alcalinis.

Sales autem alcalini tantâ copiâ vix unquam exhibentur, ut multum nocere possint. Nec acres illæ aromaticæ herbæ, de quibus in hoc paragrapho agitur, facili tantâ usurpantur copiâ, ut inde origo alcalini spontanei in corpore deduci posset. Aliquando tamen accidit, cum ferè omnes antiscorbuticæ vocentur, imprudenti ad hunc morbum usu sic dissolutum fuisse sanguinem, adeo exesâ, ut lethales hæmorrhagiæ, halitus putridissimus, urina foetidissima, fæces alvinæ cadaveroso odore, testarentur putredinem inde natam.

§. 77. **E**X animalium partibus confecta nostra liquida varia sunt: 1. pro varietate alimenti, quo se sustinent: 2. pro varietate partis, quæ assumitur.

Ut ex ingestis per omnium viscerum conspirantes actiones restituatur illud, quod inevitabili fanitatis effectû perditum erat de solidorum & fluidorum substantia, requiritur, ut, depositâ suâ indole, nostram induant naturam ingesta alimenta: hinc quando ad ultimam illam perfectionem pervenerunt, tunc omnia, quantumvis varia, ejusdem sunt naturæ. Sed hæc transmutatio, nonnisi continuatâ per multas horas actione omnium viscerum & viscerum, perficitur: hinc ingesta satis diu sæpe suam naturam retinent; & tunc varia sunt liquida inde confecta ratione diverforum ingestorum: illa autem liquida, quæ ex animalium partibus comestis fiunt, differunt inter se inprimis ob duas causas.

(§) H. Boerhaav. Chem. Tom. I. p. 803.

1. Omnia enim animalia hoc respectu in tres classes possunt dividi: vel enim vivunt solis vegetabilibus; ut equi, boves, oves, &c; vel solis animalibus, ut vasaelli, hirundines, &c; vel utrisque, ut passeres, &c.

Dum lac bovinum in calore aeris æstivi relinquitur, acefcit; brevi carnes ejusdem animalis putrescunt: qui ergo lac ingerit, alimentum sumit sponte sua acefcens; qui carnes ejusdem animalis comedit, nutrimentum sumit sponte in putredinem vergens; si medullam ejusdem animalis quis assumit, hæc poterit in debiliore ventriculo in primis in rancidam corruptelam abire. Apparet ergo varias ejusdem animalis partes penitus diversam spontaneam mutationem habere posse.

§. 78. **A**NIMALIA enim, quæ herbis & aquâ aluntur, chylum acidum, vel faciliè acefcientem, adeoque & tale lac habent; quod in nobis suam sequens indolem vegetabili nutrimento simillima patrat; (vid. 61. ad 76.) & lentam materiam caseo presso similem in primis viis creat, quæ singularis hic viscidæ species.

Chylus ex ingestis alimentis confectus, imò & lac ipsum, magis adhuc sequuntur naturam assumpti quàm assumentis. Hinc dum vacca solo gramine & aquâ in pratis vivit, chylus ejus & lac assumpti graminis naturam retinent, & acefcientem indolem: hoc satis patet.

ET LENTAM MATERIEM CASEO PRESSE SIMILEM, &c. Sanguis humanus & serum sanguinis vim satis magnam concrescendi habent: & hoc videtur proprium esse liquidis humanis: serum sanguinis coagulatur majori calore; lac non ita: sed lac, per 24 horas fluens cum sanguine, mutatur in serum, & tunc hanc vim concrescendi acquirit. Totum hoc debetur efficacæ vasorum in liquida; in primis autem pulmonis actioni. Quod plùs ergo liquida, ex alimentis facta, absunt ab illa ultima perfectione, eò minorem vim concrescendi habent. Hinc chylus examinatus: vix quid coaguli dat: sed lac, quod tantùm est chylus, qui aliquo tempore fluxit cum sanguine per vasa, jam separari potest in tres partes; cremorem nempe, serum, & colostrum subsidens; quod omni sero expresso caseum dat: hinc in lacte jam incipit nasci plastica feri sanguinis indoles. A lacte assumpto illud colostrum separatur in ventriculo & intestinis; quod, nisi bile assusâ dividatur iterum, pessimo lentore intestina obstruit: unde sæpe adeo tumet infantum abdomen. Postea calore loci & morâ corruptum putridissimum alvi fluxum facit: caseus enim, licet ex lacte acefciente separetur, videtur partem lactis maximè animaleam in se habere; nam caseus, omni cremore ablato & sero expresso, induratus, acer fit, alcalinus, & Chemico examine similia serè exhibet ac partes animalium.

§. 79. **Q**UÆ aliis nutriuntur animalibus, omnes succos faciliè alcaliscentes habent.

In illis enim chylus ipse, ingestorum naturam retinens, in alcalinam putridam potius indolem vergit: hinc plerumque pisces, sine sale vel acidis condimentis, aut aliis acefcentibus simul assumptis, diu ferri nequeunt: hinc animalia rapacia serè omnia foetidum halitum spirant. Dum Magnus horum Aphorismorum Auctor severissi-

mis rheumatici dolotibus excruciabatur, proposuit solo carnis vitulinae juscule, sine ullo sale, vivere, ut leniter dolorem, & simul iustineret vitam, sed ultra quinque dies ferre non potuit, coactus postea ad serum lactis confugere; quo solo per multos dies vixit cum magno doloris levamine.

§. 80. **S**I alimenta, vi nostri corporis, (§8.) eò sunt redacta, ut jam liquores fecerint, quales in corpore sano & robusto inveniuntur, post abstinentiam à cibo potùque per viginti horas; tum, si sibi relinquuntur in quiete, & calore, vel etiam si moventur validè, naturam adipiscuntur ubique eamdem putredinis incipientis.

In præcedentibus paragraphis dictum est de illis mutationibus, quæ sunt in humoribus natis ex alimentis ingestis, antequam per vires corporis naturam nostrorum liquidorum acquisiverint: in hoc paragrapho explicatur, quomodo mutantur iidem, postquam, deposita ingestorum naturâ, in nostros humores conversi fuerint. Observaverat *Lowerus* (a), quatuor vel quinque horis post largiorem pastum, sanguini, & quacumque vena vel arteria detracto, magnam chyli lactescentis copiam innatare; & in animalibus æquè ac hominibus: postquam verò chylus diutius circumductus fuit cum sanguine, albedine prorsus depositâ, in serum attenuatur: hinc longo post pastum intervallo si fiat venæsectio, nulla lactis species supererit, sed serum solummodo cruori coagulato innatabit.

Hinc lac emulctum longè alias dotes habet, prout vario post pastum tempore colligitur. Dum enim omni lacte crudiori priùs educto, secundâ vice post aliquot horas emulgentur animalium majorum ubera, lac colligitur vix æscens ampliùs: cuius lactis caseus subputridus, fœtidus, qualis est *Leodiensium*, multis adeo placet.

Ubi ergo per viginti vel plures horas nihil cibi potùsve ingestum fuit, tunc nil ampliùs de natura crudi ingestis superest, & omnia humorum inquilinorum indolem acquisiverunt: sed omnia nostra liquida, sibi relicta in calore aeris communis, putrescunt; licet solis acidis & æscendentibus vixerit homo: hinc in omnibus his est proxima dispositio ad putredinem. Nihil autem in sanitate unquam in corpore perfectè putridum fit: antequam enim eò usque pervenerit, per excretorias vias de corpore exit.

Longè autem citiùs in putredinem abeunt humores animalium, si validè moveantur. Si valido cursu, vel alio labore, quis corpus exercuerit, quàm olidus sudor; quàm acris & fœtida redditur urina! Dum febris acuta lactantemprehendit mulierem, nisi plurimùm poter, intra paucas horas lac fiet tenue, subflavescens, salsum, odoris suburinosis.

§. 81. **I**N alimentis verò ex aliis animalibus, jam statim, ante mutationem corpori nostro adscribendam; illa in putredinem vergens in:doles sponte adest.

Mulier sana & fortis ex solo pane, lacte, cerevisiâ, fructibus horæis, paucis-

(a) De Cordo, pag. 238.



que carnis vivens, inde conficit lac suum; quod intra 24. horas, si potu & cibo abstineat, potest penitus degenerare in alcalescentem indolem. Hoc longè citius fiet, quando alimenta assumpta jam ex propria natura in alcalinam indolem vergunt. Hinc dum in Principium aulis tepè solis carniū jusculis vivere debent nutritices, languent, & lac falsum subalcalescens habent; simulac accrescentia exhibentur, rescinduntur statim.

§. 82. **P**UTREDO hæc (80. 81.) significat eam conditionem humorum, cujus præsentia aqua multum exhalat; salina materies attenuata, acido orбата; vel & mutata, à terra oleoque suo separata, sit acris volatilis, alcalina; oleosa pariter, unâ parte tenuior, terrâ orba, sali illi acri permixta, acris, volatilis, sætens evadit; altera autem olei pars, terræ aquâ, sale, & oleo priori orbatæ, permixta tenacissimè, abit in atram, densam, inmeabilem, facem.

Describuntur jam illæ mutationes, quæ accidunt humoribus animalium dum putrescunt.

**AQUA MULTUM EXHALAT.** Putrefactio potuit paucarum septimanarum spatium vastum balneæ, in litus ejectæ, cadaver dissipare in auras, ut nuda tantum relinquenter ossa: habuit ergo vim talem, quâ volatilia redderet hæc omnia. Sed mobilissima humorum pars aqua est, in omni examine Chemico humorum animalium primò prodians, hæc ergo citissimè dissipabitur.

**SALINA MATERIES, &c.** Sanguis recens eductus de animali sano nullam notam alcalini salis exhibet; oculo instillatus nullum dolorem facit: si tēpore similis, ac habet corpus sanum, idem sanguis foveatur per triduum, jac corruptus sætet, acer fit, & leni destillatione salem volatilem alcalinum dat. Sed sal natus sanguinis neuter erat, longè fixior: hinc ejus indoles penitus putrefactione mutatur. Quod autem putrefactio possit & acidus sales mutare in alcalinos, docet acidissima acetosa, quæ putrefacta salem volatilem alcalinum præbet.

**OLEOSA PARITER, &c.** Ex putrefactis animalium partibus sal volatilis alcalinus, destillatione eductus, nunquam purus apparet; sed flavescent, & oleo subtilissimo, acri, sætido, inquinatus: ergo per putrefactionem oleum sanguinis, adeo fixum naturaliter, fit tam volatile, ut unâ cum mobilissimo sale volatili alcalino sursum ascendat leni calore.

**ALTERA AUTEM OLEI PARS, &c.** Non enim omne oleum volatile redditur per putrefactionem, sed quædam pars tantum: reliquum, terræ unitum, pertinacissimè coheret. Ex urina putrefacta unâ cum sale volatili prodit oleum tenue; sed in residua fæce hæret ingens olei copia, quod summo resistit igni. Sic & in morbis atrabiliariis videmus, mobilissimis sanguinis partibus dissipatis, residuum tenax, piceum, pertinacissimè hærens, amurcæ instar, viscera abdominalia gravare, & maximè chronica producere mala.

§. 83. **I**NSECTA, pisces, amphibia, animalia volatilia, reptantia, gradientia, narantia, homines denique, ex propria sua natura.

106 MORBI EX ALCALINO SPONTANEO. §. 83. 84.  
tura, in hanc putredinem (82.) sponte vergunt semper; acescunt  
nunquam.

Omnia huc usque cognita animalia, demptis quibusdam exsuccis infectis (ad putredinem enim humiditas requiritur, siccata enim animalium partes nunquam putrescunt) in calore aeris intra 32, & 92, gradum thermometri *Fahrenheitiani*, sponte putrescunt; cō citius plerumque, quō calor major est intra definitum hunc terminum, (majore enim calore fit potius exsiccatio putredinem impediens) cō lenius, quō descendens calor magis appropinquat ad glaciale frigus. In piscibus plerumque hæc putrefactio citissimè obinet; in aliis lentius; nec hætenus constat ullo Experimento, animalium partes spontaneâ degeneratione unquam in acidum degenerasse. Hinc hoc videtur meritò pro generali regula posse assumi.

§. 84. **H**UJUS putredinis (82.) antecedentes causæ sunt : 1. Cibi ex aliis animalibus comestis, excepto lacte herbaceo (78.) maximè ex infectis, piscibus, avibus rapacibus, ex vegetabilibus alcalescentibus : 2. Abundantia boni sanguinis, vel si jam putredini ille proximus : 3. Virtus magna vasorum, viscerum, (50. ad 54.) bilis : 4. Stagnatio, vel nimia agitatio, torpente, vel incitato animali motu : 5. Calor ingens diu & multum conciliatus corpori.

1. Potest sani corporis actio in ingesta alimenta, quæ in acidum suâ naturâ vergunt non in putridum alcalinum, illa sic mutare, ut, similia facta humoribus sanis, jam incipientis putredinis naturam adipiscantur (§. 80.) Si ergo ingesta alimenta ex sua indole jam in putredinem vergant, conspirabunt simul ingestorum indoles & corporis actio in hæc ingesta : longè ergo promptior erit dispositio ad putredinem. Hinc solis carnibus, solis piscibus sine ullo sale, sine acido, sine vegetabilibus acescentibus simul assumptis, homo diu vivere nequit; langueret brevè, & abhorreret hos cibos. Sunt tamen animalia quæ solis vivunt carnibus, nec bibunt tamen : hoc de aquilis *Gesnerus* affirmavit; & certa Observata docuerunt hujus rei veritatem, in hominibus tamen capta Experimenta docuerunt, quòd solis alcalescentibus vivere sani nequeant diu.

2. Quantum possit boni sanguinis copia in assimilatione ingestorum, dictum fuit §. 25. n<sup>o</sup>. 1, præcipuum enim auxilium est, quod immutat cruda ingesta in naturam nostrorum humorum. Hinc sanissimi & plethorici in morbos putridos maximè proni, dum talis constitutio epidemica regnat; debiles, cacochymici, mucosis, lentis humoribus pleni, vix afficiuntur; & ideo athleticè valentium periculosus status est. Si plethoricus homo, valido labore corpus exerceat, sudor erit olidissimus; urina rufa, acris, jam subputrida ferè. Calor major, qui semper his corporibus, boni sanguinis copiâ abundantibus, adest, multum auct hanc dispositionem ad putredinem.

3. Bina sunt auxilia præcipua, per quæ fit conversio crudi ingesti in naturam humoris inquilini: miscela nempe pauci crudi cum magna copiâ humorum cæstorum; & actio vasorum & viscerum in hoc crudum. De priori dictum fuit numero præcedenti, de posteriori nunc agitur. Chylus, sanguini mistus, cum illo per multa: horas fluit, antequam in serum mutetur; sed continua vasorum actio & viscerum, rap-

dem chylum mutant in serum & sanguinem : quò fortior ergo hæc actio vasorum & viscerum est, eò citius perficitur hæc mutatio. Hinc robusti homines, duro labore corpus exercentes, panem durum acidum, lac eburatum acidum, fumo & sale induratas carnes, vasorum & viscerum robore digerunt & convertunt in bonum sanguinem, cujus semper hæc proprietas est, ut alcalinam in putredinem vergat, acescat nunquam. Si talibus hominibus darentur juscula, teneræ carnes, &c., langueret illico, nisi acidis sumptis domarent nimiam ingestorum proclivitatem in putredinem.

**BILIS.** Inter liquida corporis sani, excrementicia excipiantur, nullum acrius est, nullum magis vergens in putredinem, quàm bilis. Hinc circa illa loca, uti bilis hæret, cadavera omnium citissimè corrumpuntur. Hinc in morbis acutis citò in putredinem degenerans bilis tanta sæpe facit mala. Chylo, per pylorum ex ventriculo in duodenum intestinum egresso, mox bilis utraque affunditur; sicque ingestiis alimentis per bilem primus quasi humanitatis character imprimitur: acescentia, vel acidia, per bilem incipiunt mutari in oppositam naturam. Præcipuum itaque est chylopoiesis instrumentum. Ob hanc causam frigidi pisces, & dentibus carentes, acerrimam bilem habent: si verò bilis vel copiâ auctâ, vel incipiente putredine peccat, corrumpit omnia, & morbos acutissimos omnia putrefaciens excitat.

4. Motus nullus, & motus nimius liquidorum nostrorum, producent putredinem; sicque binæ causæ penitus oppositæ producent eundem effectum.

Homoper octoginta & plures annos vivit sine ulla putredine humorum; post mortem, cessante omni motu, stagnantibus omnibus liquidis, intra triduum, & aliquando citius, putrescit cadaver. Idem in sanissimo homine, aquis submerso fit; ubi omnes humores adsunt, nil deest, nisi solus motus; brevi putredo nascitur.

**NIMIA AGITATIO** longè adhuc celerius putredinem inducit. Acutissima febris intra 24 horas sic potest corrumpere omnia, ut urina fœtida, fæces alvinæ cadaverose penitus, halitus oris putridissimus, interna omnia jam corrupta testentur.

Inerti otio torpentes toties scorbutus putridissimus, tabefactis visceribus, necat: validissimo motu musculari ardentissima potest excitari febris, omnia putrefaciens.

5. Ubi calor tantus est, ut humidum omne dissipare possit, tunc fit exsiccatio, putrefactionem semper impediens: aliter major calor semper putredinem auget. Carnes animalium hyemali tempore per plurimos dies servari possunt; æstivis caloribus brevi putrido tabo dissolunt; inprimis si cum magno calore simul adsit aeris humiditas. *Hippocrates* inter æstivos morbos recenset plures, in quibus humores in putredinem degenerant, febres nempe continuas, ardentis, oris exulcerationes, genitalium putredines (a). Dum in calidissimis regionibus, silente vento, diu coguntur manere classiciarii, putridissimis morbis corripiuntur. Hinc apparet, quàm necessarium sit aeris refrigerium morbis acutis putridis decumbentibus. *Galenus* (b), putredinis naturam describens, dicit, *Est mutatio totius putrescentis corporis substantiæ ad corruptelam, ab externo calore. Non enim profectò à proprio calore corrumpitur quidquam. . . . sanè & ipsa animalium corpora, . . . magnum annorum numerum sine putredine, ac sana vivâque exigunt, si servetur . . . eorum proprius calor.*

(a) Aphor. 21. Sect. 3.

(b) Method. Medend. Lib. XI, Cap. VIIII. Charter. Tom. X. pag. 154.

§. 85. **I**N primis viis facit sitim, prostratum appetitum, ructus nidorosus, graveolentiam tabidi, corruptique; sordes ori, linguæ, palato, faucibus, amarescentes, putridas; nauseam, vomitum putrescentiæ biliosæ materiei; horrorem adversus omnia, nisi aquosa, vel acida; cruditatem putridam; diarrhœam biliosam, dolores iliacos, inflammatorios; caloris molesti sensum.

Sequuntur jam effectus putredinis natæ in corpore humano; & primò quidem illi, qui observantur nasci, quando putridi quid in primis viis hæret.

**SITIM.** Quæ est individua comes putridi hic hærentis: conatur enim natura plurimo potu ingesto abluere hoc putridum. Hoc apparet evidenter in hydropicis, qui in initio raro siticulosi sunt; sed ubi morâ & stagnatione incipiunt corrumpi quæ, sitis oritur indomabilis. Hinc inter bona signa numeravit *Hippocrates*, si hydropici siti careant. Quibus tabefactum hepar est, immaniter sitiunt, à fomite putrido hic hærente.

**PROSTRATUM APPETITUM.** Potest & à plurimis aliis causis appetitus tolli; sed ubi simul cum prostrato appetitu sitis adest, ferè semper ab hac causa fit.

Si quis, quamvis sanissimus, occurrat putrido animalis cadaveri, illo momento, quo crepat distentum abdomen, in syncopen ferè labitur, & satis diu ab omni cibo abhorrebit. Qui ovi, leviter tantùm putrefacti, particulam deglutivit, mox omnia fastidit. Quid fiet miseris illis, quibus circa ventriculum putridus talis somes hæret, per interna corporis putrida hæc miasmata dispergens? Hinc in morbis à putrida bile, hic hærente, insuperabile ciborum fastidium.

**RUCTUS NIDOROSUS.** Quomodo ructus fiant, dictum fuit, §. 63. Dum eructat homo, odor contentorum ventriculo inprimis nares ferit: ubi putridi quid hic hæret, putridus cum ructu exit odor; qui tunc vel ab alimentis ingestis putrescentibus pendet, vel à fomite corrupto in visceribus hærente.

**SORDES ORI, LINGUÆ; &c.** Medici prudentes nunquam ab ægris discedunt, nisi prius inspexerint oris interna, & linguam, quæ viscerum chylopoieticorum & pulmonis conditionem tam pulchre sæpe demonstrant. Ex ore hominis sani nil nisi limpidissimus ros exhalat: sed in morbis, immeabilibus humoribus obstruentibus extrema hæc oscula exhalantium vasorum, incipit linguæ dorsum inprimis scabrum fieri, siccum; color mutatur in pallidum, flavescens, fuscum, nigrum tandem; imò aliquando totæ gingivæ & dentes ipsi crustâ tali obducuntur. Distinctum cinnamino ab aphthis hoc malum, cum quibus sæpe confunditur; sordes vocantur melius; quæ; postquam reddit debita perspiratio per aperta vasa, ab impetu vitalis liquidi à tergo urgentis absterguntur, reditque linguæ solita nitiditas. Quando sordes illæ ab inflammatoriâ immeabilitate nascuntur, plerumque simul magna adest siccitas; si verò à viscido putrido obstruente, plerumque major humiditas est, nisi binæ hæ causæ simul concurrant, inflammatoria nempe densitas & putredo, ut in morbis acutis sæpius fit. Sed ut linguæ superficies apparet, sic & se habet interior superficies œsophagi, ventriculi, &c.

**GRAVEOLENTIAM TABIDI CORRUPTIQUE.** Quando in primis viis, & inprimis circa ventriculum, putridus somes hæret, mirabiles sæpe

oriuntur morbi, totum genus nervosum turbantes, omnes cerebri actiones perver-  
tentes, non adeo, ut videtur, putrido liquore venis resorpto, dein communi hu-  
morum circulo ad cerebrum delato, sed potius venenatæ quasi auræ afflitione tur-  
bantur omnia. Dum putrida bilis hic collecta, vel per morbi vim nata, stabulatur,  
immanes capitis dolores, vertigines, deliria, furores, &c. in capite causam &  
sedem mali esse, ferè persuaderent; sed excusâ per lenè vomitorium hac subarrâ,  
uno momento cessant omnia hæc mala. Unde Hippocrates in Prognostico, tene-  
bricosam vertiginem, & oris ventriculi morbum, tanquam signum vomitus biliosi  
brevis futuri recensuit: uti & putridi cadaveris horrendus fœtor hominem vel sa-  
nissimum potest in syncopen usque deducere, uno momento ablati omnibus viri-  
bus, sic & in internis latens putridum graveolentiâ suâ & spirituosâ quasi afflatu,  
omnia turbare potest.

NAUSEAM ET VOMITUM, &c. Omnium humorum acerrima bilis omnium  
citissimè in putredinem vergit, hinc simulac quid putridi in primis viis nascitur,  
mox bilis mutatur. Sed præterea putridum hic hærens omnem tollit appetitum,  
sola ferè aquosa acida ferunt, quæ faciliè transeunt; hinc ventriculus vix distenditur.  
Sed ventriculo non dissentio pylorus semper patet; hinc commercium immediatum  
ventriculi cum intestino duodeno, in quo omnis humor secretus ex ingenti hepate,  
pancreate, vesicâ felleâ colligitur, quem intestinum jejunum, tot rugis clausum,  
non adeo faciliè transmittit: hinc hæc in vacuum ventriculum regurgitant, ubi liber  
datur aeri accessus: hinc citissima putrefactio. Unde nausea & vomitus materiæ bi-  
liosæ putrefactæ, in febris autumnalibus epidemicè grassantibus post magnos ca-  
lores æstivos, tories occurrunt; & nisi illud biliosum corruptum sponte vel Arte  
excutiat, in fine morbi putridissimâ diarrhœâ obortâ, prostratis subitissimè viri-  
bus, sæpe pereunt ægri.

HORROREM ADVERSUS OMNIA NISI AQUOSA VEL ACIDA. Sedula Ob-  
servatio docuit, & in hominibus & in animalibus morbum natum sæpe incitare ad  
applicationem auxilii, cæterum ignoti; & nasci sæpe insuperabile desiderium asu-  
mendi quædam; & contrâ, horrorem versùs alia quædam, quæ offeruntur. Modum,  
quo hæc fiunt, non assequimur; veritatem facti certa demonstrant Experimenta.  
Dum summis æstibus exsiccatur corpus, sitis vel invitum coget, ut remedium quæ-  
rat. Simulac quid putridi in corpore hæret, mox nascitur omnium faciliè putrescenti-  
um fastidium summum: si acutâ febre putridâ laboranti carnes offerantur asæ, ne  
quidem aspectum feret æger, vel nidorem carniû: si verò citrea, aurantia mala,  
fructus horæos, &c. offers, avidissimè arripit. Sive jam peritissimus Medicus tali  
decumbat morbo, sive innocuus infans, hæc sunt eodem modo: summæ prudentiæ  
Medicæ est in morbis nata hæc desideria observare. Qui ex præconcepta hypothesi  
in morbis calidissimis omnem negabant potum, omnia acida demanabant, quàm in-  
feliciter fuerunt in morborum curatione! Sibi soli ad omnia sufficiens natura aquam  
appetit & aquosa omnia, ut ablatur putridum, & per urinam vel sudores elimine-  
tur de corpore; acida, ut corrigatur.

CRUDITATEM PUTRIDAM. Quamvis alimenta vi corporis nostri sic mu-  
tentur, ut in quiere & calore, vel & dum validè moverentur, incipientis putredinis  
naturam adipiscantur, ut dictum §. 80, tamen nulla putredo in humoribus sani cor-  
poris observatur naturaliter. Hinc omne putridum crudum est: cœsti enim humo-  
res nostri blandi sunt, nec alcalini, nec acidi: hinc si ingesta alimenta in primis

viis, vel & liquida corporis nostri his locis effusa in putredinem abierint, cruditas hic nascitur putrida; quæ omni momento augetur, ob aeris liberum accessum, calorem & humiditatem primarum viarum, & quia tota vis corporis in ingesta agens hûc conspirat: hæc enim vi alimenta ab omni putredine alienissima convertuntur in naturam liquorum nostrorum, quæ omnia putrescere possunt; quânto magis eadem hæc vis agens in putrida, vel putredini proxima augebit corruptelam!

**DIARRHŒAM BILIOSAM.** Dum aliquid putridi hæret in primis viis, bilis facillimè putrescens citò corrumpi incipit; corrupta venenato terè stimulo continuas alvi excretiones putridissimas facit: tunc liquamen quasi oleosum putridissimum alvo excernitur. In acutis morbis sæpe accidit; ut jam initio per vim morbi corrupta bilis perpetuam faciat nauseam: nisi tunc excutiat vomitorio illud corruptum biliosum, vel corrigatur acidis, circa finem morbi diarrhœa putridissima biliosa nascitur, fractis jam à prægresso morbo viribus, adeo periculosa. Vitellum ovi putrefactum ad pauca grana datum, validissimam hypercatharsim posse facere, observavit *Bellinus*.

**DOLORES ILIACOS INFLAMMATORIOS.** Omnis acrimonia potest irritare nervos per intestina dispersos, unde spasmodica contractio, & ab hoc inflammatio intestinorum oriri potest: maximè quia ab acri bilioso inprimis saponacea vi abraditur mucus, defendens tenerrimas papillas nerveas, per internam tunicam intestinorum dispersas; hinc longè magis sensiles fiunt.

**CALORIS MOLESTI SENSUM.** Quântum caloris per putrefactionem generetur, docet sænum magnis acervis collectum per solam putrefactionem in vivas flammæ erumpens. In febribus illis continuis, quas ab effectu putridas vocaverunt, mordax calor diagnosticum signum præcipuum dat: in ardentissimis febribus, dum extrema frigent, ignis urentis vim circa præcordia ægri sentiunt: sed quàm subita omnium putrefactio in his febribus adest! Hydropici crura, marmoris instar frigida, dum incipit putrescere stagnans lymphæ, calent, inflammantur. Infans peste mortuus secundo post obitum die adhuc calebat. (a).

§. 86. **I**N sanguine producit dissolutionem ejus putridam; acrimoniam alcalinam oleosam volatilem; ineptitudinem ad nutriendum; aptitudinem ad consumendum; minimorum vasculorum destructionem; hinc omnes actiones solidarum & liquidarum partium turbat; depravat, destruit; unde circulatio, secretio, excretio variat; tum febres ardentes, urinæ & omnia secreta putrida, inflammationes, supurationes, gangrænæ, sphaceli, mors.

**DISSOLUTIONEM EJUS PUTRIDAM.** Sanguis sani hominis mixtus de vena post pauca minuta coagulatur in massam homogeneam rubram; de qua postea s.c. dic serum tenuius, remanente parte rubrâ crassâ concretâ: sed sanguis talis tepore simili, ac in sano corpore observatur, focus aliquamdiu incipit putrescere, & simul attenuari, nec ampliùs concrescit postea. Dum in ictericis bilis retro premittitur in sanguinem, totus sanguis, si diu durat morbus, à bile dissolvitur; & in putredinem disponitur: unde à nimis soluto sanguine hydrops postea icter-

(a) Van der Mye, de Morbis Bredanis, pag. 8.

rum sequitur. In scorbuto putrido sic solvitur sanguis, ut propriis vasīs coerceri re-  
nuat, sed ecchymoses, maculas, & validissimas hæmorrhagias faciat. In obsidione  
*Bredana* dum pellis gratiabatur in urbe, sanguis infectorum apparebat lividus, fœ-  
tidus, non concrelescens (a).

**ACRIMONIAM ALCALINAM OLEOSAM VOLATILEM.** Non videtur in  
vivente penitus putrescere posse sanguis, (destructis enim minimis in cerebro &  
cerebello vasīs, mors prius fieret,) sed tamen proximè eò disponitur; sic ut, ubi  
aeri libero exponitur, statim in putridam faniem diffuset. Apparet hoc in gingivis  
scorbuto putrido affectorum; exit enim erosīs vasīs sanguinolenta sanies cadaver  
olens.

**INEPTITUDINEM AD NUTRIENDUM.** Albumen ovi, ex quo certò scimus  
pullum nutrirī, tenacitatem habet satis notabilem: in sero sanguinis, quod per Ex-  
perimenta demonstratur satis simile esse ovi albumini, similis plastica cohesio inest.  
In lacte jam incipit tale quid nasci; docet hoc caseus. Hinc videtur ad nutritionem  
corporis requiri, ut talis cohesio addit in nostris humoribus: sed putredo pata hanc  
tenacitatem tollit. Albumen ovi putrescens instar aquæ tenuæ fit; serum sanguinis  
putridum ad ignem non coagulatur amplius; & in illis morbis, ubi putridus fomes  
in corpore hæret, dissolvuntur omnes humores, nutritio deficit, lento marasmo om-  
nia perirent: docent id phthisici, in quibus à dissolutio nimis sanguine sudores illi  
nocturni, colliquativus & putridus omnino alvi fluxus, atrophia, mors.

**APTITUDINEM AD CONSUMENDUM.** Hoc in primis patet in illa specie tabis,  
quæ consumptio Anglis dicitur: in quo morbo, sine notabili ferè pulmonis labe,  
sensim consumuntur corpora. Videtur ferè morbus ille originem ducere nimio usu  
carnium, unde humores in nimiam calefactionem proni plasticā illā tenacitate ca-  
rent: unde sudoribus disfluunt, & sensim contabescunt.

**MINIMORUM VASCULORUM DESTRUCTIONEM.** Urina sales sanguinis nimis  
acres factus eliminat de corpore: ubi ergo à quacunque causa urinæ secretio vel  
excretio impeditur, non fit hæc sanguinis depuratio. Hæc acrimonia ipsis vitæ actio-  
nibus omni momento augetur: hinc tenerrimis vasīs, cerebri nempe & cerebelli in-  
primis, læsio apparet; & ideo post ischuriam diuturnam, sopor, delirium, mors.  
An ideo subtilissimum pestis venenum putrefaciens omnia, destructis minimis vasīs,  
tam subitam mortem infert?

**HINC OMNES ACTIONES, &c.** Ut fiant actiones in sanitate requisitæ, in solidis  
partibus requiritur debita cohesio, in fluidis proportionalis ad vasa, per quæ fluere  
debent, crassities. Putridā dissolutione attenuati humores aliena vasa intrant, &  
blanda indoles in acrem mutatur; hinc necessariò in omnibus functionibus corpus à  
sanitatis legibus recedit. In acutissimis febribus, in quibus tam subita putrefactio fit,  
statim læsio omnium functionum apparet, illico degenerant omnes humores. In ipso  
enim talium morborum initio respiratio anhelosa & difficilis, pulsusque celerissimus  
& sæpe inæqualis, vitales functiones læsas demonstrant. Debilitas summa, deliria,  
sopores, &c., animalium functionum læsionem indicant: prostratus appetitus, sitis,  
nausea, vomitus, &c., naturales functiones perturbatas probant: saliva, bilis, su-  
dor, urina, mox degenerant: unde, cum nihil ferè de sanitate superfit, tam funestus  
plerumque eventus.

(a) Van der Mye de Morbis Bredanis, pag. 14.

**FEBRES ARDENTES.** *Hippocrates* (a) monuit post statum austrinum humidum & mollem (b) febres ardentes phreniticas oriri: sed talis aeris constitutio omnia ad putredinem disponit, sic ut carnes mactatorum animalium in tali aere humido & calido intra paucos dies in tabum putridum dissolvant. Ubi exusta atra bilis, fixitate sua pertinaciter adeo hærens, per quamcumque causam fusa, corrupta, sanguini miscetur, ardentissima oritur febris subitò destruens omnia.

**URINÆ ET OMNIA SECRETA PUTRIDA.** Omnia hæc sequuntur indolem sanguinis, unde fecernuntur: sed urina naturali lege sales & olca sanguinis acriora, & putredini proxima, abluit & expellit de corpore: hinc, sanguine putridis inquinata, urina similem habebit labem; uti & sudor, &c.

**INFLAMMATIONES, SUPPURATIONES, &c.** Omne acre irritans stimulo suo inflammationem in toto corpore, vel in parte quadam, facere posse, docent certissima Observata. Hinc & putridum natum in corpore sua acrimonia inflammationem facere potest. Sed & præterea dissoluti per putredinem humores aliena vasa intrant, & sæpe per illorum angustias ultimas transire non possunt: hinc alia ratio inflammationis à putredine natæ deducitur. Ophthalmiæ laborantis nuchæ applicuerant lienem recens mactati vituli, reliquerant per 24 horas; totus lien tepore corporis & humiditate resolutus fuerat in olidissimam putrilaginem; & locus, cui applicatus fuerat, validæ inflammationis omnia signa habebat. Sed inflammatione natâ, sequuntur necessariò inflammationis exitus varii, suppuratio nempe, grangæna, sphacelus; ut postea in inflammationis Historia dicitur. Hæc non adeo in externis partibus timentur, sed si in minimis tenerrimorum viscerum vasis hæc fiant, summum periculum. Sic in febribus acutissimis observatur, per abscessum versùs extrema corporis deponi malignos adeo humores, ut fiat subitissima mors partis; & sphacelus ad ossa usque: & monuit *Hippocrates* in Prognosticis, quòd partes tales penitus nigre factæ decident, superflite ægro, si malum leviter ferre videatur, & signum aliquod salubre præterea adsit (c).

**§. 87. EX** his (76. 79. 80. 81. 82. 83. 84. 85. 86.) denuo diagnosi & prognosis, æquè ac curatio morbi liquidò conspiciuntur.

Quomodo diagnosi, prognosis, & indicatio curatoria deducantur ex cognita priùs morbi Historia, dictum fuit §. 27, pro exemplo generali. Sic in hoc morbo causæ prægressæ §. 84. & effectus morbi nati §. 85, & 86, demonstrant adesse alcalinum spontaneum: ubi verò ex his noscitur illud adesse, pro prognosi facillè concluditur, metuenda esse illa omnia, quæ fidelis Observatio docuit sequi hunc morbum natum; & quæ omnia recensentur §. 85, & 86. Deinde ex his bene intellectis curationis requisita facillè deducuntur.

(a) Epid. 3. Charac. Tom. IX. pag. 259. 260.

(b) *μολασηος* Galenus in Commentariis dicit

significare *αἷον* & *σπέρμα* tranquillum, sine ventis, & calidum.

(c) Charac. Tom. VII. pag. 624.



§. 88. QUÆ perficitur 1. Alimentis, potibúsq; citò acefcentibus, vel jam acidis, quò farinosa in aqua cocta, vel ad initium corruptionis digesta; lac ejúsque producta herbacea; fructus horæi; horum acidi crudi, vel fermentati vinosi, acetosive, succi. 2. Acidis Medicamentis ex vegetabilibus crudis, vel fermentatis, aut salibus & sulphure vi ignis in acida conversis. 3. Salinis alcali absorbentibus, ut est sal gemmæ, marinus, & nitrosus. 4. Aquosis diluentibus. 5. Lenibus obtundentibus, qualia farinosa vegetabilia emulsa, vel decocta, sunt; & laudatissimæ boli, acidulo balsamico tecto, & demulcentissimo viscido, constantes. 6. Saponaceis abstergentibus, acidis, suboleosis; oximelle; sapis acetosis. 7. Quiete, somno, balneo vaporis, fomentive.

1. Facile apparet totam curam consistere in binis his, ut nempe putridum alcalinum vel expellatur de corpore, vel sic mutetur, ut non noceat amplius: deinde, ut talia pro cibo & potu ingerantur, quæ ex sua indole putrescere nunquam possunt, sed in oppositam acrimoniam, acidam nempe, vergunt: talia jam habentur omnia dicta FARINOSA: cerealia nempe omnia & matura semina, quæ trita in farinam abeunt. Hæc enim aquâ diluta in calore modico acefcent, quædam citius, quædam seriùs. Avenæ & fæcalis decocta citissimè acefcent, dein hordeum, &c: fæcale autem inprimis satis citò in acidum satis acre degenerat, si in aqua coquitur; vel maceratur. Artifices, qui ferri lamellas stannò obducunt, noverunt requiri ad hanc rem, ut ferri tota superficies terribissima sit, tunc enim stannum facillè adhæret: ideo ferri lamellas macerant in aqua acida reddita, per fæcalis grana addita (a). Hordei prisanâ, cremore, succo, in omnibus acutis morbis utebatur Hippocrates, ut passim in ejus Operibus habetur.

LAC EJUSQUE PRODUCTA HERBACEA. Lac ipsum purum non satis tutò in putridis morbis datur: acefcit quidem omne lac herbaceum, sed habet cremorem pinguem, qui rancescere potest; habet caseum, qui plùs jam de animali natura participans, quàm reliquæ lactis partes, putrescere potest: hinc in acutissimis morbis non nisi plurimâ aquâ dilutum lac conceditur, vel lactis serum, inprimis illud, quod à lacte ebutyrato jam acido per manicam Hippocratis separabatur: hoc tunc serum acidulo sapore adeo placens saluberrimum auxilium dat in omni morbo putrido.

FRUCTUS HORÆI. Ægri similibus morbis decumbentes spontaneo appetitu maximè versùs hos gratissimos fructus seruntur. Anre multos annos omnes ferè obluſtabantur Medici, ne sumerent. Dum celeberrimus horum Aphorismorum Auctor nobili Viro, morbo acuto decumbenti, cerasa, mora, ribesia, dabat, publicâ auctoritate puniendum scelus putabatur: interim, qui hanc methodum adeo calumniabantur, succos horum fructuum cum saccharo in syrupum coctos præscribebant quotidie. Maturorum fructuum succus nullâ præparatione indiget, sitim exstinguit, calorem temperat, urinæ & alvi vias laxat, summum solacium

(a) Acad. des Scienc. l'an. 1725. Mém. pag. 152;  
Tome I.

languenti ventriculo à putrida bile præbet. Calidissimis in regionibus solis ferè his fructibus vivunt sani: æstivis caloribus incensa bilis, saponaceis & blandis fructuum horæorum succis felicissimè demulcetur. *Galenus*, qui ubique ferè fugacium fructuum usum damnabat, tanquam pravi penitus succi forent, dixit (a), *Solusque is utiliter ipsis utetur qui æstu vehementiore, & longiore itinere se se confecerit: tunc enim juvant corporis squalorem humectantia, & si frigida fumantur moderatè refrigerantia*. Sic invitus pulchros fructuum, quos damnaverat, usus recenset. Succus illi jam sæpe sunt: acidi naturaliter, ut in ribesibus, cerasis quibusdam, &c; vel citò satis acefcunt, facillè fermentabiles; tuncque in vini vel aceti indolem mutantur. Vinum autem ipsam in his morbis prodest, imprimis acidulum, & in morbis ipsis acutissimis; sed multà tunc aquà dilutum. Aprorum carnes vino Rhenano conditæ ab omni putredine servantur in Germania.

2. EX VEGETABILIBUS. Plurima habentur vegetabilia, in quibus acidum naturaliter invenitur, ut omnes acetosæ species, acetosellæ, tamarindorum pulpa, &c, quæ ubique in Officinis obvia prostant; unde efficacissima & gratissima simul parari possunt remedia. Huc imprimis refertur fermentatione paratum acidum, tartarus nempe, & acetum omnibus ferè palmam præripiens: unde oxycratum, oxymel, poscam, adeo laudaverunt veteres Medici. Acetum quidem ex omnibus liquidis fermentatis parari potest, melius tamen nunquam fit, quàm ex vino: omnes enim vini partes constituentes in aceto videntur adesse, sed alio modo dispositæ. Acetum inter præcipua prophylactica ad pestem ipsam ab omnibus recensetur, solo olfactu putridis morbis decumbentes adeo reficiens.

AUT SALIBUS ET SULPHURE, &c. Omnia ferè acida vegetabilia, & imprimis acetum, talem vim habent, ut simul sanguinem plùs dissolvant. Ipsa putredo nimiam dissolutionem omnium humorum facit: hinc ubi putridum adest unà cum nimia dissolutione humorum jam præsentè, vel si brevi futura metuitur, tunc acidi spiritus vi ignis ex sale marino, nitro, vitriolo, expressi summum usum habent; efficacissimè enim omni resistunt putredini, dum simul non dissolvunt humores nostros, sed coagulant potius. Huic scopo pulchre inservit spiritus sulphuris per campanam dictus, qui purissimum acidum fossile nihil metallici in se habens præbet.

Quantam autem habeant efficaciam hæc acida fossilia, docuit *Sydenhamus*, qui in variolis pessimis confluentibus spiritum vitrioli potui ordinario mistum pulcherrimo cum successu exhibuit, dum incassum alia tentaverat remedia (b). Sed in his variolis putridissimo tabo omnia diffuunt: hinc apparet, quantà vi putredini resistent hæc acida fossilia.

3. SALINIS ALCALI, &c. Sales illi animalium carnibus aspersi omnem putredinem arcent, ut docent quotidiana Experimenta. Optimi hinc semper usùs, nisi validus simul motus humorum adsit; tunc enim metus est, ne sanguis magnà copiam horum salium gravatus, acrior redditus, & velociùs motus, destruat tenebrica vasa. Nitrum tamen inter hos sales levissimum, faciliùs superabile viribus corporis nostri, tunc præfertur reliquis. Externo usu sales illi soluti in aqua; applicati partibus gangrænâ corruptis, omnem arcent putredinem.

4. Sales sanguinis nimis acres facti, & olea nimis attenuata, & jam subputrida, naturali corporis lege per urinam eliminantur; aliquando & per sudores. Maximè

(a) De Aliment. Facult. Lib. II. Cap. 11. Charter. Tom. VI. p. 336. (b) Sydenham. p. 299.

ergo convenit aquosis diluentibus magnâ copîâ ingestis hæc abluere : copia enîm urinæ inde augetur , & materiæ per sudorem eliminandæ suppeditatur vehiculum : sed & in omnibus morbis putridis , quamdiu mens constat , sitis ingens aquosa petit , naturâ sic monstrante viam.

5. FARINOSA EMULSA VEL DECOCTA. Hæc ratione aquæ diluunt ; molli verò glutine suboleoso inviscant omne acre , & iners reddunt : hinc tanti usus. Omnia illa farinosa semina , contusa , pressa , magnam copiam olei mollissimi dant : sed hoc oleum , citò rancescens , noceret sæpius : dum autem cum aqua teruntur , dant liquidum lacteum mollissimum , emulsum vocant in Officinis , in quo idem hoc oleum est , sed sic mutatum , ut non rancescat , sed ace scat citissimè. Olei virtus , quâ inviscat & obtundit omnem acrimoniam , in emulsis manet , & futuræ ranciditatis metus abest.

LAUDATISSIMÆ BOLI. *Galeni* tempore magnâ jam laude efferebantur terræ illæ medicatæ dictæ ; imprimis terra Lemnia , quæ in Lemno insula effodiebatur.

*Dioscorides* (a) terræ huic caprinum sanguinem misceri credidit , & in pastillos dein formari , quos capræ signarent imagine. *Galenus* (b) bis laboriosum iter in Lemnum insulam suscepit , ut indagaret hujus terræ indolem , & invenit , nunquam ei misceri hircinum vel caprinum sanguinem , pingue verò lutum , & omnibus crassioribus elotione inde separatis ad ceræ consistentiam siccatum servari , & in minutas particulas divisoluto sacrum Dianæ sigillum imprimi deinde , sicque postea vendi.

Varie tales terræ hodie habentur in Officinis ; omnium fortè optima illa , quæ Bolus Armena hodie dicitur. Ad tactum pinguis apparet & saponacea , coloris pallidè rubri , levem nec ingratum odorem habens , facillè in mollissimum pollinem teritur ; in ore deliquescit ferè instar butyri , & salivâ integre diluitur ; in sapore invenitur levissimum aroma , & simul aliquid exsicantis adest. In his terris latet acidum , miro modo obvolutum , ut docent Chemicæ Observationes. Acidum enim illud vagum , fossile dictum , in terræ visceribus hærens , varia constituit concreta , prout diversis unitur corporibus : sic enim vitriola , alumen , sulphur , idem ferè omni dote acidum exhibent. Quia autem omnium facillimè , & maximâ quidem copîâ , ex vitriolo educi potest , hinc acidum vitriolicum dicitur. Hoc acidum salî marino , gemmæ , nitro mistum , expellit acidos horum salium spiritus , unitur parti residuæ post expulso spiritus , & novam salis speciem constituit : sed iidem illi sales , cum magna copia boli Armenæ misti , igne valido dant similes spiritus , nec hoc fit , quia bolus admista fluorem horum salium impedit , cretâ enim v. gr. admistâ , vel arenâ non succedit hoc Experimentum : inde concluderunt , latere in pinguibus his terris acidum vitriolicum , quod igne actuosum redditum excutit acidos horum salium spiritus : nec obstat , quod blandus sapor nullam acrimoniam indicet , sulphur enim insipidum magnam copiam illius acidî recondit.

Hinc pulcherrimus harum terrarum Medicatarum usus patet ; latente acido omni putredini resistunt , & innocuâ lenitate demulcent omnia : unde in dysenteris putridis tantum usum habent , modò satis magnâ dosi exhibeantur : uncia una emulgendo quasi in libra aquæ diluta , dein cochleatim sumpta , pulcherrimos effectus præstat ; ubi ad pauca grana dantur , nihil efficiunt.

(a) Lib. V. Cap. cxlvi.

(b) De Simpl. Med. Facultat. Lib. IX.

Cap. 1. n°. 2. Charter. Tom. XIII. pag. 247.

6. In morbis acutis majore motu & calore pinguedo sua sanguini miscetur, sique plethoram quasi oleosam facit: aqua, & aquosa omnia potata, non possunt facile eluere de sanguine hoc oleosum, omni momento acrius jam factum; hinc eduntur talia quæ saponacea vi omne pingue reddunt aquæ miscibile. Veteres mel cum aceto coctum fumebant: hodie & melle & saccharo utimur, & inprimis infusatis illis sapis acidulis ex succo sambuci, ribesiorum, berberisæ, &c, quæ saponacea vi omne concretum resolvunt, & aciditate sua omni putredini resistunt efficacissimè.

7. QUIETE. Motus muscularis circulationem auget & attritum: sed hæc aucta disponunt omnes humores ad putredinem. Dum validissimo cursu quis corpus fatigavit, acris, rubra, foetida redditur urina: idem in morbis acutis observatur. Ideo veteres Medici talibus ægoris summam imperabant quietem, omnem strepitum, omnem lucem arcebant sollicitissimè, ut placidus subreperet sopitis omnibus sensibus, sonnus.

BALNEO VAPORIS. Sic laxatis vasīs insinuabantur aquosa diluentia, minuebatur attritus, omnes meatūs cutanei aperiebantur, ut facilis fieret exhalatio illorum, quæ jam nimis acria facta nocerent, si manerent in corpore.

FOMENTIS. Tota cutis bibula resorbet sic applicata remedia, inprimis dum spongix madidæ applicantur ad parotides, axillas, inguina, &c. Illis enim in locis maximè bibula cutis est, & venæ majores prope decurrentes resorptos humores citò sanguini miscunt.

§. 89. **U**NDE patet, ubi, & cur, acidus ructus nidorosus sequens bonus: Cur, & quibus convalescentibus salis ammoniaci sapor molestus: Cur sudor acidum spirans acutis salutaris: Quæ acrimonia acida, alcalina, biliosa, oleosa sit. Qui morbi propriâ significatione putridi dici queant: Cur illi fortissimis, plethoricis, præcipuè: An unquam in homine vivente ulli humores jam verè alcalini reperti sint: rarissimè; expertus loquor: Urina in vesica, diu retenta, aut in calculo rariore absorpta, fortè, aliquando, eò pervenire queat. Aliiter mors ante fit, tabefactis per acria, necdum alcalina, pulposis vitalium extremis.

**CUR ACIDUS RUCTUS, &c.** Non semper acidus ructus bonus est; nam in infantibus & debilibus hominibus, acido laborantibus, sæpe molestissimi illi acidi ructus sunt, sævam cardialgiam inducentes; sed ubi prius à putridis, circa ventriculū & vicinas partes hærentibus, ructus rancidi nidorosi fiunt, tunc acidus ructus sequens bonus est, quia denotat, putredinem superatam esse, & oppositum omni putredini prævalere in primis viis acidum: *In diuturnis lienteriiis ructus acidus superveniens, qui prius non erat, signum bonum.* Sic Hippocrates in Aphorismis (a) monuit. Ratio facile patet; quia in lienteria assumpta omnia statim demittuntur, nec tamdiu moram patiuntur, ut acida possint fieri; ideo ructus acidi designant,

(a) Scđ. VI. Aphor. 1. Charter. Tom. IX. pag. 245.

intestina & ventriculum eò usque roborata esse, ut ingesta possint retineri diutius, donec acescant.

**CUR ET QUIBUS CONVALESCENTIBUS, &c.** Hoc omnes ferè experiuntur, qui à morbis acutissimis resurgunt, quòd nempe omnia, quæ assumunt, apparent falsissima: jus carniùm parum meracius salissimæ muricæ saporem habere videtur. Idem & in illis, qui à peste convalescebant, observatum dicitur. Fit autem ille sapor, quia per ingesta acescentia vel acida alcalinum putridum prædominans correctum est, & mutatum in speciem quamdam salis compositi blandi. Multùm etiam huc facere videtur, quòd lingua, in morbis acutis semper sordida & scabra, deciduis illis crustis nitidissima fiat, & simul teneerrimi sensus.

**CUR SUDOR ACIDUM SPIRANS, &c.** In morbis languidis chronicis sudor acidum spirans malum signum dat, effæta penitus corporis vires demonstrans; in acutis verò designat, subactam esse illam diathesim, quâ humores in alcalinam putridam vergebant naturam.

**QUÆ ACRIMONIA ACIDA.** Quæ ex assumptis acescentibus, non bene subactis per vires vasorum & viscerum, nascitur: omnes enim humores verè animales dicendi sponte suâ in putredinem vergunt, nunquam in acidum. Acida ergo acrimonia solis ingestis debetur.

**ALCALINA.** Quæ & ab ingestis in putredinem pronis oritur, & ab humoribus nostris stagnantibus: quamdiu enim per vasa moventur humores nostri, vix possibile videtur ut putrescant penitus, & alcalinam naturam induant: teneerrima enim vasa cerebri & cerebelli tam acres humores ferre non possent sine destructione. Omnis acrimonia alcalina inprimis in excrementis hæret, si addit: in stercore enim sæpe vera putredo adest: urina in morbis putridissimis proximè illuc disponitur.

**BILIOSA.** Inter humores nostros, exceptis excrementitiis, nullus est, qui plùs vergit in putredinem, quàm bilis; unde citissimè in morbis acutis corrumpitur; hinc biliosa acrimonia acerrima, maximè noxia. Cùm enim in morbis acutis aucta sit circulatio, major copia bilis secernitur, quæ blando chylo non obrunditur, ut in sanis fit; sed acris facta, attenuata, sanguini mista turbar omnia.

**OLEOSA.** Omnium pessima olei cujusvis, blandissimi etiam, corruptela. Pressum ex amygdalis oleum suavissimum intra paucos dies æstivo tempore sic corrumpitur, ut ex miti acerrimum fiat, & deglutitum fauces exurat. Medulla ossium adeo blanda, dum corrumpitur, fœtore intolerabili, & acrimoniâ pessimâ, ossa densissima in cariosum pulvisculum dilabi facit. Tenacitas, quâ adhæret corruptum oleum, partibus quas tangit, aucter malignitatem.

**QUI MORBI, &c.** Omnes illi, qui aucto motu & calore subtilissimè faciunt sic degenerare omnes humores, ut in putredinem quàm maximè vergant. Tales sunt inprimis omnes febres acutæ continuæ, & potissimum illæ; quas ab hoc effectu putridas dixerunt veteres Medici: in quibus, sæpe in ipso morbi initio, linguæ sordes, urina acris, rubra, fœtida, fæces alvinæ olidissimæ, sudor graveolens, certas putredinis notas exhibent.

**CUR ILLI FORTISSIMIS, &c.** In his enim boni sanguinis abundantia, calor magnus, robusta vasa & viscera, efficiunt, ut omnia ingesta citissimè in animalem naturam degenerent, id est, in putredinem sponte inclinent: unde & observatum sæpius fuit, febres putridas epidemicè grassantes; imò & ipsam pestem, for-

tissimos quoque invalisse : debiles , senes , chronicis morbis laborantes , mansisse immunes.

AN UNQUAM IN HOMINE VIVENTE , &c. effusos humores extra vasa sua , collectos in cavis naturalibus vel morbosis , posse putrescere , in homine vivente , imprimis si liber aeri accessus detur , nullum dubium est ; sed in ipso sanguine & humoribus inde secretis per sua vasa motis , veram putredinem obtinere posse vitæ tempore , rarissimè si unquam docuerunt Observata. Imò in ipsa urina quæ acriores de sanguine sales abluat , vel in morbis putridissimis , an unquam observatum fuit verum alcali ? Unicum vidi casum , qui ferè faceret , ut crederem aliquando , quamvis rarissimè , hoc fieri posse. Decumbebat synocho putridâ adulta virgo : vocabar decimâ die morbi ; inveni pulsum parvum , celerem , inæqualem ; tremulos omnium musculorum motus , respirationem sublimem , difficilem ; mens constabat tamen ; urina fetorem habebat pessimum : emissâ fuerat ante trihorium ; mecum abstuli urinam illico , affudi nitri spiritum , effervescencia fiebat validissima : post octo horas perivit ægra. Hæc ergo urina verè & alcalina erat , sed per tres horas in libero aere steterat ; fortè & diu in vesica hæserat , antequam excerneretur. Sanguis fœminæ , febre malignâ quasi erysipelatosâ laborantis , per phlebotomiam extractus adeo fœtebat , ut ex ejus tetroadore tam Chirurgus , quàm adstantes , in animi planè deliquium inciderent : hoc se vidisse asserit *Morton* (a).

URINA IN VESICA DIU RETENTA , &c. Senex in hac urbe rei frumentariæ mercator ischuriâ laborat. Chirurgus , in simili casu huic ægro levamen per cathetere immisissum afferre solitus , aberat : noluit alteri curam committere æger : sic mansit usque in diem sequentem , donec rediret in urbem Chirurgus , qui , cathetere immisso , eduxit urinam , tam putridam , ut argenteum cathetere iridis coloribus tingeret , & Chirurgum ipsum , qui incautiùs hauferat putridissimæ urinæ halitum , levi peripneumoniâ afficeret per aliquot dies. In fungoso calculo in vesica vel renibus hærente resorptam urinam , morâ & calore putridissimam fieri posse , certissimè docent Observationes.

ALITER MORS ANTE FIT , &c. Tam tenera enim sunt hæc vasa , ut omnem sensum , omnem ferè imaginationem fugiant : hinc illico destruerentur , si acria fluida alluerent hæc vascula. Qui urinæ suppressione pereunt , ante mortem cerebri functiones læsas habent omnes ; tandem lethali sopore placidè moriuntur , aliquando & convulsi ante mortem. Videtur tunc acre retentum , in sanitate per urinam excerni solitum , destruere tenerrima hæc vascula.

§. 90. **H**INC tandem scitur , quid mali faciat nimius vel minor liquorum circulantium motus , & quantum ejus effectus variet pro varietate loci , ubi hærent , & humorum in quos agit : Quæ à stagnante , vel ab extravasato , nocumenta. Imò neque obscura hinc ratio ortûs viscosi glutinis , quo lentescunt humores nostri ; dum spissâ decocta ex animalibus diuturnâ elixatione parata , nimîâ ingeruntur copiâ ; aut etiam , dum tegumenta animalium , horûmque lentæ , tenacisquæ , partes extremæ , avidiùs assumuntur , aut diutiùs :

(a) Appar. Curat. Morbor. Universal. pag. 11.

etenim alia hinc pituitosi indoles, & distincta ab illa, quæ jam exposita in fine (75).

**QUID MALI FACIAT NIMIUS VEL MINOR, &c.** Ambo faciunt putredinem nasci: sic à validissima inflammatione gangræna, putrefaciens omnia, oritur. Simile malum à defectu circulationis fit, sed lentiori passu incedit: prius malum celerrimè destruit omnia.

**QUANTUM EJUS EFFECTUS VARIET, &c.** Circulatio aucta eò plùs agit in corporis partes, quò minùs distant à corde: hinc in febribus ardentibus intolerabilis ardor circa præcordia: & maximum ab aucto motu humorum per vasa periculum in illis locis, ubi vasa omnium tenerrima sunt; in cerebro nempe & cerebello. Sed & ingens discrimen est ratione humorum, in quos agit nimia vel minor circulatio. Bilis per febres citissimè corrumpitur; urina statim fit acris & rubicundior, quia per hanc sales in putredinem vergentes naturaliter abluuntur, reliqui humores corporis non tam citò mutantur.

**QUÆNAM A STAGNANTE ET EXTRAVASATO NOCUMENTA.** Quamdiu vitalis motus humorum per vasa pergit, omnia manent integra, & ad summum senium homo sine ulla putredine pervenit. Si sanissimus homo sub aquis suffocatur, omnia sunt ut antè; abest solus motus: intra paucos dies putrescit totus: hinc stagnatio & extravasatio humorum ad putredinem disponunt, sed ubi nullus datur aeris accessus ad humores stagnantes vel extravasatos, lentius hoc fit. Patet in contusionibus, ubi sub cute integra fractis vasis effusus sanguis stagnat, nec corrumpitur facilè, quia nullus datur aeris accessus, & vasa bibula venosa tenuiorem partem continuò refovent.

**IMO NEQUE OBSCURA HINC RATIO, &c.** Meracissima carniùm juscula penitus glutinosa fiunt, & debilem ventriculum gravant, non reficiunt vires; dilutiora autem pulchre nutriunt. Quia autem quod in carniùm jusculis nutrit, est illud quod coquendo solvitur in aqua de animalium partibus; hinc concluderunt multi, eò magis nutrire hæc juscula, quò spissiora forent; sed tandem fortissimi glutinis instar indomabilem tenacitatem acquirunt, sic ut corporis viribus superari minimè possint. Longè pejor adhuc tenacitas oritur, dum partes extremæ animalium tendinosæ & mucilaginosæ sic decoquantur, unde gluten validissimum in Mechanicis paratur. Dum phthisicis decocta pedum vitulinorum exhibentur, hac spe ut nutrant plùs miseros, tenaci nimis chylo gravatur debilis pulmo, & maximè fiunt anxietates.

**ETENIM ALIA HINC PITUITOSI INDOLES, &c.** Glutinofum spontaneum §. 69, & sequentibus descriptum, debebat ortum suum vegetabilibus, inprimis lentis farinosis: hoc vel lentorem suum retinebat, & faciebat tunc pessimas obstructions, vel dilutum ingestis, vel affluentibus liquidis poterat fermentari & acescere. Sed illud glutinosum, quod ex animalium partibus diu in aqua decoctis nascitur, primò tenacitate nocet, & postea corruptum teterrimà putredine inscit. Gluten vulgare ex animalium partibus confectum, tenacissimum, si diluatur aquà, putrescit citissimè, & horrendum fœtorem spargit.

§. 91. **P**ERTRACTATIS morbis solidi & fluidi simplicissimis seorsum; agendum sequitur de iis, qui in solido & fluido conjunctim occurrunt simplices quàm maximè.

Firma nunc posita sunt fundamenta, quibus, simplicissimis quamvis, compositorum, & sæpe intricatissimorum morborum, cognitio & cura innitur. Post simplicissimos morbos solidarum partium, & spontaneas degeneraciones humorum, ordo §. 16, dicat ut sensim ad magis compolitos morbos procedatur. Cùm jam, quamdiu vita manet, liquidorum adsit per vasa solida motus, proximè indagandum sequitur, quid fiat in corpore si motus humorum per vasa fiat nimius, vel minor, quàm requiritur ad sanitatem.



## DE MORBIS ORIUNDIS AB EXCESSU MOTUS CIRCULATORII SOLO.

§. 92. **O**MNIA fluida, quæ in ullo vase, ab arteria magna orto, continentur, & solo sanguine sunt secreta, qui paulò antè in corde dextro & sinistro mistus erat, & referebat speciem unius liquidi.

Primus hic morbus est, in quo & fluida & solida simul considerantur; & in hoc capitulo agitur de sola velocitate aucta motus fluidorum per vasa: meritò ergo prius agendum de indole & attributis illius liquidi, quod per vasa fluit.

Sanguis vocatur universale illud liquidum, quod in cor dextrum influit, & quod ex corde sinistro expellitur. Cor omnem sanguinem per venas recipit ab universo corpore; receptum verò reddit per arterias singulis partibus. Ex hoc sanguine omnes partes corporis, omnia viscera faciunt suos humores, varios pro varia singulorum structura. Ergo in sanguine sunt omnia liquida corporis humani, non quoad singulare ingenium, sed quod materiam, ex qua in singulis partibus per propriam earumdem fabricam fit illud, quod in infinita sua idea expresserat Adorandus corporis humani Creator. Quando nunc hoc factum est, hæc materies in singulis partibus & visceribus mutata: demptâ quâdam parte, quæ extra corpus excernitur, reddit ad cor. Sanguis vocatur, dum emittitur ex corde; dum redit ad cor, sanguis dicitur. Hæc sunt tamdiu, quamdiu manet vita.

Hinc fas est dicere, quòd ex sanguine humores omnes, quod in sanguine humores omnes sint.

Sanguis constans ex tot diversis, sed intimâ miscelâ simul unitis, apparet homogeneum liquidum rubri coloris: sibi tamen relictus sanguis secedit in distinctas partes.



§. 93. **H**ABET tamen & ibi, & tunc, globos majores, determinatæ molis, figuræ mutabilis, coloris rubri; sphæras flavas, rubris sextuplò minores, serofas; tum laticem pellucidum in igne concrefcentem; & aquam pellucidam, leviozem, tenuiozem, partibus minoribus, sed ob pelluciditatem non cernendis, constantem. Priorum congeries sanguis ruber; posterior serum appellatur. Microscopia utrumque demonstrant.

*Leeuwenhoeckianis* Observatis hæc omnia innituntur: sanguis enim humanus, per microscopia viſus, partibus sphæricis plurimis simul congestis constat, innatantibus liquido tenuiori pellucido, hinc microscopii aciem eludente. Dum in animalium viventium partibus pellucidis per microscopia conspicitur sanguinis per vasa motus, apparet evidentissimè, moleculas sanguinis per vasorum angustias pressas, aliis occurrentes, mutari omni momento in sua figura, hinc flexiles esse. Ex ejusdem *Leeuwenhoeckii* sententia maximè sanguinis moleculæ sunt globi rubri sex minoribus ad se mutud appressis constantes; atque hi globuli minores suâ adunatione globum rubrum constituentes, flavescerent, & forent globi serofi. Si eadem jam analogia obtineret ad ultima usque, tunc globi serofi ex sex minoribus iterum constarent, hæcque divisio pergeret ad subtilissima à sanguine secreta liquida usque: sed Experimenta hic deficiunt: nam quæ in sanguine habentur subtiliora, quàm est pars rubra & serofa, pellucet omnino. Cum verò inter maximum vas in corpore, aortam nempe, & subtilissimum nervum numerosissimæ vasorum decrefcentium series intercurrent; videntur per singulas vasorum series proportionales fluere humores. Maximarum sanguinis molecularum congeries vocatur sanguis ruber; reliqua omnia tenuiora liquida simul sumpta serum sanguinis sic dictum constituunt: in binas enim tales partes distinctissimas sanguis humanus, vasis emissus, secedit sponte.

§. 94. **R**UBRUM concretum, & à sero seorsum collectum, solâ quiete, & laxitate suarum partium citò resolvitur in serum ita, ut in id omnis ferè cruor abeat.

Dum sanissimo homini vena pertunditur, pleno rivo exiens sanguis, post pauca minuta concrefcat in unam massam rubram; sensim incipit illud rubrum contrahi; exprimitur pars tenuior, omni momento aucta, cui rubra concreta massa plerumque innatat: si effundatur serum sanguinis, post aliquot horas rubra illa massa minor apparet, & feri nova copia adest; sic tandem serè totum illud rubrum convertitur in serum: & hinc apparet, rubram partem sanguinis sensim quasi deliquesceze & in serum abire. Ex sententia *Leeuwenhoeckii* hoc fieret, quia globuli rubri ex sex minoribus constantes, pressione vasorum jam liberati, sensim dissiliunt in globulos serofos, ex quorum adunatione facti fuerant. Hinc apparet, difficillimè posse determinari proportionem inter partem rubram & serosam sanguinis, cum pars rubra sensim in serum deliquescat.

§. 95. **SERUM** diu retentum in aere moderatè calido & humido solâ quiete & laxitate partium resolvitur in tenuius, pellucidius, levius liquidum, quod putrescit sensim, totumque ferè avolat volatile. Quæ crescunt pro ratione temporis.

Uti pars rubra sanguinis sensim defluebat in serum tenuius, sic & serum sibi relictum sensim attenuatur, incipit putrescere, avolat, pauculâ tantum hæc residua. Dum autem sic in aere moderatè calido & humido hæret serum sanguinis, quò tenuius fit, eò acrius simul; nec tunc amplius à calore ebullientis aquæ, vel ab alcohole, coagulatur. In albumine ovi omnia hæc eodem modo obtinent: vix erit inveniuntur duo liquida magis similia in omnibus ferè phenomenonis, quàm albumen ovi & serum sanguinis.

§. 96. **SANGUIS** omnis (92.) recens, levi calore, parum superante salubrem, & cum paucò exhalantis dispendio, coit in massam solidam, scissilem, tenacem, non solubilem per aquam, salem, oleum, spiritus. Atque idem fit calore per humida conciliato, singulari concretionis, & simili prioris, genere.

In sanguine hominis etiam sanissimi maxima proclivitas est in concretionem. Dum ruptâ nali arteriolâ exilit sanguis, statim concrescit in solidam placentulam. Hæc autem vis concrescendi aucto calore increscit plurimum; imò simulac calor, superans fortè decem vel duodecim gradibus thermometri *Fahrenheitiani* calorem maximum sani hominis, conciliatur sanguini, concrescit totus. Ideo in morbis acutis ab augmento caloris tantum periculum. Sed sanguis semel sic concretus difficillimè resolvitur. Plurima sunt, quæ sanguini mista præcavere possunt, ne tam faciliè concreseat; sed semel concretus si fuerit, vix resolvitur amplius; nec sales, nec spiritus, nec olea, imò nec saponis ipsi, tunc multum profunt. Sanguis calore sic inspissatus postea sensim iterum deliquescit in aere aperto; sed tunc putrescit simul: neque videtur hæc concretio fieri ideo, quia per calorem diffantur subtilissima, nam in aquam fervidam dimissus de vena exsiliens sanguis coagulatur illico in massam scissilem. Eadem jam proprietates in ovi albumine iterum obinet, quod in aqua ebulliente, integrâ quamvis ovi testâ reclusum, induratur illico.

§. 97. **ORIGO** rubedinis (93. 94.), feri concrescens, lymphæ concrescens, (95. 96.) debetur vasorum æctioni, circulationis efficacæ; ut chyli, lactis, cruoris, & sanguinis, mutata indoles docet, atque microscopia confirmant.

Sed maxima fuit quæstio, undenam orirentur mirabiles illæ hæcenus recensitæ sanguinis proprietates, rubedo illa, feri flavedo, concretio adeo facilis, &c. Philosophi quàm mira dixerunt! Quàm vana protulerunt nimis sæpe in similibus imprudentes Chémici! Nullus interim potuit ullâ Arte vel ex optimis cibis facere nequi-

dem unicam sanguinis guttulam : solum corpus humanum suum sibi sanguinem facit ex materia, quæ non est sanguis. Nec refert, an corpus humanum parvulum sit, & in initio ferè lux existentia, an verbò adultum jam & firmum, adeo inseparabilis à posita natura corporis humani est præsentia sanguinis, ut in debilissimo Infante adsit æquè ac in robustissimo viro. Imò in embryone humano, simulac oculis lustrari potest, jam adest sanguis ruber, & quidem illo tempore, quando nec in placenta, nec in ovi humani membranis, nec in liquido contento his membranis, vel vestigium sanguinis rubri apparet. Hinc videmus, quòd opifex sanguinis sit corpus humanum in ipso illo tenello mucoso principio.

Quandonam autem in primo hominis rudimento incipiat nasci sanguis ruber, per Experimenta non facilè potest determinari, sed in ovo incubato rem demonstravit immortalis *Malpighius*. Ovum gallinæ sæcundum, nullà incubatione fotum, in sua testa, membranis, albumine, chalazis, vitello, sacculo colloquamenti, nihil omnino exhibet rubri sanguinis, licet optimis lustretur microscopiis.

In ovo incubato apparebat omni horà mutatio ferè, & ad ambitum cicatriculæ ; circa vitellum apparebant per microscopia vasa quædam visibilia jam ; post paucas horas vasa incipiebant distingui à liquore contento : circa horam trigessimam hæc vasa habebant colorem subviridescentem ; quadagesimâ horâ jam aderat color ferrugineus, (xerampelinum vocant, quia autumnali tempore folia vitis emarcida hunc colorem habent) simul apparebat, quòd omnium horum vasorum congeries colligeretur in unum vas, quod ad cicatriculam tendens finiebatur in sinu quodam nunc primò apparente ; qui sinus erat auricula dextra cordis, ut postea apparuit ; & in hoc sinu à carina pendulo apparebat pulsus manifestus ; & paulò post punctulum rubrum in illo pulsante corpusculo. Idem illud rubrum dein in corde dextro, corde sinistro, & paulò post in canali secundum longitudinem carinæ decurrente, qui erat aorta, apparuit. Hinc novimus ex materia non rubra sanguinem rubrum fieri posse, & quidem sine admisione sanguinis rubri præexistentis. Illud rubrum ducit originem in illo pulsante punctulo, ibi enim primò apparet, ubi pulsatio est, & sanguis ruber jam adest, antequam in rudimentis hepatis pulli appareret ullus color sanguineus : unde veterum Medicorum cadit opinio, hepatis sanguificationis munus adscribentium.

Fortè & aer, sine quo nulla planta, nullum animal vivit, huc facit. Post decimam enim octavam horam incubatûs observavit *Malpighius* (a) cicatriculam ascendere versùs obtusum ovi angulum, ubi aer hæret. In adultis chylus in sanguinem murandus statim per pulmonem fluit, ubi latissimâ superficie in tenuissimis vasis nudo ferè aeri exponitur. Ex sententia veterum Alchemistarum occultum vitæ pabulum in aere latebat.

Sed & in homine adulto fati simili modo ex alimentis ingestis sanguis nascitur : venæ enim lactæ præparatum in intestinis chylum sic hauriunt, ut vasa illa vitelli hauriebant attenuatum incubatûs calore albumen ; omnis chylus in unum ductum thoracicum concurret : sic & in pullo omnia hæc vasa in unum confluebant intra amnion. Calore incubatûs, motu humorum per vasa, vi cordis, aeris conspirante actione in pullo non habente sanguinem rubrum, nascebatur sanguis ruber intra quadraginta octo horas : in homine adulto sano ex chylo sic sanguis viginti quatuor horarum spatio, ut docuerunt *Loweri & Walai* Observata : & ad chyli transmuta-

(a) Vide de omnibus his tractatum de Ovo incubato.

tionem in sanguinem in adulto concurrunt calor corporis, actio vasorum & cordis, aeris vis in pulmone applicata transfluenti cum sanguine chylo. Quodd autem breviori temporis spatio fiat hoc in adulto homine, quam in nascente pullo, videtur deberi longè validiori actioni vasorum in liquida contenta, respirationi, copię sanguinis rubri præexistens.

Dum autem cause illę sanguinem producentes in adulto, vel deficiunt pro parte, vel segnius agunt, non nascitur sanguis ruber, sed degenerans liquor; patet hoc in pallido virginum morbo: tunc enim non fit sanguis ruber, sed talis color oritur subviridescens in toto corpore, qualis apparebat in vasis vitelli, antequam sanguis ruber fieret.

Hinc sanguis se non propagat vi seminali, ut voluerunt quidam, sed fit ex materia non sanguinea in corpore non habente adhuc sanguinem: & uti hoc fiebat in prima origine hominis, sic pergit ad finem vitę usque.

Dum in homine ex chylo sanguis nascitur, observantur varii & successivi mutationum gradus: chylus enim paulò post pastum deprehenditur sanguini affusus, nondum subactus; hinc, dum post largum pastum mittebatur sanguis, inveniebatur, præter serum & partem rubram, in sanguine fluctuans materies alba, dulcis, chylosa.

Post aliquot horas chylus cum sanguine circumactus per vasa, mammarum fabrica separatus à sanguine, exhibet lac, quod naturam & à sanguine & à chylo diversam habet: incipit enim in lacte jam nasci illud concrescens, quod in sero sanguinis adest; caseum enim dat, qui in chylo nunquam adest: hinc per Artem possumus chyli confectionem imitari in emulsis, lactis autem indolem nunquam.

Dum per duodecim horas ab omni cibo & potu abstulit sana mulier, incipit lac fieri salum & flavescens: si diutius adhuc expectatur, in sanguine nihil habetur, nisi quod ad ignem concrefcit instar albuminis ovi, quod in lacte & chylo nunquam fit.

Hinc licet concludere, quodd corpus sani hominis fit sapor sui sanguinis, perfectè uti quælibet planta ex succo fertilis terrę, & toto aere ambiente, suum sibi succum conficit peculiari suã creatã fabricã.

In corpore autem humano sanguinis confectio pendet inprimis à circulationis efficacia, per quam vasa agunt in contenta fluida. Hinc robustissimis hominibus sanguis ruberrimus, imò præ saturata rubedine ater ferè, illico concrefcens, dum quiescit; & in morbis acutis auctã circulatione omnia quàm maximè rubent, & ipsum serum sanguinis in scissilem massam abit. In debilibus autem, in quibus longè minor est circulationis efficacia, omnia languent, pallent, & sanguis tenuis vix concrefcens adest: dum verò in his per corporis exercitia, & apta remedia augetur circulationis impetus, redit rubor, & debita cohesio sanguini.

§. 98. **A**UCTUS sanguinis per vasa motus oritur corde sæpius, & fortius contracto.

Post intellectam sanguinis humani indolem debebat indagari causa, quę sanguinem moveret. Celebrerrimi in Arte Viri crediderunt illam in ipso sanguine hæere: viderant enim miscelã liquorum inter se posse excitari subito validissimos motus, & hinc crediderunt, in sanguine simile quidd obtinere. Sed dum in ardentissima febre,

ruptâ nâsi arteriolâ, summo cum impetu exilit sanguis, exceptus vase purissimo, calido licet, quiescit illico, & nullum signum intestini motûs exhibet: hinc in sanguine non hæret causa proprii motûs.

Sed cordis actio muscûlosa contentum sanguinem in cavis suis validissimâ vi expellit per arterias, quæ momento pôst, cessante cordis actione, suâ elasticitate & vi musculari sanguinem ulteriùs promovent: hæ sunt veræ & solæ causæ, quæ sanguinem movent. Sed in corde hujus motûs principium hæret, nam arteriæ, ubi pervenerunt ad minimam diametrum suâ contractione, quiescerent, nisi à sanguine corde expulso dilatarentur iterum: cordis ergo actio muscûlosa sanguini motum conciliat, quiescente corde, stagnant omnia.

Si ergo cordis actio, id est, ejus contractio (in diastole enim cor non agit, sed patitur) fiat frequentior & simul validior, causâ motûs sanguinis augebitur: non enim sufficit, ut cor frequentius se contrahat, (nam circa mortem tam numerosæ sunt cordis contractiones, ut nullo modo possint numerari, interim circulatorio deficere incipit, quia nihil expellitur serè ex corde) sed requiritur ut & simul se fortius contrahat, ut omne contentum in cavis expellatur: fortis enim contractio cordis est, quæ totum cor evacuat, debilissima contractio quæ nihil expellit: intermedii gradus sunt debiliores cordis contractiones.

§. 99. **C**OR sæpius & fortius contrahitur: 1. Cerebro & cerebello in nimiam expressionem liquidi nervosi agente, ut in affectibus animi, & dolore: 2. Irritato corde per accelerationem motûs sanguinis venosi; frictione, vel muscûlis agentibus, pulsî; aut per acre sanguini inhærens aromaticum, salinum, acidum, alcalinum, purulentum, ichorosum, putrefactum, & quandoque specie contagii, pestis, veneni, nondum definiendum mali genus.

In hac paragrapho considerantur illa, quæ docuit certa Observatio motum cordis excitare & augere posse.

1. Cor omnes dores veri muscûli habet; & instructum est illis partibus, quæ in aliis muscûlis motui absolvendo inserviunt. Destructo nervo ad muscûlum tendente, tollitur illius muscûli actio; compresso cerebro ab effuso humore quocumque omnium muscûlorum voluntariorum actio cessat; si à quacumque causa fiat celerior influxus spirituum per nervos in muscûlum, augetur ejus actio in summum spasmodum usque. Nervi autem magni & numerosissimi cordi tribuuntur, nec tamen per hos nervos acutus in corde exercetur sensus: reliqui corporis muscûli nimio motu fatigati dolent; cor in acutis febribus, per plurimos dies celerrimè motum, nullum dolorem sentit: hinc videntur illi nervi cordis motui inservire. Omnes jam causæ, quæ possunt efficere, ut fiat celerior motus spirituum per nervos cordis, augent cordis motum.

Animi autem affectus hoc faciunt potissimum. Rem certissimam esse agnoscunt omnes, quomodo fiat, explicuit nemo. Pacatissimo homini atrox dicitur contumelia: mutat tantum cogitatione. mutantur omnia: mox cor celerius & fortius contrahitur, pulsus sit magnus, vehemens; calor augetur, tumet facies, scintillant oculi, imò ardens febris excitatur aliquando, pergens ad mortem usque.

Q iij

Dolor autem totum encephalon sic mutare potest, ut fiat delirium, & non amplius sentiat dolor; vel & syncope perfecta: nec ultra possunt tormenta acerbissima procedere. Cum ergo dolor possit sic mutare sensorium commune, poterit & inde prodeuntes nervos afficere. Raro dolor diu cruciat, quin fiat febris (id est cordis contractio celerior) etiam in morbis à febre alienissimis; ut v. gr; in podagra. Hinc monuit Galenus (a): *Dolor dum parvus est, atque initio, pulsus edit majorem, vehementiorem, celeriore, crebriorem: auctus verò jam & admodum validus, ut etiam vitale robur offendant, minorem, languidiorem, celeriore, crebriorem.*

2. IRRITATO CORDE. Præter causas motus, quas cor cum aliis corporis musculis communes habet, adest in corde singularis proprietas, quam cordis irritabilitatem vocare possemus. Dum enim influxus spirituum per nervos in villos cordis, & arteriosi sanguinis motus per cordis substantiam cessat post mortem, potest statu per venas adacto, vel & aquâ tepidâ cordis motus resuscitari; imò cor rescissum ab omnibus vasis, quibus coheret, motum suum per aliquod tempus conservat; & post multas horas quiescens jam, dum pungitur aciculâ & fovetur calore, incipit iterum moveri. Physiologi subtiliter explicuerunt, quare alternis vicibus cor paralyticum fiat, & fulmineo quasi spasmo iterum convellatur: quomodo causa faciens systolen cordis omni momento pereat, mox iterum renata; illudque ex fabrica & situ partium deduxerunt: cor tamen de corpore exemptum, nullis amplius partibus coherens, eundem motum continuat; & sæpe satis diu. Videatur de his §. 1.

SANGUINIS VENOSI. Dum ab animi affectu, vel à re horrida visa, in syncopen labitur tenera puella, cordis fit absoluta quies: aspergitur aqua frigida corpori nudato, contractæ frigore partes sanguinem venosum versùs cor derivant, & resuscitatur cordis motus. Dum *Sarpedonem* vulneratum anima reliquit, aspirans aura Boreæ reviviscere fecit (b), contractis frigore venis: hinc omnia illa, quæ accelerant motum venosi sanguinis versùs cor, motum cordis augent; imò sic ardentissima febris excitari potest motu musculari nimio, & frictionibus validissimis. Vide de his §. 28. n°. 2.

AUT PER ACRE SANGUINI INHÆRENS, &c. Omnes nostri humores, sani si fuerint, blandi sunt; (sanguis enim sani hominis, oculo insillatus, nullum dolorem facit) tuncque fit æquabilissima circulatio: simulac verò acriora sanguini permiscerentur, augetur irritato corde sanguinis per vasa motus, & nascitur febris; quæ vel expellit de corpore hæc acria, vel sic subigit, ut non amplius nocere possint. Nec refert serè, qualis hæc acrimonia fuerit; omnium serè similis effectus est: differunt tantùm majori vel minori gradu, & magis vel minus durabili actione. In aromatibus tenaci oleo inclusum hærens acre non tam facillè excutitur potest. Sic dum piperis triti magna copia imprudenti consilio sumitur, ad curandam febrem intermittentem, sæpe mitis tertiana in ardentem febrem mutatur. Qui nimiam copiam salis marini in prandio sumpsit, pomeridiano tempore febricitabit, sitiet, donec copioso potu ingesto prædominans illud salsum ablatur. Ipsum acetum, in putridis febribus tanti usûs, majori copiâ sumptum, febrem excitat. Dum vomica in tenerioribus corporis latens pus colligit, illud resorptum, & sanguini mistum, quotidie febrem incendit, quæ sensim corpus depascens hæctica di-

(a) De pulsibus ad Tyronez, Cap. XII. Charter. Tom. VIII. pag. 8.

(b) Homer. Iliad. Lib. V. Vers. 696.

citur; dum pus retentum diu in tenuem ichorem mutatur, acrius fit, & resorptum majora mala facit.

Corrupta bilis circa præcordia hærens, vel consumpti hepatis putridus tabus enormes febres accendit, nunquam curabiles, nisi putridus ille fomes tolli possit.

Sed in omnibus his acrimonia sensibus detegi potest; sed alii sunt stimuli maximè mirabiles, qui ad nullam cognitam acrimoniæ speciem reduci possunt, totum tamen corpus in omnibus suis functionibus turbant.

Contagium variolarum subtilissimo miasmate, omnes sensus fugiente, afflat vel finissimum hominem: oritur validissima febris, quæ intra paucos dies totum corpus externum & internum pure varioloso replet: & in hoc pure, ex sanissimis humoribus per morbum nato, hæret eadem vis contagium variolosum propagandi in infinitum; uti docet methodus variolas propagandi per insitionem, dum crudo & recenti vulnusclo puris variolosi guttulam instillant. Quis jam explicabit naturam hujus stimuli? Quis demonstrabit methodum, quâ sani humores, contagio varioloso mutati, venenatam naturam induunt, & infinitam serè vim multiplicandi contagium acquirunt?

Pestis, singulis animalium speciebus propria & peculiaris, rarè pluribus animalium speciebus simul accidit. Dum bovina pestis per Europam grassabatur, homines immunes erant ab omni labe, etiam illi, qui insectorum animalium carnibus usi fuerant. Peritissimi Medici sedulâ Observatione dum indagabant naturam atrocis mali, ingenue fassi sunt, se nihil hîc intelligere quoad cognitionem causæ, tantum patere mali effectus. Vestibus laneis, pelliceis, lineis, lignis rarioribus & porosis adhærens pestilentialis virus iners ibi hærebat; donec corpôri humano applicatum fieret actuosum, & quaquaversum se dispergeret multiplicato contagio. Quam miris modis tum omnia turbentur in corpore, quàm validæ accendantur febres, &c, apud *Diermerbroekium* & alios, qui de peste scripserunt, Auctores videre licet.

Venenorum mirabilis Historia confirmat dari tales stimulos in liquoribus quibusdam venenatorum animalium, qui nullam acrimoniæ sensibus ullo modo Observabilem habent, interim tamen celerrimâ actione omnes functiones serè lædunt, validissimæque febres incendunt. Viperæ venenum pro exemplo sufficiet. Nobilissimi *Redi* Observatis & candore fretus *Charas* gustavit succum flavum gingivis viperæ adjacentem; invenit saporem similem oleo amygdalarum dulcium (a). Dum morsu inflicto vulnusclo pauculum quid ejusdem succi adhæserat, in nobili Viro imprudenter viperam tractante sævissima symptomata post pauca minuta oborta sunt (b), vique ille post multa Artis molimina evasit.

§. 100. **AUCTUS** motus sanguinis per vasa efficit majorem vim pulsi sanguinis in vasa excipientia; majorem renixum vasorum in sanguinem; sanguinis sortem compressionem; vasorum sanguinisque attritum validum ad se mutuo; partium sanguinis attritum validum inter se; calorem majorem totius; sanguinis exsiccationem diffuso aquoso; ejusdem viscositatem inflammatoriam faciliè concrefcentem; sanguinis resolutionem in sales, oleâque vola-

(a) *Mosis Charas, Oper. Tom. III. pag. 138.*

(b) *Ibid. pag. 156.*

tilliora & acria : vaforum auctam ad initia amplitudinem ; liquidorum crassiorum in tenuiora vasa impulsum , horum obstructions , destructionesque , inflammationes , suppurationes , gangrænas , sphacelos , scirrhus ; & quæ ex his infinita sequi possunt.

Recensentur jam effectus in solidis & fluidis partibus corporis humani observati , qui pendunt à sanguinis motu aucto.

**MAJOREM VIM PULSI SANGUINIS IN VASA RECIPIENTIA.** Arteriæ semper plenæ sunt : dum ergo cor contractum expellit contentum in suis cavis sanguinem in arterias , debent arteriæ dilatari ; vel debet tanta copia sanguinis expelli per arteriarum fines , quanta ex corde in arterias pellitur . Sed arteriæ omnes corporis (exceptis arteriis coronariis) dilatantur illo momento , quo cor contrahitur : hinc cordis tota ferè actio dilatandis arteriis impenditur , & hac vi urgentur arteriarum latera , ut recedant ab axi , & distrahuntur omnes fibræ arteriarum latera constituentes . Cum verò in §. 98, demonstratum sit, auctum sanguinis motum fieri à frequentiori & validiori simul cordis contractione , patet vim illam , quâ latera arteriarum coguntur recedere ab axi , tunc augeri in ratione composita ex auctis robore & frequentia contractionum cordis.

**MAJOREM RENIXUM VASORUM IN SANGUINEM.** Arteriæ dissentæ sunt in statu violento ; hinc elasticitate & vi musculari suarum fibrarum nituntur latera propius accedere ad axim ; sicque reprimunt sanguinem distendentem : nisi enim arteriæ suâ vi arctatæ expellerent distendentem sanguinem , non posset cor frequentii systole contentum omnem in suis cavis sanguinem expellere in arterias adhuc dissentas , accumularetur sensim in cavis cordis sanguis , & suffocaretur circulatio . Quò validior ergo fuerit cordis actio distendens arterias , eò fortius ager visilla , quâ arteriæ nituntur arctare proprium cavum ; quò sæpius eodem temporis spatio cor contrahitur , eò frequentius arteriæ contractæ reagent in sanguinem distendentem.

**SANGUINIS FORTEM COMPRESSIONEM.** Sanguis in arteriis contentus semper quasi inter duo præla hæret : dum arteriæ dilatantur , urget cordis embolus sanguinem à basi arteriæ versùs apicem : summam interim resistentiam faciunt arteriarum extremi fines adeo angustii : dum arteriæ contrahuntur , valvulæ resiliunt circa basim arteriarum in corde , eadem resistentia manet circa arteriarum fines , hinc utroque in casu sanguis arteriis contentus comprimitur . Cum autem sanguinis partes constituentes flexiles & compressibiles sint , ut dictum in §. 93 , & causæ comprimentes , nempe cordis & arteriarum actio , augeantur ; necessariò sequitur , debere fieri validiorem sanguinis compressionem ,

**VASORUM SANGUINISQUE ATTRITUM VALIDUM AD SE MUTUO ; PARTIUM SANGUINIS VALIDUM ATTRITUM INTER SE.** Dum sanguis ex corde pellitur , impingit in latera aortæ incurvatæ , resiliunt huic sanguinis directioni aortæ laterum firmum robur , sanguisque in aortæ cavo contentus ; hinc nulla particula sanguinis , ex corde in aortam expulsi , per bina momenta servat illam directionem motûs , quam habebat , dum corde expellebatur ; accedit quoddam aorta , conica cùm sit , latissima circa basim in decursu angustetur : cum auctam directio sanguinis , corde expulsi in aortam , sit secundum perpendicularares li-

nea



neas ad aortæ basim, necessariò brevi pòst sanguinis particulæ in latera incurrent conici hujus canalis, inde resiliētes occurrēt aliis partibus diversâ directione motis: hinc perpetuus attritus partium sanguinis inter se, & ad latera vasorum: hinc flexiles sanguinis partes cū sint, decussis eminentibus angulis perpetuo hoc attritu, acquirēt sphericam figuram: aucto verò sanguinis per vasa motu, ille attritus augebitur pari proportione.

**CALOREM MAJOREM TOTIUS.** Ab hoc attritu partium inter se, & ad latera vasorum, calor oritur. Demonstratur evidenter, quia simulac sanguis quiescit, perit omnis calor, & redit sensim corpus ad frigus communis atmosphæræ. Dum augeatur sanguinis motus per valida exercitia, vel febrem, calor augeatur: in debilibus, ubi sanguinis circulatio languet, frigus semper adest.

Verissimum hinc Hippocratis effatum: *Sanguis non est naturâ calidus, sed calefit (a).*

**SANGUINIS EXSICCATIONEM DIFFLATO AQUOSO.** Calor auctus semper mobilissima dissipat: sed, ut antè demonstratum est, calor major nascitur, aucto sanguinis per vasa motu. Totum corpus in omni sua superficie interna & externa habet vasa exhalantia, quæ ex sanguine secernunt & diffant tenuissimum liquidum: auctâ ergo sanguinis applicatione ad hæc organa, orietur major secretio. Hinc in omnibus morbis, in quibus calor auctus est, corpus exsiccatur. Dixit ideo Hippocrates (b): *Quicumque verò ex febre ardente moriuntur, omnes ex siccitate pereunt.*

**EJUSDEM VISCOSITATEM INFLAMMATORIAM, &c.** In sanguine hominis, etiam sanissimi, est naturalis proclivitas in cohesione, per quam concrevit sponte, dum vasis effusus quiescit. Hæc cohesio augeatur majori calore, ablata aquosâ parte diluente, & auctis viribus comprimentibus sanguinem. Statim demonstratum est, aquosam partem diffilari aucto motu, pariterque augeri calorem. Sed actio vasorum in sanguinem est vera compressio sanguinis contenti, hinc cū celeriori motu sanguinis augeatur & vasorum actio in sanguinem, patet omnes illas causas concurrere, quæ sanguinis concretionem faciunt. Tunc nascitur illud phlegma phlegmonodes Veterum, distinctissimum ab inerti frigida mucosa concretionē: vocatur tunc inflammatoria spissitudo, ex validiori compressione elementorum sanguinis ad se invicem nata. Elementa sanguinis spherica esse observantur, vel saltem sphericis proxima; hinc in paucis punctis se invicem tangunt: nimis validâ pressione mutatâ figurâ, expresso tenuissimo aquoso interposito, pluribus in punctis contigua sunt, & concrevunt: inde coriaceus ille lentor in sanguine pleuriticorum nascitur.

**SANGUINIS RESOLUTIONEM IN SALES ET OLEA VOLATILIORA ET ACRIA.** Quomodo sales & olea sanguinis se habeant, omnium optime docet urina, quæ verum sanguinis lixivium cū sit, eluit sales & olea nimis acria jam facta, hincque nocitura. Apparet evidentissimè, urinam eò acriorem esse, eò magis fetidam quò validior est circulatio: in debilibus hominibus urina pallida, vix olens, non adeo falsa; in robustis & validè exercitatis hominibus urina rubicundior, fetidior, falsa admodum. Motus ergo sanguinis per vasa auctus sales sanguinis reddet acriores magisque volatiles; olea magis attenuata, sed simul

(a) In fine Libelli de Corde. Charner. Tem. IV. pag. 271.

Tomus I.

(b) In fine Libri primi de Morbis Charner, Tom. VII. pag. 549.

minùs blanda: hinc novi iterum nascuntur stimuli augentes circulationem, ex cujus augmento facti erant; sicque morbi effectus morbum auget.

**VASORUM AUCTAM AD INITIA AMPLITUDINEM.** Cordis vis expellens sanguinem in arterias plenas est causa sola, quæ dilatat has arterias: cum ergo cordis hæc actio increfcit, pari modo augebitur arteriarum dilatatio. Sed hæc dilatatio eo major erit, quò arteria cordi magis vicina est: ergo arteriarum omnium initia magis ampliabuntur, dum ad ultimos fines arteriarum vis hæc dilatans tanto cum effectu pervenire non possit.

**LIQUIDORUM CRASSIORUM IN TENUIORA VASA IMPULSUM.** Crassissima sanguinis pars observatur globus ruber, qui naturaliter in maximis vasis tantum hæreere potest: proximè sequens magnitudine sanguinis pars poterit ingredi minus vas, quod suâ parvitate globum rubrum excludit, & admittit omnia tenuiora. Idem in reliquis decrefcientium vasorum seriebus obtinet: & videtur sanitas in eo præcipuè consistere, quòd in singulis vasis maneant liquida proportionalia. Dum ergo aucto sanguinis per vasa motu distenduntur plùs initia arteriarum proximæ seriei, ingredi poterunt partes crassiores, quæ naturaliter in illis vasis non debebant contineri. V. gr; dum augetur sic initium arteriæ serosæ, ex arteria rubrum sanguinem vehente oriæ, ingreditur hanc serosam arteriam sanguis ruber. Quòd autem revera hoc sic obtineat, docent certissima Observata. Homo sanissimus valido cursu corpus moveat, incipiet tota facies tendi, rubere quàm maximè in illis locis, ubi naturaliter rubedo non aderat; adnata tunica oculorum tota incipiet in suis vasis rubro sanguine repleri, cum hæc vasa naturaliter nunquam sanguinem rubrum habeant. Post validos motus, aut vèctiones in curru rudiores per strata viarum, per dilatatas fistulas renales sanguis transiit; & fit mixtus cruenus, solâ quiete faciliè curabilis.

**HORUM OBSTRUCTIONES ET DESTRUCTIONES.** Arteria, in suo decursu sensim arctior facta, tandem adeo angustatur, ut unam tantum ferè sanguinis moleculam transmittat. Dum microscopiis sanguinis circuitus in pellucidis animalium vivorum partibus examinatur, hoc evidenter apparet; pulcherrimè inprimis, dum vivæ lacertæ pulmo per vulnus factum erumpens microscopio lustratur: tunc enim evidenter apparet, circa ultimas arteriarum angustias singulas moleculas liquidi transfluentis in oblongam cylindricam figuram mutari, & sic transprimi. Dum ergo v. gr; arteria serosa dilatata in suo initio acceperit sanguinem rubrum, ille non poterit transire per ultimas illas arteriæ serosæ angustias: hinc fiet obstructio hujus canalis, & cum liquidum vitali motu pulsus urgeat locum obstructum, tenerimum tale vas destruetur faciliè.

**INFLAMMATIONES, &c.** Dum enim sanguis ruber in minimis canalibus flagrans comprimitur, & atteritur impetu sanguinis à tergo prementis, & per febrem, plerumque comitem, fortius moti, dicitur inflammatio: quæ ergo à liquidis crassioribus, in minora vasa dilatata pulsus, frequentissimè oritur. Sed natâ inflammatione sequuntur omnes inflammationis effectus: dum enim vascula infarcta, unâ cum impacto & immeabili humore, vi vitæ atteruntur; & soluta abeunt in pinguem album æquabilem humorem, pus dictum, suppuratio fit. Si subito ruptis vasis destruaturs omnis circuitus humorum vitalium per partem affectam, fit gangræna, sive mors partis: quod malum, si ad ossa usque omnia corrumperit, sphacelus vocatur. Si circa loca glandulosa inflammatio fiat, sæpe tumor

durus, indolens, difficillimè postea resolvendus oritur, qui scirrhus vocatur.

Quandojam omnia in hac paragrapho dicta considerantur, apparet evidentissimè; motum sanguinis circulatorium auctum infinita numero posse producere mala: omnes humores corporis per auctum motum; & calorem majorem inde natum, possunt mutari penitus in morbosam indolem, validiori pressione, distillatione aquosi, coagulo per majorem calorem inducto, acrimoniâ majori natâ: solidæ partes plûs atteruntur, imò rumpuntur sæpe: dilatata vasa ingrediuntur crassiores humores, qui per ultimas vasorum angustias penetrare nequeunt. Dum jam simul consideratur, omnia hæc mala obtinere posse in omnibus & singulis corporis partibus, patet, in numeros morbos nasci posse ex simplici hac causâ.

§. 101. **COGNOSCITUR** ergo aucta circulatio notis ejus causis (99), & effectis (100); sed inprimis pulsu celeri, duroque; respiratione veloce & laboriosâ, calore ingenti.

Summæ utilitatis est in Medicina cognoscere, an in morbo peccet nimia circulationis velocitas, vel non. Causæ circulationis auctæ si adfuerint, si videantur effectus nimii mortis, nullum manet dubium: interim quædam habentur signa nunquam fallacia, quæ demonstrant excessum motûs circulatorii.

**PULSU CELERI ET DURO.** Pulsûs celeritas designat, cor intra idem temporis spatium sæpius contrahi; durities autem pulsûs arteriarum plenitudinem, & sanguinem validè compactum & densum significat, & inflammatoriâ viscositate per ultimas vasorum angustias difficiliùs permeabilem. Sola celeritas sine duritie pulsûs cor sæpius contractum sed non fortiùs, denotat: circa mortem enim pulsûs celerissimus sed parvus simul. Sola durities pulsûs sine celeritate potius denotat suffocationem motûs circulatorii, ut in summè plethoricis fit.

**RESPIRATIONE VELOCE ET LABORIOSA.** Omnis sanguis corde dextro expulsus debet transire per pulmonem, antequam redeat in cor sinistrum: sed cor dextrum suâ vi musculosâ solâ non valeret propellere sanguinem per arteriæ pulmonalis angustias, requiritur etiam pulmonis per inspirationem dilatatio, ut expeditum fiat iter sanguini ex corde dextro expulso: quò ergo sæpius & fortiùs se contrahit intra idem temporis spatium cor dextrum, eò frequentior & validior requiritur respiratio. Hinc simulac cursu vel alio quocumque exercitio sanguinis per vasa motus augeatur, incrementum respiratio proportionaliter, & fit majori cum molimine. Augetur sic respiratio ob solam velocitatem auctam sanguinis per pulmonem transeuntis: sed dum per majorem motum incipit nasci inflammatoria illa spissitudo, longè magis laboriosa erit & velox simul respiratio; primum enim vitium incipientis imbecillitatis se manifestat in pulmone; unde in morbis acutis inflammatoriis velox illa & laboriosa simul respiratio tum mali est ominis.

**CALORE INGENTI.** Quamdiu enim liber adhuc transitus est per omnia vasa, auctâ celeritate motûs, augeatur calor, ut demonstratum est in paragrapho præcedenti: ubi verò imbecillitas sanguinis redditus ad extremas corporis partes usque non valet pertingere, fit frigus extremorum; sed circa vitalia viscera calor urens adest tunc, ut in pessimis febribus ardentibus contingit; tuncque ferè inter lethalia signa numeratur ab Hippocrate in Prognosticis & aliibi.

§. 102. **REMEDIA** ergo nimio motui compescendo valida sunt, quæ frequentiam, & vim contractionis cordis imminuunt.

In abstracto simplices hi morbi debent priùs considerari: hinc supponitur hic; nihil mutatum esse in corpore, & motum solum circulatorium auctum esse. Remedium ergo erit omne illud, quod causam proximam motûs aucti tollere poterit. Causa autem proxima motûs circulatorii aucti erat nimis celer & fortis simul cordis contractio; remedium erit ergo omne illud, quod facere potest, ut cor tardius & debilius moveatur. Tale autem remedium vel agat in spiritus motores cordis, vel in sanguinem venosum & arteriosum delatum in cordis fabricam, vel denique in stimulos illos, qui suâ irritatione faciunt, ut cor celerius & fortius contrahatur.

§. 103. **QUORUM** illa mentem, hæc corpus, spectant.

In §. 99, dictum fuit, quòd sola cogitationis mutatio, in sanissimo etiam corpore, possit sic augere cordis motum, ut fiat violentissima febris: nisi tunc possit Medicus illud mutatum in cogitatione tollere, reliqua auxilia vigili agent. Omne autem, quod hoc efficit, non mutato corpore, in mentem agit. Dum iratissimo homini maximus incurritur metus, compescitur ira, non mutato corpore; sed mutata mente in cogitatione sua. Reliqua auxilia, tollentia causas corporeas aucti motûs, in solum corpus agunt.

§. 104. **PRIORA** sunt, quæ magnos affectus, ratiocinio, excitemento contrarii affectûs, vel diverrendo, sopiunt.

**QUÆ MAGNOS AFFECTUS RATIOCINIO.** In nobis deprehendimus quòd cogitemus, & quòd cogitemus res à cogitatione diversas, quæ, si tantum intelliguntur illâ mentis nostræ perspicaciâ, tunc nos parum afficiunt, sed in simplici contemplatione nos retinent: docent hoc summi Mathematici, qui sæpe vitam sic cogitando consumunt, nec multum afficiuntur ab aliis rebus: sed & contingit nobis perceptio quædam, quam non possumus ira alteri communicare, tamen à nobis evidentius & fortius percipitur, quam ipsum verum: sic dum gustamus suavissimum vinum, oritur in nobis idea, quam non possumus explicare, nisi dicendo, quòd placeat: sed illud placere tam evidens est, tam validè afficit, ut nulla veritas validius afficere possit: sic si ovum putridum quis guslet, adeo abhorret, ut quævis pateretur potius, quam illud iterum assumeret: sic nati motus animi simul cum perceptione sua, ferè inevitabili necessitate rapiunt totam mentem, ut illud placens faciat perennare, ut illud displicens removeat vel destruat.

Illud autem gratum vel ingratum, quod comitatur ideam cogitatam, differt ab idea cogitata, differt à principio cogitante, turbat tamen omnes ideas, turbat ipsam voluntatem, & libertatem quasi tollit, cogens ad volendum vel nolendum; quia nunc hoc ad hoc singulare est, vocaverunt animi affectus, animi pathemata,

& meritò, quia non sumus illorum magistri, sed obsequiosi servi, dum sapissime meliora videmus & probamus, deteriora tamen vel inviti sequimur.

Dum gratum hoc & ingratum, quod ideas perceptas comitatur, delere conabatur superbi Philosophi, quantopere erraverunt! Totum, quod patitur humana conditio, est ut animi affectus regamus ratione: sed hæc sæpe tam debilis est, ut hæc tenacia vincula rumpere nequeat, hinc insistentium diu, ut consuetudine obluendâ firmior facta ratio triumphet. Certè summâ & rationis & religionis lucâ vix validis finis animi affectibus resistunt sapientissimi.

**EXCITAMENTO CONTRARIJ AFFECTUS.** Sapientissimi Legislatore probè gnari, humanam societatem solâ ratione regi non posse, proposuerunt præmia & pœnas. Supplicij metus furentem irâ hominem compescere poterit, ubi pulcherrima Ethices præcepta frustra adhibebuntur. Summæ ergo utilitatis est cognoscere oppositos animi affectus. Irâ suppressit summus metus: metulossissimus homo irâ audax fit. Si observentur illa, quæ apparent mutata in corpore in duobus his contrariis animi affectibus, patebit esse penitus opposita.

In irato homine statim nascitur validior & celerior cordis contractio, pulsus fit plenior, fortior, celerior tument omnia & expanduntur etiam in macilentissimis: calor major nascitur toto corpore, omnes ferè tenduntur musculi, truces prominent oculi, scintillantes, sanguine suffusi, validissimæ fiunt exhalationes minarum, iurgiorum, &c. Apud *Homerum*, qui tam pulchre naturam ubique expressit, irati *Agamemnonis*, oculi igni lucenti similes erant (a); irato *Achilli* ob vi abductam puellam terribiles visi sunt (b): *Ajaci* suadenti, ut arma caperet, respondet *Achilles*, sed mihi tumet cor irâ, &c. (c); à *Theide* allata arma *Achilles*, ut vidit, statim ipsam magis subiit irâ; intus autem illi oculi terribiliter sub palpebris, tanquam flamma micuerunt (d).

Subito terrore percussus homo pallet, friget, contrahitur toto corpore, pulsus celer sed parvus & inæqualis, cor palpitat, summa oppressio circa pulmonem & suspiria adiunt, omne robur membrorum solvitur, tremor fit totius corporis, vel & aliquando attoniti obrigescunt statuz instar, & vox faucibus hæret. Hinc frigidum timorem, dixit *Homerus* (e), & alibi (f) pallidum timorem vocavit; dum irruentem *Menelaum* fugit *Alexander*, tremor occupavit membra, & retro secessit, & pallor occupavit genas (g); similia & pluribus aliis locis habet.

Hinc apparet, oppositos effectus in corpore facere animi affectus contrarios; hincque unum animi affectum alterius posse esse medelam. Idem, percurrendo alios oppositos sibi mutuo animi affectus, demonstrari posset, hoc pro exemplo sufficiat.

**VEL DIVERTENDO.** Mirabilis hæc obtinet in mente nostra proprietas, quod possimus ideas cogitatas alligare quibusdam signis merè arbitrariis, inter quæ signa & ideas cogitatas nulla occurrit omnino similitudo, tamen postea visis his signis præfens redditur eadem idea menti. Paucis literis variè adunatis excitantur in mente idæ, quas ante annos habuimus, quarum idearum omnis periisset memoria, nisi hæc signa arbitraria conservassent: idem in animi affectibus verum est. Dum

(a) *Iliad. Lib. I. Vers. 104.*

(b) *Iliad. Lib. I. Vers. 100.*

(c) *Iliad. Lib. IX. Vers. 642.*

(d) *Iliad. Lib. XIX. Vers. 15. & sequ.*

(e) *Iliad. Lib. IX. Vers. 2.*

(f) *Iliad. Lib. XIV. Vers. 4.*

(g) *Iliad. Lib. III. Vers. 31. & sequ.*

--- furii accensus, & ira  
 Terribilis: Tunc hinc spoliis indute meorum  
 Eripere mihi! Pallas te hoc vulnere, Pallas  
 Immolat, & pœnam scelerao ex sanguine sumit, &c (a).

Dum ergo ideas, per hæc signa renovatas, comitatur illud grarum vel ingratarum; animi affectus renascuntur acriores, sicque tandem possunt reddi perpetui: tunc illud infinitè extensum in cogitatione, quod habebat mens humana, perit & relabitur in hunc unicum affectum, voluntas antea infinita non vult nisi hoc unicum, tunc vocatur *delirium*; si summa addit violentia, dicitur *furor*; si febres adsint & agitati humores, *phrenitis*; si hæc ab sint, *mania*; si simul adsit negligentia omnium rerum, *stultitia*.

Hinc prudentes Medici omnes illas notas corporeas, quæ renovant has ideas; sive per sensus, sive per memoriam, tollunt inscio ægro; quæcumque alia ipsi offerunt, ut nascantur aliz ideæ, quæ sensim minuant vel & deleant nimis validam illam impressionem, hoc vocatur *divertere*. Sufficit ad hanc rem, ut quocumque modo mutetur cogitatio, ne eadem idea; diutissimè hærens, tandem totam mentem occupet indelebilis postea.

Ubi verò validi animi affectus omnia turbant in corpore, & totum systema nervosum irriant, ut in hysteriis tam sæpe fit, tunc confugimus ad illa, quæ spiritus sopiunt, & omnem cerebri actionem pro tempore silere faciunt. Tale imprimis auxilium dat papaveris succus, qui parci copiam sumptus, lætissimum facit, qui cogitari potest, sensum, & inslar *Nepenthes Helenæ* omnium malorum oblivionem; aucta dosi somnum inducit, nimiam copiam tandem apoplexiam. Vini usus in homine non admodum assueto similia facit, magnam nempe hilaritatem, validos animi affectus lenit, tandem, operatam omnium malorum requiem, somnum inducit.

§. 105. **P**OSTERIORA agunt quiete musculorum, laxatione venarum (54), mitificatione acris cujuscumque, diluendo, vel obtundendo (66. 67. 88), doloris causas tollendo.

Quæ paragrapho præcedenti dicta sunt, impetuosissimos illos motus, mutaræ cogitationis effectus, compescabant, agendo in mentem ipsam potius, quam in corpus: quæ nunc dicentur, corporeas causas aucti motus tollunt.

**QUIETE MUSCULORUM.** Inter causas quibus cordis motus efficitur, numeratur sanguinis venosi influxus in cordis cava, uti antea dictum fuit in §. 25. n°. 2, & §. 28. n°. 2. Sed sanguinis venosi motus versùs cor acceleratur musculis moris: pleræque enim venæ, in superficie corporis positæ, musculis accumbunt: hinc à musculis urgentibus, dum agunt, comprimuntur, sicque sanguis venis contentus cor versùs ducitur, quia directio motus sanguinis per venas est ab apice versùs basim. Præterea muscoli, dum agunt, pallent, expresso omni sanguine, qui tunc per venas citius redit ad cor; hinc adeo augetur motus sanguinis per

(a) Virgil. *Aeneid.* Lib. XII, in fine,

motum muscularem. Hoc probè nōrunt Chirurgi, qui, dum apertā brachii venā tardiùs fluit sanguis, jubent moveri digitos, & statim celerius effluit sanguis. Hinc veteres Medici, licet circulationis ignari, in omni morbo, in quo erat nimius motus, imperabant summam quietem, removebant omnia, quæ sensus validè afficere poterant, & in tenebris hinc jubebant ut decumbent ægri, ab omni strepitu remoti, in quiete summa.

**LAXATIONE VENARUM.** In morbis acutissimis, in quibus maxima circulatio-  
nis velocitas, observatur semper, maximam copiam sanguinis hæere in vasis arte-  
riosis, venas verbò depleri: contrà in morbis languidis, in quibus circulatio deficit;  
venæ & omnia corporis cava implentur, arteriæ verbò deplentur: venarum ergo  
laxitas & impletio minutam circulationem comitantur. Sed præterea laxatæ venæ;  
faciliùs hinc dissendendæ ab impulso ex arteriis sanguine, plùs sanguinis continent;  
minor ergo redit copia sanguinis ad cor, & minuitur ergo una ex causis præcipuis  
motûs cordis: sed & impetus sanguinis ex arteriis in venas pulsus magis retardatur,  
quia majori copię movendorum in venis occurrit: utramque ob causam minuitur  
circulationis velocitas.

Quomodo autem laxari possint quæcumque corporis partes, dictum fuit §. 54:  
Omnium optimum est balneum vaporis externæ corporis superficiæ applicatum:  
dum simul in interioribus per clysmata, emollientissima decocta epota, & victum  
similem idem fit. Hanc methodum *Hippocrates* in morbis acutis ubique adhibuit.

**MIIIFICATIONE ACIIS, &c.** Acris illa cognita, & ad suas classes re-  
ducta, Ars valet tollere, modò viscera adhuc sint integra, Acrimoniam alcali-  
nam, acidam, aromaticam, &c, curare non adeo difficile est: sed ubi mirabiles illi  
stimuli venenati, miasmata illa contagiosa, nullis sensibus detegenda, sed solis ef-  
fectibus cognita, sunt causæ velocioris motûs, tunc Ars deficit. Dum sanissimam  
puellam mordet venenatissimus serpens, à crepitaculo, quod in apice caudæ ge-  
rit, nomen habens (*serpent à sonnettes*) paulò pòst mors sequitur, Medico præ-  
sente quidem, sed nullam opem ferente. Dum volunt cadaver auferre, tabe factæ  
secedebant carnes (a), paucis tantùm post mortem horis. Dum homo sanissimus  
variolofo contagio afflatur, quod suâ subtilitate omnem sensum aciem eludit, tur-  
bantur omnia, validissima febris incenditur, quæ tam miro modo omnes totius cor-  
poris humores mutat, ut intra quatuordecim dies gangranoso raho omnia externa  
& interna corporis diffuant. Si ingruente morbo posset ille stimulus oppositâ antidoto  
iners reddi, nil sequeretur mali. Hoc est illud divinum (τὸ θείον) in morbis, quod  
toties omnia a Artis molimina eludit; hoc facit, quòd toties nimium motum in mor-  
bis non possint compescere Medici. Totum quod habet Ars, est ut vitam debilite-  
t ipsam: per vitam enim actiosa sunt venena, in cadaver nihil agunt; deinde ut  
diutius, ingenti copiâ potatis, abluat; & emollientissimis simul exhibitis ob-  
tundat.

**DOLORIS CAUSAS TOLLENDO.** Luxato articulo, summus fit dolor; à dolore  
febris, non curanda, nisi restituito ossè luxato, & sic sublato dolore. De cura doloris  
postea peculiari capitulo agetur.

(a) Journal des Observ. Physiques, Mathemat. & Botaniques par le R. P. Louis Feuillée, Tom.  
I. pag. 417.

## DE MORBIS, EX DEFECTU CIRCULATIONIS, ET PLETHORA.

§. 106. **D**EFECTU motûs circulatorii morbi fiunt in humoribus illis, qui proximè accedunt ad hos, qui quiescentibus spontanei nascuntur. Modò bene consideretur aer, qui admissus corruptiones spontaneas accelerat, quæ aliter, eo secluso, lentiores (§8. ad 80.) adeoque intellectus, & curatio horum inde peti debet. Atque ex his omnibus plethoræ indoles, causa, effectus, signa, remedia intelliguntur; si ad sequentia animus advertitur,

Liquida in nobis vel sunt adhuc cruda, & Ingestorum naturam pro parte saltem retinent; vel jam acquisiverunt per vim corporis illas dotes, quæ liquidis humanis propriæ sunt. Si consideremus, quid crudis vel assimilatis liquidis accidat, dum minuitur circulatio, apparebit evidenter, tales quàm proximè fieri mutationes, quæ quiescentibus, & sibi relictis, acciderent. Sanguis noster, per pauca momenta quiescens, separatur in serum & rubram partem conrescentem: dum multum minuitur circulatio, incipit simile malum nasci, unde toties polyposæ concreciones post lentos morbos observantur. Cruda verò omnia ingesta mutantur in nostram naturam circulationis efficaciam: hæc ergo si minuitur, Ingesta suam naturam diutius retinent, & spontaneâ mutatione corrumpuntur. Sed de his actum fuit in præcedentibus capitulis, hinc jam non repetendis.

Unicum tantum monendum videbatur, quòd nempe aeris liber accessus omnes humorum spontaneas degeneraciones acceleret. Nulla enim fermentatio fit, nisi aer accedat; & putrefactio longè tardius oritur, dum aer excluditur: stagnans in tumido abdomine aqua per multos menses hæret, vix corrupta; simulac aer accesserit, putrescit citissimè.

Dum ultimo graviditatis tempore, in distentissimis uteri vasibus, sanguis ferè stagnat, nulla fit corruptio: excusso foetu, aere libere accedente, lochiorum pessimus fetor. Post validas contusiones, dum sub cute integra hæret effusus sanguis, vix putrescit; sed sensim attenuatus & resorptus evanescit quasi: si effusus sanguis aeri libero exponatur, putrescit citissimè. Hinc in interioribus corporis dum stagnant, vel tardiùs moventur humores, cum non detur liber aeri accessus, non tam subita fit degeneratio in putredinem.

Quia verò aucta liquidi movendi moles circulationis velocitatem retardat, hinc huic capitulo subnectitur plethoræ consideratio, in suis causis, indole, signis, & remediis; quæ omnia sex sequentijs numeris explicantur.

æ. Plethoræ est copia boni sanguinis major, quàm quæ ferre possit



cas mutationes, quæ vitæ inevitabiles accidunt, nisi inducantur morbi.

Sanguinis boni abundantia nimia, vocatur plethora; hinc ex se nunquam est morbus: supponit enim boni humoris auctam copiam; omnia autem reliqua se bene habere. Ideo *Helmontius* credidit, plethoram malè inter morbos recenseri, volens illud, quod bonum est, copiâ peccare non posse. Sed plethoricus homo dicitur, non qui jam ægrotat, sed qui in tali statu plenitudinis est, ut si ulterius augeatur copia humorum, vel calore aut aliâ quacumque de causâ plûs rarefiant humores, lædantur functiones. Hinc plethoricus homo potest esse sanus, sed in maximo discrimine interim versatur. Calore enim aeris ambientis aucto, minimo vitio rerum non naturalium, affectu animi validiore, summa illa sanitas potest mutari in periculosissimum morbum. Sed impossibile est præcavere, quin sanissimo homini hæc aliquando accidant; hinc, dixit *Hippocrates (a)*: *Bene habita Athletarum valetudo, si ad summum processerit, periculosa: non possunt enim in eodem statu permanere neque consistere: cum autem non consistant, nec in melius possint proficere, superest ut in deterius vergant. Ob hæc ergo bonum illum habitum haud cunctanter solvere consert, &c.*

Non ergo plethora significat omne humorum augmentum, sed tantum boni sanguinis auctam copiam: hinc *Galenus (b)*, dicit: *Ubi æquabiliter inter se humores sunt adaucti, & plenitudinem & plethoram nominant. Ubi verò vel flavâ bile, vel nigra, vel pituitâ, vel serosis humoribus refertum corpus jam fuerit, cum affectum cacochymiam, non plethoram, nominant.*

Plenitudinem illam nimiam Veteres distinxerunt in eam; quæ ad vasa (*πρὸς ἀγγεία*) esset; & alteram, quæ ad vires (*πρὸς τὰν δυνάμιν*) vocabatur. Quando vasa bonis quidem, sed copiosis adeo turgebant humoribus, ut rupturæ forent proxima, vel & nimia distensione læderentur functiones, vocabatur simpliciter plenitudo, sive plethora, ad vasa. Quando autem vasa non nimis plena forent bonis humoribus, plûs tamen continerent, quàm debilis vitalis vis movere poterat, erat plenitudo sive plethora ad vires. Plethora ergo ad vasa poterat semper & absolute dici plenitudo, plethora ad vires non nisi respectivè. Sic *Galenus (c)*, dicit: *Duas igitur plenitudinis tum notiones, tum relationes subjecimus; hanc ut ad virium robur & facultatem corporis illam sustinentis; illam ut ad suscipientem capacitatem, & alibi (d): Quando enim gravior sibi homo videtur, tantum & plenitudinem quoad vires crevisse constat. Ad eundem modum, quantum auctus fuerit tensionis sensus, tantum & alteram inausam plenitudinem esse novimus, quam à quibusdam κατὰ τὸ ἔγγυρα vocari diximus.*

Vulgari tamen sensu per plethoram intelligitur illa plenitudo, quæ ad vasa est, & hæc significatione plethoræ vocabulum in hoc capitulo sumitur.

β. Hanc generat omnis causa, quæ multum laudabilis chyli, & sanguinis conficit, simulque horum attenuationem, consumptionem, perspirationem, impedit.

(a) Aphor. 1. Sect. 1.

(b) Meth. Medendi, Lib. XIII. Cap. vi.  
barter. Tom. X. pag. 300.

(c) De plenitudine, Cap. III. Charter.

Tom. VII. pag. 326.

(d) De curandi ratione per venæsectionem;  
Cap. vi. Charter. Tom. X. pag. 434.

Per ipsius sanitatis actiones inevitabili necessitate deteruntur solida, & dissoluta fluida; hinc per ingesta debebant restitui illa, quæ perierant. Si quotidie tantum restituitur corpori, quantum deperditum erat, manet perfectissimum æquilibrium, sanitatis firmissimæ summum indicium, ut *Sanctorius* suis Experimentis demonstravit, quod tunc perfectissimè valeret corpus, quando quotidie post integræ subactionem ingestorum rediret ad solitum pondus. Restitutio deperditi fiebat per bonum chylum, & sanguinem inde factum. Si ergo à quacumque causa major fiat boni chyli & sanguinis copia, quam requiritur, ut tot & talia reddantur corpori, quot & qualia perierant, fiet sensim accumulatio superflui: quæ plurimùm augebitur, si minuatur efficacia illarum actionum, per quas attenuari, consumi, distilli de corpore per solitas excretionum vias debebant liquida. Præcipuas causas, unde hæc bina fiunt, recenset sequens numerus.

γ. Quod spectat vis contractilis viscerum chylopoëtorum magna, ut & in corde & arteriis; simulque laxior venarum, & cæterorum vasculorum compages; cibi blandi facili in chylum resolvendi; somnus multus, animus sedatus; quies musculosa; consuetudo mittendi sanguinis, naturalis, artificialis.

VIS CONTRACTILIS VISCERUM, &c. Dum firma & valida sunt illa viscera; quæ ingesta debent mutare in bonum chylum, ex cibo & potu maxima chyli copia paratur. Dum in corde & arteriis simile robur obtinet, ex copioso illo chylo bonus sanguis nascitur: venæ autem semper ex sua natura laxiores cum sint, cedunt facili dissendenti liquido, & illud superfluum recipiunt, nisi per exercitiæ & motum majorem dealeantur: nam uti demonstratum est §. 105, quod minor est motus humorum per vasa, eò plus aggregantur in venis humores; quod major motus est, eò plus implentur arteriæ, deplentur venæ. Dum immanem sæpe potulentorum copiam ingurgitant belluones, nisi venæ cedere possent & in se recipere illud superabundans, suffocarentur, & ideo inflatas tunc adeo venas habent. Dum ergo viscera chylopoietica majorem copiam chyli parant, & hæmatopoietica viscera inde sanguinem faciunt, laxitasque simul major in venis sit, necessariò accumulatur boni sanguinis copia.

CIBI BLANDI, &c. Omnia acriora suo stimulo motum circulatorium augent, ut dictum §. 99. n°. 2. Sed auctus sanguinis motus minuit liquidorum copiam, ut demonstratum est §. 100. Blandi igitur & molles cibi ex cerealibus bene maturis, carnum jusculis; juniorum animalium teneris carnibus, oleribus mollissimis, ex quibus omnibus blandi chili magna copia conficitur, plethoræ producendæ favent.

SOMNUS MULTUS. Quantum conducat laxandis fibris nimis rigidis plenior somnus, dictum fuit §. 35. n°. 2. Sed laxata vasa faciliùs cedunt dissendenti liquido; hinc major impletio. Præterea somni tempore restituuntur illa in corpore, quæ sensum & motuum voluntariorum actionibus perierant; dum vigilamus, consumuntur illa, quæ somni tempore accumulata fuerant; hinc defatigati diurnis laboribus post salubrem somnum resurgunt alacres: dum ergo longiori somno indulget homo, plus aggeritur quotidie, minus dissipatur; hinc plenitudo nascitur: ideo morbis validissimis exhausta corpora longiori somno tam pulchre restituuntur. Ursi totâ hyeme dormientes sine pabulo viam sustinent.

ANIMUS SEDATUS. Tranquilla mentis serenitas quantum conducatur tuendæ sanitati, omnibus patet. Sed summæ sanitatis effectus plethora est; validi animi affectus, & θυμωδὸς curæ etiam corpus depascuntur: hinc elegantissimè cecinit Ovidius (a).

*Attenuant vigiles corpus miserabile curæ;  
Adductique cūim macies, & in æra succus  
Corporis omnis abit; vox tantum atque ossa supersunt.*

Galenus (b) ubi nimix obesitatis curam tradit, inter alia remedia recenset & anix curas (τῆς ψυχῆς θορυβώδης).

QUIES MUSCULOSA. Postquam Divinā Sententiā in peccati pœnam homini iustum est, ut in sudore vultus sui panem manducaret, inventum fuit, corporea exercitia ad sanitatem tuendam necessaria esse. Dum in re lauta constituti homines inertī torpent otio, gravissimis morbis pressi desidix pœnas luunt. Hippocrates (c), dixit: Homo comedens, nisi etiam laboribus exerceatur, sanus esse non potest. Cibi enim & labores adversas inter se facultates, mutuò tamen ad sanitatem conferentes, obtinent. Labores namque ea, quæ adsunt, consumere solent; cibi verò & potiones quæ vacuata sunt, replere. Et alibi (d) saluberrimam sanitatis regulam tradit, quam se primùm mortales docuisse gloriatur: jubet nempe considerari, utrum cibi labores, an cibos labores superens; ex moderatè inter se habeant. Quodcumque enim superetur, ex eo morbi contingunt; ex mutua verò inter se æqualitate sanitas adest.

Illud ergo æquilibrium inter cibos & labores requiritur, ut tantum dissipetur quotidie, quantum ingestum est: simulac ingestorum copiā manente eadē, minuuntur labores, incipit plenitudo nasci. Dum in stabulis bene pasti quiescunt equi, pinguescunt brevi; si per aliquot dies valido exercentur cursu, dissipatur citò omne illud incrementum.

CONSUETUDO MITTENDI SANGUINIS NATURALIS; ARTIFICIALIS. Certe Observata docent, quòd, quò sæpius sanguinis iacturam patiatur homo, modò non penitus inde debilitetur, cò citiùs postea sanguine turgat. Fœminis singulis mensibus naturali lege superfluous evacuatur sanguis; eodem iterum temporis intervallo novo sanguine turgent. Viri sæpius repetitis venæsectionibus assueti, circa solitum venæsectionis tempus eadē patiuntur mala, quæ fœminæ à retentis mens-truis; sicque tandem virile robur in laxitatem fœmineam serè degenerat. Observavit Dodartius (e), sedecim uncias sanguinis per venæsectionem eductas intra quinque dierum spatium restitui in homine non debilitato. Hinc patet, venæsectionem repetitam ad plethoram disponere, tam citò regenerato sanguine; sed fortè minus firmo, & simul laxiore reddito corpore, hinc faciliùs implendo. Vidi fœminam, cui ob validissimos, & sæpissime renatos animi affectus, sexagesies & ultra vena fuerat secta intra anni spatium; quæ obesissima facta paucorum mensium spatio 150 librarum pondere aucta fuerat; & dum continuò turgeret renato san-

(a) Metamorph. Lib. III. Vers. 396.

(b) Method. Medendi, Lib. IV. Cap. xv. Charter. Tom. X. pag. 335.

(c) De viciis ratione Sanorum, Lib. I. Cap. 11. Charter. Tom. VI. pag. 440.

(d) De viciis ratione Sanorum, Lib. III. Cap. 111. Charter. Tom. VI. pag. 481.

(e) Histoire de l'Académie des Sciences, l'an 1707. pag. 234.

guine, nova sanguinem mittendi necessitas urgebat magis quotidie; donec tandem soluto omni corporis robore in hydropem incideret. Non videtur ergo adeo laudabilis hæc consuetudo, quæ sapies in anno sanis hominibus cautelæ gratiâ sanguis mittitur; debilitatur enim inde corpus, & ad faciliorem repletionem disponitur. *Galenus*, qui & frequentes in morbis, & audacissimas venæsectiones ad animi deliquium usque iussit institui, & Medicos à venæsectione abhorrentes *ἀμασίου* vocavit (a), damnavit hanc consuetudinem, dicens (b): *Nam per annum vnum sæpius secare, haud expedire arbitror; quòd unà cum sanguine vitalis excernatur spiritus. Atqui si hic copiosius absumatur, sit ut tota moles reddatur frigidior, animalesque functiones deterius perficiantur.*

Δ. Effectus plethoræ omnes pendent à rarefactione, quæ majori velocitati, atque inde nato, calori; aut causis aliis, per solam Observationem cognoscendis, ascribenda. Hinc arteriarum dilatatio tam sanguiferarum, quàm lymphaticarum, mutata secretio; compressio generis venosi sanguiferi & lymphatici; suffocatio circulaturi, inflammatio; vasorum ruptura; suppuratio; gangræna; mors.

EFFECTUS PLETHORÆ OMNES PENDENT A RAREFACTIONE. Quando nimia copia boni sanguinis repleta sunt vasa, potest adhuc esse sanitas; sed ubi à quacunque causa sanguis vasibus contentus rarefcit, tunc incipiunt lædi functiones; & cum tunc appareant mutationes quædam in corpore, hæ vocantur effectus plethoræ, licet non ab unica hac causa pendeant; & plethora tantùm sit causa prædisponens; rarefactio autem sit causa excitans, sive occasionalis dicta. Ex binis autem his causis, prædisponente nempe & excitante unitis, fit causa proxima illorum phenomenon, quæ tunc apparent: & quia causa excitans, nempe rarefactio, in actum deducit plethoram, quæ sola, nisi in summo gradu fuerit, non tam citò noceret; hinc illo sensu effectus plethoræ dicuntur pendere à rarefactione.

QUÆ MAJORI VELOCITATI, &c. Simulac intra idem tempus major copia sanguinis per vasa fluit, dicitur aucta esse velocitas: sed hoc non potest fieri nisi aucto attritu fluidorum ad vasa, unde calor, & à calore rarefactio. Omnes autem causæ, quas docuit Observatio rarefacere sanguinem, videntur hoc imprimis facere auctâ celeritate, & calor inde nato. Sola autem sanguinis rarefactio potest efficere omnia illa, quæ à plethora oriuntur. Si enim sanguis fieret duplò rarior, esset respectu vasorum res eadem, ac si duplò fuisset factus copiosior. Si ergo plethoræ accedit rarefactio, omnia, quæ à plethora nasci possunt, mala augentur. Hinc patet, quare omnia illa Medicamenta, & omnes morbi, qui sanguinis velocitate auctâ calorem inducunt, rarefacto sanguine, plethoræ disfluentis symptomata faciant. Pallida & frigida puella contagium variolosum recepit; mox oritur calor, rubor, inflammatoria tensio vasorum, dolor capitis immanis, &c, non ab auctâ copia sanguinis, sed à rarefactione per calorem majorem ab accelerato sanguinis motu natum.

HINC ARTERIARUM DILATATIO, &c. Sanguis auctus copiâ, vel per rare-

(a) Method. Medendi, Lib. IX. Cap. v. | (b) De Hirudinibus revulsione, &c. Cap. vii  
Charter. Tom. X. pag. 110. | timo circa finem, Charter. Tom. X. pag. 455.

factionem majus spatium occupans, necessarîo plûs dilatabit vasa, quibus continentur, hinc æquè arteriæ quàm venæ distendentur. Sed sanguis ex arteriis non tam facîle poterit propelli in distentas nimis venas; hinc major oriatur resistentia circa fines arteriarum. Ergo arteriæ plûs debent distendi à sanguine ex corde in arterias pulsio. Cùm autem inter causas, quæ faciunt, ut ex eodem sanguine tam varii in variis locis fecernantur humores, recensetur à Physiologis varia proportio ramorum fecernentium ad truncum, unde oriuntur; patet turbatâ hâc proportionem per dilationem arteriarum, turbari posse & omnes secretiones.

**COMPRESSIO GENERIS VENOSI, &c.** Plerisque in locis corporis, arteriis comites incedunt venæ; tumentes nimis arteriæ adjacentes venas, debilioribus tunicis instructas, comprimunt; venæ compressæ contentum fluidum versùs cor derivant; et illud pellit in arterias, & venæ compressæ minùs recipere valent: hinc necessarîo sequitur major adhuc arteriarum dilatio, & tandem omnis ferè sanguis accumulatur in arteriis, dum venæ magis comprimuntur & deplentur.

**SUFFOCATIO CIRCULATORIA.** Sic enim omni momento augetur resistentia sanguini ex corde sinistro expellendo; hinc venæ pulmonales non poterunt tam facîle suum sanguinem infundere in cor sinistrum: ergo sanguis accumulari incipit in pulmonis vasis; augebitur resistentia cordi dextro, tandemque suffocabitur circulatio. Sic videmus in summo gradu plethoricos rubere quàm maximè, dilataris arteriis minoribus, jam recipientibus sanguinem rubrum; & tandem incipiunt livescere suffocati ferè, & nisi sponte vel Arte solutis vasis tollatur copia, sicque minuatur calor & rarefactio, subitò sæpe pereunt.

**INFLAMMATIO.** Ob crassiores humores ingressos dilatata nimis vasorum minimorum orificia, nec potentes tamen per ultimas horum angustias transire.

**VASORUM RUPTURA.** Inprimis in illis locis corporis, ubi tenerima sunt: hinc toties in cerebro ruptæ arteriæ in plethoricis lethalem fecerunt apoplexiam: fractis à distendente sanguine pulmonum vasis, tam frequens observata fuit in plethoricis hæmoptoe.

**SUPPURATIO, GANGRÆNA.** Inflammationis factæ, nec resolutæ, communes exitus.

**MORS.** Quæ videtur fieri, quia distenta nimis vasa tantam faciunt resistentiam cordi, ut illud evacuare non possit; unde circulatio suffocatur: vel quia vasa majora, turgentia nimio sanguine, minima vascula in cerebro, cerebello, & nervis comprimunt: vel ubi fractis vasis humores ad vitam necessarij effluunt: vel denique quando ruptis vasis extravasata liquida viscerum vitalium actiones tollunt.

#### 1. Itaque facîle cognoscitur præsens; prævidentur futuri effectus:

Plethora præsens cognoscitur, si prægressæ sint causæ illæ, quæ nimiam boni sanguinis copiam generant, quæ recensitæ sunt *lit. 2.*, & 3., hujus paragraphi: si magna rubedo addit in toto corpore, maximè conspicua in illis locis, in quibus vasa nullâ cute recta apparent nuda, ut in oculorum angulis, palpebris internis, adnatâ oculorum tunica, naribus internis, ore, faucibus, labiis: si magnus calor ad extrema corporis usque inveniatur: si venæ inflatæ sint, undè cum pulsu forti, pleno: si à motu majore, aeris calore aucto, vino vel aliis quibuscumque calefacientibus assumptis, sentiant in omnibus musculis corporis mollem, plenum, dū,

tendentem tumorem, unâ cum immobilitate quadam, sic ut manuum digitos vix claudere possint: incipiunt tunc segnes fieri, soporosi, oculos habere lacrymantes. Sicque habetur perfecta plethoræ diagnosi.

In prognosi prævidentur futura illa mala quæ in hac paragrapho *lit. d.* recensita sunt: & inprimis quod encephali totius functiones turbabuntur, quia in capite omnia plena sunt naturaliter: hinc distensis vasis majoribus, rubro sanguine plenis, minora reliqua comprimentur, quia durum calvariæ os cedere nequit: hinc à levissima vertigine ad lethalem apoplexiam usque, omnes morbi cerebri à plethora nasci possunt.

Ç. Curatio absolvitur missu sanguinis; labore; vigiliis; cibo acriori post evacuationes; omissione evacuationum sensim introducâ.

MISSU SANGUINIS. Nimia copia boni sanguinis erat causa omnium malorum enumeratorum: omne ergo quod hanc copiam minuit, proderit: sed omnium optime copia minuitur missu sanguine; & statim inde oritur levamen omnium symptomatum. Nunquam rectius Medicina curat, quàm ubi naturæ vias, quibus morbos levat; imitatur: sed videmus & in sanitate, & in morbis, nimiam plenitudinem, à sanguinis copia majori, vel & rarefactione nimia ortam, salutari hæmorrhagiâ, narium inprimis, tam feliciter tolli. Hinc juvenibus, perfecte valentibus, illo ætatis tempore, quo incipiunt vasa, jam fortiora reddita, plus resistere liquidis distendentibus, tam frequens salutaris hæc evacuatio est, inprimis increfcente verno calore. Eandem ob causam servidissimis morbis narium hæmorrhagia toties salutem attulit. Ars postea, salutaria hæc naturæ conamina imitata, aperiâ venâ sanguinem eduxit; & si signa docerent, arteriosum systema solum esse distensissimum, venas collapsas, ob immeabilem sanguinem, hærentem in arteriis & non potentem transire in venas, ut in morbis acutis inflammatoriis sæpe fit; tunc ausi fuerunt Medici ipsas pertundere arterias: & quia hoc in majoribus arteriis sæpe non sine periculo fieri poterat, discissis plurimis minoribus per scarificationes, eundem ferè præstabant effectum. Unde in Ægypto, ubi acutissimi illi morbi frequentes erant, tantil fecerunt scarificationes, uti testatur *Prosper Alpinus in Medicina Ægyptiorum*.

Quidam, Helmontium secuti inprimis, damnabant sanguinis missionem, tantam crudelem & inutilem; credebant abstinentiâ à cibo & potu plus minui posse nimiam copiam, cum per insensibilem perspirationem, & alias excretiones, quotidie plures libræ humorum expellantur ex corpore, quod totum cibo & potu iterum restituitur: hinc cum pergerent naturales hæc excretiones liquida minuire, nec ingesta iterum redderent deperdita, magis minuebatur copia liquidorum abstinentiâ à cibo & potu per viginti quatuor horas, quàm vel audacissimâ venæsectione fieri posset. Sed hæc methodo subtilissimi tantum de corpore distillant humores, ruber, crassus sanguis majora vasa distendens, vix minuitur; quod inprimis requirebatur; & omnes humores aciores fiunt, dum nihil novi chyli sanguini miscetur.

Sed sanguinis missio nimiam quidem copiam minuit, corpus tamen relinquat æquè faciliè replendum iterum; inò plus disponit ad novam plethoram generandam, ut dictum in hac paragrapho *lit. γ.* Hinc requiritur ut corpus sic firmetur, ut non tam faciliè boni sanguinis copiam accumulet. Fit hoc inprimis.

LABORE, qui & dissipat illa, quæ in otio retinentur; & firmat sic solida, ut non facillè cedant liquidis implentibus. Quotidie duris laboribus exercitos, licet voracissimi simul fuerint, plethoricos tamen rarissimè quis inveniet. Labores tamen non conveniunt, nisi prius sanguinis missione depleta fuerint vasa; aliter summum periculum foret rupturæ vasorum adeo distentorum.

VIGILIIS. Inter causas nimix plenitudinis recensetur & somnus multus *lit. 7*; hujus paragraphi: vigilix ergo oppositum præstabit effectum.

CIBO ACRIORI POST EVACUATIONES. Molles cibi, facillè subigendi à visceribus chylopoieticis, magnam chyli copiam largiuntur: unde quotidie sanguinis augetur quantitas, nisi validiori motu humorum diffletur superfluum. Hinc recens natis mollissimum lac jam materno in corpore subactum, dedit natura, quia incrementum adeo velox in hac ætate requirebat quotidianum humorum augmentum. Ubi verb contrarium requiritur, ut in plethoræ curatione, tunc duriores cibi, non tam facillè subigendi, & acriora simul aromatica condimenta stimulantia profunt: quia sic & minùs chyli, adeoque cæteris paribus & minùs sanguinis, conficietur; & aucto motu per acres stimulos, non fiet tam facilis aggressio humorum. Sed antequam evacuantibus minuta fuit distendentis liquidi copia, acria assumpta nocerent summopere, ob magnum metum rupturæ vasorum nimis plenorum, si simul accederet per stimulantia factum morbi augmentum.

OMISSIONE EVACUATIONUM SENSIM INTRODUCTA. Quantum dispo-  
nant crebræ sanguinis missiones ad novam plethoram, dictum fuit *lit. 7*. hujus §. Hinc evacuationes illæ omittendæ sunt; sed non potest simul & semel hoc fieri, quia omnis subita mutatio à consuetis ad insolita semper mala est; & imprimis in hoc casu. Per frequentes enim sanguinis missiones assuescit corpus, ut majorem sanguinis copiam accumulet; quæ nisi tollatur, omnes plethoræ effectus sequentur; & ideo sensim minuendæ sunt solitæ illæ evacuationes quoad quantitatem; majùsque temporis intervallum inter singulas interponendum, ut sic gradatim minuantur sine ullo periculo. Hoc dum sic fit, imitatur salutare naturæ institutum in foeminis circa illud tempus, quo menstrua incipiunt deficere: naturaliter enim sensim minuantur copiâ, & majori temporis intervallo tantùm prodeunt, donec penitus definant: si verb subitò cesset solitus menstruorum fluxus, pessima inde solent sequi mala.

## MORBI COMPOSITI SIMPLICISSIMI

### OBSTRUCTIO, ET VULNUS.

#### O B S T R U C T I O.

§. 107. **O**BSTRUCTIO est obturatio canalis, transitum tollens liquido, per eum transjiciundo, vitali, sano, vel morbofo, orta ex excessu molis transituræ supra capacitatem valis transmissuri.

Omniùm simplicissimus morbus inter compositos foret vulnus, supponens tam-

tum separatam cohesionem partium solidarum : sed nullum potest fieri vulnus ullius momenti, quin effundantur liquida vasis contenta ; quæ tunc effusa tuam sequuntur naturam : hinc spontaneæ degenerationes liquidorum prius debebant considerari. Præterea canales difcissi in vulnere primo emittunt contenta liquida : postea clauduntur & tenuiora liquida dimitunt ; tandem, illis obturatis fit obstructio, & cessat liquidi effluxus, ut in Historia vulneris in genere patebit. Hinc secundum dicta in §. 16, debebat, præmitti obstructio, quæ in omni vulnere obtinet.

**O B S T R U C T I O** EST **O B T U R A T I O** CANALIS, &c. Hæc est generalissima obstructiois idea, supponens impedimentum qualecumque, quod tollit transitum liquidorum per canales. Intelligitur hic canalis nomine inprimis omne vas, per quod continuò liquidum fertur ; uti fit in arteriis & venis : illa enim vasa per quæ non semper, sed tantum certo tempore fluit liquidum, potius emissaria vocantur : quavis tamen & in illis obstructio nasci possit ; uti v. gr. in ductibus biliosis urethræ, &c, toties observatur.

Omnia corporis nostri liquida vel per vasa continuo motu feruntur, vel in majoribus alveis collecta tantum aliquo tempore hærent. Videtur jam in vasis obstructio locum præcipuè habere ; in majoribus alveis vix, vel rarissimè : nam licet v. gr. in vesica hæreat calculus, nisi maximus fuerit, & totum vesicæ cavum perfecte impleat, non faciet obstructionem, nisi ubi ex vesica in urethram pellitur. Dum postpositæ concrectiones in sinibus venosis, vel & in cordis cavis hærent, non faciunt obstructionem, nisi quando ex majoribus his receptaculis in canales pel-luntur.

**VITALI, SANO.** Post datam generalem definitionem obstructionis, jam consideratur, quotuplex sit illud liquidum, quod impeditur fluere per canales obstratos. Hoc erit vel vitale, quod per venas allatum, cordis vi per pulmones & aortam, pellitur, rediturum iterum ad cor pro sustinenda vita. Sed vita diu potest subsistere, licet sanitas deficiat ; hæc est enim perfectio omnium functionum simul. Sed ut omnes functiones integræ sint, requiritur, ut omnes canales sint liberi : Hinc plurimæ obstructiones sanitatis integritatem lædere possunt, vitâ salvâ adhuc. Sic si in minima renali fistula concretum hæreat calculi rudimentum, obstructio erit nata, tollens transitum liquido sano per hunc canaliculum transjiciendo ; nec tamen inde nascetur ullum notabile impedimentum liquidorum vitalium motui : tamen impedita erit actio illius canaliculi, quæ ad integram sanitatem requiritur.

**VEL MORBOSO.** Liquida morbosa dicuntur, quando sic degeneraverunt à naturali conditione liquidorum sanorum, ut lædant functiones ; nec refert, an hæc degeneratio fuerit morbi nati causa, an verò effectus. Sic v. gr. inflammatoria sanguinis spissitudo, futuræ pleuritidis causâ prædisponens, morbosum sanguinem facit, id est, aptum ad lædendum functiones : in variolis verò per vim morbi, purulenta labe inquinato toto sanguine, morbosa fit omnium humorum indoles, quæ non præexistit ante morbum natum, sed per morbum facta fuit. Sed jam liquida hæc morbosa per canales feruntur aliquando sola, aliquando cum reliquis fluidis nondum à sanitatis conditionibus aberrantibus : obstructio ergo nata in canalibus poterit & impedire liquidi morbose transitum : sic sæpius in morbis apparet, humores morbosos vi vitæ superfusi ex uno loco ad alium per metastasim deferri ; parotides & purulenti crurum abscessus, in pleuritide & peripneumonia



pneumonia toties salutares, hoc evincunt. Dum in exquisita podagra in subtilissimum liquidum degenerans morbosum conatur natura deponere ad articulos pedum, si quacumque de causa impediatur ad loca illa consueta adferri, quanta oriuntur mala!

**ORTA EX EXCESSU MOLIS TRANSITURÆ, &c.** Sic habetur accurata cognitio causæ proximæ omnis obstructionis. Compressio vasorum postea quidem numerabitur inter causas obstructionis; si tamen liquidum tam tenue sit, ut per vas compressione angustatum adhuc transfluere possit, nondum erit obstructio: nam obstructio non designat tantum difficiliorem transitum, sed totalem obturationem canalis.

§. 108. **QUÆ** oriuntur ex angustia vasis, magnitudine molis fluxuræ, vel utrisque concurrentibus.

Tria hæc omnes possibiles obstructionis causas comprehendunt: vel enim liquidum per canalem transmittendum fit spissius, manente eadem canalis amplitudine; vel arctatur canalis, manente eadem meabilitate liquidi; vel denique & canalis angustia, & liquidi aucta spissitudo simul concurrunt. Inquirendum jam in causas, quæ vel singula hæc seorsim, vel utraque simul faciunt.

§. 109. **ANGUSTIA** vasis fit compressu externo, contractione propriâ, vel augmento crassitie in ipsis canalium membranis.

Recensentur hic causæ, quæ canales reddunt angustiores, manente eadem tenuitate liquidi transmittendi.

**COMPRESSU EXTERNO.** Dicitur tunc vas per *θλῖψιν* angustari. In canalibus nostris sectio perpendicularis ad axim circularis semper est: sed circulus inter figuras isoperimetras maximam habet aream; hinc omnis compressio externa, mutando circulearem figuram, minuet semper canalis capacitatem: si autem conciperetur vis externa comprimens æquabiliter agens per totum vasis ambitum, tunc non mutaretur quidem circularis figura, sed minueretur diameter; hinc pariter angustaretur cavum.

**CONTRACTIONE PROPRIA.** Tunc per proprium tonum dicuntur vasa contrahi. Naturalis autem est vasis nostris hæc contractio, quâ nituntur latera vasorum propius accedere ad axim, simulac causæ distendentes minuuntur. Hoc autem maxime necessarium erat, ut liquidorum copiâ minutâ posset tamen manere non interruptus humorum circuitus, per vasa plena quidem, sed contractione propriâ angustiora facta. Hinc ubi v. gr. sanguinis jactura ingens tam subito fit, ut vasa se non possint contrahere tam citò, ut plena maneant, interruptitur circulatio, & fit syncope; imò & mors ipsa subitissimis inanitiones secuta fuit sæpius. Hæc ergo contractio propria vasis nostris si augeatur à causa quacumque, vel minuatur impetus vel copia liquidorum distendentium, effectus erit idem, nempe angustatio major canalium.

**VEL AUGMENTO CRASSITIE IN IPSIS CANALIUM MEMBRANIS, Patet**  
Tomus I. T

evidenter, tunc minui canalis cavi capacitatem, tumentibus membranis. Ut distinguerint hanc causam obstructionis à *Stasis*, vocaverunt *σπασμους*, sive angustiationem loci, quando latera canalium auctâ propriâ substantiâ, angustarent cavum.

§. 110. **M**OLECULARUM moles augetur viscositate fluidi, vel errore loci.

In hac paragrapho considerantur illa vitia fluidorum, per quæ, manente eadem canalis capacitatem, nasci potest obstructio.

Elementa constituenta humores nostros videntur habere determinatam magnitudinem, & quidem proportionalem ultimis angustiiis vasorum, per quæ fluere debent. Sic elementum rubrum sanguinis tam parvum debet esse, ut per ultimas angustias arteriæ minimæ rubræ transire possit: idem in reliquis tenuiorum liquidorum seriebus verum est. Si ergo à quacumque causâ augeatur volumen in singulis elementis liquida constituentibus, hærebunt circa ultimos canalium fines; quia, ut docuerunt *Leeuwenhoekii* Observata, per ultimos fines, v. gr; arteriæ rubræ unicum elementum sanguinis rubrum, & adhuc cum quadam molestia, transit; hinc si expanderentur in majus volumen, manente eadem massâ corporeâ, hæc elementa, liber impediretur transitus: ideo & illa obstructionis causâ concipi potest, licet fortè rariùs contingat.

Sed aliud considerandum præterea est in liquidis vitium, fortè multò frequentius. Fluidorum omnium partes, ut demonstraverunt Physici, quâdam vi inter se cohererent; idem & in nostris humoribus obtinet. Ut verb per ultimas vasorum angustias transeant fluida, requiritur, ut molecule singulæ, separatæ à coherensione cum vicinis, transeant solitariae: hinc debent potentie moventes, quibus humores pelluntur per vasa, posse superare hanc coherensionem. Si ergo à quacumque causâ augeatur coherensio elementorum fluida constituentium eò usque, ut non patiantur se ab invicem separari actione cordis & vasorum, manebunt adunatæ molecule, quæ per ultimos vasorum fines tantùm transire possent solitariae; hinc nascetur obstructio. Ubi verb hoc vitium in fluidis obtinet, vocatur **AUCTA VISCOSITAS**, quia non habetur aliud vocabulum magis generale: designat autem tantùm illam conditionem Physicam, quæ in fluido, elementis nimis coherentibus, auget inmeabilitatem.

**ERRORE LOCI.** Dicitur hoc vitium obtinere, quando humor bonus ingressus fuerit vasa minora, in quibus naturaliter esse non debet, & per quorum ultimas angustias transire non potest. Sic v. gr; dum sanguis ruber arterias serofas vel lymphaticas, in suis initiis dilatatas, ingreditur, dicitur peccare errore loci. Hinc licet omnia liquida corporis humani requisitas ad sanitatem dotes obtineant, & omnia vasa integra sint, modò hæc, parum dilatata in suis initiis, admiserint crassiora fluida, possunt nasci obstructiones, & quidem pertinacissimæ. Frequentissima autem hæc est inter obstructionis causas: nam aucto circuitûs humorum impetu & velocitate, sanguis ruber statim ingreditur aliena vasa. Leviter tantùm fricati oculi in tunica adnata rubent, cum naturaliter in his vasibus sanguis ruber non adfit. Valido cursu exercitatus homo totam cutim externam habet rubertimam, ob sanguinem rubrum in vasa minora adactum. Quamvis autem propriè loquendo per erro-

rem loci non augeat molecularum fluida constituentium moles; tamen ratione habitâ vasorum, in quibus per errorem loci hærent, nimia illarum magnitudo causam obstructionis facit.

§. 111. **E**X utrisque verò à concursu causarum utriusque (109. 110).

Possunt enim causæ angustantes canalem, & causæ facientes immeabilitatem liquidi transijciendi simul concurrere.

Hinc apparet, ad quantam simplicitatem totum hoc possit reduci, dum sola causa proxima omnis obstructionis consideratur: tota difficultas est, quòd causæ remotæ adeo multiplices & variz sint, quæ nunc ordine enumerabuntur.

§. 112. **V**ASA externè comprimuntur;

1. A tumore vicino plethorico, inflammato, purulento, schirroso; cancroso, œdematoso, ampullosa, steatomatode, atheromatode, meliceride, hydatidico, aneurysmatico, varicoso, tophoso, pituitoso, calculoso, calloso.

1. **TUMORE.** Medicis & Chirurgis tumor vocatur partis, vel totius corporis, in naturali magnitudine factum augmentum à quacunque demum causa contigerit. Dum ergo pars tumens majorem occupat locum, quàm in sanitate solebat, necessariò adjacentia vasa comprimendo angustat. Tumores autem fiunt, vel à fluidis repletibus distenta ultra naturalem magnitudinem vasa, vel à liquidis extra vasa effusis, vel à vasis concretis cum fluidis contentis inspissatis. Recensentur jam præcipuè tumorum varietates.

**PLETHORICO.** Quando nempe vasa arteriosa & venosa, rubrum sanguinem vehentia, nimia copiâ distenduntur, & distenta comprimunt minora vasa vicina. Tumoris autem plethorici effectus inprimis in cerebri actionibus læsis apparet; cranium enim semper plenissimum est, sanguis ruber tantum in pia matre observatur, & in arteriis rubris majoribus per medullarem encephali substantiam dispersis, & medullam oblongatam ambientibus; in cortice cerebri naturaliter nunquam sanguis ruber invenitur: hinc distentis vasis rubrum sanguinem vehentibus, cum dura cranii olla cedere nequeat, comprimuntur reliqua vasa corticis & medullæ; unde omnes functiones cerebri turbantur: cerebellum autem, cerebro longè firmius, minus ab hac causa afficitur.

**INFLAMMATO.** Dum vis vitæ urget liquidum vitale in vas inflammatum, necessariò illud vas distendit, quia liquidum impulsus non potest penetrare vas obstructum: hinc omnis impetus liquidi impulsus dilatat vasis latera, ante locum obstructum; ergo vicina adjacentia vasa comprimuntur: unde humorum circuitus non tantum impeditur in vasis inflammatis, sed etiam in vasis vicinis: hinc tumoris augmentum, & inprimis dum membrana cellulosa inflammatur, maximi tumores fiunt, sic ut aliquando digitus inflammatus decuplam crassitiem habuerit.

**PURULENTO** : Qui duplex est, vel enim pus, propriis membranis, coercentibus clausum, vomicam facit purulentam; vel ruptis his repagulis in vacua vicina loca effunditur; utroque modo pressione vasa vicina angustat; hinc nunquam ferè in partibus subcutaneis apostema est, quin cutis vasa à pure collecto pressa inflammantur.

**SCIRRHOSE, CANCROSE.** Qui fit à glandula tumente, dein indurata: hinc vasa per proprias glandularum membranas dispersa, uti & in locis vicinis, comprimuntur, ideoque varicosæ venæ majores scirrhos comitantur semper. Parotides schirrosæ factæ & tumidæ, dum adjacentes jugulares venas comprimunt, impedito sanguinis à capite reditu, quanta sæpe fecerunt mala! Sub axillis & in inguinibus scirrhosæ factæ glandulæ, comprimendo venas, arterias, nervos adjacentes, partes subjacentes omni vitalium humorum influxu privabunt, qualia multa Exempla in Observatis Medicis habentur. Ubi verò scirrhus in canceri malignitatem degenerat, aucto tunc semper tumore, plus nocet.

**ŒDEMATOSE.** *Œdῆμα* ut testatur Galenus (a), Antiqui & tumorem idem appellabant: & alibi (b), omnes tumores præter naturam ab Hippocrate *Œdῆμα* vocatos fuisse, asserit; postea Recentiores dicit ab antiquo usu recessisse, & tumores varios distinctis nominibus vocasse: si enim cum dolore essent, vocabant phlegmonas; si sine dolore essent & duri, scirrhos; si sine dolore & molles simul essent tumores, tunc propriè *Œdῆμα* dicebantur. Tumores autem illi molles, indolentes, apud Hippocratem non vocabantur simpliciter *Œdῆμα*, sed addebatur semper aliud vocabulum, ut distingueret ab aliis tumoribus. Sic in *Prognostico* & *Coacis Praenotionibus* hi tumores vocantur, *Œdῆμα μαλακὰ, ἀνέδονα, τῇ δακτύλῳ ὑπέκτονα*; tumores molles, indolentes, digito cedentes. Hæc ergo sub significatione tumores illi hodie plerumque intelliguntur, & hærent in membrana cellulosa, quæ verà œdematis sedes est. Materia autem horum tumorum est plerumque aqua, ut in hydropse anasarca patet; vel & aliquando lentescens magis pituitosum liquidum, ut in leucophlegmaticis. Sed membrana cellulosa, horum tumorum sedes, omnia vasa ambit; hinc tumores ibi nati vasa angustare possunt, & mirabiles sæpe morbos ab hac tantum causa pendentes producere.

**AMPULLOSO,** &c. Numerosissimæ in variis locis corporis tales sunt ampullæ, sive folliculi; tota cutis externa, interior superficies oris, œsophagi, ventriculi, intestinorum, &c, similibus folliculis obsidentur undique. In his folliculis ab arterioso sanguine secretus humor pinguis, vel mucilaginosus per proprium emissarium exit, lubricandis & inungendis his partibus inserviens: si jam à quacumque causa obstruat emissarium talis folliculi, non poterit evacuari contentus in cavo folliculi liquor, augebitur copia liquidi retenti, & distendetur folliculus, sic ut ex invisibili parvitate in molem aliquot librarum aliquando excrescat. Minimæ illæ cryptulæ, quæ in capillata capitis cute unguosum illud smegma præbent, quod pilos inungit & lubricat, aliquando in maximas moles excrescunt: *talpæ* solent vocari apud Chirurgos. Observatores plurima Exempla similium tumorum in aliis corporis locis habent.

Hæc jam est communis idea ampullosorum tumorum: sed variant ratione materiæ contentæ, & inde varia nomina acceperunt, quando enim materiem pulsi si-

(a) Commentar. IV. Aphor. 34. Charter. Tom. IX. Part. II, pag. 155.

(b) Comment. V. Aphor. 65. Charter Tom. IX. Part. II, pag. 139.

milem continebant, dicebantur *Atheromata* : si materiam ambiguae fluiditatis inter mel & ceram continerent, vocabantur *Melicerides* : si pinguedini similem duriorem in se haberent materiam, vocabantur *Steatomata*. Sed de his jam aliâ occasione dictum est, nempe §. 75.

**HYDATIDICO.** Hydatides communi hodie opinione (*ὕδατις* enim olim vocabatur pinguedinis superiori palpebræ substratæ extimâ parte incrementum) (a) vocantur membranacei sacculi variæ magnitudinis in partibus corporis externis & internis sæpe deprehenfi, aqueo humore turgidi. Valde autem dubium videtur, an semper ad tumores ampullosos referendi sint : hi enim tumores, ut dictum fuit, erant tantum naturales folliculi dilatati, hinc magnitudine aucti, sed hydatides observatæ fuerunt in talibus locis, ubi folliculi illi ab Anatomicis non adeo detecti erant : integram enim placentam uterinam in hydatides mutatam observavit *Ruyfchius* (b). Imò observaverunt, hydatides tales, ab omni nexu cum se invicem vel vicinis partibus liberas, in majori sacco membranaceo conclusas, fluctuare ; & quod magis mirum est, majores hydatides continebant in suo cavo minores alias, pariter ab omni nexu liberas (c) : dum unâ cum suis folliculis coquebantur aqueæ hydropici mortui, visum fuit ipsam folliculorum substantiam, quæ membranacea apparuerat, fuisse dissolutam (d). Hinc concluderunt celeberrimi Viri, hydatidum pelliculas non esse partes organicas, sed ex liquido in crassato fortè natas fuisse. Nihil tamen repugnat, quin & naturales folliculi aqueo humore distenti expandi possint in magnam molem. Tales hydatides in palpebrarum limbis observantur sæpius, degenerantibus fortè sic glandulis sebaceis hic positis : in ovario muliebri sic in satis amplam magnitudinem ovum expansum humore plenum invenit *Ruyfchius* (e).

Tales autem tumores hydatidicos passim in variis locis corporis inventos fuisse, & modò memorata Auctorum loca evincunt, & innumera alia apud *Bonetum*, & alios Observatores, habentur Exempla.

**ANEURYSMATICO.** Aneurysma, vel potius aneurysma, dicendum, ἀνὸς τῆ ἀρτηρίας, designat arteriæ integræ dilatationem præternaturalem in quadam parte, sic ut arteria, quæ antea uniformem canalis conoidei figuram habebat, tunc in quadam parte debilitata expandatur in sinum, qui omnia vicina comprimendo pessima potest producere mala. Sic ab aneurysmate, circa vitalia viscera hærente, costas, claviculas, sternum, elevata non tantum, sed & fracta; partem internam vertebrarum dorsi ferè ad spinalem medullam usque contritam & consumptam miratus fuit sagacissimus *Albertini* (f) : costas penitus cariosas, imò cum osse sterni nihilum relictas ab aneurysmate vidit *Ruyfchius* (g).

**VARICOSO.** Quod aneurysma dicitur in arteriis, illud, si in venis obtrineat, vocatur varix, frequentius longè malum quàm aneurysma; quia & venæ facilius cedunt causæ distendenti, & sanguis tardius movetur in venis quàm in arteriis, hinc à levi satis obstaculo, impedito motu sanguinis venosi, venæ ab accumulato sanguine distenduntur, & varicosæ fiunt : frequens inprimis malum gra-

(a) Gorrei definit. Medic. pag. 656.

(b) Observat. Chirurg. pag. 33.

(c) Acta Petropolitana. Tom. I. pag. 379. 382.

Académ. des Sciences, l'an 1721. Mem. pag. 322.

(d) Académ. des Sciences, l'an 1719. Hist. pag. 49.

(e) Observat. Chirurg. 17.

(f) Institut. Bononiens. pag. 383.

(g) Observat. Chirurg. 17. 18.

vid' mulieribus, dum distensus uterus venas iliacas premens impedit, ne venæ per crura & temora disperſæ ſe tam expedire poſſint evacuare; hinc tunc apparent illis varicoſi illi tumores, crurum inprimis.

**TOPHOSO.** Tophi propriè dicuntur, quando per cauſas morboſas quaſcumque lamellæ os majus conſtituentes à ſe invicem remouentur, elevantur & tumorem conſtituunt, non omnino durum inſtar offis, ſed ſciſſilem utcumque, habentem firmitatem, qualem habent juniorum animalium cornua, dum primò protuberare incipiunt. Tumores illi in omnibus illis morbis, qui offa inprimis afficiunt, ſæpiſſe frequentes ſunt, ut in rachitide, ſcorbuto, & omnium maximè lue venerea: in quo morbo tumores illi perioſtei vaſa comprimendo, nervos hic tam ſenſiles diſtendendo, adeo moleſti ſunt. Huc & referri poſſunt exoſtoſes, ubi ipſa offis duri ſubſtantia in tumorem elevata comprimit vaſa vicina.

**PITUITOSO.** Ubi gluten naturale, vel morboſum, accumulatum, cava, quibus continetur, diſtendit, & adjacentia vaſa premit.

**CALCULOSO.** Quanta materia ſiant à calculis in renibus, ureteribus, veſicâ hærentibus, mole ſua & pondere vaſa comprimentibus quibus accumbunt, omnibus notum eſt.

**CALLOSO.** Callus vocatur partis membranaceæ increſcens moles, unà cum duritie & inſenſibilitate, orta à vaſis concretis inter ſe, inprimis per compreſſionem externam. Cauſa proxima calli eſt compreſſio vaſorum, expreſſio liquidi contenti, & concretio laterum vaſorum inde nata. In recens natis nullibi callus apparet, ſed poſtea dum incedere incipiunt, toto pondere corporis ſuſtentato pedum plantis, incipiunt ibi vaſa complanata expreſſo liquido concreſcere & callum facere. In fabris ferrariis ab attritu mallei ſæpe manuum volæ cornu duritiem acquirunt. Callus autem omni vitali influxu humorum deſtitutus ex ſua natura multum mali facere nequit, ſed mole ſua & duritie premens vivas partes ſubjectas inflammationem & alia moleſtiſſima mala facere poſeſt. Sic ſæpe pedum omnem ferè uſum ſuſtulit callus duriffimus, circa proninentiam offis metatarſi pollicem pedis ſuſtinentis natus, dum totum pondus corporis ſuſtentatum hac parte apprimere durum callum ſubjectis partibus inflammatis & dolentiſſimis. Quando à vi externa comprimente, papillæ nervoſæ per cutim diſperſæ, unà cum vaſis ſuis ſanguiferis lymphaticis, &c, quibus coronantur, complanantur; naſcitur inflammaticuncula, poſtea conſolidantur omnia in corneam duritiem, vocantur tunc *clavi*. Familiare ſatis, nec minus moleſtum malum, in digitis pedum, & aliquando in aure externa occurrens, ubi plicæ illæ cartilagineæ nimis premuntur capitis tegumentis; vel quando in unum tantum latus decumbere poſſunt ægri, ob vulnera, empyema, &c; & tunc pulvinari aurem externam affiduè apprimunt. Tales clavi ſunt veri calli, ſed duriffimi, & in cute externa cum ſemper latiores ſint, ſenſim convergant, deſcendendo infra cutim, hinc ab hac figura nomen habuerunt; & quia partibus vivis nervoſis cohærent, hinc preſſus talis clavus tantum dolorem facit. Tales jam calli à compreſſione etiam in internis naſci poſſunt. Vidi in cadavere puellæ lienem ſolitò plus tumentem; appreſſum ultimæ coſtæ, habuiſſe tunicam externam in illo præciſè loco calloſam & longè craſſiorem.

2. A fractis, luxatis, diſtortis, diſtraſiſve partibus duris, comprimentibus vaſa flexilia.

Recensentur hoc numero angustationes vasorum per compressionem externam factæ, quæ oritur ex eo, quod partes duræ corporis humani, ossa nempe & cartilagine ex naturali suo situ dimotæ, vasa adjacentia presserint : simul & hic considerantur illæ obstructions, quæ à ligamentis, ossa necentibus, distortis vel distractis sunt in vasis, quæ horum ligamentorum substantiam constituunt.

2. **FRACTIS.** Quando os in magna fragmenta solvitur, dicitur fractura, quæ nunquam adesse potest, quin plurima vasa inter ossis lamellas decurrentia compressa, imò destructa sint. Periostei vasa necessarîo ob eandem causam debent comprimi; inprimis si ossis fracti partes ex naturali situ remotæ fuerint; tunc enim simul omnia vicina vasa comprimunt.

**LUXATIS.** Quando ossis articulati caput ex cavo, in quo movebatur, excidit, luxatio adesse dicitur. Sed hoc nequit fieri, quin ligamenta articulationem ambientia ab elapso osse comprimantur, uti & vicina alia quævis adjacentia vasa. Dum caput ossis humeri luxatum in axillæ cavo hæret, sæpe ibi maxima vasa per axillam decurrentia comprimit; unde postea pessima mala, inprimis à magnis truncis nervorum hic decurrentibus compressis.

**DISTORTIS DISTRACTISQUE.** Distorsio & distractio propriè in ossibus locum non habet, sed in ligamentis ossa inprimis articulata necentibus. Distorsio autem fit, quando, ossibus articulatis manentibus in suo situ, circumtorquendo quasi magna vis infertur ligamentis hæc ossa inter se necentibus : distractio verò, quando nimîa vi, v. gr; pondere ultra vires elevato, elongantur ligamenta articularum. Facile intelligitur, neutrum fieri posse, quin plurima vasa per ligamenta decurrentia comprimantur & angustentur.

3. **Ab omni causa, quæ vasa nimis trahit, & elongat, sive tumore; sive pressione partis extra debitum locum positæ, sive vi externâ trahente.**

Non possunt canales flexiles elongari, quin minuat horum canalium cavitas. Hoc ad oculum apparet, dum tubi vitrei ad lampadem flexiles redditi elongantur. In canalibus majoribus, sic elongando angustioribus redditis, non statim nascetur quidem obstructio; sed dum idem fit in canalibus minimis, qui per ultimâs suas angustias singula tantum fluidorum elementa transmittunt, faciliè apparet obstructionem ab hac causa nasci debere. Dum in torturis maleficorum ligamenta articularum ponderibus appensis vel trochleis distrahuntur, sequenti die dolor, inflammatio, rubor obstructionem ab hac elongatione vasorum natum satis testantur. Omnes jam tumores, distendendo circumpositas membranas, vasa harum partium elongant : ossa, muscoli, tendines naturali suo situ mota idem efficiunt : omnis vis externa trahendo partes elongans huc pariter referri potest.

4. **Ab externis comprimentibus, quò vestes arctæ, fasciæ, pondus incumbentis corporis quieti in unam partem, ligaturæ, &c. pertinent; motus, attritus, amplexus partis ad alia corpora.**

In prioribus numeris recensitæ sunt illæ causæ : quæ vasa angustando obstructio-

nem faciunt, quatenus nempe partes corporis mole auctæ, vel ex situ naturali remotæ, vicina vasa comprimunt: simul & recensitæ sunt illæ causæ, quæ elongando vasa, illorum capacitatem minuunt. Hoc numero recensentur omnia illa, quæ exterream superficiem corporis premendo vasa reddunt angustiora.

**VESTES ARCTÆ.** Per has enim omnia vasa in exterioribus corporis posita comprimuntur; omnium maximè venæ, quia & faciliùs comprimendæ, & in superficie corporis magis ponuntur: arteriæ verb & fortiores sunt & magis tutò reconduntur. Sed venis sic compressis tantò major copia sanguinis continetur in arteriis: hinc plethora effectus nascuntur. Ubi ergo in quadam corporis parte vasa tam debilia sunt, ut à minimo augmento impetûs vel copię fluidi rumpantur, vel nimis distenta apertis osculis ultimis in cava corporis loca eruant liquida, quæ naturaliter retinere debuerant; à vestibus nimis arctè corpori appressis oriuntur sæpe magna mala. Sic hæmoptoe vel mictu sanguinis laborantes, ab hac sola causa toties sanguinem apertis vel ruptis vasis effundunt. In scæminis hystericiis, viris hypochondriacis, asthmaticis, &c, in quibus minima mutatio æquilibrii inter solida & fluida tam enormes effectus facit, tantum illico solamen apparet, dum vestes nimis arctæ solvantur.

**FASCIÆ, LIGATURÆ.** Pro vario adstrictionis gradu diversos habent effectus: levis enim adstrictæ, partes nimis laxas & distentas firmant, sicque fibrarum nimis debiliùm defectum suppleunt: si fortiùs adducantur, vasa angustant, inprimis venas; si adhuc plùs stringantur, etiam & arterias: unde sæpe inflammatio, imò ipsa gangræna nascitur. Dum ossa fracta, & reposita in situ, retinere volunt Chirurgi, inter alia auxilia & fasciis circumductis partem firmant, quæ si arctiùs adstrictæ fuerint, tum post aliquot horas semper solet nasci tumor major in parte affecta, inflammatio fit & magnus dolor: si tunc querelas ægri negligant sæpe in his casibus nimis crudeles Chirugi, subito postea natam gangrænâ turpi errore dolent.

**PONDUS INCUMBENTIS, &c.** Dum in morbis oritur illa insensibilitas, quâ molestias corporis & leves dolores non adeo sentiunt ægri, ut sæpe in morbis acutis fit; vel dum propter acerbissimos dolores podagricos, rheumaticos, &c, omnis ferè corporis motus prohibetur, tunc totum pondus corporis jacentis premit partes, quibus incumbunt ægri; hinc vasa per has partes decurrentia angustantur, imò penitus sic comprimuntur sæpe, ut omnis vitalis influxus tollatur; unde gangræna & sphacelus nascuntur. Inprimis autem hæc mala oriuntur illis in locis; ubi dura ossa, paucis integumentis tecta, prominent; ut circa scapulas, os sacrum, os coccygis, ossis illi eminentem marginem, trochanteres ossis femoris; calcem, &c; omnium frequentissimè circa os coccygis, quia dum homo horizontaliter dorso incumbit, lectus semper in medio deprimitur, superiùs & inferiùs assurgit, unde totum corporis pondus soli ferè ossi coccygis inniditur paucissimâ tecto pinguedine: hinc partes superimpositæ huic ossi hæc compressione omni vitali influxu, privatæ citissimè moriuntur. Unicum remedium est, ut situs ægri sæpe mutetur, & nudo corpori mollissimæ alutæ incumbant.

**MOTUS, ATTRITUS, AMPLEXUS, &c.** Quando nempe pars corporis humani duro obstaculo occurrit, necessariò comprimuntur vasa flexilia: nec refert, an pars mota occurrat, duro resistenti corpori, an verb atteratur ad obstaculum; vel denique amplectendo durum corpus partibus mollibus idem fiat. Qui non assueti longum iter pedibus conficiunt, illos inflammatos habent; qui remis scapham

movent



movent insolito labore, manus ob validum amplexum habebunt inflammatas; imò si pergant pertinaciùs, vesiculæ ferè gangrænosæ attolluntur.

§. 113. **C**ONTRACTIO vasi propria aucta; maximè spirialium fibrarum, tum quoque longarum, cavitatem arctat, oriturque, 1. ab omni causa augente vim elasticam, fibræ, canalis visceris (31. 36. 40. 50. 51.); 2. ab tumore vasculorum minorum, quorum contextu majorum latera & cava fiunt, nimis impletorum; 3. ab imminuta causa vasa extendente, sive inanitio, sive inertia fuerit: unde dissecti canales liquida propria coercent brevì.

Causa proxima omnis obstructionis est tantùm una, semper eadem & simplex, nempe excessus magnitudinis materiæ per canalem transmittendæ supra capacitatem ejusdem canalis.

Hæc verò causa proxima omnis obstructionis habebat pro suis causis, arctationem canalis, vel incrementum molis in elementis fluidi transmittendi per canalem, vel utrumque simul. Prima causa, quæ arctabatur canalis, erat compressio externa, cujus causæ ad quatuor classes redactæ, præcedenti paragrapho enumeratæ fuerunt. Sequitur jam illa angustatio canalium, quæ fit à vi contractili vasorum aucta.

Vasis autem nostris talem inesse vim, quæ nituntur proprium angustare cavum; extra omne dubium est: per hanc vim enim arteriæ, dilatatæ à sanguine vi cordis impulsio, cessante cordis actione contrahuntur iterum in pristinam dimensionem. Hanc autem vim contractilem augeri posse, pariter certò constat. Dum ex morbis acutis resurgunt ægri, perditò sæpe in obesitas dimidio pondere corporis, omnia collapsa sunt; manet tamen æquabilis humorum circumductio, quæ fieri non potest, nisi plena sint vasa: minurà ergo in tantùm liquidorum copià, nisi vasa se plùs contraxissent, quàm antea solebant, non potuissent vasa plena manere. Sed etiam manente eadem liquidi copià, videmus sæpe in vasis quibusdam subtilissimè oriri majorem contractilitatem. Dum subitaneo timore homo percellitur, mox tota contrahitur facies, pallent labia, genæ, oculi, &c; sanguis ruber contractis vasis versùs interiora repellitur, & circa cor & pulmones in majoribus alveis collectus stagnat ferè; unde intolerabilis anxietas, cordis palpitatio, syncope & pessima alia, sæpe totà vità manentia, mala. Constat ergo, vasa nostrà vim habere contractilem & illam posse augeri.

Considerandæ jam sunt causæ præcipuæ, quæ propriam vasorum contractilitatem augere possunt.

1. Omne illud, quod augeat elasticitatem, facit ut plùs resistent fibræ, & vasa ex his composita, distendenti liquido, & cessante causà distendente, majori vi arctent cavitatem suam. Hæ autem causæ recensitæ sunt numeris hic citatis: unicum sufficet hic repetere Exemplum. In stabulis bene pastus quiescat equus, augebitur brevì corporis moles, laxata vasa plùs distendentur; ubi verò quotidiano exercetur & satis valido cursu, firmioribus redditus per exercitia solidis partibus, brevì incipit subsidere turgens moles, & auctà sic vasorum contractilitate dissilatur de corpore accumularum liquidum.

2. Constat per Observata Anatomica hodierna certissimè, quòd membranæ, quæ

suâ convoluzione canales majores constituunt, consent mirabili vasorum texturâ. *Ruysschius* (a) demonstravit suis injectionibus, arteriarum coronarum propaggines per aortæ membranas dispergi; uti & per ramos majores arteriosos ex aorta mox oriundos. Invenitur & hic tunica cellulosa; inveniuntur folliculi præparantes & emittentes unctuosum illud linimentum, quo interni arteriarum parietes obducuntur: omnia ergo tumorum genera, §. 112. n°. 1, recensita, & hic ferè locum habere possunt: arteriæ enim in his membranis possunt fieri aneurysmaticæ, vel & inflammatoriè distentæ; venæ possunt fieri varicosæ; loculi possunt mutari in tumores ampullescos; vasa lymphatica in phlyctænas & hydaides. Sed evidenter patet, tumentibus vasis has membranas constitutentibus, debere arstari cava canalium, qui ex his membranis convolutis facti sunt. Observatum fuit, cervos maceratos, post diuturnum & velocissimum cursum, habuisse totam aortam in externa superficie ferè nigram, ob nimis impleta impulso sanguine hæc vasa. Sed non ita faciliè apparet, quare vis contractilis propria vasis augeatur à majore tumore vasculorum membranas vasis majoris constitutentium, cum augmentum contractilitatis tantum videatur pendere à majori elasticitate & fortiori actione fibrarum muscularium. Sed si consideretur, quòd liquidum vi cordis impulsu distendens majorem canalem, eadem hæc actione urgeat latera ejusdem canalis, hinc comprimatur omnia vasa minora per membranas majoris canalis dispersa, patet, quòd cessante hæc causâ distendente, mox iterum repleantur vascula illa, sicque conspirent cum contractilitate propria canalis, ut cavum minuant, & hoc sensu tumor impletorum nimis horum vasculorum juvat contractilitatem propriam majorum canalium, qui ex illorum contextu fiunt.

3. Dum cor expellit vi suâ musculari sanguinem cavis suis contentum, in arterias plenas semper naturaliter, sequitur necessariò illas debere distendi eo usque, ut capere possint omnem sanguinem corde expulsum: hinc cordis systole est causa extendens arterias. Sunt ergo tunc arteriæ in statu violento, & simulac cor cessat impellere, reagent elasticitate & vi suâ musculari, sicque cavitatem suam arstant. Sed potest capacitas arteriarum esse major vel minor, licet arteriæ tamen plenæ sint: minutâ enim liquidi contenti copiâ plûs contrahuntur arteriæ. Binæ ergo causæ sunt, quæ arterias distendunt, nempe cordis vis sanguinem in arterias propellens, & copia sanguinis in arteriis jam contenti: si minuatur cordis vis, inertia totius circulationis adest; si minuatur copia liquidi distendentis, inanitio peccat. Utroque in casu vis distendens vasa minuitur. Sed canalium omnium capacitas pendebat à binis causis contrariis, nempe ab impetu & copia liquidi per vasa moti, & à vi contractili laterum resistente causis distendentibus; simulac ergo causæ distendentes minuuntur, vis contractilis majorem effectum habet, id est, angustantur vasa. Hinc post mortem propriâ contractilitate, per frigus auctâ, cessante cordis vi distendente, arteriæ fiunt angustissimæ, & omnem sanguinem suum ferè exprimunt in venas faciliùs dilatabiles. Vix credi posset, quantum contrahi possint vasa corporis, dum causæ distendentes cessant, vel minuuntur multum. Cum cholerae furibundo impetu sursum & deorsum evacuantur humores tantâ copiâ, mox sic contrahuntur vasa, ut pulsus vix possit sentiri; venæ antea conspicuæ evanescent penitus, facies contracta penitus sic mutetur, ut vel ab amicis possit paucas.

(a) *Epist. Anatom. Problem. III, Tab. 3, fig. 1. 2. 3.*

horas vix agnoscantur tales ægri. Uterus in gravidis adeo distensus, excusso foetu & secundinis, quàm citò contrahitur; quàm arctum habet post paucas septimanas cavum! Plura talia possent adduci, hæc pro Exemplo sufficiant.

UNDE DISSECTI CANALES LIQUIDA PROPRIA COERCENT BREVI. Ratio factis evidens est: dum sanguis cordis vi pellitur in arterias, quò major est resistentia circa fines arteriarum, eò plùs dilatat arterias; sed ubi arteria discissa est, resistentia nulla ferè est, & liberè effluit per apertum vulnus sanguis; hinc non distenditur arteria, sed proprià contractilitate sensim plùs contrahitur, donec tandem exitum liquidi cilluxuri impediat omnino. Hinc dimidiatò discissa vasa pertinacissimam sæpe hæmorrhagiam faciunt, quæ curatur felicissimè si integrè discindantur, ut in vulnere Historia postea dicitur.

§. 114. **A**UGETUR crassities in ipsa membrana vasis, 1. ab omni tumore (112. n°. 1.) orto in iis vasis, quæ unita & contexta membranam efficiunt; 2. ab callis ibidem factis, cartilagineis, membranosis, osseis (§1).

1. De hoc dictum fuit §. 112. n°. 1, & §. 113. n°. 2.

2. Demonstratum fuit §. 39, quomodo per ipsius vitæ actuositatem minima vasa plurima, liquido expulso, contiguis factis lateribus, concrecant; & inprimis ab hac causa debitum robur in solidis partibus nasci. In tenella ætate omnia vasa debilissima cedebant facillè distendenti fluido, elongabantur pariter: hinc eò majus incrementum, quò origini suæ propior homo est. In adulto homine major requirebatur firmitas corporis, & à concretis plurimis vasis minoribus, majus robur accedebat firmis partibus, & vera nascebatur in multis partibus callositas; eò semper major, quò vita actuosior & diuturnior fuerat: hinc in decrepita senectute, vel per nimios labores, tandem nimia nascebatur rigiditas. Ut autem maneat functionum integritas, requiritur debita flexilitas in vasis, ut cedere possint impulsis liquidis; per callositatem nimiam flexilitas vasorum minuitur, & membranae, per callum factum redduntur crassiores, arctant cavum vasis quod constituunt. Observata Medica jam docuerunt in maximè longævis, in cartilagineam, imò & osseam duritiem transire majores arterias. In Actis Anglicanis habetur, quòd in cadavere senis centum & triginta annorum invenerint aortam & iliacas arterias pro maxima parte cartilagineas (a). In longævo, & validissimis cursibus exercitato animali, cervo, arterias in basi cordis toties osseas invenerunt, quæ tunc in Officinis *Os de corde Cervi* vocantur. Verùm tale os in media carne musculosa cordis humani inventum, quòd quatuor pollices cum dimidio longitudine æquabat, latitudine verbò pollicem, cum tamen vasa majora cordis minimè ossea forent, tantùm subcartilaginea: nec poterat ultimæ senectutis vitio adscribi hoc malum, cum observatum fuerit in cadavere viri 72 annos nati (b).

(a) Vide & Acta LipsienL anni 1709. pag. 119. | (b) Académ. des Sciences, Hist. pag. 34. l'an 1716.

§. 115. **P**ARTIUM fluentium moles augetur, ut immeabilis fiat, vel 1. mutatione figuræ sphaericæ in aliam majori superficie incurrentem in aperturam vasculi; vel 2. adunatis pluribus prius sejunctis in unam massulam.

Pertractatis causis illis obstructionis, quæ arctando vasorum cavitates viam præcludunt liquido transfusuro, sequitur ut considerentur illæ mutationes fluidorum, per quas evadunt inepta, ut fluant per illas vasorum angustias, per quas in sanitate naturaliter fluere debebant.

1. In sanguine hominis sani, projecto ex cordis cavis in arterias, hærent tot diversæ magnitudinis partes, quor sunt in corpore distinctæ vasorum series: per singulas enim vasorum decrescens amplitudinis series proportionales fluunt moleculæ fluidi. Hoc quàm maximè necessarium erat, ut omnia vasa manerent impleta: nisi enim in sanguine rubro forent tam magnæ particule, quæ tantum possent transire per ultimas angustias arteriæ sanguinem rubrum continentis, excluderentur verò ab omni vase, cujus diameter minor erat ultimo sine arteriæ rubræ; omnis sanguis dilaberetur ex vasis maximis: idem jam in reliquis vasis decrescens magnitudinis obtinet. Microscopia jam docuerunt, partes minimas visibiles liquidorum circumantium sphaericas esse, & singulas ferè tantum per ultimas vasorum angustias transire, & sæpe adhuc cum quadam difficultate: sed ubi molecula liquidi sphaericæ figuræ, maximo suo circulo applicatæ cavo vasis, potest transire, tunc patet evidenter, quòd in quacumque alia positura æquali facilitate permeare poterit. Hæc autem proprietas soli figuræ sphaericæ peculiaris est: si enim cylindricam v. gr; figuram haberet talis molecula; tunc, si basi suâ applicaretur vasis aperturæ, transiret, si alio situ incurreret, penetrare non posset; hoc solidissimè demonstravit *Piscarne* in suis Opusculis (a). Ubi ergo à quacumque causa molecularum fluida nostra constituentium figura sphaerica mutatur, tunc possibilitas æquabilis transmissionis per vasa tollitur: cum enim per cordis & arteriarum motum reciprocum cuilibet sanguinis particule omni momento concilietur alius motus, & alia positura; requirebatur ad æquabilem motum per vasa talis molecularum sanguinis figura, ut in quocumque situ transire possent per ultimas vasorum angustias; sed hoc in sola figura sphaerica obtinet.

2. Per ultimas angustias arteriæ rubræ solitarius rubri sanguinis globus transire potest; si jam vicini sanguinis globuli à quacumque demum causa concreverint plures in unam massulam, orificium canalıs, quod singulos transmittere poterat, adunatis obstruetur: maximam autem proclivitatem esse in sanguinis partibus, ut concreverint, patet inde, quòd extra vasa corporis, vel & in vasis modò quiescat, sanguis citissimè coaguletur.

Sed præterea videtur aliud vitium obtinere posse, quo impedirentur fluidorum moleculæ transire per ultimas vasorum angustias, si nempe manente eadem massâ corporeâ expanderentur in majus volumen. Constat Experimentis Physicis calore augeri, frigore minui corporum volumina: si jam vel à calore, vel aliâ quacumque causâ, moleculæ fluidorum expanderentur in majorem superficiem, manente

(a) Dissert. de Circulat. Sang. per vasa minima, pag. 25. 26.

eâdem massâ corporeâ, tunc non possent penetrare ultimas suorum vasorum angustias: sed vix videtur molecula fluidi sic expansa resistere posse condensationi, quæ per actionem vasorum, comprimentium has moleculas, imprimis circa ultimas vasorum angustias fit; ibi enim singulæ ferè vasorum lateribus contiguæ premuntur fortiter & condensantur: chylus enim, sanguine rarior, actione vasorum in sanguinem densiorem mutatur. Ob hanc rationem celeberrimus horum Aphorismorum Auctor rarefactionem molecularum inter causas obstructionum non recensuit.

Fuit præterea quorundam opinio, ac si crassiora ingesta sanguini mista, obstructionem facere possent. Sed videtur obflare absorbentium vasorum in tora corporis externa & interna superficie tenuitas; & quod omne peregrinum sanguinem ingrediens statim cogatur transire per pulmonalium vasorum angustias.

§. 116. **M**UTATUR figura imprimis, desinente æquabili, & undique simul, atque æqualiter, premente pressione moleculæ, proprio elateri jam commixtæ, hoc est, languente motu, vel laxato vase, vel minutâ copiâ liquidi.

Dum sanguis ex cordis cavis in arterias plenas projicitur, magna fit compressio omnium partium sanguinis in arteriis contenti; cessante cordis actione, arteriæ contractæ iterum validâ vi premunt contentum fluidum: hinc omnes moleculæ sanguinis, actione cordis & arteriarum compressæ, condensantur. Ob hanc causam eò densior sanguis fit, quò validiores fuerint cordis & arteriarum vires: ideoque in robustis & exercitatis hominibus densus, solidus sanguis; in debilibus longè tenuior, nec adeo concreescens, invenitur. Dum paucis post partum horis homini sano sanguis mittitur, sæpe magna copia chyli reperitur supernatans sanguini; ergo levior sanguine chylus est: sed postquam idem ille chylus per octodecim horas, imò & minori tempore, cum sanguine fluxit, actione vasorum in serum & sanguinem mutatus, longè majorem acquisivit soliditatem: actio ergo vasorum condensat liquidorum particulas. Sed quando per microscopium lustrantur pellucidæ vivorum animalium partes, apparet globulosa fluidorum elementa per ultimas vasorum angustias quadam cum difficultate aliquando transpirari, & in oblongam, cylindricam figuram mutari; superatis verbò his angustias, propriâ elasticitate pristinam recuperare figuram: unde apparet, illas moleculas fluidorum elasticas esse; hinc, ubi à compressione vasorum liberantur, expandi in majorem molem. Sed quænam sunt illæ causæ, quæ sanguinis elementa, quantum oculis etiam armatis patet, sphærica efficiunt? Si consideretur, validâ cordis vi sanguinem pelliculi in vas conicum; reciprocè ampliatur & arctatur, incurvatum statim ubi ex corde egreditur; apparet facili, nullam sanguinis particulam eandem motûs directionem servare per bina momenta successiva; hinc omnes partes continuò ad se mutuo atteri: quidquid ergo angulosi emineret in tali elemento sanguinis, totam vertiginem vicinorum sustinebit, & abradetur, vel complanabitur. Accedit præterea, quòd ultimæ arteriarum angustiae circulares sectionem habeant; hinc & hanc figuram possent conciliare necumque flexilibus partibus. Sic cera mollis, vel argilla, inter manus rotando, sphericam figuram acquirit. Si ergo causæ illæ, quæ æquabili pres-

sione figuram illam sphericam fecerant, & factam conservabant, cessant agere; elasticae molecule resiliunt, & ab figura recedunt.

Sed hoc inprimis fit à sequentibus, nempe *languente motu cordis & arteriarum*; quacumque demum de causa hoc fiat. Ex modo dictis ratio patet, & Observata certa facti veritatem demonstrant. Pallido morbo laborantes virgines languidissimam habent circulationem; hinc omnia torpent: & cum functionum integritas ab expedito transitu fluidorum per vasa pendeat, hinc omnes actiones vitales, animales, naturales vel abolitæ sunt, vel lætæ; sanguis, à debita soliditate recedens, aquosus, tenuis fit, vel & iners lentusque, glutinosâ tenacitate immixibilis. Dum verò per ferum & exercitia corporis vasorum in fluida actio augetur, redit color ruber, & debita sanguinis densitas. In similibus verò morbis longè pertinaciores fierent obstructions, nisi laxa simul vasa facillè cederent.

**LAXATO VASE.** Omnis enim actio vasorum in fluida consistit tantum in illo nixu, quo vasa ab impulso vi cordis liquido distenta conantur se contrahere in minus spatium; uti jam sæpius dictum & demonstratum fuit in precedentibus: sed laxitate minuitur vasorum robur; ergo & minuuntur omnes effectus, qui à vasorum debito robore pendent.

**VEL MINUTA COPIA LIQUIDI.** Patebit hoc evidenter, si considerentur sequentia: cor suâ vi pellit sanguinem in arterias; resiliunt sanguini à corde expulso arteriarum plenitudo, elasticitas, & convergentes fines arteriarum; hinc sanguis per vim à corde datam fuit per arterias tali celeritate, cujus expensio est excessus virium cordis supra aggregatum resistentiarum. Sed jam omnium resistentiarum aggregatum potest considerari tanquam potentia pellens à vertice arteriæ conice basim versùs: vis autem cordis agit contrariâ directione à basi versùs verticem; hinc omnes partes sanguinis sunt quasi inter duo plana parallela prementia, unde summa, & simul æquabilissima compressio. Si jam vasorum minuatur plenitudo, quæ inter causas resistentes cordi numeratur, minuitur necessariò compressio partium sanguinis, à qua pendeat major soliditas harum. Accedit quoddam minutâ liquidâ copiam, minus distendantur vasa; hinc minus reagant in fluida contenta. Probatur etiam fuit §. 25. n°. 1, & §. 43. n°. 3, à minutâ copiam liquidâ debilitati solidarum partium compagem.

§. 217. **ADUNANTUR** molecule, quiete, frigore, gelu, exsiccatione, calore, motu circulari violento, & vase forti comprimente, coagulo acido, austero, spirituofo, absorbente, viscositate, oleositate.

Binæ recenscebantur causæ §. 115, quibus liquidorum molecule sic augerentur; ut fierent immixtibiles; nempe mutata figura, de qua actum fuit paragrapho præcedenti; & ubi plures particule, antea separatæ, nunc adunatæ coherent inter se: causæ illæ jam enumerantur in hac paragrapho per quas hæc adunatio fit.

**QUIETE.** Causa fluiditatis in ipso sanguine non hæret: sani enim & robustissimi hominis de naso stillans sanguis, purissimo vase exceptus, mox concrevit in placentam solidam: requiritur ergo alia causa, quæ sanguinem tam facillè concrefcentem fluidum servet; sed hæc causa, est motus sanguinis continuus per vasa;

simulac ille cessat, statim sunt sanguinis coagula. Hinc syncopem frequentius passis, toties insanabilis palpitatio cordis, à sanguine in majoribus alveis circa cor & in ipsis cordis cavis stagnante, & concreto in polyposæ massas, non resolvendas postea. Ideo post mortem etiam in sanissimis ante mortem animalibus concretæ tales massæ circa cor & in majoribus vasis apparent. Quò fortior jam & robustior homo est, eò majus periculum concretionis est, si à quacumque causa sanguis in vasis quiescat: idèque debilibus puellis non adeo periculosa sunt animi deliquia à minimis sæpe causis tam frequenter orta, quia iilarum sanguis nimis dissolutus vix, vel saltem tardissimè, concrefcit, quamvis immotus hæreat.

**FRIGORE, GELU.** Dum àpertâ venâ effluit sanguis, & purissimo vase excipitur, post tria vel quatuor minuta coit totus in massam solidam, undique accretam plerumque lateribus vasis, quo continetur: si verò glaciali sub frigore idem tentetur Experimentum, citiùs longè concrefcit, & congelatur, tuncque serum inde non exprimitur. Non adeo faciliè autem determinari potest, quo frigoris gradu sanguis congeletur, cùm tam citò ex sua natura concrefcit, etiam in aere calido; sed serum sanguinis circiter 28 gradu thermometri *Fahrenheitiiani* concrefcit in glaciem; hinc majus requirit frigus quàm aqua, fortè quia serum sanguinis salibus dives est. Sufficit ad hunc locum, quòd frigus auctum sanguinem citiùs concrefcere faciat; idèoque in syncopem delapsi si tam diu hæserint, ut corpus penitus perfrigeret, tunc & à quiete & à frigore simul conspirantibus irrefolubiles nascuntur, circa vasa majora & cor, polypi.

**EXSICCATIONE.** Quando à quacumque causa subtilissima liquidorum pars diffiatur, reliqua crassiora concrefcunt faciliùs. Nisi docerent Experimenta, quis crederet, subtilissimum rorem arteriarum, ultimis finibus exhalantem in cavis narium, & pulmone, dissipatâ parte liquidissimâ, in tenacem adeo posse abire mucum, imò in coriaceas lemas mutari posse? Mucus enim naturaliter obliniens has partes non secernitur talis, sed ex limpidissimo humore stagnando nascitur. Dum concludi phthisici nocturnis dissuunt sudoribus, sanguis, diluente vehiculo orbus, circa cutanea minima vascula incipit hæere, & pustulas inflammatorias facit. Ideo sudorem, in morborum acutorum principio ortum, damnavit *Hippocrates in Prorrhethico*, & *Coacis Prænotionibus*. Quia post mortem contractæ elasticitate & frigore arteriæ expellunt liquidissima in venas, ideo sanguis plerumque in arteriis concretus apparer, non adeo in venis.

**CALORE.** Serum sanguinis fluidissimum ab aqua ebulliente coagulatur in scissilem massam: & in morbis, dum calor insurgit multum ultra gradum caloris hominis sani, statim incipit disponi sanguis ad concretionem: hinc respiratio tunc incipit esse difficilis & anhelosa, & cerebri actiones læduntur, quia per subtilissima illa vasa, sanguis jam serè concrefcens, transire nequit: accedit simul, quòd per calorem auctum subtilissima dissidentur de corpore.

**MOTU CIRCULARI VIOLENTO, ET VASE FORTI COMPRIMENTE.** Quò debilior est circulatio, eò dilutior & tenuior sanguis est; ut patet in debilibus puellis: quò validior motus humorum per vasa, eò spissior & magis concrefcens sanguis; patet in duro labore exercitatis hominibus. Dum in variolis primo die morbi sanguis mittitur, apparet satis bonus; si tertio vel quarto die educatur sanguis, jam inflammatoriam illam crustam habet, quia per febrim acutam dissipatis liquidissimis, plus compactis crassioribus partibus, incipit nasci major co-

hæſio inter moleculas ſanguinis: quamdiu enim plurimùm tenuioris liquidi inter moleculas craſſiores interponitur, preſſio vaſorum non mutabit illarum figuram; ſed ſi diſtillato tenuiori liquido, moleculæ ſanguinis craſſiores, ſibi contiguæ tactæ, validâ actione vaſorum comprimuntur, mutabitur figura ſphærica, & pluribus punctis ſe mutuo contingent, & concreſcent. Dum autem robuſta & firma vaſa magnâ vi preſunt contenta fluida, ſubtiliſſima exprimuntur, craſſiores partes relictæ compreſſione hæc adunantur.

**COAGULO ACIDO.** Non omnia acida ſanguinem coagulant: vina enim acidula, acetum, ſucci acidorum maturorum fructuum, lac ebulliatum, &c, potiùs diſſolvunt: ſed acida ſoſſilia, ex ſale marino, nitro, &c, parata, ſanguini inducunt coagulum. Dum vivi animalis venis hæc acida injiciuntur, mox ſanguis in craſſos thrombos concreſcit, qui per venas, ſenſim ampliores ſactas, ad dextrum cor delati, mox in pulmonem pulſi, anxietatem ſummam excitant, & paulò poſt mortem. Interim tamen bibulorum vaſorum oſcula non facilè hæc acida acerrima admittunt; mox contracta etiam à longè levioribus ſtimulis. Dum atra bilis, aliquando tam acida, ut inſtar aquæ ſtygiæ pavimentum rodât, eroſis vaſis ſanguini miſcetur, ſubtiliſſima ſæpe mors à coagulato ſanguine oritur.

**AUSTERO.** Talia ſunt inprimis alumen, & vitriolorum ſpecies variz, quæ fortiſſima coagula producunt.

**SPIRITUOSO.** Notum eſt in Chirurgicis, alcohol applicatum vaſis diſciſſis validiſſimas hæmorrhagias ſiſtere, coagulo ſanguini inducto. Ipſum ſerum ſanguinis ab alcohole affuſo induratur illico. Hinc apparet, quantis ſe exponant malis, qui ſpiritibus illis fermentatis adeo abutuntur. Aliâ occaſione (§. 28. n°. 4.) receſſebatur mirum exemplum, quòd nempe in ebrioſa muliere omnia ſerè viſcera invenirentur ſcirrhoſa, & indurata.

**ABSORBENTE.** Sunt quæ corpora bibula, quæ omnem humorem proximum vi quâdam trahunt in ſe; ſic gypſum, calx viva, oſſa animalium diu exuſta; terræ argillacæ valido igne excoctæ, omne liquidum, quod attingere poſſunt, imbibunt. Talia ſi miſcerentur noſtris humoribus tenuiſſima, abſorbendo facerent reliqua concreſcere. Rariùs autem hæc integris viribus ſanguini miſcentur: priùs enim occurrunt liquidis, quibus ſaturantur: ſed tamen in primis viis peſſima inde mala fieri poſſe, imò mortem ipſam, teſtantur Hiſtoriz. *Plinius* (a) narrat, *C. Proculium* in maximo ſtomachi dolore, gypſo poto, ſibi mortem conſciviſſe. Strangulando ſuffocare gypſum potum, monet *Diſcorides* (b).

**VISCOSITATE.** Quomodo inde naſci poſſint obſtructiones, explicatum fuit in *Capitulo de morbis à glutinoſo ſpontaneo*, & inprimis ibidem §. 72.

**OLEOSITATE.** Quando in obefis per validiſſimos motus, calorem aeris intenſum, vel febres acutas, ſoluta pinguedo ſanguini affunditur, ſæpe ſubita mors fit; quia illud oleoſum minima vaſcula ſuo lentore obſtruit, & impedit, quominus alia liquida per minima vaſcula tranſeant: unde ſæpe ſubito lethalis peripneumonia naſcitur, obſtructis ſic pulmonalis arteriæ anguſtiis.

(a) Lib. XXXVI. Cap. XXIV.

(b) Lib. V. Cap. 134.



§. 118. **E**RRORE loci partes fluidi fiunt non meabiles, si in os dilatatum ad basin canalis conici ruit corpusculum finem longè angustiozem tranare non potens. Plethora, motus auctus, rarefactio liquidi, laxatio vasis, dilatationem hanc præ cæteris creant; maximè si his prægressis, statim contraria horum sequuntur.

Hactenus enarratæ sunt obstructionis causæ, quæ vel vasis cavum arctent, vel liquidis per vasa fluentibus concilient immeabilitatem, per mutatam figuram molecularum fluidi, vel adunationem earumdem. Sequitur jam alia obstructionis causa, ubi vasis debitam amplitudinem retinentibus, saltem non artioribus redditis, fluidisque manentibus iisdem in omnibus suis dotibus, tamen obstructio nascitur: dum nempe crassiores fluidorum molecule dilatata oscula minorum vasorum ingrediuntur, per quorum ultimos fines transire nequeunt; atque hærent tunc immeabiles fluidorum particule in vasis alienis: hinc tantùm peccant loci mutatione, unde hæc causa obstructionis vocatur *Error loci*.

De hac obstructionum causa non adeò frequens mentio fit apud Auctores, quamvis in morbis acutis frequentissima mortis causa sit. Apud Veteres, circulationis sanguinis ignaros, obscurè satis in quibusdam locis adumbratur hoc vitium. Dum phlegmones naturam, describit Galenus (a), dicit: *Quum sanguis calidus copiosior in aliquam animalis partem procubuit, majora ejus vasa protinus distenduntur, quæ plenitudinem non ferunt; ab his deinceps, quæ minora sunt. Mox, ubi nec in iis satis continetur, exudat foras in ea ampla spatia, quæ inter vasa sunt, sic ut etiam omnia, quæ in composita carne habentur, loca occupet.* Unde concludi potest, quòd in phlegmone sanguis aliena loca ingrediatur.

Ut autem evidenter pateat, quomodo per errorem loci nascatur obstructio, sequentia merentur expendi.

Pars maxima in sanguine est globus ruber, qui naturaliter tantùm in vasis maximis hæret; ultimæ jam angustię arteriarum, rubrum sanguinem vehentium, unicum tantùm globum rubrum talem transmittunt, & sæpe adhuc cum quadam molestia, ut patuit, dum in vivorum animalium pellucidis partibus per microscopia observabatur circulatio; omnia tenuiora ex arteriis rubrum sanguinem vehentibus, per lateralia vasa minora, ex his arteriis orta, elabuntur; solum crassissimum rubrum per ultimas angustias arterię rubræ transiens venam rubram ingreditur: proximum magnitudine vas post arteriam rubram omnia liquida recipit; excludit tantùm sanguinem rubrum, & in hoc vase retinebitur etiam crassissima pars liquidi; per illud transeuntis, nempe globus serosus: reliqua tenuiora per minora vasa, ex arteria serosa orta transibunt. Sicque ex analogia credere licet similem legem in reliquis decrefcentium vasorum seriebus obrinere. Per singula ergo diversę magnitudinis vasa fluunt quædam particule tam magnæ, ut minora vasa ingredi non possint; & hæ particule constituunt naturale & proprium singulis vasorum seriebus liquidum. Sic maximum vas transmittere potest omnes humores; minora autem

(a) Method. Med. Lib. X. Cap. vi. Charter. Tom. X. pag. 33.

vasa tantum transmittunt omnia fluida tenuiora una cum suo liquido naturali, unde nomen habent: arteriæ enim rubræ omnes humores recipere & transmittere possunt, arteriæ serosæ rubram partem sanguinis excludunt, transmittunt autem globos serosos & omnia his tenuiora fluida. Arteriæ jam rubræ ultimus finis, ubi in venam rubram transit, debet habere majorem amplitudinem, quam arteria serosa ex arteria rubra orta; aliter enim sanguis ruber non maneret in suis vasis, sed arterias serosas ingrederetur: unde minima arteria rubra vasorum maximorum minimum est, sed vasorum minimorum maximum.

Si jam à quacumque causa augeatur diameter vasculi lateralis ex majori vase orti, v. gr; si major fiat apertura arteriæ serosæ ex arteria rubra orta poterit globus ruber dilatatum principium arteriæ serosæ ingredi; sed in canali conico, aucta semper angustia, brevi hærebit, & nullo modo per ultimos fines arteriæ serosæ transire poterit: nata ergo erit obstructio, cum moles particulæ transfluxuræ capacitatem vasis transmittentis excedat. Hoc vitium jam obtinere potest in omnibus locis, in quibus vasa minora ex majoribus derivantur; & potest fieri à totuplici materia, quoduplex est numerus decrefcentium magnitudine particularum in sanguine, excepto subtilissimo totius corporis fluido, quod per omnium minima vasa fluit: illud enim nunquam poterit errore loci ullum vas obstruere.

Causæ autem, quæ vasorum capacitatem augent, imprimis sunt sequentes.

**PLETHORA.** Dum nimia copia boni sanguinis in corpore adest, omnia vasa rubrum sanguinem gerentia turgent: hinc illa, mole aucta, comprimunt adjacentia tenuiora vasa: sed dum arteria rubra nimio sanguine impleta distenditur, distrahuntur latera hujus vasis; hinc oscula minorum vasorum, ex lateribus arteriæ rubræ ortorum, ab eadem causa fient ampliora, & admittent crassiores partes, quam naturaliter capere deberent. Ideo videmus, adnatam tunicam oculorum, quæ naturaliter sanguinea vasa rubra non habet, adeo sæpe rubere in plethoricis.

**MOTUS AUCTUS.** Quomodo per motum auctum fiat major amplitudo ad vasorum initia, & liquida crassior impellantur in vasa tenuiora, explicatum fuit §. 100.

**RAREFACTIO LIQUIDI.** Si per calorem auctum, vel aliam quancumque causam possibilem, augeatur liquidi vasis contenti volumen, manente eadem massa corporea, debebit vas continens dilatari: ergo vas dilatatum poterit admittere crassiores partes, quam quæ naturaliter per hoc vas fluebant. Dum foco quis affidet, partes externæ per calorem tumebunt, rubebunt magis, quam naturaliter solebant.

**LAXATIO VASIS, &c.** Amplitudo vasorum pendet à binis sibi invicem oppositis causis. Liquidum vi cordis impulsu nititur dilatare canales, qui suarum fibrarum robore resiliunt impulsu liquido: si binæ hæ vires forent æquales, canales manerent in eadem amplitudine; si verò prævaleat impetus impulsu liquidi, dilatabitur canalis, & quidem eo plus, quod major est excessus virium impulsu liquidi supra resistentiam laterum canalium. Si ergo, laxato vase, minuatur resistentia laterum, impulsu liquidum magis dilatabit canales; & molecule fluidi poterunt ingredi canales dilatatos, quæ antea excludebantur. Dum pars corporis diu exponitur vaporis aquæ repidæ, tumebit, & rubebit, sanguine rubro nunc ingresso vasa minora dilatata. Ab hac causa toties adnata oculorum tunica, facillimè dilatatis vasis constans, rubet; cum naturaliter ejus vasa sanguinem rubrum non habeant. Hinc austruina, calida tempestate & humidâ sine ventis, inter morbos populares re-

cenſet & ophthalmias Hippocrates (a), ab hac cauſa, ut videtur, inprimis ortas : nihil enim magis laxa reddit corpora, quàm talis aeris conſtitutio.

**MAXIME** SI HIS PRÆGRESSIS STATIM CONTRARIA HORUM SEQUANTUR. Dum valido corporis motu quis caleſcit, aucto ſanguinis impetu & velocitate, dilatata vaſa acceperunt alienos humores; hinc totum corpus in cute externa adeo rubet poſt validum curſum. Si tunc in calido aere, bene teſto corpore, quieſcant, minutâ celeritate ſanguinis per vaſa moti, incipiunt proprio robore vaſa omnia ſe plùs contrahere, & repellere craſſiora impulſa in vaſa latiora; redeuntque ſenſim omnia in priſtinum ſtatum. Si verb æſtuanti ſic corpori frigida adſpiret aura, gelidùſve affatim bibatur potus, quanta mala! Subito enim frigore conſtricta vaſa, craſſiora fluida, quæ ingreſſa fuerant, retinent, nec poſſunt hæc retenta per anguſtiſſimos fines tranſire; unde ſæviſſimæ inflammationes, & morbi ſæpe ſubitiſſimè lethales ſiunt. Quoties hoc occurrit in Praxi, quodd, æſtivis caloribus & labore valido natam ſitim, dum gelido potu avidiſſimè hauſto explemt ruſtici, ſæpe ſubitò moriantur; vel ſic mutatum habeant in omnibus functionibus corpus, ut nihil ferè de priſtina ſanitate ſuperſit! Dum pulvere ac ſudore perſuſus, in calidiſſima regione, ſervidiſſimo diei tempore Alexander Cydnum amnem ingreditur, ut corpus ablueret; vix ingreſſi ſubito horrore artus rigere cøperunt, pallor deinde ſuſcuſus eſt, & totum propemodum corpus vitalis calor reliquit. Exſpiranti ſimilem miniſtri manu excipiunt, nec ſatis compotem mentis in tabernaculum deferunt (b). Tam ſubitò in valido, juvenili, & bellicis laboribus durato corpore proſternebantur omnes vires! Sanſſimum antea graviſſimus mox opprimebat morbus; à quo Philippi Medici fide & peritiâ vix evaſit.

§. 119. **U**NDE cauſæ, & natura obſtructionis cujuſcumque patient.

Natura obſtructionis tantùm conſiſtit in impedito tranſfluxu fluidi per vaſ; & omnes cauſæ fuerunt recensitæ, quæ agebant arctando vaſa, vel inſpiſſando liquida, vel & utrumque ſimul efficebant.

Sed adhuc dubium videtur; an quidem obſtructio naſci poſſit in omnibus vaſis: certum eſt in vaſis conicis, per quæ liquida feruntur directione motûs tendente à baſi verſus apicem, poſſe fieri obſtructionem: fluidi enim particulæ omni momento occurrunt anguſtiori ſectioni conî; hinc quæ circa baſim libere penetrabant, poterunt in ultimis anguſtiis convergentis canalîs facilè hære; tuncque liquidum à tergo urgens immeabilem moleculam, anguſtiorẽ ſemper locum verſus, premit, ſicque obſtructionem auct. In canalibus cylindricis, ſive, ut Pitcarnius dicit, quorum latera parallela ſunt linæ motûs, poterit fortè naſci obſtructio, ſed non ita facilè; omnes enim fluidorum particulæ, quæ ſemel potuerunt ingredi talem canalẽ, poterunt & tranſire, cùm ubique ſit æqualis amplitudo. Poſſent tamen moleculæ fluidorum factæ fuiſſe rarefactione v. gr; majores, & hinc difficiliùs tranſire; ſed à tergo urgens liquidum videtur hanc reſiſtentiam facilè ſuperare debere. Verum eſt, quodd concipi poſſet, moleculam aptam tranſire per canalẽ cylindricum, aucto volumine, vel adunatam aliis, diſtendere partem vaſis cylindrici flexilis ubi

(a) Epidem. 3. Charter. Tom. IX. pag. 161. (b) Q. Curtii, Lib. II. Cap. v.

hæret, & sic obstruere; sed tunc non ampliùs manet cylindricus ille canalis: non haberet enim tunc æqualem ubique amplitudinem, & obstruens illud ibi hærens peñleretur directione motùs ex majori amplitudine in minus spatium; & tunc idem obtrineret, quod in arteriis fieri modò dictum est.

In venis autem, in quibus directio motùs à vertice conici canalis versùs basim tendit, obstructio locum non videtur habere posse, nisi ab externa compressione vasis; quidquid enim angustum verticis orificium transivit, facillè reliquas sectiones canalis, semper ampliores, pervadere poterit, & adunatæ licèt supponantur fluidi moleculæ, cum non suslineantur lateribus divergentibus venarum, facillimè abripiuntur impetu subsequentiis liquidi, uti demonstravit in suis dissertationibus *Pitcairius* (a).

Sed & Experimenta in vivis animalibus facta hanc rem demonstrant. Dum venæ crurali canis immisi alcohol, sanguis statim in thrombos coagulatus deferebatur tamen per totam longitudinem venæ ad cor dextrum; ex hoc verò in pulmones pulsus thrombi hærebant statim; summa nascebatur anxietas; conabatur summo respirationis molimine animal superare has angustias; moriebatur brevi. Dum à tam valido coagulante non oriebatur obstructio in venis, à levioribus causis multò minùs hoc fiet.

Hinc in canalibus, per quos vitæ tempore perpetuo motu feruntur liquida, non videtur nasci posse obstructio, nisi directio motùs sit à latiori amplitudine versùs majores angustias.

Nec obliat, quòd ductus hepaticus & communis, ad venæ naturam accedens; obstruatur sæpius, licèt ex angustis fistulis in latiore ductum hepatis fabricâ secretus liquor deferatur: nam ductus communis intestini duodeni exteriorem tunicam penetrans, inter hanc & alteram descendit; mox perforatâ & hæc; inter secundam & tertiam longo satis itinere progreditur, tuncque tandem in cavum intestini patulo osculo hiat. Hinc plurimæ possunt esse causæ, quæ ultimum illud osculum arctant, vel & penitus occludunt; sicque liberum bilis iter impediunt, quæ tunc stagnans concrefcere poterit; uti *Observata Anatomica* docuerunt.

In majoribus autem alveis & sinubus, in quibus sanguis venosus colligitur, & hæreere potest, nasci posse concrectiones polyposas, & inde obstructiones, certò constat.

§. 120. **Q**UÆ nata in corpore vivo impedit transitum fluxuræ materiæ; reliqua impingentia sistit; horum actionem excipit; subtiliora exprimit; adunat crassiora; vas extendit, dilatat, attenuat, solvit; fluidum stagnans condensat; functionem integro fluore oriundam tollit; vasa inde irriganda deplet; siccat; capacitatem vasorum transmittendis liquidis minuit; copiam liquidi; velocitatẽque per libera vasa auget; adeoque omnia, quæ inde pendere possunt, mala producit.

Explicatis jam causis & naturâ obstructionis, expendi debent illa omnia, quæ ex obstructione ut causâ sequuntur.

(a) Dissertat. de Circulat. Sanguinis in Animalibus genitis & non genitis, pag. 107. 108. 109.

**QUÆ NATA IN CORPore VIVO IMPEDIT TRANSITUM FLUXURÆ MATERIÆ.** In cadavere enim, ubi nullus motus liquorum per vasa superest, non nocebit obstructio: & ex ipsa definitione obstructionis §. 107; hoc evidenter patet; tunc enim dicebatur adeste obstructio, quando transitus liquidi per canalem tollabatur, à quacunque demum causa fieret.

**RELIQUA IMPINGENTIA SISTIT; HORUM ACTIONEM EXCIPIT.** Dum vivimus, jugi motu fluida per vasa feruntur, & quidem satis magno impetu; nam, uti aliâ occasione dictum fuit, digito pedis abscisso per apertas arterias ad binorum pedum & ultra distantiam expellebatur sanguis: dum ergo canalis obstructus est, liquidum vi cordis & arteriarum urgetur in locum obstructum illâ quantitate motûs, quâ potuisset ad extrema corporis usque tantâ adhuc cum celeritate pervenire; & singulis contractionibus cordis & arteriarum renovatur hæc vis agens in locum obstructum: cumque illud immeabile obstruens hæreat in canali conico, per quem liquidum à basi versûs verticem pellitur, omni momento protruditur versûs angustiorum locum: hinc omne liquidum impingens sistitur ad locum canalis obstructum, & materia obstruens immobilis hærens omnem impetum liquidi à tergo urgentis fulsilere debet.

**SUBTILIORA EXPRIMIT, ADUNAT CRASSIORA.** Obstructio rarè locum habet, (nisi à compressu externo, vel errore loci facta fuerit), præterquam in ultimis vasorum angustis: hinc si v. gr; sanguinis rubri globuli circa ultimos fines arteriæ rubræ immeabiles hæreant, quid fiet? Sanguis habet in se plurima minoribus moleculis constantia fluida, & omnis canalis major habet ramos laterales minores, per quos fluidissima transire possunt, crassiores verbò partes minimè; hinc dum vis cordis & arteriarum sanguinem pellunt in locum obstructum, necessariò fluidissima, inter duo quasi præla opposita pressa, transibunt in canales laterales minores, sola crassiora manebunt, apprimuntur contra locum obstructum, augebunt materiam obstruentem. Sed sanguis sanus ex sua natura in concretionem tendit, orbatus verbò tenuissimâ parte, longè magis concresecet; & hinc augebitur malum. Dum in vera phrenitide sanguis, per arterias vertebrales & carotides allatus, immeabilis hæret ad fines vasorum, cor pergit per arterias omni momento bonum fortè adhuc sanguinem adferre; sed per canales laterales liquidissima exprimuntur, crassiora accumulantiur, donec infarctis ferè omnibus corticis cerebri vasis immedicabilis reddatur morbus. Inde adeo malum signum in peripneumonia habetur, si sanguis venâ missus dilutus vix concresecat; denotat enim, sola tenuiora per pulmonis vasa transpirari, omnia crassa accumulari.

**VAS EXTENDIT, DILATAT, ATTENUAT, SOLVIT.** Dum cor sanguinem pellit in arterias, illæ distenduntur: sed hoc fit ideo, quia arteriæ plenæ sunt, & magna resistentia fit liquido impulso à convergentibus arteriarum finibus: si enim arteriæ vacuæ forent, vel nulla resistentia foret circa fines; sanguis ex corde in arterias pulsus libere persfluere, nec urgeret latera, ut recederent ab axis canalis. Quò ergo pleniores sunt arteriæ, quò major resistentia circa fines, eò plus dilatantur à sanguine vi cordis impulso: sed canalis obstructus ante locum, ubi hæret obstructio, plenus est, & maxima simul fit resistentia liquido impulso; hinc necessariò sequitur canalis obstructi dilatatio. Dum ligaturâ injectâ liberum sanguinis per venas iter impeditur, mox ante ligaturam tument dilatatur: sed dum vas extenditur, fibræ solidæ, latera vasis confluentes, distrahuntur, minuantur

puncta contactuum, & hinc debilitatur cohesio, uti explicatum fuit §. 25. n<sup>o</sup>. 3. Latera ergo vasorum minus possunt resistere causis distendentibus, & hinc magis dilatantur, donec tandem fiat cohesio nulla, id est, ruptura. Si jam consideretur, obstructionem in maximis vasis raro obtinere, semper ferè tantum in minimis; & quod canales maximi inter minimos, ultimæ nempe arteriæ rubræ, ne quidem decimam partem capilli æquent; patebit facîle, his obstructis summum metum esse rupturæ vasorum: longè majus autem periculum in ultimis serosis, lymphaticis, &c., arterioliis erit; si obstruantur. Ob hanc rationem, ubi valida inflammatio duravit per quatuor vel quinque dies, nimia distensione ruptis vasis terribissimis obstructis, gangræna, vel saltem suppuratio, sequitur: frustra tunc expectaretur benigna resolutio.

Sed vasa obstructa, & hinc dilatata, comprimunt alia vasa vicina: hinc & in illis obstructio nascitur; sicque augetur malum.

**FLUIDUM STAGNANS CONDENSAT.** Expressione partis liquidissimæ, & compactione crassioris hærentis, uti modò dictum fuit.

**FUNCTIONEM INTEGRO FLUORE ORIUNDAM TOLLIT.** Sic incipimus videre, quàm multiplex morborum species à sola obstructione oriri potest: omnes enim functiones à libero fluxu fluidorum per vasa pendent: hoc impedito, turbantur omnes, vel & cessant omnino. Si polyposæ massæ concretæ circa magnum sinum dextri cordis pellantur in arteriam pulmonalem, actum est de vita: si venæ portarum ramuli in hepate obstruantur, nulla fiet bilis secretio, &c. Cùm ergo à tot causis obstructio nasci possit, fortè mirum videri posset, non sæpius deleri, vel turbari functiones, dum fortè quædam vasa, per hæc vel illa viscera dispersa, obstruantur sæpius. Sed docuerunt Anatomici, vasa, per viscera dispersa, ubique ferè emissis ramulis communicare; hinc, licèt quædam ex illis obstructa fuerint, manet tamen liber circuitus per reliqua; nec statim à levi obstructione lædatur viscerum functio.

**VASA INDE IRRIGANDA DEPLET, SICCAT.** In multis partibus corporis sanguinis distributio fit per unum vas adferens: v. g; singulis renibus una plerumque arteria sanguinem dat; axillares arteriæ brachiis prospiciunt, &c. Patet evidenter, his vasis obstructis; nihil deferri posse ad omnes illas partes, quæ inde vitale hauriebant sanguinem. Sed vasa nostra, nullis liquidis distenta, collabuntur, vel saltem se in minimam contrahunt diametrum. In vasis majoribus, ubi obstructionis causa ablata est, magno impetu irruens liquor collapsa vasa, vel contracta, iterum distendit. Sed si in minimis vasis à simili causa talis collapsus factus fuerit, & manserit aliquamdiu; contigua latera concresecunt brevi & impervia manebunt totà vitâ, omnesque functiones, quæ à libero per hæc vasa trajectu pendebant, erunt abolitæ. Sæpe accidit, post morbos acutos inflammatorios capitis, remanere furditatem, vel amaurosim, totâ vitâ incurabiles, fortè ab hac causa, quòd obstructis inflammatione majoribus canalibus, minora inde derivata, compressa vel collapsa, concreverint. Dum in apoplexia omnes cerebri actiones silent, raro curatur, quin maneat aliquod vitium in hac vel illa cerebri functione, ferè semper incurabile.

**CAPACITATEM VASORUM TRANSMITTENDIS LIQUIDIS MINUIT; COPIAM, &c.** Dum obstructa vasa transmittere nequeunt impulsâ vi cordis liquida, debet in reliquis vasis liberis hæreere omne illud, quod per vasa

obstructa transire non poterat : cùm enim obstructio ferè semper in arteriis sit, omne liquidum, quod ponè locum obstructum in arteriis hæret, per venas redibit ad cor; illæ enim faciliè deplentur : sic manebit eadem copia liquidi movendi interim minuto canalium numero; hinc si notabilis pars corporis in suis vasis obstructa sit, reliquæ partes necessariò majori copiâ liquidi disstendentur; & inde fient omnes plethoræ effectus; & debebit omne illud suprapondium liquidi vel manere in vasis liberis disstentis, vel debebit augeri circulationis velocitas, ut, manente eâdem copiâ liquidi, dato tempore per minores numero canales cor pellere possit sanguinem. Vivo cani, aperto abdomine, ligavi descendens aortæ truncum : omnis sanguis partium inferiorum, animalis nixibus inter hæc tormenta, accelerato motu redibat ad cor; sed non poterat vel guttula sanguinis ad inferiora transmitti : mox oriebantur summæ anxietates; cor celerrimè palpitabat; oculi prominebant sanguine suffusi; lingua, turgida sanguine, extra os prominebat; ingens copia spumæ circa os colligebatur, & moriebatur brevi animal. Dum cibi & portus largâ copiâ disstentus ventriculus aortæ truncum premit versùs inferiora tendentem : turgida facies, rubri oculi, pulsus auctus, respiratio celerior, docent & copiam sanguinis in partibus superioribus auctam esse, & celeritate majori per vasa sanguinem fluere; unde tot apud Observatores habentur Exempla hominum, qui largas inter epulas apoplexiâ correpti perierunt.

ADEOQUE OMNIA, &c. Hæc certè infinita sunt : omnes enim functiones à libero tractu fluidorum per canales debitos pendent : sed obstructio nata, hunc liberum transfluxum impediens, potest omnes & singulas functiones lædere; & cùm functio læsa morbus sit, ergo tot possunt diversi nasci morbi ex obstructione, quot possunt lædi diversæ functiones.

§. 121. **Q**UARE pro diversitate vasis obstructi, & materiæ obstructuentis, illi effectus (§. 120.) variatis apparent phænomenis.

Cùm ingens morborum numerus, qui ex obstructione nasci possunt, impediatur quominus describantur singuli, sufficiet notasse præcipua capita, unde varii effectus obstructionis pendent. Longè alia enim apparebunt phænomena, dum sanguis inflammatoriâ densitate immeabilis factus hæret in tenerimis corticis cerebri vasis, quàm si idem ille sanguis obstruxisset renum vascula multò firmitiora : atque etiam longè major spes curationis affulget in inflammatoria tali obstructione corticis cerebri, quàm si atrabilia materies fusa, mota, piccâ ferè tenacitate hæc vascula obstruxerit. Aliquando enim materies obstructuens talis est, ut dissolvatur sensim, modò minùs urgeatur à tergo per imperum vitalis humoris; aliquando rebellis ad omnia insanabilem morbum facit. Si scirrhus confirmatus, vel malignus cancer, obstructiorem fecerint, nec manu tolli possint, quis curam promittere audebit?

§. 122. **I**N vasis sanguiferis arteriosis rubris inflammatio primi generis sit; in arteriosis serosis flavis rubra inflammatio errore loci, vel flava propria illi vasi, calida flava; in lymphaticis arteriosis dilatatis inflammatio secundi generis flava, errore loci,

vel pellucida, calida, propria illi vasi; in arteriosis vasis lymphaticis, majoribus, œdema calidum; in minoribus dolores sine apparente tumore; in pinguisferis, osscis, medullosis, nervosis, biliosis alia.

**IN VASIS SANGUIFERIS ARTERIOSIS RUBRIS INFLAMMATIO PRIMI GENERIS FIT.** Generalis idea omnis obstructionis supponebat excessum molis transituræ supra capacitatem vasis transmissuri, uti definitum fuit §. 107; hinc potest in omni vase obtinere, per quod liquidum fluit, in minimo æquè ac in maximo. Sed ruber sanguis naturaliter tantum invenitur in vasis maximis; hinc, si in his canalibus obstructio fiat, hærebit crassissima pars sanguinis, id est, rubra, in angustis ultimis horum vasorum; si tunc impetus vitalis pergat à tergo urgere illud obstruens, erit inflammatio in vasis maximis inter minima, & vocabitur inflammatio primi generis. Sed ex vasis maximis oriuntur minores vasorum series: hinc ubi per maxima impediretur humorum circuitus, nihil ferè ingredi posset minora ex his orta vasa, unde brevi mors in toto, vel in parte.

**IN ARTERIOSIS SEROSIS FLAVIS RUBRA INFLAMMATIO ERRORE LOCI, VEL FLAVA PROPRIA ILLI VASI, CALIDA FLAVA.** Vas sanguinem rubrum proximum magnitudine sequitur vas serosum; quod solum partem rubram excludit, reliqua omnia admittit: sed in his vasis dilatatis circa principium possunt aliquando impelli globi rubri sanguinis, nec penetrare tamen per ultimas angustias; hinc errore loci obstructionem facere, ut dictum §. 118: erit tunc inflammatio rubra hærens in vasis non rubris naturaliter. Sed ut in vasis maximis rubris crassissima sanguinis pars, mutatâ figurâ molecularum, vel adunatione earumdem, poterat inflammationem facere his vasis propriam; sic & crassissima liquidi, per arterias serosas flavas, fluentis, pars, hærens circa ultimas angustias horum vasorum, poterit facere inflammationem serosis vasis propriam: & cum hoc possit fieri, licet nihil rubri ingressum fuerit hæc vasa; flava erit hæc inflammatio non rubra.

**IN LYMPHATICIS ARTERIOSIS DILATATIS INFLAMMATIO SECUNDI GENERIS FLAVA, ERRORE LOCI; VEL PELLUCIDA, CALIDA, PROPRIA ILLI VASI.** Vas, quod proximè sequitur magnitudine vas serosum, jam non habet amplius coloratum liquidum; omne enim rubrum & flavum angustia horum vasorum excluditur: sed & dilatata horum vasorum oscula poterit ingredi flavum serosum, & sic in his vasis nasci poterit per errorem loci inflammatio flava. Atqui etiam crassissima pars liquidi per vasa hæc lymphatica fluentis per communes obstructionis cujuscunque causas poterit reddi immeabilis, & facere inflammationem huic vasi propriam. Eadem jam doctrina poterit applicari reliquis decrefcentium vasorum seriebus, de quibus per solum analogiam aliquid dicere possumus tantum; Anatomicæ enim horum vasorum demonstrationes deficiunt.

Inde patet, quodd in maximis vasis, id est, sanguineis rubris, unica tantum inflammationis species obtinere possit, immeabili nempe reddito liquido naturaliter per maxima vasa fluente: in reliquis verò decrefcentis magnitudinis vasis duplex esse possit inflammationis species: una ab errore loci, admissio liquido crassiori per oscula dilatata; altera à liquido naturali horum vasorum, immeabili facto,

IN



IN ARTERIOSIS VASIS LYMPHATICIS MAJORIBUS OEDEMA CALIDUM. Quousque hæc vasorum divisio in minora pertingat, quis dicere poterit? Majora vasa inflammata, liquidis coloratis distenta, tumore, & mutato colore loci, quem occupant, sub sensu nostros cadunt: sed ubi tanta vasorum tenuitas est, ut nec naturaliter, nec errore loci, capere possint colorata liquida, tunc, his vasis inflammationis, non mutabitur loci affectus color. Interim tamen distenta vasa & turgentia liquido, pellucida quamvis & non colorato, possunt molem partis augere, & facere tumorem. Generali nomine omnes tumores vocabantur *oedemata* (ut dictum §. 112.) & postea inprimis hoc nomen dabatur aquosis frigidis tumoribus: sed cum in hoc casu calor adsit, omnis inflammationis in majoribus vasis comes, hinc talis tumor dicebatur oedema calidum: sed hoc tantum obtinet, dum in majoribus lymphaticis arteriis inflammatio adest.

IN MINORIBUS DOLORES SINE APPARENTE TUMORE. Omnes sensus, imò omnem ferè captum fugere minima corporis nostri vascula, satis firmis probatur argumentis. In primo enim pulli flamine punctum illud saliens movebat liquida, vasis contenta, sed quantæ tenuitatis! Nervorum mirabilis structura; cerebri per nervos, ad partes corporis delatos, tam distincta actio in singulis musculis movendis, pro voluntatis arbitrio; sensuum organa tam vividâ actione in mente distinctas adeo ideas excitantia, &c, hanc rem satis evincunt. Sed si minima hæc vascula inflammantur & tumeant, non augebunt ad sensus molem partis affectæ; poteruntque tamen acerbissimos excitare dolores: nam in sævissima podagra, & dolentissimo rheumatismo, sæpe nullus tumor apparet. Mitior semper horum malorum indoles observatur, quando partes affectæ tument.

IN PINGUIFERIS, OSSEIS, MEDULLOSIS, NERVOSIS, BILIOSIS ALIA. Prout jam diversi per vasa feruntur humores, prout diversorum viscerum, vel partium corporis fabricam constituunt vasa, oriuntur ab horum obstructione varia mala. Si enim in pinguedinosi vasis hoc fiat, calore & stagnatione citò corrumperetur pingue in pessimam convertetur ranciditatem. Ossis vasa inflammata cariem, exfoliationem, exostoses, topbos, &c, producent: quæ recondita ossium cavis tenerissima vasa medullare oleum à sanguine secernunt, si inflammantur, medulla corrupta ossis cavo clauso contenta terribiles morbos producere poterit. Nervi ipsi acerrimos dolores, dum inflammantur, parient; & peribit omnis nervorum sic affectorum usus ad sensus & motus. Biliosa vasa obstructa impediunt, quominus bilis, à sanguine venoso abdominalium viscerum per hepatis fabricam separata, ad debita loca feratur; sed regurgitans in sanguinem cacochoymiam biliosam faciet, & plurima, quæ inde sequuntur, mala.

§. 123. QUI verò sedem; naturam, materiem; causas, effectus obstructionum, hucusque (107. ad 123.) tradita novit; illi signa, quibus futura, præsensque obstructio, ut & ejus effecta, sciuntur, ignota non erunt.

In hac paragrapho agitur, quomodo & ex quibus signis in *Diagnosi* concludatur; obstructionem adeste; quomodo in *Prognosi* futura prævideatur; uti & effectus inde secuturi: sed ex illis, quæ præcedentibus hujus capituli paragraphis dicta sunt, hæc omnia faciliè deducuntur.

**SEDEM.** Obstructio, facta ab externa causa vasa comprimente, in omni loco canalisi nasci potest; à reliquis causis enarratis orta obstructio inprimis hærebit circa maximas vasorum conicorum convergentium angustias.

**NATURAM.** Quæ, ex definitione data §. 107, tantum in excessu molis transiunt supra capacitatem vasis transmissuri consistit.

**MATERIAM.** Quæ tot habere potest diversitates, quot sunt distincta suis dotibus fluida per proprios canales mota: sed & idem liquidum, variâ degeneratione morbosâ, distinctas concreciones facere potest; unde iterum materiæ obstructionis ingens varietas. Potest v. gr; sanguis inflammatoriâ tenacitate immeabilis reddi; potest in polypos concrefcere; potest frigido mucoso glutine lentescere, &c.

**CAUSAS,** quæ hætenus recensitæ sunt, & vel angustando vasa, vel augendo moleculas fluidi, vel denique errore loci, agunt.

**EFFECTUS,** qui iterum varii sunt, ratione vasis obstructi & materiæ obstructuentis; & pro vario impetu, quo liquidum pellitur in locum obstructum.

Quomodo jam ex omnibus his cognitis habeatur diagnosi & prognosis, dictum fuit §. 27.

§. 124. **ET** cognitâ hæc ejus diversitate, difficile non erit, propriam cuique curationem tradere.

Nulla generalis regula in cura obstructionis dari potest, sed sollicitè indaganda est causa, quæ obstructionem fecit; hæc enim cognitâ, tantum certi quid statui potest. Solet quidem dici, in omni obstructione conducere, ut vas obstructum laxetur, ut facilis cedere & dilatari possit, & sic transmittere infarctum liquidum: sed si ab errore loci nata sit obstructio, laxatio vasorum an conducet semper? Certè §. 118, demonstratum fuit, inter causas erroris loci meritò recenseri laxationem vasis. Alterum generale indicatum in cura obstructionis prædicabatur dissolutio concreti obstructuentis: sed nisi ex Historia causarum noverit Medicus, cujus naturæ fuerit illud concretum, hærebit anceps. Aliam enim medelam poscit inflammatoriâ densitate concrefcens sanguis, quàm si inerti frigido muco lentescant humores. Idem in reliquis verum est: hinc pro varietate causæ cognitæ, obstructionis varia erit curatio.

§. 125. **NAM** illa, quæ à compressu externo (§. 112), indicat ablationem causæ prementis, quæ, ubi possibilis; petenda ex secutura ejus descriptione.

In §. 112, recensitæ sunt illæ causæ, quæ observatæ fuerant externâ compressione vasorum obstructionem fecisse: sed nisi causa illa comprimens noscatur, & cognita tollatur, non poterit sanari obstructio inde orta, uti evidenter patet. Ideoque in numero citato in quatuor classes distinctas redactæ sunt hæ causæ, ut ordine indagari possint.

Postquam autem innotuit causa, quæ externâ compressione vasis obstructionem fecerat, inquiri debet. an hæc tolli possit; an verò talis sit indolis, ut nullo hætenus cognito Artis molimine superari vel emendari possit. V. gr; tumores illi ampullosi, qui à varia spissitudine materiæ contentæ, atheromata, melicerides, stea-

tomata dicuntur, dum in externis partibus hærent, ubi manus accessus datur, nonnisi difficulter tolli possunt; quid sperandum de similibus tumoribus, dum in interioribus corporis hærentes vicina vasa comprimendo angustant? Dum uterus gravidæ mulieris distensus suo situ, ut aliquando fit, venas iliacas premit, tumor oedematofus crura & femora occupat; nec tolli potest hoc malum, cessans sponte, post partum detumescente utero. Quando scirrhus confirmatus, vel cancer ex eo natus, extirpari non potens, obstructionem fecerit, quænam cognita medela superest? Idem in plurimis aliis obstructionum cautis obtinet. Interim æquè magnus Medicus est, qui incurabilem morbum distinguere potuit, quàm qui sanabilem tollere valuit.

Reliquarum verò causerum in §. 112, recensitarum medela vel ex antè dictis hauriri potest, ut v. gr; plethorici tumoris curatio; vel de illis postea singulis capitulis dicitur: v. gr; de inflammatione, suppuratione, scirrhus, &c; de luxatis, fractis, &c. Dum verò externo corpori applicata quædam vasa comprimunt, ut vestes, fasciæ, ligaturæ, &c, facilis cura est, & sponte patet.

§. 126. **E**A verò, quæ ab aucta fibrarum contractione oritur, cognoscitur per signa, quibus visceris, vasis, fibræ, nimia contractio scitur (34. 36. 40. 50. 53.); tum quoque illa, ubi hæc contractio à secunda causa (113. n°. 2.) per suæ causæ signa clara; ut altera, quam inanitioni prægressæ adscripsimus. (ibidem n°. 3.)

In hac paragrapho agitur de signis, quæ docent obstructionis causam pendere à contractione propria vasorum aucta. Sed in §. 113, tres recensebantur cause distinctæ, quæ augebant vasorum contractionem. Prima erat aucta elasticitas fibrarum, canalium, viscerum: sed hujus auctæ elasticitatis signa descripta sunt, dum de nimia rigiditate fibrarum, vasorum minimorum & majorum, & viscerum dictum fuit in numeris hic citatis. Secunda causa erat nimia distensio vasculorum minorum constituentium majorum vasorum latera: hæc autem adesse cognoscitur nimix plenitudinis signis in plethoræ Historia recensitis. Tertia verò causa, quæ inprimis inanitioni prægressæ adscribebatur, cognoscitur adesse per evacuationes quascunque magnas prægressas, faciem collapsam, pulsum parvum, debilem, siccitatem linguæ & oris interni, vires prostratas.

§. 127. **S**ANATUR hæc obstructio (113. 126.) 1. per remedia contractionem nimiam fibræ, vasis, visceris emendantia (35. 36. 38. 54. 55.) 2. maxime, si ipsi affecto loco applicari possint eorum virtus; quod halitus, fomenta, balnea, litus, fomenta efficiunt inprimis: 3. per auxilia, quæ vascula, membranas componentia, nimis impleta deplent; quò evacuantia in genere, sed præprimis illis vasculis applicata, spectant: quæ sunt laxantia, diluentia, resolventia, attenuantia, deterfiva, evacuantia: 4. per illa, quæ callositatem factam resolvunt.

1. De his dictum fuit in numeris hic citatis; & patuit, tunc Artem multam  
Y ij

posse efficere in similibus morbis, in quibus nimia rigiditas solidarum partium tollebat illud æquilibrium, inter fluidorum impetum & solidorum resistantiam, ad sanitatem requisitum. Sed aliud hic notandum occurrit, stimulos nempe mirabiles, imò & ipsos animi affectus, posse subito & efficacissime augere contractilitatem solidarum partium. Dum sulphuris accensi vapor pulmone hauritur, mox sic constringitur in omnibus suis vasibus, ut nil transmittat; unde omnibus animalibus majoribus lethalis sulphuris fumus. Oleum vitrioli, penicillo applicatum vivi canis dissecti intestino, fecit illud sic contrahi, ut nullam omnino cavitatem haberet. Aceri guttula, oculo inperfa, sic facit constringi palpebras, ut nullâ vi diduci possint. Nisi Medicus noverit hos stimulos tollere, vel enervare, non poterit curare nimiam contractionem inde ortam.

Quoniam autem possint animi affectus augere vasorum contractilitatem, patet obvis ubique Observe. Dum subito metu percutitur homo, mox pallor, & colabitur tota facies, contractis omnibus vasibus: si jam cogitemus, idem in interioribus fieri posse, quod in externa cute tam clarè videmus, mirabiles & pertinacissimi inde possunt oriri morbi. Vidi mulieri sanæ, subito terrore affectæ, mox ortum fuisse in mamma tumorem, qui, licet optimis tractatus remediis, in scirrhum irresolubilem induruit.

2. Si universa solidorum compages nimia rigiditate peccat, toti corpori & omnibus ejus partibus externis & internis illa applicari debent remedia, quæ nimiam illam tollunt rigiditatem: sed si in singulari parte hæreat hoc malum, quare omnia vasa laxarentur? Sufficit tunc topica Medela, si applicari possit soli parti affectæ: hoc autem inprimis fit per,

**HALITUS.** Aqua repida emollit partes solidas corporis: sed aqua, in vapores resoluta calidos, longè magis. Durissima cervorum cornua, vaporibus aquæ repidæ exposita, sic emolliuntur, ut scissilia fiant. Cubiti articulationem, ob indurata ligamenta immobilem penitus redditam, vidi pristinam flexilitatem recuperasse, dum per binos menses quotidie per horam pars exponeretur aquæ calidæ vaporibus. Hinc ubi commodè vapor determinari potest ad partem, reliquis auxiliis aquæ calidæ halitus præferendus est.

**FOMENTA.** quæ fiunt ex aquosis, inprimis si mollissimæ herbæ his incoctæ fuerint, ut malva, althæa, &c; femina lini, avena, &c. Tali decocto madidi panni lanci applicantur parti; superimponitur his pannis vesica oleo perfricata, ut impediatur exhalatio; deinde scissilibus calidis, variæ figuræ pro variis partibus corporis, impositis calida servantur hæc fomenta: sic pars affecta in perpetuo vaporibus balneo hæret. Dum pleuriticorum lateribus hæc sic applicantur, summum doloris levamen sentiunt.

**BALNEA.** Inprimis balnea vaporis, partes enim corporis aquâ immersæ comprimuntur ab aqua, vapor autem aquæ omnia laxat, ut antè dictum est. Observatum fuit, in similibus malis topicis profuisse, ultra ferè quàm sperari poterat, aquæ calidæ ex alto delapsum guttatim in partem affectam: chronicos admodum, & ad omnia ferè remedia rebelles, circa genu tumores hac methodo curavi aliquoties.

**LITUS.** Si nempe ex blandissimis oleosis fiant. Rigida animalium, coria oleo inuncta flexilia redduntur: omnibus partibus corporis, in quibus requiritur flexibilitas, apponitur molle oleum: omnes muscoli, tendinæque vaginis oleosis te-

guntur : omnibus ligamentis , ossa articulata nectentibus , pinguis unctuosus liquor affunditur . Sed ubique invenitur , illud pingue esse blandissimum , nullamque habere acrimoniam : magnus enim error foret credere , olea acria ambusta , galbaneta illa *Paracelsi* , &c. efficaciora esse ad hos usus . Ubi sola nimia rigiditas peccat in partibus solidis , molissima olea pressa ex vegetabilibus , medulla ossium recens , molissimum althææ unguentum & similia , pulcherrimi tunc usûs ; Inprimis si , post balnea vel fomenta applicata , bene deterfis & siccatis partibus corporis hæc illinantur .

3. Dictum fuit §. 113. n°. 2. quòd per Anatomicas injectiones demonstratum fuerit , majorum vasorum latera minoribus vasculis constare : hæc verò nimis impleta possunt minuerè cavitatem vasis , cujus latera constituunt . Si v. gr. emulgentes arteriæ , inflammatae in suis membranis , sic arctentur in minimis ramulis per renum substantiam dispersis , ut non fiat urinæ secretio , erit ischuria , ab hac causa fortè aliquando in morbis acutis observata . Post validissimos cursus mactaris animalibus , inventum fuit sæpius , majora vasa suis tunicis fuisse penitus inflammata , & sanguine turgida : cura hujus mali perficietur per

EVACUANTIA IN GENÈRE , &c. Nihil hîc habemus nisi generalia ; omnis enim depletio artificiosa fit serè tantùm per majora vasa . Omnium serè maximum auxilium est venæsectio , & sic depletis maximis vasis minùs comprimuntur minora , horum latera constituentia ; minori impetu urgetur liquidum in locum obstructum : & si magna fuerit facta sanguinis missio ad animi deliquium usque , contracta vasa minora , ablata pressione vitali à basi versùs verticem , reprimunt hærens in illis fluidum in vasa majora . Sed si loco affecto possint applicari remedia , tunc recensita omnia conveniunt : si v. gr. in morbo acuto ischuria ab hac causa nata fuerit , & æger nullum tenesmum exonerandæ vesicæ sentiat , noscitur , circa renes hæreere hoc malum : tunc generalibus evacuantibus præmissis , fomenta lumbis applicantur , & clysmata injiciuntur , quia colon intestinum renibus proximè adjacet , ut saltem quàm proximè ad partem affectam applicentur remedia .

Quomodo autem *Laxantia* , *Diluentia* , *Resolyentia* , *Attenuantia* , *Deterfiva* ; agant , explicarum fuit §. 54. n°. 4.

4. Callus , ut dictum fuit §. 112. n°. 1. , in fine , fit , si vasa minima compressa , omni liquido expulso , lateribus contiguis factis , concreverint ; tunc non ampliùs manet vas pervium , sed fit concreta membrana ; unde nulla humiditas , nullus sensus in callo . Adsunt quidem eadem vasa quoad materiem , non quoad liquidorum transfusum . Callus tamen abscessus renascitur in cute externa , quamvis nullus transfusus liquidi vitalis per callum sit . Videtur autem hoc fieri , quia concreta vasorum extrema vi vitalis liquidi sensim protruduntur , extremitates verò vasorum apertæ , callo contigux , ab illo comprimuntur ; hinc callus detritus , abscessus , increfcit iterum , utl quotidianis Observatis constat . Quàm difficulter autem callositas semel nata tolli possit , sequens docebit paragraphus .

§. 128. VERUM illa obstructionis species ; quæ ab hac causa , rarò , si unquam , curari potest . Emollientia , & laxantia præcipua sunt . Unde mortis patet inevitabilis necessitas

tas, & magna vitæ longæ per Medicamenta parandæ difficultas.

An unquam consliterit, vas concretum iterum pervium factum fuisse, maxime dubito: quomodo enim hoc fieri? Si velis liquidi vitalis impetu & celeritate auctis divellere concreta latera, citius solventur vasis callo contigui parietes, per quod fluidum ad vas concretum devehit debet: præterea aucto motu, vasa viva ad calli limites appressa, complanabuntur, & callosa fient; sicque hoc modo callus potius augebitur. Dum callosa cutis externa facta est, unica spes curæ est, si caveatur omnis attritus; sicque sæpe sensim callus minuitur, dum ejus extrema superficies sensim deditur, & vasa viva supposita sensim protrudunt concretorum vasorum extrema. Homines, qui duris laboribus callosas manus habent, poscæ his abstinentes, sensim molliores illas factas sentiunt: fortè tamen nunquam loca illa callosa vasis apertis fient iterum perspirabilia. Sed si vel nunquam, vel difficillimè saltem, calli externæ cutis possint resolvi, quibus remedia applicare possumus; quid fieri poterit, quando partes internæ callosæ induruerunt?

**EMOLLIENTIA ET LAXANTIA PRÆCIPUA SUNT.** Per hæc enim durum hoc operculum, vasis vivis suppositis impositum, sic emollitur, inprimis si & interna similia largâ copiâ exhibeantur, ut sensim separetur à vivis partibus subjectis. Quibusdam hominibus, verno tempore inprimis, quando omnia turgere incipiunt, oritur intolerabilis dolor à callis pedum plantas occupantibus, sic ut incedere nequeant: vivæ partes, callo subjectæ, inflammatae, callosâ duritiæ incumbente pressæ, illas molestias pariunt: si tunc lacte cum farina lini cocto foveatur callus noctes & dies, incipit emollitus elevari, & secedere, interim tamen subjectus locus, separato callo glaber apparet & politus, non perspirabilis; hinc iterum renascitur callus: quod præcaveretur, quantum fieri potest, si locus mollissimâ tegatur alutâ, ut omnis attritus caveatur.

**UNDE MORTIS PATET INEVITABILIS NECESSITAS,** &c. §. 39, n°. 1, & §. 55, demonstratum fuit, vitam humanam tandem seipsam destruere absolutâ necessitate. Requirebatur enim ad integritatem actionum vitalium debita flexibilitas canalium, per quos vi cordis pelli debebant liquida; debebant vasa cedere posse distendenti fluido, & ablata causâ distendente redire in priorem capacitatem. Sed ex dictis ibidem constitit, ipsis vitæ sanæ actionibus sensim majus robur accedere partibus solidis; aucto robore, plus resistere solida fluidis impulsis; donec tandem rigida penitus facta vasa non cederent liquidis à corde pulsis, unde cor non poterat evacuari: hinc placidissima sine morbo serè in ultimo senio mors. Si consideretur in variis ætatibus humanum corpus, patebit, quanta fiat mutatio in firmitate solidarum partium vario vitæ tempore. Recens namq; infanti omnia mollia, liquidis plena apparent; tota superficies corporis vasis ubique parulis in omni puncto perspirabilis; ossa ipsa ceræam serè flexilitatem habent: procedente ætate, sensim minuitur vasorum perviorum numerus; augetur robur & firmitas in omnibus partibus corporis; ossa durefcunt: tandem in decrepita senectute torum corpus exsuccum fit; articuli in juventute adeo flexiles obrescunt, omnis serè pinguedo evanescit; flaccida, callosa, & turpibus rugis deformis cutis vix amplius perspirabilis manet; & ossa fragilissima fiunt; cartilaginee osseam induunt duritiem; & vasa, antea membranacea & flexilia, in cartilagineam, imò osseam, naturam mutantur. Quò autem per motus animales magis aucta fuerit vitalium actionum

efficacia, eò citius hæc rigiditas nascitur : hinc nimio labore exercitata animalia ante ætatem senescunt.

Qui ergo fatalem vitæ terminum se remove posse gloriabuntur, tentent hanc rigiditatem senilem præcavere, vel natam curare. Fuerunt ab omni tempore tales jactatores, qui *αγασίας*, imò immortalitatem ipsam, auderent promittere mortali-  
bus; persuaserunt pluribus, quod omnes sperant avidè. *Galenus* sæculo Philosophus librum conscripserat, in quo docebat modum, quo quis senii expertus perpetuò permanere posset. Annum agebat quadragesimum, dum hoc scriberet; ad octogesimum annum vixit postea, sed gracilis adeo & exsuccus factus, ut rideretur ab omnibus : & quamvis proprio exemplo doctrinæ suæ falsitatem ostenderet, tamen effugia quærebat, dicens, non quemlibet hominem senii expertem permanere posse, sed ad hoc naturâ opus esse idoneâ : & promittebat, se infantium ad hoc idoneorum corpora redditurum immortalia, si statim ab initio illorum curæ præficeretur. Tunc hæc jactabat periturus, antequam adolefceret (a).

Sed dum in diæta dirigenda fidem tanti promissi ponebat, minùs insaniebat, quàm Chemicus, qui paucis guttulis quotidie sumptis vitam ad mille annos se producere posse gloriabatur; tunc deliberaturi, quando vellent mori. *Paracelsus* ipse quadragesimo octavo ætatis anno mortuus vanitatem hujus promissi demonstravit.

Si quid prodesset ad vitam longam, forent illa, quæ nimiam rigiditatem futuram præcaverent : hinc victum humectantem senibus prodesse, dixit *Galenus* (b), & alibi (c) hanc rem latius deduxit.

§. 129. **I**LLA fluidi ineptitudo ad transeundum per vasa, quæ à figura spherica amissa pendet, cognoscitur perspectis ejus causis (116), quippe sensibiles plerumque sunt.

Demonstratum fuit in §. 115, quòd sphaera sola sit inter figuras solidas, quæ datum orificium transire posset, quocumque situ ad illud delata fuerit; modò diameter orificii transmittentis major sit sphaeræ diametro. Sphaeræ enim omnes sectiones factæ planis per centrum transeuntibus, & cuius dato plano parallelis, sunt figuræ æquales, similiterque positæ, nempe æquales circuli. Simulac ergo elementa fluidorum, quæ solitaria per ultimas angustias vasorum transire debent, amiserunt hanc figuram, infinitæ poterunt esse posituræ varietates, quibus denegabitur transitus. Sed unde concludi potest, hanc obstructionis causam adesse? Certè minimarum harum molecularum figura in pellucidis vivorum animalium partibus nonnisi oculo armato detegitur; hinc non facile erit per sensus hoc cognoscere in parte obstructa corporis humani. Sed cognitæ sunt causæ §. 116, descriptæ, per quas æquabilis compressio molecularum fluidi tollitur : ubi ergo novimus has causas prægressas fuisse, tunc obstructionem natam deperditæ figuræ sphaericæ molecularum fluidi adscribere possumus.

Sed causæ tres recenscebantur, quæ tollebant æquabilem compressionem elementorum fluidi : languidus nempe nimis fluidorum per vasa motus, quem pulsus ar-

(a) Galen. de Marasmo, Cap. II. Charter. Charter. Tom. VI. pag. 152.  
Tom. VII. pag. 179. 181.

(b) De Sanitat. tuenda, Lib. V. Cap. v. pag. 183.  
(c) De Marasmo, Cap. v. Charter Tom. XII.

terizē docet; laxitas nimia vasorum ex dictis §. 27, & §. 44, adesse cognoscitur; & minuta copia liquidi, quæ scitur adesse, si evacuationes magnæ præcesserint, colapsa sint vasa, siccitas totius corporis obineat.

§. 130. **S**ANATUR verò remediis, quibus illa figura redditur. Qualia sunt, quæ motum augment per vasa & viscera. Ut stimulantia omnia, & roborantia; tum motus animalis citatior.

Corpus humanum illis instructum dotibus, quæ ad sanitatem requiruntur, valet ex ingestis diversissimis inter se conficere sanguinem, cujus elementa sphericam illam figuram habent: hæc autem figura non præexistit semper in particulis assumptorum, sed nata fuit per efficaciam vasorum & viscerum, quæ ingesta convertuntur in naturam nostram. Ubi ergo deficit hæc figura in elementis fluidorum, totum, quod Ars valet, est ut restituat illas causas, per quas naturaliter hæc figura his fluidorum elementis conciliatur.

Sed motus humorum per vasa flexilia, & reagentia valido nixu in distendentes humores, inducebat crudis ingestis hanc figuræ mutationem. Chylus per 12 horas cum sanguine fluens per vasa mutabatur in sanguinem; & eò celerior hæc mutatio, eò perfectior, quò validior esset, cæteris paribus, actio vasorum in fluida: hinc in robustis & exercitatis hominibus ingestorum subita assimilatio; in languentibus & debilibus, tardior.

Patet ergo evidenter, amissam figuram sphericam molecularum fluidi restitui pulcherrimè, si augeatur robur vasorum, quò contenta fluida premunt, ut & si intra idem temporis spatium vasorum efficacia sæpius applicetur fluidis contentis, id est, augeatur circulationis velocitas.

Quomodò verò & per quæ auxilia robur vasorum augeatur, dictum fuit §. 28, & 47. Quà ratione augeatur circulationis velocitas, pariter dictum §. 28. n°. 2. Quomodo stimulantia hunc effectum producant, dictum fuit §. 75. n°. 5.

Dum laxa illa, frigida, & mucosis humoribus plena, corpora curant Medici, excitant gratissimis aromaticis stimulis; & inprimis ferri, in acidis vegetabilibus blandis soluti, usu, languentem motum. Per frictiones, unctiones, equitationes, & corporis exercitia, circulationis velocitatem & efficaciam augment: reddit brevi amœnus ille ruber color, sanguinis boni renascentis indicium; omnesque functiones, quæ languebant antea, vel & penitus depravatæ erant, restituntur. Unde evidenter patet, liberum esse tunc per vasa fluidorum motum; hinc redditam esse figuram sphericam fluidorum elementis, quæ requirebatur, ut per ultimas vasorum angustias in omni possibili positura transire possent.

Motus autem animalis citatior inprimis prodest duplici effectū, augeat enim circulationis velocitatem, & reddit partes solidas corporis firmiores; ut dictum §. 28. n°. 2.

§. 131. **L**IQUIDI spissior concreta moles, quum oriatur à tam variis & diversis causis (117), etiam pro re nata varia remedia, variam sanandi Methodum, requirit: quæ diversitas



sitas in singulis dein morbis indagata ipsa auxilia, & applicandi modum, dabit.

Obstructionis causæ, quatenus fluidis inhærebant, duplices erant: nempe vel figura mutata elementorum fluidi fecerat liquidi immeabilitatem; vel moleculæ, prius separatæ, nunc adunatæ à quacumque causâ, non poterant penetrare vasorum angustias. Hæc verò adunatio molecularum à tam variis, imò penitus oppositis, causis pendet, enumeratis §. 117, ut nihil certi quoad curationem statui possit, nisi prius cognoscatur singularis causâ, quæ fecerat concretionem. Quies enim & auctus motus, frigus & calor faciunt fluida nostra concrefcere: sed tam oppositæ causæ diversam etiam Medelam requirunt. Dum in morbis languidis chronicis fluidorum immeabilitas nascitur, stimulantibus augetur circulationis velocitas, ut dividatur concretum: dum in acutis inflammatoriis morbis phlogisticus lentor sanguinem spissorem reddit, venæsectione debilitamus vitam, ut tardior fiat sanguinis motus: dum nimis debilia vasa non satis efficaciter agunt in contenta fluida, concretiones nasci possunt in stagnantibus serè, vel non satis validè motis, liquidis; dum nimis fortia vasa comprimunt contentos humores, expressâ parte tenuissimâ, compactâ parte residuâ ipsiiori, concrefcunt.

In singulis ergo morbis, qui ab obstructione nati sunt, vel qui fecerunt obstructionem, omni curâ inquirendum est in indolem causæ, à qua nata fuit liquidorum immeabilitas; aliter nihil certi statui potest. Paragraphus autem sequens generalia tantum tradit auxilia, quibus concretio tollitur fluidorum.

§. 132. **A**T moles concreta in genere tollitur, 1. Motu vasis reciproco. 2. Dilutione. 3. Attenuante fluido advecto, permisto, moto. 4. Coagulante causâ educâ.

1. Singulis vicibus, quibus cor expellit sanguinem ex suis cavis, arteriæ dilatantur; mox cessante cordis actione, arteriæ iterum contrahuntur: sic alternis vicibus liquidum impulsu superat vasorum resistentiam, & ab illa superatur: hinc omni momento vitæ liquida vasis contenta ad latera vasorum affricantur, inprimis in angustissimis vasorum sinibus, ubi solitaria, vel saltem pauca elementa fluidi simul possunt transire. Hic autem attritus fluidi per reciprocum motum vasorum impedit, quominus concretio nascatur; & simul summum auxilium est, quod concretionem natam tollit. Sanguis noster vasis emissus illico concrefcit; per hunc autem attritum continuum à concretionem impeditur. Sed, uti demonstratum fuit §. 119, obstructio inprimis in arteriis locum habet: in arteriis verò ille motus reciprocus toto vitæ tempore durat; hinc moleculæ sanguinis adunatæ, hærentes in arteriarum angustis, mechanico hoc tritu dividi & resolvi posse videntur: sanguis enim vasis emissus, concrefcens illico, attritu solo potest iterum fluidus reddi. Sanguinis insulam rubram concretam solo tritu in mortario vitreo potui redigere in spumescens coccineum liquidum.

Pulchrum habetur apud *Leeuwenhoeckium* (a) Observatum, quod demonstrat efficaciam reciproci illius vasorum motus in dissolvendo sanguine concreto. In ves-

(a) Experiment. & contemplationes, pag. 105. &c.  
TOMUS I.

peritione fame & frigore languenti, dein parum refecto, observavit microscopiis tenuem illam membranam, quā expansā hoc animal alarum inflat uisur: nullum observavit motum, nec in arteriis nec in venis, sed post sex horas elapsas, revivificante magis animali, vidit particulam sanguinis concreti oblongam, totum arteriæ cavum implentem, protrudi per arteriam, mox retropelli: dein protrudi iterum, sicque ire & redire hanc viam; donec tandem hoc attritu resoluta massula per ultimas arteriæ angustias transiret in venam. Non potest haberi Exemplum magis evidens obstructionis ab adunatione molecularum fluidi natæ: & simul apparet, quomodo v. tali motu fluidorum per vas, & attritu ad latera vasorum, dividatur iterum hoc concretum, & resolvatur obstructio.

2. Quando nempe inter moleculas concretas insinuare se potest tenuius fluidum; si, quæ illas à contactu remove, tunc dicitur obstructio soluta et sic per dilutionem. Ita si in Exemplo mox narrato, dum massula concreta ibat & redibat in vase obstructo, posuisset affundi tenue liquidum, hoc pressione vasorum attritum cum hoc concreto, illud citius resolvisset. Accedit præterea, quid diluentia aquosa sint, hinc semper laxiora reddant solida nostri corporis. Sed vas laxatum facilius transmittit immixtibilem ibi hærentem massulam. Quia autem diluentia sola non semper possunt resolvere concreta, hinc sæpe aliis indigemus auxiliis.

3. Si jam simul diluenti liquido miticeantur talia, quæ cognoscuntur habere hanc vim, ut possintolvere concretas moleculas in illas partes, ex quibus concreverunt, tunc omne fit, quod ab Arte expectari potest. Omnia autem hæc assumpta, venis recepta, cordis & arteriarum viribus advehuntur ad locum obstructum; dūque hæc massula concreta adhuc mobilis est, ut reciproco motu ire & redire possit, illam continuo præterlabuntur, cum illa teruntur, moventur, miscentur, donec resolutio facta fuerit. Verum ubi adunatae moleculæ compactæ & immobiles hærent in vasorum angustias, tunc liquidum attenuans per vas obstructum protrusum à tergo urgere potest massulam obstructentem, non verò præterlabi, nec cum illa moveri & misceri; & tunc magna difficultas est resolvendi hoc concretum. Tale videtur obtingere malum in inflammatione non resolvable, ubi optima diluentia & attentantia, magnā quamvis copiā ingesta, non valent dissolvere concretum inflammatoriā viscositate sanguinem.

4. Si hoc fieri possit; nam hic plerumque videtur hære magna difficultas: dum enim per acida v. gr. coagulum sanguini inductum fuit, cognita quidem sunt corpora, quæ acidum trahunt; sed si coagulatus sic sanguis in ultimis vasorum angustias hæserit, lateribus vasibus obstructi ubique contiguus, non erit facilis aditus ad hoc obstruens coagulum. Præterea acida illa forissima non inducunt coagulum tantum interpositione suarum partium inter partes sanguinis antea non coherentes, sed uno momento, & ipso quasi tactu, coherere inter se cogunt separatas massulas; hinc sanguini de vena fluenti, per acida admista statim coagulato, admistis alcalinis, quæ acidum in se statim trahunt, non redit pristina fluiditas. Si à spirituosissimis fermentatis tale coagulum inductum fuerit, eadem, imò major erit difficultas; cum spirituosissimo illo expulso, factum tamen coagulum maneat. Serum enim sanguinis, ab alcohole affuso induratum, non dissolvitur, expulso coagulante per calorem tam lenem, qui serum concrefcere minimè faceret. Ubi verò à gelu coagulum inductum est sanguini, possumus spicula illa glaciella educere, admodò prudenter aquā frigidissimā; sed quā methodo, & quibus cautelis, hoc fieri debeat, dicitur §. 454.

§. 133. **R**ECIPROCUM vasi motum conciliant. 1. Quæ distendentes causas temperant, ut est venæsectio. 2. Quæ vasa roborant (28. 29. 45. 46. 47. 49.) 3. Frictio, & muscularis motus. 4. Stimulantia.

1. Causæ distendentes arterias sunt sanguis illas replens, & vis cordis urgens sanguinem in arterias plenas. Ut autem reciprocos motus systoles & diastoles in arteriis maneat, non debent distendentes causæ tolli, nisi enim arteria prius distendatur: non contrahetur postea: sed debent sic temperari, ut possint vicissim cedere causis illis, quæ arteriæ systolem faciunt: hinc merito dicitur, causas distendentes esse temperandas. Si enim distentæ arteriæ non possint se evacuare in venas nimis penas, vel arteriosi fines obstructi denegent transitum, cor perget hæc vasa distendere, nec poterunt se contrahere; unde cessabit ille reciprocos motus. Omne enim vas nimis distentum, si repletum maneat, est vas mortuum. Si jam hoc in omnibus vasis fieret, mors sequeretur illico: dum in quibusdam vasis hoc obtinet, in illis nulla fit circulatio, sed in distentis vasis liquidum immobile stagnat.

Unicum tunc remedium est, quod tollit hanc plenitudinem, nempe venæsectio, si venæ simul nimis plenæ transitum ex arteriis impediunt. Si verbò in arteriis distentis circa finem obstructis aggestus hæreat sanguis, arteriotome prodest potius; quia cum liber transitus ex arteriis in venas impeditus est, venæsectio plenitudinem nimiam artiarum tollere nequit. Sic in morbis acutis salutari naturæ molimine toties soluta in nariibus arteriola plenitudinem illam tollit. Ideo tam sollicitè omnia signa recensuit *Hippocrates*, quæ docerent Medicum, moliri naturam hanc viam, ne impudenti curâ turbaret, vel impediret salutarem hanc evacuationem.

Sed præterea per sanguinis missionem minuuntur vires, quibus cor sanguinem in arterias pellit: possumus enim vitam minuere pro lubitu, imò animi deliquium & mortem ipsam inducere per sanguinis missiones. Hinc patet sic omnium efficacissimè minui distendentes causas.

Patet hoc clarè in summè plethoricis, in quibus, dum vasa nimis distenta se contrahere nequeunt, suffocatur circulatio; pulsus incipit languidus fieri, imò statuarum instar obrigescunt: simulac largâ venæsectione solvitur hæc plenitudo, contracta vasa propellunt distendentes humores, redeuntque vires suffocatae antea.

Quantam autem efficaciam habeant hæc evacuationes in solvendis obstructionibus, docent pulcherrima Observata. Dum pleuritide acutissimâ decumbit homo, præ doloris acerbitate respirationem supprimens seipsum suffocat; dum sanguis mittitur, sæpe statim levamen sentit; imò aliquando omnis sedatur dolor, contractis vasis repellentibus obstruentes massulas in majora vasa. Monitus per insomnia *Galenus*, juvenis adhuc, sibi ipsi disciscuit dextræ manûs arteriam inger indicem digitum, & pollicem sitam; permisit sanguinem effluere, donec sponte sissetur; sic enim somnium præceperat: & subito diuturnus dolor exstinctus est, in illa maxime parte fixus, quâ jecur diaphragmati committitur. Alii homini per vulnûs in malleolo incisum vulnerata fuerat arteria, nec quievit hæmorrhagia, donec *Galenus* vocatus toram arteriam disciscaret; sed huic homini quarto jam anno molestus coxæ dolor inde sanatus fuit (a).

(a) Galen, de Curand. ratione per venæsectionem, Cap. xxiii. Charter. Tom. X. pag. 451.

2. Reciprocus motus contractæ & distentæ alternis vicibus arteriæ fiebat à cordis vi impellente sanguinem, & arteriæ elasticitate & vi muscolari, quâ se contrahit. Sed demonstratum fuit §. 26, nimiam debilitatem fibrarum producere vasculorum, ex his conflatorem, extensionem, & in liquida contenta inertiam; hinc ubi nimia laxitas vasorum facit, ut minori efficacîa se contrahant, tunc vasorum roboratio loquum habet.

Sed ipsa nimia distensio vasorum robur debilitat. Sic vesica, diu distenta in urina retentione, paralytica serè facta, omnem se contrahendi vim amittit: & fortè ab hac causâ, plurima in morbis pendent. Qui validâ laboraverunt ophthalmiâ, sæpe totâ vitâ habent nimis laxa hæc vascula; unde à levissimis causis distenta rubent: roborantia, prudenter applicata, sola tunc profunt. Post morbos acutos inflammatorios capitis, sæpe manent lætæ adhuc cerebri functiones, quamvis dudum deferuerit morbi impetus; pulposi corticis vasculis infarctis adhuc manentibus: sensum solutâ materic obstructe, aucto vasculorum distentorum robore superatur malum. Si debilitante curâ pergat Medicus, insanabilis sæpe postea stultitia manet.

Quomodo autem, & per quæ, vasa roborari possint dictum fuit numeris citatis.

3. Per friciones sit successiva & repetita sæpius vasorum mollium compressio & laxatio; hinc frictio supplet reciprocum illum vasorum motum. Possimus per friciones, premendo liquida ab apice versùs basim, facere, ut arteriæ venæ fiant; atque ducere obstruens immeabile ex angustis arteriarum sinibus in latiore locum; relaxatâ parte, mox pellitur iterum in priores angustias: dum hoc fit sæpius, idem erit perfectè, quod in vespertione viderat fieri *Leeuwenhoeckius*, id est, ita illo & reditu arteretur & dividetur illud obstruens, sic ut transire possit in venas.

Quantùm autem valeant friciones in resolvendis obstructionibus, docent Observationes Medicæ. Parotidem glandulam induratum, plurimis, illisque efficacissimis remediis frustra tentatam, resolutam vidi, dum bis de die, vapori aquæ tepidæ cum aceto, expositâ priùs parte, pannis laneis perfricaretur per horam. Idem in strumosis colli glandulis observatum est sæpius.

MUSCULARIS MOTUS verò huc convenit, quatenus per illum accelerato venosi sanguinis motu cor irritatum fortius & sæpius contrahitur: hinc augeatur circulatio, & vasa eodem dato tempore sæpius distenduntur, & contrahuntur vicissim.

4. Constat Observatis certissimis, esse talia in Arte remedia, quæ ingesta vel applicata corpori nostro augent motum in toto vel in parte; hæc vocantur stimulantia. Illa autem, mista viâli fluido per vasa moro, videntur vel suâ mole & figurâ talibus ut paucissimis punctis impetum sui motus communicent partibus quibus applicantur, irritare vasorum latera in frequentiores & validiores contractiones; tuncque Mechanicis legibus explicari potest horum actio. Vel sunt talia, in quibus licet sensibus nihil acrimoniæ detegatur, quæ tamen certissimo effectu, quamvis lateat modus agendi, motum humorum per vasa, & vasorum attritum ad contentos humores augeant. De his autem dictum fuit §. 75. n°. 5, & §. 99. n°. 2.

§. 134. **D**ILUIT aqua, calida inprimis, si hausta, injecta; exhalans, applicata; atque, dein ad loca, ubi solvendum hæret, pulsa sit. Quò derivantia, attrahentia, propellentia, spectant.

Respectu liquidorum nostrorum, si pingua exceperis, unicum tantum diluens habetur, nempe aqua; & reliqua omnia, quæ diluientia dicuntur, tantum agunt ratione aquæ, quam continent. Diluere autem propriè dicitur, si aqua, admisione & interpositione suarum partium, separat adunatas moleculas. Sed requiritur certus caloris gradus, ut aqua diluat: frigida enim potius coagulat fluida constringit vasa; utroque hoc effectu nocens in hoc casu. Fervida aqua sanguinem uno momento concrefcere facit. Omnium optimus ille caloris gradus, qui parum tantum excedit sani corporis calorem. Aqua talis, vaporis formâ, vel specie fomenti, cataplasmatibus, &c, applicatur parti affectæ; vel potata, vel clysmate injecta, vel denique venulis absorbentibus, in corporis interna & externa superficie positis, retorpta, miscetur sanguini: & tunc æquabiliter per totum corpus distribuitur. Sed indicatio curatoria requirebat inprimis, ut diluens aqua ad locum obstructum iret plùs quàm ad alias partes.

Habemus jam in Arte talia auxilia, quæ faciunt, ut liquidi vitalis impetus & copia augeantur in parte quadam corporis. Sunt autem talia, quæ minuunt resisténtiam in loco versùs quem indicatio jubet, ut majori impetu & copiâ ruant humores. Sed liquido, in partem corporis quamcumque pellendo, resistunt vasorum plenitudo & robur: omnia ergo, quæ vasa deplent, vel vasorum latera reddunt minùs resistentia, efficiunt, ut in hæc vasa majori impetu & copiâ ruant humores. Hinc fomenta, cataplasmata, vapores aquæ tepidæ, laxando vasorum latera, hoc efficiunt: cucurbitæ pariter, atmosphæræ pressionem dum tollunt in loco, cui applicantur, resisténtiam minuunt: frictions venas deplendo faciunt, ut arteriæ celerius se in venas depletas evacuent: hinc circulationis velocitatem in parte augent; efficiunt ergo, ut eodem dato tempore major humorum copia, auctâ celeritate per Artem, fluat: dum scarificantur partes, quibus imponuntur cucurbitæ, depletis vasis adhuc magis minuitur resisténtia. Præterea omnia illa, quæ applicata corpori stimulo suo vasa irritant in celeriores contractiones, ob eandem causam idem præstant. Hinc sinapismi, vesicatoria, &c, tanto cum fructu adhibentur in hunc usum.

Paret per Experimenta, quanti usûs sint hæc auxilia. Dum pars corporis exponitur aquæ tepidæ vaporì, incipiet brevè tumere & rubere, majori copiâ liquidorum huc derivatâ. Dum in acuta phrenitide omnes turbantur cerebri functiones, balnea, epispastica, cucurbitæ, applicata inferioribus partibus, quantum levamen adferunt! Pleuritidis longè pulchriùs curatur, si calidis fomentis emollientibus nocte & die tegatur affectum latus. Dum strumosis colli glandulis laboranti solventissima exhibentur remedia, nisi partibus affectis fomenta applicentur, vix multum profunt.

Omnia ergo, quæ hoc efficiunt ut in loco ubi obstructio hæret vasa depleantur celerius, & impléantur faciliùs, *Derivantia & Attrahentia* dicuntur: quia faciunt, ut aqua corpori applicata, venis recepta, sanguini missa,

intra datum tempus majori copiâ veniat ad partem affectam.

Sed *Propellentia* dicuntur talia auxilia, quæ motum humorum per vasa augment: hoc enim aucto, celerior fit propulsio aquæ sanguini mixtæ. Sed hæc agunt æquabiliter in totum corpus: attrahentia autem & derivantia aucti motus effectum versùs partem obstructam determinant.

Quando jam hæc simul conspirant, sanantur sæpe talia mala, de quibus desperabant ferè omnes. In spina ventosa, & venereis ossium morbis, qui omnia ferè vel opima remedia eludunt, datur magna copia decocti ligni guajaci: impleto dein corpore per hoc decoctum, suscitatur major motus, dum per accensum vini spiritum, nudo sub stragulis decumbenti ægro applicatum, excitatur febris: sic decoctum guajaci celerius propellitur per omnia vasa. Interim pars affecta vel fomentis mollissimis obvolvitur, vel sic locatur, ut directè recipiat accensi spiritus halitum: sic derivatur & attrahitur in hanc partem remedii efficacia, & sæpissime sanatur.

§. 135. **A**TTENUANT 1. Aqua. 2. Sal marinus, gemmæ, ammoniacus, nitrum, borax, fixus alcalinus, volatilis. 3. Sapones ex alcali & oleo nativi, compositi, fuliginosi, volatiles, fixi, bilis. 4. parata mercurialia. Quæ ipsa perducuntur ad loca debita per derivantia, attrahentia, propellentia.

1. **AQUA** inter illa, quæ attenuant, principem locum obtinet. Adepti dixerunt ex aqua, per seminale rerum principium mutata, conerevissè omnia; & ultimo Artis & naturæ effectû in aquam omnia resolvi posse. Hinc ferè universales solvendi vires in aqua agnoverunt. Elementis enim aquæ hæc proprietates inest, ut calore (aqua enim in glaciem concreta vim solvendi non habet) à se invicem separata, possint locare in interstitiis suis corporum solutorum particulas, illatque ibi sustinere sic, ut simul cum aqua penetrent per minimas angustias, per quas aqua sola transire posset, nisi occurrant in hoc itinere aliis corporibus, quæ soluti corporis in aqua particulas fortius trahunt, tunc enim excutiantur: v. gr; salis marini granum sic solvitur in aqua ut dispareat totum, & licet decem libris aquæ diluatur, in singulis aquæ guttulis hærebit proportionalis salis soluti molecula, poteritque sal sic solutus in aquæ magna copia transire per omnia vasa, per quæ aqua ipsa posset transire. Sed Experimenta docuerunt subtilissimam, quæ sub sensu cadit, fluidorum humanorum partem, aquam esse, saltem pro maxima parte. Urina recens emissa halituosum quid spargit, quod vasis puris collectum aquam exhibet, in qua aliquid spirituosus odorati hæret. Similis vapor & ex sanguine sano, recens misso, exhalat. Subtilissimum exhalans de tota corporis superficie fluidum, tædioso labore collectum; aquam exhibuit, in qua latebat subtilissimum aliquid solo ferè odore distinguendum; quod an aqua sit, an aliud quid, nondum per Experimenta constat. Saltem inde patet, potuisse aquam transire per exhalantia vascula, quorum centena & amplius millia in spatio unius grani sabuli hiant, secundum calculum *Leeuwenhoekii*: ubi ergo obstruens molecula per aquam poterit atrenuari & solvi, ibit cum aqua per minima quæque vascula, & resoluta erit obstructio.

Hinc ablata sæpe modicâ aquæ quantitate immeabiles redduntur humores, qui antea per angustissima fluxerant vasa; redditâ aquâ, iterum attenuantur: v. gr; arteriæ exhalantes in narium cavis subtilissimum efflant liquidum, quod, dissipatâ parte mobilissimâ aquosâ, concrefcit in mucum tenacem; mucus tamen ille iterum per aquam attenuari & solvi potest.

Sed vis hæc attenuans aquæ non valet solvere omnia concreta in corpore humano observata. Salina quidem omnia, mucosa, mucilaginosa, gelatinosa, pituitosa frigida, saponacea, concreta per aquam attenuantur & solvuntur: sed inflammatoria sanguinis ipsifitudo, concreta oleosa, sebacea, calculosa, &c., per aquam non solvuntur. Habentur tamen in Arte & alia auxilia, quæ concretiones illas dividunt, quas sola aqua solvere non posset; uti sunt salina multa, saponacea, &c. Sed & omnia ferè hæc aquam requirunt pro vehiculo, ut penetrare possint ad locum obstructum. Aqua ergo in obstructionibus referendis ferè universalem usum habet, dum vel agit attenuando, vel saltem vehiculi instar alia solventia deducit ad locum obstructum.

2. **SAL MARINUS, GEMMÆ, AMMONIACUS.** Satis affines sibi mutuo pluribus dotibus hi sales simili ferè attenuandi efficacîâ pollent. Duo priores assumpti humoribus nostris miscentur quidem, sed per lotii vias immutati ferè redeunt: hinc licet per pleraque corporis vasa transeant, tamen horum actione non immutantur. Omnia autem illa, quæ ingesta per corporis vires mutari nequeunt, semper majorem motum excitant; hinc & stimuli vice funguntur simul.

Ammoniacus autem sal, prioribus levior, salibus nativis sanguinis magis affinis, per vires nostri corporis mutabilis, & penetrabilis maximè, præsertur ferè, & laudatur merito tanquam summum deobstruens in acutis æquè ac chronicis morbis.

Videtur autem salium horum actio inde pendere, quod humoribus misli soluti, ad locum obstructum delati, vasorum actione quasi attriti ad moleculam obstruentem, pondere suo & figurâ dividant illud concretum, sicque aptum reddant, ut transire possit per vasorum angustias; dum simul stimulo suo vasorum in contenta fluida actionem augeant.

Quantam autem vim habeant, docent Observata Medica. Dum à contusione sub integra cute, fractis vasis, sanguis in thrombum concretus hæret, sales hi soluti in aqua, applicati loco contuso, felicissimè concretum sanguinem resolvunt. Qui sale marino abutuntur, sanguinem tandem habent sic dissolutum, ut vix vasis coerceri possit; unde validissimæ sæpe hæmorrhagiæ oriuntur, partim à nimis dissoluto sanguine, partim à nimia acrimonia humorum, erosio vasis.

**NITRUM.** Hodiernum à Veterum nitro penitus differre videtur; illud enim videtur vel fuisse alcalinæ naturæ; vel salem ammoniacum Veteres vocaverunt nitrum. *Plinius (a)*, dicit, *nitrum in picatis vasis adferri, ne liquefceret; calce respersum reddere odorem vehementem; in uestia aperta exuri, ne exuliet.* Sed hæc dotes salis ammoniaci perfecte conveniunt; nitro autem hodie in Officinis dicto minime quadrant. Alio autem in loco (b) de vitri inventionem scribens, narrat: *Famam ferri, quod apulsâ nave mercatorum nitri, cum sparsi per litus epulas pararent, nec esset cortinis attollendis lapidum occasio, glebas nitri de nave subdidisse quibus accensis per-*

(a) Lib. XXXI. Cap. x. (b) Lib. XXXVI. Cap. xxvi.

*mistâ arenâ litoris, translucentes nobilis liquoris fluxisse rivos, & hanc fuisse originem viiri.* Sed hæc Historia alcalinam nitri Veterum indolem arguere videtur : unde *Boyleus* & alii dixerunt, sodam Ægyptiorum esse nitrum Veterum.

Illud autem, quod hodie in Officinis nitrum vocatur, Veteribus videtur incognitum fuisse, miro modo ambigens inter naturam vegetabilem, animale, fossilem. Reperitur enim in desertis & inhabitatis locis in Indiis orientalibus crustâ tenuissimâ superficiem terræ tegens; post largas pluvias inprimis apparens. In aliis locis de terra nigra excoquitur; in vetustis ædificiis, cœmeteriis, stabulis, columbariis colligitur nitrum: in plantis quibusdam reperitur sal essentialis, solâ inspersione succi expressi & depurati collectus, qui omni dote nitrum refert.

Nitrum hoc, si purum sit ab omni sale marino, in aere siccum manet, in aqua solvitur totum, inter salia ferè levissimum; summum attenuans, per corporis vires mutabile, refrigerans, tantum usum habet, inprimis in morbis acutis, in quibus obstructions ab inflammatoria sanguinis densitate nascuntur. Præfertur tunc salî marino & gemmæ, quia levius est, & superabile corporis viribus: salî ammoniaci verò præfertur, quia sal volatilis alcalinus, in his morbis nocens, magnam partem salis ammoniaci constituit; extricandus fortè à ligante acido salis marini, si occurreret putrefactis vel alcalinis humoribus.

**BORAX.** Mirabilis penitus sal; cujus indoles nondum bene cognita est, & cujus Historia confusa penitus vel apud optimos Scriptores habetur. Voluerunt esse Veterum chryfocollam: sed *Dioscorides* (a) colorem porri lætè virentis commendat in chryfocolla, & monet in fine capituli, esse ex eorum genere, quæ vomitum concitant, imò & necem inferre possunt: & alibi (b) ex urina & ære Cyprio parari glutem, auro ferruminando idoneum (*ἀρμύραρα ἐν τῷ χρυσίῳ κάλλα*) dicit. *Plinius* (c) segetis instar lætè virentis colorem commendat: unde in *Neronis* spectaculis circi arenam chryfocollâ stratam fuisse dicit. Monet etiam vomitum excitare, & auri fibros illud sibi vendicare agglutinando auro; sed addit tunc Cypriâ temperari ærugine, & pueri impubis urinâ, addito nitro.

Unde ex colore & effectis videtur Veterum chryfocolla cuprum in se continuisse: sed in *Actis Academia Regiæ Scientiarum* (d) celeberrimi Viri, salis hujus proprietates indagantes, invenerunt, boracem nihil in se cupri habere; sed esse naturæ utcumque alcalinæ, magnamque affinitatem habere cum soda Ægyptiorum; verum esse minùs alcalinum, & habere præterea in se terram vitrificabilem, & salem neutrum nondum bene cognitum.

Inter deobstruentia remedia magnum nomen obtinuit; unde & difficillimis morbis sanandis solet adhiberi, partim miro, quem habet, stimulo, partim vi salinâ attenuante agens.

**FIXUS ALCALINUS.** Artis tantum, non naturæ filius, à Kali herbula dictus; quæ vivis flammis combusta, cineres salissimos relinquit. Sal ille ex variis admodum paratur vegetabilibus, semper ferè idem, tantum majori vel minori acrimoniâ diversus. Adhibetur inprimis, ubi frigus, inertia, lenta pituita prædominantur; ubi calor, putredo, siccitas magna adsunt, non adeo tutus horum salium usus.

**VOLATILIS.** Omnia hæcenus explorata animalia & vegetabilia, per pu-

(a) Lib. V. Cap. civ.

(b) Lib. II. Cap. xcix.

(c) Lib. XXXIII. Cap. v.

(d) L'An. 1728. 1729. 1733. &c.



træfactionem dant salem volatilem alcalinum. Animalia omnia hæcenus examinata simplici destillatione hunc salem largiuntur. Animalium humores non alcalini, admisso sale fixo alcalino, præbent salem volatilem alcalinum. Plantæ quædam acerrimæ, ut sinapi, cochlearia, nasturtium, cepæ, &c, salem talem continent, fractis tantum plantarum harum partibus, suo halitu se manifestantem, & levi destillatione facili inde extricandum. Ex omnibus illis natus sal volatilis alcalinus, per Artem purissimum redditus, omni dote apparet idem.

Usum habent eundem ferè hi sales, ac alcalini fixi; sed mobilissimi, levissimo caloris gradu disperguntur quaquaversum, & aufugiant; hinc non tam durabili effectu agunt; si verò coerceantur ad locum, ubi agere debent, omnia destrunt: sal enim alcalinus volatilis, cuti applicatus, & tenaci emplastro tectus, illam comburit in crustam gangrænosam. Majorem ergo adhuc cautelam horum salium usus requirit.

3. Saponem omnes olei cum sale accuratam adeo miscelam habent, ut in aqua dilui possint, absque ullo apparente oleo; hoc enim requiritur, ut saponem dici possint. Tales jam saponem habentur plurimi nativi. Mel, Veteribus adeo usitatum, & Chemico examine, & pulcherrimo usu in morbis, inprimis acutis, imò & in chronicis plurimis, saponaceas vires solventissimas exhibuit. Saccharum posterioribus sæculis maximo in usu, antiquis tamen, uti videtur, cognitum, in igne deflagrans, in aqua solubile & in crystallos redigendum, simili valet efficaciam. Fructuum horarum bene maturorum succi recentes vel & in sapam inspissati, incredibili solvendi virtute fundunt omnia. Herbarum recentium succi nativâ miscelâ oleum & salem sic unita habent, ut saponem merito dici possint; imò in quibusdam tanta efficacia est, ut saponis Arte parati instar, sordidas emaculent vestes: docet hoc saponariz dictæ herbæ succus.

Dum cerâ lege oleum animalium, vel vegetabilium, acri sali fixo alcalino unitur, nascitur sapo: in quo antiqua detergens & dissolvens lixiviosi salis vis inest, omnia oleosa, pinguis, resinosa, pituitosa, amurcosa solvens; abest tamen nimia & sæpe rodens acrimonia salis alcalini fixi. Hinc talis sapo, aquâ dilutus vel vacuo ventriculo & Intestinis inprimis in propriis humoribus horum viscerum huc affluentibus solutus, universale ferè decostruens dat, turò faciens, quod acriora solventia nonnisi cum periculo efficerent.

Efficacissimi per Artem parantur saponem, dum purissimum & attenuatissimum oleum vegetabile jungitur sali alcalino sincerissimo fixo, vel volatili. Sic alcohol vini cum sale volatili alcalino concrevit in saponem mirabilem, *Offam Helmontianam* dictum. Idem Alcohol, ab omni aqua liberum, siccissimo ab igne sali fixo alcalino unitum, verum facit saponem. Æthereum terebenthinæ oleum, alcalino sali difficili Arte unitum, saponem præstantissimum facit, *Starkeyanum* vulgò dictum. Quò purius & subtilius oleum, quò magis sincerus sal fuerit, eò præstantior usu sapo inde natus.

FULIGINOSI. Fumus, dum aperto igne combustibilis materia uritur, camino receptus, condensatus, ejus parietibus accrescit formâ flocculorum nigrorum: est verus carbo volatilis pingui oleo dives, fuligo dictus. Chemica hujus analysi docet, in aquam, sales, olea, terram, resolvi posse; unde saponacea ejus indoles patet. Catapotia ex fuligine facta, auro obducta ne displiceant nimis, deglutita in lentis morbis, vi attenuante saponacea summos fecerunt effectus.

**BILIS** verum saponem nativum in animali corpore exhibet. Crudis ingestis, per ventriculi actionem jam parum subactis in homine statim bilis affunditur, ut æqualissima fiat omnium miscela, & solubilitas in aquosis. Sericeas vestes, pinguibus maculatas, bile animalium pulchre depurare noverunt Artifices.

Pretiosa pigmenta Pictores bile diluunt, ut æqualissimè diduci possint. Quantam autem vim dissolvendi habeat bilis, docent morbi, in quibus bilis, impedita fluere per constrictas vias, regurgitat in sanguinem; dissolvitur enim totus in aquam tenuem; unde diuturnum icterum serè semper hydrops sequitur. Bilem inspissatam in extracti formam, ne putrescat, servant Officinæ: unde catapotia fiunt ad hos usus. Imò tumido abdomini juniorum inuncta bilis inspissata fundit concretas massas in intestinis hærentes, & per alvum evacuat.

Pro varia jam morborum indole varii sapones adhibentur. Sapo, Venetus dictus, ex purissimo oleo pressio & sincero sale alcalino factus, sine ullo serè renixu fundit omnia; in morbis autem acutis, putridisque, non semper adeo tuti usus: tunc mel, saccharum, horæorum fructuum succi recentes, vel inspissati præferuntur; maximi usus in primis, ubi inflammatorium spissum resolvendum est. Si frigus, inertia, mucosa humorum indoles prædominentur; acriores sapones fuliginosi, vel ex oleis stillatitiis aromaticis & sale volatili alcalino facti, ut sunt sales volatiles oleosi Officinarum, præferuntur. Profunt tunc & illi, qui ex alcohole & salibus fixis alcalinis fiunt, &c. Ubi putredo adest, vel futura metuitur, à bile, adeo sponte in putredinem pronâ, abstinemus.

4. **PRÆPARATA MERCURIALIA.** Argentum vivum, sic dictum est, quia argenti fulgorem suo splendore refert, & tremulâ fluiditate vitalis quid habere videtur: unde & ὑδράργυρος vocavit *Discorides*; ἀργυρος κίνητος *Aristoteles*, quasi argentum mobile dixit; hoc Veteribus quidem cognitum fuit, sed damnatum tanquam deleterium. *Dioscorides* (a) dixit hydrargyron e potum eadem facere, quæ lithargyron, cujus noxas (b) descripserat: & alibi (c) monet, quod oporteat servari hydrargyrum in vitreis vel plumbeis, vel stanneis, aut argenteis vasis; aliam enim omnem materiam exedit, & facit diffuere; potestatem autem habet deleteriam epotum, gravitate erodens interiora. *Plinius* (d) pariter damnavit, vocans argentum vivum vomicam liquoris æterni, rerum omnium venenum, quod exest, ac perumpit vasa permanens tæbe dirâ: unde & postea (e) minii, ex quo argentum vivum excoquitur, usum in Medicina tanquam temerarium damnat. *Galenus* (f), brevi tantum sermone agens de hydrargyro, dicit, se non habere ejus nullam Experientiam; neque ut interimentis, si epotum fuerit, neque an id faciat externè appositum. Proscriptus hinc fuit argenti vivi usus etiam à Græcis Medicis recentioribus Arabes primi incepterunt externo usu argentum vivum adhibere ad cutaneos morbos sanandos. Postea ad luem veneream curandam laudaverunt externum tantum usum Medici, donec primus fuerit *Joannes de Vigo*, qui præcipitatum rubrum internè exhibuerit. Postea ipsum argentum vivum in nativa forma dederunt in pilulis *Barbarræ* dictis; uti in tractatu absolutissimo de *Morbis Venereis* demonstrat celeberrimus *Astruc* (g).

(a) Lib. VI. Cap. xxviii.

(b) Ibid. Cap. xxvii.

(c) Lib. V. Cap. cx.

(d) Lib. XXXIII. Cap. vi.

(e) Ibid. Cap. viii.

(f) Lib. IX. Simplic. Medicament. Charier. Tom. XIII. pag. 270.

(g) Pag. 126, & seq.

Mirabile hoc fluidum metallicum, soli auro pondere cedens, simplicissimum est & divisibile admodum, cum per ignem volatilis fumi formâ dissipetur in auras; (quantum enim debuit increvisse superficies ratione molis, antequam ponderosissimum argentum vivum in aere sustineri possit!). Nullam præterea habet acrimoniam sensibus observabilem; cum & oculi tenerrimus sensus, & crudum vulnus nullam asperitatem, nullum dolorem ab applicato argento vivo percipiant. Dum blandum adeo apparens & iners remedium corpori viventi applicatur externè per linimenta, emplastra, &c. vel & in vapores resolutum bibula ingreditur extrorsum patentia vasa; vel deglutitum parca copiâ & repetitis vicibus fuerit, miro modo mutat totum corpus, fundit, dissolvitque totum sanguinem in foetidam quasi colluviem, quam per salivationem, vel & per alvum quandoque de corpore expellit.

Oritur tunc primò ægritudo per totum corpus, major calor, febris, vires incipiunt prostrerni quasi, appetitus minuitur, sitis oritur major; post cadaverosus halitus expiratur ore; gingivæ, lingua, palatum, tonsillæ, glandulæ sub lingua & aliæ vicinæ incipiunt tumere, dolere, calere; dentes assurgunt; lingua ad latera & apicem, ubi dentibus contigua est inprimis, ulceribus albis dolentissimis eroditur; similiter & pars interior genarum & labiorum afficitur; tota facies tumet; labia tumentia terrorella fiunt sordido aspectu; tunc effluit viscosus olidus humor ingenti sæpe copiâ, exulcerans omnia loca, quæ alluit. Durat hoc per plures dies: sensim tunc minuuntur omnia recensita, exhaustum apparet totum corpus, & decolor. In quibusdam, vel ex suppressa salivatione jam incepta per frigus admissum inprimis; vel ex peculiari Idiosyncrasia versùs ventriculum & intestina tendit remedii virtus; & similia tunc in his partibus videntur oriri mala, quæ oculis videmus fieri in partibus oris interni. Tunc sævissima cardialgia, & tormina intestinorum acerbissima oriuntur, alvi fluxus aquosus, olidissimus, copiosus, subito sæpe vires prostrernit, animi deliqua, imò ipsam mortem producit.

Hoc saltem patet, argenti vivi usum, sive per salivales ductus, sive per alvum educantur humores, dissolvere omnia, attenuare, dividere: sanissimus enim homo, opimâ corporis pinguedine nitens, incautus dum argentum vivum, ad curandam scabiem, corpori affricat, validissimam passus fuit salivationem per viginti dies, totus pallidus & emaciatus emerfit, toto sanguine sic dissoluto, omni pinguedine attenuatâ & educatâ de corpore.

*Piscarnius* (a), qui ex communibus omnium corporum legibus plurima deduxerat pulcherrima in Medicina, fuit in illa opinione, gravitatem argenti vivi solam sufficere, nec aliam facultatem hîc desiderari, ut explicentur mirabiles illi effectus: imò audacter addidit, aurum, in formam sanguini permiscendam redactum, habiturum vires ponderi proportionales, & omnia Medicamenta tantum superaturum virtute, quantum pondere superaverit.

Argentum nempe vivum in minutissimas moleculas divisibile, sanguine ferè decies & quater ponderosius, venas ingressum, per pulmonis angustias pulsum, ex sinistro corde cum sanguine in arterias projectum, habebit eandem celeritatem ac reliquæ sanguinis moleculæ; momentum ergo motûs in argenti vivi particula erit ad momentum motûs in sanguinis molecula, ut pondus argenti vivi est ad

(a) Dissertatio de causis diversæ molis, quâ fluit sanguis per pulmonem, natis & non natis, pag. 37. 38.

pondus sanguinis. Tantâ ergo vi irruentis argenti vivi particulæ in sanguinis moleculas, illas dividunt, & attenuabunt: rubedo peribit in sanguine dissoluta; extricabuntur olea & sales attenuata pariter, unde fœtor & putredo: attenuati humores per dilatata, impetu irruentis tantâ vi argenti vivi, vasorum oscula, exibunt de corpore. Omnia autem hæc effecta debent augeri, quia argenti vivi moleculæ motum semel impressum diutius retinent: demonstraverunt enim Mechanici, retardationes corporum æqualium, sed diversæ densitatis, æquali cum velocitate per idem liquidum motorum, esse in ratione inversâ densitatum.

Simplex hæc, & cognito ponderi argenti vivi innitens, explicatio mirabilium horum effectuum sufficere visa fuit. Quædam tamen seriò hæc meditati obvenerunt dubia, quæ non prurigine obloquendi Viris, quos veneror, sed veritatis amore, meliora addiscere paratissimus, proponam.

Ex universalibus illis argenti vivi proprietatibus non videtur explicari posse, quare soluti per vim assumpti argenti vivi humores per salivales ductus potiùs ruant, quàm per alia corporis loca.

Præparata mercurialia Officinarum in parva quantitate omnes illos producunt effectus, quos longè major argenti vivi copia tantùm facit. An verosimile apparet in corpore humano argentum vivum extricari ita posse ex his præparatis, ut nativa ipsi forma redeat, & pristinum pondus; cùm per Artem nonnisi summo igne, & additis talibus, quæ acidum argento vivo unitum in se trahunt potentissimè, hoc fieri possit? Et licet daretur, sic reviviscere in corpore argentum vivum, nondum ulla patet ratio, quare pauca grana facerent, quod uncia integra argenti vivi vix efficit.

Novi satis, quid respondeatur ad hanc difficultatem; quòd nempe argenti vivi minutissimè divisi moleculæ, salinis spiculis infixis horridæ; pondere metallico unito concentratissimo acido, plùs dividant omnia, quibus occurrunt. Sed consideretur præcipitatum album Officinarum, levissimum exhibens inter præparata mercurialia pulvisculum: in ejus præparatione enim, assusâ muriæ salis marini, excutitur in spiritu nitri solutum argentum vivum, edulcoratione repetitâ pulvis ille insipidus ferè & blandus fit; tamen vidi sæpius, quòd granis viginti, divisis dosibus datis, imò & aliquando longè minori quantitate excitata fuerit satis valida salivatio. Levitas hujus præcipitati albi, & debilis salium argento vivo unitorum acrimonia in hoc pulvere, videntur repugnare huic sententiæ.

Nobili Viro cæcitate languidâ & confirmatâ utriusque oculi laboranti, jusserat empiricus, ut bina grana pulvisculi mercurialis (quem postea turbith minerale fuisse dixit) naribus attraheret, statim vomitu, sudoribus, sedibus, urinâ, salivâ, lacrymis, decem aut duodecim horarum operatione, adeo commotus fuit, ut caput ejus plurimùm intumuerit; tertio tamen aut quarto die post hæc facta gradatim rediit visus; & post mensem Philosophicum acutior, quàm unquam antea fuerat. Sic narrat Boyleus (a).

Ex hac Historia patet, omnes effectus argenti vivi ortos fuisse, dum pulvisculus mercurialis internas nares tangeret tantùm.

Argentum vivum purum, vase vitreo sicco, sincero, contentum, solo concussu Mechanico agitatum, dedit pulverem mollem, nigrum, tenuissimum, saporis

(a) De Utilitate Philos. Experiment. pag. 346, 347.

acris metallici, æris saporem utcumque referentis. Sexaginta & unâ destillationibus purissimum redditum argentum vivum majorem copiam dedit similis pulveris. Argentum vivum in cucurbitis vitreis conicis fundo instructis, phialâ Chemicâ vitreâ inversâ clausis, calori 180 graduum expositum per plures menses, dedit similem omni dote pulverem.

Sed pulvis ille sic natus, ex retorta vitrea valido igne destillatus, rediit in argentum vivum, pauca grana tantum relinquens fixæ materiæ.

Simplici destillatione ex retorta vitrea purissima ex argento vivo nascebatur pulvis ruber splendens, valde friabilis, saporis acerrimi metallici, nauseosi, penetrabilis, vix ex ore delendi, corpus humanum diu & validè turbans, & ad excretionem disponens: tamen pulvis ille sic natus, validissimo igne iterum ferè totus mutabatur in argentum vivum (a).

Ex his apparet, argentum vivum, sine ullo addito, solo tritu Mechanico, solâ ignis actione posse mutari in acerrimam indolem; iterum tamen redire majori igne in pristinam formam, depositâ omni acrimoniâ. An ergo argenti vivi efficacia à communibus omnium corporum proprietatibus pendet? An non potius singulari ejus naturæ, per Experimenta sola cognoscendæ, hæc attribui debet? Sufficit interrim Medico novisse, quid agat argentum vivum humano corpori applicatum; licet modum, quo agat, ignoraverit. Aliorum remediorum virtus non magis patet inquirentibus: quis enim explicavit modum, quo scamnoneum totum sanguinem, in putridam aquam solutum, per alvum deturbet? Quis intellexit antimonii, & ejus præparatorum, mirabiles dotes? &c.

Omnia jam hæc remedia hæc §. recensita iterum determinari debent ad illa loca, quantum fieri potest, ubi hæret solvendum: hoc autem fit per *Derivantia*, *Attrahentia*, *Propellentia*; de quibus dictum præcedenti paragrapho.

§. 136. **C**AUSA coagulans educitur attractione alterius fortius trahentis. Sic acida in alcalia, olea in alcalia, &c, trahuntur, quæ Experimentis Chemicis, inprimis inveniuntur.

Per Chemica Experimenta constat, obtinere in quibusdam corporibus miram proprietatem, quâ alia corpora trahunt & sibi uniunt: v. gr; olei vitrioli drachma si tribus aquæ libris diluatur æquabilissimè, dein affundatur oleum tartari per deliquium, illud sibi uniet vitrioli acidum, & cum illo concreset in salem compositum. Dum fluidissimum argentum vivum liquato per ignem sulphuri instillatur sensim, & agitatione continuâ miscetur, concrescunt hæc simul in nigram massam; quæ valido igne si urgeatur, non redit argentum vivum, nec avolat, sed simul unita sublimantur, & dant cinnabarim. In hoc casu ut reddatur pristina fluiditas argento vivo, debet addi huic massæ, ex sulphure & argento vivo concretæ, tale corpus, quod potentius trahit sulphur, & sibi unit; tunc enim redit argento vivo antiqua indoles. Hoc fit, dum limatura ferri miscetur cinnabari; & dein

(a) Herm. Boerhaave de Mercurio Experimenta in Transactionibus Philosophicis Anglicanis. num. 430. Mens. Novemb. & Decemb. An. 1733.

summo igne urgetur ex retorta: unitur tunc sulphur limaturæ ferri, & liberum ab hoc vinculo argentum vivum in excipulum transit.

Plurima alia recenseri possent Experimenta Chemica, quæ docent, unita simul corpora, admissione alterius, quod potentiori vi trahit alterutrum horum, secedere à se invicem. Argentum in aqua forti solutum, immisso cupro, præceps fundum petit; solum cuprum similiter addito ferro excutitur, &c. Alcohol dissolvit, & sibi unit, olea stillatitia; affusâ aquâ, lætescit antea limpidum fluidum, & secedunt sensim olea prius soluta.

Magna tamen hic semper difficultas manet, dum non ita facilè cognoscuntur causæ coagulantes, & sæpe causæ penitus oppositæ coagulum nostris humoribus inducunt. Numquid quies & nimius motus sanguinem coagulant? An non frigus summum & urens calor in massas irresolubiles faciunt coire sanguinis elementa? Quis intellexit modum, quo ab ingenti terrore (quod vidi) scirrhus in mamma subitissimè nascitur, nullis remediis postea resolubilis? &c. Præterea dum coagulans causâ fecit concrefcere fluidorum nostrorum moleculas inter se, illas sæpe sic mutat, ut ablata causâ coagulante, tamen non restituantur pristina fluiditas. Si quis dubitaret de hac re, tentet coagulatum affuso oleo vitrioli sanguinem iterum fluidum reddere additis alcalinis salibus.

Pulchrum tamen habetur in Arte exemplum, quo patet, humorum nostrorum coagula quædam sic posse resolvi per eductionem causæ coagulantis, ut redeat fluiditas, sic ut restituantur liber omnino per vasa humorum transfluxus: dum nempe per acerrimum gelu extremæ partes corporis omni vitali humorum influxu privatæ sunt, si tunc nive tegantur, vel immergantur aquæ gelidissimæ, tantum non congelatiæ, extrahuntur ex parte congelata spicula illa glacialia, redit vita in partem, & concretis fluidis redditur pristina fluiditas.

Plura fortè talia adhuc latent in rerum natura, quæ eductione causæ coagulantis valerent resolvere concreta in corpore humano. Calculi elementa in limpidissima sani hominis urina fluunt; adunata postea sic coheret, ut hætenus per Artem resolvi non potuerint. Qui posset vim illam, qualiscumque demum sit, quâ uniuntur calculi elementa, tollere, solveret calculum. Interim non semper summæ solvendi virtuti magna acrimonia comes est: blandum oleum solvit ceram, quæ aquæ flygiæ resistit; iners ovi cocti albumen myrrham diffuere facit, quæ aliis menstruis suâ tenacitate vix solvi potest. Pulcherrimus talium remediorum usus meretur, ut investigentur sedulò.

§. 137. **V**ERUM quum liquidum, in loca aliena pulsus, non penetrabile sit, hincque obstructions creat, producuntur multi, malignique morbi, unde meretur id malum attentè perpendi.

Hic agitur de illa obstructionis causâ, quæ explicata fuit §. 118, ubi nempe nec in vasis angustatis, nec in liquidis concretis hæret obstructionis causâ; sed tantum sit, quia liquida ingressa sunt canales minores, quàm sunt illi, per quos naturaliter fluere debebant: hinc quamvis talia liquida ingredi potuerint vasculum minorum dilatata orificia, non poterunt tamen per angustus horum vasculorum fines transire: hærebunt ergo, & obturabunt hæc vasa.

Quàm ferax inde oriatur morborum seges, patebit faciliè consideranti, quòd illibata sanitas totius corporis & singularum partium pendeat à debito liquidorum transfluxu per vasa proportionalis amplitudinis; & quòd auctam celeritatem transfluxus humorum per vasa sequatur statim hoc malum. Dum enim valido motu musculari, vel per febrim, augetur circulationis velocitas, videmus statim rubore perfundi multas corporis partes, quæ antea non rubebant: manifesto indicio, sanguinem rubrum jam ingressum esse plurima vasa, in quibus naturaliter antea non reperiebatur.

Sed non tantum numerosissimi inde pullulant morbi, sed & periculosissimi simul inde nasci possunt. Faciliè enim concipimus, quòd sicuti pars rubra sanguinis per errorem loci ingredi potest vasa serosa, ita & reliqua decrescantis magnitudinis fluida possint impelli per easdem causas in aliena vasa. Si jam à tali causa obstructio nascatur in tenerrimis illis cerebri & cerebelli vasculis, unde vita & humanitas pendet, subito lethales orientur morbi, quorum causa tamen in cadavere omnem sensum fugiet. Tales autem morbi merito maligni dicuntur.

Apparet ergo evidenter, quantæ utilitatis sit rectè intelligere hujus mali naturam, & cognito malo, debitam adhibere curationis methodum.

§. 138. **SCIMUS** id factum, si novimus 1. Causas ejus (118) quæ ut plurimum satis observabiles, prægressas fuisse. 2. His dein successisse contrarias. 3. Ubi effectus ejus clarè cernimus. (120. 121. 122.)

Queritur jam, per quæ certò cognoscere possumus, hanc obstructionis causam obtinere.

In §. 118, enarratæ sunt causæ, quæ observatæ fuerunt errorem loci produxisse: plethora nempe, motus auctus, rarefactio liquidi, laxatio vasis. Plethora adesse cognoscitur ex dictis §. 106, *lit. a.* Motus auctus indicatur signis recensitis §. 101. Rarefactio liquidi noscitur ex illis, quæ §. 106, *lit. f.*, dicta sunt. Laxatio vasis præsens scitur ex dictis §. 27, §. 43, & §. 44: inprimis autem, si observetur error loci obtinere sine plethoræ, motus aucti, vel rarefactionis signis, tunc laxitas vasorum sola causa videtur esse. Ut enim vasa minora recipiant crassiores solitò humores, requiritur, ut priùs dilatentur; naturalis enim horum vasorum angustia excludit crassiores humores. Sed hæc dilatatio vasorum oritur vel ab aucta vi, quæ urgentur humores in vasa, vel à minorto robore vasorum, quo renituntur nimie dilatationi. Ubi ergo non adsunt causæ, per quas majori impetu fluida agunt in vasorum latera, error loci potest tantum fieri à minori resistentia laterum vasorum, id est, à laxitate nimia. Hæc autem causa frequentissimè obtinet; toties enim ophthalmiæ à sola laxitate nimia vasorum oriuntur; non quidem adeo acutæ, sed magis diuturnæ. Sic in moribundis, resolutio vitali robore, videmus viscidum exprimi sudorem, maculas rubras, purpureas, lividas, nasci, à crassioribus nempe liquidis ingressis minora vasa; & resolutione sphincterulorum; quibus vasa videntur coercere contentos humores.

2. Si jam dilatatis vasis per plethoram, motum auctum, rarefactionem liquidorum, vel laxitatem nimiam, applicentur talia, quæ subito constringant vasorum capacitatem, certi sumus errorem loci obtinere; ingressi enim crassiores humores

dilatata vasa, retinentur iisdem constrictis, nec retrogredi poterunt, nec per angustias ulteriores propelli, unde necessario sequitur obstructio. Si æstus à valido labore homo bene tecto corpore quiescat, sensim vasa omnia contracta proprio robore retropellunt alienos ingressos humores: si nudum corpus idem homo gelido vento exposuerit, sæva nascitur tam sæpe ab hac causa pleuritis, vel & alii inflammatorii & difficillimi morbi.

3. Confirmatur autem hæc diagnosi, quando observantur illæ mutationes læsarum functionum, quæ descriptæ fuerunt numeris citatis.

§. 139. **F**ACILE quoque est prævidere, quid fiat ex hoc malo posito per ea, quæ exposita sunt (§. 120. 121. 122. 123).

Quando jam hoc malum cognitum est adesse, & simul constiterit, à quam causa ortum duxerit, & quam corporis partem occupaverit, facile erit prædicere effecta hujus mali. Longè enim alia metuuntur ab errore loci, qui à nimia circuitus humorum velocitate oritur, quàm ab illo, qui à nimia laxitate vasorum fit: multò periculosior error loci in vasis encephali, quàm in cute brachii, &c. Sed in numeris citatis omnia hæc explicata fuerunt: §. enim 120, generales omnium obstructionum effectus considerabantur; sequentibus verbò 121, 122, 123, dictum fuit, quid in variis vasorum seriebus, & diversis corporis partibus inde foret metuendum.

§. 140. **C**URATIO fit. 1. Impactum retropellendo motu retrogrado in vasa majora. 2. Id resolvendo 3. Vasa laxando. 4. Suppurando.

Hæret molecula obstruens in vase conico, semper in angustius vergente: quamdiu jam manet eadem magnitudo moleculæ obstruentis, & eadem firmitas laterum vasis obstructi, non poterit illud obstaculum ulterius protrudi versùs majores angustias; nihil ergo tunc superest, nisi ut retrogrado motu retropellatur versùs basim conici vasis; sicque iterum ingrediatur vasa majora. Patuit autem ex *Leeuwenhoekii* Observatione §. 132. n°. 1, enarratâ, quòd massula obstruens retropelleretur sæpe; dein protruderetur iterum, sicque iret & rediret in canale obstructo: causa autem protrudens moleculam immeabilem in majores angustias est imperus fluidi à tergo urgentis; cessante hoc impetu, contractilitas laterum canalis obstructi reprimebat hanc moleculam versùs latiorum locum.

Obtinere autem talem retrogradum motum fluidorum in vasis, simulac cordis vis impellens cessat, vel minuitur, docent certissima Observata. Dum in syncopen delabitur homo, incipit minui cordis actio; inò si perfecta fuerit syncope, cessat integer. Incipiunt tunc statim pallere labia & oculi, facies contrahi & subsidere, colapsus, vel potius contractus, elasticitate suorum laterum vasis minoribus, & retropellentibus fluida contenta in majora vasa.

Si jam v. gr; globus ruber, orificium dilatatæ arteriæ serosæ ingressus, ibi hæreat immeabilis; idem ille, retropulsus in arteriam sanguineam subram, ex qua derivabatur



derivabatur arteria serosa, libere fluere per ultimas arteriæ rubræ angustias, & resoluta erit obstructio. Eadem jam poterit fieri obstructionis solutio in reliquis decrecentium vasorum seriebus.

2. Ex data definitione §. 107, obstructio nascebatur ex excessu molis transituræ supra capacitatem vasis transmissuri: si jam possit immeabilis hærens molecula sic dividi, ut per vasis obstructi ultimas angustias transeat, sublata erit obstructio. Hæc methodus resolvendi obstructionem patuit in modò citato *Leeuwenhoeckii* Experimento, ubi ita illo & reditu massula obstruens ad latera canalis attrita solvebatur sic, ut transire posset.

3. Apparet evidenter, effectum fore omnino eundem, si ve vasis obstructi augeretur capacitas, si ve moleculæ obstruentis minuatur moles; utroque enim in casu liberum conciliabitur iter fluido transmittendo per canalem antea obstructum, quod requirebatur. Laxari autem sic posse vasa, ut non tantùm admittant crassiores humores, sed & transmittant per ultimos suos fines, quotidiana docent Observata. Uteri internam superficiem constituentia vasorum ibi hiantium oscula tenuissimum tantùm rorem transmittunt omni tempore, dum non menstruat mulier; menstruum verò tempore rubrum dimitunt sanguinem: his cessantibus, contrahuntur iterum, nec admittunt sanguinem rubrum. Multis hominibus accedit, ut ruditer vecti per strata lapidea sine ullo dolore purum mingant sanguinem, non ruptis, sed tantùm dilatatis fistulis renalibus; solâ quiete tollitur hoc malum, contractis iterum his fistulis, antea nimis dilatatis.

Mirum fortè videri posset, quòd §. 118, inter causas, per quas aliena vasa ingrederentur crassiores humores, recenscebatur vasorum laxatio; hic autem in curatione ejusdem mali laudatur eadem vasorum laxatio. Sed notandum, quòd laxitas vasorum, quæ facit, ut dilatatis orificiis admittantur quidem, sed non transmittantur crassiores humores, sit causa erroris loci: talis verò laxitas, quæ facit, ut admissa crassiora liquida transmitti possint per ultimos fines canalis, sanet obstructionem ab errore loci ortam.

4. Ubi jam molecula obstruens tam validè impacta est vasis conniventis angustias, ut non possit retropelli in majora vasa, nec resolvi per Artem, neque tanta possit conciliari vasi obstructo laxitas, ut transmittat immeabilem moleculam; tunc unicum hoc superest, ut vis vitalis, à tergourgens in locum obstructum, abscindat partem obstructam: vas tunc liberum, sed patulum, humores suos effundit, solidis illis tenerrimis abscissis miscet, calore loci, attritu vicinorum vasorum, hæc simul abeunt in homogeneum album, spissum pinguem humorem, pus dictum: hoc vocamus *suppurare*. Hæc est sola via, quâ natura se liberat ab omni parte adeo obstructa ut resolvi non possit. Salutare semper est hoc naturæ conamen, modò vasa, sic in pus mutanda unâ cum infarcto immeabili liquido, non sint absolute necessaria ad vitam; & pus sic factum commodè evacuari possit.

Dum in febre ardentissima, nempe peste, oritur circa glandulas axillares, vel & inguinales, si ve inflammatio, cum summa duritie, nullâ Arte resolvable; suppuratione circa margines abscinditur totum hoc mortuum à vivis partibus, & excidit; quod Arte nullâ nisi per solam suppurationem fieri potest.

§. 141. **IMPACTUM** retrofertur 1. Evacuando liquorem, qui impactum urget, magnâ, subitâ sanguinis missione unde nixu contracti vasis retro agitur. 2. Frictione ab extremis vasis ad basin.

1. Dum arteria vi cordis distenta se contrahit, retroprimeret contentum fluidum versûs latiorē locum, nisi à tergo urgens liquidus impediret: dum ergo illius liquidus minuitur copia, & debilitatur impetus à tergo urgens, retrogrado motu ab apice basim versûs movebitur in arteriis contentum fluidum; sicque, quoad determinationem motûs fluidi, arteriæ fient pro tempore venæ. Sanguinis missio jam utrumque hoc præstat; minuit enim fluidi vasis contenti copiam, & debilitat cordis impellentis robur: possumus enim pro lubitu solâ sanguinis missione ad mortem usque solvere hominis vires.

Sed ut hæc fiant cum fructu, debet magna esse & subita sanguinis missio; parvâ enim quantitate sanguinis subductâ non satis minuitur copia; & nisi subita fuerit, non ita debilitatur vis cordis à tergo sanguinem urgens. Robustus enim homo patulo de vulnere vix binas libras sanguinis pleno rivo dimittet, quin cadat in animi deliquium; dum triplam copiam sanguinis perdere poterit, cùm guttatim de naso stilat, vel dente evulso (ut sæpe observatum fuit) tenuis arteriola jugi stillicidio noctes & dies sanguinem fundat; nec tamen tunc animo linquitur.

Confirmant hanc rem Observata in morbis acutis inflammatoriis. Dum acutâ pleuritide decumbens præ immāni dolore inspirare nequit, sicque suffocatur ferè, solvitur patulo vulnere brachii vena: fluente adhuc sanguine sæpissimè incipit minui dolor; imò integrè cessat aliquando, liberatis vasis obstructis retrogrado hoc motu humorum versûs latiora vasa. Dum inflammati oculi rubent penitus à sanguine alienis vasis impulso, venæsectione magnâ, imò ad animi deliquium usque, factâ, statim rubor ille disparet, retropulso sanguine in majora vasa. Non enim requiritur, ut massulæ obstruentes retrogrado hoc motu ferantur per magnam longitudinem, antequam ingredi possint latiores truncos. Anatomicæ enim injectiones docuerunt frequentissimas anastomoses & divaricationes truncorum in ramos in exiguo etiam spatio inveniri.

Veteres Medici, licet sanguinis circuitum ignoraverint, tamen per solam Observationem effectuum in morbis, largam sanguinis missionem commendaverunt ad similia mala. Galenus (a) explicans aphorismum 23, sect. 1, ubi de evacuationibus agit, & quidem ad animi deliquium usque, talem evacuationem laudat *in maximis inflammationibus, in febribus ardentissimis, & vehementissimis doloribus*. Et alibi (b): *ubi fervescentis inest sanguinis plenitudo, acutissimam accendens febrim, subito ac simul evacuare expedit, eamque inanire tentandum, vel ad animi deliquium usque, virium modò inspecto robore*. Quæ autem sequuntur mox indicant, Galenum, hic de sanguinis missione agere: monet enim, ad pulsuum diminutiones Medicum attendere debere, tangendo eos, sanguine etiamnum fluente, ne pro animi deliquio mortem occupet, quod tribus Medicis accidisse turpi errore narrat (c).

(a) Comment. I. in Aphorism. Hippocrat. Cap. xxi. Charter. Tom. X. pag. 442.  
Charter. Tom. IX. Part. II. pag. 40.

(b) De curandi ratione per venæsectionem,

(c) Ibid. pag. 442.

Signa autem instantis animi deliqui à larga missione sanguinis manifesta apparent: pulsus enim incipit robore minui, vacillare; levis oritur vertigo; pallent oculi & labia; nausea oritur & sæpe vomitus, & sanguinis effluëntis celeritas minuitur: tunc abstinendum ab ulteriori vacuatione.

2. Quando impetus liquidi, à tergo urgentis moleculam obstruentem, sublatus est, vel saltem minutus plurimum, tunc sola contractio vasis reprimat immeabilem massulam versùs latiore locum. Omne ergo, quod vasorum contractilitatem auget, vel simili effectu cum illa conspirat, juvabit hunc retrogradum motum. Frictio autem externè comprimendo vasorum latera, facit idem, quod contractilitas propria fecisset, & hujus efficaciam auget, ut dictum §. 28. n°. 2. Hinc patet ejus utilitas, inprimis si ab extremis vasis basim versùs frictio instituat.

Quantùm autem hoc profit, docent iterum Observata. Longè feliciùs sanguinis missione pleuritis solvitur, si illo tempore, dum fluit adhuc sanguis, leviter perfricetur latus affectum; vel ægri profundà & sæpe repetitâ inspiratione, vel & tussi, affectam partem moveant: unde sæpe vino calido vel aceto nàribus supposito, cardiaci titulo, oogimus ægros, ut vel invitussiant, dum sæpe æcerbi doloris prægressi metu hoc facere non audent. Dum valido cursu agitantur animalia in venatu, observatur sæpe, ablata cûte, totum panniculum adiposum, imò & ipsam carnem musculosam, ferè nigrescere, ob infarctum sanguinem in vasis alienis: ideo reduces post validos cursus equos in stabulis perfricant equifones; ut tollatur hoc malum; didicerunt enim Experimentis, nisi hoc fecerint, languere hæc animalia, & inepta penitus reddi ad solitos labores.

Veteres, lassatos longo itinere homines, in balnea ducebant, & perfricabant; idem adhuc in Asia fieri consuevit.

§. 142. **I**MPACTUM resolvitur remediis (133. 134. 135. 136.) antè positis.

De his omnibus dictum fuit in numeris hîc citatis. Maximè notandum videtur; quòd sanguis noster, sponte suâ concrefcens dum quiescit, concretus tamen sensim iterum resolvatur: sanguis enim, de vena sani hominis missus, concrefcit brevî in placentam solidam; unde sensim exprimitur serum tenuius, cui innatat concreta massa rubra, insula dicta. Effuso omni serô, rubra illa crassa pars post aliquot horas iterum simile serum dat, sêcque tandem ferè tota colliquescit. Hinc admodum probabile videtur, moleculas obstruentes, in vasis hærentes, calore corporis sensim sic posse solvi, modò impetus fluidi à tergo urgentis minuat, & non adsit nimium robur vasorum, per quod densantur nimis validè fluida.

Hæque videtur esse ratio, quare morbi inflammatorii feliciùs curentur in laxis corporibus, quàm in robustis & valido labore exercitatis hominibus.

§. 143. **V**ASA laxantur remediis (35. 36. 54.) propoſitis.

§. 144. **D**E suppuratione dicetur in Historia inflammationis.  
B b ij

Hactenus explicati sunt morbi simplicissimi, qui in solidis partibus corporis humani occurrebant; nimis debilis nempe, vel nimis valida cohesio partium inter se, nullâ habitâ ratione fluidorum. Dein spontaneæ fluidorum & morbosæ degeneratio- nes fuerunt enarratæ: tunc considerata fuerunt illa vitia, quæ in solidis & fluidis simul consideratis observabantur simplicissima; nempe incitatus, vel torpens nimis fluidorum per vasa motus: uti & plethora, sive nimia boni humoris abundantia. Tandem & de obstructione actum fuit, quia & solidarum partium vitiiis, & humo- rum, vel & utrisque simul conspirantibus originem suam debebat.

Sequitur jam ex ordine §. 16, descriptio, ut agatur de soluta cohesione partium, id est, de vulnere: patebit enim consideranti, omnia hæc præmittenda fuisse, ante- quam vulneris Historia & Curatio tradi posset.



## DE VULNERE IN GENERE.

**M**IRUM fortè videri posset, celeberrimum horum Aphorismorum Auctorem externos & Chirurgicos dictos morbos tanta cum cura tradidisse, cum plerorumque animis hæc infederit opinio, internos morbos solos ad Medicum pertinere, externa verò mala Chirurgis relinquenda esse. Sed illa Medicinæ pars, quæ de externis mor- bis agit, omnium vetustissima est. *Podalirius* & *Machaon*, *Æsculapii* filii, bello Trojano ducem *Agamemnonem* secuti, non mediocrem opem commilitonibus suis attulerunt; quos tamen *Homerus* non in pestilentia, neque in variis generibus mor- borum aliquid attulisse auxilii, sed vulneribus tantummodo ferro & Medicamentis mederi solitos esse proposuit (a).

Postea quidem in tres partes Medicina diducta est; ut una esset, quæ Victu, altera quæ Medicamentis, tertia, quæ Manu mederetur. Nec tamen ideo Chirurgia à Medicis neglecta fuit. Medicinæ parens *Hippocrates* pulcherrima de vulneribus capitis, de ulceribus, fistulis, fracturis, luxationibus, posteris reliquit: nec perfun- toriè hæc tractavit, sed machinas & modos reponendi luxata & fracta membra des- cripsit satis diffuso sermone.

Præterea summum usum habet, ad latentes morbos in interioribus corporis parti- bus cognoscendos & curandos, eosdem considerare, ubi externas partes corporis occupant. Sensibus tunc omnia patent, & faciliùs intelliguntur.

Inflammationem & varios ejus exitus longè evidentius intelligimus, dum exter- nas partes occupat, quàm dum in internis partibus later. Quantam lucem affundit testis capitis morbis cognitio vulnerum capitis! Idem in multis aliis verum est.

Cùm ergo omnis ordinata doctrina à faciliioribus intellectu ad difficiliora pergat, jure merito interiorum morborum Historia præmittuntur morbi externi, Chirur- gici dicti.

(a) A Corn. Celsi Præfatio, Lib. 1. pag. 1. 2.

§. 145. **V**ULNUS est soluta cohæſio recens, cruenta, partis mollis, à corpore duro, acuto, moto, preſſo, vel reſiſtente.

Vulneris hic traditur accurata definitio, nempe quòd fit ſoluta partium cohæſio: ſed additur, quòd, ut vulnus vocetur, debeat eſſe recens; ſic enim diſtinguitur ab ulcere, in quo etiam eſt partium antea cohærentium ſolutio: tamen apud Hippocratem ulcus & vulnus (ἔλκος καὶ τρῶμα) aliquando promiſcuè ſumuntur (a) & quidem in uno & eodem capitulo. Additur deinde in definitione, quòd fit ſoluta cohæſio *Cruenta*; ſi enim vulnus tam parvum fuerit, ut ſanguis ruber non exeat, vix conſiderationem meretur, cùm ne quidem tenuiſſimæ aciculæ apice cutis pungi poſſit, quin cruor effluat. Additur deinde, quòd fit ſolutio *Partis mollis*, ut diſtinguatur à ſolutione continui, quæ in oſſibus fit per fracturam, fiſſuram, &c. Præterea, ut diſtinguatur à contuſione, additur, ſeparationem continui fieri in vulnere à *Corpore duro, acuto*, quod parvâ ſuperficie motum ſuum parti corporis imprimat. Sed corpus durum & acutum non poteſt ſeparare cohæſionem, niſi motu vel preſſione applicetur ad partes cohærentes; vel niſi partes corporis moveantur vel premantur ad durum & acutum corpus, ſed reſiſtens ſimul. Facile enim patet, eundem fore effectum, ſive lanceola brachio, ſive brachium lanceolæ impingat.

§. 146. **C**AUSA ergo ſenſibilis ejus eſt durities, acuties, motus, reſiſtentia instrumenti vulnerantis.

Hæc per ſe patent; niſi enim durum eſſet instrumentum vulnerans, non poſſet ſuperare vim, quâ cohærent partes unitæ inter ſe; niſi acutum foret, faceret contuſionem loco vulneris.

§. 147. **S**UBJECTUM pars mollis, adeoque, textura vaſorum ſanguiferorum, ſeroſorum, lymphaticorum, adiporum, nervoſorum, membranorum, tendinoſorum; tum veſicularum, quæ ex his conflatur.

Ex ipſa definitione patet, vulneris ſubjectum eſſe partem mollem; ſed hodiernæ Anatome docuit, partes molles corporis humani eſſe meram vaſorum texturam: hinc nullum vulnus poteſt eſſe, quin plurima vaſa diſcindantur, & quidem diverſarum ſerierum. Nulla enim arteria ſanguifera diſcindi poteſt, quin lædantur ſerè omnis generis vaſa: tunicæ enim hujus vaſis ex aliis minoribus vaſis ſiunt, horum tunicæ iterum ex minoribus vaſis, donec ad ultima perventum ſit. Hinc ſimplici vulnere arteriæ ſanguiferæ, vulnerantur & ſeroſa & lymphatica vaſa, &c; vulnerantur & folliculi, qui lubricans illud ſmegma dant, quo interni majorum arteriarum parietes inuncti apparent; vulnerantur membranæ, muſculoſæ fibræ

(a) Lib. de Capit. vulneribus, Cap. XII. Charter. Tom. XII. pag. 120.

arteriæ tunicam musculosam constituentes, &c.

Patet ergo vel in levi vulnere omnes partes in hac paragrapho recensitas lædi posse.

§. 148. **I**N quo subiecto (147.) causa (146.) producit coherentis separationem, liquidi contenti effusionem.

Cùm ergo nulla possit fieri separatio coherætionis in parte molli, quin lædantur plurima vasa; apparet evidentissimè, omne vulnus duplicem semper præstare effectum; separat nempe à se invicem partes solidas antè coherentes; & deinde educit ex vasis vulneratis illud liquidum, quod in vasis erat præsens illo momento, quo vulnerantur, uti & illud, quod circulationis legibus mox advehetur ad locum vulneratum per vasa nunc dissecta. Cùm ergo patuit ex paragrapho præcedenti, omne vasorum genus in vulnere posse lædi, apparet evidenter, omnis generis liquida ex vasis vulneratis effluere posse.

§. 149. **I**NDE lædit actiones, quæ pendent ab integritate partium, & ab determinato fluxu liquorum per vasa.

Totum corpus humanum solidis & fluidis constat: nullum potest concipi vulnus, quin tollat coherætionem solidarum partium, & interrumpat circuitum humorum per vasa, priùs integra, nunc divisa. Sed omnes functiones nostri corporis ab integritate partium solidarum, & debito motu fluidorum per vasa, pendent: hinc nullum potest esse vulnus, quin lædat saltem aliquas functiones. V. gr; ut digiti manûs ad voluntatis arbitrium flecti possint, requiritur integritas musculorum profundis & sublimis, per quos hæc flexio peragitur. Si jam vulnere facto discindantur tendines horum musculorum, perit illa actio ab integritate harum partium pendens.

In Physiologicis demonstratur, quòd ad actionem musculi cujuscumque inter alia requisita necessarius sit liber influxus spirituum per nervos; si jam discissus fuerit nervus ad musculum tendens, determinatus fluxus liquidi nervosi in musculum impeditur, & tollitur ejus actio.

§. 150. **Q**UÆ vulnera proinde occupant eas partes, quarum integritas vitæ inseparabilis, lethalia sunt.

Lethale vulnus vocatur omne illud, quod mortem infert effectu suo inseparabili. Sed mors adest, dum sanguinis influxus in cor, ejusque expulsio ex corde impeditur. Ut autem bina hæc fieri possint, requiritur plurimarum aliarum partium integritas. Omne ergo vulnus, quod tollit requisita ad influxum liberum sanguinis in cor, & expulsionem sanguinis recepti ex corde, erit suâ naturâ lethale. Qualia autem sint vulnera lethalia, & quibus partibus inflicta, postea dicetur.

§. 151. **H**ORUM (150.) autem alia inevitabili necessitate mortem ferunt.

Vulnera illa, quæ mortem inferunt suo effectu, conveniunt in illo omnia, quòd sanguinis in cor receptionem, & ejus expulsiōem ex corde tollant; sed tamen magnum occurrit inter illa discrimen: quædam enim sunt inevitabiliter lethalia; sic ut licet accuratissimè fuerint intellecta, & ad amissim cognitæ partes, quas vulnus læserat, tamen nullo auxilio hætenus in Arte cognito, potuerit impediri, quominus mors, ut effectus inseparabilis, ex vulnere ut causa fieret. V. gr; si gladio ancipiti per hominis thoracem adacto vulneretur latà plagâ aorta illo in loco, ubi ex pericardio emergit, exibat omnis sanguis corde sinistro expulsus per hoc vulnus, accumulabitur vel in thoracis cavo, vel exibat de vulnere, nec redibit per venas ad cor dextrum, unde inevitabilis mors sequitur. Nec potest ullâ Arte præcaveri: non datur enim accessus manibus, ut ligetur, consuatur, &c; & licet hoc fieri posset (quod tamen impossibile omnino est) ligatâ aortâ, non posset evacuare se cor sinistrum; hinc suffocaretur sanguinis circuitus, unde vita penderet.

Sed si aorta bifida facta, ad femur & crus utrumque tendens, vulneretur in his partibus, erit vulnus hoc ex se lethale quidem, quia omnis sanguis per arteriam hanc discissam effluet, sed tamen non erit inevitabiliter lethale, quia torculari vel laqueo arteria sic comprimi poterit, ut nullum sanguinem emittat; & postea poterit ligari, &c.

In renunciationibus autem, quas Medici de vulneribus ad Judices mittunt, hæc sollicitissimè distinguenda sunt.

§. 152. **A**LIA, sibi relicta, mortem inferunt, sed Artis auxilio ita emendari possunt, ut mortis periculum abfit.

Omnes arteriæ majores, per artus dispersæ, vulneratæ ad mortem usque sanguinem dimittunt; hinc talis arteriæ vulnus lethale quidem est, per Artem tamen poterat impediri, quominus mors inde sequeretur. Talia plurima habentur apud Observatores exempla. Studiosus vigilem publicum noctu sic vulneraverat ensē, ut arteria profundè decurrens sub suræ musculis discissa fuerit: vulneratus ingentem sanguinis jacturam passus prolabitur, invenitur serè mortuus: rescitum debilem cardiacis; statim iterum sanguis effluit ad animi deliquium usque. Vulneris orificium stypticis pulveribus replet, frustra sic conatus hæmorrhagiam compescere, non satis peritus Chirurgus; interim pergunt vino & similibus languentem vulnervatum rescicere, sicque aucto sanguinis motu, augebatur hæmorrhagia, ex qua miser periit. Vulnus hoc lethale pronuntiatur est. Verum quidem est, quòd hoc vulnus fuerit causa mortis; tamen in Arte cognita erant talia auxilia per quæ vulneratus servari poterat: si enim sub poplite compressisset arteriam idoneâ ligaturâ Chirurgus, potuisset hæmorrhagia sisti; aut dilatato vulnere arteria vulnerata potuisset ligari; vel saltem exsirtatione membri vita servari potuisset.

Similis etiam casus contigit, dum in conspectu gladio vulnerabatur brachium; & discindebatur arteria profundè decurrens supra ligamentum inter radium & ulnam medium; poterat arteria in brachii parte superiori supra os serè nudum de-

currens comprimi, sique hæmorrhagia sisti, & deinde amputato membro vita redimi: sed nec æger crudelem curam admittere voluit, nec Chirurgi urgebant necessitatem, credentes se compressione validâ sanguinem sistere posse. Perit misere vulneratus putrefactione summâ per compressionem hanc ortâ, qui per Artem servari potuisset.

Hinc apparet, quàm necessarium sit Medicis & Chirurgis, qui vulnera tractant, & de illorum lethalitate ad Judices ex officio renunciare debent, cognoscere decursum majorum vasorum, & illa loca, ubi comprimi possint commodè, ut mors ab hæmorrhagia secutura præcaveatur. Exactissimæ *Eustachii* Tabulæ omnia hæc accuratè designant.

§. 153. **T**ANDEM ex non lethalibus, neglectus, vel error, lethalia potest facere.

Omnium hoc frequentissimè accidit illis, qui minùs merentur; nempe quibus in confictibus bellicis vulnera inflicta sunt. Quoties perierunt vulnerati ab hæmorrhagia, quæ compesci potuisset à perito Chirurgo! Quot perierunt sanguine sub cranio effuso, qui terebratione calvarie in tempore adhibitâ, potuissent servari! Cranii integumenta externa, validâ contusione læsa, cum exigua vulneris simul facti apertura, fecerunt sæpissime neglectu solo funestissima symptomata; imò ipsam mortem: quæ omnia præcaveri sæpe potuissent, bonâ Curandi Methodo adhibitâ. Innumera hujus rei Exempla apud Observatores occurrunt.

Sed non tantùm neglectus illorum, quæ ex Arte fieri debent, verùm etiam turpes errores, vulnera non ex se lethalia, fecerunt esse lethalia. Rarè moriuntur homines ex hæmorrhagia, nisi maximæ arteriæ discissæ fuerint; sed magnam sanguinis jacturam passi in animi deliquium cadunt, tuncque sistitur hæmorrhagia; si sic relinquuntur semimortui ferè, in moderato tantùm calore; detur solum jus carniû parcâ quantitate, sed repetitis vicibus; languida potest suscipere vita, vas discissum se contrahit; imò sæpe consolidatur: sique servati fuerunt multi, qui certò perituri videbantur.

Dum autem ob ingentes hæmorrhagias in animi deliquium lapsos, spirituosius conantur refocillare, non restituant perditam humorum copiam, sed vim vasorum in liquida augent; unde nova redit sanguinis jactura, & mortis causa augetur. Multi post confictus bellicos, per dies integros inter cadavera relictis, omni ferè sanguine exhausti, revixerunt postea.

Scripserant Chémici quidam, arsenicum per nitrum fixatum, summum remedium esse ad hæmorrhagias sistendas. Sed quàm periculosa est applicatio tam virulenti remedii ad crudum vulnus; dum vel nimium hujus venis receptum post crudeles convulsiones mortem inferre potest!

Hinc dum ex auctoritate publica lustrantur cadavera percussorum, primò inquirendum est, an vulnus tale fuerit, ut inde mors necessariò sequi debuerit; an verò mors præcaveri potuisset Arte hodie cognitâ: deinde an mors secuta post vulnus, adscribenda sit vulneri, an verò aliis causis.

Non sufficit ergo sola vulneris in cadavere inspectio, ut de ejus lethalitate judicium ferri possit; sed debent & cognosci omnia, quæ vulnerato acciderunt post vulnus inflictum.



§. 154. **P**RO varietate alterius cujusdam actionis, à parte integra prius exercitæ, etiam alia vulnerum effecta, atque inde variæ appellationes oriuntur, vix ignotæ perito actionum sanitatis.

Quot sunt partes diversæ corporis humani, quæ vulnere lædi possunt, tot poterunt esse distinctæ actiones læsæ, quarum integritas à cohæsione partium, per vulnus separatarum, pendeat. Sed qui ex Anatomicis & Physiologicis novit partium corporis usum, quantum per Artem hodie excultam licet, ille cognitâ parte vulneratâ poterit determinare damna, quæ inde sequentur. Sic tendine musculi discisso, patet facili, actionem musculi abolitam esse, quæ ab integritate hujus tendinis pendeat, &c. Ancilla lagenam vitream manu tenens cadit; fractæ lagenæ frustum vulnus facit profundum medio loco inter carpum & cubiti articulum in parte interna; valida oritur hæmorrhagia, vulneratâ arteriâ quæ sub flexore carpi ulnari decurrebat: idoneâ ligaturâ circa humerum comprimebatur, ad nudum ubi ferè os humeri, arteriæ truncus; feliciter sistebatur hæmorrhagia, sed conquerebatur ægra, quodd stuporem in digito minimo & medietate digiti minimi proximi sentiret; credebatur Chirurgus à valida compressione stuporem ortum fuisse. *Eustachii* accuratissimis Tabulis confusus ausus fuit prædicere, nervum discissum esse, qui digito minimo & medietati adjacentis digiti prospicit; hinc immedicabile fore hoc malum. Eventus asserti veritatem demonstravit: sanata enim, me rogante, sæpius digiti minimi apicem flammæ candelæ imposuit sine ullo doloris sensu.

Patet ergo, maximam vulnere varietatem esse, quoad varia effecta à diversis partibus corporis læsis pendentia.

§. 155. **N**EC minor nominum, formarum, & effectuum varietas in vulneribus, à diversitate causæ vulnerantis (§. 146.) quoad figuram, modum adigendi, pungendo, secando, cædendo, agitando, illarum, vim impingendi, ablationem ex vulnere, relationem in eo, infectionem venenatam.

Considerantur hæc paragrapho vulnerum diversitates, quatenus ab instrumento vulnerante pendunt.

**QUOAD FIGURAM.** Si conicâ, acutâ figurâ fuerit præditum instrumentum vulnerans, erit punctura, citò se claudens; tuncque difficilius cognoscitur vulneris profunditas: si verò in acutum cuneum formatum fuerit, erit scissura, &c.

**MODUM ADIGENDI, &c.** Nam inde oritur magna varietas: *Pungendo* enim fit vulnus angustum, sæpe tamen profundè penetrans. *Secando*, quando cuneus acutus per partes molles protrahitur, fiunt tunc longa, sed minùs profunda vulnera.

**CÆDENDO.** Majori tunc vi penetrat instrumentum vulnerans & profundius adigitur: & nisi acutissimum fuerit, simul contusionem facere poterit.

**AGITANDO.** Ad quod maximè attendendum est: dum enim vulnus extenso directè brachio infligitur ense, sæpe inter partes transit, à quibus læsis summum

foret periculum, sine adeo magno malo; sed si ensis in vulnere hærens fuerit agi-  
tatus & circumrotatus in vulnere, longè plures partes læduntur. Figura autem vul-  
neris hoc docere poterit: si enim vulneris magnitudo respondeat magnitudini in-  
strumenti vulnerantis, directo tantum impetu vulnus inflictum fuit; sed si v. gr;  
lato gladio vulnus rotundum factum fuerit, designat enses circumrotatum fuisse in  
vulnere.

**VIM IMPINGENDI.** Pro vario enim impetu, quo instrumentum vulnerans fuit  
impactum corpori vulnerati, vulnus magis vel minus profundè penetrabit.

**ABLATIONEM EX VULNERE, RELICTIONEM IN EO.** In gravissimis enim  
vulneribus aliquando prodest relinquere instrumentum vulnerans, cum sæpe partes  
vulneratæ se circa hoc constringant, ac sic hæmorrhagia sistitur; quæ, educto in-  
strumento vulnerante, ipso sæpe momento mortem affert. Sic saltem aliquo tempore  
vita sustinetur. Dum telo *Turnus miseri Pallantis* pectus perforat (a),

*Ille rapit calidum frustra de vulnere telum*

*Unâ eâdemque viâ sanguisque animusque sequuntur.*

Dum immitis *Achilles* hastâ transfixerat *Hectoris* cervicem, ut morienti insultaret;  
reliquit in vulnere telum, quod mortuo evulsit (b).

Inprimis hæc obtinet diversitas vulneris ab hac causa, si hamatum telum fuerit,  
unde non sine magna laceratione educi potest.

**INFECTIONEM VENENATAM.** Mira circa hanc rem capta Experimenta evi-  
cerunt, esse in rerum natura talia venena, quæ innoxie quamvis possent deglutiri,  
vulneribus tamen applicata certam & subitam mortem facerent. In viperarum morsu  
vulneri dentibus facto immixtus venenosus succus certo & hominem & majora ani-  
malia, gallinas, columbas, &c. necat. Dum magni *Hetruriæ* Ducis iussu inquire-  
bant eruditissimi Viri naturam hujus veneni & quidam in felle viperæ vim venenatam  
latere assererent, Veterum auctoritate, uti & Recentiorum multorum testimoniis  
moti; in angulo stans viperarum captor, antiquis *Marsis* & *Psyllis* audacior, bilem  
viperæ dimidio cyatho frigidæ mistam bibit intrepidus, nihil inde mali passus. Nec  
diversis animalium speciebus exhibitum fel viperinum ullam noxam inculit; nec vul-  
neri recenti instillatum fel viperinum aliquid mali fecit (c).

Aliis longè probabilior videbatur hæc opinio, quòd venenum illud viperarum  
hæretet in oculis illis, qui dentibus adjacent. In illis enim cavitatibus hæret hu-  
mor colore & sapore simillimus oleo amygdalino; dumque morsum infert vipera,  
compressis maxillis, necessariò vulnere adspargitur illud liquidum. Sed quamvis vi-  
rus hoc, vulnere dente viperæ facto immixtum, tam lethales effectus faceret, idem  
ille venator, qui bilem viperæ deglutiverat, pari audaciâ maximæ & simul iratissi-  
mæ viperæ expressum ex his oculis liquorem, simul omnem spumam & salivam,  
quam ore continebat, vino diluta hausit sine noxa. Simili successu animalibus inge-  
rebatur (d).

Lethalia illa tela *Bantamen*sum, quæ levi vulnere indubitatam adferunt mortem,  
vino infusa aut alio liquore per plures dies, nullam malignitatem conciliaverunt li-  
quido, in quo tam diu hæserant (e).

(a) Virgil. *Æneid.* Lib. X. Vers. 486.

(b) Homer. *Iliad.* Lib. XXII. Vers. 367.

(c) Francisc. Redi, *Observat. de viperis*,

pag. 14. &c.

(d) Ibid. pag. 18, 19.

(e) Ibid. pag. 33.

Dum per Lybiæ aridissima deferta duceret exercitum *Cato*, sitientes milites non audebant bibere de fonte, quem turba serpentum tenebat; sed sapientissimus Dux hortabatur, ut audacter biberent, dicens (a),

*Vanâ specie conterriti lehi.*

*Ne dubita miles tutos haurire liquores.*

*Noxia serpentum est admisto sanguine pestis.*

*Morsu virus habent, & fasum dente minantur.*

*Pocula morte carent. Dixit, dubiûmque venenum*

*Hausit, & in tota Lybies fons unus arend*

*Ille fuit, de quo primus sibi posceret undam.*

Dum oleo tabaci madidum filum per vulnus acu factum trahitur, in animali vivente, illud citò perit. Viperam sic spatio minori, quàm est octava pars horæ, necavit *Redi* (b), qui tamen in omnibus tabaci speciebus non invenit hoc oleum eandem habere malignitatem (c).

Plura fortè talia sunt, quæ melius latent. Ubi ergo adsunt anomala symptomata, quæ non possumus suspicari ex vulnere, ut causâ, orta fuisse; tunc de infectione venenata instrumenti lædētis cogitandum est.

§. 156. **T**UM etiam omnia eadem (155.) variant pro differentia partis vulnus excipientis (147.) quoad ejus duritiem, molliem, nexum, situm, effectum, liquida contenta, faciem mutatam.

Vulnere diversitates enarratæ sunt binis præcedentibus paragraphis, quatenus ab actionibus per vulnus læsis desumebantur, uti & illæ, quæ pendebant à diversitate ipsius causæ vulnerantis. Hæc autem paragrapho considerantur illæ vulnere varietates, quæ oriuntur à diversa indole partis vulneratæ.

**DURITIEM, MOLLIEM.** Modicâ vi instrumentum vulnerans penetrabit mollia abdominis tegumenta; longè validiori indigebit impetu, ut durum calvariæ os dividat.

**NEXUM.** Dum tendo musculi discissus est, motus partis illius, cui naturaliter necabatur, perit; hinc pro affectu vulneris habetur. Dum parva arteriola dentis evulsi, in alveolo latens, læsâ sanguinem fundit sæpe ad mortem ferè usque; hoc non fit ideo, quia tam parvus arteriæ ramulus læsus est, sed quia ossæ alveoli superficie non potest se contrahere, & sic claudi. Quando in flexura cubiti per venæ sectionem infausto casu læditur aponeurosis illa, à parte tendinea bicipitis musculi orta, sæva symptomata, quæ sequuntur, non pendent à tam levi vulnuscule; sed à nexu illius tendinæ expansionis cum aliis partibus.

**SITUM.** Si arteriarum intercostalium ramus, licèt exiguus, lædatur sic, ut simul perforatâ pleurâ in pectoris cavum sanguis fluat; poterit effuso sanguine corrupto pulmo inflammari, suppurari, & lethalis tabes inde sequi: tantùm ideo

(a) M. Annei Lucani Pharsal. Lib. IX. |  
Vers. 611.

(b) Observat. de viperis, pag. 98.

(c) Experim. Naturalia, pag. 50.

quia vulnerata arteria talem situm habebat, ut posset in cavum pectoris sanguinem dimittere. In aliis enim corporis partibus longè majores arteriarum rami sine periculo discinduntur. Longè periculosius vulnus est inflitctum internæ femoris parti, ob maxima vasa ibi decurrentia, quàm si externæ parti femoris simile contigisset.

**EFFECTUM.** Multis partibus corporis talis inest proprietas, ut vulnere vel aliâ quacumque causâ læsis his partibus, turbentur aliquando functiones aliarum partium; cum tamen ex hæcenus cognita Anatome nondum constet ratio, cur læsis prioribus turbentur aliarum actiones. In exemplo res patebit. Post dolores colicos vel iliacos aliquot vicibus toleratos oritur in colica dicta pïctonum brachiorum paralysis, & sæpe pergente malo verus marasmus artuum superiorum. Quis ex cognita fabrica partium explicabit rationem mirabilis hujus eventûs? Post vulnera abdominis, discissis mesenterii nervis quibusdam post enormes dolores mors sequebatur, nec reperiebantur in cadavere magna vasa discissa, nec viscera læsa. In cane, discisso nervo intercostali & paris octavi, in his animalibus eadẽ vaginâ contentis, apparuit oculum ejusdem lateris obscurari, mole minui, inflammari; sæpius repetitis Experimentis constitit, semper oculos inde mutari sensibiliter. Hoc autem patuit non ex cognita structura partium, sed ex effectu observato post vulnus factum (a). Hinc patet, ingentem iterum nasci vulnorum varietatem ex effectis, quæ à parte vulnerata observantur in corpore producta esse: tamen sæpe sola Observatio facti docet mirabiles tales eventus, cum ex cognita partium structura hæcenus à priori non demonstrari potuisset, hæc mala metuenda esse.

**LIQUIDA CONTENTA.** Si vesicula fellea vulnerata bilem in abdominis cavum effuderit, hæc citò putrefcens pessima producet mala. Si ureteribus discissis urina per vulnus stillans in abdomine accumuletur, hæc corrupta omnia abdominis viscera putridâ labe inficere poterit, &c.

**FACIEM MUTATAM.** Possunt enim partes corporis per vulnus læsæ plûs minûsve degenerare à naturali conformatione, sicque miro modo externam partium faciem mutare.

Dum muscoli faciei unius lateris paralytici fiunt, quàm mira fit distortio faciei in latere opposito, quia musculi æquilibrio antagonistarum destituti retrahunt faciei partes! Idem per vulnera, læsis quibusdam faciei vel aliarum partium musculis, vel nervis dissectis ad hos musculos tendentibus, fieri posse fatis patet.

§. 157. **H**UJUS multiplicatis originem nosse ut opus, ita nomina subtiliter distinguere non juvat.

Ad omnia illa, quæ tribus præcedentibus paragraphis dicta sunt, attendendum esse Medicis & Chirurgis, qui vulnera curant, nemo dubitat; ex his enim diagnosis & prognosis vulnorum pendet, utpote quæ cognitioni structuræ & usûs partium, tanquam firmis fundamentis innituntur. Cognito enim instrumento vulnerante, & quo modo & quâ vi applicatum illud fuerit corpori; deinde consideratâ naturâ partis vulneratæ, & cognitis ejus usibus naturalibus per vulnus læsis, prævidemus, quid metuendum sit; intelligimus, quid Ars efficere possit, ut tollat mala jam facta, vel caveat futura. Difficile autem videtur, variis nominibus vul-

(a) Académ. des Sciences, l'an 1717. Mémoires, pag. 6. &c.

nerum diversitates tam numerosas designare ita, ut nomen datum distinctam offerat menti ideam; difficilius longè memoriæ hæc sic imprimere, ut usum habere possent. Integram sic tabulam tractatui suo de vulneribus præfixit *Paræus*, ut vulnorum diversitates traderet. Rem consideranti apparebit facillè, hæc non adeo magni usus esse: sufficere verò generalem cognitionem illorum, unde tanta vulnorum diversitas pendet.

§. 158. **S**I in corpore sano, robustoque factum vulnus in loco visibili, non irrigato magnâ quâdam arteriâ, ne nimis tendinoso, hæc oriuntur phænomena; si modò à frigore, aere, siccatione, vulneris hiatus defenditur.

Ut aliquid certi de vulnorum curatione dici possit, necessariò præmittenda sunt illa phænomena, quæ fidelis Observatio per sensus facta docuit obtinere in vulnere à primo initio, quo influctum est, ad integram consolidationem usque. Hæc autem omnia dum notantur illo ordine, quo se mutuo excipiunt, dant evidentem cognitionem methodi, quâ natura utitur, ut separatas per vulnus partes in pristinam cohesionem restituat.

Ut autem omnis evitetur error, & confusio, nihil hic consideratur, præter solum vulnus, & corpus vulnerati supponitur perfectâ sanitate valere; aliter enim phænomena observata, non forent adscribenda soli vulnere, sed etiam pro parte penderent à morbo vulnus comitante. Longè enim aliæ mutationes apparent in vulnere, si cacoehymia v. gr; scorbutica, venerea, rachitica corpus obsederit. Præterea corpus supponitur robustum; in debilibus enim languida circulatio minori impetu humores versùs vulnus ducit: hinc dolor, calor, tensio, &c, longè minora sunt circa labia vulneris, quàm in homine validis viribus prædito.

Deinde omnia hæc debent sensibus patere: unde in externis corporis partibus vulnorum phænomena imprimis observanda; & his visis discimus, quid in internis corporis partibus vulneratis contingat. Ob hanc causam & supponitur, quodd nullum vas arteriosum majus simul læsum sit, undatim enim tunc profluens sanguis impediet, quominus omnia accuratè lustrari possint.

Additur præterea, quodd vulnus non debeat esse in loco *nimis tendinoso*: si enim v. gr; tendo cujusdam musculi lædatur per vulnus, nec discindatur tamen integrè, musculus huic tendini affixus trahendo tendinem læsum horrenda poterit producere symptomata, quæ non adeo pendent à vulnere, quàm à musculo tendinem vulneratum trahente. Postea autem describentur illa mala, quæ ab arteriis majoribus diffisis, vel tendinibus per vulnus læsis oriuntur.

Præterea aer, imprimis frigidus, admissus miro modo mutat partes vulneratas; & lædit tenerissima vascula, illaque exsiccant. Sic si per vulnus calvaria denudata, & acri liber accessus fuerit ad nudum os notabili tempore, vix sanabitur tale vulnus, nisi priùs exfoliatione separata fuerit ossea lamella. Hoc autem non pendeat à vulnere; si enim statim ab aere defensum fuisset os nudatum, hæc exfoliatio non contigisset.

Sub his ergo conditionibus recensentur phænomena, vulneribus omnibus propria, sequentibus numeris.

1. Partes, inter quas causa vulnerans adacta, sensim magis magisque à se mutuò recedunt, licet causa ablata sit, nisi punctura fuerit parva.

Simulac causa vulnerans divisit cohesionem partium, distantia inter partes separatas est aequalis crassitiei instrumenti lædenti: hinc dum maleficis à carnifice acutâ novaculâ facies discinditur, apparet tantum linea rubra, sed sensim labia vulneris à se invicem recedunt, & post paucas horas sæpe lineæ geometricæ amplitudine hiant. Vis enim illa, quâ coherent partes solidæ corporis nostri, pergens agere utrimque retrahit extrema discissa; quia in loco vulneris destructa est partium cohesio.

**NISI PUNCTURA FUERIT PARVA.** Dum enim instrumentum vulnerans pungendo parvum vulnus fecerit, simulac penetravit cutim, & læferit tunicam cellulosa subjectam (nisi fuerit macilentissimum vulnerati corpus) vulnus apparet ferè nullum, quia tunica cellulosa à cutis pressione in loco vulneris libera, statim assurgit in vulnus, illudque claudit. Hinc dum obeso homini vena secatur, subito sæpe sanguinis effluxus sistitur, pinguedine vulnus cutis obturante.

2. Cruor primò cum impetu effluit, dein sensim sponte sistitur.

Si non sit vulnerata magna arteria, neque talis, quæ ossi affixa se retrorahere & claudere nequit, primò quidem vulneris momento vasa discissa sanguinem cum impetu eructant, paulò post contractis vasorum discissorum orificiis propriâ elasticitate, & se recondentibus sub vulneris labiis, minuitur brevi, & tandem sponte cessat sanguinis effluxus. Hoc evidentissimè apparet in sectione calculi: ibi enim magno satis vulnere cutis & subjectæ partes discinduntur, effluit uncia una vel altera sanguinis, sed, nisi infelici casu major arteria vulnerata fuerit, paulò post ferè integrè cessat hæmorrhagia; quæ aliter multum turbaret operationem. Omnis enim sanguis, qui ex vulnere facto effluit, ferè tantum ex arteriis exit; venæ enim satis magnæ etiam discissæ, nisi obstaculum positum fuerit inter cor & vulnus venæ infictum; parum tantum sanguinis stillant: arteriæ autem suâ elasticitate facillè se contrahunt, & sic sanguis brevi sistitur.

3. Tum crusta sanguinea cavo vulneris innascitur.

Cùm ergo ex vulnere sanguis arteriosus ferè tantum exeat, uti modò dictum est; & ille ex sua natura etiam in homine sano & robusto extra vasa hærens statim coaguletur; ideo simulac incipit cessare impetus sanguinis erumpentis, fit tale coagulum sanguinis effluentis, sive thrombus dictus, vel eschara sanguinea, quæ labiis vulneris agglutinatur, & totum vulneris hiatum tegit perfectissimè; sicque pulchro naturæ molimine tegitur & defenditur vulnus; subque hoc tegmine sensim consolidantur separatæ per vulnus partes. Et quia thrombus ille calore corporis & aere contiguo exsiccat magis & magis, satis durum sic nascitur vulneri operculum, quod postea sanato vulnere sponte cadit.

## 4. Et liquor dilutus, rubellus, tenuis effluit.

Dum ille thrombus sic incipit nasci, uti & si natus auferatur, non effluit sanguis ferè, sed tenuis levi rubedine tinctus liquor, loturæ carniū recens mactatarum similis. Hoc autem videtur fieri, quia vasa sanguinea rubra discissa, sensim contractis suis orificiis, pauculū rubri sanguinis, majorem autem copiam tenuioris liquidi non rubri transmittunt.

## 5. Tum verò labia vulneris incipiunt rubere, calere, dolere, tumere, retorqueri, fundo interim tumido assurgente, præcipuè assurgente adipe in aperturam vulneris, ibidémque citò degenerascente.

Cùm vasa discissa proprio elatere contrahunt sua orificia, imò ferè claudunt, humores soliti fluere per hæc vasa sistuntur; hinc nascitur tunc circa labia vulneris obstructio, & impetus vitæ, à tergourgens fluida in vasa obstructa, illa dilatat ante locum obstructum, unde nascitur vera inflammatio. Ideo rubent secundo vel tertio die labia vulneris, adest simul major calor inflammationis comes, uti & tumor; quæ omnia, si moderata fuerint, nihil mali designant, cùm naturaliter in omni vulnere fiant. Hæc est ratio, quare vulnus recens inflatum vix doleat; tertio autem in primis die, vel aliquando citius, natà inflammatione, tumentibus partibus vulneratis, dolor sæpe satis magnus sentitur in vulnere.

Ideo Hippocrates (a), dixit, *gravibus vulneribus inflatis si tumores non appareant, ingens malum*. Idem in Aphorismis (b) habetur pronunciatum, ubi addidit (c), *molles boni; crudi pravi sunt*. Si enim nullus oriatur circa vulneris labia tumor, designat vitales vires deficere; si nimius sit, valida inflammatio peioris exitus metum facit.

Alibi pulchrè notavit (d) & tanquam utilissimum in Arte præceptum commendavit: *quodd in universum omnia vulnera tertio & quarto die minimè vexanda sunt; omnisque opera specilli fugienda est his diebus, & quibuscumque aliis vulnera recrudescunt: in summa enim vulnera, pleraque tertio, aut quarto die recrudescunt, . . . quo præcepto nullum aliud tradi potest utilius, &c.*

Obeamdem causam monuit (e), ubi os fractum, per cutim eminens, reponendum erat, illud debere fieri eodem die, vel prostridie, sed non tertio; quarto verò, vel quinto minimè.

Dum sororis stuprum vindicaturi Simeon & Levi persuaserant incautis, ut circumciderentur; tertià die post circumcisionem, acerrimè dolente vulnere, impune occidebant omnes (f).

RETORQUERI, FUNDO INTERIM TUMIDO ASSURGENTE, &c. Panniculus adiposus cuti subiectus facillimè distendi potest & tumere; patet in obesiss, hydropicis, & emphysemate, in quo aer, panniculum adiposum ingressus, tam mirabiles ejusdem expansiones facit. Cutis autem superinducta huic panniculo adi-

(a) Epid. Lib. II. Charter. Tom. IX. p. 181.

(b) Aphorism. 66. Sect. 5. Charter. Tom. IX. Part. II pag. 140.

(c) Ibid. Aphorism. 67.

(d) Lib. de Fractur. Comment. III. text. xl. Charter. Tom. XII. pag. 149.

(e) Ibidem, Charter. Tom. XII. pag. 151.

(f) Genes. Cap. xxiv.

posse tenaci vinculo eum coerces: hinc ubi cutis per vulnus divisa est, sensim recedunt discissæ cutis margines, panniculus autem adiposus, in loco vulneris cutis æquabili pressione liber, brevi assurgit, & tumet, unde retroractâ utrinque cute, ex protuberante panniculo adiposo, vulneris labia retorquentur, & in vulneris fundo tumida moles assurgit. Sed manente eodem impetu liquidi vasa distendunt, si minuantur causæ, quæ huic distensionis resistunt, vasorum amplitudo augebitur; cum ergo cutis resistentia in vulnere sublata sit, panniculus adiposus in vulnus assurgens, magis dilatabitur, & in fungosam dictam carnem Chirurgis excrescet, sicque degenerabit satis citò.

#### 6. Atque eodem tempore febricula cum calore & siti adest.

Si nempe vulnus fuerit alicujus momenti, in parvo enim vulnere hæc symptomata non ita observantur. Simulac enim oriuntur symptomata præcedenti numero descripta, oritur major calor in vulnere, & in toto corpore, pulsus fit celerior, inquietudo nascitur & insomnia turbulenta; uti & sitis major, & urina fit magis rubicunda. Omnia autem hæc symptomata durant, quamdiu ille tumor, dolor, & calor, uti & retorsio labiorum in vulnere adsunt; his cessantibus, desinunt & illa: levis talis febricula, vulneratis hoc stadio contingens, non nocet; imò prodest potiùs, quatenus per hanc febriculam pus nascitur: pure autem factò, solet plerumque cessare. In sectione calculi, exstirpatione mammæ, & similibus vulneribus illo tempore adest hæc febricula, boni tunc semper ominis.

Hinc monuit Hippocrates (a) circa puris generationem dolores ac febres magis accidunt, quam factò (pure).

Hic autem agitur de tali febricula, quæ à vulnere ut causâ hoc tempore nascitur; potest enim vulneratis, ab aliis causis plurimis febris contingere. In magnis enim vulneribus, v. gr; pure jam factò, sed copioso & pro parte bibulis venis resorpto, hectica febris, corpus depascens, oritur sæpe.

#### 7. Hinc tertio, quartòve die seriùs, vel ocyùs, vulnere adest liquor tenax, albus, pinguis, æqualis, pus.

Vulnere factò statim exibat sanguis; postea constrictis magis vasis discissis ichor fabrubellus; dein oriebatur inflammatio vulneris cum symptomatibus descriptis; & post hæc incipiebat apparere in vulnere liquor unctuosus, consistentiam ferè habens cremoris lactis recentis, parum subflavescentis, æquabilis omnino, inodorus, saporem blandum chyli ferè instar habens; vocatur Pus: quod si bonum fuerit; omnes dotes recensitas habet. Sed pus tale nunquam fit, si vulnus tectum non fuerit; sed sub thrombo, nato in vulnere, vel emplastro tegente, pus illud nascitur. Hinc pus non fit in vasis, sed extra vasa in vulnere generatur, ab effusis humoribus, calore corporis totis & mutatis. Si enim pus omne in vulnere hærens linteis carptis mollissimis absterfum fuerit, post horam vulneris superficies undique madida apparebit tenui liquido, non pure; sed si per viginti quatuor horas emplastro tectum fuerit vulnus, illo ablato, pus apparebit. Undique pus fit extra vasa; sed materies, unde fit, per vasa adfertur.

(a) Aphor. 47. Sect. II. Charter. Tom. IX. Part. II. pag. 85.



Pus autem sic natum in vulnere pulcherrimos effectus præstat: hæc enim viâ utitur natura, ut femilaceras partes, inflammata vasorum extrema, unâ cum infarctis liquidis in labiis & fundo vulneris, hærentia, solvat, & à partibus vivis & sanis separet: deinde sub hoc pure factio recrefcunt omnia perditâ.

Naturam ubique secutus Hippocrates ideo dixit (a), recentia vulnera (ῥ'λαία νέρηλα enim potius de vulneribus quàm de ulceribus videtur intelligi debere) tum & ambientes partes minimè inflammari, si celerrimè suppurentur. Postea addit ibidem, quòd acuto telo inflitum vulnus possit sine suppuratione curari; sed carnes contusas & dissectas putrescere; & in pus versas extabescere; deinde novas carnes renasci necesse est.

Dicit eodem in loco tunc inflammantur ulcera (vulnera), quum ad suppurationem tendunt: suppurant autem alterato & calefacto sanguine, quousque putrescens hujusmodi ulcerum (vulnerum), pus creatum sit. Non autem hic per putredinem videtur intellexisse malignam & vere putridam dicendam humorum degenerationem, sed tantum illam immutationem, quâ in pus abeunt, uti hunc locum legenti facillè patebit.

Hinc bonum pus maximum securitatis signum Chirurgis dat: quinimo Galenus ausus fuit pronunciare, nihil male posse accidere ulceri pus procreanti (b).

Puris enim confectio fit, dum boni humores debito motu ad vulnus feruntur; hinc sanitatis superfluitas actiones pro sua causa agnoscit. In corpore enim cacochymico raro bonum pus in vulnere nascitur, sed degenerans multum à conditionibus boni puris ichor; & hinc in talibus vulnera, licet levia, difficillimè sanantur. Talia corpora ideo δυσίλκεια dixerunt veteres Medici. Ob hanc causam dixit Hippocrates (c): *Hydropicis orta in corpore ulcera non facillè sanantur*. Si magno impetu per validam febrem moveantur humores, siccum vulnus apparet sine ullo pure: si è contra vires vitales langueant, deficit iterum puris confectio. Hanc ob rationem, ulceris siccitatem inter signa mortis futuræ recenset Hippocrates (d).

## 8. Simul rubor, calor, dolor, tumor, retorsio labiorum, febricula cessant, vel minuuntur.

Omnia enim hæc symptomata tantum oriebantur, quia in labiis vulneris vasa diffusa, contracta suâ elasticitate, denegabant liberum transitum liquidis appulsis; hinc vera nascebatur inflammatio, unde rubor, calor & calor in loco fiebant. Panniculus interim adiposus, cutis æquabili pressione liber recipiebat in vasis suis dilatatis alienos humores, unde turgebat in fundo & retorquebat labia vulneris. Suppuratio autem separabat extremitates obstructas vasorum, unâ cum immeabili liquido hic hærente; unde pure factio, vasis obstructis iterum patulis factis restituebatur liber transitus per hæc omnia, Omnia ergo illa symptomata, quæ ab inflammatione labiorum & fundi vulneris oriebantur, necessariò pure factio minuuntur multum, vel & penitus cessant.

Hoc autem vulneris stadium solent Chirurgi vocare tempus digestionis: cumque vident omnia antè tumentia nunc subsidere, dixerunt pus fundere & dissolvere omnia.

(a) De Ulceribus Charter, T. XII. pag. 131.

(b) Commentar. in Aphor. 22. Sect. V. Charter, Tom. IX. pag. 207.

(c) Aphor. 8. Sect. VI. Charter, Tom. IX.

Tomus I.

Part. II. pag. 252.

(d) In Pronostic. Charter, Tom. VIII. pag. 60.

Coac. Prænot. n°. 496. Ibidem, pag. 88, 1.

9. Et sensim cavum vulneris à fundo sursum, & ab ambitu versùs centrum crescente novâ, rubrâ, vivâ, materie, carne dictâ, impletur, coeunte margine albo, subcærulescente, molli, æquali.

Quando, bonâ digestionē factâ, omne illud, quod non poterat iterum ad integritatem requisitam reduci, separatim est à vasis vivis, tunc purum vulnus dicitur, & tota ejus superficies undique æquabiliter apparet humida & perspirabilis, nihil asperi, nihil siccī in fundo & labiis vulneris conspicitur. Tunc incipit illud stadium vulneris, quo consolidatio perficitur. Sub pure enim, naturali & blandissimo balsamo, videmus tunc quotidie sensim elevari fundum vulneris; uti & ab ambitu marginum versùs centrum æquabilissimè prodire novam materiem, quæ microscopiis illustrata tenerrima & pulposa vasorum excrecentium extrema exhibet. Hoc vocant incarnationem Chirurgi: non quòd caro, propriè dicta musculosa, sic recreseat, sed obtinuit usui, novam hanc rubram & vivam materiam, in vulnere puro quotidie auctam, carnem vocare. Omnium pulcherrimè hoc apparet in illis vulneribus, in quibus iactura substantiæ facta est; dum v. gr; acinacis ictu cutis cum subiecti panniculi adiposi parte ablata est; tunc enim naturaliter primò in vulneris fundo apparet vasorum recrecentium congeries, deinde à marginibus similia protruduntur, quæ cum prioribus à fundo surgentibus concurrunt, uniantur, sicque perditam corporis substantiam restituunt mirabili naturæ artificio. Nihil enim Ars hic agit, impedimenta tantùm removet, aerem arcet tegendo vulnus, reliquum corporis creata fabrica perficit. Hæc sic fieri novimus omnes; quâ lege fiant, ignoramus omnino. Eleganter hujus rei veritatem expressit Galenus, dicens (a): *Cognosci debet circa carnis generationem, quòd materies illius sit sanguis bonus, opifex verò & auctor (δημιουργός τῆ καὶ ἰσχύτης) natura.* Agit autem ibi de methodo, quâ ulcus cavum curari debet. Ignorabant tamen Veteres subtilissimorum vasorum mirabilem structuram, quibus partes nostri corporis, constant. Anatomicis demonstrationibus edocti hodie stupemus, quomodo elongata vasorum in vulnere hiantium oscula vicinis concurrant, uniantur, concrecant; nec hoc tantùm, sed arteriæ arteriis, venæ venis, nervi nervis, &c, sic debent uniti, ut renascatur similis deperditæ in vulnere substantia. Infinitam Creatoris Sapientiam adoramus, qui corpus humanum his dotibus instruxit.

Interea dum hæc fiunt in cavo vulnere, margines antea rubri & tumidi, nunc incipiunt subsidere æquabilissimè; colore subcærulescentem margaritarum instar acquirunt, sicque primum cicatricis rudimentum circa margines nascitur; sensimque augetur centrum versùs, donec æquabilissimè clausum fuerit vulnus.

Hæc est naturalis & perfectissima vulneris sanatio.

# 10. Postremò siccatur vulnus; & obducitur cicatrice.

Ubi jam omnia recreverunt in vulnere deperdita, & unira fuerunt omnia, quæ per vulnus separata fuerant, locus vulneris siccus apparet, ubi antea in singulis punctis videbatur humiditas.

(a) Method. Med. Lib. III. Cap. III. Charter. Tom. X. pag. 159.

Si jam non fuerit multum perditum de substantia, nec valida nimis suppuratione multum fuerit consumtum de panniculo adiposo & cute, omnia sic consolidantur, ut vix appareat aliquod discrimen inter locum vulneris & vicinam cutim; tuncque vix cicatricis nomen meretur. Ubi verò magna cutis portio ablata est, vel multum subiectæ membranæ pinguedinosæ consumtum fuerit per suppurationem, tunc apparebit locus vulneris magis albescens, magis solidus, & sæpe magis depressus, quàm vicina cutis: vocatur tunc cicatrix, quæ semper minus perspirabilis est, quàm reliqua corporis externi superficies, magisque polita & glabra apparet, quàm reliqua cutis. Hoc inprimis patet, dum post mammæ vel majoris stecatomatis exstirpationem, magnâ portione cutis sic abscissâ, cicatrix nascitur; tunc enim vulneris consolidati superficies polita, splendens, immobilis, & accreta partibus subjacentis apparet.

Sic descripta fuit Historia vulneris in corpore sano, & enarrata sunt illa omnia; quæ fidelis Observatio docuit fieri in vulnere, ab initio ad integram consolidationem usque: & inde postea certissima poterit deduci methodus, quâ vulnera curari debeant, imitando nempe naturæ in curandis vulneribus viam, removendo illa, quæ nocere possent, subministrando talia, quæ deficere videmus. Sed monitum fuit, tantum hic agi de tali vulnere, in quo nec major arteria, nec locus admodum tendentis laxe fuerant. Ergo jam videndum, quænam mutationes phenomenorum simplici vulnere accidant, si tales partes per vulnus læsæ fuerint.

§. 159. **SI** arteria non nimis magna; nec cordi admodum propinqua, omnino transversim disseccatur, retrosiliens, atque inter solida vicina se recondens, sibimet obturaculo est; & cætera ut (158) prius.

Dum sanguis cordis vi in arterias, sensim semper angustiores factas, pellitur; in latera illarum incurrens illa ab axi canalis remouet; & hinc arteriarum capacitatem auct: tunc autem magis cæteris paribus arteriis dilatat, quædè major est resistentia circa fines arteriarum; unde arteria ligata intumescit plurimum inter cor & ligaturam. Huic autem dilatationi resistunt arteriarum fibræ musculosæ orbiculares satis validæ vi, quâ iterum contrahuntur in pristinam dimensionem, simulac cordis vis impellens cessat. Quando ergo arteria, per vulnus dissecta, patulo orificio sanguinem fundit, minuitur resistentia sanguini à corde impulsæ, & hinc minuitur causa dilatationis arteriæ: prævalet ergo vis orbicularium fibrarum, per quam omni momento arteria plus contrahitur, sicque sensim, si non nimis magna fuerit, orificium discissæ arteriæ clauditur. Accedit præterea, quòd fibræ longitudinales, ob eandem causas plus contractæ, arteriæ longitudinem minuunt, unde arteria integre discissa retrosilit, & inter vicinas partes solidas se recondens harum mole & pondere plus adhuc comprimitur & angustatur. Si jam simul per vulnus factum notabilis copia sanguinis exiverit, debilitatis inde viribus, & minuto sanguinis impulsu impetu arteriæ discissæ contractio augetur. Dum magnus pedis digitus uno cunei ictu exstirpabatur, vidi binas arterias à latere abscissi digiti ultra vulneris superficiem ad lineæ Geometricæ fortè longitudinem eminere; dum per pauca minuta permittebatur liber sanguini effluxus per patula hæc vasa, inceperunt retrorahi, minuebatur hæmorrhagia, & post biduum soluto apparatu, nullus effluebat sanguis, oclusus jam

diffissarum artieriarum finibus. Si verò magna admodum fuerit arteria diffissa, vel cordi admodum vicina, non valet resistere arteriæ contractio sanguini tam validâ vi impulsio; hinc ad mortem usque pergit hæmorrhagia. Quod enim minor est arteria, & quò magis distat à corde, eò magis retardatur impetus sanguinis à corde impulsus, quia resistentiæ majores sunt.

§. 160. **SI** eadem (159) vulneratur transversim non tota dissecta; retrotractis fibris vulnus ampliatur; hinc hæmorrhagia perpetua; & eâ sedatâ, à tenuitate cicatricis cedente aneurysma.

In hoc casu, ob rationes dictas §. 158. n°. 1, vulnus arteriæ inflitum, recedentibus à se mutuo sensim plûs partibus diffissis, ampliabitur magis: sed quia pars quædam adhuc coheret, non poterit vulneratæ arteriæ extremum retrofiliare, & se recondere sub partibus vicinis, nec poterunt fibræ orbiculares sic contrahi, ut claudatur arteriæ vulnus. Cùm ergo in hoc loco resistentia nulla sit, & in reliquis vasis integris satis magna, perget hoc vulnus sanguinem fundere ad mortem; vel animi deliquium usque. Sæpius autem accidit, quòd non ad mortem usque sanguis fluat, sed ad summam debilitatem tantùm: tunc incipit sensim nasci in loco arteriæ diffissæ quasi rudimentum cicatricis, quod valet quidem compescere sanguinem, debili adeo cordis vi motum, ne exeat, sed postea auctis vulnerati viribus debiliior hic locus adhuc manens, quàm est arteriæ reliqua pars, à disflendente sanguine magis dilatatur, & protuberat: vocatur tunc *anérysma*, sive arteriæ dilatatio, quia arteria in illo loco non ampliùs manet æquabilis conicus canalis, sed in saccum extenditur. Cùm enim amplitudo artieriarum pendeat à duabus causis, nempe à vi qua sanguis corde pulsus dilatare nititur artierias, & à resistentia laterum artieriarum; ideòque hæc amplitudo mensuretur (ut dictum §. 26.) ratione compositâ ex ratione directâ impetus sanguinis impulsus, & ratione inversâ resistentiæ laterum; patet evidenter, debiliore factâ arteriâ in quadam parte, ibi necessariò plûs debere extendi. Quia jam per ipsam hanc extensionem magis adhuc debilitatur talis arteriæ locus, patet ratio, quare sæpe adeo ingentes tumores aneurysmatici oriantur, qualia Exempla passim apud Observatores occurrunt.

§. 161. **SI** arteria major tota dissecta, oritur perpetua, usque ad defectum animi, vel vitæ, hæmorrhagia; inferius posita tabescunt, & putri exeduntur, sed lentâ gangrænâ; aut arefacta penitus contrahuntur.

Pleno tunc rivo undatim effluit sanguis, non æquabili celeritate tamen, sed per subsultus, nunc minori, mox iterum majori impetu; quia illo tempore, quo arteriæ sunt in diastole, cordis vis sanguinem urgens sola tunc expellit per apertam artieriam sanguinem: sed magna pars impetus sanguini à corde conciliati, impenditur dilatandis artieris: hinc tantùm tempore diastoles artieriarum sanguis propellitur illo excessu, quo cordis vis superat resistentiam laterum artieriarum. Dum verò, cessante cordis actione, arteriæ comprimuntur, longè majori celeritate sanguis per illas movetur, & simul color sanguinis exeuntis coccineus fulgens est: &

ex binis illis signis novimus sanguinem ex arteria, non autem ex vena, effluere. Vena etiam, licet magna fuerit, vulnerata, leni stillicidio sanguinem fundit, (nisi in summè plethoricis) semper magis nigricantem, minùque rutilum. Si jam arteria maxima fuerit, & cordi admodum propinqua, cita mors sequitur, omni sanguine per vulnus brevi tempore expulso. Sæpe tamen ad animi deliquium tantum: & si tunc vulnerati non refocillarentur vino vel cardiacis, sed sic ferè mortui relinquerentur, spes adhuc aliqua superest, manente tali vitâ, sed debilissimâ, arteriam discissam posse contrahi & consolidari. Mirabile hujus rei Exemplum viderat Celeberrimus horum Aphorismorum Auctor, illudque solebat hâc occasione Auditoribus suis narrare.

Vulnerabatur in pago vicino inter pocula rusticus cultro sub axilla, & discissâ arteriâ axillari incredibili impetu exilicbat sanguis: brevi pòst concidens credebatur expirasse, & pro mortuo deponebatur. Sequenti die, dum accedebant illi, qui publicâ auctoritate occisorum cadavera examinare debebant, ut de vulnere lethaliitate ad Judices ordinarios renunciarent, invenerunt aliquem adhuc calorem circa thoracem; ceterùm nulla vitæ signa: differebant scrutari vulnus per aliquot horas, incepit sensim parum refocillari vulneratus, quem tamen brevi perituro existimabant omnes. Sed præter omnium opinionem diu in summa tali debilitate manens vulneratus evasit tandem. Brachium autem illius lateris aridum & excusum penitus mumie ferè instar totâ vitâ mansit. Si ergo in tam magna arteria, & cordi adeo vicina, potuit fieri consolidatio, apparet non tam facilè desperandum esse etiam in periculosissimis vulneribus arteriarum: modò nullis stimulis vinosis vel cardiacis augeatur debilis vita in talibus vulneratis, fortè plures evaderent.

Si jam arteria talis major discissa sola prospiciat partibus inferiùs positis, nec ulli alterius arteriæ rami huc pertingant, necessariò tollitur omnis omnino vitalis liquor influxus in has partes. Sequitur inde mors harum partium, quæ tunc duplici modo fit: vel enim liquida, in partibus suppositis hærentia, non ampliùs propulsa motu arteriosi sanguinis, stagnant & corrumpuntur; tuncque putrida fit, sed lenta simul gangræna, quia omnis vitalis impetus, movens partes vivas ad gangrænosas illas crustas, hincque prosperere citò faciens malum, hic deficit: vel humores in partibus suppositis relictî post discissam arteriam majorem, contractione propriâ vasorum, & musculorum vicinorum actione, transeunt in venas, & redeunt ad cor: sed nihil interim poterit à corde redire ad has partes; unde sensim omni liquido orbata vasa harum partium collabuntur, & concresecunt: cùmque maxima pars nostræ molis corporeæ ab humoribus pendeat, ideo moles harum partium ultra fidem ferè imminuitur, & omnia arefacta penitus contrahuntur; uti apparuit in Exemplo modò allegato.

§. 162. **N**ERVI majores, tensique, toti dissecti retrosiliunt, se recondunt, ramulos vulnere paulò superiores trahunt, tendunt, vicinis dolorem, obstructionemque creant, parti verò infra vulnus positæ stuporem, immobilitatem, marcorémque, aut & gangrænam.

Jam considerabuntur illa phænomena, quæ apparent, quando nervi majores

vulnerantur. Nullum enim vulnus cutim lædere potest, quin innumera fibrilla nervæ difsecantur; sed de his hic non agitur. Consideramus hic tantum nervos majores, prout ab Anatomicis demonstrantur, qui sunt fasciculi nervorum communi involucri testorum.

**RETROSILIUNT**, &c. Illud, quod in majoribus nervis propriè nervus dicendum esset, tenerrimæ encephali pulpæ propago, non videtur talem habere firmitatem, ut dissectum elasticâ vi retrosilire possit; sed mollissimis in sua origine ex medulla oblongata & spinali nervis circumponuntur tenacia involucria, ut tutò deferri possint ad illa loca corporis, in quibus suo munere fungi debent. Ab his vaginis nervorum firmitas & elasticitas pendent, unde & parvæ satis fibrillæ nervæ Anatomico scalpello resistunt; & nisi hoc foret, nervorum demonstratio, inprimis ubi tenues dividuntur ramulos, omnino foret impossibilis. Dum ergo discinditur major nervus, extrema discissa vi contractili vaginarum, nervos investientium, & vasorum per hæc disperforum, utrimque retrosiliunt, & sub vicinis partibus se recondunt. Quò crassior autem nervus est, eò cæteris paribus, densiora involucria habet: & cum nervei fasciculi minores, qui uniti hunc majorem constituunt, etiam suis investiantur involucriis, ideo magni nervi dissecti satis validâ vi retrahuntur.

**RAMULOS VULNERE PAULò SUPERIORES TRAHUNT**, &c. Nervi quidem distribuuntur in ramos, ut arteriæ & venæ; sed rami ex arteriis venisve orti cum cavo trunci unde oriuntur, communicant; unde liquidum ex trunco in ramos continuitate motûs fertur. Sed alia ratio obtinet in nervis majoribus, minores nervos ramorum instar à se dimittentibus. Major enim talis nervus continet innumeros minores nervorum fasciculos communi involucrio colligatos; qui iterum ex aliis minoribus constant: nec finem hujus divisionis hætenus invenit subrilissimorum Anatomicorum dexteritas & industria. A majori autem nervo in decursu suo secedunt ubique tales nervorum fasciculi, qui rami majoris nervi dicuntur: non quòd substantiæ continuatione inde propagentur, ut in arteriis & venis, sed antea uniti cum aliis similibus molem majoris nervi constituiebant; nunc inde secedentes tendunt singuli ad debita loca, ut suo fungantur munere. Omnes ergo nervi, qui ex majori nervo ramorum instar derivantur, jam adsunt tales in illo loco, ubi major nervus ex medulla oblongata vel spinali originem ducit. Sed in arteriis & venis rami ibi originem suam ducunt, ubi ex trunco majoris canalis exeunt.

Dum ergo truncus major nervosus discissus est, ille retrosiliens simul trahet ramos nervosos ex hoc trunco ortos paulò superius, quàm est vulnus infictum; unde à violenta hac distractione fibrillarum nervosarum immanes dolores in partibus vicinis, ad quas illi ramuli pertingunt, oriuntur; & ideo sæpe longè acerbior dolor in partibus vicinis est, quàm in ipso vulneris loco. Possè autem à simplici tali distractione fibrarum nervearum enormes fieri dolores, docent plurima Observata. Dum plegmone panniculum adiposum occupans & distendens suppuratur, cutim elevat & nerveas cutis fibrillas distrahit cum summo dolore; pure dein facto, pertusâ cute lanceolâ Chirurgicâ, cessat illico dolor omnis, dum distendens cutim pus effluit. Quàm sævus dolor oritur, dum inflammatorius tumor tensam & nervosam adeo meatûs auditorii membranam elevat! Dum in lue venerea tumens ossis substantia periosteum distrahit, præ doloris acerbitate sæpe violentas sibi ipsis intulerunt ægri manus.

Præterea vaginæ illæ, quæ nervos majores, & inde sedentes ramos, invellunt, innumeris constant vasculis, uti hodie per Anatomicas injectiones certò novimus; non poterunt ergo rami nervosi à trunco discisso & retrosiliente distrahi, quin simul & distrahantur hæ vaginæ, & sic elongentur vascula has constituenta: sed demonstratum fuit §. 112. n°. 3, omnem causam, quæ vasa nimis trahit & elongat, minuire vasorum capacitatem; unde obstructio nasci poterit, & omnes ejus effectus.

**PARTI VERO INFRA VULNUS POSITÆ STUPOREM, &c.** Nervorum actiones in corpore humano observatæ sunt distinctissimæ omnino. Quidam enim sensum præbent partibus, ad quas tendunt; alii motum muscularem efficiunt; nutritio partium denique, & vita, ab aliis videtur pendere: diversas autem illas actiones per diversos fieri nervos, docemur in morbis evidentissimè. Accidit enim sæpe, paralytes particulares, imò & ipsam hemiplegiam nasci, in qua dimidium latus corporis immobile omni actione musculari voluntariâ caret, supersit sensu, calore, & nutritione in parte affecta; tuncque magna spes curæ affulget. Aliquando unâ cum motu sensus perit, & fit talis stupor in parte affecta, ut non ampliùs ægris appareat hæc pars pertinere ad corpus, sed sentiant obliacula occurrentia huic parti, ac si baculo porrecto eadem tangerent; pejor tunc longè mali conditio. Dum autem simul frigus in parte paralytica est; & torosa partis substantia incipit decrescere, immedicabile ferè semper malum est; uti in paralyti colicam pictionum dictam sequente, tristibus Exemplis consistit. Nervi autem his adeo divotis functionibus inservientes, origine suâ in encephalo distinctissimi licèt sint, tamen colligati in majores fasciculos nerveos ad partes tendunt: talibus ergo funiculis nervis discissis integre, omnes illæ functiones diversæ, à nervis integris pendentes, abolentur. Unde stupor & insensibilitas partium infra vulnus positarum; uti & earumdem immobilitas & marcor nisi rami supra vulnus factum ex trunco emissi, partibus inferioribus prospexerint, vel alii trunci nervei ramos ad has partes dederint.

Minùs fortè evidens apparebit ratio, quare gangræna partium infra vulnus positarum nervum majorem penitus dissectum sæpe sequatur. Sed gangræna dicitur illa partis mollis affectio, quæ, abolito influxu vitalis humoris in arterias, & effluxu per venas, in mortem tendit. Si ergo nervo majori dissecto gangræna sequatur, debet tolli vitalis ille humorum influxus & effluxus: arteriæ tamen & venæ sunt integræ, humores per illas fluentes boni; soli nervi discissi sunt. Si autem consideretur, motum liquidi per arterias pendere à binis causis, cordis nempe vi & arteriarum actione; & simul notetur, cordis vim pro maxima parte impendi dilatandis arteriis, hinc præcipuam causam mortis fluidi per arterias esse earumdem contractionem, quæ partim ab elasticitate quidem arteriarum, maximè tamen pendet à vi musculari fibrarum orbicularium, quæ arctantur dilatatæ arteriæ, & propellunt contentum liquidum; cùmque constet ex Physiologicis, actionem musculi requirere integritatem nervi ad muscolum delati, & truncos nervosos ramos dare vicinis arteriis, apparebit, nervo destructo, perire vim muscularem arteriæ, quæ urget liquidum contentum, supererit ergo sola elasticitas arteriæ, & impetus à corde communicatus. In venis autem sanguis movetur illo motu quem habet, dum ex arteriis in venas transit; adjuvatur dein motu musculorum adjacentium, qui urgentes, dum agunt, adjacentes venas premunt, sicque sanguinis venosi

motum promovent. Nervis autem discissis, musculi suppositi paralytici manent; hinc nulla illorum actio superest. Minuto ergo impetu sanguinis ex arteriis in venas pulsi, deficiente musculorum venis adjacentium actione, incipit sanguis in venis tardius moveri, accumulari, stagnare; atque ita major adhuc resistentia oritur arteriis, quarum actio jam debilitata erat; unde tandem integre suffocatur motus vitalis fluidorum per arterias & venas in partibus tali vulnere suppositis; id est nascitur gangræna.

Sic ratio apparet illorum malorum, quæ observantur sequi nervos majores integre discissos: Observata autem Medica docent in simili casu talia sequi mala.

Sanctissimus, & crudâ senectute vicens vir, sexagesimum quartum ætatis annum agens, ex alto delapsus spinam dorsi acuto lapidis angulo sic impingit, ut ipso momento totus corporis inferior truncus ab infimo margine ultimarum costarum, & artus inferiores careret sensu & motu, medullâ spinali læsâ in tam alto loco. Incassum adhibitibus omnibus, sextâ die gangræna plantam pedis utramque occupabat, septimâ die placidè periit.

Similem casum in juvene sanctissimo viginti annorum vidi, cui circa ultimas lumborum vertebrae hærebat malum: miseram ille vitam per decem septimanas traxit, sed horrenda gangræna totas nates, pedum plantas, utramque calcem depascebatur, miserrimo spectaculo.

§. 163. **N**ERVI tenfi, tendinosi, puncti, vel dimidiatò discissi dolores, aliquando primò, obtusos, nonnunquam vivos excitant, primò loco vulneris, post per omnes nervos nexos, vicinosque; hinc calores, tumores, rubores latè sparsos, febres, deliria, spasmos, inflammationem, inflammati aperturam cum evacuatione acris, tenuis, & copiosissimi sæpe feri; postea insensibilitatem, rigiditatem, exsiccationem, immobilitatem producunt, vel gangrænam, & mortem: atque hæc quidem omnia eo violentiora accidunt, quò nervus est fortius tensus supra partes firmas, iisque annexus; aut & involucris magis tenacibus indutus.

Hi sunt calamitosissimi illi casus, ubi à levi vulnere tam dira sæpe symptomata oriuntur. Accidit aliquando, ut, dum vena in brachio pertunditur, lædatur ipse bicipitis musculus tendo; vel, quod sæpius fit, lata illa aponeurosis ab hoc tendine orta, musculos cubiti tegens. Ipso hoc momento sæpe oritur dolor intolerabilis, quem misero ejulatu ægri expriment. Dum Carolo nono, Galliæ Regi, Medicorum jussu vena secabatur, ipso momento, quo vulnuscum inflegebatur, præ doloris acerbitate Rex aliâ voce clamavit; paulò post totum brachium intumuit, nec poterat sine magno dolore flecti vel extendi articulus cubiti: sævus interim dolor in loco puncturæ, & postea per totum brachium dispergebatur: applicabatur vulnuscum oleum terebinthinæ calidum cum pauxillo spiritûs vini rectificati, & aliis dein idoneis remediis post trimestre spatium brachii usus integre restitutus fuit (a).

(a) Les Œuvres d'Ambroise Paré, Livre XII. Cap. 41.



Aliquando & in initio talis mali tantum sentitur obtusus dolor, post paucas scpe horas immaniter auctus, totum brachium ad humerum usque occupans; aliquando & subaxillares glandulae saepe citò tument & inflammantur. Consequuntur saepe in ipso vulnere adesse sensum vivi ignis partem comburentis. In cute externa maculae rubrae oblongae apparent, pessimo ferè semper signo. Dum in paronychiæ maligna specie tendines flexorum digiti afficiuntur, rubra zona, per cutim cubiti, longitudinaliter secundum ductum musculorum digitos flectentium decurrens, tam mali habetur ominis apud peritos Chirurgos; acutissima saepe in sanissimo etiam homine accenditur febris, & partim ab hac febre, partim per doloris vehementiam turbato cerebro, deliria, convulsiones, mors ipsa, sequitur. Funestum tale Exemplum mortis secuta post nervi puncturam Paræus in loco modò citato habet. Hippocrates (a) narrat, quòd cerdo in Pisyo calcem pungendo assuens, se ipsum supra genu in femur pepugit, & frè digiti longitudine subulam adegit. Huic nihil quidquam sanguinis effluxit. Vulnus autem repente coaleuit. Totum autem femur intumescibat, & tumor ad inguen & venirem (ἡ τὴν τῶν ὀστέων, ἡ τὴν κνήμην) extendebatur. Is tertio die mortuus est. Alter (b) acuto jaculo retrorsum paulò infra cervicem sauciatus est: vulnus quidem accepit adpectu, minimè effatu dignum; non enim altè penetrabat. Verùm non longo postea tempore, evulso jaculo distendebatur in posteriora contractus ut opisthotonici, & maxilla convinciebatur. Et si quid liquidum os sumere ac deglutire tentaret, id in nares regerebatur: & quàm primum cætera in deteriora reddebantur; & altero die mortuus est. Plurimi tales tristissimi casus apud Observatores occurrunt.

Quamvis autem non semper mors sequatur tales nervorum læsiones, molestissima tamen plerumque adfunt mala: tota enim pars tumet immaniter, inflammatur, & vel per elatas epidermides bullas, vel & per ipsum vulnusculum sponte dilatatum exit incredibilis quantitas tenuis liquidi noctes & dies: quia autem adeo urentem dolorem sentiunt ægri, acrimoniam depluentis ichoris accusant; cùm tamen gustu non detegatur in hoc liquido effluente tanta acrimonia. Aliquando gangræna totum panniculum adiposum depascitur; suppuratio mihi nunquam hic fit, sed sinuosa collectiones ichorosa materiae omnem pinguedinem musculis interpositam consumunt; vaginæ pinguedinosa tendinum destruunt: unde postea, cute musculis accretâ, tendinibus & musculis defectu cellulosa tunica concretis cum vicinis partibus, fit rigiditas & immobilitas omnium; & totius membri usus perit. Destructis validâ gangrenâ, vel suppuratione, nervorum tunicis, (nam & in nervorum involucri cellulosa tunica reperitur) usus horum perit, fitque insensibilitas, marcor, &c. Quàm mirabile videtur, in corpore etiam sanissimo, à levi nervi punctura posse nasci tam miras humorum degeneraciones, tam enormes dolores, tot partium usum penitus destitui à levissimo etiam vulnere! Ratio horum phaenomenorum postea dabitur §. 181, & sequentibus.

Notandum quàm maximè, omnia hæc eò violentiora accidere, quòd nervus læsus fortis tensus est: hinc tam periculosa puncturae sunt circa ultimas digitorum phalangas, ubi fortissimi tendines inferuntur, & in volâ manûs, ubi expansio illa tendinosa, palmaris musculi, tensum illud & tendineum scutum facit. Augetur præterea hæc malignitas, si tenacioribus involucri nervosa partes læse tectæ fuerint; ut patet inprimis in periculossima paronychiæ specie, ubi tendo insertus ultimæ

(a) Epist. Lib. V. text. 30. Charter. Tom. IX. pag. 343. (b) Ibid. text. 31. pag. 344.

phalangæ digiti; puncturâ læsus, vel aliâ quacumque de causa inflammatus, sævissimos dolores, phrenitidem, convulsiones, syncopen, imò mortem ipsam sæpe fatalis subito infert; vel, si evaserit post diros adeo cruciatus æger, sideratum ultimæ phalangis ossiculum cadit; manus in pugnum contracta per totam vitam manens immobilis, tristes funesti mali reliquias, Arte insuperabiles, ostendit. Ratio autem tam enormis malignitatis, tota ferè pendet inde, quòd tendinibus flectentibus phalangas digitorum circumponatur ligamentum illud mirabile, cartilagineum ferè duritiem habens; si enim primis horis incipientis mali peritus Chirurgus audaci sectione dividat omnes partes incumbentes ad os usque: sicque pertundat thecam illam tendines ambientem, minuitur dolor illico, & præcaventur omnia illa funesta symptomata.

§. 164. QUÆ eadem (162. 163), parum mutata, etiam in tendinibus diversimodè læsis obtinent, atque sævissima quidem.

Tendo musculi examinatus discerpi potest in tot fibrillas, in quot poterat dividi musculus ipse: inter quas fibrillas iterum interponuntur vasa numerosissima, uti injectiones Anatomice docuerunt. Sed tendinum illæ fibrillæ videntur esse tantum continuationes fibrarum musculosarum, quæ nervis musculos ingressis originem suam debere videntur (a). Hinc non mirum tendines læsos, nervorum propagines cum sint, nervis similia mala pati. Sed uti in majori nervo reperiuntur omnis generis vasa, & tunica cellulosa, nervosas fibras à se mutuò separatia, sic idem in tendinibus, observatur. Quia autem tendines movendis partibus tantum inserviunt, nervi autem præterea & sensum, & nutritionem, in plurimis corporis partibus faciunt, hinc non omnia eadem mala fiunt à tendinibus læsis, quæ nervis vulneratis accidunt: multa tamen in utroque casu adsunt communia phenomena, quæ tamen plerumque violentiora in tendinibus læsis adhuc observantur.

Integre discissi nervi, nisi ramuli vulnere paulum superiores trahantur à resiliente trunco discisso, non multum doloris faciunt; partibus autem inferioribus omnes usus tolluntur, quos à nervo integro habebant. Sic & tendine integre discisso aboletur motus partis, qui ab hujus tendinis integritate pendebat; cæterum dolor sæpe nullus, nisi qui omni vulnere simplici adest, nec sæviora sequuntur symptomata. Hoc vidi in homine, cui cultro tendines erectores digitorum abscissi fuerant. Memorabilis casus, qui hoc confirmat, habetur in *Actis Academiæ Regiæ Scientiarum* (b). Saltator agilissimus, dum validissimo saltu corpus elevare nititur, dirumpit utriusque pedis magnum tendinem, quem *Achillis* vocant, integrâ manente cute; distantia autem trium digitorum transversorum erat inter tendinis rupti extrema. Idoneâ ligaturâ restitutus fuit in pristinam sanitatem; nec rupturæ momento, nec toto curæ decursu ullum dolorem sensit.

In illo homine, integrâ etiam manente cute, ejusdem tendinis illa pars, quæ oritur à musculis gastrocnemiis, rumpebatur; manente integrâ illa parte tendinis, quæ musculo soleo, gastrocnemiis subjecto, originem debet. Aderat magnus dolor, valida inflammatio, & tumor partis (c). Inde apparet, longè majora mala sequi tendinem semidiscissum, quam si integre divisus fuerit.

( ) Herm. Poerhaave, *Instit. Med.* §. 395. *Mém.* pag. 70, &c.

( ) Académie des Sciences, l'an 1722, | (c) L'An. 1728. *Mém.* pag. 331, &c.

Sævisſima autem mala à tendinibus, vulneratis leviter, oriuntur; imò à levi tantùm attractu tendinis, involucris ſuis nudati, totum genus nervoſum turbatur uno momento per totum corpus: quod maximè mirum cùm tendines involucris ſuis teſti, inprimis pinguedinoſà illà vaginà, quæ molli oleo lubricando tendinum mobiliter expeditam adeo ſervat, ferant ſine magno malo, ut validè trahantur, imò conſuantur. Notum enim eſt in Chirurgicis, quòd tendines diſciſſos, tenaculis arreptis extremis, attrahant, trajecta filo in unione retineant, ſicque feliciffimè ſanent, parte affectà ſic diſpoſitâ ut muſculi, quorum tendines ſunt diſciſſi, flaccidi maneant. Ubi verò involucris illis nudus tendo vel leviter attingitur, quàm horrenda oriuntur mala!

Nobili viro valida inflammatio totum pedem à genu ad malleolos uſque occupaverat; valida ſimul aderat febris; & in corpore ſatis cacoſymico tantæ inflammationis reſolutio exſpectari minimè poterat: oriebantur hinc inde collectiones purulentæ & ichoroſæ materiæ, & magna pars tunicæ cellulofæ ſeparabatur: inprimis circa malleolum internum conſumptâ omni pinguedine, ipſiſque vaginis tendinum ſeparatis, nudi apparebant tendines. Monuerat Chirurgum celeberrimus *Boerhaavius*, ne tangeret: neglexit ille hoc monitum, & credens tunicæ cellulofæ partem eſſe, tenaculo prehendit tendinem, ut auferret: ipſo momento miſer æger convulſus fuit totus à capite ad calcem, cum immani dentium ſtridore; ſicque per aliquot momenta tetanodes factus obrigitur.

Terribile & huius rei exemplum habet *Hippocrates* (a): *Thrinon Damonis filius circa tibiæ malleolum ulcus habebat juxta nervum ſanè jam purum. Huic à medicamento erodente admoſto, contigit opifthotono mortem oppetere.* Satis autem videtur probabile, quòd per nervum purum (*νῦρον καθαρόν*) intellexerit tendinem vaginis ſuis nudum, qui tunc albo colore nitet. Eadem Obſervatio reperitur & alibi (b).

Nullum autem pulchrius habetur remedium ad nervorum vel tendinum puncturas, ut præcaveantur horrenda illa ſymptomata, vel mitigentur, ſi jam adſint, quàm baſamum *Peruvianum* nigrum, leviter calefactum, vulnere inſtillare; deinde ſpatulâ calefactâ appoſitâ efficere ut magis penetret, & diffundatur per omnia vulneris loca: poſtea totum membrum molliſſimis cataplaſmatibus aut fomentis involvatur, vel blandiſſimis oleoſis illiniatur continuò. Si vulneris anguſtia baſamum *Peruvianum* non admittat facilè, dilaretur parum.

Quantùm autem poſſit olei calidi perſuſio, ubi totius generis nervoſi irritatio, convulſiones inde futuræ metuuntur, propriâ calamitate didicit *Galenus*, qui, in paleſtra dum exercebatur, divuſum habuit acromium à clavicula. Paleſtræ magiſter, luxatum humerum credens, ſummâ vi & repetitis vicibus diſtrahebat partem, ut nempe reſtitueret os luxatum. Diſtractis tam enormi vi muſculis, ſenſit inſtare convulſionem ſibi *Galenus*, juſſitque totum diem & noctem oleo calido partem perſundi, dum nudus ſub æſtu caniculæ decumberet in pelle ſic figurata, ut oleum affuſum lentè delaberetur in pelvim ſuppoſitam; quod ſic collectum & calefactum reſſundebarur continuò. Teſtatur autem, quòd dum vel modico tempore intermitteretur olei aſſuſio, ſentiret illico muſculos cervicis diſtendi, & inſtare convulſionem (c).

(a) Epidem. Lib. V. Charter. text. 43. Tom. IX. pag. 570.

Tom. IX. pag. 348. in fine.

(c) Comment. I. in Hippocr. de Articulis.

(b) Epid. Lib. VII. text. 48. Charter. Charter, Tom. XII. pag. 323.

E e ij

§. 165. **E**T membranæ, tendinum, nervorumque sæpe producta quum sint, iisdem afficiuntur morbis (162. 163.)

Non omnes quidem membranæ læse tanta mala faciunt, sed illæ inprimis, quæ tensæ admodum sunt. Tendinosa illa membrana, quæ à fascia lata producitur, similis aponeurosis à glutæo musculo orta femoris musculos validissimos ambiens & coercens si levi puncturâ lædatur, enormia producit mala. Idem apparet in bicipitis aponeurosi per venæsectionem in brachio institutam aliquando læsâ. Meatum auditorium investiens membrana, adeo tensa, si inflammatorio tumore ibi orto distrahat, intolerabilis dolor oritur; delirium, imò sæpe mors sequitur; ut *Hippocrates* in *Prognostico* & *Coacis Prænotionibus* monuit. Inprimis autem metuenda est læsio illarum membranarum, quæ vel tendinum producta sunt, vel exquisitissimo sensu nervorum, per suam substantiam disperforum, copiam & irritabilitatem testantur: qualia v. gr; obtinent in perioste, quod tam acerbos aliquando dolores facit, si lædatur.

§. 166. **Q**UID lymphatica, adiposa, venosa vasa, & vesiculæ partiantur in vulneribus, quid efficiant, ex lege circulationis, & consideratione vicinorum facillè intelligitur.

**LYMPHATICA.** Vasa, quæ ab Anatomicis demonstrantur sub nomine lymphaticorum, omnia venosa sunt: docet hoc liquidus motus per illa vasa ex ramis in truncos, uti & valvulæ, quas *Ruyfchius* tam evidenter demonstravit *Bisio*, has unquam in his vasis demonstrari posse neganti (a). Hæc vasa lymphatica venosa læsa non faciunt magnum malum: venæ enim sanguinæ, etiam satis notabiles, vulneratæ non multum sanguinis fundunt. Sed his venis lymphaticis respondent similes arteriæ lymphaticæ; quæ vulneratæ, nec integre discissæ tamen, molestissimum & perpetuum lymphæ stillicidium in vulneribus facere poterunt. Numerosissima autem talia adesse in corpore vasa, potest etiam concludi ex injectionibus Anatomicis per arterias factis: replentur enim coloratâ materie tales partes in suis vasis, in quibus naturaliter, nullus sanguis ruber apparebat. Tendines & ligamenta sic replevit *Ruyfchius*, ut ruberent penitus: ergo adfuerunt in his partibus plurima talia vasa, quæ liquido tenuiori non colorato replebantur in sanitate. An ideo frequens talis lymphæ profluvium observatur vulneribus circa articulos influctis? Chirurgi ideo articulorum lympham vocaverunt (*Leedewater*) quia frequenter observabant circa articulos ex ulceribus, vel & vulneribus, exstillare magnam hujus lymphæ copiam.

**ADIPOSA.** Corporis humani pinguedinem sanguini misceri posse, & cum illo per vasa moveri, satis certò constat: videmus enim, per febrim acutam in obesius paucorum dierum spatio, pinguedinem adeo minui; imò & in sanguine, venis educto in talibus morbis, apparuerunt oleosæ guttulæ. *Malpighius* (b) dum in ranis adnatas trunco venæ portarum oleosas strias observabat, his compressis vidit conspicuas olei guttulas in trunco venæ portarum unâ cum sanguine in hepar abripî. De hac ergo re nullum videtur superesse dubium: queritur tantum, an pingue tale

(a) Dilucidatio valvularum, pag. 2. 3.

(b) De Omento, Pinguedine & adiposis | ductibus, pag. 42.

oleum propriis vasis feratur continuo motu, uti reliqui humores; an verò collectum hæreat in ampullulis, quæ orificiis suis recipientibus uniuntur arteriis, unde hoc oleum fecernitur, orificiis verò emittentibus communicantur adjacentibus similibus ampullulis, uti etiam vellis, quæ pingue hoc ab arteriis secretum, in folliculis illis collectum, iterum reciperent, & reliquis miscerent humoribus. *Malpighius* serè videtur in Tractatu modò memorato fuisse in hac opinione, quòd essent talia vasa pinguedinosa, quæ continuo ductu, nullis ampullulis interpositis, oleum deferrent: in posthumis autem ejus Operibus (a) dicit, pinguedinem propriis in loculis contineri & coacervari, velut in peculiaribus officinis; vasorum autem seu ductuum adiposorum existentiam nondum asserere audet, licèt circa ipsa sollicitus plurimùm se exercuisset. Sive autem pinguedo talibus ampullulis, unitis simul & in se mutuo patentibus, consistet; sive dentur talia vasa pinguedinosa; his læsis pingue contentum effluet, corrumpi poterit, sicque multa mala producere valebit. In equi abdomine, post validum cursum mortui, aperto, totam cavitatem ejus oleo tenui fuso plenam reperit *Ruysschius* (b). Hoc certum est, quòd pinguedo laxissima sit, facillè in vulnere protuberet, fungosas carnes sic dictas faciat; inprimis si pinguis loca vulnerata nimis emollientibus tractentur.

**VENOSA VASA.** Modò non fuerint admodum magna, non adeo metuenda faciunt mala: hæmorrhagia enim valida rarò inde nascitur, nisi in valde plethoricis, quæ tunc non nocet, utpote nimiam sanguinis copiam minuens. Vicinæ autem venæ, crebris anastomosibus inter se junctæ, defectum vulneratæ venæ facillè suppleant. Hoc tamen videtur notandum, quòd si cognoscatur notabilis vena per vulnus læsa esse, tunc non posse applicari sine periculo acria illa styptica, quæ hæmorrhagiæ in vulneribus compescendæ causâ aliquando adhibentur; vitriolum v. gr; alumen, alcohol, &c: metus enim est, ne hæc patulo venæ vulnere recepta sanguinem ingrediantur, ejusque coagula faciant; quæ per latiorē continuò factam venam ad cor dextrum delata, dein pulmonalis arteriæ angustiiis impulsâ, funesta maximè possent producere mala.

**VESICULÆ.** Quales sunt omnes folliculi glandulosi, in quibus per arterias secretus à sanguine humor membranaceo cavo colligitur, & deinde proprio emissario ad usus peculiare emittitur. Læsis per vulnus his vesiculis patet, illarum usum destrui. Quanti autem momenti sit hæc jactura, ex cognito usu harum partium patet: sic v. gr; feminalibus vesiculis discissis, apparet facillè, totum turbari generationis opus.

§. 167. **SI** vulnus oculo patet, ejus præsentia, & natura scitur, 1. Sensu ipso, absterfo impedimento conspectus, & suppresso cruoris fluxu. 2. Scientiâ Anatomicâ vicinorum.

Summâ inprimis hic cautelâ opus est Medico æquè ac Chirurgo, qui ad vulneratum vocantur, ne de vulnere judicium ferant, priusquam omni curâ illud examinauerint: quidquid enim tunc tumultuario consilio minùs cauti pronunciant, postea fortè ad Judices deferetur. Si tunc infelix eventus periculofum fuisse vulnus probet, quod primâ illâ inspectione levioris momentis esse dixerant, Patro-

(a) Pag. 25.

(b) *Epist. Anatom. ad Vir. clar. Herm. Boerhaave*, pag. 55.

nī, qui rei causas agunt, postea Medico æquē ac Chirurgο infamiz notam inurent, ac si illorum imprudentiz deberent imputari gravia illa mala, quæ vulnus inflictum secuta sunt. Chirurgi autem prudentiores plerumque solent tunc præsentem Medicum rogare, quid de vulnere & ejus effectibus metuendū sentiat; sicque cauti evitant famæ periculum. Utilissimum ergo erit, si illi, qui Medicinæ exercendæ se applicabunt aliquando, omnem arripiant avidè occasionem, ut vulnera, & graviores operationes sæpius videant, ut sic sensim assuescant intrepido animo hominum calamitates intueri. Non sine ratione Hippocrates dixit (a), *Medicus gravia ac periculosa intuetur, & molesta contrahit, ac ex aliorum calamitatibus proprias sibi demetis molestias. Egrotantes verbò Artis operâ maximis malis, morbis, laboribus, dolore, & morte vindicantur.* Humani generis commoda, ex Arte salutari nata, levant hæc tædia. Sæpe enim accidit, Medicos, fabricæ corporis humani periculis, vulneris adspectu, ejulatu adflantium, vulnerati querelis, sic turbati, ut titubantes longè aliud judicium ferant de vulnere, quàm quidem tulissent, si pacatâ mente omnia considerassent.

Non ergo festinanter, sed summa cum animi attentione vulnus examinandum est; primâ enim deligatione hoc licebit, quod postea fieri commodè non poterit. Sequentibus enim diebus sæpe vulnus sic tumebit, dolebit, inflammabitur, ut sine magna molestia & irritatione specillum ferre nequeat.

Si jam vulnus sit in tali corporis loco, quī oculo patet, auferenda sunt omnia illa impedimenta de vulnere, quæ faciunt, ut minùs distinctè examinari possit. Aquâ tepidâ, cum melle & vino, & pauculo falis marini, vulnus abluit, concreti sanguinis thrombos sic tollunt, ut tota superficies vulneris undique pateat. Quamdiu autem sanguis adhuc cum impetu de vulnere fluit omnia sic inundantur, ut nihil distincti cernere liceat, hinc sanguinis fluxus coerendus, quod in artubus faciliè fit, idoneâ ligaturâ compressis vasorum truncis: in aliis locis corporis, nisi magna admodum vasâ fuerint læsa, alcohole vini calido poterit compesci hæmorrhagia.

2. Sine hac enim Scientia nihil certi determinari poterit. Inspectio enim vulneris ejus magnitudinem, profunditatem, decursum docere poterit, cognitio autem partium, quæ in vulneris loco ponuntur, ex sola Anatome haberi potest. Fidelissimæ *Eustachii Tabulæ*, in quibus arteriarum & venarum majorum, nervorumque situs, uti & musculorum origines & decursus tam accuratè notantur, summi hic usûs esse poterunt, ut, cognito vulneris loco, possit determinari, quænam partes corporis per vulnus læsæ sint, & quodnam inde damnum metuendum sit.

§. 168. **VULNERIS** autem absconditi præsentia, & natura noscitur. 1. Ex Scientia Anatomica, situ vulnerandi, modo & vi inflictus. 2. Ex læsa actione sequente vulnus. 3. Ab excretis, intra vel extra corpus expulsis. 4. Ab effectis supervenientibus, dolore, singultu, parmo, tumore, &c.

Difficilior longè vulneris cognitio, ubi illud totum oculis lustrari nequit: ingres-

(a) De Flatibus, Charter. Tom. VI. Cap. 1. pag. 113.

fum instrumenti vulnerantis in extremis integumentis videmus; quousque tamen penetraverit, sæpe latet: multum tamen juvabit, si attendatur ad sequentia.

1. Ex Anatomica Scientia partium novimus, quænam hic locentur partes; sed situs vulnerati illo momento, quo vulnus accepit, uti & ipse situs vulnerantis, dum vulnus infixit, demonstrabunt viam, quâ instrumentum vulnerans, penetravit versus interiora corporis. Si tunc simul adsit instrumentum vulnerans, poterit aliquando ex amplitudine vulneris integumentorum cognosci, ad quam profunditatem adactum fuerit. Omnia hæc sedulo merentur inquiri ex ipso vulnerato, vel illis, qui adfuerunt illo tempore, dum vulnus infligebatur. Si v. gr; vulnus gladio inflictum intra sextam & septimam costam veram transiverit perpendiculari directione, penetrabit in abdominis cavum; si reclinato versus posteriora corpore homo vulnus acceperit, gladio ab inferioribus sursum adacto, poterit in thoracis cavum penetrasse. Si verò versus anteriora proclivi corpore gladius eodem loco penetraverit, poterit per totum abdomen ad pelvim usque pergere. Sic à latere inflictum vulnus: potest longo satis itinere sub integumentis supra costas pergere, inprimis in obesis, nec penetrabit tamen in cavum thoracis. Quando jam vulnus profunditas specillo explorabitur, conducit maximè cognoscere situm vulnerati, dum vulnus accepit, tuncque illum in eodem situ reponere: nisi enim hoc fiat, sæpissime accidit, ut panniculus adiposus viam obturet: sic in venesectione, inprimis in obesis, sæpe accidit, primo momento sanguinem pleno saltu exilire; mutato parum situ brachii, mox cessat sanguinis fluxus, pinguedine cuti suppositâ se interponente inter aperturam venæ & cutis.

2. Dum ex Physiologicis cognoscimus illa quæ requiruntur ad actionum singularum corporis integritatem, facile videmus ex actione post vulnus impedita, vel abolita penitus, an quædam, an verò omnia requisita ad actionem exercendam per vulnus sublata sint. V. gr; si vulnus in cavum abdominis penetranti succedat illico actionem vitalium languor summus, cor palpitet celerrimè, pulsus parvus, celer, inæqualis sit, pallor faciei & labiorum adsit, & frigus extremorum; concludimus, vasis majoribus discissis, sanguinis ingentem copiam in cavum abdominis effundi. Si vulnus collo inflictum, sine notabili hæmorrhagia, similia sequantur symptomata, metuimus, ne nervi hic decurrentes, qui vitalibus visceribus prospiciunt, læsi sint. Si post capitis vulnus eadem obtineant mala, cerebelli læsio, vel ab extravasatis humoribus compressio, adesse creditur. Si vulnera capitis omnium actionum animalium abolitio sequatur, eadem de cerebro timeamus. Si post vulnus dorso inflictum omnia infra posita sensu & motu privari observamus, spinalem medullam læsam esse concludimus. Idem de reliquis actionibus verum est.

3. Si post vulnus thoraci inflictum coccineus spumescens exit sanguis de vulnere; vel ore expulsi, novimus pulmonis vasa discissa esse. Si ex vulnere abdominali chylus effluat, tenuis intestini læsio significatur; si fœces prodeant, crassi intestini vulnus indicatur; si sanguis emingatur, renes, ureteres, vel vesicam læsam novimus, &c.

4. Dolor ingens, subito natus post vulnus inflictum, denotat nervos, tendines, vel membranas tendinosas, aut nervosas læsas esse. Singultus autem, à diversissimis partibus læsis, fieri poterit, uti & spasmus. Post validas hæmorrhagias singultus & convulsio sæpe oriuntur, illaque tunc admodum mala pronuncia-

vit *Hippocrates* in *Coacis Prænotionibus & Aphorismis*. Ab ileo singultum ortum damnavit *Hippocrates* : hinc & intestinis vulneratis supervenire posse valde probabile est. Diaphragmatis, œsophagi, ventriculi, capitis vulnera singultus sequitur. Hinc illud signum solum consideratum semper malignum vulneris effectum ostendit, non semper ceritè partem vulneratam indicat.

Tumores autem subitanei, vulnus sequentes, vel humores effusos, & in loco præternaturali collectos, designant, vel acrem per vulnus cava corporis loca ingressum, & mirè dilatatum calore corporis. Dicitur postea de miris illis tumoribus vulnera pectoris sequentibus, dum aer panniculum adiposum ingressus immani tumore totam corporis externam superficiem distendit.

§. 169. **E**X cognitio (167. 168.) determinatur prævisus vulnere eventus.

1. Mors, vel vita vulnerati.
2. Sanatio possibilis, impossibilis, integra, pro parte.
3. Curatio facilis, difficilis, brevis, longa.
4. Effectus à vulnere, peractâ sanatione, superstes futurus; ut tabes; infenilitas, immobilitas, figura laxa, &c.

Postquam per adminicula Artis hodie cognitæ, post debitum examen omnium illorum, quæ binis præcedentibus paragraphis dicta sunt, habetur vulneris diagnosis, quæ docet partem læsam & abolitas vel impeditas actiones corporis sani per vulnus; tunc poterit prædicti vulneris eventus, & patebunt illa mala quæ à vulnere ut causâ sequi poterunt. Hæc vocatur vulnere prognosis, in qua determinanda semper, summâ cautelâ opus est. *Est enim prudentis hominis primum, eum qui servari non potest, non attingere, nec subire speciem ejus, ut occisi, quem forsipsius interemit. Deinde, ubi gravis metus sine certa tamen desperatione est, indicare necessariis, periclitantis in difficili rem esse: ne, si victa Ars malo fuerit, vel ignorasse, vel sefellisse videatur. Sed ut hæc prudenti viro conveniunt, sic rursus histronis est, parvam rem attollere, quò plùs præstitisse videatur (a).*

Animadversione tamen quàm maximè dignum est, dari aliquando tales casus, in quibus vel Anatomes peritissimi fallerentur in determinandis partibus per vulnus læsis. Observatæ enim fuerunt frequenter viscerum internorum posituræ, diversissimæ à situ naturali, quem communiter obtinent. Accuratissimus *Méry* in militis defuncti cadavere mirabilem viscerum transpositionem invenit. Cordis basis sinistrum latus respiciebat, apice in dextra parte thoracis hærente, magnorum vasorum ex corde egressorum situs pari modo mutatus erat. In abdomine ventriculus sic positus erat, ut pylorus in sinistro latere hærens duodeno intestino continuaretur. Hepar sinistrum hypocondrium, dextrum verò lien occupabat: intestinum cæcum & colî initium in sinistro ilio hærebant, &c. (b). Simile Exemplum & viderat celeberrimi *Caroli Drelincurtii* Pater, ubi sedibus permutatis lien à dextris cesserat, hepar à sinistris (c).

(a) A Corn. Celsi Medicin. Lib. V. Cap. xxvi. Acta Lipsiens. an. 1690. pag. 505.

(b) Journal. des Sçavans Janvier 1689, & (c) Caroli Drelincourt, Opuscula, pag. 721.



Hæc autem in sanis hominibus contigerunt, & à prima origine talis mutatio sitûs in visceribus obtinuit. Sed & per morbos frequenter mutari viscerum situm fidelibus constat Observatis. Post frequentissimos vomitus in cadavere mulieris situs ventriculi inprimis, uti & aliorum viscerum abdominalium mirè mutatus inveniebatur (a). Admodum verosimile videtur satis frequentes esse tales mutationes sitûs viscerum. In illis enim cadaveribus, quæ vel ipse dissectui, vel ab aliis dissecta vidi, plurima talia observare licuit. Vidi lienem in pelvim prolapsum, ventriculi fundum infra umbilicum porrectum, coli intestini illam partem, quæ ventriculo subjacet, inde sic reflexum, ut infra umbilicum hæreret, arcum formans, cujus convexa pars pelvim, concava ventriculum respiciebat, &c.

Erroris autem, qui inde in vulnere prognosi contingunt, vix evitabiles videntur. Quis enim auderet talia prædicere, & quibus signis hoc posset cognosci?

Præterea peculiaris vulnerati idiosyncrasis plurimum mutare potest effectus vulneris infliti. Sunt v. gr; tam pusillanimes quidam, ut conspecto sanguine, licet alterius de vulnere fluat, mox in animi deliquium cadant. Unde Hippocrates (b) prudenter monuit, multa verò vulnera in locis vilibus, ac malis esse, & nullâ re gravia videntur, & tamen dolore affligit plaga, ut respirare non possint: alii verò præ vulneris dolore, quod sanè grave nullâ re erat, spiritum quidem duxerunt, verum delirârunt, & febricantes mortui sunt. Quicumque enim aut corpus febricitans habent, aut mentem turbatam, talia patiuntur. Sed neque hæc admirari oportet, neque formidare, illud expendendo, quod & animæ & corpora hominum plurimum differunt, & vim maximam habent, &c.

Sub his ergo cautelis determinatur prognosis vulneris, in qua quæritur,

1. An nempe vulnus inflitum tale sit, ut pro effectu suo Physico mortem faciat, nullâ Arte evitandam; an verò post vulnus vita superstes manere possit.

2. Sanatio vulneris dicitur, ubi partes, per causam vulnerantem separata à naturali cohesione, iterum concresecunt simul unitæ. Si v. gr; digitus sic dissectus fuerit transversim, ut exiguâ tantum cutis portione adhuc cohareat, non poterit promitti talis vulneris sanatio: servari quidem poterit æger, sed mutilatus hâc sui corporis parte. Præterea accidit sæpe, ut vulnere curato non restituantur usus omnes parti vulneratæ, quos in sanitate habebat; tunc non est sanatio integra, sed tantum pro parte. V. gr; si insignis nervus discissus fuerit omnino per causam vulnerantem, vulneris talis sanatio integra nunquam erit; omnes enim illæ functiones partis vulneratæ, quæ à nervi discissi integritate pendebant, manebunt abolitæ.

3. Nisi enim hæc statim ab initio præmoneantur, culpa difficilis curæ, vel diu protractæ, in Chirurgum vel & Medicum conjicietur. Facilis autem cura dicitur, quæ sine multo ægri incommodo, & absque magno Artis molimine perfici poterit. Dum v. gr; tendo musculi erectoris pollicis discissus se subduxerit sub integumentis, non poterit hoc vulnus curari, & restitui usus naturalis huic parti læsæ, nisi, dilatato vulnere, tendinis abscissi extremum tenaculo prehensum protrahatur, & dein consuatur cum altero extremo: sed hæc non sine difficultate & dolore fieri possunt. Prudentia postulat, ut hæc non semper ægris revelentur, amicis tamen

(a) Académ. des Scienc. l'an 1716. Mém. pag. 238.

(b) Prorethetorum, Lib. II. Cap. ix. Chapter. Tom. VIII. pag. 817.

vulnerati hæc omnia indicari debent, ne postea curationis molestiæ tædia imputentur Chirurgo & Medico.

Ubi v. gr; vulnus cum notabili substantiæ jactura inflictum est, dum acinace cutis & panniculi adiposi magna pars abscinditur, requiritur satis magnum temporis spatium, ut restituatur hoc perditum. Si simplex tantum divisio cutis & panniculi adiposi facta fuerit per instrumentum vulnerans, bene unitis ex Artis præscripto labiis, brevi tempore poterit consolidari tale vulnus, si sanum vulnerari corpus fuerit: si autem notabili cacochymia labore, longè tardiùs & multò difficiliùs cura perficitur. Hæc autem in vulnere prognosi determinari debent, quia multorum animis hæc infedit opinio, ac si Chirurgi turpi lucri causâ vulnere curam de industria protraherent; quod ab honesti viri animo quàm longissimè abesse credere fas est.

4. Omni curâ & ad hæc attendendum est. In vulnere enim non lethalibus solent Judices pœnam statuere proportionalem damno, quod vulneratus ex vulnere inflicto, ut causâ recepit. Ideo Patroni, qui rei causam agunt, omni versutiâ, quâ sæpe nimis valent, solent culpam malorum, vulnus sequentium, imputare Chirurgo & Medico, qui vulneris curam gesserunt. Ideo in prima deligatione ex cognitione Anatomica partis, cui vulnus inflictum est, & ex functionibus læsis post vulnus acceptum, deberent indicari mala illa, quæ hoc vulnus, quamvis optimâ Arte curatum, sequuntur. Vel si non possit hoc tam certò determinari, saltem moneri debet, periculum esse, ne hoc vel illud damnum maneat post vulneris curationem. Nullibi enim iniquius agitur cum Chirurgis, quàm in his casibus: curato enim vulnere si partis pristina mobilitas v. gr; perierit, solent plerumque narrare, quis curaverit hoc vulnus, non quis inflixerit; & summâ injuriâ sæpe damni relictæ culpam in Chirurgum, non in percussorem, conjiciunt. Ubi ergo arteria, parti cuidam sola prospiciens, discissa est, atrophiam partis post curationem prædicimus futuram; si nervus major ad partem tendens per vulnus destructus sit, insensibilitatem, immobilitatem sæpe, prælagimus, &c: si vulnus non possit curari, nisi post diuturnam & validam suppurationem, (ut v. gr; dum ossis læsi partes separari sensim debent) consumpto sic panniculo adiposo, profundam & turpem futuram esse cicatricem præmonemus, &c.

§. 170. **M**ORS inevitabilis à vulnere ex quinque effectis sequitur; adeoque necessariò lethalia vulnera (151.) hæc sunt.

Enumerantur hæc paragrapho illa vulnera, quæ inevitabili necessitate, nullâ Arte hæcenus cognitâ, superanda, tollunt illam corporis conditionem, quæ omnino requiritur, ut commercium mutuum inter mentem & corpus duret quodam modo, aut queat restitui utcumque, nec necesse sit id omnino tolli (a): sed ex Physiologicis constat, absolutè huc requiri actionem musculosam primo, sanguinis in cor receptionem, & recepti ex corde expulsionem. Hinc numero primo recensentur illa vulnera, quæ influxum liquidi nervosi, ad cordis actionem musculosam requisiti, tollunt; numero secundo illa, quæ discissis cordis cavis impediunt,

(a) Herm. Boerhaave, *Instit. Medic.* §. 41.

quominus sanguis corde contineri possit : *tertio numero* enumerantur illa vulnera, quæ efficiunt ut patulis vasculis vulneratis effluens sanguis non redeat ad cor. Cum autem in homine nato cor dextrum non possit evacuare sanguinem suo cavo contentum nisi per pulmonem, & ad hoc requiratur ejus dilatatio per respirationem, ideo *numero quarto* recensentur illa vulnera, quæ respirationem integre tollunt. Tandem cum inevitabili vitæ & sanitatis effectû, & ex humoribus, & de solidis partibus plurima pereant quotidie, requiritur ad constantiam vitæ, ut tot & talia in humoribus & solidis restituantur perpetuò, quot & qualia per ipsius vitæ actuositatem perduntur. Horum autem omnium jactura restituitur ex ingestis alimentis per actiones naturales ( vide §. 1. ) in substantiam similem nostris partibus solidis & fluidis mutatis. *Numero quinto* ergo recensentur illa vulnera, quæ integritatem partium, ad hoc opus absolutè requisitarum, tollunt.

Ad hæc autem quinque capita reduci possunt omnia vulnera absolutè lethalia:

1. Quæ influxum nervosi liquidi à cerebello in cor intercipiunt.
  - a. Cerebelli vulnera, & cerebri, profunda adeo, ut medullam oblongatam lædant multum. *β.* Vasa sanguifera intra cranium soluta cum effuso cruore, qui pressione, vel conceptâ putredine vitam tollit, nec terebrâ levare potest ob conditionem loci, ut inferiora orbitæ oculi, & ossis temporum, ossis ethmoidis, basios cranii, &c. *γ.* Medullæ spinalis superioris profunda vulnera. *δ.* Tum ea, quæ nervos cardiacos dissecant.

a. Cordis actio, cum verus sit musculus, illa omnia requirit; quæ & in aliis musculis corporis necessariò adesse debere per Experimenta novimus. Sed spirituum influxum per nervos in musculum requiri ad actionem ejus, constat certis Experimentis; idem ergo & in corde obtinebit. Præterea novimus ex Observatis Medicis, quod ubi à causis violentis externis effuso sanguine intra cranium, comprimitur tota cerebri moles, omnes sensus, & omnes motus, à voluntatis arbitrio pendentes, perfectè aboleantur: cordis tamen actio in initio talis mali insurgit potius, utl docet pulsus robor & celeritas in apoplecticis. Sed ex Anatomicis notum est, cerebellum tutissimè defendi, cerebro subjacens; & testum expanso illo duræ matris velo, non tam faciliè posse comprimi ab effusis humoribus, quam ipsum cerebrum. Ubi autem eadem illæ causæ pergentes vel auctæ incipiunt ipsum cerebellum comprimere (quod solidioris fabricæ cum sit, ideo etiam magis resistit causis comprimentibus) tunc cordis actio cessat, & vita perit. Unde novimus, cerebellum per nervos dare spiritus requisitos ad motum muscularem cordis. Vulnera ergo, ipsum cerebellum insigniter lædencia, vel & penitus destruentia, meritò pro lethalibus habentur.

Experimenta in vivis animalibus capta hanc rem confirmant. Cani majori cerebrum tessellatim dissecabatur ferè per integram horam; moriebatur ipso momento dum lædebatur cerebellum (a). Dum capite canis per superiora aperto, cerebellum in frustula secatur, & è calvaria eximitur, illico ferè moritur canis; etiamsi cerebrum.

(a) Perrault, Méchanique des Animaux, Partie II. Chap. VII. pag. 403.

*Et medullæ oblongatæ caudex nequaquam lædantur.* (a). In catellis junioribus, quibus calvaria adhuc mollior, & futuræ hiscentes, per futuram sagittalem adigendo cultellum in cerebellum, idem Experimentum tentavit *Bohnus*, viditque eisdem, post leviores partium externarum concussiones, expirasse; remotâ verò calvariâ apparuit, in uno totam ferè illius compagem perforasse, in altero ad medullosum ejus nucleum tantum penetrasse instrumentum (b).

Nec obstat vulnere cerebelli lethali, quod in recens natis catellis, capite detruncato, cordis motum, systole & diastole rite alternantibus, plurimis horis integrum perstitisse viderit *Wepferus* (c). Agitur enim hic de durabili vitæ actione, non de mira illa cordis proprietate, quâ etiam corpore exemptum motum suum continuat post mortem ipsam, ut dictum §. 1. Magnus enim ille Vir ex his Experimentis minimè deducere voluit aliquam conclusionem, quæ repugnaret prioribus Observatis; ut ipse eodem loco testatur.

Cum autem ex Anatomis constet, ex cerebello nullum derivari nervum, sed totam cerebelli substantiam medullarem collectam abire in medullam oblongatam, ex qua postea nervi prodeunt; satis patet, hujus oblongatæ medullæ insignes læsiones mortem certo effectu producere. Si jam simul consideretur, ipsum cerebellum, & medullam oblongatam, tam turè recondi, ut vulnerari nequeant sine insigni læsione cerebri ipsius, magnorum vasorum, musculorum, &c. magis adhuc patebit horum vulnere lethali.

Cerebri autem ipsius vulnera, quamvis maxima fuerint, non semper lethalia esse, docent Observata plurima; de quibus postea dicetur in vulneribus capitis.

β. Dum vasa sanguifera arteriosa, vel & venosa majora, à quacumque causa rumpuntur, effundunt contentum sanguinem, uti & illum qui continuè vi cordis per hæc vasa integra fluxisset: sed cranii durum os cedere nequit, & naturaliter encephalon totum calvariæ cavum exactissimè replet; ideo sanguis effusus debet necessariò comprimere omnia illa, quæ calvariæ cavo continentur: unde statim ab effusis intra cranium humoribus cerebri functiones incipiunt aboleri; & postea, eadem causâ pergente; & cerebellum & oblongata medulla comprimuntur, & vita inde pendens tollitur. Si jam effusus vasis fractis sanguis non fuerit tantâ copîâ, ut compressione tollere possit cerebri, & cerebelli, & medullæ oblongatæ actionem, poterit tamen nocere alio modo. Humores enim corporis humani, extra vasa sua effusi, sponteâ degeneratione corrumpuntur; tardius quidem, ubi omnis aeri accessus denegatur, sed tandem tamen etiam putrescunt, acres fiunt, tenerrimam encephali fabricam rodendo, inflammando, suppurando destruunt & consumunt. Unde tot Exemplâ apud Observatores habentur, quæ probant, vulnera & contusiones capitis, quæ vix ullius momenti habebantur, post longum satis temporis interval- lum, subitò mortem induxisse. In cadaveribus apparebat copia ichorose vel purulentæ materiæ, & sæpe notabilis consumptio encephali inde facta. Exemplâ hujus videri possunt apud *Bonæum* (d).

Præcipua ergo in talibus casibus curæ spes ponitur in perterebratione cranii, ut liber exitus concilietur effusis humoribus. Sed si talis sit loci vulnerati conditio,

(a) Raymundi Vieussent Neurographia universalis, Lib. I. Cap. xx. pag. 123.

(b) D. Johannis Bohnius de Renunciatione vulnere, &c. pag. 169.

(c) Cicutæ Aquaticæ Historia & noxx, pag.

97.  
(d) Sepulchret. sive Anatom. pract. Tom. III. pag. 318, 319, 320, &c.

ut hanc operationem non admittat, mors sequeretur inevitabilis; talia autem loca sunt inprimis sequentia.

**INFERIORA ORBITÆ OCULI.** Illa nempe pars orbitæ oculi, quæ calvariæ fundi maximam partem constituit, & quæ inferiorem situm habet, si spectetur calvaria, sed orbitæ oculi lacunar superius facit. Hæc enim orbitæ pars ab ossis frontis lamella fit, quæ in plurimis locis adeo tenuis est, ut in mundatis calvariis pelluceat, & nequidem unguis crassitiem habeat. Hæc autem lamella, cui cerebri anteriores lobi incumbunt, & satis magna vasa sanguifera, ob tenuitatem summam levi vulnere facillè perforatur, effusus sanguis sub cerebro in ipsa basi calvariæ hæret, hinc terebrâ educi nequit. Unde apparet, quàm periculosa sint vulnera huic parti inflicta. Vulnerabatur homo baculi extremo non admodum acuto in oculi sinistri orbita: illis, qui curationi præerant, videbatur exigui momenti vulnus; breviter tamen postea periit vulneratus. Publicâ auctoritate dum inquirebatur mortis causa, cranio serrâ diviso, apparuit vulnus sat profundè penetrasse ipsum cerebrum (a).

**OSSIS TEMPORUM.** Foveæ in calvariis mundatis apparentes, arteriarum duræ matris pulsu excavatæ, demonstrant circa tempora satis notabiles arterias decurrere: his ergo læsis, sanguis effusus declivi viâ versùs basim calvariæ tendet: & ob musculos ingentes temporales hic positos, non datur terebrationi locus; omnia ergo illa mala metuenda, sunt ab effusis humoribus, compressione vel corruptione nocentibus, exspectanda quæ.

**OSSIS ETHMOIDIS.** Fortè primò adspectu videretur, adeo tutò reconditum hoc os, non facillè lædi posse; sed si reclinato versùs posteriora capite gladius acutus per nares sursum adigatur, poterit eò usque facillè penetrare. Præterea si laterali orbitæ oculi parti versùs nasum infligatur vulnus, poterit levi vi lamellam illam ossis ethmoidis, quæ orbitæ oculi partem constituit, & os planum dicitur, perforare, & sic in calvariæ cavum pergere. Talem casum habet *Bonetus* (b) ubi *Juris Studiosus* infra orbitam sinistri oculi ense punctim vulneratus fuit, & post 24 horas apoplecticus mortuus est. Aperto cadavere apparuit, vulnus per orbitam oculi & os ethmoides prope cristam galli penetrasse in dextrum cerebri ventriculum: basis cerebri, & cerebelli regio, copioso sanguine extravasato refertæ erant. Apparet facillè, nullam superesse in tali casu medelam.

Reliqua autem, quæ basim cranii penetrant, vulnera ob easdem rationes inevitabili effectû mortem adferunt.

7. Postquam ex medulla oblongata novem paria nervorum intra cranium secesserunt, omnis reliqua medulla cerebri & cerebelli simul collecta in unum caudicem; vertebrarum thecâ tutò defensa, porrigitur ad os sacrum usque. Ex hac medulla spinali omnia capiti subiecta membra, & plurima viscera, pro magna parte suos nervos accipiunt: si ergo in superiori loco spinalis medulla vulnere satis profundo lædatur, destruitur medullaris ejus substantia, & omnis actio cerebri & cerebelli in subiectas partes tollitur; quatenus nempe ab harum fibrarum medullarium integritate pender. Par enim octavum, vagum dictum, & nervus intercostalis, altiori loco ex ipsa medulla oblongata intra cranii cavum orta, plurimis visceribus

(a) *Frideric. Ruyschii Observat. Anatom.* |  
Chirurg. Centuria. Observatione, 54.

(b) *Sepulchret. sive Anatom. pract. Tom. III.* |  
pag. 317.

vitalibus prospiciunt. Hinc à tali vulnere non quidem in instanti mors sequitur, tamen tales vulnerati omnes pereunt majori vel minori temporis intervallo, prout vel profundius læsa fuerit medulla, vel altiori in loco. Ratio facillè patet: tota enim cerebri & cerebelli moles, suâ fabricâ, à sanguine arterioso fecernit subtilissimum illud liquidum, quod dein secretum per medullares fibras, & nervos his fibris collectis constantes, deferitur ad omnia & singula corporis loca. Dum igitur, mœnente eâdem copiâ illiquid allati ad organum secernens illæsum, destruitur tantus numerus canalium, qui secretum liquidum continere & deferre debebant ad loca debita, sequitur debere turbari, & tandem destrui functionem ipsius organi secernentis. Accedit, simul & lædi plerumque magna satis vasa sanguinea; unde effusi humores facillè in craniî cavum reascendunt, impletâ prius vertebrarum thecâ. Lethalem autem talium vulnere eventum docuerunt Observata Medica.

Rusticus ex arbore decidit, cervicis vertebram secundam prope atlantem, luxatam habuit, ut postea in cadavere apparuit; hoc modo per quàm plurimos dies vixit, dein mortuus est. Alii tamen in simili casu brevi temporis spatio mortui fuerunt (a).

Sennertus (b) dicit, se novisse lanium quemdam, qui boves mactaturus, eos non securi, quod vulgo fieri solet, percutiebat; sed exiguum cultellum eo in loco, quo caput vertebris colli conjungitur, in spinalem medullam adigebat: unde bos attonitus quasi statim concidebat. Idem jam Galenus notat (c) quodd tauri, quibus spinalis medullæ origo juxta primam vertebram quotidie difsecatur, statim procumbant, pereunte simul cum sectione, & respiratione & voce.

In junioribus canibus simile Experimentum institutum, parem successum habuit.

Hippocrates (d) spinalis medullæ vulnera lethalia pronuntiavit. Et alibi (e) dicit: medulla verò spinæ si ægrotaverit, sive ex lapsu, sive ex alia aliqua causa, sive sua sponte, homo & cruribus impotens fit, ut neque, si tangatur, percipiat; & ventre ac vestitæ ut circa prima tempora neque stercus neque urinam egerat, nisi ad necessitatem. Quum autem vetustior factus fuerit morbus, non urgente homine & stercus prodit, & urina. Moritur autem post hæc non multo interposito tempore. In hoc autem loco patet, quodd agatur de læsione medullæ spinalis in loco inferiori, & tamen mortem inde futuram præfigit. Summum etiam tunc periculum adesse probant bina Exempla recensita in illis, quæ dicta sunt ad finem §. 162. Quosdam tamen evasisse, vel saltem miseriam vitam diu protraxisse in simili casu, ubi circa vertebrae lumborum luxatio facta medullam compresserat, docet Hildanus (f) binis Exemplis. In uno casu abscessu facto & ulcere fistuloso relicto, symptomata remiserunt plurima, sic ut alvum & urinam postea continere potuerit; sed ab umbilico omnia inferiora sensu omni & motu erant privata; sicque per annos aliquot vixit. Qualis autem tandem fuerit exitus, sibi non constitisse affirmat Hildanus. In altero casu secunda vertebra lumborum intropulsa erat, cum paralyti inferiorum, & resolutione sphincterum ani & vesicæ. Juvenis cum esset, & optimo corporis habitu præditus, post annum sensus rediit, & aliquis motus ægro: qualis autem fuerit eventus tandem, non notat Auctor.

(a) Bonet. Sepulchret. sive Anatom. pract. Tom. III. pag. 417.

(b) Tom. III. Lib. V. Part. IV. Cap. III. pag. 371.

(c) De Hippocr. & Platon. plasticis, Lib. II. Cap. IV. in fine. Charter. Tom. X. pag. 97.

(d) De Morbis, Lib. I. Charter. Tom. VII. pag. 512.

(e) Prothetic. Lib. II. Cap. XI. Charter. Tom. VIII. pag. 819.

(f) Observat. Chirurg. cent. V. p. 458. 459.

Ex notabili autem læsione medullæ spinalis superioris evasisse aliquem, quantum novi, non constat ullis Observatis.

§. Per nervos cardiacos enim defertur tenuissimum illud fluidum, cerebelli fabricâ separatum, à purissimo sanguine arterioso, quod requiritur ad motum muscularem cordis.

Cor in pericardio hæret liberum, nulli parti nexum, nisi vasis, quæ cor ingrediuntur, vel ex corde exeunt. Omnia jam hæc vasa, quibus cor necitur, in pericardio libera sunt, mobilia, nulli parti vicinæ accreta. Nervi ergo, qui cordis substantiam ingredientur, debent unâ cum vasis, quibus cor necitur, ad cor deferri. Cor enim nulli alteri parti in pericardio cohæret. Hinc nervi ad cor pertingentes non hærent liberi, uti ex tabulis Anatomicis quis credere posset; sed applicati manent venis, quæ cordis cavis sanguinem immittunt, & arteriis, quæ sanguinem cordis cavis expulsum excipiunt. Ex qua nervorum ad cor tendentium mirabili positurâ in Physiologicis explicatur cordis systole & diastole; dum eadem causâ, quæ motum cordis facit, momento post motum factum destrui necessitate fabricæ: unde uno momento vitæ cor fulmineo quasi spasmo contrahitur, momento sequenti perfecte paralyticum fit.

Patet hinc nervos cardiacos in cordis vicina non posse lædi per vulnera, quin simul lædatur maximorum vasorum integritas circa cor; tuncque mors vulnus tale sequeretur inevitabilis ex læsione horum vasorum. Hic autem consideratur sola læsio nervorum cordis. Sed Anatomicæ Observationes docuerunt, omnes nervos, qui ad cor perveniunt, ortum ducere à pari octavo, nervis intercostalibus, vel & nervis recurrentibus. Sed nervorum horum trunci possunt in suo decursu lædi, acque aboleri horum nervorum effectus, quem cordi præstant.

*Willisius* (a) cani vivo, circa jugulum cute discissâ, utrique parvis vagi trunci ligaturam injecit strictissimam: mox torpuit animal, & obmutuit; & circa hypochondria motus convulsivos cum magno tremore passum est. Hoc affectu postea brevi cessante; quasi moribundum jacuit, alimenta respuens: vixit tamen, iisdem nervis penitus discissis, postea per plures dies, donec inediâ ferè exstingueretur.

Cadavere tamen aperto, sanguis intra cordis ventriculos, & vasa majora coagulatus admodum in grumos concreverat. Sed per inediam necatis animalibus talia sanguinis coagula non inveniuntur. Causam vitæ tamdiu adhuc protraxit *Willisius* ipse à ramulis nervi recurrentis & intercostalis ad cor tendentibus deduxit.

Idem Experimentum & *Lowerus* sumpsit, & observavit, statim cor palpitare & contremiscere; atque sic per diem unum aut alterum, miserum animal, corde tremulo, pectore admodum suspirioso, languidam vitam protrahit, & tandem expirat. Tantam autem angustiam patitur animal, ut coerceri nequeat, nisi firmissimis vinculis cohibeatur (b). *Bohnius* tamen affirmat, animal quod huic martyrio Philosophico exponebat, fulmine quasi tactum à constrictis funiculis expirasse (c). Nervis parvis octavi, unâ cum nervis par intercostale constitutibus, circa cervicem extransverso rescissis, animal illico languore, futuræ mortis prænuncio, afficitur, tremulos motus patitur, vires illius sensim labascunt; & intra viginti circiter horas vitâ destituitur (d). Idem Experimentum feci in cane, ligans

(a) Cerebri Anatome, pag. 234.

(b) *Lowerus* de corde, pag. 90. 91.

(c) *Johan. Bohnius* circulus Anatomico-Phy-

siologicus, &c. pag. 96.

(d) *Vieussans* Neurographia, pag. 179.

In utroque colli latere par octavum & intercostale : nullum edebat ampliùs ejularum, sed summo nixu aliquid sonori edebat satis obscuri; per intervalla temporis immani furore & anxietate corripiebatur, omnia obvia mordens summa cum ferocia. Antequam autem talis insultus accideret, priùs incipiebat nasi apex miro modo corrugari. A sexta vespertina ad undecimam noctis horam sic vixit; sequenti mane jam inveni mortuum.

Ex omnibus his patet, nervis cardiacis in animali vivo difficilis, mortem secutam fuisse citius vel serius, & animal statim quasi agone mortis laborasse; qui fit à corde non ampliùs valente expellere contentum suis cavis sanguinem. Sed observamus in morbis aliquando per biduum & ultrà homines in tali agonia hærere, sanguine non potente transpiri per arterias obstructas. Idem videtur etiam contigisse in his animalibus, quæ, nervis his ligatis vel discissis, diutius vitam protraxerunt. Fortè etiam alii nervuli per cordis substantiam distributi adhuc vitalem motum tam diu sustinebant : sic inventus fuit ramus nervi notabilis ex plexu gangliiformi semilunari *Vieussenii* ortus, prope magnum plexum mesentericum, ex abdomine in pectus ascendens, & articulæ dextræ & cordis basi insertus (a). An insita cordi mirabilis proprietas, quæ etiam rescissum ab omnibus vasis valet motum suum continuare, potuit adhuc producere vitam destructis nervis cardiacis? De hac autem cordis irritabilitate dictum §. 1.

Sic per Experimenta apparuit, quid fiat in brutis à dissectis nervis cardiacis. In hominibus autem rarissimè contingit, truncos octavi paris aut intercostalium nervorum lædi, quin simul tollatur integritas vasorum adjacentium; quorum læsio sola mortem inferre potest. Carotidum enim trunci, & jugulares magnæ venæ incumbunt in collo his nervis; & posterius laterales vertebrarum processus cavent ne facilè lædantur. Nec memini, me apud Observatores Medicos aut Chirurgicos legisse Exemplum ullum, quod doceret nervos cardiacos solos læsos fuisse.

## 2. Quæ sanguinem cordis effundunt ex ejus cavis vulneratis; unde vulnera cordis profunda, in cava penetrantia, lethalia.

Cùm cor sit musculus semper motus, cujus omnes partes sic conspirant, sic uniuntur, ut una alterius officio carere nequeat, & fit fons vitæ, unde dimanant omnia; veteres Græci, & Arabum plurimi, dixerunt, quòd vulnera cordis sicut certò & citò lethalia. Sed videntur hæc dixisse potiùs ex hypothesi, quàm ex rerum Experimentis.

Mirabilia quædam habentur apud Auctores Exempla, quæ, si vera forent, probarent sine corde vixisse animalia. *Cæsari* Dictatori, quo die primùm veste purpureâ processit, atque in sella aurea sedit, sacrificanti bis in extis defuit cor (b). *Cæsari* immolanti cor hostiæ non apparuisse; idque pro retro ostento habitum, neque enim consistere naturaliter animal sine corde posse, narrat *Plutarchus* (c). Idem & *Suetonius* (d) in vita *Cæsaris* habet. Sed Haruspices audacter imponebant sæpe credulis, ut lubitu de rebus gerendis decernerent. Hinc suspectæ admodum fidei hæc testimonia sunt, cùm adeo repugnent cognitæ animalium & Economiz.

(a) Acad. des Scienc. l'an 1734. Hist. p. 60.

(c) In vita *Cæsaris*, pag. 737.

(b) C. Plinii Secundi, Lib. XI. Cap. XXXVII. pag. 284.

(d) Cap. LXXVII.



Vix enim credibile videtur, cor unquam in homine vel aliis animalibus de-  
fuisse; sed incautos decipere potuit, sitūs, figuræ, magnitudinis, &c., cordis adeo  
insignis varietas, aliquando per morbos inducta; uti in Observatis Medicis habe-  
tur.

Celeberrimo tamen horum Aphorismorum Auctori communicata fuit vigesimo  
hujus sæculi anno mirabilis Observatio à Clarissimo Anatomico Edinburgensi, quæ  
docet, posse existere monstra in rerum natura, quæ omnem scientiam usūs partium  
turbant. Inquirebat eximius ille Vir vasa seminalia in forice majore vivo & agilissimo;  
apparbat ren dexter duplex, sed apertā capsulā tegente, apparuit verus ren dex-  
ter: alterum illud, quod renem simulabat, corpus, proprio sacculo inclusum, ha-  
bebat talem magnitudinem & figuram, qualem cor in hoc animali habere solet,  
basi suā corporis superiora, apice autem inferiora spectabat. Cor hoc omni curā  
examinatum habebat duos ventriculos, septo medio separatos, & auriculam fini-  
stram; aderant valvulæ cordis & columnæ carneæ; de cætero nullum auriculæ dex-  
træ, nec venæ cavæ, nec pulmonalium venarum vel arteriarum, aut aortæ vesti-  
gium. Aperto thorace, nec pericardium, nec cor invenitur; sed ex ipsius thoracis  
vertebris, loco inter binos pulmones medio, emergebat auricula dextra: ex hac  
exibant arteriæ pulmonales. Vasa, quæ sanguinem reducunt à pulmone, uniebantur  
in unum truncum, qui erat aorta; quæ deinde distribuebatur solito more. Hoc ani-  
mal adultum erat, reliqua viscera bene formata habebat; cor quidem aderat, sed  
aberrans & inutile, instructum tamen solitis partibus. Sine actione cordis ergo ani-  
mal vegetum & agilissimum vixit.

Corde exsecto, animalia quædam vixisse adhuc aliquo tempore, testantur satis  
fidelia Observata. In sacrificiis corde ex animalibus evulso, & jam aris imposito, res-  
pirant, clamant fortiter, imò aufugiunt; donec sanguinis profluvio moriantur (a).  
Thorace vivi animalis aperto, vinculo cordis basi circumjecto constrigebantur om-  
nia cordis vasa; dein sub vinculo cor totum rescindebatur celerrimè; solutis dein  
laqueis, quibus animal colligatum erat, vidit *Vesalius* canes, sed præcipuè feles,  
aliquo usque cucurrisse (b). In catulis vivæ canis utero exsectis, abscisso corde, vita  
supererat per quadrantem horæ, cum motu sensibili membrorum, & quadam adhuc  
sibilantis vagitus specie. Ex Zoologia porro constat, vermes, & animalia quæ ad  
hoc genus proximè referuntur, corde exsecto, vixisse diutissimè: imò & talibus ani-  
malibus in partes dissectis, singula segmenta per notabile temporis spatium vitam  
continuant. Sed ex *Malpighii* & *Leeuwenhoeckii* Observatis constat, animalia in  
prima origine sua vermis vitam vixisse: hinc fortè in animalibus, quamdiu in utero  
hærent; aliquid de antiqua illa vitæ tenacitate superest. Rana, corde excisso, salta-  
bat, aquæ injecta natabat; imò summā agilitate exsilans de vasculo aquâ pleno, per  
conclave saltare pergebat per horæ spatium, & amplius (c).

Homini vivo cor excindebatur à carnifice: dùmque illud jam carnifex manu tō-  
neret, tria aut quatuor precum verba auditus est proferre (d); sed monet ibidem  
magnus Vir, amicos rei, carnifici, mercedem dare, ut subitissimè hæc peragat, &  
miserum ab his cruciatibus liberet. Hinc non adeo mirum videtur, quòd dum frigus  
insolitum vasa discissa parum stringeret, & ultimis illis vitæ momentis intentissimè a

(a) Galen. de Hippoc. & Platon. placitis  
Lib. II. Cap. iv. in fine. Charter. T. V. p. 97.

(b) Vesal. pag. 170.

Tomus I.

(c) Boyle de utilitate Philosophiæ Experi-  
mental, pag. 113.

(d) Verulam. Hicor. vitæ & mortis, p. 559;

esset dispositio omnium organorum animalium, aliqua adhuc pressio sanguinis per pauca momenta in cerebrum egerit, per quam in sic dispositis organis ultimo illo nix perrexerit loquela per tantillum temporis spatium; si simul consideretur, pulmones, aperto thorace collapsos, & insolito frigore aeris undique contractos, contentum aerem expulisse satis validâ vi. Non videtur ergo hoc Experimentum adeo repugnare cordis necessitati. In Experimento autem *Vesaliano* ligatis omnibus vasis, arteriæ contractiles, elasticitate per frigus admissum auctâ, poterant sanguinem per cerebrum, cerebellum, &c, pellere, & hinc vitam diutius continuare.

Illa autem Experimenta, in ranis capta, utl & plurima similia in viperis, testudine, &c, quæ docent, hæc animalia corde exempto satis diù vivere posse, demonstrant, modum vivendi in animalibus non posse adeo generalibus regulis limitari; sed illum varium esse in diversis, sic ut non facile sit Historiam vitæ generalem condere, sed possimus tantum notare Experimenta.

Nullis autem certis Observatis consistit, cor unquam in homine defecisse; vel cordis fabricâ penitus destructâ, notabili tempore supervixisse hominem. Unde satis patet ratio, quare cordis vulnera majoris momenti, merito ut lethalia considerari mereantur. Non omnia tamen vulnera cordis lethalia esse, & differre plurimum inter se, prout variis cordis partibus insiguntur, certum est.

Si enim per vulnus, arteriæ vel venæ coronariæ truncus in basi cordis discissus fuerit, mors videtur inevitabilis, & citò quidem secutura; quia impetu omnium maximo, aortæ contractione validissimâ, sanguis per arteriam coronariam per cordis substantiam musculosam transprimitur, per venas citissimè rediens: singulis enim cordis contractionibus totum cor pallet, expresso omni sanguine; momento post, dum cor est in diastole, tota cordis substantia repletur in omnibus vasis.

Si verò vulnus, dextrum ventriculorum cordis in cavum usque penetraverit, effundetur sanguis partim ex lævis vasis ipsius substantiæ cordis, partim ex ipso cordis cavo in pericardium; & ex pericardio in thoracis cavum, vel exibat de vulnere externo. Vulnus illud dilatabitur, dum cor impletur: illo enim tempore, quo cor constringitur, partes vulneratæ ad se mutuo accedunt potius, nec fiet hoc tempore magna sanguinis effusio. Interim effuso sanguine, debilitabuntur vires, superfluit tamen adhuc cordis actione, & manente vitâ. Sed dum adest summa debilitas, cor ferè quiescit; si tunc simul nullus fiat motus muscularis, sanguis venosus sedatissimo motu & minimâ copiâ insuadet. Si tunc simul ablineatur ab illis, quæ copiam sanguinis per nutritionem subito augent, & omnia cardiaca dicta, quæ semper motum suis stimulis augent, evitentur sedulo, videtur tunc vita posse servari, & sanitas restitui. Nisi enim in vulneratis, & abortum passis in foeminis, Exempla docuissent Practica, nemo crederet, quàm parvâ copiâ, & parvo motu sanguinis, homo possit vivere. Sic enim per validam hæmorrhagiam minutâ quàm maximè sanguinis copiâ, & prope .ētis viribus, vulnus factum vix amplius dilatur, incipiunt nasci concretionis rudimenta, & paulatim perfici; modò caveatur, ne auctâ copiâ vel motu sanguinis, disfrutetur illa, quæ jam inceperant concrelescere.

Præterea in vulneribus cordis dextri hoc notandum, quòd pulmo pergat agere, & suâ dilatatione facillimam viam paret sanguini ex corde dextro pellendo. Hinc systolè tempore ob liberum per pulmones iter, non exprimeretur tanta copia sanguinis per vulnus factum. Ideo major adhuc vulneris consolidationi nascitur opportunitas.

Cordis verò sinistri vulnera longè adhuc videntur esse periculosiora. Si enim ventriculus sinister cordis læsus fuerit, nec tamen integre perfoffus, vulnus illud dilacerari debet necessariò, dum cor sinistrum validissimà vi musculari, quà dextrum cor tam multum superat, contentum sanguinem premit in aortam adeo resistentem, illamque & omnes ejus ramos per universum corpus dilatat. Fibræ enim cordis sinistri tunc supra contentum sanguinem & resistentem distrahuntur, hinc vulnus augebitur, donec in cavum cordis penetrans viam faciat sanguini huc faciliùs exeunti, quàm per aortam resistentem; vel si aliqua consolidatio hic fieri incipiat, summus metus est, ne locus ille debiliior in aneurysmaticum tumorem extendatur, sicque turbetur cordis actio; & vita quidem protrahatur, sed nonnisi cum summis ærumnis, morte solà terminandis.

Si verò cor sinistrum patulo vulnere in cavum penetrante perforetur, mors cita ac certa sequetur. Omnium autem subitissimè lethale videtur fore tale vulnus, quod aortæ ipsius principium immediatè supra valvulas discinderet. Corde autem sinistro perfoffo, valvulæ aortæ sustinent sanguinem in arteriis contentum; hinc totum systema arteriosum plenum manet, arteriæ deinde contractæ sanguinem promonent; sicque vita aliquo tempore adhuc sustineri posset.

Observationes quoque Medicæ docuerunt, post vulnera cordis sæpe adhuc notabili tempore vixisse homines; in primis corde dextro solo perfoffo. Imò quædam Observata docuerunt, possibilem esse consolidationem vulnerum cordis.

Juvenis amicum cultro transfixit inter tertiam & quartam costam sinistram: vulneratus ex suburbio domum pedibus ivit, & per quinque dies supervixit. Aperto cadavere apparuit, vulnus sub sterno cordis ventriculorum dextrum penetrasse foramine angusto & obliquo. (a).

Ingolstadtii studiosus, à typographo punctim læsus in sinistra parte thoracis, placentæ facis longè spatium cursu confecit; mente porro & sensibus integerrimis ferme per horam integram ita consistit, ut loqui & Deo se commendare potuerit. Aperto cadavere Medici Professores omnes, & alii spectatores viderunt, vulnus ipsam cordis substantiam, & utrumque ejus ventriculorum transversim penetrasse, sic ut instrumenti vulnerantis genus ex vulneris forma dignoscere & in judicio explicare poterint. (b).

Nobilis vir in singulari certamine sub mamma sinistra vulneratur gladio; post vulnus acceptum pergit pugnare, fugientem hostem per ducentos passus prosequitur, tuncque mortuus procidit. In cadavere invenitur vulnus cordis substantiam penetrans, quod digitum caperet, & magna copia sanguinis effusi diaphragmati incumbens. (c).

Serenissimus Daniæ Rex in venatu cervum sclopeto trajecit: accepto vulnere; animal quinquaginta passus conficit, antequam concideret. Cor à venatoribus extractum iustans Regius Archiater, tunc præsens, invenit utrumque ventriculorum ponderoso globulo tractum, sic ut vulnus trium digitorum apices admitteret. (d).

In cadavere hominis, olim thoracem vulnerati, vidit Chirurgus cicatricem vulneris, cono cordis, inflati. (e).

(a) Thom. Barthol. Histor. Anatom. rarior. Cent. 1. Histor. 77.

(b) Schenkii Observ. Medic. rarior. pag. 275.

(c) Ambroise Paré, Liv. X. Cap. xxxij.

(d) Thom. Barthol. Histor. Anatom. rarior. Centur. 1. Histor. 77.

(e) Aët. Lipsiens. An. 1705. pag. 287. ex Celebrissimi Chirurgi Wolffii Observatione p. 2. Abuma 21.

In apris, canibus, cervis, in venatu & domesticis Observationibus, inventæ fuerunt cicatrices vulnerum cordis sanatorum, & glandes plumbeæ diu ibi relictæ. Plurima talia habentur Observata, quorum collectionem vide (a).

Ex omnibus his concludere licet, vulnera cordis esse semper periculosissima; tamen non semper subito, nec cerè lethalia. Simul patet, nequidem in periculosis vulneribus semper desperandum esse, sæpe enim, dum vita debilissima sustinetur tantum, possunt fieri consolidationes vulnerum, de quibus nullus cogitasset, quod possibiles forent.

3. Quæ cruorem à corde, & à cerebro, cerebelloque derivant vel in cava corporis, vel extra illud, neque Medelam capere possunt ob situm loci. Ut magna vulnera pulmonis, hepatis, lienis, renum, pancreatis, mesenterii, stomachi, intestinorum, uteri in gravidis, vesicæ circa arterias ejus majores, aortæ, carotidum, vertebraliū & similibus arteriarum, venarūque.

Prioribus numeris hujus paragraphi demonstratum fuit, vulnera illa lethalia esse; quæ cerebelli fabricam destruunt, vel læsis medullâ oblongatâ, & ipsâ medullâ spinali in loco altiori, aut ipsis nervis cardiacis, impediunt, quominus vitalis influxus spirituum, fabricâ cerebelli à sanguine secretorum, in cor & alias corporis partes perficiat illa, quæ ad vitam requiruntur. Sed ut per cerebelli fabricam separentur illi spiritus vitales, requiritur, ut sanguis cordis vi musculari pellatur in arterias; hinc & vulnera profunda, cordis cava penetrantia, lethalia judicantur. Tota autem cordis actio consistit in eo, ut sanguinem per venas advectum recipiat, receptum autem propellat in arterias: omnia ergo vulnera, quæ sic lædunt vasa, quæ sanguinem ad cor deducunt, vel & illa, quæ sanguinem corde expulsum recipiunt, ut sanguis per apertum vulnus extra corpus fluat, vel in cavis corporis accumuletur extravasatus, neque redeat iterum ad cor, impediunt quominus sanguis debitâ copiam & impetu requisito prematur per arterias encephali; unde necessariò omnes functiones cerebri & cerebelli turbantur, & tandem penitus abolentur. Nec refert, an vasa lædantur in suo decursu, antequam per viscera dispergantur, quorum fabricam constituunt; an verò in ipsis visceribus lædantur simili cum effectu, nempe sanguinis vitalis effusione tam notabili, quæ lædat cordis & cerebelli actionem. Non omnia ergo viscerum & vasorum vulnera, quæ hæc paragrapho recensentur, absolutè lethalia sunt, nisi sub hac limitatione. Præterea requiritur, ut talis vulneris facti sit conditio, ut ligaturâ, nec aliis Artium auxiliis, non possit impediri sanguinis effluxus. Inter hæc vulnera primò recensentur,

**MAGNA VULNERA PULMONIS.** Omnem sanguinem totius corporis per venas allatum cor dextrum accipit, illūque propellit per pulmonem in cor sinistrum: dum ergo lato vulnere læditur pulmo, sanguis, vicini adeo cordis vi pressus, exibat per vasa discissa; hinc non redibit ad cor sinistrum, sed per vulnus factum effluet; vel in aerem cavum pulmonis transiens undatim eructabitur; vel tandem effusus in pectoris cavum, pulmonis liberam expansionem impedit. Apparet hinc facillè lethalis talium vulnerum effectus.

(a) Mißell. Cur. decur. 2. Ann. 6. png. 116. &c.

Observata jam Medica funestum eventum vulnerum pulmonis evincunt. Chartæ glande sclopeto expulsâ tractum pectus fuerat, cum pulmonis sinistri ejusque vasorum insigni dilaceratione: intra nycthemeron cum insigni hæmorrhagia, spirandi difficultate, &c, obiit percussus (a). Eodem in loco & bina alia habentur Exemplum, quæ hoc confirmant. Habentur quidem & Observata apud Auctores, quæ pulmonis vulnera sanata fuisse docent, sed vel fuerunt leviora, vel talia ad quæ manus Chirurghi pertingere potuit. Sic apud *Hildanum* habetur (b) quoddam pulmonis pars, per vulnus pectori inflictum erumpens, ferreo candenti instrumento fuerit abscissa, & æger postea integre sanatus fuerit. Aliud satis mirabile Exemplum habet (c), ubi post vulnus thoraci inflictum difficultas anhelitus maxima, sanguinis cum tussi rejections, &c, docebant pulmonem vulneratum esse, tamen evaserit æger, & post tres menses à curato vulnere tussiendo unâ cum pure turundam, Chirurghi imprudentiâ in cavum pectoris delapsam, rejecerit; & tandem evaserit. Si ergo post vulnus pectoris æger moriatur, & aperto cadavere pulmo læsus appareat, meritis Judicibus renunciatur, tale vulnus mortis fuisse causam; licet quædam pulmonis vulnera sanata fuerint aliquando. Imò in levioribus etiam pulmonis vulneribus metus est, ne talia vulnera degenerent in ulcera pulmonis, quæ postea lentâ tabe consumunt vulneratum. Tale exemplum habetur apud *Forestum* (d).

HEPATIS. Per venam enim portarum, abdominalium viscerum sanguis venosus collectus deferitur per hepar: ipsius ascendens cavæ venæ truncus hepatis innascitur: totum hoc viscus molle, ac si spongia ferè foret sanguine plena, apparet. Arteriæ quidem hepaticæ, si ingens visceris hujus moles spectetur, satis exiles sunt, sed venæ portarum insignes rami per hepar distribuuntur. Ideo apparet, periculossima semper esse vulnera hepatis, & si insignes rami vasorum per hepar distributorum læsi fuerint, semper lethalia; & quidem plerumque satis subito, ingenti sanguinis copiâ in abdominis cavum, vel & per vulnus effusa: unde animi deliquium & mors brevè sequuntur. Jaculo in jecur cominus percusso, statim cadaverosus color affusus est, oculi concavi, anxietas, corporis jactatio; mortuus est, priusquam concio dimitteretur, eodem quo percussus est die (e). Facile autem patet, omnium periculosissima esse illa vulnera hepatis, quæ circa portas ejus infliguntur, quæ ideo à *Celfo* (f), pro insanabilibus habentur: illa verò, quæ jecinoris crassum dividunt, difficilia quidem, non tamen omnino insanabilia esse voluit. Satis notabile Exemplum vulneris in hepate sanati, in Epistola ad *Sennertum* recenset *Hildanus* (g): ubi maximo vulnere inflicto dextro hypochondrio, cum tali hæmorrhagiâ, quæ animi deliquium induceret, & educto forcipibus hepatis frusto, quod in vulnere apertura se offerebat, licet sævissima supervenerint symptomata, tamen optimè convaluerit vulneratus. Post triennium continuâ febre periit, & in cadavere apparuit, portiunculam quamdam infimi lobi hepatis abscissam fuisse, & vulnus cicatrice bonâ fuisse obductum. Sed apparet ex ipsâ hac Historia, vulnus non penetrasse ad majores vasorum hepaticorum ramos. Imò & leviora hepatis vulnera, licet non illico lethalia, funesta tamen sæpissime fuerunt observata. *Lithor imper-*

(a) Bohnius de renunciatione vulnerum pag.

(e) Hippoc. Epid. 7. Chart. Tom. IX. pag.

233.

567.

(b) Centur. 2. Observ. 32.

(f) Lib. V. cap. 16.

(c) Centur. 1. Observ. 46.

(g) Centur. 2. Observ. 34. pag. 110.

(d) Observ. Chirurg. Lib. VI. Observ. 4.

*territus, injeſtus vincula audaciſſimo cuidam nebuloni, iſtus fuit bipenni, in infima jecinoris fibra. Cujus exſillans ſanguis, in pus converſus, conjecit ipſum in lentam febriculam, utique tam vehementem univerſi corporis marcorem, ut conſiceretur ante diem quadageſimum (a).*

**LIENIS.** Quamvis Democritus dixerit (b), quòd noxius & inutilis corporis humani incola ſplen ex adverſo hepatis dormiat, & per Experimenta in vivis animalibus capta conſliterit, poſſe lienem excindi ſuperſtite vitâ, nec adeo multum turbatâ ſanitate; imò & in ipſis hominibus hoc factum fuiſſe, legatur (c), tamen tam magna habet vaſa ſanguinea, & cordi adeo propinqua, hoc viſcus, ut lethaliſ merito timeatur hæmorrhagia poſt ſplenis vulnera. Mortem inde ſecutam fuiſſe teſtantur Obſervata Medica. *Inter ludica puerilia, iſtus fuit ſciptione, in regione lienis, juvenis quatuordecim annorum, cum inſigni dolore, & tam frequenti animi deliquio, ut poſtridie ejus dei, vitam cum morte commutaverit (d).* Aliam caſum ſimilem ibidem habet Auctor, & in utroque cadavere lien in cava ſui parte rimam egerat, quæ duos faciliè digitos caperet. Similia bina Exempla lienis fiſſi à percuffione externa, cum ſanguinis extravalati ingenti copia in abdomine collecta, & morte ſubito ſecutâ, vidit Bohnius (e).

Leviora tamen lienis vulnera, æquè ac hepatis, non ſemper abſolutè lethalia eſſe; quamvis ſemper periculofa, valde probabile eſt.

**RENUM.** Servari non poſſe, quibus renes vulnerati ſunt, *Ceſius* dixerat (f): Qui magnitudinem arteriarum emulgentium conſiderat, faciliè credet, lethalem hæmorrhagiam ſequi poſſe, ſi majores emulgentium rami in renum ſubſtantia, vel & in ipſo renis ingreſſu diſcendantur. Si ſimul peritonæum læſum fuerit, ſanguis in abdominis cavum effluet; ſi verò à poſteriori corporis parte inſiſtum vulnus renum læſerit, integro manente peritonæo, tunc mirabilis fiet ſanguinis effuſio in tunicam pinguedinoſam muſculis interpoſitam, neque ſanguis iam libere poterit ex renis vulnere effluere. Nec obſtat locus *Hippocrates*, ubi ſectionem imperat in calculo renum: dicit enim ibi, *quum dolor urget, multâ calidâ lavato, & quâ parte præcipue dolor eſt, ſotus tepentes admoveo; quum verò intumuerit, & extuberârît, ſub hoc tempus juxta renum ſecato (κατὰ τὸν νεφρὸν) & extracto pure, arenam medicamentis urinam moventibus curato, &c.* (g). Apparet enim evidenter, quòd noluerit renum ipſum diſſecari, nec per ſectionem factam arenas educi voluit. Quid autem de Nephrotomia, ſentiendum ſit, dicetur poſtea in *Capitulo de calculo*.

Non omnia tamen renum vulnera lethalia eſſe, docet *Foreſti* Obſervatio (h): ubi juvenis viginti annorum, cultro in lumbis vulneratus, è regione renis dextrî, à ſanguine, in veſicam delapſo ex rene vulnerato, per ſex dies urinam omnino ſuppreſſam habuit; feliciter tamen & ab hac iſchuria, & à renis vulnere, evaſit.

**PANCREATIS.** Si nempe vaſorum trunci vel rami inſignes per hoc viſcus diſperſi diſcendantur, poterit effuſo ſanguine in cavum abdominis, vel & cor-

(a) Tulp. Obſervat. Medicar. Lib. II. Cap. xxvi.

(b) Epiſt. ad Hippoc. de natura humana. Charter. Tom. I. pag. 29.

(c) Boyle de utilitate Philoſoph. Experimentalis Exercit. I. pag. 109. 110. Miſcell. Curioſ. dec. 1. ann. 4. & 5. pag. 210. & dec. 2. ann. 3.

pag. 178. & ann. 7. pag. 293.

(d) Tulp. Obſerv. Medic. Lib. II. Cap. xxxix.

(e) De renunciatione vulnerum, pag. 181.

(f) Lib. V. Cap. xxvi.

(g) De internis affectionibus Cap. xv. Charter. Tom. VII. pag. 649.

(h) Lib. XXV. Obſerv. 20. pag. 194.

rupto postea, mors sequi ut effectus talis vulneris. Tamen pancreas ventriculo subjacens rarò videtur lædi posse, quin simul per alia viscera vulnus transeat.

**MESENTERII.** Quàm magna vasa sanguinea per mesenterium decurrant, & quo locentur ordine, *Eustachius* tabulâ 27, figura 2 & 3, pulchre demonstrat; præter enim insignes venæ portarum ramos, & venæ cavæ propagines, magni trunci arteriosi per mesenterium deferuntur, arteria nempe mesenterica superior, & inferior. His ergo vasis à causa vulnerante discissis, lethalis hæmorrhagia sequi poterit, & abdominis cavum effuso sanguine repleti. Talis casus habetur apud *Bohnum* (a) ubi ex punctura regionis epigastricæ, tertiâ die æger expiraverat. Observatum autem fuit in cadavere, ictum per omentum in mesenterii centrum penetrasse, sicque, præter vascula epiploica exilia, propaginem arteriæ mesentericæ superioris insigniorem rescivisse: unde abdomen satis vastum & obesum cruore extravasato & ad corruptionem inclinante, turgēbat. Ex omenti vasis disrupti similiter mors, per hæmorrhagiam repleto toto abdomine, secuta fuit (b). Sed aliud adhuc periculum imminet à læso per vulnera mesenterio, cujus cognitio celeberrimo *Ruyfshio* inprimis deberi videtur. Ille enim per quinquaginta & amplius annos amplissimi Magistratûs auctoritate, in populosissima urbe Amstelodamo, cadavera violentâ morte peremptorum lustravit, ut de vulnerum conditione ad Judices renunciaret. Dicit enim, se frequenter observasse, vulnera mesenterio inflicta, intra duos trêse dies fuisse lethalia, postquam acerrimis & assiduis doloribus abdominis excruciatu fuerant vulnerati: sollicito tamen examine conslitit, nullam aliam partem alicujus momenti fuisse læsam. Præterea Ornithotrophi, dum gallos castrant, si videant mesenterium hac operatione vel mininùm læsum fuisse, statim hæc animalia jugulant, probe docti per Experimenta, brevi moritura à tali vulnere (c). Videtur autem lethalis talium vulnerum effectus à læsis nervis mesenterii pendere. Quàm mirabile enim imperium in ipsas etiam vitales functiones corporis humani habeant nervi per abdominalia viscera dispersi, docent Observata Medica in herniis suffocatis, intestinorum susceptionibus, &c!

An in *Coacis Pranotionibus* aliquid simile adumbratur (d), dum ibi dicitur: *pereunt & quibus nervi interiores, sive tenuis aliquis, sive crassus vulneratus fuerit, si plaga transversa fuerit & magna; quòd si parva & recta, nonnulli evadunt. Cornarius loco si is ta ètòs legit si is ta ètòs, quæ lectio propiùs huic sententiæ accederet* (e).

**STOMACHI, INTESTINORUM.** In hoc numero considerantur vulnera harum partium, quatenus vasis sanguineis ruptis mortem facere poterunt effuso sanguine; nam illa mala, quæ sequuntur à contentis ventriculi & intestinorum per vulnus dilabentibus, considerabuntur quinto numero hujus paragraphi. Ventriculum enim ambiunt satis magna vasa, quæ circa utrumque ejus orificium versùs fundum descendunt, & in hoc itinere frequentibus anastomosibus junguntur similibus vasis à fundo ventriculi sursum ascendentibus. Hinc uno insigniori ramulo discisso, sanguis per omnia vasa ventriculi reliqua trajetibus facili effluit per vas vulneratum. Plurima, mortis securæ post ventriculi vulnera, Exempla habentur apud Observato-

(a) De renunciatiōe vulnerum, pag. 264.

(b) Comment. Acad. Scient. Imperialis Petropolit. Tom. I. pag. 381. 383.

(c) Ruyfch adversarij, Anatom. decad. 1. N<sup>o</sup>.

IV. pag. 8. & 9.

(d) N<sup>o</sup>. 509.

(e) Focsius Tom. pag. 100.

res. Unicum notasse sufficit, quod demonstrat, maximam hæmorrhagiam inde ortam fuisse. Villicus in hypochondrio dextro sub costis spuris gladio valde lato vulnerabatur; multa cruenta vomuit & per alvum dejecit, supervenere sudores, syncope, extremorum frigus, convulsiones: tercio die periit. Aperto abdomine, vulnus ingens apparebat in ventriculi fundo, venis & arteriis, quarum maximus ibi numerus est, integre discissis; ingens simul erat in abdomine sanguinis effusi copia (a).

Intestina autem, mesenterio annexa, per illud vasa sua recipiunt, que utrimque intestinali fistulæ circumapplicata, in parte intestini mesenterio opposita, anastomosibus inter se junguntur. Vulnera ergo intestinis inprimis circa mesenterium inflincta, satis magnos valorum truncos discindere possunt, unde magna sanguinis in cavum abdominis effusio, & mors. Homo vulneratur in hypochondrio dextro, paulò supra umbilici regionem, gladio acuto; conqueritur de vehementi abdominis dolore; multum sanguinis per alvum dejecit: supervenere & ventriculi subversiones, singultus, frequens animi deliquium, horà quartà mortuus est. Aperto abdomine, abstersisque, quibus refertum erat, excrementis & sanguine, intestinum colon totum undequaque per transversum discissum & sphacelatum repertum est (b).

Multum autem videtur augeri periculum à læsis majoribus vasis ventriculi & intestinalium ideo, quia continuo motu peristaltico hæc viscera moventur; hinc hæc vulnera nunquam ferè quiescunt. Fortè etiam similia mala oriuntur à nervis læsis, per ventriculum & intestina dispersis: quæ & post mesenterii vulnera sequuntur, uti modo dictum est.

Interim tamen apud Observatores vulnerum ventriculi & intestinalium sanatorum occurrunt frequentissima Exempla; unde non omnia talia vulnera pro lethali bus habenda sunt.

UTERI IN GRAVIDIS. Uterus, postquam mulier concepit, & ovum imprægnatum incipit suâ mole auctâ uteri cavum implere, extenditur quaquaversum, & pari proportionem omnia ejus vasa omni mensurâ ampliantur, ac majorem copiam humorum recipiunt. Hinc uterus gravidæ mulieris habet ferè eandem crassitiem, quam habebat uterus contractus in non gravida; & tamen in tam amplam molem distenditur, dilatatis nempe vasis, & repletis simul. Unde dixit Hippocrates (c), ubi in utero mulier gerit, paulatim à toto corpore sanguis in uterum deferatur, & in orbem id, quod in utero est, ciacumsistens, ipsum augeat. Et inde rationem deduct, quare gravidarum depravetur color: quodd nempe purus sanguis quotidie ex corpore destillet, & ad fætum feratur, &c; uti habetur in eodem libro de morbis mulierum (d) quem locum antea aliâ occasione allegavi (§. 69. n<sup>o</sup>. 2.). Apparet hinc, quàm periculosa sine vulnera uteri imprægnati, cum tantâ copîâ sanguinis distendantur vasa. Periculum augeat, quodd fœtus uterum distendens impediat, quominus uterus se contrahere, & sua vasa angustare possit: si verò post inflinctum utero vulnus excluderetur subito fœtus, aliqua spes esset, contracto utero, hæmorrhagiam sili, & vulnus consolidari posse. Talia enim habentur Exempla mirabilia, quodd dissecto utero ipso, & per latum vulnus educto fœtu, supervixerint mulieres. Mulieri primiparæ læsa vagina post partum difficilem conceverat sic, ut apertura ejus pisi magnitudinem vix retinuerit; imprægnata postea iterum fuit,

(a) Boneti Sepulchretum Tom. III. p. 362. | Charter. Tom. VII. pag. 744.

(b) Ibid.

(c) De mulier. morbis Lib. I. Cap. xxiii.

(d) Charter. Tom. VII. pag. 748.



cúmque partús doloribus obortis nulla spes esset illam parere posse, fœtusque jam mortuus esset in utero, feliciter, dissecto abdomine, & utero ipso, eductus fuit, nullo symptomate vel animi deliquio superveniente (a), & superstite matre. Aliud habetur Exemplum partús talis cæsarei dicti, publico testimonio confirmatum. Fœmina primipara quadragesimo octavo ætatis anno, omnibus tentatis auxiliis, ob loci angustiam non poterat parere: septimâ die, peritissimâ, nec minùs intrepida obstetrix, dissecto utero fœtum eduxit, nullo malo secuto, & muliere postea integrâ sanitate fruente (b).

**VESICÆ CIRCA ARTERIAS EJUS MAJORES.** Quamvis *Hippocrates* vesicæ vulnera ut lethalia damnaverit, nec posse coalescere dixerit (c), constat tamen certissimis hodie & frequentissimis Observatis, vesicam vulneratam in calculi sectione sanari. Periculum tamen est, ne magna satis per vesicam decurrentia vasa discissa validam faciant hæmorrhagiam; ex magnis enim truncis arteriarum iliacarum satis vicinis orta valido impetu sanguinem fundunt. Vasorum horum origo & decursus in *Eustachii* Tab. XII. fig. I, habentur. Inprimis augetur hoc discrimen, quia in calculosis vesica, sæpe longè crassior facta, dilatata plùs vasa habet: his autem vasis discissis, quamdiu calculus adhuc in vesicæ cavo hæret, non poterit vesica se penitus contrahere; hinc parulo vulnere sanguinem fundere pergunt. Calculo verbò educto, contractâ vesicâ, & lotio per vulnus factum libere effluente, claudi possunt iterum vasa dissecta.

**AORTÆ.** Sanguis ex pulmone redux in cor sinistrum pellitur omnis in maximum vas arteriosum totius corporis, quod aorta vocatur: quæ in arcum curvata deorsum tendit, spinæ accumbens, sinistrorsum parum declinans, usque ad os sacrum; ibi in binos ramos æquales dividitur, qui vocantur arteriæ iliacæ; toto autem hoc itinere à corde ad locum illum usque, ubi bifurcatur, aortæ nomen retinet. Facile jam patet, si vulnere lædatur aorta ipsa, nullam superesse medelam, cum directo impetu sanguinem omnem ex corde sinistro accipiat, nullusque detur accessus manibus Chirurgi: in intimis enim corporis tuto latet, corporibus vertebrarum incumbens. Eò autem citiùs lethale erit tale vulnus, quò magis vicinum cordi fuerit.

**CAROTIDUM.** Arteriæ carotides, ex ipsa curvatura aortæ, ex corde sinistro egressæ oriuntur, saltè sinistra carotis; dextra plerumque ex subclavia arteria ejusdem lateris oritur. Binæ hæ arteriæ ad latus utrumque asperæ arteriæ decurrunt usque ad laryngis altitudinem, ubi in binos dividuntur ramos singulæ, quorum unus, externis inprimis capitis partibus prospiciens, carotis externa vocatur; alter calvariam ingressus per encephalon distribuitur, carotis interna dictus. Toto decursu, ab origine ex aorta, vel subclavia, ad illum locum usque; ubi in binos dividuntur ramos, simpliciter carotides vocantur. In homine arteriæ illæ serè digiti minoris amplitudinem habent: hinc apparet, quanta hæmorrhagia; illis vulneratis, fieri debeat, dum tam propinquæ cordi, impetu maximo pulsuum sanguinem accipiunt. Verum quidem est, carotides serè toto hoc decursu satis propinquas esse tegumentis corporis externis, sic ut digito illarum pulsus in collo percipi possit facillimè. Præterea impune videtur ligari posse carotis arteria, cum

(a) Act. Lipsiens. an. 1693. pag. 230.

(b) Académ. des Scienc. l'an 1731. Hist. pag.

(c) De Morbis, Lib. I. Cap. 21. Charter. Tom. VII. pag. 532. & ibid. Cap. IV. pag. 526. uti, & in Coacis Prænotionibus. n.º. 503. 504. 502.

per alteram & vertebrales arterias sanguinis idonea copia ad caput deduci possit. In cane, cui ante ostium abscideram nervos recurrentes, ligavi utramque carotidem, nec potui observare illum aliquid mali inde pati: inveni enim hoc animal post alios octo dies elapsos vegetum & alacere: ligavi tunc venas jugulares sine ullo observabili malo. Post quatuor dies inveni canem sanum omnino. Examinans tunc ligaturas carotidibus injectas inveni illas firmissimè hære, & rhombum valde densum & compactum hære inter ligaturam & cor. Aperto cranio in cerebro nihil mutatum apparebat, imò cerebri volumen potius auctum quàm minutum apparebat.

Si verbò ponderentur illæ difficultates, quæ occurrunt, ubi in homine carotis arteria discissa est, patebit tale vulnus merito lethale dicendum esse: ingens enim hæmorrhagia paucis certè minutis horæ, hominem è medio tollere poterit. Ut ergo salvari posset talis vulneratus, requireretur, ut peritissimus adesset ipso momento vulneris inflicti Chirurgus, qui digitis ad resistentem asperam arteriam comprimeret utrumque carotidis discissæ extremum; simul artubus ligaturæ injiciendæ forent, ut compressis venis minor sanguinis copia rediret ad cor, sicque impetus effluentis sanguinis minueretur. His factis deberet utrumque extremum carotidis discissæ investigari, & inventum deinde ligari. Non sufficit enim ligasse arteriæ illam partem, quæ cordi propior est; pergeret enim sanguis effluere per alterum arteriæ discissæ extremum, quia carotides sub basi cerebri cum se invicem, & cum vertebralibus arteriis, magnis satis ramis emissis, junguntur. Ex his omnibus patet, unicui Chirurgo, dextrerrimum quamvis, non sufficere, sed ad minimum requiri, ut bini adfint tales. Præterea vix videntur arteriæ discissæ extrema posse inveniri, nisi integumentis divisissimè redderetur vulnus; unde postea sæpe in Chirurgis, optimè quamvis de vulnerato meritis, mors imputaretur post vulnus secuta. Si verbò vulneratus tantum sanguinis amisisset, ut in animi deliquium lapsus cessaret serè hæmorrhagia, posset forte hoc tentari.

**VERTEBRALIUM.** Arteriæ vertebrales, ex arteriis subclaviis ortæ, utrimque per foramina processuum transversorum vertebrarum colli pergunt versùs cranium. In hoc transitu ramulos per vertebrarum commissuras ad spinalem medullam, ejusque involucra transmittunt; ut etiam ad musculos vicinos. Discissæ ergo illæ arteriæ non possunt facillè retrahi, & sic orificia sua claudere: & cum sub basi cranii, ramis emissis cum arteriis carotidibus internis communicent; hinc sanguis, per carotides allatus, per has arterias vulneratas effluere poterit, unde patet ingens periculum. Nulla autem hic datur opportunitas ligandi arterias has vulneratas, cum offensis illis foraminibus lateant discissæ arteriæ extrema: unica spes esset, si per hæmorrhagiam debilissimo reddito ægro, & vitæ tali minimè sustentatâ parco & blando victu, nullisque datis cardiacis, consolidari posset arteriæ discissæ extremum. Hoc autem non penitus impossibile esse, docent ipsa cordis vulnera sanata aliquando, & memorabile illud Exemplum antea enarratum, (§. 161.) ubi axillari arteriâ discissâ homo tamen evaserat.

Facillè jam patet idem periculum imminere ab aliis magnis arteriis vulneratis; emulgentibus v. gr; iliicis, &c.

Venarum autem maximarum vulnera pariter lethalia esse ob easdem causas patet: cum autem plurimæ venæ magis versùs corporis superficiem ponantur, facillèque comprimì possunt; neque tanta sit velocitas sanguinis in venis, quàm in

arteriis; ideo, cæteris paribus, venarum vulnera minùs periculosa sunt vulneribus arteriarum.

4. Quæ respirationem integre tollunt: ut abscisso laryngis cum subductione fistulæ scissæ, vulnera magna bronchiorum, vulnera lata; utramque cavitatem thoracis, cum admissu aeris, perforantia, vulnera diaphragma ab utraque parte mediastini, thoracis, penetrantia, vel ejus nervosa difsecantia.

In homine nato, ut sanguis ex corde dextro in sinistrum transire possit, requiritur, ut pulmo, per aerem inspiratum dilatatus viam faciat sanguini, ex corde dextro pulso per arteriam pulmonalem in venas pulmonales, & deinde in cor sinistrum. Necessaria ergo ad vitam est respiratio, quæ si per pauca tantùm momenta tollatur, vita perit. Ad respirationem autem requiritur, ut aer libere pulmonem ingredi possit, illùmque expandere: omnia ergo vulnera, quæ aeris ingressum in pulmonem impediunt, vel pulmonis dilatationem per aerem ingressum, lethalia sunt. Talia autem sunt sequentia.

**ABSCISSIO LARYNGIS CUM SUBDUCTIONE FISTULÆ SCISSÆ.** Aspera arteria, cartilagineis illis segmentis constans, semper aperta, nunquam collabi, nec facilè comprimi potens, liberum aditum aeri in pulmonem servat: dum ergo vulnus aeream hanc fistulam sic difsecat, ut discissum extremum inferius se subducens sub partibus vicinis occultetur, & aerem admittere nequeat, actum est de vita. Si verò vulnere quantumvis magno lædatur, patula tamen via maneat aeri in pulmonem, minimè lethale erit tale vulnus, uti docent fidissima Observata. Frequentissimi enim Medicis & Chirurgis occurrunt tales casus, in quibus homines, vitæ pertæsi, violentas sibi ipsis intulerunt manus; vel & à latronibus confossi discissam habuerant arteriam asperam, & tamen sanati fuerunt postea. Pauca tantùm adducentur Observata, quæ hanc rem probant. Juvenis melancholicus inopinatâ nuptiarum, quas speraverat, repulsâ, sibi ipsi discidit asperæ arteriæ cartilagineas, illæsis venis jugularibus & carotidibus utrumque adjacentibus; mox voce privatus jacebat. Chirurgus diducta vulneris labia consuit; miser vulneratus vitæ pertæsus futuram dilacerat; emplastro, fabril glutine illito, utrumque labiis vulneris appposito, filisque transmissis adducto, uniebantur iterum vulneris labia, & mensis spatio sanatum fuit vulnus. Nihil postea remansit vitii præterquam quod in concentu Musico cogeretur paulò submissiùs canere, quàm solebat ante plagam inflictam (a). Similis casus legitur & apud Bartholinum (b) de puella, quæ sibi ipsi fauces præciderat, & vulneris futuram pariter laceraverat; postea tamen curata.

Tria similia Exempla habet Paræus (c) ubi homini aspera arteria discissa fuerat unâ cum vena jugulari: inflicto vulnere statim vocem perdidit: unitis futurâ vulneris labiis, iterum loqui potuit; & licet mortem brevi secuturam credidisset Paræus, præter spem convaluit. Binis aliis, unâ cum aspera arteria, & œsophagus

(a) Tulpii Observat. Medic. Lib. I. Cap. 1. Hist. 89.

(b) Thom. Barthol. Histor. Med. Cent. V. (c) Lib. X. Cap. xxxi.

difficulus fuerat; unde mortui fuerunt, postquam per quatuor tamen dies post vulnus inflatum supervixerant; & confutis labiis vulneris loquela perdita redierat, sic ut unus percussorem indicaverit, alter se sibi ipsi hæc vulnera infixisse confessus fuerit, atque ita famulum criminis suspicione liberaverit.

Memini me ante multos annos vidisse militem, qui ostiatum slipem petens ostendebat patulum ingens foramen asperæ arteriæ, quod spongiâ solebat tegere, tuncque commodè loqui poterat; detecto autem foramine, vox peribat. In conflictu bellico huic homini per globum plumbeum pars insignis asperæ arteriæ ablata fuit; unde non potuerunt adduci ad se invicem vulneris labia, sed relicta fuit talis apertura; plurimis tamen annis postea supervixit.

**VULNERA MAGNA BRONCHIORUM.** Aspera arteria, postquam per colli anteriora in thoracem descendit, circa illum locum, ubi aorta ex corde egressa incurvatur, in binos dividitur ramos, qui singuli ad pulmonem sui lateris tendunt: hi rami tunc, deposito asperæ arteriæ nomine, bronchia vocantur; horumque ramorum subdivisiones in pulmonibus factæ, deinde illud nomen retinent. Cum ergo asperæ arteriæ & bronchiorum munus sit aerem inspiratum per pulmonis cava aerea distribuere, aer, per magna horum vulnera elapsus, in cavo thoracis accumulabitur; calore loci expansus pulmonem comprimet, sicque omnem ejus actionem impedit, unde suffocatio & mors; inprimis, si utriusque pulmonis bronchia sic lædantur, tunc enim respiratio integre tollitur. Unde *Hippocrates* (a) dixit: *Moritur autem etiam, si in arteriam* (asperam hoc nomine semper intelligens) *& pulmonem valde magnæ plagæ fiant, ita ut pulmone percusso, paucior spiritus per os procedat, quàm is est qui ex vulnere elabatur.* Periculum autem talium vulnerum augetur, quòd vix videantur magnis vulneribus bronchia lædi posse, quin vasa sanguinea, horum bronchiorum divisiones suis ramificationibus comitantia, simul discindantur.

**VULNERA LATA, UTRAMQUE CAVITATEM THORACIS CUM ADMISSE AERIS, PERFORANTIA.** Pulmonales, quamdiu in thorace undique exactè clauso continentur, semper sunt plus dissentii, quàm si aeri libero undique exponerentur, tunc enim collabuntur, & in spatium minus contrahuntur, inprimis actione contractili fibrarum muscularium, quæ segmenta bronchiorum inter se connectunt. Naturaliter enim in homine inter pulmonem & pleuram nullus adest aer, sed per glottidem aeri in pulmonem semper relinquitur liber aditus. Unde pulmo plus distenditur per aerem ingressum per glottidis rimam, quàm comprimitur per aerem externum, costas & diaphragma prementem, quia collarum arcuata figura & diaphragmatis nexus cum costis & vertebis impediunt, quominus aer externus diaphragma premat in pectoris cavitatem eò usque, ut fieret æquilibrium inter vim aeris externi, & ejusdem pulmone contenti. Hæc est ratio, quare pulmo pleuræ semper contiguus maneat, etiam post mortem, quamdiu thoracis clausi manet integritas; uti patet evidenter, si illas pleuræ muscoli intercostales cautè separentur; tunc enim pulmo omnino contiguus apparet pleuræ præ tenuitate ejus serè pellucidæ. Dum verò pleura perforatur, aere illapso in pectoris cavum, pulmo collapsus statim contrahitur in minus spatium, & à pleuræ contiguitate recedit; diaphragma, antea cavum à parte abdominis, tenuissimum, & in cava pectoris tra-

sum, statim flaccidum fit, & deorsum collabitur. Ex quibus patet evidenter, naturaliter in homine pulmones pleuræ undique contiguos esse, nec aerem hære inter convexam pulmonis superficiem & pleuræ cavum. Ideo, dum per musculos, huic scopo inservientes, elevatis costis & diductis à se mutuo, diaphragmate contracto & plano factio ampliatur thoracis cavitas, esset inter pleuram & pulmonis superficiem spatium aere vacuum; sed aer per glottidem libere ingrediens pulmones sic dissendit, dum pectus dilatatur, ut maneant semper pleuræ contigui; sicque perficitur inspiratio. Dum verò, perfollo thoracis cavo, liber datur accessus aeri in cavum; aeris, per glottidem ingressi, pressio æquilibratur: hinc non distenditur pulmo, sed propriâ contractilitate abibat in minus spatium. Si hoc jam fiat in utroque pectoris cavo simul, non poterit pulmo uterque collapsus dilatari per aerem inspiissatum; & hinc cor dextrum non poterit per collapsum pulmonem pellere suum sanguinem, sicque brevi suffocabitur cordis motus, & peribit vita inde pendens.

Galenus jam in vivis animalibus tentaverat hæc Experimenta, & conclusit (a) quocirca à magnis vulneribus, intrò in alterutram thoracis partem penetrantibus, repente animans parce dimidiâ, tum vocis, tum respirationis privatur: voce autem atque respiratione planè destituetur, si venter uterque fuerit confossus. Et inde deduxit mediastini, thoracem in bina cava separantis, usum, ut vulnere penetrante unius lateris cavum, in altero maneat respirationis integritas. Postea & Vesalius in vivis animalibus sectiones admittens, nudatâ pleurâ demonstrabat; pulmonem illi semper contiguum manere; pertusâ autem pleurâ, illius lateris pulmonem concidere, thorace interim aëre ac prius moto; postea illud lateris pulmonis quàm maximè aperiens, pluribus costis resectis, per membranas thoracem intersepientes poterat videri, quomodo alter pulmo in thoracis cavo adhuc integro pectoris motum sequeretur; illis verò membranis pertusis, & ille pulmo concidebat illico (b).

Ex his Experimentis videretur concludi posse, vulnera thoracis cavum utrumque penetrantia sic, ut aeri ingressus detur, esse certò & subito lethalia. Quousque autem hoc verum sit, patebit sequentibus Experimentis.

Ante duodecim, si rectè memini, annos degebat, in hac Academia WILLIAM HOUSTOUN, eruditione singulari & inprimis Anatomiz & Botanices scientiâ insignis, cujus amore tædiosissima suscepit itinera, naufragia, captivitates & alia plurima mala passus, & magno Scientiarum damno in patriam redux in flore ætatis lento morbo periit, longiori vitâ dignissimus. Magno meo bono hujus Viri familiaritate usus fui, & plurima me ab illo didicisse gratus recorder. Ille quâdam die me conveniens rogavit, an crederem, vulnera utrumque cavum pectoris perforantia lethalia esse? Annui; & argumentis modò enarratis asserti veritatem probare conatus fui. Audivit placidè ratiunculas, & dein eduxit ridens de sinu caniculam, cui ante tri-duum utrumque pectoris lateris perforaverat: alacriter currebat animal, ac si nihil mali passum fuisset. Examinans omni curâ inflicta vulnera, vidi in cava thoracis penetrare, nec pulmonem accretum esse illis locis; quod suspicabar primò: candelula cerea, applicata utrique vulnere, aere per vulnera attracto & expulso, exstinguebatur. Obstupui insolitum spectaculum, & postea in canibus similia Experimenta plurima tentavi; quomodo autem successerint, referam.

(a) De usu parium, Lib. VI. Cap. 111. (b) Vesal. de Corporis humani fabrica, Lib. Charter. Tom. IV. pag. 419. VII. Cap. ult. pag. 571.

1°. Cani perforavi anteriorem partem pectoris sinistri; statim aer cum sibilo intravit: tubo immisso removi undique pulmonem à pleura. Postea & dextro lateri thoracis vulnus infixi, digito immisso itidem pulmonem undique à pleura removi: remoto digito pars magna pulmonis cum impetu per vulnus erupit: pergebat respirare & ejulare canis; vix iterum intrusi pulmonem in pectus; exhibat denuo. Hæmorrhagia aderat satis valida; & post quadrantem horæ moriebatur animal.

2°. Repetens in alio cane hoc Experimentum, per vulnera facta aerem per siphonem inflavi validè; longè diutius vixit: sed non aderat tanta hæmorrhagia. Dum quiescebat animal, pulmo in thoracis cavo manebat. Dum autem præ dolore magnos motus faceret, per vulnera facta pars pulmonis erupit.

3°. Alteri cani pariter utrumque thoracem perforavi: tubo aerem inflavi in cava pectoris, dein asperam arteriam refecui; postea, totum abdomen cruciatim discidi, tunc diaphragmate pertuso in latere sinistro, vulnere in cavum pectoris sinistrum penetrante, solutis vinculis vixit animal per bihorium, & pendulis de abdomine intestinis cucurrit per cubiculum.

4°. Longè magis mirabar, alium canem, perforato utrumque pectore, abdomine aperto, dein, & pertuso utrumque diaphragmate, per quinque horas vixisse.

5°. Hæc Experimenta frequenter iteravi, terè semper simili cum successu: sed dum maximis vulneribus pectus perforarem, quæ parallelo ad costas ductu dimidii digiti longitudinem æquarent sæpe, vel & superarent, vidi animalia satis citò mori: sed tunc ingens semper aderat hæmorrhagia.

Dum unà cum eruditissimis amicis, qui hæc Experimenta mecum tentabant, conabar invenire rationem, quare perforato utrumque pectore in animali pergeret vita & respiratio; incidit hæc opinio, quòd si vulnera infixa minorum haberent aperturam, quàm erat glottidis rima, tunc aer faciliùs irruens per glottidis aperturam, quàm per vulnus, distenderet pulmonem. Præterea animal summo nixu videbatur expandere pulmonem, ut per vulnus sæpe exprimeretur; sicque aeris ingressum liberum per vulnus impediabat: simul vidi evidenter, quòd adductis ad se invicem costis, animal minueret vulneris aperturam quàm maximè. Ut certi essemus de his, instituius sequens Experimentum.

6°. Cani in utroque pectoris latere, loco medio inter binas costas infiximus satis magnum vulnus, vulneribus immisimus tubulos ex bractea ferri, quorum aperturæ longè majores erant, quàm apertura glottidis in hoc animali: hæc methodo vulnera manebant patula, cessabat illico respiratio, & peribat vox, atque animal videbatur mortuum. Clausis dein per digitos impositos tubulorum orificiis, perfricato validè abdomine, incipiebat iterum citissimè respirare: remotis digitis, emissà parte aeris in cavo thoracis contenti, mox iterum tubulos claudebamus, sic augebatur respiratio, & redibat vox amissa: apertis iterum tubulorum orificiis desinebat respiratio, nullam vocem emittebat animal, & moriebatur. Hoc experimentum aliquoties iteravimus, semper eodem cum eventu; & vidimus, quòd, nisi firmiter retineremus in vulnere tubulos, posset animal summis nixibus moto thorace excutere tubulos de vulnere, & costas sic adducere ut pergeret respirare.

Unde videtur concludi posse, vulnera, utrumque thoracis cavum penetrantia; & aerem admittentia, tunc tantum esse citò & certò lethalia, si vulnorum orificia glottidis aperturam amplitudine suâ superent.

An non hujus rei vestigium habetur in illo loco *Coarctum Prænotionum in*

eodem hoc numero modò allegato, ubi dicitur, quòd moriatur homo, *si pulmone percussio, paucior spiritus per os procedat, quàm is est qui ex vulnere elabitur?*

Non memini, me legisse apud Observatores Exempla hominum sic vulneratorum, ut mors secuta potuerit adscribi soli aeris ingressui in utrumque thoracis cavum: semper enim ferè simul læduntur viscera thoracis cavo contenta. Sed apud *Schenckium* (a) habetur, quòd homo delapsus ex alta arbore in palum acutum incidèrit, qui lumborum musculos perforans, sursum in pectoris cavum usque penetravit. Curatus ab hoc vulnere foramen fistulosum in dorsi regione habuit in thoracis cavum penetrans, per quod lumen admotum statu erumpente in thoracis constrictione agitabatur, & nonnunquam exstinguebatur: sic diu supervixit sine ulla noxa.

**VULNERA DIAPHRAGMA AB UTRAQUE PARTE MEDIASTINI, THORACIS, PENETRANTIA.** Pleura dicta membrana thoracis utrumque cavum investit, sic tamen, ut singulo cavo thoracis sua propria membrana sit. Possunt ergo concipi, ac si binæ pleuræ forent tales vesicæ cavæ sibi mutuo adjacentes, & in loco contactus accretæ sibi mutuo. Harum membranarum duplicatura mediastinum vocatur, quod thoracis cavum dividit bisariam; sic tamen, ut in parte anteriori mediastinum declinet sinistrorsum; unde dextra cavitas pectoris major est sinistra (b). Cum ergo mediastinum non sit simplex membrana, sed ex binis pleuræ saccis sibi accumbentibus nata, satis exactè dicit *Galenus* (c) describens membranam succingentem thoracis, ex illa nasci thoracem intersepientes membranas. (*ἡ δὲ αὐτὴ δὲ ἑξ ὧν διὰ διαφράττοντος ὑπάρχει τὸν θώρακα περιβάλλουσα*). Si jam vulnus ab utroque mediastini latere diaphragma læserit, poterit aer per has vias ingredi thoracem, & sic impedire pulmonis expansionem; eodem modo ac statim dictum fuit de vulneribus thoracem utrumque penetrantibus.

Sed si consideretur, magnum hepar diaphragmati accumbere, uti & lienem, &c, satis patet, non faciliè posse lædi diaphragma in binis distinctis locis, quin & illa lædantur viscera; unde mors secuta tale vulnus, non posset adscribi soli aeris adinissioni in cavæ pectoris: præterea enim diaphragmatis & musculorum abdominalium actione pressa viscera obturabunt aeri liberam viam per hæc vulnera factam: sed uti ex Experimentis modò citatis patuit, deberent hæc vulnera satis ampla esse. Unde videtur rarissimè, si unquam, talis casus contingere posse.

**VEL EJUS NERVOSA DISSECTANTIA.** Medium diaphragmatis locum dixerunt ejus centrum tendineum. Est satis lata plaga tendinea, sive aponeurosis, ad quam omnes fibræ carneæ diaphragmatis concurrunt. Vocabatur & pars nervosa diaphragmatis, quia Veteres tendinibus etiam nervi nomen imposuerunt. Putabatur jam actione fibrarum carnearum diaphragmatis tendinem illud centrum undique deorsum trahi; hinc si vulnus huic parti inflictum foret, singulis vicibus, quibus agit diaphragma, distraherentur fibræ semilaceræ, augeretur vulnus, dolor fieret intolerabilis, & inde convulsio, & mors. Sed demonstravit clarissimus *Sénac* (d), partem illam mediam tendineam diaphragmatis non descendere in respiratione, cui cor pericardio suo inclusum incumbit; cuiusque adeo turbaretur situs & motus, quia pericardium latâ superficie huic tendineæ diaphragmatis

(a) Lib. II. de Vuln. thoracis Observ. 3. pag. 297.

(b) Acad. des Sciences, l'an, 1715. Mém. pag. 311, &c.

(c) De Anatom. admin. Lib. VII. Cap. II. Charter. Tom. IV. pag. 148.

(d) Acad. des Sciences, l'an, 1734. Mém. pag. 251. &c.

parti accreviscit. Probatur & hoc ibidem ex diaphragmatis structura & nexu.

Sed aliud sequitur post diaphragmatis vulnera, nec minus funestum malum; unde non adeo subita quidem, certa tamen post diras calamitates mors sequitur. Dum nempe partes corporis, abdominis cavo contentæ, diaphragmatis & musculorum abdominalium actione pressæ, vulnus diaphragmatis ingrediuntur, illud dilatant, in pectoris cava transeunt, sicque pulmonem comprimendo, & cordis ipsius actionem turbando, post summas misérias mortem inferunt citius vel serius. Sic *Paræus* (a) se vidisse testatur in homine, qui vulnus acceperat in media tendinosa parte diaphragmatis, ventriculū per hoc vulnus, pollicis magnitudinem non superans, thoracis cavum ingressum fuisse. In alio per octo menses superstitē, post acerrimos dolores colicos mortuo, inventum fuit intestinum colon pro magna parte in thorace hæere; licet vulnus diaphragmatis minimi digiti apicem tantum capere posset. Simile Exemplum etiam habetur apud *Sennertum* (b) de studio, qui proprio se confoderat ense, post binos menses tamen inde curatus: sed septem mensibus elapsis post crebros vomitus exspiravit. In cadavere apparuit, vulnus per pulmonem & diaphragma penetrasse. Ventriculus totus adscenderat in sinistram thoracis cavum, & cor cum pericardio depulerat in latus dextrum; ubi vivus adhuc, post vulnus sanatum, manu imposita cordis pulsus jussu erat observari.

Hinc apparet, quam periculosa sint diaphragmatis vulnera. *Hollerius* tamen testatur, se observasse in suspensi cadavere, cujus dissectioni in *Scholis Medicis Parisiensibus* præfuerat, vulnus obductum cicatrice in parte carnosa diaphragmatis (c).

5. Quæ motum chyli in cor tollunt; abscissio œsophagi, magna vulnera ventriculi, intestini tenuioris, superioris integra dissectio, vulnus ductus thoracici, vel alvei chylosi.

Recententur hoc numero vulnera illarum partium, quarum integritas requiritur; ut alimenta ingerantur, digerantur, & chylus ex his præparatus deferatur in sanguinem; ut inde resituantur illa, quæ vitæ & sanitatis actionibus perduntur quotidie.

**ABSCISSIO ŒSOPHAGI.** Integra nempe abscissio œsophagi omnem transitum ingestorum ad ventriculum tollit. Vulnera enim œsophagi, non integre discissi, sanata fuisse testantur Auctores. Sic apud *Schenckium* habetur (d), quod *Chirurgus curavit quemdam carceribus detentum, qui sibi ipsimet ipsiguttur, quod parte tracheam arteriam spectat, ferro vulneraverit, digitūque vulnus tantopere ampliavit, ut per ipsum alimenta & medicamenta ad os usque transmitterentur. Sanatus tamen hic est paucis diebus.* Aliud Exemplum habetur apud *Bohnum* (e) de juvene, cui à latronibus maximo vulnere faucibus inflicto, dum elato capite cibiberet, illud per vulnus effluebat; dum verò supinus biberet, illud in ventriculum descendebat. Unde patebat œsophagum non omnino rescissum fuisse. Ex hoc vulnere tamen convalescit. Integre autem discisso œsophago unā cum aspera arteria, retractum versūs ventriculum

(a) Liv. X. Chap. xxxii.

(b) Lib. II. Part. II. Chap. xiii. pag. 371.

(c) Comment. in Aphor. 18. Sect. VI. pag.

(d) Observ. Medic. Lib. III. Observat. 6. pag. 316.

(e) De renunciatione vulnerum, pag. 108.



difficili œsophagi extremum non potuit unire *Paræus* alteri extremo, licet tantâ valeret in Arte peritiâ. Per saturam quidem univit asperæ arteriæ vulnus, sicque loquelam amissam misero restituit, ut potuerit indicare percussorem; quartâ tamen die post vulnus infictum periit. Aliud simile Exemplum habetur ibidem (a). Cùm autem œsophagus asperâ arteriâ tegatur, corporibus vertebrarum incumbat, & à latere maxima vasa adjacentia habeat, rarè solus vulneratur. Hinc fortè credi posset, adjacentium partium vulnera pariter mortis causam fuisse. Mirabilis habetur, & fortè unica hætenus in Arte descripta Observatio, quam publicavit celeberrimus *Boerhaavius*. Illustrissimè nempe *Heroi*, nobilissimo Baroni de *Wassenae*, Reipublicæ nostræ Archithalasso, post maximos vomendi conatus, abruptus fuit œsophagi tubus prope diaphragma: unde, post enormes cruciatus; ingestis, unâ cum aere deglutito, in cavum pectoris delapsis, intra 24 horas mors accidit (b). Conclufit optimo jure tunc Magnus Auctor, similem casum, si recurreret, indicio hujus historiæ detegi quidem posse, nullis tamen unquam remediis sanabilem fore.

**MAGNA VULNERA VENTRICULI.** Omnes cibos & potus deglutitos suo cavo recipit ventriculus; cujus fabricâ, affusis humoribus, & morâ ibi hæc sic mutantur, ut deinde per intestinalem tubum delata præbeant materiem, quæ tenuissimis fistulis venosis resorpta, sanguini mista, & ulterius elaborata, restituere posset illa, quæ sanitatis actionibus de corpore perierant. Si ergo magnum vulnus infictum fuerit ventriculo, contenta per vulnus dilabentur extra corpus, vel in cavum abdominis; sicque omnis nutritio deficiet necessariò. Accedit, quodd & ventriculi vulnera, quatenus ipsam ventriculi substantiam, tot arteriis, venis, nervis undique repletam, lædant, sint admodum periculosa. Dum autem pereunt ex vulneribus ventriculi non multo temporis intervallo post infictum vulnus, non potest inde deduci mors secuta, quodd nutritionis defectu perierit æger; sed ipsam substantiæ ventriculi læxionem tunc mortis causam fuisse, satis patet. Bina talia ventriculi vulnerati Exempla habet *Bohnius* (c), sic ut mors intra biduum secuta fuerit. Ubi autem vulnera ventriculi mortem inducunt, quia ingesta alimenta continere nequit ventriculus perfofusus, tunc lentior mors sequitur, sensim defectu nutritionis tabefacto corpore. Imò aliquando constitit per Observationes Medicas, vulnera talia, in fistulosum ulcus degenerantia, plurimis annis aperta mansisse, supersiste ægro, sic ut potuerit pro lubitu per hanc aperturam cibos potûsque emittere; vel clauso per externum apparatus vulnere, eadem retinere; qualia bina Exempla habentur apud *Schenckium* (d). Imò plurima talia vulnerum ventriculi sanatorum integre Exempla apud Auctores occurrunt. Habetur mirabilis admodum Historia in Actis Anglicanis (e). Maurus juvenis maturos Musæ fructus decerpit, & avidè comedit; vitricus ejus irâ furens, ut hoc ulcisceretur, cultro magnum vulnus abdomini juvenis infligit, & latâ plagâ ventriculum sic discindit, ut comesti fructus cum impetu per vulnus erumperent. Peracto hoc facinore, dum amici vulnerati insequerentur, senex sibi ipsi ventriculum simili ferè vulnere lacerat. Post quatuor horas Chirurgus veniens utrique vulnerato & ventriculum & integumenta

(a) Les Œuvres d'Ambroise Paré, Liv. X. Cap. xxxi. pag. 249.

(b) Atrocis nec descripti prius morbi Historia, &c. scripta ab Hermanno Boerhaave.

Tomus I.

(c) De renunciatione vulnerum, pag. 252.

(d) Observat. Medic. pag. 148.

(e) N<sup>o</sup>. 420, pag. 184, & Abridg. Tom. VII. pag. 506.

abdominis discissa confuit, parvo foramine relicto, ut puri exituro pateret via. Febre corripiuntur ambo vulnerati, quæ per quatuordecim dies durabat, & mensis circiter spatio juvenis convaluit; senex, sexagesimum ætatis annum agens, magis periclitabatur, & tardius curatus fuit. Uterque tamen, post quindecim à curato vulnere annos, integrâ sanitate fruebatur.

Videntur hæc Observata docere, quòd non omnia ventriculi vulnera, magna quamvis, absolute semper lethalia sint, si nempe aditus detur manibus Chirurgi, ut futurâ possint uniri. Parva autem ventriculi vulnera satis magnam spem curæ faciunt, modò cibus vel potu non distendatur ventriculus; tunæ enim contracto manente ventriculo consolidari possunt.

INTESTINI TENUIORIS, SUPERIORIS, INTEGRÆ DISSECTIO. Videntur talia vulnera absolute lethalia esse. Intestini enim discissi extremum, chylum in cavum abdominis effunderet, ibi corruptus contenta omnia cavo abdominis viscera tabefaceret; unde certa mors. Si verò vel casu, vel Arte, discissi intestini extremum externo integumentorum margini accreverit, patebit via, quâ motu peristaltico ventriculi & intestinalium contenta omnia intestini cavo exhibunt de corpore. Chylus enim ex ventriculo in intestina egressus per tantam longitudinem tubi intestinalis, ejusque gyros & anfractus impeditur, quominus elaboratur de corpore, antequam per vala lactea & venarum meseraicarum oscula inde resorptum fuit omne illud, quod corporis nutrimento inservire posset. Si ergo intestinum tenue integre discissum fuerit, in loco superiori, id est, ubi pyloro satis vicinum est, defraudabitur necessariò nutrimento corpus, & lento peribit marasmo, si per vulnus integumentorum contenta exeant; si verò in cavum abdominis delapsa accumulentur, ibi corrupta mortem accelerabunt.

Intestinalium autem crassorum vulnera, ut & tenuiorum in loco remotiori à ventriculo, ut & illa quæ non integre discindunt tubum intestinale, periculosa semper sunt, non tamen absolute lethalia. Maniacus cultro octodecim vulnera proprio abdomini infixerat, quorum octo in abdominis cavum penetrabant: febris mox secuta, tensio abdominis, respiratio difficilis ac dolens, nausea, vomitus diarrhoea, &c, funestum præfigebant exitum: repetitis venæsectionibus, tenuissimâ dietâ, rarâ deligatione vulnorum, præter spem evasit tamen. Post septemdecim menses mania iterum correptus ex alto præcipitem se dedit, unde illico mortuus fuit. In cadavere inventæ fuerunt cicatrices sanatorum vulnorum in hepatis lobo medio, intestino jejunò, & colo (a).

Canis majori intestinum tenue secundum longitudinem divisum fuit; reposito intestino, non confuto, futurâ clausum fuit vulnus abdominale; sine ullo molesto symptomate animal sanatum fuit (b).

Plurima similia apud Observatores Exempla occurrunt. Intestinis autem crassis & tenuibus integre discissis supervixisse homines, modò vulnere externo alueretur extremum intestini discissi, ut exitus pateret fecibus, pluribus Exemplis conficit; de quibus dicetur in vulneribus abdominis. Requiritur tunc, ut à ventriculo ad locum discissum tanta superfit intestini longitudo, ut ex ingestis paratus chylus per venas lacteas & meseraicas resorptus, nutritioni corporis sufficere possit.

(a) Acad. des Sciences, l'an. 1705. Mém. p. 37. 40. & suiv.

(b) Philosoph. Transact. Abstrid. Tom. V. pag. 272.

**VULNUS DUCTUS THORACICI, VEL ALVEI CHYLOSI.** Omnis chylus, ex intestinalis, per vasa lactea sorptus, ingens copia lymphæ per lymphaticas venas in unum hunc alveum confluit: illo ergo laeso, & contentum humorem dimittente, cessant omnes illi effectus, qui à chylo, sanguini misto, & vasorum & viscerum actionibus ulterius perficiendo, pendunt; deficit nempe nutritio. Verum quidem est, venarum meseraicarum oscula undique hiare in intestinorum cavo, & resorbere partem tenuissimam chyli, restatque viâ ad hepar deducere; album autem chylosum succum solæ venæ lacteæ ductæ ex intestinalis hauriunt. Sed non videtur sustineri vita posse, si solæ venæ mesentericæ ebiberent tenuissima tantum, chyli autem admissio in sanguinem impediretur. Pulcherrimis Experimentis demonstravit *Lowe-  
rus* (a) nihil chyli per venas meseraicas resorberi. Canis thoraci, in dextro latere intra duas costas inferiores aperto, digitum immisit, & ungue velut in ferram resec-  
cto, commune chyli receptaculum tribus à pastu horis valde turgidum perfrigit: confuso dein vulnere, animal, licet cibo saturaretur quotidie, intra paucos dies ex-  
spiravit. In cadavere ventriculus & intestina repleta, vasa lactea chylo turgida appa-  
rebant; in ductu thoracico nihil chyli reperiebatur, sed in pectoris illa parte, cui  
vulnus inflictum fuerat, binæ chyli libræ repertæ sunt. In altero cane pectus sini-  
strum perfodit inter tertiam & quartam costam superiorem: immisso per vulnus digito  
laceravit truncum factum ex binis ductibus chyliiferis in hoc animali adunatis; even-  
tus fuit similis. Ut autem certus esset, dilaceratum fuisse ductum thoracicum, aperto  
post mortem animalis abdomine aquam siphone injectit in ductum chyliiferum, quam  
vidit totam per vulnus factum dilabi in pectoris cavum. Dum autem animali, sic  
vulnerato, post diem unum aut alterum, paucis horis post largum cibum sumptum,  
aperit venâ sanguis mitteretur, nihil chylosi apparebat in sanguine; uti aliter in  
simili casu semper invenitur.

Ex his Experimentis concluditur, chylum non ingredi venas meseraicas; & in-  
gressu chyli in sanguinem impedito, vitam diu sustineri non posse.

Rarius accidit, in homine per vulnera solum ductum thoracicum lædi: mediis  
enim ferè vertebrarum corporibus incumbit, medio inter venam sine pari à dextris,  
& aortam descendentem à sinistris, loco, sit ut aorta pro maxima parte ipsi incumbat:  
deinde assurgens pergit supra corpora vertebrarum sub œsophago, sub arcu  
venæ azygos, inde supra corpora vertebrarum sinistrorsum inclinatur, pergit sub ca-  
rotide sinistra usque ad medium ultimæ cervicis vertebræ; ibique arcus formâ in-  
curvatus sinistrorsum deorsum tendit, & terminatur in venam subclaviam sinistram.  
Toto ergo hoc decursu tutissimè reconditur, & maximis vasis adjacet: hinc vix lædi  
potest, quin & aliæ vulnerentur partes, à quibus læsis mors sequi poterit.

Habetur tamen apud *Bonetum* (b) Exemplum vulnerati, cui, ex symptomati-  
bus vulnus sequentibus, ductus thoracicus læsus fuisse videtur. Nobili Baroni circa  
mediam dorſi vertebram sclopeto vulnus infligitur, globo subter sinistram scapulam  
exeunte: tertio non adeo malè se habuit vulneratus, consueta tantum vulnorum  
symptomata passus. Post quatuordecim dies observatur in linteis copiosus albianas  
humor, per intervalla rediens: debilis inde manet & macie conficitur, licet appeti-  
tus foret integerrimus. Vixit sic per plures menses, & incepit per binas septimanas

(a) De corde, &c. pag. 229. & sequ.

(b) Sepulchret. seu Anat. Practic. Lib. IV.  
pag. 160.

effluxus illius humoris cessare. Genio indulgens, calidioribus inprimis usus, subitâ commotus irâ, epilepticis insultibus afficitur, postea hemiplegiâ lateris sinistri correptus perit. In cadavere pulmones, illâ parte, quâ vulnus indictum fuerat, insigni putredine correpti apparebant.

Magna suspicio adest, ductum thoracicum lœsum fuisse; cùm autem vitam tam diu protraxerit, fortè non penitus destructum. Præterea ductus thoracicus in suo decursu sæpe bifurcatus insulas quâsi format: fortè talis bifurcationis unus ramus lœsus fuerat. Fateor meras tantùm hæc esse conjecturas, cùm & mortis genus, & pulmoris corruptio doceant, non à sola læsione ductûs chyliiferi mortuum fuisse vulneratum.

§. 171. **V**ULNERA suâ naturâ lethalia, Arte verò curabilia (152.) sunt, prædicantur.

1. Vulnera encephali terebrâ levanda.

Sequitur nunc altera classis vulnorum, illorum nempe, quæ mortem inducunt, & certam quidem, si sibi relinquuntur. In Arte tamen cognita sunt auxilia, quibus adhibitis mors, horum vulnorum effectus & sequela, præcaveri possit.

Primo loco inter illa numerantur vulnera encephali. Generale hoc nomen comprehendit omnia illa, quæ calvariæ cavo continentur. Notum jam est ex Anatomicis & Physiologicis, calvariæ cavum naturaliter exatissimè plenum esse: simulac ergo mutata figurâ craniî angustatur spatium, vel fractis vasis effusi humores colliguntur sub integro cranio, necessariò mollis encephali fabrica comprimitur, læduntur omnes functiones, quæ inde pendent, tandem & destruantur penitus.

Si jam cranium intio pressum vel effusi humores compresserint encephalon suâ copiâ; vel denique corrupti morâ eroderint suâ acrimoniâ tenerrimam hanc pulpam, unde tota vita & humanitas pendent, mors secuta, erit effectus talis vulneris. Sed si humores effusi hæreant in tali loco calvariæ, ut per terebram aperturâ factâ potuissent tolli, apparet faciliè, potuisse servari vulneratum: & uti postea in capitulo de vulneribus capitis dicetur, plurima sunt talia Observata, homines ab effusis humoribus compresso cerebro jam apoplecticos factos fuisse, qui trepano applicato & eductis extravasatis liquidis fuerunt sanati.

Bina ergo requiruntur in tali vulnere, quòd nempe causa mortis secutæ evidens fuerit inventa, humor extravasatus comprimens encephalon; & quòd hæserit effusum liquidum in tali loco, unde potuisset tutò educi.

2. Vulnera arteriæ, venæ majoris in loco, ad quem manus Chirurgi pervenire potest.

Maximè necessarium est Chirurgo, ut cognoscat decursum arteriarum & venarum majorum, inprimis in artubus: in cavis enim corporis hærentes magni trunci vasorum, si vulnerati fuerint, ipsius manum non admittunt. Et inprimis requiritur, ut cognita sint illa loca artuum, ubi magnæ arteriæ & venæ decurrunt adeo nudæ, ut comprimi possint. Talia sunt in artubus superioribus loca subaxillaria, anterior & superior ossis humeri pars, ubi arteriæ magnus truncus ad nudum ferè os subjacens comprimi potest; scæque faciliè omnis hæmorrhagia à vulnere locis in-

ferioribus inflicto fiffi potest. In artubus inferioribus talia loca sunt in interiori & anteriori ferè media femoris parte, uti & sub poplitibus. Omnibus his locis splenia apposita, tornatili machinâ hodie adeo cognitâ (*tourniquet*) appressa validè, truncos vasorum sic comprimunt, ut omnem sanguinis transitum impediunt. Sic lethalis hæmorrhagia præcavetur, & datur opportunitas Chirurgo, ut suppresso sanguinis fluxu, & dilatato, si opus sit, vulnere, arteriam vulneratam possit invenire, & inventæ idonea remedia, ligaturam, &c., applicare. Hinc videtur hodie nullum artuum vulnus ferè absolute lethale dici posse per hæmorrhagiam, quia per Artem cognitam potest compesci per compressionem truncorum, in locis inprimis subaxillaribus & in inguinibus; & si tunc arteria vulnerata tam profundè hæreat, ut ligari nequeat, exsiliatio membri adhuc superest, quâ vulnerati vita servari potuisset. Dum autem majorum vasorum decursum ignorant Chirurgi, omni molimine per ligaturas, stypticos absorbentes pulveres, uti gypsum, &c., impediunt, ne sanguis ex læso vase erumpens per vulneris aperturam exire possit, qui tunc totum panniculum adiposum implet; & postea corruptus, horrendâ putredine omnia depascitur, ut tristissima docuerunt Exempla.

### 3. Viscerum, ad quæ manus & medicamenta cum effectu sanationis pervenire possunt.

Nisi certis Experimentis constitisset, tutò fieri posse, quis crederet, viscerum etiam vitalium partes, vulnere nudatas, abscindi posse, ne postea corruptæ mortem inducerent. *Celsus* (a) jam audebat pronuciaverat: *si quid aut ex jecinore, aut liene, aut pulmone duntaxat extremo dependeat, id præcidatur*. Unicum sufficit memorabile admodum Exemplum, quo constabit, sæpe talia curari posse, si manubus detur accessus, quæ ferè desperata haberentur. Infigebatur homini ingens vulnus sub papilla sinistra; temulentus ille neglexit vulnus: postridie pulmonis pars tres transversos digitos æquans hiante vulnere prorupit. Temerarius ille vulneratus neglexit omnino tam grave vulnus, nihilque applicuit; & bidui itinere quamvis abesset, Amstelodamum se contulit, ibique in valetudinarium receptus fuit. Illico emortua jam pulmonis pars, filo priùs constricta, forfice abscindebatur, quæ lanci imposita tres circiter pendebat uncias. Decimo quarto die vulnus jam coaluerat, nihilque supererat mali præter levem tussiculam, non semper, sed subinde duntaxat molestant. Sic per sex annos supervixit, quocumque locorum navigans, & ebriatati indulgens dissolutissimæ vitæ homo. In cadavere nihil mali inventum fuit, nisi quoddam pulmo vulneris loco accreverat, unde tamen nihil incommodi, præter levem illam tussiculam, passus fuit (b).

Præcedentis paragraphi numero quinto recensebantur bini illi casus, ubi ventriculi gravissima vulnera, à perito Chirurgo per futuram unita fuerunt sanata. In vulnere abdominalium Historia patebit, viscera abdominalia læsa sic, ut effuso sanguine, vel contentis suis, in cavum abdominis, mortem inducerent; ligari posse, vulneris margini assui, &c.

### 4. Quæ mortem inferunt emissio suo liquido in cava illa, unde id

(a) Lib. V. Cap. xxvi. n°. 24. in fine, pag. 125. (b) Tulpii Observat. Medic. Lib. II. Observat. 17. pag. 125.

educi sine discrimine vitæ potest; ut thoracis, abdominis, ureterum, vesicæ, intestinorum quædam vulnera.

Multa vulnera sunt lethalia, non ob copiam sanguinis effusi, sed quia sanguis extravasatus, morâ, & calore loci corruptus, putridâ labe exedit & tabefacit viscera, quæ alluit. Sic v. gr; vulnerato thorace post magnam hæmorrhagiam vulneratus in animi deliquium labitur, vasâ discissa se contrahunt, & cessat omnis sanguinis effluxus. Interim sanguis in thoracis cavo hæret, qui ibi manens corrumpetur, & vicinum pulmonem exedens lentâ tæbe hominem conficiet. Idem in abdominis cavo verum est. Sed paracentesis in thorace & abdomine institui potest, & sic effusus sanguis educi, omniâque hæc mala præcaveri. Si verbò ureteri, vel vesicæ fundo, tale fuerit inflictum vulnus, ut urina in cavum abdominis effluat, patet facillè, urinam, jam ex sua indole in putredinem pronam, longè citiùs putrescere, hincque omnia contenta abdominis lædi summopere. Sed poterit, perforato abdomine educi omne, quod ibi collectum hæret liquidum; & cathetere flexili vesicæ immisso impediri, ne urina in vesicæ cavo colligatur, & quæ illam distendat; unde, contractâ semper manente vesicâ, vulnus indictum faciliùs consolidatur. Si verbò ureter discissus fuerit,eductâ priùs urinâ in cavum abdominis effusâ, siccissimâ tunc dicitur adhibita, magna spes est, ureteris extremum abscessum consolidari posse. Peribit quidem sic usus renis, sed plurima docuerunt Observata, alterum renem posse vices supplere, integrâ satis sanitate. Calculo enim impacto & obstruente omnino ureteris unus cavum, constitit, homines diu supervixisse, altero rene integro, & tunc plerumque multum aucto in mole sua.

Novimus autem urinam in cavum abdominis effluere, ex vulneris loco, si nulla vel paucissima tantum emingatur urina, & tumore quotidie aucto distendatur abdomen.

Idem jam & in quibusdam vulneribus intestinorum verum est, de quibus postea dicitur in vulneribus abdominis.

§. 172. **P**RÆDICITUR lethale fore ex non lethali (153.) per has causas.

1. Omissione purgationis effusi puris, unde tabes purulenta; vel effusi sanguinis, hinc putrefacti.

Sub hac classe comprehenduntur illa vulnera, quæ tales lædunt partes, quarum integritas tolli potest, superstitæ vitæ; post quæ vulnera tamen mors aliquando sequitur, non ex vulnere ut causâ, sed quia vulnerati incuriâ, vel Medentis errore vel imperitiâ, vel alio morbo, non à vulnere orto, vel denique propriâ vulnerati idiosyncrasiâ, talis accidit mutatio in corpore, unde functiones ad vitam requisitæ abolentur. Possunt autem hæc commodè reduci ad quatuor sequentia capitula.

**OMISSIONE PURGATIONIS EFFUSI PURIS, UNDE TABES PURULENTA.** Ex illis, quæ dicta sunt §. 198. n°. 7, constitit, in omni vulnere alicujus momenti pus nasci; imò hoc requiri, ut separentur illa, quæ vulneris consolidationem impedirent. Si jam vulneris talis sit conditio, ut pus factum in vulnere decidat in cava corporis loca, vel, nimis diu relictum in vulneris superficie, attenuatum re-

forbeat per aperta venatum orificia, poterit totus sanguis infici purulentâ caco-chymia. unde febris hætica, & lentus marasmus. Si jam apparet, pus in cava corporis loca delapsum, potuisse sine periculo educi, vel putis resorptionem potuisse impediri idoneâ vulneris depuratione, constat, mortem secutam non adscribendam esse vulneri, ut causæ, sed omissioni purgationis puris effusi. Dum post magnas exsirtationes latum vulnus quotidie ingentem copiam puris colligit, magna sæpe oritur in cura difficultas: si enim sapias de die depuretur vulnus absterfo pure, impeditur consolidatio vulneris, quod tunc in tonticuli quasi naturam degenerat, & incredibilem copiam liquidi plorat; sicque ægri marasmo vero contabescunt, nullo vitio hærente in humoribus vel solidis partibus, tantum ideo, quia nimia puris confectio tantum perditur de corporis nuttimento, ut marcescant reliqua. Si verò diu tectum maneat vulnus, retentum in superficie vulneris pus, morâ & calore corporis attenuatum & acrius redditum, resorbetur venosis osculis apertis, miscetur sanguini, purulentam caco-chymiam & talem inducit; vel per metastasin ad viscera nobilia delatum necat. Qualia Exempla plurima frequenter in Praxi occurrunt.

VEL EFFUSI SANGUINIS, HINC PUTREFACTI. Dixerat Hippocrates (a). Si sanguis in ventrem præter naturam effusus fuerit, eum suppurari necesse est. Galenus ibidem in Commentariis suis monuit, quosdam hunc aphorismum legere sic, ut non haberetur *is tîn kailiôn*, sed sine articulo *is kailiôn*, & tunc significaretur sanguinis effusio in quodcumque cavum; addiditque, illorum sententiam confirmari, quia additur in hoc aphorismo præter naturam. Tuncque sensus hujus aphorismi esset, quod sanguis ex suo loco naturali effusus in quodcumque cavum corporis suppurari debet. Monuit etiam ibidem Galenus, suppurationis nomine hic intelligi omnem sanguinis corruptelam, non autem tantum conversionem in pus propriè dictam. Si aeri liber accessus detur, sanguis in cava corporis effusus putrescit satis citò, & corrumendo vicina viscera; vel resorptus, putridâ acrimoniâ destruendo tenerrima vitalium viscerum vascula, mortem infert. Si verò aeri nullus accessus detur, diu sine corruptione manere potest, imò sensim attenuatus iterum resorberi sine noxa, ut sæpe post validas contusiones apparet, quando sanguis, vasis fractis sub cute integra effusus, per mensem & ultra sæpe hæret; sensim iterum disparsens sine ullo malo. Ubi ergo sanguine effuso in cava corporis, aeris simul libero accessu factò, mors sequitur; & in cadavere non invenitur vulnus fuisse ex sua natura lethale, mors adscribenda est huic causæ: si nempe per Artem turb sanguis effusus potuisset educi.

## 2. Commisso vitio in sex rebus non naturalibus.

Ex Pathologicis notum est, res non naturales dictas, in sex classes dividi, sunt enim: aer; cibis, potus, quies; animi affectus; retenta excreta; somnus, vigiliæ. Hoc autem nomine vocantur, quia usu vel abusu, bonæ naturales; aut malæ contra naturales fieri queunt. Prudens Medicus omnia hæc dirigit, à nocituris abstinere jubet vulneratum, profutura commendat. Si jam vel Medici incuria, vel vulnerati obedire nolentis culpâ, committantur vitia in usu sex rerum

(a) Aphor. 20. Sect. VI. Charter. Tom. IX. pag. 259.

non naturalium, poterit vulnus, minimè ex sua natura lethale, sic mutari, ut mortem inferat. Innumera habentur apud Auctores Observata, quæ hoc probant evidentiissimè: pauca quædam notasse sufficiet.

Dum in castris vulneratos milites curabat *Paræus*, doluit quàm maximè, quòd ad singulas tormentorum bellicorum explosiones vulneratis recrudescerent hæmorrhagiæ: inprimis autem inde lædebantur illi, qui capitis vulneribus decumbabant: unde omnia augebantur symptomata, & mors accelerabatur plurimis (a). Puerio annorum quatuordecim bregmatis os fractum fuerat, extracta fuerant ossicula quàm plurima, febris, dolor & reliqua symptomata cessabant, spes optima integræ curationis affulgebat. Pater pueri, quamvis severissimè prohibuissent Chirurgi, prope cubiculum decumbentis permisit rusticis debacchantibus, ut tympana pulsarent, fistulas inflarent, saltarent, &c. Postridie miser puer acutissimâ febre, delirio, spasmo, nausea corripiebatur, & quarto post die mortuus est. Præter, re ad Magistratum delatâ, graviter multatus fuit (b). In simili casu, dum decimo quarto post vulnus capiti inflictum die omnia se optimè habebant, subitâ commotus irâ puer, validâ corripitur febre, & phrenitide periit quartâ die postea (c).

Nobili viro læva manus amputata fuerat à dexterrimo Chirurgo: vulnere jam ferè sanato, uxorem interpellavit: illa à Chirurgo monita recusavit: vulneratus sine coitu semen emisit, protinus recidit in febrem, deliria, ipsasmos, & alia gravia symptomata; & quartâ die obiit. (d). Ex his Observationibus satis patet, quanta cum cautela tractandi sint gravibus vulneribus decumbentes, quàm severè monendi, ut obediunt, nisi temeritatis pœnas mortis periculo luere velint.

### 3. Neglectu, vel errore Chirurghi.

Observationes Medicæ plurimæ docuerunt, & quotidiana Exempla confirmant, capitis contusiones & levia satis vulnera, dum negligenter tractantur, dira symptomata, & mortem ipsam produxisse. Quot perierunt vulnerati hæmorrhagiis, qui servari potuissent, si arteriarum trunci, in locis illis ubi nudi ferè hærent, idoneâ ligaturâ compressi fuissent! Quantus numerus vulneratorum perit post confectus bellicos, dum Chirurghi obrui multitudine negligentius tractant singulos. Nec minor vulneratorum perniciēs turpibus debetur erroribus. Militis dextro pectori sub mamma magnum infligitur vulnus: sanguinem cum tussi per os rejicit: imperitus Chirurgus vulneris labia futurâ unit: sequenti die advocatur *Paræus*: invenit febrem validissimam, respirationem & loquelam difficillimam, sic ut mortem instare merito metueret. Discidit illico futuram, digito per vulnus immisso thrombum vulneris orificium obturantem removit, elevatis pedibus, capite demisso, clausis ore & naribus vulnerati eduxit de pectoris cavo octo uncias sanguinis jam corrupti & sœtentis; injectionibus deterfit thoracis cavum, & eduxit residuos grumos; sicque ultra spem vulneratus convaleuit, qui prioris Chirurghi turpissimo errore periisset certissimè (e). Quàm horrenda aliquando orta sunt mala, dum caustica acerrima tendinosi & membranosi partibus applicuerunt Chirurghi! Exci-

(a) Les Œuvres d'Ambroise Paré, Lib. X. Chap. xiv. pag. 231.

(b) Hildan. Observ. Chirurg. Cent. I. Observat. 20. pag. 25.

(c) Ibid. Observat. 17.

(d) Ibid. Observat. 15.

(e) Les Œuvres d'Ambroise Paré, Liv. X. Chap. xxxii. pag. 251.



derat barbitonfori tuberculum ad apicem dextri pollicis *Hildanus* : rudis ille sibi persuadens radicem mali nondum esse extirpatam, crudo vulnere non nihil arsenici applicuit : mox dolor ingens, febris, vigilæ, anxietas, animi deliqua, corripuerunt incautum, sic ut de vita periclitaretur : tamen evasit, sicque in propria pelle didicit, in aliena cautius postea mercari (a). Habetur & ibidem aliud exemplum mortis secute, in robusto Helveto, medio ætatis flore, ab imprudenti applicatione arsenici, ad tumorem cancrorum manus carpum obsidentem. Nec solis rudibus in Arte hominibus contingunt errores, sed & exercitatissimi aliquando doluerunt, tanta sibi accidisse. Ut hoc demonstretur, sufficiet solius *Hippocratis* exemplum, qui ingenue fatetur, se deceptum fuisse, dum in capitis vulnere non dislinxerat ossis lationem, putans futuram esse, & hinc crediderat ægrum sectione non indigere, qui decimo sexto die perit, serò nimis adhibita sectione (b). Dum Medicorum Principi tale quid accidere potuit, unusquisque nihil humani à se alienum credat, sed omni curâ adhibita errores prudenter evitet. Si jam talis error à Chirurgo vel Medico commissus detegatur, æquitas jubet ut Judicibus indicetur, ne alieni erroris pœnam luat ille, qui vulnus infligit.

4. Temperie naturali aut morbosâ ægri, vel manifestâ juxta Historiam ejus ægri, vel aliquando adeo singulari, ut nonnisi hoc evenit se manifestet. Quam intentus observet semper in suo rescripto ad Judices consultus Medicus.

Maximi momenti est in vulnere renunciazione ad ipsam temperiem vulnerati attendere; & tamen hoc sæpe vilipenditur omnino. In plurimis locis Publicâ Auctoritate constituti sunt quidam Medici & Chirurgi, qui cadavera occisorum lustrant, & illa, quæ viderunt, ad Judices renunciant. Sed Medicum vel Chirurgum, qui vulnerato adfuit, sæpissime non consulunt, ut ex illis cognoscant, quid de ægri temperie, morbis prægressis, symptomatibus post vulnus inflitum secutis, &c. observatum fuerit. Omnia tamen hæc videntur admodum necessaria esse, ut fidelis fiat de vulnere renunciazione. Multi enim homines adeo faciliè irritabile habent totum systema nervosum, ut levissima de causa spasmo, tetano, similibusque malis corripiantur : alii, dum sanguinem alieno de vulnere exsurgentem vident, in syncopen delabuntur. An non admodum probabile videtur, etiam à levi vulnere in talibus hominibus gravissima symptomata, imò mortem ipsam produci posse? An mors secuta tunc soli vulnere uti causæ ascribi debet? Persarum Rex ludens cum concubina, quam maximè deperibat, pugionis aciem versùs ejus præcordia dirigit, dumque illa nudum pectus simulatis ictibus exponit, stomacho læditur, sed exiguo sanè & oculis vix conspiciendo vulnuscule. Tamen repente prolapsa dicto citius expiravit (c). Præterea in nonnullis morbis circa finem vitæ nihil serè sanguinis superest in corpore : sic in phthisicis post mortem sæpe pauca tantùm uncie sanguinis inveniuntur. Si jam tali homini per leve vulnus pauculum illud, quod superest, sanguinis subducatur de corpore, certa mors sequetur, sed non pendens à solo vulnere,

(a) Hildan. Observ. Chirurg. Centur. VI. Tom. IX. pag. 340. 341.

Observ. 80. pag. 607.

(c) Amæni. exoticar. Engelbert. Kemfer.

(b) Hippocr. Epid. Liv. V. n°. 22. Charter. pag. 12.

Tomus I.

Kk

Notum est, lucem veneream, & scorbutum pessimum, ipsam durissimorum in corpore ossium substantiam sic erodere, ut penitus cariota facta à minima vi frangantur; si ergo in tali casu calvaria levi percussione capitis fracta mortem fecerit, non pendebit hoc à sola causa vulnerante. Sed hæc, & alia similia, cognosci possunt ex illis, quæ in ægri corpore observata sunt, antequam vulnus inflictum fuerit. Fortè longè alia latere possunt, quorum nullum unquam apparuit indicium, & quæ tantum vulneris inflicti occasione manifestantur. Dum enim evolvimus illa, quæ in cadaveribus repentinâ morte extinctorum invenerunt Observatores, videmus sæpe à latentissimis causis uno instanti mortem secutam fuisse; cum tamen nihil in sanitate læsum ullius momenti apparuisset ante mortem. Si jam tali homini paulò ante mortem vulnus inflictum fuisset, perperam adscriberetur vulnere mors secuta, pendens ab alia longè causa. *Fine namque vitæ nostræ variis & occultis causis exposito, interdum quadam immerentia supremi fati titulum occupant; cum magis in tempus mortis incidunt, quam ipsam mortem accersant* (a). Unde in similibus casibus debet renunciari ad Judices, vulnus inventum fuisse tale, ut mors secuta post vulnus, non videatur adscribi posse vulnere ut causæ. Sic suo munere functi sunt Medici & Chirurgi; reliquum ad Judices pertinet.

§. 173. **H**INC renunciatio de Vulneribus, definitio temporis intra quod lethalitas determinatur, peti possunt.

Judices, antequam de pœna percussoribus infligenda decernant, solent Medicis ac Chirurgis committere curam, ut in cadavere occisi inquirent, an mors, secuta post vulnus, à vulnere facta fuerit. Illi accuratè notant, quas corporis partes per vulnus læsas invenerint; deinde communi consilio concludunt, an vulnus fuerit absolute lethale, an verb ex sua natura quidem lethale fuerit, per Artem tamen hodie cognitam mors præcaveri potuisset; denique an vulnus læserit tales partes, quarum integritas non absolute ad vitam necessaria erat, & tamen singulari idiosyncrasi vulnerati, vel incuria, vel neglectu aut errore illorum, qui curæ vulnerati præfuerunt, mors secuta fuerit. Hæc omnia rescribunt ad Judices, & hæc vocatur renunciatio de vulneribus. Apparet hinc, quantâ cautela hic opus sit, dum imperiti sæpe, quando cadaver examinant, non tam lustrant vulnera, quàm faciunt. Quantum fieri potest, inquirendum in figuram & magnitudinem instrumenti vulnerantis; in situm vulnerati & vulnerantis, dum vulnus infligebatur; in symptomata omnia, quæ vulnus inflictum ad mortem usque secuta sunt.

Præterea consideranda sunt omnia illa, quæ vulnerato acciderunt, vel applicata fuerunt, postquam vulnus inflictum fuerat. Tunc denique prudenti sectione investigatur, quousque & per quas partes penetraverit instrumentum vulnerans. Tandemque ex cognito usu partium læsarum concluditur, an mors secuta adscribi debeat vulnere inflicto ut causæ, an non.

Non videtur autem facillè determinari posse, quo temporis spatio lethalitas vulnere limitetur. Plurimis hominibus insedit hæc opinio, quòd si ultra novem dies supervixerit vulneratus, tunc mors postea secuta minimè possit vulnere adscribi; & contrà, si ante hoc tempus moriatur vulneratus, tunc vulnus inflictum fuisse ne-

(a) Valer. Max. Lib. IX. Cap. XII.

cessariò & absolute lethale. Sed arteria major, in brachio vel crure discissa, poterit paucarum horarum spatio, imò & citius, hominem è medio tollere; cùm tamen hoc vulnus non absolute lethale sit, sed per Artem curari potuisset. Sic & effusus in calvaria sanguis, si hæreat tali in loco, ex quo per Artem educi nequit; nec tamen tanta ejus copia sit, ut comprimendo omnem encephali usum statim turbet; potest ibi per septimanas hære, sensim corrumpi, & dein eroso cerebro, cerebello, vel medullâ oblongatâ, mortem facere: & tale vulnus jure merito lethale renunciabitur, licet tam diu supervixerit æger. Si intestinum tenuius integre discissum fuerit in loco non admodum distante à pyloro, poterit vita protrahi per multos dies, donec nutritionis defectu sensim contabescat vulneratus; & tamen tale vulnus erit absolute lethale. Ex quibus satis apparet, nihil certi posse definiri quoad vulnorum lethalitatem ex temporis intervallo, quod vulnus inflitum & mortem secutam intercessit.

§. 174. **E**X Historia pariter vulnorum (ab 145, hucusque) facilis erit prædictio eventuum aliorum, qui (169.) præfagiendi habentur.

Paragraphus 169, agebat de prognosi vulnorum, ibi enim determinabantur illa, quæ vulnere cognito, tanquam sequelæ hujus, præcognosci poterant futura. De vita vel morte vulnerati dictum fuit §. 170. 171. 172. Reliqua circa sanationem possibilem vel impossibilem, facilem curationem vel difficilem, & effectus vulneris post ipsam sanationem superstitis, ex ipsius vulneris natura bene cognita evidenter deducuntur. Dum enim quis ex Anatomicis, doctrinâ usûs partium intellexerit, quænam partes læsæ fuerint, quænam functiones abolitæ vel depravatæ sint, poterit determinare, an curatio possibilis sit vel non, an facilis vel difficilis, an aliquid læsum manebit in functionibus post sanatum vulnus, &c. Exemplo res patebit. Si vulnus inflitum fuerit dorso manûs, novit Medicus ex Anatomicis tendines musculorum digitos extendentium hic locari, jubet vulneratum digitos erigere; si jam videat, quòd indicem omnino erigere nequeat, concludit, tendinem, ex unitis tendinibus musculi extensoris communis & indicatoris dicti musculi constatum discissum esse: si jam possibile sit, tendinis dissecti extrema posse iterum adduci, & uniri sibi invicem, curationem difficilem, integram tamen, promittere poterit. Si verò hoc fieri nequeat, turò prædicet, curato vulnere indicis erectionem abolitam fore semper, nec ulla Arte restitui posse. In similibus præfagiendis cautum inprimis esse oportet & Medicum & Chirurgum, quia omnia mala, quæ post curationem vulneris remanebunt, illis adscribentur, nisi antea præmonuerint, hæc certò remanens, vel saltem metuenda esse.

§. 175. **P**HENOMENON autem (158. 159.) causa patet perito actionum vitalium, & animalium. *Vide Morbos Solidorum & fluidorum in genere præmissos.*

Omnia hæc in paragraphis citatis ad singulos numeros explicata fuerunt; summum tantum hæc repetere sufficiet. Patuit enim 1º. quòd illa vis, quâ cohercebant

K k ij

partes unitæ, pergens agere retrahat utrumque extremum; hinc necessariò augebatur vulneris hiatus, eò magis, quò firmior fuerat antea partium cohesio : hinc in robustis & exercitatis hominibus vulnerum labia omnium maximè à se mutuo recedunt. 2°. Minutà causà distendente vasa, per liberum sanguinis effluxum ex iisdem vulneratis, propria contractilitas vasorum prævalebat sensim magis & magis, donec integre ferè clauderentur. 3°. Sanguinis autem nostri talis indoles est, ut extra vasa dimissus citò concresecat, unde à sanguine extravasato, dissipatà simul liquidissimà parte, crusta talis sanguinea vulneris cavo innascebatur. 4°. Contractis autem vasorum discissorum aperturis, crassissima pars retinetur, tenuior adhuc pergit effluere; unde liquor dilutus rubellus effluit, postquam sanguinis fluxus desinit. 5°. Cùm autem vasa sanguinea discissa sic contrahantur, ut non ampliùs sanguinem rubrum dimittant, idem fiet in serosis, lymphaticis, & aliis decreescentium vasorum seriebus; unde nascetur horum vasorum obstructio, & vitallì impetù à tergo urgente in obstructis vasorum fines, fiet horum dilatatio, & omnia quæ inde sequuntur, ut inflammatio, dolor, &c. Intecim laxa pinguedinis membrana, cutis coercentis vineulo libera in vulneris loco, sponte assurgit in vulneris fundo, dilatabitur, & prominebit, labia vulneris retorquebit, &c. 6°. Si autem vulnus fuerit alicujus momenti, à dolore & inflammatione fundi & laterum oriatur febricula, quæ suppuratoria Chirurgis dicitur: quæ si non nimis vehemens fuerit, semper boni ominis est. 7°. Hinc tunc labia & fundus vulneris antea sicca & inflammata sub hac febricula incipiunt humescere, tenue liquidum fundere, quod morà & calore mutatum, dissipatà parte liquidissimà in blandum, spissum, cremoraceum quasi humorem transit, pus dictum. 8°. Simul extrema vasculorum inflammatorum officia, unà cum immeabili liquido obstruente, separantur, unà cum humoribus effusis miscentur, & pus constituunt, sic vasis iterum liberis redditis, separato omni illo, quod vitali humorum circuitu resisteret, liber fit humorum transitus; calor, dolor, tumor, &c. cessant, vel minuuntur plurimùm. 9°. Puris sic redditus per suppurationem fundo & labiis vulneris, natura, quæ sibi sola sufficit, à fundo sursum, ab ambitu versùs centrum extendit vasorum extrema, occurrentibus aliis unit, sicque restituit illa, quæ in vulnere de corporis substantia perditæ erant. 10°. Incipiunt dein margines vulneris album subcærulecentem colorem induere, siccari, cicatricem facere, quæ ab omni ambitu centrum versùs aucta quotidie, tandem vulnus claudit: tunc sanatio perfecta est.

§. 176. **T**UNICÆ arteriarum exteriores, illasà interiori, punctæ; sectæ, tuxæ, distractæ, erosæ, impetu sanguinis dilatantur, saccum formant, qui ad ovi sæpe magnitudinem crescit; callosos parietes accipit; pulsar; colore rubello splendet; compressus evanescit; laxatus redit; suam arteriam ampliat; vicina vasa comprimendo angustat. Aneurysma verum vocatur (160), cujus causa, signa, effectus sponte cernuntur. Atque eo quoque refertur cordis aneurysma, ejus ortus, signa, & effectus.

§. 159, & 160, dictum fuit, quænam sequantur mala, quando arteria integre discissa est, vel quando vulnus in cavum usque arteriæ penetrat, licet illam inte-

gre non disciderit. Hâc paragrapho expenduntur illa mala, quæ metuenda sunt, quando arteriæ sic vulnerantur, ut vulnus non penetret in illarum cavum, sed tantum tunicas exteriores dividat. Constat enim ex Anatomicis, arterias, majores imprimis, satis crassas habere tunicas, quarum exterior plerumque communis membranæ cavum corporis, per quod arteria pergit, investientis propago est, cui cellulosa tenuis subjacet, per quam vasa plurima, arteriarum nutritioni inservientia, decurrunt: huic glandulosa dicta supponitur, fortè prioris pars: tunc sequitur muscularis tunica, crassa & fortis, in plures lamellas separabilis, orbicularibus fibris constans: ultima, internum arteriæ cavum constituens, tenuis est, fibris longitudinalibus conflata.

Dum sanguis vi cordis in arterias semper plenas pellitur, observatur manifestè illas dilari per totum ambitum æquabiliter: firmitas tunicarum arteriarum constituentium resistit nimie dilatationi: & cessante cordis actione vi orbicularium imprimis fibrarum contrahuntur iterum in pristinam dimensionem. Si jam in quodam arteriæ loco, separatâ cohæsione imprimis fibrarum orbicularium (nam læsio tunicæ externæ & cellulosæ videntur minùs periculosa) minuatur firmitas laterum, causa distendens manens eadem illo in loco plùs dilatabit arteriam, mutabit æquabilem figuram conici canalis, expandet locum illum debilitatum in saccum: tunc vocatur *Aneurysma verum*, propriâ vocabuli vi designans tantum dilatationem arteriæ.

Causa ergo aneurysmatis est omne illud, quod cohæsionem tunicarum in quodam arteriæ loco minuit: & Observata docuerunt, hoc imprimis accidere dum arteriæ sunt *punctæ* vel *sectæ*, uti sæpiissime constitit. Dum enim vena secatur, accidit aliquoties, ut adiacens arteriæ ramus lanceolæ cuspidè simul vulneretur: paucis diebus postea incipit tunc emergere tumor cutim elevans, pulsans manifestè, auctus quotidie, nisi in initio circumductis fasciis & splenio applicato compescatur.

**TUSÆ.** Et hoc observatum fuit, validam contusionem arteriæ produxisse aneurysma. Homo 45 annorum sanus & fortis, cum per publicam viam incederet, fortuito à quodam ex ludentibus spherâ buxâ vehementer percussus fuit in hæva dorsi parte; domum redux partem læsam diligenter observari curat; præter contusionis indicia nihil mali invenitur, sed mansit per quatuor annos leviter molestus tantum in loco percusso sensus. Post tantum temporis intervallum, incipit conqueri de profunda pulsatione in illo loco, sensim auctâ, quæ cordis ictibus responderet: paucorum mensium spatio elevatis & corrosis costis, cum dolore acerbissimo luctabatur æger. Audacissimus empiricus persuasit misero, profundum latere abscessum, aperuit locum, undatim profuso sanguine illico mortuus est (a). Similem casum vidi, ubi à sola contusione aneurysma ortum fuerat. Homo pusillæ staturæ, vespèri per tenebras incedens, palo impingit validissimè dextrum pectus: acerbum dolorem se in suprema pectoris regione sensisse testabatur, qui tamen brevi postea cessabat. Post aliquot menses insolitam pulsationem incepit sentire sub dextra clavicula, sensim auctam; à minimo corporis motu anhelabat, imò sub finem vitæ ferè suffocabatur: sic per annum languens subitò periit. In cadavere vidit, arteriam subclaviam dextram in saccum ingentem dilatatam, sic ut aneurys-

(a) Lanciscus de motu cordis & aneurysmatibus, pag. 235.

maris hujus membrana chartæ tenuitatem superaret, & per illam pellucidam contentus sanguis conspici posset: levi vulnere inflicto, ingens copia sanguinis concreti erupit.

**DISTRACTÆ.** Plurima talia occurrunt apud Observatores Exempla, dum post validos nixus, pondera ultra vires sublata, sternutationem, tussim validam, &c, arteriæ distractæ in aneurysmaticos saccos degeneraverunt. Unicum Exemplum adduxisse sufficit. In venatu homo subitissimè caput in dextram partem flexit, & nonnisi magna cum difficultate illud potuit reducere; ab illo momento languit semper, deglutione, & respiratione multùm impeditis. Post quindecim menses elapsos moritur: in cadavere reperitur aorta admodum dilatata, & ingens saccus aneurysmaticus in arteria subclavia dextra (a). Equi illi, qui in magnis emporiis, trahis illis tam magna pondera vehunt, & per acclives pontes soleis ferreis, eminentibus aculeis donatis, tantà vi ascendere coguntur, sæpissime in cruribus posterioribus habent aneurysmata, varicosos venarum tumores. Simile infortunium & in bajulis frequenter observatum fuit.

**EROSÆ.** Novimus, in morbis adeo degenerare posse humores, ut acerrimi facti durissimas etiam partes corporis erodant. Scorbuto durissimi eroduntur dentes; lues venerea maxima & fortissima etiam corporis ossa in cariem convertere potest; cancrum virus vicina omnia dirà tæbe peredit. Sic in scorbuto videmus toties; exesivis vasis, effusum sub corporis integumentis sanguinem lividas illas maculas facere; imò toties lethales inde factas hæmorrhagias notant Auctores. Intelligitur hinc facili, tunicas majorum arteriarum sic erodi posse, ut in saccum aneurysmaticum extendantur. Bina talia habentur apud *Lancisium* (b) Exempla, ubi tumor venereus claviculam occupabat, & vicinâ arteriâ subclaviâ erosâ, aneurysma nascebatur.

A quacumque jam ex enarratis causis arteria in quodam loco debilior facta fuerit; illo in loco plùs cedit distendenti sanguini, & expandetur, cùmque singulis cordis ictibus causa illa distendens applicetur de novo huic loco debilitato, augebitur aneurysmatis capacitas, unde in immanem molem sæpe aneurysmata expanduntur, inprimis si in magnis arteriarum truncis fiant. Sic vidit *Ruyfchius* (c) hominem, qui in pectore gerebat sponte factum aneurysma tantæ magnitudinis, ut pulvinar mediocre, quo in sedili utimur, (demptis quatuor angulis, rotundum enim erat,) æquaret. In cadavere apparebat, aortam tribus digitis transversis supra cor, in tam magnum aneurysma degenerasse. In maximis aneurysmatibus sæpe apparuit, membranas extensi talis sacci esse crassissimas, cùm potius videretur distracta membrana tenuior fieri debere. Hoc autem videtur fieri, quia sanguis in dilatatum hunc saccum aggregatus, in poliposas concrevit massas, quæ applicatæ tunicæ arteriæ dilatatæ illius crassitiem immaniter possunt augere: sic in ingenti illo aneurysmate vidit *Ruyfchius*, innumerabiles tunicas, crassas, carnosas, satis tenaces, & sibi invicem impositas auxisse crassitudinem membranæ, sic ut inter has tunicas sanguis copiosus & coagulatus delitesceret: exterior tamen tunica, quæ aortæ dilatata membrana erat, straminis tantùm crassitiem habebat, omnis reliqua moles à concretionibus illis poliposis pendebat.

(a) Acad. des Sciences, l'an. 1700. Hist. pag. 50.

(b) De motu cordis & aneurysmat. p. 256.

(c) Observat. Anatom. Chirurg. Centur. Ovi servat 38.

Quæritur quàm maximè, quibus signis cognosci possit, & ab aliis tumoribus distinguui, aneurysma; cùm Observata plurima docuerint, satis cæteroquin peritos hîc turpissimè erravisse, & imprudenter pertuso aneurysmate pro remedio mortem intulisse. Cognoscitur adeste, si causæ memoratæ prægressæ fuerint, tumor dein oritur in tali loco, ubi per Anatomem novimus magnam arteriam adeste; si pulsus manifestus in tali tumore percipiarur; si leni pressione evanescat vel minuatur plurimum, mox redeat ad pristinam magnitudinem, ubi pressio cessat. Notandum autem, colorem cutis rardè mutari ab aneurysmate, nisi diu duraverit, & magnum valde fuerit; tunc enim erosa, vel per distractionem attenuatà cute, color ruber conspicitur. Præterea pulsus in aneurysmate incipiente & parvo semper adest; ubi in majorem molem excrevit, sæpe pulsus non animadvertitur, partim ob crassiores factas aneurysmatis tunicas, partim quia impetus sanguinis à corde propulsi non adeo validè agere potest in magnum aneurysma, ut illud elevetur singulis cordis ictibus. Dum autem comprimitur aneurysma, inprimis si magnum fuerit & cordi vicinum, nisi lenissimè & sensim fiat, summum discrimen est, ne subito suffocetur æger; dum concretus sanguis ex aneurysmatis cavo expressus sanguini ex corde per arteriam pulso sic resistit, ut cordis motus suffocetur subito: nec magnum Aneurysma compressum manu simul, & semel liberandum est, sed sensim; aliter in animi deliquium cadunt, sanguine subito in vacuum hunc saccum ruente. Ideo compresso aneurysmate majori, statim ægri de intolerabili oppressione circa pectus conqueruntur. Ubi autem aneurysma in interioribus latet, difficiliùs cognoscitur. Causæ tamen cognitæ si prægressæ fuerint, insolita pulsatio percipiatur ab ægro, cordis motus turbetur, & auctà sanguinis velocitate per motum muscularem, vel aliam quamcumque causam, suffocetur ferè; admodum probabilis suspicio habetur, aneurysma in interioribus corporis partibus latere.

Mala autem producta ab aneurysmate pendent inde, quòd tumore suo vicina comprimendo illorum actionem turbet vel impediat, quòd arteriæ cavum mutet, & æquabilem sanguinis circuitum per illam tollat; unde & cordis actio tandem multum impeditur. Hinc apparet, diversissimos morbos ab aneurysmate posse fieri; omnia ramen mala inde orta semper eò pejora fore, quò aneurysma majus, & cordi magis vicinum fuerit.

Altera malorum, ab aneurysmate factorum, origo pendet ex eo, quòd liquidum in sacco aneurysmatico contentum incipiat degenerare. Sanguis enim in aneurysmate majore ferè quiescit, saltem tardius movetur: hinc minus atteritur, minusque calet; sicque nascitur dispositio ad illam sanguinis degenerationem, quæ sit à minuto motu & calore. Incipiunt nempe nasci polyposæ concrectiones; quæ semel natæ habent vim associandi sibi ex sanguine affluente similes partes ad augmentum prioris massæ, ut dictum fuit (§. 52. n°. 2.). Unde in majoribus aneurysmatibus dissectis, sæpe non invenitur multum sanguinis, sed mira sæpe rexura polyposa ex sanguine stagnante nata, quæ debilem tunc arteriæ locum suæ substantiæ applicatione sic firmat, ut non tam citò rumpatur, sic ut sæpe diu vita adhuc sustineri possit. Tandem illud ex sanguine concretum, unà cum sanguine inter lamellatam polyposam substantiam stagnante, incipit corrumpi, acrimoniam solventem acquirere adeo mirabilem, ut vasa vicina, membranas, cartilagine, ossa durissima consumat penitus. Historiæ Medicæ plenæ sunt talibus Observatis. *Ruyshius* in Observatione paulò antè memoratâ invenit, ab ingenti illo aneurysmate,

omnes ferè costas, & sterni os, in nihilum fuisse quasi redacta. Dum autem sanguis corruptum illud, in sacco expansi aneurysmatis hærens, continub præterlabitur, incipit putrida cacochymia nasci; unde febris hæctica sensim corpus depascens oritur. Talem enim habuisse exitum magna aneurysmata, constat ex Observatis Medicis; nisi suffocata circulatione, vel rupto aneurysmate, perierint ægri, antequam contenta in hoc sacco ad illam malignitatem pervenerint.

Subitanæ tamen mortis periculum inflat, à ruptura talis sacci aneurysmatici, sic enim minuto temporis pereunt, ubi minimè cogitatur. Memorabilis talis habetur casus (a). Militi post violentam tussim tumor oriebatur in parte inferiori, & anteriori colli, immediatè supra sterni emarginationem: mollis erat, rotundus, sine colore cutis mutato; pulsabat, cedebat digito prementi, mox rediens eblatâ pressione. Per sex septimanas tantùm gesserat hoc aneurysma, inopinatò undatim prorumpente per os sanguine, intra spatium unius minuti horæ perit. Post mortem omnis tumor colli evanuerat, & inveniebatur aneurysma, trachææ adhærens, per foramen inter sextam & septimam cartilaginem asperæ arteriæ patulum, sanguinem in cavum trachææ effudisse.

Dum aneurysma in interioribus corporis partibus hæret, ubi non datur manibus accessus, angusta spes curæ est: totum quod fieri potest, est ut debilitatâ vitâ per venæsectiones, & tenuem dietam, minuatur circulationis impetus & velocitas; sic enim aneurysmatis incrementum prohibetur, quantum fieri poterit; summâ simul quiete corporis & animi imperatâ ob eandem causam. Ubi manibus accessus datur, si nondum in formidabilem magnitudinem increverit aneurysma, à prudenti compressione aliquid sperari potest: ubi tunc notandum, quòd maximè conducat arteriam supra aneurysma pariter modicè comprimere: sic impetus sanguinis per hanc arteriam minuitur, & compresso aneurysmate non tam facilè sanguis regurgitabit cor versùs. Ubi à compressione nihil sperari potest, vel frustra jam adhibita fuit: sola aneurysmatis exstirpatio superest, quam feliciter insitui posse, docuerunt Observata. Talem casum narrat *Ruychius*, ubi felix eventus fuit, licèt brachium jam gangrænâ corruptum esset (b).

ATQUE EO QUOQUE REFERTUR CORDIS ANEURYSMA, EJUS ORTUS, SIGNA; EFFECTUS. Cordis aneurysma vocatur præternaturalis dilatatio cavitatum ejus: qui morbus satis crebrò occurrit, licèt fortè non adeo exactè descriptus fuerit. Facilè concipitur, quòd omnia illa mala possint & cordi contingere, quæ arterias reddunt aneurysmaticas, tunicis illarum exterioribus per vulnera, contusiones, distractiones, erosiones, destructis vel labefactis. Observationes enim, in cadaveribus factæ, docuerunt, vulnera huc penetrasse; inflammationes, suppurationes, erosiones, &c. hic inventas fuisse. Nauta post febrim continuam, hæmopyrin, difficilem respirationem, tandem post diras toleratas anxietates moritur. In cadavere inveniuntur pulmones pure crasso infarcti; pericardium sanguine grumoso sic distentum, ut dimidium thoracis spatium expleret. Cordis substantia exterior ubique exulcerata, & quasi à vermibus profundè exesa. Imò cor adeo defiguratum apparuit, ut nec auriculæ inveniri, nec vasæ egredientia majora facilè discerni poterint (c). Sed præter has causas, alia adhuc occurrunt, à quibus frequentius

(a) Académ. des Sciences, l'an 1733. Mém. | servat. 2.  
pag. 153.

(b) Observ. Anatom. Chirurg. Centur. Ob- | (c) Acta Physico-Medica, &c. Tom. II:  
pag. 47.



nascitur cordis dilatatio præternaturalis. Cordis enim actio in hoc consistit, ut receptum ex venis in cava sua sanguinem validâ contractione urgeat in arterias totum, sic ut singulis cordis contractionibus integre evacuentur cordis cava. Debet ergo cordis vis superare posse resistentiam arteriarum: si autem à quacumque causa auctæ fuerint hæ resistentiæ eò usque, ut cordis vires superent, non poterit cor evacuari integre, accumulabitur sanguis sensim in cordis cavis, quæ inde dilatabuntur. Sed in corde observatur illa mirabilis proprietas, quâ etiam post mortem, aquâ tepidâ vel flatu solo per venas pulsus in ejus cava, excitatur in contractionem: ideo sanguine non integre expulso ex cavis ejus, irritatum cor frequentius contrahitur, ut expellat contenta, uti evidenter apparet in ultima illa mortis lucta, quando cor non amplius valet in arterias sanguinem expellere, tunc enim celerrimè palpitat, donec tandem insuperabili victum obstaculo quiescat. Dum autem validis illis & frequentissimè repetitis nixibus cor superare tenet has resistentias, fibræ constituentes latera cavorum cordis distrahuntur validissimè, dum contentum cavis fluidum, non potens exprimi, compressum instar durissimi corporis resistit: hinc debilitatur fibrarum nimis distractarum cohesio, unde augebitur dilatatio cordis in suis cavis.

Apparet ergo, quòd non requirantur adeo magnæ causæ ut cor aneurysmaticum fiat, dum enim cordis vis potest superare resistentias arteriarum, manet æquè magnum in suis cavis; simulac prævalent resistentiæ hæ cordis viribus, incipiunt dilatari ejus cava.

Potest jam hæc cordis dilatatio fieri vel in solo dextro cavo, impedito libero tranfluu sanguinis per arteriam pulmonalem: vel poterit hoc fieri in corde sinistro, posito impedimento quocumque in arteria aorta: vel dum bina hæc simul concurrunt, dilatatio fiet in utroque cordis cavo simul. Notandum tamen hoc est, quòd, impedimento nato in pulmonari arteria, cor dextrum solum præternaturaliter distendi posset, corde sinistro non mutato in sua capacitate: ubi verò cor sinistrum non valet expellere suum sanguinem, non poterunt venæ pulmonales depleri in cor sinistrum; hinc nec arteriæ pulmonales tradere possunt suum sanguinem venis pulmonalibus: augebitur hinc resistentia cordi dextro, unde & illud ab iisdem causis poterit dilatari. Accedit, quòd cor dextrum, longè debilius sinistro, cedat facilius causis distendentibus; unde, cæteris paribus, frequentius dilatabitur, & in majorem capacitatem poterit distendi.

Plurima jam Observata docuerunt, in cadaveribus cor sic dilatatum inventum fuisse: pauca annotasse sufficiet. Puer jam à quinto ætatis anno assthmate correptus laboraverat, plurimis incasum adhibitis, usque ad decimum quartum ætatis annum miseram protraxit vitam, tandem suffocatus perijt. In cadavere cor invenitur accretum pericardio, & cavum utrumque cordis immaniter auctum (a). Juvenis post enormes cordis palpitaciones moritur, sinistrum cavum cordis invenitur triplò majus dextro cavo (b). Ibidem & ex *Dionysio* habetur, quòd auricula dextra inventa fuerit adeo dilatata, ut recens nati infantis caput æquaret. Homo 34 annorum post validas & diuturnas palpitaciones cordis moritur, invenitur cordis ventriculus immaniter dilatatus, in sua substantia tamen æquè crassus, ac naturaliter esse solet. Aorta erat ossea facta in ipso egressu ex ventriculo cordis sinistro

(a) Medical. Effais vol. 1. pag. 313.  
Tomus I.

(b) Abridgement, Tom. V. pag. 119.  
LI

(a). Vir 25 annorum, cursor, pallidus, anhelofus, subitâ laborat angina, à qua sanatur quidem, sed manet spirandi difficultas, & cordis palpitatio sæpe recurrens, imprimis cùm citato gressu procederet: tandem subitâ morte exlinguitur. In cadavere invenitur cor triplò majus, quàm naturaliter esse solet; ablato pericardio, & expresso omni cruore, libras duas cum dimidia in lance pendens (b): tamen in hoc homine sinistrum cor dextro duplò latius erat.

Omne ergo illud, quod resistentias sanguini ex cordis cavis pulso auget, poterit præternaturalem cordis dilationem producere. Nimia humorum copia in plethoricis, augmentum velocitatis in morbis acutis, immeabilitas sanguinis per arteriarum fines à diathesi inflammatoria, polyposa, atrabilaria, &c; vitia arteriarum, per quæ liber sanguinis transitus per illas impeditur, ut sunt illarum nimia callositas, degeneratio in cartilagineam, imò ossæam substantiam, aneurysmata, &c; præcipuæ causæ sunt à quibus cava cordis ultra naturalem suam dimensionem dilatantur. Inter rariores autem causas meretur referri, quòd aliquando aer in cordis cavis repertus fuerit, immaniter illa distendens. In muliere subitò mortuâ, aperto thorace, cor stupendæ erat magnitudinis ab aere, quo plenum erat, absque ullo serè sanguine, id quod palam factum cuspidè cultelli; eâ enim adaptâ tam subito subsidebat cor, ac vesica aere repleta, & cu pîde cultelli attacta (c). An forte calore aucto, per velocissimum animalem motum, vel per morbos, sanguis acrem contentum dimittit, qui in cavis majoribus collectus & rarefactus distendit omnia?

Malum hoc præfens, vel saltem metuendum esse, novimus, si continuæ palpitationes cordis adsint; si signa docuerint, pulmonem impeditum esse sic, ut libere non transmittat sanguinem: si pulsus durus valde & plenus cum anxietate intolerabili ad motum auctum adsint; tunc in aorta obstaculum tale hæere non sine ratione concluditur.

Turbatur tunc miris adeo modis circulatio, oriuntur tam varia & tam stupenda phenomena, ut naturæ leges superare videantur: pulsus vacillat omni modo, nunc deficiens, nunc iterum validissimè insurgens, respiratio difficillima fit; terribiles sæpe convulsiones oriuntur, dum cor quiescit, & paulò post validissimo spasmo contrahitur: sic enim uno momento sanguinis motus per arterias encephali cessat, mox velocissimus fit, unde turbatur tam mirificè spirituum secretio & motus. Omnes sæpe sensus externi & interni turbantur, intolerabilis anxietas, & frequentissima fit lucta vitæ cum morte; donec tandem hæc tantis malis finem imponat.

Simul apparet, quare post asthma diu toleratum, morbos inflammatorios validos pectoris, &c; sæpe tam luctuosa mala supersint.

Ubi natum fuit hoc malum, nihil serè boni sperari potest; semel enim natâ debilitate cordis, necessariò augetur difficultas removendi obstaculum; unde crescit atrox malum, & augentur omnia symptomata, imprimis si vita fuerit ætuoosior.

Totum, quod Ars efficere poterit, est, ut mall incrementum differat aliquatenus, & tolerabilem magis vitam reddat miseris. Hoc fiet, si vita instituaturs adeo

(a) Acad. des Sciences, l'an 1735. Hist. 117. 118. pag. 19.

(b) Lanciscus de subitaneis moribus, pag.

(c) Ruyfch. Epist. Problem. XVI. pag. 11.

quieta, ut non fiat major motus cordis, quàm qui ad vitam continuandam omnino est necessarius: absoluta hinc mentis & corporis quies requiritur. Debet ingeri magna copia potus tenuissimi, serum lactis, hydrogala mellita, aquæ Spadanæ cum lacte, præcipua sunt. Cibus parvus, blandus, tenuis, repetitis vicibus parca quantitate exhibeatur, ut parum blandi chyli sanguini misceatur, & omnia stimulantia evitanda sedulo. Medicamenta dentur talia, quæ diluunt sanguinem, aperiunt vasa, lubricant vias; ut expeditissima fiat humorum dilutorum per vasa lubricata & aperta circumductio.

§. 177. **SI** ab iisdem causis, similiter vulnerata arteria, curata, debilius firmatur, eadem fiunt (176).

Dum in ardentissimis morbis, pertinacissimis & chronicis (maximè capitis) doloribus, arteriam temporalem secant Chirurghi, maximam semper curam adhibent, ut arteriæ vulnus, postquam debita copia sanguinis effluerit, impositâ lamellâ metallicâ, vel simili, quocumque sic firmant, ut sanguinis impetus, arteriam singulis cordis ictibus distendens, non possit incipientis cicatricis rudimenta extendere ultra æquabilem arteriæ dimensionem, & aneurysma facere: quæ compressio arteriæ vulneratæ si negligatur, ferè semper tale malum fiet. Frequenter hoc observatum fuit, dum infelici casu in flexura cubiti unâ cum vena pertunderetur arteria vicina, nec idoneâ pressione firmaretur hoc vulnus: quod etiam multò difficilius hic fit, quàm in temporibus, ubi arteria læsa ad duram calvariam sic premi potest, ut nullus maneat aneurysmatis futuri metus. Unde satis tutò in hoc inprimis loco instituti potest arteriotomie, à qua forte nimis abhorrent sæpe Medici, cum tamen à perito Chirurgo sine discrimine fieri posset, & aliis remediis frustra tentatos debellaverit sæpissime morbos, ut plurimis Observatis demonstravit Severinus (a). Videantur & illa, quæ dicta sunt de aneurysmate ex hac causa nato in *Commentariis* ad §. 160.

§. 178. **UBI** ab iisdem causis (176.) omnes tunicæ simul ruptæ liquorem effuderint in partes vicinas distentas, nec exeuntem, sit collectio extravasati cruoris, continenter aucta, & sine mensura, mollis, vix pulsans, livida, compressu vix evanescens, brevi putrescens, hinc gangranam vicinorum creans. Aneurysma spurium est, (160.) cujus causa, signa, effectus ex ipsâ hac descriptione cognoscuntur.

Si jam arteria sic læsa fuerit, ut solutâ cohesione laterum, contentus arteriæ cavo sanguis possit exire; cute tamen integrâ, vel ejus vulnere per pinguedinem, aut sanguinem coagulatum occluso, coerceatur effusus ex arteria sanguis; ille viam sibi faciet in panniculo adiposo, quem replebit, & in maximum sæpe tumorem attollere poterit; sanguine enim continuò expulso per arteriam ruptam, augebitur distendens moles, donec cutis cedere amplius nequeat, vel vicinæ partes impediunt

(a) De efficaci Medic. Lib. I. Part. II. pag. 40. & seq.

ulteriorem sanguinis in panniculo adiposo collectionem; vel coagulati sanguinis thrombus arteriæ læsæ aperturam claudat. Post validas contusiones sæpe maximè tales tumores oriuntur, lividi, imò sæpe omnino nigri, à sanguine extravasato & coagulato per cutim pellucente. In scorbuticis, erosis vasis, similia sæpe mala apparent: sed cùm in minoribus arteriis hoc plerumque fiat, non adeo in tumore attollitur pars, sed maculæ planæ nigricantes nascuntur. Quàm enotmes autem inde nasci possint tumores, unico Exemplo demonstrasse sufficit. Juvenis septemdecim annorum vulnerabatur sclopeti globulo femur penetrante, ad cæto digitorum transversorum distantiam ab inguine. Mox aderat valida hæmorrhagia, quæ apparatu Chirurgico imposito coerceretur: sequenti die apparebat ingens tumor cum pulsu tam valido, ut ambas manus impositas attolleret: sanguis interim per vulnus ad tres vel quatuor uncias sæpe effluebat, dein sponte iterum sistebatur. Sic ad quadragesimum usque diem ab inflicto vulnere res se habuit. Communi tunc consilio, licet febris & collapsæ vires ægri summum indicarent periculum, conclusum fuit locum affectum aperiendum esse, & arteriam vulneratam ligandam, ut coerceretur hæmorrhagia. Inciso loco, ingens grumosi sanguinis moles in conspectum venit, quam propriis manibus Severinus abstulit, pondere sex libras æquantem: mox arteria vulnerata, hoc pondere comprimente liberata, cum saltu sanguinem emisit. Peritissimus Chirurgus femilaceram arteriam ligavit utrimque, & post sex hebdomadas vulneratus integre sanatus fuit, sic ut femur vulneratum nec mole minus; nec robore debilius manserit (a). Docet hæc Historia, quàm immensi copiam sanguis possit colligi in panniculo adiposo, & quàm longo tempore extravasatus sine corruptela maneat, modò aer non detur liber aditus.

Quia jam tumor talis quædam habet communia signa cum aneurysmate propriè dicto, ideo vocaverunt eodem nomine; ut tamen distinguerent, dixerunt *Aneurysma spurium*. In vero enim aneurysmate tunicæ arteriæ debilitatæ quamvis, manebant tamen coherentes, & sanguinis impediabant exitum; in spurio autem ruptæ tunicæ sanguini liberum concedebant. Vocabulo minùs ambiguo utebantur Veteres, dum tale malum appellabant *τεχνημα*, quam plerumque unà cum contusione & ruptione incidere dixit Galenus (b); quamvis & per anastomosen, diapedesin, & anabrosin aliquando fieri moneat. Tumores minoris molis, ab effuso sub cute integra sanguine, hoc nomine adhuc hodie solent vocare Chirurgi: si à majori arteria lacertata tumor insignis molis fiat, inprimis si aliquis pulsus in tali tumore percipiatur, solet aneurysma spurium vocari.

Aneurysmatis mentio non fit apud Hippocratem, quantum novi; sed definitio aneurysmatis, quam Galenus habet (c) potius conveniret spurio hodie dicto aneurysmati. Dicit enim: *At verò arteriæ adaperiæ affectus, aneurysma vocatur: fit autem quum ipsius vulnerata circumposita cuis, ad cicatricem quidem pervenit; manet autem vulnus, arteriâ nec coeunte, nec conglutinata, nec carne obstructâ*. Signa tamen, quibus hunc affectum distinguit ab aliis tumoribus præter naturam, potius aneurysmati vero conveniunt. Addit enim: *Dignoscuntur sanè hujusmodi pathemata pulsibus, quos edunt arteriæ; verùm quum etiam comprimuntur, tumor omnis deliescit*.

(a) Ibid. pag. 51.

(b) Method. Med. Lib. IV. Cap. 1. Charter. Tom. X. pag. 70.

(c) De Tumoribus præter naturam. Cap. XL. Charter. Tom. VII. pag. 319.

*cit, substantiâ, quæ ipsum efficit, in arterias recurrente; quam alibi ostendimus, ænuem & flavum esse sanguinem quempiam, undè cum spiritu tenui & copioso permixtum: hic verò sanguis longè calidior est illo, qui in venis continetur, & vulnerato aneurysmate erumpit, ut vix fisti possit.*

Causa ergo aneurysmatis spurii poterit esse omne illud, quod continuitatem laterum canalis arteriosi solvit, integrâ interim manente cute; vel saltem sic obdurato cutis, si adsit, vulnere, ut sanguinis effluentis liber prohibeatur exitus: unde in cellulosam tunicam aggestus, tumore distendit partem.

Maximi autem momenti est distinguere aneurysma spurium à vero; unde signa illa accuratè cognosci debent. Novimus aneurysma spurium adesse, ex causis prægressis, inprimis validis contusionibus, quod longè velocius fit tumoris incrementum in aneurysmate spurio, quàm in aneurysmate vero. Deinde quod tumor non ita distendit limitibus circumscribatur, quia per tunicam cellulosam quaquaversum dispergitur, in aneurysmate vero autem dilatatis arteriæ tunicis limitatur tumoris ambitus. Præterea aneurysma verum, saltem in initio antequam in formidabilem molem excreverit, manifestum pulsus, arteriæ pulsibus respondentem, habet; aneurysma spurium non adeo manifestum, licet tamen hoc aliquando fallere posset, uti in Historia ex Severino modò allegata patuit. Aneurysma verum, nisi jam maximum fuerit, si prematur, omnis tumor evanescit, sanguine pulso in arteriæ cavum: hoc, in aneurysmate spurio, non ita fit; illud enim pressum cedit quidem, sed tumor tunc in vicinia augetur. Deinde color cutis in aneurysmate vero, saltem in initio, rarè vel nunquam apparet mutatus; in aneurysmate spurio sanguis sub cute effusus, alieno colore cutim deturpat.

Effectus aneurysmatis spurii præcipui sunt, quod effusus sanguis mole suâ aliena loca occupans vicinarum partium actionem impediat, & tandem morâ corruptus talem possit acquirere acrimoniam, quâ inflammationes, gangrænas, & erosiones pessimas faciat. Si autem aeris accessus prohibeatur, diu incorruptus manere potest effusus sanguis, inprimis si talia applicentur fomenta; quæ putredini quàm maximè resistunt. De his autem, & de cura similium malorum dicitur §. 334, & sequentibus.

§. 179. **A**LII effectus arteriæ dissectæ majoris (161) ex Physiologia sponte intelliguntur, ut & phænomena (162) primò nervi dissecti.

Omnia hæc explicata sunt in Commentario §. 161. 162.

§. 180. **U**T verò clara causa habeatur mirabilium effectuum, qui in nervis punctis vel partim dissectis apparent, juxta dicta (163. 164. 165.) sequentia consideranda ex Anatomicis, & Theoreticis.

Nihil magis mirabile habetur in Observatis Medicis, quàm quòd in homine sanissimo levis punctura nervi turbet omnia in toto corpore sic, ut nihil de pristi-

na sanitate superfit. Immanis enim dolor, acutissima febris, deliria, convulsiones, inflammationes, suppurationes molestissime, gangræna, mors ipsa sequuntur aliquando leve adeo vulnusculum. Sed & tota Historia Medica docet, mutatione levissimâ nervis inductâ, aliquando turbari mirificè omnes corporis actiones.

Tirillatio v. gr; ad plantas pedum quantas potest inducere mutationes! Subsiliunt illico omnes ferè musculi & tendines totius corporis; invito risus extorqueatur; resolvuntur statim omnes vires; atque etiam convulsiones, & mortem ipsam, à tam levi causa secutam fuisse constat. Imò semel hanc molestiam experto tirillationis minæ intentatæ similia producunt. Simplex agitatio plumulæ in naribus, vel faucibus, vermium reptatio in ventriculo, piritua ibidem fluctuans, levi tantum mechanicâ mutatione nervis hic dispersis inductâ, totum corpus adeo mirificè turbant.

Quamvis ex fabrica corporis, quatenus hodie cognita est, non possint explicari omnia illa mirabilia, quæ à nervis mutatis fieri in corpore observantur; multum tamen lucis cognitio affundet illis malis, quæ nervos vulneratos sequuntur. Unde ex Anatomicis & Theoreticis hæc consideranda sunt.

§. 181. **N**ERVUS omnis visibilis est fasciculus minorum nervorum; membranulis nexorum, arterioli, venulis, lymphaticis intertextis, unâ dein communi membranâ vestitus.

Per omnia hæc vascula, nervum componentia, perpetuò sinit liquor suis canalibus proprius à corde, cerebro, cerebello, & medullâ spinali. His omnibus vis contractilis satis magna semper adest.

**NERVUS OMNIS VISIBILIS, &c.** Agitur enim hic tantum de illis nervis; qui oculis lustrari possunt. In illis autem, ut dictum fuit in *Commentario* ad §. 162, invenerunt Anatomici, quod possint separari in minores alios, qui singuli iterum aliorum nervorum, sed longè minorum, fasciculi sunt. *Leeuwenhoeckius* nervulum, pilo porcino non crassiores, invenit ad minimum constare triginta aliis minoribus, qui singuli propriâ iterum membranâ vestiebantur; idem postea & in longè tenuioribus vidit (a). Præterea vidit & vascula tenerrima sanguinea inter medias has fibrillas decurrentia. Anatomicæ injectiones, in junioribus inprimis corporibus factæ, docuerunt, vasa numerosissima per totam nervi substantiam decurrere. Nervi ergo omnes visibiles minimam partem suæ molis debent substantiæ nervosæ propriè dictæ, quæ medullæ cerebri & cerebelli, in oblongatam & spinalem dictam medullam collectæ, originem debet. Vaginulæ investientes minores fibrillas, necentes membranulæ, vasa omnis generis per has dispersa, præcipuam partem nervi visibilis constituunt. Sic defenduntur tenerrima illa, & omnem caputem fugientia vascula, & deducuntur rursus ad ipsa corporis loca, ubi crassioribus involacris depositis nervi munere fungi debent. Nervus opticus, membranis investientibus ab utraque cerebri meninge donatus, in suo decursu tenax & firmus apparet; ubi depositis his involacris in oculi fundo in tunicam reti-

(a) Tom. III. *Epist.* 36. pag. 350. & alibi pluribus locis.

nam expanditur, tam mollis est, ut nisi æquabili pressione ambientis liquidi sufflatur, collapsus informis mucis speciem exhibeat. Per mediam tamen tunicam reclinam numerosissima vasa arteriosa dispergi, docuerunt evidentissimè Anatomicæ injectiones.

PER OMNIA HÆC VASCULA, &c. Omnia hæc vascula, quæ nervum visibilem constituunt, accipiunt liquida proportionalia vi cordis & arteriarum pulsa; de illis autem vasculis, quæ tunicas investientes fibrillas nerveas constituunt, nullum videtur esse dubium, cum injectiones Anatomicæ doceant, arteriosos ramos impulsu liquidum huc deducere. Sed ipsos propriè dictos nervos perycios esse, & perpetuum tenuissimi liquidi per illos motum fieri, non potest ad sensus demonstrari. Si tamen consideretur, medullam cerebri & cerebelli, cortici vasculoso continuatam, totam impendi constituendis fibrillis nervosis, & in illas continuitatis portione abire; tantam copiam purissimi sanguinis arteriosi ad cerebrum ferri; destructioni vel compressæ medullæ cerebri & cerebelli omnem functionem nervorum inde ortum tolli; nervis in suo decursu ligatis omnem perire actionem sub ligatura; illam verbò integram manere supra ligaturam; patebit satis evidenter, nerveas fibrillas subtilissimum fluidum, cerebri & cerebelli fabricâ secretum, recipere, deducere toto vitæ tempore per distinctissimos canaliculos ad singula corporis loca; ut motuum & sensuum adeo distinctæ operationes perfici possint.

Omnis ergo nervus visibilis læsus non patitur tantum, quatenus est nervus, sed etiam quia omnis generis vascula habet, quorum integritas & inde pendens actio per vulnus læditur.

Quia autem, in sua origine ex medulla encephali distinctissimæ fibrillæ nerveæ in decursu propriis investiantur membranulis, sicque manent separatæ à vicinis; & totus fasciculus nervorum constituens nervum visibilem involvitur communi tunica satis crassâ, patet, quare omnis nervus visibilis tenax & durus appareat, licet illud, quod propriè nervus dicitur, mollissimæ encephali pulpæ propago sit. Tota ergo nervi visibilis contractilitas, quâ discissi extrema resiliunt, à tunicis nerveas fibrillas investientibus, & vasis per has dispersis, pendet.

§. 182. **ERGO** partes nervi integre dissecti à loco vulneris versùs firmas partes, quibus neuntur, retrofiliunt, sub solidis ambientibus se recondunt, eorum vi comprimuntur, orificia claudunt sua, & suorum vasculorum, adeoque præter dicta (162) nihil damni.

Si jam nervus talis, descriptus præcedenti paragrapho, integre discindatur, tunicæ investiente singulas fibrillas, uti & involucrum tegens omnes simul collectas, elasticitate suâ & nexu cum vicinis partibus, retrahentur utrimque. Cum verbò arteriæ etiam notabiles discissæ, retractæ, vicinorum pressione, sub quibus occultantur, & propriâ contractilitate sic claudantur, ut nihil sanguinis transmitant; paret satis, tenerrima nervosa vascula, uti & illa quæ per horum tunicas investientes feruntur, illico claudi, nec amplius humores allatos transmittere posse. Omnes ergo functiones, quæ ab integritate horum vasorum pendebant, erunt abolitæ; fiçntque illa mala, quæ §. 162, enumerata sunt.

§. 183. **S**I scetus, vel punctus ita sit, ut nonnulli nervulorum dissoluti sint, qui uniti majorem componunt, partes solutæ retrocedentes (182) trahent minimas fibrillas, quæ necessebant nervulos inter se & vascula (181), unde fiet in his perpetua, lenta laceratio; adeoque dolor ingens, acutus, continuus. Partes verò adhuc coherentes sustinebunt nunc solæ omnem vim, quam antè simul; ergo plùs distrahentur, & lacerabuntur, adeoque acutissimè dolebunt, & distractæ comprimentur; ut transitus impediatur. Dum una pars soluta, altera coherens, ita afficiuntur, vascula intermedia comprimuntur; ergo sanguis, lympa, spiritus sistuntur, urgentur, accumulancur, unde circa partes inflammatio cruenta, lymphatica, & spirituosa.

Inde nervi vicini, tendines, horum & nervorum vaginæ, muscoli, vasa tenduntur, stringuntur, convelluntur, hinc cerebri, cerebelli, medullæ spinalis meninges trahuntur, vellicantur, cerebri actio turbatur.

Ex quibus sequitur series omnium phænomenon (163. 164. 165.) naturali necessitate.

Si jam nervus visibilis, constans plurimis nervulis sibi mutuo accumbentibus, proprio involucro vestitis, & unâ communi membranâ tectis, sic lædatur, ut quædam ex his nerveis fibrillis, suâ adunatione majorem nervum constituentibus, discissæ fuerint, quibusdam integris relictis, peribunt omnes functiones, quæ ab integritate fibrillarum, nunc à cohesione separatarum, pendeant. Præterea ex dictis §. 158, n.º 1, separata hæc fibrillarum extrema recedent plùs à se mutuo, sed hoc non poterit fieri, quin membranulæ nectentes fibras nerveas sibi mutuo accumbentes distrahentur, & lacerentur; sicque acutus & continuus dolor oriatur. Fibrille autem integræ relictæ sustinebunt nunc solæ omnem illam vim, quam antea unitæ ferre debebant, dum vario musculorum motu, articularum flexionibus, extensionibus, arteriarum pulsu, &c, mutatur situs partium: necessariò ergo magis distrahentur, unde iterum ingens dolor nasci poterit. Si enim concipiatur nervus integer constitit centum fibrillis nerveis simul collectis in unum fasciculum, & quoddam per vulnus factum quinquaginta fuerint discissi, reliqui integri duplò plùs distrahentur ab iisdem causis, quia dimidium cohesionis, quâ resistebant causis distrahentibus, ablatum est. Demonstratum autem fuit §. 112. n.º 3, omnem causam, quæ vasa distrahit & elongat, minuere eorumdem capacitatem, hinc obstruktionem facere posse: unde iterum sequi possunt infinita mala. Sic incipimus videre, quænam mala sunt à nervis vulneratis, nec integre discissis tamen: dissectæ enim partes resilièntes utrimque contrahent officia dissectorum vasculorum, & liberum humorum transitum per illa impediunt: coherentes adhuc fibrillæ n.ºs poterunt resistere causis distrahentibus; hinc elongabuntur, & minuent suorum vasorum diametros: unde & ab hac causa impediatur liber circuitus fluidorum per bæc vascula, & inde



& inde impetu vitalis liquidi à tergo urgente in loca obstructa fiet inflammatio, non tantum in majoribus sanguineis vasis, sed etiam in reliquis decrefcentium serierum vasculis ad ultima subtilissima usque nempe nervosa, idem obtinere poterit. Quam enormes autem inde fieri possint dolores, docent podagra, rheumatismus, arthritidis, in quibus morbistenerima vascula inflammata exquisitos adeo cruciatus faciunt! Sed natam inflammationem sequi poterunt varii ejus exitus, qui iterum adeo diversi sunt, prout inflammatio in majoribus vel minoribus vasculis hæret. Post phlegmonem blanda suppuratio sequitur; erysipelas exulceratum, in minoribus vasis hærens, tenuis ichorosum liquidum fundit; rheumatismus verus suppuratur nunquam; podagra in subtilissimis nervosis vasculis hærens consumit partes etiam solidissimas in calcem, &c: unde iterum innumera mala oriri possunt.

**INDE NERVI VICINI, &c.** Sic factum invenimus corpus humanum, ut unico nervulo læso partes vicinæ, imò aliquando & satis distitæ, afficiantur. Dum dentis adamantina crusta, fissa vel corrupta, nudaverit fibrillas nervæ subtilissimas, per dentis substantiam interiorē dispersas, frigidi aeris attactus solus intolerabili dolore afficit non tantum dentem affectum, sed & totum latus capitis denti dolenti respondens; & elevantur vicinæ partes sæpe in enormem tumorem. Destructo nervo dolente per alcohol applicatum, vel & evulso dente affecto, cessat omne malum. Dum infortunato casu acus infixæ indicis digiti ultimæ phalangæ tendinem læsit, mox dolor enormis per totam volam manûs, carpum, cubitum, ad humerum usque perrexit; inflammatio sævissima, in subitam gangrænâ tendens, omnia hæc loca occupavit: febris acutissima, phrenitis, convulsiones, mors tandem quartâ die à tam levi vulnere secuta fuit. Similia plurima Exempla apud *Hildanum* & alios Observatores habentur, ex quibus patet, à levi punctura nervi, vel & tendinis, mox vicina omnia affici, dein corpus turbari in omnibus suis functionibus posse ad mortem usque. An autem propagatio mali in uno nervulo orti, ad vicinos omnes & ad cerebrum usque, fiat per continuationem membranarum investientium nervos, quæ cerebri meningum productiones habentur; an verò hoc fiat irritatione ipsius substantiæ nervosæ propriè dicendæ, quæ medullæ encephali propago est; hic non disputo: sufficit post nervorum læsionem similia mala sequi, & fortè utraq; hæc causa concurrit. Sic membrana renum pelvim investiens per ureteres, vesicam, urethram, continuatâ propagine defertur; dumque asper calculus in pelvis angustia hærens internam hanc investientem membranam vellicat, dolor sæpe in extrema sentitur urethra, & molestissima stranguria. Dum tendinea illa membrana musculos humeri & cubiti tegens, lanceolæ cuspide in venæsectione læditur, dolor, inflammatio & reliqua symptomata brevi se per totum hujus membranæ ambitum dispergunt.

**EX QUIBUS SEQUITUR, &c.** Qui jam confert illa phænomena, quæ §. 163: 164. 165, recensita sunt, cum illis, quæ dicta sunt hæc paragrapho & binis præcedentibus, sine difficultate videbit rationem, quare nervum læsum tot ac tanta mala sequantur.

§. 184. **E**T intelligitur, quæ, & cur punctura, laceratio, vulnus nervi adeo funesta? Item cur membranis, tendinibus, vasisque multis eadem fiant.

Quò nervus magis tensus est, quò pauciores fibræ læsi nervi integræ remanserint, eò major distractio illarum, eò sæviora symptomata nascuntur, & acrior aderit dolor. Nervum autem minimè tensum, vel & integrè discissum, non sequuntur tam dira mala. Membranis autem, cùm nervos per suam substantiam dispersos plurimos sæpe habeant, similia accidere, nulli mirum videbitur, uti & tendinibus, qui muscularibus fibris continuati & hinc nervorum propagines videntur esse, ut dictum in *Commentario* §. 164. Idem jam in vasis obtinebit, ex membranis convolutis factis, per quæ nervi pariter disseminantur, sensui, motui, & nutritioni infervientes.

Hactenus actum fuit de vulneris definitione, causis & effectibus, deinde enarrata sunt fideliter illa omnia, quæ vulneri simplici accidunt à primo momento, quo inflictum fuit, ad perfectam sanationem usque. Postea consideravimus, quænam vulneri accendant mala ab arteriis, nervis, tendinibus, membranis, &c, læsis. Deinde tradita sunt illa signa, per quæ vulneris præsentia noscitur, & simul determinatur, quænam corporis partes per vulnus læsæ sint. Ex his tunc deducebantur illa, quæ de vulnere jam cognito erant præfagienda circa vitam vel mortem vulnerati, curationem brevem & facilem, vel difficilem & longam, & læsiones functionum post vulneris curationem superflites futuras. Postea ex fidelissimis Observatis, & cognitâ humani corporis fabricâ, determinatum fuit, quænam vulnera lethalia forent dicenda, & quibus sub cautelis: an nempe absolute lethalia essent, destructis per vulnus partibus necessariis ad vitam requisitis, sic ut ab Arte hodie cognita nullum posset auxilium expectari. An verò ex sua natura quidem lethalia, per Artem tamen forent curabilia. Denique an mors secuta post vulnus penderet non à solo vulnere, sed ab aliis simul concurrentibus causis, à vulnere inflicto distinctis. Ex quibus intellectus patebant illa, quæ ad Judices renunciari debebant circa vulneris inflicti naturam & effectus. Tandem ex Anatomicis & Theoreticis ratio reddita fuit mirabilium effectuum, qui nervos punctos vel partim dissectos sequuntur. Superest nunc, ut de vulneris cura generali agatur.

§. 185. **U**T vulnus sanetur, opus erit.

1. Auferre ex eo illa, quæ, vel à liquidis & solidis corruptis, vel ab instrumento vulnerante, aut aliunde, ibi relicta adunationem impedirent.
2. Supplere perdita, novâ regeneratione ablati.
3. Unire separata, & in adunatione retinere.
4. Cicatricem naturali cuti simillimam obducere.

Sanatio, uti dictum in *Commentario* ad § 4, est mutatio corporis viventis talis, ut conditio corporea, quæ vocabatur morbus, tollatur, & restituatur, illud, quod

ablutum faciebat morbum. Sed vulnus est soluta cohesio recens & cruenta partium mollium, à corpore duro & acuto facta. Sanatio ergo vulneris erit restitutio cohesionis naturalis partium per causam vulnerantem separatarum. Sive jam simplex adsit divisio partium antea coherentium, sive magna facta fuerit jactura substantiæ per causam vulnerantem ablatæ, vira superstes in vulnere unit separata, restituit perdita (vide §. 158. n°. 9.) inimitabili artificio. Medici & Chirurgi illa tollunt, quæ salutare hoc naturæ molimen impedire poterant, & suppeditant talia, quæ juvare possunt, hoc totum est, quod Ars habet. Qui plùs sibi sapere videntur, tentent in cadavere levis tantùm vulnusculi consolidationem, applicent decantatissima balsama vulneraria, foveant calore tepente sani corporis : eventus docebit, naturam creati corporis sibi soli sufficere, sine hac nihil fieri posse per Artem. Sequentibus numeris recensentur illa, quæ in omni vulnere curatione semper requiruntur.

1. Omne, quod hæret in vulnere, alienæ à corporis nostri partibus naturæ; nunquam poterit concrefcere, & impedit semper partium separatarum unionem, quamdiu ibi hæret. Dum elevata cutis lanceolâ discinditur, & vulperi imponitur purissimo ex auro factus globulus, concrefcunt nunquam vulneris labia, sed manebit ulcus per annos pus quotidie fundens : si tollatur illud peregrinum, nisi penitus callosa facta fuerint jam labia à continuo attritu ad durum hoc corpus, paucis diebus consolidabitur. Non refert jam, an illud peregrinum fuerit pars intrumentum vulnerantis, an aliud quid, quod unâ cum hoc in vulnus penetravit; an verò effusi humores, vel solidæ partes, à causa vulnerante sic mutatæ, ut amiserint illas dotes, quæ requiruntur, ut partibus vivis iterum uniri possint. In bellicis conflictibus globi sclopetis emissi, dum vestes penetrant, sæpe partem illarum simul in vulnus abripiunt; sicque talium vulnorum consolidatio per menses plurimos, imò per annos protrahitur. Nobilissimo viro sclopeti globo femur dextrum perforatur; os femoris à globo transeunte frangitur, restituebatur ab hoc vulnere sic, ut incedere potuerit; mansit tamen per viginti annos ulcus fistulosum, exeuntibus subinde ossis fragmentis. Postquam tanto temporis spatio toleraverat has molestias, aucto dolore & ferè continuo reddito, ex consilio celeberrimorum Medicorum & Chirurgorum dilatatur cultro fistulosi ulceris orificium, extrahitur selsuca ossea tres pollices longa, postea & tres aliæ : tandem in fundo ulceris invenitur portio panni ex femoralibus unâ cum globo vulnus ingressa. Aliquot diebus postea prodibant tria fragmenta ferreâ rubigine obducta, quæ clavis, quam in sacculo gestaverat æger illo die dum vulnerabatur, partes fuisse apparebant. Tanto temporis spatio hæc peregrina in vulnere latuerant, ejusque consolidationem impediverant (a). Patet ergo hæc tollenda esse, si fieri possit.

2. Si jam vulnus factum fuerit cum magna jactura substantiæ, non poterunt labia vulneris uniri & concrefcere, nisi priùs illud perditum, fuerit novâ regeneratione restitutum : nimis enim distant à se invicem, & licet vi factâ per suturas vel emplastra tenacia adducerentur sic labia vulneris, ut contigua fierent, maneret tamen sub labiis unitis cavum, in quod humores effusi colligerentur, & sinuosum facerent ulcus.

3. Notatum fuit §. 158. n°. 1, quando phænomena omnibus vulneribus com-

(a) Acad. des Sciences, l'an 1731. Mém. pag. 141. & suiv.

munia, recensebantur, quòd partes corporis, inter quas causa vulnerans adacta fuit, sensim magis magisque à se mutuo recedant: sed, ut vulnus curetur, requiritur, ut partes separatæ iterum fiant contiguæ. Hic Ars naturam adjuvat, uniendo partes separatas, & sic illas muniendo, ut maneant adunatæ.

4. Quod tamen sæpe fieri nequit, quando valida suppuratio multum consumpsit pinguedinosæ tunicæ, vel magna pars cutis per vulnus ablata fuit: tunc enim semper cicatrix solidior, magis polita splendens erit, quàm vicina cutis.

Hæc sunt generalia indicata in omnium vulnorum curatione, quæ quomodo obtineri possint, dicetur in sequentibus.

§. 186. **F**RAGMENTA impacta metallorum, lapidum, ligni, vitri, globi tormentorum, thrombi cruenti, caro mortua, vel membranæ, ossa fracta, primò tollenda, si proderit.

Casus illi in hodiernis bellicis conflictibus frequentissimi contingunt, dum tormenta bellica lapidum & metallorum fragmentis variis onusta (*met Schroot geladen*) in adversos hostes exploduntur, & difficillimæ curationis vulnera faciunt. Omnia hæc in vulnere relicta, dum vulnus incipit tumere & inflammari, partes, quas tangunt, contundunt, callosasque reddunt, inflammationem augent, tandemque in fistulosa ulcera degenerare faciunt, non curanda, nisi per Artem, vel per suppurationem in contiguas partibus excitatam, educantur. Idem verum est, si thrombi sanguinis concreti, vel partes solidæ corporis abscisse, & ab omni nexu cum vivis partibus liberæ, in vulnere hæserint. Si enim v. gr; ossis fragmentum adhuc cohzreat cum vivis partibus, spes est, quòd iterum uniri possit. Semper autem advertendum est, quòd si talium heterogeneorum in vulnere hærentium educio non possit fieri, quin metuantur gravia inde secutura mala, tunc potiùs hæc relinquenda sunt, & naturæ committenda est horum separatio. Quomodo autem determinetur, an tollenda sint, an relinquenda, sequens docebit paragraphus.

§. 187. **C**ONSIDERATA naturâ vulneris, partis vulneratæ, materiæ impactæ, roboris ægrotantis, symptomatum secururorum, tolli, an relinquere debeant, judicatur.

In periculosis vulneribus in primis summâ cautelâ opus est, ut determinetur, an heterogenea in vulnere hærentia tollenda sint, an verò relinquenda. Si omnibus attentè consideratis appareat, quòd vulneratus, his eductis, commodiùs vel diutius victurus sit, tunc procul dubio tollenda sunt. Sed si vulneris ex Scientia Anatomica, & functionibus læsis, talis conditio appareat, ut certa & satis subita mors timeatur meritò, relinquenda sunt, ne mortis vulnus securæ culpa imputetur Medico vel Chirurgo. Desperatos enim non attingere melius est. Si pars vulnerata non possit instrumentis, ad educationem illorum, quæ in vulnere hærent, necessariis attingi sine periculo, relinquenda pariter: ut si v. gr; circa loca admodum tendinosa, nervos majores, cerebrum ipsum, hæc peregrina hæreant, non sine magno discrimine tolli possunt. Sed & quædam corpora tutiùs relinquere possunt in vulnere, quàm alia, prout diversâ constant materiâ. Sic innumera Observata docuerunt,

globos plumbeos, per vulnus ingreffos, impune latuiffe in corpore per plurimos annos, & miras poſtea ſæpe feciſſe vias, per quas tandem exirent. Ex cupro vel ferro ſi conſtati fuiſſent, rubigine corrupti irritaſſent longè plùs partes, quibus accumbunt. Simul ratio haberi debet virium vulnerati: ſi enim pulſus debilis, frigus extremorum, pallor cadaveroſus doceant, vitale robur admodum jam imminutum eſſe, prudentia jubet, ut à moleſto vulneris ſcrutinio per instrumenta Chirurgica abſtineatur omnino. Mirabilia enim Obſervata docuerunt, ſponte poſtea prodiſſe heterogenea relictà in vulnere, quæ ſine ſummo periculo educi non potuiſſent antea. Juveni viginti ſex annorum bregmatis os dextrum in medio tranſfigitur ſagittà ferro cuspide armatà; dum vulneratus tentat evellere ſagittam, rumpitur lignum prope ferreum cuspitem, qui in vulnere manſit. Satis bene ſe habuit uſque ad ſeptimum diem: tunc incifione factà inventum fuit os bregmatis circulatè foramine perforatum, & apparebat cuspis relictus ſagittæ. Bis applicato trepano ingens portio calvarię excindebatur, & dura mater diſcindebatur per totum foraminis facti ambitum, nec tamen poterat educi cuspis ſagittæ relictus. In latere oppoſito vulnere fiebat paralyſis, ſuppurationio ingens naſcebatur, fungi cerebri naſcebantur frequenter: tertio jam elapſo menſe ſpecillo tangebatur in ipſa cerebri ſubſtantia cuspis ferreus, Chirurgus tentabat educere, ſed convulſiones mox oriæ impediabant, ne pergeret. Circa finem quatti menſis ſponte ſe offerebat in vulneris apertura cuspis ferreus ſagittæ, qui tunc tenaculo præhenſus educeretur facilè ſine ullo damno, & poſt viginti dies adeo periculofum vulnus cicatrice obductum fuit (a). Plura alia habentur Obſervata apud Auctores, quæ docent, meliùs relinqui aliquando in vulnere heterogenea, quæ poſtea ſolius naturæ beneficio excluduntur.

§. 188. **E**X iifdem (187.) definitur instrumentum, & modus, quibus tolli queant (186).

Primò examinatur, an per vulnus factum instrumenti vulnerantis pars relictà poſſit educi ſine dilaceratione partium, an verò illud priùs dilatari debeat, vel novo vulnere factò in parte v. gr; oppoſitâ commodiùs poſſit eximi. Sic tela hamata, in vulnere relictà, non poſſunt per vulnus factum educi, ſine magna dilaceratione partium vicinarum: hinc in tali caſu vulnus potiùs dilatandum foret; vel, ſi fieri poſſet, protundendo telum per oppoſitam partem educi deberet, novo factò vulnere. Variæ nunc figuræ & magnitudinis tenacula deſcribuntur apud Auctores Chirurgicos, quibus heterogenea in vulnere relictà protrahi poſſunt. Tamen ſummà hic opus prudentiæ, ne ſimul & ſemel magno cum impetu hæc educantur: præſtat enim præhenſum tenaculo telum leniter agitare, ut ſciri poſſit, an alicubi hæreat ſic, ut ſine magna dilaceratione non poſſet educi; tunc enim potiùs relinquendum eſſet. Poſtquam autem inceperunt in bellicis conſectibus pulvere pyrio uti, globi plumbei, ſclopætiſ emiſſi, in vulneribus hærentes, non poterant adeo commodè educi tenaculis in Arte Chirurgica uſitatis hætenus; hinc novas excogitaverunt machinas, inprimis ſpiralem terebram cavo canali occultatam, ut turò in vulneris fundum uſque poſſet demitti, donec globo ibi hærenti occurreret; tunc prudenter circumtotando terebram molli plumbo inſigunt, donec ſic hæreat,

(a) Journal des Sçavans, l'an 1735. Avril, pag. 490. & ſuiv.

ut globus sequatur terebram, dum extrahitur. De his instrumentis, & modo utendi, videri possunt recentiores Chirurgi.

§. 189. **D**EPURATO sic (186. 187. 188.) vulnere, si ablatum quid fuerit de corpore, id repleri debet, generatâ iterum materiâ simili perditâ. Id fit, si 1. vascula arteriosa, lymphatica, nervosa, &c. ita se habent, ut sua liquida bona excipiant, transmittant. 2. Si liquidum bonum naturale debitâ copiâ, & apto impetu fertur in illa vasa.

Ablatis jam omnibus heterogeneis de vulnere, considerandum est, an vulnus tale sit, ut simplex tantum facta fuerit divisio partium, antea coherentium, per instrumentum vulnerans; an verò pars quædam substantiæ corporeæ per causam vulnerantem ablata fuerit. In priori casu sufficit sola unio partium separatarum; in posteriori casu requiritur substantiæ deperditæ regeneratio. Partes corporis resectas omnino recrefcere non posse ampliùs, licet applicarentur illis partibus, quibus antea cohererant, vulgò semper creditum fuit: quædam tamen Observata docuerunt, non semper de hoc desperandum esse. Militi mordicus auferebatur ferè tota pars cartilaginea apicis nasi, quæ in terram projecta conculcatur ab hoste, qui mordendo abstulerat. Vulneratus tollit nasi sui apicem, projicitque in vicinam Chirurgi officinam, tuncque irâ flagrans hostem prosequitur. Redeunti postea, repesctio vino priùs immixtus nasi apex adaptatur iterum, tenaci firmatur emplastro sic, ut in loco maneat: sequenti die jam unionis rudimenta apparebant, & quarto die omnimoda unio fuit facta (a). Simile habetur Exemplum, ubi index digitus dextræ manûs sic intra januam, dum claudebatur, vulnerabatur, ut cutis & panniculus adiposus orbiculariter discissa circa ultimum articulum revolverentur unâ cum ungue sic, ut nudum ferè os relinqueretur. Dum tentat reducere Chirurgus separatâs partes, videt integre ab omni coherensione cum subjectis liberâs esse: cavam tamen hanc chirothecam adaptat digito iterum, & post triduum perfecta unio facta erat (b).

Similia Observata probant possibilitatem methodi, quâ Casparus Taliacotius Medicinæ & Chirurgiæ Professor Bononiensis, truncatas partes corporis, nasum, aures, labia restituebat singulari artificio ex cute brachii incisâ, & adaptatâ truncis locis. Hanc rem satis fusè descripsit in libro, quem inscripsit de *Chirurgia Curtorum per incisionem*. Paræus narrat Exemplum hominis, qui diu argenteum nasi apicem gesserat, tandem petrusus hujus deformitatis in Italia tali methodo curatus fuit: non sine magna admiratione omnium, qui illum antea noverant (c). Et apud Hildanum (d) habetur, quò Griffoius, Chirurgus ingeniosissimus, simili methodo, quam tamen debebat Taliacotio, nasum abscissum restituerit virgini, sic ut vix appareret scititium esse nasum; uti sæpius se cum admiratione summa vidisse testatur Hildanus.

Sed hæc cerè minùs obvia sunt: & ubi pars quædam substantiæ in vulnere abla-

(a) Garengot. Operation. de Chirurg. Tom. III. pag. 55.

(b) Ibidem. pag. 57.

(c) Liv. XXIII. Chap. II. pag. 574.

(d) Centur. III. Observ. XXXI. pag. 114.

ta est, vicina vasa elongata reflexunt illud, quod perditum erat, mirabili naturæ humanæ artificio. Ut autem hoc fiat, bina requiruntur.

1. Inevitabili viræ & sanitatis effectu quotidie de corpore pereunt quædam, quæ per alimenta, in nostram conversa naturam vi vasorum & viscerum, restituntur. Est ergo in corpore sano potestas talis, quæ valet reficere ex ingestis tot & talia, quot & qualia perierant de corpore. Sed totum hoc opus absolvitur vitali motu humorum bonorum per vasa liquidis proportionalia & sana. Requiritur ergo, ut in vasis sint illæ conditiones, quibus possint recipere, deferre, & referre iterum talia liquida, qualia in sanitate per hæc vasa fluebant. Unde si nimis compressione, vel exsiccantibus fortioribus, vasa arctantur nimis, vulneris superficies sicca evadet & inflammabitur, nec vasa transmittere poterunt illa fluida, quæ in sanitate per hæc vasa movebantur. Si nimis emollientibus tractetur vulnus; laxata vasa cedent liquidis impulsis, dilatabuntur & admittent alienos humores; & vasa sic ultra naturalem capacitatem expansa cum contentis fluidis constituent carnem fungosam dictam, quæ vulnere curam retardabit semper. Felix ergo restitutio perditum in vulnere, quatenus ad vasa, pendet ab eo, ut debita firmitas concilietur vasis, quæ nec nimis resistent, nec nimis facile cedant liquidis impulsis. Cum autem vasa omnia, superficiem vulneris constituentia, elongari debeant, ut restituantur perditum, paulò major, quam in naturali statu requiritur, proderit emollitio & laxitas. Ideo dixit Hippocrates (a) : *Si quidem ulcus ocludere & implere opus sit, tumefacere iuvat.* Et alibi (b) : *Quum verò carnem generare voles, pingua & calida magis conferunt.* Et Galenus (c) monet, ubi carni producenda studemus, maxime cavendum ab adstringente medicamento. Dum autem quotidie vulneris superficiem lustrat Chirurgus, poterit videre, an major vel minor emollitio requiratur ad regenerationem perditum. Si enim vulneris superficies sicca appareat, & profundè rubri coloris, & parum puris generetur, novit statim vasa in vulneris superficie patula nimis resistere liquidis impulsis, nec illa transmittere. Si verò in omni puncto vulneris æquabilis appareat humiditas, & modicus rubor, si æquabiliter incipit fundus vulneris elevari quotidie, & latera extendi in omni ambitu, videt satis, vasa habere requisitam laxitatem, ut liquidis impulsis cedere & elongari possint. Si verò vulnus nimis humiditate diffuat, fundusque ejus & latera subitò & inæqualiter attolluntur, nimis laxata vasa esse concluditur, unde oppositis remediis opus est. Pulchre hoc distinxit Galenus (d), *De methodo curandorum ulcerum agens*; dicit enim : *Carnis quidem intemperies si squallens siccaque videatur, eam aqua temperatâ fovens ac multoties humectans sanat. Quoties autem eo remedio uteris, esto tibi perfusioni humectationisque scopus, ut, quàm primùm rubescit attolliturque partis moles, desinas.* Monet tamen paulò post, quòd medicamentorum humectandi facultas plenior esse debeat, quàm in sana carne præceptum est. Si verò humidior, quàm pro naturali habitu, caro fuerit, contraria ratio ineunda est.

Hæc sunt illa, quæ observanda sunt in vulnere, quoad vasa, ut fiat regeneratio perditum : sequenti numero dicetur, quid in fluidis requiratur ad eundem finem.

2. Debet hic recrefcere nova substantia pro vulnus deperdita; sed hæc constat

(a) De locis in homine Cap. XIII. Charter. Tom. VII. pag. 371.

(b) De affectione, Cap. x. Charter. Tom. VII. pag. 631.

(c) De Methodo Medend. Lib. III. Cap. rv. Charter. Tom. X. pag. 65.

(d) De Methodo Medend. Lib. IV. Cap. 12. Charter. Tom. X. pag. 81.

fluidis & solidis, sive vasis continentibus, & liquoribus contentis: Debebit ergo adferri ad vulneris locum talis materia, in qua hærent partes requisitæ ad hanc regenerationem perditæ. Sed liquidum bonum naturale, sanitatis legibus per vasa motum, continet in se hæc omnia; inde enim quotidie restituuntur in fluidis & firmis partibus illa, quæ sanitatis actionibus de corpore pereunt. Alimenta enim non nutriunt, nisi prius per corporis nostri fabricam mutata fuerint in liquidorum humanorum indolem, & deposita naturâ propriâ induerint nostram. Requiritur ergo, ut tantum de sanitate supersit, ut ex ingestis fieri possint boni & naturales humores. Inde patet ratio, quare in cacochymicis corporibus difficillima, imò sæpe impossibilis, in euchymis autem facilis sit perditæ restitutio. Præterea requiritur, ut bonum illud naturale liquidum idoneâ copiâ adsit, ut omnia æquabiliter possit replere vasa: & inde iterum in vulneratis, qui per validam hæmorrhagiam magnam copiam boni liquidi naturalis amiserunt, curæ patet difficultas; quæ augetur adhuc, quia cruda ingesta inprimis mutantur in nostram naturam à copia humorum bonorum, quibus miscentur, uti demonstratum fuit in *Commentario* ad numerum 1. §. 25. Neque hæc adhuc sufficiunt, sed requiritur, ut debito motus impetu liquida naturalia ferantur per vasa. Langueente enim hoc motu deficit omnis nutritio, vel saltem depravatur; uti in debilibus corporibus apparet. Dum nimia velocitate humores per vasa feruntur, destruitur corpus, non reficitur; uti in nimio labore exercitatis animalibus patet, & in illis morbis, in quibus nimia circulationis velocitas peccat.

Hoc jam totum est, quod *Ars* facere potest: nempe ut vasa talia sint, qualia in sanitate fuerunt; & per hæc bona liquida debito ferantur impetu; reliquum sibi soli sufficiens natura perficiet, uti dictum fuit §. 158. n<sup>o</sup>. 9.

§. 190. **H**IS enim (189) fiet canalium vulneratorum, retrotractorum, obruratorum, compressorum, ferè exsuccorum, (158), humectatio, extensio, elongatio, implicatio cum vicinis, applicatio ad alia, quæ ex reticularibus plexibus propinqua; & ope boni liquidi conglutinatio.

Demonstratum fuit in *Commentario* ad §. 159, arterias discissas, etiam satis notabiles, sensim contrahi & obturari; hincque, nisi maximæ fuerint, hæmorrhagiam sponte sisti. Patet ergo evidenter, minora vascula discissa ab iisdem causis claudi, & sic impediri humorum effluxum: unde vi vitæ, à tergo urgente in obstructa hæc discissorum vasculorum oscula, nascitur inflammatio & febricula, per quam majori impetu pulsus humores in fines vasorum constrictos, illos protrudunt, elongant, & aperiunt, vel fines vasorum exsuccos omnino & mortuos suppuratione benignâ à vivis partibus separant. Sed cutis tenaci vinculo non amplius coercita hæc vascula, ab impetu liquidi per hæc moti extenduntur & elongantur sensim, & apertis jam osculis sua demittunt in vulneris cavum liquida, unde tota puri jam vulneris superficies humida apparet, & minimis quasi papillis sensim magis & magis elevatis hirta, quæ nil aliud sunt nisi pulposæ vasculorum protuberantium extremitates: dumque hoc fit in omni vulneris ambitu æquabiliter, sibi mutuo occurrunt excrecentium vasculorum oscula, applicantur & coalescunt; sicque renascitur



tur perdita in vulnere substantia. Si, puro jam vulnere, mucosa illa renascentium vasculorum congeries detergitur quotidie à Chirurgo, destruitur illud, quod perditum restituere debebat; unde retardatur cura, & degenerat in ulceris sordidi naturam vulneris superficies. Totum ergo, quod Ars facit, ut in vulnere fiat regeneratio perditæ substantiæ, consistit in eo, ut vasa & liquida per hæc mora habeant illas dotes, quas optima sanitas requirit; & impetus fluidi, per vasa moti, nec nimius sit, nec langueat. Reliquum totum natura corporis humani perficit, ut dictum §. 158. n.º 9.

Conglutinatio autem illa videtur fieri per substantiæ appositionem, non verò interpositione succi cujusdam ferruminantis, qui glutinis instar uniret separata vasculorum extrema. Videmus enim vasa, cutis & epidermidis regumento libera, si contigua fiant, concrelescere illico. Sic palpebrarum limbi excoriati unicæ noctis spatio concreverunt ita inter se, ut lanceolâ dividi debuerint. Imò digiti, pulveris pyrii ambuisione ablata epidermide, contigui relictî concreverunt inter se quàm firmissimè. Tantus est vasorum extremorum & patulorum nixus, ut cum similibus concrecant, ubi contigua facta fuerint.

§. 191. **E**T; dum hæc (190) ab omni puncto fundi præcipuè, & laterum, æquâ vi simul fiunt, impletur ab omni parte ad centrum cavitas vulneris materie solidâ & liquidâ amissis similis.

Si jam omnia vasculorum extrema in fundo & lateribus vulneris aperta fuerint æquabiliter, motus humorum per vasa ager æquali vi in omnia: hinc, si in uno loco non fuerit major resistentia quàm in alio, in omni puncto fiet æqualis elongatio vasculorum. Si autem in quodam loco major laxitas fuerit, quàm in vicinia, magis ibi distendentur & elongabuntur vasa; sicque nasceretur ibi fungosa excrescentia, quæ vicina vasa comprimendo æquabilem impediet vulneris consolidationem. Dum autem sic ab omni ambitu cavi vulneris protracta vasa sibi invicem occurrunt, & uniuntur, renascitur structura vasorum, quæ perditam corporis substantiam reintegrat. An autem sic renata compages eadem sit omnino, ac ante vulnus fuerat; quis dixerit? Simillimum saltem esse omnia phænomena docent, & crassissima sanguinea vasa æquè ac tenuissima perspirantia sic renasci, Experimenta docent. Si enim mucosam illam vasorum renascentium in cavo vulnere congeriem lineo rudius tangas, sanguis ruber exit; si leviter tantum attingas, tenuius exit liquidum; si laminam metallicam politissimam, vel speculum apponas, orietur in superficie polita talis corporis macula humida, brevi evanescens sine ullis sordibus relictis; manifesto indicio, patere in hac congerie etiam vasa talia, quæ subtilissimum exhalans fluidum continent & emittunt. Unde probabiliter concluditur, cum & vasa sanguinea, & minima exhalantia adsint, pariter hic inveniri intermediis vasorum decrementum series.

Tamen hæc regeneratio deperditæ substantiæ in corpore humano habet suos limites. Digni enim vel ultimum articulum abscissum nemo renatum vidit unquam. Vasa quidem in superficie vulneris concreta cicatricem faciunt, sed totâ vitâ pars truncata manet. Hinc videtur restitui posse perditam corporis substantiam, quando ab omni ambitu vulneris centrum versus, elongata vasa concurrere & uniri possunt;

Tomus I.

Na

ubi autem simplici elongatione vasorum, quæ in truncata parte supersunt, deberent restitui tot partes organicæ abscissæ, deficit natura, bonâ cicatrice partem truncatam firmat. Quod tamen hominibus negatum est, illud aliis animalibus concessum esse merito mirantur Philosophi. Gammaris majoribus, & canceris marinis fractos & separatos integre à reliquo corpore pedes renasci testabantur illi, qui maris litora habitant: ridebant hæc tanquam fabulas & rudis plebeculæ commenta Eruditi: rem tamen verissimam esse detexit perspicacissimus *Réaumur*, cui tam pulchra debemus in animalium Historia.

Absciderat magnus ille Vir *Gammaro* alterum ex magnis illis forcipibus, quibus prædam suam prehendere & tantâ vi tenere potest; viditque post unum alterumve diem, subrubram membranulam vulnus factum tegere: paucis diebus postea incipit plana hujus membranulæ superficies convexa fieri; deinde medium illius membranæ quasi centrum elevatur in conicam protuberantiam; quæ sæpe post decem dies jam tres lineas Geometricas æquat longitudine. Membranulæ elevatæ color ruber in album mutatur, quôdque in extremo ejus rubrum erat, secedit. Sub hac membranula tunc latet renascentis partis jam observabile rudimentum. Post quatuor vel quinque septimanas membranula hæc coercens rumpitur, renata pars nuda apparet, sed mollis adhuc, paucis tamen diebus postea ossium tegmen habet, æquè durum, ac habuerat pars abscissa. Nec differt renatum hoc membrum à perditio, nisi magnitudine solâ, quam tamen sensim acquirere videtur: & renascitur perfectè tantum, quantum abscissum fuerat, uti repetitis Experimentis in hoc animali paucis, dum forcipes, pedes, cornua in hoc animali in varia distantia à trunco corporis abscissa fuerunt (a).

Dum pars sic renata abscindebatur denuo, tamen iterum recrescbat nova prioribus ablatis similis: nec hætenus constitit per Experimenta, an hæc vis nova membra producendi in hoc animali exauriri possit. Sic videmus, in rebus Phyticis singulares Observatores docere plurima; generales conclusiones autem, ex paucis Observatis cognitis deductas, fallere sæpissime.

§. 122. **ERGO** huc (189) requiritur 1. victus debitus, ut chylus, serum sanguinis, & materia nutritia blanda, glutinosa, nec faciliè putrescens sit, sed facilis digestionis, & assimilationis. Decocta farinosa, cruda, fermentata; emulsionem; lac; jura; fructus maturi, cocti; olera lenissima, primaria sunt sæpe; at parvâ copiâ simul, exhibita; repletionem, famem, sitim, cavendo.

Omne, quod regenerabitur de perditâ substantia corporis, debet restitui per liquida ad vulnus allata. Sed liquida nostra, quæ per vasa fluunt, sunt vel cruda ex ingestis nondum penitus mutatis in nostram naturam, vel talia, quæ, vi vasorum & viscerum, depositâ alienâ indole, omnes dotes nostrorum liquidorum assumpserunt. Ex ingestis jam alimentis per viscera chylopoietica factus chylus per multas horas unâ cum sanguine per vasa deferretur, uti constitit *Loyeri* Experi-

(a) Académ. des Sciences, l'an 1712, Mém. pag. 196, &c.

mentis §. 80, citatis : hinc crudum illud chylosum, unâ cum reliquis humoribus, ad locum vulneratum etiam deferetur ; & quidem magis, quàm ad reliquas partes, quia minor resistentia est in loco vulneris : unde observatum fuit in latis vulneribus, totam ferè materiem nutritiam exire, & hinc corpus quotidiano pabulo defraudatum lento marasmo perire. Nisi ergo bono victûs regimine caveatur, ut chylus, ex ingestis alimentis natus, blandam habeat indolem, vulnus ab acriori chylo irritabitur quotidie, & difficulter sanabitur. Agitur enim hic de vulneribus alicujus momenti ; levia enim vulnera tantam cautelam non requirunt. Sed præterea in vulneris cavum patulis vasorum orificiis multum liquidi effunditur, quod tenuiori parte resorptâ vel distillatâ in bonum pus convertitur : si ergo chylus cum sanguine huc allatus constet talibus, quæ in putridam degenerationem inclinant nimis ex sua indole, effusi humores stagnatione & morâ in loco calido degenerabunt in putridum ichorosum ; non mutabuntur in bonum pus : ergo & talia vitanda sunt. Cum autem vulneratis quies necessaria sit, motus verbû muscularis & corporis exercitia plurimum conducant ad assimilationem crudi ingesti in naturam nostram, ( vide §. 28. n°. 2, & §. 43. n°. 3. ) patet, non posse exhiberi cibos, qui difficulter digeruntur ; sed requiri tales, qui faciliè digeri & assimilari possunt. Aliter cruda plurima, cocta pauca ad vulnus deferuntur : sed à coctis solis, & in naturam nostram conversis, perditî regeneratio in vulnera potest obtineri.

Recententur jam hic talia, quæ blandâ indole & facili assimilatione huic scopo imprimis inserviunt. Avena, hordeum, fagopyrum, oryza, &c., cum aqua vel carniû jusculis decocta, blandum tale & faciliè subigendum nutrimentum dant, nec interim putrescunt. Ex horum farinis etiam leni fermentatione optima edulia fiunt, sic enim farinosus lentor tollitur. Panis hinc optimè fermentatus, inprimis biscoctus ; juscula carniû non nimis meraca, & omni pinguedine orbata, tam pulchre profunt. Emulsiones ex farinosis feminibus mollissimis cum aqua terendo factæ jam ferè chyli naturam habent. Lac æquali copiâ aquæ dilutum hyemali tempore ( æstate verbû plûs aquæ misceri poterit ) pro potu communi ; idem lac cum farinosus leviter coctum pro cibo, blandum victum exhibet. Fructus horæi maturi gratissimo sapore & blando refrigerio multum profunt : leviter coquuntur, ut omnis absit flatulentia. Olera omnia mollissima, ut sunt lactuæ, endivia, spinachia, sifari, scorzonæræ, dauci, tragopogoni, pastinacæ radices, jusculis incocta, optima sunt.

Omnia tamen hæc, quantumvis salubria fuerint, poterunt nocere quantitate ; si nimia copiâ simul ingerantur. Gravabitur enim inde corpus vulnerati quiescentis, multum crudi chyli sanguini miscebitur, mutabitur vulneris conditio. Si autem sic dividatur nutrimenti assumendi copia, ut in omni bihorio aliquid sumatur, illud facillimè assimilabitur ; & humores, qui vulnus alluunt, habebunt semper ferè easdem proprietates. Dum autem bis de die tantum majorem copiam alimenti sumunt, crudo chylo copioso onustus sanguis ad vulnus deferretur uno tempore ; altero verbû sanguis, chylo jam subacto, aliam habebit indolem, unde alternâ hæc vicissitudine turbabitur vulneris conditio. Sed fames æquè vitanda ac nimia impletio ; designat enim novo tunc pabulo corpus indigere : & omnes humores, nisi novo blando chylo demulceantur, fient acriores & subputridi. Diurnam enim inediam passorum urina acris putridula, balitus cadaverosus, hanc degenerationem hu-

morum docent: Sed inprimis debet caveri, ne tiant vulnerati: sists enim designat siccitatem corporis, vel immeabilitatem liquorum, vel acre liquidis mistum: sed omnia hæc vulnere summopere noxia, cum ad restitutionem perditæ æquabilis humiditas vulneris in omni puncto, liquidorum facilis meabilitas & blanda indoles, requirantur omnino. Hinc victus humidus, & blandi liquidi copiosior usus requiruntur: sic enim humectabitur totum corpus in omnibus partibus, liquidis dilutio major conciliabitur, & facilis meabilitas, acre nociturum copioso liquido dilutum enervabitur, & per sudoris vel urinæ vias exibat de corpore.

§. 193. **COGNITA** temperies ægri, tempestatis ratio, consuetudo, & natura comitantis morbi, docet quale, & quo modo præparatum ex his (192) cuilibet proffit.

Omnia autem hæc, quæ de victus regimine dicta sunt, variant pro diversa constitutione vulnerati, unde nulla potest dari generalis regula. Et dum belli tempore in Nosocomiis ingens vulneratorum numerus decumbit, & omnibus idem ferè datur victus, plurimi pereunt, qui aliter servari potuissent. Totum enim, quod hic requiritur, est, ut sanitas superstes in vulnerato servetur, vel restituatur, si deficiat. Sed sanitas unicuique homini privata sua est, unde diversissima in solidis & fluidis partibus corpora quamvis fuerint, tamen singula sana esse poterunt, hæc vocatur sanitas temperiei, ad quam ergo quàm maximè attendendum est. Calidam enim & frigidam, humidam & siccam, biliosam, sanguineam, phlegmaticam, atrabiliarium temperiem, propriis signis distinguunt Medici; & varium diætæ regimen, imò sæpe oppositum diversæ temperiei hominibus convenire notant, ut singulis illibata conservetur sanitas. Sic v. gr; ubi aquosum frigidum vulnerati temperamentum cognoscitur, tenuous diluentes potus vitantur; roborantia & excitantia exhibentur. Si verò humores densi & compacti, solidæ partes strictæ & firmæ fuerint, calidum & siccum temperamentum adesse dicitur; tuncque profunt illa, quæ in priori casu nocuissent. Idem in reliquis verum est. *Carnosis, mollioribus, rubris confert sanè, majorem anni partem sicciorè victus ratione uti, namque eorum natura est. Duros verò, graciles, fulvos & nigros, humidiorè victu, diuturniori tempore oportet, nam hujusmodi corpora sicca sunt (a).*

Sed varia anni tempestas in eodem homine etiam diversum vitæ genus requirit. Æstivis enim caloribus celerrimæ degenerationes humorum sunt, hyemali frigore tardissimæ: carnes enim animalium hyemali frigore per septimanas servantur non corruptæ; quæ æstivis caloribus intra paucos dies in putridum defluxissent tabum. Hinc sapientes veteres Medici tam sollicitè distinxerunt varium vivendi genus pro varia tempestate anni: hyeme cibum copiosum, meracum potum, sed parcum, olera paucissima, & illa tantum, quæ calefacerent & siccarent, obsonia, assata omnia commendabant: æstate verò potum dilutum & copiosum, obsonia elixa, olera mollia copiosa laudabant. Verno autem tempore sensim jubebant augeri potum, sed magis dilutum; assis substituebant elixa, ciborum minuebant quantitatem, sensim subducendo, ne subito magna fieret in corpore mutatio: sic pergebat ad diætam æstivam. Deinde iterum in autumno cibos augebant, potus minuebant, sed meraciore dabant, donec ad hyemalem diætam gradatim sic pet-

(a) Hippocr. de salubri victus ratione. Text. V. & VI. Charter. Tom. VI. pag. 223. 224.

ventum foret (a). Cùm autem bellici conflictus sæpius æstivâ tempestate fiant, & miseris vulneratis tunc jura carniū sola dentur ferè, sæpe adeo languent, & acidosus potus, maturòsque fructus avidissimè expetunt; à quibus tamen aliquando prohibentur.

Atque iterum variz ætatis ratione diversum indicatur diætæ regimen, ut facillè patet.

**CONSUETUDO**, quæ altera natura meritò dici solet, etiam hic considerari meretur. Durus arator, qui atro pane durissimo, & sale vel fumo conditis carnisus vivere consuevit, ut firmo corpore validos labores quotidie sustinere posset, si vulneratus decumberet, & solis carniū jusculis uti cogeretur, deficeret brevè; binc tali homini solidiores cibi concedi possent, imò deberent. *Consuetudo longo tempore, etiamsi deteriora fuerint, insuetis molesta minùs esse solent*; sic monet Hippocrates (b): idem autem in libro de victu acutorum latius deduxit, monens, quòd homines cibos, quibus assueverunt, facillè ferant, etiamsi naturà non fuerint boni; & contrà quòd molestè ferant cibos, quibus non assueti sunt, quamvis mali non sint: idèmq; de potu affirmat (c). Unde patet, prudentiam Medicam dictare, ut consuetudini aliquid concedatur, quamvis cæteroquin Artis regulis repugnet.

**ET NATURA COMITANTIS MORBI.** Hactenus dictum fuit de his omnibus, quatenus in homine sano vulnerato dirigi debent: sed si notabilis cacochymia adfuerit ante vulnus inflitum, vel alius morbus vulnus comitetur, tunc omnis victus ratio sic dirigi debet, ut quàm maximè contraria sit illi humorum degenerationi, quæ à morbo vel cacochymia vulnus comitantibus metuenda est. Si v. gr; putrida scorbutica cacochymia adsit, vel per validam febrim omnia in putredinem vergant, solis ferè lactiniis, avenà, oryzà, & fructibus horæis acescentibus utimur: à carnisus, illarumque jusculis, ovis, &c, abstinemus: si iners mucosa colluvies totum corpus obfederit, carnisus assis, vino, aromatibus, &c; languentes excitamus vires.

Ex his omnibus accuratè cognitis, & invicem comparatis, concluditur, qualia exhibenda sint in cibo & potu, & quibus præparationibus indigeant alimenta. Ingens enim diversitas ejusdem etiam cibi à varia ejus præparatione nascitur. Caro vitulina recens cocta jusculum præbet, quod adhuc exhiberi potest, licet aliquis putridæ degenerationis in humoribus metus esset; inprimis si pauculo succo citri addito exhibearur: eadem autem caro, per aliquot dies in aere aperto relicta, si coquatur, dabit jusculum longè citius putrescens. Assa autem eadem caro vitulina magis adhuc in putredinem prona est, ignis vi acrioribus redditis salibus & oleis hujus carnis. Frigidis pituitosis hominibus farinosa cruda nocent, eadem fermentata tamen concedi possent. Idem de plurimis aliis præparationibus alimentorum verum est:

§. 194. **ACRE**, impetum nimis augens, vitandum. Salsum; aromaticum, acidum, olus acre, vinum, ergo vulnèri mala.

Cùm blanda sit adeo humorum nostrorum indoles in sanitate, ut sanguis ipse, & omnes inde secreti liquores, (si bilem & urinam exceperis, quæ tamen moræ & stagnationi inprimis natam acrimoniam debent) oculo instillati nullum dolorem

(a) Ibidem. pag. 221. 222. & de victus ratione sanorum Lib. III. Cap. 11. Charter. Tom. VI.

P28: 472.

(b) Aphor. 50. Sect. II. Charter. T. IX. Part. 11. p. 87.

(c) Text. 33. Com. 1. Charter. T. XI. p. 58.

faciant; & ex his ad vulnus allatis regenerari debeant perdita, videtur quàm maxime profuturum, si tantum ingerantur talia, quæ nihil acris, nihil stimulantis, in se continent, nec facili in acrem indolem mutari possunt. Nocent enim acria, quatenus ad vulnus delata cruda hæc loca irritant; uti etiam, quia stimuli actione majorem humorum motum excitant, sicque impetum vitalis liquidi in tenerrima vascula, in vulnere renascentia, augent; unde hæc sæpe in fungosam carnem degenerant; vel per motum auctum inflammatione genitâ inperpirabilis fit vulneris superficies obstructis vasculis; unde iterum cura retardabitur: totum enim illud iterum debet suppuratione factâ separari.

Omnia ergo stimulantia, quocumque demum titulo commendantur, ex sua indole nocebunt vulnere: corpus enim vulnerei sanum supponitur. Si enim v. gr; putrida cacochymia simul adesset, acida ingesta prodesse, non verò nocerent. Neque hoc tamen intelligi debet, ac si paucula falis grana vel guttulæ aliquot succi citri iusculis carniū addita nocitura crederentur: tam levi enim copiâ hæc addita nimis facilem horum degenerationem in putridum poterunt præcavere; nequam tamen stimuli vice fungi poterunt. Nisi enim iusculis tale quid addatur, abhorrebunt brevi ab his vulnerari.

Vini pariter usus ob easdem causas reprobatur; nisi languentes nimis vires, vel consuetudo aliud jubeant. Multi enim homines quotidie vino vel aliis spirituosius uti consueverunt; illo, si abstinere cogantur, languent illico, & turbantur omnes functiones corporis: unde in simili casu moderatâ copiâ dari debet vinum, vel purum, vel dilutum, prout virium languor vel consuetudo requirunt.

§. 195. **I**TEM quæ facili putrescunt. Jura nimis spissa, herbæ alcalescentes, ergo obsunt; raphani, nasturtia, brassica, & similia.

Non solum attendendum est ad illam indolem, quam habent alimenta, dum ingeruntur; sed etiam respiciendum est ad illas mutationes, quæ ipsis calore corporis & morâ contingere possunt. Uti enim antè dictum est, humores nutriti, ex ingestis alimentis nati, ad vulnus deferentur, & pro parte parulis vasis effundentur in vulneris cavum. Si ergo ingesta ex sua natura in putredinem admodum prona fuerint, merus est ne humores ad vulnus delati non in bonum pus abeant, sed in putridum ichorosum degenerent. Cum ergo pisces, & inprimis marini, citissime putrescant, neque ferri possint, nisi multo sale condiantur, ideo prohibentur. Juscula carniū spissiora, gelatinæ ex corhu cervi vel eboris rasura parata, æstivo tempore sæpe intra viginti quatuor horas in putridum liquamen disfluunt. Accedit, quod spissiora hæc juscula ventriculum gravant, nec facili digeruntur. In quibusdam plantis, ut dictum fuit §. 76, reperitur talis indoles, ut sponte corruptæ non acescant, ut plurimæ aliæ, sed resolvantur in fœtidum, volatile, pingue alcali; imò in quibusdam adeest, sine ulla corruptela prægressa, acer, alcalinus volatilis, sal, ut in raphanis, sinapi, nasturtiis, &c: omnia hæc nocent vulnere, quia in putredinem nimis vergunt, & acri stimulo irritant. Magis autem metuitur ab his, quæ in putredinem prona sunt, quia omnes humores nostri ex sua natura in putridam degenerationem tendunt: illa verò vegetabilia, quæ ex sua natura in acidum vergunt, spontaneæ degenerationi nostrorum humorum resistunt; cum priora cum hæc

conspirent. In *Materia Medica* §. 76, catalogus herbarum calefcentium habetur, quæ hic nocerent.

§. 196. **T**UM quæ difficulter in chylum, & sanguinem mutantur. Qualia sunt quæ sale, fumo, aere induruerunt; vel quæ pingui multo scatent, ut lardum, pisces pingues, item anseres, anates, similes aves piscibus pastæ, &c; denique viscida, ut legumina crassa, farinosa cruda, ova.

Qui valido labore corpus quotidie exercent, durissimos cibos avidè comedunt; illisq; optimè digerunt; levioribus cibis minimè delectantur; nec possent requisitum ad labores corporis robur his sustinere; sed quibus otiosa defuit vita, à durioribus assumptis pessimè se habent: unde pro generali axiomate in dirigenda sanorum diæta haberi potest, quodd talis debeat esse cibus, qualis est labor. Duri enim cibi, nonnisi difficulter mutabiles in bonum chylum, pondus & inertiam addunt corpori quiescenti: cùm autem vulneratis quies sit necessaria, non poterit fieri talium bona digestio & debita assimilatio, quæ ad regenerationem perditii in vulnere omnino requiritur. Semper tamen hic aliquid concedendum consuetudini, uti monitum fuit §. 193; qui enim totâ vitâ his assueti fuerunt, non sine molestia possunt vivere solis mollioribus cibis.

Carnes autem animalium, & pisces sale vel fumo indurata, vel siccata in aere, longè difficilior rediguntur in chylum bonum & sanguinem; quàm si recentia fuerint. Sed inprimis hic nocent pingua, quæ difficillimæ semper digestionis sunt, & diu retenta in corpore rancidam acrimoniam pessimam induunt. Si debilis homo lardum majori copiâ in prandio comederit, vespertino tempore sæpe eructabit pingue oleum, quod fauces adurit, & in ignem projectum vividam flammam alit. Tam diu in ventriculo retinetur hoc pingue indigestum, nec tamen, fluidum quamvis fuerit, pyloro elabitur. Idem verum est de piscibus pinguibus, ut anguillâ, pulmone, &c; & inprimis si hepata piscium comedantur, in quibus oleum tantâ copiâ hæret, ut inde purum exprimi possit; & quamvis saporî adeo placeat blandum hoc oleum, citissimè tamen in rancidum pessimum convertitur. Unde peniti Chirurgi, si vulnerati talia comederint, illico vulneris conditionem in pejus mutatam observant. Oleosa enim hæc ad vulnus delata minima vascula obstruunt, & morâ & calore aciora reddita inflammationem difficulter resolubilem efficiunt. Cùm autem in piscibus plurimis oleosum illud magnâ copiâ adsit, quo transsudante, externa superficies corporis defenditur; ne ab aqua, in qua vivunt, macerati dissolvant, hinc aves, piscibus pastæ, difficilis sunt digestionis. Licet enim assumpta alimenta mutantur in naturam assumentis per naturales functiones, tamen sæpe aliquid adhuc de priorî indole manet: unde adeo diversus sapor in carnibus animalium, prout diverso utuntur pabulo. Anates, anseres & similes aves si solis vivant piscibus, carnes harum avium piscium nidorem ingratum spirant. Lepores, qui cicurati brassicæ foliis vixerunt, mensis adhibitî abominabilem fœtorem spirant. Unde etiam à similibus abstinere jubentur vulnerati.

Præterea omnia leguminosa crassiora & farinosa cruda chylum lentorem generant; qui lentor, si validis exercitiis agitetur corpus, superari potest, sed in quies-

centibus hominibus plurima mala producit : quæ in capitulo de morbis à glutinoso spontaneo productis §. 71. 72. 73. recensentur.

Ova denique, licet merito laudentur tanquam nutrimentum, debilibus corporibus restaurandis idoneum, (vide §. 28. n°. 1.) si nempe recentia diluantur in jusculis, & imprimis illorum albumen; in putredinem quàm maximè prona cum sint, hinc parcius usurpanda; si verb coctione induruerint, tunc satis difficilis digestionis esse observantur.

§. 197. **A**D eundem scopum (189) conducunt medicamenta, quæ tollunt impedimenta nata consolidationi (190. 191.), & plerumque decocti formâ exhibentur. Illa ergo erunt varia pro varietate ejus impedimenti, quod tollendum erit: nec ullum utile omnibus habetur.

Hactenus dictum fuit de illis, quæ observanda sunt in dictæ regimine vulneratorum, ut liquida sana per bona vasa delata ad vulnus faciant recrefcere perditam substantiam. Sed supponebantur vulnerati cæteroquin rectè valere: si verò in vulnerati corpore, vel & in vulnere ipso adsit conditio corporea, quæ impedit, ne partes perditæ recrefcant, hæc tollenda est. Inquiri ergo debet, quodnam sit illud impedimentum, an in liquidis, vel solidis, vel in utrisque simul hæreat; an in vulnere ipso laeet, an in illis, quæ ad vulnus circulationis efficaciam adferuntur; an nimio, vel nimis parvo impetu ad vulnus delati humores turbent vel impediant perditæ regenerationem? Cum ergo tam varia possit esse talis impedimenti natura, imò sæpe ab oppositis causis impediatur vulnere consolidatio; patet evidenter, nullum hic esse posse universale remedium, & inanem esse jactantiam illorum, qui hoc promittunt. Dum ab acido pus in vulnere nasci malè credidit *Helmontius*, voluit, ut omnis potio vulneraria occultum alkali, & quidem volatile, in se contineret (a). Alii alia jactant: hinc tot diversæ & tantis encomiis celebratæ doctoꝝ vulnerariorum formulæ. Sed dum bona liquida per vasa debito motu ad vulnus feruntur, fiet illud, quod requiritur. Unde *Ars Medica* tantum cognitum impedimentum idoneis remediis tollere vel emendare poterit, præterea nihil: reliquum totum à natura fiet. Illa autem remedia vulneraria plerumque decocti formâ solebant præparari, quia hæc ratione medicamentorum virtus, aquâ diluta, commodè sanguini misceri, & æqualiter per totum corpus distribui poterat. Quàm variam autem hæc decocta materiam requirant, docebit sequens paragraphus.

§. 198. **H**INC pro re nata sumuntur ex attenuantibus, inspissantibus, mitigantibus, excitantibus, virtute singulari contrarium vitium emendantibus, aperientibus, laxantibus, adstringentibus, adeoque sæpe ex oppositis.

**ATTENUANTIBUS.** Si per signa observata constiterit, impedimentum curationis vulneris pendere à nimia spissitudine humorum, quâ tollitur facilis eorum

(a) *Helmont*, ortus Medicinæ, in Capit. *Blas Humanum*, n°. 53. pag. 153.



per vasa meabilitas; patet, vulneraria remedia in hoc casu esse omnia illa, quæ humores sic dividunt & attenuant, ut sine molestia transire possint per illa vasa, per quæ sanitatis legibus fluere debent. Sed §. 115. 116. 117, demonstratum fuit, à variis causis hanc fluidorum immeabilitatem produci posse; unde etiam §. 134. 135. 136, varia tradita sunt remedia, quibus hæ causæ tolli & emendari poterant. Unde iterum nascitur ingens varietas medicamentorum vulnerariorum, quatenus attenuando agunt. Longè enim alia requiruntur, ut humorum spissitudo inflammatoria attenuetur, quàm si arrabiliaria tenacitas, vel frigidus glutinosus lentor humorum immeabilitatem fecerint.

**INSPISSANTIBUS.** Si nempe liquidorum nimia peccet tenuitas, vel aquosus adfit languor: hæc autem humorum tenuitas vel habet simul comitem acrimoniam, ut in scorbuto sæpe fit, ubi tenuis acer sanguis undique vasibus suis elabitur, & echymoses illas scorbuticas facit, tuncque mollissima glutinosa inviscantia requiruntur: vel à minùs valida actione debiliùm vasorum in fluida contenta non satis compacti humores nimia tenuitate peccant: tunc omnia illa, quæ vim vasorum in liquida contenta augment, sunt inspissantia vulneraria remedia: de quibus dictum in cura fibræ debilis & laxæ §. 28. Hinc iterum apparet, sub eodem hoc titulo opposita laudari remedia, quæ enim in priori casu proderant, in altero nocerent omnino.

**MITIGANTIBUS.** Quæ talia sunt, ut mollibus suis, & inprimis oleosis partibus, sic involvant & obtundant omnia acra, ut illa inertia reddant. Unde non sunt talia, quæ singulari vi acrimonie cuidam opposita sunt, sed molli visciditate quodcumque acre obvolvunt & mitigant. Talia sunt inprimis omnia illa, quæ emollientia vocantur in Officinis, quæ omnem in fluidis acrimoniam leniunt, & solidas partes corporis emolliunt & lubricant.

**EXCITANTIBUS.** Quando nempe vis vitæ languet, frigus, inertia, pallor, & mucosa humorum indoles prædominantur, sine signis acrimonie cujusdam comitantis; tunc omnia illa, quæ grato stimulo aromatico languentem motum augment, adeo profunt, qualia sunt aromata, vinum, &c.

**VIRTUTE SINGULARI CONTRARIUM VITIUM EMENDANTIBUS.** Vitium hoc ergo primò detegendum est; antequam oppositum remedium, singulari virtute hoc emendans, cognosci possit & applicari: illud autem hærebit vel in solidis vel in fluidis, vel in utrisque simul. In solidis major vel minor cohesio peccare potest: de remediis ad hæc vitia dictum fuit in capitulis de morbis fibræ nimis debilis vel rigidæ; ubi autem de humorum vitii spontaneis agebatur, indicata fuerunt illa remedia, quæ singulari virtute corrigebant liquidorum degeneraciones.

**APERIENTIBUS.** Sic vocantur illa, quæ liberrimam circulationem, per omnia vasa faciunt, ad quam requiritur fluidorum meabilitas, & vasorum debita apertura: quæ ergo iterum varia sunt, prout in solidorum vel fluidorum agunt vitia, quæ liberum humorum per vasa transitum tollunt.

**LAXANTIBUS, ADSTRINGENTIBUS.** Prout nempe nimia debilitas, vel nimis robur in partibus solidis peccat. De his omnibus autem antea dictum fuit.

Ex his ergo patet, nullum posse haberi remedium generale, quod omnibus his impeditis tollendis sufficere possit; sed singulis casibus singularia convenire remedia. In *Materia Medica* jam habentur formulæ singulis vitii tollendis idoneæ.

§. 199. **Q**UORUM quid eligendum, docet cognita natura vitii in ægro, & tituli horum medicamentorum (197. 198).

Cognitis ergo vulnerati ætate, sexu, temperie, vitæ genere, morbis prægressis, vel nunc vulnus comitantibus, habetur indicatio, quæ determinat, quid agendum sit & per quæ remedia. In Exemplo res patebit evidenter. Si homo strictæ temperiei in solidis, & atrabiliariâ tenacitate sanguinis præditus, vulneratus fuerit, vulnus siccum erit, nec bonum pus fundet: si jam æstivus adsit calor, fiat validè, caleat, urinam parcam, rubram, olidam reddat; decocta avenæ, borraginis, buglossi & similia mollissimorum demulcentium cum sero lactis, vel aquâ purâ facta, additis syrupo florum violarum, succo citri, rob sambuci, &c, si magnâ copiâ potentur, & panni similibus emollientibus decoctis madidi applicentur parti vulneratæ, brevè mutabitur vulneris conditio: siccitas nimia emendabitur, diluti humores per vasa laxata liberè movebuntur, & obtinebitur felix vulneris curatio. Sed si jam alius vulneris decumbat hyemali tempore, qui pallidus & frigidus laxitate solidorum & mucosâ frigidâ humorum inertia totus tumet, & otiosam egit vitam; vulnus pallidum, frigidum & leviter tumidum apparebit, & manebit ferè in eodem statu. Si tali homini darentur eadem ac in priori casu, pejor multò redderetur & vulneris & totius corporis conditio: si verò huic detur radicum caryophyllatæ, imperatoricæ, helenii, angelicæ, contraiervæ, serpentariæ virginianæ, &c, infusum vel leve decoctum, additâ aliquâ etiam vini copiâ, paucis postea horis incipiet plùs calere toto corpore & sudare; vulneris color pallidus mutabitur in magis rubicundum, nova vita quasi redibit in flaccidis his partibus, regenerabitur perditum & consolidabitur vulnus. Si jam ingens febris; magnusque calor vulnerato adsint, missio sanguinis, decocta tamarindorum, trifolii acetosi, &c, proderunt. Ubi autem non adeo evidenter cognoscitur latens impedimentum, interimque vires vitæ sunt satis validæ, ut ingestam horum decoctorum copiam movere possint, decocta radicum chinæ, farzæparillæ, scorzonæ, sisari germanorum, &c, dantur; hæc enim remedia diluunt, attenuant, solvunt sine impetu, vasa laxant, & aperiunt; sicque æquabilissimam circulationem reddunt; urinæ & sudoris viis multa eliminant de corpore, quæ retenta nocere possent. Hoc tunc totum est, quod fieri poterit.

§. 200. **A**ERIS puri semper, ab exhalante putri liberi, sæpe renovati, temperies sicca cum calore temperato optima.

Dum in nosocomiis in eodem loco plurimi vulnerati decumbunt, putridis exhalationibus repletur aer; unde ferè omnes pessimè se habent, & plures moriuntur, qui aliter servari possent. Quapropter hæc loca apertis fenestris persfari sæpius debent, ut renovetur aer, & dissipentur putrida illa in aere hærentia. Solent ad hanc rem & suffumigia laudari; sed aeris renovatio plùs reficit decumbentes. Omnium autem maximè nocet capitis vulneribus aer non renovatus sæpe; ut Observata docuerunt. Temperies autem aeris requiritur talis, ut blando tepore verno quasi refocillet; frigidus enim aer vulneribus semper nocet, partes enim, per vulnus involucris tegentibus nudæ, illico frigis sentiunt non consuetum, & ab illo malè afficiuntur. Hinc

dixit Hippocrates (a) : *Ulceribus frigidum mordax, eum obdurat, dolorem insupportabilem facit, nigrores, rigores febriles, convulsiones & tetanos creat.* Sed simul cum calore requiritur aeris siccitas; aer enim calidus & humidus quàm maximè in putredinem pronus est: tali enim tempestate carnes mactatorum animalium brevi tempore corrumpuntur, & in putridum tabum disfluunt. Possumus jam per Artem, aerem, in quo versantur vulnerati, pro lubitu temperare: largo enim accenso foco, inprimis ex lignis aromaticis, aeris frigus minuitur, & corrigitur nimia ejusdem humiditas. Si nimis calida & sicca fuerit tempestas, pavimento sæpius de die aqua frigida resperditur, vel florientibus sambuci arboris, tiliæ, vel salicis ramis aquæ immergis, gratum possumus facere aeris refrigerium. Thermoscopia autem & hygroscoopia demonstrabunt aeris requisitam temperiem.

§. 201. **A**LVUS servetur laxa usu emollientium, laxantium; *εὐκροτονικῶν.*

Non agitur hic de illis, quæ validâ vi alvum ducunt; illud enim hic non requiritur. Sed tantùm hoc obtineri debet, ut vulnerati sine valido nixu & molimine alvum exonerent. Videmus enim homines, qui magna cum difficultate duras fæces alvo exprimunt, retento per validum nixum aere in pulmone, faciem habere tensam & rubram, imò sæpe lividam: unde sæpe hæmorrhagia in vulnere recrudescere possit, & iterum dilacerari illa, quæ recrescere inceperant; inprimis si vicinis ano locis vulnus inflatum fuerit. Unde prudenter illis, quibus ob calculi educationem, vel an fistulam, vicinis ano locis vulnus infligitur, aliquot diebus ante operationem perficiendam leni purgante & clysmatibus crassa intestina evacuantur sic, ut nullæ fæces remaneant; deinde per aliquod tempus solum carnis jusculum illis datur, quod vitam sustinere poterit, in interim vix fæces intestinis relinquit: unde peractâ operatione, diu sine alvi evacuatione commodè vivere possunt. Hinc monuit Hippocrates (b) quoddam vulnere sauciato alvus resiccata malum.

Alvus autem sine magno molimine exoneratur, si fæces molles fuerint, & fistula intestinalis lubrica faciliè dilabi patiatur descendentes fæces. Hinc strictis illis & macilentis corporibus adeo dura sæpe alvus est: in illis enim validâ vi intestinorum omne solubile ex fæcibus emulgetur; unde siccissimæ, compactæ & duræ evadunt, & simul molli fœcigmate non satis obducta intestina difficilè faciunt fæcibus transitum: Jucula hinc pinguis, mollissima olera, emollientia decocta, blanda olea pressa, emolliendo fæces, & lubricando vias huic scopo satisfaciunt. Similia clysmatis formâ injecta eundem faciunt effectum: & inprimis profunt, si jam duræ fæces in ultimis intestinis hærent; tunc enim illico juvant, cum reliqua assumpta longiori tempore indigeant, antequam ad hæc loca deferri possint: & sæpe metuetur, ne, subito renescendo deponendi alvum orto, cogatur vulneratus valido nixu duras fæces exprimere.

Postquam hæc emollientia & lubricantia exhibita fuerunt, vel & sæpe unâ cum illis, dantur talia, quæ levi stimulo fæcem alvinarum excretionem promovent, nec interim corpus turbant, vel liquidas excretionem faciunt: observatum enim est post purgantia data alvum semper adstringi. Illa autem medicamenta, quæ hoc per-

(a) Aphorism. 20. Sect. V. Charter. Tom. IX. |

(b) Lib. I. de Morbis, Cap. IV. Charter. Tom. VII. pag. 535.

ficiunt vocantur eccoprotica, quia solas fæces crassas intestinis contentas expellunt: horum catalogus habetur in *Materia Medica* ad hunc numerum. An autem talia remedia habeantur strictâ hujus vocabuli significatione solum sterqus eductia, dubium videtur: omnia enim illa, majori dosi data, liquida per alvum ducunt. Sic enim recentes horzorum fructuum succi, & multa inde facta, manna, cassia, mel, tamarindi, &c, majori copiâ, vel repetito usu, non tantum educunt per alvum illa, quæ intestinelorum cavo hærebant, sed efficacissimâ vi fundunt humores, fuscisque per alvum evacuant. Ila autem propriè purgantia vocantur. Antiqui Medici jam hæc probè distinxerant. *Asclepiades* enim erat in illa opinione, purgantia corpus colligare (*συντρίβει τὸ σῶμα*) deinde liquata educere, quæ antea non præexisterant (a). Et *Theſſalus*, ut ex propriis ejus verbis à *Galeno* citatis (b) patet, concludit, à purgante medicamento materiam in corruptionem permutari: deinde excerni vel sursum per vomitum, vel deorsum per alvum: illudque probat exemplo athletæ bono habitu præditi, & qui secundum naturam se habebat, cui datum purgans admodum corrupta eduxerat, quæ procul dubio in sano & robusto hoc homine non præexisterant: *Galenus*, qui credebatur purgantia attrahere illa, quæ talia præexisterant in corpore, acerrimè quidem in hanc sententiam invehitur, nec tamen videntur ejus argumenta sufficere, ut hoc improbet. Certè scamnoneum, etiam sanissimo homini datum, fundit sanguinem in putridam aquam, quæ alvo educitur; potèstque totum corpus emaciari penitus repetito ejus usu, sic ut pallor, collapsa vasa, & debilitatæ vires satis doceant, non educta fuisse corrupta, quæ præexisterant, sed virulentâ vi pharmaci corruptos fuisse & eductos de corpore bonos humores.

Cùm ergo omnia illa, quæ eccoprotica dicuntur, majori copiâ datâ purgandi vim habent, & plurima purgantia, minutâ dosi datâ, leni stimulo sic irritent, ut contentæ tantum intestinis fæces expellantur; patet hunc effectum obtineri posse, si minori dosi dentur, ut corpus non multum turbent, nec humoribus magnam mutationem inducant, interim tamen alvum laxam servant, quod in hoc casu tantum requiritur.

Solicite etiam solius stercores educationem à purgatione distinxit *Hippocrates* (c); postquam enim de sputis egit, dicit: *Quicumque verò dolores ex his locis neque per sputorum expurgationem, neque per alvi dejectionem, (μὴτε πρὸς τὰν τῆς κοιλίας ἐκκρίσιν) neque per venæsectionem, & viâs rationes, & purgationes, (ὡς φαρμακίας) sedantur, suppurationem concitaturos esse, sciendum est.*

§. 202. **SOMNUS** conciliandus anodynâ, victu humido, narcoticis.

Subtilissimi liquidi defectum, spirituum nempe, natura reparat unico tantum modo, per motum nempe vitalem solum, silente omni animali motu, id est, per somnum tranquillum. Dum validis laboribus lassatus, vel meditationibus exhaustus homo, optimos cibos sumit, nisi simul blando somno corpus refecerit, torpore mentem, gravari corpus sentiet. Sed post bonum somnum quanta sentitur in corpore agilitas, quàm pacata redit menti serenitas, quàm facilem sentiunt mentis perspicaciam, quàm bono somno refectionis matutinis horis meditationibus indulgent! Hinc licet ex ci-

(a) Galen. de natural. facult. Lib. I. Cap. VIIII. Charter. Tom. IX. Part. II. pag. 391.  
 (b) Charter. Tom. V. pag. 21.  
 (c) In Prognostico 2<sup>o</sup>, §2. Charter. Tom. VIIII. pag. 646.

bo & potu ingerantur talia, quæ restituere poterunt illa, quæ vitæ & sanitatis inevitabili lege quotidie pereunt de corpore, somni tamen tempore illa inprimis perficiuntur, ut apta evadant succedere in locum perditorum. Respiratione enim fortior, cordis & arteriarum actio validior & magis æquabilis, somni tempore humores omnes sic perficit, ut optima inde possit fieri refectio perditæ, dum causæ mutantes, applicantes & consolidantes, tanta cum libertate agunt. An hoc voluit indicare Hippocrates (a) dicens, *Anima enim vigilat, & quum quidem corpori subministrat, in multas partes divisa, haud ipsa sibi vacat, sed singulis corporis partibus partem quamdam distribuit, sensibus nimirum, auditui, visui, tactui, ambulationi, actioni, omnî denique corporis cogitationi, ipsa verò mens sui officii non est. Quum verò corpus quiescit, anima movetur; & in corporis partes subrepens, domum suam gubernat, omnemque corporis actiones ipsa obit.* Patet ergo, quàm noxiæ sint vigilæ protractæ vulneratis; quàm necessarius sit somnus ad regenerationem perditæ, & consolidationem vulneris! Si ergo somnus deficit, ille conciliandus est, quod fit *Anodynis*, quæ dolorem tollunt: vigilæ enim, in vulneratis inprimis, à dolore molesto sunt: quamvis & mordaces curæ & validi animi affectus vigilias inducere possint. Illa autem quæ dolorem tollunt, triplici modo possunt hoc efficere vel enim agunt tollendo causam illam corpoream, quæ talem mutationem facit in corpore, ut inde in mente nascatur molesta illa perceptio, quæ dolor vocatur: vel partem corporis, cui causa dolorem faciens applicatur, sic disponunt, ut non, vel minùs validè afficiatur ab eadem causa: vel denique non ablata causâ doloris, & manente eadem conditione patris affectæ, tollitur doloris sensus V. gr; dum pars inflammata dolet, causa doloris est sanguis inflammatoriâ densitate immeabilis, hærens in vasis, cum impetu vitalis liquidi magnâ vi urgente in vasa obstructa: omne ergo illud, quod poterit sanguinem impactum reddere sic meabilem, ut fluat libere per vasa antea obstructa, tollit dolorem, sublatâ ejus causâ. Sed si mollissimis applicatis cataplasmatibus vel fomentis sic laxentur partes solidæ, ut faciliè cedere possint distendentibus causis sine rupturæ periculo, licet maneat eadem densitas inflammatoria sanguinis, & æquè validus impetus à tergo urgens, aberit tamen, vel saltem plurimùm minuetur dolor. Denique si nihil ex modò dictis factum fuerit, sed remanserit dolotis causa, & eadem conditio partis affectæ, licet causa dolorem excitans pergat agere. Hinc generali nomine omnia remedia, quæ uno extitibus his modis dolorem tollunt, dicerentur anodyna. Obtinuit tamen usu, ut illa tantùm sic vocarentur, quæ vel doloris causam tollunt, vel partem dolentem sic mutant, ut non afficiatur, vel saltem minùs validè ab eadem causa. Illa verò, quæ doloris tantùm sensum tollunt, non mutatis doloris causâ vel parte affectâ, vocaverunt narcotica, id est, stupefacientia. Olim tamen hæc stupefacientia vocaverunt etiam anodyna. Sic enim Cælius Aurelianus de dolore dentium agens, dicit: *Multis autem veterum Medicorum accessionis tempore ea medicamina adhibenda jussunt, quæ anodyna Græci vocaverunt (nos in doloria dicere poterimus) quæ aiunt non æurno tempore adhibenda, profectò sensum, non dolorem auferentia (b).* Sic & Celsus dixit: *Anodyna vocant quæ somno, dolorem levant. Quibus uti, nisi nimia necessitas urget, alienum est (c).*

(a) De insomniis, Cap. 1. Charter. Tom. VI. pag. 511.

(b) Morbor, Chronicor. Lib. II. Cap. iv. pag.

373.

(c) Lib. V. Cap. xxv. pag. 278.

Præcipuè jam doloris causæ sunt in vulnere distractio partium adhuc cohærentium, dum vulneris labia utrimque retrahuntur: tenio fibrarum nervearum, à truncis majoribus discissis, retrotractis, & laterales nervos minores trahentibus; vel & semidiscissis vel punctis nervis tensis, tractio fibrillarum adhuc integrarum: inflammatorius tumor fundi & labiorum vulneris: humores effusi in cavum vulneris acres facti, hinc irritantes crudas has partes. Anodyna ergo erunt omnia illa, quæ diluendo, laxando, humectando, acrimoniam natam emendando vel obcundendo, denique tumores distendentes resolvendo, tollunt doloris causam, vel partem affectam sic mutant, ut à doloris causa non afficiatur ita, ut in mente nascatur ingrata illa perceptio, quæ dolor vocatur. Hæc omnia in *Materia Medica* rediguntur ad proprios titulos.

• **VICIUM HUMIDUM.** Omnia semina farinosa tusa possunt validâ pressione oleum sudare satis copiosum: eadem hæc trita cum aqua dant emulsiones sic dictas, in quibus blanda olei indoles manet sine rancidæ corruptelæ metu. Ex his ergo, vel horum farinoforum decoctis cum aqua, lacte, jusculis, habetur victus humidus, in quo aqua prædominatur, sed sic adhærens farinoso horum lentiori, ut non faciliè dilabatur de corpore, sed diu maneat. Talis victus diu continuatus pertinacissimos etiam dolores lenit, laxatis solidis, & blandissimâ factâ omnium humorum indole.

• **NARCOTICIS.** Si jam præcedentibus auxiliis non cedat, nec remittat dolor, vel adeo sævus sit, ut non possit ferri sine magno damno, donec doloris causa tolli possit, tunc dantur in Arte talia remedia, quæ, non sublata doloris causâ, tollunt ejus in mente conscientiam. Summa enim causa doloris potest esse in corpore sine ullo doloris sensu, ut patet in apoplecticis, qui ne vivi quidem ignis applicati vim sentiunt. Plurima quidem habentur, in quibus hæc vis obtinet, ut hyosciamus, solanum datura, &c, quorum tamen omnium suspectus usus est, imprimis si internè sumantur, quia mentis actiones adeo mirificè turbant. Tutor longè, & innumeris Experimentis probatus papaveris usus. Europæi papaveris minor efficacia majorem dosim postulat: Asiatici papaveris succus, Opii nomine in Officinis adeo notus, si prudenter & debitâ quantitate usurpatur, pulcherrimè dolorem sopit; rediturum tamen, si causa doloris maneat, post aliquot horas, ubi vis remedii cessat. Frigidâ intemperie nocere papaveris succum voluit *Galenus* (a), & post illum plurimi alii: hinc vel trepidè usurpaverunt, calidissimis admittis metuendum illud trigus corrigere tentantes, vel damnaverunt omnino tanquam deleterium pharmacum. Qui calidum amarorem opii semel gustavit, faciliè credet, malè frigidam opio noxam adscribi. Adhæsit tamen optimo remedio diu hujus infamix nota, sic ut plurimi Medici abhorruerint ab ejus usu: unde *Paracelsus* non exiguam partem suæ celebritatis opio debuit, dum *Laudano* suo tam mira faciebat in morborum curationibus. In Asia quotidiano usu opium, & magnâ quidem copiâ, sumunt impune; in primis illi, quibus Religio vini utrumque vetat. Imò illi, qui maximè damnabant opium, utebantur sine ullo metu magnis illis compositionibus Officialibus, *Theriaca*, *Mithridatio*, *Philonio*, &c, in quibus magna copia opii adest. Alii turpis lucri causâ aliis teclum remediis clam dabant opium, quod publicè damnabant, ut viderentur aliis arcanis perficere, quod soli debebatur opio. Verum quidem est, quòd plerique Medici fuerint in illa opinionione, ac si vis medicata *Mithridatii*, *Theriace*, & similibus non

(a) Method. Med. Lib. XII. Cap. vii. Charter. Tom. X. pag. 250. & alibi plurimis locis.

penderet à conspirantibus viribus omnium ingredientium; sed ex unione tot diversorum nasceretur novum quoddam & penitus singulare remedium, cujus vis medicata non foret adscribenda collectis ingredientium viribus, sed ex omnium unione nova prorsus & efficacissima exurgeret; unde laudabant antiquam *Theriacam*, & præferebant recèns paratæ. Licet primâ fronte speciosum videatur hoc ratiocinium, rem tamen consideranti apparebit faciliè, magnis his compositionibus vim calidam, aromaticam, inesse præcipuam tamen virtutem pendere ab opio. *Mithridatium* enim *Damocratis*, reliquis antiquius, ex tot diversis componebatur, ut *Plinius* dixerit (a): Quo *Deorum perfidiam istam monstrante: hominum enim subtilitas tanta esse non potuit: ostentatio artis & portentosa scientiæ venditatio est.* *Andromachus* autem, qui *Neronis* tempore vixit, & inter ejus Medicos primus erat, *Mithridatii* i. amocratis, paucis demptis, omnia ingredientia retinuit, quædam addidit, inprimis viperarum carnes, sicque novam fecit antidotum, quam *Theriacam* dixit à viperarum carolibus additis. Libellum Græcis carminibus scriptum *Neroni* dicavit, in quo theriacæ suæ recensebat descriptionem, quam & *Γαλῆνῶν*, id est, tranquillam, vocavit. Nec mirum certè, calidus enim *Andromachus* triplum opii suæ *Theriacæ* addidit, unde incepit obsolescere *Mithridatii Damocratis* celebritas; sola *Theriaca* extollebatur innumeris laudibus, & per tot sæcula tanti nominis famam retinuit; evidenti argumento, opii usum fuisse quotidianum & salutarem, etiam illis temporibus, quibus damnabatur ab omnibus ferè Medicis.

Omnia hæc papaveris floribus, foliis, succo, parata remedia, quæ in Officinis prostant, possunt sic adhiberi, ut vel levissimè sensuum acumen obtundant, vel auctâ dosi somnum inducant satis profundum; imò imprudenti usu lethalem possent facere apoplexiam. Sic sæpe accidit, minori dosi hæc data dolorem quidem compescere, nullo inducto tamen somno, sed pacatissima menti & corpori nascitur quies, quam ne verbis quidem describere se posse mirantur gratum hoc solamen experti. Non omnibus tamen hominibus eisdem effectus facit hoc remedium, eadem quamvis exhibitum copiâ: dum ergo Medicus ignorat peculiarem ægri circa usum hujus remedii idiosyncrasiâ, præstat aliquot grana opii idoneo diluere vehiculo, & cochleatim dare, v. gr; omni quadrante horæ, donec percipiatur doloris levamen. Verumtamen eadem quantitas opii majorem effectum præstat simul & semel exhibita, quàm si detur divisâ dosibus. Qui sæpius sumpserunt, nisi augeatur sensim hujus remedii copia, non ampliùs inde levantur: sine noxa tamen, sensim auctâ dosi, ingentem opii copiam quotidie sumpsisse homines plurimis, illisque certissimis Observatis, constat. In *Materia Medica* jam habentur variz formulæ, quibus hæc remedia pro re nata exhiberi possunt sic, ut majorem minorémve effectum pro lubitu præstent. Hoc incommodi habent semper, quòd alvum astringant; sed lenè clystima faciliè tollit hoc malum.

Sed & similia remedia externè loco dolenti applicata levamen summum faciunt: unde cataplasmata & fomenta ex emollientissimis herbis parata, additis simul hyoscyami, papaveris hortenensis, &c, tollis, tanti usus sunt.

(a) Lib. XXIX. Cap. 10.

§. 203. **A**NIMUS fit hilaris. Venus vitanda, quies commendanda est.

Validi animi affectus omnes, cùm miris adeo modis corpus mutare, & in omnibus suis functionibus turbare possint, nocebunt semper vulneratis: sed pacata illa mentis serenitas, quã nullius mali conscia nihil adversi metuit, & omnia prospera sperat, hic inprimis convenit. Profusum gaudium æquè noceret, ac alii magni animi affectus. *Sanctorius*, & alii, qui de *Statica Medicina* scripserunt, observârunt hilaritatem corpus quàm maximè perspirabile reddere, & leve ad sensum. Sed hoc designat liberrimam per omnia vasa circulationem, & expeditissimam exercitationem omnium functionum, id est, optimam sanitatem.

**VENUS VITANDA.** Nihil enim magis movet totum systema nervosum, quàm veneris usus: hinc communi omnium Medicorum consensu vulneribus noxius habitus fuit; & tristes casus docuerunt funestum eventum. Tale Exemplum §. 172. n°. 2, habetur: ubi seminis emissio sine coitu, pessima symptomata & mortem ipsam produxit. Hinc in victu vulneratorum vitanda omnia, quæ tentiginem veneream irritare possunt, ut ostrea, cancri, gammari, &c.

Quietem autem vulneratis necessariam esse, sponte patet: motu enim tenerrima illa vascula, quæ informis mucii specie in vulnere recrescunt, destruentur.

Binæ requirebantur conditiones (vide §. 189.) ut fieret regeneratio perditii in vulnere: nempe, ut liquidum sanum debitâ copiâ & apto impetu deferatur ad vulnus; deinde ut vascula exipientia humores allatos habeant illas dotes; quæ requiruntur, ut excipere & transmittere possint talia liquida, quæ secundum sanitatis leges per hæc vascula fluere debent. Hactenus à §. 192, hucusque inprimis actum fuit de illis, quæ in victu & remediorum usu observari debent, ut bona fiat humorum indoles, qui ad vulnus deferentur. Sequitur nunc, ut agatur de canalium transmittentium in vulnere dispositione tali, quæ requiritur, ut fiat perditæ substantiæ restitutio, & separatorum unio.

§. 204. **U**T canales in debita conditione (189) maneant, nec liquida in vulnere corrumpantur, sicque lædant actionem (189. 190. 191.) descriptam, aer arcendus, vulnus totum fovendum balsamicis vulnerariis lenibus, implendum carptis, ad æquabilem pressionem, nervisque amicis medicamentis.

Post vulnus inflictum, discissorum canalium extrema retrotrahuntur, angustantur, & resistunt liquidis per illos pulsus, incipit tunc inflammatio nasci in labiis & fundo vulneris, & post hanc puris sequitur confectio: dùmque hoc fit, ex fundo cavi vulneris sursum, & ab omni ambitu centrum versùs, protruduntur sensim vasculorum hiantium extrema, quæ tenerum mucum referunt, & ex hac materia sic renata fit regeneratio perditii in vulnere (vide §. 158.) Patet ergo, requiri ad hanc rem, ut canales illi pulposi debitam retineant molliem, & humores effusi per patula vasorum oscula in cavum vulneris blandam retineant indolem; si enim spontaneâ degeneratione acrimoniam acquirant, destruetur illud pulposum renas-

cens,



cens. Utrique autem scopo satisfcit, si aer arceatur. Constat enim certissimis Observatis animalium partes diutissime servari posse incorruptas, si omnis aeri accessus prohibeatur; cum e contra paucis sæpe diebus putrescant, si aperto aeri exponantur. Carnes caprinæ & gallinacæ affatæ, in particulas dissectæ, butyro liquefacto immerse, in dolio exactè clauso conservatæ fuerunt ultra sex menses, in navi ex Indiis reduce, intensissimo quamvis sub aeris calore, sic ut pristinam saporis gratiam perfectissimè retinuerint (a) Præterea aer libere ad vulnus allabens tenerrima illa vasculorum renascentium extrema exsiccando destruit: unde ab his mortuis fordes in vulnere antea puro nascuntur, quæ iterum separari debent, antequam consolidatio fieri possit. Ob hanc causam crediderunt multi, aliquid venenati in aere hæere; cùm viderent tantas mutationes vulnorum à libera aeris admissione. Ideo etiam raras vulnorum deligationes adeo commendaverunt peritissimi Chirurghi.

Debet ergo tegi superficies tota vulneris sic, ut ab aere defendatur. Hoc omnium optimè fit per balsama vulneraria dicta, & imprimis per balsama nativa, quæ omnia spissâ unctuositate hærent, blandum aroma in se habent, & simul acidum, quod putredini omni resistit, sic tamen obvolutum pingui, ut non noceat suâ acrimoniâ. Chemica enim Analysis ex omnibus balsamis nativis acidum liquorem, & fragrans, tenue, aromaticum oleum educit, in fundo manenti tenaci resinosa parte. Dum hæc modicâ copiâ, leviter calefacta, ut æquabilius diffuant, vulneris superficiè applicantur, tegunt tenerrima hæc vascula, aerem pinguedine suâ arcant omnémque exsiccationem impediunt, & simul humores effusos à putredine præservant. Ex his liquet, parcam tantum balsamorum copiam ad hos usus requiri, & malè agere illos, qui magnâ copiâ horum, vulnera infarciunt: sunt enim corpora heterogenea in vulnere, quæ concretionem partium interpositione suæ molis impediunt. In *Materia Medica* jam ad hunc numerum plura recensentur nativa balsama & artificialia, quæ omnia ferè simili modo agunt & profunt.

His factis cogitandum est, quòd cutis æquabile tegumentum absit in vulnere, hinc vascula illa pulposa recrescentia, molli balsamo tecta & humido calore fota, faciliè cedent liquidis distendentibus, augebuntur omni dimensione, & dilatata admittent alienos humores; hinc tota vulneris superficies degenerabit in flocculentam substantiam, quam carnem fungosam vocant Chirurghi. Hoc impeditur, si tam moderata pressio vulnere incumbat, ut cutis antea coercentis defectus suppleatur: quod fiet, si linteis carptis, mollissimis siccissimisque, leviter inunctis leni balsamo illâ parte, quâ vulneris superficiem tangunt, vulneris cavum impleatur: deinde emplastro vel fasciâ circumductâ sic firmentur hæc, ut lenissimâ pressione nimiam vasculorum dilatationem coerceant tantum, cavendo interim, ne nimis premendo destruant tenerrima hæc vascula, vel suffocetur vitalis liquidi motus per has partes. Simul blandâ tali compressione cavebitur, ne membrana pinguedinosa, undique in vicinia cutis tegmine coercita, assurgat in vulnus, & ibi degeneret satis citò,

(a) Boyle de utilitate Philosophiæ Experimentalis, Exercit. IV. pag. 184.

§. 205. **Q**UIBUS (204) in vulnere retinendis emplastra profunt, vix aliud huic scopo præstantia, quàm tenacitatem, non lædentem.

Non facile hoc credunt Chirurgi, qui felices vulnorum curationes plerumque suis solent adscribere emplastris, & singuli serè hic sua jactant arcana. Si tamen enarratæ præcedentibus paragrahis conditiones vulnè adfuerint, sanatur, qualecumque demum imponatur emplastrum; modò nihil continuerit in se, quod nocere possit, inceptum naturæ opus turbando, vel condiciones requisitas ad regenerationem perditæ in vulnere tollendo, nimio stimulo, v. gr; vel aliâ quacumque ratione. Quòd autem hæc res sic se habeat, patet inde, quòd licèt unusquisque serè sibi soli cognitum, & reliquis omnibus præponendum, emplastrum adhibeat, tamen omnes æquè feliciter curent, si reliqua auxilia eodem modo vulnè adhibita fuerint. Verum quidem est, quòd emplastra cuti externæ applicata, præter tenacitatem requisitam, possint continere talia ingredientia, quæ calore corporis, cui applicantur; mœra & actiuosa reddita se insinuant vasis bibulis, sicque non solùm agant in partem illam, cui applicantur, sed etiam totum corpus efficacissimè mutare possint; uti v. gr; emplastra vesicatoria, mercurialia & similia plurima: sed de hac re hic non agitur: requiritur enim tantùm in hoc casu, ut vulnè applicata retineantur in loco, unde sola tenacitas hic sufficit ad hunc scopum. Hinc plumbata illa emplastra, quæ ex plumbo vel ejus calcibus variis in oleo coctis ad requisitam tenacitatem fiunt, tanti sunt usûs; dum facillimè feruntur etiam ab illis, quibus à pingui serè quocumque applicato cutis inflammatur. Talia sunt emplastrum *de Minio*, *Diapalma*, *Diapompholygos*, de *Cerussa*, *Defensivum rubrum Vigonis*, & plurima similia, quæ eundem præstant effectum in hoc casu.

§. 206. **L**IQUIDA ad vulnus allata, in vulnus effusa, fibræ semimortuæ, canales obstructi, tumefactique, creant in vulnere pus, ichorem, sordes, carnes spongiosas.

Singulis vulnè deligationibus accuratè vulnus lustrandum est, ut videatur, an aliquid occurrat mutati in tota superficie, quod perditæ substantiæ regenerationem, & vulnè consolidationem, impedire possit. Si enim omnia rubra, nitida, & humida æquabiliter fuerint, novimus vasa & humores habere debitas condiciones, ut fiat sanatio: si verò siccum apparuerit, vel sordidum vulnus, certò scimus, non posse consolidari illud, nisi priùs iterum sordes illæ ablatur sint, & vasa æquabiliter humores transmittant in omni puncto superficiè vulnè. Hæc autem impedimenta nascuntur, vel ab humidis effusis, degenerantibus in alienam indolem; vel à vasis obstructis & tumefactis, vel ab utrisque simul. Plurimæ enim partes possunt in vulnere esse pro parte discissæ, sanis quidem partibus cohærentes adhuc, omni tamen vitali influxu orbæ; unde emoriuntur, & separari debent; & quamdiu ibi adhuc hærent, heterogenei corporis instar, impediunt consolidationem. Postquam autem vasorum orificia in vulnè superficie incipiunt effundere humores, illi collecti stagnando, calore loci, tenuissimæque partis diffatione, mutantur in unctuosum, blandum, liquidum, pus dictum, quod semper bonum est; uti dictum §. 158.

nº. 7, nimis tamen diu relictum in vulnere nocere possit; tunc enim corrumpitur & acre fit. Si verò vulneris superficies madeat tenui ichore, non bono pure, numquam fiet bona consolidatio, quamdiu hoc adest. Hoc autem intelligitur, si talis tenuis sanies in vulnere appareat, postquam per duodecim vel plures horas idoneo apparatu relictum mansit vulnus; nam si omni pure ablato post horam unam aut alteram denudetur vulnus, non aderit pus, sed longè tenuius liquidum, quod tamen ibi relictum in pus mutabitur. Sed ichoris nomine hic intelligitur tenue liquidum, plerumque simul acrioris indolis, quod morâ in vulnere nunquam tamen in bonum pus convertitur, sed semper acrius fit. Talis autem ichor vel fit à liquidis effusis, non mutandis in bonum pus; vel fit etiam ab optimo pure nimis diu in vulnere relictò; tunc enim iterum attenuatur & acre fit. Dum enim pars corporis suppurata, & undique emollita, debito tempore lanceolâ pertunditur, bonum & crassum pus exit: si verò talis locus nimis diu clausus maneat, contentum pus attenuatur iterum, & tunc aperturâ factâ, loco boni puris, tenuis effluet sanies.

Sordes autem nascuntur in vulnere vel à semidiscissis partibus, vel à mortuis & nondum à vivis partibus separatis, vel à vasis dilatatis & liquido immeabili distentis; tuncque vulneris superficies non apparet pura & rubra, sed alba ferè, instar lardi: & nisi harum sordium fiat separatio à vivis partibus suppositis, in colorem flavum, imò fuscum mutantur, & eò pejorem degenerationem notant, quò color ab albedine in fuscum magis declinat.

Carnes autem spongiosæ tunc inprimis nascuntur, quando superficies vulneris non comprimitur æquali vi, ac cutis integra premit vicinas partes: unde panniculus adiposus assurgens tumet, & citò degenerat in fungosam dictam carnem, ut dictum fuit §. 158. nº. 5, omnium maximè si per febrem natam impetus & velocitas circulationis augetur: tunc enim dilatata vasa citò assurgunt, si debita compressio non impederit. Videmus autem ubique ferè in toto corpore, ubi æquabilis pressio coercens ablata est, partes in locum minùs resistentem assurgere. Sic in vulneribus capitibus, vel post trepanum applicatum, calvaria tegmine ablato, si simul dura mater discissa fuerit, cerebri substantiâ in mirabiles fungos excrescit. Discissis per vulnus abdominis tegumentis, integro tamen manente peritonæo, nisi firmetur ligaturâ idoneâ locus, paulò post contenta abdominis pressa in locum minùs resistentem, dilatato peritonæo, herniam faciunt. Carnium ergo fungosarum origo in vulnere est tantùm naturalis sequela diminutæ æquabilis pressionis.

Sed omnia hæc in vulnere, quamdiu adsunt, impediunt consolidationem: heterogenea enim sunt; hinc auferenda: quomodo hoc fieri debeat, docebit sequens paragraphus.

§. 207. QUÆ (206) dirigente, abstergente, corrodente, exsiccante auxilio tolli solent, sæpe & comprimendo.

Quando vident periti Chirurghi, vulneris superficiem sic degenerare, ut non ubique humida & rubra sit, sed sordes albæ, flavæ, vel fuscæ appareant; noverunt, optima etiam balsama non sufficere. Natura quidem sola per bonam suppurationem nititur separare hæc corrupta; sed vasa viva supposita, sordibus his incumben- & adhærentibus impedita, non valent hæc remove- tam facillè; unde hæc jam semimortua diutius hærentia corrumpuntur, & in pejorem indolem degenerant.

Applicant tunc talia remedia; quæ emolliunt quidem hæc sordida, sed simul saponaceâ vi solvunt, & leni stimulo irritant vivas partes suppositas, ut fiat facilior separatio harum sordium à vasis vitalibus, quibus adhærent. Hæc vocantur *Digerentia* termino Chirurgico à ventriculi digestionem desumpto. Sumunt, v. gr; balsamum quodcumque nativum ut terebinthinam, & cum vitello oviterunt, ut oleosa balsami ænacitas frangatur sic, ut in aqua dilui possit; addunt deinde mellis aliquam copiam, quod saponaceâ suâ vi plurima concreta dividit & solvit. Tale medicamentum plumeo melleis exceptum vulneris superficiei sordidæ applicat: emollitæ sic sordes, & vi saponaceâ solutæ, pure bono facto separantur à partibus sanis, & redditur purum vulnus. Pulcherrimè talium remedium usum, ubi, impura vulnera sunt, indicavit *Hippocrates*, dicens: *Pinguia inflammatis minimè conferunt, neque sordidis, neque putrescentibus. Verùm ad inflammata frigida conferunt, ad sordida verò & putrescentia, acria, & quæ morsum quemdam exciando purgant* (a). Et alio in loco docet; humores bonos per vasa ad vulnus delatos avertere his remediis emollitis & faciliùs separandas sordes: *si quidem ulcus ocludere vel implere opus sit, tumefacere juvat.... Cibus enim recreata caro illam, quæ à medicamento computruit, propellit, ac simul cum natura debellat* (b).

**ABSTERGENTE.** Hæc remedia parum acriora sunt digestivis distis. Si ergo præcedentibus addantur aloe, myrrha, saponis Veneti paululùm: habetur medicamentum abstergens, quod à digerente, tantùm gradu paulò majoris stimuli, differt.

**CORRODENTE.** Illa jam prioribus longè acriora sunt, & partes, quas tangunt; emori faciunt; hinc crustam vulneris superficiei, cui applicantur, inducunt: sub qua vasa vitalia suo motu & allatis liquidis sensim illud mortuum separant & expellunt. Hæc autem omnia faciunt quidem, ut omni vitali influxu priventur sordes illæ adhærentes vasis vivis, sed nunquam per hæc sola separatio mortui obtineri poterit, quod sola natura per suppurationem bonam perficit. Hunc autem usum habent, quòd vasa obstrueta & dilatata, in vulnere sordes facientia, quæ lenioribus abstergentibus pertinaciùs resistunt, uno momento, & ipso quasi attactu, faciant omni vitali influxu humorum privari: hinc gangrænosam quali crustam superficiei vulneris obducunt, cui deinde applicantur mollissima digestiva, ut escharæ illæ per corrodentia factæ, horum applicatione emollitæ, vasorum vivorum subjacentium actione separentur à vivis partibus, quibus cohærent, sicque vulneris superficies reddatur pura. Unde apparet, prudentem horum usum requiri, nec sæpe repetitum, nisi deciduis jam escharis vulnus adhuc impurum appareat. Malè ergo agere illos, qui credunt, solis corrodentibus depurari posse vulnus, cùm tantùm sordium augmentum impediunt, his in mortuam escharam conversis, quæ postea emolli, & suppuratione factâ separari debet; imò nimis repetitâ applicatione partes vivæ puræ similiter afficiuntur; unde sordes augentur tunc, non minuantur. Pulchre hoc notavit *Galenus*, narrans, Medicum sordido ulcere rodens medicamentum adhibuisse quotidie, & maxime miratum fuisse, quòd sordes augeantur, non verò minuerentur, unde augebat imprudens applicari remediis efficaciam, sed malo eventu. Quippe quantum ille intendebat medicamenti acri-

(a) De Affectione Cap. x, Charter. Tom. VII. pag. 631.

(b) De locis in homine, Cap. XIII. Charter. Tom. VII. pag. 372.

moniam, tantum caro subjecta colliquabatur, & sordes augebat (a).

In *Materia Medica* recensentur jam hæc corrodentia, pro vario acrimoniæ gradu, in varias classes distincta. Efficacissima inprimis sunt illa, quæ ex acido fortissimo, glebæ metallicæ unito, constant; & inter illa *lapis infernalis* dictus, summum usum habet: constat enim concentratissimo niri spiritu & argento purissimo unitis: & cum formâ solidâ habeatur hoc corrodens, & in quamvis figuram possit formari, potest ferè omnium tutissimè applicari. Reliqua enim vulnere adhibita in totam ejus superficiem agunt æqualiter; *Lapis autem infernalis* singulis punctis potest applicari, & momentaneo tactu escharam facit: unde major vel minor hujus effectus est, prout citius aufertur, vel diutius applicatus manet: & cum sæpe non omnes partes superficiei vulneris æquè crassæ sint obfessæ fordibus, hinc non æquè validam corrodentis actionem requirant; omnium pulcherrimè hoc moderamen adhibito *Lapide infernali* observari poterit.

Escharæ autem per corrodentia factæ dein lenissimis applicatis remediis debent emolli, ut à vivis partibus subjectis possint citò separari; & illis deciduis tunc apparet, an repetita corrodentis applicatio necessaria sit, an verò lenioribus digestivis, vel abstergentibus, vulnus purum reddi possit.

**EXSICCANTE.** Quando nempe plurimo, & nimis tenui humore, vulnus madet; tunc illa, quæ liquida absorbent, & vascula roborant, inprimis profunt. Tales sunt terrestres bibuli pulvisculi in pollinem impalpabilem triti, ne asperitate suarum partium crudum vulnus irritent, quales sunt, v. gr; ossium combustorum cineres, mastiche, olibanum, sarcocolla, &c, quæ simul roborant.

**SÆPE ET COMPRIMENDO.** Inprimis prodest compressio, si sordes à dilatatis vasis in fungosam excrecentiam degenerantibus nascantur: licet enim corrodentibus abstuleris spongiosam illam carnem, nisi debitâ compressione firmaveris has partes, brevi renascetur similis excrecentia; uti in fungis cerebri toties renatis docuerunt Observationes. Unde periti Chirurgi tunc sæpe solis linteis carptis sicis vulnus replent, & modicâ ligaturâ coercent; vel & aliquando crassum plumeolum, balsamo vulnerario inunctum aversâ parte imponunt, sic ut pars sicca plumaceoli vulneris superficiem tangat, pars verò superior balsamo inuncta aerem arceat.

**§. 208. ILLA** (207) adhibenda, donec pus album, blandum, viscidum, leve, aquale, inodorum, adsit; sub quo sordes abstergantur, contusa & tumida consumuntur, corrupta ab aere separantur, cava implentur, conglutinantur separata.

Omnia, illa, quæ præcedenti paragrapho recensita sunt, possunt compescere nimis faciliè distendenda vasa, possunt semimortuas partes unâ cum parte vivorum vasorum convertere in escharam gangrænosam, sed non valent separare hanc crustam à vivis partibus suppositis; hoc enim sola natura per suppurationem facit, nec ullus modus alius superest, quo hoc fiat. Sed suppurationis indicium est puris confectio, de quo dictum §. 158. n°. 7. Ubi ergo pus bonum apparet in vulnere, novimus vasa sic disposita esse, ut transmittant debita liquida; & simul hæc liquida

(a) Galen, Method. Medend. Lib. III. Cap. vi. Charier. Tom. X. pag. 68.

habere illas dotes, quæ requiruntur ad sanitatem. De illis quæ requiruntur, ut humores ad vulnus allati boni sint, dictum fuit antea: hoc loco tantum agitur de illis impedimentis, quæ in ipso vulnere hærent, & regenerationem perditæ, bonamque consolidationem, impediunt. Quamdiu enim hæ sordes in vulnere hæserint, æquè ac ullum aliud heterogeneum corpus impediunt sanationem. Ubi autem per debita auxilia adhibita in vulnere nascitur bonum pus, tunc novimus per hoc separari posse à vasis vivis omne illud, quod vulneris sanationem impediret. Sed pus illud non tantum debet habere omnes conditiones hic recensitas, sed debet in omni vulneris superficie idem & æquale nasci: accidit enim sæpe, ut non omnis superficies vulneris fordibus obfideatur, sed tantum quædam ejus pars; tunc pura loca bonum pus dabant, reliqua aliud diversæ indolis liquidum fundent; ergo pus non erit ubique æquabile, sed varium in variis vulneris locis, tuncque hæc loca fordida sola requirunt medicamenta paragrafo præcedenti enumerata, quæ vivis & puris vulneris partibus non conveniunt.

Sub hoc pure, quidquid semilacerum vivis cohæret, & omnes obstructorum vasculorum fines, unà cum materia obstruente, solvuntur & separantur; & vasa libera tunc humores sine impedimento transmittunt: hinc omnis tumor labiorum vulneris ab impedito libero humorum tractu ortus disparere incipit; quæ contusione, vel aeris admissione, corrupta fuerant, secedunt, tenerrima vascula bono pure tanquam blando & naturali balsamo testa elongantur, vicinis occurrunt, & uniuntur, novamque vasorum texturam faciunt; per quam regeneratur perditum in vulnere, & separata uniuntur.

Totum ergo, quod Arte fieri potest, est, ut tollantur illa impedimenta, quæ boni puris in vulnere generationem prohibent: reliqua natura sibi semper sufficiens perficit.

§. 209. **T**UM ea, quæ carnem generare dicuntur, applicanda, quæ sunt digerentia leniora.

Hæc remedia sarcotica dicuntur apud Chirurgos: sed unicum tantum verè sarcoticum dicendum est, nempe ipsa natura, sub blando pure renasci faciens perditæ: quam rem Galenus tam pulchre expressit, dicens (a), *Scire licet generandæ carnis materiam, sanguinem bonum esse; opificem (ut ita dicam) auctoremque naturam.* Reliqua omnia remedia, quibus carnis generandæ vis adscribitur, tantum auferunt impedimenta, & addunt adminicula; & nulla alia sunt, quàm quæ pressione debitâ coerceant vasa, & sic disponent, ut solent esse in sanitate: quod faciunt aerem arcendo, fovendo partes, & humores effusos sic coercendo, ut debitâ morâ in bonum pus mutari possint.

Purum enim jam vulnus ab omni acriori applicato læditur; destruantur enim tenerrima illa vascula, quæ incipiunt renasci, novæ sic ab his emortuis nascuntur sordes, quæ iterum separari debent: unde sola hæc tantum conveniunt remedia; quæ §. 204, laudata fuerunt. Bene autem procedere vulneris puri curam novimus, si color adsit in vulnere subrubellus (ruber enim nimis color inflammationem naturam denotat) si pus debitâ copiâ & bonum adsit; si fundus & latera vulneris æqualissimè excrevant: nilque ultra æquabilem superficiem attollatur, & labia vulneris non superent altitudine vicinam curim, sintque æqualia, nec exesa appa-

(a) Method. Med. Lib. III. Chapter. Tom X. pag. 19.

reant, & in margine vulneris incipiat color pallidus subcærulefcens nafci, qui cicatricem fieri indicat.

§. 210. **SI** autem, peractis, quæ primo scopo (185.) fatisfaciunt (186. 187. 188.), nihil ex fubftantia corporis ablatum deprehenditur, labia unienda ita funt, ut partes naturaliter unitæ iterum fibi mutuò applicentur, atque ita retineantur.

Generalia indicata, quæ in omni cujuscumque vulneris curatione requirebantur, §. 187, funt enumerata: & quidem ibidem primo numero ducebatur, debere auferri omnia illa, quæ heterogenea ab inftrumento vulnerante, vel partibus fluidis aut folidis corruptis, relicta poffent impedire unionem partium separatarum. §. 186. 187. 188, dictum fuit, quomodo, & per quæ, & quibus cum cautelis, hæc heterogenea tolli debebant. Si ergo his peractis appareat, quodd aliquid de fubftantia partium ablatum fuerit, illud reftituendum primò eft, antequam poffit fieri unio partium separatarum. Quomodo autem hæc reftitutio perdiri obtineri poffit, dictum fuit à §. 189, huc ufque. Si autem fimplex tantum fuerit facta divifio partium antea cohærentium per caufam vulnerantem, fine fubftantiæ jactura, fine ullo heterogeneo corpore relicto inter partes separatas; habetur tantum fimpliciffima indicatio, nempe, ut labia vulneris, fpon te femp er à fe invicem recedentia, (vide §. 158. n°. 1) fic applicentur fibi mutuò, & applicata retineantur, ut partium omnium fitus fit talis, qualis fuerat ante divifionem. Unionem partium fic difpofitarum fola natura perficiet fatis citò, etiam in maximis vulneribus, fi conditiones modò dictæ adfuerint. Optima etiam balfama vulneraria labiis talis vulneris interpofita tunc nocent; funt enim heterogeneum corpus, quod nunquam cum corporis partibus concrefcere poteft: fed requiritur tantum applicatio partium separatarum ad fe invicem, nullo alio interpofito remedio.

Quàm facile enim partes corporis vulneratæ concrefcant, non tantum cum illis, quibus unitæ fuerant naturaliter, fed etiam cum aliis vicinis, cum quibus antea nunquam cohæferant, docent plurima Obfervata. Nobili juveni enfe vulnus inflitutum fuerat, quod non tantum oculi finiftri palpebram penetraverat, fed etiam fimul adnatam oculi tunicam, & ipfam corneam leviter læferat. Imprudenti curâ palpebra concreverat cum adnata & cornea; unde palpebra aperiri non poterat, & continua fiebat irritatio & dolor, dum oculo fano moto non poterat impediri, quin etiam alter oculus moveretur. Ingeniofiffimâ methodo moleftum hoc malum fufcult *Hildanus* (a). Mulieris pudenda venereo ulcere erofa concreviffe inter fe incuriâ Medici ex *Benivenio* recenfet *Schenckius* (b). Rem hanc etiam confirmat *Chirurgia Curatorum* dicta, per quam partes corporis ablatæ reftituuntur: de qua dictum § 189: & jam monuerat *Celfus*, quodd *fæpe exulceratio digitorum, nifi magnâ curâ profpeximus, fanefcendo in unum eos jungat* (c). Si ergo hæc concretio tam facilis fiat in partibus, quæ antea nunquam naturaliter cohæferant, longè magis expectanda erit, quando partes, quæ prius unitæ fuerant, iterum contigæ fiunt.

(a) Centur. VI. Obferv. VII. pag. 501.

XXIII. pag. 814.

(b) Obferv. Medicin. Lib. VI. Obferv.

(c) Lib. V. Cap. XXVIII. pag. 332.

§. 211. **H**ORUM prius absolvitur 1. situ conciliato parti illo, qui quiescenti aderat: 2. leni & aquabili partium ad se invicem compressu, ut in omni superficie contigua sint, & quiescant.

1. Maximæ utilitatis est cognoscere, qualis sit situs partium in homine quiescente, & in primis in homine sano dormiente; tunc enim omnis motus voluntarius silet, & partes corporis sibi relictæ omnium maximè naturali situ disponuntur. Apparebit tunc, nullum articulum corporis extensum esse, sed omnes leviter flecti. Nunquam enim in sano homine dormiente digiti extensi sunt, nunquam tibia cum femoris offe in lineam rectam porrigitur, sed semper omnes illi articuli leviter inflexi sunt: idem de reliquis verum est. Musculi enim, qui articulos flectunt, plerumque extensoribus fortiores inveniuntur; hinc ubi neutri agunt vi musculari, tunc propriâ contractilitate partium flexores musculi prævalent extensoribus, & ideo semper leniter inflexi apparent in quiescente articulo. Apparet hoc etiam evidenter in paralyti perfecta partium corporis; tunc enim omnis actio muscularis voluntaria cessat. Si enim, v. gr; totum brachium paralyticum fuerit, digiti semper inflexi inveniuntur, & sic manent; unde sæpe post curatam paralytin non possunt extendi digiti, rigidis factis ligamentis articularum, & musculis flexoribus, tanto temporis spatio non elongatis, hinc propriâ contractilitate brevioribus redditis: unde extensores digitorum hæc obstacula superare non possunt. Hippocrates, qui tam sollicitè naturalem habitum partium corporis observavit, ut posset cognoscere, quantum morbi inde recederent, & hinc distinguere eorundem variam magnitudinem, hoc pulchre notavit, dum decubitu optimo ægri agit, dicens (a), *debet autem Medicus ægrum deprehendere in dextrum aut sinistrum latus jacentem, manibus, collo, cruribusque parum reductis, & toto corpore humentem. Sic enim plurimi sani cubant.* Dum hoc negligitur in vulnerum curatione, concresecunt inter se partes alio in situ, quàm naturaliter habebant, & turpis sæpe nascitur à distractis partibus difformitas, vel motus naturalis partium depravatur sæpe plurimum. Sic puero, cui sexto mense ætatis dextra manus misèrè combusta fuerat, ab imperitis neglectâ hæc cautelâ, digiti omnes, excepto pollice, cum cute metacarpi concreverant, unde pessima difformitas orta, & omnis usus membri perierat; artificiosissimâ curatione, sed operosâ tamen, correxit hanc difformitatem, & usum partis restituit Hildanus (b).

In prima autem deligatione vulneris ad hoc attendendum est; nam partes crudæ unitæ citissimè conglutinantur: unde non poterit error commissus corrigi, nisi crudeli curâ discindantur iterum illa, quæ jam concreverant.

2. Partes corporis per vulnus separatæ propriâ contractilitate sensim plûs recedunt à se mutuo, uti dictum §. 158. n°. 1. Sed ut agglutinentur iterum, requiritur, ut maneat contiguæ: hinc artificiosâ pressione debet superari illa vis, quâ à se mutuo recedere conantur. Quàm maximè autem notandum, quoddam debeat hæc unio partium fieri in tota vulneris superficie, si enim profundi vulneris labia contigua fiant, & interim partes suppositæ deficiant, cavum manebit in vulnere, in

(a) In Prognostico, Comm. I. Sentent. 13. |

(b) Observ. Chirurg. Censur. I. Observ. 83; Charter, Tom. VIII, pag. 600, | pag. 60,



quo effusi humores colliguntur, & in sinuosum ulcus facient degenerare vulnus. Hoc autem perficietur, si plenius appositis & idoneâ ligaturâ vicinas partes sic premendo, ut labia vulneris æquè in fundo quàm in cute ipsa fiant contigua. Requiritur tamen ut hæc compressio moderata sit, ne fiat in partibus compressis nimia vasorum angustatio, unde inflammatio & omnia, quæ inde sequuntur mala, possent oriri. Simul tunc requiritur perfectissima quies partis vulneratæ, unde sic firmandum est membrum vulneratum, ut immobile maneat; sæpe enim in somno, vel vulnerati incuriâ, motâ parte vulneratâ, mutatur situs partium, separantur vulneris labia & dilacerantur illa, quæ jam concreverant; unde curationis pulcher eventus tollitur.

§. 212. **R**ETINENTUR in adunatione. 1°. Emplastris tenacibus, digitatis processibus; ad fines ansatis, utrimque à latere vulneris appositis, & per fila adducendis. Quæ locum habent in longis scissuris transversis cutis, vel partium laxarum.

Varii jam requiruntur modi pro vulnere diversitate, ut partes contiguæ factæ maneant in debita unione. Hoc fit,

1°. Per futuram siccam dictam Chirurgis, ut distinguatur à futuris acu factis. Sumunt tenax quodeumque emplastrum, quod cuti sanæ validissimè adhærere potest; vel commune fabrorum gluten, ichthyocollam, vel aliud quid simile, non refert ferè quale fuerit, modò debitam habuerit tenacitatem; illud deinde extendunt supra linteum fortis texturæ, ne faciliè cedere possit; applicant utrimque ad aliquam distantiam à labiis vulneris, leviter calefactum, ut eo fortius adhæreant; tunc adducunt bina hæc emplastra ansulis instructa, ut filis transmissis attrahi ad se mutuo pro lubitu possint. Cutis adhærens his emplastris utrimque sic attrahitur, ut vulneris labia contigua fiant; & cum hæc emplastra non tegant ipsum vulnus, commodè potest videri, an naturalem situm habeant labia vulneris unita; & si aberraverint ab hoc situ, poterit illud faciliè corrigi. Prout jam vulnere variat magnitudo, varia figura & numerus horum emplastrorum requiruntur. Minoribus vulneribus, nec admodum hiantibus, digitata talia emplastra sine ansulis sufficiunt; maioribus autem vulneribus, & quorum labia magis ab invicem recesserunt, tutius applicantur similia emplastra, quæ habenulis per ansas transmissis adduci possunt. De his emplastris & vario illorum usu videatur *Heisterus* (a), ubi illa delineata habentur.

Sed, ut faciliè apparet, sola cutis tantum per hæc emplastra adducitur, subiecta pinguedo, si profundo vulnere lassa fuerit, mobilis admodum & laxa non sequetur cutem adductam; unde ferè tantum locum habent, ubi cutis sola per vulnus divisa est, & partes satis laxæ faciliè sequi possunt. Hinc in vulneribus faciei non nimis profundis, & integumentorum capitis imprimis usum habent; ut etiam in vulneribus non altè penetrantibus reliquarum corporis partium.

Vulneris dein labiis, per emplastrum tenax unitis, imponitur plumaceolum balsamo quodam vulnerario inunctum, ut aer arceatur, & relictis emplastris

(a) *Institut. Chirurg. Part. I. Lib. I. Cap. 1. n°. XLI, XLII. pag. 60. 61.*  
*Tomus I.*

quotidie vulneris extrema superficies lustratur, ut pateat, an omnia rectè se habeant.

§. 213. 2°. **CIRCUMDUCTU** fasciarum, & appositu spleniorum; ut partes deliscentes (158. n°. 1. æquabiliter appressæ maneant, & coeant; quod determinato pressiois modo facillè fit. Convenit vulneribus inflctis juxta longitudinem partis vulneratæ.

Vulnera superficialia his non indigent, sed tantùm profunda, in quibus requiritur, ut partes in fundo vulneris æquè contiguæ fiant, ac superficies extrema, ut bona curatio fiat. In his autem rite applicandis Chirurgi peritia & dexteritas imprimis cognoscuntur. Fasciæ circumductæ omnem ambitum, quem involvunt, premunt æquabiliter, sed splenis applicatis potest fasciæ compressio, eadem licet maneat, plùs agere in quædam loca, quàm in reliqua; hincque pro lubitu determinari pressiois vis, ut omnia puncta superficiæ vulneris contigua fiant. Facillè patet autem, hanc methodum nullius usûs esse, nisi partes vulneri vicinæ molles fuerint, & hinc cedere possint: si v. gr; femori juxta longitudinem partis vulnus profundius inflctum fuerit, utrimque à latere splenis appositis & fasciis circumductis possunt æquabiliter molles partes sic premi, ut divisæ in vulneris tota superficie partes iterum contiguæ fiant. In aliis locis minùs carnosus non adeo facillè hoc fit; sed etiam talibus locis rarè tam profunda vulnera contingunt, quæ hoc requirant. *Hippocrates*, ubi de vario deligationum usu agit, hanc methodum indicare videtur. (a) *At in quibus expansa, contrahere oportet, in cæteris quidem eodem modo.* Ex longo verò quodam intervallo contractio, & ex accessu ducto compressio facienda, primò minimùm, postea magis. Terminus operationis mutuus possimùm contactus.

Quamvis hæc methodus omnium felicissimo successu adhibeatur vulneribus inflctis secundùm longitudinem partis vulneratæ, tamen videntur & locum habere posse aliquando in transversis partium vulneribus. Memorabilis ille casus in *Commentariis* ad §. 164, recensitus hoc docet, ubi nempe salu validissimo utriusque pedis magnus tendo, qui *Achillis* dicitur, integrâ cure rumpebatur, sic ut trium digitorum transversorum amplitudine distarent à se mutuo tendinis rupri extrema: tamen idoneâ positurâ partis affectæ, & artificiosâ pressione per splenia & fascias circumductas, potuerunt adeo dissitæ partes in muruum contactum adduci, & crescere perfectissimè. Patet, ergo, si in tam difficili casu hoc per *Artem* fieri potuerit, multùm etiam ab hac methodo sperari posse aliquando in transversis partium vulneribus.

§. 214. 3°. **SUTURIS** per acus chalybeas, rectas in minori, curvas in majori profunditate vulneris, acutâ acie, caudâ cavâ filum cerâ obductum abscondente; ad sufficientem à vulnere distantiam infixas; ad fundum usque adactas, sic pariter in altero labio edu-

(a) Lib. de Medici Officin. Comment. II. sect. XXX. Charter. Tom. XII. pag. 68.

Etas, quarum filo adstricto unita prius labia retineantur, dein levi splenio superductum filum colligetur: id repetitur à medio, vel ab angulo vulneris, ad fines ejus, pro necessitate. Hinc balsamo labia linienda, superpositisque levibus spleniis supra nodos, emplastro tegendum est vulnus.

Hæc methodus uniendo vulnere separatas partes, vocatur sutura cruenta, sive vera, cum illa adunatio partium per emplastra tenacia facta futuræ nomen vix mereatur. Inprimis hic requiritur, ut fiat hæc unio cum minimo dolore & irritatione partium. Dum enim nimis ruditer hæc fiunt, sæpe valida inflammatio sequitur, quæ unionem partium adductarum impedit. Ad hanc rem requiruntur acus chalybeæ satis fortes, nec tamen nimis rigidæ, ne frangantur. Conica figura in his acubus noceret, quia sensim aucta crassities facit, ut difficilius adigantur per partes: hinc sumuntur tales, quarum anterior pars prismatica acutis lateribus facillè transit, & viam facit commodam reliquæ parti, quæ conica vel cylindrica est. In minùs profundis vulneribus rectæ tales acus sufficerent; in profundioribus autem requiruntur incurvæ, ut ad fundum vulneris usque protrusæ faciliùs versùs superiora emergant. Varia ergo acuum curvatura requiritur pro diversa vulneris profunditate. Nisi jam cauda harum acuum utrimque crenam insculptam habuerit, quæ filum abscondere possit, dum acus protrahitur, ejus cauda cum filo utrimque prominente non posset sequi sine dilaceratione partium. Filum autem cerâ obducitur, sic enim lubricum factum transit facillè, nec humores imbibit, unde fila tumefacta partes, per quas transeunt, comprimerent: præterea humores filo resorpti, morâ & calore acriores redditi, irritare possent partes. Acus tunc filo instructa ad sufficientem distantiam à vulnere insiguntur, ne fiat postea dilaceratio partium, si nimis propinquo vulnere loco insingeretur. Debent autem acus adigi ad fundum vulneris usque, deinde sursum protrudi, ut per oppositum vulnere latus iterum ad sufficientem distantiam à vulnere exeant. Nisi enim ad fundum vulneris usque penetraverint, superiores partes adducentur quidem, sed inferiores dehiscunt, & cavum relinquunt; in quod effusi humores, stagnando corrupti, fistulosum ulcus facient ex puro vulnere; unde postea debebunt iterum solvi illa, quæ unita fuerant.

Filis jam transmissis blandâ manuum compressione, quâ cutis ducentem quasi sua sponse subsequitur (a), contigua fiant vulneris labia, & deinde filis adstrictis in hac unione retineantur. Ut autem dolor & dilacerationis metus, quantum fieri potest, evitentur, spleniis ex linteo inprimis cerato, (ne humores imbibendo noceat) impositis prius, constringuntur nodi. Prout jam major fuerit longitudo vulneris, vel figura ejus magis minùsve angulosa, plures vel pauciores requiruntur tales suturæ; futura enim, si nimis rara est, non continet; si nimis crebra est, vehementer afficit, quia, quod sæpius acus corpus transivit, quodque plura loca injectum viniculum mordet, eo majores inflammationes oriuntur, magisque æstare (b). Plumaceolum leni balsamo vulnerario inunctum vulnere imponitur; deinde idoneâ ligaturâ, vel emplastro superimposito, retinetur totus apparatus.

(a) A Corn. Celsi, Lib. V, Cap. xxxvi. pag. 193. (b) Ibidem.

Si non oriatur valida inflammatio, vel magnus dolor, relinquitur vulnus sic per duos trífve dies, deinde ligaturâ vel emplastro remotis attenditur, an aliqua corruptela odore detegatur ab humoribus effusis; tunc enim plumaceolum prudenter removeri debet, & novum, simili balsamo madidum, applicari; aliter paucae guttulæ balsami insistantur plumaceolo relicto. Ubi jam apparet, labia vulneris concrevisse satis firmiter, sîla prudenter leviter trahuntur, ut sciatur an commodè educi possint; plerumque enim hoc satis facillè fit, & vulnuscula hæc relicta satis citò coeunt.

Si verò valida inflammatio, dolor ingens, tensio partium magna, sequantur suturam factam, præstat illam discindere, & vulnus tunc sine sutura curare. Nisi enim hoc fiat, pessimorum symptomatum caterva ingruet, quæ serò coget facere illud, quod in tempore factum magis profuisset.

Varia jam suturarum genera, & diversæ hæc perficiendi methodi apud Auctores habentur, qui de Operationibus Chirurgicis scripserunt.

§. 215. **CONVENIUNT** (214.) recenti, cruento, à magna tamen hæmorrhagia libero, simplici, pleno, puro, transverso, obliquo, anguloso vulnere.

Noцент (214.) copiosum truorem stillanti, antiquo, sanioso, purulento, fordido, contuso, substantiâ propriâ orbaro, crustis obducto, vasis magnis læsis periculoso, nimis profundo, valde inflammato, venenis infecto, in parte necessario mobili hærenti vulnere.

Determinatur hæc paragrapho, quibus vulneribus suturæ cum fructu applicari possint, quibus verò noceant.

**RECENTI, CRUENTO.** Si enim vulnus jam aliquo tempore insistum fuerit; & inprimis si aer libere accesserit, extremi vasorum fines in superficie vulneris jam erunt mortui; hinc debebunt separari per suppurationem à vivis, nec poterunt invicem condescere; frustra ergo per suturam unio fieret.

**A MAGNA TAMEN HÆMORRHAGIA LIBERO.** Quia sanguis effusus distrahet labia per suturas adducta: unde dilaceratio, dolor, inflammatio, & reliqua, quæ inde sequuntur mala.

**SIMPLICI.** Cui nempe nulla contusio simul adest ullius momenti. Unde Hippocrates dixerat in loco citato §. 158. n°. 7, acuto telo facta vulnera sine suppuratione curanda esse; si verò contusio adesset, tunc ita medendum esse, ut celerimè suppurarent (a): nam carnes contusas.... putrescere & in pus versas tabescere.... necesse est.

**PLENO.** In quo nempe tantum facta fuit cohesionis divisio sine ulla substantiæ jactura. Si enim quid ablatum fuerit de vulnere non poterunt partes separatæ contiguae reddi, quin distraherentur ex situ naturali, unde semper turpis cicatrix, & læsio functionum violentam talem adunationem sequuntur.

**PURO.** In quo nihil heterogènei à causa vulnerante relictum fuit, nullæ sordes, nec grumi sanguinis, nec caro fungosa adsunt: omnia enim hæc prius separari & educi debent, antequam consolidatio expectari possit.

(a) Hippocrat. Lib. de Ulcerib. Cap. 11. Charriert. Tom. XII. pag. 131.

TRANSVERSO, OBLIQUO, ANGULOSO VULNERI. Quia in his casibus nec emplastra tenacia, nec artificiosæ fasciarum & spleniorum applicationes sufficere possunt, ut partes contigæ fiant, & retineantur adunatæ.

NOCENT COPIOSUM CRUOREM, &c. Imperiti Chirurgi, dum nullo habito discrimine quævis vulnera futuris uniunt, quàm gravia sæpe miseris intulerunt damna! Quid juvabit unire separatas partes, si unitæ nequeant con crescere; vel effusæ humores, unitis labiis vulneris retenti, educi debeant postea, futuris discissis? Turpe tale Exemplum enarratum fuit §. 172. n°. 3, ubi rudis Chirurgus pectori inflicto vulnus in cavum penetrans futurâ univerat, unde in summum vitæ discrimen deducebatur vulneratus, toto pectoris cavo sanguine repleto, qui per clausum vulnus exire non poterat. Et periisset certissimè miser homo, nisi Paræus futuris discissis sanguinem eduxisset cavo thoracis contentum. Nisi ergo pura fuerit & sana vulneris totius superficies, nihilque fuerit ablatum de substantia partium, futuræ nocebunt semper. Præterea si vulnus fuerit inflicto tali corporis parti, per quam magna vasa sanguinea, vel notabiles nervi decurrunt, quis audebit acus profundè per talem partem adigere, nisi talis qui Scientiæ Anatomicæ partium ignarus periculum non novit? Idem discrimen adest, si nimis profundum vulnus fuerit, unde tendines & membranæ tendinosæ faciliè per acus lædi possent: à quibus læsis tam sæva solent sequi symptomata: accedit, quòd profundo nimis vulnere divisæ partes non poterunt adduci ad se invicem; ut in omni puncto superficiei contigæ fiant, nisi sibi transmissa attrahantur validâ vi; unde dilacerationis, inflammationis validæ, &c. magnus metus est. Si verò jam inflammatio vulneratam partem occupaverit, ruditer tractatâ parte per futuras, augebitur inflammatio sæpe in gangrænam usque: & blandâ suppuratione inflammatorum vasculorum fines obstruendi unâ cum materia obstruente debebunt solvi & separari, antequam vulneris superficies pura & uniõni apta evadere possit.

Si verò instrumentum vulnerans veneno infectum fuerit, & anomala symptomata, maligna, virulenta produxerit, tota spes curæ in eo est (nisi cognita sit antidotus veneni vim destruens) ut effusis humoribus per vasa discissa, suctione, vel cucurbitulis aucto affluxu humorum ad vulneris locum, abluatur & expellatur hoc virulentum; vel vivo igne pars infecta uno destruat momento, ne labem conceptam reliquo corpori communicet. Patet ergo evidenter, per futuram vulneris retineri hoc virulentum, quod expellendum quàm ocyssimè Ars jubebat.

Patet etiam evidenter, quòd requiratur absoluta quies partium per futuram unitarum: si enim moveantur hæ partes, idem fiet, ac si sibi transmissa traherentur continuo, unde irritatio perpetua, dolor, inflammatio, &, quæ ex his sequi possunt mala, fient. Possimus jam omnes motus, qui à voluntatis imperio pendunt, compescere; illi verò motus, qui absolute ad vitam continuandam requiruntur, pergent semper. Hæc est ratio, quare vulnera thoracis futuram non admittunt, inprimis si convexæ maximè costarum superficiei inflicta fuerint: singulis enim inspirationibus dilatato pectore distraherentur summo cum dolore partes unitæ. Ideo etiam, dum per futuram uniunt abdominis vulnera, ne contenta viscera per vulnus expriman- tur, fasciis sic abdomen firmant, ut vulnere immoto ferè abdomine respiret. Damnanda ergo quàm maximè quorundam Chirurgorum imperitia & temeritas, qui quævis ferè vulnera sine ullo discrimine laceri panni instar consuunt.

§. 216. 4<sup>o</sup>. **A**CU manente vulnere per labia ejus transfixâ, filoque ei ita circumducto, ut horum retroitum impediât, sed retineat unita. Convenit magnis, hiulcis, pendularum partium vulneribus.

• Prior futura fiebat filis transmissis per foramina acu facta, & deinde adductis filorum constrictione vulneris labiis: sed in hac methodo acus non educitur ex partibus perforatis, sed ibi relinquitur, & deinde filum utrimque sic circumducitur, ut labia vulneris acu transfixa, & ad se invicem adducta, maneant contigua. Methodus hæc imprimis adhibita fuit curando *Labio Leporino* dicto, quando nempe pars illa labii superioris, quæ gutturnium illud sub naso constituit, fissâ est: postea etiam pulchro successu magna & admodum hiantia partium pendularum vulnera sic univerunt. Quia autem in labio leporino fissæ fuerunt à nativitate hæ partes, hinc utrimque fornice callosa superficies, uti & in angulo superiori leve vulnusculum fornice fit, ut partes uniendæ crudi vulneris naturam acquirant: si enim quid callosi relictum fuerit, nunquam fiet ibi bona unio partium. Rite tunc sibi invicem adaptatis labiis vulneris, acus ad quatuor linearum distantiam à vulnere infigitur, & per mediam labiorum substantiam transadigitur, donec in opposito latere ad similem distantiam à vulnere acus emergat, quæ tunc in vulnere relinquitur, & decussatim circumducto filo in situ retinentur partes unitæ. Pro varia jam magnitudine vulneris plures vel pauciores acus sic transfiguntur, ut in omni puncto partes separatae fiant perfectè contiguae. Ne autem acuti cuspides acuum relictarum lædant, abscinduntur fornice, & extremis acuum supponuntur spongiosæ, quæ longè melius se accommodant figuræ partium, quàm spleniola. Ut autem citò & sine vacillatione possint transadigi acus, aptoprehenduntur manubrio, quia solis digitis Chirurgi prehensæ, acus non tam firmiter transadigi possent. Præterea ut evitentur illa mala, quæ ab acuum acutis extremis relictis fieri possent, (non potest enim dura chalybs fornice abscindi nisi magnâ vi adhibitâ, unde sæpe hoc concussu partium unitarum in situ fieri posset mutatio) adhibuerunt acus chalybeas quidem, sed quarum posterior pars ex puro argento facta erat: transfixis tunc acubus partem argenteam relinquebant in vulnere; acumen chalybeum, unâ cum parte argentea quadam adhærente, abscindere poterant longè minori vi adhibitâ. Idem etiam pulcherrimè perficitur acubus chalybeis paulò majoribus, hinc firmitus tenendis solâ digitorum ope, quarum cauda fissâ tenet aciculam argenteam utrimque obtuso capitulo instructam, quæ tunc in vulnere relinquitur, & filis circumductis firmatur. Videatur de his *Garengeot (a)*.

Ubi jam adunatae partes firmiter concreverunt, eductis aciculis illis argenteis, vulnuscula hæc satisfacile consolidantur.

§. 217. **U**LTIMUS scopus (185, n<sup>o</sup>. 4.) attingitur, curando ut pars parti sic respondeat, quemadmodum olim in sanitate, sicque retineantur, ut nimis nec premantur, nec laxentur, adurentia,

(a) *Traité des Opérations de Chirurgie, &c. Tom. III. pag. 18. & suiv.*

styptica, adstringentia vitando, inprimis verò curando, ut in omni parte æquabiliter prematur vulnus. Quæ omnia obtinentur peractis, quæ descripta ab (186. ad 206.) & dein imposito leni desiccante medicamento; denique cicatricem spirituosis abluendo.

Indicationes generales illorum, quæ ad curam vulnorum perficiendam requirebantur, enumeratæ fuerunt §. 185, quatuor ibi numeris comprehensæ. De tribus prioribus hucusque dictum fuit: ultimum, quod fieri debebat, erat, ut restitutis illis, quæ perierant de corporis fabrica, & adunatis jam partibus, quæ per causam vulnerantem fuerant separatæ, obduceretur tegumentum naturali cuti quàm simillimum. Si enim simplex divisio partium acutissimo instrumento facta fuerit, & mox partes divisæ in situ naturali iterum fuerint unitæ; concreverint sic; ut nullum vestigium vulneris inflicti relinquatur, tuncque vulnus sine cicatrice sanatur. Cicatrix enim vulneris inflicti post sanationem integram relictum vestigium dicitur, quo pars illa integumentorum, ubi vulneris hiatus fuerat, distinguitur à cute vicina. Omnium ergo perfectissima sanatio vulneris est, ubi nullum vulneris facti vestigium manet: ubi autem hoc obtineri non potest, tota cutæ pulchritudo in eo consistit, ut illud vestigium relictum in loco, ubi vulnus fuerat, quàm simillimum fiat cuti vicinæ. Dumenim per causam vulnerantem, vel per suppurationem vulnus secutum, aliquod ablatum fuit de substantia corporis, debet renasci aliquid novum, quod antè non fuerat; illudque nunquam habebit omnino easdem dotes, quas pars ablata habuerat; unde poterit distingui à vicinis partibus.

Pulchritudo autem cicatricis pendet à tribus inprimis sequentibus, 1°. Si curetur ut partes unitæ sint in eodem situ, quem obtinebant ante vulnus inflictum. 2°. Si cicatrix non emineat ultra æquabilem cutis vicinæ superficiem. 3°. Si cicatrix non sit cava. Primum obtinetur, si attendatur, ut labia vulneris per emplastra tenacia, suturas, vel idoneam ligaturam sic respondeant sibi invicem, quemadmodum in sanitate. Secundum fiet, si moderatâ pressione cutis coercentis defectus suppleatur, ne vasa hoc tegmine orbata, à liquidis suis distenta, ultra æquabilem superficiem emineant: dum enim hoc negligitur, vel nimis emollientibus vulnus tractatur, eminens zona sædam cicatricem efficit. Tertium cavebitur, si bona facta fuerit restitutio perditæ. Cava autem cicatrix plerumque fit ideo, quia vicinæ cutis pressio panniculæ adiposæ in vulneris locum premit, & facit assurgere, qui ibi in fordes & fungosam carnem distam degenerans suppuratione factâ consumitur, nec renascitur postea: unde deprimitur cicatrix, molli pinguedine fulciente destructâ, & cava manet. Unde patet, sæpe cavari non posse, quominus cicatrix profunda & cava relinquatur, si nempe per causam vulnerantem, vel per validam suppurationem secutam, pinguedo destructa fuerit. Monuit Hippocrates (a): *Ultera annua quæcumque fuerint, aut longius tempus habuerint, os abscedere & cicatrices cavas fieri necesse est.* Ex alibi (b): *Si tandem os ustum, aut sectum, aut alio quovis modo undecumque abscesserit, horum ulterum cicatrices magis concavæ fiunt.*

Quàm turpes & profundæ cicatrices relinquuntur, postquam per ulcera venerea

(a) Aphorism. 45. Sect. VI. Charter. Tom. IX. Part. II. pag. 177. (b) De Ulceribus, Cap. 14. Charter. Tom. XII. pag. 133.

subjacens panniculus adiposus consumptus fuit, satis notum est!

Apparet hinc facillè, quare *Adurentia*, *Syptica*, & *Adstringentia* vitanda sint, si pulchram cicatricem facere velit Chirurgus. Per hæc omnia enim, vasa viva vel destruuntur, vel sic constringuntur, ut fluida non transmittant, sed suppuratione factâ mortui vel obstructi vasorum fines debebunt separari; unde fiet substantiæ jactura, pinguedinis consumptio, & cava nascetur plûs, minûsve cicatrix. Simûlquæ patet, quantum possit contribuere ad cicatricis elegantiam æquabilis pressio, quæ impedit, ne vasa nimis distenta emineant.

Cicatricis autem nascentis signa hæc sunt. Margines vulneris vel ulceris jam consolidandi incipiunt magis albi & solidi fieri, sensimque hæc albedo centrum versùs ex omni ambitu protenditur: interim in superficie aperta vulneris similis albedo hinc inde sparsa incipit nasci, quæ æquabili superficie cum marginum limbo si concurrat, optima cicatrix nascitur. Vulnus quoque purum, antea in omni superficie puncto humidum in illis locis, ubi illud album cicatricis rudimentum apparet, ficcatur. Unde omnia illa remedia, quæ cicatrifiantia vel & epulotica dicuntur, semper laudantur talia, quæ leviter exsiccant, & roborant. Hinc ex plumbo vel ejus calcibus parata emplastra; colophoniz, olibani, sarcocollæ, &c, tenerimi pulvisculi vulneri, vel ulceri in cicatricem tendenti, tanto cum fructu solent applicari; quæ omnia in *Materia Medica* ad hunc numerum recensentur.

Patet hinc inanis jactantia illorum, qui se omnia vulnera sine cicatrice curare posse arcanis suis remediis gloriantur. Prudentes certè & periti Chirurgi, post magnam substantiæ jacturam, vel diuturnam suppurationem, nunquam pulchram fore cicatricem, prædicent: & de hac re vulnerati semper præmoneri debent, ne cicatricis deformitatem Curantis incuriæ adscribant temere.

Cicatricis locum deinde spiritu rorismarini, mattricali, vel simili fovere sæpius, convenit: omnibus enim illis spirituosus hæc vis inest, ut partes animalium firmiores reddant. Debiliior enim ille locus manet, tenui tantùm pelliculâ tectus; hinc faciliùs lædendus, quàm vicina loca. Unde sæpe convenit, ut vel leni plumbato emplastro, vel molliissimâ alutâ tegatur diu adhuc locus jam consolidatus: ne vestium attritu, vel aeris injuriis, recrudescat sanatum vulnus.



## HÆMORRHAGIA.

§. 218. **S**I cruor manat ex vulnere multus per suas (159. 160.) causas, sistitur. 1. Causticis ignitis. 2. Corrosivis. 3. Adstringentibus. 4. Circumstricto filo. 5. Dissectione integrâ. 6. Fasciis & splenio pyramidalis complementibus.

Petræctatis illis, quæ ad curam vulnerum generalem pertinent, antequam ad singularia observanda in curatione vulnerum capitis, thoracis, & abdominis, pergatur, primò consideranda sunt quædam symptomata, quæ vulneribus accidunt, & sæpe



sæpe tam gravia sunt, ut in summum vitæ discrimen adducant vulneratum: unde requiritur, ut hæc prius tolli, vel saltem multum minui possint, antequam vulneris curæ prospici possit. Primaria talia symptomata sunt hæmorrhagia, dolor, convulsio.

Hæmorrhagia propriâ vocabuli significatione copiosum sanguinis cum impetu effluxum notat; postea tamen etiam obtinuit, ut pro quocumque sanguinis effluvio sumeretur. *Αἱμορραγία* enim videtur optimè derivari ἀπὸ τοῦ αἵματος, καὶ ῥαγῖναι, quod vocabulum ex *Galen*i sententia apud *Hippocratem* idem significabat, quod ἀθρόως ἔμπερ, cum impetu & confertim prodire. Dum enim sanguis modicus & sensim effluit, ἵψυον vocavit *Hippocrates*, vel lene stillicidium dixit *σαλαγγιδόν* (a). Ubi autem hæmorrhagiæ nomen simpliciter occurrit apud *Hippocratem*, non additâ parte corporis, ex qua erumpit, tunc intelligi illam, quæ per nares fit, sanguinis eruptionem, monet *Galenus* (b).

Post vulnus inflictum, sequens copiosus & cum impetu sanguinis effluxus notat semper, vasa majora, sanguinem vitalem rubrum gerentia, læsa esse; inprimis autem arteriosa, quia venæ, nisi maximè fuerint, vel ligaturâ appositâ tumeant, raro multum sanguinis fundunt, & nunquam tanto cum impetu, quanto ex arteriis. Nihil sanguis prorumpit. Si ergo tanta fiat sanguinis jactura, ut funellus merito inde timeatur effectus; nec spes sit, debilitatâ vitâ, vel contractâ arteriâ, sponte sili posse, tunc recurrimus ad illa auxilia, quæ in Arte cognita sunt, ut impediatur sanguinis eruptio. Pleraque tamen hæc auxilia, quæ sanguinis eruptionem compescunt; vulneris curam retardant: destructi enim vasorum fines per ignem, corrosiva, ligaturas, compressiones, &c. debent prius separari, antequam vulneris consolidatio obtineri possit.

Varie autem methodi adhibitz fuerunt ad compescendas hæmorrhagias: omnes tamen hæc vel agebant constringendo vasis discissi orificium; vel, coagulo inducto sanguini effluenti, impediabant ulteriorem effluxum; vel denique utrumque simul perficiebant.

1. Præsentissimum remedium hæmorrhagias sistens habetur, si candenti ferro vas sanguinem fundens tangatur; illico enim in densam, nec resolvendam ampliùs massam, comburitur sanguis, sicque obturat vasis aperti orificium: simul ipsum vas ignis actione crispatur & constringitur, unde utroque hoc effectu conspirante sanguis sistitur. Diu hæc methodo usi fuerunt Chirurghi: unde in exstirpationibus artuum, & similibus operationibus, in quibus valida metuebatur hæmorrhagia, semper parata habebant cauteria variz figuræ & magnitudinis, ut comburendo siserent sanguinem.

Sic apud Græcos recentiores & Arabes, *Paulum Æginetam*, *Avicennam*, &c., ferro ignito post exstirpationes membrorum supprimebatur hæmorrhagia. *Guido de Cauliaco*, & post illum alii, oleo fervido utebantur in eundem finem. *Vesalius* (c) in exstirpatione membrorum candenti ferro jubet secari carnes, ut simul sic sanguinis effluxus impeditur. Sed hæc methodus plurima habet incommoda, unde vix adhibetur ampliùs. Difficile enim est requisitum caloris gradum ferro ignito conciliare; si nimis candeat, sæpe simul aufertur illud, quod combustum

(a) Gorrazi definit. Med. pag. 16.

(b) Comment. I. in Hippoc. Lib. I. Epidem.   
 Text. X. Charter. Tom. IX. pag. 18.

(c) Chirurg. Magn. Lib. V. Cap. XII. pag. 1082.

est, si non satis caleat, non sistitur hæmorrhagia. Præterea dolorem ingentem, inflammationem validam, & quæ inde sequi possunt mala, cauteria faciunt; & omne illud, quod combustione sic destructum fuit, debet postea suppuratione factâ recedere à visis partibus & separari; unde maximum periculum est, ne deciduâ escharâ redeat post paucos dies hæmorrhagia, quæ tunc difficilîus adhuc compesci poterit, quàm in initio. Vas enim combustum, escharâ deciduâ, brevius erit; hinc non poterit, vel saltem difficilîus, apprehendi & ligari; unde crudelis hæc cauterii applicatio repeti deberet, superflite semper æquali periculo, ne recrudesceret hæmorrhagia, postquam & hæc de novo facta eschara deciderit. Ideo, postquam artificiosâ compressione aut vasorum ligaturâ tam pulchre noverunt sistere sanguinis effluxum periti Chirurghi, cauterii rarior usus fuit. Imò *Galenus* jam damnaverat escharoticorum usum, tanquam minus tutum in sistendo sanguine. Nam (a) quantum parti adustum ad crustam est, tantum profectò ipsi de naturali carne deperditur. Id itaque omne, parti decidit, quum crusta cadit; atque ob eam rem nuda sinetque carne visitur; multisque, posteaquam crusta decidit, profusio sanguinis, quæ agre supprimi potuit, supervenit. Unde nonnisi in summa necessitate voluit adhibenda esse, & inprimis usum habere dixit (b): ubi ex erosione putrescentis alicujus profluvium sanguinis concitatur; sic enim & sanguis sistebatur, & serpens putridum vivi ignis actione destruebatur illico.

2. Dum vivus ignis per metalla candefacta vel ebulliens oleum applicabatur corporis partibus, vocabant hæc remedia cauteria simpliciter, vel & cauteria actualia. Sed dantur acerrima quædam remedia, quæ partes, quibus applicantur, sic destrunt & in escharas comburunt, ac fecisset ignis applicatus. Hæc à similitudine effectuum vocabantur cauteria; sed quia actu ignem non continent, dicebantur cauteria, potentialia. Vocantur & corrosiva quia partes corporis, quibus applicantur, rodendo consumunt, & destrunt. Sed etiam escharæ, per horum applicationem factæ, debent separari & decidere; unde idem periculum novæ hæmorrhagiæ nascitur, ac à cauteriis actualibus applicatis. Præterea omnia hæc acerrima cum sint, vicinas partes nerveas vel tendinosas sæpissimè irritant, unde tam sæva mala oriri notum est. Laudatissimum inprimis fuit ad hos usus *Vitriolum Cyprinum* dictum, quod in globulum rasum, vel in pulverem tenuem tritum, & linteis carptis exceptum, applicabant orificio vasis discissi. Sanguis ipso actu ferè vitrioli illius coagulatur in thrombum, qui operculi instar vas dissectum claudit, simul & constringit vas ipsum & in escharam comburit vitriolum. Sed non potest globulus ex vitriolo factus applicatus manere orificio vasis discissi, nisi idoneâ firmetur ligaturâ, quæ sola posset sufficere, ut statim pareret.

3. Dictum fuit §. 28. n.º. 4, de adstringentibus, quatenus fibrarum solidarum corporis nimis debilem cohesionem redderent fortiozem; sed hic adstringentium usus tantum est, ut sanguinis fluxum compescant. Hoc autem efficiunt, vel constringendo orificium vasis discissi; vel coagulando sanguinem effluentem, qui tunc vasis orificium obiuat; vel denique utrumque effectum simul præstant. Sunt & præterea alia remedia, quæ, licet nec sanguinem faciant adeo concreescere, nec vasa constringant, tamen sanguinis effluxum cohibeant; unde hoc respectu

(a) Method. Medend. Lib. V. Cap. IV. Charter, Tom. X. pag. 110. (b) Ibidem.

tantum adstringentium nomen merentur. Talia sunt v. gr; farina volatilis molitorum gypli pulvis, & similia bibula corpora, quæ liquidum quodcumque, quod attingunt, absorbent, & cum liquido absorpto concresecunt in duram satís massam, quæ vas discidium obturare & sic effluentem sanguinem sistere poterit: sed si major arteria discissa fuerit, torrente sanguinis erumpentis averrentur hi pulvisculi; hinc minus his confidere possumus: unde post magnas extirpationes, dum applicabant vulneris superficiei bibula hæc corpora Chirurgi, simul noctes diésque famuli adfidentis manu curabant præmi sic apparatus totum, ut firmiter manerent applicata. Hinc iterum patet, parum ab his sperandum esse in validis hæmorrhagiis, nisi idonea simul accesserit compressio.

Inter illa verò, quæ coagulo inducto sanguini, vel constrictione vasis agebant, maxime laudabatur alcohol, si calidum inprimis applicaretur. Illud enim statim ipsum etiam sanguinis serum adeo fluidum in scissilem massam convertit, & simul satis validè solidas partes corporis contrahit; unde animalium partes molles in alcohole servatæ indurescunt, & mole minuuntur: utroque hoc effectu conspirante hæmorrhagias compescere efficaciter poterit. Sed extremum vasis discissi, per alcoholis applicationem contractum & induratum, separabitur postea; thrombus sanguinis per alcohol indurati, secedet vel sponte, vel impetu sanguinis à tergo impulsu protrudetur; unde iterum recrudescet hæmorrhagia, nisi idonea ligaturâ & pressione retineatur thrombus ab alcohole factus in vasis discissi orificio. Præterea calore corporis fugacissimum alcohol statim dispergitur, unde serè momentanea ejus actio est, nisi continuè de novo applicetur, & vesicâ oleo inunctâ circumpositâ impediatur ejus nimis subita exhalatio. Patet ergo & hujus usum, sine compressione simul adhibita, minus tutum esse.

Vidi enim sic, etiam parvâ arteriolâ læsâ, non potuisse sisti sanguinem alcoholis applicatione. Evulserat homini dentem molarem Chirurgus; sanguis jugi stillicidio ex alveolo dentis vulsi exibat; frustra vitrioli pulverem, imò & acerrimum vitrioli oleum applicuerat Chirurgus, ut hanc hæmorrhagiam compesceret. Vocatus sincerum alcohol calefactum, & plumaceolis exceptum, cavo alveolo imponi jussi eò usque, ut eminentia hæc plumaceola clausis maxillis satis firmiter apprimerentur, sed sine successu, licet aliquoties hoc repeteretur. Tandem repleto siccis plumaceolis alveolo, per tres dies & noctes, digito adstantis famuli comprimebatur locus assiduo, nec postea rediit hæmorrhagia; sed post paucas septimanas pars alveoli ossei, tot acribus applicatis omni vitali humorum influxu privata, excidit sine ullo alio malo. Cùm ergo tam parvæ arteriæ læsæ hæmorrhagiam sistere non potuerit alcohol, faciliè apparet, quòd in majoribus arteriis discissis etiam sæpe fallere posset.

Oleum autem terebinthinæ nisi calidum fuerit, vix sanguinem sistit. Molles quidem animalium partes, oleo terebinthinæ submersæ indurescunt, sed lentâ tantum morâ. Olea verò longè majorem caloris gradum requirunt, antequam ebulliant, quàm aqua; hinc oleum terebinthinæ calefactum comburendo solida & coagulando sanguinem, hæmorrhagiam compescere poterit, tuncque instar caustici actualis ager, de quo dictum fuit. Acerrima autem illa acida fossilia, ut spiritus nitri, sulphuris, &c, corrosiva sunt, de quorum usu dictum pariter fuit. Reliqua autem adstringentia mitiora, ut sanguis draconis, granatorum cortices,

Rr ij

flores, &c, non videntur habere tantam efficaciam, ut ab illis solis multum sperari possit in compescendis hæmorrhagiis.

Simul apparet, quid credendum sit de tot arcanis stypticis remediis, quæ jactantur à multis. Minores arteriæ, imò & sæpe satis magnæ, integre discissæ, sponte clauduntur, in primis debilitatâ vitâ per magnam sanguinis jacturam. Plurima ex illis jactatis specificis erant acia corrodentia; alia mitiora forti ligaturâ apprimebantur ad vas læsum; unde sæpe sanguis sistebatur solâ compressione potius vas læsi, quam efficacîâ applicati remedii. Dùmque circa finem elapsi sæculi plurima Experimenta, arcanis his remediis facta, observaverat aptissimus in his rebus judex *Petius*, vidit leviores hæmorrhagias his aliquando sisti potuisse, sed amputatione membri factâ promissis non respondisse eventum (a). Unde patet, similia jactantibus non temere fidem adhibendam esse.

4. Si manus accessus detur ad arteriam discissam, sic ut ligari possit, certissimè sistetur hæmorrhagia vinculo composito. Methodus hæc sanguinem sistendi à *Galeno* jam commendata fuit. Postquam enim varia auxilia ad compescendam vulnere hæmorrhagiam recensuit (b) dicit (c): *Quippe de genere obturantium quodammodo est & vinculum ipsis profluentibus vasibus injectum; ipsique nostri digiti, dum ea committunt constringuntque.* Videtur autem tantum hæc methodo usus fuisse in vulneribus, membrorum enim sphacelo corruptorum, exstirpationem, quantum memini, non descripsit. In magnis etiam exstirpationibus ubi adeo periculosa est hæmorrhagia ex majoribus vasibus discissis, nulla sit mentio ligaturæ vasorum apud *Celsum* (d), qui tamen alibi (e) dicit, ubi curationem profusionis sanguinis ex vulneribus describit, quod si alia auxilia incassum adhibita fuerint, venæ, quæ sanguinem fundunt, apprehendendæ, circæque id, quod dictum est duobus locis deligandæ, intercidendæque sunt, ut & in se ipsas seceant, & nihilominus ora præclusa habeant: Post *Galenum* reliqui omnes Medici & Chirurghi hæmorrhagiam, post artuum exstirpationem, causticis compescerant; imò & *Vesalius* (f) hanc operationem describens, novaculâ ignitâ jubet carnem incidî ad os usque, & postea serratensis ignitis magna vascula comburi. *Paræus*, cum horreret crudelem hanc methodum, & observaret plurimos sic tractatos perire, paucos evadere post summas molestias toleratas, primus fuit, ut ipse testatur, (g) qui vasa dissecta ligavit post amputationem factam forcipe illa protrahens, & duplicato filo ligans unâ cum parte circumpositæ carnis; si verò deciduâ ligaturâ recrudesceret hæmorrhagia, transfigebat acu partes carnosas vasi discisso vicinas, & filo supra spleniolum impositum constricto claudebatur vasis discissi orificium (h). Postea ferè omnes, relicto usu cauteriorum actualium & potentialium ligaturâ usi sunt. Fecerunt autem hoc duplici modo: vel enim extremum arteriæ discissæ protraherant forcipe, & dein filo circumducto ligabant: sed si filum fortiter adstringeretur, sæpe sensim dissecabatur arteriam, extremum ligatum cadebat nimis citò, & recrudescere hæmorrhagia jam periculosior, quia difficilior, vas

(a) Académ. des Sciences, l'an 1735. Mém. pag. 594.

(b) Method. Medend. Lib. V. Cap. III. Character. Tom. X. pag. 107. 108. & ibid. Cap. v. pag. 115.

(c) Ibid. Cap. III. pagin. 107.

(d) Lib. VII. Cap. ultimo, pag. 498.

(e) Lib. V. Cap. xxvi. n.º. 21. pag. 190. 197.

(f) Chirurg. Magn. Lib. V. Cap. xlii. pag. 1081.

(g) Lib. XII. Cap. xxxviii.

(h) Ibid. Cap. xxxv.

brevius redditum, poterat novâ ligaturâ claudi: unde *Dionysius* nodo jam constricto jubet, ut alterum fili extremum acu munitum per ipsâ vasis substantiam transfigatur, & sic caveatur ne ligatura decadat nimis citò (a). Tamen & hæc methodus tanquam nimis difficilis postea repudiata fuit. Si verò laxior ligatura nudæ arteriæ, injicitur, tunc sanguis continuè urgens locum ligatum, sensum protrudit ligaturam & decidere facit. Unde prævaluit illa methodus, quam *Paræus* descripsit, ligandi nempe arteriam unâ cum parte carnis vicinæ ambientis: sic enim clauditur optimè arteriæ extremum, nec periculum est, ne ligatura tam faciliè decadat. Patet evidenter, quodd ligatura præferenda sit combustioni vasorum, si considerentur sequentia. Dum igne vivo vel causticis potentialibus aduritur vasis extremum, & coagulatur sanguis effluxurus, partes combustæ escharam faciunt, quæ operculi instar vasis discissi tegit orificium; huic operculo coheret thrombus coagulati sanguinis, discissæ arteriæ cavum replens: deciduâ escharâ thrombus solus in cavo vase hærens sustinet sanguinis impulsi impetum; sed vasis extremum, deciduâ escharâ patulum, faciliè transmittet thrombum, qui ergo expelletur, & liberam viam sanguini erupto faciet. Dum verò ligaturâ clausum fuit vas, connivet; hinc thrombus ponè ligaturam hærens apice angusto ligaturam tanget, & latiori basi cavum vasis obturabit: deciduâ ergo per suppurationem parte ligatâ & filo ligante, licèt nondum penitus consolidata fuerit arteria, tamen thrombus à parte sua postrema latior, non poterit transprimi per angustum conniventis arteriæ extremum; angustior apicis thrombi pars exibat sortè, reliqua pars crassior obturabit vas & sistet hæmorrhagiam. Pulcherrimè hanc rem explicuit, & figurâ additâ thrombi elucidavit *Petitus* (b).

Securior longè ergo præcedentibus hæc methodus est, quamvis non omnino careat incommodis. Sæpe enim magnus dolor & valida inflammatio sequuntur, dum unâ cum vicina carne ligantur arteriæ, inprimis si simul nervi discissi ligaturâ sic interceptantur: unde sæpe inviti & convulsi motus oriuntur in parte truncata, quibus ligatura solvi posset, & redire hæmorrhagia.

5. Inprimis hoc locum habet, ubi arteria non nimis magna, nec cordi admodum vicina, vulnerata est, non tamen integre discissa; tunc enim hæmorrhagia perget, quia retrotractis propriâ elasticitate fibris vulnus arteriæ ampliatur: si verò eadem arteria integre discissa fuerit, tunc demonstratum fuit in *Commentario* S. 159, quodd extrema arteriæ resiliant & recondantur sub solidis partibus vicinis, & propriâ contractilitate, & vicinorum pressione claudantur integre, sicque sistatur sanguis. Ubi ergo jugi stillicidio sanguis de vulnere fuit, tunc locus vulneris, unde sanguis exire videtur, scarificatur scalpello, ut sic integre discindatur læsâ arteriâ. Hâc methodo se feliciter usum fuisse *Galenus* narrat: (c) *Alteri cui ex vulnere in malleolo infliso dissecta arteria fuerat, sanguinis quidem cursus haud quievit, donec ego vocatus totam diffecui*: addidit deinde, quodd sine aneurysmate curatum fuerit vulnus, quodd aliter metuumdum est in tali vulnere arteriæ, dum debiliior cicatrix à sanguine extenditur in saccum talem dilatatum.

Sed apparet faciliè, tutò non posse sic integre diffecari arteriam, nisi medio:

(a) *Dionis*, Cours d'Opérations de Chirurgie, &c. neuvième Démonstration. pag. 509.

(b) Académie des Sciences, l'an 1731. Mé-

moires, pag. 123. & suiv.

(c) De Curandi ratione per venæsectionem; Cap. ultimo. Charter. Tom. X. pag. 451.

cris tantum magnitudinis fuerit, nec in loco cordi valde propinquo; nam tunc non cessaret hæmorrhagia, licet arteria penitus discissa foret, sed deberet ligaturâ vel aliâ methodo obcurari vas discissum.

Tamen constitit, arteriam vulneratam, non verò integre dissectam, moderatâ pressione sic firmari posse, ut sanguis sisteretur, non enim tunc semper requiritur tam fortis arteriæ compressio, ut integre aboleatur ejus cavum; sufficit talis, quæ liberum sanguinis effluxum per arteriæ vulnus impedit, & thrombum sanguineum intra vulneris labia continet, qui præcipuum sanguinis effluxui impedimentum est, & postea margini vulneris firmissimè accreticens integritatem vulneratæ partis restituit: ut in cadavere hominis subitâ morte extincti patuit, cui ante bimestre spatium brachii arteria vulnerata coaluerat. Apparuit enim, evidenter, vulneratæ arteriæ margines non coivisse inter se, sed thrombum sanguineum inter vulneris labia insertum undique accrevisse vulneris circumferentiæ (a).

6. Compressio vasis discissi omnium optima & maximè naturalis methodus est, quâ hæmorrhagia sisti potest, & quam omnes homines sponte adhibent, dum sanguinem de vulnere erumpentem vident, digitis nempe comprimendo partem vulneratam. Sed hæc compressio potest agere vel perpendiculariter in superficiem parulam abscissi vasis, vel poterit applicari à latere vasis, & sic parietes ejus contiguos sibi mutuo reddere. In priori casu impeditur quidem sanguinis effluxus, sed thrombus à concreto sanguine natus ejusdem magnitudinis cum orificio vasis discissi cum sit, dum remittitur compressio, ab impetu sanguinis à tergo urgentis facillè expellitur; unde debet in hoc casu pressio agere in vas discissum tamdiu, donec thrombus coagulati sanguinis concreverit cum ipsis lateribus vasis discissi, quod non fit tam citò: sed valida talis compressio & diu applicata, multa potest facere mala, inflammationem nempe, & omnes ejus sequelas.

Si verò causa comprimens agat in partem lateralem vasis discissi, connivent parietes vasis, & sibi mutuo contigui facti latâ superficie concrescunt; thrombus coagulati sanguinis, ponè compressum locum hærens, cum cylindricus serè sit, non poterit pelli per compressa latera vasis, licet nondum perfecta unio facta fuerit. Patet ergo facillè, quantum præferenda sit hæc methodus reliquis omnibus. Si enim vasis apertura claudatur tantum, cessat hæmorrhagia: sed hoc fit pulcherrimè per talem compressionem, & contigua facta vasis latera brevi concrescunt, absque eo quodd requiratur aliqua separatim partium mortuarum, ut post caustica actualia vel potentialia applicata, imò post ipsam ligaturam vasis, fieri debet. Accedit, quodd ligaro vase unio laterum fiat tantum in parva superficie, ubi solum hæsit; sed laterali pressione complanati vasis latera majori superficie uniuntur; hinc firmissè hærent & plus resistunt sanguini erupturo. Nunquam autem citius & melius concrescunt partes inter se, quam ubi recenti vulnere divisæ fuerunt: sufficit enim tunc partium separatarum unio, reliquum natura perficit. Hoc autem perfectissimè fit hac methodo, dum crudo vulnere, nullis rodentibus vel ligaturis vexato, applicatur tantum talis compressio in locis illis, ubi magna vasa hiant.

Ut autem feliciter & sanguis sistatur, & simul vulnus curetur, requiritur in-

(a) Académ. des Sciences, l'an 1735. Mém. pag. 592, & suiv.

primis, ut pressio agat tantum in vasis discissi latera, non adeo in reliquam vneris superficiem. Ideo ex charta diu dentibus masticata vel ex linteis carptis Chirurghi parabant globulum. quem applicabant loco vulneris, qui comprimi debebat, huic alium paulo majorem imponebant, tunc tertium iterum majorem, & sic porro, donec satis emeretur ille apparatus, ut fasciâ circumductâ commodè posset apprimi ad vas dissectum. Sic enim quasi pyramis inversa nascebatur, cujus apex vasis lateri applicatus pressionem fasciæ bati circumductæ communicabat tantum illi loco vulneris, ubi requirebatur. Pulcherrimum autem instrumentum descripsit, & tabulâ expressit *Peitius*, cujus applicatione tutissimè poterat comprimi vas discissum, & simul arteriæ truncus supra vulneris locum angustari pro lubitu, dum vulnus deligatur; simul & compressio vasis discissi pro re nata augeri & minui poterat ejusdem instrumenti usu (a). Ibidem memorabili Exemplo & hujus methodi certitudinem & instrumenti usum confirmat. Nobili enim Viro exstirpatione cruris supra genu facta, & ligatura vasorum ex Arte instituta fuerat: omnia bene succedebant, donec vigesimo primo post membri amputationem die, solutâ ligaturâ vasorum, ægri imprudentiâ, recrudesceret hæmorrhagia; quæ sistebatur feliciter, applicato vitrioli globulo ad orificium vasis aperti, & idoneâ ligaturâ firmato: sed post undecim dies deciduâ escharâ redibat hæmorrhagia. Periculoso hoc in statu sola videbatur superesse compressio vasis, ut servaretur æger: causticorum enim insidum usum eventus docuerat; vasis retracti & brevioris redditu ligatura non sine magna difficultate fieri poterat. Applicatum hoc instrumentum pulcherrimo successu hæmorrhagiam compescuit, & integra sanatio tam periculosi vulneris secuta fuit.

Patet ergo, artificiosam vasis compressionem compescere periculosissimas etiam hæmorrhagias, licet alia remedia frustra adhibita fuerint; illamque solam sufficere in omni casu, cum reliqua auxilia tantum in quibusdam casibus usum habere possint. Omnium autem optimè agit hæc compressio, si à latere vasis discissi applicata comprimat parvum orificium; licet tamen in difficillimis casibus pressio perpendicularis in superficiem vasis dissecti hæmorrhagias compescuerit aliquando felicissimè. Hujus rei pulchrum Exemplum habetur in *Academia Regia Scientiarum* (b). Homini, ante octodecim menses fracturam compositam ossium tibiæ & fibulæ passio, communi consilio Chirurgorum exstirpabatur crus, sub genu articulo: sed nec tornatilis ligatura, trunco arteriæ applicata, compescere poterat hæmorrhagiam; nec ligatura vasorum discissorum poterat adhiberi, quia arteriæ penitus ossæ comprimi non poterant; hinc pleno rivo summoque cum impetu sanguis pergebat effluere, sed linteis carptis applicatis per splenia gradatim incrementa appressis feliciter sistebatur tam periculosa hæmorrhagia, adeo ut quartâ post exstirpationem factam die, dum omnis apparatus removebatur, ne guttula quidem sanguinis efflueret. Aliquando etiam contingit in cruris exstirpatione, ut arteria, quæ tibiæ os in parte superiori & posteriori perforat, & sepe pollicis longitudine per ipsam ossis substantiam decurrit, dissecta pergat continuo sanguinem fundere, si nempe in illo canali osseo hærens dissecetur, ubi os ferrâ dividitur. Patet faciliè, ligaturam hinc nullius usû esse; sola compressio per linteæ carpta, orificium vasis discissi appressa, superavit anceps hoc malum (c).

(a) Académ. des Sciences, l'an 1731. Mém. | pag. 134.

(b) L'an 1732. Mémoires, pag. 536. & suiv.  
(c) Ibid. pag. 139.

In similibus tamen casibus compressio fortior requiritur, quàm si laterali pressione complanati vasis latera contigua facta fuerint, quia vasis discissi amplitudo eadem manet: hinc faciliè thrombus concreti sanguinis vas discissum obturans expelli posset, nisi validâ pressione retineretur.

§. 219. **REVULSIO** hic (218) nihil juvat, nisi vascula læsa (159) parva; & plethora adsit. Eadem de victu, potu, & internis medicamentis vera sunt; quæ autem de hæmorrhagia dicta, eadem & fluxui ichoris applicari queunt; licèt auxilium hic summum in balsamicis crassioribus.

**REVULSIO HIC NIHIL JUVAT**, &c. *Galenus* methodum tradens, quâ sanguis ex vulnere fluens sisti posset, dicit hoc fieri, *obturato quidem, quod perruptum est, averso autem atque aliorsum translato, quod per id ferebatur* (a). Sed circulationis sanguinis, qualem hodie novimus, ignarus cum fuerit non mirum est, illum fuisse in hac opinione, quòd revellentia, in compescendis hæmorrhagiis vulnere, multum prodesse possent. Sed si magna arteria discissa est, quid juvabit venæsectio in alia corporis parte? Certè omnis sanguis ruet potius per parvulum arteriæ vulnus, ubi resistentia nulla est, ad mortem vel saltem animi deliquium usque. Vidi, repetitam etiam venæsectionem non potuisse sedare hæmorrhagiam, quæ post dentem evulsum sequebatur: quid ergo proderit, ubi major arteria dissecta est, si sanguinis fluxum ex tam parva arteriola impedire non potuit? Nec poterit à revellentibus aliis, quæ frictione vel irritatione quacumque partium dissitarum à loco vulnerato agunt, quid boni sperari; cum potius noceant, quia motum prius in parte, dein in toto corpore augent.

Ubi verò ingens sanguinis copia adest, nec satis illa munita fuerit per hæmorrhagiam, venæsectio prodesse posset, si vascula læsa parva fuerint, ut nempe minutâ copiâ & impetu sanguinis, vascula læsa minùs disenta se contrahere possint.

**EADEM DE VICTU, POTU, &c.** Ubi hæmorrhagia sedata est per remedia præcedenti paragrapho descripta, in cibo & potu semper sollicitè vitantur talia, quæ copiam vel impetum sanguinis nimis subito augere possent, donec vas læsum optimè consolidatum fuerit: hocque respectu debitum victûs regimen multum boni facere potest. Sed faciliè patet, nihil inde sperandum esse, ut cohibeatur sanguinis effluxus ex patulo vase vulnerato, præsens enim auxilium poscit vascula sanguinis jactura. Et licèt daretur, cibum & potum aliquid huc facere posse, nimia requiritur mora, anrequam chylus ex ingestis factus ad vulnus venire posset. Idem verum est de medicamentis internè sumptis, quibus talis efficacia adscribitur, ut sanguinem ex vulnere impetuosè erumpentem sistere possent. Paruit enim ex modo dictis, ne quidem fortissima stringentia posse sic cohibere periculosam hæmorrhagiam, ut illis confidere tutò liceat, quamvis magnâ copiâ ipsi vasi discisso applicentur: Quid ergo sperandum foret ab iisdem, dum internè sumpta, sanguini mista, mutata jam per corporis vires, circulationis actione ad locum vulneratum parçâ copiâ deferuntur? Unâ enim cum sanguine elabentur per hians va-

(a) Method. Med. Lib. V. Cap. 111. Charter. Tom. X. pag. 106.



fis diffuſi vulnus. Præterea omnia auxilia, quæ hæmorrhagiam compescere poſſunt, hoc faciunt vel conſtricto vaſe, vel coagulo inducto ſanguini effluxuro, vel utroque hoc effectu conſpirante agunt. Si ergo hæc remedia, dum ſanguini miſta per vaſa fluunt, has vires habent; an non prius conſtringendo pulmonis vaſa minima, vel coagulando ſanguinem, mortem inducerent, impedito ſanguinis per pulmonem tranſitu, antequam ad locum vulneratum pervenire poſſent? Dum minores arteriæ diſciſſæ propriâ contractilitate, & minuto ſanguinis impetu ob ſanguinis jaſturam factam, clauduntur ſponte, ut dictum §. 159, tunc ſimilibus remediis adhibitis tribuebatur hæmorrhagiæ ſedatio, quæ longè aliis debebatur cauſis. Plurima jaſtaptur talia, quorum multa impune quidem exhiberi poſſunt, cùm nec noceant nec proſint; nemo tamen prudens his confidet, & interim, efficacioribus auxiliis neglectis, ſummo discrimini vulneratum exponet.

EADEM ET FLUXUI ICHORIS APPLICARI QUEUNT, &c. Accidit aliquando, ut vulnera etiam leviora, ſequatur ingens tenuis lymphæ effluxus, vaſis arterioſis lymphaticis majoribus læſis, uti videtur; ex venoſis enim lymphaticis diſſectis vix videtur tanta copia lymphæ effluere poſſe, cùm venæ ſanguineæ læſæ, niſi maximæ fuerint, parum tantum ſanguinis eructent, niſi ligatura vel aliud quoddamque obſtaculum inter cor & venæ vulnus ponatur. Diftingui tamen maximè debet ichoris effluxus, qui à vaſis lymphaticis, vulnere læſis, oritur, ab illo, qui poſt nervi vel tendinis puncturas, & ſæviſſimam inflammationem ſecutam, fit: longè enim alia auxilia requiruntur in tali caſu, ut dictum fuit §. 163. Sed hic tantum agitur de fluxu ichoris, qui à vaſorum per vulnus factâ læſione oritur; tuncque illa, quæ hæmorrhagiis compescendis conveniunt, prodeſſe poterunt. Dictum fuit in præcedenti paragrapho, artiſcioſam vaſis compreſſionem tutiſſimum & ſimul efficaciſſimum remedium eſſe ad compescendas etiam maximas hæmorrhagias; & conſtitit, idem hoc auxilium ichoris effluxum tollere.

Chirurgus bubonem venereum, nondum perfectè maturum, aperuerat lanceolâ, & malâ fortunâ vas lymphaticum diſſecuerat, unde ingens lymphæ copia quotidie de vulnere profluabat. Conſilii expert celeberrimo *Ruyſchio* indicavit hunc caſum qui ſplenis ex linteo complicato applicatis, & ſibulâ validè compreſſis, tam feliciter ſuſtulit hoc malum, ut ſequenti die jam omnis lymphæ effluxus ceſſaret (a). Ubi verb poſt nervi puncturam ichoris ille effluxus ſequitur, compreſſio talis brevi in gangrænam faceret tranſire partes inflammatas. Pulchrum etiam effectum habuerunt baſama omnia nativâ, inprimis craſſiora, quæ oleoſo lentore vaſculi talis vulnus obturare poſſunt; & interim vulneratis partibus amica & ſalutaria obſervantur, ac in tendinum & nervorum puncturis tantum uſum habent. Dùmque hæc ſatis calida applicantur vulneri, ut plerumque ſolet fieri, fortè etiam tenera hæc vaſcula calore majori contrahunt & claudunt.

(a) Ruyſch, Obſervat. Anatom. Chirurg. Centur. Obſerv. 41.



## D O L O R.

§. 220. **S**I fibra nervosa, cerebro orta, ita extenditur, vel alio modo disponitur, ut dissolutionem minuetur, fit doloris idea.

Dolor est in mente perceptio rei molestæ, quam adeo detestatur natura humana, ut omni molimine vel invito homo conetur tollere illud, quod causam illius ingratae perceptionis esse credit. Sanus enim homo habet in se facultatem percipiendi quasdam ideas occasione mutatorum nervorum quorundam, quàm à se removere nequit ullo modo. Profundæ meditationi totus quasi immerfus Philosophus, si ferrum ignitum parti corporis applicetur, mox habebit mutatam cognitionem, & orietur in ejus mente ingrata illa perceptio, quam dolorem vocamus. Quid autem sit in mente illa perceptio, impossibile est verbis explicare; solus ille novit, qui dolorem patitur. Non enim oritur aliqua representatio rei diversæ à cogitatione, sed adest affectio percipiens: nemo enim cogitat, dum dolet, quòd extra illum sit aliquid simile illi dolori, sed omnes dicunt, quòd sint ipsi dolentes.

Doloris idea jam non relinquit sui memoriam, qui enim dolorem passus fuit, & momento post liber est, memor quidem est, quòd illud molestum adfuerit, sed nullam habet amplius doloris ideam, nec potest ullo modo facere, ut illa renascatur in mente, nisi nova doloris causa accesserit, quæ mutato prius corpore, mentem in sua cogitatione mutaverit.

Quænam verò sit illa mutatio in corpore, & quibus in partibus corporis fiat, à qua nascitur in mente doloris idea, possumus cognoscere per Experimenta. Demonstratur enim, solis nervis à cerebro oriundis hanc facultatem inesse, ut à illorum affectione nascatur in mente doloris idea. Si enim nervus, qui solus ad partem quamdam corporis tendit, destruat, poterit pars talis secari, uri, &c, sine ulla doloris idea in mente excitata, licet reliquorum omnium partium integritas maneat. Sed omnes nervi in toto corpore oriuntur à medulla oblongata, quæ medullam cerebri & cerebelli in se continet; vel à medulla spinali, quæ medullæ oblongatæ continuatio est, & præterea medullarem substantiam à proprio cortice ortam continet. Tamen solos nervos à medullari cerebri substantia ortos doloris ideam in mente excitare, patet inde, quòd in omnibus illis morbis, in quibus cerebri actio per nervos tollitur, nullus sentiat dolor. Summâ ebrietate sepulti, ut & apoplectici perfecti, ab effusis in cranio humoribus, nullum sensum doloris habent, licet vivus ignis partes corporis comburat. Idem in epilepsia exquisita tristibus Exemplis totius constitit. Unde apparet, solis nervis à cerebro oriundis hanc inesse facultatem, ut ab illorum mutatione excitetur in mente doloris idea. Quænam jam est illa mutatio nervi à cerebro orti, quæ in mente doloris sensum facit? Videtur esse talis dispositio, quæ, si diutius du-

rat, vel magis intenditur, faceret nervi in continuitate solutionem. Si enim homini sanissimo, cui nullus dolor in ulla parte corporis adest, in quo nullum in fluidis vel solidis corporis partibus vitium invenitur, tenuissima acicula sub unguem digiti manus vel pedis adigatur, mox oritur enormis dolor, qui totum hominem convelli faciet, tantum à mechanica tali mutatione papillæ nervosæ. Nec refert, qualicumque causa sit, & quocumque modo agat; modò fibræ talem nervosam à cerebro oriendam sic disponat, ut rupturæ proxima sit, nec rumpatur tamen, (destructio enim nervo, dolor cessat), excitabitur in mente ingrata illa perceptio, quam dolorem vocant omnes.

Sed ut hæc mutata conditio nervi ideam doloris faciat nasci in mente, requiritur, ut nervi hujus in cerebrum, & cerebri in nervum; libera maneat actio, non interrupta ullo obstaculo: si enim nervus in suo decursu ligatus fuerit, licet ejus extremum trahatur, laceretur, &c, non erit in mente doloris sensus. Idem erit, si nervo manente libero in toto suo decursu, ipsum cerebrum in functionibus suis læsum fuerit. Patet ergo per hanc mutationem nervi aliquid mutari in ipso cerebro, tuncque ab hac mutatione cerebri nasci in mente doloris ideam. Videatur ergo admodum verosimile, posse doloris ideam nasci aliquando in mente, licet nulla mutatio in nervis acciderit: si nempe cerebrum à quacumque demum causa talem accipiat mutationem, qualem accepisset, si fibra nervosa quædam in aliqua corporis parte sic disponderetur, ut dissolutionem minaretur. Hanc rem confirmant Observata Medica. Sæpe enim accidit, ut illi, qui per belli calamitates aut alia infortunia cruribus truncati fuerant, de dolore digitorum pedis abscissi conquerebantur: imò in quibusdam observatum fuit, talis doloris sensum fuisse signum imminentes convulsionis, cerebro, omnium nervorum sentientium origine, mutato (a). Nec tantum hoc fiebat parvo post exstirpationem factam temporis intervallo, sed etiam diu postea. Dum ergo quibusdam hominibus primum illud originale sensibus & motibus inserviens, à quo oriuntur omnes nervi, facilius afficitur, quam in aliis, erunt obnoxii plurimis morbis & doloribus, quos externis causis adscribunt; qui tamen totam suam originem debent nimis facili mobilitati ipsius sensorii communis.

Hinc Sydenhamus videns, quòd venam secando, purgando, &c, nihil proficeret in miris illis morbis, qui à turbato spirituum motu oriuntur, conclusit tandem, (b) quemadmodum enim homo quidam exterior conspicitur, ex partibus sensui obviis compaginatus, ita procul dubio & interior est quidam homo, è debita spirituum serie & quasi fabrica constans, solo rationis lumine contemplandus. Hic verò cum temperie corporis intimius conjunctus & quasi unitus, tanto ægrius faciliusve de statu suo dejectur, quanto major est minorve ea, quam à natura sortimur, principiorum constituentium firmitas. Unde in talibus morbis, dum dolores varias corporis partes obsidentes distinctissima simulabant mala, meritò solam spirituum animalium *traxia* incusabat & inordinatos motus, hisque compescendis tantum omnem navabat operam; per Experimenta probè edoctus, omnes illos tunc sopiri dolores, & omnia illa nunc sedari symptomata, quæ tantà varietate in mirabili hoc affectu distinctissimos mentiebantur morbos. Confirmabat hanc rem, quòd sola animi perturbatio in mobi-

(a) Miscellan curiosa decur. 1. Ann. 1. pag. | Observ. XV.

31. Hildan. Observ. Chirurgic. Centur. III. | (b) Sydenham. Dissert. Epistolar. pag. 496.

libus illis corporibus tot malorum catervam producere poterat, licet momento ante nihil in solidis vel fluidis partibus mutarum detegeretur.

Si ergo supponeremus omnia puncta sentientia in corpore manere, aboleri autem omnia puncta non sentientia, haberetur imago illius hominis interioris *Sydenhami*. Sed quàm multa sic tollerentur de corpore! Torum cor in morbis ardentissimis adeo agitata, inflammata, &c, non dolet, sed anxietatis sensus molestissimus oritur: totus pulmo sæpe purulentâ labe consumitur sine dolore: sic & renes; cùm tamen pelvis & ureterum membrana interior malè affecta tam enormes dolores faciat: totum hepar abscessu consumitur sine dolore: sed si exterior hepatis membrana afficiatur, dolor intensus adest, &c.

Doloris ergo idea in mente sequitur talem dispositionem fibræ nervosæ in corpore, quæ dissolutionem minitur; sic tamen, ut admodum probabile videatur posse etiam excitari doloris ideam, licet nulla mutatio nervis acciderit, sed tantum fuerit mutatum illud, à quo nervi huiusmodi originem ducunt, nempe cerebrum ipsum. Neque hoc tantum in nervis illis apparet, qui fideli custodiâ cavent, ne corpus destruantur, & ubique dispersi doloris sensu monent hominem, ut tollat vel evitet omne illud, quod pergens agere, ut nunc agit, partem destrueret; sed videmus, idem certissime fieri in aliis nervis, à quorum mutatione in mente oriuntur distinctissimæ idææ, quod nempe illæ fieri possint æquè vividæ, licet nullum objectum externum egerit in sensuum organa, sed tantum per morbos mutatio inducta fuerit ipsi sensorio communi. Sic phrenitici quàm mira vident phantasmata, quàm horrendos sæpe fragores audiunt, &c, licet nulla causa externa adfuerit, quæ has ideas excitaverit mutatione nervis inductâ? Idem in melancholicis deliriis, & maniacis furoribus contingit.

§. 221. **Q**UI èd acrior, quò fibra rupturæ propior: èd autem mitior, quò naturali est tensioni propior.

Cùm ex præcedenti definitione doloris patuerit, dolorem tunc percipi, quando fibra nervosa sic disponitur, ut dissolutionem minitur; sponte sequitur, illum èd acriorem esse, quò causa dolorem excitans nervos plùs distraxerit, modò adhuc cohæsiō maneat: hæc enim sublatâ, cessat dolor. Et vicissim èd mitior erit doloris sensus, quò minor fuerit nervi distractio. Patet hoc in tormentis, quibus utuntur Judices, ut invitis maleficis criminum confessionem expriment. Suspensio enim manibus homini alligant pedibus pondera, sensum auctâ, unde majori factâ partium distractione, per gradus augetur dolor ad summam acerbiteriam usque. Simulacra auferuntur pondera, minuitur dolor. Nervi plurimi in nobis sunt satis laxi, hinc sine dolore extensionem ferunt; sed ubi per periosteum v. gr; dispersi supra ossa tenduntur, minimum tensionis augmentum tam acerbos cruciatus efficit; hinc summi illi dolores in lue venerea, dum ossei tumores incumbens periosteum sensum distendunt & dilacerant. Inde & acerbissimum illud tormenti genus, quod adhibent carnicifides, dum spinæ tibiarum cochleâ imposita, periosteum, adeo acuti sensus, ad durum os conterunt, sensum auctâ pressione. Ob eandem causam & acerrimi dolores in minimis nervis fiunt; majores enim nervi minimam partem suæ molis habent verè nervosam dicendam: hinc facillè fieri potest, ut talis major nervus distendatur, nec tamen adhuc fiat distractio in minimis nervosis fibrillis, sed tan-

tum in callosis vaginis has fibrillas regentibus. Sed quando nervus est exiguus, & tensus, & inprimis his involucris nudus, tunc summi dolores etiam à levissima causa fiunt. Docet hoc dentium dolor, ubi, crustâ adamantinâ dentis erosâ, minimi nervuli, per dentis omnem substantiam internam dispersi, vaginulis suis nudi, ab ipso aeris attractu tam intolerabiles cruciatus faciunt, non sedandos ferè, nisi nervulus affectus destruaturs auctâ distraktionem, vel applicatis remediis, vel eradicetur dens.

§. 222. **U**NDE dolor summus in eadem parte brevis, mitior, diuturnus esse, & intendi potest, & remitti.

Cum dolor supponat illam conditionem nervi, quâ rupturam, id est, dissolutionem continuitatis minuitur; & ille eò acrior sit, quò fibra nervosa rupturæ propior est; patet dolorem summum tunc adesse, quando fibra nervosa jamjam rumpetur: sed fibrâ nervosâ ruptâ, cessat omnis dolor, qui antè ab hac fibra nimis distracta fiebat. Dolor ergo summus, mox rumpendam fibrâ nervosâ designans, brevis erit, quia ruptâ fibrâ desinet. Sic dum acutissimâ novaculâ vulnus instigitur, momentaneus sentitur dolor, sed mox evanidus. Et in podagra observatur, eò citius deservescere paroxysmi sævitiem, quò acrior urserit dolor. Dum dente carioso factio nudantur nervuli per ejus substantiam dispersi, aliquando sugendo trahitur talis fibrilla nervosa, & oritur tam immanis dolor, ut ne quidem per pauca momenta ferri possit vel à robustissimo homine; sed ruptâ hâc fibrillâ, cessat brevis. Dum dens evellitur, summus dolor est; dente evulso, statim cessans. Summus ergo dolor citò destruet nervum dolentem; vel sic afficiet cerebrum, ut omnis doloris perceptio cesseret, tuncque simul plerumque syncope fit, sive abolitio omnis motus vitalis. Nec ultra possunt etiam acerbissima tormenta procedere: sic enim affecti cadaveris instar nihil amplius sentiunt; uti plurimis Exemplis constitit, quòd malefici, ad torturam damnati, aliquando statim quasi exanimis fiant, nec postea vel exquisitissimos cruciatus sentiant.

Videtur huic sententiæ repugnare, quòd acerbus sæpe dentium dolor per plures dies, imò & septimanas, homines torqueat. Sed ratio est, quòd nervulus, dentis substantiam ingressus, in minimas fibrillas divisus, per omnia puncta distribuaturs; hinc licet summo dolore destruaturs una talis fibrilla, idem malum ad reliquas fibrillas pergens poterit diu continuare sævos hos cruciatus.

Cum verò mitior dolor leniorem nervi dolentis tensionem supponat, hincque minus periculum rupturæ; patet facili, talem dolorem longè diuturniorem esse posse: & cum inter naturalem nervi tensionem & summam distraktionem, rupturæ proximam, innumeri gradus intermedii possint concipi; apparet, tales dolores diu manere posse sine destructione nervi affecti; & pro majori vel minori distraktionis gradu posse intendi & remitti. Illi autem dolores, qui oriuntur in partibus corporis cordi satis vicinis, unâ cum valida febre, brevi cessant, destructâ parte dolente; sed in locis à corde admodum remotis, & sine magna humorum agitatione, diuturni dolores, & sæpe recrudescentes, tolerari possunt sine partium dolentium subita destructione. Terribilis adeo iliacus dolor inflammatorius robustissimum hominem sæpe paucarum horarum spatio necat. Podagra verò, sæpe viginti annis repetitis paroxysmis cruciat, antequam in calcem destruxerit partes dolentes; tuncque minuitur in extremis dolor podagricus, vel & aliquando cessat: sed ad

interna defertur hæc materia, quæ prius in artus detonabat, & pessima mala producit.

§. 223. **C**AUSA doloris ergo omne, id est, quod talem extensionem, vel dispositionem, (220) facit.

Generali ergo causæ doloris nomine comprehenditur omne illud, qualecumque fuerit, quod nervum, non dolentem antea, sic distrahit, vel alio quocumque modo disponit, ut rupturæ periculum sit: nec refert, an hoc premendo, distrahendo, rodendo, &c. fiat; effectus erit semper idem: nempe nascetur in mente doloris idea. Intensitate vel & duratione poterit differre dolor à diversis causis excitatus, ceteroquin effectus erit idem.

Patet hinc, quàm multiplex possit esse causa, quæ in corpore etiam sanissimo dolorem excitat! Ut autem ordine posset indagari à Medico latens doloris causa; & cognita tolli, ad quasdam classes debent redigi causæ doloris hæcenus observatæ, quod fit sequenti paragrapho.

§. 224. **Q**UO refertur 1. Vis naturalis contractionis paucioribus fibris sustentata, dum quædam solutæ sunt (183). 2. Quod vas fibris nervosis contextum nimis replendo distendit; eò obstructio, plethoræ, cacochymia abundans, auctusque motus circularis, spectant. 3. Quod vi distrahit, ut luxatio, tumor, vis externa. 4. Omne vulnens, & rodens.

1. De hac re dictum fuit §. 163, & §. 183. In paronychiæ pessima specie, in qua tendine flexorum digiti affecto tam immanis dolor oritur, hoc apparet: excidit enim sæpissime ultimæ phalangæ digiti ossiculum post enormes toleratos cruciatus. Sed ut hoc fieri possit, debet tendo affixus huic ossiculo prius inde separari: quod non simul & semel, sed lentâ tali distractione fit. Nulli enim terè parti corporis tam exiguæ molis, tam validi affiguntur muscoli, quàm digitis; & in hoc morbo musculis illis contractis, digiti semper flexi apparent. Dum ergo incipit tendo separari ab hoc ossiculo, reliquæ fibræ sustinent totam vim musculi contracti, & lentâ, sed continuâ laceratione, ab osse distrahuntur, cui coherrent; unde immanis dolor sæpe totum cerebrum sic turbat, ut acutissima phrenitis, convulsio, & mors sæpe totum cerebrum sic turbat, ut acutissima phrenitis, convulsio, & mors sæpe ipsa sequatur. Omnem humanam patientiam evincunt hæc tormenta, quibus vivis ossibus coherentes partes sensim lacerantur. *Philotas, quanquam hinc ignis, illinc verbera, jam non ad quæstionem, sed ad pœnam ingerebantur; non vocem modò, sed etiam gemitus habuit in potestate. Sed postquam tumescens corpus ulceribus, flagellorum ictibus nudis ossibus incussos ferre non poterat; si tormentis adhibuituri modum essent, dicturum se, quæ scire expeterent, pollicetur, &c. (a).*

2. Demonstratum fuit in Commentario §. 39, vasâ majora constare ex convolutis membranis, quæ omnia vasorum genera in se continent, etiam minima totius corporis, nervos nempe: omne ergo illud, quod distendit vasâ majoris latera, distrahet pariter nervos per hæc dispersos; sed ab hac distractione nascebatur in

(a) Q. Curtii, Lib. VI. Cap. 14.

mente doloris idea, ut dictum est. Dubitari posset, an omnia vasa corporis habeant in suis membranis nervos sentientes: cum in §. 220, dictum fuit, plurima viscera (quæ tamen vasorum congeriem esse ex Anatome hodie constat) sæpe consensum sensum & destrui ferè sine dolore. Unde hoc tantum verum erit, quatenus vasa constituentes membranae habeant per suam substantiam dispersos nervos à cerebro oriundos & sensui dicatos. Hoc autem in plurimis vasibus obtinere patet, quia tenuissimæ aciculæ apice in superficie corporis nullum punctum lædi potest, quin effluat ex vasibus læsis contentus humor, & simul percipiatur doloris sensus. Causæ autem, quæ vasa fibris nervosis sentientibus instructa distendunt, præcipue sunt sequentes.

**OBSTRUCTIO** supponit semper obturationem canalis, per quem liquidum vitali motu transfluere debet: hinc necessariò sequitur: ut liquidum appulsus ad locum canalis obstructum nec penetrare potens, dilatet vas latera, illaque attenuet & tandem solvat, uti demonstratum fuit in *Commentariis* §. 120. Patet ergo, fibris nervosis vasibus obstructi latera constituentibus, tensis summo opere, & tandem ruptis, posse excitari dolorem: & quidem vario intensitatis gradu pro varia distractionis mensura. Dum in pleuritide obstructæ arteriæ sanguine immesabili in locis intercostalibus distenduntur à vitali liquido à tergo urgente, quàm immanis nascitur dolor, semper eò acerbior, quò majori impetu sanguis pellitur in loca obstructa; unde debilitatà vità per venæsectionem, cessat vel minuitur dolor! Hinc obstructio propriè loquendo doloris causa non est, sed liquidum à tergo urgens dilatando vas obstructum dolorem excitat.

**PLETHORA.** Probatum fuit §. 106. *lit. a.*, nimiam copiam boni sanguinis distendere vasa, imò & rumpere posse: hinc omnes gradus doloris, qui præternaturalem tensionem vasorum ad rupturam usque sequi possunt, ab hac causa soli excitantur. Docent hoc sæpe molestissimi capitis dolores à sola nimia plenitudine orti, sanguinis missione tam feliciter tollendi. Mulieres etiam, antequam fluxu menstruo evacuebatur nimia plenitudo, sæpe ab hac causa dolores in variis partibus corporis sentiunt, qui evanescent, dum per uteri vasa dilatata elapso sanguine tollitur nimia ejus copia.

**CACOCYHIA ABUNDANS.** Omnis humorum nostrorum degeneratio ab illis conditionibus, quæ requiruntur in sanitate, hoc nomine vocatur. Potest ergo & nimia vasorum distensio fieri æquè ab alienis humoribus ægestis, quàm à nimia copia boni sanguinis; unde & dolor excitabitur à distractis fibris nervosis vasorum membranas constituentibus. (Non agitur jam hoc loco de majori acrimonia, quam liquida degenerantia acquirere possunt, & per quam rodendo & irritando dolorem excitare valent.) Dum iners aquosa colluvies in panniculo adiposo ægesta, in crurum anasarca, cutim incumbentem distendit, ab hac sola causa dolor nascitur.

**AUCTUSQUE MOTUS CIRCULARIS.** Demonstratum fuit §. 100, solum auctum motum sanguinis per vasa calore aucto facere majorem rarefactionem liquidorum, unde sequitur vasorum major distensio, & à liquidis crassioribus, dilatata vasa ingressis, obstructio & destructio, inflammatio, &c. Sed hæc omnia fieri nequeunt sine distractione & dilaceratione fibrarum nervosarum per vasorum membranas dispersarum; unde satis patet, dolorem inde excitari. In febribus à solo aucto motu capitis dolor & artuum fieri poterit: minutà vel subleata febre, iterum cessans.

3. Omne illud, quod vi distrahit partes nostri corporis, minuit earumdem cohaesionem, ergo continuitatis solutionem inducere poterit, si pergat, vel augeatur hæc distractio; sed ex definitione doloris §. 220, illa conditio nervi, quæ dissolutiorem continui minuitur, doloris ideam in mente facit. Distractio ergo partium, sibi nervosis præditarum, dolorem faciet, à quacumque demum causa fiat. Unde dum luxata ossa, cavis suis, quibus naturaliter continebantur, elapsa; ligamenta articulos, neccientia elongant, tam acris dolor nascitur, qui, osse reposito, statim cessat, nisi distracta per luxationem ligamenta, vel vicinæ partes pressæ; jam inflammata fuerint: manifesto indicio, dolorem post luxationem ortum tantum ab hac distractione ligamentorum fieri. Unde *Hippocrates* (a) quodd post humeri luxationem qui reposito articulo, partibus, quæ juxta sunt, nullâ inflammatione affectis protinus humero uti sine dolore possunt, hi nullâ curâ sibi opus esse arbitrantur: sed Medici officium est præagere contra eorum opinionem, siquidem his rursus prolabitur, magis quàm quibus nervi inflammatione tentantur.

Facile jam patet, eundem effectum esse, si tumor natus à quacumque causa, distrahat partes. In arthritide enim inflammatoria, vel & per alios morbos, ut spinam ventosam, exostosim, &c, distracti nervi, per ligamenta articularum dispersi; tam acerbos cruciatus faciunt. Quantus autem dolor à sola vi externâ distrahente fieri possit, docent tormenta maleficorum legum auctoritate facta, in quibus, vel ponderibus appensis, vel trochleis, distenduntur corporis partes.

4. Omne vulnus, ut ex ejus definitione §. 145, patet, est soluta cohesio partium mollium: sed dum instrumentum vulnerans partes antea unitas dividit, fit illa conditio nervi, quâ dissolutionem minuitur, nascitur ergo dolor, sed statim evanidus, si celeri actione instrumenti vulnerantis separantur partes, tamen illo momento, dum vulnus infligitur, dolor est. Ille autem dolor, qui aliquo tempore post vulnus inflictum nascitur, à distractione partium, per vulneris labia ab invicem secedentia, pendet; unde ille dolor vulnus quidem inflictum sequitur, sed non à vulnere ipso, ut causâ immediatâ, sed à mutatione vulnere ductâ per contractilitatem partium, oritur. Nervus enim rupturæ proximus doloris ideam in mente facit; nervo autem rupto dolor cessat: unde dum vulnus fit, dolor nascitur; vulnere facto, cessat dolor.

Rodentia autem omnia, corpori applicata, & calore corporis actiuosa reddita (in cadaver enim vix agunt, si ignem solum exceperis) discernunt minutis & numerosissimis vulnusculis partes & destruunt; unde dolor satis intensus & diuturnus simul oritur, ut evidenter patet.

§. 225. **I**NDE doloris (220) in vulnere, (155) causa multiplex (224) cognoscitur.

Si jam omnia hætenus dicta applicentur vulnere, apparet, magnum posse numerum & varietatem causarum dolorem excitantium in vulnere obtinere. Ipsum enim instrumentum vulnerans illo momento, dum vulnus infligitur, doloris causa est: partes instrumenti vulnerantis relictæ in vulnere dolorem facere possunt: labia vulneris, à se mutuo recedentia, nervi semidifici, nervi majores diffici retracti

(a) Hippoc. de Articulis Textu XXIX. Charter. Tom. XII. pag. 308.



& ramulos vulnere superiores distrahentes, summos dolores excitare possunt. Dum labia vulneris postea inflammantur, tument, & retorquentur & simul febriculâ orîa augetur fluidorum celeritas, iterum novæ causæ doloris adfunt. Dum effusi in vulneris cavum humores in acrem degenerant indolem, illi rodendo & irritando dolorem iterum faciunt; idem & ab acribus quocumque titulo applicatis fiet. Quando per suppurationem sensum separantur obstructa vasculorum extrema à vivis partibus, pariter dolor nascitur, qui, pure facto, cessat. Omnia hæc sollicitè distinguenda sunt, ut cognitæ doloris causæ in vulnere debita auxilia possint adhiberi.

§. 226. **E**T effectus, inquit, jactatio, vigilia, febris, calor, sitis, siccitas, convulsio, gangrana, intelliguntur.

Quando dolor adest in corpore, sequuntur ejus effectus, qui inprimis observati fuerunt sequentes.

**INQUIES ET JACTATIO.** Dum percipimus ideas, oritur in mente nostra mutatio quædam, quæ grata vel ingrata est; vel aliquando penitus adiphora: sic dum cognito circulum bifariam per diametrum dividi, hoc nec placet, nec displicet. Sed si manus frigida apponitur igni moderato, omnes dicent, hoc placere; si vivus ignis applicetur manui, omnes testabuntur, hoc displicere. Quomodo hoc fiat, non potest fortè explicari; unusquisque tamen in se ipso hæc deprehendit. Illud autem gratum & ingratum, quod comitatur ideam perceptam, facit in nobis effectus quosdam, quos nequidem summa ratio potest vincere, quidquid dixerint superbi Philosophi. Voluntas enim omnibus viribus nititur, ut illud gratum menti præsens maneat, ut illud ingratum deleatur: & tunc sequuntur motus corporei, non à mente præscia determinati, sed verè automatici & spontanei dicendi, quibus conamur tollere vel evitare illud, quod in mente excitaverat ingratum illum sensum. Hæc est humanitas nostra, quam non possumus exuere. Dum profundis meditationibus penitus immersus hæret Philosophus, si subito aciculâ pungatur ejus digitus, ipso momento manum retrahet, licet nulla sit illius motus excitati in mente conscientia. Unde doloris sensus fidelissimi custodis instar monet, ut tollatur illud, quod corpus destrueret. Hinc videmus, homines dolentes variâ positurâ partium corporis, & continuâ sæpe agitatione moliri; ut fortè talem situm inveniant, quo tollatur, vel saltem minuatur, doloris sensus, & inde illa inquietudo & jactatio corporis in magnis doloribus. Ubi verò à minimo motu corporis augetur dolor, tunc immobiles hærent homines, uti in sævissima podagra, & dolentissimo rheumatismo fit.

**VIGILIA.** Sanissimus homo, sopitis omnibus sensibus, naturali somno dum fruitur, excitatur ab omnibus illis, quæ sensuum organa validè afficiunt: multò magis ergo impediatur somnus nondum præsens à dolore tam efficaciter cerebrum afficiente. Ideo veteres Medici in morbis soporosis pilos de naribus evehebant, urticis cædebant membra, acria applicabant corporis partibus, ut doloris sensu excitatis tolleretur nimia somnolentia.

**FEBRIS.** Ferè semper magnos dolores sequitur; etiam in illis morbis, qui ex sua natura minimè in febrem vergunt: uti in podagra, lue venereâ, &c. patet. Dum enim acerbis talis dolor torquet, ferè semper aliqua febris adest.

Hinc & Hippocrates inter febrium causas etiam dolores meritò agnovit pluribus

in locis. Sic dixit, (a) *Febres ex doloribus vehementibus diuturnæ.* (b) *Ex hypochondriorum dolore febres malignæ, &c.* Ubi humeri articulus versùs posteriora elabitur, dicit, omnium dolentissimum hoc esse, & summas excitare febres, &c. (c) Et; nisi luxatus articulus quicumque citò restitatur à dolore febris sequitur etiam in sanissimo corpore.

Cùm ergo febris dolorem majorem sequatur ferè semper, facillè intelligitur, & calorem, aucti motus per febrim effectum; &c, distatis liquidis per majorem motum, siccitatem à dolore fieri. Ubi autem siccitas adest in corpore, & major calor, sitis semper cogit, ut potu copiosiori remedium fiat his malis: uti in capitulo de siti febrili dicitur postea.

CONVULSIO. Inprimis in illis, qui totum genus nervosum mobilissimum habent. Ideo infantibus, ob tormina intestinorum ab acido, toties convulsiones accidunt. Vidi hysterica puellam, quæ odontalgia ob cariosum dentem obnoxia cùm esset, convulsam frequentissimè toto corpore, dum dolor recrudesceret. In se ipso sensit convulsionem instare *Galenus*, dum immanem dolorem pateretur à distractione nimia humeri, quem luxatum credebant; uti dictum in *Commentariis* ad §. 164.

GANGRÆNA. Definitur, quòd sit illa partis mollis affectio, quæ abolito vitali influxu & effluxu humorum, in mortem tendit. Unde respectu nervi dolentis in magno dolore est ille status, quo in mortem tendit, dum nempe integre rupetur brevis, jam summo pere distractus. Dum validissima pleuritis immani dolore urget, nisi succuratur subito, vel impedita respiratione ob doloris vehementiam suffocetur æger, macula livida in affecto loco orta gangrænam lethalem designat. In ileo inflammatorio, post summos dolores intra paucas horas gangræna nascitur, cessante tunc dolore, sed brevi mors sequitur. In paronychia pessima paucis sæpe horis cum intolerabili dolore s.c. pars afficitur, ut corruptæ partes molles postea in gangrænosum tabum dissolvant, ipsùmque digiti affecti ossiculum sideratum cadat. Omnium maximè gangræna post dolorem nascitur, si inflammatio & valida febris simul adsint; tunc enim citissimè aucto circulationis impetu destruuntur partes.

## §. 227. TUM anodynus diversitas, pro varietate causæ scitur.

Una tantùm est causa proxima doloris, nempe talis dispositio fibræ nervosæ; cerebro ortæ, ut dissolutionem minuitur; omne ergo illud, quod tollit illam dispositionem nervi, doloris remedium erit. Quia verò illa nervi conditio à tam diversis causis pendere potest, ideo tanta etiam requiritur varietas anodynorum, dum singulis causis tollendis distincta debeant adhiberi remedia. Requiritur ergo prius, ut doloris causa singularis cognoscatur, antequam determinari possit, quid causam hanc enervare vel tollere possit §. 224, enumeratæ fuerunt, & in distinctas classes redactæ, doloris causæ: sequens paragraphus adæquata his causis remedia proponit.

(a) *Prænot. Coarct. n.º. 78.*

(b) *Ibid. n.º. 31. & Lib. I. prænot. Charter. Tom. VIII, pag. 738.*

(c) *De Fracturis, Comment. 3. Textu LXII; Charter. Tom. XII, pag. 267.*

§. 228. **D**OLORIS causa tollitur ergo. 1. Laxatâ dislentâ fibrâ. 2. Resolutione concreti. 3. Minuto motu & materiâ dislendente. 4. Ablatâ tractione inæquali, & violentâ. 5. Lenito acri. 6. Discusso eo dem. 7. Educto eo, quod solvit fibras.

1. Sola distractio rupturam productura dolorem facit : si nunc Ars facere valet ; ut fibra possit distrahi sine rupturæ periculo, dolor cessat, vel saltem plurimum minuitur, licet causa distrahens fibram nervosam pergat agere. Si lignum rigidum & aridum flectere velis, rumpitur : si aquâ maceratum fuerit diu, flecti poterit sine rupturâ. Sic lentum de salice vimen torquetur nec rumpitur ; idem arefactum, si flectatur, frangitur. Unde in dolentissimis morbis ab omni æro semper adhibita fuerunt talia remedia, quæ laxarent solidas corporis nostri partes. In ileo balneis foveri corpus, & oleo illiniri *Hippocrates* suavit : in pleuritide mollissimis applicatis & tepidis latus affectum tegi iussit ; similia & internè adhibenda voluit. *Galenus* in se ipso (vide §. 164.) dolorem summum, & convulsiones inde metuendas, sedavit, dum curaret, ut oleo calido perfunderetur continuè. Dum plegmone, inflammatorio tumore panniculî adiposi subjecti, cutim distendit, nervisque cutaneis distractis dolorem facit, licet irresolubilis omnino in suppurationem, vergat, ideoque maneat, imò potius augeatur causa distendens ; si cataplasmata ex emollientissimis continuè applicentur, mitigabitur dolor, sic laxatis fibris nervosis, ut distrahi possint sine rupturæ periculo aut facilius solvantur. Mollissimi olei pressi cujuscumque larga copia sumpta dolores iliacos, colicos, nephriticos tam pulchre lenit. Aquæ tepidæ vapor, omnia adeo emolliens & laxans, dolentissimis locis tanto cum levamine adhibetur. Ubi à nervi punctura immanes illi dolores oriuntur, periti Chirurgi emollientissimis remediis noctes & dies sovent partes affectas. Hinc universale remedium ad dolores omnia emollientia & laxantia exhibent quia ipsam causam proximam doloris, nempe rupturæ periculum, in fibra nervosa tollunt ; dum reliqua auxilia tantum in causas remotas doloris agunt. Et licet ignoretur causa, fibras nervosas sic disponens, ut doloris sensus nascatur ; tamen hæc semper turò & cum fructu possunt adhiberi. Simul hoc boni habent hæc remedia, quòd pluribus doloris causis remotis tollendis sufficiant, nec noceant tamen illis causis, quas tollere nequeunt. Vasis enim laxatis, distendens illa immeabile liquidum facilius transit, & simul omnis acrimonia demulcetur iisdem. Omne autem illud, quod solidarum partium corporis robur & contractilitatem augeat, si maneat eadem causa distendens fibras, semper simul faciet doloris augmentum. Sic pleuritis longè acerbior in exercitatis & robustis corporibus observatur, quàm debilibus & laxis hominibus. Multò facilius & minori cum dolore articuli luxati restituantur in similibus, quàm in strictæ temperiei hominibus : imò in quibusdam tam facilis elongatio ligamentorum fit, ut sine ullo dolore prolabantur articuli. Dum carnißices in tormentis summâ vi distraxerunt omnes ferè corporis partes, aspersâ aquâ frigidâ dolorem immaniter augeri noverunt. Ubi ergo laxantium & emollientium efficacia ad locum dolentem pertingere potest, nunquam deerit effectus. Si enim v. gr. in dentis media substantia fibrilla nervosa tensa debeat, non poterit ille dolor laxantibus leniri : idem verum est, si à medulla ossis affecta intolerabiles illi dolores oriantur : uti &

Tt ij

dum in pessima paronychia sub cartilagineo illo scuto, tendines musculorum flectentium digitos tegente, malum hæret. Aliquando etiam contingere potest, ut, licet dolor magnus urgeat, alia tamen symptomata mali laxantium & emollientium usum prohibeant: v. g; si à cancro tecto, vel jam exulcerato, summus dolor oritur, emollientia nocerent; quia & putredinem, & fungosam illam cancri excrescentiam, augerent summopere. In reliquis autem omnibus casibus scire universalis est laxantium usus ad dolores leniendos.

2. Dum calculus ureteribus impactus hærens dolorem facit, qui solvere posset illud concretum calculosum, tolleret dolorem. Omnia illa, quæ concretum inflammatoriâ densitate sanguinem resolvere possunt, pleuriticos dolores sedabunt. Idem in omnibus aliis casibus verum est, ubi obstruens immeabile vasa infarciens, vel tumores, ex aggestis concretis nati, vicina premunt & distendunt. In capitulo autem de obstructione auctum fuit de variis modis, quibus liquidorum nostrorum moleculæ, antea separate, concrefcere possunt (§. 117): & ibidem tradita fuerunt talia remedia, quæ suâ efficacîâ poterant dividere concreta (§. 132. 133. 134. 135. 136.) Unde prius indagari debet indoles concreti; deinde ex antè dictis inveniri poterit remedium, quod resolvendo illud concretum tollet dolorem inde ortum.

3. Omnis dolor supponit vitam superflitem; & si ab immeabili humore, distendente vasa obstructa, oritur, semper erit eò acrior, quò vita actuosior. Hinc in pleuritide, dum simul valida febris adest, dolor intolerabilis nascitur; quia magno impetu urgentur humores in locum obstructum, & vasa dilatando, fibras nervosas horum vasorum texturam facientes magnâ vi distrahunt. Omne ergo illud, quod minuit impetum & velocitatem circuitus humorum, sedabit dolorem; uti quotidiana Observatio docent. Venæsectio enim, ad animi deliquium usque instituta, illico sæpe tollit, vel saltem plurimum levat, acutissimæ etiam pleuritidis dolores. Hinc à veteribus Medicis in vehementissimis doloribus commendabatur venæsectio ad lipothymiam usque, uti in locis antea jam allegatis (§. 141) patet. (a) Et in se ipso, uti aliâ occasione dictum fuit (§. 133) dolorem diuturnum fixum in illa maxime parte, quâ hepar septo transverso committitur, curavit Galenus, dissectâ arteriâ inter indicem & pollicem dextræ manûs, & sanguine effluente, donec sponte sisteretur (b). Ob eamdem causam summam quietem imperabant Veteres in morbis acutissimis, in quibus sæpe semper ingens capitis dolor adest. Nec tantum prodest tunc missio sanguinis, quatenus debilitando vitam, minuit motum; sed etiam quia educto sanguine minuit copiam humorum distendentium. In plethoricis molestissimi capitis dolores sæpe adsunt, licet sedatus penitus sanguinis motus sit, imò sæpe suffocatus, ob nimiam copiam humorum movendorum: simulac vel spontanea hæmorrhagia per nares, vel per Artem facta sanguinis subductio larga, minuerit sanguinis copiam, illico cessat dolor, sublata materiâ distendente vasa nimis plena.

Sed imminutio vitalis motus non tantum prodest in illis casibus, ubi nimia velocitas vel nimia distensio vasorum dolorem faciunt, vel ab alia causa factum augent; sed præterea summum usum habet in leniendis doloribus, qui ab acriori

(a) Galen. Comment. I. in Aphor. Hippoc. Charter. Tom. IX. Part. II. pag. 42. & libro de Curandi ratione per venæsectionem Cap.

xii. Charter. Tom. X. pag. 441.

(b) Ibid. Cap. xxiii. Charter. Tom. X. pag. 451.

humorum indole nascuntur. Acrida enim, per vim vitæ & calorem corporis actuosâ reddita lædere possunt; in cadavere, ubi omnis motus cessat, & calor tantum communis atmosphære adest, nihil ferè agunt. Sic cantharides, cadaveri applicatas, nullum præstare effectum, post *Helmontium* docuit *Petit*: imò & cauterium potentiale, cuti cadaveris applicatum, ferè nihil efficit spatio quindecim horarum: dum verò linteis calidis applicatis foveretur locus, cui applicatum erat cauterium, cutim dissolvit & partem subjæctæ pinguedinis (a). In morbis, in quibus acrimonia degenerantium humorum dolores excitat, observatur, semper aucto motu vel & majore calore (qui etiam auctum motum sequitur) illos ingravescere. Dolores illi nocturni, qui tanta cum crudelitate lucu venereâ laborantes affligunt, calore lecti sæpe augentur adeo, ut miseri cogantur singulis noctibus surgere, ut frigefacto corpore minuatur dolor. Dum febris acuta pessimo scorbutico infectum hominem corripit, dolores augentur immaniter; imò sæpe, fractis subito vasibus, per auctum impetum acrium humorum, sanguis quaquaversum erumpit. Sic etiam aeris caloribus pessimum scorbutum exacerbari quàm maximè observatum fuit (b). Idem plurimis aliis Observatis posset demonstrari; hæc tamen sufficere poterunt.

Quomodo & per quæ auxilia motus fluidorum per vasa minui possit, dictum fuit §. 102. 103. 104. 105. Distendens autem materia solis evacuantibus tolli potest.

4. Dum luxatione factâ os articuli sui cavo excidit, distrahit ligamenta, & premit partes vicinas; unde dolor, qui brevi cessat, vel saltem insigniter minuitur (aliquis enim dolor sæpe remanet post luxationis restitutionem ob magnam distractionem, quam passa fuerunt ligamenta, unde sæpe inflammantur) simulac os in suo loco repositum fuerit. Idem verum est, dum partes tendinæ semilacæ inæquali tractione continuò elongatæ acerrimum dolorem creant: si enim tunc idoneo situ partis affectæ, spleniis & ligaturâ debitâ impediatur inæqualis illa tractio, dolor cessat; utl constitit in *Historia* §. 164, enarratâ, ubi homo ruperat illam partem tendinis *Achillis*, quæ gastrocnemio musculo continuatur, integrâ manente illâ parte ejusdem tendinis, quæ soleo musculo originem debet. Post sedatam enim inflammationem repetitis venæsectionibus, per idoneam ligaturam inæquali tractione sublâtâ, cessabat dolor (c). Si autem vis illa distrahens tolli nequeat, ut dum v. gr; luxatum os ob tumorem & validam inflammationem reponi non potest; tunc sola emollientia & laxantia profunt, quæ faciunt, ut sine rupturæ periculo fibræ nervosæ elongari possint.

5. Ubi sine majori motu humorum, sine ullis signis distensionis majoris partium à liquidis concretis vel accumularis, sine ulla vi distrahente externâ, dolor nascitur, tunc in primis de acrimonia cogitamus, quæ sæpissime incusatur facere dolorem, qui ab aliis causis nascitur. Rarò enim magna acrimonia in sanguine invenitur: destruerentur enim citò terribissima encephali vasa, si acres humores per illa fluere. Unde ferè semper tantum in primis viis acrida inveniuntur, vel ubi humores stagnantes vel extravasati in loco corporis quocumque hærentes acres fiunt; sive ex propria sua

(a) Académ. Royale des Sciences, l'an 1731. *moires*, pag. 245.  
 Mém. pag. 314. & suiv. (c) Ibid. l'an 1728. Mém. pag. 334.  
 (b) Académie des Sciences, l'an 1699. Mém.

indole, sive ex peculiari cacochymia, ut in lue venerea; scorbuto, &c. Hinc ferè semper topicum tale malum est. Si ergo constitit, acrimoniam doloris causam esse, patet faciliè dolorem tolli vel mitigari, si leniatur lædens acrimonia. Hoc autem fiet vel specificâ medelâ oppositâ cognitæ acrimoniz, ut v. gr; dum acidum acre in primis viis hærens terrestribus absorbentibus, vel salibus alcalinis enervatur, & mite redditur; vel fiet generalibus auxiliis ad qualemcumque acrimoniam, diluentibus nempe, obrudentibus, inviscantibus, &c. Per hæc enim omne acre iners redditur, uti probatum fuit, dum de spontaneis humorum degenerationibus agebatur, ubi de his remediis dictum fuit.

6. Dum in lue venerea pessima ossibus insidet malum, ab erosione lenta, & tumore ossium affectorum distendente sensu adeo exquisito præditum periosteum, tam molesti dolores oriuntur. Dum autem in his casibus repletur corpus magnâ copiâ decocti gualci, & deinde, sudore per accensum vini spiritum excitato, movetur illud decoctum per omnia vasa; detergitur latens hoc virus, & diffilatur de corpore, cum levamine summo, vel & integrâ abolitione doloris. Idem fiet, si cacochymia notabilis, v. gr; scorbutica acris in corpore vulnerati obrinuerit: tunc enim humores ad vulnus allati, citò degenerantes in majorem acrimoniam, dolorem excitare poterunt. Mollissimis & simul leviter diaphoreticis remediis, qualia sunt ferè omnia decocta vulneraria dicta, largâ copiâ exhibitis, abluitur & enervatur illud acre irritans.

7. Quamdiu v. gr; fragmenta instrumenti lædentis, vel fragmenta ossis læsi, vel aliud tale quid, in vulnere hærent, quæ acutâ suâ figurâ & rigiditate partes lædere possunt, tamdiu manebit dolor; inprimis quia partes continuè irritatæ inflammantur & tument: hinc appressæ alieno huic relicto in vulnere lacerantur magis; donec educatur hoc heterogeneum per instrumenta Chirurgica, vel suppuratione circumquaque natâ expellatur. Quomodo autem hæc tolli debeant de vulnere, & quibus cum cautelis, dictum §. 186. 187. 188.

§. 229. **D**OLORIS sensus tollitur, manente ejus causâ (224) 1. Nervo inepto ad sensum reddito compressu, dissectione, vel exustione. 2. Sensorio communi obtuso per vim narcoticam: atque his tolluntur nonnulli effectus (226) ex doloris sensu oriundi.

Omnium perfectissima doloris cura est, si ejus causa tollatur aliquando; tamen etiam in summis doloribus causæ latent: sæpe etiam, licet cognitæ fuerint, tolli nequeunt. Interim ingratissimus ille sensus lenimen postulat, & per affectus, qui dolorem sequuntur, jactationes v. gr; vigilias, febres; &c, sic mutabitur corpus, ut gravissima possint inde sequi mala. Tunc tantum hoc superest in Arte, ut sensus doloris tollatur, licet maneat ejus causa. Sensus autem doloris fit, dum liberum est commercium inter cerebrum & nervum affectum, & dum cerebrum integritate suarum functionum valet. Omnia ergo illa remedia, quæ sensum doloris tollunt, non causam ejus, agunt vel in nervum dolentem, vel in cerebrum ipsum.

3. Constat certissimis Observatis, nervo destructo, qui unicuique ad partem quam-

dam corporis tendit; omnem sensum in illa parte tolli, (vide §. 162): illa enim mutatio, quæ in nervi extremo facta sensorium commune sic afficit, ut doloris idea nascatur in mente, per nervi affecti integritatem cerebro communicatur: omne ergo, quod nervi integritatem destruit inter cerebrum & locum illum corporis, cui causa dolorem excitans applicatur, tollet doloris sensum omnem, licet doloris causa maneat, & agere pergat etiam, summa cum vehementia. Qui luxatâ spinâ dorsii compressam habeat medullam spinalem, ne quidem vivo igne cruribus applicato dolorem sentiunt. Nec refert jam, an compressione validâ impediatur commercium inter cerebrum & partem compressam nervi, an verò dissecando, vel urendo, destruaturs nervi continuas. Dum in artuum extirpationibus ligaturâ arctissimè circumpositâ vasa comprimunt, ut compescere possint hæmorrhagiam, simul & à nervis compressis stupor oritur & insensibilitas in parte, quæ dolorem multum minuit. Empiricus Amstelodamensis quondam dolorem dentium curabat, dum digitos suos capillis implicabat, & deinde pollice sub auriculæ lobo validissimè appresso contundebat nervum ibi hærentem, qui ramos ad maxillam superiorem dat. Idem effectus erat, dum nervus sub dente molari primò maxillam inferiorem utrimque ingrediens comprimeretur. Sævissimam odontalgiam compescunt omnia illa, quæ dolentem nervulum in dente destruunt: hinc, si eroso dente pateat via, stylo ferreo candefacto illum comburunt, cum doloris præsentissimo levamine, modò ad nervulum dolentem calor igniti ferri pervenire possit. Hanc methodum in dentium dolore jam commendaverat Hippocrates (a), dicens: *In dentium autem doloribus, si dens quidem erosus fuerit, & mobilis, eximendus. Quod si neque erosus fuerit, neque moveatur, sed dolorem inferat, usione rescandus.* Alii eodem effectû accerrima olea stillatitia caryophyllorum, origani, &c; denti cavo imponunt, quæ statim nervum, quem tangunt, igneâ vi destruunt. Plurimis aliis doloribus, qui pertinaciter aliorum auxiliorum efficaciam eludebant, vivum ignem adhibuit, vel & scarificationes, Hippocrates; utroque modo nervos dolentes destruendo, doloris sensum tollens. Sic postquam ad capitis dolores multa commendavit remedia, addit (b). *At si diurnus & vehemens capitis morbus evadat, neque capite purgato tollatur, aut hujus caput scarificare, aut venas in circuitu adurere oportet: ex cæteris enim ab his duntaxat sanum fore spes est;* & alibi (c): *In capitis dolore sanguinem ex venis detrahito; quod si non cesset, sed diurnus sit, venas inurito, & convalescit.* Similia de capitis dolore curando per inunctionem, & in aliis locis habet. In molestissimo morbo ischiadico jubet, *quum dolor detinuerit, balneis, linimentis repentibus, ac fomentis emollire, ad quamcumque cruris partem dolor fortè decubuerit, alvumque subducere.* Quum autem levatus dolor fuerit, medicamentum infra purgans exhibere, & post hæc lac asininum coctum potare... *si verò in unum aliquem locum decubuerit dolor, & consuerit, neque medicamenti expellatur, urito quocumque loco dolor fortè exiierit.* (d) Et alibi in eodem morbo, post varia tentata auxilia, si non levetur dolor, multis & profundis crustis partem inurendam jubet, in ossibus quidem partibus per fungos, in carnosius per ferramenta (e). Idem & in Aphorismis (f) & aliis locis commendat.

(a) De Affectionibus Cap. II. Charter. Tom. VII. pag. 621.

(b) Ibid. pag. 620.

(c) De locis in homine, Cap. XIV. Charter. Tom. VII. pag. 373.

(d) De Affectionibus, Cap. VIII. Charter. Tom. VII. pag. 629.

(e) De intern. affectionibus, Cap. LIII. Charter. Tom. VII. pag. 677.

(f) Aphorism. 59. & 60. Sect. VI.

Ideo & in Asia tantus usus *Moxæ* in doloribus arthriticis tollendis, imò & in ipsa podagra; dum artemisiæ obsoleta folia contrita, & ab omnibus fibrosis partibus durioribus depurata, sîcque in mollem lanuginem conversa, in pyramidales turundas contorquent, quæ basi suâ dolenti loco imponuntur; dein incenso apice sensim descendens ignis partem urit, non adeo crudeli curâ, cùm & centies viderit *Kæmferus*, pueros hanc unctionem admisisse, absque eo, quòd ullo signo vel ejulatu doloris sensum testarentur (a). Hinc adeo familiaris *moxæ* usus ibi est, ut sanitatis præservandæ gratiâ singulis sex mensibus plurimi sibi corporis loca quædam *moxâ* comburi patiantur; imò æterno carcere damnatis prodire permissum est, ut hoc beneficio fruantur.

Quia tamen nervo sic destructo pereunt omnes functiones, quæ ab ejus integritate pendebant; ideo hæc methodus dolorem sedandi non adhibetur, nisi quando doloris adest summa acerbitas; & illa auxilia, quæ paragrapho præcedenti recensita sunt, jam frustra adhibita fuerunt, vel conditio loci dolentis talis sit, ut illa remedia applicari nequeant sic, ut suâ efficacîâ causam doloris tollere vel emendare possint.

Ubi jam causa doloris tolli nequit, & non conducit, vel impossibile omnino est, nervum dolentem destruere sine læsione partium, quarum integritas sine periculo vel magno incommodo tolli nequit, tunc unicum illud superest, ut sensorium commune sic mutetur, ut non sentiat. Possè enim esse in corpore summi doloris causam sine ullo sensu doloris, licèt nervorum integritas manserit, docent apoplectici, & summâ ebrietate sepulti, qui omni sensu carent. Hæbentur jam in Arte italia remedia, quæ doloris in mente conscientiam tollunt pro quodam tempore, licèt nullo modo auferant vel emendent doloris causas: hæc à stupore, quem inducunt, narcotica vocantur (vide de his §. 202.). Princeps inter hæc opium, quod mirâ nec facilè explicabili virtute doloris sensum tollit, dum in ventriculo hæret. Granum enim unum aut alterum opii deglutitum, resinosa tenacitate suâ non adeo facilè dissolubile, in ventriculo hæret diu, & doloris sensum per octo horas ad minimum solet compescere; & quod mirabile est sæpe sequenti mane opii nondum dissoluti pilula vomitu excutitur. Unde non videtur agere, quia solum & humoribus mistum circulationis lege ad cerebrum defertur, sed quia interiori ventriculi superficiei applicatur manet, & nervis hic dispersis quamdam mutationem inducit, quæ valet obtundere cerebri vim sentientem. Quantam enim vim habeant nervi per ventriculi fabricam dispersi in sensorium commune, docebunt postea morbi plurimi, in quibus omnes actiones cerebri pessimè turbantur, licèt materialis causa omnium horum malorum tantum in ventriculo hæreat. Corrupta bilis in ventriculi cavo hærens enormes capitis dolores, vertigines, deliria, &c., facit; vomitorio excussâ hâc saburrâ cessant omnia hæc mala. Idem confirmant vena plurima, quæ, dum in ventriculo hærent adhuc, totum corpus tam mirificè mutant; simulac excutiantur de hoc loco, pacantur omnia. Exemplum, quod hanc rem pulcherrimè probat, habetur apud *Wesperum*. (b) Bini pueri & sex puellæ cicutæ aquaticæ radicem comederant in pratis inventam; domum reduces ambo pueri diris convulsionibus misere perierunt, nihil autem per alvum vel vomitum prodierat. Puellæ omnes evaserunt, veneno in-

(a) *Kæmpfer*. *Amœnitat. Exotic.* pag. 592. & seq. (b) *Cicut. aquat. histor. & noxx*, pag. 5. & seq.



gesto per vomitum satis citò excusso. Omnium citissimè convaluit una ex his puellis, cui jam convulsæ, dentibus vi diductis, pater infusum tabaci aquâ fontanâ factum ingesserat, unde mox radices comestas violentissimè evomit; in lectum dein reposita quievit, & post brevem admodum temporis moram cibum petiit, & bene se habere dixit. Pater reliquias veneni ventriculo adhuc contineri suspicatus iterum tabaci infusum porrexit, unde mucum & bilem evomit, totâ nocte dormivit, mane læta surrexit, obambulavit, & postea sanissima vixit. Postea & in canibus Experimenta instituta fuerunt, quibus constat, omnia illa dira symptomata sedari statim, si vomitu ejiceretur ingestum venenum. Ex his omnibus patet, simplici attractu interioris superficiæ ventriculi venenum illud terribile tanta mala facere, non verò permissione virulenti succi cum vitalibus humoribus; aliter enim vomitu excussis radicibus his non tam citò sedata fuissent: illud enim, quod jam humoribus mistum fuerat, perrexisset corpus turbare.

Admodum ergo verosimile videtur, opium etiam in ventriculo hærens solo attractu, mutatis nervis hujus visceris, talem mutationem producere in sensorio communi, ut, manentibus doloris causâ & nervorum integritate, tamen non fiat in mente doloris idea. Videturque Divina Misericordia hæc auxilia hominibus concessisse, ut dolores enormes, quorum causæ tolli nequeunt, vel non nisi longâ temporis morâ enervari possunt, sopiri possent pro tempore. Unde Sydenhamus, plurimis Experimentis convictus, conclusit, quod absque his auxiliis manca sit & claudicat Medicina: addiditque, jactatissimas etiam præparationes opii non augere ejus vires, vel corrigere illam, quam falsò credebant inesse multi, malignitatem (a). Certè prudenter adhibitum opium debitâ dosi, licet etiam per menses continuetur ejus usus, omni noxâ caret. Unde non immeritò dixit eruditissimus Joannes Terentius Lynceus in notis suis ad Francisci Hernandes Rerum Mexicanarum novæ Hispaniæ Thesaurum, quodd, cum universus Oriens & Meridies impune & quotidie utatur opio, daturâ, banguæ & similibus, dolendum sit, infinitos mortales dolorum cruciatibus perire unius hujus remedii ignorantia, qui orco eripi possent, si Medici, totius orbis consensu persuasi, eo sæpius uterentur (b). Prosper Alpinus, licet venenatum damnaverit opium, tamen cogitur fateri, Ægyptios quotidie fumentes nullam inde noxam sentire, licet auctâ sensim quantitate ad trium drachmarum pondus aliqui sumpserint. Si verò dudum assueti hujus usui subitò illum intermitterant, syncopen & alia gravissima symptomata patiuntur, donec iterum opium sumpserint, vel largâ copiâ vinum Creticum, quod generosissimum est, unâ cum aromatibus potaverint (c).

Negari quidem minimè potest, imprudentem opii usum in magna quantitate deliria, convulsiones & lethalem apoplexiam produxisse: sed plurima remedia, quæ debitâ dosi tutò quotidie usurpantur, nimia copiâ exhibita nocent. Memorabile tale Exemplum habetur (d) quo constat opii virulentia, dum magnâ dosi dabatur non assueti. Juvenes Cophthæ, ut in computationibus vincerent quemdam ex sodalibus, qui reliquos omnes se superare posse gloriabatur, inter po-

(a) Dyssenter. part. anni 1699, &c, pag. 230. & seq.

(b) Hernand. Rerum Mexican. novæ Hispan. Thesaurus, pag. 114.

Tomeus I.

(c) Prosper. Alpin. Medic. Ægypt. Lib. IV. Cap. 1. pag. 255. & seq.

(d) Académ. des Sciences, l'an 1735, Hist. pag. 64.

cula infcio drachmam opii vini cyatho diffolutam propinaverant : aliquot horas postea miser ille delirabat pessimè, post profundo somno sepultus jacuit. Sequenti mane dum inviserent miserum, ut victo nempe insultarent ; invenerunt jacentem sine pulsu, lividum & moribundum ; paulò post, frustra tentatis quibusdam etiam satis vehementibus remediis, expiravit, quindecim horis elapsis post opium assumptum. Tumores lividi, infantis quadrimeltris caput magnitudine æquantes, brachia & femora cadaveris deturpabant cum fœtore intolerabili : centeni feles ex vicinia turmatim accurrebant, & cadaver lingebant cum aviditate tanta, ut certissimè devorassent, nisi cautum fuisset.

Hoc mirum Exemplum probat quidem, enormi quantitate datum opium non affueto pessima producere mala, & mortem ipsam ; imò venenatà vi corrumpi inde fluida corporis humani. Tutum tamen esse remedium, si debità prudentià adhibeatur, innumera Experimenta evincunt. Nec ideo vilipendendum est, quia doloris sensum tantum, non verò ejus causam tollit. Magnum enim quid est in morbis dolorem sedare posse: nihilque impedit interim aliis remediis doloris causam cognitam tollere, dum narcoticis doloris sensus obtunditur. Non tamen satis inculcari potest, quòd, licèt nullus sensus doloris adsit tunc, pergat tamen doloris causa corpus destruere. Dum enim in dolentissimis morbis inflammatoriis, pleuritide v. gr; narcoticis compescitur dolor, sævissima inflammatio pergens vasa affecta destruere, gangrænam facit, & evigilans à somno suo homo moritur sæpe subitò. Funestus talis eventus tunc adscribitur his auxiliis, cum tantum inde factus fuerit, quòd ægri querelis non admonitus Medicus malè crediderit lenitum morbum esse, cum tamen æquali, imò majori fortè aliquando violentià, post hæc remedia exhibita pergat. Dum enim suppresso omni motu animali sic profundus somnus indicitur, vitales motus augentur : sed in morbis inflammatoriis jam peccabat nimia velocitas vitalis motus : unde nunquam tutus videtur esse in his narcoticorum usus, nisi validis evacuationibus præmissus per venæsectionem, &c, jam fractus fuerit nimius morbi impetus. Hanc rem sollicitè monuit etiam Sydenhamus, qui tamen frequenti usu in plurimis morbis salutarem narcoticorum vim tam bene noverat, & illis audacter utebatur (a). Quomodo autem, & quibus cum cautelis narcotica tuto exhiberi possint, dictum suit in *Commentariis* ad §. 202.

Per hæc autem remedia tolluntur omnes illi effectus, qui à sensu doloris sunt ; inquit nempe, jactatio, & vigilia inprimis ; reliqui autem effectus, qui pendent à causa doloris, quatenus nititur destruere nervos dolentes, pergunt, sopito licèt doloris sensu.



## CONVULSIO, &c.

§. 230. **V**IOLENTA, invita, & alternè repetens, contractio musculi Convulsio vocatur.

Agitur hoc loco de convulsione, quæ à vulnere ut causà nascitur : postea enim §. 710, peculiari capitulo dicitur de convulsione febrili, quæ à longè aliis causis oritur : hinc & aliam medelam requirit.

(a) Sydenham. febris contin. ann. 1661, & seq. pag. 81. 82.

Omnis convulsio est affectio musculi; & quia musculis agentibus tendines eorumdem trahuntur, dumque hoc alternis vicibus fit, tendines nunc trahuntur, nunc laxantur iterum; hinc & subsultus tendinum aliquando vocatur ille affectus apud Medicos, dum pulsus explorantes convulsis brachii musculis tendines subtiliter percipiunt. Cumque & tendines sub nervorum generali nomine complexi fuerint Veteres, (νῦρα enim vocaverunt (a) ligamenta & tendines æquæ ac cerebri & spinalis medullæ propagines) ideo nervorum distensionem vocavit Celsus illam affectionem quam hodie communi usu convulsionem vocare solent Medici.

In omni autem convulsione adest contractio musculi; quæ, si per voluntatem fieret, non esset, morbus: hinc additur in definitione, quod sit invita contractio musculi. Præterea requiritur, ut hæc contractio sit violenta, aliter enim nulla distinctio foret inter convulsionem & tremorem, in quo præter voluntatem musculi contrahuntur & relaxantur quidem alternis vicibus, sed tamen debiles sunt illæ contractiones; in convulsione verb, violentæ. Deinde additur in definitione, quod alternis vicibus repetatur hæc musculi contractio, cessans brevi, mox renascens iterum.

Notandum tamen, quod si causa illa, qualiscumque demum fuerit, quæ absque voluntatis imperio musculi contractionem efficit, pergat agere, sine alterna intermissione, tunc musculus perpetuo contractus manet, quamdiu illius causæ actio durat. Malum hoc ad convulsionem referendum esse satis patet, quia eadem causæ occasionales nunc alternas illas & invitas musculorum contractiones, nunc stabilem eorumdem, invitam tamen, obrigescentiam faciunt. Apparet in epilepticis, in quibus, dum paroxysmus adest, nunc adsunt alternæ illæ convulsiones, paulo post instar statuz sæpe obrigescent, contractis sæpe omnibus totius corporis musculis; mox iterum convelluntur. Spasmus (σπασμὸς) vocaverunt veteres Græci illud malum, quod hodie convulsio Medicis dicitur; tetanum (τῆτανος) autem, quando præter voluntatis imperium musculi validè contracti obrigescent; quod mali genus Celsus rigorem vocavit, spasmus verb distensionem nervorum dixit (b). Convulsionis enim nomen apud recentiores tantum Medicos hæc significatione reperitur: quamvis tamen apud Aretæum (c), ubi de tetano agit & ejus differentiis, occurrat vocabulum ξυστασις, quod satis aptè convulsionis nomine in versione exprimitur: tamen videtur promiscuè & spasmi & tetani nomine usus fuisse, ut eundem designaret affectum; uti in eodem capite satis evidenter patet. Et Galenus (d) dixit, *est sanè tetanus etiam convulsio: sed in tetano partes convelli non videntur, quod peræque rursum prorsumque tendantur*.

Unde concludi posse videtur, quod, licet hodierno usu convulsionis nomen adhibeatur, ubi invita, violenta, & alternè repetita musculi contractio adest; tamen generali magis significatione posse etiam hoc nomine intelligi contractionem invitam & violentam musculi, quæ diu manet sine, alterna remissione; cum & quondam promiscuè hoc factum fuerit, & omnia hæc mala sæpe ab

(a) Galen. de usu Part. Lib. XV. Cap. 1.

Charter Tom. IV. pag. 656.

(b) Medic. Lib. II. Cap. 1.

(c) De causis & signis morb. acut. Lib. I.

Cap. vi.

(d) Comment. in Sect. IV. Aphorism. n°. 57. Charter. Tom. IX. Part. II. pag. 171.

illisdem causis nascantur, & easdem partes occupent, nempe musculos. Illam autem convulsionis speciem, quæ dissentis manentibus musculis fit, diviserunt in tres classes, *virescentes* dixerunt, cum neutram in partem detortus homo & inflexilis distenditur; *impedimentorum* verò ubi versùs anteriora corpus inflexum obrigescit; *impedimentorum* autem, si versùs posteriora incurvetur corpus simili modo. Præterea tetanus potest esse vel universalis, dum omnes musculi corporis sic affecti obrigescunt uno momento; vel potest esse particularis, uti dum v. gr; sic spasmus contractis maxillæ musculis, os pertinacissimè clauditur, &c.

§. 231. **C**UJUS causa id, quod liquidum nervosum vi alternâ in musculos convulsos pellit.

Observatur in homine mira hæc proprietas, quòd possit ad voluntatis nutum; per musculos voluntatis imperio subditos, motum excitare, illumque sustinere & dirigere, augere & minuire, motumque excitatum suppressere iterum, atque suppressum renovare denuo. Et illi motus adeo sensibiles in corpore excitati, tantâ vi mechanicâ mutantur alia corpora, in suo principio vix videntur corporei; omnèscumque sunt sine cognitione causæ vel instrumentorum, quæ huc requiruntur. Nam peritissimus Anatomicus non meliùs hos motus perficiet, quàm innocuus puer. Omnium maximè mirabile est etiam, quòd in his motibus excitandis nulla appareat mutatio Physica in corpore præter rem mutatam; & suppresso dein ex voluntaria arbitrio motu, nullum supersit tantæ mutationis vestigium. Omnia autem hæc fieri possunt sine ulla serè observabili successione temporis; dum enim quis brachium vult elevare, jam elevatum est. Requiritur tantùm ad hanc rem, uti ex Physiologia patet, ut liberum sit commercium inter cerebrum & musculos, per nervos ex cerebri medulla ad musculos voluntarios delatos. Cum ergo convulsio ex definitione data, sit alterna talis motus excitatio, & excitati suppressio; & possimus ex voluntatis arbitrio hoc imitari, (ut mendici epilepticos mentientes satis nôrum) patet, convulsionem excitari posse ab omni causa, quæ invito homine per nervos talem mutationem musculis inducit, qualem voluntatis imperio efficere posset homo sanus. Cùmque modus, quo per voluntatem motum excitamus, nos lateat, sed tantùm observemus effectum; etiam poterit æquè latere mutatio illa ultima sensorii communis, per quam convulsio nascitur. Totum, quod Ars potest, est, ut observet illas corporis mutationes, quas sequitur invita talis musculorum contractio, & deinde has mutationes cognitæ tollat, vel emendet; licet minimè intelligatur, quâ ratione mutationes illæ corporis afficiant sensorium commune; sive illum cerebri locum, ubi hæret mutabilitas cogitationis à mutato corpore, & vicissim mutabilitas corporis à mutata cogitatione.

Quia autem ex Observatis Medicis constat, plurima talia accidere posse corpori; per quæ convulsiones excitantur; hic autem tantùm agatur de his malis, quatenus vulnus factum sequuntur ut causam præcipuam; hinc videndum, quænam sint observata in vulnere ipso hæerere, à quibus convulsiones factæ fuerunt. Illa autem recensentur sequenti paragrafo,

§. 232. **A**DEOQUE in ipso vulnere hæere potest, five sit materies aliena irritans, five ipsa nervi læsi (163. 164. 165. 183. 184.) conditio, five evacuatio cruoris nimia prægressa.

**MATERIES ALIENA IRRITANS.** Tenerrimum illud pulposum, medullæ cerebri productum, quod propriè dictam substantiam nervi constituit, quod tot involucris munitur in nervis majoribus, ut tutò deferri possit ad loca debita; si irritetur à quocumque acri, vel alio corpore, quod mechanicà figurâ & duritiæ suarum partium lædere & destruere poterit mollissimam hanc pulpam, poterit convulsio inde nasci. In vulnere jam poterunt hæere nervi & tendines discissi, vel involucris suis sic nudati, ut ad intimam illam pulposam substantiam, adeo facillè irritabilem, acia pertingere possint. Imò nervi nudi si tantùm tangantur à non consuetis liquidis, enormes dolores & convulsiones ipsas inde sequi constat. Dum carie dentium, erosa fuit crusta illa durissima, nervulos tenuissimos per dentis substantiam dispersos tegens; aer frigidus allabens, sacchari particula, molle butyrum, &c, applicata his nervis nudis, convelli faciunt totum hominem præ doloris acerbitate. Simplex tactus nudi suis involucris tendinis uno momento tetano universali obrigescere facit hominem, ut dictum §. 164; cùm tendines, suis vaginis mucosis vel pinguedinosi tecti, patiantur se protrahi, elongari, confui, &c, sine magno malo. Cùm ergo in vulnere sensilissimæ illæ partes nudentur sæpissime, poterit instrumenti vulnerantis pars relicta, fragmenta ossium vel simile quid in vulnere hærens, irritando has partes, sævissima mala producere. Idem fiet ab humoribus in vulnere cavum effusis, ibique in acrem indolem degenerantibus; ut & ab acris vulneri applicatis remediis titulo; ut in paragrapho modò citato Exemplum ex Hippocrate allatum confirmavit.

**IPSA NERVI LÆSI CONDITIO, &c.** In numeris citatis demonstratum fuit; punctos vel semilaceros nervos & tendines, convulsiones & alia sævissima symptomatica producere; & pluribus Observatis Medicis hujus asserti veritas confirmata fuit.

**EVACUATIO CRUORIS NIMIA PRÆGRESSA.** Simulac tantâ copiâ subducuntur humores de corpore, ut residuum, cordis vi per vasa pulsam illa æqualiter replere nequeat; deficit pressio in arterias cerebri, unde & spirituum motus per nervos cerebri cessat: hinc omnium musculorum paralysis; & à cerebello, similiter affecto, animi deliquium: unde omnia liquida nervosa & arteriosa incipiunt quiescere. Interim frigore majori corporis, motus imminuti sequelâ, contractæ partes venosum sanguinem versus cor derivant; quod repletum contrahitur, & summâ velocitate per vacuas arterias sanguinem movet, cùm nihil resistit sanguini impulso. Tunc ergo validissimo impetu sanguis per cerebri vasa movetur; unde spirituum motus in musculos velocissimus fit, sed mox desinens; rediturus iterum, quando cor sensum impletum se contrahet. Uno ergo momento validissima causa motus musculis applicatur, quæ iterum sequenti momento desinit; unde alterna violenta & invita musculorum contractio, quæ convulsio dicitur.

In maciatis animalibus quotidiana Observata hanc rem evincunt. Dum vitulis

V v iij

ovibus, porcis, &c. discissis arteriis carotidibus pleno rivo sanguis effluit, circa mortem incipit cessare sanguinis fluxus, per intervalla tantum rediens, ob causas modò dictas, tuncque semper validè convelluntur animalia, donec moriantur. Dum per abortum, vel post partum, patulis uteri vas omnis ferè sanguinis copia exit, toties convelluntur mulieres, & sæpe subito pereunt. Idem observatur, dum hypercatharsi per alvum nimia copia liquidorum de corpore subducitur.

Ideo monuit *Hippocrates*, effuso copioso sanguine, convulsio aut singultus accedens, malum (a). Et alibi dixit (b); convulsio à repletione, aut evacuatione oboritur. Sic & profusæ purgationi succedere convulsionem & singultum asserit (c). Similia plurimis aliis in locis habet. Designat enim hoc malum, post nimias evacuationes ortum, tantam fuisse factam subductionem liquidi de corpore, ut vasa vacua collabantur, & sanguis, corde pulsus, non possit propagare motum acceptum per vasa plena, sed libere ruat in vasa vacua: unde deficit requisita pressio æquabilis in encephali vasis, à quibus tota vita & humanitas pendent. Hinc patet, quantum tunc addit periculum, si ab inanitione nimia oriatur convulsio.

### §. 233. QUIN & effectus ejus, perturbatio omnium actionum; cognoscitur.

Effectus convulsionum mirabiles sunt & innumeri; nihil enim in toto corpore manet non turbatum, sive solida, sive fluida spectes, sive actiones ipsas, quæ ab his pendent. Dum enim alternâ hæc & violentâ contractione nunc rigent muscoli, nunc flaccescunt iterum, sanguinis per musculos transitus impeditur uno momento, alterno momento per flaccidos musculos liberrimè & cum impetu fummo transit: venæ, musculis convulsis vicinæ, citissimè deplentur; hinc venosi sanguinis impetus cor versùs acceleratur; unde maximè turbatur æquabilis sanguinis receptio in cor, ejusdemque expulsio ex corde. Respiratio miris sæpe modis turbatur, laboriosa fit & non perficienda nisi summo molimine: aliquando & vehemens strangulatio accedit, ut pulchre notavit *Arætaus*, ubi tetani effectus describit (d). Nec minor perturbatio in affectionibus animalibus observatur, Musculorum enim illi enormes motus non determinantur ex voluntatis imperio, sed invito vel & inscio sæpe ægro fiunt: sæpe omnes sensus externi & interni abolentur penitus, vel turbantur mirificè: nec mirum, cum convulsiones testularum affectum esse illud organum corporeum, cerebrum nempe, unde tota humanitas pendet. In naturalibus actionibus pariter miræ observantur mutationes. Maxillæ sæpissime sic constringuntur, ut ne cunco quidem deduci possint; deglutitio impossibilis; ventriculi & intestinorum mirabiles inflationes abdomen sæpe ad crepaturam usque distendunt, Alvus & vesica nunc penitus intercepta nihil demittunt; aliquando, inscio ægro, clam fæces & urina elabuntur, &c. Uno verbo ut totam rem complectamur, mutantur singula & universa in toto corpore aliquando per convulsiones tam enormiter, ut nihil de pristina sanitate superfit, & ne quidem à familiaribus agnoscantur miseri; quæ omnia accuratissimè notavit *Aræ-*

(a) Aphor. 3. Sect. V. Charter Tom. IX. Part. II. pag. 195.

(b) Aphor. 39. Sect. VI. Charter, Tom. IX. Part. II. pag. 373.

(c) Aphor. 4. Sect. V. Charter. Tom. IX. Part. II. pag. 196.

(d) De causis & signis morbor. acut. Lib. I. Cap. VI. pag. 41.

*taus* in loco modò citato, & concludit : *votum quoque illis qui adsunt, priùs impium nunc honestum efficitur, agrum vitâ defungi, quò unâ cum vitâ, doloribus & acerbis malis liberetur.*

Sæpe enim, si evaserint, luctuosissima mala supersunt, à distortis membris, musculis distractis, functionibus cerebri deletis, &c. Tristes enim casus docuerunt frequentissimè, paralyfes, atrophias, stultitiam, &c, post convulsiones validas toleratas, totâ vitâ mansisse incurabiles.

Tandem & abolitio omnium actionum vitalium, animalium, naturalium, morè nempe convulsiones aliquando sequitur, & tantis malis finem imponit. Dixit *Hippocrates* : (a) *Vulnere succedens convulsio, lethale.* Et *Aretæus* in eodem loco modò citato de convulsionibus agens, dicit : *nam ob vulnera fieri solent, membranâ, aut musculis, aut nervis punctis, ex quo plerumque moriuntur. A vulnere enim convulsio, lethalis est.*

§. 234. **SANATUR.** 1. Ablato irritante (186), Arte Chirurgi, (187. 188.) 2. Acri lenito, vel dissipato. 3. Sublatâ nervi conditione (232) per remedia (228. 229.) descripta. 4. Repletionem per lene, amicum, liquidum alimentum, assiduò parçâ copiâ, ingestum. 4. Sedatâ simul hæmorrhagiâ. (218. 219).

Ingens farrago habetur apud Auctores remediorum antispasmodicorum : sed cùm à distinctis adeo, imò sæpe oppositis oriantur causis, patet facilitè unicuique, nullum universale remedium ad convulsiones dari; sed indagatâ priùs causâ determinari debere auxilium, quoddam causam hanc cognitam tollere vel enervare possit. Cùm autem convulsiones post vulnera oriantur, vel ab irritante quocumque in vulnere hærente : vel à nervis, tendinibus, vel membranis punctis vel semidiscissis; vel denique à sanguinis nimia jactura; ideo ad tria hæc indicata omnis curationis scopus dirigitur. Unde primo & secundo numero hujus paragraphi agitur de modis, quibus irritans quodcumque tolli vel leniti potest; tertio verò numero agitur de illis, quæ nervi affecti vel tendinis conditionem descriptam tollunt : ultimis binis numeris indicantur auxilia, quibus sanguinis jactura compesci poterit, & restitui illud, quod jam perditum fuerat.

1. Si spina loco nervoso infixâ hæreat, sub ungue v. gr. nudas nervas papillas lædens post summos dolores sæpe convulsio sequitur, non tollenda facilitè; quamdiu hæc spina ibi hæserit. Unde, quantum fieri potest, in prima vulneris deligatione inquirendum, an tale quid hæreat in vulnere. Quomodo autem hoc fiat, quibûsque cum cautelis hæc tolli debeant, dictum fuit in numeris hîc citatis.

2. Rariùs acrimonia in vulnere ex allatis humoribus nascitur, nisi ingens cacochymia in corpore prædominetur; vel in victu acria plurima ingerantur. Longè frequentius ab applicatione acrium remediorum hoc fit, dum arsenicum, vel alia rodentia, imprudenter locis nervosis vel tendinosi vulneratis adhibentur. Hæc autem cognita tollenda sunt, vel enervanda talibus, quæ oppositâ virtute cognitam acrimoniam corrigere valent. Unde iterum nihil universale hîc determinari potest, sed singulari acrimoniz conveniens medela applicanda est. Mollissima in-

(a) Aphorism. 2. Sect. V. Character. Tom. IX. Part. II. pag. 195.

terim balsama semper profunt, quia defendunt partes, ne rodantur ab acribus; & simul obvolvendo acria lenissimo pingui, quo scatent, illa enervant. Vide & §. 228. n°. 5, & 6.

3. Causa convulsionis à vulnere frequenter erat nervi talis læsio, quā partim diffectus distrahebatur in fibris adhuc integris relictis; unde dolor enormis, convulsio, & reliqua, quæ §. 163, & 183, recensentur, oriuntur mala. Omnia autem hæc à lenta & continua distractione fibrarum nervosarum sunt, quam semper dolor; ut ex ejus definitione §. 220, patet, comitatur. Ergo illa remedia, quæ dolorem tollunt, sanabunt etiam convulsionem ab hac causa ortam. Hæc autem remedia agebant vel in ipsam doloris causam, vel nervum reddebant ineptum sensui, destruendo commercium inter nervum affectum & cerebrum; vel denique sensorium commune ipsum sic obrundebant, ut non perciperet illam nervi mutationem, quæ à causa dolorem excitante fiebat. Omnia autem hæc convulsionibus sanandis adhibita fuisse cum fructu, mox patebit.

Inter illa enim, quæ §. 228, ad doloris causam tollendam laudabantur, præcipuum locum obtinebant, & maximè universalem usum habebant, omnia laxantia & emollientia dicta, quibus adhibitis fibræ nervosæ sic disponebantur, ut distendi possent sine rupturæ metu; eadem autem ab omni tempore ad convulsiones tollendas fuerunt adhibita. Ad curandum tetanum laudat Hippocrates (a) *jusculum gallinaceum pingue & calidum*, ... *fotus*, ... *tepefactoria humida & pinguis in vesticis & utriculis undique, præsertimque ad dolentes partes* admota; calidi olei copiosas & crebras inunctiones pariter jubet. Et alibi (b) ad tetanum ex vulnere factum, pinguium inunctiones ante focum, somenta, tepefactoria, sudores tepidæ perfusionē excitatos; aquæ mulsæ tepidæ potum, si quidem bibere posset æger; si non, ejusdem per nares infusionem commendat, &c. Præterea, ubi calidi utilitatem recenset (c), dicit, *quoddolorem sedat; rigores, convulsiones, tetanos mitigat*: & contrā (d) frigidum, *convulsiones & tetanos* facere, asserit. Calor enim omnia laxat, ut distrahi & flecti possint sine rupturæ periculo; frigus omnia reddit fragilia & contrahit, ut obviis ubique Experimentis patet. Eadem & Celsus (e) commendat, qui sic affectum jubet *nonnunquam etiam in calidum oleum, totum descendere; vel in aquam calidam, in qua sænum græcum decoctum sit, & abjecta olei pars tertia*. Galenus, ut in loco §. 164, allegato paruit, in se ipso à valida distractione ligamentorum imminentem convulsionem continuā olei calidi perfusionē evitavit, quam statim instillare sensit, simulac olei affusio intermitteretur. Similia & apud Aretæum in cura tetani commendantur (f). Unde apparet, antiquos Medicos unanimi consensu mollissima remedia, quæ tam pulchre omnes ferè dolores leniunt, ad convulsiones curandas commendasse.

Facile etiam patet, quodd si nervus, cujus læsio totum sensorium commune turbat, possit destrui sine metu gravioris mali per dissectionem, compressionem, caustica, &c., nullum amplius convulsionis adit periculum, quia omne commercium inter cerebrum & nervum læsum sublatum est. Docuerunt hanc rem in pri-

(a) De Morbis, Lib. III. Cap. xii. Charter. Tom. VII. pag. 587.

(b) De internis affectionibus, Cap. lrv. Charter. Tom. VII. pag. 678.

(c) Aphorism. 22, Sect. V. Charter, Tom.

IX. Part. II. pag. 207.

(d) Ibid. Aphorism. 20. pag. 207.

(e) Lib. IV. Cap. lvi. pag. 195.

(f) De Curat. morb. acutor. Lib. I. Cap. vii. pag. 85. & seq.



mis Observata Medica in curatione cujusdam speciei epilepsiæ, in qua quodam corporis loco, v. gr. in digito majori pedis (qualem casum vidi) sentitur ticillatio quædam, ac si formicæ reperent per partem; ascendit ille motus per crus, femur, abdomen præcordia usque, tuncque mox cadit convulsus toto corpore. Si subito, dum sentiret in digito pedis incipiens malum, ligaturâ sub genu archissimè stringeret omnes partes, liber erat à paroxysmo. In similibus casibus toties profuit locum illum, unde primò incipit mirus ille motus caustico profundè inurere, ut destrueretur ille nervulus, cujus affectio tam miris modis totum corpus turbare poterat. Hujus rei vestigium habetur apud Celsum dicentem: *Quod si musculus læsus videbitur, præcidendus erit. Nam percussus mortiferus est: præcisus sanitatem recipit (a).*

Illa autem, quæ sensorium commune vi narcoticâ sic obtundunt, ut tollatur doloris sensus, mirâ efficacîâ turbulentos illos motus convulsivos compescunt sæpe; uti in hysterici convulsionibus inprimis toties apparet. Apud veteres Medicos tamen non invenitur adeo frequentem fuisse in his casibus horum auxiliorum usum. Hippocrates tamen in cura tetani laudat inter alia remedia etiam semina hyosciami vino infusa, cui dein æqualis olei copia misceretur, ut his calefactis dein caput & corpus ungeretur (b).

4. Pro generali regula in morborum curationibus Hippocrates statuerat (c) quodd, quibuscumque morbis ex repletione sobolescentibus, medetur vacuatio; morisque à vacuatione abortis, repletio, &c. Quando ergo vasis sanguinei discissis ingens lacta fuerit sanguinis jactura, sic ut æquabilis pressio in vasa encephali inde turbetur, convulsionem inde factæ pro causâ suâ habent nimiam inanitionem: curabuntur ergo repletionem. Decantatissima illa antispasmodica, spiritus cornu cervi, serici crudî; succini tinctura & oleum; castorei virus; olea pulcherrima stillatitia aromatica, &c, quæ in aliis casibus tam pulchre compescunt inordinatos illos in systemate nervoso motus, hic nocent suo stimulo, quo, augendo sanguinis motum, pauculum illud, quod in vasis adhuc superest, sanguinis ex discissis vasis expellunt ad mortem usque. Tota curatio consistit in eo, ut novo & bono liquido distendantur iterum collapsa per nimiam inanitionem vasa. Verùm satis magna hic difficultas occurrît: nam ingesta viscerum & vasorum actionibus conspirantibus, & miscelâ cum bonis humoribus maximâ copia præexistentibus, assimilantur in naturam nostram, & requisitas in fluidis humanis dotes acquirunt, (vide §. 25. n°. 1.) Post magnam autem sanguinis jacturam deficit illa copia humoris boni; quæ in sanitate pauculum crudum per ductum thoracicum in subclaviâ venam deductum absorbet & quasi disparere facit: simul & debilitatur ab eadem causâ omnium vasorum & viscerum actio, unde binæ illæ efficacissimæ causæ, quæ crudum mutant in coctum, hic deficiunt, vel saltem languent. Totum ergo, quod fieri potest cum fructu, est, ut ingerantur talia liquida, quæ sanis humoribus simillima, nihil stimulantis acrimonie in se continent, & sine molestia à corpore debili ferri, & supersite adhuc vasorum & viscerum actione, licet languidâ, subigi possunt. Omnia itaque illa proderunt, quæ §. 28. n°. 1. laudata fuerunt; & inter illa inprimis carniû jacula, in quibus humores, in corpore

(a) Lib. V. Cap. XXVI. n°. 22. pag. 291.

(b) Hippocr. de intern. affection. Cap. LIV. Charter. Tom. VII. pag. 678.

(c) Aphor. 22. Sect. II. Charter. Tom. IX. Part. II. pag. 63.

fani animalis elaborati, in aqua ebulliendo solvuntur; inprimis si pauculum succi citri addatur, quod nimis facilem degenerationem horum jusculorum in putredinem corrigit. Eandem ob causam & acetosæ pauculum his jusculis incoquitur, adduntur & oryza, hordeum, avena & similia cerealia mollissima. Omnia hæc dantur parçâ copiâ simul, & sæpe repetitâ, ne gravetur ab ingessis debile corpus, & ut fiat sensim talis vasorum repletio, quæ vitam sustinere possit, sed tam debilem, ut vulnerata vasa consolidari possint, nec ullus metus sit, ne nimis subitâ impletione vasorum, vel aucto motu lacerentur iterum illa, quæ jam inceperant concrefcere. Nisi enim fidissima Observata docuissent, vix credi posset, quàm parçâ sanguinis copiâ vita adhuc sustineri possit. Memorabile Exemplum hanc rem confirmans allegatum fuit in *Commentariis* ad §. 161. Et in foeminis, quæ sæpe per abortum omnem ferè sanguinem amittunt, & convelluntur, felix successus hanc methodum probavit; dum pro mortuis jam ferè habitæ, sensim sic repletis vasis, ex ipsis orci faucibus evaserunt felicissimè.

Pulcherrima habetur apud *Lowerum* (a) Observatio, quæ docet, quantum exspectari possit à carniis jusculis, ubi magna sanguinis jactura facta fuit. A Medico fide dignissimo dicit se hanc Historiam accepisse. *Adolescenti sexdecim annos nato, cum magna sanguinis copia per biduum continuò erumperet, neque medicamentis, aut Arte ullâ cohiberi potuerit, jusculis eum reficere amici & adstantes curarunt; cùmque ea valde avidè expeteret, atque assumeret, fluxus subinde concitior factus est, & tandem res eo devenit, ut, massâ, sanguinis ferè totâ effluxâ, quidquid jam efflueret, dilutum & pallidum, & sanguinis neque naturam, neque speciem præ se ferret, ipsi jusculo, quod toties haurerat, quàm sanguini similis; atque eadem formâ pro diem unum aut alterum duravit hic aqueus fluxus, constante interim cordi motu suo, donec fluxu demum confopito, juvenis paulatim integræ sanitati restitutus est, & exinde in virum robustum & quadratum excrevit.*

§. Quomodo compesci possit vulneris hæmorrhagia, explicatum fuit in numeris hic citatis. Patuit tunc, artificiosâ methodo plurimas hæmorrhagias sedari posse. Ubi verò nullus datur manibus accessus ad vas læsum, uti dum in corporis interioribus vasa vulnerata sunt; tunc inprimis prode& ligatura brachii & femoribus circumducta tam firmiter, ut compressis venis impediatur, ne sanguis ex his partibus ad cor tam facilè redeat: sic impediatur saltem pro tempore hæmorrhagia, & fortè nascetur occasio, ut vasa læsa contrahi & consolidari possint; sedatâ autem hæmorrhagiâ non simul & semel, sed sensim sunt laxanda hæc vincula, ne recrudescat hoc malum. Summa si sit quies mentis & corporis, & debilissima tantùm si sustentetur vita, nullisque cardiâcis refocilletur vulneratus, magnâ adhuc spes etiam in periculosisimis casibus manet.

§. 235. **TUMOR**, & inflammatio levis vulneri bona; si augmentur mala: balnea, forus, anodyna, antispasica, loco læso, & toti applicata ægro, profunt: de quibus in *Historia & Curatione inflammationis*.

Dictum fuit §. 158. n°. 5, quod post vulnus factum alicujus momenti sc-

(a) De corde, pag. 70. 71.

quatur secundo vel tertio die in labiis & fundo vulneris major calor, dolor, rubedo, & tumor, & quodd hæc omnia symptomata acciderent semper vulnere etiam in corpore sanissimo. Levis ergo talis inflammatio, cum comite tunc ferè semper febriculâ, nunquam mala est. Abscissa enim vasorum extrema contracta resiliunt liquidis impulsis, unde obstructio nascitur; & à vitæ viribus, febriculâ tunc comite, urgentibus majori impetu obstructos vasorum fines, levis sit inflammatio; quam blanda sequitur suppuratio, separans obstructa extrema vasorum unâ cum immedicabili liquido, & liberam humorum circumductionem restituens per totam vulneris superficiem, per quam fit regeneratio perditæ & unio partium separatarum. Ibidem tunc hoc & Hippocratis Observationibus constitit, qui naturæ ductum ubique sequens ranquam ingens malum damnaverit, si in gravibus vulneribus tumores non apparerent; in alio verò loco laxos in vulneribus tumores laudabat, crudos verò damnavat, ut pote nimis validæ inflammationis signum. Pulcherrimè hanc rem exprefsit Celsus, dicens: *nimis verò intumescere vulnus, periculosum: nihil intumescere periculosissimum est. Illud indicium magnæ inflammationis: hoc emortui corporis est. ... At ne febris quidem terrere debet, si in magno vulnere, dum inflammatio est, permanet. Illa perniciofa est, quæ vel levi vulnere supervenit, vel ultra tempus inflammationis durat, vel delirium movet, &c. (a).* Ubi verò validâ obstructione natâ circa vulnus, auctôve admodum motu per febrim exortam, dolor, tumor, rubor, & calor augentur validè; novimus faciliè, longè majorem jam hic esse inflammationem, quàm requirebatur ex Observatione phænomenorum communium omnium vulneri. Hæc ergo si pergeret, destrueret partem gangrenosâ corruptelâ; vel saltem longè validior postea sequeretur suppuratio, separans inflammatum non resolvable à reliquis partibus vivis; quod fieri nequit, quin multum pereat de substantia corporea; & inprimis de cellulosa tunica, in qua præcipua suppurationis sedes videtur esse: unde tardior consolidatio vulneris, turpior cicatrix, & reliqua omnia mala oriuntur, quæ à consumptis nimis validâ suppuratione partibus sequi possunt. Requiritur ergo, ut idoneis auxiliis tollatur nimis valida inflammatio: quod fiet, laxatis vasis, & solutis fluidis, quæ inflammatoriâ tenacitate coiverant. Unde balnea, fomenta, &c. ex mollissimis herbis parata tanti tunc usûs sunt. Simul tunc attendendum, an causa inflammationis nimis in ipso vulnere hæreat, an verò febris excitata nimio impetu, vel diathesis inflammatoria sanguinis accusari possint. Priori in casu topica medela sufficeret sæpe; posteriori verò universalis medela motum auctum compescens, vel solvens inflammatoriam spissitudinem, requireretur. De his autem pro parte dictum fuit in capitulo de obstructione, & postea adhuc agatur in Historia & Cura inflammationis.

§. 236. **SANGUIS** in cava corporis per vulnus delapsus inde ocys educendus situ corporis; suctu per fistulam, si recens, vel dilutus primò; aperturâ vulneris dilatatâ, vel novâ.

Præter illa loca corporis, in quibus humores à sanguine secreti accumulatur in usus requisitis, vel ut collecti excernantur de corpore; vix reperiuntur cava loca vacua in corpore. Certè tota calvaria plena est, thorax plenus,

(a) A. Corn. Cels. Medic. Lib. V. Cap. xxvi. pag. 295. 296.

abdominis cavum pariter : vulneribus enim hæc cava penetrantibus exprimuntur contenta, simulac pater liber exitus. Sanguis tamen discissis vasis effluens potest sic comprimere partes contentas his corporis cavis, ut locum jam occupet, quem naturaliter tenebant viscera in his cavis locata. Lædet ergo sanguis in hæc cava effusus actionem viscerum contentorum comprimendo ; & postea corruptus acrimoniâ acquisitâ poterit rodere & corrumpere illa omnia, quæ tangit ; dumque simul attenuatur, dum putrescit, resorptus venis bibulis, ubique in superficie corporis interna & externa patentibus, poterit totam sanguinis massam putridâ labe inficere, & pessima mala producere. *Hippocrates* (a) dixerat, uti §. 172, n°. 1, jam habetur, sanguinem in ventrem præter naturam effusum necessariò, suppurari : & *Galenus* in Commentariis suis ad hunc locum per *κυσίλην* quancumque cavitatem præter naturam intellexit ; & simul monuit suppurationis vocabulo hic intelligi quancumque aliam sanguinis degenerationem. Non adeo tamen videtur absonum intelligere per vocabulum *κυσίλην* non suppurationem propriè dictam, sed quòd sanguis extravasatus, & cavo præternaturali contentus, viam sibi faciat per loca suppuratione factâ, licet sanguis ipse extravasatus non convertatur in pus propriè dictum.

Præter hæc cava majora corporis notum est, sub cute inveniri, & ubique inter musculos poni, tunicam dictam cellulosam, vel pinguedinosam ; quæ facilimè dilatabilis cedit sanguini effuso, & distendi potest in molem sæpe immantem, uti aneurysmata spuria, & sugillationes post validam contusionem docent. In his cavis præternaturalibus hærens sanguis poterit pariter pressione, & corruptelâ natâ, plurima mala facere, unde indicatio jubet, educendum esse citò, si commodè fieri possit. Tamen hoc videtur notandum esse, quòd sanguis effusus diu manere possit incorruptus, si nullus aeri detur accessus ; & quòd aliquandò diluentibus & solventibus remediis applicatis sic possit attenuari, ut per vasa bibula resorptus evanescat sensim. De hac re autem dicitur in capitulo de contusione.

Ubi ergo sanguis extravasatus in cavo corporis hæret, nocens compressione paritum ; vel si metuatur ejus corruptela, & nulla spes sit, sanguinem effusum dissipatî posse, tunc per *Artem* educendus est. Hoc autem fiet,

**SITU CORPORIS :** qui talis tunc requiritur, ut sanguis extravasatus propriâ gravitate per vulneris orificium exire possit. Multùm ad hanc rem facit si cognoscatur corporis positura, quam habuit vulneratus illo momento, dum vulnus accepit : in eodem enim situ corporis tunc reponendus est, quantum fieri potest : aliter enim sæpe membrana pinguedinosa vulnus cutis occludit sic, ut nihil exire possit. Simul tunc orificium vulneris in declivi quàm maximè situ ponatur, ut sanguis exire possit. In abdominis cavo, v. gr. ; si sanguis effusus hæreat, pronus in ventrem decubitus proderit. Elevatus pedibus, capite demisso, sanguinem in pectoris cavo hærentem eduxit *Paræus*, & ab instanti mortis periculo liberavit vulneratum ; uti dictum fuit §. 172. n°. 3.

**SUCTU PER FISTULAM.** Hoc locum habet, quando sanguis in cavo abdominis, & inprimis in cavo pectoris effusus hæret. Sumunt tunc fistulam ex plumbo flexili, vel ex corio vel balanzæ osse, obtuso semper apice instructam, ne

(a) Apher. 20. Sect. VI. Charact. Tom. IX, Part. II. pag. 252.

lædar partes; per hanc cavo corporis immisſam vel ſugendo, vel & applicatâ antiâ extrahi poteſt ſanguis extravafatus. Ubi verò ſanguis ſub cute in cellulis membranæ pinguedinoſæ aggeſtus hæret, patet facile, hanc methodum nullius uſû eſſe.

Sed nec idoneo ſitu corporis, nec ſuctu per fiſtulam educi poterit ſanguis extravafatus, niſi fluidus ſit: ſi verò jam in grumos concrevit, tunc priùs ſic dilui debet, ut per vulneris oriſcium, vel fiſtulæ aperturam, tranſire poſſit. Sumitur tunc aqua cum melle, vel ſaponis Veneti parçâ copiâ: additur aliquid ſalis marini, & pauculum vini; tepidus talis liquor injicitur, leni conquaſſatione vel & ipſo reſpirationis motu agitur cum ſanguine concreto, quem diluit & ſolvit; deinde ſitu corporis, vel ſuctione, iterum educitur injectus liquor; illudque repetitur tamdiu, donec injectum liquidum purum & nullo ſanguineo colore tinctum redeat. Simplici ſic hordei decocto cum melle, reſiduos in thoracis cavo ſanguinis grumos eduxit *Parauſ* in Exemplo modò allegato; dùmque ſequenti die centaurei, abſinthii & aloes inſuſum injiciebat, ut magis mundaret hæc loca, mirabatur vulneratum amarorem ingratum percipere & nauſeare. Facile patet hæc tentari non poſſe quamdiu hæmorrhagiæ metus adhuc ſupereſt.

**APERTURA VULNERIS DILATATA, VEL NOVA.** Si anguſtum nempe nimis vulnus fuit, vel panniculus adipoſus, in vulneris aperturam preſſus, obſtruxerit oriſcium, tunc dilatatio requiritur. Aliquando etiam accidit, vulneris aperturam altiori loco hære, ſanguinem verò effuſum declivi loco ſitum non poſſe evacuari per vulneris oriſcium, niſi inverſo ſitu corporis, quem ſine moleſtia diu ferre non poſſet vulneratus; ſic dum vulnere ſuperiori thoracis parti inſiſto, vaſis diſciſſis, ſanguinis copia magna in pectoris cavo accumulatur, ille verſus poſteriora thoracis, ubi profundè deſcendens diaphragma thoracis capacitatem multum auget, hærebit, nec poterit facile exire per vulneris aperturam, niſi capiti inſiſteret vulneratus: unde potiùs verſus poſtერიorem & inferiorem partem thoracis in latere affecto novâ aperturâ factâ, ſanguis educitur. Idem verum eſt, dum, v. gr; vulnere circa lumbos inſiſto ſanguis in abdominis cavo hæret, qui gravitate ſuâ anteriorem & inferiorem abdominis prominuli partem occupabit, unde longè facilitùs, paracenteſi in hoc loco inſtitutâ, poterit educi, quàm preſſione abdominis & mutato ſitu corporis per vulneris aperturam exprimi. Pariſter etiam nova apertura vulneris requiritur, ubi ſanguis effuſus in panniculo adipoſo deſcendendo viam ſibi fecerit verſus declivem locum.

§. 237. **SI** vulnus inter firmas partes corporis deſcendit, via paranda fordibus preſſione, lotionè, ligaturâ, aperturâ vulneris novâ, vel dilatatâ.

Aliquando fit, ut inſtrumentum vulnerans profundè adaſtum deſcendat inter partes corporis per panniculum adipoſum inprimis: liquida tunc ex vaſis diſciſſis in vulneris cavum effuſa, & pus collectum ibi hærebunt, & propriâ gravitate deſcendentia in facilitè dilatabili membrana pinguedinoſa augebunt vulneris profunditatem; nec facile exire poterunt per vulneris oriſcium altiori loco ſitum. Imò ſæpe collecta materies miras ſibi & maximè ſinuoſas vias faciet per pannu-

culum adiposum inter musculos, unde postea summa oritur in curatione difficultas. Hoc omnium optimè exploratur, si vulneris orificio per siphonem leni vi immittatur aqua tepida: copia enim aquæ immissa major vel minor determinabit vulneris profunditatem, & latentis cavi amplitudinem. Si enim specillo immisso indagetur vulneris facti profunditas, sæpe dum hoc rudius perficitur, specillum per membranam adiposam transiens novum cavum efficit, unde postea major curæ difficultas. Apud *Hildanum* (a) habetur tale Exemplum. Rustico in singulari certamine vulnus acuto gladio infligitur in coxam dextram è regione ferè articuli: barbitonsor advocatus stylo exploratorio immisso vulnus sursum versùs os sacrum ascendere invenit. Cùm verò circa tertium diem dolor ingens, inflammatio, febris & alia gravissima symptomata adessent, *Hildanus* vocatus immisso stylo per vulneris aperturam, invenit vulnus pergere per mediam natem versùs anum.

Facile nunc intelligitur, acuto gladio infictum vulnus non potuisse adeo diversâ directione penetrasse eodem ictu, sed alterutram viam styli immersione factam fuisse. Unde apparet, suspensâ manu & magnâ prudentiâ explorationem vulnervm stylo immisso perfici debere, & longè tutius hoc fieri aquâ per siphonem immisâ; modò hoc non fiat magnâ vi: tunc enim & aqua ipsa sic valido impetu injecta posset panniculum adiposum dilacerare, & viros linus facere.

**PRESSIO, LIGATURA.** Ubi per aquam tepidam immissam constiterit, vel etiam prudentissimâ per stylum exploratione, quousque penetraverit vulnus; tunc illi loco apponitur splenium, quod deinde ligaturâ circumductâ apprimitur: sic impeditur, ne collecti humores in vulneris cavo magis descendant. Sensim dein singulis deligationibus mutatur situs splenii, ut magis magisque versùs aperturam vulneris pergat, lentè sic ab inferioribus ascendendo: interim apertura vulneris liberrima relinquitur, ut contenta in vulneris cavo facile exire possint. Unde ligatura sic dirigitur, ut tantùm premat fundi vulneris infimam partem, liberum autem relinquat vulneris orificium, quod ob eandem causam nunquam turundâ obturari debet. De hac autem methodo, & pulcherrimis ejus viribus, dicitur postea in *capitulo de Fistula*.

**LOTIONE.** Dum effusi humores in cavo vulnere stagnant, & diu ibi hærent, non facile exeunte ob acclivem orificii vulneris situm, morâ & calore loci corrumpuntur, & in acrimoniam satis malignam possunt degenerare. Ipsum blandissimum pus, in vulnere nimis diu retentum, ichorosum, tenue & acre fit. Totâ ergo vulneris superficies inde malè afficietur, & sordida fiet: sed quamdiu nondum pura est vulneris superficies, nunquam poterunt recrefcere & uniri partes, licet idoneâ compressione & ligaturâ contigux factæ fuerint. Requiritur ergo priùs depuratio vulneris per digestiva dicta remedia apud Chirurgos: sed hæc non possunt applicari omni vulneris superficiei, nisi diluta priùs sic fuerint, ut per vulneris aperturam immisâ per omnia vulneris loca penetrare possint. Illa ergo quæ §. 207, laudata fuerunt ad depuranda sordida vulnera, hic convenient; sed diluta in aqua vel simili vehiculo, ut per omnia penetrare possint. Aloe & myrrha vitello ovi subacta, addito pauxillo salis ammoniaci & melle, dein aqua diluta præcipua hic sunt.

**APERTURA VULNERIS NOVA VEL DILATATA.** Postquam per aliquot dies tentata fuit pressio & ligatura vulneris profundi fundum comprimens, uti & post injecta depurantia illa digestiva dicta; si nondum in melius, tamen mu-

(a) Observat. Chirurg. Centur. IV. Observ. 84. pag. 358.

tata fuerit vulneris conditio, de aliis cogitandum est. Si vulneris orificium admodum exiguum fuerit, ut non possint exire de cavo vulneris aggregata liquida, tunc illud dilatandum est: si verò vulneris apertura talem situm habeat, ut contenta in vulneris cavo liquida nec propriâ gravitate, nec mutato situ corporis facillè exire possint, tunc cogitandum est de apertura nova faciendâ, per quam commodiùs & sponte elabi possint omnia illa, quæ retenta in vulnere nocerent. Ut autem hoc fiat, turundâ clauditur vulneris orificium, ut nihil exire possit: aggregati tunc humores colliguntur spontè in infima parte fundi vulneris, & ubi tumorem faciunt, qui indicabit locum, ubi nova apertura faciendâ est. Idem fieri poterit, si per siphonem aquâ injectâ promineat extrorsum vulneris infimus fundus; uti & si specillum immisum per vulneris aperturam ad infima usque pertingere possit sic, ut ejus apex digito Chirurgi sentiri possit: tutò enim tunc supra specilli apicem discinduntur integumenta, ut novo apertura fiat. Si verò vulnus inter partes crassas musculosas profundè descenderit, sic tamen ut fundus vulneris non versùs cutim hæreat, sed in interioribus delitescat, longè difficilior est novam aperturam cum fructu facere: optimum tunc est, clausâ vulneris aperturâ, ad illum locum, ubi vulneris fundus hæreere creditur, applicare mollissima cataplasmata hæc spe, ut emolliat partes externæ facillimè cedere possint liquidis in vulneris cavo aggregatis, sicque inveniri locus, qui pertundi debet.

§. 238. **D**ILATATIO fit cultro, linteis carptis, spongiâ, radice gentianæ & similibus siccis immixtis filo alligato, absorptu humoris tumentibus, sique dilatantibus.

Omnium optimè vulneris dilatatio per cultrum fit: dolor quidem acutus adest; dum dissecantur partes vivæ sed uno momento desinit; dum reliqua, quæ dilatando vulnere inserviunt, lentâ distractione satis acutum & diuturnum simul dolorem excitant, & unâ margines vulneris contundunt: quæ loca contusa postea per suppurationem debebunt separari. Unde, qui vano metu sectionem cultro faciendam horrent, majoribus torquentur doloribus.

Ut verò fiat sine sectione vulneris dilatatio, intruduntur ejus orificio lintea carpta vel similia corpora bibula siccissima, quæ, humores affluentes absorbendo distenduntur; sicque distrahant orificium vulneris nimis angustum. Nec parva hæc vis est, quâ corpora siccâ bibula, dum madefiunt, remonent à contractu partes, quibus coercentur. Adest enim in aqua mirabilis hæc proprietas, certis Experimentis cognita, quamvis difficilimè explicanda, quâ distendit corpora, quibus se insinuat, in majus volumen; tanto quidem cum effectu, ut solâ hæc vi enormia pondera eleventur, & durissima saxa findantur cuneis siccissimis ligneis intrusis & postea humectatis; uti solent facere operarii, ut enormes illas massas lapideas unde molares lapides conficiunt, separent à rupibus (a). Nec hætenus limites immanis illius potentie novimus: sufficit scire, quòd summa etiam obflacula superet. Lintea ergo carpta siccissima contorta in turundam, radices gentianæ adeo fungosæ frustulum, vel & spongiam compressam vulneris orificio intrudunt: dein

(a) Académ. des Sciences, l'an 1730. Mém. pag. 391. Boyle de utilitate Philos. Experim. pag. 555.

vel tenaci emplastro, vel ligaturâ idoneâ, hæc sic retinent, ut non possint exire, dum affluentibus humoribus resorptis tumere incipiunt sic tota illa vis, quâ distenduntur hæc bibula corpora, impenditur dilatando vulnere. Inter illa autem, quæ dilatandis hæc methodo vulneribus adhibentur, nullum est, quod in tam parvum spatium comprimi potest, & tamen ab humido resorpto postea tam immaniter rumet, quàm spongia; unde solet reliquis præferri: inprimis si artificiosâ præparatione augeatur adhuc spongiæ ad hos usus efficacia. Solebant quidam spongiæ frustulum circumducto filo validissimè constringere, deinde vulgeris orificio immittere, sic ut nodus circumducti fili extra vulnus hæreret & forfice abscindi posset: sed non difficultate hoc potest perfici, & longè meliùs fit methodo sequenti. Resinam cum cera & paucò oleo liquant, ut fiat inde emplastrum satis tenacis consistentiæ; huic deinde emplastro igne liquato spongiam puram, siccissimam, & satis magnam immergunt, ut undique penetraretur hoc emplastro soluto: deinde validissimâ actione præli, inter duas laminas ferreas modicè calefactas, ex spongiæ exprimunt omnem pingue, quantum fieri potest, sicque in prælo relinquunt, donec omnia penitus refrigerint. Tunc habetur spongia in minimum volumen compressa, densa ferè instar ligni, & quæ in quasvis figuras scindi poterit. Illud, quod post validam expressionem remansit in spongia emplasticum siccæ spongiæ partes sibi mutuo applicatas retinet, nec tamen impedit, quominus aqua & aquosa omnia in bibulam spongiam radiantur, illamque in pristinam dimensionem extendant. Cum ergo spongia validissimâ pressione in angustissimum spatium redacta; vulneris orificio immissa, ab humoribus affluentibus distendatur in maximam dimensionem, quam acquirere potest; patet, quàm enormis dilatio hæc methodo fieri possit. Præterea hoc commodi habet spongia sic præparata, quòd possit in nimia ramentula scindi, quæ angustissimis etiam vulnerum vel fistularum orificiis immitti possunt: quod linteis carptis vel gentianæ radice aut aliis similibus fieri minimè posset.

Omnibus autem illis turundis, sive ex spongia, sive ex aliis similibus fiant; alligatur filum, ne fortè se subducant in latius vulneris cavum, & ibi plurima mala faciant; dum non possent sine molestia inde educi sine hac cautela.

Sic hætenus ordine pertractata sunt illa, quæ ad generalem Historiam & Curationem vulnerum pertinent, simulque auctum fuit de illis symptomatibus, quæ vulneribus accidunt quandoque, & ob periculum vel summam molestiam peculiarem medelam requirunt. Sequitur nunc ut dicatur vulneribus, quæ corporis partes illas occupant, in quibus viscera reconduntur; idèque, præter generales in omnium vulnerum curatione indicationes, multa adhuc alia observanda requirunt. Solent plerumque hæc considerari in tribus illis magnis corporis cavis, in quibus nobilissima organa illa continentur, à quibus omnes functiones corporis sani pendent: unde apud Auctores Chirurgicos seorsim semper solent tractari vulnera *Capitis*, *Thoracis*, & *Abdominis*. Primum nunc agetur de vulneribus capitis.





## VULNERA CAPITIS.

§. 239. **V**ULNERA capitis lædunt vel sola externa communia; vel periosteum; vel cranium; vel duram matrem; vel piam simul; vel cerebri vasa, substantiam, corticem, medullam, ventriculos.

Distinguuntur vulnera capitis, quòd vel lædant externa, inter quæ & ipsum calvariz os numeratur; vel quòd penetraverint ad contenta in calvariz cavo. Externa autem hæc iterum usariam solent dividi: vel enim sunt communia externarum partium corporis tegumenta; vel sunt talia, quæ soli capiti propria habentur. Integumenta communia sunt epidermis, cutis, & panniculus adiposus: quæ quidem ubique in toto corpore externo ferè adsunt; tamen in plurimis locis diversam habent indolem. Longè enim alia epidermis apparet in dorso pedis quàm in planta; multò crassior cutis plerumque in dorso quàm in abdomine; longè alia indoles panniculi adiposi in cervice, v. gr; quàm in aliis partibus corporis. Sic etiam in capite cutis satis crassa, loculis sebaceis copiosis satis magnis instructa; cellulosa tunica huic subjecta, satis tenuis, vix multùm pinguis habet: unde diversitas communium integumentorum in capite patet. Præter hæc, alia sunt capiti propria integumenta. Expansio enim tendinea, sive aponeurosis, totum caput sub membrana cellulosa tegit, quæ per collum pergens ad humeros ferè usque descendit: in parte superiori capitis omnium fortissima est hæc aponeurosis, duplici ad minimum strato fibrarum, se mutuo decussantium, constans; descendens postea sensim attenuatur, ubi collum ambit, & circa claviculas quasi evanescit (a). Huic membranæ supponitur periosteum cranii, binis lamellis, arcte sibi invicem unitis, constans: interior lamella, ossi applicata, à quibusdam periosteum propriè vocabatur; exterior, in quibusdam locis, ut circa musculos temporales, ab interiori secedens, à multis pericranium dicitur. Sub hoc periosteo cranium ipsum sequitur ex ossibus variis, miro artificio unitis, constans, binis tabulis ossis, intermediam diploen continentibus, compositum. Hujus ossis internæ superficiei arctissimè accrescit membrana, dura mater dicta; quæ & internum periosteum cranii vocatur. Dura matri supponitur pia mater dicta, cui tamen adhuc tenuissima arachnoidea incumbit. Per hanc piam matrem omnes arteriæ, quæ ad cerebrum tendunt, omnèsque venæ, quæ inde redeunt, decurrunt, & in illa ordinantur. Piam matri immediatè unitur cerebri ipsius substantia corticalis; unde medulla oritur: quæ collecta fornix instar cava relinquit, quæ cerebri ventriculi dicuntur: in quibus plexus choroidei dicti, mira vasorum sanguineorum congerie constantes, locantur.

(a) Winslow, *Exposit. Anatom.* pag. 659.  
Tomus I.

Ad omnes has partes vulnera, capiti inflicta, perungere possunt; semper eò periculosiora, quò causa vulnerans profundius adacta plures partes ex modo enumeratis læserit. Omnium ergo minimè periculosa, cæteris paribus, erunt illa vulnera, quæ sola integra communia lædunt; licet tamen, uti postea patebit, aliquando pessima mala etiam ab his læsionibus oriri possint.

In omni ergo vulnere capitis sollicitè primà deligatione inquirendum, quousque penetraverit instrumentum vulnerans, & quas partes læserit; ut possint præstigiari mala, quæ metuenda sunt, & idonea his præcavendis auxilia applicari. Quibus signis jam cognoscatur, sola externa communia læsa esse, docet sequens paragraphus.

§. 240. **SOLA** externa læsa, scitur. 1. Ex causa vulnerante, ejus figurâ lædente. 2. Vi ejus parvâ. 3. Loci vulnerati conditione, quoad figuram imprimis. 4. Levitate symptomatum. 5. Conspectu. 6. Specillo.

1. Sic si cultro discissa fuerint integumenta, poterit satis magnum vulnus esse; nec tamen profundè penetrare: si verò punctum culter adactus fuerit, non poterit alicujus longitudinis vulnus esse, quin profundè penetraverit. Sic si acinace incurvo vulnus inflictum fuerit, non poterit illud in longitudinem aliquam excurrere quin in medio satis profundè descendat; uti satis patet.

2. Satis evidens est, instrumentum vulnerans eò minùs penetrare, quò minori vi adigitur. Hoc autem cognoscitur ex vulnerati ipsius, vel aliorum, qui adfuerunt relatione.

3. Calvaria utcumque ad sphæroideam figuram accedit: in illis ergo locis, ubi maxima convexitas habetur, non potest magnum vulnus esse, nisi satis profundè adactum fuerit instrumentum vulnerans; uti v. gr; circa anteriorem & maximè prominentem ossis frontis partem, & circa mediam partem utriusque ossis bregmatis; longè minùs adhuc in illo loco, ubi os frontis circa tempora cum ossè sphæroidali concurrat: ibi enim eminens angularis superficies est. In aliis locis, ubi planam magis superficiem calvaria habet, poterit satis longum vulnus sine magna profunditate infligi.

4. Illæ depravationes functionum, quæ post vulnus inflictum sequuntur, vocantur vulneris symptomata: quò ergo hæc plura fuerint, & quò graviora, eò major metus erit, plures partes, illasque magis necessarias ad sanitatis integritatem, læsas esse. Cum autem in capite hæreat actionum animalium origo & fons, imprimis inquiritur, an in his aliquid mutatum fuerit post vulnus inflictum. Vertigo, tinnitus aurium, bilis vomitus, somnolentia, sensuum omnium, vel quorundam saltem, abolitio vel depravatio, &c, mali hinc semper ominis. Si nullum horum apparuerit, vel tantum levissima fuerint & statim evanida, magna spes est, causam vulnerantem non adeo profundè penetrasse. Sollicitè monuerat Hippocrates, præter illa, quæ oculis subjiciuntur, etiam hæc inquirenda esse. *Etenim magis aut minùs vulnerati hæc sunt indicia: tum si ager alto sopore detentus fuerit, aut tenebræ oculis offusæ, aut si vertigo prehenderit, aut ipse confuderit (a).* Faciendum tamen est, aliquando gravissima etiam capitis vulnera,

(a) Hippocr. Lib. de Capit. vulner. Cap. xv. Charter. Tom. XII. pag. 121.

in cerebri substantiam usque penetrantia, non statim slipata fuisse adeo malignis symptomatibus. In memorabili enim illo casu §. 187., memorato, usque ad septimum diem satis bene se habuit vulneratus, licet cuspis ferreus sagittæ profundè in ipso cerebro hæreret, post quartum mensem inde feliciter eductus; subsequente integrâ sanatione adeo periculosi vulneris. Unde & Hippocrates, & post illum peritissimi Medici longè majus suspicabantur malum, si gravia symptomata, non initio, sed post aliquot dies ab inflicto vulnere apparerent. Sic monet Hippocrates (a). *Optimum quidem igitur est, neque febrire eum qui ulcus (vulnus) in capite habet, neque sanguinem insuper ipsi erupisse, neque inflammationem, neque simul ullum aliquem dolorem accepisse. Si verò quid horum apparuerit, securissimum est, ut in principio fiat, & modico tempore permaneat.... At incipere febrem in capitis vulnere quartâ die, aut septimâ, aut undecimâ, valde lethale est.* Unde & Jacotius in eruditissimis Commentariis in Coacas Prænotiones pro generali axiomate posuit, quòd illa, quæ in vulneribus mox à principio apparent, minùs terrere debeant, quàm quæ perseverant, vel postea superveniunt; sive febres sint, sive alia symptomata. Et ideo suspendere judicium jubet; licet gravissima symptomata apparuerint in initio, donec constet, an illa perseverent an non (b). Patet ergo, non posse absolutam prognosim deduci ex symptomatum levitate vel vehementia, sed simul & alia signa requiri. Tutò quidem moneri potest, pessima quæque metuenda esse, si gravia symptomata statim adfint: non tamen penitus desperandum est, etiam in gravissimis malis; nec temerè confidendum, licet in initio nihil ferè mali appareat.

5. Capitis enim vulnera, si externa sola læsa fuerint, satis oculo patent: unde abrais in loco vulnerato capillis, & abluto sanguine tepido vino cum æquali copia aquæ diluto, primâ deligatione omni curâ inquirendum est, quousque vulnus penetraverit, & quas partes læserit; ut inde prognosis & indicatio curatoria tutò deduci possint. Inter illa autem signa, quæ conspectui offeruntur, & quæ docent, an os læsum fuerit, an verò tantùm communia integumenta recenseret & Hippocrates (c), quòd oporteat & capillos circa vulnus animadvertere, qui si telo præeisi, & in vulnus impressi sint..... noxam accepisse asserendum. Dum enim instrumentum vulnerans, licet satis acutum fuerit, mollia tantùm integumenta capitis penetrat, sequuntur capilli teli impressionem, nec discinduntur: ubi verò ad durum os capilli in vulnus protrusi applicantur, non amplius cedere possunt, sed discinduntur.

6. Leniter diductis vulneris labiis immititur specillum, ex mollissimo plumbo vel argento purissimo, quod molle semper & flexile est, paratum, apice obtuso: suspensâ manu leviter pertentando exploratur totus fundus vulneris. Si enim os alicubi nudatum fuerit, resonabit specillum; si nullibi aliquid scabii vel asperi apparcat, omnia mollia sentiantur, & nullus audiatur sonus, certi sumus, calvariam nec nudatam, nec læsam esse in vulneris loco.

(a) Hippoc. Protrhet. Lib. II. Cap. x. Character. Tom. VIII. pag. 818.

(b) Hippoc. Coaca præfagia cum interpretatione & Commentariis Jacobi Hollerii & Des-

derii Jacotii, &c. pag. 904.

(c) Lib. de vulneribus capit. Cap. xxi, Character. Tom. XII. pag. 110.

§. 241. **H**ÆC (240.) licet levia videantur, sæpe ex propinquitate musculorum, tendinum, periosteï, cranii, nervorum, vasorum, cerebri, periculosa fiunt; tum quoque à vi contractili partis læsa.

Licet jam omnibus rite exploratis constiterit, sola externa communia læsa esse; tamen non vilipendenda sunt hæc capitis vulnera, cùm innumera Observata docuerint, levissima etiam in hac parte vulnera pessimos produxisse effectus: neque hoc tantum, quando interiora capitis à valido ictu, v. gr; læsa erant, licet in externis partibus nihil ferè mali appareret; sed etiam in illis casibus, ubi nulla internarum capitis partium læsa fuit, & vulnus sola externa communia penetrasset. Hæc autem mala fiunt.

**EX PROPINQUITATE MUSCULORUM, TENDINUM.** Quanta sæpe ex læsione tendinum & musculorum oriuntur mala, dictum fuit §. 163: sed validissimi calvariæ insiguntur muscoli, inprimis circa occiput, ubi splenii, cucullares, &c. hærent. Sed & magni temporales muscoli latâ basi calvariæ accrescunt. Involucrum tendineum, forte, totam calvariam tegit, uti dictum §. 239. Si ergo vulnus has partes læserit, quamvis os cranii minimè denudetur, periosteio illaeso; sæva tamen possunt sequi symptomata: Quibus tempora secantur (dixit Hippocrates (a)) convulsio, ex contrariis sectioni partibus, oboritur; & in Epidemicis loco §. 163. allegato, vulnus exiguum, nec altè penetrans, acuto jaculo circa cervicem inflictum, opisthotono correptum necavit sequenti die.

**SUTURARUM.** Per has efficitur, ut cranii ossa crescere & extendi possint, manente eadem figuræ capitis æquabilitate. In junioribus omnium manifestissimæ apparent, æquè in externa convexa, quam in interna concava ossium cranii parte: in ætate provectis in interiori parte non ampliùs dentatæ illæ ossium unitorum prominentiæ apparent, sed simplex linea, quæ in summo senio oblitteratur sæpissimè. Observatur jam in illis locis, ubi suturæ sunt, duram matrem firmissimè adhærere, & vasis emissis uniri pericranio, quod etiam in futuris fortissimè adhæreret: unde patet, mala, quæ circa futuras fiunt in externis cranii partibus, posse communicari internis continuitate substantiæ.

**PERIOSTEI, CRANII.** Quòd vasa ad ossa cranii defert, & vicissim ex illis recipit, & per hæc necitur ossibus; unde vitalis influxus & effluxus humorum in ossa cranii, & inprimis in tabulam externam, ab integritate periosteï pendet. Hoc periosteio ergo affecto, malum communicabitur ossibus cranii facillimè, & duræ matri, inprimis circa futuras, ubi emissis vasculis inter binas illas membranas manifesta communicatio obtinet; uti modò dictum est.

**NERVORUM.** Qui à quinto nervorum pari orti, & à dura portione parisi septimi, numerosissimis & satls insignibus ramis per externas capitis partes distribuuntur. His ergo nervis punctis vel pro parte discissis, omnia illa metuenda sunt, quæ §. 163. memorantur. Inprimis si attendatur, satls tenfos hic esse, dum per cranii integumenta decurrunt, nervos, & adeo vicinos suæ origini.

**VASCORUM.** Arteriæ enim satls notabiles per externa hæc integumenta

(a) Coac. Prænot, n°. 458.

decurrunt, quarum læsione insignis aliquando post hæc vulnera, hæmorrhagia sequitur.

**CEREBRI.** In quibusdam enim locis cranii os tam tenue est, ut in mundata calvaria pelluceat: hinc integumentis discissis semper metus est, ne cerebrum tam vicinum afficiatur. Hoc autem in primis fiet vel à nervis læsis, vel ob continuitatem periosteï externi & duræ mæris, vel quocumque vitio post vulnus externarum partium nato, quod calvariam ipsam inficere, & deinde ad contentum cranio cerebrum pertingere potest.

**AVI CONTRACTILI PARTIS LÆSÆ.** Commune phænomenon est in omni vulnere, uti dictum §. 158. n°. 1, quod partes firmæ, per vulnus divisæ, sensum magis, à se mutuo secedant: sed hoc semper fiet tantò magis, quantò validiori vi contractili partes gaudent. Cutis capitis densa & fortis est, æquabiliter circumtensa cranio, & mobilis admodum, hinc facillimè cedens; cui supponitur membrana cellulosa: ideo, diversâ per vulnus cute cranii, brevè magnus hiatus vulneris nascitur, unde magnæ cicatrices toties post vulnera fronti inflicta manent. Si jam nervi semidiscissi fuerint, & tantâ vi secedant à se invicem vulneris labia; omnia symptomata, quæ nervum sic læsum sequuntur, erunt longè violentiora. Accedit, quod quò plùs hiant hæc vulnera, eò major superficies suppositarum partium insolito acris frigori exponitur; unde plurima iterum mala sequi possunt.

## §. 242. **M**AXIME, si contusio simul adest.

Licet leve fuerit vulnus, si simul contusio adfuerit, multa mala metuenda sunt: ubi enim obrutum corpus, motum vel appressum partibus corporis, vasà plurima minora destruxerit, contusio adeste dicitur, quam ergo semper comitantur vasorum laceratio, humorumque ex laceris vasis effusio, eorundemque stagnatio & corruptio. Cùm autem externis integumentis capitis durum calvariæ os supponatur, nisi instrumentum lædens acutum omnino fuerit, contusio semper aliqua aderit, & quidem magis in capite ob hanc causam, quàm in aliis corporis partibus. Quia verò cutis capitis est densissima, panniculus autem adiposus succubens tenerimus & facillimè dilatabilis, inferius autem durum os resistit, effusi humores, morâ corrupti, facillè viam invenient per panniculum adiposum non resistentem, & descendant gravitate suâ; sicque poterunt ad posteriora capitis delapsi magnos illos occipitis ossi insertos musculos irritare, & pessima mala producere. Eodem modo & ad latera capitis, ad temporales musculos, & in fronte ad oculos, & radicem nasi descendere, ibique eadem mala facere poterunt. Facillimè autem per capitis membranam cellulosam delabi sic extravasata liquida certis Observatis constat. Quoties enim non fuit visum, contusione in capitis vertice factâ, sequenti die frontem & palpebras ipsas tumere & livescere, à sanguine extravasato huc declivi via delapso! Merito hinc damnavit Hippocrates (a) vulnera capiti inflicta obtusis telis: carnem enim contundunt, maturant, & lacerant. Et sub huiusmodi telis vulnera ad latera & in orbem, aliquantulum cava purulentaque magis redduntur atque humida, longiorèque tempore repa-

(a) Lib. de Capit. vulnerib. Cap. xlv. Charter. Tom. XII. pag. 127.

*gantur. Carnes enim collisas & laceratas, in pus versas, necesse est tabescere. Alterum, quod indoluitur malum, est, periosteum vel os ipsum contusum fuerit, vel à liquidis extravasatis malè affectum; unde ossis corruptio, & reliqua, quæ inde sequuntur mala, expectanda sunt. Contusum enim os cranii esse potest, licet naturaliter se videatur habere, & læsio per contusionem facta potuit plùs minùsve ossis substantiam penetrasse, licet varia magnitudo mali oculis iudicari non possit, uti prudenter monuit Hippocrates (a). Unde patet, quàm suspecta meritis prudentibus Chirurgis habeantur capitis vulnera, si contusio simul adfuerit, cum sæpe longo temporis intervallo postea, pessima sequantur mala, dum omnia salva esse credebantur. Inter plurima Observata Medica quæ hoc docent, adfert ex Parnio tale Exemplum Bohnius (b). Quidam à compositore in bregmatis os dextrum poculo stanneo percussus fuit, nec aliquid fissi in ossè fuit deprehensum: pancreatice valuit, & ambulavit, donec post decimum mensem inter ambulandum vertigine correptus conciderit, & brevi post obierit. Aperto cranio in istius loco, os planè purridum foetidumque cum meninge apparuit.*

§. 243. **AUT**, si sub parva apertura lata læsio fordes colligit.

Accidit sæpissime post lapsum ex altiori loco, vel aliam quamcumque læsionem obtuso instrumento factam, leve vulnusculum cuti capitis infligi, licet locus satis magnus contusione læsus fuerit. Vilipendunt plerumque hoc tanquam leve malum & vulnerati, & sæpe etiam minùs periti Chirurgi; postea tamen pessima mala à tam levi vulnusculo oriri mirantur. Nec mirum, cum collecta materies, angusto nimis vulnusculo exire non potens, augeatur, & novas sibi vias per membranam cellulosam quærat; vel & morà corrupti humores subjectum pericranium, vicinos musculos, &c., pessimè afficiant.

Vocabar aliquot jam elapsis annis ad fabrum lignarium febre decumbentem; & quia nihil commune habebat morbus cum epidemico tunc grassante, nec sollicito examine ullam causam invenirem; symptomata tamen adessent plurima, quæ aliquid mali latere persuaderent, hærebam omnino. Dolor capitis aderat satis intensus, frons & palpebræ utriusque oculi tumebant & rubebant, tensionem in nucha se sentire conquerebatur æger, somnos admodum turbatos, &c. Rogavi, an externâ quâdam causâ caput læsum fuerat: negavit æger, licet iteratò monerem, me simile quid suspicari. Famulus præfens bonâ fortunâ reminiscitur, ante ocellidum, tegulam, sed ex parva altitudine in caput decumbentis delapsam fuisse: rem sic se habere annuit æger, sed vix ullum dolorem se inde sensisse, nec aliquid mali postea percepisse affirmabat: unde ægre permittebat, ut locum illum capitis examinarem. Inveni vulnusculum, quod vix majoris aciculæ caput superabat, sed contusionem tam latam, ut ejus diameter pollicem æquaret. Jussi, ut illico discinderentur inregumenta loci affecti; & sequenti die febris jam remissior, & omnia symptomata longè leviora erant: benignâ suppuratione depurabatur locus, & feliciter sine ullo graviore malo evasit.

(a) Lib. de Capit. vulnerib. Cap. VII. Character. Tom. XII. pag. 118.

(b) De Renunciat. vulner. Sect. II. Cap. 1. pag. 136.

§. 244. **C**OLLECTA enim materies (242. 243.) miros tumores, erysipelas, œdema; dolores, convulsiones, ossis & periostei putredines, febres, mortem, creat. Aer cava alluens, incautè appositum emplastrorum ibi coercitus, impressus, mira emphysemata facit.

**MIROS TUMORES.** Dum validâ contusione, inprimis cute integrâ, vel parvo tantum in loco apertâ, plurima vasa franguntur, effusi humores collecti, cute integrâ coerciti, illa in immanem tumorem extendunt; & satis subitò quidem: cranium enim subjæctum cedere nequit, hinc omnis liquidi effusi moles cutim extrorsum distendit & elevat. Et hæc est ratio, quare in aliis corporis partibus à contusionibus rarò tam magni tumores, nec adeo subitò oriuntur. Memini, quòd in domo, quam habitabam, ancilla de scalis delapsa fronte pavimento lapideo summâ vi impegerat; dum ipso momento accurro, ut succurrerem miseræ, jam tumor ovum gallinaceum æquans frontem occupabat. Notum est, lufitantes pueros toties capite in dura obstracula impingentes, illico habere tales tumores in capite. De mira illa intumescencia, ab elastico aere in membranam cellulosam penetrante & ibi retento, statim dicitur.

**ERYSIPELAS.** De erysipelate, ejusque differentiâ à phlegmone, postea dicitur in Historia inflammationis §. 380. Sufficit hic notare, quòd hoc nomine intelligatur inflammatio superficialis, & in ipsa tantum cute ferè hærens (*exquisitum erysipelas, solius cutis est effectus* (a)) rubro-flavescentis coloris; in vasis minoribus, quàm sunt vasa sanguinem rubrum vehentia, pro maxima parte locum habens; nullibi frequentius occurrens, quàm in capite & facie, & ferè semper in capitis læsionibus aliquid maligni lateris demonstrat. Unde *ab ossis nudaione erysipelas* dixit Hippocrates (b); & Galenus in Commentariis suis in hunc locum, monet in fine hujus aphorismi subintelligi debere *malum*: quia non semper ossibus denudatis erysipelas supervenit, sed ubi his malis accedit erysipelas, prævum semper symptoma est. Præterea constat plurimis locis Hippocratis, ossis (τὸ ὀστὴν) vocabulo frequentissimè intelligi calvariam, uti inter alia loca plurima etiam demonstrat aphorismus 24. sectionis septimæ. Facile jam intelligitur, compressis cutis vasibus ab effusis humoribus distendentibus, vel & irritatione ab acri degeneratione eorumdem, posse nasci hic tale malum.

**ŒDEMA.** Generali significatione quemcumque tumorem designat; & inprimis tumores molles & frigidos, uti dictum fuit in Commentariis ad §. 112. Hic autem non intelligitur talis tumor frigidus & lentus, sed longè diversum mali genus. Frigidum enim talem tumorem distinctionis causâ optimè nunc vocant œdema œdematodes. Ubi verò talis tumor, pellucens quidem & albus, cum magno calore simul comitante, adest, tunc vocaverunt œdema erysipelatodes. Illud malum adest dicitur, quando vasa tam parva, ut nec flavos nec rubros humores admittant, sed pellucidos tantum, inflammantur: de quo postea §. 380, dicitur. Solent & vocare erysipelas bullarum, quia partes, quas occupat, valido

(a) Galen. Method. Med. ad Glaucon. Lib. II. Cap. 3. Charter. Tom. X. pag. 369.

(b) Aphorism. 19. Sect. VII. Charter. Tom. IX. Part. II. pag. 301.

tumore distendit, & inprimis palpebras & totam faciem, si circa caput hæreat. Ab iisdem causis oritur in capitis vulneribus ac erysipelas, & plerumque pro pejori symptomate habetur.

**DOLORES.** Quia materies collecta cutim distendens nervos distrahit, vel stagnando acrior facta pericranium, adeo sensibile, & tendines & musculos vicinos malè afficit.

**CONVULSIONES** ab iisdem causis hic fieri possunt; & præterea si ad interiora calvarie malum hoc tandem penetraverit.

**OSSIS ET PERIOSTEI PUTREDINES, &c.** Sub membrana cellulosa hæret expansio illa tendinea, de qua dictum §. 239; sub hac pericranium, quod immediatè calvarie incumbit, illique vasis emissis & receptis communicat. Dum ergo extravasati humores sub cute tenacitatis coerciti hærent, vitium hic natum facillimè communicatur pericranio: sed illud ubi læsum fuerit, vitalis humorum influxus in os tollitur, unde illa pars cranii, quæ affecto pericranio supponitur, moritur, & postea separari debet, si sanabitur malum; vel putrefacta corrumpet subjectas meninges & ipsum cerebrum: unde pessima mala, febres, imò mors ipsa sæpe nec opinantes opprimit: quale Exemplum memoratum fuit §. 242.

**AER CAVA ALLUENS, &c.** Aer omnia undique alluit: ubi ergo vulnus capiti inflatum est, cutim penetrans ad membranam cellulosam usque; & inprimis si specillo sub labiis vulneris immisso multum scrutatus fuerit Chirurgus, an periosteum vel & ipsum cranium læsum fuerit; aer ingreditur membranam cellulosam: si tunc tenaci emplastro vulnus tectum fuerit perfectissimè, aeris recepti egressus impeditur, qui tunc calore corporis rarefactus vias sibi facit per membranam cellulosam, & vicina loca tumere faciet. Hoc viso plerumque adhuc curiosius scrutantur Chirurgi specillis, ut inquirent latens malum, aeremque iterum admittunt per dilatatam membranam: emplastro iterum applicato augetur tumor, ulteriùs se dispergens, inprimis per frontem, palpebras & faciem; unde sequenti die aliquando miro spectaculo tota facies tumore pellucido elastico sic turget, ut oculi sepulti quasi & eminens nasus dispareant. Observatur enim, membranam cellulosam eò faciliùs distendi, quò tenerior est, & minùs pinguedinis in se habet. Unde illa sub palpebris loca tam facillè tument, & scroti & penis membrana cellulosa in hydropè anasarca in tam enormem molem distenduntur; quia in his locis membrana cellulosa nihil crassæ pinguedinis, sed potius mucilaginosi quid in se continet; nisi in castratis animalibus, in quibus ingens copia pinguedinis hic colligitur. Tumores sic natos apto satùs vocabulo emphysemata vocant, sive inflationes, quas *Gorraus* (a) definivit *spiritus flatuosi collectiones in inanibus corporum spatiis*. Similem hujus vocabuli significationem etiam *Galenus* (b) habet, dicens, *Inflationes (τὰ δ' ἐμφυσήματα) ex flatuoso spiritu collectio nascuntur, aliàs sub cute, aliàs sub membranis ossa tegentibus, aut musculos viscerumque aliquod investientibus*. Porro colligitur aliquando non parum etiam in ventriculo & intestinis, itémque in medio spatio horum & peritonæi. Postea, ut distinguat ab œdemate hos tumores, dicit, (c) quiddam digitis pressi non retineant vestigium; & sonitum, velut tympanum reddunt. Sed hoc tantum verum est, quando in

(a) Defin. Medic. in voce ἐμφύσημα.

(b) Method. Medend. Lib. XIV, Cap. VII.

Charter. Tom. X. pag. 324.

(c) Ibid. pag. 324. 325.



majori corporis cavo collectum hæret, illud flatuosum, v. gr; in abdomine; tunc enim illud percussum resonat instar tympani, unde & ille affectus tympanites Medicis dicitur. Ubi verò in membrana cellulosa hæret hoc malum, pressum digitis cedere potest, quia in vicinas hujus membranæ cellulas tunc protruditur illud elasticum flatulentum; in pristinum locum rediens, ubi pressio cessat. Quia autem palpebræ adeo facile tument ob laxissimam hinc facillimè dilatabilem cellulosam membranam, ideo apud *Æginetam* (a) definitur emphysema, quod sit oedematodes palpebræ tumor. Tamen alibi eadem de emphysemate ex *Galeno*, dixit, quæ modo citata fuerunt (b).

Quàm facillè autem aer semel admissus in membranam cellulosam per omnia penetret, docent laniones; qui parvo vulnuscule cuti mactati animalis inflicto, aerem insunt, ut faciliùs cum sine læsione subjectæ carnis auferant. Constitit etiam Medicis Observationibus, aerem in panniculum adiposum ingressum posse omnia ferè corporis loca pervadere, & tumores mirabiles in variis partibus & aliquando in omni ferè externa corporis superficie producere. Puellæ quinque annorum circiter, lento morbo sensum tabescentæ, triduo ante mortem nascebatur in gena dextra tumor, qui sensim totum truncum corporis occupavit. Dum digitis premebatur tumor, subducebat se cum crepitu quodam contentus aer. Post mortem pertusâ scalpello abdominis cute, statim omnis tumor subsedit, cum fœtore intolerabili exhalante (c). Robusto juveni duo vulnera infliguntur, unum prope claviculam dextram, alterum posterius inflictum prope scapulam sinistram: tumor invasit non solum totam faciem, sed & universum reliquum corpus, velut spongia vento plena, quocumque tangebatur, palpatibus occurrebat (d). Simile Exemplum apud eundem Auctorem alibi habetur (e). Similes tumores videntur & posse nasci, dum humores extravasati putrescunt: tunc enim constat Experimentis, per putredinem produci, vel extricari fortè, latentem in corporibus materiam elasticam, quæ si non sit aer, saltem similem vim habet, quâ per calorem immaniter expandi possit. Sic cadavera submerforum, dum incipiunt putrescere, distento toto corpore externo, & inprimis abdomine, emergunt, aucto nempe volumine, aquâ jam specificè leviora facta. Cum autem collecta materies extravasata, sub cute tenaci hærens, sic degenerare possit; patet & hanc aliquando causam obtinere posse mirabilis hujus mali. Fortè illud fuit factum in Exemplo modò recensito puellæ illius, quæ lento morbo extincta paucis ante mortem diebus totum corporis truncum adeo tumidum habuit.

Et apud *Hildanum* (f) tale habetur Exemplum, ubi post gravissima capitis vulnera defuncti cadaver biduo post vulnera inflicta tetrum adeo spirabat odorem, ut nullus accedere ferè auderet; & sequenti mane caput, facies, brachia, abdomen horrendum in modum, intumuerant, & serotum pariter inflatum infantis caput magnitudine æquabat.

Ubi autem tale emphysema adest, indicatio curatoria jubet, ut illud distendens elasticum iterum expellatur ex tunica cellulosa, quam distendit. Hoc autem fieri poterit, moderatâ pressione, vel frictionibus, derivando inclusum æ-

(a) Lib. III. Cap. xxxii. pag. 33. versâ.

(b) Lib. IV. Cap. xxviii. pag. 66. versâ.

(c) Académie des Sciences, l'an 1704. Mémoires, pag. 9.

*Tomus I.*

(d) Thom. Barthol. Hist. Anatom. rarior. Centur. V. Hist. 13.

(e) Centur. VI. Hist. 89.

(f) Observ. Chirurg. Centur. II. Observ. 15; Z z

rem versùs vulneris aperturam, etiam dilatata, si opus est, vel scarificationibus, usque in membranam cellulosa penetrantibus, concilietur liber exitus. Pulchrum scarificationum successum in tali casu habet *Parvus* (a). Homini ense vulnus jugulo infligebatur, discindens asperam arteriam pro parte & unam ex venis jugularibus, unde ingens hæmorrhagia & sibilus ob aerem per vulnus asperæ arteriæ elabentem : futura uniuntur vulneris labia, & remedia adstringentia applicata fuerunt. Paulò post aer se insinuans in tunicam cellulosa non tantùm vicina vulneri loca, sed totum corpus miro tumore distendit. Facies sic inflata erat, ut nec oculorum nec nasi vestigium appareret. Dum miserrimo hoc in statu ab omnibus pro derelicto haberetur, peritissimus Chirurgus audacter pluribus & quidem satis profundis scarificationibus cutim pertudit, ut via fieret aeri incluso; & adeo felix fuit successus, ut integram sanitatem recuperaverit ex ipsi orci faucibus ereptus vulneratus.

Longè tamen sæpius hæc emphysemata pectoris vulnera comitantur, si in cavum thoracis penetraverint, quia aer per vulnus in pectoris cavum ingressus sæpe non potest faciliè exire per vulnus, vel nimis angustum, vel occlusum quacumque de causa, unde rarefactus calore vitalium viscerum viam quærît in membrana cellulosa. Si autem pulmo læsus aerem inspiratum dimiserit in pectoris cavum, faciliè patet, horrenda posse fieri emphysemata, novo aere singulis inspirationibus accedente.

§. 245. **SI** sola ergo integumenta læsa sine dictis (241. 242. 243. 244.) facilis sanatio per ligaturam idoneam, & curationem descriptam (ab 185. ad 239.) licèt sæpe appareant maxima : inprimis verò juvat recens esse, dum incipit curari, rite uniri, rarò deligari, & citissimè, atque defendi cum cura à nimium humidis, aut laxantibus, & oleosis, ipsòque aere.

Ubi ergo consiliit, sola integumenta communia læsa esse, nec ulla maligna symptomata adsunt, quæ metum faciant, ne in interioribus aliquid mali lateat; nihilque deprehenditur ex illis malis, quæ paragraphis hîc citatis enumerata fuerunt, felix sanatio meritò expectari poterit. Ex hæcenus dictis satis quidem consiliit, nunquam capitis vulnera vilipendenda esse, cum etiam talia, quæ levissima apparebant, pessimum aliquando habuerint eventum; tamen solis integumentis communibus læsis, maxima quamvis vulnera capitis fuerint, felicissimè solent & satis citò sanari: vulneris enim magnitudo hîc rarissimè vel nunquam nocet; cum contra minima vulnera, ob rationes §. 243, dictas, ingens sæpe periculum adferant, quod evitatur inprimis vulnus nimis angustum dilatando.

Quod in omnibus vulneribus obtinet, hoc præcipuè in capitis vulneribus, quæ sola integumenta lædunt, locum habet; nempe eò felicius curari, quò recentiora fuerint & adhuc sanguinolenta: omnium enim optima dispositio est tunc in partibus divisis, ut ad se mutuo adductæ iterum concresecant; uti in cura generali vulnerrum dictum fuit. Omnia ergo illa, quæ ibi monita fuerunt, hîc etiam convenient. Quædam tamen singularia in capitis vulneribus, licèt sola externa læsa sint, observanda sunt.

(a) Liv. X. Chap. xxx. pag. 249.

Ligaturæ, quæ apparatus retinendo, vel partibus separatis ad se mutuò adducendis interserviunt, debent esse tam moderatæ, ut leviter tantum firmant partes: si enim validius adstrictæ fuerint, integumenta externa premuntur ad duram calvariam undique hic suppositam, unde compressio vasorum, inflammatio, & reliqua unde sequentia mala oriuntur. Solent semper molliantur ligaturæ uti Chirurgi periti in his casibus. Unio autem labiorum dehiscientium non adeo fit ob eandem rationem per splenia & fascias, sed facillimè obtinetur per emplastra tenacia, sive futuram dictam siccam; quia hæc vulnera solam ferè tantum cutim dividunt, & subiecta membrana cellulosa tenuis cuti adhærens facillè sequitur.

RARO DELIGARI ET CITISSIME. Peritissimi Chirurgi in similibus casibus vix aliquid agere videntur, dum summâ prudentiâ evitant plurima symptomata, quæ, minus peritorum incuriâ orta, postea sæpe magno Artis molimine tolli debent. Totum enim, quod hic requiritur, est ut recrescant & uniantur separata capitis integumenta. Sed hoc totum, uti jam sæpius in generali vulnere cura dictum fuit, natura sibi soli sufficiens perficit; Ars tantum impedimenta tollit, & addit adminicula. Ubi ergo omnia phænomena doceant, rectè procedere curam, quid juvabit sæpius detegere vulnus, & aeris insolito attactui exponere renascentia pulposa vascula? Et vana illa depuratio vulnere, quæ detergendo plumaceolis fit, destruet illud, quod renasci incipit. Sufficit ergo rarior denudatio vulnere. Si enim aliquid mali lateat, vel puris major copia prudentem abstersionem requirat, calor & levis pruritus circa vulnus monebunt: olfactu detegi poterit facillè, si aliquid putridi adsit; symptomatum autem malignitas aucta indicabit statim, si quid magis sinistri metuendum sit. *Cæsar Magatus*, qui raram deligationem vulnere solidissimis argumentis & pulchro effectu utilissimam esse adeo evidenter demonstravit, dum de capitis vulneribus simplicibus sine ossis denudatione agit, unitis vulneris labiis, & abietinâ lacrymâ cum mastiche & sarcocolla applicatis, noluit intra quatrimum solvendum esse apparatus (illo enim tempore jam agglutinatio facta erit; ubi verò ablata substantia, vel hiatus labiorum vulnere requirebat perdit regenerationem, usque ad septimam diem solutionem vulnere differri voluit (a). Quotidie quidem, imò & sæpius de die, poterit, accedere Chirurgus, ut inquirat, an aliquis dolor, pruritus, major calor, &c, percipiantur; poterit subolfacere, an aliquid putridi adsit; sed si nihil tale inveniatur, præstat relinquere apparatus. Si verò novus apparatus apponi debeat, fiat hoc citissimè, & omnia applicanda jam præstos sint, antequam detegatur vulnus. In reliquis corporis partibus vulnera, quæ sola integumenta dividunt, sæpius nudata & detergenda, præter retardatæ curæ cædia, plerumque non adeo multum mali faciunt: sed in capite, ubi vitia integumentorum tam facillè subiecto pericranio & ipsi calvarie communicantur, majus inde periculum nascitur: unde rara horum vulnere deligatio non satis inculcari posse videtur. Ubi fractis ossibus unà vulnus mollium partium incumbendum adest, restituito osse apparatus sæpe per septimanas relinquitur; felicissima tamen cura vulnere, fracturam comitantis, sequitur, licet nulla depuratio facta fuerit per Artem.

DEFENDI CUM CURA A NIMIUM HUMIDIS, &c. Tenerrima hæc subiacet, & facillimè dilatabilis, membrana cellulosa, naturaliter inter densam ca-

(a) *Cæsar Magati* de rara medicat. Vulnere. Lib. II. Cap. xxvi. pag. 219. & seq.

pitis cutim & calvariam suppositam coercita : ubi ergo vulnere divisis integumentis humida & laxantia applicantur, membrana cellulosa his emollita luxuriabit, alienis liquidis implebitur, & degenerabit in fungosam molem, postea suppuratione iterum separandam, quæ, ubi valida & diuturna hic adest, ferè semper subiectum pericranium malè afficit. Hinc communi consensu omnes periti Chirurgi horum usum in capitis vulneribus damnant, Hippocratem secuti, qui dixit : *Capitis ulcus (vulnus) nullâ re madefaciendum, ac ne vino quidem, aut quàm minimùm : neque cataplasmata. .... postulat (a).* Et eodem in libro postea addit (b), *vitiosa autem est ulceris (vulneris in capite) caro humida, & nimia uligine marcescens ( & pudet, ) idque longo tempore repurgari.* Et postquam sic monuit, à telo namque tum concisas, tum collisas carnes in pus verti ac tabescere necesse est ; dicit, quàm celerimè vulnus ad suppurationem deducendum esse : *at ubi repurgatum ulcus fuerit, sicciis evadat oportet : sic enim citissimè sanescet, & caro sicca minimèque humida succrescet, &c.* Ubi ergo contusio vulnus comitans fomenta requirit, vinum adhibent semper Chirurgi hodie, ne à solis aquosis nimia laxitas oriatur. Ob eandem causam omnia pingua in vulneribus capitis curandis vitantur, quæ præter nimiam laxitatem, quam inducunt, etiam oleosâ tenacitate minima vascula obstruunt & faciunt imperspirabilia. Observaverant in Italia (c) & inprimis apud Florentinos, capitis vulnera difficillimè sanari, illudque latentis aeris qualitati adscribebatur : sed Auctores plures animadverterunt, quòd oleum rosaceum ompbacinum vulnere applicent, & vicina loca etiam hoc oleo inungant (d). Atque inde monuerunt vel nullos omnino, vel paucissimos tantùm evadere, licèt leviter tantùm vulnereati fuissent. Unde & Severinus (e) olei funestum usum deplorat, qui Neapoli communis erat in capitis vulneribus ; & dicit, quòd levissimæ etiam plagæ malè cederent præter opinionem, & ex centenis vix unus evaderet ; cùm Melitæ Medici tam felici successu œnelæo uterentur ; ut ex centenis vulneratis vix periret unus : fractâ nempe admisso vino oleosâ tenacitate.

**IPSOQUE AERE.** Non quòd maligna quadam indole noceat semper, licèt possit aer in nosocomiis, ubi plurimi in eodem loco decumbunt, putridis exhalationibus inquinatus, cuicumque etiam vulnere obesse ; sed quia insolito frigore tenerima vascula emori facit ; vel & aliquando nimis humidus simul laxando & emolliendo nocere poterit. Unde rara vulneris defectio etiam ob hanc causam laudatur ; & ubi vulnera capitis deligantur, aeris temperies sicca & calida inprimis commendatur, quod igne & aromatibus accensis, ut succino, massiche, olibano, &c. obtineri poterit. Videantur & de his illa, quæ dicta sunt in *Commentariis* ad §. 200.

§. 246. **SI** adsint verò descripta (241) utendum remediis variis (185 : ad 239.) pro varietate partis affectæ (241) & mali.

Paragrapho 241, recenscebantur illæ partes, quarum vicinia periculum addebat

(a) Lib. de Capit. vulner. Cap. XVII, Char. ser. Tom. XII, pag. 122.  
(b) Capit. XXVI. ibid. pag. 125. 126.  
(c) Lud. Duret, Comment. in Cœac. Hip-  
poc. pag. 429.

(d) Bonet Anatom. pratic. Tom. III, pag. 341.  
(e) M. Aurelii Severini trimemn. Chirurg. p. 210.

levibus cæteroquin apparentibus capitis vulneribus. Facile jam patet, circa curam malorum, quæ ex hac causa oriuntur, nihil universaliter posse determinari, sed prius debere cognosci partem vulneri vicinam; & deinde, quænam læsio huic parti per vulnus facta fuerit, vel futura metuatur, antequam aliquid certi statui possit in curandis vel præcavendis illis malis. Aliud enim requiritur auxilium, ubi vasa sanguinea arteriosa, satis insignia sæpe, unâ cum integumentis capitis communibus effusa sunt, quàm si tendinis læsio funesta symptomata fecerit: sed de illis, quæ observari debent in vulnere pro læsarum partium diversitate, dictum fuit in generali cura vulnorum à §. 185, ad 239, usque.

§. 247. **C**ONTUSA hic (242) rite digerenda his, quæ dissipare possint, vel suppurare, modò eligantur semper ea, quæ bona nervis membranisque (204. 207. 245.) aut excindenda sunt.

Contusio supponit multa vasa fracta esse, & humores effusos, qui tunc in membrana cellulosa collecti miros sæpe tumores faciunt: & nisi instrumentum vulnerans valde acutum fuerit, sæpe semper aliqua contusio vulnera capitis comitatur. Requiritur jam, ut humores effusi educantur, vel disponantur, sic, ut resorberi iterum possint; & vas fractis reddatur pristina integritas. Si autem contusio levis fuerit, & liquida effusa adhuc meabilia sint, tunc tutissimum est, ut dissipentur; quod pulcherrimè fiet, si foveatur locus talibus remediis, quæ concreta liquida diluere & resolvere possunt, & simul omni putredini resistent, nec interim nimis emolliunt. Urina hominis sani, addito paucò sale marino vel ammoniaco, & vino, pulcherrimum hic remedium exhibet, quo toties felicissimè dissipantur tumores à capitis contusionibus in pueris orti. Talia etiam ex ruta, scordio, & similibus parantur fomenta, quæ vi antiseptica singulari omnem putredinem arcent, & simul potentissimè resolvunt concreta. Neque tantùm leviores contusiones hæc sanare possunt, sed etiam satis magni tumores sic feliciter dissipantur, quibus incisio sola opem ferre posse crederetur. Mulier à curru decedens frontem humo gelu indurata sic impegerat, ut ingens statim ibidem elevaretur tumor. Chirurgus, mulierem aliquoties vomuisse intelligens, cranium impressum esse credidit, jamque cruciali incisione locum aperire volebat. Celeberrimus *Ruyfchius* in consilium vocatus noluit incisionem fieri; sed fomentum ex optimis cephalicis dictis herbis, vino incoctis, pannis laneis exceptum, calidè applicuit, felici adeo successu, ut intra triduum tumor jam evanescere inceptit, & brevi sine ullo malo symptomate dissipatus fuerit. Ad distique, se fæpissime profuisse illis, quorum caputibus jam scalpellum incisorium imminebat (a).

Ubi verò frustra per fomenta talia dissipatiæ contusorum tentata fuit, vel magnitudo mali nullam benignæ talis resolutionis spem relinquit, tunc suppuratione blanda factâ separatio illius, quod corruptum erat, sola superest. Hoc autem vocant digerere Chirurgi, quando irresolubilem materiam in bonum pus convertunt; & digerentia remedia dixerunt illa, quæ humores effusos vel immixtos, ad con-

(a) Fred. Ruyfch. Observat. Anatom. Chir. Centur. Obs. 60.

ditionem boni puris deducunt; de quibus dictum fuit in *Commentario* ad §. 207. Sed in capitis vulneribus semper simul attenditur, ne adhibeantur talia, quæ nimis emolliitione nocere possent; hinc à cataplasmatibus abstinendum, quia nimis humectant: sed sumitur terebinthina purissima, vel aliud simile nativum balsamum; vitello ovi addito frangitur nocitura hic oleosa tenacitas; additur deinde aliquid unguenti basilici, aurei, vel similis; inspergitur deinde aloes, myrrhæ, olibani, &c, tenuissimus pulvis: sic habetur digestivum remedium, in quo simul illa sunt, quæ omni putredini efficacissime resistunt; & nervis & membranis, nervosis tendinosive amica semper observantur: hoc plumaceolo exceptum loco affecto applicatur; deinde imponitur emplastrum aromaticum, quod partes fovet, & levi stimulo majorem harum motum excitat suppurationi promovendæ semper utilem. Omnibus dein his circumponuntur lanei panni, fomento penetrabili dissolvente, & simul omni putredini resistente, madidi; curando ut quàm calidissime ferri possit applicetur, neque subito refrigeret. Horum omnium formulæ in *Materia Medica* habentur, quæ pro varia vulnerati temperie, & diversâ anni tempestate iterum mutari possent.

Ubi autem effusis humoribus infarcta membrana cellulosa in magnum tumorem distenditur, sæpe suffocatio hic nascitur, & sæpe gangrænosa facta hæc membrana unâ cum infarctis humoribus separatur: hæc tunc tutò excindi potest. Videmus enim etiam in aliis corporis locis miro modo tumere posse membranam cellulosam: v. gr; in dorso manûs vix ulla adest pinguedo, sed tendines musculorum in tenui membrana cellulosa hærent: tamen ortâ hic inflammatione sæpe tumor, binos pollices crassitudine æquans, hic observatur, & totum hoc in membrana illi tenui cellulosa hæret: fit tunc suffocatio, & aperto loco magnæ portiones gangrænosæ illius membranæ exeunt, quæ tutò excinduntur. Idem etiam in capitis læsionibus potest contingere, & similiter membrana hæc unâ cum extravasatis humoribus corrupta feedit. Non autem hic intelligitur, quodd contusa, quæ resolvi non possent, crudeli curâ excindenda forent unâ cum cute tegente; noceret enim summopere tam latam plagam pericranii integumentis suis nudare, quæ non faciliè recrefceret, sed semper debiliior, & externis injuriis facilius afficiendus, locus relinqueretur, non sine magno incommodo. Unde sedulo monuit *Galenus* (a) cutim in omni ulcere & vulnere semper conservandam esse, quantum fieri potest, nam *nuda caro, si sine cute relinquatur, ægre ad cicatricem perducitur*. Hujus rei triste Exemplum vidi. Homini sano mediæ ætatis lata verruca circa frontis lateralem inferiorem partem prope tempora hærebat; cùm frustra tentata fuisset variis remediis, peritissimus cæteroquin Chirurgus unâ cum cute totam verrucam excidit, nec potuit unquam ulis remediis ad cicatricem deduci locus ille cute orbatus; sed sensim undique retractâ plûs cute nudabantur supposita; malignum & depascens vicina nascebatur ulcus; unde misere periit. Nec mirum, cùm solum pericranium nudo ossi incumbens non videatur sufficere ut tantum perditæ substantiæ regeneret. Unde tantum hic agitur de membrana cellulosa infarcta & corrupta, quæ tutò tunc abscindi potest.

(a) *Comment. III. in Hippocr. Lib. de Fracturis, Text. XLIII. Charter. Tom. XII. pag. 254.*

§. 248. **S**I adfit malum (244) dilatare cultro, & depurare opus (238. 207. 208).

Tota enim malignitas talis vulneris in eo confistit, quòd effusi humores, densâ capitis cute coerciti, nec potentes exire per angustum nimis vulneris orificium, viam sibi querant per tunicam cellulosam; vel morâ corrupti pericranium, & ipsum cranii os, malè efficiant. Dilatato ergo vulnere exitus patebit extravasatis humoribus, & idoneis remediis poterit depurari locus. Cognoscitur tale malum adesse si angusta vulneris sit apertura, & integumenta vicina vacillent, si digito tangantur, & tumeant, & si febris prehenderit vulneratum, cujus nulla alia causa invenitur.

Nec ullum periculum hic est, ne lædantur tendinosæ expansiones, nam omnis ille tumor in tunica cellulosa hæret, quæ tunc unâ cum cute discinditur: & innumera Observata docuerunt, tunc non solam cutim, sed & omnia integumenta ad os usque discindi posse, ubi hoc requiritur.

*Hippocrates*, dum recenset capitis vulnera, quæ sectionem postulant, enumerat (a) & illa, quæ non satis idoneam habent longitudinem & latitudinem, quâ perspicì possit, numquid os sub telo malè affectum sit. . . . Atque etiam ubi os quidem carne nudatum fuerit, ulcera (vulnera) autem obliquam quamdam cavitatem habeant, abunde cavum incidere oportet. . . . Sed & (vulnera) ulcera orbiculata & admodum cava, ejusmodi quoque incidere oportet, ut orbe in longitudinem bisariam diviso, prout est hominis natura, ulcus (vulnus) longum efficiatur.

Quantum autem levamen symptomatum fiat, dum in tali casu sectio, in tempore instituitur, consistit Exemplo §. 243, memorato. Postquam autem dilatatum vulnus est, tunc illa digerentia, quæ paragrapho præcedenti laudata fuerunt, applicari poterunt; & de vulnere depuratione, §. 207. 208, dictum fuit. Sola autem dilatio vulneris, quæ cultro fit, hic bona est: illa enim quæ spongiis, vel similibus siccis corporibus, absorptu humorum tumentibus, perficitur, (vide §. 238) noceret plerumque, quia per aliquot horas obturatur his sic vulneris orificium, ut nihil exire possit: unde sæpe emphysema, & alii tumores nascerentur. Præterea contusio & inflammatio major in vulneris labiis fiunt: quæ postea diutius protractam suppurationem requirent, antequam consolidari iterum poterunt.

§. 249. **P**ERICRANIO læso, ut nudet diu os, vel ut putrescat, os privatur vasis periostei, adeoque & suis; stagnat in his liquor; putrefactus squamam separat; unde os flavum, fuscum, nigrum tandem foliolum deponit.

Postquam actum fuit de vulneribus capitis, quæ sola integumenta communia lædunt, sequitur, ut examinentur illa mala, quæ fiunt ideo, quia pericranium læsum est. Ut ossa reliqua in toto corpore peculiari membranâ teguntur, quæ satis arctè adhæret, sic & cranii os tale involucrum habet, quod pericranium vocatur. Demonstravit injectionibus Anatomici *Ruyfchii* (b), innumera vasa

(a) Lib. de Capit. vulner. Cap. xviii, Char. ter. Tom. XII, pag. 113.

(b) Theaur. Anatom. n°. 3.

per hanc membranam dispergi, quæ ramis emissis subiecto ossi inferuntur, illique ad vitam & nutrimentum necessarios humores præbent. Per hæc vasa emissâ acta sit cohesio pericranii cum cranio : unde & hæc membranâ avulsâ ab ossæ subiecto, in vivo animali, puncta plurima rubra in ossæ apparent. Non poterit ergo pericranium lædi, quin destruat magnus horum vasorum, ad os tendentium, numerus. Sed extrema abrupta vasorum, in ossis defecti superficie externa, poterunt retexere iterum similem membranam in illo loco, ubi os pericranio suo nudatum fuit, communi lege, quâ omnia deperdita vel separata in vulneribus recrecent, ut antè dictum fuit §. 158. n°. 10, & §. 190, & 191. Ubi verbò diu nudatum fuerit os, & inprimis si aer libere accesserit, tenerrima illa vasorum extrema destruantur, & fiunt penitus inepta, ut retexant similem perditæ membranæ fabricam. Extrema ergo illa ossis superficies, vitali influxu liquidorum orbatâ, moritur, nec unquam poterit recrecent cum partibus vivis : unde natura tunc molitur per vasa viva supposita mortui & corrupti separationem à supposita parte vitali & sana, & squamulam illam mortuam protrudit ; quâ separatâ recrecent ex ossæ ipso, & vicinâ membranâ adhuc integrâ, novum pericranium. Signum autem ossis sic affecti est mutatio coloris, qui in ossibus sanis subrubescens leviter, vel & in multis locis ex albo subcærulescens habetur. Oritur tunc in loco affecto color flavus, sensim obscurior factus, & in fuscum degenerans, tandem nigrescens, & ultimò corrupti ossis squamula separatur. Quò jam ossis color à naturali magis vergit in nigredinem, eò plùs in corruptionem tendit, ut evidenter patet in dentibus : illi enim à quacumque causâ malè affecti incipiunt subcærulescentem, margaritarum ferè æmulum, colorem perdere, & sæpe primò pallent, dein flavescunt leviter, sensim magis fusci fiunt, tandem nigrescentes frustillatim decidunt. Constat jam accuratissimis Observatis, ossa cranium constituenta in fœtu olim fuisse membranas cartilagineas, in quarum medio ossis primum rudimentum inchoatur, radiis ossis ab hoc centro per omnem ambitum diffusis : sicque primò interna tabula ossea cranii, vitrea dicta, producitur. Deinde radii illi ossis, sive fila illius reticuli, ab exteriori parte sensim latefcunt, & erigunt bracteolas, inter se diversas magnitudine, figurâ, positu, ex quibus diploe cranii exoritur. Vertices dein harum bracteolarum quibus diploe constat, quasi retunduntur, hæc deinde latefcunt, aliisque super alios squamularum instar inclinati confluunt in unius lamellæ inæquabilis speciem, quæ tabulam cranii exterioriorem constituit. Utraque dein tabula crassior fit & solidior : nam & intumescunt radii illi ossis & bracteolæ, & novæ crustæ accedunt. Ex hac ossium cranii genesi, non ex hypothesi sed ad ipsam naturam descripta à celeberrimo Albino (\*) (quem in Anatomicis Præceptorem habuisse magnam felicitatem duco ; & gratus semper recordabor) patet lamellatam fabricam esse ossium bregmaticis, occipitis, frontis, temporum, quæ inprimis à vulneribus capiti inflisctis lædi possunt ; unde vitium à pericranio læso superioribus lamellis ossis succumbentis communicari poterit, & plùs minùsve suppositis lamellis nocere. Et admodum verosimile videtur, inter singulas lamellas vasa decurrere, saltem in illa ætate, quando nondum adeo magnam soliditatem acquisiverunt ossa ; fortè postea procedente ætate, ut alia plurima in corpore vascula sensim obliterantur. Confin-

(\*) Bernard. Siegfried. Albini, &c. Icones Ossium fœtus, &c. pag. 6, & 7,



mant hanc rem Observata quædam, ubi partes os constituentes, per morbum omni dimensionē auctæ, exhibuerunt pulpofam talem & mollem vascularem fabricam. Infantis enim trium quatuorve annorum ossa cranii serè ubique habebant septem vel octo linearum crassitiem; mollia erant, & pressis exsudabat sanguis & lymphæ satls magnâ copîâ: simul & vasa sanguinea admodum conspicua apparebant (a). Hanc rem pariter videtur agnovisse Hippocrates, dicens: (b) *At totum capitis os, si supremam atque infimam partem admodum exiguam demas, spongiæ simile, multasque carnes humidâs similes in se habet, quas si quis digitis conterat, ex ipsis sanguis prodit. Insunt quoque in osse venulæ tenues, & cavæ, sanguinis plenæ.* Lamellæ ergo, omni vitali influxu humorum privatæ, separabuntur vi vasorum inter lamellas medias decurrentium; saltem si hæc jam arctius ad se compressis lamellis ossis oblitterata fuerint, illa vasa, quæ ex molli illa spongiosa parte, inter binas cranii tabulas mediâ, quam diploen vocant, in os tendunt, hoc facere poterunt. Inde fortè senibus difficultius separantur ossæ lamellæ corruptæ, & simul utilitas methodi §. 252, describendæ deduci poterit.

Licet ergo, osse pericranio suo nudato, si simul insignis mutatio coloris apparuerit, expectanda sit separatio lamellarum corruptarum per exfoliationem Chirurgis dictam, tamen rarus casus docuit, aliquando & sine hac (rarissimè forsan) curam absolvi. *Vir ab equo in capite percussus, in terram tanquam mortuus cecidit, cum tanta alterius ossis sinuipitis denudatione, ut Imperialis tegendo vix sufficeret. Hæc ossis denudatio in totum nigricabat, circulo excepto, qui cuti proximus straminis latitudinem obsidebat. Hoc circulo albo de die in diem diminuto, patiens convalescit, sine ulla visibili ossis separatione, aut raspatorii usu, &c. (c).* Fortè minima pars superficiæ ossis affecta non formâ squamulæ, sed minutissimis particulis separata, sensim cum pure abscessit.

§. 250. **C**UJUS causa (149) interrupta vasorum continuitas, frigûve aeris constringens, & exsiccans fines vasculorum in osse; falsò accusatâ ejus malignitate.

In generali vulnerum Historia dictum fuit §. 149, lædi per vulnus omnes illas actiones, quæ pendent à partium, nunc per vulnus separatarum, integritate, & à determinato fluxu liquidorum per vasa. Sed pericranii usus erat vasa ad os deferre, & redeuntia ab osse accipere; quod imprimis in periosteo factûs artificiosâ impletione vasorum apparet. In hac enim ætate numerosiora longè vasa in hac membrana inveniuntur, cum plurima procedente ætate occalescant & deleantur (d). Destructo ergo pericranio tolletur vasorum continuitas, unde vita & nutritio partium pendent: morietur ergo illa ossis pars, quæ sic omni vitali influxu humorum privatur, & separabitur à partibus vivis suppositis.

Quia autem Chirurgi semper observabant, ossis superficiem; pericranio suo nudatam, non posse diu exponi aeri, quin ossis corruptio & exfoliatio sequeretur;

\* (a) Académie des Sciences, l'an 1734. Hist. pag. 60.

(b) Lib. de Capit. vulner. Cap. II. Charter. Tom. XII. pag. 116.

Tomus I.

(c) Fred. Ruysch, Observat. Anatom. Chirurg. Centur. Observ. V.

(d) Bernard. Siegfried Albin. &c. Icones ossium factûs, &c. pag. 160. fig. 163.

cum e contra os, quamvis pericranio nudum, si ab aere statim defensum foret, sanissime sanetur sine ulla separatione; crediderunt in aere aliquid hæere maligni, quod ossa corrumperet. Verum quidem est, in aere posse hæere plurima, quæ non tantum ossibus detectis, sed & omnibus vulneribus nocent; uti, dum in Nosocomiis plurimi in eodem loco decumbunt, tuncque putridis exhalationibus inquinatus aer difficilem curam vulnery reddere observatur. Sed hæc sunt ab aere propriè dicendo distincta, licet in aere hæreant. Videtur autem aer libere ossa nuda alluens insolito frigore, & illà proprietate, quâ, humida attrahendo, corpora exsiccat, abrupta extrema vasorum in superficie ossis sic exsiccare & constringere, ut humoribus transmittendis omnino reddantur impervia; unde reliqua omnia mala sponte sequuntur, ut dictum præcedenti paragrapho. Unde Hippocrates nullam aeris malignitatem incusavit, sed dixit simpliciter (a). *Frigidum inimicum ossibus, densibus, nervis, &c.*

### §. 251. EFFECTUS verò, augmentum malorum (249).

Dum superior squamula ossis, vasis suis privata, corrumpitur, vitium hoc succumbenti immediate ossis parti facillè communicatur; sicque per totam ossis cranii crassitiem pergere poterit ad diploen usque illamque corrumpere; quod malum dein internam cranii tabulam, vitream dictam, afficere poterit, vel inter binas osseas tabulas cranii proserpens in diploe pessima mala facere.

§. 252. CURATIO fit 1. Os leviter parvâ terebrâ diversis, vicinisque locis, usque ad medium perforando, unde exfoliatio caveatur, periosteum inde renascitur. 2. Inde arcendo pus, saniem, pinguis, aquea, aerem, applicatis plumaceolis spiritu vini mastichino imbutis. 3. Rarò, & citissimè deligando.

1. Ubi signa docuerunt, cranii os pericranio suo nudatum, aerisque libero accessu sic mutatum fuisse in sua superficie, ut omnis vitalis motus humorum in parte sic affecta suffocatus fuerit, necessariò illud mortuum separari debet à partibus vivis, quibus cohæret, antequam tale vulnus curari possit. Sed totum hoc separationis opus per vasa viva, mortuæ parti supposita, perfici debet, quæ motu suo & continuâ quasi arietatione partem ossis mortuam separant & expellunt. Pulchre hoc notavit Hippocrates dicens: (b) *At verò in capitis vulnere os, quod ab alio quovis osse abscissum est, sive teli vestigium in osse relictum sit, sive alioquin os plurimum nudatum sit, plerumque abscedit, ubi exsanguis redditum fuerit, (ἀφίσταται ἢ πύλο ἰξαιμω)* & postea addit: *ideo ab alio osse vitam & sanguinem habente potissimum absolvitur, & cum exsanguis & siccus reddatur ab eo quod vitam & sanguinem habet, valde abscedit.* Sed si hoc opus naturæ permittatur, lentè admodum procedit, & quadraginta dierum, imò & aliquando longiori temporis spatio, solet perfici. Tot

(a) Aphorism. 18. Sect. V. Charter. Tom. IX. Part. II. pag. 104. (b) Lib. de Capitis Vulnere. Cap. XXVII. Charter. Tom. XII. pag. 116.

enim diebus observantur margines foraminis , per trepanum excisso osse contusi , separari ( vide §. 194. ) Sed hoc temporis intervallo plurima possunt acciderè mala tali vulnere , & vitium ossis potest subjectis lamellis communicari , sicque augeri malum. Inprimis in Nosocomiis publicis decumbentes pessimè plerumque solent affici , si diu cogantur ibi manere ; uti Chirurgi ferè omnes , qui Nosocomiis præfuerunt , testantur ; omniùmque maximè funestum hoc observatum fuit illis , qui capitis vulneribus decumbebant. Unde pulchrum illud erit in Arte inventum , quo poterit separatio corrupti ossis à sano accelerari. Tentaverunt hoc scalpris radendo , cauteriis urendo , &c : sed sic semper abrafà vel usta superficies iterum separari debet. Tota separatio mortui , ut dictum fuit , pendet ab actione vivæ partis suppositæ ; omne ergo illud , quod viam faciet vivis vasis subjectis , ut emergere possint sub hoc tegmine corruptæ partis , accelerabit hanc separationem. Optima ergo methodus hæc est , ut leviter & parvâ terebrâ os nudatum perforetur minutis , & satis sibi vicinis foraminulis ad diploen usque , ubi certi sumus vasa viva copiosa & satis magna hærec. Hoc fecerunt vel pyramidali apice trepani perforativi dicti ; vel & pulcherrimo cum successu factum vidi , dum acûs vulgaris apex in parvum cuneolum formabatur , qui apto manubrio firmatus digitis rotando circumactus rotundum foraminulum in osse sic facit. Dùmque hoc plurimis in locis satis vicinis fit , vasa viva supposita , incumbente tegmine libera , emergunt per hæc spiracula , retexunt novum periosseum , & sæpe feliciter sine ulla desquamatione sanatur tale vulnus. Præterea vasa , inter lamellas ossis media per easdem aperturas emergere possunt elongata , & separare sic ossis squamulam corruptam incumbentem. Pulcherrimi successus probaverunt hujus methodi utilitatem ; & peritissimus Chirurgus *Bellostius* , cui hoc inventum debetur , vel qui saltem primus accuratè descripsit , testatur , se plurimis in casibus felicissimas sic perfecisse curas , & in pulcherrimo , quem scripsit , tractatu , bina recenset Exempla , quæ in Nosocomio publico coram plurimis testibus hanc rem confirmaverant.

Militi globus tormento majori bellico explosus abstulerat integumenta capitis communia , osse illaeso , sed pericranio sic contuso , ut penitus livesceret. Unguibus laceravit pericranium , & os subjectum nudavit , dein subitissimè os leviter sic terebravit pluribus locis. Post biduam soluto apparatu os subrubescens apparebat ; & post aliud biduam plûs quàm dimidia pars ossis nudati , renato novo pericranio , testâ apparebat ; & post septimum diem tota ossis superficies jam erat testâ omnino , totùmque vulnus octodecim dierum spatio consolidatum fuit. Alteri militi , cæsum insiicto vulnere ossi bregmatis sinistro , cranium satis amplo in loco nudatum erat : octo vel decem parvis foraminulis secundâ vulneris deligatione pertunditur os nudum , sic tamen ut non penetrarent ad diploen usque , reliqua siebant omnia eadem ut in priori casu. Post biduam detecto vulnere os jam incipiebat subrubescere , & per foraminula facta apparebat jam aliquid exurgere : post octiduam jam os testum apparebat novâ membranâ , & tota tam ampli vulneris curatio septemdecim diebus abolvebatur (a).

Ex his binis casibus utilitas hujus methodi satis evidenter apparet , & patet , tantum requiri huc , ut per Artem via concilietur libera vasis vitalibus suppositæ.

(a) Le Chirurgien d'Hôpital , &c. par M. Belloste , pag. 75-79.

ris, ut emergere possint. Ultimo autem Exemplo constitit, non semper requiri, ut ad diploen usque os perforetur, sed, levi tantum aperturâ factâ, vasa inter ossis lamellas media sufficere aliquando posse, ut regenerent pericranium perditum; cum moneat in loco citato peritissimus ille Chirurgus, quod de industria hoc tentaverit, ut certus esset, an levis talis ossis terebratio ad hunc scopum sufficere posset. Ubi verò mutatus ossis nudati color in flavum, vel magis fuscum, docet corruptionem ossis profundius penetrasse, perterebratio ossis ad diploen usque necessaria erit, ut vasorum satis magnorum hic hærentium vi fiat separatio corrupti ossis, & regeneratio novi pericranii.

An non videtur probabile, quod jam apud Hippocratem pulcherrimæ hujus methodi vestigium reperiatur, dum dicit (a): *Verum ubi os carne nudatum fuerit, animi intentione adhibita, conandum est ut dignoscas, si minus id licet oculis videre & cognoscere, num os fissum sit & collisum, an collisum tantum, vel num ad teli vestigium collisio, vel rima, vel utrumque accesserit. Ac si quid horum senserit (os), per exiguum terebram perforato osse sanguis detrahendus, subinde adhibita cautione quod os juvenum quam senum tenuius sit, &c?* Certè simul ac ad diploen usque penetraverit terebra, sanguis erumpet, uti notum est: & videtur satis patere, quod in hoc loco non agatur de osse excindendo per trepanum, sed de levi tantum perterebratione parvo trepano factâ, donec sanguis exeat, id est, donec ad diploen penetra-verit.

2. Observata omnium Chiturgorum, qui de vulneribus capitis curandis scripserunt, in hoc conveniunt, quod omnia pinguis, omnia aquosa humectantia noceant vulneribus capitis, uti dictum fuit §. 245.

Longè magis ergo ab his cavendum, ubi os nudatum fuerit, & tenerrima vasa per hæc foraminula facta incipiunt pullulare; aquosa enim tabescere facerent adeo pulpofa hæc vascula, oleosa obstruerent eadem & redderent impervia. Imò ipsum pus, ex integumentis vulneratis natum, si nimis copiosum alluaret, vel diutius retentum & attenuatum acrius fieret, ledere posset tenerrimam hanc renascentium vasculorum compagem; unde prudentissimè detergi debet, mollissimis linteis carptis, ne lædantur hæc tenerrima vascula. Aerem pariter arcendum esse, ne frigore insolito vel exsiccatione destruat eadem hæc vascula, ex antè dictis satis patet. *Bellosius* in loco citato plumaceolum ex linteo carpto spiritu vini madidum applicabat ossi nudato; deinde huic imponebat leve digestivum, quod sic os non tangebatur, sed labiis vulneris integumentorum proderat. Sic aer arcebat, omnis putredo præcavebatur, & roborante vi spiritûs vini impediabatur ne in fungosam excesscentiam degenerarent pulpofa hæc & tenerrima vascula. Optimo cum successu massiches, olibani, farcocollæ, myrrhæ, colophoniz & similium, tenerrimum polli-nem ossibus nudatis inspergi constat, quæ crustâ balsamicâ tegunt, nec tamen pinguedine nocent; interim pulcherrimè defendunt ab aere & omnibus liquidis in vul-nus effusis partes suppositas. Eodem cum fructu horum pulvis in spiritu vini debiliore coctus (alcohol enim combureret illico hæc vascula) plumaceolis excipitur, & ossi nudo applicatur.

3. Nihil enim hic magis metuitur, quam liber aeris accessus, qui frigore & exsiccatione omnibus vulneribus, sed inprimis capitis, nocet. Unde rara delig-

(a) Lib. de Capitis vulner. Cap. xxx. Charter. Tom. XII. pag. 157.

gatio adeo commendatur in his casibus. *Bellostius* in Exemplis modò citatis primum apparatus par biduum relinquebat, & postea tantum singulis tribus diebus renovabat. Si ergo nullus pruritus, nec major calor circa vulnus sentiantur, nullus adfit fœtor, nihil sanioles exeat, tutò sine deligatione relinquitur tale vulnus. Ubi verò novus apparatus applicari debet, fiat hoc citissimè: mollissimis plumaceolis lenissimè appressis inbibatur pus, mox applicentur eadem, & tegatur vulnus: curiosa enim & diuturna talis vulneris inspectio, & imprudens deterfio rudiùs facta, destruent mucum illum hic hærentem, qui nil nisi vasculorum renascentium compages est. Pulcherrimè prodest, si, antequam detegatur vulnus, utrinque ponatur testula vivam prunam accensam continens, cui succini, massiches, olibani vel similia suffumigiorum pauculum inspergitur; sic tepida atmosphæra, gratissimo roborante aromatico fumo dives, undique detectum vulnus alluet.

§. 253. **Q**UA Arte ex punctis fodicatis (252) & undique, emergit nova substantia quasi carnea citò, tùmque reliqua (249) sanantur, ut dictum, (245. 246. 247. 248.).

Quâ significatione ex punctis terebratis enascens substantia caro dicatur, explicatum fuit §. 158. n°. 9. *Bellostius* (a) qui tam nitidè omnia descripsit, quæ ad hanc methodum pertinent, apta satis phrasi, dicit, foramina ossis post secundum diem incipere germinare (*germer*.) Incipit enim ex his foraminulis elevari sensim mucus quasi, qui microscopio lustratus tenerrima vascula exhibet; imò & arteriarum motum in hoc mucò distinguere licet. Vasculosa compages per hæc foraminula emergens, simili substantiæ ex vicinis foraminulis ascendenti occurrens, retexit perditam membranam, & quidem tam citò, ut septem dierum spatio cranii partem nudatam, quæ florenti circiter amplitudinem æquaret, testam iterum observaverit *Bellostius* in Exemplis præcedenti paragrapho citatis.

Quatuordecim jam elapsi sunt anni, cum in raro satis casu occasionem habui accuratè examinandi pulpam illam vasculosam per facta sic in osse foramina emergentem. Homini quinquagenario, in febre acuta continua, metastasi subitâ unius noctis spatio siderabatur pedis dextri pars extrema tota ad illum circiter locum usque, ubi metatarsi ossa cum tarsis ossibus contigua sunt. Pars affecta sphacelo perfectissimo correpta erat sic, ut ad ossa usque adacto scalpello nullus doloris sensus nasceretur, nihilque sanguinis exiret. Applicatis remediis, quæ partem mortuam à putredine fervarent, & viva sic munirent, ne prosperet minax malum, tam felix fuit successus, ut sisteretur sphacelus, & quinque diebus elapsis crena, vivas partes separans à mortuis appareret, quæ curæ spem non exiguum pejora hætenus omnia metuentibus dabat. Postquam integra separatio corrupti à viva parte facta fuerat, tendinibus tenacissimis forsice resectis à dexterrimo Chirurgo, separata fuit tota pedis pars anterior & ex periculosissimo morbo evasit æger hac parte mutilatus, adhuc hodie superstes. Tuncque apparebat manifestè ossa tarsis, quæ metatarsi ossibus sphacelatis contigua fuerant, contraxisse non exiguum labem. Satis enim notabilis horum pars, extra æquabilem mutilati membri superficiem prominens, nigra petius novas

(a) Chirurg. d'Hôpital, pag. 78.

parabat molestias. Tenui ferrâ rescissum fuit de ossibus corruptis, quantum sine læsione partium incumbentium poterat tolli. Sed & sic ossum horum superficies mortua manebat, & separari debebat, antequam bonâ cicatrice claudi posset vulnus.

Minutis tunc cuneolis peritissimus Chirurgus terebravit totam hanc corruptorum ossium superficiem, plurimis & sætis sibi invicem vicinis locis: & jucundo spectaculo vidimus post bideum singula hæc foraminula humescere, deinde microscopio insipientibus distinctissimè apparuit, micare in omnibus his punctis vascula verâ systole & diastole, quæ perfectè respondebant ægroti pulsibus eodem tempore in manuum carpis exploratis. Unde evidenter nobis constitit, emergentem hanc ex foraminulis factis substantiam esse veram vasculosam compagem.

Ubi autem hæc methodo, novâ membranâ, os nudatum tectum fuit, reliqua sanatio perficitur, ut dictum fuit in numeris hic citatis.

§. 254. **SI** calvaria læsa est, pro varietate causæ, fissâ, fractâ, contusâ, intropressâ, vel evulso fragmento spoliata erit, atque hæc vel in una, vel in utraque ejus tabula.

Postquam consideratum fuit, quid accadat integumentis communibus & pericranio læsis, nunc agendum est de vulneribus capitis, quæ ipsum calvariæ os lædunt; & primò recensentur hæc paragrapho varii modi, quibus cranii os læsum fuisse observatum est, pro varia figura instrumenti lædentis, ejusque majori vel minori impetu.

**FISSA.** Fissura dicitur solutio continui in osse, oblonga ut plurimum, angustissima plerumque, & cum aliqua adhuc partium cohesione. In his fissuris jam magna varietas obtinet, pro magnitudine varia, recto vel obliquo decursu, pro varia ossis cranii parte, quam occupant: quædam enim in externa tabula hærent, aliæ verò in interna cranii tabula, quamvis externa integra appareat. Quando & fissura non est in loco, cui instrumentum lædens applicatum fuerit, sed in alia & sæpe opposita calvariæ parte; vocatur tunc contrafissura. Qualia Exempla plurima habentur apud Auctores. Sic *Tulpius* (a) narrat, hominem sclopeto in capite ictum, frustra statim etiam perforatâ calvariâ, sexto die periisse. Post obitum calvaria, quamvis foris illæsa appareret, ostendit tamen intus varias fissuras. *Paræus* (b) binis Exemplis hanc rem confirmat. Homini lapidis ictu valida contusio & tumor cum parvo vulnere in bregmatis osse dextro facta fuerat. Dilatato vulnere os subiectum apparuit integrum, & vulneratus periit vigesimo primo die post inflictum vulnus. Post morrem, ferrâ resecto cranio, apparuit oppositi lateris bregmatis os fissum fuisse. In alio nobili viro post validam contusionem capitis, quamvis galeâ tecti, mortuo apparuit tabula cranii interior fracta, sic ut fragmenta abrupta cerebri substantiæ infixæ hæserint, licet externa cranii tabula omnino integra inveniretur. *Hippocrates* jam hoc notaverat, & postquam varios modos, quibus calvaria lædi posset, recensuit, addidit ultimum, quando nempe os sub vulnere frangitur aliâ capitis parte,

(a) Observat. Med. Lib. I. Cap. II.

(b) Lib. X. Cap. VIII.

quàm quod ulcus est; & dicit, huic calamitati nullam superesse medelam; quia non potest detegi, quānam in parte capitis hæreat (a): unde Celsus (b) dixit, si graviter aliquis percussus est, si mala indicia subsecuta sunt, neque eā parte, quā cutis discessit, rima reperiatur, non incommodum est, parte alterā considerare, num quis locus mollior sit, & tumeat; eūque aperire, si quidem ibi fissum os reperiatur. Nec tamen magno negotio cuius Sanescit, etiamsi frustra secta est. Incerta tamen hæc omnia sunt, cum sæpe in eodem osse, sed non in ipso vulneris loco, tamen, fissura inventa fuerit. Sic homini fuisse percusso in fronte prope supercilium dextrum, & inde mortuo, nihil erat in loco vulneris mutatum in osse, sed in oculi dextri orbita contrā fissura apparebat sesquipollicaris longitudinis versūs sellam turcicam tendens (c). Imò aliquando observatum fuit, fissuram ex vulneris loco porrectam fuisse ad alia etiam capitis ossa. Talem casum narrat Ruyschius (d), ubi à validissima contusione ossis bregmatis sinistri fissura per totum os pergebatur, deinde per futuram squamosam ossis temporum, totum os petrosum, & os occipitis, usque ad magnum hujus ossis foramen, quod medullam oblongatam transmittit. Ex quo casu simul apparet, futuras non impedire, quominus fissura in quodam cranii osse facta propagari posset ultra hujus ossis limites, ut multi voluerunt.

**FRACTA.** Differt fractura calvariæ à fissura, quia in fissura propriè dicenda superest adhuc aliqua cohesio, in fractura autem integra obtinet solutio: unde fissura angustam in osse rimam facit, fractura majorem separationem partium antea unitarum supponit. Potest jam fractura talis esse, ut fragmentum à reliquo osse liberum sit omnino: poterit & quādam sui parte adhuc unitum manere. Si integra talis solutio facta fuerit per causam vulnerantem, ferè semper fragmentum liberum introprimitur, & cerebrum lædit. Potest etiam ad fracturam referri illud, quod Hippocrates vocavit sedem sive teli vestigium (ἰσθμὸς), dum v. gr; acinacis ictu vulnus inflictum discissis calvariæ integumentis omnibus ipsum os læserit. Dicit enim (e) teli autem sedes dicitur, cum os suo statu permanens, manifestum fecerit, quā insederit; & postea addit, Præcisio autem (διακοπή), quantūcumque longitudinem & latitudinem ossis occupet, ad teli vestigium refertur, dummodo alia ossa, quæ præcisionem continent, in suo statu maneant, neque undè eum præcisione.... desinant (introprementur). Tunc enim voluit, non ampliùs teli vestigium dicendum esse, quando os undique solum mutat locum & intrò subfidet, sed vocavit tunc ἰσθμὸς, quando nempe os abruptum undique introcedit (f).

**CONTUSA.** Quando nempe à gravi & obtuso instrumento calvaria læditur sic, ut nulla rima tamen nec fractura appareat. Sicut enim confuso partium mollium plurima vasa frangere potest, integrā manente cute; sic etiam idem in osse confuso obtineri potest, quod nempe vasa inter lamellas ossicas media lædantur à contusione, licet integrum omnino os appareat. Difficilis cognitio hujus mali sæpe, nisi ferò, ubi malignis symptomatibus ortis os pessimè

(a) Lib. de Capit. Vulner. Cap. x. Charter. Tom. XII. pag. 119.

(b) Lib. VIII. Cap. iv. pag. 515, 516.

(c) Joh. Bohn. de renunciat. Vulner. pag. 142.

(d) Observat. Anatom. Chirurg. Centur. Observ. 47.

(e) Lib. de Capit. Vulner. Cap. ix. Charter. Tom. XII. pag. 119.

(f) Ibid. Cap. viii. pag. 118.

affectum fuisse cognoscitur. Hoc malum *ἄλγος* vocavit *Hippocrates*, & simul monuit, non posse oculis dijudicari, an plùs minùsve ossis substantiam læserit contusio, an magis vel minùs profundè penetraverit talis læsio (a). Si enim vasa dispersa per diploen, inter binas tabulas osseas calvariae mediam, tali contusione fracta fuerint, integro quamvis osse, facillè patet, ab extravasatis & corruptis humoribus pessima produci posse mala, erodi posse internam tabulam, & vitium sic communicari posse meningibus & ipsi cerebro.

INTROPRESSA. Fit hoc duplici modo: vel enim ossis pars fracta, & undique libera à vicinis ossibus, subsideat; vel os, integrum manens in sua cohesione, intropremitur. Quod imprimis in juniorum calvariis ab obtusa causa vulnerante accidit: in his enim ossa magis flexilia adhuc cedunt faciliùs sine ruptura. Tamen & talis intropressio in adultis observata fuit. Ossa enim cranii in homine vivente humida, & longè minùs friabilia sunt, quàm quidem in scelero eadem ossa exsiccata apparent. Rariùs tamen in adultis observatur talis intropressio, quin simul rima vel fractura addit.

VEL EVULSO FRAGMENTO SPOLIATA SIT. Quod sæpe casum inflicto vulnere fit, quando nempe unà cum integumentis ossis portio instrumento vulnerante abscinditur. Vocaverunt tunc dedolationem cranii: qualem casum habet *Scultetus* (b) ubi ad magnitudinem *thaleri Imperialis* fragmentum calvariae ablatum fuerat, & feliciter tamen curatus fuit vulneratus. Constat pariter, post validas contusiones capitis exsiluisse fragmenta ossea de tabula cranii interna, & subjectum cerebrum læsisse: quale Exemplum ex *Paræo* paulò antè in eadem hac paragrapho allegatum fuit.

Omnia jam hæc mala recensita possunt vel solam externam tabulam cranii, vel internam solam, vel utramque afficere: semper autem eò pejora, quò magis verius interiora penetraverint. Longè enim tunc difficiliorem medelam esse facillè patet.

§. 255. SIC affecta (254) scitur. 1. Causâ vulneris forti. 2. Vulneris magnitudine collatâ figuræ loci vulnerati. 3. Specillo. 4. Atramento affuso. 5. Strepitu inter mordendum. 6. Visu fracti, contusi, vel punctis pallidis colorati cranii. 7. Tactu ipso. 8. Symptomatibus integumentorum, carne circa septimam diem abscedente; dolore; naturâ puris tenui, & graveolente; vulneris malignitate alienâ.

Quia autem pessima mala sequi possunt calvariae læsionem, uti patebit sequenti paragrapho; ideo omni curâ inquirendum est, an calvaria à causa vulnerante aliquam noxam acceperit, an non. Tumultuarium autem in his casibus examen non sufficere novimus, moniti *Hippocratis* ipsius infortunio, qui ingenuè fassus est, se hic deceptum fuisse, dum teli vestigium non distinxerat à futura, uti dictum §. 172. n<sup>o</sup> 3. De hoc autem constabit sequentibus signis.

1. Patet facillè, validum ictum capiti impactum, sive obtuso sive acuto in-

(a) Lib. de Capit. Vulnere. Cap. vii. Charact. Tom. XII. pag. 118.

(b) Armamentar. Chirurg. Observat. XVII. pag. 214.



strumento vulnerante, necessariò calvariam lædere. Faciliùs autem hoc oculis patet, si acuto instrumento dissecatis integumentis calvaria detegatur, quàm si obtuso telo occurrà cute, vel parvo tantùm vulnuscule conspicuo, læsio facta fuerit.

2. De hac re dictum fuit §. 240. n°. 3. In illis enim locis, ubi cranii ossa plana sunt, potest esse magnum vulnus sine ossis læsione; sed ubi magna adest horum ossium convexitas, vel in illis locis, ubi eminentem angulum formant, non potest esse vulnus magnum, quin prominentem ossis partem læserit, nisi circumtorquendo quasi instrumentum vulnerans vulnus inflictum fuisset, quod rarissimè fit.

3. Chirurgi periti, dum ad tales vulneratos vocantur, aquà tepidà cum vinì exigua copia & aliquot salis granulis abluunt leviter vulnus; tunc prudenter diductis labiis inquirunt, an aliqua læsio in osse appareat. Deinde specillum politissimum obtuso apice donatum immittunt vulnèri, quod satis tenue & molle esse debet, quale optimùm paratur ex purissimo argento candefacto, & dein sensim refrigerato. Sic undique pertentando sentiunt primò, an os nudatum sit, quod faciliè ex sonitu specilli ad durum os noscitur: deinde oberrando per omnem ossis detecti superficiem explorant, an aliquid asperi occurrat. Ut hoc fiat sine erroris metu monuit Celsus (a): esse specillum oportet neque nimis tenue, neque acutum; ne, cùm in quosdam naturales sinus inciderit, opinionem fracti ossis frustra facias; neque nimis plenum, ne parvulæ rimulæ fallant. Ubi specillum ad os venit, si nihil nisi læve & lubricum occurrit, integrum id videri potest: si quid asperi est, utique quâ futuræ non sint, fractum os esse testatur. Unde patet, summopere attendi debere ad loca futurarum, quæ aliquando in variis hominibus, & in varia ætate differunt. Sic futura sagittalis in junioribus os frontis usque ad radicem nasi bifariam dividit; in adultioribus sensim obliteratur: tamen in quibusdam hominibus satis etiam provectæ ætatis adhuc observata fuit; unde in vulneribus frontis inflictis de hac futura cogitandum est. In summo senio sæpe omnes futuræ evanescunt, & aliquando citiùs. Post pugnam Platæensem cùm in unum locum ossa carne nudata comportarentur, inventum fuit caput nullam futuram habens, sed ex uno osse consistens (b), imò & quibusdam Observatis constitit, in junioribus etiam aliquando futuras obliterari penitus. Sic in cranio pueri octo circiter annorum nullum vestigium sagittalis nec coronalis futuræ apparebat, nec in interna æquè ac externa calvariæ superficie. Imò & in junioribus adhuc inceptam harum futurarum obliterationem sæpius observavit celeberrimus Hunaldus, qui ideo credidit, non adeo raros hos casus esse, ac quidem vulgò putatur (c). Præterea quibusdam locis cranii naturalis est scabrities, uti v. gr. in occipitis osse. Et aliquando futuræ ipsæ miro modo differunt in diversis hominibus: sic v. gr. calvariam servo, cujus futura sagittalis prope occiput & frontem angusta penitus erat, sed in vertice miris ambagibus decurrens pollicis ferè latitudinem occupabat. Merito hinc in ipso libri sui de capitibus Vulneribus initio monuit Hippocrates, quòd hominum capita neque inter se similiter habent, neque futuræ capitibus in omnibus eodem loco sitæ sunt (d).

Sæpe ergo multùm adhuc dubii manet, post explorationem specillo factam; & difficillima detectio læsionis in osse, ubi vulnus circa futurarum loca inflictum est: quali in casu ipse Hippocrates se deceptum fuisse fassus est: more

(a) Lib. VIII. Cap. xv. pag. 514.

(b) Herodot. Calliope. pag. 54.

(c) Académ. des Sciences, l'an 1734. Hist.

Tomus I.

pag. 59.

(d) Lib. de Capit. Vulner. Cap. 2. Charter. Tom. XII. pag. 115.

*scilicet magnorum virorum, & fiduciam magnarum rerum habentium. Nam levia ingenia, quia nihil habent, nihil sibi detrahunt. Magno ingenio, multaque nihilominus habitu, convenit etiam simplex veri erroris confessio; præcipue, in eo ministerio, quod utilitatis causâ posteris tradiitur, ne qui decipiantur eadem ratione, quâ quis ante deceptus est (a).*

4. Ubi ex cognita causa vulnerante, & vehementiâ, quâ vulnus inflatum fuit, uti ex pessimis symptomatibus post vulneris inflictionem secutis, vertigine, lapsu, alto sopore, &c. metuendum videbatur, quod calvariam noxam contraxerit, & tamen loco detecto, nec oculis nec specillo detegeretur rima vel contusio in osse, voluit Hippocrates aliâ adhuc methodo latens foris malum detegere, quod neglectum postea summa faceret mala. Juber enim (b) *super os atramentum scriptorium medicamento aliquo nigro liquato maceratum induendum, ulcisque subjecto linteo oleo madefacto, deinde cataplasmate ex maza imposito, deligandum. Postridie verò ulcere resoluta ac repurgato os deradendum voluit. Sic enim tunc os fissum vel collisum fuerit, in illo loco nigrum illud manebit, cum reliqua ossis superficies alba apparebit. Patet ergo tantum hic requiri, ut coloratum liquidum ossi detecto imponatur, quo dein abrafo vel detergo apparebit, si alicubi os fissum fuerit vel contusum, quia ibi illud coloratum profundius penetrans non poterit abstergi vel deradi tam facile, quàm in reliqua ossis nudati superficie.*

An verò atramento scriptorio usus fuerit Hippocrates, ex hoc loco minimè constat. Celsus tamen (c) sic hunc locum vertisse videtur, dicens. *At, si ne tum quidem rima manifesta est, induendum super os atramentum scriptorium est, deinde scalprio il deradendum. nigritiem enim continet, si quid fissum est.*

Apud Æginetam (d) tamen, ad latentem angustam & capillarem fissuram detegendam, proponitur medicamentum aliquod liquidum nigrum, vel & scriptorium (φαρμακὸν τι μίλαν ὕδρην, ἢ ἐξ αὐτῶ τὸ γραφικὸν ἐκχέαινε). Præterea & sepis liquore & aliis foris atramenti scriptorii loco usi fuerunt Veteres. Saltem illud, quod hodie in vulgari usu est, nisi valde dilutum fuerit, minùs ad hanc rem convenire videtur, cum vitriolo, gallis quercinis, corticibus granatorum & similibus adstringentissimis conflet, quæ ossi nudo applicata tenerrima vascula, illico sic constringerent, ut postea separari deberet lamella destructis vasculis mortua. Et certe nulla necessitas jubet, ut atramento scriptorio utamur, cum quodcumque aliud coloratum liquidum eundem effectum præstare possit; atque etiam, si color niger magis: arderet, ex ossibus ad nigredinem combussis, in tenuissimum pollinem tritis, & aquâ dilutis, nigrum tale liquidum confici posset, uti & ex aliis plurimis.

Præterea videtur sufficere, si os nudum tali liquido tingatur, & deinde iterum spongiâ detergeatur; neque videtur requiri ut abradatur tota superficies scalprio, cum tunc iterum nova separatio superficiei derasæ expectanda sit, uti dicitur §. 226. Sicut jam exploratio per specillum fallere poterat circa futuras, & in illis locis, ubi naturaliter ossis superficies aspera est; sic pariter & hæc methodus decipere posset, coloratum enim liquidum se insinuabit futurarum interstitiis, & adhærebit calvarie inæqualitatibus.

5. Apud Hippocratem in Coacis Prænotionibus (e) habetur, quod ubi am-

(a) Celsus, Lib. VII. Cap. IV. pag. 515.

(b) Lib. de Capit. Vulnere. Cap. XXIII. Character. Tom. XII. pag. 125.

(c) Lib. VIII. Cap. IV. pag. 515.

(d) Lib. VI. Cap. XC. pag. 56. versâ.

(e) N°. 501. Character. Tom. VIII. pag. 881.

biguum, sit, an calvaria rupta sit necne, *judicare oportet*, exhibito ad manducandum in utramque maxillam *asphodeli caule*, aut *ferulâ*, ita ut animadvertere jubeas, an os aliquod ipsi strepere videatur; nam fracta strepere videntur. Sed faciliè patet, strepitum talem percipi non posse; nisi satis magna fractura fuerit: certè fissura calvariæ hoc signo nunquam cognosci poterit. Tota enim hujus signi efficacia in eo consistit, quòd musculi temporales, inter mordendum magnâ vi maxillam inferiorem apprimentes ad superiorem, oriantur lato ambitu; utrimque à parte laterali calvariæ, quæ sit à processu superiori ossis jugalis, à vicino latere ossis frontis, à processu maximo ossis sphenoidis, ab osse bregmaticis, & squamosâ ossis temporis parte: hinc dum agunt hi musculi, si in vicinia insertiōis magna fractura fuerit, poterunt ossa fracta moveri & strepitum edere; cùmque tot cranii ossibus diversis inferantur, & satis latè pateat horum musculorum ambitus, poterunt fracturæ in pluribus calvariæ locis sic cognosci, si nempe satis magna fuerint. Solent Chirurgi clavem ferream mordendam exhibere vulneratis ob eandem causam; vel & chordam jubent dentibus prehendere, quam dein manu extendunt, & tensam digito percutiunt, & dein jubent vulneratum animadvertere; an aliquem motum vel strepitum in calvaria percipiat.

6. Si nempe sponte vel Arte vulnus satis pateat, ut os nudum oculis lustrari possit, tunc rimæ vel fracturæ, si adfuerint, satis apparebunt. Ubi autem sine coherætionis separatione os contusum fuerit, hoc difficiliùs detegetur, quod jam monuit Hippocrates (a), ut dictum fuit præcedenti paragrapho.

Præcipuum signum, quod habetur, est, si os naturalem suum colorem mutaverit, qui subrubescens leviter, vel & parum subcærulescens plerumque est. Si jam puncta pallida intercurrent, signum est, vasa subiecta, quæ pellucidæ utcumque lamellæ ossæ colorem dabant, mortua esse, neque amplius liquidis transmittendis pervia; unde separatio lamellæ vasis succumbentibus destituta expectanda est.

7. Monendum inprimis hîc est, digitorum attactum sæpe fallere, sic ut os intropressum credatur, licet nihil talis mali adsit. In validis contusionibus integumenta cranii ruditer ad durum os suppositum appressa sæpe sic læduntur, ut plurimis vasis fractis sub integra cute fiat collectio magna & subita effusio liquidi. Si in tali casu tangatur digito ambitus talis tumoris prope sanam partem, apparet, ac si os suppositum subsideret. Ratio hæc est: integumenta cranii satis crassa sunt, & inprimis cutis: hæc autem ab effusis humoribus turgente membranâ cellulosâ elevatur à subiectis partibus; hinc circa ambitum talis tumoris cutis adhuc applicata manet subiectis: paulò procedendo ad partem tumentem, cùm cutis elevetur ibi, sentitur in margine, qui limitem facit inter partem sanam & locum contusum, ac si os depressum foret, tantum ideo, quia crassa cutis ibi loci elevatur à subiecto osse & pericranio. Hoc autem sæpe Chirurgo etiam satis peritos fessellit: imò *Ruyfchius* fateatur (b), quòd digitis explorans ingentem frontis tumorem, post validam contusionem natum, credidisset, cranium impressum esse, uti præsens Chirurgus volebat: nisi multiplici Experimentâ didicisset, attactum in tali casu sic fallere posse.

8. Ex his signis quidem noscitur, cranium læsum esse, sed sæpe nimis serò;

(a) Lib. de Capit. Vuln. Cap. vii. Charer. Tom. XII. pag. 118,

(b) Observ. Anatom. Medic. Centur. Observ. LX,

cùm pessima symptomata sæpe præter opinionem Medici & Chirurgi runc orta ægrum de medio tollant. Quando sine læsione calvariz vulnera inflicta fuerunt, si observentur illa, quæ dicta fuerunt §. 245, & 252, sanantur sæpe satis citò, licet maxima fuerint. Ubi autem calvaria læsa fuit, nec tamen per modò recitata signa hoc cognosci potuit, tanquam simplex capitis vulnus solet tractari, & primis diebus sæpe omnia satis bene procedere videntur. Interim os subiectum læsum incipit corrumpi, integumenta ab osse affecto abscedunt, dolor augetur, puris costi nihil apparet ampliùs, sed tenuis tantùm & sæpe satis olidus ichor, vulnùsque ad omnia etiam optima remedia rebelle latentis mali certam notam exhibet. Omnia aurem hæc symptomata seriùs vel citiùs accidunt, pro varia mali magnitudine, vulnerati temperie, & inprimis majori minorive aeris calore. Pulchre hæc omnia notavit Hippocrates Postquam enim signa recensuit, quibus calvariz fractura posset cognosci, addit (a). *Progressu verò temporis fracta partim septimo, partim decimo quarto, partim etiam aliter significationem præbent. Nam & carnis ab osse abscessus fit, & os lividum, & dolores, sanie effluente. Hæc autem agere jam auxilium admittunt. Et alibi (b) ubi signa recenset, quæ docent perituum esse ex capitis vulnere hominem, dicit: ubi os fractum, aut fissum, aut collisum, aut quocumque modo fractum esse quis intellexerit, neque per errorem raserit aut secuerit, tanquam sectionem non posulet, aut os integrum existat, ante decimum quartum diem hyeme plerumque febris invadit, æstate verò post septimum. Quod ubi contigerit, ulcus coloris expers evadit, ex eoque sanies parva effluit; & quod in eo inflammatum est emoritur, glutinosumque fit, ac salsamentum refert (ὡς τὰ μυχρὰ) colore fulvum, & aliquantulum lividum, tuncque os corruptione vitari incipit (φανερίζου), & nigrescit, leve existens, ad extremum autem subpallidum & exalbicans evadit. Cùm verò jam purulentum exstiterit, pustula in lingua exoriantur, & cum delirio mors contingit. Omnia sic accuratissimè in his locis Hippocrates descripsit. Quamdiu enim labia vulneris rubent, parum etiam inflammata, non multùm mali metuunt Chirurgi peritii; sed ubi vivus ille color perit, & incipiunt vulneris labia habere talem colorem, quem habent carnes emarci-dæ, vel sale diu conditæ, nōrunt satis, pessima instare mala. Ideo post Hippocratem Medici peritissimi (ut dictum §. 240. nō. 4.) gravia etiam mala, statim post vulnus capiti inflictum apparentia, non adeo metuebant; sed quæ postea apparerent, inprimis circa septimum diem, adeo damnabant.*

Ob eandem causam dixit Hippocrates (c) *incipere febrem in capitis vulnere quartâ die, aut septimâ, aut undecimâ, valde lethale est.*

Cùm ergo ossis cranii læsionem, etiam satis levem, plurima & gravissima sequantur mala sæpiissime, de quibus dictum fuit, uti & illa, quæ sequenti paragra-pho enumerabuntur, patet, omni curâ inquirendum esse, ut hoc in initio detegatur, & curetur. Signa jam recensita sunt, quorum pluribus inprimis si concurrant, satis firma diagnosi habetur. Illa autem, quæ ultimo hujus paragraphi numero recensentur, certam quidem dant notam, os læsum esse, sed tunc sæpe serò noscitur malum, quod latuit hæctenus, quod citiùs cognitum medelam accipere potuisset.

Et ex hæctenus dictis patet, quare periti Chirurgi nullum capitis vulnus, quan-

(a) Coac. Prænot. nō. 501. Charter. Tom. III. pag. 281.

ter. Tom. XII. pag. 127.

(c) Prothet. Lib. II. Charter Tom. VIII.

(b) Lib. de Capitis Vulnere, Cap. xxxi. Char-

pag. 818. 819.

tumvis leve videatur, negligent vel perfunctoriè curent; cùm sæpe latens ossis læsio vel peritissimos fallere possit, & aliquando, solis integumentis læsis, subiectum os tamen à pure, aere, &c, afficiatur.

§. 256. **E**FFECTUS hujus mali (254) 1. Partis ossæ separatæ mors (249. 250. 251.) 2. Infectio vicinorum. 3. Hinc sæpe totius ossis infecti putrefactio. 4. Caries diploe. 5. Integumentorum cranii & cerebri corruptio. 6. Inde mala affecti cerebri, convulsio, sopor, paralysis, apoplexia, mors.

1. Mors in osse fit à destructione arteriarum periossei ad os deferentium vitales humores, uti & venarum referentium eosdem humores simili abolitione. Quando ergo hæc vasa omni effectu carent, lamella ossis mortua est, cui hæc vasa prospiciebant. Si jam pericranio læso destructa fuerint vasa ad os tendentia, sive ossis ipsius læsione vasa inter ejus lamellas ex pericranio dispersa, vel & illa, quæ per singulæ foramina externæ cranii tabulæ insculpta ad diploen pergunt, fuerint destructa, effectus erit idem: nempe mors partis, vasis vitalibus humores adducentibus & reducentibus, orbatæ. Sed omnis pars corporis omni influxu humorum vitalium carens nunquam poterit recrescere cum partibus vivis, sed semper debet separari à partibus vivis vicinis; unde & lamellæ ossæ mortuæ sic secedunt & expelluntur, uti dictum fuit in *Commentariis* ad §. 249.

2. Cranii ossa variis lamellis sibi invicem incumbentibus constant, inter quas vasa tenerrima media feruntur; saltem antequam provecclâ ætate arctissimè appressis ad se invicem lamellis hæc vasa deleta fuerint. Probatum hoc fuit in *Commentariis* ad §. 249; & confirmavit hoc pulcherrima illa methodus, quâ leviter pertundebatur os, non tamen ad diploen usque; & tamen ex punctis pertusis emergebant vascula, quorum efficaciâ separabatur corruptum & regenerabatur destructum pericranium; uti dictum fuit in *Commentariis* ad §. 252. Adfuerunt ergo vasa in ipsa substantia ossæ tabulæ externæ, quæ, liberata incumbentibus lamellis ossis & elongata, constituebant hanc vasculorum ex punctis fodicatis emergentium compagem. Mira habetur Observatio apud *Tulpium* (a), quæ hoc confirmat. Homini sclopeto in occipite ictio, licet calvaria nullas rimas egisset, ob gravissima symptomata trepanum applicabatur; & terebram dum circumageret Chirurgus, vidimus per integrum os erupisse innumeras sanguinis guttulas cooperientes insiar roris universam calvariam quibus spongia aliquoties deterfis, continuò novæ repullulabant. Patet ergo, ex ipsa ossis substantia vasorum continuitate patere viam sanguini, ut per integri ossis extimam superficiem roris insiar exire possit: si ergo superior lamella ossis, v. g. mortua fuerit, malum hoc faciliè communicabitur vasculis subiectis, à quorum læsione afficietur sequens lamella; sicque malum poterit propagari per omnes lamellas tabulæ externæ, dein poterit ipsa diploe affici, & tabula interna simili modo corrumpi, &c.

3. Ex modò dictis satis patet, destructis vasis vitam tolli in parte, unde corruptio mortui sponte sequitur. Et in *Commentariis* ad §. 242, tale Exemplum fuit allegatum, ubi post validam contusionem capitis, decem jam mensibus elap-

(a) Observ. Medic. Lib. I. Cap. 11.

sis subitò mortuo homine, inventum fuit cranium planè putridum & foetidum, Apud *Paracum* (a) habetur mirabilis casus, quo constat, cranium sic penitus putrescere posse, putrefactum separari, vitâ superstite. Bregmati sinistro hominis ensc vulnus insilicium fuerat, cum ossis lacione, quæ tamen ad interiorem cranii tabulam non penetrabat. Consolidato jam ferè vulnere, dum cum sodalibus calidissimâs cibis & potui meracioris vini liberaliùs indulgerat vulneratus, acutâ febre corripitur, cum sensuum & loquelæ abolitione, & ingenti capitis & faciei tumore. Post aliquot dies apostema hic natum lanceolâ apertum dedit maximam ichoris copiam, & calvariæ os subjacens nigrum, putridum & foetidum apparuit per totam sui substantiam, & postea vivi vermes plurimi nidum hic fecerant. Os corruptum ad volæ magnitudinem secessit, nec minùs tamen à tam periculoso malo integre sanatus fuit; nisi quèd cicatrix diu adhuc debilior & admodum sensibilis remaneret.

4. Quando ossa corrupta in tenuem quasi pulverem faciunt, vocatur caries ossium, distincta omnino à separatione lamellarum corruptarum, quæ per exfoliationem fit. Diploe inter binas tabulas cranii media, vasis plurimis, & cellulosa ossis fabricâ constat: adest hic & oleum medullare, tam citò corruptendum. Unde sive læsio ossis propagatione mali tandem ipsam diploen iniecerit, sive osse integro post validam contusionem fracta in diploe vasa humores suos effuderint; poterit ab utraque causa corruptio stagnantium & extravasatorum liquidorum hic nasci, ab his corruptis vasa tenerrima adhuc integra erodi possunt, sicque augeri malum; quod per cellulas diploes inter binas tabulas osseas prorepens latissimè se dispergere poterit, & simul faciliè apparet, diploe sic affectâ, utramque calvariæ tabulam pariter corrupti posse, unde mala plurima sequuntur.

5. Pericranium convexam calvariæ partem tegit; dura mater, internum cranii periosium, concavæ ejusdem parti firmiter adhæret; utraque hæc membrana vasa in os contiguum demittit, & ex osse recipit: & videtur admodum probabile, pericranii vasa externam tabulam penetrantia in diploe communicare & uniri similibus vasis à dura matre emissis, & per tabulam internam ad diploen tendentibus. Dum ergo corruptum os cranii fuerit, & inprimis si diploe ipsa sic affecta fuerit, poterunt calvariæ integumenta externa & interna æquè affici continuitate vasorum; quam rem & confirmant Historiæ paulò antè memoratæ. Sed, internis cranii integumentis sic affectis, contiguum molle cerebrum facillimè afficitur, & corrumpitur; ut plurima Observata docuerunt.

6. Omnes sensus & motus arbitrarii à cerebro pendent, uti constat ex Physiologicis. Cerebro ergo corrupto vel læso, poterunt omnes ejus actiones vel quædam tantum turbari & aboleri, prout malum totam cerebri molem, vel quædam tantum ejus partes, infecerit. Ubi autem lentè proserpens malum ab osse læso sensim ipsum cerebrum infecerit, sæpe ordine hic recitato symptomata sequuntur. Aliquando nec opinantem hominem subitâ morte sic periisse testantur plurima Observata. Sufficit hic notare, quòd à levissima vertigine ad lethalem apoplexiam usque omnia cerebri affecti mala observata fuerint ab hac causa ortum duxisse.

(a) Liv. X. Chap. xxii.

§. 257. **E**X quibus (254. 255. 256.) & cognitio, & prædictio hujus morbi noscuntur.

Ex omnibus illis, quæ paragraphis hîc citatis dicta sunt, poterit determinari quantum per Artem licet, an calvaria læsa fuerit an non: licet tamen, si causa vulnerans factis valida fuerit, semper aliquis metus sit latentis mali, quamvis sensibus nullo modo detegi possit: dum v. gr; calvaria in alio loco sæpe finditur, quàm ubi læsio facta fuit, ut dictum §. 254. Ubi autem per signa data constat, calvariam læsam esse, tunc in prognosi omnia illa metuenda sunt, quæ præcedenti paragrapho enumerantur: non quodd hæc semper sequantur talem læsionem, sed tamen aliquando sequi possint. Prudentia postulat, ut hæc omnia vulnerati amicis proponantur, ne postea sequentia mala Medentis incuriæ, non autem vulneris malignitati, adscribantur. Præterea & vulneratus & amici, qui ejus curam gerunt, moniti, tam gravia mala sequi posse capitis vulnera, etiam quæ factis levia apparent, longè majori curâ observabunt illa, quæ tam in dietæ regimine, quàm in cura vulneris, requiruntur; à quarum neglectu toties inopinatò mors secuta fuit, cùm omnia in vado crederentur.

§. 258. **E**T indicatur ad curationem. 1. Loci læsi detectio. 2. Mundatio. 3. Terebratio ossis. 4. Ejus periosteï regeneratio. 5. Reliqui vulneris sanatio.

1. Multùm dubitari potest, an semper absolutè necessarium sit detegere locum læsum, licet magna suspicio adsit, calvariam læsam esse. An non posset cranium vulneratum, vel fissum iterum coire, uil in aliis ossibus corporis sit? Hinc videtur hic utrumque extremum vitandum esse, dum quidam Chirurgi omnibus capitis læsionibus, nullo ferè discrimine habito, sectionem adhibent; alii verò nimis meticulosi vix etiam in gravissimis casibus hoc facere audent. *Ruysschius* (a) qui annofo Artis usu in populosissima urbe tam multos casus viderat, dicit, etiam in vera cranii fractura, in qua symptomata non augentur, non statim ad incisionem & terebrationem esse pergendum; sed post venæsectionem somentis cephalicis calidis, largâ copiâ applicatis, curam tentandam esse; additque, se sic felicissimè opem tulisse multis, quibus jam scalpellum imminabat. Apud *Celsum* (b) hoc jam habetur. Dicit enim in omni verò fissò *fractûre ossis*, protinus antiquiores Medici ad ferramenta veniebant, quibus id exciderent. Sed multò melius est, antè emplastra experiri, quæ calvarie causâ componuntur, &c. Voluit sic debere hoc tentari usque ad diem quintum: Quod si *caruncula incrementum cepit*, & febricula aut soluta fuerit aut levior, & cupiditas cibi reverterit, satique somni accedat, in eodem medicamento erit perseverandum. .... Hic ratione sæpe rimâ callo quodam implentur; estque ea ossis velut cicatrix. Et latius fracta ossa, si qua inter se non cohercebunt, eodem callo glutinantur. Estque id aliquantò melius velamentum cerebro, quàm caro, quæ exciso ossè incrementum. Si verò sub prima curatione febris intenditur, brevissime somni, & iidem per somnia tumultuosi sunt, ulcus madet, neque alitur, &

(a) Observ. Anatom. Chirurg. Centur. Ob- | (b) Medicin. Lib. VIII. Cap. iv. pag. serv. LX. | 317.

*in cervicibus glandulæ oriuntur, magni dolores sunt, cib.que super hæc fastidium increfcit; tum demum ad manum scalprâque veniendum est.*

Unde patet, inprimis ex symptomatum vehementia & malignitate determinari; an osse læso locus affectus detegi debeat; an verò spes sit, ossis læsionem sine sectione posse curari.

2. Quæ hic intelligitur mundatio, vel artificialis est, per quam nempe tolluntur omnia illa, quæ in vulnere factò inveniuntur talia, ut cum vivis partibus amplius uniri & recrefcere nequeant: verbi gratiâ, thrombi sanguinis concreti, fragmenta ossis undique libera, membranæ corruptæ, &c: vel est naturalis, quando per supurationem factam secedunt omnia illa, quæ vivis partibus licet adhuc aliquatenus cohæreant, tamen illis iterum uniri & concrefcere non possunt. Utrouque modo tolluntur illa, quæ vulneris consolidationem impedirent, quamdiu in vulnere hærent.

3. Agitur hic de illa terebratione, quæ minutis cuneolis fit, uti dictum §. 252; non autem de illa perterebratione cranii, quâ magnus orbiculus ex calvarie osse excinditur trepano propriè dicto.

4. Nunquam enim integumenta ossi accrescunt, quamdiu nudum est, sed priùs debet recrefcere nova membrana ablato periosteio similis, quæ vasa in os subjectum deducit, & inde redeuntia recipit. Hoc autem fit minutis foraminulis perforatâ calvariâ, ut vasis vivis subjectis detur exitus, quæ tunc elongata retexunt talem membranam.

5. Omnibus his peractis, quæ numeris præcedentibus dicta sunt, sanatio vulneris fati facilis est, & perficitur illâ methodo, quæ descripta fuit §. 245.

§. 259. **L**OCUS detegitur. 1. Incidendo tegumenta læsa, per scalpellum, rectâ, angulosâ, perpendiculari, decussatâ sectione, in os usque impressâ, cautè in fractis & vacillantibus fragmentis, variâ electâ pro varietatè loci, & mali. 2. Separando secta à cranio exactè per scalprum. 3. Infarctu carpi lintei.

Postquam vulneris conditio & symptomata vulnus secuta docuerunt, locum affectum debere sic detegi, ut oculis manibûsque pateat tota vulneris superficies, tunc hoc fit sequenti modo:

1. Capillis priùs novaculâ derasis, exploratur loci læsi magnitudo, & situs respectu suturarum, muscutorum, tendinum, &c; tuncque primò determinatur, quali sectione opus sit; an, v. gr; una sectio per medium locum læsum sufficiat, an verò requirantur binæ sectiones; quæ iterum pro vario modo, quo concurrunt, majorem minoremve ossis partem denudabunt. Si enim binæ sectiones sic concurrant, ut angulum forment, poterit denudari os toto spatio, quod hujus anguli lateribus comprehenditur: si verò una sectio ducatur per lineam tangentem loci læsi, & altera perpendicularis per medium locum læsum ducatur ad priorem, patet faciliè, duplò majus spatium sic nudari: si jam eadem perpendicularis sectio producat, ut secet priorem in puncto medio, patet quatuor sic angulos nasci, unde quadruplò majus spatium nudabitur ac in illa sectione, ubi binæ lineæ concurrunt in unum angulum. Vocatur hæc decussata sive cruciformis integumentorum



tegumentorum sectio: quæ cum omnium maximum spatium denudet, hinc illam commodissimam esse voluit Celsus (a), quæ duabus transversis lineis literæ X. figuram accipit, ut deinde à singulis procedentibus angulis cuius subsceatur. Eligitur jam sectio talis, quæ sufficit, ut locum affectum nudet: & patet, simplicem sectionem requiri, ubi tam parvus est locus læsus, ut dehiscenibus vulneris facti labiis in conspectum venire possit. Angulosa autem sectio conveniet, ubi locus læsus non quidem valde magnus est, major tamen, quàm ut simplici sectione nudari possit. Ubi autem majus spatium detegi debet, usum habet sectio recta, ducta tangentis instar ad limitem loci affecti, cui deinde altera perpendicularis additur, per medium locum læsum transiens. Ubi verò amplius admodum locus detegi debet, sectione rectâ per medium locum affectum ductâ, altera similis priori perpendicularis, illâque per medium secans, superadditur; sicque quatuor dissectorum tegumentorum angulis elevatis totum illud spatium, quod binis illis sectionibus continetur, nudari potest.

Debet autem sectio fieri cultello acuto & satis forti, ne acies faciliè obtundatur; dura enim & callosa est calvariæ cutis, & validam satis sectionem requirit. Cultelli autem acies statim debet offi ipsi imprimi, & sic ipsum os radendo discindi simul pericranium unâ & eâdem sectione; ne quid ex ipsâ membranula, quæ sub cute calvariarum cingit, super os relinquatur: si quidem hæc scalpro terebrisve lacerata vehementes febres cum inflammationibus excitat (b). Nisi enim firmiter ipsi offi maneat appressus cultellus, dum tegumenta dissecantur, debet postea pericranium adhuc discindi. Verum quidem est, sic cultello crenam duci in ipso offe, sed hoc evitare nequit, & detecto loco illa offis læsio poterit satis faciliè curari.

Cum igitur ad hanc rem requiratur, ut satis validâ manu cultellus ipsi offi apprimatur, patet, summâ cautellâ priùs explorandum esse, an fortè calvaria sic fracta sit, ut fragmentum possit deprimi, dum cultellus offi apprimatur; unde pessima mala, & mors ipsa sequi possent; ut aliquando tristibus Exemplis constat. Ubi ergo digitis undique palpando aliquid vacillare deprehendimus, sectio dirigitur, ut ille locus evitetur. Ubi autem simul valida contusio magnum tumorem in loco affecto fecit, sæpe non sine difficultate explorari potest, an os fractum vacillet, an non.

Simul cavendum est, quantum fieri potest, ne majores arteriæ, per tegumenta dispersæ, dissecantur; simulque vitari debent insignes nervorum rami hic dispersi, v. gr; in fronte supra oculi orbitam, &c; ut & muscoli, tendines futuræ, &c. Horum omnium situs ex Anatomicis cognoscitur.

2. Pericranium satis firmiter cranio vasis emissis & receptis adhæret, uti antea dictum est: hinc, licet omnia tegumenta unâ cum pericranio discissa fuerint, tamen latâ adhuc superficie cranio cohærebunt: unde, antequam nudum os in conspectum venire possit, pericranium à calvaria separari debet. Aliquando elevatis angulis dissectis pericranium sequitur, & ab offe secedit, inprimis, quando laxius offi adhæret, ut in senioribus observatur. Dum verò fortius hæret, uti sæpius fit, eburneo inprimis & politissimo scalpro citissime abraditur à calvaria, non sine summo dolore, nisi puer hebes penitus aut soporosus fuerit, uti sæpe in gravioribus capitis vulneribus contingit. Optandum ergo foret, ut juniores Chirurgi in vitulinis vel ovillis capitis se exercerent, ut discant scalpro subducto pericranium à cal-

(a) Medic. Lib. VIII. Cap. iv. pag. 516. (b) Ibidem.  
Tomus I.

varia subito separare : in hominibus enim hoc addiscere crudele est & periculosum.

3. Separatis sic omnibus integumentis, sanguis effluens plerumque impedit, quominus accuratè detegi possit ossis nudati læsio; unde, nisi summum periculum urgeat, solet differri ulterior investigatio in sequentem diem, vel saltem per aliquot horas expectari. Ne autem partes recenti vulnere divisæ iterum concresecant, quod citissimè fieri observatur, plumaceola plana mollissima nudi ossi imponuntur sub integumentis elevatis, sic hoc impeditur; & sedatà hæmorrhagiâ, amotisque plumaceolis, tota superficies ossis nudati in conspectum venit, elevatis integumentis dissectis. Sic enim minimo labore amplissimum vulnus sequenti die futurum monet *Hippocrates* (a), qui etiam jubet cataplasma imponi, ex tenuissima polenta, ex aceto subactâ & incoctâ, ut quàm maximè glutinosa reddatur, ad præcavendam nempe nimiam inflammationem. Plumaceola enim hæc sicca, absorpto cruore, vel aliis liquidis, tumet, & dilatant factum, quod semper quamdam irritationem & inflammationem facit.

§. 260. **C**RUOR, pus, sanies, fordes, spongiolis absorbentur, fragmenta; festucae, squamæ ossis, si parva libera ab omni membrana, oculo mox patentia, sunt, eximuntur volsellâ; vel solvuntur forfice; quæ mundatio artificialis.

Amotis dein plumaceolis, absterfo cruore, omnibûsque aliis fordibus, quæ impediunt, quominus ossis detecti superficies undique oculis pateat, omni curâ investigandum, an aliquid lateat mali, quod tolli vel corrigi debet. Si verò in osse nudato nihil fracti vel contusi appareat, & nulla detegatur rima, nec ulla suspicio sit, sub calvariæ osse extravasatos hæere humores, qui cranio in hoc loco perterebrato educi possent, vulnus factum iterum consolidandum est. Peritissimis enim Medicis æquè ac Chirurgis aliquando contigit hic errasse, licèt, ex signis evidentibus conclusissent, sub loco jam aperto hæere aliquid mali. Plurima apud Observatores habentur Exempla, quæ hanc rem confirmant: monuerat *Hippocrates* in loco allegato §. 254, quodd aliquando os frangatur aliâ capitis parte, quàm quâ vulnus est: & in *Commentariis* ad §. 254, quædam ex optimis Auctoribus recensenti fuerunt Observationes, quæ evincunt, semper hic aliquid dubii esse posse. Præstat ergo, vulneratum ejûsque amicos præmonere, quod quidem omnia signa doceant, locum affectum dissecandum esse, ut latens malum detegatur, posse tamen aliquando in alio, & sæpe sætis dissito calvariæ loco, hæere noxam. Unde prudentes Chirurghi semper Medicum vel alios Chirurgos vocari jubent, ut communi consilio concludatur, quid agendum sit in similibus casibus; sicque testes habeant, omnia secundum Artis regulas peracta esse, quamvis eventus non respondeat votis.

Ubi verò constat, os nudatum læsum esse, indicatio generalis (§. 185. n°. 1.) docet, auferenda esse illa omnia, quæ curam vulneris impedire possent. Liquida effusa hic hærentia spongiolis vel linteis carptis siccis facillè absorbentur: fragmenta verò ossis, vel & festucae & parvæ squamulæ cedentes, vel inde separatæ per instrumentum vulnerans, possunt considerari tanquam corpora heterogenea, quæ ibi re-

(a) Lib. de Capit. vulnerib. Cap. xx. Charter, Tom. XII. pag. 114.

licita nocere possent, saltem vulneris curam multùm retardare. Sed ut dictum fuit (§. 186. 187.) primò expendendum est, an sine damno tolli possint; an verò tutius ibi relinquantur, donec sponte separentur & excidant. Si enim fragmenta hæc ossis parva fuerint; nec vivis partibus cohæreant adhuc, nulla spes est iterum uni. posse, & tutò auferri possunt instrumentis idoneis. Cùm autem à libero accessu aeris ossa, periosleo nuda, pessimè afficiantur, ut dictum est §. 250, requiritur præterea, ut hæc fragmenta oculis sic pateant, ut statim tolli possint, neque opus sit diu instrumentis tale vulnus scrutari. Periculosum pariter, fragmenta ossæ membranis adhuc hærentia vi avellere; cùm & magnus dolor, & nexus pericranii cum dura matre, imprimis circa futuras, pessima posset producere mala; tunc enim meliùs, si tolli debent, forfice absconduntur.

Illa autem depuratio vulneris, quæ sic manu vel instrumentis fit, vocatur mundatio artificialis; ut distinguatur ab illa, quæ sponte orã suppuratione perficitur, & naturalis ideo vocatur.

§. 261. **E**ADEM nimis magna, hærentia vivis, abscondita, relinquuntur, nam vel sponte separentur, vel recrefcunt ad viva. Hæc mundatio naturalis.

Ubi autem fragmenta calvariæ magna valde sunt, examinandum est, an sic corrupta fuerint jam, ut nulla spes sit, quòd iterum uni possint relinqui offi. Hoc autem imprimis cognoscitur ex colore mutato. Si enim fragmentum tale flavum, fuscum, vel jam nigrum est, non recrefcet; sed vel sponte separabitur postea, vel tollendum est statim, si commodè fieri possit. Quando autem colorem adhuc naturali similem habent talia fragmenta, & imprimis si adhuc cohæreant cum pericranio, magna spes est, quòd recrefcere possint. Accidit aliquando in majorum ossium fracturis, tibiz v. gr; vel femoris, os binis locis sic fractum esse, ut medium fragmentum ab utraque parte liberum sit; & tamen observatum fuit sæpius, tale fragmentum iterum concrevisse cum reliquo offe: unde patet, non desperandum esse in similibus cranii fracturis. Observationes Chirurgicæ hanc rem omnino evincunt. Homini solèa ferreà mulus tam vilidum ictum capiti impeggerat, ut frontis os fractum & intropressum esset. Trepano excindebatur orbiculus ex calvaria, ut os fractum & intropressum commodè elevari & tolli posset. Cùm autem fractura à medio frontis ad oculi canthum minorem pergeret, non audebat tollere *Paræus* tantam offis portionem, sed elevavit os fractum sic ut duram matrem non amplius posset comprimere; & feliciter curatus fuit vulneratus (a). Sed & integre separatam à reliqua calvaria ossis fragmentum, cohærens tamen adhuc pericranio, iterum recrevit. Capitaneo cuidam ense ossis frontis magna portio abscissa fuerat, circiter trium digitorum longitudine & latitudine, sic ut nuda esset omnino dura mater. Tam magnum ossis fragmentum, pericranio adhuc cohærens, unà cum integumentis supra faciem reclinabatur horrendo spectaculo; & jam cogitabat *Paræus*, ut totum rescicaret, metuens tamen, ne tanto vulnere nudata dura mater pessimè afficeretur, deterfo sanguine, qui duram matrem tegebat, iterum adaptavit os ab-

(a) Les Œuvres d'Ambroise Paré, Liv. X. Cap. vi4

scissum unâ cum integumentis, & levi futurâ in tribus locis firmavit, ne loco facile moveri possit. Pulcherrimus successus docuit, quantum sperari possit in similibus casibus, cum tam ingens ossis integre resecti portio in homine pluribus adhuc aliis plagis saucio recrefcere potuerit (a).

Quamdiu ergo vivis partibus adhuc cohærent talia fragmenta, relinquenda videntur; spes enim est, iterum uniri posse reliquo ossi: & si hoc non succedat, & signa docuerint, ossa hæc separata incipere corrumpi, semper poterunt eximi, vel & sponte separabuntur. Unde simul patet, noxium esse, nimis curiosè scrutari capitis vulnera, ut fragmenta ossis, quæ non statim oculis occurrunt, tollantur. Si enim adhuc aliquâ sui parte cohæreant vivis, poterunt uniri, vel sponte per suppurationem secedent, si recrefcere nequeant. Naturam sæpe solam sibi sufficere etiam in periculosis casibus, docet sequens Historia. Puellæ novem vel decem circiter annorum cæsim ense inflicta fuerant octodecim vulnera capiti, præter alia quædam, quæ brachia & truncum corporis læserant. Omnia hæc capitis vulnera calvariam læserant, ossisque portiones quædam ad diploen usque ablatae erant; aliis in locis tota calvaria ad duram matrem usque ablata erat. Idoneo apparatu deligabatur tam misere vulneratum caput, & singulis binis diebus tantum denudabantur vulnera. Singulis autem deligationibus ossis frustula plumaceolis adhærebant, & sic secedebant sine molestia. Illa fragmenta autem, quæ pericranio adhuc cohærebant, concrefccebant iterum, & promptè replebantur loca, ubi calvaria integre ablata fuerat; sic ut quinque septimanarum spatio tot plagis saucia convalesceret hæc puella (b). Sed in hoc casu nulla mundatio artificialis locum habuit, sponte per suppurationem separata fuerunt omnia illa, quæ recrefcere non poterant.

Prudentissimum ergo est monitum Hippocratis, dicentis (c): *Ossa quæ a suo naturali statu recedunt, & media desidunt fracta aut latè admodum præcisa, hæc minùs habent periculi, ubi membrana integra fuerit: quæque rimis pluribus & latioribus iniuss fracta sunt, minùs etiam periculo sunt obnoxia, & faciliùs eximuntur: neque horum quidquam sensione (serræ) indiget; neque cum periculo ossa auferre tentandum, priusquam sponte sursum cedant, &c.*

§. 262. **S**I os contusum, album, fuscum, lividum, fissumve apparet, minutis hinc inde foraminulis perterebrandum, ut præscriptum (252), ita enim viva exeunt, & mortua expellunt citò.

Aliquando contingit, ut ablati integumentis nulla quidem fractura in osse reperiatur, & tamen os malè affectum sit. Hoc inprimis observatur, ubi obtusum fuit instrumentum vulnerans, vel quando homo ex alto delapsus planæ superficiei validè impegerit caput. Tunc enim vel finditur os cranii, sæpe integris licet manentibus capitis integumentis; vel pericranium, inter resistentes obstaculum & duram calvariam subiectam, sic premitur & atteritur, ut frangantur vasa, quæ ex pericranio in calvariam tendunt, & vicissim ex hac in pericranium redeunt; unde aboletur omnis vitalis influxus in lamellam calvarie pericranio contiguam. Patet

(a) Ibid. Chap. viii.

(b) *Bellefleur Chirurg. d'Hôpital*, pag. 82.

(c) *Lib. de Capit. vulner. Cap. xxviii. Character. Tom. XII. pag. 126.*

fatís ab iisdem causis posse ladi vasa, quæ inter lamellas cranii media decurrunt, unde augmentum mali fit. Cognoscitur autem, talem contusionem & destructionem vasorum in cranii osse obtinere, ex colore ossis mutato. Naturaliter enim ossa viva & sana colorem subrubellum, vel & ex albo cærulescentem habent; quia vasa viralia, colorato liquido plena, per albam ossis lamellam, & præ tenuitate pellucetent, talem colorem exhibent. In omnibus illis ergo locis, ubi à contusione destructa sunt vasa supposita lamellis ossis, albedo erit: unde & §. 225. n°. 6. inter signa calvarie læsæ numerabatur, si punctis pallidis coloratum cranium appareret: & Bellostius (a), postquam nudam pericranio calvariam minutis foraminulis perterebraverat, primum signum felici successus memorat, quod os inciperet subrubescere; manifesto nempe indicio, vitam redire in osse, antea vitali humorum influxu privato. Ubi autem os vasis suis destructis incipit corrumpi, tunc color albus in flavum, fuscum, lividum, imò nigrum omnino mutatur; eò semper majori corruptelæ gradu, quò magis à naturali colore recedit, ut dictum fuit in *Commentariis* ad §. 249.

Cùm ergo in tali casu metus sit, ne ossis hæc corruptio subiectas lamellas contingas, similiter inficiat, ad ipsamque diploen pergat, unde & subiecta tabula vitrea, & deinde ipsum encephalon insici poterunt, inprimis cùm fractis vasis effusi humores & corrupti per integram contusi ossis superficiem exire nequeant; apparet iterum pulcherrimus usus methodi §. 252, descriptæ, quæ nempe minutis hinc inde foraminulis perterebratur calvaria, ut effusi humores exire possint, & vasa viva supposita, duto hoc tegmine mortui ossis libera emergere & separare illud, quod mortuum & corruptum est. A visis enim vasis suppositis solum, expectandam esse separationem ossis corrupti, jam indicavit Hippocrates (b): postquam enim monuerat, ossa fracta non esse educenda cum periculo, nisi sponte sursum cedant: dicit: *Sursum autem os educi priore laxato, & carne subnascente, est consentaneum; quæ ex ossis medullio, ubi ossa inter se conneſtuntur, & ab eo, (osse) quod sanum est succrescit, si superior tantum ossis pars corrupta est.* Solâ Observatione sic didicit Hippocrates illud, quod postea Recentiorum industria confirmavit: carnem enim vocaverunt antiqui Medici, (& etiam recentiores eodem vocabulo usi sunt) vascularem illam compagem, quæ in vulneribus renata jacturam substantiæ restituit. Et pulchre addidit, hanc ex diploe succrescere, per quam adeo manifesta vasa disperguntur; imò &, superioribus tantum lamellis corruptis, talem carnem nasci ex sano osse supposito, non ex diploe, manifestè indicat.

Ubi autem fissura adest, eadem hæc methodus pariter prodest. Omnia enim mala quæ fissuram sequuntur, inprimis ab eo pendent, quod plurimorum vasorum ruptura facta fuerit, nec pateat facilis exitus liquidis extravasatis; unde corruptela ossis, & omnia quæ inde pendent mala, sequuntur. Minutis verò foraminulis circa fissuræ locum pertuso osse, exitus patet extravasatis humoribus, & facilis habetur via, quâ vasa viva elongata prodire possunt, & retexere novum pericranium.

Quàm subito autem hæc methodo perficiatur cura, etiam in satis notabili ossis læsione, patuit ex illis, quæ dicta sunt in *Commentariis* ad §. 252, & 253.

(a) Chirurgien d'Hôpital, pag. 76-78.

(b) Lib. de Capit. vulner. Cap. xxviii. Char-

ter, Tom. XII. pag. 136.

• §. 263. **Q**UO ipso (262) periostei regeneratio cita (252).

§. 264. **S**ANATIO tum reliqui descripta est (245. 246. 247. 248. 253).

De his omnibus in numeris hic citatis dictum fuit. Simulac enim novum pericranium sic recrevit, tunc reliquum curari debet instar vulneris capitis, quod sola integumenta læsit communia.

§. 265. **I**NDE patet, cur angusta fissura periculosior sæpe, quàm ingens cranii contusio (256).

Omnes Medici & Chirurgi periti in hoc consentiunt, fissuram calvarie sæpe longè majus discrimen adferre, quàm validam contusionem, imò & fracturam ossis.

Fissura enim difficiliùs cognoscitur, & sæpe non detegitur, nisi serò, inprimis si circa futuras hæreat; vel & externâ calvarie tabulâ integrâ manente sola interna tabula fissa sit; utl & dum alio loco calvarie os fissum est, quàm ubi vulnus hæret. Accedit, quòd fissura, licèt oculis appareat, sæpe longiùs excurrat, quàm ut tutò tota possit detegi discissis integumentis. Omnia autem hæc aliquando sic contingere, probatum fuit fidelissimis Observationibus in *Commentariis* ad §. 254, memoratis. Dum verò ingens læsio ossis facta fuit, sponte patet; & magnitudine mali incitati Medici & Chirurgi omne molimen Artis adhibent, ut præcaveant metuenda mala. Fissura tam sæpe latens, imò quandoque nullo signo detegenda, vel peritissimos fallere potest, quod de se ipso *Hippocrates* tam ingenuè fassus est.

Altera causa, quare angusta fissura tam periculosa habeatur, est, quia non potest certè cognosci, quousque penetraverit, an ad diploen usque, an etiam profundius. Si jam ad diploen usque fissa fuerit calvaria, magna satis vasa fracta erunt; effusi humores non poterunt per angustam ossis rimam transire, corrumpentur; destruent teneram illam cellulosam ossis partem, quæ diploen constituit; proserpere poterit malum inter binas calvarie tabulas, & corrumpere omnia. Erosâ dein internâ cranii tabulâ, encephalon ipsum poterit affici, & sic subitò perit homo, dum nullum creditur latere malum, & post mortem totum os corruptum invenitur. Plurima talia habentur apud Observatores Exempla. Ubi autem ingens cranii læsio facta fuit, patet exitus humoribus extravasatis, vel per Artem fieri poterit, & vasa viva supposita omne corruptum poterunt separare. Ideo tam felix sæpe cura fuit gravissimorum etiam capitis vulnorum unâ cum insigni ossis læsione; dum levis fissura, serò tantum cognita, nihil mali metuentes sæpe inopinato de medio sustulit. Ideo *Hippocrates* ausus fuit pronunciare (a) in capitis fracturis, si os quidem fractum sit, & contritum periculo vacat. . . . . quòd si fissum fuerit & fissura in-

(a) De locis in homine, Cap. xii. Charter. Tom. VII. pag. 371.

*irò procedat periculi plenum est.* Additque, ferram adhibendam esse, ne sanies per ossis fissuram affluens meningem putrefaciat. Et alibi (a) ossa capitis fracta, vel late admodum præcisâ, vel rimis pluribus & latioribus divisa, minùs periculi habere affirmat. Accedit præterea, quòd nunquam findi possit calvaria, quin simul plùs minùse contusa fuerit (b); unde eò major numerus vasorum, in ipsa substantia vel per diploen decurrentium, frangitur; hinc omnium malorum augmentum.

§. 266. **E**T patet, hanc methodum (§. 252. 262.) præferendam ustioni, scalpris, trepanis Veterum in his malis (§. 249. 254. 256. 262.).

Ex illis, quæ dicta sunt in *Commentariis* ad §. 252, patuit, levem illam perturbationem calvarie pluribus foraminulis citò & tutò simul sanare hæc mala; unde videtur meritò præferenda esse reliquis methodis. Licet autem apud *Hippocratem*, ut dictum fuit, jam hujus rei vestigium habeatur, tamen frequenter usi fuerunt scalpris, ut deraderent ossis malè affecti partem. Si tamen perpendantur omnia, quæ necessariò sequuntur hanc ossis affecti abractionem, patebit, minùs tutum hoc esse, & longè tardiùs sic curam perfici. Ustionem ferro candenti commendaverunt quidem Chirurgi, ut os corruptum separaretur: sed non memini apud *Hippocratem* in læsione calvarie; ut nec apud *Celsum*, hujus mentionem factam fuisse; & certè difficile admodum foret sic adurere partem ossis corruptam, ut non læderetur pars integra ossis subjecta; quæ ergo iterum separari deberet, antequam curatio posset expectari.

Ubi autem angusta rima in osse cranii fisco apparebat, vel & teli vestigium in osse relictum erat, tunc scalpris variæ magnitudinis & figuræ, pro varia mali magnitudine & figura, utebantur, quibus os radebant, donec rima, vel teli vestigium deleteretur. Et, ut certi essent rimam talem sic deletam esse, priùs atramento scriptorio, vel alio nigro liquore (vide §. 255. n°. 4.) tingebant os nudatum, ut coloratum tale liquidum in rimam penetrans ostenderet, quousque penetraret; pergebant enim radendo, donec totum illud nigrum deleteretur. Ubi verò altius descendebat rima, neque radendo tolli poterat, tunc terebram adhibebant, ut magnam ossis partem exciderent (c). Ubi verò latior locus calvarie contusione læsus fuerat, & signa docerent os corruptum esse, tunc utebantur trepano exfoliatorio dicto, quod binis cuneis contrariâ directione positis constabat, quibus circumrotatis abradebatur calvarie superficies orbiculari plagâ. Quia convexa & in quibusdam locis inæqualis est cranii superficies, facillè patet non adeo æquabiliter sic posse abradi illud, quod corruptum est. Sed præterea postquam radendo scalpris vel tali trepano exfoliatorio rima deleta erat, vel ablata ossis corrupti pars, tunc superficies ossis abrasa mortua est, destructis nempe omnibus vasis; hinc separari debet, antequam iterum poterit illi incrementum pericranium. Apparet ergo ab his operationibus non multum boni expectandum esse. Illâ autem methodo §. 252, pulchre separatio corrupti perficitur, eademque operâ regeneratur perditum brevi tempore.

(a) Lib. de Capit. vulner. Cap. xiiii. Charter. Tom. XII. pag. 116.

(b) Ibid. Cap. vi. Charter. Tom. XII. p. 118.

(c) Ibid. Cap. xxiiii, & xxiv. Charter. Tom. XII. pag. 124. 125.

§. 267. CRANIUM in junioribus intropressum, in adultioribus post fracturam intropulsum, cerebrum premit; pro varietate loci pressi, pro varia magnitudine, profunditate, acutie, puncturâ prementis, producit hebetudines, sopores, vertigines, tinnitus, caliginēs, deliria, vomitum bilis, dolores capitis, convulsiones, paralyfes, lotii, sæcumque spontaneum exitum, apoplexias, febres, mortem.

Postquam dictum fuit de illis malis, quæ ossis cranii læsiones sequuntur, sequitur ut videamus, quid futurum sit, si calvaria intropressa, vel post fracturam intropulsa, contentum encephalon compresserit, vel læserit. Constat ex Geometricis, circulum inter figuras isoperimétras maximam habere aream; sed calvariæ figura ad sphericam accedit: intropressâ calvariâ, minuetur ejus capacitas. Notum est porro ex Physiologicis, cranii cavum semper plenissimum esse in sanitate: unde resectâ calvariâ statim contentum encephalo exurgit sic, ut nunquam possit iterum adaptari resecta pars, nisi vi adhibitâ. Patet ergo, quodd simulac mutata fuerit calvariæ figura per intropressionem, necessariò comprimantur contenta ejus cavo.

Sive jam figura cranii convexa mutata fuerit per intropressionem sine fractura, sive os fractum, loco suo pulsus, depressus fuerit, effectus erit idem, nempe cerebri contenti compressio. In junioribustalem intropressionem possibilem esse sine fractura, calvariæ mollior in hac ætate serè persuadet: longè major firmitas in adultis difficiliùs hoc fieri posse sine fractura docet. Hippocrates (a), varias fracturarum calvariæ species recensens, tertio loco enumerat hanc introcessionem, quam *εσθλασιον* vocavit; dicitque, semper tunc simul rimas adesse: *Quod enim medium dididit, ab alio osse naturaliter se habente abruptum fractumque introcedit; itaque sanè huic casui (intropressioni) rimam accedere necesse est.* Longè tamen mollior est ossium humani corporis in vivente substantia, quàm in sceletis exsiccatis apparet: hinc fortè non omnino impossibilis, licèt rarior, calvariæ depressio in adultis, non decrepitis tamen, sine fractura.

Cùm autem ab illis, quæ cranii cavo continentur, tota vira & humanitas pendeat, totùmque encephalon molle sit & facilè comprimendum; patet, intropresso cranio turbari posse, imò & integre deleri, omnes functiones, quæ ab encephali integritate pendent. Quia autem cerebellum firmioris substantiæ est, & tutiùs reconditur, quàm ipsum cerebrum; hinc damna, à calvariæ intropressionē orta, semper serè cerebri actiones lædunt primariò, tandèmq; propagato malo cerebelli actionem, à qua vita pendet, tollunt. Simul patet, effectus hujus mali admodum varios esse posse, prout diversa cerebri loca comprimuntur, & prout causa comprimens majori minorivè vi agit; vel etiam dum abrupta ossis fragmenta acuta cerebri substantiam ipsam vulnerant majori vel minori profunditate. Levem etiam cerebri compressionem turbare posse ejus actionem, raro constat Exemplo. Mulieri dimidia cranii olla ablata fuerat, quam circumferabat of-

(a) Lib. de Capitis vulner. Cap. VIIII. Charter. Tom. XII. pag. 118,

statim



tiam slipem petens : nudam duram matrem dum digiti apice leviter quis tangeret , validè exclamavit , dicens se millenas videre candelas (a). Symptomata autem , quæ compressionem encephali ab hac causa factam sequuntur , enumerantur sequentia.

**HEBETUDINES.** Quæ levissimam tantùm cerebri compressionem sequuntur. In omnibus illis , quibus à lenta & frigida causa apoplexia nascitur , priùs talis infolita hebetudo sensuum omnium , & tarditas ad motus musculares exercendos , observantur ; quæ designant , sensum accumulari in cranio tales humores , qui levi compressione obtundunt sensuum omnium vivacitatem , tandèmq; auctà copià penitus tollent. Si jam calvaria intropressa leviter sic cerebrum compresserit , simile malum oritur , aliquando totà vità manens , si non tollitur causà comprimens. Tale Exemplum habetur apud *Hildanum* (b). Puero decem annorum , felicissimo ingenio prædito , casu cranium circa suturam lambdoideam impressum fuerat ; cùm nulla graviora symptomata sequerentur , neglectum fuit à parentibus hoc malum , mansitque hæc ossis impressio. Incepit sensum memoria & intellectus imminui , sic ut nihil addicere potuerit , vixitque sic stupidè omnino ad quadragesimum ætatis annum , tuncque peste correptus periit. Similis hebetudo etiam observatur , quando sanguis nimia copià distendit vasa majora in plethoricis ; vel in morbis acutis velocitate auctà & majori rarefactione dilatat vasa sic , ut pulposa cerebri substantia incipiat comprimi.

**SOPORES.** Qui auctam cerebri compressionem indicant : simulac enim illæ causæ , quæ hebetudinem fecerant , augentur , oritur somnolentia , & tandem profundissimus somnus & lethalis , nempe apoplexia. Unde inter illa signa , quæ docent capite vulneratum periculosè affici , recenset *Hippocrates* altum soporem , & tenebrosam vertiginem (c).

**VERTIGINES ; CALIGINES.** Vertigo omnium ferè morborum cerebri levissimus est , & plerique capitis morbi , imò ferè omnes , inde incipiunt ; & curati pro ultimo symptomate vertiginem relinquunt. In omni vertigine plerumque est rotatio apparens rerum extra nos positarum & naturaliter quiescentium ; aliquando videntur omnia ex alto deorsum labi , & contrà. Quando increfcit malum , incipiunt apparere colores varii in objectis ; mox sequitur vacillatio omnium musculorum , incipiunt sic affecti metuere ne labantur , obvia quæqueprehendunt , ut se sustineant ; enervatur totum corpus uno momento , sic ut cadant , simulque tenebræ densissimæ omnem sensum visus tollunt ; hocque est ultimum quod sentiunt : si enim pergat malum , in apoplexiam , epilepsiam , vel animi deliquium terminatur.

Levissima ergo vertigo est , ubi omnium objectorum rotatio apparet ; aucto malo , tenebræ fiunt , tunc *extasis* , id est , tenebrosa vertigo vocatur : tandem cadunt sic affecti. Tria hæc in loco modò citato notavit *Hippocrates* , signa graviter capite vulneratorum recensens ; tum si ager alto sopore detentus fuerit , aut tenebræ oculis offusæ , aut si vertigo prehenderit , aut ipse conciderit. Dum *Antilochus* hostem in fronte sic vulnerat , ut lanceæ cuspis os penetraret , tenebræ oculos operuerunt , dixit sapiens *Homerus* (d).

(a) Académie des Sciences , l'an 1700. Hist. pag. 57.

(b) Observat. Chirurg. Centur. III. Observ. 47.

Tomus I.

(c) Lib. de Capit. Vulner. Cap. xv. Character. Tom. XII. pag. 135.

(d) *Τὸ δὲ ἐνεσθὲς αὐτῷ ἐν ὀφθαλμοῖς*. Iliad. Lib. IV. vers. 461.

Simplex ergo vertigo levem tantum compressiunculam cerebri indicat; tenebricosa verò auctum malum designat: sublata autem causâ comprimente, tollitur. Unde dum in morbis acutis impetu & copiâ sanguinis distenta vasa majora cerebrum comprimunt, oritur talis tenebricosa vertigo, quæ narium hæmorrhagiâ tollitur, uti monuit Hippocrates in Prænotionibus Coacis (a) dicens, tenebricosas vertigines ab initio sanguinis è naribus fluxus solvit; ut distingueret nempe à simili vertigine, quæ non adeo in morbi initio, sed tardius sæpe apparet, corruptâ per morbum bile vel aliis sordibus circa præcordia collectis.

TINNITUS. Vertiginem tenebricosam ferè semper comitatur molestissimus in auribus sibilus, ac si millenæ tinnientes campanulæ audirentur. Ubi autem sine causâ externa talis sibilus percipitur, vocatur tinnitus aurium. Ille autem aliquando oritur ipsius organi auditûs vicio, illôque etiam levissimo; tunc digito auriculari in meatum auditorium immisso & agitato, vel & trago auriculæ compresso, tolli solet satis citò; neque tunc aliquid mali portendit. Ubi verò ab ipso cerebro affecto aurium tinnitus oritur, tunc non faciliè cedit, & per annos sæpe molestus est; apoplexiæ tandem secururæ, vel & epilepsiæ, signum, uti in Coacis Prænotionibus habetur (b). Eandem causam agnoscit hoc symptoma ac vertigo, & graviores capitis læsiones ferè semper sequitur.

DELIRIA. Cerebrum esse illud organum corporeum, à cujus integritate idearum perceptio, illarum combinatio, judicium inde sequens, animi affectus, &c. pendunt, ex Physiologicis notum est. Ubi autem idearum ortus non respondet externis causis, sed ab interna cerebri mutati dispositione pendet, delirium adesse dicitur. Compresso autem cerebro ob mutatam calvariæ figuram turbari possunt omnia, quæ ab hujus organi illibatâ actione fiunt in corpore. Observatur enim plerôque, qui à nativitate satui sunt, vitiatam habere capitis figuram: & Hippocrates, ubi recenset funesta symptomata, quæ sequuntur calvariæ læsionem quamcumque, si non adhibeatur debita cura, tandem addit, quòd delirantes moriantur (c). Et alibi sæpius delitium post capitis plagas, tanquam malum signum damnavit; (d) ob plagam in capite acceptam, stupor aut desipientia malum. (e) Ab ossis perfectione delirium, si ad vacuum usque pervaserit, &c.

VOMITUM BILIS. Mirum symptoma, quod in capitis vulneribus cerebrum læsum, vel compressione aut concussionem, malè affectum semper denotat. Constat enim certissimis & quotidianis Observatis, cerebri insignes mutationes, etiam in sanissimis hominibus, biliosum talem vomitum excitare non tantum, sed etiam sæpe bilem miro modo mutare momento ferè temporis.

Non affuetus homo navis agitationi, post vertigines & summam anxietatem, bilem æruginosam vomit: idem fit, si sanissimus homo subitò in gyrum rotetur: & tunc etiam vertigo præcedit, cerebrum affectum denotans. Et vicissim bilis corrupta, circa præcordia hærens, omnes cerebri actiones turbare potest miris modis, vertigines, deliria, convulsiones, &c. excitando: excusâ hæc saburrâ, illico cessant omnia hæc mala. Ex quibus patet, mirum commercium obtinere inter caput & præcordia, sic ut in se mutuo efficacissimè agant; nec hæcenus hoc ex cognita

(a) N°. 341. Charact. Tom. VIII. pag. 871.

(b) N°. 161. Ibid. pag. 861.

(c) Lib. de Cap. vulner. Cap. xxxi. Charact. Tom. XII. pag. 127.

(d) Aphor. XIV. Sect. VII. Charact. Tom. IX. Part. II. pag. 298.

(e) Ibid. Aphor. XXIV. Sect. VI. Part. II. pag. 303.

corporis fabrica explicari faciliè poterit, licèt certissimis Experimentis constet, rem se sic habere. Sic *Scultetus* observavit, omnes ferè capite vulneratos de oris amarore conqueri (a).

Suspectum hinc semper fuit in capitis vulneribus hoc signum. Quibus cerebrum vulneratur, febris plerumque ac bilis vomitus accedit, & corporis sideratio; atque tales perniciosè habent (b). Quibus perfectum fuerit cerebrum, iis febrem & bilis vomitum succedere necesse est (c). Ex vulnere bilis vomitus accedens, malum; & maximè in capitis vulneribus (d). Imò etiam, dum ab internis causis cerebrum incipit premi, vel alio modo malè affici, bilis, & inprimis æruginosæ, vomitus, inter mala signa recensetur. In capitis doloribus æruginosi vomitus, cum surditate & pervigilio citam insaniam significant (e). Hujusque pronuntiati veritas in Epidemicis (f) Exemplo *Philista* probatur, cui symptomata hæc omnia eo ordine, ut recensita fuerunt, acciderunt; & quinto die morbi periit.

Pater ergo, cerebro tam ab externis, quàm internis causis malè affecto, bilis vomitus sequi frequenter, & quidem malo omine. Tamen hoc notandum est, cum & leviores cerebri perturbationes aliquando sequatur bilis vomitus, non semper pessima quæque prædicenda esse, dum hoc symptoma adest, nisi & alia mala signa concurrant. Accidit enim sæpe, dum ex alto delapsi homines caput duro obstaculo impingunt, quòd fiat vomitus à sola concussionem cerebri, licèt postea nihil gravioris mali sequatur. In illo enim casu §. 258, ex celeberrimi *Ruysschii* Observationibus Anatomico-Chirurgicis recensito, cum Chirurgus mulierem, post lapsum ex curru in humum gelu duratam, aliquoties vomuisse intelligeret; pessima quæque suspicatus contum in fronte locum cruciali incisione detexisset, nisi *Ruysschius* accedens hoc prohibuisset, qui solis fomentis capiti applicatis brevè sanavit totum hoc malum.

**DOLORES CAPITIS.** An ipsa cerebri vel cerebelli substantia doleat, dum malè afficitur, nondum constat Experimentis. Cerebri corticem sine dolore lædi posse, imò impune rescindi, dum in fungum excrefcit, certò novimus. Medullam læsam convulsiones facere pariter constat; sed tunc illico sic turbantur omnia, ut non possit determinari, an tunc simul dolor adsit. Interim tamen constat, calvariae integumenta externa, inprimis pericranium & expansionem tendinosam huic incumbentem, (de quâ dictum §. 239.) uti & ejus periosteum internum sive duram matrem, dolere, dum læduntur. Unde celeberrimi in Arte Viri dixerunt, cephalogiam calvariae ejusque integumentis proprium esse malum; uti delirium cerebro (g). Cum ergo calvariae intropressio vel ejusdem post fracturam intropulsio non possit fieri sine læsione, vel saltem distractione integumentorum, & ipsius duræ matris, patet faciliè, dolores capitis sequi tale malum; nisi simul sic compressum fuerit ab ossis introessione encephalon, ut omnes sensus aboleantur penitus. Unde dolores capitis in tali casu adhuc aliquid boni denotant, nempe cerebri functiones non esse penitus deletas.

(a) *Sculteti* Armamentar. Chirurg. pag. 198.

(b) *Hippocr. Coac. Prænotion. n° 500. Charter. Tom. VIII. pag. 881.*

(c) *Ibid. Aphor. L. Sect. VI. Charter. Tom. IX. Part. II. pag. 285.*

(d) *Idem. Coac. Prænot. n° 507. Charter. Tom. VIII. pag. 881.*

(e) *Idem. Proërhet. Lib. I. Prædict. 10. Charter. Tom. VIII. pag. 706. Coac. Prænot. n° 170. ibid. pag. 861.*

(f) *Idem. Epid. III. Comment. II. Text. I. Ægrot. IV. Charter. Tom. IX. pag. 233.*

(g) *Lud. Duretus in Coacas Prænot. Hippocr. pag. 87.*

**CONVULSIONES.** Quæ semper ferè docent, cerebrum sic compressum vel læsum esse, ut æquabilis spirituum influxus in nervos, motibus muscularibus infervientes, turbatus sit; de qua re dictum fuit §. 230, & sequentibus.

**PARALYSES.** Quando nempe sic læsum fuit cerebrum, ut influxus spirituum in nervos muscularum motores omnino sit impeditus. Hoc malum jam, prout vel omnes musculos, vel unum tantum latus corporis, vel denique quoddam tantum particulares musculos affecerit, varia nomina accipit, uti postea dicitur. Prout enim varia loca cerebri læsa vel compressa fuerint, diversus erit effectus. Mali semper ominis est paralytis, capitis vulnera sequens; quia denotat ipsam medullarem substantiam cerebri compressam vel læsam esse.

**LOTII FÆCUMQUE SPONTANEUM EXITUM.** Resolutis nempe sphincteribus ani & vesicæ; & inter pessima signa, & in morbis, & in capitis vulneribus, hoc habetur. Nervi enim sphincteribus his inservientes ex ultimis nervis spinalis medullæ, per ossis sacri foramina exeuntibus, originem ducunt; unde ipsius spinalis medullæ originem lædi jam in cerebro patet. Distinguendum tamen est inter hanc resolutionem ani & vesicæ, per quam urina & sæces sensim & continuò elabuntur, & ubi in apoplecticis aliquando, uti & in morbis acutis inflammatorii capitis, urina emittitur in vesica priùs notabili copiâ collecta, singulis fortè sex horis; inficio quidem ægro, tamen sine resolutione sphincteris vesicæ, quia tanto tempore retinetur collecta in vesicâ clausâ urina.

Longè enim gravius malum est, quando resolutio vesicæ sphinctere sic clam elabatur urina, quàm si notabili copiâ collecta effluit non recordantibus ægris. Ultimum enim illud incommodum pueris etiam sanis sætis frequens, imò & adultis aliquando accidit, licèt nihil sinistri inde sequatur. Videtur & hæc distinxisse Hippocrates (a) dicens: *Quæ urina non recordantibus, nec admonitis effluunt, perniciofa; num Er ab his meiuntur, ac si sedimentum conturbaveris?* Ubi quidem magnum malum inde metuendum voluit; cerebrum enim oppressum significat. Sed in alio loco (b) dixit, *Quibus incogitantibus urina precipit ad pudendum, exsolvuntur desperati (αἰσχροί)*. Sic enim legendam voluit hanc sententiam Fœsius (c) licèt in textu vulgatam lectionem retinuerit, quæ habet, *quibus clam urina decidit & pudendum contrahitur, desperati sunt*. Pro αἰσχροί legitur αἰσχροί apud Cornarium; & Durerus (d) pariter huic sententiæ accedit. Unde patet, longè gravius malum indicari, si urina sic clam delabatur, resolutio vesicæ sphinctere, quàm si copiâ quâdam collectâ non recordantibus ægris excernatur. Et ob hanc causam Hippocrates (e) postquam varias urinæ proprietates quoad colorem, crassitiem, & contenta, recensuit tanquam perniciosas, absolute damnavit urinam qualemcumque, quæ occultè mingitur (λαβραὶς ὕρμηται).

**APOPLEXIAS, FEBRES, MORTEM.** Hactenus enarrata phænomena designant, erant introgressionem leviori compressione turbasse cerebri actiones quasdam; ubi verbò eò usque aucta fuerit hæc compressio, ut omnes sensus interni & externi deleti fuerint, unâ cum motibus voluntariis, tunc simul adest profundi & per-

(a) Proorthoticor. Lib. I. prædict. 18. Character. Tom. VIII. pag. 718. Coac. Prænot. n.º. 180. Ibid. pag. 206.

(b) Coac. Prænot. n.º. 474. Ibid. pag. 878.

(c) Fœsius Hippocratis Opera omnia, pag. 193.

(d) Lud. Durerus in Coacas Prænot. Hippocratis, pag. 347.

(e) Coac. Prænot. n.º. 180. Character. Tom. VIII. pag. 886.

petui somni imago, & vocatur apoplexia, quam semper comitatur serè pulsus fortis & celerior, supersit adhuc imò & auctà cerebelli actione, quod sub expanso duræ matris velo tutò defensum minùs facilè comprimitur: tandem & cerebello similiter compresso, vel aucto motu destructà ejus fabricà (dum cerebro compresso omnis sanguinis per encephalon pellendi impetus serè tantum in cerebellum agit) mors sequitur.

§. 268. **Q**UIN & ipsum cerebrum ita læsum, corruptum hinc inflammatione, suppuratione, gangrænâ, fungo, hæmorrhagiâ, similia mala (267) parit.

Præcipua malignitas vulnerum capitis inde pendet, quòd vicinum cerebrum facilè afficiatur: si ergo læsio tanta fuerit, ut ad cerebrum ipsùm pertingat, facilè patet, pessima quævis metuenda esse mala. Tota enim humanitas à mollis & pulposi hujus visceris integritate pendet. Interim constat ex Anatomicis & Physiologicis, totum encephalon vasis constare, in quibus ergo compressis, vel læsis, obstructio, inflammatio, omnesque horum morborum sequelæ obtinere poterunt; ut & illa mala omnia, quæ ab extravasatis humoribus premendo, vel ab iisdem corruptis rodendo, excitari poterunt. Observationes autem Chirurgicæ docent, hæc omnia cerebri læsiones secuta fuisse.

Homo acinace vulneratur in parte posteriori capitis cum læsione calvarie: cùmque in initio ab imperito Chirurgo tractatus fuisset, qui ruditer examinans vulnus, specillum per calvarie rimam in ipsam cerebri substantiam ad tertiam partem longitudinis specilli adegit; ideo prudentiores postea accedentes Chirurgi noluerunt trepanum adhibere, ne hæc operatio, quæ plurimis salutaris fuerat, infamaretur. Post varia symptomata miser vigesimo tertio die moritur; & aperto cranio deprehenditur abscessus magnus in sinistro cerebri latere, proprio folliculo circumseptus; quo pertuso ingens copia puris foetidi effluxit (a). *Paræus* (b) testatur, se frequenter observasse, dum cadavera mortuorum ex capitis vulneribus lustraret, ut de vulnere renunciaret ad Judices, ingentem puris copiam, imò ipsius cerebri substantiæ corruptionem. Imò addit aliam Historiam, quæ docet, suppuratione intra calvarie cavum factâ supersitem tamen fuisse ægrum. Puer caput impegerat pavimento lapideo tam vehementer, ut statim omni sensu privaretur: successit febris, delirium, & alia pessima symptomata. Septimo die ingens sudor accessit, & sternutatio, simulque magna copia puris per os, nares, & aures effluxit, cum levamine omnium malorum; & sanatus fuit puer.

Minum Exemplum habetur (c), ubi post lapsum ex alto, læso cranio per foraminum futuræ sagittali inhærens, exibat puris satis magna copia; quâ evacuatione per aliquot dies quandoque suppressâ, convellebatur æger sæpius de die; exeunte pure cessabant convulsiones; tandem quinquagesimâ die moritur. In cadavere invenitur lata fissura sex pollices longitudine superans, sed jam coalita; in dura matre nullum vitium apparebat, sed totus lobus sinister cerebri erat suppuratus, dextro ejusdem lobo & cerebello integerrimis.

Plura similia Exemplum habentur apud Observatores; hæc sufficient, ut demon-

(a) Scultet. Armamentar. Chirurg. p. 217.  
(b) Liv. X. Chap. 22111.

(c) Académie des Sciences, l'an 1700. Hist. pag. 56. 57.

stretur, veram suppurationem in ipsa cerebri substantia obtinere posse. Et simul apparet, licet semper admodum periculosa sit suppuratio hæc orta, non tamen semper mortem inde sequi.

Ubi autem loco benignæ suppurationis, quæ omne, quod legibus circulationis amplius obedire nequit, separat, gangræna cerebrum ipsum occupat, patet facili, nihil sperandum esse. Tale autem malum cerebri læsiones sequi aliquando, testantur Observata. Miles post gravissimam capitis contusionem sine vulnere, in Nosocomium recipitur, & post novem septimanas, dum nullum amplius dolorem nec aliud malum perciperet, jamque reditum in patriam meditaretur: noctu in lecto subito moritur. In cadavere nulla omnino læsio in calvaria detegitur, sed cerebri substantia, loco percusso subjecta, ad digiti crassitiem, pomi instar putrefacti, corrupta apparebat, cum enormi, & ad ventriculos anteriores serè penetrante, putredine: levis præterea corruptio piæ matris aderat, reliqua omnia apparebant illæsa (a). Dum gravissima capitis vulnera in cerebri substantia penetrantia acceperat homo mense Octobri, moritur post biduum. Ablatis fasciis post mortem teter adeo exibat ex vulneribus odor, ut nullus ferre posset, vel ad cadaver accedere auderet (b.) Tamen enormis putredo bidui tempore in sanissimo homine, frigida satis tempestate, nasci potuit!

Ipsam encephalon corrumpi posse Hippocrates monuit, & vocabulo *εγκειναι* usus est, ut hanc corruptionem designaret. Sic dicit: *Cerebro corrupto, alii in tribus diebus, alii in septem moriuntur: has verò si effugerint, servantur. Quibus autem ex his restetis, os disparatum (disjunctum) repertum fuerit, hi pereunt (c);* & in Aphorismis (d) quibus cerebrum sideratum (sideratum vertunt etiam *εγκειναι*) est, ii intra tres dies intereunt. Si verò hos effugerint, sani evadunt. In his autem locis indicat, possibilem adhuc esse sanationem, licet encephalon corruptum fuerit. Patebit postea, ipsam cerebri substantiam in fungos protuberantem, posse tolli secando, ro-dendo, &c, superflue vitæ non tantum, sed & omnibus cerebri functionibus illæsis manentibus postea.

Dictum fuit antea §. 158. n°. 5, discissâ cute, pinguedinem subiectam, æquabili pressione cutis non amplius coercitam, assurgere, & degenerare in carnem, fungosam dictam, in vulneribus. Simile malum in vulneribus capitis obtinet, quando & cranium ipsum, & dura mater percissa sunt. Naturaliter enim calvariæ cavum semper plenissimum est, uti aliquoties jam monitum fuit: ubi ergo cranii & duræ matris vulnere non amplius coercentur contenta, incipiunt protuberare; & quia arteriæ, antequam cerebri substantiam ingrediuntur, tunicas suas crassas elasticas deponunt, ideo impulsis, vi cordis satis propinqui, fluidis minùs resistere possunt, unde dilatantur quàm maximè, & miros tumores faciunt. Et qui præter omnem expectationem citissimè emergunt tales tumores, & postquam ultra vulneris labia externa emerferunt, latissimè expanduntur, in ipso vulnere magis contracti, ideo & à figuræ similitudine, & à subito incremento, fungos cerebri vocaverunt hos tumores. Omnium autem maximi tales fungi nascuntur, si valida febris impetum & velocitatem liquidi impulsus in vasa cerebri tam faciliè dilatanda auxerit. Quamdiu autem dura mater adhuc integra est, rarò tales fungi enascuntur: hæc enim mem-

(a) Scultetii Armamentar. Chirurg. pag. 507.

(b) Hildan. Observ. Chirurg. Centur. 1. Observat. 25. pag. 103.

(c) Coac. prænot. n°. 188. Charter. Tom.

VII. pag. 861

(d) Aphor. L. Sect. VII. Charter. Tom. IX.

part. II. pag. 319.

brana factis firma coercet suppositam cerebri substantiam. Dum verò pia mater simul læsa fuit, longè magis adhuc fungi illi protuberant: nam videmus etiam in cadavere, levi vulnufculo pertusâ piâ matre, illico corticem cerebri per vulnus factum emergere.

Plurima jam habentur Observata Chirurgica, quibus constat, dissecto cranio & durâ matre, cerebri substantiam in mirabiles tales tumores excrefcere: unum alterumve tale Observatum adduxisse sufficiet.

Nobili juveni lapidis jactu dextrum bregmatis os frangitur: exit statim ipsa substantia cerebri ad dimidiâ avellanæ magnitudinem: cùmque junior quidam Medicus præfens negaret esse cerebri partem, sed pinguedinem esse diceret, Experimentis probavit *Paræus* (a) prodiisse de vulnere ipsam cerebri substantiam. Docet hoc Exemplum, vulnere læsis cranio & coercentibus cerebrum membranis, citissimè protuberare posse ipsam cerebri mollem fabricam.

Puero quatuordecim annorum globulo ligneo inter ludendum sinistra ossis frontis pars percussitur; mox concidit, bilem vomit, & postea perrexit omnia ferè ingesta evomere. Post binos menses, cùm admodum malè se habere pergeret, cranium terebratur, cum impetu per foramen factum pus erupit. Postea ipsa cerebri substantia incipit emergere, nec potuit coerceri; unde filo circumstricto ressecabatur: mox similis substantia fungi instar ad trium digitorum altitudinem erupit, iterum simili methodo ablata. Hocque sæpius factum fuit, sic ut fungi omnes resecti pugni magnitudinem æquaverint: tamen postea curatus fuit (b).

Septem annorum puer ex equo delapsus gravi vulnere dextrum bregmatis os læsit. Quinto die fungus excrevit ex cranio pertuso digitum crassus, pollicem longus. Parentes accuratam vulneris inspectionem, & cranii depressi elevationem, noluerunt admittere, & constanter asseruerunt, se malle filium mitiori curâ tractatum mori, quàm incerto cum eventu crudelis operationis molestias subire. Hinc solis exsiccantibus ferè fungum tollere conati fuerunt Medicus & Chirurgus. Mansit sic fungus vix mutatus per tres integros menses; symptomatibus autem pessimis, quæ in initio adfuerant penitus mitigatis, imò ferè integre abolitis, omnes actiones vitales, animales, naturales restituebantur, sic ut corporis habitus augetetur, & solitis ludis puer tempus falleret. Circa quarti mensis initium fungus multùm increvit, pulvere tamen ex euphorbio & alumine usto insperso sublatus fuit; sed intra viginti quatuor horas alius fungus ovi gallinacæ magnitudine excrevit, cum exacerbatone omnium malorum. In hoc fungo valida pulsatio arteriarum apparebat, & rudius tractatus sanguinem copiosissimè sudit. Frustra tentatum fuit rodentibus consumere luxuriantem fungum, unde angustior cervicem fungi filo circumducto constrinxit Chirurgus; sed oriebatur pulsatio tam enormis arteriarum in fungo, ut tota ejus moles subsilire videretur. Constringendo tamen hæc methodo perrectum fuit, & maxima fungi pars cum intolerabili fœtore unâ cum filo decidit. Residuum fungi nigricans, fœtidissimum, penitus corruptum horrendo aspectu apparuit: convulsiones, tremores, hemiplegia secuta fuerunt. Tamen post aliquot dies omnes illæ partes fungi corruptæ deciderunt; sed alius fungus cineritii coloris, nucem juglandem magnitudine æquans, indolens, cum pulsu manifesto arteriarum, per fungosam hanc substan-

(a) Lib. X. Cap. XXIII.

(b) Hildan, Observat. Chirurg. Centur. IV. | Observ. III. pag. 187.

tiam disperfarum, ex vulnere emerfit, qui post paucos dies sponte subfedit, & ingens hiatus in ipsam substantiam cerebri penetrans apparuit. Post biduum, unius noctis spatio, totum hoc cavum novo fungo oppletum fuit, & paucis diebus postea, prius opisthotono terribili per biduum excruciat, misellus puer, quarto mense post acceptum vulnus finito, moritur: sensus tamen omnes, loquela, & ratiocinium confliterunt ad vitæ finem usque (a).

Mirabilis hæc Historia docet, fungos tales cerebri ipsius substantiâ vasculosâ, mirum in modum dilatâ, constare, & citò renasci, licet ablati fuerint. In cadavere deprehensum fuit, cerebri corticem in loco vulneris penitus consumtum fuisse, & pure copioso omnia diffuere.

**HÆMORRHAGIA.** Vasa sanguinea triplicis inprimis generis in encephalo solent considerari. 1°. Illæ arteriæ, quæ per duram matrem disperfæ, satis fortes & validæ, & duplicaturâ hujus membranæ defensæ, tutò satis locantur. Arterias autem hîc satis insignes esse, docent sulci ab his arteriis cranio impressi. 2°. Vasa sanguinea per piam matrem disperfa, quæ tota vasculosa esse injectionibus Anatomicis demonstratur. Arteriæ autem illæ, crassius tunicis depositis, antequam piam matrem ingrediuntur, tenerrimæ sunt, hinc faciliùs lædendæ. Simulac verò vasa illa sanguinea ex pia matre in cerebri corticem contiguum pervenerunt, jam non ampliùs sanguinem rubrum habent, sed longè tenuius fluidum. Naturaliter enim in cortice cerebri nihil rubri sanguinis unquam apparet. 3°. Per ipsam medullarem substantiam encephali vasa sanguinea disperguntur, nudo oculo etiam conspicua, quæ blando calore tenerrima stamina medullosa foveant. Similia satis magna etiam medullam oblongatam ambiunt. Et in cavis cerebri ventriculis mirabiles illi processus piæ matris hærent, qui plexus choroidei dicuntur, nulli parti ventriculorum cerebri accreti, sed libere ibi fluctuantes, & toti vasculosi, uti & injectio Anatomica, & sine his nudus oculus etiam docet. In omnibus his locis per vulnera lædi possunt hæc vasa, & sanguinem effundere; & licet causa vulnerans non adeo profundè penetraverit, tamen concussu valido, tenerrima vasa per piam matrem & in cerebri ventriculis, &c., disperfa, poterunt frangi, & effusus sanguis comprimendo encephalon poterit omnes actiones cerebri turbare, imò integre delere; uti innumeris Observatis constitit.

Qualiscumque demum nunc causa fuerit, quæ cerebrum læserit, vel compresserit, vel denique inflammando, suppurando, putrefaciendo, destruxerit ejus fabricam; poterunt sequi omnia illa mala, quæ §. 267, recensentur, à levissima vertigine ad lethalem apoplexiam usque.

§. 269. **I**D vitii (267) noscitur tactu, visu, ablatis integumentis (259).

In prima deligatione vulnerum capitis omnia hæc sedulò examinanda sunt; quantum fieri potest: symptomata enim, capitis vulnus secuta, sæpe eadem sunt, licet diversæ partes læsæ fuerint. Nam dum cranium intropressum, vel post fracturam intropulsam, comprimit encephalon, poterunt adesse omnes cerebri mor-

(a) Miscell. curios. Decur. II, anno, IX. Observ. CLXXIV. pag. 311.



hi; atque iterum, dum cranio illaeso, fractis vasis, v. gr; pizæ matris, effusus sanguis contentum premit cerebrum, omnia eadem mala sequi poterunt: sed cum per sensus cognosci possit, an calvaria læsa fuerit, an non; hoc primò explorandum est. Quod fit, si capillitio priùs derafo locus affectus digitis mollissimè undique pertractetur, ut appareat, an convexa calvariz figura mutata fuerit, an non. Magnam tamen in hoc examine cautelam requiri, & tactum sepe fallere posse, dictum fuit §. 255, n<sup>o</sup>. 7. Si verò tam magna fuerit intropressio calvariz, ut visus foveam impressam facillè detegat, nullum dubium manet. Et dum ob symptomata vehementiora, discissis integumentis, nudatur calvaria, facillè detegitur, an tale malum obijneat, an non.

§. 270. **ABLATIO** pungentis, restitutio prementis in statum naturalem, conservatio hujus status, sufficiunt curationi.

Generalis indicatio curationis tribus his continetur. Aliquando enim accidit; fractum cranium & intropulsam acuto fragmento lædere subjectum encephalon; quandoque, obruso & inprimis rotundo obstaculo dum caput impingitur, orbiculare frustum ex calvaria excutitur, quod intropressum cerebrum comprimit, non autem pungit vel lacerat. Imò aliquando contigit, externam tabulam calvariz illasam, internam tabulam in fragmenta dissiliisse, quæ pungendo & lacerando subjectum cerebrum mortem intulerunt. Talem casum refert *Paræus* (a). Nobili viro caput casside armatum globo plumbeo percutitur sic, ut ferreum illud capitis tegumentum intropremeretur; nihil tamen in externa cute læsum apparebat, nec ulla calvariz intropressio poterat detegi. Sexto tamen die moriebatur apoplecticus. In cadavere apparuit, calvariz tabulam internam, externam licet integrâ, in fragmenta dissiliisse, quæ in cerebri substantiam penetraverant. Idem se in alio simili casu vidisse & celeberrimis Archiatriis præsentibus ostendisse dicit. Apparet facillè difficultas detegendi tale latens malum: ubi autem cognoscitur adesse, summa eum prudentia acutum tale fragmentum extrahendum est; cavendo, ne circumtorquendo, vel fortius movendo, lædatur magis cerebrum. Ubi verò calvaria intropressa vel intropulsa in statum naturalem restituta fuerit, tunc requiritur ut in hoc situ retineatur, & impediatur, ne iterum introcedere facillè possit. Causâ tunc comprimente sublata, æquabilis humorum circuitus per partes jam liberatas restituet naturalem usum: Ars in hoc casu tantum in statum naturalem reducit illa, quæ inde devierant.

§. 271. **ERGO** detectum cranium (259) molle in pueris, emplastro tenaci elevatur; in adultis, si firmum, elevatorio attollitur; si vacillans terebram non sustinet, perforanda juxta fracturam calvaria, ut vesiti possit attolli impressum vacillans, juvat sternutatio; & animæ retentio.

Rarò deprimitur cranium sine fractura, nisi in junioribus, in quibus mollis

(a) Liv. X. Chap. viii.

adhuc ossa facilius cedere possunt sine ruptura. Ut autem elevetur cranium sic intropressum, excogitaverant Chirurgi hanc methodum, ut sursum perpendiculariter tractis integumentis os intropressum elevetur. In juniore enim aetate pericranium firmissimè ossibus adhæret, vasis in omni puncto emissis & receptis: procedente verbè ætate, plurima talia vasa sensim obliterantur, unde observatur in summo senio minor cohesio periostei cum ossibus. Cùm ergo in junioribus firma adhæsiō pericranii & ossium flexilitas magnam spem faciant, sic elevari posse depressum cranium, hæc methodus tentanda erit, antequam ad operosiora Artis molimina procedatur: saltem nunquam nocebit hoc priùs tentasse. Duplici autem modo hoc fit. Vel enim loco affecto imponitur cucurbita, quæ, ubi firmiter adhæret, subito perpendiculariter sursum avellitur: sic magnà vi trahuntur sursum omnia integumenta, & simul elevari poterit intropressum cranium (a). Vel cuti in loco affecto applicatur tenax emplastrum ex pice, vel alio quocumque, quod firmiter adhærere possit; & monet *Hildanus* (\*) capillos non omnino abradendos esse, ut magis hæreat emplastrum; & simul voluit emplastri magnitudinem non debere esse tantam, ut totum locum intropressum tegat, sed tantum tertiam circiter ejus partem, sic enim tota vis, dum elevatur emplastrum, loco intropresso applicabitur. Simul debet per medium emplastrum funiculus transire, quo prehensio possit perpendiculariter sursum trahere emplastrum Chirurgus, postquam priùs firmissimè loco affecto adhæsit.

Ubi verbè frustra tentata fuit hæc methodus, vel in adultis nulla spes est, posse succedat calvarie depressionem; tunc dissecitis integumentis nudato ossi applicant illa instrumenta, quæ elevatoria dicuntur. Varia talia habentur descripta apud Auctores Chirurgicos, & omnium optima videntur illa, quæ spiralem terebram habent; quæ leniter circumtorquendo suspensâ manu medio centro loci depressi infigitur, & deinde, ubi hæret satis firmiter, sursum trahitur unâ cum cranio intropresso. Varia talia instrumenta delineantur, illorumque usus indicatur apud *Hildanum* (c), *Scultetum* (d), *Paræum* (e), &c. Imò *Hildanus* ibidem narrat, dexterimum Chirur- gum, dum aliis instrumentis careret, felicissimo successu adhibuisse spiralem terebram, quâ doliarii utuntur, & rudi hoc instrumento non tantum elevasse depressum cranium, sed & fragmenta nonnulla extraxisse.

Quamvis autem suspensâ manu infigatur loco depressio talis terebra, tamen aliqua pressio requiritur, ut applicari possit: hinc, si vacillet os depressum, periculum foret, ne profundius descendens cerebrum pessimè læderet. In tali casu aliâ opus est methodo: si rima tam patula adsit, ut vectis intromitti possit, tunc sic elevatur os depressum, curando ut vectis hypomochlium firmæ calvarie innitatur. Ubi verbè non patet talis vectis aditus, ut depressio ossi submitti possit, per Artem faciendam via est. Excinditur tunc trepani modiolò juxta locum fractum & depressum foramen, per quod immisso vecte os depressum elevari poterit; & si unum tale sufficere non videatur, plura similia excindenda forent. In maxima cranii depressione septies modiolis cranium in depressionis circumferentia perforare se coactum.

(a) Ambroise Paré Livre X. Chapit. v.  
Hildan. Observat. Chirurg. Centur. II. Observ. V. pag. 83.

(b) Ibid. pag. 83. 84.

(c) Observ. Chirurg. Centur. II. Observat. IV. pag. 80. 81. 82. 83.

(d) Armamentar. Chirurg. Tab. III. pag. 92.

(e) Livre X. Chap. v.

fuisse fatetur *Sculetus* (a) & deinde foraminum interstitia forfice excindere debuit, ut tolleretur os depressum, quod elevare non poterat. Et quamvis tantum decimo sexto post acceptum vulnus die tam periculosa institueretur operatio perfectissimè tamen homo sanatus fuit; sic ut octo circiter septimanis post hæc peracta, militare munus suum iterum potuerit obire.

**JUVAT STERNUTATIO ET ANIMÆ RETENTIO.** In sternutatione sentitur levissima & grata titillatio circa nares, vel & aliquando simile quid percipitur circa præcordia: simulac alterutrum vel utrumque ex his sentitur, homo cogitur suspendere omnes actiones corporis, & expectare, quid futurum sit; momento post ingens convulsio omnium musculorum expirationi inferientium fit cum impetu non coerendo, & subitissimè contractus pulmo omnem aerem contentum expellit sonoro cum sibilo. Illo ergo momento, dum validissima illa exspiratio fit, sanguis per pulmonem transire nequit; hinc sanguis venosus à capite rediens impeditur, quominus se libere in cor dextrum evacuet, unde distenduntur omnia encephali vasa, simulque validissimo hoc concussu arteriosi sanguinis impetus augetur; sicque à binis his concurrentibus causis satis validè distenditur totius encephali moles. Rem autem sic se habere patet, quia repetitâ sternutatione incipiunt vacillare omnes sensus & motus musculares, turgēt facies, lacrymæ exprimuntur, nāsus stillat; imò si frequentius recurat, sæpe omnes cerebri functiones mirificè turbantur. Dum verò anima retinetur, sanguinis transitus per pulmonem, retento aere & per calorem dilatato compressum, pariter impeditur; unde venæ jugulares se evacuare non possunt, & hinc omnia eadem fiēt, quæ in sternutatione dicta fuerunt, cum hac tamen differentia, quòd tempore inter binas sternutationes medio liber iterum fiat transitus sanguinis per pulmonem; quamdiu autem anima retinetur, augetur omni momento pulmonis compressio, aere retento in pulmone, morâ plūs calefacto, & dilatato. Si ergo ossa adhuc flexilia fuerint in junioribus, vel in adultis sic soluta, ut levi vi mobilia sint, turgens retento sanguine encephalon poterit elevare depressam cranii partem, vel saltem adjuvare hanc elevationem, dum aliâ methodo tentatur.

Neque adeo levem esse hanc vim, quâ distentum encephalon urget coercentem calvariam, docuit mirabilis casus. Puellæ tredecim annorum, regulis ex scissili lapide factis (*leyen*) ex altissimæ domus tecto in caput delapsa, adeo magna fiebat impressio calvariæ, in loco ubi sutura sagittalis cum coronali concurrat, ut quatuor pollices æquaret diameter loci læsi. Cùm pessima symptomata urgerent, præmissâ venesectione, statim applicabatur trepanum; dùmque tentaret peritissimus Chirurgus elevare depressa calvariæ frustra, invenit omnia sic separata esse à vicinis, ut tolli deberint. Sic ingens hiatus patebat, tam magnâ parte calvariæ ablata; felix tamen tanti vulneris cura trimestri spatio perfecta fuit. Debilior tamen locus laminâ plumbeâ defendebatur, quam per binos menses gessit hæc puella posteaque neglexit, nihil amplius mali metuens; sicque per septem adhuc menses sana vixit. Malâ fortunâ correpta fuit tussi convulsivâ tunc epidemicâ, quæ tanta cum vehementia miseram hanc puellam in lecto de nocte decubentem exagitavit, ut cicatrix sanati vulneris dilaceraretur, & ultra binas uncias ipsius cerebri substantiæ exprimeretur de vulnere: statim paralytica facta fuit omnibus suis mem-

(a) *Armament. Chirurg. Observat. VII. pag. 198.*

bris loquellâ tamen & ratiocinio manentibus integris, & quintâ die post triste hoc infortunium periit (a). Sat is notum est, in molestissima illa tussi sic impediri omnem sanguinis transitum per pulmonem, ut horrendo spectaculo livecat, imò nigrescat sæpe tota facies sic affectorum, cùm nihil sanguinis venosi ab externis, æquè ac internis capitis partibus, cor dextrum, ob convulsos pulmones plenissimum, ingredi possit, pergente interim corde sinistro urgere sanguinem per arterias. Unde distentissima encephali moles dirupit cicatricem vulneris jam per novem menses sanati. Atque hinc patet, quantâ efficaciâ dislenta encephali vasa urgeant calvariam.

§. 272. **I**N situ tenetur cavendo pressionem externam aptâ deligatione.

Altera pars indicationis curatoriz §. 270 descriptæ, erat, ut pars intropressâ jam restituta in statum naturalem, sic conservaretur. Hoc autem satis facillè fieri poterit, modò tantùm præcaveatur, ne aliqua pressio externa in hunc locum agere possit. Tota enim moles encephali, calvariz cavum naturaliter semper replens, à comprimente parte calvariz intropressæ libera, assurgit, & sustinebit restitutum os, ne propriâ gravitate iterum demergatur. Unde non videtur hic opus esse magno molimine, nec instrumentis, ut restitutum os in situ retineatur. Apud *Hildanum* (b) delineatur instrumentum, quo restituti ossis subsidentiam præcavere nititur. Spiralis nempe terebra cranio infigitur, quæ in parte superiori variis foraminibus perforatur, per quæ stylus ferreus transmitti posset variâ altitudine, ut hujus styli transversî cranio incumbentis ope sustineri posset vacillans ossis pars, voluitque splenis suppositis utrique styli extremitati in omni calvariz loco hoc fieri posse. Apparet facillè, molestum esse, tamdiu terebram hanc calvariz infixam relinquere; & ex modò dictis patuit, hoc minimè necessarium esse. Sufficit ex charra vel linteo contorto, aut alio simili quocumque corpore, annulum facere, paulò majorem loco affecto, illûmque aptâ deligatione sic firmare, ut immobilis hæreat, totûmque locum affectum suo ambitu contineat. Sic cavebitur, ne ligatura capiti circumducta locum affectum premere possit; neque, dum in somno pulvinaribus vel aliis obstaculis allideret caput vulneratus, poterit comprimi locus læsus.

§. 273. **F**ISSO, fracto; contusove cranio, si arteriz, venæ; lymphatica vasa sub cranio rupta effuderint suos humores, hi premendo cerebrum producant mala (267); tum putrescendo in pus, ichorémve, inficiunt tenerrima vicina cerebri, unde rursus similia. Hæc vasa ex cranio in duram, ex hac in piam, inde in cerebrum, sinus, ventriculos, decurrentia, variis locis, varia periculo & sanatione damna producant.

Si tanto cum impetu causa vulnerans capiti fuerit applicata, ut durum calvariz

(a) Medical Essays, Tom. II. pag. 245. 249. [ (b) Observ. Chirurg. Centure. II. Observ. IV. pag. 82.

os findere, frangere, vel & validâ contusione lædere potuerit; patet facili, summum esse metum, ne vasa sanguinea, vel & alia, quæ tenuioribus liquidis replentur, per cerebri membranas, vel ipsam ejus substantiam ubique dispersa, frangantur; & his fractis, effusi humores, collecti sub cranio, comprimant contentum encephalon. Ut enim jam aliquoties dictum fuit, totum calvariæ cavum semper exactissimè plenum est; hinc non possunt effusi humores hic colligi, quin fiat ab iisdem compressio contenti encephali. Omnia ergo illa mala, quæ ab hac compressione fiunt, & numerata fuerunt §. 267, metuenda sunt. Nihil enim refert, hoc respectu, quænam sit causa comprimens: sive cranii figurâ mutatâ minuatur ejus cavum, sive humores effusi, manente eadem calvariæ amplitudine, spatium occupent, quod antea à solo encephalo replebatur exactissimè; effectus semper erit idem, nempe turbatio, vel abolitio functionum encephali, compressâ ejus substantiâ.

Vasa sanguinea, quæ per duram matrem dispergantur, satis firma sunt, tunicis nempe callosis instructa, uti in reliquo sæpe toto corpore, unde difficiliss franguntur. Sed si consideretur, duram matrem ubique calvariæ firmiter adhærere, faciliè patet, causæ vulnerantis impetum, in calvariam agentem, substantiæ continuitate quasi, facilius communicari duræ matri: accedit, quòd fissâ vel fractâ calvariâ, summum periculum sit, ne adhærens dura mater simul laceretur, vel à fragmentis ossis acutis vulneretur. Vasa autem sanguinea, satis magna, per piam matrem, ipsamque medullarem substantiam dispersa, tenerrima sunt, (depositis nempe callosis tunicis suis huc perveniunt, uti ex Physiologicis constat) hinc facilius rumpi poterunt, licet tutius recondantur.

Præterea humores fractis vasibus effusi, stagnantes, spontaneâ degeneratione rumpuntur; & acres facti tenerrimam encephali pulsam inflammando, suppurando, rodendo, destruent: unde iterum omnia eadem mala nascuntur, quæ à compressione fieri observata fuerant, sed longè pejora; quia ablata causâ comprimente spes erat restitui posse functionum integritatem; destructâ verò ipsâ organi fabricâ, crosis tenerrimis vasibus, immedicabile malum est. Ab effusis autem & corruptis humoribus talia mala fieri, constat ex illis, quæ dicta sunt in *Commentariis* 9. 170. n°. 1. *lit. p.*, & §. 268.

Ex his etiam patet, gravissima capitis vulnera, dum fractâ calvariâ exitus patet effusis humoribus, sæpe minùs periculosa esse, quàm ubi leviori vulnere sub calvaria effusi humores retinentur. Vide *Commentaria* §. 265.

Arterias autem, venâsque sanguineas ruptas, sanguinem effudisse sub calvaria, nemo dubitat; & ab hoc sanguine effuso, encephalon comprimente, orta fuisse omnia illa mala recensita, constat certissimis Observatis. An verò lymphatica vasa, per encephali fabricam dispersa, à similibus causis rupta, tantâ copîâ lympham fundere possint, ut ab hac lymphâ collecta comprimatur encephalon, magis dubium videri posset; cùm hæc vasa tam exigua sint, & rariùs accidat, quòd, integris manentibus vasibus sanguineis per encephalon dispersis, sola lymphatica rupta fuerint. Talia tamen vasa adeste, quæ tenuissimam lympham vehunt, satis constat. Tota superficies duræ matris, quæ piæ matri accumbit, semper humida apparet; uti & tota externa encephali superficies: ventriculorum cerebri omnis ambitus tenuissimo tali liquido madet, quod nisi adestet, contiguæ superficies partium brevî congrederent inter se. Illud tenuissimum fluidum, continuè halitus formâ per

Ecc liij

tenerrima vascula expulsum, nisi refoibeatur venulis, accumulatur, & omnes cerebri morbos producere poterit; uti Observata plurima apud Auctores docent, lympham talem collectam fuisse inter duram matrem & cerebrum, inter piam matrem & arachnoideam ipsi accumbentem, in ipsis cerebri ventriculis, &c. Observatum enim fuit, omnem ventriculorum cerebri superficiem tegi membranâ tenerrimâ, quæ injectionibus Anatomicis, & per inflammationem hic natam, vasculosa esse deditur (a). Sed hæc vascula naturaliter tenuem lympham, non verò rubram sanguinem, continent. Præterea vasa lymphatica vulgò Anatomicis dicta, quæ semper venosa sunt, hic pariter inventa fuerunt, & à *Ridley* delineata (b). Cum ergo & in aliis corporis partibus vulneratis aliquando sequatur incredibilis lymphæ tenuis affluxus, videtur & idem in encephalo obtinere posse; illudque Observatis Medicis confirmatur. Puer septennis, baculo caput percussus, post cephalalgias, vigilas, somnolentiam, vertiginem, &c., vigesimo sexto die moritur. Ventriculi anteriores cerebri inveniebantur sero limpidissimo distenti (c). Illustrissimus Princeps ex alto delapsus capitis sinistram partem tam validè gradibus allidit, ut semianimis sine sensu, motu, loquelâ jaceret per integrum terè diem; venesectione institutâ, parum ad se rediit. Ingens dein oritur capitis dolor, dies noctesque torquens inhumaniter, omnemque somnum impediens. Communi Medicorum peritissimo consilio trepanum adhibendum esse conclusum fuit; dumque illud jamjam applicandum esset, incipit serosus latex ex aure sinistra extillare, & pergit ille effluxus, donec octo libræ sic prodirent (d). Plura similia habentur Observata; sed tamen in omnibus illis casibus notabili temporis intervallo post vulnus inflatum talis lymphæ inventa fuit in cerebro, vel effluxit per aures, &c.; unde adhuc aliquod dubium manet, an à ruptura vasorum lymphaticorum, an verò alia de causa hujus lymphæ accumulatio facta fuerit.

HÆC VASA EX CRANIO IN DURAM, &c. Prout jam liquida, fractis vasis effusa, hæserint in variis locis encephali, poterunt comprimendo, vel rodendo, lædere diversas functiones. Sic v. gr. dum effusi in ventriculis cerebri humores ad quartum ventriculum perveniunt, qui initium est rimæ decurrentis per totam longitudinem spinalis medullæ; poterunt hæc viâ delabi, varias paralyses particulares, hemiplegiam, &c. producere. Cæteris autem paribus, semper erit eò pejus malum, & difficilius curandum, quò profundius hæserint humores extra vasati. Sanguis enim collectus inter cranium & duram matrem, perforatâ calvariâ statim exiit; si inter duram matrem & piam hæserit, non nisi pertusâ durâ matre educi poterit. Si in ipsis ventriculis cerebri, vel & circa basim calvarię hæreant effusi humores, patet facile summum discrimen & curæ difficultas; quæ sæpe etiam omnino impossibilis est, dum nequit exitus consiliari per Artem effusis liquidis encephalon comprimentibus.

. 274. **C**ONCUSSUS validus capitis, integro sæpe cranio; eadem (273) facit rumpendo, comprimendo.

Aliquando accidit, lapsu ex alto, vel capitis validâ contusione obtuso instru-

(a) Winslow Exposition Anatomique, pag. 613.

(b) Ridley Anaz. Cereb. F. V. L. XLIV.

(c) Bohnius de renunciaz. vuln. pag. 182.

(d) Miscell. curios. Decur. Lann. VI. Obs. v. XII. pag. 22.

mento factâ, integro cranio, sic lædi cerebrum, ut omnia sequantur mala, quæ hæcenus enumerata fuerunt. Dum enim v. gr; quis ex alto delapsus duro impingit obstaculo, cerebrum calvariâ contentum eadem velocitate deorsum fertur; sed obstaculum resistens calvariæ motum sistit primò, unde cerebri moles, adhuc illo momento priorem motûs directionem habens, validè poterit alidi ad duram calvariâ, & sic insigniter lædi: eodem modo, ac dum quis navi vehitur, & obstaculum occurrens navis motum sistat, perget moveri antrosum, & c. Verum quidam est, cùm encephalon calvariâ exactè repleat, multùm minui hujus impulsûs vehementiam; tamen inde posse frangi vasa encephali, humores effundi, & omnia, quæ inde pendent, mala sequi, docent Observata Medica. Pulchra erat virgo, Nerii filia; erat quidem annorum viginti. Verùm ab amica muliercula ludente, latâ manu in sinciput percussa est, ac tunc sanè tenebrosâ vertigine prehenso est, non spirabat; quàmque domum pervenisset, eam illico febris prehendit, & capitis dolor vexavit, & faciem ruber colorabat. Septimo die ad aurem dextram pus graveolens aliquantulum rubrum, cyatho amplius prodiit; meliùsque habere videbatur, ac levata est. .... nono interiit (a) Facile apparet, levi tali percussione, latâ manu factâ, calvariâ fractâ, vel fissâ aut intropressâ minime fuisse; sed ipsum encephalon sic fuisse læsum, ut fractis vasculis effusi humores in scetidum, subrubellum ichorem degeneraverint, & tandem mors ipsa secuta fuerit. Plurima similia apud recentiores Observatores habentur Exempla, quibus constat, illæso cranio posse tamen validâ capitis percussione sic lædi encephalon, ut fractis vasculis majoribus, & sanguine effuso intra calvariæ cavum, mors sequatur. Unicum tale adduxisse sufficiat. Puellæ sedecim annorum, ex lapsu quarto die defunctæ, cadaver lustravit Bohnius (b), ut de mortis causa renunciaret ad Judices: & licet post lapsum viventis adhuc puellæ ex ore & naribus copiosus manasset cruor, ac post mortem adhuc manare pergeret, nihil omnino violenti effectûs in capite observabatur. Apertâ calvariâ, & elevato cerebro, carotidum ramus sinister anterior ruptus invadebatur. Docet hoc Exemplum, magnam arteriam, tunc sub ipsâ basi cerebri reconditam, solo concussu tali, calvariâ illæsa posse rumpi: unde apparet, simile malum reliquis encephali vasculis accidere posse. Cùm autem constet ex Physiologicis, arterias per piam matrem dispersas, simulac corticem cerebri ingrediuntur, in tomentosâ tenuitatem abire, & vasculis his tenerimis corticalibus continuari medullosas fibras minimas; facile patet, valido tali concussu posse frangi vel comprimi tenerimâ illâ encephali flamina, unde vita & humanitas pendent: atque inde varia læsio, vel & abolitio omnium encephali functionum, sequi possunt, licet nulla læsio, aut humorum effusio, intra cavum calvariæ detegatur: omnem enim sensum hæc minutissima fugiunt. Juvenis robustus, ut evitaret rotæ supplicium, in carcere prono capite, manibus post tergum reiectis, tantâ vi impexit in parietem validissimo cursu, ut illico conciderit mortuus, nullo verbo vel clamore edito. Dum cadaver lustrabatur, nulla contusio, nullus tumor, nulla fractura apparebant in capitis vertice, quo impegerat in parietem, uti testabantur alii eodem loco inclusi. Integumentis omnibus ablatis, in illorum parte interiori, quâ calvariæ accumbunt, nulla læsio apparebat, neque in ipsâ calvaria, præterquam quòd pars squamosa ossis temporum parum secessit.

(a) Hippocr. Epid. Lib. V. textu XXXII. Charter, Tom. IX. pag. 344.

(b) De Renunciât. vulner. pag. 174.

set ab offe bregmatis, cui incumbit; tamen inde nullo modo tam subita mors sequi poterat. Serrâ diffisso cranio nullum omnino damnum apparebat, sed encephalon non replebat exactè calvariae cavum, ut solet, & totius encephali substantia firmior & solidior apparebat, quàm aliter observatur (a). Patet ex hac Historia, subitam mortem, validam capitis percussione talem secutam, tantùm adscribi potuisse huic encephali totius subsidentiæ, per quam terribilissima illa flamina vel fracta fuerunt, vel sic intorta & complicata, ut non ampliùs pervia manserint subtilissimis totius corporis liquidis.

Simul etiam colligitur ex dictis, diversas posse functiones encephali lædi, prout variae partes hujus organi tali concussione læse fuerint. Hippocrates dixit (b); Quibus cerebrum occasione aliquâ concussum fuerit, eos quàm primùm voce privari necesse est; & alibi (c), addidit, talem neque videre, neque audire necesse est. Ecce Heurnius in Commentariis suis ad hunc Aphorismum (d) dicit, se novisse quosdam; qui cùm in occiput lapsi fuissent, totâ vitâ gustum & odoratum amiserint. Quatuor annorum puer, sine ulla difficultate loquens, de scamno in caput decidit; nullum omnino observatur damnum: tertio die surgens puer incipit balbutire, cæterùm sanus; sequentibus diebus augetur malum; deinde fomentis cephalicis capiti applicatis, aliisque quibusdam remediis interne datis, rediit loquelæ integritas (e). Homini quidam post capitis percussione per plures annos mansit summa difficultas loquendi, quando decumberet (f). Neque tantum talis cerebri concussio fit, percussio capite; verùm etiam accidere poterit, dum quis ex alto delapsus aliis corporis partibus impeerit. Tale Exemplum habetur apud Galenum (g) de homine; qui ex alto delapsus dorso initium terræ impeerat; tertio die postea exiguum vocem emisit, quartâ omnino obmutuit, & resoluta simul fuerunt crura, manibus omnino illæsis, &c: septimâ die redierunt vox & crurum motus. Galenus quidem solius spinalis medullæ affectionem hîc culpavit; sed cùm paralytis solos inferiores artus occupaverit, facillè patet, spinalis medullæ initium non fuisse læsum, aliter & manus paralyticæ fuissent. Unde vocis ablatio in hoc casu cerebri concussioni potius videtur adscribenda esse.

§. 275. **C**OGNOSCUNTUR mala hæc (273: 274.) ex nota causâ; ejus impetu; loco excipiente; vomitu bilioso; visu, auditu, olfactu, gustu, tactu minutis, depravatis, sublati; vertigine, caligine, lapsu; sopore; stertore; resolutione; convulsione; delirio; lethargo; apoplexiâ; horripilatione; febre geminatâ; crura per os, nares, aures effluente; rubore faciei & oculorum,

Agitur hæc paragrapho de signis, per quæ cognosci potest, effusus humores

(a) Académ. des Sciences l'an 1705. Histoire, pag. 68. 69.

(b) Aphor. LVIII. Sect. VII. Charter. Tom. IX. Part. II. pag. 325.

(c) De Morbis Lib. I, Cap. 2. Charter. Tom. VII. pag. 533.

(d) Pag. 504.

(e) Miscell. curios. Dec. I. ann. II. Observa. CXX. pag. 198.

(f) Académ. des Sciences, l'an 1732. Histoire, pag. 42.

(g) De Locis affectis Lib. I, Cap. VI, Charter. Tom. VII. pag. 355.



sub cranio premendo, vel rodendo acrimoniâ stagnando acq̃uistâ, encephalon lædere; vel etiam concussionē sic mutata esse terrrīmī hujus organi fabricam, ut ejus functiones inde turbentur, vel deleantur.

EX NOTA CAUSA, EJUS IMPETU, LOCO EXCIPIENTE. Omnia enim hæc; si cognita fuerint, magnam lucem affundent latentium malorum inquisitioni. Obusum enim instrumentum vulnerans, valido impetu capiti impactum, semper motum facit fissuræ vel fracturæ cranii. Prout jam vario loco capitis, læsio facta fuerit, iterum majus minûsve periculum erit. Quibusdam enim in locis calvaria tenuissima est, aliis locis longè crassior. Satis notabiles arteriæ duræ matris in profundis sulcis calvariæ hærent in certis locis, unde causa lædens, his locis applicata, faciliè frangere poterit hæc vasa, & effusus sanguis comprimere encephalon.

VOMITU BILIOSO. Ille enim vulnera capitis sequens; serè semper malè affectum cerebrum designat; sive ab effusis humoribus compressum fuerit, sive concussionē validâ turbata fuerit ejus actio. De hoc vomitu autem dictum fuit §. 267.

VISU, AUDITU, OLFACTU; GUSTU, TACTU MINUTIS, DEPRAVATIS; EVULSATIS. Constat ex Physiologicis, cerebri integritatem requiri, & liberum commercium inter cerebrum & nervos his sensibus inservientes, ut fiat perceptio idearum, quæ per sensus externos menti repræsentantur. Unde patet evidenter, si post vulnera capitis minuatur, aut depravetur, vel & integre aboleatur horum omnium, vel quorundam tantùm actio, cerebrum sic affectum esse, ut origo nervorum, his sensibus inservientium, compressa; vel alio quocumque modo læsa, non ampliùs transmittat subtilissimos spiritus cerebri fabricâ secretos, & ad sensuum integritatem requisitos.

VERTIGINE, CALIGINE, LAPSU. Dictum fuit in *Commentariis* §. 267; levissimum cerebri morbum esse vertiginem, sive apparentem rotationem corporum vicinorum; ubi verò augetur malum, tunc simul tenebras apparere, & vocatur tunc vertigo tenebrosa; simul sic resolvitur tunc omne corporis robur ut incipiant vacillare omnia membra, & tandem cadat homo. Illud autem designat quodd non tantùm illa pars sensorii communis affecta sit, quæ nervis sentientibus originem dat, sed etiam malum pertigerit ad illa loca, unde nervi, motibus muscularibus inservientes, oriuntur. Unde in loco allegato in *Commentariis* §. 240, n°. 4, *Hippocrates* signa enumerans, quibus cognoscitur, an aliquis graviter capite vulneratus fuerit, tria hæc conjungit, tenebras circumfusas, vertiginem, lapsum. Et alibi (a) monet, quodd in omnibus alicujus momenti capitis vulneribus rogare oporteat, *an conciderit homo, aut an in soporem altiore collapsus sit. Si enim horum quidpiam factum fuerit, ampliore custodiâ opus habet.* Rationem deinde addit, non quodd hæc designent semper cerebrum ipsum vulnere læsum esse, sed simpliciter, quodd encephalon vulnus tunc perceperit (τὸ ἐγκέφαλον ἰσχυρότερον τῷ τραύματος)

SOPORE, STERTORE. In locis citatis inter mala signa semper profundus sopor numerabatur; si verò simul stertor accesserit, pessimum est, quando nempe toto prostrant pectore somnum, ut in apoplecticis fit; tuncque designat;

(a) *Prothæticor, Lib. II, Cap. x, Charact. Tom. VIII, pag. 816, Tome L*

per vulnus omnes actiones cerebri deletas esse; solas autem cerebelli functiones integras mansisse, imò plerumque auctas, dum, libero humorum transitu per cerebrum impedito, tantò fortior & velocior liquidorum trajectio per cerebelli fabricam fit.

**RESOLUTIONE, CONVULSIONE.** Cum à cerebri integritate pendeat exercitium muscularis motus, quatenus voluntatis imperio subjacet; hinc ejus læsione poterunt omnes, vel aliqui muscoli corporis paralytici fieri; & quia tunc muscoli sic affecti flaccidi & penduli fiunt, hinc dicuntur resoluti. Ubi autem muscoli voluntarii violenta & alternè repetens contractio fit, sed invita, tunc convulsio adesse dicitur, quæ plerumque tunc oritur in hoc casu, quando per quædam loca cerebri manet libera spirituum transmissio, per alia verò impeditur. Potest etiam hoc malum à spinis ossis, pungentibus medullarem cerebri substantiam, vel & humoribus effusis, aeribus facilis & rodentibus, &c. excitari. Utrumque hoc malum semper cerebrum affectum in vulneribus capitis designat.

**DELIRIO.** Quando nempe idææ excitatæ in mente non respondent objectis externis, sed ab interna sensorii communis mutatione oriri ducunt, tunc dicitur homo delirare: unde apparet, in vulneribus capitis delirium semper malum signum esse, quia designat cerebrum ipsum affectum esse. Quod etiam monuerat Hippocrates in locis allegatis in *Commentario* ad §. 267:

**LETHARGO.** Otiosa quasi oblivio dicitur hoc malum quod motum & sensum tollit cum inextinguibili necessitate dormiendi, ita tamen, ut sic decumbentes omnibus illis, quæ validissimè sensus afficiunt, adhuc excitari possint; sed mox iterum in somnum relabuntur. Unde cerebri functiones omnes maximè impeditas designat hoc malum, ideòque semper magnum periculum denotat.

**APOPLEXIA.** Omnia, quæ hætenus enumerata fuerunt, symptomata docebant cerebrum affectum esse quidem, sic ut quædam ejus functiones depravatæ vel abolitæ fuerint: ubi verò omnes omnino cerebri actiones silent, omnes sensus interni & externi, motusque voluntarii, cessant, supersistere solâ actione cerebelli, quod vitalibus motibus inservit, tunc apoplexia adesse dicitur, quæ summus cerebri morbus est, & plerumque in capitis vulneribus ab effusis humoribus compressum esse cerebrum indicat.

**HORRIPULATIONE.** Quæ serè semper designat in hoc casu sanguinem ruptis vasibus exire; præsertim si sine ordine recurrat, neque febrem incipientem comitetur. Videmus etiam frequenter in morbis, magnas mutationes secuturas, horripulationem talem præcedere; unde in vulneribus capitis semper illa horripulatio suspecta est, cum designet intima quasi sensorii communis perturbari, unde tales concussus in toto corpore fiunt.

**FEBRE GEMINATA.** Dictum fuit §. 158, n°. 6, omni vulnere alicujus momenti illo tempore, dum pus fit, levem adesse febriculam; quæ ergo nihil infestè designat; sed ubi hæc febricula subito augetur, vel postquam hæc cessaverit, nova & vehemens febris insurgit semper designat, magnum latere malum. Monuit ideo Hippocrates (a): Quibus cerebrum vulneratur, febris plerumque ac bilis vomitus accedit, & corporis sideratio, atque tales perniciosè habent. Et in Prorethetis (loco allegato §. 240, n°. 4.) dicit, optimum quidem esse, si capite

(a) Coac. Prænot. n°. 300, Charact. Tom. VIII. pag. 681...

vulneratus non febricitet, &c. Si verò quid horum apparuerit, *secrissimum est, ut in principio fiat . . . at incipere febrem in capitis vulneris quartâ die, aut septimâ, aut undecimâ, valde lethale est.* Talis enim febris novam inflammationem aut validam suppurationem, hic adeo periculosam, designat. Unde & in illa Historia, quæ ex Hippocratis libro quinto Epidemiorum præcedenti paragrapho allegata fuit, talem febrem geminam pessima symptomata & mors ipsa secuta sunt. Puella enim illa, leviter manûs palmâ sinciput percussa, statim quidem febricitavit; sed dum septimo die pus graveolens subrubrum cum levamine effluxisset, rursus increscente febre in soporem deferebatur, neque loqui poterat; sciciei pars dextra contrahebatur, spirandi difficultas aderat, & cum tremore convulsio, & lingua detinebatur, & oculus stupefactus est. Nono interiit. Dum examinantur Historiæ vulnerum capitis apud Observatores, plurima talia occurrunt Exempla; quæ docent, febrem sic subito post aliquot dies increscentem, vel & de novo ortam, mali fuisse ominis; & ferè semper, encephalon læsum vel compressum fuisse.

**CRUORE PER OS, NARES, AURES, EFFLUENTE.** Non videtur sanguis sub calvaria effusus per has vias exire posse, cùm dura mater adeo accuratè omnem internam cranii superficiem investiat, ut nullus detur exitus. Veram quidem est, quòd conflet Observatis Medicis, sæpe chronica capitis mala levata fuisse, dum per has vias exirent humores, quod notavit Hippocrates (a) dicens: *Capite dolenti ac vehementer laboranti, pus, aut aqua, aut sanguis per nares, vel os, vel aures effluens, morbum solvit.* Nondum tamen per Anàtomen hodie cognitam detectæ sunt illæ viæ, per quas humores calvariæ cavo contenti sic exire possent; forte per morbum factæ fuerunt, licèt naturaliter non præexistenterint. Sic & in aliis morbis tales exitus humorum observantur, licèt hæcenus lateant viæ. Pleuritis enim sic sputis, per pulmonemeductis, solvitur, &c. Certè si tam facilis foret exitus sanguini sub calvaria effuso, non indigeremus cranii perturbatione; quam tamen tot Experimentis necessariam & utilem fuisse constat. Sed sanguis per os, nares, vel aures effluens, denotat maximo impetu causam vulnerantem caput percussisse; cùm arteriæ potuerint frangi per hanc vim: ideoque summus metus est, etiam illa vasa sanguinea quæ per encephalon decurrunt, tunicis callosis suis orbatâ, rupta esse.

**RUBORE FACIÆ ET OCULORUM.** Sanguis ex corde per arterias carotides pulsus, partim ad interiora capitis per internas dictas carotides pergit, partim per externas carotides distribuitur, quæ faciæ & externis capitis partibus propiciunt. Ubi ergo, effuso sanguine cerebrum comprimente, liber tractus humorum per cerebrum impeditur, tantò majori copiâ per carotides externas feretur; unde faciès magis rubicunda, tensa & florida apparebit. Et quia carotis interna, postquam ex canali osseo, per quem transmittitur, emergit, ramos dat, qui ac oculi orbitam, ipsûmque oculum tendunt, ibique cum externæ carotidis ramis communicant; ideo impedito libero transfluxu sanguinis per cerebri vasa, oculi imprimis rubent, quia statim major copia sanguinis per ramos illos carotidis internæ, qui ad oculos tendunt, derivatur. Ideo faciæ & oculorum rubor tam suspectum signum dat in omnibus capitis morbis. Fortissimâ apoplexiâ decumbentes turgidam, inflatam, & rubicundam facièm habent. In phrenitidis floridus ille vultus adeo damnabatur ab Hippocrate. Et in puella illa, cujus Historia ex Hippoc.

(a) Aphor. 10. Sed. VI. Charter, Tom. IX. Part. II, pag. 255.

erate habetur præcedenti paragrapho, & quæ à levi capitis percussione peritit, ade-  
rat faciei rubor. Pluribus in locis apud Hippocratem damnatur oculorum rubor  
& facies illa florida. Sic (a) dicit: *Qui capite dolens, stupore correpti, delirantes,  
alvo suppressa, oculo ferociente, floridi, hi opisthotono corripuntur.* In quo loco  
per ferocem illum adpectum turgentes oculi & sanguine suffusi, uti in summa ira-  
cundia fit, intelliguntur. Et in subsequente sententia addit (b) *Capitis succussiones,  
oculi rubicundi mentem manifestè emouentes, perniciosæ sunt, &c.*

§ 276. **Q**UIS verò locus intra cranium sit læsus scitur. 1. Ex  
sensibilibus externis ( 249. 254. 255. 256. 262. 267. 269. ), si  
adsunt. 2. Invento loco cranii læso ( 255 ) per Artem. 3. Ex tu-  
more & rubore cutis capillis orbæ ad applicationem emplastri. 4.  
Ex motu spontaneo manûs ad certam capitis partem, 5. Ex symp-  
tomatibus lateris unius paralytici, alterius convulsi.

Postquam constitit ex præcedentibus signis, encephalon per vulnus læsum esse,  
sive instrumentum vulnerans ad interiora penetraverit, sive intropressa calvariâ,  
aut effusus humoribus, illud compressum fuerit; quæritur, in quo loco encephali  
damnum hæreat. Patet facillè, quòd summi momenti res sit, hoc rectè cognoscere;  
cùm cranii perterebratò non possit institui cum fiducia, nisi priùs constet, in quo  
loco hæreat malum. Sæpe tamen satis difficile est locum affectum determinare. Nam  
aliquando læsio in alio longè loco inventa fuit, quàm ubi causa vulnerans appli-  
cata fuerat, uti dictum fuit in *Commentariis* §. 254. Sæpe etiam nec ægri, nec  
adstantes, indicare possunt, quænam capitis pars ictum exceperit. Neque à functio-  
nibus læsis observatis post capitis plagam hoc certò determinari poterit. Inde enim  
quidem concluditur encephalon læsum esse, sed nullus inde auderet semper cer-  
tò concludere, quisnam encephali locus læsus esset. Quis auderet determinare loca  
cerebri, unde singuli nervi, sensibus externis inservientes, primam suam ori-  
ginem ducunt? Quis memoriæ ratiocinii, &c, sedem in mirabili hoc & intricatissi-  
mo organo demonstrare poterit? Celeberrimi viri miras hîc quidem finxerunt hy-  
potheses; sed eventus docuit, summa etiam ingenia, dum speculationibus indul-  
gent, turpiter errare posse. Magnus *Steno*, tantâ peritiâ in Anatomicis & dex-  
teritate valens, candidè in publico eruditissimorum Virorum confessu falsus est,  
se cerebri fabricam ignorare omnino (c); & in pulcherrima illa dissertatione va-  
na omnia signa destruxit, & veram monstravit viam, quâ sensim ad cognitio-  
nem hujus organi ascendere posset humana industria. Interim tamen per signa hæc  
paragrapho descripta, quantum per Artem hodie cognitum licet, in locum af-  
fectum encephali inquirendum est. Et si omnibus his accuratè examinatis tamen  
quis erraverit, non erit Artificis vitium, sed Artis ipsius defectus, quem fortè se-  
quentium sæculorum inventa emendabunt.

1. De his dictum fuit in paragraphis hîc citatis.

2. Numero hîc citato recensita fuerunt ordine. omnia illa. signa, per quæ coi-

(a) Coac. Prænot. n.º, 163. Charpet, Tom. VIII. pag. 861.

(b) Ibid. n.º, 164.

(c) Winslow, Expofit. Anatom. pag. 641.

gnoscebatur ipsius calvariae lésio : si ergo per hæc constiterit, cranium in quodam loco læsum esse, & simul appareant symptomata, quæ docent encephalon affectum esse, habetur admodum probabilis ratio concludendi, encephali læsionem hæreere illo in loco, quem cranium malè affectum demonstrat.

3. Ubi per signa §. 275, recensita, constat encephalon læsum esse, neque tamen ullum indicium adsit, quo locus affectus determinari posset, tunc sequenti methodo conatur invenire Chirurghi locum læsum. Omnem capillitium novaculâ abradunt, deinde toti capiti applicant emplastrum aromaticum quodcumque, illudquæ per aliquot horas relinquunt. Deinde albedo emplastro omni curâ totum caput lustrant, an aliquid tumidi vel inflammati appareat in quodam loco; quod si inveniantur, tunc magna suspicio est, huic loco subesse læsionem. Dum enim hoc emplastrum cuti capitis adhæret, & blando stimulo aromatico paulò majorem motum excitat, si quid contusi fuerit, faciliùs hoc apparebit orto tumore. Ubi non poterat detegi, quoniam in loco capitis læsio hæreret, huic calamitati nullis remediis posse subveniri *Hippocrates* pronuntiavit (a).

4. Quâ ratione hoc fiat, quis dixerit? Rem tamen sic se habere, quotidiana & certissima docent Observata. Ipso hoc die, quo hæc scribo, hominem ex alto lapsus vidi, sine ullo sensu jacentem, qui dextrâ capitis & faciei parte duro obstaculo impegerat, cum valida contusione & levibus vulnusculis harum partium, continuo manu dextrâ in altum sublatâ tangebatur, imò fricabat satis fortiter affectas partes. Postquam validâ missione sanguinis ad se rediisset post bihorium, nullius omnino rei se memorem esse dixit, postquam lapsus fuerat. Dum ergo videbant Chirurghi, quoddam automatico tali motu manus vulneratorum sic deferrebatur ad locum læsum, probabili conjecturâ concluderunt, ubi nulla læsio externa conspiciebatur, indicari pariter locum affectum, si ad certam & semper eandem capitis partem spontaneo tali motu manus decumbentis ferretur. In apoplecticis idem illud phænomenon sæpe apparet. Videtur certè signum hoc magnum pondus habere, cum observentur plurimi tales motus automatici, qui nullo modo à voluntatis imperio pendunt, neque à mente conscia prædeterminantur, per quos illud, quod noceret tollere conatur corpus nostrum, mirabili hæc proprietate à Creatore instructum.

5. Illud organum corporeum, unde in nobis sensus & motus voluntarii pendunt, videtur in sua origine, collectione, distributione & operatione duplex esse. Carotis enim arteria dextra & sinistra est, vertebralis dextra & sinistra est. Ex his oritur hemisphærium cerebri dextrum & sinistrum, distinctissima à se invicem; tota medullæ collectio in sinistram & dextram dividitur; quod in corpore calloso, fornice, cruribus medullæ oblongatæ, nervis opticis, olfactoriis, &c. imò etiam in ipsa medulla spinali & nervis inde derivatis, evidentissimè apparet. Licet tamen omnia hæc sic duplicia inveniantur, tamen unus & simplex est homo, qui sentit: bini nervi olfactorii, adeo distincti in sua origine & progressu, tamen eundem sensum olfactus faciunt. Dum binis oculis revera bis videmus idem objectum (ut patet limite medio inter binos oculos posito, vel leviter tantum preloso digitis alterutro oculi bulbo) tamen unica visio fit: idem in auditu verum est.

Cum ergo illud organum sentiens & movens duplex sit, hinc una pars potest

integra manere, dum altera, quoad corpoream speciem manens, impotens omnino fit ad omnia, uti patet in hemiplegia, in quo morbo dimidium corporis sic resolvitur, ut nullus motus à mentis arbitrio pendens ibi superfit; tamen manet illa facultas conscia, sentiens & cogitans motum; & licet homo sic affectus omni nixu velit movere latus affectum, nullus tamen sequitur motus in musculis; imò etiam aliquando in pessima morbi hujus specie simul omnis sensus aboletur in latere affecto.

Hippocrates (a) jam monuerat hoc dicens: *Cerebrum hominis quemadmodum etiam omnibus cæteris animalibus duplex est, medium autem ipsius dividit membrana tenuis: quapropter non semper eandem capitis partem dolet, sed particulatim utramvis, aliquando verò totum.* Oritur jam subtilis quæstio, an origo sentiens, & principium illud movens, locentur in parte opposita illi loco, ubi effectus suos edunt, an verò in eodem latere corporis; id est, an motus & sensus origo, qui parte corporis sinistra exercentur, hæreat in parte cerebri dextra, an in sinistra? Hoc autem subtilissimorum Anatomicorum Observatis, & Experimentis determinari debet, illudque cognitur ubi fuerit, magnam lucem affundet; ut in capitis vulneribus, ex sensuum & motuum læsione in alterutro corporis latere, determinetur locus encephali, ubi læsio hæret.

Mollis & pulposa cerebri fabrica semper magnam difficultatem fecit in demonstrationibus Anatomicis; omnium autem minimam consistentiam habet in junioribus. In senectute, & imprimis in illis hominibus, qui valido labore corpus exercuerunt, firmius est, & melius tractari potest. In talibus cadaveribus, post diuturnam macerationem, dissoluta, pro maxima parte, corticali, cinerea encephali substantia, luculenter apparuit, medullares fibras, in dextra cerebri parte ortas; ad sinistram partem tendere, & vicissim. Ille autem fibrarum decursus potissimum triplici in loco animadverti potuit; in utraque scilicet priore & posteriore annularis protuberantiae crepidine, atque maxime in imo medullaris caudicis, quæ in spinalem abit; omnium evidentissime duabus circiter lineis infra pyramidalia & olivaria corpora hoc apparet: si enim leniter à se mutuo diducantur pyramidalia corpora, non tenues decussari fibrillas, sed validos earundem fasciculos in adversam partem tendere evidentissime demonstratur (b). Hoc sæpe totum est, quod Anatome circa decursum fibrarum medullarium cerebri detexit.

Plurima jam habentur Observata Medica, quæ decussatam illam cerebri actionem confirmant. Serva duodecim annos nata cranium contusum & ruptum habuit; sectione per ferram non, ut decebat, adhibitâ, decimo quarto die periit. *Convulsio autem manum sinistram occupabat, quod dextra parte ulcus (vulnus) potius haberet.* (c). Quibus tempora secantur, *convulsio ex contrariis sectioni partibus, oritur* (d). Et in pulcherrimo de capitis vulneribus libro (e) idem confirmat Hippocrates monens, temporum regionem non temere secandam esse, quia sectionem talem convulsio sequitur, dicitque: *At si sinistra tempora secta fuerint, dextra convulsio prehendit; sin ad dextra sectio fuerit, sinistra convelluntur.*

(a) De Morbo Sacro, Cap. III. Charter. Tom. X. pag. 478.

(b) Santorini. Observat. Anatom. Cap. III. pag. 61. 62.

(c) Hippoc. Lib. V. Epidem. textu XXIII.

Charter. Tom. IX. pag. 341.

(d) Coacis Prænot. n°. 498. Ibid. Tom. VIII. pag. 881.

(e) Cap. XIX. Charter. Tom. XII. pag. 131.

Et in eodem libro (a), ubi signa recenset, quibus noscitur, ex capitis vulnere perituum esse hominem, dicit: *Plerosque etiam altera corporis parte nervorum dissensio invadit. Siquidem sinistra capitis parte ulcus fuerit, dextram corporis partem convulsioprehendit. Sin vero dextra capitis parte ulcus fuerit, sinistra corporis pars convulsione corripitur.* Sic jam antiquissimis Medicinæ temporibus talia fuerunt Observata, quæ huic sententiæ favent.

Inter recentiores Auctores *Fabricius Hildanus*, qui simpliciter plerumque narrat illa quæ vidit, nulla admiscens ratiocinia, plures habet Observationes, quæ hanc sententiam confirmant. Homo quadragenarius globo ferreo, qui ultra libram cum dimidia pendebat, bregma sinistram percussus fuit, cum insigni cranii depressione & fractura. In terram quasi mortuus procidit, loquelam, visum & auditum penitus amisit, quin etiam ex opposita parte paralyti correptus fuit. Elevato cranio depresso, & reliquis idoneis auxiliis sanitati restitutus fuit (b). Homini sexagenario lapidis ictu os frontis in sinistro latere illo in loco, ubi capilli prodire incipiunt, profundius impressum erat. Ipso momento ictus in terram procidit, vomuit, simul loquelam, intellectum, visum ac auditum amisit, totoque latere opposito paralyti correptus fuerat. Amici noluerunt, dissectis integumentis cranium intropressum restitui; & paucis diebus postea periit (c).

Mulier vulnus contusum in dextro osse bregmatis cum fractura & intropressione cranii acceperat. Evomuit mox ab initio biliosum humorem, & cibum indigestum; sinistram latus resolutum est, in dextro autem convulsiones patiebatur. Convaluit tamen, licet multum de ipsa cerebri substantia per vulnus eductum fuisset (d). Juvenis robustus baculo vulnus ad sinistram bregma cum ossis fractura recepit: dilatato vulnere, & cranii fragmentis eductis, post quinque septimanas vulnus ferè cicatrice obductum fuit. Ille tunc cum scorto rem habuit, paucisque horis postea recidit in febrim & dolorem capitis vehementiorem, quam antè. Latus item oppositum resolutum est, brachium verò lateris ægrotantis spasmo correptum, & quarto die postea periit (e). Puer ex alto delapsus caput læserat; in initio levius putabatur malum. Os in medio vulnere postea incepit nudari, & in futura sagittali parvum foramen apparuit, per quod copiosum pus exibat; Puris illa excretio aliquando sistebatur per aliquot dies, tuncque quater vel quinque die fortiter convellebatur spatio quadrantis horæ brachium dextrum, uti & maxilla ejusdem lateris. Simulac rediret puris excretio, cessabant hæ convulsiones. Moritur tandem puer, & totus lobus sinister cerebri fuit inventus suppuratus, dextro lobo & cerebello integerrimis (f).

*Valsalva* (g) testatur, se quàm plurimis cadaverum sectionibus semper invenisse, quòd, ubi alterius medietatis corporis resolutio facta fuerat, causa semper hæserit in opposita cerebri parte, testésque eruditissimos, qui his sectionibus adfuerant, recenset. Et si aliquando, ad alteram etiam cerebri partem, extensam læsionem inveniret, hæc tamen erat in opposita parte multò notabilior. Inter illos autem viros doctos & graves, qui his Experimentis adfuerant, nominat & *Petrum Mol-*

(a) Cap. xxxi. Ibid. pag. 127.

(b) Hildan. Observat. Chirurg. Centur. 2. Observ. III. Exempl. I pag. 78.

(c) Ibid. Exempl. III.

(d) Ibid. Centur. Observat. XIII. Exempl.

I. pagin. 17.

(e) Ibid. Observat. XIX. pag. 25.

(f) Académie des Sciences, l'an 1700. Hist.

pag. 56. 57.

(g) De Aure humana, Cap. v. pag. 85. 86.

*linellum Philosophiæ & Medicinæ Doctorem*, cujus habetur (a) notabile Experimentum, quod sic se habet: sinistram cranii partem vivo cani aperuerat, tum dextram matrem iterum & sæpius pungens observaverat, canem variis quidem torqueri convulsionibus, præsertim cum illa pars duræ matris pungeretur, quæ maximè ad os adhærebat, nunquam tamen apoplexiâ corripi. Postremò sinistri cerebri lobum penitus extraxit. Cecidit extemplo canis, non quidem in sinistram latus, quemadmodum expectandum videbatur, sed in dextrum, & relevatus iterum ad eandem partem procubuit. Simul dextra pars corporis omni sensu carere visa fuit, contra quàm accidir in sinistra, quæ & sensum retinuit & motum. Addit deinde, quodd nonverit, alios idem Experimentum sumpsisse eodem exitu: & ex his omnibus concludit, quodd celeberrimi Viri *Morgagnus* & *Lancisius* jure merito statuerint, facillè posse conjici, utra pars cerebri offensam accepit, si attendatur in quodam latus procubuerint hemiplectici.

Plurima similia Observata possent adduci, quæ & in morbis & in capitis vulneribus hanc sententiam confirmant: hæc tamen enarrata sufficere posse credo. Inprimis magnum pondus huic opinioni addit illud ultimum in vivo cane tentatum Experimentum. Nec tamen dissimulandum est, quasdam occurrere apud Auctores Observationes, quæ huic sententiæ repugnant; quarum unam alteramve breviter recensbo.

Puer undecim annorum in lethargum gravissimum incidit, & dum profundiissimo somno detinebatur, corporis (b) *tota pars dextra paralyti resoluta neque movebatur, neque sentiebat. Forestus* vocatus, cum nulla alia remedia adeterant, thymum contritum cum aceto nari dextræ imposuit, indeque non nihil reviviscere videbatur puer; simul è nare materia quadam crassa, valde corrupta, sanguinolenta, viscosa instar putridæ saniei exibat. Prædixit hinc *Forestus*, abscessum unum cum sphacelo dextram partem cerebri occupasse. Brevi moritur puer: dumque jam ante obitum, rebus omnino conclamatis, discessum meditaretur *Forestus*, nobilis Matrona, quæ curam pueri habebat, utroque parente absentibus, illum retinuit, ut cadavere inciso mortis causa detegi, & parentibus renunciari posset. Cranio ablato, cerebrum & cerebellum in parte dextra vergens ad posteriorem partem omnino saniosum, putridum, corruptum, sanguinolentum inventum est..... Sinistra verò pars cerebri album, sanum & incorruptum habebat. Sic in cadavere præfagii veritas detecta magnam famam *Foresto* conciliavit. Casus iste sollicitè descriptus dicitur repugnat antè memoratis; & videtur magnum pondus habere.

Juvenis læditur in regione bregmatis sinistri; posttridie dextri lateris convulsivi motus, & sinistri paralytis observantur. Tota regio bregmatis sinistri contusa deprehendebatur, ut suâ sponte octo ossa separarentur, de quibus unum acutiùs in ipsam substantiam cerebri per utramque meningem depressum inveniebatur (c). In hoc casu resolutio ejusdem lateris partem, convulsio oppositum latus tenobat; contrariâ ergo directione, ac in casibus paulò antè recensitis.

*Valsalva* (d) candidè monuit, nihil dissimulare volens, in uno alterove

(a) In Commentariis de Bononiensi Scientiarum & Artium Instituto, pag. 139.

(b) *Foresti* Observat. Lib. X. Observat. XI. Tom. I. pag. 414.

(c) Bonet Sepulchret. seu Anatom. Practi Lib. I. Sect. XV. Observ. XXVII. pag. 373.

(d) De Aure Humana, Cap. V. pag. 86.



casu in utroque hemisphærio cerebri æqualem læsionem sibi apparuisse; frequentissimè tamen vidisse oppositam lateri resolutio plagam cerebri affectam esse.

Hic tamen consideretur, sæpe nihil detectum fuisse post mortem in cerebro; licet gravissimæ læsiones functionum hujus visceris adfuissent ante mortem; cum levis tantum mutatio vel compressio in tenerimis his staminibus sufficiat ad pessima quæque producenda mala, uti pulchro Experimento docet *Valsalva* in loco citato.

Nervi cordis ad jugulum canis arcte constricti, & illico soluti; adeo in structura sua insensibili labefactati fuerunt, ut canis intra aliquot dies, eodem modo, ac si nervi illi amputati essent, moreretur, licet iidem nervi rursus inspecti nullum sensibilis læsionis vestigium ostenderent. Unde potuit in talibus casibus à solo etiam concussu oppositum cerebri hemisphærium in sua fabrica læsum fuisse, licet sensibus nihil mali detegi post mortem potuerit. Quod adhuc magis probabile apparebit, si consideretur, sæpe duram calvariam in opposita parte findi, dum illa pars, quæ ictum excepit, integra manet, uti dictum fuit in *Commentariis*, §. 254.

Cum ergo numerosissimæ Observationes celeberrimorum Auctorum, & Experimenta in vivis animalibus capta, decussatam illam cerebri sentientis & moventis actionem confirment; pauca tantum habeantur Exempla, quæ repugnent huic sententiæ, illaque adhuc possint sic explicari, ut saltem minùs repugnare videantur; patet, si non omnino certum, saltem maximè verosimile esse hanc opinionem, quæ statuitur, quòd si unum latus paralyticum, alterum convulsum fuerit, tunc malè origo hæreat intra cranium in illa parte, quæ lateri paralytico opponitur. Si verò convulsio v. gr. in dextro latere corporis appareat, & nullum omnino vitium adsit in latere sinistro, tunc ob eandem causam admodum videtur probabile sinistram cerebri partem affectam esse sic, ut æquabilis influxus spirituum in musculos dextræ lateris turbetur quidem, non tamen impediatur omnino. In Exemplis modò memoratis tales casus habentur.

Notandum tamen quàm maximè, in nervis illam oppositionem directionis non obtinere, quæ in cerebro per hæc Experimenta detegitur: nam nervi in dextra parte orti eidem lateri prospiciunt. Celeberrimi Anatomici fuerunt in alia opinione, & inprimis crediderunt, nervos opticos se mutuo decussare, & ad oppositi lateris oculum tendere singulos; multisque opticis phænomenis explicandis hoc inservire posse arbitrati sunt Philosophi. Fortuitus tamen casus docuit contrarium. Celeberrimus *Santorini* (a) disseccabat cadaver hominis, cui dexter oculus jam dudum cæcus fuerat verà amaurosi, nullo deprehensio vitio conspicuo oculi. Nervus opticus hujus oculi inventus fuit æquò gracilior, & colore obscurior, utpote cinereus; quem cum anxie persequeretur dextrissimus ille Anatomicus, invenit illum nervum, coloris diversitate facillè distinguendum, semper dextrum latus tenere; & simul evidentissimè vidit, nervorum opticorum fibras, non modò non decussari, sed ne implicari quidem; sed tantum hos nervos sibi mutuo accumbere, & dein iterum disjungi.

(a) Observ. Anatom. cap. III. §. 14. pag. 64.

§. 277. **T**UM 1. Cruor effusus illico tollendus. 2. Loca infecta depuranda. 3. Officula fortè infixâ cerebro evellenda.

Quando jam constitit, causam lædentem quamcumque capiti fuisse applicatam, cum tali effectû, ut functiones encephali læsæ fuerint, primò examinatur qualis fuerit hæc læsio; an ab intropulsa calvaria contentum cerebrum premente, vel acutis fragmentis pungente vel lacerante, an ab effusis sub cranio humoribus, an verò à valido concussu hoc factum fuerit. Quibus autem signis hæc causæ variæ detegantur, in præcedentibus explicatum fuit. De cura intropressæ calvariæ dictum fuit §. 271. 272. Per concussionem validam tenerrima encephali pulpa sic potest affici, ut compressis hoc concussu minimis vasculis liber transitus humorum per hæc impediat: sed si non fuerint facta vel destructa omnino hæc vasa, æquabilis humorum circumductio aperiet iterum collapsos hos canaliculos, & post aliquot horas sensim redibunt functiones. Ubi autem sub calvariæ olla hæret aliquid, quod comprimere vel lædere potest encephalon, indicatio curatoria generalis jubet hæc tollenda esse, ut faciliè patet: tuncque ad tria hæc in hac paragrapho enumerata attendendum est.

1. Patet evidenter. Omne enim extravasatum liquidum, quod hic hæret, semper comprimet encephalon, cum naturaliter omnia hic adeo plena sint: & si diu maneat hæc causa comprimens, contigua minimorum canaliculorum latera concrefcere poterunt & impervia manere totâ vitâ; unde postea immedicabilis orietur læsio functionum encephali.

2. Quando nempe humores effusi, corrupti, in pus, ichorem vel saniem mutati, infecerunt vicina loca, quibus accumbunt; uti & ubi solidæ partes sic affectæ fuerint, ut sanitatis legibus amplius obedire nequeant.

3. Observationes enim docuerunt, hæc infortunia aliquando contigisse; unde & hæc tollenda erunt.

§. 278. **E**XTRAVASATUS sanguis aufertur. 1. Resorbendo. 2. Dissipando. 3. Perforando cranium.

1. In contusionibus, dum sub integra cute sanguis vasis fractis effusus hæret, & nigra vel cærulea macula locum affectum deturpat; videmus sæpissime sensim disparere omne illud extravasatum; vasis nempe bibulis venosis resorptum, & allabentibus humoribus tenuioribus attenuatum. Quare ergo & illud hic loci fieri non posset? Sanguis autem extravasatus in loco clauso, ubi nullus datur aeri accessus, hæreere potest diutissime sine corruptela.

2. Quando nempe extravasatus cruor diluentibus & resolventibus remediis sic attenuatur, ut vasis bibulis venosis, in omni interna æquè ac externa corporis superficie patulis, resorptus dissipetur, & sensim dispareat.

3. Ubi tanta copia est effusi sanguinis, ut validâ compressione encephali functiones maximè lædat, non daretur tempus, ut lentâ tali resorptione & dissipatione tollatur extravasatum; prius enim sæpe periret homo. Unicum tunc superest,

quamvis crudele, auxilium, ut calvaria perforata exitus detur sanguini extravasato.

Jam examinandum est, quomodo singula hæc fieri debeant.

§. 279. **R**ESORBETUR, si in venas, largo missu sanguinis, & succenturiata purgatione alvi, evacuatas, vi vitæ repellitur.

Dum vivi animalis junioris (quia in his facilius cranium tolli potest) calvaria aperitur, apparet manifestè undique transpirans halitus; tota superficies utriusque meningis humida est, omnis ambitus ventriculorum tenui rore madet. Assiduum ergo tenuissimis vasis exhalantibus efflatur tenuissimum tale liquidum, quod omnia humectat & fovet. Sed nisi pariter adessent venulæ resorbentes in illis locis; accumularetur sensim ibi latex, & totam encephali actionem comprimendo tolleretur. His ergo oculis venosis debet resorberi extravasatus sanguis. Mirum fortè videri posset, sanguinem, statim concrecentem, dum extra vasa hæret, tenuissimas has fistulas ingredi posse: sed si consideretur, sanguinem concretum, de vena missum, sensim iterum resolvi, & deliquescere in tenuius liquidum; & quidem citius hoc fieri, dum blando calore fovetur, & præterea exhalante tenuissimo rore continuè dilui coagulatum cruorem; & simul, plena cum calvaria semper sit, validè premi, & arteriosam fabricam encephali & inprimis duræ matris vasa, sanguine impulso visceris nunc distendi, mox iterum se contrahere; patebit, extravasatum cruorem hic omni momento premi, arteri, tenuissimo liquido dilui, & tandem sic attenuari posse, ut minima oscula venarum absorbentium ingredi valeat. Cum autem absorbentes hæc venulæ resorptos humores majoribus venis tradant, facilius fiet hæc resorptio extravasati, si venæ majores depletæ fuerint: & ob hanc causam larga missio sanguinis hic commendatur. Porro per purgantia talia, quæ fortiter evacuant, & simul sine aucto motu vel majori stimulo potenter solvunt, subducuntur de corpore humores; attenuantur autem illi, qui remanent, & minùs ergo distendunt vasa, dum facilius per omnia transire possunt. Sic facilis patet ingressus resorptis humoribus in venas depletas, & post illas, evacuationes siccius redditum corpus in omni superficie interna & externa avidè absorbet contigua liquida. Sic observatur post validas alvi subductiones sicim ingentem nasci, & assatim hausta liquida citissimè resorberi venosis oculis in cavo ventriculi & intestinorum hiantibus. Quantum autem possit hæc methodus, ut extravasatus sanguis resorbeat, ad oculum apparet in validis contusionibus. Tumorem talem, qui caput infantis æquaret, in natis post lapsum ex curru, hæc methodo integre dissipatum vidi; licet tota pars nigresceret ab effuso, sub integra cute, hærente sanguine. Nemo autem faciliè dicet, extravasatum hunc cruorem transpirasse per cutim illam: si enim eo usque attenuari possit coagulatus sanguis, ut per exhalantia curis vascula exire posset, faciliè patet, quòd commodè ingredi poterit absorbentium venularum oscula. Apparet ergo multum boni ab hac methodo merito sperari posse.

§. 280. **H**INC statim ad maximam copiam, ægro tolerabilem; utraque, hæc évacuatio instituenda (279), & , si juvat, pro re nata repetenda, iterùmque, si post has administratas minuuntur symptomaia (275).

Nunquam nocebit, modò vires consent, largas tales evacuationes facere; & inprimis maxima venæsectio, & repetita quidem, hic tanti usus est. Visum enim fuit sæpissime, ubi omnia signa docebant, sanguinem effusum sub calvaria cerebrum comprimere, audacissimâ venæsectione illico remisisse symptomata, licet jam de trepano applicando cogitaretur. Et licet malum non cederet his remediis, & trepanum postea deberet institui, nunquam nocebit per hanc methodum corpus reddidisse inflammationi minùs obnoxium: sic enim pessima symptomaia, perforationem calvarie quandoque sequentia, & inprimis fungorum cerebri generatio multùm præcavebuntur. Hæc ergo primò tentanda videntur, antequam ad trepanationem ipsam perveniatur. Si jam his evacuationibus incipiant minui illa mala, quæ compressum ab effusis humoribus cerebrum sequuntur, novimus magnam spem esse, ut repetito horum usu, (semper habito respectu ad decumbentis vires) tollantur penitus. In gravissimis certè casibus pulcherrimos hujus methodi successus me sæpius vidisse latus recorder; & *Paræus* (a) audacter repetitæ sanguinis missionis notabile Exemplum habet. Juvenis 28 annorum, lapsu bregmatis os sinistrum lapidi validè impeggerat: aderat confusio, sed nulla cranii fractura. Septimâ die febris valida, delirium, inflammatio magna, tumor ingens totius capitis, faciei & colli, loquelâ, visu, deglutitione impeditis. Sequenti die duodecim uncias sanguinis detraxerat Chirurgus: postridie *Paræus* vocatus, dum videbat pessima hæc symptomaia non remittere, & validas esse vires: quadraginta & duas uncias sanguinis de vena misit: sequenti die, auctis adhuc potius malis, iterum duodecim uncias subduxit; & postea adhuc binis sanguinis missionibus quindecim uncias eduxit, sic ut intra quatrimum ultra octoginta uncias sanguinis amisit æger, & à tam periculoso malo integre curatus fuerit. Monuerat quidem magnus *Hippocrates* (b) quæ ad extremum ducunt vacuationes, periculosæ, & hinc videretur fortè temerarium tantam copiam sanguinis subducere; sed eadè sectione (c) axioma sequens posuit: *extremis morbis, extrema ad integritatem remedia, optima.* Cùm ergo hic vita periclitetur, nisi subita medela adhibeatur, patet ratio, quare validæ adeo evacuationes adhibeantur. In levioribus enim malis nemo prudens hæc tentare auderet.

§. 281. **D**ISSIPATIO attenuati perficitur. 1. Resorbendo. (279. 280.) partem dissipandi. 2. Attenuando per diluentia aquosa, & resolventia calidè pota. 3. Parti affectæ rasæ imponendo emplastra, cataplasmata, fomenta, ex discutientibus, nervinis, cephalicisque. 4. Auribus, naribusque eadè applicando.

Dissipatio vocatur, quando extravasatus sanguis sponte, vel per *Artem*, ita

(a) Liv. X. Chap. xiv. pag. 131.

(b) Aphor. 3, Sect. 1. Charter. Tom. IX. | Part. II. pag. 7.

(c) Aphor. 6. Ibid. pag. 114.

dissolvitur, ut minima absorbentium vasorum oscula ingredi, sicque sensim quasi evanescere possit.

1. De his dictum fuit.

2. Si sanguinem sani hominis de vena missum, & coagulatum, in aqua repida quis conqussaverit, sensim minuetur illud coagulum, aqua affusa rubescet, & ultimò tam parum illius massæ coagulatae supererit, ut vix credi posset: remanebit tamen semper aliquid, fortè quia libero aeri tam diu expositus fuit sanguis. Videmus enim quotidie in contusionibus extravasatum sanguinem dissolvi sic, ut integre dissipetur. Ob hanc causam, post sanguinis missiones & purgantia, datur tanta copia decoctorum aquosorum, quantam corporis vires ferre & mobilem reddere possunt: sic sanguis omnis diluitur, & exhalanti fluido copiosa materia suppediatur, ut resolvatur sensim illud coagulatum, & solum resorbeatur venulis minimis absorbentibus. Quia autem aquosa sola porata, inprimis post magnas evacuationes, corpus enervant sic, ut hæc assumpta inciperent colligi in cavis corporis, & corpus ad hydropem disponderent; ideo simul his decoctis adduntur lenia aromata, quæ blandâ solvendi vi commendantur, & simul levi stimulo parum plûs movent, quod nunquam nocebit post has evacuationes prægressas. Totus enim scopus est sanguinem reddere sic dilutissimum, ut copia tenuis liquidi per exhalantia vascula continuò applicetur extravasato cruori, & ille sic dilutus & attenuatus resorberi possit venosis osculis. Formula talis decocti in *Materia Medica* habetur.

3. Verum quidem est, quodd horum omnium efficacia non directè & immediatè agere possit in extravasatos humores, qui sub calvaria hærent, cum externa capitis ferè tantùm à carotide externa suos humores accipiant. Proderunt tamen, dum externis capitis partibus sic fortis & laxatis minuitur humorum impetus versùs interiora capitis; uti & dum horum remedium pars per venas resorbentes externæ cutis sanguinem ingreditur, & postea communi circulationis lege ad locum affectum deferri potest. Neque videtur semper anxie disputandum esse, quomodo & per quas vias remedia applicata agant, modò constet profuisse. Sic in morbis acutis inflammatoriis, capitis interiora obsidentibus, fomenta ex aqua, aceto, nitro, tanto cum fructu derafo priùs capiti applicantur. Unde in periculoso tali malo, omnia Artis molimina adhibentur, per quæ aliquid emolumenti, quantumvis etiam leve hoc fuerit, sperari potest. In usu tamen horum semper animadvertendum est ad illas cautelas, de quibus dictum fuit §. 245. 246. 247, semperque curandum, ut cataplasmata, vel fomenta talia applicata, in debito calore retineantur; quod pannis calidis sæpe applicatis fieri poterit. Talis emplastri & fomenti formula in *Materia Medica* ad numerum 247. habetur.

4. Verum quidem est, duram matrem omnem superficiem internam cranii exactissimè obducere, sic ut totum encephalon in proprio quasi territorio seclusum ab omnibus aliis hæreat. Tamen per Observata Medica constat, binâ, hæc loca esse cerebri quasi spiracula, per quæ sæpe miris modis humores exeunt. Dictum fuit in *Commentariis* ad §. 275. chronica sæpe capitis mala levare citissimè, dum per nares vel aures, aqua, pus, &c. effluunt; illudque *Hippocratis* testimonio confirmatum fuit. Notum est, in omnibus morbis capitis, qui ab infarctis encephali vasis à nimia plenitudine, vel à inflammatoriâ humorum densitate,

¶ G g g ij.

fiunt, sanguinis per nares effluxum adeo prodesse. Enarrata fuerunt Exempla in *Commentariis* ad §. 273, quibus constitit, post gravissimas capitis læsiones, lymphæ per aures effluxum sanasse etiam, ubi communi expertissimorum Medicorum & Chirurgorum consilio jamjam trepanum applicandum erat. Hinc proximus ad interna capitis hic videtur patere aditus. Certè summis naribus incumbit tenuis ossis ethmoidis lamella, foraminulis pertusa, quæ quidem in homine vivo duræ matris vaginulis emissis, & nervis fibrillis, opplentur exactissimè: tamen quàm tenue est illud sepimentum, quod calvariæ cavum à naribus hic dividit! Unde vapores per nares attracti ferè immediatè encephalo applicantur.

§. 282. **Q**UÆ (279. 280. 281.) si statim non tollunt, minuuntve valde symptomata (275), sed hæc vel persistunt, vel augentur, illico perforandum cranium, ut exitus detur humoribus (273. 277. n°. 1.), & facultas depurationi (277. n°. 2.), & evulsioni fragmentorum (277. n°. 3.)

Crudele videtur & temerarium omnino illico semper calvariam perforare, ubi signa docent, post capitis vulnera encephali functiones validè læsas esse. Nisi enim certò constet, cranium depressum esse, vel fragmenta excussa encephalon lædere sic, ut non possint tolli hæc mala sine perforatione calvariæ, præstat semper priùs per aliquot horas saltem expectare, & interim validis evacuationibus tentare, an levetur symptomata. Plurimi enim tales casus occurrunt quotidie, ubi ex alto delapsi homines omni sensu & motu privati jacent, & paucis horis postea sensim reviviscunt, valido tali concussu turbato cerebro, licèt nulli humores effusi fuerint. Et licèt trepanum applicari deberet, valida sanguinis missio priùs facta nocebit nunquam, sed econtra summopere proderit. Unde videtur methodus, tribus præcedentibus paragraphis recensita, priùs semper tentandæ esse; & si intra duodecim horas ab his remediis applicatis nullum levamen percipiatur omnino, sed omnia mala potiùs augeantur, tunc unicum auxilium superest, nempe ut perforatâ calvariâ detur exitus humoribus effusis. Monendi tunc sunt amici vulnerati, certam mortem instare, anceps tantùm hoc & operosum superesse remedium, à quo jure merito multùm boni expectari potest, tamen nunquam certa cura promittenda est. Poterunt enim effusi humores hære in talibus locis, ut apertâ calvariâ exire tamen nequeant: possunt valido concussu fracta esse tenerissima illa stamina medullæ encephali, unde tota vita & humanitas pendet. Ubi verò hæc operatio requiritur, quò citiùs tunc perficitur, eò meliùs; pergent enim liquida effluere fractis vasis, major fiet compressio encephali, sic omni momento auctâ copiâ liquidi extravasati: unde sæpe medulloas fibræ tenerissimæ, soli tenuissimo totius corporis liquido perviæ, compressis lateribus & contiguis factis, desinunt esse canales aperti; & postea,eductis quamvis liquidis comprimentibus, æquabili liquidorum circumductione contigua semel facta latera minimorum horum vasculorum non amplius à contactu removeri poterunt; unde concresecunt inter se, & sequetur immedicabilis læsio omnium illarum functionum, quæ à subtilissimis liquidis motu per minima hæc vascula pendebant. Præterea humores effusi, diu hic relictis, poterunt corrumpi, & acquisita

acrimoniam rodere omnia vicina. Ex quibus omnibus patet, semper hic in mora periculum esse, licet tamen Observationes fideles docuerint, magno etiam post vulnus infectum temporis intervallo perforationem cranii institutam fuisse summo cum fructu. Homo capite vulneratus fuerat, cum nulla adessent mala symptomata, intra quatuordecim dierum spatium vulnus hoc curatum fuit. Diu post, ingens capitis dolor, vertigo, caligo oculorum, dextrique brachii paralysis latere hic malum evidenter demonstrabant; & *Sculetus* (a), vigesima nona post vulnus infectum septimanam, detecto cranio, angustam rimam videns, binis foraminibus perforavit calvariam, & medium inter hæc foramina interstitium ferrâ versatili excidit: paulâ tali aperturâ evacuebatur collectus sub calvaria humor, & mensis spatio felicissimè pristinae sanitati restituebatur vulneratus. Sed faciliè apparet ex hac Historia, non fuisse in initio extravasati liquidi sub calvaria copiam, sed angustâ rimâ fissio cranio, sensim hic collectum fuisse pus, vel faniem. Sed ubi fractis vasibus statim copia effusi liquidi sub calvaria colligitur, patet faciliè, non posse diu differri hanc operationem sine magno periculo. Unde dixit *Hippocrates* (b), in illis casibus, ubi perterebranda erat calvaria, intra triduum ad sectionem veniendum; neque id spatium citra sectionem superandum, idque precipue si calidâ anni tempestate ab initio curationem susceperis. Tamen agebatur hic loci tantum de læsione calvaria, quæ scalpro eradi non poterat. Ab effusis autem humoribus sub cranio magis præceps discrimen imminet.

Perterebratio cranii solebat etiam institui, ut dictum in *Commentario*, §. 271, ut os depressum & vacillans velle posset elevari: sed in hoc casu triplex inde potest expectari utilitas, nempe ut extravasatis liquidis liber pateat exitus; deinde si per suppurationem deberet aliquid separari à vivis partibus, ut puri factio pareretur via; ultimò ut ossis fragmenta, encephalon pungendo, lacerando, &c. lædensia, commodè possint tolli.

§. 283. **LOCUS**, ubi terebra applicanda, cognoscitur. 1. Ex loco læsionis noto (276.) ubi optimè sit, si nihil vetat.

Postquam conclusum fuit, calvariam terebrâ perforandam esse, ut concilietur exitus effusis humoribus, tunc inquiritur, cuinam loco calvaria terebra applicari debeat. Apparet faciliè, postquam per signa descripta, §. 276, detectus fuit locus læsus, ibi debere terebram applicari, quia maximè verosimile est ibi hæsurum effusum sanguinem. Sed sequenti paragrapho patebit, plurima esse loca, ubi cranii perterebratio, vel impossibilis omnino, vel periculosa admodum est; unde sub hac tantum limitatione, generalis hæc regula locum habet. Maturo autem consilio, nec festinanter, determinari debet locus, cui terebra applicabitur, ne postea crudelis hæc adeo apparsens adstantibus operatio (vulnerati enim ipsi ferè semper stupidi & hebetes in his casibus vix dolorem sentiunt) repeti debeat; sicque aliquando ansa detur illis, qui percussoris causam descendunt, imputandi mala secuta. Chirurgis & Medicis.

(a) *Armament. Chirurg. Observ.* 13. pag. 211, 212. (b) *Lib. de Cap. Vulner. cap. XLII. Chastet.* Tom. XII, pag. 124.

§. 284. **V**ETAT 1. Sutura. 2. Musculi plurimi. 3. Cavitates ossis frontis. 4. Arteria major ossi inserta. 5. Inferior situs loci. 6. Vacillatio fracti, contusi, cariosi ossis. 7. Inæqualitas eminentis & excavati iterum cranii.

1. Dum in cadavere ferrâ undique divisum cranium elevare nituntur Anatomici, vident evidenter, duram matrem in omni ferè puncto calvariæ adhærere; sed in locis futurarum hanc adhæSIONem tam validam esse experiuntur, ut vecte ferreo interposito vix summâ vi avellere possint. Patet ergo, quodd, si terebratio his locis instituat, non posset orbiculus ossis excisus tolli sine magna dilaceratione duræ matris; unde dolor ingens, convulsio, & alia pessima mala sequi possent. Hinc communi omnium Auctorum consensu illa loca vitantur, potiusque ab utroque latere futuræ terebratur cranium, quàm in futuræ loco. Dum homini grave vulnus securi inflictum fuerat illo in loco, ubi futura sagittalis cum coronali uniuers, post gravissima symptomata, plurimis fragmentis ossis extractis, convaleuit quidem, sed nullâ Arte potuit evitare *Hildanus* (a), quin fistulosum ibi maneret ulcus: unde & curæ difficultatem recenset inter illa argumenta, quibus improbatur trepani applicatio in loco futurarum. Hanc tamen operationem in futuris institutam se vidisse, dum studiorum causâ in Italia versaretur, testatur celeberrimus Medicus *Johannes Fredaricus Werdenbergius* in epistola ad *Hildanum* de hac re data (b). Apparet tamen evidenter ex modò dictis, periculosum semper esse, trepanum ipsis futuris applicare.

2. Notum est, circa occiput validissimos musculos calvariæ insigi, & lateralem partem cranii utrimque occupari temporalibus musculis. Undè meritiò videntur & illa loca vitanda esse, si fieri possit. Monuerat *Hippocrates* (c): in capitis sectione ceteræ quidem capitis partes tuto secari possunt; tempus verò & quod adhuc superest, juxta venam, quæ per tempora fertur, hæc, inquam, regio secari non debet. Nervorum enim distensione prehenditur, qui sectus est. Et in loco allegato in *Commentariis*, §. 241, dicit, quibus tempora secantur, convulsio ex contrariis sectioni partibus oboritur (d). Ex quibus concludere licet, semper periculosum fore; hos musculos lædere; quamvis tamen non semper lethalia mala inde sequantur. Plurima enim Observata evincunt, sectos fuisse musculos temporales, applicatum fuisse trepanum illi loco quem occupant, & tamen curatos fuisse ægros. Ex magno satis similium Observatorum numero unum alterumve Exemplum recensebo. Homo acinace vulneratur in tempore sinistro, cum fissura calvariæ adeo patente, ut digitum indicem facillimè caperet: tamen à tanto vulnere brevi temporis spatio incolumis evasit (e). *Riverius* in Observationibus, ipsi communicatis à *Samuele Formio Chirurgo Mompeliensi*, qui quinquaginta annorum spatio Artem exercuerat, habet casum sequentem (f). Mulier vulnus acceperat ictu lapidis in tempore sinistro: cum

(a) Observat. Chirurg. Centur. II. Observ.

III. pag. 85.

(b) Ibid. pag. 86. 87.

(c) Lib. de Capit. vulnere. Cap. XIX. Character. Tom. XII. pag. 123.

(d) Coac. Pexnot. n°. 498.

(e) *Sculcteti Armamentar. Chirurg. Observ.* III. pag. 195. 196.

(f) *Riverii Opera*, pag. 572. Observ. XIX.

trepanum



trepanum necessarium videretur, in consilium vocatus exercitissimus ille Chirurgus non dubitavit cruciali incisione discindere temporalem musculum, & loco detecto trepanum applicare; neque ullum grave symptoma inde ortum esse testatur. Similem casum, ipsi communicatum ab alio Chirurgo, habet alibi (a) In puero duodecim annorum ex alta arbore delapso os temporis adeo confractum fuit, ut coactus fuerit Chirurgus notabilem partem musculi temporalis tollere, ut latens malum posset detegi, & trepanum applicari. Felix tamen fuit curæ successus, præterquam quòd maxilla inferior parum versùs latus oppositum distorta manserit (b). Ubi ergo necessitas urget, præstat etiam in his locis trepanum applicare, quàm certè mori relinquere vulneratum.

3. Notum est ex Anatomicis, ossis frontis tabulas à se invicem diductas facere sinus frontales dictos, plerumque satis capaces, variz magnitudinis in variis hominibus, supra oculorum orbitas ferè ad media supercilia productos, aliquando ossis lamellis in minora cava distinctos, qui binis satis magnis aperturis ad utrumque septi narium latus patent, & sic narium internam capacitatem augment. Sinus illi membranâ illâ, quæ nares internas investit, undique obducuntur. Si ergo trepanum hic applicaretur, externâ tabulâ perforatâ, illico occurreret membrana illa internam ejus superficiem investiens, quæ tolli deberet; uti & illa ejusdem membranæ pars, quæ internam tabulam simili modo investit, antequam posset terebrâ perforari interna tabula. Patet facilè, hoc difficillimum, si non penitus impossibile, esse, cum membrana hæc, narium cava investiens, adeo sensilis sit, ut vel levissimâ plumulæ agitatione in naribus irritata, sternutatione excitatâ, totum corpus convelli faciat. Simul notandum, quòd vix unquam ad cicatricem perducì possit vulnus, quod ad sinus frontales penetravit. Hoc jam apud *Celsum* (c) habetur, qui manet, omnibus capitis locis perterebratis commodè cicatricem induci, *exceptâ frontis eâ parte, quæ paululùm super id est, quod inter supercilia est. Ibi enim vix fieri potest, ut non per omnem ætatem sit exulceratio, quæ linteo- lo, medicamentum habente, contegenda erit.* Postea Recentiorum Observata hoc confirmaverunt. Hæc ergo loca, ex Anatomicis cognita, in applicatione trepani vitanda esse patet.

4. Si consideretur calvaria humana mundata, in interiori ejus superficie plurima apparent impressa, sæpe etiam satis profundè, vestigia, quæ majorum arteriarum, per duram matrem distributarum, ramificationibus respondent: si autem major talis truncus, dum terebra in osse circumducitur, ejus dentibus laceretur, valida poterit nasci hæmorrhagia, quæ plurimùm turbat operationem, & sæpe difficulter compesci potest. Summa tamen difficultas est in his locis determinandis, quia in diversis hominibus situs majorum horum truncorum varia; tamen quædam loca sunt, in quibus hi sulci majores in plurimis calvariis deprehenduntur; quæ ergo vitanda sunt. Sit v. gr; in utroque osse bregmatis, prope futuram coronalem in laterali inferiori parte, talis magnus sulcus apparet, qui ascendendo sensim minuitur, &c. Illa autem loca, comparando diversas calvarias inter se, potissimum cognoscuntur.

5. Si enim circa basim calvariæ hæreant effusi humores, vix ulla spes est, edu;

(a) *Ibid* pag. 580.

(b) *Garengeot Opérat. de Chirurg. Tom. III.*

*Observ. XV. pag. 131.*

(c) *Lib. VIII. Cap. IV. in fine, pag. 518*

II hh

ci posse illos cranii perterebratione, cùm illa non possit fieri nisi in multò altiore loco. Verum quidem est, quòd, cùm calvaria plenissima semper sit, possit aliquando pressione encephali, replentis calvariae cavum, humor effusus sensim ascendere versus foramen factum, & sic evacuari; sed apparer simul, hoc factis difficile esse. Talem casum habet *Tulpius* (a) de sene septuagenario ebrio, qui ex alto delapsus contraxit in calvaria tam amplum vulnus, ut commodè per ejus hiatum educeretur, quidquid inhaeret extima cerebri membrana. Aderant tamen illico vertigo, vomitus & stupor: postridie quidem rediit ad se expers jebri, & immunis omnium aliorum symptomatum; verùm die quarto, excreta prius spuitis purulentis, periit præter omnem spem ab inopinata Apoplexia. In cadavere invenitur frequens humor, replens ventriculos cerebri, & prope sellam equinam ingens ossis cuneiformis fragmentum, separatum à reliquo osse, apparebat, & plurimum sanguinis coagulati. Dum ergo per tam amplum vulneris hiatum circa basim cerebri effusus sanguis exire non poterat, patet, à perforatione calvariae non multum boni expectari posse in tali casu. Unde *Celsus* merito dixit: *Servari non potest, cui basis cerebri . . . . percussa est* (b).

6. Dum terebra applicatur calvariae, non poterit excindi orbiculus ex cranio, nisi apprimatur terebra ossi: si ergo illud solutum integre fuerit, vel parum tantum adhuc cohaeserit, introprimetur, & turpi errore encephalon subiectum comprimetur. Idem infortunium metuendum est, si lues venerea, v. gr; os eroserit; vel ab alia quacumque causa cranium cariem contraxerit: tunc enim minimà etiam vi adhibita terebra per integram ossis crassitiem illico penetraret. Aliquando sic post capitis vulnera corrumpi calvariae os, patuit Exemplis memoratis in *Commentariis*, §. 242, & 256. n°. 3.

7. Dum calvariae cavum osseum sedulò examinatur, apparet evidenter, non esse ubique æquabilem superficiem; sed in quibusdam locis assurgere, in aliis magis excavari, ut contento encephalo, valis, sinubus, &c. se quasi accommodet; unde varia sæpe crassities ossis in variis calvariae locis. Optimum ergo foret, dum de loco deliberatur, ubi trepanum applicandum est, plures considerare calvarias; & videre, quibus in locis illae inæqualitates maximè inveniantur; & deinde illa loca vitare, si fieri possit.

Quamvis autem ex Artis regulis & Anatomicà cognitione partium satis evidenter pateat, sepe illa recensita hæc paragrapho in trepani applicatione vitanda esse, tamen optimi Artis Magistri monuerunt, si aliter fieri nequeat, tentandam esse operationem, licet aliqua ex recensitis incommodis adfuerint; præstat enim sæpe anceps experiri auxilium, quàm nullum, dum certa mors prævidetur. Vix enim credibile videtur, omnes has cautelas poruisse observari, dum puella duodecim annorum, ex alto delapsa, duodecim distinctis locis calvaria perterebrata fuit, paucorum dierum spatio; quæ tamen puella perfectissimè curata fuit, licet totum bregmatis os, & pars ossis temporalis, valido lapsu omnino fracta fuissent. Mirabilem hunc casum refert *Dianisius* (c), cujus filius quartà vice in hac puella operationem perfecerat.

(a) Observ. Medic. Lib. I. Cap. 111. pag. 6. | 183.

(b) Medic. Lib. V. Cap. xxvi. n°. 2. pag. | (c) Opérat. de Chirurgie, pag. 358.

§. 246. **T**UM qui læso cognito (276) proximus, applicandæ terebræ locus optimus est.

Ubi ob causas paragrapho præcedenti enumeratas non potest perforari calvaria in loco læsionis, omnium optimus erit ille, qui carens his obstaculis loco tamén læso proximus est. Circa hanc rem tamen notanda sunt quædam satis magni momenti. Dura mater undique quidem calvariæ adhæret, sed omnium fortissimè in locis futurarum, uti dictum fuit paragrapho præcedenti, n°. 1: unde sanguis effusus, hærens inter calvariæ & duram matrem, poterit illam separare à cranio: sed ubi futuræ sunt, ibi hoc fieri non poterit; unde certis limitibus hærebit semper sanguis effusus inter cranium & duram matrem, nec poterit facilè ultra futurarum loca pergere. Si jam v. gr; locus læsus esset in ossis bregmatis illa parte anteriori, quæ ob viciniam futuræ coronalis, per quam frontis offi jungitur, & ob magnam arteriam plerumque hic locatam, tutò perterebrari non posset; tunc quidem locus proximus eligendus esset, talis tamen, qui ipso bregmatis osse contineretur. Si enim in osse frontis ad alterum latus futuræ coronalis terebratio fieret, non posset sanguis, duræ matri sub bregmatis osse incumbens, exire, quia dura mater in loco futuræ coronalis firmissimè hærens impedi-  
 pediet, quominus illuc venire posset. Unde sub hac limitatione tantùm generalis hæc regula locum habet, quæ jubet locum proximum eligendum esse, si in ipso læsionis loco terebratio fieri non possit. Sanguis enim intra cranium & duram matrem effusus sic in diversis quasi cameris hærerè potest, quæ penitus distinctæ cum aliis non communicant. Omnium maximum tale spatium sub ossibus bregmatis hæret, futurâ sagittali in medio divisum in binas tales distinctas cameras. Idem etiam in fronte verum est, quòd iterum distinctum tale spatium habet; & cum os frontis mediâ futurâ ad radicem nasi plerumque divisum sit in junioribus, imò sæpè etiam in adultis, patet, & illud spatium sic bifariam dividi.

Ubi verò sanguis effusus hæret intra duram & piam matrem, iterum notandum est, totum calvariæ cavum internum bifariam dividi. Duræ enim matris processus, falciformis dictus, à crista ossis ethmoidis per totam longitudinem futuræ sagittalis pergens usque ad processum duræ matris transversalem (qui cerebellum tegit & ab incumbens cerebri pressione defendit) & intra bina cerebri hemisphæria profundè demersus, dividit bifariam internum cranii cavum, & impedit, quominus sanguis in dextro latere effusus ad sinistrum pergere posset. Unde & in illo casu ad hanc rem pariter attendendum est.

§. 286. **Q**UIN, urgentibus symptomatibus (273. 275.), licèt nullus locus certò inveniri queat (276), tamen trepanum applicandum & ab una, & ab altera parte cranii, in sinem descriptum (277).

Aliquando accidit, omnia signa quidem docere, quòd effusus sub calvaria sanguis comprimat encephalon; interim tamen non adsunt certa indicia, quibus determinari posset, in quonam loco cranii hæreat; tunc nihil superest, quàm vul;

H h h ij

neratum certæ morti tradere, vel incerto penitus eventu cranium perterebrare. Potest enim sanguis effusus ipsam basim calvariæ occupare; potest in ipsis ventriculis cerebri hære, potest in longè alio loco accumulatus esse, quàm est ille, cui terebra applicabitur. Videtur tunc, præmonitis priùs de ambiguo successu vulnerati amicis, melius esse anceps remedium experiri, quàm nullum; præferim cum innumeris Observatis constiterit, trepani applicationem, rite administratam, non esse adeo periculosam; & vulnerati tales plerumque omni sensu careant: sic ut narret *Dionysius* (a) se nobili juveni, trepano applicato, effusum sub calvaria sanguinem eduxisse, nec noverat tamen vulneratus se hanc operationem passum fuisse, donec perfectè curato hoc indicabatur. Hinc licet adstantibus adeo crudele videatur, dum frustra instituta hæc operatio in alio loco calvariæ repeti debet; tamen decumbentibus non adeo molesta esse solet. Ubi autem nihil omnino cognoscitur de loco affecto, tunc solet os bregmatis perterebrari; quia & maximam partem ossæ calvariæ constituit, & satis magna vasa huic ossi supponuntur. Si nihil inveniatur, in oppositi lateris ossæ bregmatis idem tenetur. Apud *Hippocratem* non invenitur, quòd repetitis vicibus in eodem ægro trepanum applicuerit; sed quantum porui colligere ex pulcherrimo ejus libro de vulneribus capitis, non perforavit calvariam, ut humoribus sub cranio effusis viam faceret, sed tantum ut calvariæ malæ affectæ partem toleret. Notavit quidem, quòd os calvariæ malè affectum pus colligere possit, illudque infrà ad cerebrum transfundere (b), sed de extravasatione humorum, vasis fractis sub integra calvaria, nullam mentionem fecit. Unde non videtur applicuisse trepanum, nisi ubi constaret, calvariam vitiam esse, & cognitus esset locus læsus: & ideo ubi os fractum erat aliâ capitis parte, quàm quâ vulnus erat, huic calamitati nullis remediis subveniri posse asseruit (c). *Celsus* tamen talem sanguinis extravasationem novisse videtur, dicit enim: *raro sed aliquando tamen, evenit, ut os quidem totum integrum maneat, intus verò ex ista vena aliqua, in cerebri membrana rupta, aliquid sanguinis mittat; & isque ibi concretus magnos dolores moveat, & oculos quibusdam obtæcet. Sed fere contra id dolor est, & eo loca cute incisa, pallidum os reperitur, ideòque id quoque os excidendum est* (d). Et in eodem capite jubet pluribus foraminibus cranium perforandum esse, si rima longius patet.

Plurima exempla habentur apud recentiores Chirurgo, quibus constat, felici successu pluribus locis perterebratam fuisse calvariam. Homini ex equo delapso vulnus in ossæ bregmatis apparuit; applicato trepano, multum sanguinis exivir, sed sine levamine symptomatum; post triduum rumor in occipite apparuit; quo aperro, alterum trepanum ossi occipitis applicatum fuit: copiosus exibat ex foramine facti sanguis; & dum ille efflueret, incepit ad se redire, & perfectè convaleuit. Hæc Historia pulchre confirmat illa, quæ dicta sunt paragrapho præcedenti; quòd sanguis intra duram matrem & calvariam effusus in distinctis cameris hæreat, quæ non communicant inter se (e). In eodem loco idem Auctor alium casum narrat puellæ, cui in utroque ossæ bregmatis trepanum applicuerat, felici etiam cum successu. In maxima cranii depressione septies in circumferen-

(a) Opérat. de Chirurgie, pag. 350.

(b) Lib. de capit. Vulner. Cap. iv. Charter. Tom. XII. pag. 117.

(c) Ibid. Cap. x. pag. 119.

(d) Medic. Lib. VIII. Cap. iv. pag. 516.

(e) Dionis Opérat. de Chirurg. pag. 340.

tia depressionis cranium modiolis perforare coactus fuit *Scultetus* (a), unâ & eâdem die in Capiteo, qui tamen binorum mensium spatio à tam gravi vulnere curatus, munus suum militare cum laude exercere potuit. Et in mirabili illa Historia, de qua dictum fuit in *Commentario*, §. 284, duodecim annorum puellæ cranium duodecies perforatum fuit, cum integra tamen sanatione. Longè adhuc mirabiliorum Historiam narrat celeberrimus suo tempore Chirurgus *Solingenius* (b); *Philippus Nassavius* ex illustri *Auriacorum* stemmate oriundus, ex equo delapsus sic caput impetit stitit, ut calvaria variis locis fracta fuerit; & ideo vigesies septies ipsi cranium trepano perforatum fuit à Chirurgo Neomagensi; tamen inde convaluit: hujusque rei testimonium, sanari nobilissimi viri autographo confirmatum, vidit *Solingenius*; additque, illum postea adeo pancreaticè valuisse, ut inter pocula tres compositores postea morti tradiderit.

Ex quibus omnibus patet, tutam satis esse, quamvis frequenter repetitam, trepani applicationem, si rite instituitur, quod quomodo fieri debeat, in sequentibus dicitur.

§. 287. **I**NVENTO loco ( 276. 283. 284. 285. 286., ) abraso capillitio, inciduntur integumenta ( 259 ), separantur à cranio, elewantur labia, siccatur os, tegitur carptis linteis, sistitur cruor ( 218 ), lenitur dolor ( 227. 228. 229 ) prohibetur inflammatio ( 235 ), &, si non urget valde malum, rite factâ deligatione in diem sequentem relinquitur apparatus.

Postquam determinatus fuit locus, cui trepanum applicabitur, requiritur, ut calvaria integumentis suis nudetur perfectè, ne modioli dentes, molles partes relictas, lacerent; inprimis sollicitè cavendo, ne aliquid de pericranio relinquatur: illud enim, scalpro terebrivse laceratum, *vehementes febres cum inflammationibus* excitare, jam *Celsus* monuerat (c) Unde crinibus abrasis integumenta ad os usque cruciali incisione dissecantur, ut dictum, §. 259. Anguli quatuor vulnere sic facti elevantur; & digitis, vel scalpro pericranium à calvaria separatur; mollissimis plumaceolis parum calefactis abstergitur cruor ab ossis nudati superficie; dein simile plumaceolum, pauculo mastiches tenuissimè tritæ asperso, applicatur nudæ calvarie: similiter & linteæ carptæ supponuntur elevatis integumentis, ut magis ab osse nudo secedant. Hæmorrhagia plerumque levis esse solet, & brevi cessat: si verò major parum ramus artetiosus discissus fuerit, alcoholè calido compesci poterit; vel idoneâ ligaturâ leviter comprimendo per aliquot horas sistetur sanguinis fluxus: vel etiam, si urgerent symptomata, filo transmissoper integumentorum locum, ubi hæret arteria discissa, poterit satis commodè ligari. Patet enim facillè, non posse trepanum applicari, quamdiu hæmorrhagia durat: sanguis enim effusus continuò impedi-er, quo ninus explorari posset, quousque perforatio calvarie processisset. Dolor, si adest, leniri poterit levi inunctione unguenti populei, quod mollissimum & simul anodynum est: plerumque ta-

(a) *Armamentar. Chirurg. Observ. 7. pag. 1298.* *eerste Deel, Cap. viii. pag. 29.*

(c) *Medic. Lib. VIII. Cap. iv. pag. 516.*

(b) *Manuale Operation der Chirurg. &c.*

men tales vulnerati habebes & stupidi jacent. Si inflammatio metuatur, & inprimis si non statim applicabitur trepanum, sed in sequentem diem differeretur operatio, postea fovere locum convenit. Sic Hippocrates, loco in *Commentariis*, §. 259. n<sup>o</sup>. 3, allegato, dum detegenda erat calvaria, discissis integumentis jussit (a) *linamentis ulcus (vulnus) implendum; quæ in posterum diem quam minimo labore ulcus amplissimum exhibeant*; sed simul monuit, quamdiu hæc linamenta adhibentur, cataplasma applicandum esse *ex tenuissima polenta, ex aceto subactâ & incoctâ*, ut inflammatio nimia præcaveatur.

Quæritur nunc, an, detecto jam cranio, ejus perforatio differri debeat per aliquot horas, vel in diem sequentem; an verò statim perfici debeat. Viderur semper hæc operatio citissimè instituenda esse; raro enim adhibetur, nisi in urgenti malo. Binæ plerumque sunt causæ, quare differri voluerunt operationem quidam Chirurghi. Primò, quia capillorum abrasio, integumentorum dissectio & separatio à cranio, satis temporis requirunt; unde amici vulnerati sæpe ægre ferunt, diuturniori cruciatu torqueri miserum. Secundò, ob hæmorrhagiam post dissecta integumenta metum, & denique, quia dissectæ partes sponte retroractæ vulnus factum magis parulum reddent, unde facilior patebit terebræ aditus. Sed si consideretur, plerumque tales vulneratos omni sensu carere, vel saltem admodum hebetes jacere; hæmorrhagiam idoneis remediis satis citò posse compeisci, saltem ad hoc tantum ferè requiri paucarum horarum moram; & dissecta labia, modò satis amplius fuerit locus discissus, posse faciliè sic deduci, ut terebræ via pateat; apparebit faciliè, omnium optimum esse, si statim post nudationem cranii ad ejus perforationem purgatur.

Nec obstat huic sententiæ Hippocratis auctoritas: ille enim dissectis integumentis, ut ossis læsionem investigaret, voluit hoc examen in posterum diem differri (b): verùm, uti præcedenti paragrapho dictum fuit, non videtur perforationem calvariæ instituisse, ut extravasatis humoribus daretur exitus; sed tantum, ut malè affectam cranii partem tolleret: quod malum certè longiorem moram fert sine tanto discrimine. Ubi verò vasa fracta humores contentos pergunt effundere; nisi subito liber fiat his exitus, summus metus est, ne sic comprimatur encephalon, ut postea functiones læsæ restitui nequeant, licet perforatâ calvariâ educti fuerint humores extravasati. Tamen & Hippocrates in eodem libro (c), postquam recensuit illa signa, quæ indicant capite vulneratum hominem periturum, dicit: *cæterum ubi febrem occupasse, vel aliquod aliud signum huic adesse cognoveris, minimè differendum est; sed os ad membranam usque (terrà) secandum, aut scalpro etadendum.*

§. 288. **T**UM capite firmato, auribus obturatis, aere calefacto; deteriso, ossi terebra cum stylo applicatur, æquabili, æqualiter & modicè actâ, fronti suppositâ terebratione agitur donec vestigium rite sit impressum.

Ut instituat hęc operatio cum successu, attendendum inprimis ad sequentia.

(a) Lib. de Cap. vuln. Cap. xx. Chart. Tom. XII. pag. 124. (b) Ibid. Cap. xx. & xxi. pag. 124.

(c) Ibid. Cap. xxxii. pag. 128.

Caput ægri debet sic firmari, ut penitus immobile hæreat: unde lectulus, in quo decumbit, sic ponendus est, ut ab omni parte Chirurgus & ministri commodè accedere possint. Pulvinari, cui caput ægri incumbit, solent supponere asserem, vel patinam stanneam, aut simile quid; ne inter operandum cedat molle pulvinar, & sic turbetur operatio. Præterea certus debet esse Chirurgus de constantia illorum, qui caput vulnerati immobile retinebunt: nisi enim assueti fuerint intrepido animo hominum calamitates intueri, sæpe in animi deliquium labuntur, dussè hæc operatio satis crudelis videtur, & sæpe satis notabili tempore durat. Solent quoque plerumque aures vulnerati gossypio obturari, ne ingratum ferræ stridorem audiat: monet tamen *Dionisius* (a), sæpe hoc neglectum fuisse sine ullo damno; nec mirum, cum plerumque illi, quibus trepanum applicabitur, sine sensu jaceant.

Omnibus illis instrumentis, quæ ad hanc operationem requiruntur, priùs ordine dispositis, & calefacto aere vicino, & repleto fumis accensi succini, mastiches, & similibus, cereo ellychnio commodissimè illuminatur locus, cui terebra applicanda erit. Terebra autem, quæ ad hanc rem utuntur, cavum orbiculum refert: atque tali cavâ terebrâ *Hippocratem* jam usum esse satis patet (b). *Celsus* vocavit modiolum (c) *ferramentum concavum, teres, imis oris ferratum, per quod medium clavus, ipse quoque inferiore orbe cinctus, demittitur.* Videtur autem tantum usus fuisse modiole, dum locum ossis corrupti poterat comprehendere modiolus: ubi vero latius vitium erat, tunc terebrâ fabrilis, vel simili huic instrumento, foramen faciebat (d), in ipso fine vitiosi ossis atque integri: deinde alterum non ita longè, tertiumque, donec totus is locus, qui excidendus est his cavis cinctus sit.... Tum excisorius scalper ab altero foramine ad alterum malleolo adactus id, quod inter utrumque medium est, excidit; ac sic ambitus similis ei sit, qui in angustiore orbem modiole imprimiitur.

Si jam comparentur illa instrumenta, quibus Veteres in perterebatione calvarie usi fuerunt, cum illis, quæ hodie in usu sunt, apparebit facillè, magnam perfectionem his instrumentis accessisse, dum sensum vitia, quæ usus demonstrabat, correctæ fuerunt. Diu enim adhuc usi fuerunt trepanis cylindricis: sed sic magnum periculum erat, ne circa finem operationis depressâ terebrâ duram matrem læderet: unde postea conicæ figuræ trepana adhibuerunt; quæ sensim latescencia sustinebantur marginibus ossis dissecti, neque facillè poterant demergi & duram matrem lædere. Sed facillè patet, conicum talem modiolum non posse descendere, dum circumagitur, nisi ejus latera acuta marginem ossis radere possint, & sic viam facere latiori sensim facto modiole. Unde pulchro invento modiole talem cavum hodie faciunt ex plurimis lamellis chalybeis à parte superiori & latiori obliquè descendentes, & sibi mutuo incumbentibus, omnibusque versùs eandem partem inclinatis. Singulæ hæc lamellæ in acutum apicem desinentes dentem serræ faciunt, ex quibus dentibus inferior orbiculus trepani constat: latera autem harum lamellarum acuta, radendo marginem orbiculi dissecti, viam faciunt sensim descendentem modiole; & obliquâ harum lamellarum ad invi-

(a) Cours d'Opérations de Chirurgie, p. 255.

(b) Lib. de Capit. vulner. Cap. ultimo Chirurg. Tom. XII. pag. 129.

(c) Medic. Lib. VIII. Cap. III. pag. 570.

(d) Ibid. pag. 511.

cum inclinatione efficitur, ut ossis deraſi ſcobs ſurſum emergat ſponte, & excidat; quæ aliter impediret terebræ liberam circumductionem. Interna modioli ſuperfici-  
es poliſſima & conicæ figuræ eſſe debet; ſi enim diſſecti ossis orbiculus cavum  
modiolum facillimè poterit ingredi; & circa ſinem hujus operationis ad hoc illudve  
latus poterit inclinari terebra, prout requiritur; quod fieri non poſſet, ſi cavit-  
as modioli cylindrica foret, uti faciliè patet. Figuræ trepani cum omnibus ſuis requiſi-  
tis, apud Auctores expreſſæ, meliorem dabunt ideam hujus instrumenti, quàm  
quidem ex ſola deſcriptione haberi poſſet. Videatur *Garengot (a)* apud quem om-  
nia hæc habentur.

Si nihil vetat, modiolum major præferendus erit minori; nullum enim peri-  
culum metuitur à foraminis excindendi majori amplitudine: & liberrima via  
ſic datur effluſis ſub cranio humoribus, quæ exire poſſint. Ut autem caveatur,  
ne vacillet terebra, dum calvariæ applicatur, in medio poſuerunt ſtylum cha-  
libeum inferius acutum, paulò eminentem ultra cerratum modioli extremum, cui  
ſtylus calvariæ innitens ſic firmat modiolum, ut non aberret; ſicque poterit ferræ  
veſtigium ritæ calvariæ imprimi. Vocatur tunc *Trepanum mas*, quando in medio  
talem ſtylum habet; qui ſi abſit, dicitur *Trepanum femina*. Olim ſolebant ſem-  
per habere binos ejuſdem magnitudinis modiolos; quorum unus talem ſtylum habe-  
bat, alter non, quia non poterat ad ſinem operationis ſtylus ille adeſſe, ut faciliè  
patet: citius enim penetraret calvariam, & duram matrem læderet, quia ultra  
marginem ferratum modioli eminet. Hodie ſic hæc instrumenta conſiciuntur, ut ſty-  
lus ille auferri commodiſſimè poſſit, poſtquam veſtigium calvariæ impreſſum fuerit.  
Præſtat tamen ſemper binos modiolos ejuſdem magnitudinis habere, ne turbetur  
operatio, ſi fortè caſu frangeretur lamella quædam ex illis, quæ modioli ferratum  
ambitum conſtituunt.

Omnibus illis ſic rite paratis, in medio centro orbiculi excindendi, trepano,  
perforativo dicto, leve veſtigium imprimitur, quod ſtylum trepani maris exci-  
piet, licet etiam hoc omitti poſſet, ſi ſtylus ille trepani maris bene paratus fue-  
rit: tunc enim faciliè unâ alterâve terebræ circumductione ſtylus ille ſibi viam  
faciet. Perpendiculariter tunc applicatur terebra, ſtylo ſuo inſtructa, loco excinden-  
do: deinde ſiniſtræ manûs index digitus cum pollice ſummitati vertibuli trepani ſic  
applicatur, ut cavum forment circulum; cui frontem imponit Chirugus, qui ope-  
rationem perficiet; vel & mentum, ut alii volunt, ut minimam etiam terebræ aber-  
rationem ſtatim ſentire poſſit, & corrigere: deinde dextrâ manu prehensò vertibuli  
manubrio terebram lentè & æquabiliter circumducit aliquot gyris, donec ſtylo me-  
dio ſenſum profundius adacto, dentes modioli calvariam radere incipiant; ſicque  
pergit, donec crena talis calvariæ inſculpta fuerit, quæ ſine vacillationis periculo,  
ſtylo exempto, terebram poſtea ſuſtinere poterit.

§. 289. **E**XEMTO tunc ſtylo pergitur; terebrâ lentè adaçtâ;  
ſcobe aſſiduo erasâ, donec cruor erumpens, ossis mollities, mu-  
tatio ſoni, diploen attactam doceant; quæ ſæpe non præſens fruſ-  
tra expectatur.

Poſtquam tale veſtigium terebrâ cranio inſculptum eſt, tunc ſtylus medius tol-  
(a) Nouveau Traité des Inſtrumens de Chirurg. Tom. II. pag. 98. 118. 134. 135.

litur



litur, ne citius penetrans duram matrem lædat. Videtur in Antiquorum trepanis jam stylus ille mobilis fuisse; dicit enim *Celsus* hanc operationem describens: (a) *At, ubi jam iter modiolus impressum est, medius clavus educitur, & ille per se agitur.* Si autem postea, ut dicitur §. 291, orbiculus calvarie excisus cochleâ eximetur, præstat hanc jam applicare, antequam ad diploen usque penetraverit terebra; quia aliter, dum hujus instrumenti circumrotatione spiralis ductus imprimitur ossis substantiæ, posset aliquando tabula cranii externa separari ab interna; & tunc difficilior foret orbiculi discissi educio. Unde prius hoc instrumentum applicandum est, ut viam in osse faciat, dum adhuc binæ tabulæ cranii firmiter cohærent; quo facto eximitur iterum, & applicato modiolus lentè & prudenter pergitur terebrando: *est enim, ut Celsus (b) monuit, quidam premendi modus, ut & foretur & circumagatur: quia, si leviter imprimitur, parum proficit, si graviter, non movetur.* Veteres, qui non videntur adeo adhibuisse trepanum, ut effusus sub calvaria humores educerent, sed potiùs ut corrupti ossis partem tollerent, pergebant terebrando, donec crederent modiolum penetrasse ad sanam ossis partem usque: unde dixit *Celsus (c)*, *cùm sanitas inferioris partis scobe cognita est, modiolus removetur.* Os enim viciatum alieno colore inficitur: hinc quamdiu terebra in corrupta ossis parte circumagitur, scobs abrafa similis coloris est; ubi autem profundius penetrans terebra sanam ossis partem radit, color scobis mutatus hoc docet. Cùm autem hodie trepanum hanc ob causam rarissimè adhibeatur, sed tantùm ut perforatâ calvariâ exitus detur humoribus effusis, vel ut depressum cranium commodius elevari possit, & fragmenta avulsa tolli, &c, ideo pergitur, donec ad diploen perventum fuerit. Cùm autem lentè & prudenter circumducatur terebra, & sæpius tollatur, ut scobs in crena collecta & inter lamellas trepani hærens auferri possit; non videtur adeo magnus metus esse, ne terebra à valido attritu nimis incalcesceret. Dum illud metuebat *Hippocrates* sic jussit, (d) *inter secundum autem terebra, sæpius, ne os incalcescat, auferenda, & in aquam frigidam demergenda.* Terebra enim, dum circumagitur incalcescens, os calefaciendo & resiccando incendit, efficitque ut plus ejus ossis quod sectionem ambit, abscedat, quàm quod abscedere debeverat. Eandem cautelam adhibendam voluit *Celsus (e)*, dum terebrâ cranium perforabatur; ubi verb modiolus applicabatur, dixit: (f). *neque alienum est, instillare paululùm rosæ vel lactis, quò magis lubrico circumagatur.*

Ad diploen autem pervenisse terebram cognoscitur mutato sono, dum non ampliùs per duram ossis substantiam modiolus circumducitur; unde & minor resistantia sentitur: & cùm vasa sanguinea sæpe satis insignia per cellulosam hanc ossis fabricam decurrant, his laceratis ferræ dentibus, cruor erumpit; vel saltem scobis derafæ color, albus priùs, tunc mutatur in rubrum. Huc usque audacter terebram circumduci posse, dixerunt serè omnes, nullàmque omnino periculum subesse, antequam ad diploen penetraverit modiolus: imò in initio parum festinandum esse voluerunt plurimi, cùm circa finem adeo lentè & suspensâ manu procedendum sit. Sed constat certissimis Observatis, aliquando diploen deesse, im-  
 pri-

(a) Medic. Lib. VIII. Cap. III. pag. 510. § 11.

(b) Ibid. pag. 510.

(c) Ibid. pag. 511.

(d) Lib. de Capit. vulner. Cap. XXXV. Char:

rer. Tom. XII. pag. 119.

(e) Medicin. Lib. VIII. Cap. III. pag. 511.

(f) Ibid. pag. 510.

mis in senili ætate : & vidi tales calvarias , in quibus diploe in quibusdam locis aderat , aliis aberat omnino ; unde sic turpissimus error committi posset. Videtur jam Celsus hoc monuisse , dum dicit (a) : *sed tum majore curâ agendum est , cum jam aut simplex os dimidium perforatum est aut in duplici superius. Illud spatium ipsum , hoc sanguis significat.* Licet enim in hoc capitulo , uti & in præcedenti , de ossium vitii in genere videatur agere : tamen illa , quæ mox sequuntur , evincunt , quod de cranii perforatione hic loquatur , cum dicat , metum esse , ne muctrone , cerebri membrana lædatur , &c.

§. 290. **E**LOTO tum cruore , & per alcohol calidum compresso , exemptâ accuratè scobe , summa cum cautela , lentè , patienter , uno alteròve gyro tantum agendus modiolus , assiduò everrenda scobs , perpetuo inspiciendum an color in circulo exarato muteatur , assiduò exploranda fundi æquabilitas , tum variatâ pressione terebræ , pro vario colore apparente , os solvitur eò usque , ut parum adhærescat & æquabiliter.

Ubi ad diploen penetravit modiolus , apparet facilè , quantâ cautelâ opus sit : sola enim interna tabula cranii , vitrea dicta , superest ; quæ sæpe tenuissima est in quibusdam calvariis , in aliis iterum multò crassior. Præterea arteriæ duræ matris , in profundis sulcis cranii internæ tabulæ insculptis , locantur ; unde si pars talis sulci in orbiculo illo dissecto hæreret , posset terebra in illo loco jam penetrare calvariam , & insigne tale vas lædere ; cum in aliis locis satis crassa adhuc pars cranii perterebranda reslaret. Inæqualis in plurimis locis cranii crassities pariter in causa est , quare tantâ hic tarditate & prudentiâ opus sit. Si ergo , dum terebra per diploen transit , sanguis copiosior erumpat , ille alcohole calido sili debebit ; impediret enim liberum conspectum crenæ in osse factæ. Scobs continuò everrenda est , post unam alterâve terebræ circumductionem ; & attendendum ad coloris mutationem , quæ in scobe abrafa apparet. Quandiu enim in diploe terebra circumagitur , tamdiu scobs rubicunda apparet ; ubi verò terebra internam cranii tabulam incipit radere , scobs iterum alba incipit fieri. Sæpissime stylo immisso orbiculi dissectioni fundus explorandus est , an ubique æquabilis sit , an in omni loco os resonet , ad styli actum ; an verò in quodam loco , dissecto jam osse , mollis membrana tangatur. Simul attendendum est , admoto cerco ellychnio , an in fundo crenæ color albus ubique æquabilis appareat , an verò , pellucente per tenuem ossis lamellam durâ matre , in quodam loco muteatur jam color. Ex omnibus enim his peritus Chirurgus novit , quibus locis major terebræ appressio conveniat , quibus verò non ; sicque sensim summa cum prudentia pergit , donec tenuissima tantum lamella supersit : integre enim excindere orbiculum periculosum foret , quia vix sine læsione duræ matris , cranio coherrentis , hoc fieri posset ; ex quo graves inflammationes cum periculo mortis oriri monuit Celsus (b).

(a) Medicin. Lib. VIII. cap. XII. pag. 512. | (b) Ibid.

Ob hanc causam Hippocrates, qui ( uti jam dictum fuit ) hanc operationem adhibuit, ut ossis vitia tolleret, non ut exitum faceret effusis sub calvaria humoribus, noluit os ad membranam usque secandum esse, si quis initio curam susceperit, (a) ne in ipso opere terebra membranam vulneret. Verum inter secandum ubi parum admodum abest, ut os ipsum totum sectum sit, jamque os labat, jubet ab ipsa sectione desistendum, permittendumque ut os sponte sua discedat. Secto enim ossi, & inter secandum relicto, nihil mali contingere potest; tenue namque jam fuit quod relictum est. Ubi verò per initia curationem quis non susceperit, sed, ab alio traditam tardius, perficere debeat; tunc ad membranam usque os excindendum esse jubet: & pulcherrimè recenset omnes illas cautelas, quas adhuc hodie adhibent prudentes Chirurghi, ne in tali casu duram matrem ferræ dentibus lædant. Specillo enim terebræ circuitum sæpius tentandum jubet, & in partem ossis crassissimam, terebram semper adigendam monet; simulque sæpe tentandum esse, an dimovendo os educi possit, antequam nempe integre dissectum fuerit. Omnia hæc eadem observanda monet (b), si quis ab initio susceptâ curatione os ad membranam usque excindere voluerit.

Simul patet, quantum usum habeat conica interni modioli cavitas: nam os dissectum ascendit faciliè in latiore semper factum modiolum, & inclinari faciliè potest modiolus in omni ambitu, dum circa finem operationis non amplius æquabiliter circumduci debet, sed hanc illamve crenæ partem, ubi crassius esse os specillo detegitur fortius radere. Si enim cylindrica foret interna modiolæ cavitas, non posset inclinari, quin apprimeretur os dissectum cavitatis internæ parietibus; impediretur libera terebræ circumductio, & sæpe secederet superior calvariæ tabula à diploe; unde postea residuum os difficilius tolli posset. Hoc aliquando accidisse patet ex Celfo, sive de industria hoc factum fuerit, dum solam externam tabulam tollerent, non aliùs penetrante ossis affectione; sive vitio instrumenti hoc contigerit. Dicit enim (c) ubi totum os ejectum est, circumradenda lavandaque sunt ora, & si quid scobis membranæ insedit, colligendum. Ubi superiori parte sublata, inferior relicta est, non ora tantum, sed os quoque totum lavandum est, ut sine noxa postea cutis intrescat; quæ aspero ossi innascens protinus non sanitatem, sed novos dolores movet. Simul apparet, si ullibi, certè in hac operatione, periculossimam esse festinationem, inprimis circa finem; & omnium optimum esse, ut tenuis lamella relinquatur; poterit enim tunc vacillans jam ille orbiculus sine periculo tolli: quod quomodo fieri debeat, docebit sequens paragraphus.

§. 291. **U**BI color cærulescens, ejus per totum ambitum æqualitas, segmenti vacillatio docent, ferè perforatum esse cranium, segmentum vestæ, cochleâ, vel cochleari eximendum.

Postquam constitit signis hic recensitis, modiolum eò usque penetrasse, ut sine periculo læsionis duræ matris ulterius pergi non possit; tunc pars ossis dissecti educenda est. Hoc autem tentaverunt variis modis: vel enim vestæ parum in-

(a) Lib. de Capit. vulner. Cap. xxxiv. Charner. Tom. XII. pag. 128.

(b) Ibid. Capit. ultimo, pag. 219.

(c) Medicin. Lib. VIII. Cap. 112. p. 512, 513.

curvo immisso intra orbiculum dissectum, tentabant elevare jam serè ab omni cohæsione liberum os; sed tunc facillè patet, quòd, dum ab uno latere elevatur, in opposita parte necessariò deprimatur, atque ita dura mater lædi posset aspero margine ossis sic diffracti: & licèt prudenter in omni ambitu tali vecti frangeretur cohærens adhuc ossis pars, tamen adhuc cohærebit firmiter duræ matri vasis emissis & receptis; & sic hæc methodo difficulter tolli poterit. Omnium optimum videtur, si perpendiculariter sursum trahendo educi posset: quod fieri poterit, si cavo semicirculari instrumento, utrimque intra crenam immisso, prehendantur dissectus orbiculus, & deinde hæc simul sursum ducantur; dum calvarie margo instar hypomochlii his instrumentis inservit. Si autem in vicinis fracta fuerit calvaria, facillè patet, neque hoc tutò fieri posse. Pulcherrimè sit, si cochlea spiralis applicetur medio centro orbiculi dissecti, ubi vestigium est à stylo trepani maris impressum, ut dictum fuit in *Commentario*, §. 289; deinde illa leniter circumtorquendo sic infigatur ossi, ut firmiter hæreat: potest ita commodissimè tunc leniter hinc inde moveri dissectus orbiculus; & postea, ubi vix amplius cohæreere videtur, perpendiculariter sursum educi.

§. 292. **D**EIN asperitas lateralis ossis radenda lenticulari cultello, scobs demenda, via paranda cruori & sordibus exituris per sternutationem, animæ retentionem, & depressorium: prudentissimè & rarò foramen implendum, tegendumque tenui, molli linteo, imbuto medelâ membranâ amicâ; & aptâ lamellâ plumbi ansatâ

Cùm operatio hæc, si ex Arte instituta fuerit, semper relinquat marginem foraminis facti asperum, & ossis festucis hirtum; quia orbiculus excisus tenui adhuc parte cohærens sursum vi evellitur; & statim contentum calvariâ encephalon in hunc locum assurgat; læderetur ab his aculeis dura mater, nisi statim cultello lenticulari (sic dicto, quia obtusum ejus extremum lentis figuram refert) abradatur omne illud, quod in margine foraminis facti eminet. Illa autem, quæ in figura hujus instrumenti & usu quàm maximè observanda sunt, videri possunt apud *Garengeotum* (a). Scobs sic abrasâ, duræ matri jam nudatæ incumbens, postea tollitur.

Aliquando accidit, ut, perforatâ calvariâ, statim sanguis, vel pus aut ichor, inter cranium & duram matrem collecta, prodeant; sæpe etiam, licèt hæc adsint, nihil exit. Dura mater enim ubique cranio adhæret, ut jam sæpius dictum fuit: hinc si, v. gr; in quodam loco calvarie effusi humores duram matrem à cranio separaverint, & trepanum non fuerit directè applicatum huic loco; poterit sic dura mater, undique adhærens, coercere collectos humores, ut non possint per foramen factum; quamvis satis etiam vicinum fuerit, exire. Tuncque nihil superesset, quàm in alio loco iterum cranium perforare. Tamen antea tentatur animæ retentio, vel & sternutatio; quia sic majori copiâ sanguinis distenditur encephalon, (reducta libero per venas impedito, affluxu interim per arterias mæ-

(a) *Nouveau Traité des instrumens de Chirurgie*, Tom. II. pag. 121. & suiv.

mente, uti explicatur fuit in *Commentario*. §. 271.) illudque distentum effusus humores versus foramen factum premet, ubi minor resistentia est. Aliquando & observatum fuit, licet statim non exiverint per foramen factum collecti humores, sequenti die sponte illos prodiiisse. Ut verb. promoveatur facilis exitus effusi liquidi, cum prudentia lenissimè depriment Chirurgi duram matrem instrumento, quod meningophila vocatur, ac si diceret membranæ custodem. Instrumentum illud obtusum talem apicem habet, uti cultellus lenticularis, qui rotundo cylindro politissimo continuatur. Hoc instrumento, parum tepesfacto priùs, ne frigore his partibus detestis insolito noceat, lenissimè premitur dura mater, ut ab ambitu foraminis exsecti parum recedat, sicque facilis via pateat humoribus in vicinia foraminis effusis: simul etiam sic impeditur, ne dura mater, dum animam retinet vulneratus, acuto foraminis margini appressa lædatur. Simile quidem nomine instrumentum, sed diversæ structuræ & usus, apud *Celsum* (a) describitur. Erat enim lamina ænea firma, paululum resima, ab exteriori parte lavis, quæ utebatur, ut, factis priùs in calvaria foraminibus, eorumdem septa media scalpro tutò excidere posset; loco enim excindendo submittebatur hæc lamina inter cranium & duram matrem, ne scalprum malleolo percussum hanc membranam læderet. Eadem hæc laminâ etiam utebatur, ut os depressum attolleret (b).

Postquam humores effusi educti fuerunt, notandum quàm maximè, quòd in loco foraminis facti desit calvaria coercens; & cum ejus cavum semper plenissimum sit, nisi cautela adhibeatur, incipiet attolli in hoc loco encephalon; inprimis si dura mater simul læsa fuerit, & in fungum excrefcere. Et quamvis dura mater illæsa fuerit, tamen, nisi idoneo apparatu coerceatur, incipiet sensim attolli, & super ossa eminere, ut *Celsus* monuerat (c). Unde aptè ligaturâ compensari debet deficiens pressio. Sumitur orbiculus ex linteo mollissimo, parum major quàm est foraminis excissi amplitudo, ille applicatur duræ matri, & sub limbo foraminis inter duram matrem & cranium in omni ambitu subducitur, sicque cavetur, ne acuto margini foraminis appressa dura mater lædi posset. Centro hujus lintei filum adhæret, ut postea commodè semper tolli posset. Instillantur tunc aliquot guttulæ balsami Peruviani tepidi, vel alterius similis balsami vulnerarii, deinde foramen repletur plumaceolis rotundis, ejusdem cum foramine diametri, & simili balsamo madidis: repleto foramine, applicantur plumaceola parum majora; integumentorum dissectis labiis, mollissima digestiva applicantur; dein idoneâ ligaturâ firmatur totus apparatus.

Pulchrum laudatur inventum peritissimi Chirurgi *Bellostii* (d), qui lamellam plumbeam ejusdem diametri, ac est foramen trepano factum, binis ansis utrimque instructam, parvis foraminulis perforatam, & balsamo vulnerario tepido madidam, immittebat foramini; deinde huic lamellæ imponebat plumaceola mollissima, quæ effluentes humores imbiberent; ansas utrimque reflectebat supra calvariam, deinde aptè ligaturâ firmabat apparatus. Sic leni tali pressione impediabatur, ne exurgeret in foramen dura mater: poterant renovari plumaceola, relicta hæc lamellâ plumbeâ; quæ tamen etiam, si opus videretur, facilè tolli & reponi poterat. Hæc lamellâ per quatuordecim dies utebatur, deinde tollebat, ne assis consolidationi noceret diutius relicta.

(a) *Medecin. Lib. VIII. cap. III. pag. 512.*(c) *Ibid. pag. 510.*(b) *Ibid. cap. IV. pag. 519.*(d) *Le Chirurgien d'Hôpital. pag. 69, & suiv.*

Quia autem, nisi idoneâ ligaturâ retineatur, à tumente encephalo posset elevari hæc plumbea lamella, inprimis cum foramen conico modiolò excisum ab inferioribus sursum semper latefeat; ideo & aliâ methodo usi fuerunt Chirurgi. Sumptuerunt nempe laminam plumbeam, quæ foraminis inferiorem diametrum æquabat: hanc filo instructam in medio centro applicabant duræ matri, dein huic transversim imponebant plumbeam lamellam, lineam Geometricam circiter latitudine æquantem, & longitudine parum excedentem diametrum prioris laminæ: hujus lamellæ extrema utrimque sub cranio prudenter demittebant, quæ ergo impediebat, quominus encephali pressio posset elevare orbiculum illum plumbeum. Huic lamellæ pariter filum affigebatur, ut commodè tolli posset (a).

### §. 193. CURATUR dein ut vulnus membranæ (105, ad 239.)

Illa, quæ in generali vulnere cura dicta sunt, sufficiunt, ut habeatur cognitio illorum, quæ requiruntur, ut fiat sanatio perforatæ calvariæ; inprimis si simul consideratur illa, quæ habentur in Commentario ad §. 245. Maximè hic requiritur aeris moderatus tepor, dum nudatur plaga, & rara deligatio; præterquam in initio, dum adhuc prodeunt extravasata liquida; ut etiam quamdiu valida adest suppuratio. Nimis humida & laxantia, uti & pinguis, sæpe semper noxia fuerunt; olibanum, mastiche, sarcocolla, & similia lenia roborantia, in tenuissimum pollinem trita, & vulnere adpersa, pulcherrimè profuerunt. Hæc methodus confirmatur Hippocratis auctoritate, qui, postquam monuerat, omnia capitis vulnera, ubi repurgata sunt, siccantibus tractari debere, subjungit (b): *Eadem quoque est ratio membranæ cerebrum ambientis: illa enim protinus esse seculo & exempto denudata quàm citissime purgari & siccare debet; ne, si diutius madescat, nimia uligine tabescat, & in tumorem exurgat. His enim ita se habentibus periculum est, ne ipsa putrescat.* Summa quies animi & corporis, dicta tenuis, inprimis commendanda sunt: cum levia etiam vitia in usu sex rerum non naturalium in capitis vulneribus adeo noceant; uti in præcedentibus pluribus Exemplis confirmatum fuit.

§. 294. **I**T A enim intra quadraginta & quinquaginta dies separati sunt margines ossei foraminis; quotidie enascitur caro cavum replens, quæ sensim durior, tandem calli ossei, cavati, vel eminentis formam adipiscitur, ubi debilitas & dolor aliquis remanent.

Omnis ambitus foraminis, excissi serræ dentibus, & abrasione per cultellum lenticularem, contusus fuit: hinc omnis illa superficies ossis quasi gangrænosa est, & separari debet, antequam poterit fieri regeneratio perditæ. Optimè hoc notavit Celsus, dicens (c): *Si quod etiam os adustum est, (à terebra calefacta, dum circumagitur celeriter) à parte sana recedit; subitque inter integram atque emortuam*

(a) Garengeot Traité des Opérations de ter. Tom. XII. pag. 116.

(Chirurgie, Tom. III. pag. 112.

(c) Medecin. Lib. VIII. cap. III. in fin.

(b) Lib. de Capitis vulner. cap. xxvi, Chap. pag. 113.

*partem caruncula, quæ quod abscessu, expellat. Eaque ferè, quia testa tenuis & angusta est, λανός, id est, squama à Græcis nominantur.* Hæc separatio seriùs ocyùsve fit, inprimis pro variâ ætate vulnerati; incipitque tunc tota superficies foraminis fusca fieri, imò aliquando nigrescere: totum tamen illud sponte benignâ suppuratione separatur; tuncque incipiunt ab omni ambitu foraminis, inprimis à diploe & ab ipsa dura matre, vasa viva elongari, sibi mutuo occurrere, implicari, & retexere sic deperditam ossis substantiam, Pulcherrimè hanc rem notavit Celsus, dicens: (a) *Ubi bene res cedit, incipit ab ipsa membrana; vel, si os eo loco duplex est, inde quoque earo excrefcens id, quod inter ossa vacuum est, replet: nonnunquam etiam super calvariam excrefcit.* Renata hæc substantia primò tenerum mucum refert, sensim in callum mutatur, & tandem osseam ferè duritiem acquirit; sed nonnisi longiori morâ. Si æquabilis pressio semper adhibita fuerit, pulchra satis erit cicatrix; si minor pressio luxuriare fecerit renascentia hæc vascula, eminebit callus supra æquabilem superficiem calvarie; si nimia pressio, vel valida exsiccantia applicata fuerint, cava erit cicatrix. Plerumque intra quadraginta vel quinquaginta dies hæc cura absolvitur, si nihil sinistri acciderit, quod consolidationem retardaverit.

Observatione quàm maximè dignum est, quòd, quamvis perfectissimè videatur recrevisse callus, rarè tamen totum foramen integrè repletum sit tali substantiâ, quæ osseam duritiem, acquirit: plerumque in medio mollior locus manet, ubi carnea magis substantia, duræ matris fortè propago, concurrat cum illa, quæ ex ossis ambitu undique recrevit: unde plerumque in medio talis cicatricis debiliores locus adest, fortè nunquam in perfectum os indurefcens. Hoc in pluribus calvariis defunctorum, qui hanc operationem passi fuerant, se observasse testatur *Garengeotus* (b), & præsertim in calvaria hominis, cui ante viginti annos celeberrimus Chirurgus trepanum applicuerat: invenit enim in illo loco foramen inæquale, quod minus pisum transmittere poterat. Non mirum ergo, si debilitas in hoc loco cranii, & aliquis dolor sæpe remaneant; inprimis à subita tempestatum mutatione: simulque apparet, debere locum illum, quamvis sanatum, diu adhuc muniri, ne ambientium injuriis lædatur. Aliâ occasione, in *Commentario* ad §. 271, dictum fuit de memorabili illo casu, quo tredecim annorum puellæ, magnâ parte calvarie ablata, post novem menses elapsos post integram consolidationem, cicatrix rupta fuerit à vehementissima tussi, sic ut binæ uncie ipsius cerebri substantiæ expressæ fuerint; & post quinque dies inde perierit.

Curam autem bene procedere monet Celsus. (c) *Si membrana mobilis ac sui coloris fuerit; caro increfcens rubicunda; facilis motus maxillæ atque cervicis. Mala signa sunt, membrana immobilis, nigra, vel livida, vel aliter coloris corrupti, dementia, acris vomitus, nervorum vel resolutio, vel distentio, caro livida, maxillarum rigor, atque cervicis.* Et paulò post subjungit, illa utique capite fracto servanda sunt, ut donec jam valida cicatrix erit, vitentur sol, ventus, frequens balneum, vini modus.

(a) Medic. Lib. VIII. Cap. rv. circa finem. | III, pag. 214. 215.

P. 8. 521.

(b) Traité des Opérations de Chirurgie, Tom. | (c) Medicin. Lib. VIII, cap. xv. p. 520. 524.

§. 295. **INFLAMMATIO**, suppuratio, gangræna, fungus excrefcens rarò membranarum, & ipsius etiam corticis imprimis cerebri, tolluntur remediis, quæ his malis propria, tum applicatione antiphlogisticorum, detergentium, antisepticorum, filo, & lamellâ plumbeâ (292). Cæterùm malignitas vulnerum capitis censetur. 1. Loco, in occipite, vertice, pariete, futuris, pessima. 2. Symptomatibus; febris post septimam cum frigore, tremore, vulnere pallido, arido, livido, osse aspero, flavo, hemiplegiâ, convulsione. 3. Ætate. 4. Temperie. 5. Tempestate anni. 6. Malignitate impuri, putrisque aeris.

Supereft jam ut considerentur illa symptomata, quæ post institutam calvarie perforationem aliquando sequuntur, & magnum sæpe periculum inducunt. Cùm enim ablato osse, ob calvarie plenitudinem, contentum encephalon unâ cum dura matre per foramen factum affurgat, nisi hoc caveatur illis, quæ dicta sunt §. 292; ad margines duri ossis appressâ durâ matre, impediatur liber transitus sanguini per hujus vasa, orietur inflammatio, & omnia, quæ illam sequi poterunt, mala; inprimis suppuratio & gangræna. Multùm huc facit insolitus aeris, inprimis frigidi, attactus. Idem malum fieri poterit in pia matris vasis, ipsiusque cerebri corticali substantia, unde omnes encephali functiones lædi poterunt. Generalis cura inflammationis, de qua dicitur postea, tollere præsens malum poterit; tutius verò præcavere, antequam natum fuerit. Venæsectio larga, epispastica, pedibus applicata, clysmata lenissima, tenuis victus, potus copiosus feri lactis, hydrogalæ, &c, corpus sic disponent, ut ab inflammatione alienissimum sit. Eadem hæc natam inflammationem tollere valebunt, audacter etiam repetita, si urgeant symptomata. Periculosissimam enim hic esse supurationem, lethalem ferè semper gangrænam, nullus dubitat; unde omni Artis molimine præcavendi sunt hi inflammationis exitus.

Frequens factis, & valde metuendum malum, solet sequi calvarie perforationem; fungosa nempe, & subitissimè increfcens encephali dilatatio, quæ rarò, vel nunquam forè, contingit, quamdiu dura mater integra est; hæc verò difcissa vel erosa, pia mater, adeo tenuis, coercere nequit huc affurgentem cerebri substantiam; quæ adhuc citius protuberabit, si pia mater simul læsa fuerit. Ob incrementi celeritatem, & figuræ similitudinem, fungi vocantur, ut dictum in Commentario §. 268. *Celsus* videtur simile malum observasse, sed credidit esse tumentem duram matrem. Aperto enim cranio, & detectâ durâ matre, dixit (a) Quòd si membrana per inflammationem intumuerit, infundenda erit rosa tepida. Si usque eò tumebit, ut super ossa quoque emineat, coercebit eam bene trita lenicula, vel folia vitis contrita, & cum recenti vel buyro vel adipe asferino mista. Videtur autem omnibus Observatis constare, fungos illos fieri à corticali pulposa cerebri substantia, coercentibus membranis & osseo tegmine orbatâ, & immaniter dilatatâ ab impulsis arteriosis vi humoribus; omnium maximè, si febris circulationis velocitatem auxerit. Cùm autem cortex cerebri naturaliter nihil rubri sanguinis habeat, ideo &

(a) Medic. Lib. XIII. Cap. IV. pag. 510.



hi fungi secti, & erosi, raro sanguinem fundunt, nisi maximâ dilatatione horum vasculorum diametri eò usque auctæ fuerint, ut rubrum sanguinem admittant; quod raro quidem fit, tamen aliquando factum fuisse testantur Observata. In mirabili enim illo casu, in *Commentario* §. 268, recensito fungosa talis excrescens, pertuso cranio, moles validè pulsantes habebat arterias, & rudiùs tractata sanguinem copiosissimè fundebat. Ob hanc causam, immينو circulations impetu, fungi illi ante mortem sæpe subsident; uti in eodem casu aliquot ante mortem diebus observatum fuit: fungus enim nucem juglandem æquans, coloris cineritii, indolens, sponte subsedit, paucis ante mortem diebus; & ingens hiatus in ipsa cerebri substantia apparuit. *Scultetus* in homine, acinace caput vulnerato, rimam cranii magnam, & satis latam cum duobus fungis invenit: post mortem autem, dum vulnus inspiceret, vidit fungos subsedisse quàm plurimùm (a). Quæ omnia confirmant, quòd fungosæ tales excrescentiæ à corticali vasculosa encephali substantia, ab impulsis humoribus dilatata, nascantur.

Quæritur jam, quid agendum sit in tali casu: ubi fungus talis eminet, retro-premi nequit, encephalon enim comprimeretur, & pulposa hæc vascula levi etiam pressione destruerentur; unde putredo summa, & pessima mala. Abscindere vel erodere ipsam cerebri substantiam periculosum nimis fortè videbitur. Tamen innu-mera Observata docuerunt, fungos tales resectos fuisse, superlitate vitæ non tantùm, sed & omnibus encephali functionibus illæsis manentibus postea. Puero quatuordecim annorum, post trepani applicationem, talis fungus ex foramine calvariæ emerit: filo circumstricto abscissus fuit; renascebatur similis, eodem modo resectus; hoc cum aliquoties factum fuit, ad pugni magnitudinem de substantia cerebri sic perisse constitit: tamen à tanto malo incolumis evasit, licet & quævis obvia sumeret pauperculus, & satis negligenter ipsum vulnus à mulierculis curatum fuerit, dum Chirurgus abesset. (b) Puero ejusdem ætatis à ponderoso lapide, in dextrum latus capitis ex alto delapso, ingens cranii fractura accidit. Cum, exemtis pluribus calvariæ fragmentis, omnia pulcherrimè cedere viderentur, & cum pars duræ matris, à cranii fragmentis impressis lacerata, separata fuisset, elapso die vigesimo, enatus fuit de vulnere fungus, qui intra viginti quatuor horas ad magnitudinem ovi gallinacæ extra cranium eminusit: tamen adperso pulvere aromatico exsiccante, & emplastro ex similibus composito, & intra quatuordecim dies totus fungus subsedit, & postea plenissimè convaluit vulneratus (c). Plura exempla, quæ docent impune tolli posse hos fungos, apud eundem Auctorem habentur, Acrioribus tamen remediis fungos talis generare videtur periculosum: & eodem in loco *Hildanus* casum narrat, quòd rudis Chirurgus, contento prudentioris consilio, fungo tali pulverem vitrioli & aluminis usui insperferit, unde statim dolor vehementissimus, febris acutissima, inflammatio, delirium, & paucis diebus postea mors ipsa secuta fuit.

Si consideretur mirabilis ille apparatus, quo arteriæ ad encephalon tendentes ubique communicant inter se, postquam calvariam ingressæ sunt; & simul no-teretur, quòd injectiones, docuerint, piæ matris arterias ubique anastomosibus in-

(a) *Sculteti* Armament. Chirurg. Observ. XIX pag. 117.

(b) *Hildani* Observat. Chirurg. Centur. IV.

Observ. III. pag. 187.

(c) Ibid. Centur. I. Observ. xv. p. 11, 12.

ter le uniri; idemque in tomentosis illis ultimis corticis vasculis obtinere ex analogia admodum sit probabile; patebit ratio, quare, magnâ etiam parte corticalis substantiæ cerebri ablata, functiones cerebri illibatæ manere possint. Simul notandum, quod parva etiam corticis cerebri moles, coercentibus tegumentis libera, in immanem molem possit extendi; cum vasculis adeo teneris & facillimè dilatandis constet.

Omniū optimū videtur ergo majores fungos filo circumducto refecare prope calvariæ foramen, ubi semper angustiores sunt; minores verò exsiccantibus compescere: cui scopo spiritus vini, cum mastiche vel olibani coctus, pulchre convenire videtur; vel & pulvis mastichis, sarcocollæ, &c. fungo insperius.

Licet autem fungus ablatus fuerit, recrescet, brevī, uti innumeris Observatis constat; nisi restituatur æquabilis pressio, quæ impediatur nimiam luxuriantium vasorum distensionem; simulque adeo moderata fiat circulationis velocitas & impetus, ut non nimis urgeantur tam facillè dilatanda vascula. Prius perficietur linteis carptis replendo foramen; vel & applicando lamellam illam plumbeam, de qua dictum §. 292; & deinde idoneâ ligaturâ hæc sic firmandæ, ut in loco maneant. Posterius impetrabitur, si missione sanguinis minuatur copia distendentis liquidi: quiete corporis & mentis; diluentibus antiphlogisticis magnâ copiâ potatis; victu tenui & blando; lenibus anodynīs, poterit compesci nimia circulationis velocitas. Clysmata ex similibus facta, fomenta applicata partibus inferioribus, epispastica &c. derivabunt impetum versùs inferiora.

Ex tota hac vulnerum capitis Historia, uti & ex illis quæ de vulnētibus in genere dicta sunt, satis constat, levī sæpe capitis vulnera præter omnem expectationem funestum habuisse exitum; atque iterum, gravissimas non tantum calvariæ, sed etiam ipsius encephali læsiones, sine ulla abolitione vel lesione functionum, aliquando curatas fuisse. Plurimæ Observationes ex optimis Auctoribus enarratæ fuerunt, quæ hæc confirmant. Unde videtur pro axiomate haberi posse, quod nullum capitis vulnus, quantumvis leve videatur, perfunctoriè tractandum sit: neque facillè desperandum esse, etiam in gravissimis malis. Ut tamen, quantum per Artem hodie cognitam licet; vulnē capitis prognosīs habeatur, sequentia consideranda sunt.

1. OCCIPITE. Validissimi hic muscoli calvariæ insiguntur; cerebellum, à quo tota vita pendet, hic reconditur; sinus magni transversales hic ponuntur. Effusus si fuerit vasis fractis sanguis, difficillimè hinc educi poterit; imò si sub expanso duræ matris velo, quod cerebellum tegit, & à pressione incumbentis cerebri turbè defendit, hæserint effusi humores, impossibilis omnino videtur horumeductio.

VERTICE. Calvaria enim omnium tardissimè ibi osseam duritiem acquirit; in junioribus diu membranaceus talis locus manet, quem fontanellam vocant. Falciformis duræ matris processus satis validè adhæret ibi, & sinus longitudinalis supponitur: unde facillè patet magnum discrimen vulnerum, quæ huic loco insiguntur.

PARIETE. Quia satis sæpè tenuia plerumque inveniuntur bregmatis ossa inprimis circa medium centrum, & sulci impressi his ossibus docent, satis magnas arterias duræ matris hic locari. Præterea hæc ossa capitis pro maxima parte solia

integumentis communibus teguntur; unde *Hippocrates* (a) magis periculosa huic parti inflata vulnera conclusit, quia os imbecillum, minimam carne tectum, & plurimum cerebrum subest.

**SUTURIS.** Quia pericranium hic cum dura matre videtur uniri, & cranium hic fortissimè cum dura matre coheret; unde mala in externis paribus orta, substantiæ continuatæ, ad interiora faciliè propagari poterunt. Accedit, quòd, si effusi humores, perforatâ calvariâ, educi debeant, numquam hæc operatio, possit institui in loco suturarum, semperque magnum dubium adsit, si inter cranium & duram matrem effusus hæreat sanguis, à quo suturæ latere calvaria perterebrari debeat, cum dura mater firmissimè adhærens futuris in diversis quasi cameris locare possit extravasata liquida; ut latius dictum fuit in *Commentario* ad §. 285.

**2. SYMPTOMATIBUS.** Symptomata, post vulnus inflatum orta, docent, quænam functiones læsæ fuerint, & majus minùve metuendum ex vulnere periculum: quò ergo plura hæc, quò graviora fuerint, eò major semper metus. Sed dictum fuit in *Commentariis* §. 240 n°. 4. gravia symptomata, statim post vulnus inflatum apparentia, sæpe minùs formidolosa esse illis, quæ post aliquot dies elapsos apparent; illudque *Hippocratis* testimonio confirmatum fuit. Pessimi semper omnis habita fuit febris, quæ post septimum diem à vulnere inflato oritur; novam enim inflammationem, vel suppurationem, hic adeo metuendam, sæpe semper designat; & ab *Hippocrate* (b) damnatur hæc febris, tamquam signum malè affecti crani, & neglectæ ejus curæ. Vulneris autem ruber color mutatus in pallidum vel lividum; uti & quando instar carniū emaridarum, vel sale diu conditarum, labia vulneris apparent, & arida fiunt; designat, omnia hic in mortem & corruptionem tendere; uti fusiùs dictum fuit in *Commentariis* §. 255. n°. 8. Cum autem cranium læve, & coloris candidi rubelli aut subcærulefcentis naturaliter sit; ejus asperitas & mutatus color in flavum, vel & fuscum, docent, illud corruptum esse, & naturâ, vel Arte separari debere sic affectam partem. Vidantur de his illa quæ dicta sunt in *Commentario* §. 249. Hemiplegia autem, uti & convulsio, cerebrum ipsum affectum esse docent; siue illud compressum fuerit ab intropressa calvaria, uti dictum §. 267, siue ab effusis sub cranio humoribus pressione vel corruptelâ lædatur cerebrum; vel & solâ validâ concussionem, sine notabili liquidorum effusione, tenerrimâ encephali fabricâ insigniter mutatâ, vel destructâ; de quibus vide §. 272. 274. 275.

**3. ÆTATE.** In junioribus ossa molliora faciliùs cedent, & minùs resistere possunt causis vulnerantibus: in adultis omnia hæc firmitiora sunt: in senibus dura quidem sunt omnia ossa, sed maximè fragilia. Præterea ossa omnia in juniori ætate magis vasculosa sunt, & hinc majori humiditate scætant; cum procedente ætate plorima vasa complanata concrecant; uti pulchre notavit *Hippocrates*, dicens (c) *at puerorum ossa & tenuiora sunt, & ob eam causam molliora, quòd sanguine magis redundant..... Unde si sub telis æqualibus & imbecillioribus, æquale aut etiam levius vulnus acceptum sit, pueri vi magis & citius, minorique spatio purulentum evadit, quàm senioris: ac si aliqui ex vulnere*

(a) Lib. de Cap. vuln. Cap. 111. Chart. Tom. XII, pag. 116. 117.

(b) Ibid. Cap. XXXI. pag. 117.

(c) Ibid. Cap. XXXI. pag. 117.

*moriendum sit, junior seniore citius perit.* Accedit quòd juniores mobilissimum habent totum systema nervosum; unde etiam levioribus de causis adeo facile convelluntur; idèòque à capitis vulneribus in hac ætate majus periculum imminet. In senibus verò tardior separatio ossis affecti, & difficilior regeneratio perituri observatur semper, quia minor numerus vasorum vitalium in ossis substantia in hac ætate; imò sæpe integra diploe, quæ tota sæpe vasculosa est, in summo senio evanescit.

4. TEMPERIE. Temperies vulnerati dupliciter considerari potest: vel enim est temperies sana, vel morboſa. Unicuique enim homini privata & propria sanitas est, quæ tantum ratione hujus singularis corporis talis dici potest: & videmus diversissima in solidorum compage & fluidorum attributis corpora tamen sana esse. Hæc vocatur sanitas temperiei, quam in calidam & frigidam, humidam & siccam, &c, distinguunt veteres Medici. Patet facillè inde magnum discrimen obtinere in omnibus vulneribus, & inprimis capitis; in calidis enim & biliosis hominibus longè validior inflammatio, & multò major degeneratio humorum extravasatorum expectanda sunt: in frigidis, mucosis, debilibus hominibus, contrarium obtinet. Temperies autem morboſa ex prædominante cacochymia cognoscitur: pessima autem in capitis vulneribus illa temperies morboſa, quæ ossa insicere & corrumpere solet; uti scorbutica, rachitica, venerea, &c.

5. TEMPESTATE ANNI. Summus æstus, & glaciale frigus, semper capitis vulneribus noxia; vernus tepor inprimis prodest. Æstivostamen calores hyemalifrigore magis noxios damnavit Hippocrates dicens (a): *ex vulnere etiam capitis, quacumque parte acceptum sit, ubi aliqui ex vulnere quis fuerit periturus, hyeme quàm æstate diutius vivit.* Et alibi, postquam signa recentit, quibus cognoscitur, capite vulneratum perituum esse, dicit (b) *æstatq; ante septimum diem, ante decimum quartum hyeme pereunt.* Longè etiam faciliùs acre frigus accenso loco temperari potest, quàm intentus calor. Fortè & ob hanc causam in calidis regionibus capitis vulnera difficiliùs curari observatum fuit: sic in Italia hoc constitit *Ludovicus Duretus* monet. Alia ramen & hujus rei ratio data fuit in *Commentariis* §. 245.

6. MALIGNITA TE IMPURI, &c. Dictum fuit in *Commentariis* §. 245, aeris, inprimis frigidiusculi, liberum accessum capitis vulneribus nocere: & in *Commentariis* ad §. 200, demonstratum fuit, purum aerem, sæpe renovatum, & ab omnibus putridis exhalationibus liberum, omnibus vulneribus tam pulchre prodesse. Unde post confectus bellicos, qui frequentissimè æstivis caloribus contingunt, dum in nosocomiis ingens vulneratorum numerus decumbit, tot exhalationibus putridis repletur aer, ut plurimi pereant; inprimis illi, qui ex capitis vulneribus decumbunt. Unde peritissimus Chirurgus *bellosius* inter utilitates præcipuas, quæ pulchra ejus Methodus minutis terebris calvariam nudatam & malè affectam peritorandi, descripra §. 252. 253. 262, habet, recenset, quòd vulnerari sic longè citiùs curentur; nec cogantur diu languere in nosocomiis, ubi à malignis illis exhalationibus robustissima etiam corpora pessimè affici, quotidianis Experimentis constat: & affirmat, se centies didicisse, sanatos jam, & abitu meditantes, putridis febribus, hæmorrhagiis, diarrhæis, &c, correptos periisse (c).

(a) Lib. de Capit. Vulnerib. Cap. IV. Char-  
teri Tom. XII. pag. 117.

(b) Ibid. Cap. xxxv. pag. 118.

(c) Chirurg. d'Hôpital. pag. 67.

§. 296. **SI** cruor, pus, fordes sub membrana latentes deprehenduntur post perforatum cranium, audacter incidenda, pertundenda erit membrana coercens.

Perforatâ calvariâ exitus quidem patet humoribus effusis inter hanc & duram matrem; sed si sub dura matre extravasata liquida hæserint, faciliè patet, hæc non posse educi, nisi discindatur vel pertundatur dura mater. Verum quidem est, quòd omnes Medici & Chirurgi semper sollicitissimè caverint, ne modiolii dentes, dum calvaria perterebratur, duram matrem lædant; ipse enim (a) *graves inflammationes cum periculo mortis oriri testatur Celsus*. Sed aliud quid est dentibus ferræ lacerare hanc membranam, aliud cuspidè lanceolæ acutissimæ prudentè pertundere. Nec aliud in tali casu superest: si enim relinquuntur hæc extravasata liquida, corrumpentur, & destruent teneram encephali fabricam; vel dura mater corrupta & gangrænosa facta secedet; qualem casum refert *Sculetus (b)*. Videtur autem hoc satis tutò fieri posse, cum constiterit Observatis, magnâ etiam parte duræ matris rescissâ in periculosissimo vulnere, profundè in ipsam substantiam cerebri penetrante, sanatum fuisse ægrum. Illud patuit in mirabili illo casu memorato in *Commentariis*, §. 187, ubi bis applicato trepano ingens pars calvariæ excindebatur, & simul dura mater dissecabatur per omnem ambitum tam magni foraminis. Dum verò sanguis effusus coagulatus hæret sub dura matre, sæpe color niger per hanc membranam pellucet; & dum forcipe tollere vellet grumum sanguinis Chirurgus, arriperet duram matrem. Si de hac re dubitatur, digito salivâ madido leviter tantum fricetur ille locus; colore enim sanguineo digitus tingetur, si thrombus coagulati sanguinis nudus ibi hæreat; si verò sub dura matre recondatur, non colorabitur digitus. Ubi verò pertusa fuit dura mater, ex antèdictis patet, periculum esse, ne fungus cerebri nascatur; quod ergo idoneâ pressione præcavendum erit. Si autem humores effusi non hæserint inter duram & piam matrem, sed profundius in ipsis v. gr; cerebri ventriculis locentur, nulla medela superest. Quis enim auderet cerebri ipsius fabricam pertundere? Unica spes est, pressione encephali, calvariam semper exactè replentis, alibi hærentes effusi humores posse sensim derivari versus aperturam factam.



## VULNERA THORACIS.

§. 297. **VULNERA** thoraci insista, nec in cava penetrantia, cognoscuntur adspectu; stylo; aere nulla arte exiliente; injectæ tepidæ repulsu; corporis situ, ut in accepto vulnere, eodem; signis certis adnati pulmonis ad illum locum pleuræ, quem transit ictus.

Thorax vocatur illa pars trunci corporis quæ antiùs sterno, posteriùs dors

(a) Medic. Lib. VIII, Cap. III, pag. 513. 1 (b) *Armenen. Chirurg. Observ. II. p.*

vertebris duodecim, à latere arcuaris costis, superiùs costis binis superioribus terminatur, & inferiùs per diaphragma à cavitare abdominis separatur. Cùm autem diaphragma arcuarum fornicem faciat & obliquè positum, sic ut anteriori satls altè assurgat, posteriori autem profundius descendat, patet, thoracis cavum versùs posteriora mukò amplius esse. Internè tota hæc cavitas membranà politissimà, pleurà dictà, undique investitur, quæ binas quasi cava vesicas formans, utl dictum §. 170. n°. 4, sibi mutuo accumbentes prope sternum thoracis cavum bifariam dividit. Inter binas illas pleuras locatur pericardium unà cum corde incluso, quod tertiam thoracis cameram constituit.

In omni vulnere thoracis primò quæritur, an in cava thoracis penetret, an non? Ubi instrumentum vulnerans pleuram membranam, vel pericardium, perforaverit, tunc dicitur in cava thoracis penetrasse, aliter non. Plurimæ autem lædi possunt partes, & quidem magno cum periculo, licèt vulnus thoraci inflitum non penetret in ejus cava. Utriusque enim lateris pleura, ubi pervenit ad latus columnæ vertebrarum utrimque, secedit à finibus ultimis costarum, & assurgens inde spatium satls amplum relinquit, quod cellulosa membranà occupatur, per quam œsophagus, aorta, ductus thoracicus, &c. pergunt. Omnes ergo partes hic positæ possunt lædi, licèt vulnus non penetret in cava thoracis. Rariùs tamen hoc fieri posse facillè patet, quia à parte posteriori vertebrarum columnà tutò defenduntur. Vulnus autem in pectoris cava non penetrasse, sed sola externa læsisse, cognoscitur sequentibus signis.

**A SPECTU.** Si nempe vulnus satls parvum fuerit, & rectà penetra-verit.

**STYLO,** ex plumbo vel argento mollissimo, sine ulla vi adhibita per vulneris aperturam, introducto. Sed facillè patet, mutatum situm corporis, pinguedinem vulnus obstruentem, thrombum sanguinis, &c, stylo viam facillè sic impedire posse, ut resistentia inveniatur, quamvis vulnus in cavum thoracis penetret.

**AERE NULLA ARTE EXILIENTE** In *Commentariis* §. 170. n°. 4, demonstratum fuit, quamdiu thoracis cavum clausum est, pulmonem pleuræ semper exactè contiguum esse, nullumque omnino aerem inter pulmonem & pleuram hære-re: ubi verò instrumentum vulnerans pleuram penetravit, aer ingredi potest, pulmo illius lateris collabitur; & spatium sic natum repletur aere ingresso. Ille aer autem, calore rarefactus, iterum per vulnus pro parte exiit, novus aer iterum ingreditur, seque ibit & redibit hanc viam; inprimis si vulnus pleuræ non nimis parvum fuerit; tunc enim aliqua adhuc dilatatio pulmonis ab aere per glottidem ingresso fieri poterit, utl latius dictum fuit in loco modò allegato. Omni jam curà periti Chirurghi in vulneribus thoracis inquirunt, an aer cum impetu per vulnus exeat, inprimis sequenti modo. Postquam Chirurgus pollice vel digiti vulneris labia sic compressit, ut nullus aer ingredi vel exire possit, jubet vulneratum validè inspirare aerem, & inspiratum aerem in pulmone retinere, clausà larynge: deinde, antequam exspiret vulneratus, candelulam ceream prope vulnus ponit; tuncque subitò labia vulneris diducit: si jam aer cavum pectoris ingressus fuerit, ille cum impetu efflabitur de vulnere, & movebit flammulam candelulæ cereæ. Dum enim aer, pertusà pleurà, in cavo pectoris hæret, clauso vulnere, à corporis calore rarefiet; simul, si validà inspiratione adhuc parum dilatari

tantum possit pulmo illius lateris, aer in pulmone, clausâ glottide, retentus & rarefactus expandet pulmonem; hinc urgebitur eò magis aer in cavum pectoris ingressus; qui ergo, simulac aperto vulnere libera datur via, cum impetu & sibilo exibat. Facile autem apparet, certissimum quidem esse, si per vulnus infictum hac methodo aer exeat, quòd vulnus in cavum thoracis penetraverit; interim tamen accidere posse, quòd thorax quidem perforatus sit, & nullus aer tamen ingressus sit, pinguedine, in primis post mutatum corporis situm, replente statim viam instrumento vulnerante factam; vel etiam, licet pauculum aeris sic ingressum fuerit, ille non facile poterit iterum exire per vulnus ob eandem causam. In primis autem hoc fiet, si angustum vulnus in thoracis cavum penetraverit. Ex his ergo apparet qualem hoc signum certitudinem dare possit.

INJECTÆ TEPIDÆ REPULSIO. Tutissima videtur huc methodus, & omnium certissima. Exploratio enim per stylum facta sæpe fallere potest, cum aliquando murato corporis situ, in primis in obesis, membrana cellulosa viam impediat, quominus stylus immisus ad fundum vulneris possit pertingere. Aliquando etiam insigni longitudine stylus poterit immitti, nec tamen penetrare in pectoris cavum, vulnerante instrumento supra costas per pinguedinem adacto, uti constitit Observatis Chirurgicis. Studiosus in singulari certamine gladio sic vulnerabatur in dextro thorace, ut vulnus, quod obliquo corpore à latere infictum fuerat, in sinistro thorace exiret, nec tamen penetraret in pectoris cavum; ense supra costas gliscente. Aqua tepida, syringâ per vulneris orificium, leni vi inficitur: si insignis aquæ copia sine resistentia sic immitti possit, nullusque tumor in vicinis partibus à collecta aqua in membrana cellulosa oriatur, novimus aquam in pectoris cavum per viam vulneris factam intrasse; si verbò statim magna resistentia sentiat, & redeat aqua injecta per vulneris orificium, contrarium patet. Neque ullum inde meretur malum, licet aqua tepida per siphonem injecta in pectoris cavum sic delabatur. Facile enim inde poterit educi idoneo situ corporis, vel aliis methodis, de quibus dicitur §. 303. Imò, licet ibi relinqueretur, vasis bibulis venosis, omnem thoracis interni & pulmonum superficiem occupantibus, resorberetur. Sic enim contenta in thoracis cavis liquida dissipari posse, frequentissimæ docuerunt Observationes. In empyemate, pus resorptum per sputa, urinas, vel alvum, evacuatum fuisse aliquando constat; uti & idem pus, venas ingressum, sanguini mistum, metastasi ad varia corporis loca delatum fuisse. Dum ex amarum paratum medicamentum injiceret thoracis cavo *Parvus*, ut detergeret & munderet hæc loca ab extravasato & corrupto sanguine, mirabatur, paulò post vulneratum percipere fumum amarorem, & vomendi conatum (a); ideoque postea ab his abstinuit.

CORPORIS SITUS, &c. Quantum usum habeat in determinanda vulneris inficti natura, & præfagio malorum, quæ à vulnere metuenda sunt, cognoscere situm corporis, quem habuit vulneratus, dum vulnus accepit, dictum fuit in *Commentario* §. 168. n°. 1. Sæpe enim omnino impossibile foret indagare viam, quâ instrumentum vulnerans penetravit inter corporis partes; nisi in eodem situ reponatur vulneratus, quem habuit, dum vulnus ipsi infictum fuit. Varia enim musculorum actio miris modis mutare potest partium situm, uti pulcherrimè expressit *Eustachius* in tabulis suis Anatomicis: ibi enim trigessimâ tabulâ dextrum brachium elevatum, flexo cubi-

(a) Les Œuvres d'Ambroise Paré, Liv. X. Chapit. xxxii pag. 251.

to, apparet, sinistrum verò extenso cubito deorsum porrigitur. Si in hac figura conferatur dextrum thoracis latus cum sinistro, patebit insignis differentia in positura partium.

**SIGNIS CERTIS ADNATI PULMONIS, &c.** Cùm pulmo toto vitæ tempore pleuræ contiguus maneat, & in inspiratione pariter acin expiratione, ut ex Physiologicis constat; tamen naturaliter undique liber est in pectoris cavo, asperæ arteriæ cohærens per vasa sua aerea, vasis verò sanguineis cordi unitur; cæterum in nullo puncto pleuræ adhæret. Præcipua autem causa, quare non concreseant hæ partes inter se, videtur esse hæc, quòd in omni puncto pleuræ & pulmonis fistulæ minimæ arteriosæ omni vitæ tempore exhalent tenuissimum rorem, qui impedit, ne pulmo cum pleura concreseat. Quam rem Hippocrates concinnâ brevitate, ut solet, pulcherrimè expressit dicens (a) *Pars namque omnis disjuncta nec continua, sive cute, sive carne tegatur, concava est; quæ quidem sana, spiritu; ægra verò sanie impletur.* Ubi autem, inflammatione distentis valis majoribus minima hæc compressa non efflant tenuissimum illud liquidum, sicæ superficies concrevunt inter se satis citò; unde post pleuritidem, peripneumoniam, empyema, toties invenitur pulmo pleuræ accretus. Si ergo constet, vulneratum hos morbos passum fuisse, de hac re cogitandum est. Si enim vulnus inflictum fuerit tali loco, ubi pulmo cum pleura concrevit, poterit instrumentum vulnerans pulmonis substantiam penetrare, nec tamen intrare pectoris cavum. Cognosci poterit, si aqua per siphonem injecta in vulneris orificium tussiculam excitet, & per asperam arteriam expellatur, tunc enim vulnus in pulmonem quidem, sed non in pectoris cavum penetravit.

Hæc sunt illa signa, quibus solet concludi, vulnus sola externa læsisse, non autem penetrasse in pectoris cavum. Accidere tamen aliquando potest, ut omnia hæc, sollicitissimè quamvis observata, fallant tamen; inprimis si angusto instrumento vulnus inflictum fuerit: tunc enim educto instrumento poterit pinguedo sic obrurare vulnus factum, ut nec aeri, nec stylo, nec aquæ injectæ pateat via, & tamen pulmonis vasa læsa v. gr; poterunt effundere sanguinem in pectoris cavitatem. Unde simul attendendum est, an respiratio læsa fuerit: si enim vel aere ingresso, vel sanguine extravasato, pectoris cavum angustetur, semper erit difficilis respiratio; quæ ergo si observetur post vulnera pectoris, semper videtur periculum indicare, quamvis nullo alio signo appareret, vulnus ad interiora thoracis penetrasse. Summa enim in his cautela opus est, ne sanæ detrimentum accipiat Medicus vel Chirurgus, dum periculosum & sæpe lethale vulnus leve & nullius ferè momenti habuerint.

§. 298. **SI** obliqua descendunt illa (297) supra, vel intra costas; sæpe dein pleurâ erosâ in cava thoracis pus deponunt, maximè, si puri ad externa egressuro via quacumque arte impeditur. Tumque empyema fit & inde multa mala.

Licet jam constiterit, vulnus non penetrasse in pectoris cava, tamen inde pessima mala oriri possunt. Si enim vulneris fuerit talis conditio, ut ejus orificium altiori loco ponatur, interim satis profundè inter musculos descendat; humores.

(a) Lib. de Arte, Cap. viii, Charter. Tom. II, pag. 150.



effusi hic colliguntur, morâ & stagnatione aciores sicut Pusinus formabunt varios; tandemque poterunt, erosa pleurâ, in pectoris cavum delabi: quodidie ex tali sinuoso ulcere collectum pus depluet, augebitur cavo thoracis contentorum liquidorum copia, fiet empyema, pulmo maceratus pure, quotidie aciori factio, tamen beſet; unde poſt ſummas miſerias toleratas, tandem mors ipſa ſequetur. Omnium moleſtiſſima hæc mala ſunt, quando fiſtuloſæ tales cavitates ponè coſſas deſcendunt; tunc enim nec dilatationi, nec compreſſioni ullus ferè locus ſuperest. Præterea ſterni & coſtarum ſubſtantia oſſea vel cartilaginea læſa ſi fuerit, poterunt inde multa mala ſequi, & curatio ſæpe erit difficiliſſima; uti patebit, ubi de oſſium morbis agetur. Memorabilem Hiſtoriam, quæ hæc confirmat, habet Galenus. Ictus puer fuerat (a) in ſterno in palæſtra: neglectus primùm eſt; deinde parum probè curatus. Poſt menſes quatuor pus in parie percuffa apparuit: hoc auferre cogitans Medicus puerum incidit & (ut putabat) ſubito ad cicatricem vulnus perduxit. Poſtea ruſus inflammatio oborta eſt, mox quoque iterum abſceſſus: iterum ſectus puer eſt, nec ampliùs cicatrix obduci potuit. Galenus poſtea, cum pluribus aliis Medicis advocatus, invenit ſterni os ſideratum; cùmque omnes recuſarent curam aggredi, Galenus ſterni partem corruptam excidit, ſubjecti pericardii partem putridam invenit, & nudum cor vidit; & tamen brevi ſatis tempore puer ſanatus fuit. Et de hoc caſu videtur etiam locutus fuiſſe in ipſo initio libri primi de Placitis Hippocratiſ & Platonis (qui liber primis quatuor capitulis truncus tantum habetur), dum dicit, ſe in tali puero tam apertè cor vididiſſe, ut in animalium diſſectionibus, ubi conſulto & datâ operâ id denudamus; additque, puerum hunc ſervatum fuiſſe (b). Omnium maximè hæc mala metuenda ſunt, quando vel vulnere ſitu, vel perversâ Arte, impeditur exitus puris verſus exteriora.

§. 299. QUARE in curatione abſtinendum ab omni turunda, emplatricis, comprimentibus; contrà depurantibus, baſſamicis, plumaceolis, levi ligaturâ utendum, & ſitu corporis apto.

Cùm ergo tot & tanta mala oriri poſſint in thoracis vulneribus ab humoribus extravasatis retentis in vulnere cavo, iſque novas ſæpe vias ſibi facientibus per membranam cellulofam, patet evidenter, liberum exitum his procurandum eſſe omni modo. Quondam communi omnium ferè Chirurgorum uſu plerique vulneribus, & imprimis thoracis, immittebantur turundæ, ut ſcilicet impeditur oriſciti vulnere ſubita nimis conſolidatio, nondum concretâ internâ vulnere ſuperficie; & ut facilis eſſet exitus corporum heterogeneorum in vulnere relictorum, & ſimul ut facilè ad puerum vulnere uſque venire poſſent remedia vulneraria; Peritiſſimus Chirurgus Belloſius (cui etiam præcipuè debetur pulchra illa methodus oſſa perorioſſo ſuo nudata minutis foraminulis perterebrandi, uti dictum fuit §. 252. 262.) huic torrenti ſe opponere auſus fuit, & ſolidiſſimis argumentis demonſtravit noxiâ turundarum uſum, imprimis in thoracis vulneribus (c): ſimul pulcherrimis Exem-

(a) De Anatom. adminiſtr. Lib. VII, Cap. I. Cap. v. Charter. Tom. V. pag. 78.  
 xiii. Charter. Tom. IV. pag. 161.  
 (b) Galen. de Hippoc. & Platon. placit. Lib. I. Tom. I.  
 (c) Chirurgien d'Hôpital, pag. 143.

plis offendit, rerum usu confirmare illa, quæ ratio dictaverat. Turundæ enim, ex lineis carptis contortis vel similibus paratæ, vulneris orificio immixtæ, effusis humoribus resorptis tument, & nisi tenaci emplastro vel ligaturâ firmantur, expellantur breviter: si verò coarctentur sic, ut exire nequeant, turgentibus lentâ dilaceratione vulneris orificium dilatant non sine magno dolore & irritatione partium; & simul, dum vulneris orificium obturant, impediunt exitum puri alivæ liquidis effusis; quæ ergo novas sibi vias facient, & vulnus in ulcus pessimè sinuosum poterunt convertere: imò & pleurâ, erosâ, poterunt delabi in pectoris cava; unde tristissima fiunt mala. Præterea singulis vitæ momentis mutatur thoracis capacitas, moventur costæ illisque affixi muscoli, etiam in placidissima respiratione; unde nunquam quiescit tale vulnus, & continuò vulneris labia turundæ attricantur; unde dolor, inflammatio, & tandem callositas nascitur in labiis vulneris, quæ postea tolli debebit, antequam ad consolidationem vulnus deduci poterit. Ex quibus omnibus satis apparet, nihil boni à turundarum in vulneribus thoracis usu expectari posse. Fortè tantum prodesse possent, si vulneris orificium nimis angustum dilatarî deberet, quamvis tamen, ut dictum fuit §. 2, 8, cultro facilius hoc fiat: & si huic usui inservire debeant turundæ, uno alterove die applicatæ hoc efficere poterunt, neque ideo necesse est illas toto curæ tempore applicare. Quinimo turunda ex spongia rite præparata (ut ibidem dictum fuit) orificio vulneris immixta paucis horis poterit insignem dilatationem facere. Ob eamdem rationem patet, quare & tenacissima emplastra hîc nocent: quia nempe liberum humorum per vulnus exitum impediunt. Optimè ergo vulneribus thoracis applicantur plana plumaceola, balsamo vulnerario, vel pro re nata mollissimis digestivis inuncta: his dein imponitur emplastrum non nimis tenax, foraminulis plurimis pertusum; & idonea dein applicatur ligatura, si opus videatur; hac cum cautela, ut splenis applicatis, vel alio quocumque modo, impediatur ne fasciæ circumducitæ, vulneris aperturam comprimendo, exitum extravasatis humoribus impédiant.

Monuerat Hippocrates (a) *Quicumque vulnerati thoracem externâ vulneris parte sanati sunt, internâ non, periclitantur, ne superati fiant.* Quibus autem debilis industria est, utus cicatrix, faciliè rescinditur. Unde apparet, summam cautelam adhibendam esse, ut interna vulneris superficies consolidata fuerit, antequam externum ejus concresecat orificium. Hinc fortè videretur concludi posse, quòd turunda, impediens concretionem orificii externi, prodesse posset. Sed si consideretur, turundam sic vulnus obturare, ut pus collectum in cavo vulnere exire nequeat; patebit impediri concretionem vulneris interni, dum pus retentum in vulnere à contractu removel partes uniendas, & idem copiâ auctum novas vias sibi faciet, & sic augebit vulneris interni superficiem. Non autem fuisse Hippocratis mentem, ut turundis occluderetur in tali casu vulneris orificium, ex alio memorabili loco ejusdem Auctoris patet, qui pulchre Coacam prænotionem modò allegatam explicat. Dicit enim (b) *Qui autem à vulneribus purulenti fiunt* (ubi eodem vocabulo *purulenti* utitur, ut in Coaca prænotione, illudque vocabulum fr. quantissimè sumitur pro collectione puris in thoracis cavis) *aut hastâ, aut pugione, aut jaculo intro vulnerati sunt, quamdiu quidem ulcus per antiquum vulnus foras respirati nem habuerit, & hæc parte frigidum in se attrahit, & calidum à se emittit, tum pus*

(a) Coac. Prænot. n.º. 430, Caser. Tom. VIII. pag. 877.

(b) De Morbis, lib. I. Cap. ix. Charac. Tom. VII. pag. 541.

facile, cum sanè si quid aliud, expurgatur. Et si sanè tum interna pars, tum externa simul sanescant, penitus æger sanus evadit. Sin autem externa quidem pars sanescat, interna verò minimè, purulentus (*ὑμνός*) fit. At sanè si simul tum interna, tum externa pars sanata sint, cicatrix autem intus debilis, aspera & livida existat, quandoque refricatur ulcus, & sic purulentus evadit.

Et quo loco satis patet, non per turundas tentari debere curam, ut interna & externa æqualiter & firmiter consolidentur; sed situ corporis tali, ut contenta cavo vulneris liquida proprio pondere versùs aperturam externam delabantur; & ubi fundus vulneris demissior est ejus orificio, nec tamen situ vulnerati hoc corrigi possit, tunc splenis, vulneris fundo applicatis, & idoneâ ligaturâ poterunt pelli humores contenti versùs vulneris orificium, & sic uniri partes in vulneris fundo, liquidis expulsis, ut contiguæ factæ concrevant faciliè. Interim pus, continuè exiens per orificium vulneris, faciliè impedit, ne illud concrevat, antequam interiora sanata fuerint. Si autem vulneris interna superficies, sordida facta, priùs requirit depurationem, antequam consolidatio expectari possit; tunc applicari possunt illa auxilia, quæ §. 207, enumerata sunt; de quibus etiam postea dicetur in fistularum curatione. In horum usu pergitur, donec pus album, blandum, viscidum, læve, æquale, inodorum adsit; & postea leni compressione, sensim à vulneris fundo ad ejus orificium procedente, tentatur consolidatio puri jam vulneris.

§. 300. **I**N cava pectoris adire scimus 1. Consideratâ causâ cum amplitudine vulneris. 2. Specillo corpori, in situm vulnerandi reposito, applicato. 3. Aeris in pulmonem inspiratu forti, dum clausum vulnus, mox naribus & ore clausis, nixâ expirantis edito; tumque detecto subito vulnere, expiratione, & sæpe sono ejus agitati in cavo pectoris. 4. Iniectione. 5. Emphysemate, quando aer thoracis cavo contentus; pertusi pulmonis actione assidue auctus; calefactus; rarefcens; pressus inspiratu; exire impeditus libere ex vulnere; in labiis vulneris auctus per membranam cellulosam; auctus; facit ut sæpe totus homo, hinc inde ad pollices, tumore pellucido, levi tumeat; folis plantis pedum, manuumque volis exceptis. *Ac. reg. Sc. 1713. Hist. p. 15. 18. Item 4. 14. & 119. 120,* ubi emphysema lethale à costis fractis illatâ cute. 6. Cruoris spumosi exitu.

Magnâ cautellâ opus est, dum determinabitur, an vulnus inflatum in pectoris cavum penetraverit, an non. Nam thoracis cavum anteriùs multò aliud ascendit, à parte posteriori profundius descendit. Unde sæpe turpes errores acciderunt, dum credebantur vulnera thoracem penetrasse, cum tamen in abdominis cavum transirent. Sic habetur apud *Ruyfchium* (a), quòd temerarius Chirurgus, in loco quodam suburbano habitans, thoracis paracentesin cum instituere vellet,

(a) *Observat. Anatom. Chirurg. Centur. Observat. LXV.*

ipsum in consilium vocari iusserat; cùm autem *Ruysschius* ob adversam valetudinem venire non posset, ille Chirurgus solus thoracem, ut putabat, perforavit. Mox hydatides multæ eruperunt; quibus v. sis territis Chirurgus turundam immisit vulneri facto. Paulò post misera femina periit, & aperto cadavere patuit, nihil liquidi præternaturalis in thoracis cavis hæere, sed ignarum Chirurgum abdomen pectorasse, non thoracem, & hepar vulnerasse, quod ibi, peritonæo accretum, in hydatides degenerasse visum fuit, quæ per vulnus factum eruperant. Unde patet, ex Anatomicis diaphragmatis situm & nexum rite cognosci debere, ut certi quid hic statui possit.

Vulnera autem possunt in pectoris cava penetrare, dum abdomini inflicta per diaphragma transeunt; cujus rei certa signa non habentur, & ferè tantùm post mortem in cadaveribus hoc apparuit: quales casus enarrati fuerunt in *Commentario* §. 170. n°. 4. vel vulnera thoracem propriè dictum perforantia in cava ejus transeunt, de quibus hic agitur; illudque cognoscitur sequentibus signis.

1. Cùm ferè omnia instrumenta, quibus punctim vulnera insignuntur, conicæ sint figuræ; patet, vulneris amplitudinem, collatam cum instrumento vulnerante, docere posse, quousque penetraverit instrumentum vulnerans. Fallere tamen in hoc casu posset hoc signum, si vulnus supra costas inter musculos adactum fuerit: potest enim tunc instrumentum vulnerans magnâ sui parte penetrasse, nec tamen ingredi thoracis cavum.

2. De hac re dictum fuit §. 168. n°. 1. & §. 297, ibique patuit, mutato situ corporis musculos alio modo positos, & pinguedinem in vulnus pressam facillimè aditum stylo exploratorio impedire posse.

3. De hoc signo etiam dictum fuit §. 297. Inprimis hic cavendum, ne hæc exploratione aer ingrediatur pectoris cavum: diductis enim vulneris labiis, & dilatato per inspirationis nixum thorace, posset facillè ingredi aer, licet hucusque nondum intrasset. In obesis enim, inflicto vulnere in cavum thoracis penetrante, pinguedo sæpe educto instrumento vulnerante illico viam sic obturat, ut aer ingredi nequeat. Unde, dum hoc tentatur, primò sollicitè comprimenda sunt vulneris labia; deinde forti inspiratione haustum aerem retineat vulneratus; tuncque naribus & ore clausis nixum expirationis edat. Aer tunc retentus, calore expansus: validissimè dilatabit pulmonem; hinc comprimet aerem, qui inter pleuram & pulmonem hæret, calore loci pariter admodum rarefactum: detecto tunc vulnere, nullus metus est, aerem per externum vulnus posse ingredi in thoracis cavum; quia pulmo distentissimus applicabitur undique pleuræ, si nullus hætenus aer in cavo pectoris hæret; si verbò aer iam ingressus fuerit, ille calore rarefactus, à pulmone dilatato pressus, prævalebit atmospheræ pressionem, & cum impetu exibat de vulnere. Si autem vulnus tale fuerit, ut liber satis aeri ingressus in thoracis cavum pateat, nec tamen tam patulum fuerit, ut glottidis aperturam multùm superet (vide §. 170 n°. 4.), ibit & redibit aer cum sibilo manifeste per vulneris aperturam; tuncque nullum dubium superest.

4. De hoc signo etiam dictum fuit §. 297.

5. In §. 241, de mirabili hoc symptomate dictum fuit, quatenus vulnera capitis aliquando sequatur. Longè tamen frequentius pectoris vulnera, in cavum penetrantia, hoc malum sequitur, & tunc brevi satis temporis spatio per totum corpus mirus talis tumor dilpergi poterit. Dum enim per vulnera ingressus fuit aer

in thoracis cava, & orificium externum per emplastra tenacia, vel pinguedinem, clausum fuerit; calore loci rarefactus aer viam sæpe sibi facit per panniculum adiposum. Inprimis autem maximi tales tumores oriuntur, si pulmonis vasa aerea, per vulnus læsa, inspiratum aerem in pectoris cava deposuerint; tunc enim omni momento augetur malum. Mirabile casum habet *PARAUS*, qui huc referri potest, quem jam memoravi in *Commentariis* §. 249, ubi constitit, asperâ arteriâ læsâ in collo, aerem per vulnus hujus elapsum se insinuasse in panniculum adiposum, & miro modo sic intumuisse faciem, ut nasus & oculi penitus disparerent, quasi. Cùmque vulneratus jam pro derelicto haberetur, peritissimus Chirurgus, profundis scarificationibus hinc inde factis, ingresso panniculum adiposum aeri viam fecit, & ex ipsis orci faucibus vulneratum eripuit (a). Mirabile emphysema, post vulnus thoracis penetrans & pulmonis substantiam lædens, habetur in *Actis Parisinis* (b). Homini triginta annorum, sanguineæ temperiei, & valde carnosus habitus, infligebatur vulnus in pectoris cavum penetrans, à quo quiniâ die perit. Ante mortem totum corpus miro tumebat emphysemate, exceptis plantis pedum & volis manuum, & capitis vertex. In pectore tumor ille undecim pollices crassus erat, in ventre novem, in collo sex, in reliqua autem corporis superficie quatuor pollices æquabat. Oculi in cadavere pro parte extra orbitas eminebant, aeris magnâ copîâ distenti in tunica cellulosa. Rarissimus alter casus observatus fuit (c), ubi integrâ cute costis fractis emphysema lethale ortum fuit. Homini sexaginta annorum, carpenti rotis super pectus transeuntibus, quarta & quinta costa vera lateris sinistri in medio fractæ erant: paulò post in loco affecto tumor notabilis apparuit ab aere ingresso panniculum adiposum; qui quotidie unâ cum difficultate respirationis crescebat, donec quartâ die post hoc infortunium moreretur homo. In cadavere patuit, emphysema totam corporis superficiem occupasse, exceptis plantis pedum & manuum volis. Discissâ cute & reliquis integumentis; quæ incumbant costis fractis, in musculis intercostalibus parva & vix perceptibilis apertura inventa fuit, sine ulla ecchymosi; aperto verò thorace, membranæ externæ pulmonem investientis exigua particula lacerata apparebat, quæ partim adhuc coherebat pulmonî, partim affixa erat costæ fractæ: nihil autem sanguinis extravasati in pectoris cavo inveniebatur.

Et quibus omnibus satis patet, emphysema pectoris vulnera sæpissime sequi, inprimis si vulnus aerem quidem admisserit in pectoris cavum, sed interim quacumque de causa impediatur liber exitus aeris ingressi ex vulneris orificio. Omnium autem maximos tales tumores fieri docent hæc Observata, si simul pulmo læsus aerem inspiratum in pectoris cavum dimiserit; præcipuè si simul non adsit magna hæmorrhagia: tunc enim sanguis, in cavum thoracis delapsus illudque replens, impedit, ne tanta copia aeris in pectoris cavo accumuletur, quæ toti corpori inflando sufficeret. Simulque apparet evidens ratio, quare, si vulnus thoracis subitò sequatur tale emphysema, meritò, concludatur illud penetrasse in pectoris cavum.

6. Hoc signum denotat certò pulmonem esse læsum: sanguis enim tunc, læsis sanguineis vasis effluens in aerea vasa pulmonis, cum aere mistus spumescit, unde tunc vel per asperam arteriam eruant spumofum cruorem, vel undatim talis sane

(a) Les Œuvres d'Ambroise Paré, Liv. XI. pag. 5. & suiv.

Chap. xxx. pag. 149.

(b) Acad. des Sciences l'an 1713, Mémoires,

(c) Ibid. Mémoires, pag. 154. & suiv.

guis de vulnere externo effluit. Sed pulmo lædi nequit, nisi instrumentum vulnens in pectoris cavum penetraverit; nisi forte pulmo illo in loco pleuræ fuisset accretus: de qua re dictum fuit §. 297. Pulcherrimè hoc expressit *Virgilius* (a) ubi *Aniſphaen* à *Turno* vulneratum deſcribit:

----- Volat Itala cornus

Aera per tenerum, ſtomachòque infixâ ſub altum

Pectus abit: reddit ſpecus atri vulneris undam

Spumantem, & fixo ſerrum in pulmone reſcit.

Ob eandem cauſam, ſi ſanguis ſpumofus in morbis per os rejicitur, ex pulmone illum prodire concluditur.

§. 301. **E**FFECTUS talis vulneris ſæpe 1. Aeris ingreſſi preſſio in pulmonem, reſpirationi hinc, & circulationi ineptum 2. Effuſus cruor in thoracem, & accumulatus. 3. Ejus extravafaſci, caleſacti, moti, clauſi undique, putrefactio. 4. Hinc pleuræ, pulmonum, mediæſtini, diaphragmatis, pericardii maceratio, eroſio corruptio, ſætor. 5. Infiniti ex his oriundi morbi. 6. Cruoris exſecratio.

Enumerantur jam illa mala, quæ obſervata fuerunt aliquando ſequi vulnera thoracis in cavum penetrantia, quæ omnia inprimis ab aeris admiſſione, vel extravafaſci humoribus pendent.

1. In *Commentariis* §. 170. n°. 4. demonſtratum fuit: inter pulmonem & pleuram in homine ſano naturaliter nunquam aerem eſſe; hocque requiri neceſſariò, ut pulmo, pectore dilatato, diſtendi poſſet aere per glottidem irruente. Unde, ſimul ac per vulnera thoracis aer in cavum pectoris admittitur, patet, liberam pulmonis expansionem impediri, imò à patulis vulneribus integre tolli. Eodem loco per varia Experimenta conſtitit, quouſque, & quânam ſub limitatione hoc verum ſit. Si enim aer liberrimè per vulnus factum ingredi poſſit, non poterit dilatari pulmo; ſi anguſtiori vulnere ingreditur minor aeris quantitas, quàm per rimam glottidis apertam intrare poteſt, fiet aliqua pulmonis expansio, non tamen tanta ac in ſanitate fieri debet. Quam rem pulcherrimè expreſſit *Galenus* dicens: (b) *Notum verò eſt, inſpiratione per animantis os factâ, tantùm neceſſariò ob vulnus perire, quantum ipſius circumſtui aeris in vicem, ipſius thoraci extrinſecus inſluit: quânto autem minùs per os ad neceſſarium ſibi uſum inſpiraverit, tantò minùs eſſare; quânto autem eſſatio decreverit, tantò vocem ſequi breviorẽ neceſſe eſt.* Si jam aer, ingreſſus pectoris cavum, quacumque de cauſa iterum per vulneris oriſcium exire nequeat, ille calore rarefactus expandetur, pulmonemque fortiter comprimendo impedit inſpirationem, & dilatationem pulmonis inde factam; quæ in homine dato requiritur, ut ſanguis corde dextro expulſus, libere per arteriæ pulmonalis anguſtias tranſire poſſit. Omnium autem horum ratio facilè deducitur ex cognitis aeris proprietatibus, & illis requiſitis, quæ ad reſpirationem peragendam, & liberum ſanguinis circulum per pulmonis vaſa, neceſſaria eſſe in Phyſiologicis demonſtrantur.

(a) *Æneid.* Lib. IX. verſu 700.

(b) *De Animi. adminiſtrat.* Lib. VIII.

Cap. III. Charter. Tom. IV. pag. 1723.

2. Si arteriæ intercostales læsæ fuerint v. gr; sanguis ingenti copiâ colligi poterit in thoracis cavo; vicinum enim cor magnâ vi sanguinem in has arterias pellit; motus thoracis per respirationem impedit, ne arteriæ læsæ quiescant & se contrahere tam citò possint. Si jam pulmonis vasa sanguinea dissecta fuerint, facillè patet, subitò ingentem cruoris copiam accumulari debere: si verb ex corde egruula vasa maxima lædantur, brevè mors sequetur. Sanguis autem sic effusus, nisi per vulneris aperturam externam effluat, colligetur in thoracis cavo, & impedit liberam pulmonis dilatationem; unde summa anxietas & respirationis impedimentum.

3. Cruor sic effusus hæret in loco calido & humido, & per respirationem assidue moto; hinc facillima degeneratio in putridam corruptelam hic obiret; in primis cum per vulnera, in cavum thoracis penetrantia, serè semper aer ingredia- tur; utl etiam, si pulmo in aereis suis vasis læsus fuerit, & aerem inspiratum in pectoris cavum dimiserit. Observata jam Chirurgica docent, parvo satis temporis spatio putrescere hic effusum sanguinem. In *Commentariis* §. 172. n°. 3, ubi agebatur de illis malis, quæ vulneratis accidere observantur aliquando ex neglectu vel errore Chirurgi, enarratus fuit ille casus, quo militi thoracem vulnerato, sic ut sanguinem cum tussi per os rejiceret, imperitus Chirurgus vulneris labia futura univerat ita, ut nihil exire posset. Sequenti die advocatur *Paraus*, qui illico suturam rescidit, & digito immisso thrombum sanguinis coagulati, vulneris crificium obturantem, removit, & eduxit de pectoris cavo uncias octo sanguinis, jam corrupti, & sætensis. In nobili viro, thoracem vulnerato, gladii ictu in cavum penetrante, post septem vel octo libras sanguinis perdias, dum circa finem primæ diei post vulnus infectum removeret apparatus *Bellostius* (a), eduxit sex septemve uncias sanguinis jam semicorrupti. Dixerat *Hippocrates* (b) *Quòd si sanguis ex vulnere aut vend in superiorem ventrem fluxerit id in pus verti necesse est.* Sed demonstratum fuit in *Commentariis* §. 172. n°. 1, ubi ex *Aphorismis* similis locus allegatus fuit, quòd hic suppurationis nomine intelligatur quæcumque sanguinis corruptela; uti & *Galenus* in explicatione illius aphorismi monuerat.

4. Tam brevi temporis spatio nata corruptela effusi sanguinis augebitur omni momento: calor enim hic summus ob viscerum vitalium viciniam adest; hinc in putridissimum liquamen mutabitur cruor. Pulmo, in hoc gangrenoso corrupto liquore hærens, macerabitur, & putrescet; sic & pericardium, pleura, &c. Præcedenti numero constitit, citissimè cruorem effusum in pectoris cava corrumpi posse; sed & summum corruptelæ gradum acquirere posse, docuerunt Observata. Homini in dorso sic percusso, ut per pectoris cavum transiens ensis in pectore sinistro mammam penetraret, cum pessima urgerent symptomata, applicata fuit paracentesis; & sexto die post infectum vulnus notabilis satis copia effluxit puris, sed tam sætidi, ut nullus in cubiculo manere auderet, ubi decumbebāt vulneratus (c). In alio vulnerato, dum, teritià die post infectum vulnus, illud dilatastet *Scultetus*, ex cavo thoracis effluxit libra sanguinis, sed adeo calidi, ut præfluens patientem magis ureret, quàm candela accensa (d). Unde non mirum viscerum, tam putrido rabo immerisorum, substantiam consumi & erodi posse, quod in ipsius cordis adeo firma substan-

(a) Le Chirurgien d'Hôpital. pag. 93.

(b) De Morbis Cap. 11. circa finem *Charter*, Tom. VII. pag. 533.

(c) Armament. Chirurg. Obser. XLIII. p. 255.

(d) Ibid. Observ. L. pag. 262.

tia contigisse legitur apud *Hildanum* (a). *Rusticus* plaustrum feno onusti everfionem & ruinam corpore exceperat, & de doloris aliquo sensu, cordis quâdam compressione, & spirandi difficultate conquestus fuit, post quadriduum tamen ad con-fuetos labores rediit. Aliquot diebus elapsis ardens febre, asthma, delirio, vigiliis, lipothymia, &c., correptus, undecimâ die morbi vitam finivit. In cadavere invenitur pericardium plenum sanioso pure, cui velut immerfums cor magnâ fuit parte, ad utramque potiffimum auriculam, partim exesum, partim emarcidum inveniebatur. Pulmo ejusdem labis particeps apparuit.

§. 5. Humores effusi poterunt comprimendo, vel natâ acrimoniam putridâ rodendo, turbare, vel abolere omnes functiones illorum viscerum, quæ hic locantur. Inde dyspnœæ pessimæ, immanes cordis palpitaciones, anxietates intolerabiles, inflammationes, exulceraciones, gangrænæ, &c., harum partium nasci possunt. Sed & sanguis effusus, morâ & calore putrescens & attenuatus, venis bitulis, in superficie harum partium locatis, resorberi poterit, sanguini misceri, & putridam cacochymiam pessimam inducere: unde febres acutæ putridæ, resorpti tabi putridi, ad alia corporis loca miræ metastases, phthisis, atrophia. Unde merito concluditur, innumeros morbos, illôsq; pessimos, ab extravasatis in pectoris cavis humoribus nasci posse.

6. Si statim post vulnus inflictum sanguis exfcreatur, designat pulmonem læsum esse, inprimis si spumescens exeat: unde in cavum pectoris ex pulmonis vasis læsis delabi poterit sanguis, nisi fortè pulmo in loco vulneris pleuræ fuerit accretus. Si aliquot diebus post vulnus inflictum cruenti quid expuitur, poterit hoc fieri, quia sanguis extravasatus, morâ & calore attenuatus, pulmonis vasis resorptus fuerit. Quomodo hoc fiat, non disputo: certum tamen est, ipsum empyema per sputa purulenta sanatum fuisse. In vera pleuritide sputa flava cum striis sanguineis pulmone excreta morbum toties sanaverunt, ut innumeris Observatis practicis constet. Unde patet possibilitas, quod sanguis effusus in cavum thoracis, sputa cruenta facere possit.

§. 302. **E**FFUSI hîc cruoris signa. 1. Orthopnœa. 2. Decubitus in dorsum commodior, in latus læsum difficilis, in sanum impossibilis. 3. Sequelæ descriptæ (§. 301). 4. Pondus in septo. 5. Fluctuatio materiæ. 6. Natura & situs vulneris inflicti. 7. Debilitas ingens, cum pallore, sudore frigido. 8. Omnium ferè symptomatum incrementum perpetuum.

Postquam jam consistit, vulnus in thoracem penetrasse, alia quæstio magni momenti proponitur; an nempe, vasis discissis, notabilis copia sanguinis effusi in cavo thoracis hæreat. Neque semper adeo facile est, hoc determinare, cum multa signa, mox recensenda, fallere possint; hinc requiritur concursus plurium signorum, ut quid certi de hac re statui possit. Multum autem mali posse nasci, si in hac diagnosi fallatur Medicus vel Chirurgus, patet, quia sanguis effusus tolli debet vel per vulnus factum, vel per novam aperturam: si verò hoc teniatur, dum nihil sanguinis hæret in pectoris cavo, acr admittitur, semper hîc nocens.

(a) *Observat. Chirurg. centur. II. Observ. XXVII, pag. 106.*



vulnus irritatur, &c; unde summâ cautelâ ad omnia attendendum est, ne vulneratus inutiliter molestiam patiatur, vel Medentes famæ periculum incurrant.

1. Orthopnoea vocatur anhelosa, difficilis, & stertens cervice & thorace erectis tantum absolvenda, respiratio; quæ semper designat, liberam pulmonis expansionem ab aere inspirato impeditam esse, à quacumque demum causa hoc fiat. Cùm autem sanguis effusus in thoracis cava illud spatium occupet, quod dilatatus pulmo replere debebat, patet faciliè, difficilem respirationem hinc fieri. Dum autem erecto corporis situ vulneratus hæret sanguinis effusi pondere depressum diaphragma thoracis cavitatem augeat, unde tunc poterit adhuc aliqua pulmonis expansio fieri; saltem major, quàm in alio situ corporis. Signum autem hoc, si solum consideretur, fallere posset; aer enim cavum pectoris ingressus, impedire liberam pulmonis expansionem, orthopnoeam facere posset. Spasmodica pulmonis contractio in astmaticis simile malum efficit: unde, si vulneratus tali morbo obnoxius sit, non multum certi daret hoc signum.

2. Magnum pondus habet hoc signum. Diaphragma enim versus posteriora corporis profundè descendens capacitatem thoracis multum augeat; unde sanguis effusus in cavum pectoris, dum homo decumbit, sponte inferiorem & posteriorem thoracis locum occupat, & illa pars diaphragmatis faciliùs cedit deorsum: pars enim media tendinea diaphragmatis, cui pericardium latâ basi accrescit, deorsum deprimi non faciliè poterit, uti dictum in *Commentariis* §. 170. n°. 4. Unde patet, in hoc situ sanguinem extravasatum omnium commodissimè locari. Dum vero in latius læsum decumbit, difficilior quidem, sed ferenda tamen est corporis positura: sed si in latius sanum decumbat vulneratus, sanguis effusus pondere suo premet mediastinum & pericardium versus alterum pectoris cavum; unde minuetur & hujus capacitas, & augebitur respirationis difficultas: quam dum sentiant sic decumbentes, statim vel inviti corporis situm mutant, ob suffocationis metum.

3. Sequelæ illæ inprimis à corruptela sanguinis extravasati pendent, & labe visceribus impressâ, quæ putridus talis tabus alluit: unde his cognoscitur quidem sanguinis extravasati præsentia, sed sæpe nimis serò.

4. Dum erecto corporis situ ponitur æger, sanguis effusus toto suo pondere diaphragma premit deorsum: unde ponderis incumbenstis sensus tunc percipitur, & dolor circa illa loca, quibus diaphragma nectitur. Sæpe etiam à diaphragmate depresso in illo latere abdominis tumor apparet. Hinc aliquando in empyemate à copia puris aggesti depressum diaphragma, & sensim magis magisque distentum, sic abdomen protuberare facit, ut ascitem mentiatur morbus.

5. Ubi suspicio aderat, in pectoris cavis pus accumulatum hære, jubet Hippocrates ægrum multâ calidâ lotum in sella stabili collocari; & dum alter manus tenet, Medicus agitato humero auscultet, (a) quonam in latere affectio strepitum edat. Eamdem methodum adhibebat, ut detegeret latentem in pectoris cavis hydropem (b), & determinaret locum, quo aperto accumulatum in pectore ferum educi posset. Apparet autem faciliè, hoc signum aliquando fallere posse, dum sanguis extravasatus in pectoris cavis colligitur; ille enim stagnando grumescit

(a) De Morbis Lib. II, cap. XVI, Charter, Tom. VII. pag. 568.

Tom. I.

(b) Ibid. cap. XXIV. pag. 576. & de Intern. Affection, cap. XXIV. Ibid. pag. 656.

& hinc difficilius ejus fluctuatio percipitur: præterea si magnâ copiâ cruoris repletur pectus, ob plenitudinem nullus audietur, concusso thorace, sonus. Unde prudenter hoc monuit Hippocrates, dicens (a): Quibus suppuratis, dum concurtiunt multus strepitus de humeris fit, minus puris habent hi, quam quibus paucus, si, difficilius spirant & meliorem colorem habeant. Quibus autem strepitus nullus fit; verum difficultas spirandi fortis, & unguis lividi, hi pleni sunt pure, & perniciosè habent.

6. Dum enim locum vulneris & viam instrumenti vulnerantis per partes novimus, ex Anatomicis scitur, an magnæ arteriæ vel venæ sint, an non. Sic trunci majores arteriarum intercostalium prope marginem inferiorem costarum decurrunt: mammariæ internæ ad latus sterni utrumque, transversî digiti distanti ab hoc osse, ponè costarum cartilagine ponuntur. Magna vena azygos ad dextrum latus vertebrarum dorsi locatur, &c. Ex quibus omnibus bene cognitis majus minusve periculum vulneris determinatur.

7. Sunt homines tam pusillanimes aliquando, ut, dum alienum vulnus vident; in animi deliquium cadant: talibus vulneratis etiam levissimè omnia hæc symptomata accident. Sed faciliè in tali casu ad se redeunt aquâ frigidâ respersi, vel stimulante cardiaco exhibito, neque adeo diu durat debilitas inde orta. Ubi verò post vulnus in thoracis cavum penetrans ingens debilitas contracta, & pallida facies, oculi pallidi, languidi, sudor frigidus guttatim in cute collectus hærens, in primis in facie & pectore, pulsus vix observabilis, deprehenduntur; tunc novimus, discissis vasis tantam copiam sanguinis effundi, ut vix ullus ad cor redeat, sed omnis ferè extra corpus profundatur, vel in cavis pectoris collectus hæreat. Unde tunc summum periculum imminere monendum est; sæpe enim subito tunc moriuntur. Pulchre hoc monuit Hippocrates dicens (b): sanguinem profundentia cum sudariunculis vulnera, maligna. Loquentes ita affecti occultè pereunt. In Coacis Prænotionibus (c) idem pronunciatum habetur, præterquam quòd loco *ἐν τῷ στήθει* ibi legatur *ἐν τῷ πλάγι*; sed & alibi rigores succedere largis hæmorrhagiis monuit (d), & dixit, rigorem sanguinis fluxionem sistere: sed patet in hoc loco ex præcedentibus, quòd de narium hæmorrhagia ibi agat. Ubi autem in thoracis vulnere magna vasa, cordi adeo vicina, læsa fuerint, patet faciliè, rigorem quidem largam hæmorrhagiam sequi posse, sed non ideo sanguinem sisti in hoc casu.

8. Vasa sanguinea maxima hic sunt, & cordi admodum vicina: hinc illis læsis, perget sanguis effluere in thoracis cava: unde compressio pulmonum, anxietas, dispnoea, &c. augebuntur perpetuò, donec minutis viribus vulnerati, vel contracto vase discisso, cesset effluxus sanguinis. Multa etiam symptomata adesse possunt vulneratis in hoc casu à comitante terrore, irâ, &c. quæ sensim minuuntur; illa autem mala, quæ ab effuso sanguine fiunt, pergeant, quamdiu durat hæmorrhagia; & ideo symptomatum augmentum perpetuum recensetur meritis inter illa signa, quibus cognoscitur, sanguinem in thoracis cava effundi. Ubi autem signa docent, vulnus in corporis cava majora penetrasse, & simul meritis metuitur, ne vasa discissa pleno rivo sanguinem effundant interius, licet nulla

(a) Coacis Prænot. no. 431. Charter. Tom. VIII. pag. 877.

(b) Proorrhæ. Lib. I. num. 130. Charter. Tom. VIII. pag. 791.

(c) No. 318. ibid. pag. 870.

(d) Proorrhæ. Lib. I. no. 151. ibid. pag. 799.

hæmorrhagia externè appareat, summâ cautelâ opus est in prognosi determinanda, ne fama Medici vel Chirurgi periclitetur, si nihil metuendum pronunciaverint : sæpe enim tales vulnerati inopinatò pereunt, & mors vulnerati eorum ignorantiz imputabitur ab his, qui illius, qui vulnus infixit, causam defendunt. Quaniâ autem curâ attendendum sit ad omnia phænomena, ut determinari rite possit, an cruor extravasatus in thorace hæreat, an non; patet inde quodd & peritissimè aliquando hic decepti fuerint. *Meryus* (a) ingenuè fatetur, quodd in juvene, cui enis vulnus inflictum fuerat parti anteriori & superiori brachii dextri, jam tribus horis post vulnus inflictum tot viderit & tanta symptomata, ut non dubitaret, quin pectoris cavum cruore extravasato plenum foret, unde de paracentesi thoracis instituenda seriò cogitabat. Postea ramen eventus docuit, nihil tale factum fuisse, cum octidui spatio perfectè, sanatus fuit vulneratus. Admodum autem verosimile videbatur, tendinem pectoralis musculi læsum, fecisse dolorem summum pectoris, respirationem difficillimam, &c.

§. 303. **ESTQUE** tum illico educendus. 1. Situ, motu, nixuque corporis. 2. Suctu per tubum flexilem, ad latera perforatum, obtusum ad finem. 3. Injectu liquoris diluentis, resolventis, depurantis. 4. Dilatatione vulneris. 5. Aliâ aperturâ inter secundam & tertiam costam veram inferiorem, ad distantiam quatuor digitorum à vertebis, & ab angulo inferiori omoplatæ, factâ instrumento secante, sectione costis parallelâ, inter has mediâ, deorsum directâ acie.

Postquam constitit ex signis præcedenti paragrapho recensitis, sanguinem extravasatum in thoracis cavis hære, indicatio curatoria quidem jubet, illum tollendum esse illico, ne compressione vel corruptelâ, noceat; tamen simul quàm maximè notandum est, illam sanguinis effusi educationem fieri non debere, antequam constiterit, vasa læsa non amplius sanguinem fundere. Quid enim proderit educere cruorem, si motu corporis, suctu, iniectione, &c. sic irritentur vasa læsa adhuc patula, ut pergant sanguinem fundere. Si jam pulsus sit satis fortis & æquabilis, calor ad extrema corporis usque adsit, nullus singultus, nulli spasmi appareant, & virium simul adsit constantia, novimus cessare internam hæmorrhagiam, & tutò tentari posse illa Artis molimina, quæ requiruntur ad educationem sanguinis in cavis thoracis hærentis.

Dubitari præterea posset, an semper Arte educi debeat sanguis extravasatus, cum fidelissimis Observatis constiterit, sanguinem, pus, aquam, &c. ex thoracis cavis evanuisse sensim, resorpti in venas, & per sudores, urinas, &c; deinde excreta. Talis casus recensetur ab *Hieronymo fabricio ab Aquapendente* (b). Amicus ejus thorace vulnerabatur tam angustò vulnere, ut stylo non potuerint detegere Medici, quodd in thoracis cavum penetraret; illud tamen patuit ex sputo sanguinis, ponderis sensu diaphragma prementis, tussi, febre, respiratione impeditâ, &c. Cum autem

(a) Académie des Sciences l'an 1713. Mém. moires, pag. 159.

(b) Opera Chirurg. Part. 2. Lib. II, cap. xxii. pag. 214.

nihil ex vulnere poterat educi, Medici statuerant, thoracis paracentesim sequenti die instituendam. Interea accidit, ut æger cyathum cruoris plenum mei-eretur, unde à dolore, febre, & omnibus symptomatibus levatus est. Alter casus similis habetur apud *Bellostium* (a). Centurioni vulnus inflictum fuerat in thoracis penetrans cavum cum læsione pulmonis, stipatum omnibus symptomatibus, quæ similia vulnera solent comitari. Dum vena secabatur, loco sanguinis verum pus exivit, cum levamine omnium malorum. Casum hunc sibi à peritissimo Chirurgo narratum, & pluribus fide dignissimis testibus oculatis confirmatum fuisse, testatur Auctor. Urinæ copiosam excretionem, sudorem profusum profuisse in similibus casibus, observatum fuit sæpius (b). Plura talia Observata occurrunt; sed hæc sufficiunt, ut probetur, miris modis naturam, quæ toties sibi soli sufficit, sanasse talia vulnera. Tamen rariùs hæc contingunt, & prudentiæ Medicæ quidem est sedulò attendere, an signa quædam doceant, naturam tale quid moliri: interim tamen, si soli naturæ hoc opus relinqueretur, certum est, plurimos perituros, corrupto extravasato cruore viscera vitalia tabefaciente, qui per Artem, hoc cruore educto, servari potuissent. Illa autemeductio tentatur sequentibus modis.

1. Si Sanguis adhuc fluidus in thoracis cavo hæreat, vulnùsque satis patulum non obliquè decurrat per integumenta, sed directè penetret; si tunc vulneratus ponatur in tali situ, ut proprià gravitate versùs vulneris aperturam sanguis descendere possit, effluet sponte. Unde & peritissimi Chirurgi in tali casu per aliquot horas nihil imponunt omnino vulneris orificio, ut sanguis liberrimè exire possit. Hominem ense sub mamma dextra thoracem perfoctum sic tractavit *Dionysius* (c). Cum enim inveniret pectoris cavum sanguine plenum, dilatato priùs vulneris orificio, totà nocte plagæ incumbere jussit, & sequenti mane vacuum omni sanguine invenit thoracis cavum; & optimè sanatus fuit vulneratus. Pedibus elevatis, capite declivi, hominem similiter vulneratum jussit poni *Paræus* (d), sicque digitis per orificium vulneris immisiss, remoto thrombo coagulati cruoris, eduxit sanguinem effusum, & ab imminente suffocatione liberavit vulneratum.

Multùm juvatur hæc sanguinis extravasatieductio per vulneris orificium, si abdomen fascià latà, vel manibus comprimatur, & inspiratum aerem diutissimè retineat vulneratus; interimque claustrum glottide expirationis nixum faciat; sic enim dilatato quàm maximè pulmone, & sursum presso diaphragmate, exprimitur per vulneris aperturam sanguis in thoracis cavum effusus.

2. Cum sæpe incommodum admodum sit in multis thoracis vulneribus ægrum in tali situ retinere, ut proprià gravitate extravasatus sanguis per vulneris aperturam exeat, ideo excogitaverunt aliam Methodum. Tubum nempe flexilem ex auro (e) ad latera multis foraminulis pertusum, stylo aureo ejus cavum obturante instructum (ut possit commodè flecti sine angustatione sui cavi (cautè per vulneris orificium dimittebant in thoracis cavum quàm profundissimè; deinde vel suctu, vel siphone applicato extrahebant effusum sanguinem. Obtusus apex talis tubi requirebatur, ne pulmonem læderet. Similis tubus ex plumbo, uti & ex corio flos xili & balanzæ offe, parari posset in eisdem usus. Tali instrumento in angulum curvato, extracto dein stylo obturante, sine ulla suctione adhibita (f) magnam san-

(a) Chirurgien d'Hôpital, pag. 265.

(b) Ibid. pag. 94. 95.

(c) Opérations de Chirurgie, pag. 295. 296.

(d) Livre X. Chap. xxxii. pag. 251.

(e) Scultet. Armament. Chirurg. Tab. XII. fig. 9. 10.

(f) Ibid. Observ. 42. pag. 248.

guinis extravasati copiam de thorace eduxit *Scultetus*.

3. Facile patet, binas præcedentes methodos tantum locum habere, ubi sanguis extravasatus adhuc fluidus est: si verò in grumos concreverit, non poterit facile exire per vulneris orificium, multò minùs ingredi foramina tubi immissi. Verum quidem est, quòd sanguis coagulatus sponte quidem dissolvatur postea, sed tunc simul putrescit, quod hic summopere noceret: & sæpe ob compressum pulmonem tanta urget anxietas, ut spontanea illa sanguinis concreti resolutio expectari non possit. In tali casu in thoracis cavum injiciunt aquam tepidam cum melle & salis pauculo, addito sapone Veneto (de quibus dictum fuit in *Commentario* §. 236.), deinde illud liquidum immisum respirationis motu agitur, & conteritur quasi cum grumis illis concretis, qui sic solvuntur, ut unà cum injecto liquido per vulneris aperturam exire possint. Pro varia jam indicatione liquidum illud injiciendum diversis ingredientibus medicatum redditur. Dilutioni & resolutioni concreti sanguinis sufficit aqua tepida, cum melle & pauxillo salis; ubi verò jam putrescere incepit cruor extravasatus, insusum scordii, rutæ, marrubii, & similibus anti-septicorum, & leviter detergentium, cum pauxillo aceti, convenit.

4. De hac dictum fuit §. 238.

5. Ubi vulneris talis est conditio, ut non possint educi per illud collecta in thoracis cavo liquida, tunc nihil aliud superest, quàm novum vulnus facere tali in loco thoracis, versùs quem sponte suà ob thoracis interni figuram liquida hæc delabuntur. Hoc inprimis requiritur, ubi superiori thoracis parti vulnus inflictum fuit, tunc enim vix possibile est, ut effusus sanguis per vulneris aperturam exeat. Cùm autem thoracis cavum à posterioribus ob inclinatam diaphragmatis posituram profundius descendat, hinc in posteriori parte thorax perforatur, loco tam demisso, ac fieri potest sine periculo læsionis diaphragmatis, quod inferioribus costis adnascitur, & à posteriori parte thoracis versùs anteriora ascendens angulum satis acutum cum vertebrarum corporibus format. Ne autem lædantur validi illi musculi, sacrolumbalis, longissimus dorsi, &c., qui ad utrumque spinæ dorsi lateris positi per lumbos & dorsum ascendunt; apertura illa thoracis quatuor transversis digitis à vertebris distare debet ad minimum. Plerumque solet hæc apertura fieri inter secundam & tertiam, vel inter tertiam & quartam costam spuriam, ab inferioribus sursum numerando. Cùm aurem diaphragma in dextra parte altius ascendere in thoracem ex *Anatomicis* constet (a), ideo in dextro latere thoracis dum instituitur paracentesis; solet illud fieri inter tertiam & quartam costam; in sinistro verò latere, inter secundam & tertiam costam spuriam fieri posset, ut monuit *Solingenius* (b). Fortè ob hanc causam *Hippocrates* inquirens, cuiusnam pectoris lateris sectio adhibenda esset in empyemate, optabat, pus hære in latere sinistro (c). *Dionysius* etiam inter tertiam & quartam costam hoc fieri iussit (d). Unde videtur textu hujus paragraphi error subrepsisse, dum locus incidendus inter secundam & tertiam costam veram indicatur, cùm & mox sequentia

(a) B. Siegr. Albin. *Hist. Musculorum hominis*, Lib. III. cap. LXXXI, pag. 300.

(b) *Manuale Opération*, &c. tweede Deel cap. 2, pag. 118.

(c) *De Morbis Lib. II. cap. XVI. Lib. III. cap. xv. Charter. Tom. VII. pag. 568, 593.*

(d) *Cours d'Opérations de Chirurgie*, Dér. monkrat, V. pag. 296.

locum longè inferiorem indicent, & §. 1191. lit. 7, ubi de thoracis perforatione in cura empyematis agitur, indicetur locus inter costam quintam & sextam, vel quartam & quintam ab inferioribus numerando; quem locum *Ægineta* (a) etiam in cura empyematis indicat à quibusdam dissecari, licet ab hac operatione vel subitanæ mortem, vel insanabiles fistulas præfagiat. Unde crederem in textu legendum esse, inter secundam & tertiam costam spuriam inferiorem; nisi fortè hic intelligeretur perforatio thoracis in anteriori parte faciendâ, quæ certè optimè inter secundam & tertiam costam veram, ab inferioribus numerando, tunc institueretur, uti & habet *Dionysius* (b), qui unicum tantum paracentesis in hoc loco institutæ commodum memorat, quod nempe vulneratus, ab sente Chirurgo, proprium vulnus curare posset. Sed major thoracis in posteriori parte profunditas, & declivis sponte via sanguinis effusi versùs aperturam factam, dum decumbit homo, facillè persuadent, perforationem thoracis in parte posteriori & inferiori præferendam esse. *Hippocrates* de empyematis curatione agens, non quidem exactè definivit locum incidendum, tamen determinat, hoc infimo loco, & à parte posteriori, faciendum esse. Dicit enim: (c) *At si præ crassitudine & copiâ (puris) nullum tibi strepitum ediderit, quo deprehenderis (ipsum hoc namque fit interdum) utrum latus intumuerit, ac magis doluerit, hoc infimè parte sub ipsum tumorem potius, quàm anteriore secato, quò facilius exitus pateat.* Et alibi de eodem morbo agens dicit (d) *sectionem aut ulsionem facere oportet quàm proximè ad septum transversum, cavendo tamen ipsum septum attingas, ne lædatur nempe.*

In pectoris hydropse, dum aqua educenda erat, jubet *Hippocrates* (e) tertiam ab ultima costam ad os usque secari, dein terebrâ acutâ perforari, & dum perforata fuit, aquæ pauculum educi juber, &c. Ex quo loco satis patet, infimum thoracis locum elegisse *Hippocratem*, ut illo perforato contenta liquida educerentur.

Locus ille sic determinatus facillè invenitur, nudato corpore ægri, costas numerando: in obesis autem, uti etiam si emphysema adfuerit, difficilius hoc cognoscitur. Unde aliâ methodo conati fuerunt Chirurgi locum incidendum determinare. Quidam filum à cartilagine ensiformi rectâ ad spinam dorsi ducebant, deinde illud filum dividebant in tres partes æquales, & tunc locum determinabant in tali distantia à sternò, quæ binas tertias longitudinis filii haberet (f). *Dionysius* (g) mensurabat quatuor digitorum transversorum distantiam ab infimo angulo omoplatæ, & ad similem distantiam à spina dorsi notabat locum incidendum. Cùm autem scapula mobilis sit, & locum mutare possit variâ actione musculorum ipsi affixorum, patet, non adeo certam semper esse hanc methodum. Unde præstat, loco sic invento, digitis pertentare, an quidem costarum intersitio respondeat.

Solet tunc locus incidendus, jam cognitus, atramento notari, ne postea lateat.

(a) Paul. Æginet. Lib. VI. cap. xlii.

(b) Cours d'Opérations de Chirurgie, &c. pag. 296.

(c) De Morbis Lib. II. cap. xvi. Charter. Tom. VII. pag. 568.

(d) Ibid. Lib. III. cap. penultimo pag. 593.

(e) De internis affection. cap. xxiv. Charter. Tom. VII. pag. 656.

(f) Van Solingen Manuale Opération (weede deel capit. 1. pag. 118.

(g) Cours d'Opérations de Chirurgie, Dér. monstret. v. pag. 296.

Sed, eùm mobiles costæ sint, patet facillè, mutatâ corporis positurâ cutis situm etiam mutari. Unde meritò monuit *Hippocrates* (a). *Quum verò secare aut urere voles, notâ impressâ, fac ut eandem figuram servant inter secandum aut urendum, ne te cutis, figuræ immutatione, sursum aut deorsum vergens decipiat.* Apertura tunc fieri debet instrumento secante; non autem pungente, uti fit in paracentesi abdominis, quæ stylo chalybeo canulæ argenteæ cavæ immisso perficitur; quia magnum periculum foret, ne pulmo vulneretur sic pungendo. Ut autem instrumentum secans penetret in cavum thoracis, debent dissecari cutis, panniculus adiposus, latissimus dorsi, intercostales muscoli & pleura; quod ut tutò fiat, parum reclinato versùs posteriora corpore ægri, ut cutis laxa sit, digitis elevat Chirurgus omnia integumenta communia, & simul, si fieri possit, latissimum dorsi; & illa sic elevata simul & semel satis latâ plagâ dissecat ad trium quatuorve digitorum transversorum longitudinem. Hoc factò, antrorsum, & simul parum in oppositum latas flectatur corpus ægri, ut costæ à se mutò plùs recedant, & tendantur muscoli intercostales; tunc scapello leniter incurvo, cujus dorso in tota longitudine applicatur digitus index, & simul apex scapelli digiti extremo tegitur, tenfos musculos intercostales & pleuram dissecat, cautè in cavum penetrando parvo vulnere, ne pulmonem lædat; simulac dissecta pleura est, statim pulmo collabitur & à costis recedit, unde tunc tutò vulnus dilatari potest. Sectio autem fit costis parallela, & medio inter binas costas loco, acie scapelli deorsum directâ, ut videntur vasa intercostalia, quæ costæ superioris imæ parti, in sulcum cavatæ, adjacent.

His cautelis tutissimè perficitur hæc operatio. Quædam præterea monita circa hanc rem apud Auctores occurrunt, quæ minoris momenti videntur. Sic *Hyeronimus Fabricius ab Aquapendente* (b) voluit, illo temporis momento, dum pleura pertunditur, debere expirare ægrum, ut nempe pulmo à pleura recedens hoc tempore scapello non lædatur. Sed ex Physiologicis hodie novimus, & in inspiratione & in expiratione pulmonem semper pleuræ contiguum esse, illumque pectoris dilationem sequi. Monuerat *Hippocrates* quoddam (c) qui *emphyi*, aut *hydropicè*, uruntur aut secantur, pure aut aquâ confertim effluente, omnino intereunt; hinc & voluerunt quidam non simul & semel omnem extravasatum sanguinem educendum esse, sed partitis vicibus. Sed in empyemate, vel hydrope pectoris, pulmo diu maceratus scilicet pure vel sero extravasato undique alluente, unde totâ hæc colluvie simul & semel educatâ sanguis subitò dilatans ferè tabefacta pulmonis vasa, illa rumpere posset, unde subita mors. In vulneribus autem thoracis dum hæc operatio instituitur, rarò tam diu solet differri, ut hoc metuendum sit; & plurimis Observatis Chirurgicis constitit, tutò omnem sanguinem extravasatum sic subitò educum fuisse. Multùm faciliat hanc operationem, quòd extravasati humores pulmonem comprimendo, & diaphragma suo pondere deprimendo, faciant, ut pleurâ pertusâ, non adeo facilis fiat læsio harum partium.

Dictum fuit §. 297, pulmonem aliquando pleuræ adnasci; si jam malâ fortunâ acciderit, illo in loco, ubi paracentesis facta fuit, pulmonem pleuræ accrevisse, patet facillè, magnam inde oriri difficultatem. Plerique Chirurgici Auctores, qui de hac re scripserunt, sibi hoc accidisse testantur; tunc jubent, ut Chirurgus

(a) De Morbis Lib. III. cap. penult. Charter. Tom. VII. pag. 593.

(b) Operas. Chirurg. cap. xlv. pag. 490, 491.

(c) Aphor. Sect. VI. n°. xxvii Charter. Tom. IX. Pars II. pag. 163.

digito per vulnus imisso prudenter separet pulmonem à pleura, cui cohesit. Certe nihil aliud superest, quàm hoc tentare, licet crudele videatur in vivente homine partes concretas sic lacerare, nisi enim hoc fiat, frustra instituta sunt paracentesis. Mirus habetur apud Hippocratem locus, qui huc facere videtur. Describit enim illa mala, quæ oriuntur, quando pulmo in latus procidit (ἐπὶ πλευρῇ προσπίπτει ἡ τὸ πνεῦμα) quæ satis conveniunt cum illis phœnomenis, quæ post morbos acutos inflammatorios pectoris, pulmone pleuræ accreto, apparent: & medela, quam ad hunc morbum sanandum commendat, satis etiam respondet. Postea autem addit (α) quòd si ex vulnere istud fiat, aut purulento scisso (fieri namque hoc solet); vesicam fistulæ alligatam, & flatu impletam huic intrò immittito, & penicillum stanneum solidum indito, & ulterius protrudito. Ex quo loco fortè concludi posset quòd Hippocrates, ut pulmonem à pleura divelleret, vesicam complicatam per vulnus immiserit, dein inflaverit, ut illa flatu distenta in cavo pectoris avellet pulmonem à pleura, cui concreverat. Saltem hoc videtur inde deduci posse, quòd tentata fuerit jam antiquitus hæc separatio pulmonis concreti cum pleura membrana. Ob metum hujus concretionis voluerunt nonnulli, integumentis difficilis musculos intercostales prudentissimè dissecandos esse sine læsione pleuræ, & tunc pleuræ locum nudatum examinandum esse sedulo, an ex crassitie ejus insolita & callositate metuendum sit, pulmonem huic loco accrevisse; in quo casu magis conducere, sectionem parum producere, donec liber ab hac cohesione locus inveniatur. Sed faciliùs sic demonstratur in cadavere talis operatio, quàm in vivente homine instituitur, in quo tardam talem sectionem per strata quasi facere crudele admodum videtur. Mirabiles verò tales concretiones pulmonis cum pleura aliquando observantur, quæ irritam omnino facerent hanc operationem. Vidi sic in cadavere nobilis juvenis, post hæmoptysim subitâ apoplexiâ extincti, pulmonis dextri medium lobum undique pleuræ ita accretum, ut thoracis dextra cavitas in bina cava distinctissima divideretur. Si tali in casu vulnus superiori parti pectoris dextri inflictum fuisset, facilè pater, paracentesim nullo modo profuturam, si solito loco institueretur. Rari autem hi casus sunt; & error inde natus non Artifici, sed Arti adscribendus foret, cùm nullis indiciiis latens tale malum cognosci posset.

Perforato sic thorace, omnia illa, quæ præcedentibus numeris hujus paragraphi memorata fuerunt, adhiberi poterunt, ut sanguis extravasatus educatur. Si autem liquida, concretum sanguinem dissolventia, immitti debent, satis commodè per vulnus priùs inflictum injiciuntur, quia altiorem locum thoracis occupat, & deinde facilè per novam aperturam factam exire poterunt.

§. 304. SI nullis distenduntur turundis, rarò deteguntur, aer arceatur, suctu artificioso, & nixu respirationis debito expellitur aer admissus, frigus, cautè vitatur, brevè & optimè sagantur, si curabilia sunt,

Expositæ fuerunt §. 299, illæ rationes, ob quas turundarum usus in vulneribus

(α) De Morbis Lib. II, cap. xxij. Charier. Tom. VII. pag. 175.

thoracis



thoracis non penetrantibus damnaatur; nec videntur minùs obesse in vulneribus thoracis penetrantibus. Ubi autem conducere videtur, non simul & semel, sed partitis vicibus educere contenta cavis pectoris liquida (quod rariùs fit in pectoris vulneribus; sed aliquando pure vel aqua in thorace collectis, juxta monitum *Hippocratis* observatur) tunc turunda vulneri factò immittitur, ut pro lubitu evacuari possit stagnans in pectore liquidum. Etiam post institutam paracentesim, primà die turundam applicare debere, ne recenti vulnere divisà pleura concreseat, monuit *Bellosius* (a), qui in aliis casibus ubique ferè turundarum usum tanquam perniciosum damnavit. Postea autem semper nocere videntur, dum tumentes absorptis humoribus dilatantur, & à motu thoracis affricantur lateribus vulneris, quæ inde callosa facta difficilem curam faciunt. Aeris accessum ad interiora thoracis sic prohibere voluerunt; sed remotà in singulis deligationibus turundà, per patulum foramen aer liberrimè ingreditur, ejusque exitu dein novà turundà intrusà impedito, calore dilatatus miras sæpe vias sibi faciet, & pessima emphysemata producere poterit. Præstat ergo potiùs plano plumaceolo vulnus tegere, & liberam viam relinquere humoribus per vulnus factum elapsuris; & si vulnera satis patula fuerint, sollicitè cavendo, ne plumaceola imposita in cavum pectoris delabantur, quod turundis immisiss aliquoties accidisse testantur Auctores. Nobili Dano vulnerato, & negligentius à Chirurgo habito, turunda in thoracis vacuum delapsa fuit; & post sextum mensem ore excreta, & postea tamen integrà sanitate fruebatur (b). Homini dextrum pectus prope axillam gladio, inter secundam & tertiam costam veram, perforatum fuerat; ex quo vulnere per quindecim dies sanguis fluxit, & simul sanguinem tussiendo excreabat. Post varia, illaque satis gravia, symptomata vulnus tandem cicatrice obductum fuit. Mansit tamen respirationis difficultas, tussis continuà, & puris foetidi & viridis excretio. Tribus mensibus elapsis à curato vulnere, tussiendo unà cum multo pure ejecit binas turundas, diverso tempore in vulneris curatione sub emplastro deperditas (c).

Alterum, quod hic requiritur, est, ut aer arceatur, ne per vulnus in cavum pectoris ingrediarur, vel si ingressus fuerit, inde educatur. Quamdiu nondum extravasata liquida educta sunt ex pectoris cavis, impossibile est aerem arcere, cum liber exitus requiratur humoribus effusis; sed ubi nihil ampliùs de vulnere exit, tunc aer, in thorace hærens inter pleuram & pulmonem, educendus est; & omni curà cavendum, ne postea iterum ingredietur. Constat enim ex Physiologicis, requiri ad liberam pulmonis ab inspirato aere, expansionem, ut nullus aer in pectoris cavo hæreat. Hoc autem fieri potest, vel sugendo, vel omnium optimè sequenti methodo. Detecti vulneris labia digitis adducuntur, ut nullus aer ingredi possit, deinde æger lentà & profundà inspiratione magnam copiam aeris hauriat, illumque retineat in pulmone, quamdiu hoc commodè facere poterit: aer ille sic retentus, calore rarefactus expandet pulmonem, & comprimetur aer inter pleuram & pulmonem hærens. Si tunc, antequam expiret æger, diducantur vulneris labia, pars magna aeris contenti in cavo thoracis, exprimeretur: statim iterum claudenda vulneris labia, & tunc expiret æger, non priùs. Dum hoc repetitur aliquoties,

(a) Chirurgien d'Hôpital. Part. III. Chap. VI. | pag. 123. 124.

pag. 128.

(c) Hildan. Observ. Chirurg. Cent. I. Obs. serv. XLVI. pag. 41.

(b) Tulp. Observ. Medic. Lib. II. Cap. XV. |

Tome I.

omnis omnino aer ex pectoris cavo expelletur, & sentiet vulneratus statim, se longè commodiùs respirare. Omni aere sic expulso, subitò vulneri applicatur tenax emplastrum illo tempore, dum æger inspiratum aerem in pulmone retinet, tunc enim pulmo distentus, pleuræ contiguus, obturabit viam aëri per vulnus ingressuro. Relinquitur autem hoc emplastrum diutissimè; & si renovari debeat apparatus, aliud simile emplastrum iterum imponitur iisdem cum cautelis: & si ullibi, certè in talibus thoracis vulneribus, rara deligatio summam utilitatem adfert. Methodi hujus efficaciam probant etiam illa Experimenta in vivis animalibus capta, quæ §. 170. n°. 4, enarrata fuerunt. Dum enim, perfoſso utrimque thorace patulo vulnere, cessaret omnino respiratio, & animal mortuum videretur; simile Arte educto aere illapso ex pectoris cavis, reviviscebatur animal, & vox perditâ redibat statim.

Cùm autem omnes partes thorace contentæ, caloris fonti, cordi nempe, proximæ, blando tepore foveantur semper, summopere cavendum est, ne detecto vulnere insolitum frigus sentiant; unde aer semper calidus hic requiritur, inprimis, quando renovabitur apparatus.


Hæc methodo vulnera thoracem penetrantia, licèt periculosissima fuerint, & sævis symptomatibus stipata, aliquando sanantur, neque faciliè desperandum esse mira Observata docuerunt, & §. 170, pleura talia Exempla ex fidiſſimis Auctoribus enarrata fuerunt. Magnum quidem malum semper ab his vulneribus metuentium esse nullus dubitat, cùm vitalia viscera, cor nempe & pulmones, & maxima totius corporis vasa sanguinea hic locentur: sed cùm non semper absolute lethalia sint ipsius etiam cordis vulnera, ( de quo dixerat Plinius (a) quod solum hoc viscerum vitii non maceratur, nec supplicia vitæ trahit, læsumque mortem illico affert ) patet etiam in gravissimis vulneribus sæpe spem aliquam superesse; cùm etiam, maximis vasīs læsis, pro mortuis derelicti homines aliquando emerſerint, dum nulla illorum cura gereretur, nullisque refocillarentur cardiacis. Non autem solum constat, gravissima talia vulnera sanata fuisse, sed etiam brevi admodum tempore. Centurioni gladio pectus dextrum perfoſsum fuerat prope axillam, & satis subitò septem vel octo libras sanguinis perdiderat; nec cessabat hæmorrhagia, licèt idoneo apparatu vulnus religatum esset. Pulsus debilis, inæqualis, frequentia animi deliquia, febris, &c, acerbam prognosin faciebant. Postridie, nondum cessante hæmorrhagiâ, cogeatur vulneratus locum mutare, unde omnes illum in itinere exspiratorem credebant. Tamen dum tertiâ die solo emplastro tegebatur vulnus, copiosâ urinx evacuatione, & sputis sanguineis eductis, & profuso sudore sequenti nocte adeo levabatur, ut omnia symptomata evanescerent, vulnusque solo emplastro, incarnativo dicto, curaretur brevi, & quintâ die post vulnus inflitum equo satis commodè veheretur, neque ampliùs decumberet de die (b). Apud eundem Auctorem pleura talia Exempla habentur, quæ docent gravissima thoracis vulnera, pessimisque stipata symptomatibus, sine turundis, & rarâ deligatione felicissimè & satis brevi tempore curata fuisse.

(a) Natur. Hist. Lib. XI. cap. 37.

(b) Belloſſe Chirurgien. d'Hôpital, part. 12, pag. 22.

§. 305. **T**UMQUE præcaventur omnia illa & sæva symptomata  
(301).

Pessimæ sequelæ, quæ post vulnera thoracis apparent, serè tantùm oriuntur ab aere admissio in pectoris cavis; vel ab extravasatis liquidis pectoris cava angustantibus, aut illorum corruptellâ, quâ nocent visceribus contentis. Dum vulnera hæc non obturantur turundis, effusus sanguis libere effluit, rara deligatio & cautelæ modò expositæ aeris ingressum impediunt, idémque jam admissus methodo dictâ educi poterit. Unde felix successus semper curæ sequitur, nisi tales partes læsæ fuerint, sine quarum integritate vita consistere nequit: simulque patet Historiam & Curam vulnerum thoracis magnam lucem affundere multis morbis pectoris, & viscerum contentorum; uti postea in empyemate, pectoris hydrope, &c. patebit.



## VULNERA ABDOMINIS.

§. 306. **A**BDOMINIS vulnera non penetrantia in cavitatem noscuntur, 1. Stylo, & situ. 2. Injeçtu. 3. Causa vulnerante cognitâ, & naturâ vulneris.

Truncus corporis in duas magnas cavitates dividitur; quarum superior & minor thorax, inferior & major abdomen vocatur. Abdominis autem cavum à thorace per diaphragma dividitur. Omne ergo, quod in trunco corporis diaphragmati subjacet, ab abdomen pertinet, sive partes continentes fuerint, sive contentæ. Omnis thoracis ambitus costis tegebatur; sed abdominis maxima pars mollibus integumentis tantùm defenditur. Si enim exceperis superiorem lateralem utrimque partem abdominis, quæ costis spuriis circumvallatur, ponè quas magnum hepar & lien, adeo friabilia viscera, turò reconduntur; & vertebrarum columnam, posteriora abdominis pro parte occupantem; denique inferiorem & lateralem partem; quæ ossibus innominatis utrimque defenditur; reliqua omnia abdominis mollia sunt. Uti jam thoracis cavitâ pleurâ dictâ membranâ undique cingebatur, sic & torum abdominis cavum undique simili membranâ obducitur, quæ peritonæum vocatur. Atque inde iterum generalis divisio vulnerum abdominis sumitur: omnia enim vulnera, quæ partes abdominis continentes lædunt, integro manente peritonæo, vocantur non penetrantia; ubi verò peritonæum perforatum simul est, tunc in eavum abdominis penetrare dicuntur. An autem penetraverint vulnera, cognoscitur sequentibus signis.

1. De hac re dictum fuit in *Commentariis* §. 300. n°. 2. Sed in abdomine adhuc major adest difficultas, inprimis in obesis ob magnam pinguedinis molem, quæ in his abdomen tegit. Unde & peritissimi Chirurgi styli exploratione nihil certè hic detegi posse dixerunt; mutatus enim partium situs, tumor laborum val-

Naa ij

neris, sanguinis thrombi vulnus obturantes, pinguedo in vulnus pressa, viam stylo, per vulneris aperturam immisso, impediunt. Accedit quòd vulnerati sæpius ignorent, vel malè indicent posituram corporis, quam habuerunt, dum vulnus infligebatur.

2. Dum aqua tepida siphone vulneris aperturæ injicitur; de qua re dictum fuit in *Commentariis* §. 300. n°. 4.

3. Si enim ex figura instrumenti vulnerantis, comparata cum amplitudine vulneris, constiterit satis profundè illud adactum fuisse, & rectà penetrasse, possumus concludere, illud in cavum abdominis ivisse; & contrà si ex iisdem signis pateat, non satis profundè adactum fuisse, vel obliquà viâ. Sed patet faciliè in illis, quibus pinguis aqualiculus propenso sesquipede exstat: instrumentum vulnerans profundè posse adigi sine perforatione tamen peritonæi.

§. 307. **S**i profundè ferè usque ad peritonæum penetraverint, debilitatis ibi tegumentis, herniæ occasionem præbent in corpore robusto; pesus nihil, quàm, si obliquè decurrentia inter integumenta abdominis fistulosa vulnera effecerint,

Quantùm possit extendi peritonæum in gravidis & ascite laborantibus, satis patet. Unde vulnera abdominis non penetrantia aliquid singulare habent, quod neglectum sæpe pessima produxit mala. In singulis enim inspirationibus depresso diaphragmate contenta abdominis omnia comprinuntur, muscoli abdominales in expiratione iterum reprimunt; unde patet, contenta abdominis continuè à diaphragmate & musculis abdominalibus premi. Si ergo, discissis profundo vulnere integumentis abdominis ferè ad peritonæum usque, tollatur æquabilis pressio in quodam loco, per vim respirationis expandetur adeo faciliè dilatabile peritonæum, & saccum formabit, quem intestina, omentum, &c, ingredientur, & sic facient herniam, quæ nihil aliud est, nisi dilatio peritonæi in quodam loco, quem locum dilatatum contenta abdomine viscera ingrediuntur. Rarissimè enim; si unquam, à rupto peritonæo herniæ sunt; ferè semper ab eodem in saccum expanso, licèt in alia opinione videatur fuisse *Celsus* (a): Observata certissima docuerunt, in omni abdominis ambitu hernias posse nasci, modò æquabilis pressio deficiat in quodam loco. In cadavere mulieris inventa fuit hernia ad latus sinistrum lineæ albæ, quatuor digitis transversis supra umbilicum, omenti & intestini colli portionem continens. Ortum duxerat hæc hernia à valida percussione abdominis in hoc loco (b). Mirabilem casum habet *Sennertus* (c), qui docet, dilatatò abdominis quodam loco, immanes tumores herniosos posse nasci. Victoris uxor, cum maritum in pertica incurvanda juvaret, ab illa resiliente percussa fuit ad sinistrum inguen. Paulò post in hoc loco parvus tumor oritur, sed brevi tempore admodum increfcens, & postea evidentè apparuit, miseræ huic formiæ gravidæ uterum tumentem dilatata abdominis integumenta in saccum ingentem ingressum fuisse; poteratque & visû & tactu in hoc loco vivi fœtus motus percipi; & cum nihil

(a) *Medicin.* Lib. VII. cap. IV. pag. 413. | §. 259.

& cap. XVII. pag. 454.

(c) *Lib. IV. part. 1, sect. 2. cap. XVI. Tem;*

(b) *Acad. des Sciences l'an 1714. Mém.* III. pag. 39.

aliud superesse videretur, partus tempore instanti, dissecto utero eductus fuit vivus infans, tuncque præsens Sennertus vidit, dissectis communibus integumentis peritonæum integrum fuisse, non disruptum, sed ab uteri mole insigniter dilatatum. Post sanatum abdominis vulnus, in plagæ loco insignis hernia nascebatur in hominæ, qui hanc negligentius tractans post sex annos gangrænâ hic ortâ periit (a). Quò jam robustior fuerit homo sic vulneratus, eò majus herniæ futuræ periculum; quia tantò fortior pressio in reliquum abdomen agit, unde faciliùs & citiùs dilatabitur debiliior locus. Accedit, quòd robusti corpus validis exercitiis movere solent, unde majore respirationis nixu magis dilatabitur pars minùs resiliens.

PEJUS NIHIL, &c. Notum est, semper magnam pinguedinis copiam abdomen occupare, nisi macilentissimus homo fuerit, hæc autem pinguedo non tantum musculis abdominalibus imponitur, sed & inter illos ubique locatur: si ergo vulnus inter abdominis integumenta obliquo ductu decurrat, humores extravasati, vel pus hic collectum, si non possint ob quamcumque causam libere exire per vulneris aperturam, miro sæpe modo viam faciunt in panniculo adiposo; & inter musculorum interstitia profundos cuniculos agunt; tuncque ingens fit curæ difficultas: imò sæpe omnino impossibile est fistulosa talia ulcera, ex venteribus abdominis nata, curare, cum ad hoc requiratur, ut vel pressione artificiosa fundus talis fistulæ comprimatur, liberâ manente aperturâ; vel sectione detegantur omnes ejus anfractus. Utrumque autem in his casibus sæpe fieri non posse, patet faciliè consideranti membranæ adiposæ magnam crassitiem in abdomine; ejusque insertionem inter musculorum abdominalium interstitia. Celsus monuerat, pessimas hic fistulas nasci, dicens (b) *Ventri nullum os subest; sed ibi perniciosa admodum fistulae sunt: adeo, ut Socratus insanabiles esse crediderit. Id non ex toto ita se habere usus ostendit.*

In primis autem abdominis fistulas periculosas credidit, quia, dum exciduntur; herniæ occasionem præbent; & ideo dixit (c) *tutior fistula est contra jecur & lienem & ventriculum, quàm contra intestina; non quòd perniciosior ibi res sit, sed quò alteri periculo locum faciat.* Fistulam in inguine puellæ incurabilem doluit Tulpus (d), quæ longâ & anfractuosa viâ à costâ spuria cariola ortum duxerat. Plures tales casus observantur, de quibus in *Capitulo de Fistulis* latius diceretur: unum alterumve Exemplum hic adduxisse sufficiet. Capitaneo ense vulnus infligebatur ad distantiam duorum digitorum transversorum ab umbilico, versus superiora & posteriora vergens: cumque non penetraret in cavum abdominis, plumaceolo plano & simplici emplastro rectum fuit vulnus, & sequenti die clausum erat. Post sex dies abdomen miro modo tumebat & dolebat; sed post venæsectionem & mollissima fomenta abdomini applicata, leniebatur dolor, & sequenti die in loco vulneris tumor parvus eminens apparuit, quo aperto, incredibilis copia puris effluxit, & otidui spatio perfectè convaluit (e). In alio vulnerato gladius ad binorum digitorum distantiam à lineâ alba in epigastrio intraverat: cumque planus esset & faciliè plicabilis sine ruptura, secundum ductum costarum ad vertebrae dorsi usque

(a) Tulp. Observ. Medicar. Lib. III. cap. xx. pag. 210.

(b) Medicin. Lib. VII. cap. iv. pag. 413.

(c) Ibidem.

(d) Observ. Medic. Lib. III. cap. xxviii pag. 227.

(e) de Lamotte Traité complet de Chirurgie; Tom. III. pag. pag. 97.

470 VULNERA ABDOMINIS. §. 307. 308. 309.  
penetraverat, unde fistulosum ulcus nascebatur, cujus fundo aperto felix cura-  
tio sequebatur. (a).

§. 308. **Q**UARE futurâ, ligaturâque his prospiciendum: in cæ-  
teris curatio communis vulnerum sufficit.

Illa, quæ dicta sunt de generali cura vulnerum, hic conveniunt; & suffice-  
rent, nisi herniæ vel fistulæ metus foret. Angusta & profunda simul integumen-  
torum vulnera facili in fistulas degenerant; unde idoneo situ vulnerati, & ar-  
tificiosâ pressione impediri debet, ne humores collecti in panniculo adiposo si-  
nus forment. Latoria autem integumentorum vulnera summum periculum her-  
niæ faciunt, unde convenit illa futurâ unire ( vide §. 214. ) & fasciis spleniff-  
que ex Arte applicatis debilem hunc locum sic firmare, ut contenta abdominis  
huc pressa non possint dilatare peritonæum. Cùm autem omnis nixus validus re-  
spirationis hic adeo noceat, sollicitè vitanda sunt illa omnia, quæ faciunt, ut homo  
fortius respiret: inprimis cavendum, ne inspiratum aerem clausâ larynge diu re-  
tineat, uti fit v. gr; in alvo exoneranda, maximè si duræ fæces magno molimi-  
ne excerni debeant. Unde leni clysmate eluenda alvus: dein victus talis debet  
institui, unde minima copia crassiorum fæcum in intestinis colligitur, v. gr; ex  
jure carniui, quo solo vita sustineri potest; tamen per integrum mensem sine  
damno stricta poterit esse alvus, cùm vix ullæ fæces inde in intestinis accumu-  
lentur. Ob eandem causam urina diutius retinenda, un sponte serè & minimo  
nixu exeat. Tussis, si forte adsit, compescenda diacodiatis; clamor, risus, ster-  
nutation, &c, vitanda, quantum fieri potest: quies summa debet imperari ob eam-  
dem rationem.

§. 309. **A**T eadem in cavitatem abdominis ire liquet. 1. Stylo,  
& situ. 2. Iniectione. 3. Causâ vulnerante cognitâ, & naturâ vulneris.  
4. Egressu contentorum.

De signis illis, quæ tribus prioribus numeris recensentur, actum fuit §. 306,  
& §. 300. n°. 1. 2. 4.

4. Si per vulnus factum exeant illa, quæ abdominis cavo contineri novimus,  
nullum potest manere dubium, quin vulnus in cavum abdominis penetraverit.  
Inprimis, autem perfoſso abdomine, intestina vel omentum excidunt. Intestina  
elapsa faciliè cognoscuntur, sed in obesis pinguedo, dissectæ cutis pressione li-  
berata, per vulneris aperturam extuberat, & pingue omentum refert; unde in  
vulneris diagnosi nasci posset error. Simul etiam vulnus, in cavum abdominis  
penetrans pinguedine huc pressâ, sic posset obturari, ut nec stylo, nec injectione  
aquæ tepidæ hoc detegeretur. Si jam contenti vasis & visceribus abdominalibus  
humores exeant, ut sanguis, urina, bilis, &c, de quibus dicitur §. 312; evi-  
dens habetur signum vulnus in cavum abdominis penetrasse non tantum, sed  
etiam abdominis contenta læsisse.

(a) De Lamotte traité complet de Chirurg. Tom. III. pag. 108-113.

§. 310. **S**I tum omnia symptomata levia, dolor, febris, inflammatio absunt, posito in vulnus ægro, cruor non exit, injectis liquor immutatus redit, interiora illæsa scimus.

Postquam jam ex signis constat, vulnus penetrasse in cavum abdominis, tunc inquirendum est, an contenta abdominis cavo viscera & vasa læsa fuerint, an non. Cum autem singula viscera suis functionibus conspirent ad sanitatem, patebit primò, nihil alicujus momenti hic læsum esse, si non observentur multæ functiones turbatæ esse, quæ ab integritate horum viscerum pendent. Quia autem viscera abdominalia præcipuè chylopoiesi inserviunt, hinc, cibi & potûs receptio, retentio, mutatio in chylum, hujus resorptio, & sæcum residuarum excretio si fiant illâ lege, ut in sanitate fieri solet; certi sumus, causam vulnerantem, licet in abdominis cavum penetraverit, tamen non læsisse hæc viscera. Cum autem, licet minùs propriè, quia extra peritonæi ambitum locantur, & organa illa, quæ urinæ fecernendæ & excernendæ inserviunt, uti & generationi dicatæ partes multæ in abdomine dicantur hære; hinc & attendendum est, an symptomata, vulnus secunda, has partes læsas esse demonstrent.

Præter has viscerum abdominalium læsiones aliquando accidit, mesenterii nervos discissos solos gravissima symptomata, & mortem ipsam, producere; uti ex *Ruysschii* Observatis in *Commentariis* §. 170. n°. 3, dictum fuit: sed tunc immanis dolor, inflammatio, & febris satis docent: periculum adesse. Unde hæc si absunt, optima spes facili curacionis habetur. Sed magna vasa sanguinea, chylosa, & lymphatica, per abdominis vulnera lædi possunt; unde ægro in vulnus decumbente satis patulum, si nihil effluat sanguinis, vel alterius liquidi, novimus vasa hæc illæsa esse: quia autem sanguis effusus & coagulatus in cavo abdominis hære possit, nec exire tamen, ideo, aquam tepidam siphone per vulneris aperturam injiciunt, quæ si non mutata redeat, nihil tale metuitur. Notandum tamen in homine vivente & sano, abdomen semper halitu plenum esse, qui aperto mactatorum animalium ventre tam manifestè apparet: ille frigor aeris admissi, vel aliâ quacumque de causa, condensatus & collectus lymphæ tenuis specie de vulnere possit exire, licet interiora omnia illæsa forent.

§. 311. **I**LLICO arcendus aer ingressus, suætu & expirationis nixu excludendus; gastroraphiâ consuenda integumenta; turundæ aufereudæ; balsami illitû, decubitu, in vulnus, quiete corporis, victu leni, humido, parco, rarâ deligatione percurabitur.

**AER ARCENDUS**, &c. Ubi per modò dicta constat, interiora omnia abdominis illæsa esse; talis vulneris cita consolidatio requiritur. Sed notandum est, aerem per vulnus aliquando ingredi, & in cavo abdominis retentum, calore rarefactum immaniter expandi posse, & comprimere omnia viscera, si per vulnus exire impediatur. Ab eodem aere, in panniculum adiposum se insinuante, mira emphysemata oriri possunt, uti in thoracis vulneribus, §. 300. n°. 5. dictum est. Unde antequam de consolidatione vulneris talis cogitatur, debet constare, nul-

lum aerem in cavo abdominis hæere; & si adsit, debet prius educi. Hoc autem fit simili modo ac §. 304, dictum fuit: inspiratum nempe aerem vulneratus retinet quamdiu ferre potest; & tunc, clausâ larynge, expirationis validum nixum facit; sic enim depresso diaphragmate, simulque agentibus in expirationis nixu musculis abdominalibus, contenta abdominis valide premuntur, & aer contentus per vulneris aperturam expellitur. Ne autem eodem tempore omentum vel intestina exprimantur, linteo raro regitur vulnus, quod aerem quidem transmittit, reliqua autem egressura coercet.

Excluso sic aere requiritur ex generali indicatione in cura omnium vulnorum §. 185. n°. 3.) ut partes, per causam vulnerantem separata, uniantur iterum, & in hac adunatione retineantur: quod fit in vulneribus abdominis in cavum penetrantibus peculiari methodo, nempe.

**GASTRORAPHIA, CONSUENDA INTEGUMENTA.** Antiquis jam descripta fuit hæc operatio, & ut videtur, diversis etiam tentata modis. *Galenus* (a) metuens, ne peritonæi disseciti labia difficulter concreverent inter se, cum membrana nervosâ & exsanguem esse crederet, sic instituit hanc operationem, ut peritonæi disseciti labia abdominis disseciti oppositis lateribus concreverent. Jubet enim, acum ab externa parte per cutim introrsum adigendam esse; non pertundendo peritonæum, & deinde in latere opposito vulneris peritonæum unâ cum omnibus incumbentibus tegumentis ab interiori parte extrorsum eadem acu transfigebat; & postea in eodem vulneris latere cutim & musculos iterum pertundebat acu ab exteriori parte introrsum, vitando peritonæum; sed tunc vicissim in opposito latere peritonæum cum omnibus incumbentibus acu ab interiori parte extrorsum transfactâ perforabat. Hâc methodo conabatur efficere, ut peritonæum dissecissum concreveret cum musculis abdominis dissecissis lateris oppositi. Tamen & ibidem *Galenus* aliam methodum gastroraphiæ recenset, quâ cognatæ naturæ partes inter se uniantur & coalescunt; peritonæum nempe peritonæo, musculi musculis, &c. & quæ ob hanc causam etiam melior esse videtur. *Celsus* (b) hanc operationem describens illam sic fieri jussit, ut prius interiori membrana futura injiciatur; deinde hoc factò eadem fila, eademque acus, ad cutem transferebantur, similiq; modo etiam futura uniebantur, vulneris labia: dicit enim, futuram, summæ cutis, neque interioris membranae, per se satis proficere, sed utriusque. Voluit etiam à duobus lineis faciendam esse futuram, & spissiore quam alibi; quia & rumpi facilius motu ventris potest, & non æquè magnis inflammationibus hæc pars exposita est. In hac futura perficienda inprimis requiritur, ut minimo cum dolore, & sine periculo læsionis omenti, vel intestinorum; fiat; neque ullus metus sit, ne futura facta ob continuum abdominis motum laceretur. Quia autem cutis abdominis tenacissima est (ut experiantur omnes, qui cadaverum apertorum ventres consuunt, & difficillimè perforanda; ideo acus valde acutæ, & à latere scindentes, requiruntur, ad tertiam circiter suæ longitudinis partem incurvæ, cæterum rectæ. Filum forte, vel & pleura fila signul, non contorta inter se, sed in eodem plano posita, transmittuntur suis extremis per binarium talium acum capita; deinde acûs unius cuspis, pulpâ indicis digiti occultata,

(a) Method Med. Lib. VI. cap. 17. Charter. Tom. X. pag. 140, 141.

(b) Medicin. Lib. VIII. cap. XVI. pag. 453.



cautè sub peritonæo in abdominis cavum dimittitur, ne lædantur intestina vel omentum: perforatur peritonæum & integumenta, transfundendò hanc acum ad digitum circiter transversi distantiam à vulnere. Simili modo per oppositum vulneris labium altera acus adigitur, & fila transmissa priùs suppositis spleniolis nodo constringuntur. Repetitur jam hæc futura, prout vulneris amplitudo requirit. Reliqua autem, quæ in gastroraphiæ applicatione notanda sunt, apud *Garengotum* (a) & alios Auctores habentur: videantur & illa, quæ dicta sunt in *Commentario* §. 214.

**TURUNDÆ AUFERENDÆ.** Illæ enim in hoc casu semper nocerent, cum requiratur partium separatarum unio, quam semper impedit quodcumque corpus heterogeneum interpositum. Noxium autem in abdominis vulneribus turundarum usum, ratione & Experimentis pulchrè probat *Bellostius* (b).

**BALSAM ILLITU, DECUBITU IN VULNUS, &c.** Cum autem per futuram adductis labiis requiratur illorum unio, ad hanc sufficet, si secundùm dicta in vulnere cura generali §. 204, balsamo vulnerario leni leviter illinantur, vel & plumaceolum tali balsamo madidum superimponatur. Situs autem vulnerati talis imprimis requiritur, ut vulnere incumbat, ut sponte sua pus & alia fortè extravasata huc tendant. Quies summa hic requiritur, quia corporis motu tussis, risu, sternutatione, alvi exoneratione difficiliore, augetur respirationis vis; & periculum foret, ne futurâ laceraretur, vel saltem rudiori tali abdominis motu distracta fila irritarent partes, per quas transmittuntur: unde inflammatio, dolor, & alia inde sequentia mala oriri possent. Ob eandem causam victus lenis & humidus requiritur, parçâ copiâ simul, ne repleto ventriculo distendatur abdomen: imprimis carniū juscula hic commendantur, ut dictum fuit in *Commentariis* §. 308. Si jam nullus dolor aut pruritus, nulla inflammatio, &c, superveniant, rara deligatio curam accelerabit; ut dictum fuit in generali vulnere cura.

§. 312. **S**i acutus dolor; febris; inflammationis signa; cruor; ichor; potus; cibus; chylus; bilis; pus; urina; stercus; foetor; ex vulnere exeuntia; causa vulnerans, situs & natura vulneris; pallor; sudor frigidus; inquietudo; animi deliquia; pulsus defectus, præsentia considerantur, docebunt, læsa vasa vel viscera abdominalia, & quæ.

Hactenus considerata sunt vulnera abdominis, quæ vel sola communia integumenta læserant, integro manente peritonæo; uti & illa, quæ in cavum abdominis penetraverant quidem, sed tamen non læserant contenta vasa vel viscera. Sequuntur jam illa signa, quibus noscitur, interiora læsa esse; simulque ex iisdem concluditur, quænam partes abdominis cavo contentæ, vulneratæ fuerint. Signa autem hæc desumuntur vel ex illis, quæ de vulnere exeunt; vel ex functionibus læsis.

**ACUTUS DOLOR.** Suspectum quàm maximè in vulneribus abdominalibus signum, denotans partes membranaceas, vel nervosas esse læsas. Quântum au-

(a) *Traité des Opérations de Chirurgie*, | (b) *Chirurgien d'Hôpital*, part. II. chap.  
Tom. I. pag. 124. & suiv. | xv. pag. 114. &c.

tem ex illarum partium læsione imminet periculum, demonstrant illa, quæ dicta sunt in *Commentariis* §. 170. n°. 3. Ibi enim constitit ex *Ruysschii* Observationibus vulnera mesenterio inflicta, sine læsione aliarum partium, post enormes dolores abdominis, intra duos tréve dies fuisse lethalia; simulque apparuit, admodum probabile esse, à nervis mesenterii læsis omnia hæc mala orta fuisse. *Celsus* inter signa vulnerati jecinoris recenset (a) *pustiones, dolorisque usque ad jugulum, junctumque ei latum scapularum os, intentos.* In renibus vulneratis dolorem (b) *ad inguina testiculisque descendere* monet; percussâ vulvâ dolorem (c) *in inguinibus, & coxis, & feminibus esse* dicit, &c.

**FEBRIS.** Quæ, si non ex animi perturbatione ortum duxerit in vulneratis, semper vel acerbis doloris comes est, vel inflammationem natam sequitur; quæ in nervosis illis partibus, mesenterio nempe, intestino, &c, semper periculosa.

**INFLAMMATIONIS SIGNA.** Horripilatio nempe, illamque sequens calor fibrilis, sitis, anxietas, respiratio laboriosa, pulsus durus, lingua sicca, &c. Quàm funesta autem sit inflammatio plurimorum viscerum abdominis, docent ileus, & hæmorrhæe suffocatae, à quibus morbis, vel robustissimi homines sæpe paucarum horarum spatio pereunt.

**CRUOR.** Designat vasa sanguinea majora læsa esse, si cum impetu erumpat, & quidem arteriosa, si coccineo colore fulgeat; venosa verò, si magis nigricans appareat.

**ICHOR.** Ex variis partibus, per vulnus abdomini inflictum læsis, tenuis talis aquosus liquor prodire posset. Lymphatica hic plurima vasa sunt, quæ talem lympham fundere possent. Ductus pancreaticus, porus hepaticus, renum pelves, si vulnerata fuerint, possent incredibilem copiam talis ichoris in cavum abdominis effundere. Imò halitus in abdomine sani animalis, ex vasis perspirantibus expulsus, condensatus frigore admissi aeris per vulnus, nec resorptus iterum per venas, hinc collectus, per aperturam vulneris posset exire sæpe satis notabili copia, licet interiora omnino illæsa forent.

**POTUS, CIBUS.** Hæc designant, ventriculum esse læsum: cujus vulnera periculosa semper esse, non ramen absolute lethalia, constitit ex illis, quæ dicta sunt in *Commentariis*, §. 170. n°. 5; quibus addi posset & illud, quod habetur in *Miscellaneis Curiosis* (d), Exemplum hominis, cui ventriculus vulneratus per undecim annos partem cibi & potus per vulneris, aperturam, callosis factis labiis non consolidatam, emittebat.

**CHYLUS.** Si per vulnus exeat, intestina tenuia esse læsa docet, vel ductus chylicos, in quibus candidissimo colore distinguitur à chylo intestinorum semper magis griseo, vel & flavescente, si intestinum tenue vulneretur prope illum locum, in quo bilis chylo miscetur.

**BILIS.** Designat læsionem ductus communis, vel cystici, vel intestinum forte duodenum vulneratum esse circa illum locum, ubi ductus communis huic intestino inseritur: inprimis autem magna copia bilis in abdominis cavum effluit, si ipsa vesica fellis læsa fuerit. Rarus admodum talis casus habetur in *Actis Angli-*

(a) *Medicin. Lib. V. cap. xxvj. pag. 186.*

(b) *Ibid.*

(c) *Idid.*

(d) *Decad. II. Ann. V. pag. 2.*

*canis* (a) de milite, cui vulnere in cavum abdominis penetrante vesicæ fellæ fundus perforatus fuerat, absque ulla notabili læsione vicinarum partium. Mira factis symptomata secuta fuerunt hoc vulnus, statim enim distendebatur abdomen, ac si tympanitide vel ascite laboraret; neque augebatur vel minuebatur tumor ille ad mortem usque, quæ septimæ diei initio post infictum vulnus contigit. Nulli tamen ructus, flatus, aut borborygmi aderant, & alvus toto hoc tempore manebat pertinacissimè stricta licet actia satis purgantia & clysmata adhiberentur. Somnus vix ullus aderat, licet opiata satis magnâ dosi exhibita fuissent. Vulnus externum flaccidum, pallidum, sine pure. Pulsus erat fortis, æqualis, tardus, pridie ante mortem, leviter subinde intermittens; mens constabat ad mortem usque, levis singultus & nausea adfuerant quintâ die post vulnus infictum. Ex hac historia patet, pessimum signum esse, si bilis per vulnus abdominis exeat.

PUS. Designat factam jam suppurationem internarum partium à vulnere inficto; nisi fortè præexistit vomica purulenta instrumento vulnerante nunc aperta.

URINA. Si exeat ex vulnere, pelvis, ureterum, vel & vesicæ læsionem significat, uti facillè patet.

STERCUS, FÆTOR. Constat ex Physiologicis, ingesta alimenta actione ventriculi & intestinorum tenuium sensim sic emulgeri, & per bibula venarum meseraicarum & vasorum lacteorum oscula resorberi partem maximè solubilem, ut circa finem intestini ilei solæ ferè feces non solubiles residuæ in cæcum dictum intestinum delabantur; inde per totam coli intestini longitudinem sensim propulsæ ad rectum intestinum perveniunt, & alvo excluduntur. Simul observatum fuit, nullibi percipi fæctorem illum stercorem, incipientis putredinis indicium, nisi in cæco, colo, & recto; nunquam autem in tenuibus intestinis. Ideo in cæco intestino (b) *sedere fermentum stercorem, opus corruptionis, & non nutritionis*; dixit *Helmontius*. Ubi ergo stercus exit per vulnus infictum, vel fætor talis de vulnere expirat, concluditur, crassa intestina læsa esse. Unde *Celsus* postquam dixerat, communes esse notas jejuni intestini & ventriculi vulnerati, subiungit (c). *Cætera intestina ista vel stercus, vel odorem ejus exibent.*

CAUSA VULNERANS, SITUS ET NATURA VULNERIS. Instrumentum, quo vulnus infictum fuit, si haberi possit, sæpe docet, quousque vulnus penetraverit, si comparatur cum vulneris inficti amplitudine: simul patet, multum differre vulneris inficti naturam pro varia directione, quâ instrumentum vulnerans in cavum abdominis penetravit, sursum, deorsum, ad latera, &c. Sed præterea abdominalium viscerum situs multum differre poterit, pro varia positura corporis, quam vulneratus habuit illo tempore, dum vulnus infligebatur, uti etiam aliis de causis. Sic notavit accuratissimus *Anatomicus Vinslowus* (d) hepar in homine ligamenti suis quidem sic firmari, ut non facillè ab uno latere in aliud dilabatur, nequiquam tamen ab his suspendi, sed sustineri à ventriculo & intestinis; inprimis quando hæc viscera repleta sunt. Unde post diuturnam inediam proprio pondere depressum hepar trahit diaphragma, & molestem sensum

(a) N°. 414. pag. 341. Abridgem. Tom. VII. pag. 571. 572.

(b) *Ortus Medicin.* pag. 179. n°. 81. in fine capituli: *Sexuplex digestio alimenti humani.*

(c) *Medicin. Lib. V. cap. xxvi. pag. 287.*

(d) *Exposition Anatomique, &c. Traité du bas-ventre*, n°. 267. 268. pag. 370.

facit; quem ventriculo malè adscribi credit idem Auctor. Unde si, vacuo ventriculo, stanti homini vulnus infligatur ad binorum digitorum distantiam sub costis spuriis lateris dextri, poterit lædi hepar in tali casu ultra costarum limbum prominens: quale Exemplum refert *Garengeotus* (a) hominis sic vulnerati, in cujus cadavere appatuus abscessus in hepate à vulnere inflictio natus. Idem jam verum est de ventriculo, qui repletus admodum satis profundè sæpe descendit.

**PALLOR, SUDOR FRIGIDUS, INQUIETUDO ANIMI, DELIQUA, PULSUS DEFECTUS.** Omnia hæc signa vitam deficientem denotant, & plerumque largam sanguinis jacturam sequuntur: unde licèt, nihil sanguinis per vulnus effluat, si hæc signa adsint, de interna hæmorrhagia cogitandum est, & magna vasa sanguinea læsa esse concluditur: sanguine enim sic in cavum abdominis effluente, parca copia tantùm ad cor redit: hinc ejus vires imminuuntur, unde pulsus incipit vacillare, intermittere, & tandem penitus deficere in perfecta syncope. Inde & pallor collapsis vasis sanguine vacuis, & frigidus sudor, resolutarum virium certum indicium. Incipit tunc illa lucta vitæ cum morte, quam agoniam vocaverunt; anxietas nempe summa, & inquietudo, sic ut continuè situm corporis mutant, quantum vires permittunt; tandèmq; animi deliquium, vel & mors ipsa sequitur. Videantur & illa, quæ dicta sunt in *Commentariis* §. 302. n<sup>o</sup>. 7.

Aliquando fortè & hæc symptomata oriri possunt à nervorum, per viscera abdominalia disperforum, læsione. Magnum enim hos nervos habere imperium in vitales functiones docent subitanæ mortes, etiam in sanissimis & robustissimis hominibus ab herniis suffocatis, intestinorum susceptionibus, &c; in quibus morbis omnia hæc signa apparent, & paucarum sæpe horarum spatio mors sequitur. Unde & *Celsus* signa ventriculi vulnerati enumerans, dixit (b) *Venarum motus elanguescunt, sudores tenuis oriuntur, per quos extremæ partes frigescent.* Et statim addit, communes jejuni intestini & ventriculi vulnerati notas esse.

Ex his omnibus signis cognoscitur, partes abdominis cavo contentas læsas esse; & sæpe ejiisdem satis evidenter patet, quænam, partes læsæ fuerint: unde ex his diagnosi horum vulnorum habetur. Sequens paragraphus prognosin docebit.

§. 313. **TUM** infinita mala sequuntur, partim, 1. A natura viscerum, tenui, vasculosâ, non musculosâ, difficillimâ circulationis, nec nisi clauso abdomine absolvendæ. 2. A functione læsa visceris. 3. Ab effusis cruoris copia, corruptione. 4. Ab aeris ingressi, rarefacti, prementis, actione.

1. Constat ex Physiologicis omnia viscera abdominalia, quæ chylopoiesi inserviunt, venosum suum sanguinem deferre ad sinum venæ portarum, qui dein in ramos divisus per omnem hepatis molem venosum hunc acceptum sanguinem distribuit sic, ut non ampliùs ab angustis ramis in latiores fluat, sed ut in arteriis à latiore basi in angustos fines pellatur. Unde patet, difficillimam hic humorum circulationem esse, cum sanguis venosus, qui maximam partem motus, à corde &

(a) *Traité des Opérations de Chirurgie*, | (b) *Medecin. Lib. V. cap. xxvi. pag. 287. Tom. I. pag. 24.*

arteriis accepti, amisit, hic iterum per angustias convergentium vasorum transire debeat. Sed circulum humorum juvat actio diaphragmatis & musculorum abdominalium, per quam omnia viscera abdominalia premuntur alternis vicibus. Inspirationis enim tempore diaphragma deorsum tendens cavum abdominis arctat, & omnia contenta comprimit, expirationis verò tempore contracti musculi abdominalis eodem modo reagent. Hinc omni vitæ momento alternis his pressionibus, promovetur sanguinis circulatio per abdominalia viscera. Unde in illis hominibus, qui oriofam vitam degentes salubre corporis exercitium negligunt, toties circa hepar & alia abdominalia viscera difficiles nascuntur obstructions, & pessimi morbi chronici. Ubi ergo per vulnus lædatur vel turbatur actio diaphragmatis vel musculorum abdominalium, patet, tolli hoc adminiculum, quod requirebatur omnino ad expeditam humorum circumductionem per abdominalia viscera. Hoc apparet evidenter in vivis animalibus dissectis: dum enim cani decussatâ sectione dissecantur musculi abdominales & peritonæum, post aliquot, momenta venæ omnes viscerum abdominalium apparebunt distentissimæ, quia non potest commodè sanguis venosus per hepatis angustias pelli, deficiente actione musculorum abdominalium. Faciliè interim patet, non ab omnibus abdominis vulneribus hanc noxam expectandam esse, sed tantùm ab illis, quæ diaphragmatis vel musculorum abdominalium actionem insigniter lædunt. Accedit, quòd per patula vulnera aer illapsus insolito frigore quàm maximè nocere possit abdominalibus visceribus; & à binis his causis videtur deduci posse, quare omentum, vel intestina, extra vulnus dilapsa tam faciliè gangrænescant.

2. Singula hæc viscera proprios usus habent ad chylicificationis opus conspirantes: uno ergo, vel pluribus læsis, turbabitur chylicificatio. Sic v. gr; intestino tenui dissecto prope pylorum, omnis chylus in cavum abdominis decideret, vel per vulnus exibat, nutrimento suo defraudabitur corpus, & vero peribit marasmo. Fellis vesiculâ læsa ut dictum fuit præcedenti paragrapho, bilis in cavum abdominis decidebat, & alvus manebat pertinacissimè stricta nullis remediis auscultans, cum subita & permanente abdominis inflatione; quæ mala non faciliè quis prævidisset futura à tali vulnere. Unde simul patet, quanta sit bilis necessitas ad abdominalium viscerum plurimorum actionem. Sed bilis ex sanguine venoso viscerum chylopoieticorum, in singulis fortè diverso, & mirè mutato per hepatis fabricam, conficitur; unde læsis visceribus abdominalibus sæpe tolluntur quædam requisita ad bonæ bilis secretionem; quæ ergo à naturali sua indole degenerans chylopoietin miris modis turbare poterit. Sic hepar & lien quasi spongiz sanguine plenæ apparent: ab horum ergo læsione copiosa cruoris effusio, inflammatio, suppuratio in amurcam quasi horum viscerum substantiam convertens, &c, expectari poterunt.

3. Discissis vasis sanguineis, quæ tam numerosa & satis ampla per abdominis viscera distribuuntur, ingentem sanguinis copiam in cavum abdominis posse effundi, faciliè patet. Ille copiâ suâ premendo viscera, nocere potest, uti & natâ corruptelâ; inprimis, si simul aer libere accesserit, tabefacere posset omnia. Modicam verò sanguinis effusionem, sine visceris ullius nobilioris læsione, & impedito libero aeris accessu, non adeo periculosam credidit *Ruyfchius* (a), edoctus Experimento

(a) Observ. Anatom. Chirurg. observ. LXVI.

in vivo animalī capto. Cani enim mediocris magnitudinis, prius ligatis vasis splenicis, hēnem exciderat; neglexerat autem ligare arteriolam epiploicam, quæ tantam tamen sanguinis copiam fundebat, ut jamjam moriturus canis videretur. Hanc tamen arteriolam sine ligatura abdomini intrusit, ubi procul dubio perrexit sanguinem fundere: futurā vulnus abdominis univit, & vulnere intra sex septēmvē dies consolidato, canis convaleuit. Ex hoc Experimento conclusit, sanguinem extravasatum in cavo abdominis, modò secludatur aer, posse resorberi sic, ut nihil inde mali postea sequatur.

4. Si per vulnus aer in cavum abdominis intraverit, & interim ejus exitus à pinguedine, vulneris orificium obturante, vel aliā quacumque de causa, impediatur, calore corporis rarefactus aer distendere poterit abdomen in molem immensam: sed & simul eādem vi comprimet omnia contentā abdominis cavo viscera; imprimis autem ventriculū & intestina, illāque penitus complanare poterit: unde miserrima mala, solā eductione rarefacti aeris, sananda.

§. 314. **U**NDE lethalia sæpe sunt. At intestina læsa, & pertrac-tatione oblata, consuenda, si magnis; sibi linquenda, si parvis vulneribus læsa sunt, & reliqua peragenda; ut (311) dictum est.

Ex omnibus prædictis patet, quantum discrimen sit vulnorum in cavum abdominis penetrantium, unā cum læsione contentorum vasorum vel viscerum. Si jam simul considerentur illa, quæ de vulnere lethali-tate dicta sunt §. 170. n°. 3, & 5, uti & illa mirabilia mala, quæ diaphragmatis læsionem sequi observata fuerunt, de quibus ibidem n°. 4. agebatur; patebit facillè, mortem inevitabilem sæpe vulnera abdominalia sequi.

Sequitur jam, ut considerentur illa, quæ fieri debent in cura abdominalium vulnorum, si intestina læsa fuerint, & manubus pertractari possint. *Hippocrates* (a) tenuium intestinorum vulnera lethalia pronunciavit: *Galenus* tamen in suis *Commentariis* non quolibet vulnera tenuium intestinorum lethalia esse voluit, sed rarissimè sanari dicit illa quæ in cavum usque intestinorum penetrarent. In alio aphorismo. *Hippocrates* dixit (b) si quod intestinorum tenuium perfectum fuerit, id non coalescit *Celsus* pariter dixit, (c) Si tenuius intestinum perforatum est, nihil profici posse... *Latius intestinum sui potest: non quod certā fiducia sit, sed quod dubia spes certā desperatione sit potior; interdum enim glutinatur.*

Hodie tamen plurimis, illisque fidelissimis, Observatis constat, intestina tenuia etiam integrè discissa fuisse, tamen superstites fuisse vulneratos. Si ergo intestinum læsum fuerit, neque vulnus adeo magnum sit ut, parulā viā, contentā intestini cavo in abdomen delabi possint, sibi relinquenda sunt; sponte enim tunc solent sanari. Simulac enim intestina per vulnus abdominis erumpunt, solent validè distendi flatibus, si integra fuerint; & tunc tenuia & membranacea apparent: ubi verò in naturali statu considerantur, satis crassa & solida apparent; unde parvum vulnus non adeo nocere poterit. Exemplo hominis maniaci, (de quo dictum fuit

(a) Sect. VI. n°. XVIII. *Charter. Tom. IX.*  
Part. II. pag. 157.

(b) *Ibid. n°. XXIV. pag. 161.*

(c) *Medicin. Lib. VII. cap. XVI. pag. 452.*

§. 179. n<sup>o</sup>. 5.) qui octodecim vulnera proprio abdomini infixerat, constitit sanati sponte tales intestinorum etiam tenuium læsiones, ut docuerunt cicatrices sanatorum vulnerum incadavere postea repertæ. Dum canis majori ( ut ibidem dictum fuit ) intestinum tenue secundum longitudinem dissecaretur, nullâ futurâ intestini in abdomen retrusî factâ, animal tamen convaluit. Imò Observata docuerunt largæ satis intestinorum vulnera, per quæ contenta exhibant, sponte sanata fuisse. Homini globo plumbeo majori vulnus inflictum fuerat in cavum abdominis penetrans cum insigni læsione intestini coli; sic ut per bimestre spatium excrementa per vulnus exirent: tandem tamen sine ullo Artis adminiculo illud vulnus consolidatum, & homo sanatus fuit (a). Insigni decoctori vulnus abdomini infigebatur cultro, sic ut acies penetraret in latius dextri lateris intestinum, quod, licet ultra triginta horas penderet extra corpus, jam abunde refrigeratum, reductum tamen fuit in locum suum sine ullo malo. Profluebant quotidie per vulneris hiatus feces alvinæ, & licet perditus helluo nullam dietæ rationem servaret, felicissimè tamen intestini vulnus consolidabatur, ut post sextum annum à vulnere inflicto in cadavere apparuit (b).

Ubi autem vulnera intestini inflicta tam magna sunt, ut inde jurè metuendum sit, ne contenta in cavum abdominis delabantur, ibique accumulata & putrefacta corrumpant omnia; tunc, si detur manubus pertractandi tale intestinum vulneratum occasio, hæc consuenda sunt. Solent Chirurgi in tali casu uti futurâ, quam pellationum vocant; quia solent pellationes laceras animalium pelles tali futurâ unire. Hæc autem sutura fit, dum ambo vulnerati intestini labia simul acu pertunduntur, quam sequitur filum sericeum planum: dein sequens punctura similiter fit ad distantiam binarum linearum à priore, semper ab eodem latere intestini incipiendo: hoc repetitur, donec labia vulneris contigua sint. Sic spirali circumvolutione filum continet vulnerati intestini labia, & filii pars satis longa ex vulnere pendula relinquitur, ut postea consolidato intestino commodè educi possit. Ob hanc causam etiam majoribus intervallis puncturæ faciendæ sunt, nec filii extrema subducenda spiralibus gyris ejusdem filii per intestini labia circumductis, ut multi Auctores voluerunt: tunc enim postea non posset protrahi filum sine corrugatione violenta intestini confuti: unde acerrimi dolores, inflammatio, gangræna, &c., sequerentur. Videatur de hac sutura *Garengeotus* (c). ubi optima methodus hanc perficiendi describitur.

Patet facillè, nonnisi urgente necessitate, hanc futuram instituendam esse, cum requiratur intestini extra abdomen protracti satis longam moram in aere externo, & rudiorum ejusdem intestini pertractionem. Unde & notaverunt Auctores, sæpe funestum eventum sequi. Exempla tamen illa, quæ in *Commentariis* §. 170. n<sup>o</sup>. 5. allegata fuerunt, ubi ipse ventriculus, vulnere divisus, consuebatur; uti & illa, quæ dicuntur postea in *Commentariis* §. 317, probant satis, non posse hanc operationem tamquam damnosam aut inutilem repudiari.

(a) Bellost. *Chirurgien d'Hôpital* part. 111. chapit. xv. pag. 166.

(b) *Tulpii Observ. Medicar. Lib. III cap. xx.* pag. 109.

(c) *Traité des Opérations de Chirurgie*, Tom. I. pag. 105. & suiv.

§. 315. **S**I per latum vulnus illæsum intestinum exit; fovetur; animalibus vivis dissectis applicatis, vel fomento idoneo; reponatur; fiant reliqua, ut §. 311.

Intestina, quamdiu in abdomine hærent, semper undique tepido rore exhalante humectantur, & simul pingui subtilissimo lubricantur; uti solus etiam attritus docet in animalibus vivis dissectis. Ubi ergo per vulnus inflatum intestina evolvuntur, carent blandâ & tepidâ atmosphærà; unde refrigerantur, siccantur, & satis citò sæpe in mortem tendunt; quod inprimis mutato colore cognoscitur. Pulcherrimè hanc rem expressit *Celsus*, dicens (a) *Protinus considerandum est, an integra ea sint; deinde, an his color suus maneat.... Tum, si urumlibet intestinum (crassum nempe & tenue) lividum, aut pallidum, aut nigrum est; quibus illud quoque necessariò accedit, ut sensu careat, medicina omnis inanis est. Si verò ea adhuc sui coloris sunt, cum magna festinatione succurrendum est: momento enim alienantur, externo & infueto spiritu circumdata. Quod autem pulchre intellexerit Celsus, intestina naturaliter irrigari non tantum tenui lymphâ, sed & pingui simul oleo, patet evidenter, quia paulò post addit sequentia (b) *At, si jam sicciora sunt intestina, perlunda aquâ sunt, qui paululùm admodum olei sit adjectum. Ubi ergo patulo de vulnere intestinum orbes evolvuntur, statim reponenda sunt, si nondum refrigerata vel exsiccata fuerint. Multùm facilitatur hæc repositio intestinum, si in tali situ ponatur vulneratus, ut contenta abdominis non urgeant propriâ gravitate locum vulneris; unde resupinandum hominem, (c) coxis erectioribus, voluit Celsus. Hæc enim positurâ corporis, contenta abdominis cavo viscera diaphragma premunt in thoracis cavum, sicque abdominis capacitas augetur; unde faciliùs possunt egressa intestina recondi. In hac repositione intestinum iterum pulchre monet. Celsus quoddam (d) *Medicus priora semper intestina, quæ posteriora prolapsa sunt, condere debet sic, ut orbium singulorum locum servet. Repositis omnibus leniter homo concutendus est, quo fit, ut per se singula intestina in suas sedes reducantur, & in his consistant. Nisi enim hoc observetur, tormina validissima, & plurima alia mala sequi possent.***

Aliud adhuc monitum, & satis magni momenti, habetur apud *Garengotum* (e); nempe, quod si vulnus esset in abdomine medio sub umbilico, per rectum abdominis muscolum in alterutro latere penetrans, tunc intestinum, vel omenti pars prolapsa sæpe posset recondi sub musculo recto, inter hunc & ejus vaginam tendineam, quæ muscolum sub umbilico admodum laxè ambit; & malè crederetur, hæc reposita esse in cavum abdominis. Facile patet, à tali errore pessima mala sequi debere; intestini nempe, sic validè à musculo incumbente pressi, inflammationem, dolorem, &c.

Ubi autem intestina prolapsa jam, refrigerata fuerunt, vel & ab aere exsiccata, tunc omnium optimum est, si blando priùs tepore foveantur & humectentur simul. Nihil

(a) *Med. Lib. VII. cap. xxvi. pag. 451.*

(b) *Ibidem.*

(c) *Ibidem.*

(d) *Ibidem. pag. 453.*

(e) *Traité des Opérations de Chirurgie; Tom. I. pag. 102.*



tunc melius excogitari potest, quàm si abdomine discisso vivum & sanum animal imponatur elapsis intestinis; tunc enim naturali quàm maximè foru calefcent & humectantur. Unde etiam in ileo, terribili adeo morbo, sæpe tantum solamen habetur, uti & in herniis incarcerationis reducendis. Si viva animalia præstò non sint adhuc usum, aqua calida cum lacte dulci & pauxillo olei blandi, decoctum carnis vitulinæ subpingue, decocta emollientium herbarum, &c. adhiberi possunt in eodem usus, modò semper tepida retineantur. Verum quidem est, quòd intestina prolapsa & refrigerata, si recondantur abdominis cavo, ibi calefcent & humectantur; sed debemus priùs certi esse, antequam hæc reponantur, vitam rediisse in his partibus, jam refrigeratis & semimortuis. Aliter enim, si jam gangræna adesset, pessima corruptio expectanda foret; & licet separatio corrupti fieret, contenta intestinali fistulâ in cavum abdominis delaberentur: unde post summas misérias tolleratas tandem mors sequeretur.

§. 316. **SI** per parvum exeunt foramen; tamens flatu, inflammatu; fæce, reduci non possit; foru, punctu, dilatatu vulneris, reponitur.

Quando amplo vulnere abdomen perfoffum est, intestina facilè evolvuntur; sed etiam tunc sine magna difficultate reponi possunt. Ubi verò per angustum vulnus pars intestini expressa fuerit, longè periculosius malum est. Intestinum enim egressum comprimeretur vulneris ambitu, & inflammabitur, & brevi tumebit distentum flatibus, vel & ingestis alimentis motu peristaltico huc pulsus, nec redire potens, ob intestini angustationem in vulneris loco. Unde suffocatio & gangræna satis citò sequuntur; uti in herniis incarcerationis toties visum fuit. Facilè patet, non posse reduci intestinum, nisi minuatur illius distensio, vel dilatetur vulnus. Prius semper tentandum est, quia dilatio vulneris non sine molestia fieri poterit. Fomenta illa, de quibus dictum fuit præcedenti paragrapho, calidè applicantur; dein leniter manibus palpando tentatur, an status vel contenta in tubo intestinali possint iterum propelli per vulnus, tunc enim detumescet intestinum, & reduci poterit. Si autem flatibus distentum fuerit, & per aliquot horas fomenta talia frustra applicata sint, tunc acu hinc inde pertundendum est intestinum distentum, ut status exire possint. Neque aliquid metuendum videtur ab his vulnusculis, nam flatu expulso contrahetur intestinum, & disparescent parvulæ tales aperturæ, nihilque contentorum intestini per illas poterit egredi. Tales intestini puncturas se felici cum successu instituisse dicit *Paræus* (a). Ne tamen ignaris detur occasio culpandi hanc intestinorum perforationem, præstat hoc clam perficere; quod facilè fieri poterit. Funestus enim talis vulneris eventus aliquando adscriberetur Chirurgo, licet ex Arte hoc fieri debere in tali casu satis pateat.

Si autem ne sic quidem detumescat intestinum, sola dilatio vulneris superest; quam *Celsus* etiam in hoc casu commendavit dicens (b). *Si angustius vulnus est, quàm ut intestina commodè refundantur, incidendum est, donec satis pateat* Summâ autem cautelâ hic opus esse facilè patet, quia intestinum elapsum in loco vul-

(a) Liv. X. Chapûre xxxvi. pag. 256.

(b) Medic. Lib. VII. cap. xvi. pag. 452.

neris arctissime comprimitur à peritonæo & integumentis, unde facile lædi posset. Ut hoc evitetur, specillum sulcatum introducunt in abdominis cavum, parum etiam protrahito, si opus sit, intestino; tunc ut Chirurgus certus sit, intestinum non esse interceptum inter specillum & vulneris marginem, parum adhuc protrahit intestinum; deinde cultellum sulco specilli imponit, & cautè discindit peritonæum: hoc facto elevat specillum unà cum cultello jam in ejus sulco hærente & discindit integumenta abdominis, donec pateat satis vulneris amplitudo, ut commodè intestina prolapsa refundi possint in cavum abdominis. Si verò tanta sit strangulatio intestini prolapsi, ut impossibile sit specillum sulcatum introducere, tunc indicis digiti pulpâ premitur intestinum, ut parum recedat à vulneris margine, & deinde supra unguem ejusdem digiti indicis parum discinduntur integumenta & peritonæum, ut via fiat specillo sulcato introducendo.

Ut quàm tutissime hoc fieri posset, pulcherrima instrumenta excogitaverunt celebres Chirurghi. Sic specillum sulcatum habetur, quod crenâ suâ abscondit cultellum, presso è latere pro lubitu Chirurghi emergentem, cujus figura habetur apud *Heisterum* (a). Solo cultello recto, obtuso apice instructo, utebatur *Peitius*, cujus cultelli acies obtusior erat: cultellus ille perpendiculariter abdomini immergebatur, nec poterant inde lædi viscera, quia globosum habebat apicem, & vix scindere poterat; sufficiebat, tamen cultelli acies, ut discindere posset tensa admodum abdominis integumenta (b). Simplicitas hujus methodi placuit multis; alii Chirurghi maluerunt prioribus uti.

Dilatato sic vulnere, repositisque intestinis clapsis, omnia illa dein fieri debent: quæ §. 311. dicta sunt.

§. 317. **SI** vulnere, suppuratione, gangrænâ, fistulæ intestinalis pars ablata est, pars superior se offerens, vel prudenter adducta, assuenda foramini vulneris.

Ubi autem intestinum integre dissectum est, vel per vulnus angustum exiens, nec in tempore reductum, gangrænâ vel suppuratione partem sui amisit, tunc continuas fistulæ intestinalis sublata est, & si resunderentur in cavum abdominis disjuncta extrema, facile patet, effuso chylo intestinelorum in abdominis cavum, ibique accumulato & corrupto, miserrimam sequi debere & inevitabilem mortem. Idem verum est, si intestinum integrum quidem adhuc, sed jam in parte quadam gangrænosum, reponeretur: illud enim postea separari deberet, tuncque omnia eadem fierent mala. Totum ferè, quod tunc habet *Ars*, est, ut affigat externi vulneris margini discissi intestini extremum; sicque totâ vitâ manebit hic turpis cloaca, quæ ani vicem supplebit. Separata enim intestini extrema coalescere iterum posse; ne quidem sperare quondam audebant *Midici* & Chirurghi, cum *Hippocratis* obstabat auctoritas, dicentis (c) si quod intestinelorum tenuium perfectum fuerit, id non coalescit. Mira tamen *Observata* docuerunt, non semper etiam de hac concretione desperandum esse. Homo robustus jam ab octo annis laborave-

(a) Institut. Chirurg. part. II. cap. cxiv.

Chirurgie T. I. pag. 119.

Tab. XXIV. pag. 797.

(c) Aphorism. Sect. VI. n°. XXIV. Chamer

(b) Gangeot Traité des Operations de

Tom. IX. Part. II. pag. 161. & Coac. Præn. n°. 503.

rat herniâ, quæ tamen ipsi non admodum molesta fuerat; subito intumuit hernia unâ cum duritiæ summa, quam frustra cataplasmatibus emollire tentabat Chirurgus. Tandem suppurabatur tumor, illôque aperto, partem intestini putrefacti quatuor digitis longam abscidit Chirurgus; postea similis longitudinis pars intestini sponte secessit. Cum jam crederetur, quod hoc in loco apertura maneret, quæ anj vice fungeretur totâ vitâ, præter omnem expectationem incepit minui humorum per vulnus effluxus, & triginta trium dierum spatio percuratum fuit, & sanissimus postea vixit (a). Alter casus adhuc evidentius docuit, coalescere posse intestina integre divisa. Homini herniâ laboranti, tubi intestinalis portio, sex pollices longitudine æquans, gangrænâ corrupta perierat. Filo transmissio per mesenterii partem illam, quæ intestino corrupto co hæserat, utrumque intestini extremum in vulneris apertura retinebatur hæc spe, ut accrescerent vulneris margini, & extremum intestini superius ani vice fungeretur; altero extremo inutili manente: sed præter spem mensis spatii sic uniebantur hæc extrema, ut ingesta alimenta consueta viâ iterum per anum excernerentur: & convaluit homo, hoc tantum habens incommodi, quod, si nimium manducasset, dolore colico corripere, qui in vulneris loco incipiens sensim diminuebatur. Videtur autem hoc factum fuisse, quia in loco, ubi bina extrema concreverant, tubus intestinalis angustior parum erat, & firmioris substantiæ, nec tam facile cedere poterat (b). Hanc rem confirmat aliud mirabile Exemplum. Serenissimi Ducis Brunsvicensis Chirurgus Aulicus *Ramdohrrius* fœminæ, post herniam incarcerationam sponte ruptam, insignem partem tubi intestinalis corrupti abstulit; deinde extremum superius intestini immisit inferiori extremo & levi futurâ univit, & in abdomen reposuit. Ex ipsi orci faucibus erepta hæc sœmina postea sana vixit, sed post annum pleuritide correpta perit; atque incisio cadavere paruit, intestini extrema inter se coaluisse. Intestina hæc unâ cum parte abdominis, cui accreverant, à dexterrimo Chirurgo dono data, servat *Heisterus* (c).

Facile autem patet, divisi intestini unionem talem fieri non posse, si bina extrema in abdomine fluctuarent; sed requiri ad hanc rem, ut cuidam parti vicinæ accreta maneat contigua. Ob hanc causam frequentius hæc unio fit in herniis, quia per abdominalem anulum duplicatum intestinum exiens contigua habebit hæc extrema, uti pulchre demonstratur, & figuris elucidatur à celeberrimo *Morando* (d), qui ex structura partium concretionis rationem, & alia inde sequentia solidissimè deducit. Ubi simul probatur, semper in loco unionis minorem esse capacitatem tubi intestinalis: quod etiam sæpius post mortem in cadaveribus illorum, qui has calamitates passi fuerant, se vidisse testatur idem Auctor. Ob hanc causam, nisi durioribus eduliis abstineant, nec nimiam ciborum copiam ingurgitent, periculum est, ne hæc in angustia hæreant; unde dolores acerrimi, imò sæpe ruptura loci, jam consolidati dudum: quale Exemplum habetur fœminæ ab hac causâ mortuæ, pluribus annis elapsis post integram sanationem; in cujus abdomine & ingesta alimenta, & medicamenta, effusa reperiebantur, disrupto intestino in illa loco; ubi bina extrema intestini, antea divisi, concreverant (e).

(a) Académie des Sciences l'an 1713: *Hist.* pag. 41. & suiv.

(b) *Ibidem*. pag. 44.

(c) *Institut. Chirurg.* part. 21. cap. cxvii.

n°. XIII. pag. 768.

(d) Académie des Sciences l'an 1635. *Mém.* pag. 345. & suiv.

(e) *Ibidem*. pag. 343.

Ubi verò nulla spes est, divisa intestinalis fistulæ extrema posse simul uniri & consolidari tunc hoc solum superest, ut extremum superius, aliquando sponte in vulnere hærens, vel & prudenter illuc adductum, affluatur vulneris aperturæ, ut ibi artificialis anus totâ vitâ maneat. Alterum extremum ligatum, ne ejus contenta hoc tempore in abdomen delabantur, totâ vitâ manebit inutile. Sic vita servari poterit, modò tanta adhuc sit longitudo intestinalis tubi à pyloro ad anum hanc artificialem usque, ut ex ingestis alimentis sufficiens copia chyli possit sanguinem ingredi, ut inde restituatur illa, quæ inevitabili sanæ vitæ effectû quotidie de corporis substantia pereunt. Ut autem cognosci possit, quodnam ex binis extremis intestini dissecti sit illud, quod duodeno continuum superius dicitur, signa quædam habentur, à clarissimo *Littro* recensita (a). Illud enim extremum manifestum motum vermicularem habet, materia chylosa repetitis vicibus per hoc extremum exit, & illius parietes non apparent integre collapsi; vel si quandoque collabuntur, paulo post iterum elevantur à materia intestini cavo contentâ, & huc propulsâ. In altero autem extremo intestini dissecti, quod recto intestino continuatur, motus peristalticus deficit, nihilque exit inde, nisi in initio, vel quando convulsivo motu retrogrado ab inferioribus sursum aliquid exprimitur; quod nunquam tamen tam regulariter fit, ac in extremo superiori apparet. Illud extremum, quod duodeno continuum esse sic deprehensum fuit, tribus in locis, quæ ejus circumferentiam trifariam dividunt, unitur per futuram vulneris foramini, vel filis transmissis retinetur intestini extremum in vulneris apertura, donec ibi concreverit. Sic per Artem vita servatur, sed non sine sædo satis incommodo, cum totâ vitâ fæces hanc viâ exire debeant. Quandoque etiam contigit, naturæ solius beneficio extremum superius intestini dissecti vulneris aperturæ accrescere. Sic *Meryus* (b) in virgine viginti octo annorum, post herniam incarceratam, & gangrenâ corruptam, abscidit quinque pedum longitudine circiter putrefactum intestinum, & orificium superius accrescebat inguini, per quod totâ vitâ postea fæces exibant; satis etiam duræ & figuratæ, si faciliè digerendos cibos modicâ copiâ simul assumeret. Plures tales casus occurrunt post conflictus bellicos, dum milites pugionibus bombardis impositis in adversos hostes ruunt: unde frequentia satis abdominis vulnera cum intestinorum dissectione contingunt. Memini, me ante viginti circiter annos vidisse militem, cui post talem plagam dissectum intestinum colon vulneris orificio exteriori accreverat; & facile patiebatur, cum ostium silepem peteret, ut examinaretur intestinum, aliquâ sui parte extra vulneris aperturam prominens, ubi pulchre interior superficies intestini lustrari poterat. Jam decem elapsi tunc erant anni post vulnus infectum, & videbatur optimâ sanitate frui.

§. 318. **SI** omentum exierit, & humidum, calidum, rutilo sanguine rubescens adhuc est, reponendum, ut §. 316.

Dixerat *Hippocrates* (c) si omentum excidat, necessariò putrescit. Certè tenerima omenti fabrica non potest diu aeris externi frigori exponi, quin vitalis humo-

(a) Académie des Sciences l'an 1700. M. é-moires, pag. 394.

(b) Ibid. l'an 1701. pag. 373. 375.

(c) Aphorism. Sect. VI. n°. LVIII. Charter. Tom. IX. Part. 11. pag. 189.

rum circuitus per hanc partem lædatur insigniter; imò sæpe integre destruat. Unde, si fieri potest, reponendum illico. Notandum tamen est, quòd omenti membrana adeo tenuis sit, ut rudiorem pertractionem sine laceratione ferre nequeat. Unde summâ hic circumspectione opus est: aliter enim rudiùs tractatum omentum, dum reponitur, fractis vasibus postea inflammatione, suppuratione, vel & gangrænâ corruptum, pessima mala producere posset. Ob hanc causam potiùs dilatatum vulnus est, ut sine vi reponi possit. Humiditas, calor & rutilus sanguinis, per tenera vasa omenti pellucens, color docent, vitalem superesse adhuc humorum motum per omenti elapsi de vulnere substantiam.

§. 319. **S**I siccum, frigidum, lividum, ligaturâ, sectione, foru, curatum reponendum est.

Ubi verò omentum diu extra vulnus hæsit, solet emori, & quidem satis citò; quod ex frigore, siccitate, & livido vel nigro colore cognoscitur. Mortuam talem partem in abdomine recondere periculosum foret: illa enim postea à vivis partibus separata in abdominis cavo putresceret, & viscera omnia inficere posset. Unde. voluit Celsus ut, intestinis jam abdomine conditis, (a), omentum consideretur, ex quo si quid jam nigri & emortui est, forfice excidi debet; si quid integrum est, leniter super intestina reduci. Si tamen mutato quamvis colore, aliqua spes superesse videatur, vitam redire posse in hac parte, fomentis mollissimis, & imprimis vivis animalibus dissectis impositis, fovenda est; si signa vitæ redeuntis appareant, humiditas nempe, calor, & ruber color, in abdominis cavum reponenda; sin minùs, tolli debet illud, quod corruptum est. Tamen celebres Chirurgi, si leviter tantùm livesceret omentum elapsum, illud reposuerunt, nec ullum inde damnum secutum fuisse testantur (b): tunc enim naturali corporis calore redibat facilè vita in hac parte. Ubi autem mortua pars omenti tollenda est, tunc per partem ejus sanam filum transfadigitur, deinde ligatur, & sub ligatura ad digitum circiter transversum distantiam abscinditur illud, quod corruptum est; reliquum abdomine conditur, curando, ut fili pars satis longa ex vulnere pendeat, ut separatione factâ illud commodè tolli posset. Neque multùm mali observatum fuit talem omenti resectionem sequi. Galenus (c) quidem dixit, ablatâ parte omenti frigidiores fieri ventriculum, & minùs rectè conquiere: illudque se vidisse affirmat in gladiatore, cui vulnerato serè totum omentum abstulerat, & qui postea cogebatur assiduè lanis ventrem obvolvere, ne ab externo frigore læderetur. Tamen postea numerosissimis Observationis constitit, omenti ablationem hæc mala non sequi (d). Unde satis tutò tolli posse videtur. Quod etiam confirmatur, quia sæpe in cadaveribus omentum pro maxima parte deficit; licèt functiones viscerum abdominalium satis integræ fuerint in talibus hominibus (e).

(a) Medicin. Lib. VII. cap. XVI. pag. 453.

(b) Dionis Cours d'Opérations de Chirurgie, démontre, 11. pag. 73.

(c) Garengot Traité des Opérations de Chirurgie. Tom. I. pag. 130.

(d) De usu part. Lib. IV. cap. IX. Charter.

Tom. IV. pag. 377.

(e) Académ. des Sciences l'an 1715. Hist. pag. 13.

§. 320. **MISSIO** sanguinis largior; clysmata in initio injecta si crassa illaesa; dicta; blanda respiratio; quies; situs; palmaria hic remedia.

Ex haecenus dictis quaedam generalia auxilia deducuntur: quae etiam in periculosis vulneribus abdominalibus summopere semper profuisse certis Experimentis constat. Nempè,

**MISSIO SANGUINIS.** Nihil plura hic metuitur, quam inflammatio viscerum abdominalium, quae post enormes dolores citò in gangraenam tendens saepe subito necat. Sed summum remedium praebet larga missio sanguinis, quae praesentem inflammationem tollere, futuram verò praecavere efficaciter solet. Sic in hernia suffocata vix ulla remedia juvant, nisi audacissimam sanguinis missione sic debilitentur vires; ut motus inflammatorii careant urgente nimis vitali impetu.

**CLYSMATA, &c.** Si crassa intestina laesa essent, patet faciliè clysmata nocitura fore; liquidum enim sic injectum delaberetur in abdominis cavum. Ubi autem constat, haec illaesa esse; tunc omnium maximè convenit, clysmatibus injectis duras faeces, crassis intestinis contentas, educere; ne postea vulneratus cogatur alvum duram nixu valido exprimere. Dum enim alvus exoneratur, diaphragmate deorsum pressio ob inspiratum & retentum aerem, & simul agentibus musculis abdominalibus, validissimè comprimuntur omnia abdominis contenta, quae ergo urgebunt vulneris locum; sicque intestina vel omentum exprimentur; vel dilacerabitur iterum illud, quod jam inceperat consolidari. Unde patet satis clysmatum in vulneribus abdominalibus utilitas.

**DIÆTA.** In generali vulnerum cura §. 192, dictum fuit, vulneratis prodesse illa inprimis alimenta, quae blanda, nec faciliè putrescentia, facili digestionia atque assimilationis essent, si parca copia simul, repetitis vicibus, sumerentur. Sed in abdominis vulneribus praeterea considerandum est, saepe laesam esse actionem illorum viscerum, quae crudis ingestis efficacissimam mutationem imprimere debent, quae apta evadant, ut postea pulmonis & vasorum efficaciam in nostram mutantur naturam; simul etiam à majori copia assumptorum ventriculorum & intestina statim distendi. Unde patet, adhuc majori cautela hic opus esse. Sed praeterea summi usus est hic dare talia, quae minimam copiam crassarum faecum in intestinis relinquunt, cum alvi exoneratio, per clysmata prius eductis omnibus faecibus, hic vitanda sit, quantum fieri potest. Omnibus his indicationibus nihil melius respondet, quam jusculorum ex carnibus juniorum animalium usus. Si enim omni biborio unciae tres quatuorve sumantur, addito pauxillo succi citri, ut nimis facilis in putredinem degeneratio caveatur, sustinebitur vita, nullaque ferè actione ventriculi & intestinorum opus erit ad haec ingesta mutanda; simulque vel nullae, vel paucissimae saltem, in intestinis accumulebuntur faeces, unde per plures dies, imò septimanas, sine molestia alvum retinere poterunt. Panis tostus poterit immergi, vel & incoqui his jusculis; modò tollatur postea, ne faecum copia in crassis intestinis inde augeatur. Pro potu sola aqua, modicè vini quantitate additè, sufficeret. Posset tamen & panis, vel hordei aut avenae decoctum, vel & mollissima cerevisia concedi. Lac hic viratur, quia nimiam copiam crassarum faecum relinquit, ut patet in infantibus, qui, solo materno lacte licet utantur, tamen duras tenacesque admodum faeces saepe alvo deponunt.

**BLANDA RESPIRATIO, QUIES, SITUS.** In singulis enim inspirationibus distenduntur muscoli abdominales; & contrahuntur iterum expirationis tempore; unde vicissim omnia abdominis contenta premuntur. Quò ergo pacatior fuerit respiratio, cò minùs movebuntur partes vulneratæ, ergo & facilius consolidabuntur. Ob eamdem causam quies hîc summopere necessaria est. Situs autem talis sit, in quo commodissimè diu manere poterit vulneratus; nempe ut in lectulo, erecto parum corpore, sedenti ferè similis ponatur, & quantum commodè fieri poterit declive sit vulneris orificium, ut pus, sanguis, &c, facillimè exire possint, neque accumulentur in cavo abdominis.

Hæc sunt illa, quæ in omnibus vulneribus abdominalibus conveniunt; uti etiam post calculi sectionem vel fistularum ani. Nisi enim tunc caveatur alvi exoneratio, sæpe felicissimè peractam operationem pessima mala sequuntur. Gravissima etiam vulnera abdominalia, & pessimis symptomatibus stipata hæc methodo curata fuisse felicissimè, constat Observatis. Unicum tale adduxisse sufficiet, cujus jam aliâ occasione in *Commentariis* §. 170. n°. 5, mentio facta fuit. Maniacus homo sibi ipsi cultro octodecim vulnera infixerat abdomini, quorum octo penetrabant in cavum abdominis, & lædebant contenta viscera. Febris valida, tensio abdominis, respiratio difficilis & dolens, nausea, vomitus, diarrhœa, &c, acerbam dabant prognosin, sic ut ferè pro derelicto haberetur. Septies repetita venæsectio primis quatuor diebus; dicta tenuissima ex folis ferè jusculis carniû, additis quandoque lactucâ, chicoreo, portulacâ & similibus mollissimis oleribus; quies summa, lenibus emulsis diacodiatis impetrata; rara & prudentissima vulnerum deligatio, effecerunt, ut bimestri spatio à tot vulneribus incolumis emergeret non tantùm, sed & mentem sanam in corpore sano haberet. Post septemdecim menses iterum maniacus factus ex alto se præcipitem dedit, & illico mortuus fuit. In cadavere cicatrices inventæ docuerunt, lobum medium hepatis læsum fuisse, uti & intestinum jejunum ac colon (a). Hæc Historia docet, quantum ab hac methodo expectandum sit in periculosissimis etiam casibus.



## CONTUSA.

§. 321. **SI** durum, obtusum corpus, motu, resistentiâ, morsu vel pressu, multa vascula simul confregit, læsio hæc Contusio vocatur.

Contusio est solutio continui, facta in quacunque parte corporis, per instrumentum durum, cujus superficies non exit in aciem sed in obtusam quancumque figuram. Sic enim distinguitur à vulnere, quod est solutio continui, acuto instrumento vulnerante facta. Unde contusio, cæteris paribus, semper ampliorem locum occupat, quàm vulnus, quia instrumentum lædens majori superficie corpori applicatur. Facile jam patet, effectum fore eundem, sive obtusum corpus motum

(a) Académie des Sciences l'an 1705, Mém. pag. 40. & suiv.

impingat corporis parti, sive pars corporis mota duro obtuso obflaculo quiescenti occurrat sive gravitate sua obtusum corpus partem nostri corporis presserit, aut mordendo corporis pars quædam contrita fuerit.

§. 322. **C**UJUS idea, accumulatio vulnusculorum cum attritu solidorum, & vasculorum.

In loco contuso tot possunt concipi vulnuscula, quot sunt partes læsæ in toto contusionis ambitu; unde minimorum vulnusculorum, sibi invicem adjacentium, aggregatum dat ideam contusionis. Sic v. gr; si arteria novaculâ discinderetur, vulnus esset: si innumeris juxta se mutuo quàm proximè positis sectionibus divideretur, repræsentaret ferè talis arteriæ contusionem. Solidæ autem partes duræ & resistentes à causa contundente atteruntur & comminuuntur in minima fragmentula. V. gr; si os brachii à quacumque causa rumpitur in binas partes, dicitur fractura; si autem comminatur in minima fragmenta, contusio vocatur.

§. 323. **E**FFECTUS ergo, solutio continui lacerans, destructio plurium conterens, effusio liquoris in inania vicina, vel facta, & infinita mala, quæ ex his sequi possunt. Contusis, fractisque costis emphysema lethale. *Monum. Ac. R. Sc. 1713. 119.*

**SOLUTIO CONTINUI LACERANS.** Dilaceratio dicitur, quando partes molles corporis distrahendo franguntur; & talis distractio in omni contusione adest, & per hanc distinguitur à vulnere, in quo etiam quidem adest continui solutio, sed non adest illa dilaceratio, cum instrumento acuto vulnus infligatur. Potest quidem contusio vulnus comitari, sed tunc compositus morbus est.

**DESTRUCTIO PLURIUM CONTERENS.** In vulnere aderat simplex divisio partium, quæ antè cohæserant; unde tam felix sæpe etiam maximorum vulnorum cura, dum partes divisæ contiguæ iterum factæ concredebant. Sed in contusione sæpe sic conteruntur partes, ut vitali earumdem fabricâ destructâ impossibile sit, iterum uniri has posse vicinis; unde requiritur ad curationem separatio horum omnium, quia omni vitali humorum influxu orbata mortua sunt, & instar heterogenei corporis suâ interpositione vivarum partium adjacentium unionem impediens. Ideo Hippocrates merito dixit, (a) *carnes contusæ... putrescere & in pus versas tabescere... necesse est.* Unde celerrimè movendam suppurationem hic voluit.

**EFFUSIO LIQUORIS IN INANIA VICINA, VEL FACTA.** Fractis vasibus, liquida his contenta effluunt, & deponuntur in loca aliena. Totum corpus cavis plenum esse dicere ausus fuit Hippocrates: (b) *pars namque omnis disjuncta, nec continua, sive cute, sive carne tegatur, concava est; quæ quidem sana spiritu, ægra verò sanie impletur.* Unde effusi humores ubique locum invenient in cavis illis majoribus aut minoribus corporis. Nullum enim ferè vas, nulla musculi tendinive fibra observatur in corpore, quin hereant in membrana facillimè dilatabili, cellulis pluri-

(a) Lib. de Ulceribus cap. 11. Charter. Tom. XII. pag. 137. (b) Lib. de Arte cap. VIII. Charter. Tom. XII. pag. 150.



mis cum se mutuo communicantibus constante: minora ergo hæc cava per omne corpus dispersa hærent, & poterunt repleri humoribus ex fractis vasis effusis. De majoribus autem cavis, ventriculis nempe cerebri thoracis cavo, pulmonum tracheis & vesiculis, pericardio, abdomine, ventriculo, &c. res facillè patet. Sed non tantùm humores effusi naturalia corporis cava majora & minora replere poterunt, sed iidem accumulati poterunt distendendo removeere partes, quæ priùs contiguæ fuerant, sique novas cavitates facere, vel naturalium cavorum magnitudinem augere immaniter. Dum v. gr; post validam contusionem capitis, fractis vasis duræ matris, sanguis effusus inter hanc & cranium colligitur, dura mater à cranio, cui antè atctè cohærebat; separatur; sicque novum nascitur cavum, quod non adfuerat.

ET INFINITA MALA, &c. Omnia illa mala, quæ contusionem sequuntur, ad tria capita possunt reduci. Vel enim fiunt inde, quòd destructis solidis, & effusis humoribus, tollantur illæ functiones, quæ à determinato motu fluidorum per vasa integra pendent. Vel oriuntur, quòd effusi humores, in cavis corporis naturalibus vel præternaturalibus collecti, mole suâ premant partes vicinas, illarumque functiones tollant omnino, vel turbent saltem. Vel denique iidem humores effusi, morâ & stagnatione corrupti, talem possunt acquirere acrimoniam, quâ partes circumpositas rodere & destruere possint. Si jam hæc tria applicentur singulis partibus corporis, patet, infinita inde posse fieri mala, quorum enumeratio impossibilis foret: sufficit generales horum malorum fontes indicasse. Exemplum, quod hic adfertur ex *Academiæ Regiæ Scientiarum Monumentis*, docet, mirabilia, nec facillè vel à peritissimis prævidenda, mala, validas contusiones sæpe sequi. Homini enim sexagenario, carpenti rotis supra pectus ejus transeuntibus, contusæ & fractæ fuerant costæ, sic ut costæ fragmentum extimam pulmonum membranam leviter tantùm dilacerasset; unde aeris inspirati pars elapsa per hoc vulnusculum se tunicæ cellulosæ insinuat, & mirabili emphysemate totam ferè corporis superficiem inflabat; sicque miser homo quartâ die suffocabatur. Flatulentum talem tumorem post contusiones oriri circa costas jam notaverat *Paræus (a)*, licèt hujus rei causam non adeo intellexisse videatur. Plurima alia occurrunt passim apud Observatores Exempla, quæ docent, validam contusionem, licèt nulla læsio in externis partibus apparet, sæpe fregisse hepar, lienem, &c, unde subita mors. Imò aliquando observatum fuit, validas contusiones, licèt in externis nec internis partibus aliquid notabilis damni apparet, tamen subitam mortem induxisse. Videantur illa, quæ de hac re dicta sunt in *Commentariis* §. 274. Et apud *Bohni*um memorabilis talis casus habetur. Homini lapis aliquot librarum valido jactu hypogastrio dextro impingitur, unde subito concidens expiravit. Dum Prætoris jussu defuncti cadaver lustrat *Bohnius*, nec in integumentis, nec in visceribus aut vasis, ullam læsionem invenit, (b) nisi quòd in diaphragmatis illo loco, quo costis nohis ejusdem hypochondrii hoc contiguum est, aliquid contusionis & sugillationis viderit, quæ tamen ambitu suo vix dimidiam nummi imperialis magnitudinem æquaret.

(a) Lib. XII. Cap. vi. pag. 193.

I (b) De Renunciatione vulnerum, pag. 172

§. 324. **PESSIMUM** verò ex his (323), si, integumentis coherentibus, interiora sic affecta (321. 322. 323), ut liquida starent, coeant, putrescant, unde ecchymosis, aneurysma spurium, sugillatio, ulcus, gangræna, caries, in glandulis scirrhus, cancer.

Cutis tenax & validè coherens non tam facilè obtruso instrumento rumpitur; vasa, cuti supposita, per panniculum adiposum decurrentia, longè teneriora sunt, & facilè franguntur. Sic si quis malleo digitum percusserit, cutis manebit plerumque integra, & tamen macula nigra, ab effuso fractis vasis sub integra cute sanguine, locum contusum deturpat. Omnium maximè, si vasa cuti supposita à causâ conrundente ad durum os subiectum atterantur; unde ram vasis & subitii tumores fiunt, dum caput duro obstaculo impingitur. Sed humores sic ruptis vasis effusi, integrâ cute coerciti, in membrana cellulosa accumuluntur, flagnant, ideòque coagulantur; tandèmq; putrescere possunt, licèt hoc tardius fiat; si nullus aeri externo accessus detur. Varia quidem inde oriri possunt damna, quæ tamen inprimis referri possunt ad sequentia.

**ECCHYMOSES.** Est effusio humorum extra vasa sua sub integumentis, cuius definitio habetur apud *Eginetam*. (a) *Carne contusa à quodam gravi illapso, & parvis in illa venulis divulsis sanguis profunditur per diapædesin: qui ubi colligitur sub cute, facit illud, quod vocatur ecchymoma. Non divulsa cute sic ut humor mollis tactui ædens sequatur, lividus & indolens ut plurimum.* Sic & *Galenus* (b) ecchymosin esse dixit, quando sanguis in spatia quæ vasis circumjacent, effunditur. Et alibi (c) *Quum contusa caro in eam, quæ sub cute est, regionem, sanguinem suffundit. . . . hic affectus suffusio (ινχυσις) vocatur.*

**ANEURYSMA SPURIMUM.** Quando nempe, majori arteriâ læsâ, magna copia sanguinis effusa in panniculo adiposo sub cute colligitur: de quo vide *Commentaria* §. 178. Unde minoribus vasis ruptis, si modica copia sanguinis sub cute integra colligatur, dicitur ecchymosis; si autem insigni vase fracto distendatur cutis sanguine extravasato, vocatur aneurysma spurium.

**SUGILLATIO.** Quando minuitur, vel & integre ferè tollitur, pressio atmosphæræ in superficiem corporis in quodam loco, sive sugendo hoc fiat, sive cucurbitis impositis; sanguis in hæc loca minùs pressa ruit, vasa distendit, & ingreditur minora vasa dilata, in quibus naturaliter non erat sanguis ruber, & in his vasis impactus hærens sæpe retrogredi nequit; hinc macula rubra, livida, imò sæpe ferè nigra fit. Unde sugillatio dicitur talis macula post suctum partis cuiusdam relicta. Dum verò v. gr; malleo percutitur pars corporis, vasis sanguineis compressis subitò per hunc ictum, poterit sanguis pelli in serosa & lymphatica vasa, & talem maculam facere colore mutato insignem. Differret ergo sugillatio ab ecchymosi, quòd in ecchymosi ruptis vasis sanguis in vicina spatia effunderetur, in

(a) Lib. IV. Cap. xxx. pag. 66. vers.

(b) Aphor. Sect. VI. n°. xx. Charter, Tom. IX. Part. II. pag. 259.

(c) Lib. de Medici Officina, Comment. III. Text. xxxi. Charter, Tom. XII. pag. 98.

fugillatione autem sanguis validâ pressione ingreditur vasa aliena, integra tamen; unde etiam fugillatio potius in vicinia, quam in ipso loco contuso, hæret. Patet autem facili, ecchymotin & fugillationem sæpe se mutuo comitari post validas contusiones, unde etiam frequenter apud Auctores hæc vocabula confunduntur.

**ULCUS, GANGRÆNA.** Si nempe humores effusi, stagnando corrupti, vicina inflammant, vel erodant. Imò aliquando, dissentâ nimis ab effusis humoribus cunicâ cellulosa, nascitur suffocatio; unde gangræna & pessima putredo sequi possunt.

**CARIES.** Si nempe mala recensita ad os usque perungere potuerint.

**INGLANDULIS SCIRRHUS, CANCER.** Cùm ex Anatomicis constet, glandulas innumeris arterioliis constare, quarum variâ dispositione ab arterioso sanguine separatur tenuior liquor, qui collectus per illarum emissaria exit, patet, contusione læsis his partibus, sic posse destrui hæc vascula, vel comprimi aut obstrui glandularum emissaria, ut liber denegetur exitus secretis per arteriosam glandularum fabricam humoribus; unde stagnatione, & liquidioris partis exhalatione vel resorptione in minimas venulas, nascitur inspissatio liquidi secreti, & fit tumor durus, vix resolubilis, indolens, quem scirrhum vocaverunt Medici: cui tumori jam inveterato, durissimo & scabro, si dolor accesserit, cancer dicitur.

§. 325. **LÆDIT** sæpe c a, tuncque sequuntur descripta (249. 250. 251. 254. 256. 257.), & medullæ læsio, unde ulcera, fistulæ caries, putredines; hæbet se enim medulla in ossibus, ut cerebrum in cranio (273. 274.).

Quando contusio ossa ipsâ affecerit, vasa, quæ inter lamellas, ossis fabricam constituentes, decurrunt, possunt comprimi, vel & penitus destrui; unde vitalis influxus humorum in has lamellas tollitur: quæ ergo mortuæ separari debebunt à vivis partibus subiectis. Poterit jam hoc malum sensim prosperare per totam ossis substantiam, uti explicatum fuit in paragraphis hinc citatis, quando de læsione variorum calvariæ ossæ agebatur.

**ET MEDULLÆ LÆSIO, &c.** Maximè metuendum hoc malum in ossium contusionibus: majorum enim ossium cavis medulla reconditur, similisque substantia inter cellulas osseas dispersa hæret. Uti autem cerebrum osseo tegmine turò defenditur, sic & medulla in cavo osse latet: cerebrum peculiari membranâ tegitur, piâ matre nempe, quæ vasa ejus substantiam ingressura excipit & ordiunt; ita etiam medulla tenerriam tegitur membranâ, in similes usus. Vasa piæ matris arteriosa, depositis suis tunicis crassioribus, tenerrima apparent: idem & in vasis & medullæ substantiam pergentibus verum est; sic ut medullam, ex osse femoris annosi bovis desumptam, digitis facillimè in oleosum quasi liquamen quis conterere possit, licet innumeris arteriis irrigari hanc medullam constet. Uti jam fîsso, fracto vel contuso cranio, vitia nata ab effusis humoribus, vel iisdem corruptis, ipsum encephalon inficere poterant, sic etiam ossis læsiones ipsi medullæ contentæ nocere poterunt. Sed validâ concussionem capitis, integrâ quamvis manentæ calvariâ, tenerrima encephali vasa destrui poterant; idem & in medulla obtinere facili patet, si os medullam continens valido percussatur ictu. Ubi autem medullæ vasa tener-

rima vitio tegentis ossis his communicato, vel aliâ quacunque causâ læsa fuerint, stagnabit oleum medullare fractis vasis effusum, rancidam pessimam acrimoniam acquirere, vicina omnia erodet, os ipsum cariosum reddet; unde ulcera pessima & vix sanabilia, fistulæ pertinacissimæ non curabiles, nisi depurari possit medullosum illud corruptum; putredo oleosa pessima omnia depascens, & infinita alia mala nascentur, de quibus postea dicitur in morbis ossium, § 326.

§. 326. **TUM** aliquando musculos, unde validæ suppurationes, gangrænæ, paralyses, contracturæ. Si autem magnos nervos, qui multos emittunt ramos, corrumpit contusio, tum paralysis, atrophia, insensibilitas, atque certa fiet, nec curabilis ullâ Arte, gangræna inferiorum, quæ inprimis vera de spina dorsî, ejusque contenta medulla.

**MUSCULOS.** Constat hodiernâ Anatome, musculum quemcumque visibilem posse separari in minores fibrarum muscularium fasciculos, neque hactenus etiam per microscopia inventus fuit finis: nunquam enim singularem muscularem fibrâ quis vidit, semper tantùm plures fibres collectas simul. Fibrarum muscularium illi fasciculi membranâ tenui cellulosâ investiuntur, quæ subtile pingue in se habet lubricandis his fibris interveniens. Arteriæ autem numerosissimæ inter fasciculorum horum interstitia, & in membrana cellulosa, illis interpositæ, decurrunt; uti injectiones *Ruyfchianæ* demonstraverunt, sic ut ferè totam musculi substantiam constituere videantur. His arteriis similes venulæ comites per musculi substantiam disperguntur, uti & nervi. Musculo ergo contuso, frangi poterunt hæc vasa, effundi humores, in membranz cellulosæ cava, ibi colligi, & vasa vicina comprimere: poterunt extravasata liquida corrumpi, & acrimoniam acquisitâ rodere illas partes, quas tangunt; unde inflammatio, suppuratio, gangræna & reliqua inde oriunda mala fieri poterunt. Suppurationes autem ab hac causâ ortæ omnium pessimæ sunt, quia pus factum in membrana tenerima cellulosa, musculares fibras investiente, miras vias inveniet, & per omnes anfractus hujus membranz prorepere poterit, sicque pessimos sinus & fistulas facere. Accedit, quòd per diurnam suppurationem consumptâ tunicâ hæc cellulosa, quæ fasciculos fibrarum, & sortè ipsas fibras ultimas musculares, à se mutuo distinguit, hæc concrecent inter se; unde tollitur libera expansio harum fibrarum per illas causas, quæ musculos agentes distendunt, depravabitur muscularis actio, vel & integre tollitur. Sed & ipsæ fibræ musculares, propriè sic dictæ, validâ contusione poterunt destrui; unde motus muscularis, harum fibrarum integritatem requirens, cessabit, & fiet paralysis musculi, id est, impotentia exercendi motûs unâ cum musculi affectû flexili laxitate. Sed etiam poterit inde oriri contractura, quando per validam suppurationem destructâ membranâ cellulosâ, fibras musculares distinguente, illæ concrecent inter se, & tenuissimis etiam humoribus impervizæ fiunt: unde sensim accurrantur, & nullâ vi amplius distrahi possunt: hinc membrorum contracturæ mirabiles fieri poterunt; uti etiam ex eo, quòd musculi cujusdam actione destructâ, ejus antagonista prævaleat, & membrum, cui affigitur, versùs suam originem trahat continuò, unde illud tandem obrigescit: & ideo toties diurnam paralysis contractura sequitur.

Ubi autem à contusione quædam fibræ musculares ruptæ fuerunt, sic tamen, ut inde actio musculi non tollatur, tunc videtur adesse illud malum, satis dolorificum, quod veteres Medici (σώμα) vulsionem, vel & (ήρμα) rupturam dixerunt. Galenus de contusione agens dicit (a) Patet autem ex illa venas una cum carne in suffusionem (συσφύμασις) generatione dividi. Vulsiones (σώματα) autem oriuntur in musculorum fibris, ubi amplius extensæ sunt, ut nonnullæ rumpantur, quos affectus juniores Medici rupturas (ήρματα) vocitant. Horum tamen primus Hippocrates memor, &c. Rupturas autem illas sic descripsit Hippocrates (b) Quibusdam autem, cum imbecilles in carnibus aut venis vulsura factæ fuerint, non suppurantur, sed diuturni fiunt dolores, & ruptiones (ήρματα) vocantur.

Et in fine ejusdem capituli addit sequentia (c) Fiunt etiam vulsiones à laboribus, à casibus, à plagis, & si quis onus majus tollat, & à cursibus ac ludis, & ejusmodi omnibus. De his etiam videtur dixisse in Coacis Prænotionibus: (d) Vulsiones omnes quidem molestæ sunt, & dolores in principio intentos inducunt, & postea quoque aliquos commonefaciunt. Verum difficillimæ sunt circa thoracem, & maxime periculosa. Notandum, quod in versione σώματα reddiderint Convulsiones, sed malè uti videtur, cum σώματα hæ vocentur. Difficulus autem adunari iterum divisas sic musculorum fibrillas, monet Galenus (e) Hæc enim erat ejus opinio, quod satis facile coalesceret rupta caro, si ecchymoma citò discuteretur; ubi verò longiori tempore hoc fieret, tunc sordes collectæ inter fibras divulsas se interponerent, & impedirent adunationem. Unde à majori fatigatione, febre, alimentorum minus debita concoctione, & similibus causis, recrudescerebatur dolor. An non tale quid adesse videtur, dum post validos nixus, pondera graviora in altum sublata, &c. dolores acerrimi & subitanei oriuntur, qui sæpe diutissime torquent, & à minimo motu corporis exacerbantur? Certè talibus doloribus absolutam corporis quietem summum remedium esse, constat Experimentis: & in pectoris aut dorsi ruptionibus curandis jussit Hippocrates (f), ut per annum à labore abstinerebatur: & alibi (g), postquam hoc malum ab immodico labore fieri dixerat, monet, quietem corporis summo opere necessariam esse; aliter enim morbus revertitur, tuncque magis quàm ab initio, lædit.

SI AUTEM MAGNOS NERVOS, &c. Si considerentur nervi in sua origine ex medulla oblongata, vel spinali, patet illos mollissimos esse. Si spectentur in illis locis nervorum extrema, ubi involucri suis depositis constituunt illud organum corporeum, à cujus mutatione per objecta externa novæ nascuntur per sensus in mente idææ, quàm tenera apparent! Mollissima nervi acustici pulpa, retina oculi statim collabens in mucum informem, nisi æquabili pressione liquidi ambientis sustineatur, evidentissimè hoc docent. Tenerrima autem hæc flamina nervosa ex loco suæ originis ad extremas etiam corporis partes tuto deferuntur tenacibus vaginis defensa. Si ergo nervus major in hoc itinere contundatur, poterit lædi, imò destrui pulposa illa mollissima substantia, licet involucri nervi appareant il-

(a) Lib. de Medic. Officina Commen. III. Text. xxxi. Charter. Tom. XII. pag. 98.

(b) De morbis Lib. I. Cap. viii. Charter. Tom. VII. pag. 541.

(c) pag. 542.

(d) N°. 425, Charter Tom. VIII, pag. 877.

(e) Méthod. Medend. Lib. IV. Cap. ultimo Charter, Tom. X. pag. 102.

(f) De morbis Lib. II. Cap. xxiv. ad cal. cem. Charter. Tom. VII. pag. 576.

(g) De Internis affectionibus Cap. ix. Charter. Tom. VII. pag. 644.

læsa; adeoque tolli omnes illæ functiones, quæ à nervorum, in majori hoc nervo collectorum, integritate pendent. Patuit hoc in Experimento *Valsalvæ*, citato in *Commentario* §. 276. n°. 5. Dum enim cani nervos cardiacos nō contrinxit acutè, & mox iterum solvit ligaturam, periit hoc animal post aliquot dies eodem modo, ac si nervi illi abcessi fuissent; & post mortem tamen nulla sensibilis læsio in his nervis apparuit. Ligatura nempe sic compresserat ipsam pulposam nerveam substantiam, ut liber spirituum influxus per hos nervos penitus interceperetur.

Quare autem post nervum majorem destructum, & inprimis sic læsâ medullâ spinali, sequatur nullâ Arte curabilis gangræna, dictum fuit in *Commentariis* §. 162; & ibidem casus memorabiles allegati fuerunt, qui hanc rem confirmant.

§. 327. **I**MO sæpe ipsa viscera corrumpit; tumque horum inflammatio, suppuratio, gangræna, scirrhus, functio læsa.

Quanta mala fiant aliquando post validas capitis contusiones, ipso cerebro etiam inde læso, dictum fuit in vulnere capitis *Historia*. Pectoris cavis contenta viscera tutò reconduntur arcuatis costis, sternò, & spinâ dorsi, undique defensa. Tamen mirabilis casus, §. 323, recensitus, docuit, aliquando à contusionibus & hæc viscera lædi posse, dum costæ fragmentum extimam pulmonis membranam laceraverat; unde mirabile illud emphysema, & mors sequebantur. Abdominis viscera facilius contusionibus lædi possunt, cum mollibus tegumentis pro maxima sui parte tegatur abdomen; lien tamen, & maxima hepatis pars, costis spuriis defenduntur. Contusionibus tamen validis hæc viscera aliquando fissa fuisse, cum morte subita inde sæcuta, patuit *Observationibus Medicis recensitis* §. 170. n°. 3. Neque hoc mirum videbitur, si consideretur, hepar & linem adeo tenera esse, ut non nisi cum prudentia possint integra eximi de cadavere. Unde validæ abdominis contusiones toties adeo subito lethales fuerunt. Narrat *Paræus* (a), quòd, dum bini pugiles certarent, quorum unus parvæ staturæ, sed robustus & quadratus, alterum procerum valde in terram projiceret; ille iratusprehendit postea adversarium, & cubito cordis scrobiculo innitens toto pondere sui corporis, proslernens miserum occidit illico. In cadavere copia maxima sanguinis effusi inveniebatur in thoracis æquè ac abdominis cavo. Innumera apud Auctores occurrunt *Observata*, quibus constat, validis contusionibus sic læsa fuisse varia viscera, ut inde mors vel pessima mala secuta fuerint. Frangi enim sic possunt vasa, & effundi humores, qui extravasari & corrupti vicinas partes rodendo iterum pessima mala excitare poterunt. Inde enim inflammatio & omnes ejus sequelæ, suppuratio nempe, gangræna, &c, sequi poterunt. Et cum à vasorum integritate, & debito fluidorum per hæc motu, omnes viscerum functiones pendeant, patet iterum, & illas lædi, imò integre aboleri posse.

(a) *Œuvres d'Ambroise Paré, Apologie & Voyages*, pag. 783.

§. 328. **EX** quibus ( 322. 323. 324. 325. 326. 327. ) facilis est explicatio tot mirabilium & miserabilium malorum quæ ex contusione ( 321 ) sequi solent, prædici possunt, tam acuta, quàm chronica, certè infinita.

Si jam illa, quæ dicta sunt §. 322, de contusionis idea, uti & effectus inseparabiles omnis contusionis recensiti §. 323, applicentur diversis corporis partibus, quæ contusione lædi possunt, patebit statim, quænam timenda sint mala; poteruntque illa turè prædici ex cognitis partium corporis fabrica & usu. V. gr; si quis lapsu impeerit duro obruso obstaculo hypochondrium dextrum, & paulò post insignis flavedo in oculis & cure appareat; cognoscitur, bilem retropressam sanguinis massam infecisse, vesiculæ ergo fellis regionem, & ipsùm hepar, contusione læsa fuisse. Si jam considererur, hepatis substantiam adeo teneram esse, ut spongiam sanguine plenam referat, summus metus est, ne fractis vasis in cavum abdominis sanguinis magna copia effluat; unde convulsiones, animi deliquia, & mors ipsa sæpe brevè sequetur. Si verò levius malum fuerit, & minora tantùm per hepatis substantiam dispersa vasa fracta sint, effusi humores premendo vicina vasa, vel corruptelâ natâ rodendo, poterunt inflammationem, suppurationem, scirrhum, &c. in hoc viscere producere, unde lenta, post summas misérias toleratas, mors sequetur. Si valida contusio lumborum regionem læserit, & mictus cruentus sequatur, novimus renum vascula fracta esse; unde iterum pessima fient sæpe mala. Sanguinis enim coagulati thrombi, in pelvis & ureteris angustias delapsi, poterunt intercipere omnem transitum urinæ ex renibus in vesicam; unde renum inflammatio, ischuria, &c. sequentur. Imò parvulus grumus sanguinis hic relictus basim poterit dare, cui circumaccrescet calculus, unde iterum nova malorum origo. Si jam cogitetur, in aliis visceribus idem malum accidere posse, patebit facillè, innumera sequi posse mala, quæ vel citò necabunt, effusis humoribus, vel destructâ fabricâ partium, quarum integritas ad vitam absolutè requiritur, aut læsis functionibus quibusdam vitæ quidam manebit, sed à sanitate multùm deficiens; unde chronici quàm maximè & sæpe simul nullâ Arte superabiles, morbi orientur. Tristis casus hoc docuit in strenuo belli duce, cui, dum feroci vectus equo in adversos ruit hostes, accidit, ut equus vulneratus subitò se erexerit; unde ephippii nodus validissimè ventriculi regioni allidebatur. Statim sequebatur copiosus sanguinis vomitus; cùmque nobilis vir non satis ferveret moderatum vitæ regimen, & strenuè debaccharetur, imò omnino negligenter tam grave malum, diu quidem supervixit, sed totâ vitâ enormes dolores ventriculi passus fuit, postea vomitum molestissimum, dysenteriam, &c, donec tandem tot miseriis mors finem imponeret. In cadavere hepatis magna pars, & totum pancreas cancrosa inventa fuerunt. Sic pessima mala fiunt à testiculorum contusionibus. Vidi testem scirrhosum ab hac causa factum, imprudenter dein emollientibus & suppurantibus tractatum in tam enormem molem excrevisse, ut scrotum unâ cum testiculo incluso, genu ejusdem lateris proximè attingeret; qui deinde horrendo cancro exedebatur, & post diras calamitates mortem induxit in corpore cæteroquin sanissimo.

§. 329. **COGNOSCITUR** præsens, simulque detegitur affecta pars. 1. Conspectu, tactuque. 2. Effectu doloris, stuporis gravitatis, coloris mutati in rubrum, fuscum, plumbeum, nigrum, flavum, viridem, hæmorrhagiæ, gangrænæ, ( 323. 324. 325. 326. 327. ) 3. Comparatione causæ motæ, figuratæ, cum parte læsa.

In hac paragrapho agitur de illis signis, quibus cognoscitur, contusionem adesse, & simul detegitur pars affecta.

1. Fractis enim vasis sub cute integra, effusi humores panniculum adiposum replent & distendunt, unde tumor & mollities partis contusæ conspecta & tactu deteguntur, omnium maximè in capitis contusionibus, quia durum calvarie os superpositum facit, ut effusi humores cutim magis elevent, unde tam enormes sæpe à contusionibus tumores hic tam subitò oriuntur. Quod eleganter expressit Terentius (a), ubi pro meritis suis pessimè ab adolescente mulctatus leno dicit:

—————omnes dentes labefecit mihi !  
Præterea colaphis tuber est totum caput,

2. Dolor ferè in omni contusione adest: ubi autem validissima contusio ferè destruxit omnia vasa, tunc vel nullus, vel admodum obtusus dolor est; sed tunc adest stupor & gravitatis sensus in parte affecta, quæ denotant nervos sentientes in parte contusa destructos esse, vel ab effusis humoribus, aut à causâ contundente sic compressos, ut non sentiant. Cum autem sub cute, plerumque integrâ, colligatur effusus sanguis, mutatur color partis contusæ pro varia quantitate effusi cruoris, uti & pro vario tempore elapso post contusionem factam. Levem enim contusionem ruber color sequitur, minoribus vasis fractis pauculum sanguinis fundentibus; qui tamen post aliquot horas jam magis obscurus fiet & ad nigredinem verget. Post validam contusionem sæpe citò partis affectæ color mutatur in plumbeum, lividum, imò sæpe nigrescentem, dum concretus cruor sub integra cute, magnâ copiâ, hæret. Et licet in initio ruber color fuerit, tamen postea difflata vel resorptâ parte tenuissimâ sanguinis extravasati, residuum nigrescit. Nec tamen nimis terrere debet plumbeus ille & lividus color partis contusæ; non enim semper gangrænæ est indicium: quod faciliè distinguitur, quia, si à gangræna pars livescat, frigus, & elevatæ epidermidis bullulæ ichore plenæ, discrimen faciunt. Ubi concretus cruor incipit resolvi sensim & dissipari, tunc plumbeus ille vel & niger color sensim dilutior fit, incipitque in rubedinem vergere, & circa margines loci contusi flavus, vel & leviter viridescens color, apparet, parte rubrâ sanguinis sensim resolutâ & dissipatâ: quod designat, extravasatos humores & concretos incipere dissolvi. Notum est, dum sanguis de vena mittitur hominis sani, quòd paulò post separetur in binas partes, serum nempe limpidum flavescens, & partem rubram concretam huic sero ianatanem. Si omne serum effundatur, post paucas horas iterum notabilis copia apparet, immixtâ sensim parte rubrâ concretâ, & in serum deliquescente: sic ut, sæpius est

(a) Adelphi. Act. II. Scen. III. versu 36.



fundendo serum, tandem tota pars rubra concreta ferè evanescat. Idem videtur & hic obtinere in contusionibus, quòd nempe concretus cruor sensim resolvatur in serum tenuius, unde illa mutatio coloris in loco contuso, quando incipit fieri attenuatio & dissipatio extravasati sanguinis. Pulchre hoc natavit *Hippocrates*, ubi de calcanei fractura agit. Inter optima enim signa, & quæ omnem metum recidivæ tollunt, numerat, (a) *sanguis suffusus* (αἷμα ὑποκείμενον), *nigrities*, *proximæ partes subvirides sunt*, *citra duritiem*; quod idoneum testimonium est ubicumque sanguis transfunditur, &c.

Nisi autem simul satis patulo vulnere cutis divisa fuerit rarò contusionem valida hæmorrhagia sequitur: sanguis enim fractis vasis exiens, in panniculo adiposo collectus, grumescit, & viam occludit sanguini egressuro. Sed si viscera, vel vasa majora, contusione læsa fuerint: poterit ingens copia sanguinis in cava corporis ire: uti v. gr; si hepar sic læsum fuerit: sed tunc pallor, frigus extremorum, debilitas summa, syncope, &c, internam talem hæmorrhagiam satis designant. Ubi autem per validam contusionem sic destructa sunt omnia vasa in parte quadam corporis, ut omnis influxus & effluxus humorum in hac parte tollatur, tunc gangræna adest, sive mors partis.

3. Si novimus corpus durum, obtusum, motum, impegiisse parti corporis, vel partem corporis motam offendisse ad durum obtusum tale obstaculum, scimus contusionem adesse. Unde & vulnera, nisi acutum fuerit instrumentum vulnerans, sæpe comitatur contusio. Simul & indolens & situs partis læsæ consideranda sunt: sic v. gr; viscera thoracis non faciliè contusionibus læduntur, viscera abdominis verò faciliùs, &c.

§. 330. **ET** béne scitur 1. Internam, magnam nobilium viscerum contusionem curatu impossibilem, morborum causam & mortis esse, 2. Ossium valde periculosam, curatu difficilem, inprimis circa juncturas, & medullam, 3. Cranii pessimam, ut *Historia præmissa* docuit, ob viciniam cerebri; 4. Glandularum majorum, ad aures, axillas, mammas, pancreas, inguina, uterum, minitari scirrhus, cancros, & mala inde sequentia.

Quænam prognosis ex cognita parte læsa per contusionem habeatur, patet per sequentia.

1. Vel enim fractis vasis lethalis nec compescenda hæmorrhagia sequetur, vel contusæ partes debebunt suppurando separari à partibus sanis, uti *Hippocrates* in loco allegato in *Commentariis* §. 323, monuerat; sed à suppurationibus internis viscerum tabes frequentissimè oritur, quæ lentà morte miseros perimit. Præterea, cum singula viscera suam symbolam conferant ad sanitatem perfectam, post suppurationem sæpe sic turbabitur visceris læsi functio, ut vita quidem supersit, sed morbofa, & misera. Cum autem tales læsiones per contusionem inprimis in hepate & liene frequentius obtineant, ob friabilitatem magnam horum viscerum, patet, faciliè, pessima quævis expectanda esse, & curam fore difficillimam, imò ra-

rimis integræ sanitatem restitui posse, cum ferè semper scirrhusi quid remaneat totâ vitâ, quod functionem visceris læsi turbabit.

2. Fractis enim vasis, quæ ossis lamellis vitam & nutrimentum præbent, illæ moriuntur & separari debent. Si verò fiat talis contusio in majoribus inprimis ossibus circa juncturas, nulla ferè separatio sperari potest; in his enim locis lamellæ ossæ à se mutuo secedunt, & cellulas formant, in quibus vasa numerosissima sanguinea, uti & talia, quæ oleum tenuissimum continent; quæ ergo destruentur, & effusi humores stagnantes pessimè corrumpentur: unde caries ossis, & omnia, quæ inde sequi poterunt mala. Si verò medulla ipsa sic læsa fuerit, pessima mutatio in rancidam acrimoniam, ossis erosio, incumbentium omnium corruptio, &c, sequentur. Confer illa, quæ dicta sunt in *Commentariis* §. 325. Accedit, quod circa juncturas ossa contundi non possint, quin simul lædantur ligamenta, quæ ossa articulata nectunt; unde dolores summi, anchyloses, &c, fieri possunt.

3. De hac re dictum fuit in vulnere capitis *Historia*.

4. Confer illa, quæ dicta sunt in *Commentariis* §. 324. In omnibus autem locis hic recensitis insignes glandulæ locantur, à quarum contusione pessima mala sæpe sequuntur. Ex decem casibus scirrhus mammarum & cancer novies forè à contusione oritur. Vidi sic misèram mulierem, cui in eodem lecto dormiens filia cubito mamam contuderat, (dum somnolenta toto pondere corporis sui mamæ matris innitebatur, corpus circumvertere tentans) paucarum septimanarum spatio habuit totam mamam scirrhusam & mole immaniter auctam, quæ postea in horrendum cancerum degeneravit. Similia mala circa parotides, glandulas axillares, & inguinales observata fuerunt à contusione orta fuisse. Uterus verò in non imprægnatis mulieribus pelvi ossæ undique satis turè defenditur, unde non facillè contundi potest; sed in gravidis, supra ossa pubis fundo suo assurgens, facillè lædi poterit; uti & ab imprudenti Obstetricis contrectatione, vel & à partu difficili; post quem toties uteri scirrhi, in cancrosa ulcera degenerantes, observati fuerunt.

§. 331. **I**N curatione contusi semper tentanda resolutio, cavenda suppuratio, magis verò gangræna.

Cùm in contusione solidæ corporis partes attritæ & ruptæ sint, & liquida effusa occupent loca aliena, ad curationem requiritur, ut tollantur extravasati humores, & uniantur partes solidæ nunc separatæ. Omnium felicissimè hoc obtinebitur, si concretis humoribus reddatur fluiditas: tunc enim vasis bibulis resorpti movebuntur cum reliquis humoribus. Hæc vocatur cura per resolutionem. Suppuratio autem, si fieri possit, hic cavenda, quia semper sic multum de substantia partis contusæ perit, dum separatur omne illud, quod circulationis legibus obedire nequit amplius; unde turpes sæpe postea cicatrices remanent, & aliquando post validas suppurationes, consumptâ tunica cellulosa, muscoli tendinesque vicinis ac crescent paribus; unde illorum usus turbatur, vel & penitus aboleretur aliquando. Verum quidem est, non semper impediri posse suppurationem; sed hoc certum est, applicatis illis remediis, de quibus dicitur §. 333. 334. Sæpe resolvì posse talia, quæ iisdem non, aut tardius, applicatis in suppurationem certò tenderent. Facillè autem patet, longè magis vitandam esse gangrænam, quia per hanc vitalis influ-

xus & effluxus humorum in partem affectam tollitur; & postea totum illud mortuum per suppurationem à vivis partibus vicinis debet separari.

§. 332. **RESOLUTIO** fit, dum extravasatum aufertur sine ulteriori vasorum læsione.

Liquidum extravasatum tollendum esse generalis indicatio in omni contusione jubet: sed si v. gr; discisso loco contuso, exitus detur effuso cruori, non dicitur hæc resolutio, quia nova læsio facta fuit. Idem verum est, quando per suppurationem cura perficitur: tunc enim vasorum læsorum fines separantur, & cum liquidis effusis sub forma puris exeunt. Sed ad resolutionem requiritur, ut nulla fiat ulterior læsio, dum interim tamen extravasatum liquidum tollitur. Hoc est illud, quod Hippocrates vocavit exsiccare, & resorbere effusum sanguinem: (a) dum enim agit de illis malis, quæ sequuntur carnum contusionem circa costas, sine earundam fractura, postquam debita auxilia præscripsit, addit, idoneam ligaturam necessariam esse, *ἡς ἂν ἐκπαρῇ μὲν, & ἀναρῇ τὴν τῶν ἐκχύμματα, τὸ ἐν τῇ θλάσει γινώσκου.* Quomodo autem & per quæ hæc resolutio obtineri poterit, dicitur in sequentibus.

§. 333. **ID** autem contingit. 1. Id reddendo fluidum. 2. Laxando vasa vicina. 3. Agendo fluidum in vasa, ea evacuando, vel friendo.

1. Sanguis effusus extra vasa concrevit statim, sicque inepus fit ut per minima vasa sanguinea fluere possit, vel & venarum osculis resorberi. Primum ergo, quod requiritur, est, ut fluiditas concilietur concretis humoribus. Si enim possit illud extravasatum ad aquæ tenuitatem reduci, certissime dissipabitur, modò corpus cæterum sanum fuerit. *Carnes attrahit ex ventre, & intrinsecus dixerat Hippocrates (b)*, qui expirabile & inspirabile totum corpus esse agnoverat. Unde venæ bibulæ, in omnibus corporis cavis majoribus & minoribus patulæ, resorbent illud extravasatum; modò sic attenuatum fuerit, ut illarum oscula possit ingredi.

2. Omne illud, quod attenuatum jam resorbebitur, debet ingredi vasa minima venosa bibula; deinde deferri in majores ramos. Constat autem Experimentis certissimis, canales minimos ex vitro purissimo ad lampadem destilli factos, uno extremo suo immersos liquido cuicumque, illud attrahere in suum cavum; & quidem eò altius ascendere liquidum in hos tubulos, quò arctiores fuerint, ut etiam quò magis à perpendiculari versùs horizontalem lineam declinent, omnium maxime si deorsum descendat alterum extremum; tunc enim pondus liquidi adjuvat vim illam, quâ liquidum in hos tubulos trahitur. Simili actione videntur extravasati humores, priùs attenuati, tenuissimas fistulas venosas ingredi. Valvulæ autem, in minimis venulis lymphaticis visibilibus conspicuæ; efficiunt, ut liquidum his sustentatum non resistat liquido ingressuro. Sed canales flexiles eò facilius im-

(a) Lib. de articulis Comment. III. Text. xxvi. Charter. Tom. XII. pag. 97.

(b) Epidem. Lib. VI. Comment. VI. Text. 1. Charter. Tom. IX. pag. 140.

plentur, quòd latera eorundem minùs resistunt: hinc laxatio vasorum vicinorum efficit, ut tenuissimæ fistulæ resorbentes faciliùs tradere possint absorptum liquidum majoribus ramis venosis, quòd hic requirebatur.

3. Fluida sic resorpta tenuissimis fistulis venosis eò facilius pergent per majores ramos venosos, quòd minor est copia liquidi movendi, si reliquæ causæ sanguinis venosi motum promovescentes, maneat eòdem. Præcipuè autem illæ sunt adjacentium venis articularum pulsus, & muscularis motus: turgentibus enim musculis, dum agunt, comprimuntur venæ vicinæ, & pellitur sanguis per illas cor versùs. Si ergo moles movendorum minuitur, & causæ moventes maneat æquè validæ, pareat, celerius depleri venas, hincque faciliùs ingredi resorptum minimis bibularum venarum osculis fluidum. Experimenta autem hanc rem confirmant. Dum flagrante sub sole iter conficerent homines, squalidum corpus, & os aridissimum haberent, & ardentissimâ siti cruciarentur, mirabantur, post balneum, sitim extinguì, os humectari, & totum corpus molle ac humidum factum priorem deposuisse squalorem. Hoc Experimentum *Galenus* (a) adfert, ut probaret, totum corpus inspirabile esse. Per validos enim motus in magno aeris calore distillantur plurima de corpore; unde illud siccum & bibulum redditum avidissimè resorbet contiguam externæ etiam suæ superficiei aquam. An non etiam ob hanc causam, post magnas sanguinis jacturas, corpus repletur aquosis humoribus, dum venulæ minimæ absorbentes facillimè evacuare possint resorptos humores in vacuas venas majores? Interim vires debilitatæ, & minutus calor faciunt, ut tenue illud aquosum accumuletur in cavis corporis majoribus & minoribus, quæ in sanitate quidem spiritum, in morbis autem ichorem habent, ut dixit *Hippocrates* loco allegato in *Commentariis* §. 323. Fortè & inde deduci posset ratio, quare *Hidropici*, eductis omnibus aquis paracentesi vel alio quocumque modo, tam citò iterum tumeant, licet à potu abstinerint. Quamvis enim in cavis corporis hydrofici maxima copia aquæ collecta sit, tamen vasa reliqua collabuntur & deplentur, unde reliquum corpus descrefcit tantò plùs, quòd magis distenditur abdomen in ascite; idèòque magis bibulum fit.

Frictiones autem, leni compressione, inprimis in venas agunt, quia debilioribus tunicis instructæ sunt, quàm arteriæ; unde venæ deplentur: sed quia in omni frictione fit alterna pressio & relaxatio partium, ideo venæ, leni hac pressione depletæ, statim iterum implentur; unde per frictiones simile quid fit ac per evacuationes; venis nempe depletis facilis ingressus conciliatur fluidis absorptis per minima bibularum venarum oscula. Accedit quòd extravasatus sanguis & concretus per ipsam frictionem attenuetur & resolvatur. Si enim hominis sani de vena missus sanguis, jam concretus in aere aperto, teratur in mortario vitreo, iterum resolvitur in spumescens coccinei coloris liquidum. Unde summus usus frictionum in contusionibus sanandis patet.

§. 334. **HINC** larga missio sanguinis; mox data purgatio fortis, nec inflammans; somentum penetrans, laxans, resolvens parti impositum; frictio calida ad partem, interna resolutentia, sudorifera, diuretica, profunt.

(a) *Epidem. Lib. VI. Comment. VI. Text. 1, Chapter, Tom. IX. pag. 541.*

Recensentur jam hæc paragrapho efficacissima auxilia, quibus satisfieri possit indicationi curatoriz præcedenti paragrapho propositæ.

**LARGA MISSIO SANGUINIS.** Summum enim hoc est in omni contusione remedium, modò vires consent: unde & audacter institui debet, & repeti, si opus vidatur. Sic enim impeditur febris & inflammatio valida, hic quàm maxime metuenda. Tollitur enim sic crassissima liquidorum humanorum pars, ruber nempe sanguis, vasa deplentur, facilisque datur aditus tenuioribus liquidis ingressis. Simul etiam, per venæsectionem depletis majoribus venis, facillimè poterunt, minimæ venæ bibulæ absorptos humores majoribus ramis venosis tradere; unde promptior fiet dissipatio extravasati sanguinis.

**MOX DATA PURGATIO FORTIS, NEC INFLAMMANS.** Medicamenta, quæ purgantia dicuntur, non tantùm evacuare illa, quæ præexistunt talia in corpore, qualia excernuntur, sed solvere humores sanos, & solutos per alvum ducere, probatum fuit in *Commentariis* §. 201. Unde *Erasistratus*, & qui ejus opinionem sequebantur, optimè concluderunt purgationes esse (a) *evacuaciones unâ cum corruptione & alteratione eorum, quæ evacuantur.* Galenus quidem in alia opinione fuit; sed revera res se sic habere videtur. Sanissimo enim homini datum scammonium sic solvit humores sanos, ut fusi in aquam tenuem incredibili copiâ alvo excernantur; & si sæpius repetatur hujus medicamenti usus, totum corpus emaciatur, vasa collabuntur, & debilitas summa fit. Quæ omnia satis evincunt, non fuisse evacuata liquida morbose præexistencia, sed sanos humores; pharmaci vi solutos in aquam tenuem sætidam, exivisse de corpore. Per hæc ergo remedia deplentur vasa, & solvuntur humores; simulque quàm maxime bibulæ redduntur venulæ, in omni superficie interna æquè ac externa corporis hiantes, uti pulchro constitit Experimento. Adolescenti febricitanti accesserat diarrhœa, cum extremo stupore sensuum. Cùm nihil omnino ore haurire vellet, interimque febrili calore ardesceret totus, jussu Medici pedes ejus tepidæ aquæ immerguntur. Hoc factò, protinus mirum cernitur aquæ in vase decrementum, & deinde ejusdem vix coloratæ impetuosa per anum effusio (b). Unde patet, optimè satisfieri indicationibus primæ & secundæ numeri præcedentis paragraphi per purgantia talia: solvuntur enim humores, evacuantur vasa, & augetur vis illa, quâ bibulæ venæ humores contiguos absorbent.

Simul tamen notandum, non conducere in hoc casu illa purgantia, quæ majori motu excitato agunt, ut colocynthis, tithymali aut euphorbiæ succus & similia; sed illa tantùm, quæ efficacissima quamvis solvendi vi prædita sint, tamen sine tantis turbis excitatis effectum suum præstant; uti sunt scammonium, jalapa, senæ folia, &c., ex quibus variæ formulæ paratz in *Materia Medica* habentur.

**FOMENTUM PENETRANS, &c.** Hæret in loco contuso sub cute plerumque integrè effusus cruor coagulatus: ille fluidus reddi debet sic, ut simul putredo caveatur. Dum enim sanguis coagulatus acri aperto exponitur, sensim deliquescit; sed putrescit simul. Unde in his fomentis unâ cum vi resolvente requiritur etiam talis proprietas, ut omni putredini resistant. Sal ammoniacus, vel & marinus, in aquæ vigecuplo solutus, additâ quartâ parte vini & octavâ parte aceti, fomen-

(a) Galen. Libell. de purgant. Medicam. fac. 11. Tom. X. pag. 464.

(b) De Re Medica Dissert. IV. Thomæ Simplicis, pag. 183.

tum tale dat, quod calidè applicatum omnibus illis indicationibus responderet. Laxat enim ratione aquæ; sal, acetum, vinum optima resolventia sunt, & simul omnem putredinem arcent. Urina sani hominis, additâ aliquâ aceti quantitate, simile fomentum dat, quo felicissimè dissolvuntur tubera, à contusione capitis in juniori ætate adeo frequentia.

Posiunt etiam aquæ infudi plurima simplicia medicamenta, in quibus vis illa resolvens adest, & formula talis fomenti in *Materia Medica* habetur. Huic scopo etiam inservire possunt emplastra varia; pariter in *Materia Medica* ad hunc numerum recensita: quæ, dum tenacitate suâ cuti adherent, exhalans subtilissimum fluidum coercent, & reperiunt quasi ad partem, cui applicantur: unde pars affecta in proprii quasi vaporis balneo hæret, laxantur vasa; & his laxatis, aromatum his emplastris admistorum fragrantia se insinuat, unde sæpe pulcherrimi usûs sunt. Fomenta enim, nisi semper calida retineantur ad partem affectam, minùs profunt.

**FRICTIO CALIDA AD PARTEM.** Si nulla inflammatio, nec magnus dolor adsit in parte contusa, frictiones summum usum habent; sed blandæ. Leni enim hac agitatione atteritur concretus sanguis & dividetur, sicque aptus redditur, ut possit ingredi minima bibularum venarum oscula. Simul etiam venæ evacuantur: unde facilis iterum motus resorpti humoris per depletas venas; ut dictum fuit in *Commentariis* paragraphi præcedentis. Sic homini, cui à malevolis pessimè excepto tota facies contusa in tumorem elevabatur horrendum, unâ cum talibus fomentis, continuâ & levi frictione dissipatus fuit sine ulla suppuratione omnis ille tumor, & pristina rediit forma, quod vix sperari posse videbatur.

**INTERNA RESOLVENTIA, &c.** Illa, quæ partes olim fluidas, nunc concretas iterum reducant in illas moleculas, ex quibus concreverunt, vocantur resolventia. Inter hæc aqua calida præcipuum locum habet; partim quatenus diluendo se interponit inter massulas concretas; partim etiam quia aliorum solventium medicamentorum vehiculum est: de quibus videantur illa quæ dicta sunt in *Commentariis* §. 54. n°. 4. Præmissa ergo venæsectione, & purgantibus illis antiphlogisticis, quæ sine aucto multùm motu solvunt potentissimè, convenit quàm maximè largam copiam dare talium decoctorum, in quibus magna aquæ copia est; & simul talia, quæ leni stimulo vasorum actionem in fluida parum augent, ne iners aqua hæreat & accumuletur in corpore, eligendo simul talia, quæ putredine resistunt. Infusa hinc scordii, rutæ, marrubii, &c; decocta quinque radicum, lignorum trium fantalorum, &c, cum nitro & melle adeo profunt. Dum enim his\* calidè potatis assidub replentur vasa per venæsectionem & purgantia priùs depleta, & simul fomentis continuò applicatis loco contuso, & per frictiones, horum efficacia derivatur ad locum læsum (videantur *Commentaria* §. 134) totum sit, quod ab Arte expectari poterit. Omni enim tunc momento aqua calida, solventi virtute horum medicamentorum dives, alluit humores extravasatos, illos diluit, solvit, & aptos reddit, ut minimis venulis resorberi possint; sicque omne extravasatum auferetur sine ulteriori læsione, quod hic requirebatur. Cùm autem omnia hæc remedia, largâ copiâ sumtâ, soleant iterum diffili de corpore per diaphoresin, vel etiam per urinæ vias; hinc pro vario regimine hæc vel sudorifera, vel diaphoretica fiunt. Si enim in calida atmosphæra totum corpus hæ-

reat, uti v. gr; dum in lecto quis bene testo corpore decumbit, ab his excitabitur sudor: si verò frigidiusculo in aere versetur talis homo, plerumque ab his major urinae excretio solet sequi.

§. 335. **QUORUM** ordo, repetendi necessitas, magnitudo requisita noscuntur ex (334), & summo periculo.

Non in quavis contusione adhibentur omnia illa Artis molimina; leviores enim contusiones solis fomentis ex urina, sale & aceto, & similibus facillè sanantur. Sed ubi metus est validæ inflammationis, suffocationis & gangrænæ, tunc omnia illa auxilia adhibenda sunt. Incipiendum tunc à venæsectione, & satis largâ quidem: modo vires ferendo pares fuerint: deinde exhibentur purgantia illa, ut solutis humoribus, & debilitatâ vitâ, sic disponatur corpus, ut ab inflammatione & febre quàm alienissimum fiat. Ubi nondum minuitur his applicatis tumor, dolor, & inflammatio, audaçter repetenda sunt inprimis si contusio interiora corporis læserit: tunc enim à suppuratione summa metuuntur mala; vel postea, non bene curato tali malo, poterit manere insanabilis scirrhus; unde cancer & alia tristissima mala fieri poterunt. Ubi autem post hæc applicata incipiunt minui symptomata, tunc, si manibus ad locum affectum detur accessus, frictio summum remedium est, non prius; tunc enim ab extravasatis humoribus & inflammatae partes à frictione, inprimis rudiori, gangræna citissimè corripentur.

§. 336. **SIMUL** victus tenuissimus, minimèque putrescens, requiritur.

Requitur enim, ut omnes humores sint dilutissimi, & vita sustineatur, sed tam debilis, ut nulla inflammatio metuenda sit. Simul etiam, cùm extravasati humores sponte suâ in putredinem vergant, in victu eliguntur talia, quæ huic humorum degenerationi repugnant. Decocta hinc hordei, avenæ, oryzae, panis & similitum, lac aquâ dilutum, poma cocta, fructus horæi maturi inprimis hic commendantur; juscula carniū diluta, cum oryza vel hordeo cocta, addito succo citri, pariter profunt. Neque ullus metus est, debili tali nutrimento non posse sustineri vitam: corpus enim humanum quiescens levissimo etiam potest sustentari alimento. Hoc in se ipso expertus fuit celeberrimus *Boerhaavius*, dum acerbissimis rheumatismi doloribus excruciatu solo sero lactis per duodecim dies viveret; & tamen satis fortis maneret ad motus musculares peragendos, nisi dolor impedivisset. Cùm autem per venæsectionem & purgantia debilitatum fuerit corpus, non poterit tantâ efficacîâ agere in ingesta, illaque in naturam suam convertere: unde alimenta ingesta faciliùs sequentur suam naturam, & in spontaneam degenerationem inclinabunt. Quia autem putredo in extravasatis humoribus metuitur, ideo præcipuè in victu laudantur talia, quæ sponte suâ in acidum magis vergunt; & ob eandem rationem virantur carnes, ova & pisces. Acria autem omnia & aromata nocerent augendo motum circulatorium, quin in hoc casu pacatus & debiliior potius esse debet. In omnibus tamen illis respiciendum simul est ad anni tempestatem, læti temperiem sanam vel morbosam, consuetudinem,

&c; de quibus omnibus videantur illa, quæ dicta sunt in *Commentariis* §. 192. 193. 194. 195. 196.

Si omnia hæc dicta de victu & auxiliis Pharmaceuticis & Chirurgicis observentur, felix semper erit successus, si curabile malum fuerit. Reliqua illa iactata specifica remedia ad contusiones non tantam fidem merentur, ut his solis cura committi posset. Pleraque quidem sunt innoxia, & adhiberi possunt; modò non negligentur efficacissima modò enumerata auxilia. Sic hirci resectis testibus manantem cruorem sicari jubet *Helmontius* (a) illūque vult dari ex alto delapsis, ut contusione grumefactus cruor dispergatur. Sperma ceti, rubiz tinctorum decoctum, laudant alii, &c.

§. 337. **SI** verò ob magnitudinem resolvi non potest, & manibus accessus datur, scarificatio, apertura, suppuratio succedunt, simul actis, quæ dicta (§. 334). Si magnitudine mali pars jam mortua integra, aut & talis, ut inde certò prævideantur dolores intolerabiles, inflammationes, suppurationes, atrophiz, febres, extirpanda, si fieri potest (§. 464 ad 475).

Si tanta fuerit magnitudo mali, ut nullo modo sperari possit, extravasatos humores posse auferri sine læsione ulteriori vasorum, superest unicum hoc, si manibus accessus detur ad locum contusum, ut apertura facta detur exitus effusis humoribus; & benignâ suppuratione depuretur locus, & ad conditionem vulneris puri redigatur. Nisi enim hoc fiat, extravasati humores, premendo vicina vasa, inflammationem, imò suffocationem omnis vitalis motus, id est gangrænam, facere poterunt. Si verò corruptela simul accesserit, pejora adhuc sequi poterunt mala. Locus tunc contusus integre discinditur, vell lanceolis scarificando pluribus locis pertunditur, ut via pateat libera extravasatis humoribus: partes tunc vivæ suppositæ, hæc pressione liberatæ, separabunt & expellent omnia illa, quæ per contusionem sic destructa fuerunt, ut circulationis legibus obedire amplius nequant. Inprimis autem hoc fit, si magna mala metuenda sint à partium vicinarum inflammatione, aut erosione, ut dictum fuit in vulnerum capitis Historia §. 243. 244. 248.

Neque tamen in hoc casu negligenda sunt illa auxilia, quæ §. 334. enumerata fuerunt. Si enim nimis valida fuerit inflammatio in parte contusa, loco benignæ suppurationis gangræna nasceretur: unde venæsectio & purgatio antiphlogistica hic conducent summopere; uti & fomenta illa, quæ omnem putredinem arcant. Simul etiam tunc proderit, largam copiam decoctorum resolventium dare, ut omne illud, quod ex corruptis humoribus, vel ex pure hinc nato, bibulis venis resorptum sanguinis massam infecerit, per diaphoresim, vel urinæ vias, educatur de corpore. Uti enim constitit ex præmissis, posse extravasatum cruorem sic attenuari, ut reorbeat venis bibulis; sic etiam poterit pus, vel corruptus ichor, eadē viâ sanguini misceri, & pessimam cacochymiam producere; unde iterum varia malâ sequi poterunt.

Si verò per validam contusionem sic læsa sint maxima vasa, vel eò usque destru-

(a) *Ortus Medic. Caput. Pleura furens*, pag. 322. n°. 32.



cta fuerit partis fabrica, ut nulla amplius humorum vitalium circumductio per partem fieri possit, perfecta sit necrosis, & corrumpentur omnia. Unicum tunc superest, ut extirpetur hæc pars, & ita vita servetur. Cognoscitur hoc malum adesse, si nullus calor & nullus sensus in parte contusa supersint, licet profundis scarificationibus difsecetur, & brevi post natā putredine fœtor cadaverosus oriatur. Nisi tunc subito extirpetur pars affecta, proserpente sphacelo brevi pereunt. Qualis casus contigit peritissimo aurigæ, qui, dum habenis assuesfacere vellet indomitos equos, isdem in furibundum cursum concitatis de curru decidit, & crura rotis implicata miserimè contrita habuit; sic ut nullus amplius sensus vel calor in his partibus superesset. Cùm autem necessariam hic extirpationem admittere nollet, quartâ diē periit. Idem verum est, si validâ contusione ossa sic fracta sint, ut in minutas festucas dissilierint; quæ pungendo & irritando partes nervosas, dolores summos, inflammationes validissimas, & quæ inde sequuntur mala facere poterunt. Homini dextra manus ab illabente cado, vino pleno sic fuerat contusa, ut ossa metacarpi, quæ digitum annularem, medium, & indicem sustinent, penitus contrita fuerint, unâ cum musculis & vasis adjacentibus. Monebat celeberrimus Chirurgus, nil superesse nisi extirpationem partium sic contritarum; & secutura pessima symptomata, si hoc negligeretur. Noluit tamen vulneratus hoc pati, & licet selectissima applicarentur remedia; duorum triumve dierum spatio, dolores acerrimi, inflammatio validissima, tumor immanis, gangrænâ brevî futuram demonstrabant; extirpatis statim partibus illis, contusus, feliciter sanatus fuit (a). Quantum autem possit etiam in desperatissimis casibus intrepidus animus unâ cum summa peritiâ & dexteritate, docet sequens Historia apud eundem Auctorem (b). Capitaneo navis bellicæ, tristissimo infortunio, totum brachium ad humerum usque miserimè contusum fuerat, sic ut nullus omnino sensus vel calor in tota hac parte superesset; & quamvis verus sphacelus jam ultra humeri articulum proserpisset, jamque cadaveroso fœtore totum brachium corrumperetur, Arte suâ & ægroti magnanimitate fretus egregius Chirurgus certæ moti incertum remedium præposuit, & immediatè sub articulo partem extirpavit; idoneis dein remediis adjuta natura separavit reliquum, quod jam corruptum erat; & intra bimestre spatium incolumis ad suos rediit ex ipsis orci faucibus ereptus æger.

§. 338. **PLURA** tamen methodus dicta (331. 332. 333. 334. 335.) præstat, quàm credi ferè possit, quum natura egregiè separet sponte, attenuet, resolvat, dissipet, & expellat.

Non tamen facilè, etiam in gravissimis casibus, ad extirpationem veniendum est: Observata enim fidelissima docuerunt, sanata fuisse aliquando talia mala, de quibus omnino desperandum videbatur. Hinc videtur semper priùs tentanda esse methodus numeris hic citatis descripta; cùm hoc tutò fieri possit, & interim cognita sint in Arte talia remedia, quibus partes etiam mortuæ condiri, possint, ut non facilè proserpat nata jam putredo. Alliaria, scordium, marrubium, salvia,

(a) De la Motte, Traité complet de Chirurgie, Tom. III. pag. 247.  
Tom. I.

(b) Ibid. pag. 408.

ruta, &c, aquæ infusa, addito sale, aceto & vino, vel vini spiritu, dant somentum quod noctes diſſeque calidè applicatum omnem putredinem certiffimè prohibet; ſicque tutò per aliquot dies exſpectari poteſt, an fortè natura hic aliquam ſeparationem molitur, vel redeant in parte contuſa renaſcentis vitæ ſigna. Sic ſolebat hæc occaſione Auditoribus ſuis narrare celeberrimus Auctor, quodd nobilem Germanum, hujus Academiæ civem, hæc methodo curaverat; cui de curru excuſſio rotæ ſupra crura tranſeuntes miſerrimè confrugerant utriuſque cruris tibiæ & fibulam, cum horrenda dilaceratione partium vicinarum, licèt incipiens gangrænâ jam occuparet partes. Mirabile exemplum habetur in Obſervationibus Chirurgicis modò laudatæ Auctoris (a). Juveniſſe tam validè percutiebatur anterior dextri cubiti pars, ut à cubito ad carpum uſque ingens contuſio cum dolore intolerabile appareret: applicuit miſer parti contuſæ linteam ſpiritu vini madidum; ſed vix ullum levamen inde ſentiens, Chirurgum conſuluit. Cùm jam dolor in manu ſerè evaneſceret, circa cubitum verò augetur, manus affecta pallida apparuit, frigida omnino, & à digitis extremis cutis rudiùs attracta ſecedeſcit. Scarificationibus profundis lanceolâ factis in manu, nullus percipiebatur dolor, imò per manum tranſactâ lanceolâ ne quidem gutta ſanguinis exibat; & pergebat hæc inſenſibilitas & frigus ad mediam longitudinem cubiti uſque. Spiritu vini cum ſale & unguento Ægyptiaco ſolvebatur pars; ſimul applicabatur cataplaſma ex farina hordei, fabarum & lupinorum, additis aromatibus & vino, & his remediis calor & ſenſus redierunt ad carpum uſque, totâ manu adhuc manente frigida & ſine ſenſu; quæ tamen quinque dierum ſpatio nec ſorbebat, nec nigricabat. Scarificationibus de novo in manu inſtitutis inſillabatur oleum terebinthinæ; ſicque reliquis eodem modo applicatis per alios quinque dies, omnia manſerunt in eodem ſtatu; tuncque ſenſim calor & vita redierunt, & ſine exſtirpatione partis ſanatus fuit æger; ſic tamen, ut bini digiti contracti manerent, & reliquos difficiliùs movere poſſet. Cùm ergo in tam deſperato caſu pars contuſa adhuc ſervari potuerit, videtur prudentis Medici & Chirurgi eſſe, ut non, niſi omnibus aliis incaſſum adhibitis, ad exſtirpationem conſugiant. Si enim ſanguinis impetus per venæſectionem & alia auxilia ſic compeſcatur, ut nullus metus ſit inflammationis vel gangrænæ ab hac cauſa, & externè ſimul applicentur talia, quæ omnem putredinem arcere valent, tenuiſque ſimul diætâ & minimè putreſcens adhibeatur; magna ſpes eſt, poſſe ſeparari corrupta à vivis, & poſtea reſcreſcere perdita.



## OSSA FRACTA.

§. 336. SI unius offis partes vi à cohæſione ſolvuntur in magna fragmenta, Fractura dicitur.

Hactenus dictum fuit de ſolutione continuitatis in partibus mollibus corporis humani; ſequitur jam conſideratio ejuſdem mali, quando in offibus obtinet. Ubi

(a) De la Motte, Traité complet de Chirurgie, Tom. III. pag. 405.\*

autem in osse unitatis solutio est, recepto in Arte nomine Latini fracturam dixerunt, Græci *αἰσχυμα* (a). In cartilaginibus autem facta continui solutio proprium nomen non obtinuit, sed sub fracturæ nomine comprehenditur: saltem Hippocrates de fractura auriculæ agens (b), quæ tota cartilaginea est, idem nomen usurpat, dicens, *ἢ δὲ ὡς κατὰ τὴν*, &c.

Usu tamen receptum fuit, non quamcumque continui solutionem in osse fracturam vocare, sed illam tantum, quæ vi externâ fit, uti monuit *Ægineta* dicens (c) *In univèrsū autem fractura est divulsio ossis, vel ruptura, vel discissio à quadam vi externa facta*: sic enim fractura distinguitur à carie ossis. Præterea in definitione hac dicitur fracturam tunc vocari, si unius ossis partes à cohesione separentur; ut distinguatur à luxatione, per quam ossa, contigua naturaliter, separentur. Ut autem fractura à contusione distinguatur, quæ attritum solidorum supponit (vide §. 322), additur in definitione, fracturam vocari, si ossis partes in magna fragmenta solvantur. Tamen & apud Veteres ossium comminutio in minima fragmenta ad fracturam referebatur, modò, à vi externa fieret; tuncque vocabant hanc speciem fracturæ *ἀλφρίτιδες* (d).

§. 340. QUÆ si sola, & una, simplex; ubi multiplex, composita; si stipata vulnere, contusione, inflammatione, ulcere, pluribus fracturis, complicata vocatur.

Solent Chirurghi dividere fracturas in tres species; simplicem nempe, compositam, & complicatam. Simplex dicitur, quando os unicum uno tantum in loco fractum est, sine magna læsione partium incumbentium vel vicinarum. Ubi autem talis fractura contingit illis corporis locis, ubi bina ossa majora sibi mutuo accumbunt, ut v. gr; in cubito, si solus radius fractus fuerit, ulnâ illæsâ, tunc vocatur & hæc species fracturæ apud Chirurgos incompleta; quia non adeo multum mutatur situs partium, & eadem longitudo membri manet. Ubi verò ulna & radius simul fracti fuerint, vel & tibia & fibula in crure, solet vocari fractura completa, vel etiam composita: licet etiam videatur compositam fracturam dici posse, ubi unicum os pluribus in locis fractum fuerit. Ubi autem præter fracturam unius vel plurium ossium talia adfunt symptomata, quæ peculiarem curam requirunt, uti vulnus, ulcus, &c, tunc vocatur complicata; quia in curatione talis fracturæ horum comitantium malorum ratio habenda est. Facile autem patet, non dici posse fracturam complicatam, nisi satis valida talia mala adfuerint; non potest enim fractura fieri sine aliqua saltem contusione, & sæpe semper levis inflammatio fracturas sequitur. Unde tunc solet fractura complicata dici, quando hæc mala comitantia tanti momenti sunt, ut requirant alium apparatus & curandi methodum, quàm quæ in fracturâ simplici vel composita sufficerent. Sic v. gr; si insigne vulnus fracturam comitetur, non potest talis deligatio fieri, ac in fracturâ simplici, quæ sæpe per plures septimanas relinquitur, sed requiritur talis apparatus, qui sine periculo separationis ossis fracti & repositi solvi queat sæpius, ut vulnus curâ haberi possit.

(a) Galen. Method. Med. Lib. VI. Cap. v.

Charter. Tom. X. pag. 143.

(b) Lib. de Artic. Comment. II. Text. XLVIII.

Charter. Tom. XII. pag. 361.

(c) Lib. VI. Cap. LXXX. pag. 96. versâ.

(d) Ibidem.

§. 341. **QUIN** etiam pro vario situ fracturæ transversa, obliqua, longitudinalis audit; & ratione fragmentorum sibi innitentium; aut juxta latera sibi mutuò applicatorum, vel eminente spinâ emergentium, varia nomina, naturam, medelam accipit.

Pro vario autem fracturæ situ iterum varia nomina imponuntur. *Transversa* dicitur, quando sectione perpendiculari ad ossis longitudinem os divisum est. Hæc est illa fracturæ species, quam Chirurgi nostrates solent vocare *radysbreuk*; & simili vocabulo apud veteres Græcos designatur à fracti caulis similitudine καυλῶδὴν κάταγμα (a); ubi nempe transversâ fracturâ partes ossis fracti omnino à se mutuò separatæ sunt, & nullibi amplius coherant. Unde & apud *Æginetam* (b) talis fractura etiam παραισδὴν & σικυνδὴν à similitudine fractæ radiculæ & cucumeris dicitur. Hinc & vocabulum ἀποκαυλιδῆναι apud *Hippocratem* hoc sensu videtur usurpari, dum dicit (c) ὡς ἡ κάλαρ ἢ κάρυ γιάθου, ἢ μὲν μὴ ἀποκαυλιδῆ πατάσσει, ἀλλὰ συνίσχεται τὸ ὅριον, id est, si verò inferior maxilla frangatur, nec autem omnino transvertim fracta fuerit, sed cohzreat os, &c: ubi apparet manifestè, quòd τὸ ἀποκαυλιδῆναι, opposuerit τῷ συνίσχεται.

**OBLIQUA.** Quando nempe divisio ossis non perpendicularis est ad ossis longitudinem; sed ab hac illâve parte à perpendiculo declinat; unde major fracturæ superficies, & difficilior retentio fragmentorum, ubi reposita fuerint.

**LONGITUDINALIS.** Quando nempe secundum longitudinem os fissum est, unde potius fissura esset vocanda, quàm fractura; quia partes sic affecti ossis non omnino separantur à se invicem, sed veluti per rectitudinem finduntur: quod genus fracturæ Veteres ideo vocaverunt χυδακνδὴν (d), sive ossis divisionem secundum longitudinem (e).

**RATIONE FRAGMENTORUM,** &c. Possunt enim ossis fracti extrema in eodem situ remanere, quem naturaliter habebant, inprimis in fractura transversa: possunt etiam parum loco moveri, sic tamen ut sibi mutuò adhuc pro parte innitentur: possunt denique fragmenta penitus à solito contactu removeri, & ad latera utrimque delabi, quod ferè semper in fractura obliqua fit, & aliquando etiam in transversa. Denique si fragmenta acuta fuerint, possunt spinæ instar per integumenta emergere, quæ certè pessima fracturæ species est.

Omnia autem hæc sedulò considerari merentur, non tantum ut variis nominibus distinguantur fracturæ, verum etiam quia pro his fracturarum varietatibus diversa requiritur curatio, & meliùs in prognosi distingui potest, quænam inde metuenda sint mala.

(a) Galen. Method. Medendi Lib. VI. Cap. v. Charter. Tom. X. pag. 143.

(b) Lib. VI. Cap. lxxxix. pag. 96. versd.

(c) Lib. de Articulis Comment. II. Textu xxv. Charter. Tom. XII. pag. 341.

(d) Galen. Method. Medendi. Lib. VI. Cap. v. Charter Tom. X. pag. 143.

(e) Ægineta Lib. VI. Cap. lxxxix. pag. 96. versd.

§. 342. **EFFECTUS** ejus varii, pro varia indole ossis fracti, pro modo fracturæ vario, pro varietate fragmentorum quoad situm, figuram, numerum, magnitudinem, pro varietate denique loci, in quo, vicinorum, circa quæ, sit.

Effectus fracturæ primò est læsio omnium illarum functionum, quæ ab ossis integritate pendebant; deinde simul turbatur actio partium vicinarum, quæ à fragmentis ossis comprimi vel lædi possunt. Hinc facile patet, magnam posse esse malorum varietatem, quæ à fractura ut causâ sequuntur. Diversitas hæc primò pendet à,

**VARIA INDOLE OSSIS FRACTI.** Ossa v. gr; majora, ut os femoris; humeri, &c, cavum habent, in quo medulla reconditur; claviculæ, costæ, ossa carpi & tarsi non habent tale cavum medullâ plenum. Unde à majoribus his ossibus fractis sæpe medullæ læsio contingit, à qua pessima fieri possunt mala.

**MODUS FRACTURÆ VARIO.** Transversa enim fractura optima est, cum fragmenta sibi mutuo inniti possunt; obliqua pejor, quia facilius fracti ossis extrema juxta se mutuo delabuntur. Unde Hippocrates de clavicula fracta agens, monet, illam facilius curari, si in totum transversa fracta fuerit; (a) si in longitudinem, ægrius. Multum etiam auget curæ difficultatem, si valida contusio aut vulnus fracturam comitentur.

**PRO VARIETATE FRAGMENTORUM QUOAD SITUM.** Dum in fractura transversa ossis fracti extrema in eodem situ manent, non lædentur inde partes vicinæ: si parum ad latum divergant, sic tamen ut fragmentum inferius adhuc sustineat superius, non fient inde magna mala. Sed si fragmenta ex situ naturali remota juxta latera sibi mutuo applicentur, necessariò vicini musculi, tendines, &c; prementur, & longè major requiretur extensio; ut in situm naturalem iterum redigantur fracti ossis partes.

**FIGURAM.** Quò enim magis acuta fuerint hæc fragmenta, eò plùs lædent partes vicinas. Unde Celsus varia fracturæ genera recensens, dixit, (b) *Omne igitur, os modò rectum, ut lignum in longitudinem finditur; modò frangitur transversum; interdum obliquum: atque id ipsum nonnumquam reitusa habet capita, nonnumquam acuta, quod genus pessimum est; quia neque faciliè committuntur, quæ nulli reituso innituntur; & carnem vulnerant, interdum quoque nervum aut musculum.*

**NUMERUM, MAGNITUDINEM.** Quò in plura fragmenta os fractum dissiliit, eò majus periculum læsionis partium vicinarum; & difficilius reposita ossa in situ naturali retineri possunt. Quò majora fuerint fragmenta, eò facilius erit, cæteris paribus, curatio.

**PRO VARIETATE LOCII IN QUO.** Ossa majora in medio densissima sunt; circa juncturas, secedentibus lamellis ossis, cellulosam substantiam habent: si ergo circa juncturas os frangatur, non poterit hoc fieri sine destructione cellulose illius fabricæ; unde plurima mala ab humoribus extravasatis & corruptis nasci poterunt. Sed & ligamenta, quæ ossa articulata nectunt inter se, prope juncturas

(a) Lib. de Articulis Comment. I. Textu | (b) Medicin. Lib. VIII. Cap. viii. pag. 524.  
xliiii. Charter. Tom. XII. pag. 323.

inferuntur; unde & horum inflammatio & anchyloses sequi poterunt. Dictum luit in *Commentariis* §. 218. n°. 6, arteriam satis notabilem tibiz partem posteriorem & superiorem perforare, & sæpe ad pollicis longitudinem per ipsam ossis substantiam decurrere: si ergo fractura fieret in illo loco, ubi arteria in canali osseo hæret, posset funesta hæmorrhagia sequi, si simul cum fractura vulnus adesset; vel aliter, effuso sub integra cute sanguine, aneurysma spurium, & omnia, quæ inde sequuntur, mala fieri possent.

VICINORUM, CIRCAQUE. Si enim circa fracturæ locum insignes nervi, aut vasa arteriosa vel venosa, decurrunt, patet facile quantum periculum sit, ne hæc comprimantur, vel lædantur à fragmentis; imprimis si illa acuta fuerint. Plurima etiam mala metuenda sunt, si fracturæ loco tendines validorum musculorum affixi fuerint. De his omnibus in prima deligatione cogitandum est: unde minimè festinare debet in his Medicus nec Chirurgus, sed bene considerare locum fracturæ, & comparare cum optimis *Eustachii* Tabulis. Nisi enim tunc moneatur, quænam mala metuenda sint, omne damnum, quod postea sequetur, imputabitur illis, qui curæ præfuerunt. Si v. gr; osse humeri fracto prope humeri articulum, compressi vel læsi fuerint magni trunci nervosi hic decurrentes, poterit sequi paralysis, stupor, marcor, &c, quæ nullâ Arte superari poterunt. Sollicitè hoc monuit *Hippocrates* agens de illis fracturis, in quibus fragmenta per cutim emergunt, dicens: (a) Quibus femoris vel humeri os excessit, ferè non evadunt, sunt enim ossa hæc grandia, & medullosa: adde quod multa ac magna simul lacerentur, nervi scilicet, musculi ac vane. Quod si reponantur, solet nervorum distractio supervenire; si non reponantur, acutæ biliosæque febres cum singultu ac nigritie. .... Magis adhuc evadunt, quibus inferior pars ossis, quàm quibus superior excessit. .... Multum quoque refert an ab exteriori humeri femorisve parte ossa exceßerint: multæ enim & grandes venæ per interiorem partem feruntur, quarum nonnullæ vulneratæ hominem jugulant: per exteriorem verò pauciores incedunt. In ejusmodi igitur casibus periculi meminisse oportet, quod propriè circumstat, idque in tempore prædicere. Sic à fractis costis summa sæpe fiunt mala, dum fragmenta pleuram lacerant, imò aliquando ipsos pulmones lædunt; unde sæpe empyema, & inde nata immedicabilis phthisis sequitur. A fractura calcanei, cui validissimus tendo, *Achillis* dictus, accrescit, (b) sequuntur febres acutæ admodum, continentesque, cum tremore, singultu, mentis alienatione, quæ paucis diebus hominem præcipitant.

§. 343. PRIMARII ergo sunt destructio muneris fulciendi, sustinendi musculos & dirigendi eosdem; musculorum contractio, membri accurtatio, musculorum ex debito loco deturbatio, membri intorsio, ejusdem deformatio; periosteï externi, vasculorum cellulas occupantium, periosteï interni, membranæ medullosæ, medullæ ipsius laceratio, contusio, corruptio, luxuries vasculorum osseorum, unde calli inæqualitas, tumor, membrique deformatio, membranarum, tendinum, nervorum distractio, laceratio, irrita-

(a) Lib. de fracturis *Comment.* III. Textu XLVII. *Charter.* Tom. XII. pag. 257.

(b) Ibid. *Comment.* II. Textu XXIII, *Charter.* Tom. XII. pag. 201.

tio, compressio ( convulsio; vasorum vicinorum mutatio, destructio, obstructio, inflammatio, dolor, ecchymosis, marcor suppuratio, gangræna, mors partis & sæpe totius, contusio ferè semper.

Enumerantur hæc paragrapho præcipua mala, quæ ossium fracturas solent sequi.

**DESTRUCTIO MUNERIS FULCIENDI.** Dum pedibus insistimus vel incedimus, totum pondus corporis nostri ossibus femorum & crurum sustineretur; unde in rachiticis pueris nimis flexilia hæc ossa à pondere corporis innitentes incurvantur. Ubi ergo per fracturam ossium integritas sublata est, deficit statim illud fulciendi munus, nisi fractura transversa fuerit talis, ut nondum fracti ossis extrema locum mutaverint, sed adhuc sibi mutud insistant: breviter tamen positi, si in tali casu homo pergat movere partes fractas, fragmenta à contactu mutud removebuntur, & deficit fulciendi vis. *Parvus* (a) à calcitrante equo percussus, dum retrocedere nititur, ut evitaret ulterius malum, mox concidit, & sinistri cruris ossa utraque fracta, pondere innitentes corporis pressa, emerferunt non tantum per cutim, sed & ocream ipsam perforaverunt, cum intolerabili dolore.

**SUSTINENDI MUSCULOS, ET DIRIGENDI EOSDEM.** Pleque musculi nostri corporis ex osse oriuntur, & in os inseruntur: si sphincteres & musculares vasorum & viscerum fibræ excipiantur, vix reperiuntur musculi, quin saltem uno suo extremo ossi affigantur. Ossibus ergo fractis tollitur illa motus directio, & turbatur miris modis musculorum his ossibus affixorum actio. Dum patella, quæ tendini, ex musculus extensoribus cruris nato, accrescit, & hypomochlii instar hunc tendinem elevat & sustinet, frangitur, statim turbatur horum musculorum directio & efficacia. In reliquis verum est.

**MUSCULORUM CONTRACTIO, MEMBRI ACCURTATIO.** Noteverat jam suo tempore *Galenus* (b), musculis inesse hanc vim, ut sponte contrahatur illorum caro; neque illud pendere ab animali facultate musculum movente, probabat ex eo, quòd etiam post mortem; transversim dissecto musculo, utrumque extremum retrahi videret. *Vesalius* (c) in vivis animalibus Experimenta instituens hanc rem pulcherrimè confirmavit. Dum enim musculi ventrem prorsus dividebat, musculum ad insertionem suam unâ parte, aliâ verò ad exortum, colligi & retrahi observabat. Dum alterius musculi tendinem præcinderet, musculum versus exortum suum convelli cernebat: si caput musculi divideret, versus insertionem suam contrahebatur. Dum autem & musculi caput & insertionem unâ truncaret, tunc musculus ad suum ventrem illâque sedem, quâ maximè carnes est, conglobabatur. Ossa autem, quibus musculi affiguntur, retinent eosdem in illa distensione: unde his factis spontaneâ contractione musculi breviores fiunt, & ossis partem, cui adhærent, retrahunt, unde membrum brevius fit, & quidem eò plùs, quòd plures & validiores musculi fragmento inferiori affiguntur. Sic si os humeri frangatur supra illum locum, cui deltoides musculus affigitur, retrahetur sa-

(a) Livre XV. Chapitre xxiii. pag. 344.

(b) De motu muscul. Lib. I. Cap. viii. Char-

1er. Tom. V. pag. 376.

(c) Lib VII. Cap. xix. pag. 568.

tis validè versus superiorem os fractum, & accurrat membrum. Nam *nervi musculique, intenti per ossa, contrahuntur* (a). Idem etiam in osse femoris verum est: ideòque unanimi consensu omnes Chirurghi testantur, fracturas ossis femoris raro sine claudicatione sanari, si in parte superiori prope coxam fuerint; si autem in medio vel circa genu idem os fractum fuerit, longè major felicitis curationis spes superest. Videtur autem inter alia hoc etiam inde fieri, quòd quòd altiori loco fractum fuerit femoris, os, eò plures musculi inferius fragmentum sursum trahunt; cumque illi simul validissimi sint, requiritur fortissima extensio, ut iterum reduci possint; difficillimè in unione retinentur.

**MUSCULORUM EX DEBITO LOCO DETURBATIO.** Plerique musculi ab ossibus originem ducunt, & in ossa inferuntur, imò & quidam satis notabili longitudine ossibus adhærent; si ergo ossa fracta loco suo mota fuerint, turbabitur situs & decursus musculorum vicinorum, qui ossi fracto inferuntur, vel inde originem ducunt. Præterea ossis fragmenta ipsa poterunt & deturbare alios musculos, licet in hoc osse nec originem nec insertionem habeant, quatenus nempe alienum locum occupantia premunt & repellunt partes vicinas. Sed hanc musculorum ex locis propriis deturbationem semper comitantur.

**MEMBRI INTORSIO, EJUSDEM DEFORMATIO.** Externa superficies corporis humani varias eminentias habet, & varia iterum loca, quæ magis depressa sunt, quod inprimis à musculis vario modo positis, & pro varia actione eorundem nunc tumentibus, nunc subsidentibus, fit. Hoc autem inprimis in torosis, & non nimis obesis, viris patet; in fœminis longè minùs, quarum corpus semper magis æquabile apparet; uti pulchre Pictores & Statuarii observant, dum *Herculis* vel *Laomedontis* validos lacertos, aut *Veneris* molle & glabrum corpus suâ Arte exprimunt. Simulac ergo fractis ossibus musculi ex naturali situ deturbantur, mutatur figura partium, & naturalis membri forma perit. Unde periti Chirurghi, ut certi sint ossa fracta bene reposita esse, comparant v. gr; brachium vel crus læsum cum altero brachio vel crure sano, & summa eum cura attendunt, an ubique similes eminentiæ & cavitates appareant. Possent enim v. gr; brachii fracti partes adaptari iterum sibi mutuo, licet non omnino in eodem situ repositæ essent, quo naturaliter antea cohæserant: sed deformatio membri in tali casu semper hunc errorum detegit. Omnium maxima talis deformatio post fracturam apparet cubiti ossibus fractis; tunc enim musculi supinatores & pronatores manus solent miro modo figuram naturalem partis mutare.

Sequuntur jam illa mala, quæ ossibus ipsis post fracturam accidunt.

**PERIOSTEI EXTERNI VASCULORUM CELLULAS OCCUPANTIUM, PERIOSTEI INTERNI, MEMBRANÆ MEDULLOSÆ, &c.** Ossa omnia incumbentem habent membranam, quæ vasa deferat ad ossa, & inde redeuntia recipit; vocatur periosteum, & plerumque ossibus arctissimè adhæret. Tegit autem ossium externam superficiem ubique, præterquam in illis locis, ubi ligamenta ex ossibus enasuntur, quæ articulationes ambiunt & firmant: ibi enim secedit ab osse periosteum, pergitque supra ligamenta decurrens, donec alteri ossi iterum inferatur & accrescat; & hoc modo periosteum (b) sine continuitatis interruptione ab uno osse ad aliud pergit. Omnis ergo ossium superficies tegi-

(a) Cels. Medicin. Lib. VIII. Cap. x. pag. 532.

(b) Clopton Havers Osteologia nova, Serm. I. cap. III. §. XIII. in fine.



tur perioſteo, exceptâ illâ parte, quæ capſulâ articuli, ex ligamenti articuloſi ambientibus factâ, continetur. Sed rariſſimè, ſi unquam, oſſum illa pars frangitur, quæ in hac capſulâ articuli hæret: fracto ergo oſſe ſerè ſemper perioſteum externum læditur. Sed præterea mira cellulôſa fabrica in oſſibus plurimis occurrit; oſſa enim minora, quæ magnum cavum medullare non habent, ut digitorum phalangæ, oſſa metacarpi, carpi, &c, per totam ſuam ſubſtantiam cellulis oſſeis conſtant. In oſſibus majoribus verbò, quæ magnum cavum in medio habent, in quo medulla locatur, lamellæ oſſeæ, in medio oſſis artiffimè unitæ, verſus extrema à ſe mutuo ſecedunt, & miros cancellos formant, in quibus vaſa ſanguinea, & loculi medulloſi locantur. Si ergo hæc oſſa circa extremitates frangantur, deſtruetur cellulôſa hæc fabrica, frangentur vaſa, effundentur liquida, quæ ſtagnando corrumpi poſſunt, & plurima mala producere. Simul facilè patet, oſſe fracto, internum perioſteum, medullæ membranam teneriſſimam, & ipſam medullæ ſubſtantiam, poſſe deſtrui; cùm hæc adeo tenera ſit, ut in annoſo etiam bove rudiſſis attrita digitis in pulvere conteratur. Quanta autem poſſint fieri mala ab oleo medullari corrupto, poſtea dicetur in morborum oſſium Hiſtoria. Omnia autem hæc certiffimè dilacerantur, ſi fracti oſſis extrema à ſe mutuo receſſerint, & juxta latera ſibi mutuo applicentur; tunc enim omnia, quæ oſſis cavo reconduntur, certiffimè rumpuntur. Verum quidem eſt, peſſima inde metuenda mala non ſemper fracturas ſequi; poſſe tamen hæc quandoque contingere, facilè patet. Unde præſtat, hæc ægrum vel amicos monere, ne talia, ſi poſtea ſupervenerint, Medentium incuriæ adſcribantur.

**LUXURIES VASCULORUM OSSEORUM, UNDE CALLI INÆQUALITAS, TUMOR MEMBRIQUE DEFORMATIO.** In Coacis Prænotionibus habetur, (a) *Quodcumque os in corpore reſectum fuerit, aut cartilago, non augetur; & in Aphoriſmīs additur, (b) neque coaleſcit.* Poſtea & Galenus dixit, nunquam os poſſe uniri oſſi, nec cartilaginem concreſcere cartilagini: ſed in oſſibus fractis fieri unionem per calli nati interpoſitionem, glutinis inſtar, non verbò per concretionem partium ſeparatarum (c). In Commentario autem primo, quem ſcripſit in Hippocratem de fracturis, latiùs hanc rem deduxit dicens, (d) *Quum oſſa ob ſiccitatem naturalem nequeant carnis modo coaleſcere, callo circa fracturæ oras increſcente, quaſi quoddam vinculo circumdantur. Hic autem creatur de eo quod ſuperat, ex ipſo fracti oſſis alimento. Quod ſi vel non idoneo viſu utatur, vel plenus ſit, id quod ſuperat copioſius eſt, effuſumque ſaſcias totas veluti craſſo ſanguine madefacit.* Unde videtur voluiſſe, quod callus non foret de ipſa propriè dicenda ſubſtantia oſſis, ſed tantum glutem quoddam, quod ſe interponens inter fracturæ extrema, faceret illa iterum coherere. Paulo poſt enim ſubjungit, *Quod enim gluten lignis efficit; oſſibus fractis quæ glutinantur, id callus præſtat.* Cùm autem non poſſet negari, quod callus ille duriciem ipſius oſſis tandem acquirat, & non crederet tamen callum oſſis naturam induere poſſe, Miri ſatis phraſi uſus dixit: *Quidquid igitur ex eo, dum effunditur, circa fracturæ oras concreſcit, tempore, ab oſſe cui hæret, mutatur & ſimile ipſi redditur, calliſque nomi-*

(a) No. 505. Charter. Tom. VIII. pag. 88.

(b) Sect. VI. n.º. XIX. Charter. Tom. IX. Part. II. pag. 158.

Tom. I.

(c) Method. Medend. Lib. V. cap. VII Charter. Tom. X. pag. 113.

(d) Text. XII. Charter. Tom. XII. pag. 179.

T t

*natur.* Unde voluit, calli nomen retinendum esse, licet jam ossis dignitatem acquisivisset. *Post Galenum* plerique videntur fuisse in eadem opinione. Sed vidimus antea in *Commentariis* §. 158. n°. 9, in vulneribus perditam substantiam regenerari, & uniri partes separatas, non interpositione glutinis, sed verâ restitutione perditæ, per sanguinem bonum allatum, opifice & auctore naturâ; uti *Galenus* ipse in loco ibi citato verissimè dixerat. Et in vulnere capitis Historia evidentissimè patuit, ablata calvarie partem, instrumento vulnerante vel trepano excisam, recrescere. Videtur ergo & idem obtinere in ossibus fractis; nempe, fieri horum concretionem non interpositione glutinis cujusdam, sed verâ unione substantiæ; & in illis casibus; ubi pars ossis ablata est, non interponi inter separata fragmenta lentum humorem, qui sensim indurefceret, sed renasci organicam fabricam osseam, quæ perditæ damnum reparat. Observationes Chirurgicæ hanc rem pulcherrimè confirmant. Homini onusti plaustrî roia supra crus transiens miserrimè fregerat tibiæ & fibulam cum maxima dilaceratione omnium vicinarum partium, sic ut non sine ratione de exstirpatione partis cogiaretur. Repositis tamen ossibus fractis, & idoneis auxiliis adhibitis, post bimestre spatium fibulæ fragmenta unita erant penitus; sed tibiæ insigne fragmentum, quatuor digitos transversos longum, in quo foramen medium medullare conspicuum erat separabatur, ideoque ingens hiatus inter bina hæc tibiæ ossis extrema manebat. Decem tamen mensium spatio totum illud spatium repletum fuit substantiâ solidâ & firmâ adeo, ut homo ille postea sine incommodo crure hoc usus fuerit (a). An credibile videtur gluten ex superfluo ossis nutrimento natum, ex binis illis extremis fracti ossis exsudans, posse sic elongari sine ulla deviatione utrimque, ut fieret impletio tanti hiatus? An non potius hoc adscribendum miræ illi proprietati, quam corpus humanum habet ex Adorandi Creatoris instituto, per quam valet ex ingestis, viscerum & vasorum vi in nostram naturam mutatis, restituere illa quæ perierant, & augere in omni dimensione illa, quæ jam formata sunt? Certè vis tale illud rudimentum, in sacculo colloquamenti ovi imprægnati latens, creatâ sui corpusculi fabricâ, spatio viginti & unius dierum, ex mollissimo albumine ovi conficit solida ossa, quibus pullus recens exclusus tunc insilit non solum, sed & alacriter currit. Idem ergo videtur hic obtinere in ossibus, quoad regenerationem perditæ, & unionem illorum, quæ divisa fuerant, quod in vulneribus mollium partium corporis contingit; organicæ nempe substantiæ regenerationem, & veram concretionem; non autem agglutinari hæc inter se interpositione informis glutinis.

Uti jam in partium mollium vulneribus renascentia hæc vascula, adeo tenera & pulposa, cutis tegmine orbata, poterant nimis distendi, & in fungosam carnem degenerare; sic idem verum est in callo illo ossium, qui pariter luxuriare potest, si vel nimia liquorum copia, aut nimis valido eorumdem impetu valde dilatentur vasa hæc, quæ ossis renascentis substantiam faciunt: inprimis autem hoc metuendum in junioribus, quibus solidarum partium semper minus firmum robur est, & humidiora major copia, & plerumque etiam celerior motus. Ideoque in his callum luxuriare toties observaverunt Chirurgi, inprimis, si pleniori victu uterentur. Sed inde necessariò sequitur inæqualitas & figuræ mutatio in parte. Longè tamen frequentius membri deformatio contingit, quando nondum debitam fir-

(a) de la Mone, *Traité complet de Chirurgie*, Tom. IV. pag. 284, & suiv.

mitatem adepto callo, extrema ossis fracti ad se mutò apprimuntur: tunc enim ceræ flexilis instar gallus undique exprimitur, & prominentem in loco fracturæ annulum facit. Hoc inprimis contingit, quando femoris vel cruris ossibus fractis nimis citò incedere volunt ægri; cùm enim totum corporis pondus his ossibus sustineri debet, si nondum ossis duritiem acquisiverit callus, exprimitur.

MEMBRANARUM, TENDINUM, NERVORUM DISTRACTIO; LACERATIO, &c. Inprimis si fractura talis sit, ut fragmenta supra se mutò efferantur; omnium maximè, si hæc fragmenta acuta fuerint, ut sæpe fit: tunc enim omnia vicina læduntur, & dilacerantur. In eadem hac paragrapho dictum fuit, quod, *Paras* dum fracto cruri inniteretur, fragmenta ossis non tantum integumenta & musculos, sed ipsam ocream quoque perforaverint, cum dolore intolerabili. Quanta autem mala metuenda sint à membranarum, tendinibus, vel nervis læsis aut irritatis, dictum fuit in Commentariis §. 162. 163. 164. 165. 181. 182. 183. 184. Tristes adeo inde aliquando sequuntur calamitates, ut *Hippocrates* monuerit Medicos, ut si sine ignominia possint, fugiant tales casus, (a) *Si quidem spes in angusto est, & pericula multa circumstant: atque ubi ossa non reponantur, videtur Medicus Arte destitui; ubi reponantur, homo ad interitum magis præcipitur quàm liberetur.*

VASORUM VICINORUM MUTATIO, DESTRUCTIO, &c. Pessima mala, quæ sequi solent fracturas, rariùs fiunt ab ossis ipsius læsione; longè sæpius, quia ossis fragmenta vicinas partes comprimendo vel vulnerando malè afficiunt. Plurima jam vasa ossibus ipsis affiguntur, vel in illorum vicinia decurrunt, quæ à fragmentis loco suo motis lædi vel comprimi possunt: unde sollicitè monuit *Hippocrates*, ut dictum fuit paragrapho præcedenti, multum interesse, an humeri vel femoris os ab interiore, an verò ab exteriori parte exceßerit, quia multæ & magnæ venæ per internam partem feruntur. Sed inter causas obstructionis §. 112, recensebantur omnia illa, quæ canales flexiles externà compressione, vel distractione, redderent angustiores: patet ergo, post fracturam ossium sæpe obstructionem sequi. Et licet non omnino interceptiatur humorum transitus pervasa sic angustata, miris tamen modis poterunt turbari plurimæ functiones corporis; cùm harum integritas sæpe pro magna parte à debita proportionem amplitudinis truncorum ad ramos, & vicissim, pendeat. Si jam obstructioni vasorum accesserit celerior humorum circumductio per febrem natam, inflammatio fiet, & sequi poterunt omnes ejus exitus, suppuratio nempe, gangræna, sphacelus, &c. A distractione autem membranarum, tendinum, aut nervorum, summi dolores nascuntur in fracturis, non verò adeo ab ossis ipsius læsione; ut faciliè patet ex eo, quòd, repositis in situm naturalem ossibus fractis, dolor omnis cesset, vel minuat plurimum. Dum autem fractis vasis sub cute integra, vel parvo tantum vulnere divisa, sanguis exit, colligitur in panniculo adiposo, & ecchymosin facit, uti in contusionis Historia dictum fuit. Ubi verò arteria, vel magnus truncus nervosus, partibus inferioribus prospiciens, sic compressus vel destructus fuerit, ut nihil amplius transmittere possit, omni vitali influxu privantur partes suppositæ; tuncque vel putri gangræna corrumpuntur, vel lento exsiccantur marasmo, uti constitit mirabili illo Exemplo hominis, cui arteriæ truncus sub axilla integre dis-

(a) Lib. de fracturis Comment. III. Text. 1. Charter. Tom. XII. pag. 199.

fectus fuerat; unde postea totâ vitâ brachium mumiz instar arefactum remansit. Videantur de his *Commentaria* §. 161.

Mors autem quandoque fracturas ossium sequitur, ob summos dolores ortis febribus acutissimis, delirio, convulsionibus; vel si gangræna partem læsam occupet, quæ in sphacelum versâ superiora petit, & post vigilias, deliria, syncopen, singultum, &c. tandem placido sopore necat.

**CONTUSIO** *FENE SEMPER.* Non potest enim vis externa ossis partes à cohæsione solvere, nisi simul agat in partes molles ossi incumbentes; illæ ergo inter causam lædentem & durum os suppositum pressæ necessariò contundi debent. Unde semper aderit saltem aliqua contusio; nisi ossa per lumen venerem, scorbutum, aut similes morbos tam fragilia facta fuerint, ut eam & levi vi frangantur. Ad hanc rem autem quàm maximè attendendum est, quia, ossibus fractis etiam felicissimo successu repositis, sæpe plurima mala à contusione partium sequuntur: unde *Hippocrates* circa finem libri de Fracturis, in quo plurima recensuit mala, quæ fracturas & luxationes sequi solent (pro generali axiomate posuit, magis metuendum esse à contusione, quàm à fractura ipsa. Dicit enim (a) *Leviora vitia sunt, sub quibus os frangitur, quàm sub quibus hoc inviolato, venæ ac nervi grandiores ibi conteruntur.* Hæc enim hominem magis ad interitum præcipitant, quàm illa, si continua febris accedat. Unde sæpissime illa remedia, quæ contusioni sanandæ conveniunt, fracturis etiam adhibenda sunt. Licet enim restitutio ossium fractorum illorûmque in situ retentio, videatur satisfacere generali indicationi, illudque sæpe sufficere videatur plurimis Chirurgis; tamen ex modò dictis facillè patet, pro variis malis, fracturam comitantibus, diversam medelam requiri.

§. 344. **QUÆ** expensa (342. 343.) præfens malum, ejusque statum docent: sic tactus fragmenta; auris crepitationem; oculus læsam figuram, immobilitatem; intellectus causam, ejus impetum modum impulsus, senii decrepiti, temperiei morbosæ, hybernique frigoris efficaciam simul consideraverit, clarior est diagnosi.

Describuntur hæc paragrapho illa signa, quibus præfens fractura cognosci possit. Sæpe enim tales casus occurrunt, in quibus etiam peritissimi Chirurgi non sine labore hoc distinguere possunt. Ubique ferè locorum habentur homines, plerumque satis imperiti, qui rudi plebeculæ facillè persuadent, se longè meliùs Chirurgis ipsis novissè Artem membra luxata & fracta restituendi. Illis solemne est, in quovis ferè malo luxationem vel fracturam culpâre, & statim omnem apparatus talium malorum adhibere; unde sæpissime miseròs emungunt, simulque à consuetis laboribus cessare cogunt, sine ulla necessitate. Similibus imposturis & ignorantiam suam tegunt, & ignaris mira præstitisse videntur. Honestum virum decet, omni molimine inquirere, an tale malum adsit. Ubi autem fragmenta ossis loco suo mota sunt, & juxta latera sibi mutuo applicantur, vel & aliquando per ipsam cutim emergunt, facilis habetur diagnosi. Sed si fragmenta contigua manserint; vel, licet parum deviaverint, adhuc tamen sibi mutuo innitantur, & os fractum undique copiosis musculis tectum fuerit, ut v. gr; in femore; longè

(a) *Comment. III, Text. LXII. Charter, Tom. XII, pag. 168.*

difficilius hoc cognosci poterit. Sic etiam, si in cubito vel crure, ubi bina ossa sunt, alterutrum tantum fractum fuerit; uti etiam, si Chirurgus seriùs advocatus omnes partes, jam validè inflammatas & tumentes inveniat. Peritissimus Chirurgus (a) ingenue fatetur, se in simili casu diu cespitasse, antequam fracturam a se cognosceret. Homini, dum fossam transileret, crus frangebatur, cùmque in loco admodum solitario hoc infortunium ipsi contigisset, cogeatur genubus manubúsque innixus diu prorere, antequam clamores ejus ab aliquo audiri possent. Tandem accurrunt rustici, qui miserum domum vehunt. Adeo tunc dolebat membrum, & tantopere tumebat, ut non nisi repetito sæpius examine deprehenderet Chirurgus fracturam a se, quæ transversa erat utriusque ossis ad duorum circiter pollicum distantiam à malleolis. Partes autem vicinæ tumidæ & inflammatione pensæ retinebant in situ ossa fracta; unde imprimis difficultas detegendi hanc fracturam nascebatur.

Omniū difficillima cognitiō est ergo fractura talis, in qua fragmenta adhuc sibi mutuo inniuntur; quo in casu sæpe, si non cognoscatur movendo partem affectam, fragmenta à mutuo contactu remouentur, & supra se mutuo efferuntur; unde difficilior curatio, & major læsio & compressio vicinarum partium: cùm in priori casu nulla requiratur extensio, vel levis tantum, si fragmenta parum deviaverint à situ suo naturali. Si ergo talis causa fuerit applicata corpori, à cujus impetu, & modo impulsus, metui possit os quoddam fractum fuisse, debet sollicitè examinari pars hæc, antequam vestes exuantur, ne forte motà parte fragmenta à mutuo contactu secedant, & fiat deterior fracturæ species. Prehenditur tunc pars læsa utrimque ad aliquam distantiam à loco, cui ictus impactus fuit, & prudentissimè movendo tentatur, an aliquid ibi vacillet, aut aliqua crepitatio, fragmentis ad se mutuo attritis, percipiatur: si quid talis inveniat, disscindendæ potiùs sunt vestes, quàm exuendæ, ut caveatur fragmentorum à mutuo contactu secessus. Longè major adhuc fracturæ suspicio nascitur etiam à levioribus causis, si decrepitâ senectute ossa fragilissima facta fuerint; cùm in hac ætate oleum medullare incipiat deficere, unde ossium ariditas & major fragilitas sequitur. Idem verum est, si intenso sub frigore talis casus acciderit, nam & tunc ossa faciliùs frangi certis Observatis constat; & videmus, omnia ferè corpora acri gelu rigescere & fragiliora fieri.

Præterea per morbos sic possunt mutari ossa, ut etiam levissimâ causâ, frangantur. Sic ubi lues venerea ossibus hæret, observatum fuit sæpius, quòd lecto egressi tales homines solo pondere corporis sui ossa fracta habuerint. In pessimo scorbuto, rachitide, &c, aliquando etiam talis fragilitas ossium observata fuit. Mira talis Observatio habetur apud *Hildanum* (b) à clarissimo Medico *Philiberto Sarageno* ipsi communicata. Saxagenarius vir arthritide puerilis circa articulos humeri & cubiti dextri ferè per bimestre spatium torquebatur obtuso cum dolore. Nullis usus fuit remediis, cæteroquin sanus, partem affectam tantum in quiete retinens. Dum chirothecam manui partis affectæ levissimo conatu induit, brachii os quatuor vel quinque digitis infra humerum transversim frangitur. Osse restituto, dum post triduum remoto apparatu partem inspicunt Chirurgus & Medi-

(a) de la Motte, *Traité complet de Chirurgie*, Tom. IV. pag. 248.

(b) *Censur. II. Observ.* LXVI. pag. 139. 140;

cus, & omnia bene se habere lætantur, inveniunt aliam ejusdem ossis fracturam circa cubiti articulum, quam statim etiam idoneo muniverunt apparatu. Et in alia Epistola, post sex menses elapsos ad *Hildanum* scripta ab eodem Medico, habetur, quòd per bimestre spatium frustra calli generationem expectaverint; & postea in cadavere ejusdem hominis, ex inveterato renum ulcere mortui, viderint, quòd brachii os omnino carie computruisset. Similis casus habetur apud eundem Auctorem (a); ubi honestæ matronæ ferè sexagenariæ, decem liberorum pancraticè valentium matri, in læto sine ulla vi externa brachii os ruptum fuit, dum exporrectis brachiis, & sublato corpore jacente, subuculam puram induere vellet. Curata fuit hæc fractura idoneis auxiliis. Sed postea, dum post diuturnum in læto decubitus surgere vellet, & ob hanc rem tibialia induere, ancilla illi opem ferens dextrum crus transversim fregit miseræ. Chirurgus vocatus consuetâ methodo curavit sine magna difficultate & hanc fracturam. Sic per biennium vixit, varias adhuc fracturas passa, tandèmq; tot cruciatibus confecta supremum diem obiit. Nihil autem luis veneræ hic adfuisse videbatur, quia maritus nunquam aliquid mali fenerat; & numerosa proles optimâ sanitate gaudebat; & ne levissima quidem suspicio unquam optimæ matronæ minuerat fammam. Unde patet aliquando à latentibus causis tantam posse nasci ossium fragilitatem, ut levissimâ vi sæpe frangantur.

§. 345. **V**ERUM oblongæ fracturæ difficilior detectio, nisi serò; dolor, tumor, crassities partis, inæqualitas, pus fœdum, causa fortis cognita, aliquid luminis dabunt.

Oblonga fractura dicitur, quando à vi externa os secundum longitudinem suam instar ligni fissum est. Difficillimè talis fractura cognosci poterit, nisi fuerit in talibus locis, in quibus ossa ferè nuda hærent; uti v. gr; in anteriori cruris parte, ubi os tibię satis nudum totâ ferè sui longitudine digitis tangi potest. In reliquis locis corporis non facilè quis talem fracturam distinguere posset. Pessima quidem mala talem fracturam sequi possunt, quæ tunc docent illam adfuisse, sed serò tamen. Osse enim sic fissio, franguntur vasa per ossis substantiam decurrentia; effunduntur liquida; unde corruptio horum, ossis caries, incumbientium partium inflammatio, & suppuratio metuenda sunt. Præcipua signa hujus fracturæ sunt, si cognoscatur causa satis valida prægressa fuisse, dolor profundus adsit, & diu maneat, & partes ossi impositæ attollantur tumore secundum longitudinem ossis decurrente. Si dein ruptis postea integumentis pus fœdum exeat, major suspicio nascitur, os suppositum læsum esse. Sed omnia hæc signa satis ambigua sunt; cum & validam contusionem sæpe sequantur, licèt talis fractura non adsit; puris autem fœdi exitus ossis corruptionem jam serò docet: unde difficillima est hujus fracturæ diagnosi. Et licèt cognosceretur talem fracturam adesse, non multum tamen inde emolumentum accederet. Quid enim in hoc casu Ars facere posset? Omnia manent in eodem situ, sola ossis læsio adest. Diceret fortè quis, venæsectionem, fomenta resolutiva, antiphlogistica, & putredinem præcaventia, adhibenda esse, & victum tenuem, &c, ut præcaveatur inflammatio hic imprimis

(a) *Censur. II. Observ. LXVIII. pag. 141.*

metuenda, & omnes ejus effectus. Sed contusio huic fracturæ semper omnes eadem requirit auxilia, licet os minimè læsum foret. In Historia vulnerum capitis dictum fuit, quomodo fissæ calvæ curari debeat; sed an os sic secundum longitudinem fissum potest detegi turd, ut scalpris radi vel minutis punctulis terebrari posset? Si femoris os sic fractum cognosceretur, quis auderet validos huic ossi circumpositos musculos discindere, ut ad os affectum manubus aditus pateret? Hinc in paucis tantum corporis locis, ubi ossa solis integumentis communibus tecta sunt, hæc cura tentari posset; sed & in iisdem locis, longè facilius cognoscitur tale malum. In reliquis ergo difficillima foret, nec magnæ etiam utilitatis talis fracturæ cognitio; cùm nihil tamen tentari posset, præter generalia ad omnem contusionem remedia.

§. 346. **FACILEM**, difficilem; tardam, celerem, integram, vel deficientem fore curationem prædicit figura, simplicitas, compositio, duratio fracturæ; numerus, figura, magnitudo fragmentorum; locus ossis læsi; vicina læsa; tempus anni; ætas ægri & temperies.

Agitur hæc paragrapho de Prognosi fracturarum, quæ docet, quænam mala metuenda sint, & quænam bona speranda. Omnes ergo illi effectus fracturarum, §. 343, enumerati, considerandi sunt, & post severum examen, ex cognita fracturæ indole, & scientia Anatomica partium, tunc concludi poterit, an curatio facilis futura sit, an verò difficilis. Facilis autem cura dicitur, si sine magno Artis molimine, & absque multa molestia fracturam passi, perfici possit: difficilis autem, ubi contrarium obrinet. Deinde determinari debet, an longo temporis spatio opus sit, ut fractis ossibus debita restituantur integritas, an non. Ultimò queritur, an sperari possit talis curatio, ut firmitas, figura & usus membri fracti, eadem futura sint ac antè; an verò post curam peractam aliquis defectus sensibilis supererit, per quem deturpabitur figura partis læsæ, vel tolletur aut impediatur saltem ejus usus. Summâ autem hic prudentiâ opus est: plerumque enim solet culpa damni relictæ Chirurgis imputari, & summa quidem sæpe cum injuria. Honestum enim virum quidem non decet parvam rem attollere, histrionis instar, ut plùs præstitisse videatur; prudentia tamen requirit, ut mala metuenda indicentur, ne, si victa Ars his fuerit, vel ignorasse, vel sefellisse videatur. Si nimis meticulosus Chirurgus etiam in leviori casu pessima quævis ominetur, sæpe alius vocatus curam suscipiet; quæ si felix fuerit, prioris famæ nota inuretur. Turpe pariter erit, si felicem curam promissam sequatur malus eventus. Ut autem turd prognosin haberi possit considerari merentur sequentia.

**FIGURA.** Omnium optima illa fracturæ species, quæ transversa vel & raphanoides vocatur; inprimis si fragmenta sibi mutud adhuc innitantur, neque penitus loco mota fuerint. Obliqua autem fractura longè difficilior est, quia tunc fragmenta se mutud non sustinent, & musculorum ossibus nexorum contractione à contractu facillimè dimoveantur, neque facile est fasciis sic firmare partes, ut fragmenta reposita in debito situ maneant. Pulchre hoc expressit Celsus de fracturis

agens: dicit enim (a) *Earum maxime tolerabilis est simplex, eaque transversa: peior, ubi obliqua, atque ubi fragmenta: pessima, ubi eadem acuta sunt.*

**SIMPLICITAS, COMPOSITIO.** Facile patet, longè difficiliorem curam esse, si os pluribus in locis fractum sit; & inprimis, si fracturarum loca adeo distent à se mutuo, ut non possint uno & eodem apparatu comprehendi, sed singulæ fracturæ diversum requirant. Memorabilis talis casus habetur (b) apud *Lamotium* ubi homini crus, & prope malleolos, & circa genu fractum erat; cùmque idoneo apparatu utraque fractura munita esset, superior satis bene se habuit; inferior autem fractura, sævissimis doloribus oborta, debuit postea ligaturâ multorum capitum tractari, instar fracturæ complicatæ. Si jam fractura non tantum composita, sed & complicata fuerit, sive stipata vulnere, contusione, inflammatione, &c. difficilior adhuc cura facillè prævidetur.

**DURATIO FRACTURÆ.** Quando ossis fracti partes in naturali situ manserunt, non multum mali expectandum est à majori duratione fracturæ, quia Ars nihil hic addere potest, sed tantum idoneo apparatu cavendum est, ne fragmenta situm suum postea mutant. Ubi verò fragmenta ossis non amplius à se mutuo sustinentur, sed supra se invicem efferuntur, tunc quò majori temporis spatio hoc duravit, eò major & diuturnior distractio & laceratio partium vicinarum; unde dolores enormes inflammatio, tumor, &c. solent sequi, & tunc impossibile est ossa hæc reponere, antequam illa symptomata sedata, vel aliquatenus saltem mitigata fuerint. Pars enim talis validè inflammata & tumens, si rudiùs tractetur, brevi gangrænâ corripitur; vel & ab intolerabili dolorum acerbitate convulsio sequi possit. Ubi autem in fractura complicata per vulnus comitans ossa nudata sunt, vel fragmenta ossis per cutim transierunt, quò diutius hæc aeri exposita fuerint, eò difficilior & tardior cura expectanda est; quia tunc sæpe ossis sic malè affecti exfoliatio fieri debet, ut patet ex illis, quæ dicta sunt in Historia vulnerum capitis §. 249. 250.

**NUMERUS, FIGURA, MAGNITUDO FRAGMENTORUM.** Quò major fragmentorum numerus est, eò difficilior erit retentio eorumdem in debito situ, postquam reposita sunt; ut etiam quò eadem fragmenta minora sunt. Si enim v. gr; brachii os binis in locis sic fractum fuerit, ut fragmentum medium, ab utraque parte solutum, trium transversorum digitorum longitudinem æquet; illud, quamvis optimè repositum fuerit, difficillimè tamen situ retineri poterit, cùm & contractio musculorum, & ipsa spleniorum & fasciarum circumpositarum pressio, illud facillimè iterum expellere possit: unde requiruntur machinæ, quæ membrum fractum in debita extensione retineant. Operoso ergo satis Artis molimine indigent tales fracturæ, nec facilis talis cura dici potest. Ad similes casus *Hippocrates* commendat (c) è corio *Ægyptio* binos orbes, quolibz utuntur qui diu in magnis compedibus desinentur; & in cruris fractura jubet, ut unus super talos applicetur, infra genu alter. Debebant præterea hi orbes habere utrimque ex simplici vel duplici loro exiguas anfulas, sic ut superioris orbis anfulæ directè responderent illis, quæ in orbe inferiori erant. Deinde corneos baculos aptæ longitudinis his anfulis immittebat, quibus in iusta distantia

(a) Medicin. Lib. VIII. cap. x. pag. 331.

(b) Traité complet de Chirurgie Tom. IV. pag. 254. & suiv.

(c) Lib. de Fracturis Comment. III. Textu xxix. Charæ. Tom. XII. pag. 146.



retinerentur orbes illi coriacei; sicque simul debita longitudo servabatur partis fractæ, & cavebatur ne media fragmenta exprimerentur. Reliqua in applicatione horum orbium coriaceorum observanda ibidem sollicitè notat. Si autem fragmenta habeant acutam figuram, difficillimus casus est, quia talia in situm reposita vix retineri possunt, & vicinas partes pessimè lædunt, uti dictum fuit in *Commentariis* §. 342. Præterea Observatis Chirurgicis constitit, ossis divisionem, instrumento acuto scindente vel secante factam, non posse curari tam brevi temporis spatio, quàm si obtuso obstaculo impingens os fractum fuisset quod mirum videbitur. Ratio fortè hæc est, quòd in vulgari fractura, fragmenta semper eminentias quasdam habeant & asperitates, quæ ossibus rite repositis sic sibi mutuo respondent, ut melius cohæreant, nec faciliè possint per tussim, sternutationem, vel aliam causam, fragmenta hæc ad se mutuo atteri; à quo attritu renascens callus destruitur, vel saltem retardatur ossium fractorum unio. Ubi verò scindente instrumento os divisum fuit, æquabilis magis fragmentorum superficies efficit, ut facilius ad se mutuo atteri, & loco nioverì possint. Tres quatuorve memorabiles casus, qui hoc confirmant, habentur in Observationibus egregii Chirurgi *Lamottii* (a), qui testatur, quòd duplò longiori temporis spatio indiguerit, ut curaret talem fracturam etiam simplicem, quàm in quavis alia complicata etiam pessima, exceptis illis fracturis, in quibus magna fuit facta perditio substantiæ ossis, vel quæ ingentem simul comitem habebant ossis contusionem; aut contritionem in minima fragmenta.

**LOCUS OSSIS LÆSI.** Dictum fuit §. 342, varios esse fracturarum effectus pro vario loco ossis læsi. *Celsus* quædam communia brachiis, femoribus, cruribus, digitis fractis recensens, dicit (b) *siquidem ea minimè periculose media franguntur: at, quòd propior fractura capiti vel superiori, vel inferiori est, eò peior est. Nam & majores dolores adfert, & difficilius curatur.* In medio enim ossa majora omnium solidissima sunt; circa extrema autem, quibus articulantur vicinis ossibus, cellulosa sunt, & friabilia. Difficultatem talis fracturæ augent ligamenta vicina quibus ossa articulata nectuntur. Multùm etiam differt, an versus extremum superius, an autem circa inferius, os quoddam fractum fuerit; uti patuit in *Commentariis* §. 342; ex *Hippocratis* testimonio. Sic observavit *Hildanus* (c), si os femoris prope articulum coxæ fractum fuerit, vix unquam sine claudicatione sanari talem fracturam; ubi autem in medio, vel circa genu fractum fuit idem os, à perito Chirurgo sæpissime curatur sine ullo malo superstite. Simul eodem in loco plurimorum gravissimorum Auctorum testimoniis hoc confirmatur.

**VICINA LÆSA.** Videantur de his illa, quæ dicta sunt in *Commentariis* §. 342.

**TEMPUS ANNI.** (d) *Calidum ossium fracturis plurimùm confert sed maxime sua earne nudatis, dixit Hippocrates* (e) *frigidum autem inimicum ossibus esse, pronuntiavit.* Unde, cæteris paribus, hybernâ tempestate minùs prospera erit ossium fractorum curatio. Sed æstivis calidioribus major putredinis metus est; unde vere & autumno felicior cura sperari potest.

(a) *Traité Complet de Chirurgie, Tom. IV.*  
pag. 303. 318.

(b) *Medicin. Lib. VIII. Cap. x. pag. 530.*

(c) *Observ. Chirurg. Centur. V. Observ.*

*Tomus I.*

*LXXXVI. pag. 475. 476.*

(d) *Aphor. Sect. V. n°. XXII. Charter, Tom. IX. part. II. pag. 307.*

(e) *Ibid. Aphor. XVII. pag. 304.*

**ÆTAS ÆGRI.** Quòd homo origini propior est, eò citius ossa fracta consolidantur, in summo senis vix, vel saltem non nisi longissimo tempore. Sed in junioribus metuitur sæpe nimia calli luxuries; unde media ætas optima hic est. Egregius Chirurgus *Lamottius* (a) ingenue fatetur, bis sibi hoc infortunium accidisse, dum in difficili partu fœtum pedibus extraheret, ut brachium ipsis fractum fuerit, tamen facili apparatu, spatio duodecim dierum hæ fracturæ sanabantur; cùm in adultis & sanis ad minimum triplò longius tempus requirant, ut consolidentur.

**TEMPERIES.** Omnes illi morbi, quibus pinguedo corporis tollitur, vel corrumpitur, efficiunt, ut vel non, vel saltem difficillimè, recrescant ossa fracta. Hinc in lue venerea, scorbuto pessimo, rachitide, phthisi, &c, vix curantur fracturæ; ut constitit etiam illis Exemplis, quæ in *Commentariis* §. 344, memorata fuerunt. Sed præterea forè in quibusdam hominibus latet talis dispositio, per quam non ita facile ossa fracta consolidantur, licet cæteroquin nulla notabilis cacochymia vel aliud vitium occurrat. Celeberrimus *Ruyfchius* (b) se tales casus vidisse asserit, licet omnia ex Artis regulis ad curationem adhibita fuissent. Et in Observationibus suis Anatomico-Chirurgicis (c) narrat quòd in cadavere hominis sani, laqueo suffocati, invenerit duo ex anterioribus carpi ossibus, aucte triennium fracta, nondum coaluisse. Vidi mulierem, cui humeri os fractum fuit, & postea restitutum ex Arte, sed nunquam caluir, licet in flore ætatis esset: unde postea totà vitâ in loco fracturæ flexile manebat brachium, neque tamen adeo multum incommodi inde sentiebat. Observavit *Hildanus* (d), in gravidis difficillimè fieri ossium fracturorum consolidationem; & casum narrat, ubi in gravida os tibie in medio fractum fuerat (septimum autem jam exceperat imprægnationis mensem) & tamem viginti & tribus septimanis post fracturam elapsis nondum coaluerant fragmenta; tandem trigesima septima curatio peracta fuit. Sed in hac femina insigne vulnus comitabatur fracturam, & fragmenta quædam ossis abscesserunt, unde forè credi posset, inde curæ difficultatem & tarditatem orram fuisse. Sed alibi (e) habet memorabilem Historiam, quæ difficultatem curæ fracturarum in gravidis confirmat. Nobilis matrona, obesa & plethorica, dum equum conscendere vellet, tibiam sinistram inter genu & talum fregit. Eodem die *Hildanus* fracturam felicissimè reposuit, nihilque neglectum fuit, quod curæ felicitatem promoveret posset; cùmque nullus dolor, neque ullum aliud malum symptoma accederet, bimestri spatio curam absolvi posse sperabat. Lactabat hæc matrona infantem, cùmque quadragesimo die callus adhuc lubricus & mollis inveniretur, iussit illum ablactari; & paulò post, apparuit illam gravidam esse, & septem mensibus post acceptam fracturam puellum sanum & vegetum feliciter peperit. Quidquid tentatum fuit toto hoc graviditatis tempore non potuerunt consolidari ossa fracta; licet morositate hujus matronæ, continuò tarditatem curæ exprobrantis incitatus *Hildanus* omnem diligentiam & industriam adhibuisset. Post partum verò quadraginta dierum spatio callus firmatus est, & membri fracti usus integre fuit restitutus. Hinc conclusit; naturam in gravidis, totam in formando & perfici-

(a) Traité complet de Chirurgie, Tom. IV. pag. 171.  
(b) Advers. Anatom. Decad. 2. n°. II.  
(c) Observ. IV. pag. 3.  
(d) Centur. V. Observ. LXXXVII. pag. 482.  
(e) Centur. VI. Observ. LXXVIII. pag. 522.

ciendo sætu occupatam, calli generationem quasi negligere. Similes Observationes, quæ hoc confirmant, habentur & in *Miscellaneis curiosis* (a); ubi tamen & occurrir Historia, quâ constat, in fœmina, jam quinto mense gravidâ, patellam sinistra pedis fractam, sex septimanarum spatio curatam fuisse, sic ut in domo obambulare, licet cum quadam difficultate, potuerit. Unde, licet fortè non videatur universaliter concludi posse, ossium fracturas in gravidis ante partum nunquam consolidari; tamen in talibus casibus meritò curæ tarditas & difficultas prædicenda videtur, ne postea in Chirurgum vel Medicum culpa retardatæ curæ concipiatur.

### §. 347. SANATIO requirit,

- 1°. Restitutionem in situm naturalem extendendo; reponendo.
- 2°. Retentionem in eo situ per fascias & machinas.
- 3°. Unitorum, retentorumque consolidationem, enato callo.

Sequitur jam cura generalis omnium fracturarum. Omnis autem sanatio (vide *Commentaria* §. 4.) est mutatio corporis viventis talis, ut conditio corporea, quæ vocabatur morbus, tollatur, & restituatur illud, quod ablatum faciebat morbum. In fractura jam adest, semper cohæsionis ablatio, & mutatio sitûs partium hanc comitatur plerumque. Unde patet, ad sanationem requiri sitûs naturalis restitutionem, & unionem partium separatarum. Hæc autem obtineri poterunt illis auxiliis, quæ tribus hujus paragraphi numeris recensentur.

1. Si situs partium mutatus fuerit, semper requiritur extensio, antequam tûtò reponi possint ossa fracta. Superficies enim fragmentorum sæpe semper plûs minûs asperæ sunt & inæquales; unde, si sine extensione tentaretur repositio, fragmenta ad se invicem attererentur, & sic facillimè eminentes asperitates deterrerentur; quæ vel fragmentorum extremis se interponerent, & consolidationem retardarent; vel inde expulsiæ vicinas partes membranosas & tendinosas irritare & lædere possent; ut optimè monuit *Fabricius ab Aquapendente* (b). Præterea musculi contrahuntur, ut dictum fuit §. 343, simulac ossis cohæsio, quo diriguntur & sustinentur, sublata est. Unde requiritur & illorum extensio, antequam ossa reponi possint.

2. Postquam ossa reposita sunt in situ naturali, si immobilis omnino servari posset pars voluntatis imperio, hoc sufficeret. Sed non advertentibus hominibus, ut in somno v. gr; vel etiam invitis per tussim, sternutationem, risum, &c, sive summi in corpore excitantur motus, per quos ossa reposita facillimè iterum loco suo moverentur. Ob hanc causam fasciis, spleniis, ferulis & aliis machinis, pro diversitate partis affectæ, sic firmatur membrum læsum, ut immobile omnino retineatur. Pluribus hominibus acceditis primis duabus tribusve noctibus post repositam fracturam, ut membrum affectum in somno subsiliat satis validè, convulsim quasi, unde & tunc cum terrore solent evigilare. Nisi tunc idonea cautela

(a) Decur I. A. 10. Observ. xxv. pag. 91.

(b) Oper. Chirurg. Lib. IV. de fracturis, cap. III. pag. 318.

adhibita fuit, ossa repolita loco moventur, & de novo reponi debent. Quod in se ipso doluit factum fuisse *Paræus* (a), dum quâdam nocte dormienti tantâ vi crus fractum subleuit, ut ossa fracta loco moverentur; unde debebant post extensionem factam iterum, restitui; quod longè majori cum dolore fiebat, quàm primâ vice.

3. Demonstratum, fuit in *Commentariis* §. 343, recrefcere ossa fracta & uniri inter se, non interposito glutine, quod separata ossis extrema suâ viscositate retineret, sed verâ unione substantiæ, simili modo ac in vulneribus partium mollium regenerabatur perdita, & uniebantur divisa. Unde facile apparet, Artem hîc nihil facere posse, sed solam corporis humani fabricam totum hoc opus abolvere, dum liquida bona per vasa proportionalia apto impetu & debitâ copiâ ad locum læsum feruntur. Omnia ergo, quæ in diætæ regiune in vulnerum cura generali dicta sunt, hîc conveniunt. Hæcque est ratio, quare in junioribus ram cito consolidatio ossium fractorum observetur: in decrepita senectute tardè, vel non omnino, hoc fit; quod enim propiùs suæ origini est corpus humanum, eò velocius observatur incrementum. Undè merito dixit *Hippocrates* (b) *Aluntur quædam ad incrementum, & essentiam; quædam ad essentiam solum, ut senes; quædam præterea & ad robur*. Hinc faciliè patet, nihil ad calli generationem facere alimenta viscosa, ex cerealibus farinosis in aqua coctis, & glutinosis animalium partibus, quæ laudavit *Fabricius ab Aquapendente* (c). Imò hæc data potiùs nocebunt, cum assumpta difficiliùs digerantur; inprimis quiescente corpore, & glutinoso spontaneo in primis visis, & deinde sanguine, originem dabunt, uti demonstratum fuit in *Commentariis* §. 69. Et *Hildanus* (d) dicit, se observasse in homine quadragenario & bonæ temperiei, cui ab Emperico victus talis ex viscosis præscriptus fuerat, quoddam in cachexiam incidit; unde ictero laboravit, aliisque malis, tandè quæ hydropicus perierit. Nec plùs expectandum est ab usu laudati ideo ad calli generationem lapidis osteocollæ, qui cavum in medio habens, quale pro medulla locanda in majoribus ossibus corporis observatur, ossibus specificum remedium credebatur; cum & durâ fragili substantiâ constaret & figuræ quædam similitudinem haberet. Tutò dari posse iners & terrestre hoc remedium certò constat; vires autem habere tantas in calli generatione, nondum probatum est. *Hildanus* (e) quidem vires ejus extollit, & curæ felicem successum in homine quadragenario cacochemico, cui utrumque cruris os fractum fuerat, usui hujus lapidis interno & externo adscribit; & in puero quatuordecim annorum sanissimo & sanguineæ temperiei nimiam calli luxuriam imprudenti ejusdem lapidis usui tribuit. Sed certè & sine hujus lapidis usu pulcherrimè in adultis fracturæ etiam difficiliter sanantur; & in junioribus callus abundat. Ubi verò in senili corpore deficiens natura languet, non confidebat *Hildanus* solius hujus lapidis usui, sed alia certè magis, efficacia auxilia adhibuit, licet prosperum successum soli lapidi osteocollæ attribuerit (f). Seni nempe septuagenario & decrepito baculi ictu circa carpum manifesta & completa ossium fractura facta fuerat, & jam ante multos annos paralyti ejusdem lateris

(a) Liv. XV. Chapit. xxv. pag. 346.

(b) Lib. de Alimento. Comment. IV. text. xlv. Charter. Tom. VI. pag. 293.

(c) Opera Chirurg. Liv. IV, de fracturis, cap. vi. pag. 335.

(d) Observ. Chirurg. Centur. I. Observ. xcii. pag. 71.

(e) Ibid. Observ. xc, & xci.

(f) Observ. Chirurg. Centur. III. Observ. xc. pag. 275.

laboraverat, neque integre ab hac restitutus fuerat. Repositis ossibus fractis, cum iter suscipere cogeretur *Hildanus*, curam domesticis suis reliquit: post mensem rediens, dum examinat fracturæ locum, invenit ex collisione ossium callum nondum factum esse. Optimo & quàm maximè nutriente, non viscoso tamen, victu præscripto, dedit lapidem osteocollam mane & vesperi, addito cinamomo; deinde totum brachium unguento aromatico stimulante perunxit quotidie, & post inunctionem emplastro simili, cui lapidis osteocollæ pulverem addebat, textit, hisque auxiliis intra paucos dies nulla aderat ossium crepitatio, & quatuor septimanarum spatio fractura curata fuit. Felicem curam lapidis osteocollæ viribus adscribere placuit *Hildano*: sed victus optimus languentes vires excitabat, stimulantis unguenti & emplastri aromatici efficaciam motus major in parte affecta nascebatur; hisque simul conspirantibus integra sequebatur curatio. Quantum autem possit levis talis irritatio partis cujusdam corporis humani, ut deficiens nutritio in hac parte restituatur, dictum fuit in *Commentariis* §. 35. n°. 3. Ubi verò vel vitio fracti ossis, vel totius corporis languore, deficit illa vis, quæ corpus humanum perdita regenerat, & unit separata, frustra datur osteocollæ lapis; ut ipsius etiam *Hildani* testimonio patet. Fatetur enim candidè (a), se frustra hunc lapidem exhibuisse, & externè loco fracto applicuisse in muliere gravida, post partum verò curam optimè successisse. Ex his, credo, satis apparet, similia remedia quidem sine noxa adhiberi posse, sed regenerationem perditæ, & unionem separati, tam in partibus mollibus, quàm in ossibus, expectandam esse à natura corporis humani, quæ sibi soli sufficit.

§. 348. SI fracta situm proprium retinent, prima indicatio cessat. Si partium divergunt in latera, requiritur extensio parva.

Si omnino juxta mutua latera pertractata sunt, requiritur ingens extensio, ut intercepta moveantur; & ut debita longitudo & adaptatio fiant.

SI FRACTA SITUM, &c. Accidit aliquando, inprimis hyemali tempore, quando major fragilitas in omnibus corporibus observatur, lapsu vel alia de causa frangi ossa, sic tamen, ut fragmenta maneat in situ naturali; talis fractura cognoscitur inprimis ex causa satis valida prægressa, dolore profundo, & dum, ab utraque parte loci læsi prehenso manibus membro, sentitur aliquis motus & crepitatio. Si tunc, comparatione instituta cum parte simili sana, nullam mutatio figuræ deprehendatur (posset enim circumtorquendo partium situs mutatus esse, licet fragmenta contigua essent), patet faciliè, nullam extensionem nec repositionem hic locum habere, sed tantum requiri ad curationem, ut fragmenta in hoc situ retineantur.

SI PARUM DIVERGUNT, &c. Fracto osse fit sæpe, ut fragmenta quidem adhuc sibi mutud innituntur, tamen utrimque pars eorumdem ad latera emineat. Vel etiam, licet sibi mutò in omni ferè puncto contigua manserint, tamen sic intorta fuerint, ut partium, ossibus his affixarum, situs & directio mutantur; quod ex læsa figura apparebit. In his casibus non requiritur valida extensio, sufficit enim

talis, per quam fragmenta parum tantum à murmo contactu removentur, ut sine attritu superficierum possint in debitum sitam reponi.

SI OMNINO JUNCTA MUTUA LATERA, &c. Tunc enim longitudo membri in tantum minuitur, quantum fragmenta supra se mutuo effruntur; unde requiritur, antequam restitutio fieri possit, talis extensio, per quam partes omnes ultra naturalem longitudinem parum distrahantur, ut sine partium vicinarum interceptione, & sine attritu ossium ad se mutuo fragmenta reponi possint. Unde Calus, postquam descripsit signa, quibus talis fractura cognosci potest, dicit, (a) *Ergo, si hoc depreensum est, protinus id membrum oportet extendere. Nam nervi musculique intenti per ossa, contrahuntur: neque in suum locum veniunt, nisi illos per vim aliquis insequatur.* Et postea addit: *Ubi verò paulo longius, quam naturaliter esse debet, membrum vis fecit, tum demum ossa manibus in suam sedem compellenda sunt.* Neque adeo faciliè in nimia extensione peccatur, inprimis si majora ossa fracta fuerint. Sic Hippocrates (b) de femoris ossis fracto agens, validam extensionem fieri jubet; additque, non lædi partem, licet plus justò intendatur. Et alibi (c) monet, plerisque minùs extendi quàm docet; puerum verò se vidisse plus justò intensum. In juniori ætate enim molliora omnia sunt; hinc validissimâ extensione ultra naturalem longitudinem multum distrahi possent, quod in adultis non faciliè timendum est; inprimis si majora ossa fracta fuerint. Validi enim muscoli & tendines nimiam distractionem faciliè impediunt. Præterea peritus Chirurgus manibus palpando locum fractum potest detegere, an sufficit extensio facta, an verò adhuc validior requiratur. Unde omnes Chirurghi in similibus fracturis validam extensionem jubent: & Paræus (d), dum erus ejus fractum debebat reponi, sollicitè monebat Chirurgum, ne sibi parceret; & rogabat, ut hoc tempore oblivisceretur, se amicum curare. Quàm valida autem requiratur aliquando extensio in difficillimis casibus, sequens Historia docet. Juveni cruris dexteri tibia & fibula prope talum sic fracta fuerant, ut ossium extrema ad binorum circiter pollicum longitudinem per integumenta emerent. Per septem horas sic jacuerat miser, antequam Chirurghi adesse poterant; unde summa jam membri fracti accurtatio, & tumor vicinarum partium, aderant. Magnum simul vulnus hanc fracturam comitabatur, & ingenuè fateatur celebris Chirurgus (e), quòd tantam extensionem fecerit ad reponendum ossa fracta, ut alter, qui ipsi opem ferebat, Chirurgus moneret sæpius, caveret, ne pedem aveleret. Quomodo autem extensio membri fracti commodè fieri possit, & quibus legibus, sequens docebit paragraphus.

§. 349. **EXTENSIO** fit, 1. Apprehenso ossis prope fracturam manu, vel laqueis. 2. Firmato ægro. 3. Dispositâ parte in situ naturali. 4. Distractione lentâ, rectâ, partium fractarum eâ vi, eousque, prout vis contractorum musculorum requirit. 5. Vi & applicatu instrumentorum mechanicorum, si robur manûs deficit.

1. Si nihil impediât, prope locum fracturæ manibus prehensendum est mem-

(a) Medecin. Lib. VIII. cap. x. pag. 122.

(b) Lib. de fracturis Comment. II. Textu

XXVIII. Charter. Tom. XII. pag. 222.

(c) Ibid. Comment. I. Textu XIX. pag. 167.

(d) Liv. XV. Chap. XXXIII. pag. 344.

(e) De la Moite, Traité complet de Chirurgie, Tom. IV. pag. 293. & suiv.

brum affectum. Vulnus, ingens contusio, musculi loco suo moti, & miro sæpe modo mutantes partis figuram, aliquando vetant, ne in vicinia fracturæ ulla vis adhibeatur. Cum autem Chirurgus, qui ossa fracta reponet, non possit ipse extensionem membri fracti simul facere, nisi in minoribus ossibus, ut v. gr; digitorum phalangis, &c; indiget ad hanc rem ministris, qui hanc extensionem faciunt, dum ille ossa fracta in situm reponere tentat. Chirurghi peritissimi in gravioribus casibus ideo alios Chirurgos in auxilium vocant inprimis, ut debita extensio ab exercitatis fiat, qui noverunt hanc quàm æquabilissimè perficere; illud enim quàm plurimum ad felicem restitutionem facit. Quia autem pars sæpe satis diu debet extensa retineri, antequam in debitum situm ossa fracta reponi possint, ideo illi, qui partem extendunt, debent sic locari, ut satis diu sine molestia in eadem corporis positura manere possint; aliter enim turbaretur operatio. Omnium optimum est manubus extensionem facere, quia sic melius dirigitur, & facilius percipitur, si à rectitudine deviet: si autem crassities membri fracti impediatur, quominus manubus firmiter prehendi utrimque possit, ut v. gr; in fractura ossis femoris; tunc laqueis utrumque prehensam partem extendere oportet. Ideo Celsus, dixit (a) *Inendere autem digium vel aliud quodque membrum, si adhuc tenerum est, etiam unus homo potest; cum alteram partem dextra, alteram sinistra prehenderit. Valenius membrum duobus eget, qui in diversa contendunt. Si firmiores nervi sunt, ut in viris robustis, maximèque eorum feminibus & cruribus evenit, habenis quoque vel lineis fasciis utrimque capita articulorum deliganda. Et per plures & in diversa ducenda sunt.*

2. Nunquam debet tentari repositio ossis fracti, nisi æger vel ligaturis vel à ministris idoneis retineatur immobilis. Nec confidendum hic facile magnanimitati & robori ægri, cum sæpe dolor acerbis ab extensione membri fracti ortus cogeret vel fortissimum quemque, ut invitus resisteret & impediret operantes.

3. Situs naturalis partium dicitur ille, qui in homine quiescente adest, & inprimis in dormiente; tunc enim omnes motus voluntarii cessant, & partes suæ sponte, maximè in naturali situ disponuntur. Numquam articuli extensi sunt, numquam omnino inflexi, sed leviter tantum. Dum autem partes in hoc situ naturali sunt, musculi omnes minimè tensi sunt: si ab hoc situ, etiam contra voluntatis imperium, pars removeretur, musculi illi, qui per voluntatem sic poterant mutare situm partis, turgebunt. Sic. v. gr; validus musculus deltoides brachium elevat; si verò brachium cuiusdam ab altero homine attollatur, turgebit manifestè idem musculus, licet non tam fortiter, quàm si per voluntatis imperium brachium elevaretur. Sed dum extendetur membrum fractum, ut ossa reponi possint, debebunt elongari musculi, quod ergo longè minori vi fiet, si musculi flaccidi fuerint, & contrà longè validiore distractione opus erit, si iidem musculi turgescant.

Præterea, si distensio membri fiat, dum illud non hæret in situ naturali, debet postea ossibus repositis in situm naturalem reponi, quia in alia positura non poterit diu manere sine dolore: sed tunc mutabitur situs partium, & sæpe ex suo loco ossa iterum recedent. Hoc voluit Hippocrates dum dixit (b) *ex quiescentem quidem ac remissam rectitudines (ῥωμείας) spectandæ sunt, velut in manûs figura. Et*

(a) Medicin. Lib. VIII. cap. x. pag. 531.

(b) Lib. 2<sup>o</sup> Medici Officina, Comment. III.  
Text. 2221. Charter. Tom. XII. pag. 87.

Galenus in Commentariis suis in hunc textum dicit (a): *Quibus in figuris, quum otiamur, singulas corporis partes habere consuevimus, hæ in curationibus eligendæ sunt.* Et paulo post pro Exemplo manuum situm naturalem describens addit: *Itaque, si homines otiosi consideraveris, plerumque manus inter summam extensionem & extremam flexionem non planè medias comperies, sed quæ ad extensionem propendeant.* In ipso verò initio libri de fracturis Hippocrates postquam monuit, debere Medicum (b) *tum luxationum, tum fracturarum, intentiones quàm rectissimas facere*, agens de manu fracta, dicit (c) *qui igitur prævio consilio nihil prospiciunt, plerumque nihil peccant. Qui namque deligatur, ipse jussu naturæ coactius, manum ita porrigit.* Qui verò Medici sapientes sibi videntur, hi sunt nimirum qui peccant. Postea factis prolixè improbat illorum opinionem, qui manum pronam deligabant; & longè magis culpât illos, qui supinum manûs situm eligebant cum longè adhuc magis incommoda sit hæc positura. Monet deinde pulcherrimè, quòd dum quidam extensam manum deligaverant, plures alios dolores, ipsa læsione majores, excitaverint; dumque postea flectere jubebant, nec ossa, nec nervi, nec carnes eodem habitu ampliùs consistenter, sed superatâ vinculi firmitate, in situ mutarentur. Et alibi de fractura brachii agens dicit (d) *si brachium extendatur, eoque sic figurato, intentio adhibeatur, humeri lacertus intentus alligabitur; atque ubi qui deligatus est cubitum curvet, humeri lacertus habitum mutabit.* Patet ergo, quanti momenti sit hæc regula in fracturis curandis. Sic v. gr; ossis humeri naturalis positura est parallela corporis trunco; dum nulli muscoli agunt; ubi ergo illud fractum fuit, tali in situ debet poni, dum extendetur. Si ossa cubiti fracta fuerint, cubiti articulo leviter flexo, manûs situs inter pronum & supinum medius esse debet. Idem de reliquis verum est.

4. Fessinatio hic semper nocet, requiritur enim ut fragmenta ossis, quæ juxta mutua latera pertractata fuerunt, sine ulteriori partium læsione iterum in situm suum redeant. Nisi autem recta extensio fiat, fragmenta hæc lædent magis vicinas partes. Distraçtio autem hæc lentè debet fieri, quia muscoli contracti, & sæpe contriti, non possunt simul & semel elongari validâ vi sine convulsionis metu. Unde extensio membri fracti sensim augeri debet quàm æquabilissimè; sic enim partes contractæ omnium tutissimè elongabuntur. Ideo Hippocrates (e) in restitutione brachii fracti voluit, ut ligno vel alio simili fulcro sub ala transmissio homo ferè suspendatur; saltem sic ponatur, ut vix sedere possit, deinde cubito sic flexo, ut rectum angulum cum osse humeri faciat, lorum molle circumponatur, & inde pondus grave suspendatur, quo moderatè extendi posset pars affecta: deinde addit, quòd robustus homo ponderis vicem supplere posset, deorsum trahens partem affectam. Facile autem patet, quòd homo partem trahens imitari debeat, quantum possibile est, æquabilem illam vim, quâ pondus appensum partem elongat. Limes autem extensionis est, quando paulò longius, quàm naturaliter esse debet, membrum vis fecit, ut dictum fuit ex Celsò in præcedenti paragrafo; tunc enim poterunt fragmenta in situm reponi sine attritu ad se mutuo, vel interceptione partium vicinarum. Neque facile peccari posse nimis extensione, imprimis in majoribus ossibus fractis, ut femoris v. gr; ibidem ex Hippocrate probatum fuit. Majori autem minorive extensione opus erit, prout validiores mus-

(a) Lib. de Medic. Officin. Comment. III. Text. xxi. Charter. Tom. XII. pag. 88 89.

(b) Lib. de fract. Comment. I. Text. 1, Charter. Tom. XII. pag. 153.

(c) Ibid. Text. iv, & v. pag. 158.

(d) Ibid. Comment. II. Textu 11. pag. 188.

(e) Ibid. Text. 111. pag. 189.



culi ossibus fractis affixi fuerint; ab illorum enim contractione accurtatur membrum. Unde de femoris ossis fracturis dixit *Celsus* (a) *Neque tamen ignorari oportet, si femur fractum est, fieri brevius, quia nunquam in antiquum statum revertitur; summisque digitis postea cruris ejus insisti: ex quo multa debilitas est; fadior tamen, ubi fortuna negligentia quoque accessit.* Postea tamen aliquando nimia extensione, imprimis si instrumentis mechanicis fiat, lædi partis usus, nimis distractis musculis; unde illorum debilitas sæpe nasci posset, ut probatum fuit in *Commentariis* §. 25. n°. 3. Dum autem peritus Chirurgus locum fractum manibus tangit, cum extensio sit, facile poterit percipere an extensio facta sufficiat, an verò adhuc validior requiratur.

§. In osse femoris fracto reponendo, in hominibus adultis & robustis, sæpe deficit manuum robur, unde ab omni tempore machinas tunc adhibuerunt. *Hippocrates* ipse (b) varias describit, ut cruris vel femoris ossa restitui possent, ubi manibus hoc perfici non poterat: monet tamen (c) inanem ostentationem esse uti machinis, si res non exigit. Variæ tales machinæ apud *Paræum*, *Fabricium ab Aquapendente*, in *Actis Academiæ Regiæ Scientiarum*, &c, depinguntur, in quibus omnibus ferè partes firmatæ cochleis circumductis elongantur pro lubitu. Requiritur in his, ut æquabilissima tractio fiat, non per subsultus, & directio talis sit, ut secundum rectitudinem agere possint.

§. 350. QUÆ (348. 349.) quum sine vi & dolore sæpe vix fieri queant, ubi partes jam inflammatæ, sæpe omitti debent, donec sedata inflammatio. Aliter convulsi moriuntur, vel gangrænâ correpti.

Si diu fracta fuerint ossa, solet magnus tumor nasci, quem dolor acutus & valida inflammatio comitantur sæpissime. Sed omnis extensio membri fracti, siue manibus siue machinis fiat, requirit satis validam vim, & rudiorum attratum partis affectæ. Crudele autem foret, partem jam inflammatam validè, & dolentissimam sic vexare; cum ob doloris acerbiteriam summam convulsiones metuendæ sint, & à partis inflammatæ rudiori tractatione gangrænâ expectanda. Unde prudenter monuit *Celsus*, postquam jusserat membrum, fractum debere extendi: (d) *Rursus, si primis diebus id omisum est inflammatio oritur, sub qua & difficile & periculose vis nervis adhibetur: nam distentionem nervorum vel cancer sequitur; et cerè, cum missimè agitur, pus. Itaque, si ante reposta ossa non sunt, post eam reponenda sunt.* Et *Hippocrates* (e) de ossibus fractis, quæ per cutim emerferant, restituendis agens, pariter monet, non lacerandas esse partes, ubi inflammatio adest; unde eodem die vel postridie hoc tentari posse dixit: sed non tertio, quarto, vel quinto die; tunc enim major metus est convulsionum, si os restituitur, quàm si relinquatur. Simul addit, admodum angustam spem superesse; si reposto osse convulsio succedat; tuncque præstare dicit, ut iterum os expella

(a) *Medicin. Lib. VIII. Cap. x. pag. 537.*

(b) *Lib. de Fract. Comment. II. Text. XLII.*  
 XL. *Chart. Tom. XII. pag. 209. & seq. & Comment. III. Text. xl. pag. 252.*

*Tom. I.*

(c) *Ibid. Comment. II. Text. XLIII. pag. 216.*

(d) *Medicin. Lib. VIII. Cap. x. pag. 537.*

(e) *Lib. de Fract. Comment. III. Text. XL. XLII. Charter, Tom. XII. pag. 252. 253.*

tur, si sine magna molestia fieri possit. Voluit tunc expectandum esse, donec septem vel paulo plures dies transierint, tuncque tandem, si febris & inflammatio absint, tentandam esse repositionem. Et in alio ejusdem libri & commentarii loco (a) agens de illis fracturis, in quibus femoris humerive os excessit, monet, sic nervos, venas musculos lacerari; & quodd, si reponantur, soleat convulsio. sequi; magis verò evadere illos, quibus nequidem tentatur horum ossium repositio.

Ubi ergo vel ob ingentem lacerationem partium vicinarum, vel ob nimiam moram antequam cura adhiberi potuit, magnus tumor, dolor, & valida inflammatio partem occupant; certi sumus, rudiori tractatione gangrænam vel convulsionem metuenda esse. Antequam ergo repositio tentari possit, requiritur, ut hæc symptomata tollantur, vel saltem mirigentur plurimum. Valida tunc venæsectio, fomenta vel cataplasmata mollissima parti læsæ applicata, interna remedia antiphlogistica, largus, satis diacodii usus, hæc spe adhibentur, ut minuantur dolor & inflammatio, & tumor partis subsideat. Pro re nata hæc auxilia repetuntur, donec effectus respondeat Medentium votis; & tunc tandem, non prius, repositio tentari potest. Si verò his omnibus adhibitis symptomata maneant æquæ vehementia, vel & augeantur, prudentia postulat ut nihil tentetur ulterius, sed tunc sola exstirpatio membri superest, si metuatur sphacelus: vel relinquenda sunt ossa fracta, totumque opus soli naturæ committendum est. Unde, ut dictum fuit in *Commentariis* §. 343. *Hippocrates* monet Medicos, ut fugiant tales casus, si sine ignominia possint. Si enim non reponantur ossa fracta, Arte destitutus Medicus videbitur; si verò reponantur, ægro magis ad interitum, quam ad salutem est.

Quamvis autem ossa fracta, si fieri possit, quàm citissimè reponi debeant, tamen etiam post plures dies non desperanda est illorum reductio. *Hippocrates* (b) de fractura ossium cubiti agens, dicit, postquam methodum deligandi membra fracta descripserat, quodd septimâ die locus fractus jam adeo gracilis fiat, subsidente omni tumore, ut ossa fracta facillimè moveri & in debitum situm redigi possint, si inde recesserint, vel non bene adaptata fuerint in initio. Unde patet, post tantum temporis intervallum adhuc dirigi posse & consolidari ossa fracta.

§. 351. SI fragmenta libera eximenda, si facillè fieri queat. Si acumina eminentia extensionem planè prohibent, & patent, excindenda; si latent, incisione detegenda prius. Si fractura composita valde & complicata, imprimis cum ingenti simul contusione, ossium contritu, vasorum magnorum destructione, requiritur illico; si nihil verat, exstirpatio.

Magnam molestiam in fracturis curandis faciunt fragmenta & festuæ offæ; imprimis si acutæ lædant vicinas partes. Satis frequenter hoc accidit, ubi cubia & fibula simul fracta sunt; & satis patet, pessima inde fieri posse mala, si extendendo membrum fractum his aculeis irritentur muscoli vicini, vel tendines. Un-

(a) Text. XLVII. pag. 157.

(b) Lib. de Fract. Comment. I. Text. XLII. Charter. Tom. XII. pag. 173.

de meritò concluditur, hæc tollenda esse, imprimis si undique à cohæsiōne libera fuerint; tunc enim instar corporis heterogenei curationem impediunt. Semper tamen priùs examinari debet, aneductio talis fragmenti sine difficultate & magna irritatione partium fieri possit: aliter potiùs relinquenda forent, sponte enim postea hæc separabuntur & expellentur. De his agens Celsus dicit, (a) *Si id majus est, membranullæque tinguatur, sinere oportet has sub medicamentis resolvi.* Illis autem celerimè abscedere hæc fragmenta monuit Hippocrates (b) *quibus celerimè pus apparet, & celerimè etiam atque optimè caro increfcit: caro enim quæ in viatiata parte succrescit, plerumque os attollit.* Et in alio loco agens de illo casu, ubi præter expectationem aliquid abscedet ab osse dicit, signum esse ossis abscelli, (c) *quod pus ex ulcere ampliùs profluit, & videtur ad exitum festinare (& ἰσχυρὰ παύειν):* In se ipso prædixit Paræus (d) ossa abscellura, dum tenuis & crudus ichor exiret de vulnere, & labia tumerent, carnèsque molles instar spongiæ apparerent. Quania autem fragmenta sic aliquando solius naturæ ope separentur; patuit. Exemplo in Commentariis §. 343, allegato.

SI ACUMINA EMINENTIA, &c. Aliquando accidit, ipsa ossis fracti extrema acuta esse, quod genus fracturæ pessimum esse meritò dixit Celsus (e), quia non faciliè in situ retineri possunt, ubi reposita sunt, & vicinas partes vulnerant. Si tunc extensio membri fracti ab his acutis eminentiis prohibeatur, nil superest, quàm ut abscindantur; si nempe emineant. De his agens Celsus dicit (f), *si acutum, ante acumen ejus, si longius est præcidendum; si brevius, limandum, & utrumque scilicet lavandum: tum ipsum recondendum est.* Et Hippocrates monuit, eminentia ossa præcidenda esse in fracturis, si nempe noxia sint, carnes vulnerent, aut molestiam afferant, vel nuda sint: deinde dicit (g) *reliqua verò non multùm refert, præcidantur necne: scire enim cerùm licet, ossa, quæ carne nudata sunt ex toto, & arida, omnia penitus abscellura: ea verò præcidit non oportet, à quibus squama resolvenda est.* Imò eadem hæc fragmenta, si vicinas partes læserint, & debitam extensionem membri fracti impendant, interim tamen sub integumentis lateant, his discissis tollenda sunt, licet hoc crudele videatur. Vulgò solet credi Chirurgos, Artis suæ exercitio induratos, proximi miseras sepe nimis vilipendere, & ferro ignèque uti aliquando in talibus casibus, ubi mitior cura, quamvis fortè tardior atque tuta fuisset. Ubi autem ipsi similibus calamitatibus assliguntur, tunc saltem, si credibile videtur quoddam crudelē curam mitiori præferrent, nisi gravissimas ob causas. Sed Paræus pessimam cruris fracturam passus, experitissimum Chirurgum, qui ipsi aderat, ferri monuit, ne parceret amico, sed vulnus novaculà dilaret, ut ossa commodiùs restitui possent, & digitis educi fragmenta, quæ undique à vicinis partibus libera inveniebantur. (h).

SI FRACTURA COMPOSITA VALDE, &c. Si tanta fuerit laceratio & destructio partium, ut omnis vitalis humorum per partes circuitus abolitus sit, nul-

(a) Medicin. Lib. VIII. Cap. x. pag. 140.

(b) Lib. de Fractur. Comment III. Text. xlv. Charter. Tom. XII. pag. 155.

(c) Ibid. Text. xviii. pag. 140.

(d) Livre XV. Chapit. xxv. pag. 346.

(e) Medicin. Lib. VIII. Cap. vii. pag. 124.

(f) Ibid. cap. x. 139.

(g) Lib. de Fractur. Comment. III. Text. xvi. Charter. Tom. XII. pag. 156.

(h) Ambr. Paré Liv. XV. Chap. xxiii. pag.

344.

la ampliùs spēs superest; brevī enim corrumpentur omnia: unde tunc unicum remedium est partis sic affectæ exstirpatio; si ipse sit, salvā vitā illam institui posse. Omnis enim separatio corrupti, & unio illorum, quæ soluta sunt à cohæsiōe, à sanis humoribus per vasa bona allatis pendet. Ubi ergo vasis majoribus læsis, vel destructis per ingenrem confusiōem partium fabricā, tollitur humorum morus per partem læsam, nil boni sperari potest. Notandum tamen quā maximè, non tentandum esse ultimum hoc & periculosum adeo auxilium, priusquam omnino certū sumus nihil vitale ampliùs in parte superesse. Mirabiles enim casus, docuerunt, rediisse aliquando vitam in partibus, quæ omnino mortuæ credebantur. Unde præstat saltem per unum alterūve diem expectare, intermque partem læsam fomentiis antisepticis sic munire, ut non putrescat. Talia enim habemus in Arte remedia, quibus confidere possumus, uti in cura confusiōis dictum fuit. Ut autem demonstraretur, etiam in pessimis fracturis non statim ad exstirpationem veniendum esse, sufficit mirabilis casus, cujus facta fuit mentio in *Commentariis* §. 343. Homini currus aliquot librarum millibus onustus rota supra crus transiens tibiam & fibulam miserrimè fregerat, cum tam valida confusiōe & dilaceratione partium, ut uno alterōve forficis ictu tota pars exstirpari posuisset quā facillimè. Ossa omnibus tegumentis nuda erant, ingens hæmorrhagia debilitaverat ægrum, omnia vicina pessimè contusa tuebant immaniter; vixque ulla spes apparebat, posse sustineri diu vitam in hac parte tam enormiter læsa. Restitutis tamen ossibus sequitur ingens suppuratio, tumor aderat ingens, & cadaverosus odor pessima quævis metuenda esse indicabat. Unde non sine ratione peritissimus Chirurgus in consilium vocatus exstirpationem suadebat. Alter tamen, qui ab initio curæ præfuerat, confidens ægri robori & bonæ temperiei, cūque simul anni tempestas faveret, nulla febris adesset, neque magnus dolor, dislulit anceps hoc & crudele remedium, partemque læsam vino ejusque spiritu continuò fovens arcebat omnem putredinem. Post binos menses separabatur ingens portio ossis tibiæ, dum interim fibulæ fragmenta consolidata fuerant. Amisā tibiæ pars bono callo restituta fuit, & anni spatio integra cura facta fuit, post tam enormem læsionem superflite integro partis usu, sine ulla deformitate (a).

§. 352. **RESTITUTIO** fit partem rite extensam (349), & paratam (351), cautè, lentè, leniter ita intorquendo, donec os ossi debito in loco occurrat, musculi vero revulsi suo in situ sint repositi, nihilque intercipiatur.

Chirurgus, qui curæ præest, aliis Chirurgis præsentibus, vel ministris, extensionem partis fractæ peragendam quidem tradet, sed repositionem partis rite extensæ ipse perficere debet. Ab hac enim tota curæ pulchritudo pendet. Ideo *Hippocrates* (b) monuit, ita ægrum collocandum esse, ut pars affecta luminis sic exponatur, ut in extensione partis non lateat manu operantem, num satis in directum sit posita. Si tunc eoque extensio facta fuerit, ut ossa, quæ supra se mutuo efferebantur, possint sine læsione partium vicinarum iterum in pristinum

(a) De Lamotte, *Traité complet de Chirurgie*, Tom. IV. pag. 284 -- 350.

(b) Lib. de Fracturis, *Comment. I. Text. XVII. Charter. Tom. XII. pag. 166.*

situm reduci, manibus oberrando circa locum fracturæ illa quæ loco mota sunt dirigit Chirurgus & reponit. Inprimis hic notandum est, non sufficere, ut fragmenta iterum sibi mutuo insistant, sed requiri, ut illum omnino situm obtineant, quem ante fracturam habuerunt. Osse v. gr; humeri fracto, possent fragmenta sic sibi adaptari, ut penitus intortum esset brachium, & omnium musculorum adjacens situs & directio mutarentur; unde magna deformitas & depravatio usûs parvis affectæ sequerentur. Magis ergo hic cautela opus est, neque festinandum nimis; difficulter enim postea corrigi poterit error semel commissus. Dum autem debita extensio facta fuit, simulac remittitur pars extensa, musculi ossibus affixi tuâ contractione solent in debitum situm redigere fragmenta; vel si deviant, aut intorta fuerint, poterit peritus Chirurgus leviter intorquendo vel premendo illud corrigere.

Simul notandum est, partem extensam non simul & semel, sed sensim, debere remitti; aliter enim periculum foret, ne aliquid de partibus vicinis fortè interciperetur inter ossis fragmenta, dum sibi mutuo applicantur; unde impediretur fragmentorum coalitus; dolor, inflammatio & alia pessima symptomata sequerentur, uti facillè patet.

§. 353. **I**D notescit ex Anatomicis, comparatione partis sanæ, dolore sublato, longitudine & figurâ naturali redditâ.

Postquam in situm suum reposita esse ossa fracta creditur, antequam deligatio fiet, prius sollicitè examinandum est, an quidem repositio sic facta fuerit, ut fragmenta & alix partes vicinæ naturalem situm obtineant. Solentque tunc Chirurgi Medicum præsentem rogare, ut illud examinet. Cognoscitur autem hoc.

**EX ANATOMICIS.** Inde enim ossium situm & figuram novimus: & in illis locis, ubi ossa nuda facillè tangi possunt, v. gr; si tibia fracta fuerit, digitis oberrando secundum totam longitudinem spinæ ossis tibix, facillè detegitur an ossa fracta deviant à naturali situ, an non. In aliis verb locis, ubi crassis musculis ossa teguntur, an adeo facillè hoc sic determinari poterit.

**COMPARATIONE PARTIS SANÆ.** Maximi momenti hoc signum est, cui confidere licet, ut certa habeatur cognitio, ossa fracta bene reposita esse. Si v. gr; cruris ossa fracta fuerint, illis repositis crus affectum cum altero crure sano conferendum est, & sollicitè examinandum, an in utroque membro iidem in locis similes prominentiæ, cavitates, &c. occurrant. Musculi enim ossibus affixi suâ mole & positurâ figuram membri faciunt, quæ ergo si eadem omnino appareat in membro læso & sano, certè sumus omnes partes debitum situm obtinere. Hoc etiâ videtur indicasse Celsus dicens, postquam ossa in suam sedem restituta fuerant, (a) *At membrum alteri æquatum, involvendum duplicibus triplicibusque pannis, &c.*

**DOLORE SUBLATO.** Dum fragmenta supra se mutuo efferuntur, non potest hoc fieri, quin vicinæ partes premantur, & distrahantur; & si acuta fuerint fragmenta, eorumdem laceratio & punctura sequuntur necessariò; unde facillè patet ratio, quare tam enormis dolor fracturam ossium comitetur sæpe. Simulac autem

ossa reposita sunt, cessat hujus doloris causa; unde statim dolor omnis abest, vel saltem insigniter minuitur, aliquando enim à valida contusione aut laceratione partium aliquis dolor manet, postquam optimè etiam reposita sunt ossa: simul etiam certi sumus, nihil interceptum fuisse inter fragmenta reposita, si dolor cessat. Unde absolute posuit Celsus (a) *Indiciumque ossis repositi est dolor sublatu8.*

**LONGITUDINE ET FIGURA NATURALI REDDITA.** Quod cognoscitur, comparando partem læsam cum parte sana. Si enim fracta ossa (b) non adversa, sed obliqua junguntur (quod fit, ubi loco suo non sunt), membrum id altero latere brevis est, & musculi ejus tument.

In comparanda autem longitudine membri fracti magnà attentione opus est, cùm aliquando acciderit peritissimos etiam in hac re falli. Homini femoris os circa cervicem ejus ruptum fuerat, unde primò pro luxatione habebatur hæc fractura. Repositis, in situm, ut credebatur, naturalem, fragmentis, comparabant Chirurgi longitudinem partis læsæ cum parte sana, & inveniebant partem læsam breviorē esse: sed quia sine ulla vi poterat ad eandem longitudinem cum parte sana reduci, nihil mali suspicabantur. Peractâ tamen curatione homo claudicabat, & membrum fractum brevius apparebat altero sano. Dum in lecto decubentem examinabant iterum, & utrumque crus extendebatur, sine difficultate ad eandem longitudinem poterat læsum membrum reduci. Inventum tunc fuit, quòd os illium ejusdem lateris descendebat, dum extendebantur crura, & sic fallax apparebat æqualitas, dum lumborum flexibilitas facillè permittit, ut unà cum femore os illium deorsum iret. Unde in tali casu, dum comparatur longitudo partis læsæ cum parte sana, debet Chirurgus certus esse, ossa illi ab utroque latere in eadem altitudine esse posita (c). Potest enim æger, ut dolorem evitet, os illi unius lateris attollere vel deprimere.

§. 354. **RETENTIO** in situ fit fasciis, spleniis, ferulis, canaliculis quietem conciliando, tum impediendo & dirigendo actionem musculorum.

- Longè difficilior est sæpe in situ retinere ossa jam reposita, quàm vulgò creditur, & in hac parte curæ fracturarum, peritia & dexteritas Chirurgi inprimis apparent. Musculi enim ossibus affixi suâ actione poterunt fragmenta ex situ naturali remove: tussi, sternutatione, motu membri læsi, tempore somni, &c. simile infortunium accidere poterit, uti in se ipso factum doluit Paræus (d) dum dormienti, musculis convulsis validâ vi, attolleretur crus fractum, unde statim fragmenta à mutuo contactu removebantur, quæ novâ extensione factâ iterum debebant reponi, non sine summo dolore, quem inflammatio, febris, & suppuratio sequebantur.

Unde requiritur, ut sic firmetur membrum læsum, ut immobile omnino sit. Hoc autem fit.

**FASCIIS.** Variè adhibentur membris fractis fasciæ, prout nempe diu relinquatur, vel sæpius debeat renovari apparatus. In fractura simplici spiralis fascia unius

(a) Medicin. Lib. VIII. Cap. x. pag. 532.

(b) Ibidem.

(c) Académ. des Sciences l'an 1722. Mém.

pag. 450. 451.

(d) Livre XV. Chap. xxv. pag. 346.

vel duorum capitum sufficit (a). Ubi autem vulnus, confusio valida, inflammatio, &c, fracturam comitantur, incommodum foret quotidie hunc apparatus solvere, ut tractari possit locus affectus; cum deberet attolli membrum læsum, ut fascia spiralis circumducta auferri, atque iterum applicari posset: quod vix fieri poterit sine periculo separationis fragmentorum à se invicem. Ideo aliam methodum excogitaverunt Chirurgi; fasciam nempe libriformem vel octodecim capitum dictam adhibent, quæ ex tribus linteis, sibi mutuo impositis, & utrimque binis scissuris in tria capita divisus sit; sic tamen ut illud linteum, quod membrum læsum tangit, brevis sit; sequens parum longius, extimum iterum longitudine superet medium. Oxycrato vel simili liquido madens hæc fascia libriformis superponitur parti læsæ, & deinde capita primi lintei supra se mutuo parum decussatim ponuntur, à mediis capitibus incipiendo; postea eodem modo & reliquorum linteorum capita uniuntur. Unde requiritur, ut horum linteorum longitudine partis affectæ crassitiem superet, neq nimis tamen. Melior tamen idea talis fasciæ habetur ex figuris Auctorum, quam ex descriptione: videatur *Heisterus* (b) & alii, qui de hac re scripserunt. Quamvis autem Recentiorum inventis hæc fascia annumeretur, videtur tamen apud *Hippocratem* similis ferè describi (c). Ubi enim expectabat, majus aliquod fragmentum abscessurum esse, jubet, ut duplices pannifumantur dimidiam spithamam, non minus, lati, quoad longitudinem paulò breviores, quam ut bis membrum fractum complectantur, multò tamen longiores, quam ut semel; totque numero sint, quot res postulat. Intrinsecos hos pannos vino nigro austero voluit medios applicari loco affecto, ut fasciæ duorum capitum solent; deinde permutando capita, dextrum versus sinistram, sinistram autem versus dextram partem (*παραλίαν*) procedere, neque ullo modo adstringi hæc jubet, sed sic insidere, ut ulcus tuiciant. *Galenus* in Commentariis suis hunc textum *Hippocratis* explicans satis similem fasciæ, libriformis dictæ, descriptionem habet. *Celsus* tamen in cura fracturæ, quam carnis vulnus comitatur, similis fasciæ nullam mentionem facit; sed tantum monet, laxius deligendam esse partem, quam si ea plaga non esset; & (d) numero potius fasciarum id agendum est, ut laxæ quoque æquè combineant. Pulcher usus fasciæ hujus in eo consistit, quòd immotomembro fracto commodissimè possit renovari apparatus ad curam vulneris requisitus.

Illas autem proprietates, quæ in omnibus fasciis requiruntur, pulchre recensuit *Hippocrates* dicens (e): fasciæ parandæ sunt leves, tenues, molles, munda, lata, nullas suturas, nullas exstantias habentes, atque ita validæ, ut extensionem ferant, pauloque fortiores, non aridæ, sed liquore madentes, quo quæque inebriari consueverunt.

Facile patet, fasciam illam, quæ libriformis dicitur, non tam validè firmari partem fractam, quam illa, quæ spirabilibus gyris circumducitur; sed vulnus aut ulcus, vel ingens confusio fracturam comitans, validam compressionem minime ferrent, unde tunc libriformis illa fascia sufficit. Spiralis autem fascia hunc usum inprimis habet, ut æquali pressione fragmenta repozita in situ retineat, & solent ideo fractu-

(a) Heister Institut. Chirurg. Tab. II. lit. B. C.

(b) Institut. Chirurg. Tab. IX. fig. 4. & Tab.

XXVIII. fig. 15.

(c) Lib. de Fracturis, Comment. III. Text.

XXI. Charter. Tom. XII. pag. 241.

(d) Medicin. Lib. VIII. Cap. x. pag. 539.\*

(e) Lib. de Medici officina, Comment. II.

Text. XXVI. Charter. Tom. XII. pag. 61.

æ loco primum fasciæ gyrum circumducere Chirurgi; & si v. gr; primam hanc fasciam à sinistra parte in dextram circumduxerint, postea aliam fasciam, iterum à fracturæ loco incipiendo, à dextra parte in sinistram circumvolvunt, ut fiat maxima æquabilitas pressionis, illaque inprimis in fracturæ locum agat. Quæ omnia iterum pulcherrimè descripti: *Hippocrates*. De cubitienim ossium fracturis curandis agens dicit, (a) *Postea linteæ (fasciæ) deligare, capite supra fracturam injecto; sic ut firmè quidem, non tamen vehementer comprimat. Ubi super eadem fracturam, bis terve fasciam circumjeceris qui deligat ad superiora distribuat; quò sanguinis affluxus interceptiatur; illicque desinat. At prima linteæ (fasciæ) minimè longa esse oportet. Secundarum verò fasciarum caput quidem supra fracturam injiciendum est. At semel eodem involvatur; tum deorsum demittatur, lenius adstringatur, atque ex majori intervallo circumdetur. Ubi & plura alia utilissima circa fasciarum usum monita habentur; uti & apud Celsum (b).*

**SPLENIIS.** Monuerat (*Hippocrates*), quòd (c) *prohè nasse decet omnem fasciam ad declivis, & acuminata diffugere, ut capitis sursum, tibiæ, deorsum.* Ideòque alibi dicit, (d) *quæ extremitate tenuantur, pannis (spleniis) æquanda sunt in orbem datis.* Illum ergo usum splenia inprimis habent, ut idoneo loco posita partes affectæ figuram reddant cylindricam, ut fasciæ firmiùs hæzere possint, neque sponte versus tenuius membri extremum delabantur. Præterea, dum ossis femoris fracti extremum v. gr; versus exteriorem partem excessit, poterit spleniis applicatis sic determinari fasciæ circumductæ pressio, ut magis agat in illum locum, sicque impediatur, ne facilitè musculorum actione, vel alia de causa iterum loco moveantur ossis fracti partes. Quantum præterea usum habeant splenia in dirigendo & impediendo musculorum actionem, statim dicitur.

**FERULIS.** Licèt spleniis appositis, fasciisque circumductis, pars læsa quàm optimè munita fuerit, non poterit tamen sic caveri, quominus in fracturæ loco flecteretur membrum, si in summo v. gr; fortè moveretur; unde turbaretur situs partium repositarum. Ob hanc causam Chirurgi membro fracto, spleniis & fasciis jam munito, circumponunt in tota ferè longitudine assulas, ex charta crassiori (bortpapier) vel ex tenui ligno factas, ut hoc impediatur. In his requiritur talis firmitas, ut cavere possint flexuram in fracturæ loco; simulque possint utcumque accommodari figuræ partis læsæ, sintque simul adeo leves, ut pondere non obsint. Quia autem ferulæ caulis cavus, levis admodum, & interim satis firmus, à Veteribus ad hunc usum adhibebatur, ideo ferulas vocaverunt.

De illis agens *Hippocrates* dixit (e) *Ferulæ autem sint leves, æquales, in extremis firmæ, hinc & illinc paulò minores deligatione, crassissimæ quæ exstat fractura.* Leni tantum ligaturâ firmantur ferulæ quia non applicantur, ut pregnant, sed tantum ut tueantur vinculum, uti *Hippocrates* prudenter alio in loco monet (f): ubi simul addit, cavendum esse, ne partes excarnes prominentes

(a) Lib. de fracturis, Comment. I. Text. xxxiv. Charter. Tom. XII. pag. 173.  
xxiii. Charter. Tom. XII. pag. 169. & seq.

(b) Medicin. Lib. VIII. Cap. x. pag. 511.

(c) Lib. de Med. Offic. Comment. II. Text. x. Chart. Tom. XII. pag. 48.

(d) Lib. de Fracturis Comment. I. Textu

(e) Lib. de Medici Officina, Comment. III. Text. xii. Charter. Tom. XII. pag. 76.

(f) Lib. de Fracturis, Comment. I. Text. xii. Charter. Tom. XII. pag. 179. & de Med. Officina, Comment. III. Text. xiv. Ibid. pag. 80.

ledantur



lædantur à ferularum applicatione, inde enim ulcus fieret, & nervi nudarentur. Unde in offium cubiti fractura cavendum jubet, ne ferulæ è regione pollicis vel minimi digiti ponantur, vel si omnino hoc necessarium videatur, tunc sint brevissimæ: eminentes enim ulnæ & radii partes circa carpi articulum inde læderentur. Idem verum est in cruris fractura: cavendum nempe, ne ferulæ malleolos vel prominentes tibiæ aut fibulæ partes circa genu tangant: tota enim pressio vinculi, quo retinentur in situ ferulæ in has partes ageret. Vidi sic turpi errore, dum hoc neglexerat Chirurgus, natam circa malleolos & genu gagrænam à sola pressione ferularum ad has partes. Facile jam apparet, in illis locis, ubi bina ossa sunt, si alterutrum tantum fractum fuerit, non esse adeo necessarium semper ferularum usum. Optimè hoc monuit *Celsus*, qui similia ferè ac *Hippocrates* de ferulis dixit (a). *Curiosius omnia in continendis ossibus fiant, si neutrum alteri auxilio est. Nam ubi alterum integrum est, plus opis in eo, quam in fasciis ferullisque est.* In locis modò citatis ex *Hippocrate* & *Celso* simul apparet, quòd ante septimum diem non applicuerint ferulas; recentiores tamen Chirurgi etiam in prima deligatione illas adhibent, uti in se ipso fieri curavit *Paræus* (b).

**CANALIBUS QUIETEM CONCILIANTIBUS.** Requiritur præterea, ut membrum læsum sic ponatur & firmetur, ut penitus immobile, sit quantum commodè fieri poterit. Sed cum sic debeat semper in eadem positura remanere, necessarium est, ita ponatur pars læsa, ut sine incommodo in eodem situ diu manere possit. Unde v. gr; in femoris vel cruris fractura leviter flecti debet articulus genu, extenso enim crure jacere nemo diu poterit. Deinde, pulvinari supposito, sic fulcienda pars est, ut pondus partis totà longitudine membri sustineatur, non verò uni tantum parti incumbat; quia inde inflammatio, suffocatio & gangræna nasci poterunt. Sic observatum fuit aliquando, pessimam gangrænam calcem occupasse ab hac tantum causa. A diuturno enim decubitu calcis os ipsum tandem corrumpi monet *Hippocrates* (c), summumque inde nasci periculum; & quòd corrupto hoc osse morbus sæpe totà hominis virà duret. Ut hæc mala evitaret, iussit *Hippocrates* alibi (d), ut crus fractum & deligatum ponatur supra rem aliquam planam & mollem, ne in hoc illudve latus circumverti faciliè posset, vel antèrius aut postèrius emineat. Si enim non in tota longitudine sustineatur crus fractum, v. gr; sed tantum calx & genu incumbant lecto, solo pondere in loco fracturæ curvatura nascetur. Idem verum erit, si locus fractus quidem sustineatur, calx verò & pes inferior suo pondere magis descendere possint. De canalibus autem, quibus crura fracta imponebantur, ut immota retinerentur, *Hippocrates* fatetur se incertum esse, quid diceret (e) Prodesse quidem possunt, sed non quantum existimatur. Si enim reliquum corpus in hanc illamve partem convertatur, non prohibet canalis, quo minus sequatur crus, nisi ipse homo caveat: neque etiam prohibet, quo minus sine corpore crus in hanc illamve partem moveatur. Addit tamen, vulgò persuasum esse, Medicos culpâ magis, vacare, si canalem subiciat. Recentiores autem Chirurgi pulcherrimas excogitaverunt machinas, quibus commodè locari, & immobile retineri posset membrum fractum; sic tamen ut simul faciliè posset & sine periculo renovari appa-

(a) Medicin. Lib. VIII. cap. x. pag. 536.

(b) Livre XV. Chapitre xxiii. pag. 344.

(c) Lib. de Fractur. Comment. II. Text. xx.

Tom. I.

xiii. Charter. Tom. XII. pag. 200. 201.

(d) Ibid. Text. lxxiii. pag. 117.

(e) Ibid. Text. lxxv. pag. 117. 118.

Y y y

tus in fracturis complicatis. Capsula talis pro locando crure fracto describitur & delineatur in *Actis Academiae Regiae Scientiarum* (a), cujus figura etiam in *Institutionibus Chirurgicis* (b) celeberrimi *Heisteri* habetur. Quantum autem prodest ad felicem curam fracturarum commodus reliqui corporis æque ac partis læsæ situs, dum diu decumbere debent sic affecti, facile patet. Unde peritissimi Chirurghi solebant ipsi semper lectum sternere, antequam curam aggrederentur (c), ut certè essent, omnia bene disposita esse.

**TUM IMPEDIENDO ET DIRIGENDO ACTIONEM MUSCULORUM.** In hac re imprimis periticia Chirurghi elucet: musculi enim ossibus affixi, his fractis, turbantur in sua directione, & sæpe, nisi caveatur Arte, suâ contractione à naturali situ removebunt fragmenta. Sic v. gr; si radii os fractum fuerit, pronator quadratus & ligamentum inter radium & ulnam suâ contractione adducent fragmentum versus ulnæ os. Imò fasciæ circumductæ suâ pressione augebunt hoc malum. Sed si splenia ponantur inter radium & ulnam, hæc efficient, ut fasciarum pressio in hæc splenia inprimis agat, adeoque cavebitur, ne radius ad ulnam propius accedere possit. Idem etiam obtinere poterit, ubi fibula fracta est. Ubi autem in loco fracturæ os in plura fragmenta comminutum est, metus est ne musculi affixi suâ contractione expellant hæc fragmenta, & postea membrum sanatum brevius sit. Requiritur tunc, ut debita longitudo partis læsæ servetur machinis applicatis, quæ impediunt, quominus accurreret membrum, donec unita inter se fragmenta musculorum robori resistere possint. De his autem dictum fuit in Commentariis §. 346. Magnam hic sæpe esse difficultatem in deligatione similium fracturarum probè noverat *Hippocrates*, qui de calcis fractura agens, monet, sic (d) hæc bene alligare non cujusvis est. Nam si quis vinciat eo modo, quo cætera circa talos vinciuntur, fasciâ modò ad pedem datâ, modò ad ipsam chordam (tendinem Achillis) circumactâ fasciæ compressio, calcem quâ illius fuit expellet. Postea verò (e) methodum optimæ deligationis in hoc casu describit. Unde patet, quàm necessaria sit in cura fracturarum Anatomica musculorum & tendinum vicinorum cognitio.

§. 355. **FASCIÆ** adstrictæ tumorem; suffocationem, gangrænam producant; unde infinita mala; ergo leviter attrahendæ, ut firmare, & vascula leniter compescere, queant.

Multùm sæpe hic peccatur, dum fasciæ validè nimis adstringuntur, ut nempe in situ retineantur ossa reposita. Frequentissimè enim accidit, imò ferè semper, ut post aliquot horas tumere incipiat membrum fractum, & præcipuè circa fracturæ locum; sive hoc ab ipsa læsione aut confusione fiat sive à rudiori tractatione partis, dum extensio & repositio perficiuntur. Si ergo tunc fasciæ in initio fortiter adstrictæ fuerint, antequam tumeat pars, patet faciliè tumente jam parte, fasciarum pressionem augeri; unde à compressis vasculis obstructio, inflammatio, imò, integre suffocata circulatione, gangræna nasci poterit. Ingens dolor tunc

(a) L'an 1718. Mém. pag. 396.

(b) Tab. IX. fig. XI.

(c) De Lamotte Traité complet de Chirurgie, Tom. IV. pag. 175.

(d) Lib. de Fracturis Comment. II. Text. XIX. Charter. Tom. XII. pag. 199. & seq.

(e) Ibid. Text. XXV. pag. 202.

oritur, quando nimis adstrictæ sunt fasciæ: si autem Chirurgus negligat ægri querelas, postea turpi errore sæpe tota pars jam gangrænâ corrupta apparet, tuncque extirpatio sola superest. Hinc optimi Chirurgi sollicitè semper monuerunt, si de dolore queratur æger, illico inquirendum esse in ejus causam: potiusque removendum esse totum apparatus, ne turpi neglectu pereat pars affecta, imò & æger de vita periclitetur. Tristes tales casus frequenter observati fuerunt, & apud egregium Chirurgum *Lamottium* (a) plures tales enarrantur. Minus ergo nocet; non satis adstrinxisse fascias, quàm nimis, quia novâ fasciâ applicatâ illud corrigi poterit. Signa autem, quibus cognosci poterit, an debita adstrictio facta fuerit per fascias, an non, pulcherrimè recensuit. *Hippocrates*, dicens (b) *hinc autem cognosces rectè hominem curatum esse, ac terminum deligandi, ubi num prematur rogareris; atque is responderit se premi quidem, sed leviter, idque præsertim quâ fractura est. Hac itaque sic se habere, necesse est fateatur, qui rectè est alligatus. Moderationis autem indicia sunt, si eodem die, ac nocte, quo deligatus fuerit, ipse sibi videatur non levius, sed valentiùs adstringi; postridie verb tumor in manu oriatur mollis ac parvus (διδυμίστιον): indicant hæc vinculum fuisse abs te moderatè adstrictum. Labente jam die minus adstrictas fascias sentiat, sed tertio die penè resolutas. Jure autem licet, si quid horum quæ proposuimus, absit, vinculum non satis artatum; si quid superet, fuisse justò plus adstrictum. Tumor ille, qui in inferiore parte membri deligati apparet, si mollis, albus, & parvus fuerit, designat leviter tantùm compressas esse venas, unde simul qui effecente parte difficilior & tardior motus humorum per venas fit, & inde tumor ille nascitur: ubi autem in loco superiori pars tumet, signum est, & arterias simul compressas esse, unde inflammationis & gangrænæ metus est. Ubi autem tertiâ die laxantur sponte fasciæ, minuto tumore partis læsæ, jussit *Hippocrates* (c) fascias paulò arctiùs adstringendas esse; atque deinde iterum septimâ die, si opus videatur: semper iisdem cum cautelis, ut antè dictum est. Ubi autem solvitur apparatus, semper sollicitè debet examinari, an fortè ossa reposita non deviaverint iterum à situ naturali, de qua re dictum fuit §. 353.*

§. 356. **SI** vulnera adsunt, curanda ex Arte, (185. 239.) sed rarâ deligatione. Idem de inflammatione, dolore, tumore, & reliquis symptomatibus intelligendum.

Si in complicata fractura simul vulnus adfuerit tanti momenti, ut non possit tutò committi soli naturæ; tunc oportet fasciam libriformem, vel octodecim capitum dictam adhibere, ut commodè possit & sine periculo separationis fragmentorum cura vulneris haberi. Minus quidem firmat partem hæc fasciâ, quàm illa, quæ spirali-bus gyris circumducitur; sed in hoc casu vulnus non ferret validiorem pressionem. Peccant illi, qui sic deligare conantur, ut fasciâ spiralis vicina premat tantùm, vulneris verb locum liberum relinquat, vel excisso in fasciâ foramine fenestram quasi relinquunt in loco vulneris. Dum enim omnia vicina constriunguntur fasciis, solum

(a) Traité complet de Chirurgie Tom. IV. pag. 17. & suiv.

(b) Lib. de Fractur. Comment. I. Text. xxxvii. xxxviii. xxxix. Charter, Tom. XII.

pag. 175, & sequ. de Medie. Officina Comment. III. Text. xxxvii. Ibid. pag. 95.

(c) Lib. de Fracturis Comment. I. Text. xii. Charter. Tom. XII. pag. 177.

vulnus liberum relinquitur, major humorum impetus & copia urgebunt vulneris locum; unde inflammatio, carnis fungosæ protuberantia, & similia mala orirentur. Damnaverat jam hanc methodum Hippocrates dicens, (a) *Necesse est, ulcus in tumorem assurgere; nam si carnosæ pars quæ sana est hinc atque hinc vinciat, medid non comprehensâ, ea pars quæ relicta sine vinculo fuerit, maximè turgebit, minùsque erit sui coloris, quo pacto igitur ulcus hæc effugiet? igitur necesse est decoloretur ulcus, & materia ad ipsum exprimatur, tum lacrymet, ac minimè suppuret: ossa verò & quæ abscessura non essent, abscedant.* Additque postea (b) se latius de hac re egisse, ut pessimam hanc deligandi viam, pluribus usitatam, repudiarent omnes. Reliqua autem, quæ in cura vulnere dicta sunt, hic pariter observanda erunt: & si pars ossis nudata per vulnus fuerit, illa convenient. quæ in vulneribus capitis cum cranii denudatione solent adhiberi. Rara autem deligatio, uti ple-risque vulneribus convenit, uti antea dictum fuit, sic & inprimis in hoc casu; quia semper magna cûra adhibenda est, ne ossa reposita situm suum mutent.

Quamvis autem in simplici fractura non adeo exacta victus ratio videatur requiri in homine cæteroquin sano, tamen cogitandum est, nihil pejus hic contingere posse, quàm si inflammatio accedat fracturæ; solvi enim tunc debebunt fasciæ, & talia applicari, quæ tollere valebunt inflammationem natam, quæ fortè præcaveri potuisset. Venæsectio ergo inprimis in plethoricis, & inflammatoriæ diathesi obnoxia, convenit; uti & victus tenuis. Vitanda ergo omnia, quæ humorum copiam vel impetum augere possent. Inprimis autem hæc cautelæ requiruntur primis diebus, quando major inflammationis metus est. Ideo Hippocrates dixit (c) quibus initio cutis non abrumpitur, neque os cute excedit, idonea est ratio victus prope quævis (*ὅποιαδήποτε*): minùs tamen cibi sumant atque ad decimum diem, præsertim quum quiescant: adhibeantque ex obsoniis molibus, quæcumque modicè admodum de-jiciunt alvum, sed à vino & carne sibi temperent. Tum paulatim se reficiant. Ubi verò tumor ingens, acris dolor, aut valida inflammatio fracturam comitantur, subito adhibenda sunt illa, & audacter repetenda, si mala hæc urgeant, quæ in cura contusionis §. 334, laudata fuerunt. Simul tunc & tenuissimus victus convenit.

§. 357. **T**UM fit concretio; callûsque, citior, tardior pro ætate; ossis crassitie, pondere incubituro, vario tempore, intra viginti, & septuaginta dies.

Tertium requisitum in generali cura fracturarum (vide §. 347, n°. 3.) erat, ut fragmenta reposita, & in situ retenta, concreverent iterum inter se; & si quid perditum foret de ipsa ossis substantia, illud regeneraretur. Obtinuit autem usus apud Medicos & Chirurgos, illam substantiam, cujus interpositione uniuntur fragmenta inter se, vocare callum. Quid autem sit callus, & quomodo generetur, dictum fuit in *Commentariis* §. 343, & §. 347, n°. 3. Paruit enim ibi, ex ingessis nutritivis, vasorum & viscerum vi in naturam corporis humani mutatis, per vasa bona, impetu & copiâ debitis, allatis restitui perditâ, & uniri separata. Ars nihil aliud hic efficit, quàm ut debitum in situm reponat fragmenta, quæ deviaverant;

(a) Lib. de Fractur. Comment. III. Text.

v. VI. VII. Charter. Tom. XII. pag. 234.

(b) Ibid. Text. VIII. pag. 235.

(c) Ibid. Comment. I. Text. XLV-XLVIII.

pag. 181. 182.

& in illo situ deinde retineat. Reliquum perfecti corporis sani fabrica. Unde tantum examinandum est, an aliquid in sanitate deficiat; & ille defectus cognitus per Artem corrigendus est. In *Commentariis* autem §. 349, dictum fuit de præcipuis causis observatis, quæ curam retardant, vel penitus impossibilem reddunt.

Tempus autem, quo solet fieri unio fragmentorum, varium est multas ob causas etiam in hominibus sanissimis. Unde *Hippocrates* postquam dixerat, (a) *plerisque ad summum triginta diebus brachii ossa conferrent*; mox addit, *Nihil autem perpetuum est multum enim & natura à natura, & ætas ab ætate distat.*

Præcipua autem varietas temporis requisiti ad curam fracturarum pendet ab, **ÆTATE.** In junioribus enim citissima consolidatio fracturarum fit; sed & sæpe calli nimia luxuries oritur. In senectute longè majori temporis spatio opus est; tunc enim potius decrevit homo: unde summa difficultas in regenerandis perditis, & uniendis separatis, nascitur. Media ætas omnium optima est; tunc quidem tardius fracturæ sanantur, quàm in junioribus, sed firmius consolidantur: neque tantum periculum est, ne callus luxuriat. In *Commentariis* §. 346, dictum fuit, brachii os fractum in recens natis duodecim dierum spatio sanatum fuisse; cùm in adultis triplum ferè hujus temporis requiratur in tali casu, & in senibus adhuc longius.

**OSSIS CRASSITIE.** Prout majus pondus ferre debent ossa, vel validioribus musculis sustinendis & dirigendis inserviunt, sic & crassitie variant; atque iterum observatur, tantò majus spatium temporis, cæteris paribus, requiri ad fracturæ consolidationem, quantò crassiora fuerint ossa. Sic femoris (b) os quinquaginta dierum spatio firmari dixit *Hippocrates*; cruris (c) autem & humeri (d) ossa quadraginta diebus; cubiti (e) verò ad summum triginta diebus; costas fractas (f) viginti diebus; uti & digitorum phalanges, (g) &c. Unde solet tempus sanationis fracturæ ossium plerumque intra viginti & septuaginta dies limitari; cùm in homine sano & mediæ ætatis, si nihil sinistri acciderit, intra hoc tempus crassissimum etiam in toto corpore femoris os sanari soleat. Quando autem fragmenta separantur majora, & debet magna pars ossis perditu recrefcere; longè majus temporis spatium requiritur; uti constitit illo Exemplo, quod allegatum fuit in *Commentariis* §. 343, ubi tibiæ ossis fragmentum, quatuor digitos, transversos longum, separabatur; tunc enim decem mensium spatium requirebatur, antequam tutò cruri insistere potuerit homo hanc fracturam passus.

**PONDERE INCUBITURO.** Callus enim, in loco fracturæ natus, satis diu mollior reliquâ ossis substantiâ manet. Si ergo os fractum tale fuerit, ut totum pondus corporis innitens ferre debeat, dum incedit homo; patet faciliè, longius tempus requiri, antequam sine periculo hoc tentari possit. Unde minori tempore indiget ad curationem brachii os, quàm cruris ossa; & inprimis si utraque fracta fuerint. Calcis os fractum sexaginta diebus (h) sanum fieri, si quiescat, dixit *Hippocrates*, cùm ad femoris ossis fracti sanationem quinquaginta dies sufficerent: sed antea monuerat (i) quòd directè sub tibia calcis os poneretur; unde patet, quòd totum corporis pondus huic ossi innitatur. De fractura ossium pedis

(a) Lib. de Fractur. Comment. I. Text. XII. XIIII. Charter. Tom. XII. pag. 179. 180.

(b) Ibid. Comment. II. Text. LXIX. pag. 223.

(c) Ibid. Text. LXVI. pag. 220.

(d) Ibid. Text. VI. pag. 191.

(e) Ibid. Comment. I. Text. XII. pag. 179.

(f) Lib. de Articulis. Comment. III. Text. LVII. Charter. Tom. XII. pag. 394.

(g) Lib. de Fractur. Comment. II. Text. XII. Charter. Tom. XII. pag. 195.

(h) Ibid. Text. XXXIII. pag. 206.

(i) Ibid. Text. XII. pag. 195. 196.

& manus agens (a) monet, hæc omnia viginti diebus perfectè sanari, exceptis illis, quæ cruris ossibus junguntur, vel illis, directè supponuntur; tunc enim quadraginta dierum spatium requiri dicit, & bene curari, si ægri tam diu jacerè velint: quod multi nolunt, quia morbum parvi faciunt; ideòque plerique non bene sanantur. Ferunt enim pedes onus totius corporis.

Antequam ergo liber usus membri fracti ægro permittitur, licèt debitum tempus elapsum fuerit, prudentis Chirurgi est, sollicitè examinare fracturæ locum, ut certus sit, callum debitam firmitatem jam habere. Ut hoc constet, prehendiunt à binis ministris ab utraque parte fracturæ membrum: deinde illud tentant, leni tamen vi & prudenter adhibitâ, quasi incurvare; dum interim Chirurgus digitis locum fracturæ rangit. Si tunc aliqua vacillatio, vel quædam flexura etiam levissima in hoc loco percipitur, signum est, nondum satis induruisse callum; unde periculum novæ fracturæ fieret, vel saltem deformitatis, dum incurvaretur membrum; vel callus mollior adhuc pondere corporis innitens exprimeretur, & annulum protuberantem formaret; unde simul minueretur debita membri longitudo. Interim dum sæpe diu pars affecta immobilis retineri debet, cavendum, ne vicini articuli rigidi fiant. Sæpe enim visum fuit, anchylosin à sola quiete diuturna partium ortam fuisse. Ideo sæpius curæ tempore vicini articuli prudenter à Chirurgo moveri debent: non autem hoc permittendum ægro, ne fortè ossium bene repositorum separatio iterum fieret, imprudenti partis motu.

Licèt autem optimè reposita fuerint ossa, præstat tamen sæpius, dum renovatur apparatus, partem læsam sollicitè examinare, & comparare cum parte sana, ut videatur, an eadem sit utriusque membri figura & longitudo. Si enim aliquis adhuc defectus adsit, poterit corrigi, dum adhuc flexilis callus est; ubi verò jam ossæ duritiem acquisivit, tunc rarè & non nisi summa cum difficultate hoc emendari poterit. Unde meritò monuit Hippocrates (b) quòd si alligatis ferulis suspicio sit, ne ossa rectè concurrerint; vel aliud quidpiam hominem infestet ubi dimidium temporis (requisiti ad integram curationem) præterierit, vel paulò antè, solvere oportet, & rursus deligare. Non tamen omnino desperandum videtur, licèt toto curationis tempore elapso, quo solent ossa fracta inter se consolidari, aliqua adhuc superfit deformitas; Observata enim docuerunt, sæpe adhuc, in junioribus inprimis, curam successisse. Juveni sedecim annorum fractum fuerat femoris os, & malâ curâ post novem septimanas elapsas, dimidio pede brevius apparebat altero femore; unde totâ vitâ claudicandum fuisset misero. Peritissimus Chirurgus, examinans fracturæ locum, inveniebat, ossis fracti extrema juxta se mutuo protracta concrevisse. Cum satis fortis esset æger, & callus recens adhuc, laqueis arreptam partem dum validissimè extenderent ministri, manibus premendo utrimque, in debitum situm reposuit fragmenta, sine ullo dolore ægri; & sic debitam longitudinem membro fracto restituit, tam felici cum successu, ut post mensis spatium sine ulla claudicatione incedere posset juvenis (c). Inò observatum fuit, citiùs consolidari in tali casu fragmenta, quàm dum recens fracta uniuntur inter se. Quod & confirmatur alio satis miro casu apud eundem Auctorem (d). Ubi homini, fracturam amborum cruris ossium passo, & optimè curato, malâ

(a) Lib. de Fractur. Comment. II. Text. XII. Charter. Tom. XII. pag. 109.

(b) Ibid. Comment. I. Text. XLIV. Charter. Tom. XII. pag. 181.

(c) De Lamotte Taité complet de Chirurgie pag. 174. & suiv.

(d) Ibid. pag. 242. &c.

fortunâ post sex septemve septimanas iterum frangebatur crus in eodem loco, dum ludens cum amicis caderet. Restitutis ossibus fractis jam post duodecim dies tanta firmitas accesserat, ut commodè movere posset, & elevare crus affectum. Cautior hoc infortunio factus æger sollicitè evitaverat, ne simile quid ipsi postea accideret; sed post tres menses elapsos, dum equo vehitur, inde excutitur, & equus, innitens cruri huic jam bis fracto, illud iterum rumpebat in eodem loco: tamen & tunc pulcherrimè cura successit, brevi satis tempore, & sine ulla serè difformitate.

Ubi verò ossum fractorum extrema non recreverunt inter se, sed quasi cicatrice obductâ manserunt separata, tunc longè difficilior casus est. Hoc autem aliquando accidere patuit ex illis, quæ dicta sunt in *Commentariis* §. 346. Si enim hoc fiat, quia per morbos ossium nutritio & incrementum deficiunt, tunc nulla medela superest. Si verò tantùm pro tempore cesset hæc ossium consolidatio, ut gravidis aliquando observatum fuisse ibidem dictum fuit, expectandum est donec perpererint. An autem prodesse posset in similibus casibus Methodus à *Celfo* descripta, dubium videtur. Dicit enim (a) *si quando verò ossa non conserbuerunt, quia sæpe soluta, sæpe mota sunt, in aperto deinde curatio est. Possunt enim coire. Si vetustas occupavit, membrum extendendum est, ut aliquid lædatur: ossa inter se manu devidenda, ut concurrere exasperentur, & si quid pingue est, eradatur, totâque id quasi recens fiat. Magnâ tamen curâ habid, ne nervi musculive lædantur. Totus scopus videtur in eo consistere, ut fragmentis ad se mutuo attritis recens vulnus quasi in ossibus fiat. Sed si fragmenta quædam sic deterantur, summæ poterunt inde nasci molestiæ. Fortè in simili casu præstaret totum opus naturæ committere, quæ aliquando mira perfecisse fuit observata. Homini utrumque cubiti os transversim fractum fuerat ad quatuor digitorum transversorum distantiam à carpo: noluit ille doloris metu, ut reponeretur ossa, vel applicarentur fasciæ, imò ne quidem membrum læsum in quiete retinuit, unde nulla facta fuit consolidatio fragmentorum, sed mansit quasi novus articulus flexilis in fracturæ loco, sine dolore vel incommodo notabili, siccque satis diu vixit. Post mortem ejus unus ex Chirurgis, qui ipsi adfuerant, brachium affectum dissecuit, & invenit, superiorum fragmentorum extremitates rotundam acquisivisse figuram, cui respondebant similes cavitates in fragmentis inferioribus. Ipsum periosseum, circa hunc locum crassius factum, ligamenti instar novum hunc articulum firmabat & coercebat. Imò cavitates illæ, inferioribus fragmentis insculptæ, à parte anteriori magis depressæ erant, à parte posteriori magis elevatæ: sicque facilis antrorsum flexura erat in hoc loco, & simul nimix extensioni limes ponebatur, simili serè modo, ac in cubiti flexura fit. Ossa hæc à Celeberrimo *du Verney* inter rariora Anatomica asservata fuisse legitur (b).*

Aliquando accidit, inprimis in junioribus, in quibus semper solidorum mollior compages observatur, & fluidorum major copia, callum renascentem exorbitare ultra æquabilem ossis superficiem; simili serè modo ac in partium mollium vulneribus minùs pressa luxuriant vasa. Inprimis hoc accidit, si per febrem agitati humores renascentia & mollia adhuc vascula nimis distendant. Tantâ enim aliquando copiâ huc ruunt humores, ut *Galenus* dixerit, sæpe visum fuisse (c) *inviolatâ cute, quæ fracturam tegit, effundi cruorem sic, ut fascias impleat.* In tali casu conveniunt illa,

(a) *Medicin. Lib. VIII. Cap. x. pag. 541.*

mensis Novemb. 1685. pag. 513. &c.

(b) *Nouvelles de la République des Lettres*  
Jan. 1685. pag. 118. &c. & in *Actis Erudit.*

(c) *Lib. de Articul. Comment. III. Text.*  
15111. *Charter.* Tom. XII. pag. 324.

quæ liquidorum copiam tollunt, & simul nimium illorum impetum minuunt, vel à parte læsa avertunt. Venæsectio ergo, & purgantia, quæ sine aucto motu agunt, hic conducunt, uti & parcius victus, qui sustinendæ vitæ sufficiat, nec tamen humorum copiam augeat. Lenis frictio partis affectæ pariter conducere videtur, ut dissipetur illa, quæ nimis hic copiâ accumulatur; & dein major compressio, ut nimis laxa vasa sic firmentur ut non tam faciliè cedant impulsis humoribus. Quæ omnia pulcherrimè apud *Celsum* habentur; si enim superincrevit nimius callus, idèoque locus intumuit, dicit (a) *Diu leniùrque id membrum perfricandum est ex oleo & sale & nitro, multumque aquâ calidâ falsâ fovendum, & imponendum malagma, quod digerat, astrictiusque alligandum: olivibûsque, & præterea vomitum utendum, per quæ cum carne callus quoque extenuatur: conferturque aliquid de sinapi cum sicu in alterum pariter membrum impositum, donec id paululûm erodat, eoque evocet materiam. Ubi his tumor extenuatus est, rursus ad ordinem vitæ revertendum est. Si verò imprudenti membri fracti usu, antequam satis firmatus fuerit callus, inprimis in femoris & cruris ossium fracturis, pondere corporis innitens expressus callus annulum formet; tunc debet membrum læsum iterum extendi in debitam longitudinem, & externâ pressione coerceri callus exorbitans.*

Si verò vel à nimia compressione partis, vel alia quacumque de causa, meatur calli defectus, contrariâ medelâ opus est. Laxior enim tunc fasciarum adstrictio, fomenta emollientia, plenior victus, & talia remedia, quæ languentem humorum motum excitant, inprimis profunt. Ob hanc rationem, ut callus nempe feliciùs cresceret, jussit *Hippocrates* (b), postquam jam ferulæ applicatæ fuerant, si solveretur membrum, illud calidâ perfundi debere, & fascias pauciores debere circumduci, & leniùs adstringi, quàm in initio. Et *Galenus* (c) in *Commentariis* suis in hunc locum animadvertit, *Hippocratem* à prima die, usquequod ad ferulas venit, auxisse fasciarum numerum, & validiùs adstrinxisse; post septimum verò diem appositis ferulis reliquisse partem immotam usque ad diem vigesimum, ut nutritur callus; deinde aquâ calidâ affusâ ad partem evocasse huc materiam, cùm in initio fasciarum numero & adstrictione prohibuisset, ne huc fluere. Pulcherrimè hæc habet *Ægineta* dicens (d) *Quadam fracturâ sine callo manent, ultra definitum naturæ limitem; vel ob continuas resolutiones, vel ob immoderatas fomentationes, vel ob importunum motum, vel ob multitudinem fasciarum, vel ob totius corporis atrophiam; à quibus & tenuius membrum fieri accidit. Oportet igitur & alias occasiones cum studio remove, maxime autem atrophiam: partim calidioribus alimentis materiam attrahentes ad partem, uti & nutrimentum sufficiens & balnea & reliquam animi hilaritatem ministrantes. Signa verò callo jam firmatorum sunt, & aliqua quidem, maxime verò fascias madescere, nullo etiam vulnere oborto, &c. Quid autem sentiendum sit de lapidis Osteocollæ & similium efficacia in hoc casu, dictum fuit in *Commentariis* §. 347, n°. 3.*

Callus autem, quo ossa fracta junguntur, tandem ossæ naturam induit & firmitatem: unde *Observata* docuerunt, partem talem postea faciliùs alio in loco fractam fuisse, quàm in prioris fracturæ vestigio relicto. Tamen apud *Ruyf-*

(a) *Medicinæ Lib. VIII. Cap. x. in fine,* | *XLIII. Charter. Tom. XII. pag. 180.*

*pag. 141.*

(b) *Lib. de Fractur. Comment. I. Text.*

(c) *Ibidem pag. 180. 181.*

(d) *Lib. VI. Capit. cx. pag. 101.*



chium (a) habetur, quòd invenerit gallinæ ossa fracta à naturâ ferruminata fuisse sic, ut sola ossa spongiosa substantia renata foret, deficiente laminâ externâ ossâ, quæ suâ duritie naturaliter priorem defendit & firmat. Satis autem patet, facillimè ossa sic consolidata iterum frangi potuisse; idèmq; aliquando humanis ossibus fractis accidisse credidit, quæ inde levissima de causâ iterum frangebantur.

Aliud satis mirabile habetur apud eundem Auctorem (b) Observatum, quo patet, sæpe summas molestias & dolores fracturam sequi posse, licet optima cura fuerit adhibita. Servabat enim duo femoris ossa, quæ post fracturam curata fuerant tam infelicitè, ut fragmenta se mutò superficanderent. Sed quod notandum est, invenit varias exostoses, quarum nonnullæ acutæ & tenues vulnerare potuerant vicinas partes: & hæc exostoses non tantùm circa callum in fracturæ ambitu reperiébantur, verùm etiam supra fracturæ locum è parte sana emerferant; viditque illas onatas fuisse ex illis foraminulis, quibus tendinosæ fibræ solent insigi, hisque fibris in fractura vel luxatione evulsis credidit nasci tales exostoses. Hanc autem opinionem confirmant similia Observata in aliorum animalium ossibus, quæ ibidè enarrantur. Licet autem similia mala nec prævideri faciliè, nec curari possint, tamen, sic discimus, non temere optimè sæpe meritis Chirurgis imputare illa damna, quæ etiam sollicitissimâ Arte curatas fracturas sequi poterunt, nec ullâ industriâ præcaveri.



## LUXATA.

§. 358. **LUXATIO** est recessus extremi ossis mobilis ex cavo, in quo naturaliter movetur, cum motus impedimento.

Luxatio, quæ & delocatio (c) dicitur, uti etiam dislocatio, notat ossis emotionem ex illo loco, quem naturaliter occupabat; hæcque significatione quamcumque situs naturalis ossium mutationem designaret. Obtinuit tamen usu, à quo præcipuè vocum significatio pendet hoc nomine tantùm intelligere ossium articulatorum recessum ex loco, quem naturaliter occupabant. Celsus tamen de luxationibus agens illas bifariam distinxit, dicens, (d) *Movenur autem ea sedibus suis duobus modis. Nam modò, quæ juncta sunt, inter se debescunt, ut cum latum os scapularum ab humero recedit, & in brachio radius à cubito, & in crure tibia à supra; & interdum saltu, calcis os à talo; quod rarò tamen fit: modò articuli suis sedibus excidunt.*

(a) Theaur. Anatomic. VIII. n°. XLIX. pag. 16.

(b) Mux. Anatom. Ruysch. five Catalog. rartiorum, &c, Thecâ A. Repositor. V. n°. 1. Tom. I.

pag. 119, 120. not. 1. 2. 3.

(c) Cæli. Aureliani. Morb. chronicor. Lib. II.

cap. 1. pag. 347.

(d) Medicin. Lib. VIII. cap. XI. pag. 542.

Cum ergo luxatio propriè dicta in ossibus articulatis tantum obtineat, definitio hic data optimè convenit. In omni enim articulo consideramus bina, os recipiens, & os receptum. Ossis recipientis partem illam cavam, quæ ossis alterius caput recipit, *καύλη* vocaverunt; ossis verò recepti partem, quæ hoc cavo conditur, *ἄρθρον*, sive articulum, simpliciter dixerunt (a). Unde optima etiam de finitio luxationis habetur apud *Æginetam* (b) nempe quòd sit, *elapsus articuli ex proprio cavo in alienum, à quo motus arbitarius impeditur*. Nisi enim simul adsit motus impedimentum, non potest propriè luxatio vocari, licet ossis mobilis extremum exeat suo cavo, in quo naturaliter movetur. In mirabili enim maxillæ inferioris articulo observatur, capitulum hujus ossis locari quidem in sinu satis profundo, in ossis squamosi parte ima, ad exortum processûs zygomatici insculpto, tamen ope lamellæ cartilagineæ elasticæ interpositæ potest maxillæ capitulum suo sinu exire, & in illum redire iterum sine motus impedimento. Quin imo ad varios motus maxillæ inferioris perficiendos requiritur, ut articulus ille sic possit suo cavo exire.

### s. 359. QUI integer; vel pro parte; unde luxatio, & distortio:

Facile concipitur, ossis articulati caput posse vel omnino elabi ex suo cavo; quo naturaliter continetur; vel sic à naturali situ dimoveri, ut partim in cavo suo, partim extra illud hæreat. Tamen hoc in omnibus articulis fieri posse negavit *Hippocrates* (c). Humeri enim & femoris articulos, cum rotundi omnino sint, & similibus cavis recipiantur, non posse pro parte tantum elabi conclusit, sed necesse esse, ut vel totè exeant suo cavo, vel pro parte elapsi revertantur. In aliis autem articulis hoc fieri posse, satis patet. In luxationum definitione hinc dixit *Ægineta*, (d) *Differentias alias dicere non habemus, nisi solùm illam, quæ secundum majus & minus contingit. Omnino enim elapso articulo communi generis nomine ἔκθρημα dicitur; leviter verò dimoto, vel usque ad supercilia cavitatis prolapso, παραρθρῆμα*. Obtinuit enim usu, præpositionem *παρά*, vocabulo præfixam, levioris affectum designare; unde *paraplexiam* pro leviori *apoplexia*, *paracynanchen* pro leviori *cynanche*, &c. dixerunt Medici. Ideo non ita exactè his vocabulis videtur usus fuisse *Vesalius* (e), dum dixit, luxationes, quæ ab influxu humoris in articulum fiunt, *παραρθρήματα* vocari; *ἔκθρημα* verò, si ab impulsu fiant. Patebit enim ex sequentibus, veram & completam luxationem fieri posse ab humoribus in cavum articuli delapsis. Solet autem luxatio talis, quæ pro parte tantum elapso articulo fit, vocari *subluxatio*, vel & *distortio*. Tamen & *distortionis* nomen musculorum tendinûmve à vi externa mutatum situm designat; uti & ligamentorum distractionem à simili causa intorquendo quasi factam (belgicè *Vestrychen*). Unde minùs ambigua significatione luxatio talis incompleta dicitur *subluxatio*.

(a) Gorrii Definit. *ἄρθρον*, pag. 77.

(b) Lib. VI. Cap. 111. pag. 101.

(c) Lib. de Artic. Comment. III. Text. CXV.

Charter. Tom. XII. pag. 427.

(d) Lib. VI. Cap. 111. pag. 101.

(e) Chirurg. magn. pag. 511.

§. 360. **P**ESSIMA quæ epiphyſi a corpore offis ſoluta accidit.

In offibus majoribus, quæ mobili articulatione aliis junguntur; v. g. in femoris offibus, obſervatur, quòd extrema utraque à reliquo offis corpore diſtincta ſint; quod omnium pulcherrimè in recens natorum & abortuum offibus videri poſeſt. Offa enim hæc quondam fuerunt tota cartilaginea, & in illorum media longitudine primò incipit granulum rotundum offeum apparere, quod citò in longitudinem utrumque ſe diſfundens cartilaginem in os mutat (a.) Sed extrema utraque manent diu cartilaginea, in quibus interiùs incipit pariter cartilago in os mutari, quod ſe ſenſim per totam ſerè horum molem diſfundit. Diu tamen manet inter corpus offis femoris v. g; & utrumque ejus extremum aliquid cartilaginis quæ tamquam glutine extrema offis reliquo corpori agglutinata videntur, donec tandem, & hæc cartilagine-offeâ factâ, extrema cum offis corpore reliquo in unum continuum os concreſcant (b); ſic tamen ut extrinſecus aliquamdiu nota diſiſionis maneat, quæ tandem etiam deletur (c). Vocaverunt jam hæc extrema offis femoris, ab ejus reliquo corpore, intermediâ hæc cartilagine, vel diſiſionis remanente notâ, diſtincta, epiphyſes. In junioribus animalibus hæc epiphyſes levi vi à reliquo offis corpore ſeparantur, utl quotidie in menſis apparet. Illo autem in loco, ubi epiphyſes junguntur offis corpori, enaſcuntur ligamenta, quæ articulos undique ambiunt & firmant: atque illo hunc inprimis uſum eſſe appendicum *inſipiens* Columbus voluit (d), ut ex illarum conjunctione cum offe ligamenta prodirent, quæ notli alteri parti continuata obſervantur, ſed in his locis ex ipſo offe naſcuntur. Notavit etiam *Clopton Haverſius* (e), (ut dictum fuit in *Commentariis* §. 343.) in illis locis, ubi ligamenta oriuntur, periosteum hætenus offis omnem ambitum regens ab illo ſecedere, ligamenta hic nata ſuperſcandere, ſicque ad aliud os pergere.

Si ergo epiphyſis à corpore offis ſolvatur, patet ſicillè, motum articuli talis turbari. Non tamen adeo propriè luxatio dicenda videtur, quia extremum offis mobilis in cavo ſuo manet, in quo naturaliter movetur. Sed in definitione data §. 358, ille reſeſſus extremi offis mobilis ex ſuo cavo luxationem conſtituebat; unde fortè potiùs ad fracturam referri poſſet hoc malum. Videtur *Galenus* illud numeraviſſe inter fracturarum ſpecies vocans (f) *ἀπαγμα*, cum reliquis fracturas generali *κατάγματις* nomine comprehenderet: monuitque, illud vocabulum *ἀπαγμα* Medicis proprium eſſe, aliis verbò plerique hominibus inuſitatum. Significabat autem illam fracturæ ſpeciem, dum offis finis, quâ parte maximè cum alio offe articulatur, abruptus eſt. Quia autem ſæpe talis fracturæ ſpecies pro luxatione habetur, ideo ſolet & huc referri. Inprimis autem hoc obſervatum fuit accidere (g) in luxationibus femoris ſic dictis, quæ ſæpiſſime epiphyſi ſolutâ à reliquo offe, vel & ipſâ cervicè offis femoris, quæ tenerrima eſt, fractâ, ſunt. Narrat enim

(a) Albin Icones Offium fœtus humani, &c. pag. 102.

(b) Ibid. pag. 156.

(c) Ibid. pag. 102.

(d) De re Anatomicâ Lib. I. cap. 11. pag. 5.

(e) Obſervat. de Offib. Cap. 1. Serm. I. §. XII.

(f) Method. Med. Lib. VI. Cap. v. Chapt. Tom. X. pag. 143.

(g) Ruysch. Theſaur. Anatom. VIII. n°. ciii. pag. 30.

*Ruyfchius*, celebrem Chirurghum octies aperuisse anuum claudicantium cadavera, semperque invenisse cervicem ossis femoris fractam fuisse, nunquam verò adfuisse luxationem. Cum autem junioribus epiphyses leviori vi solvantur à reliquo osse, ideo frequentius illis hoc malum accidit: imprimis, dum ulnis gestantur, si infantes subito corpus retrorsum projiciant, magnum periculum est, epiphysem ossis femoris solvi, vel ipsam cervicem hujus ossis frangi posse; unde totà vità claudi manent, dum ossis corpus, à capite suo articulo solutum, musculorum vi sursum trahitur. Mira tamen in similibus, casibus observata fuerunt naturæ molimina, quibus hunc defectum sarcire nitebatur. Invenit enim *Ruyfchius* (a) in cadavere vetulæ, tale malum passæ, collum ossis femoris totum defecisse, & naturam hic substituisse varia ligamenta dura, crassa, teretia, quorum ope caput ossis femoris uniebatur reliquo ossi. Majorem longè difficultatem in curatione hujus mali esse, quàm in luxatione propriè dicta, faciliè patet: ossa enim luxata in naturalem situm reposita, modò quiescat pars, faciliè retinentur; ubi verò epiphysis à corpore reliquo ossis soluta fuerit, musculi ossi affixi propriâ contractione illud ex naturali situ removebunt: unde tunc ferè semper sequitur membri accurtatio, & depravatio motûs.

### §. 361. CAUSA, vis externa extendens, intorquens, expellens.

Nulla luxatio fieri potest sine vi externa, si articuli & ligamenta, illos firmantia, se habent ita, ut naturaliter esse solent: imò in adultis & fortibus satis magna vis requiritur, ut articuli excidant; uti faciliè patet ex ligamentorum articulos firmantium robore. Vis autem externa applicata tribus modis hæc paragrapho recensitis agit.

### §. 362. AUT interna, cavo innata, extrudens.

Ligamenta, quæ articulata ossa nectunt, ex illis locis, ubi epiphyses reliquæ ossi junguntur, enata, capsulæ cavæ instar totum articulum ambiunt, sicque locum omnino clausum constituunt; neque aliquid foris ingredi, vel intus elabi patiuntur. In cavo interno omnis articuli continentur bina extrema ossis excipientis & excepti, cartilagine undique incrustata; & in majoribus articulis glandulæ salis insignes, *Haversianæ* dictæ (b) à primo Inventore. Unica talis magna glandula (c) in femoris articulo; quatuor vel quinque minores in articulo genu conspicuntur. Præterea plurimi folliculi minores internam ligamenti articulum ambiens superficiem occupant. Per has glandulas, quas innumeris vasculis constare injectiones Anatomicæ docuerunt, secernitur mucus, instar albuminis ovi (d), saporis falsi. Cartilaginosa autem ossium extremà articuli cavo contenta, quantum hodie novimus, nullo etiam perichondrio tecta, videntur transudare tenuem oleum

(a) Theaur. IX. n<sup>o</sup>. LXXIV. pag. 36.

(b) Clopt. Haverf. Observat. de Ossib. Scgm. IV. Cap. 1. §. CXIII.

(c) Ibid. §. cxlvii.

(d) Ibid. Cap. 11. §. cliv.

medulare, quod in cavernosa parte ossium circa articulos hæret satis copiosum. In ossibus equinis majoribus nudo etiam oculo conspicuos vidit *Haverfius* (a) tales poros, per quos oleum medullare in cavum articuli transiret. Confirmant hanc rem plurima alia Experimenta. Dum enim articuli cadaveris integri servantur, donec omne mucilaginosum sensum dispareat, (resortum fortè) invenitur in illorum cavis merum pingue oleum, quod etiam in digitorum articulis observavit (b) idem Auctor. Post validos motus & diurnos maciata animalia parum medullæ in cavis majorum ossium habent; cum contrà in quiescentibus & saginatis medulla abundet. Ex quibus omnibus satis constare videtur, medullam ossium etiam huic ului servire, ut per ossium articularum extrema exsudans misceatur mucilagini? à glandulis secretæ; sicquæ ex his simul unitis fiat illud linimentum, quod ossium articularum extrema inungit, & lubricissima reddit, ut sine multo attritu ossium ad se invicem articuli moveri possint. Et ob hanc causam, ubi pingue oleum corporis consumitur nimis laboribus, senio, vel morbis, crepitus articularum otitur, dum sicca nimis ossium extrema ad se mutuo atteruntur. Simul & in cavum articuli ex ultimis arteriis exhalantibus tenuis flos expellitur, quem in omnibus cavis corporis minoribus æquè ac majoribus adesse novimus.

Triplex ergo in articularum cava concurrit humor; universale perspirans, oleum medullosum, & mucilago à glandulis hic positis secreta, ex quibus simul mistis nascitur lubricum illud linimentum, quod calore, & attritu ossium ad se mutuo, attenuatum iterum resorbetur tali copia, quali aggeritur. Si verò à quacunque causa deficiat, vel minuat, resorptio liquidi hic effusi, & pergant interim causæ discernentes & expellentes illud effundere, accumulabitur illud, ligamentarem capsulam distendit, & debilitabit; unde facilis prolapsus ossis articulati ex suo cavo ab hac causa nascitur. Ingentis molis tumores circa articulos nasci ab hac sæpe causa testantur. Observata præctica satis frequentia. Oleum verò medullare, per poros extremorum cartilagineorum ex ossis cellulari substantia in articuli cavum expulsum, satis etiam in concretionem pronum esse, si non attenuetur motu & attritu ossium articularum ad se invicem, docet *Haverfius* (c). Dicit enim se in saginatis animalibus (quæ plerumque etiam validos motus non exercent) sæpius invenisse concretam pinguedinem in poro, per quem exsudare solet hoc pingue, hærentem, quam primo adspectu pro glandula quadam habebat, postea tamen nil esse præter oleum concretum invenit.

Pulcherrimè etiam hæc luxationis causam, & alia plura circa hanc rem habet *Hippocrates*; de articulis enim agens dicit, (d) *Mucus omnibus à natura inest, & quum purus fuerit sani sunt articuli, ideòque facillè moventur, quum sint inter se lubrici. Oboritur autem labor & dolor, ubi vexaverit qui à carne laborante fluit humor. Inprimis quidem frigidus sit articulus, neque enim lubricus est qui ex carne affluxit humor. Deinde copiosus valde dispersus, neque à carne irrigatus, semper reficcatur; quàmque eum ob multitudinem articulus capere non possit, effluit, maleque concrevens nervos quibus articulus colligatur, attollit, relaxat & dissolvit. Ob idque, quum magis sit, magis; quum minus, claudi sunt. Et alibi*

(a) Observ. de Ossib. Sect. III. Cap. 2 §.

xxii.

(b) *Ibid.*

(c) *Ibid.*

(d) De locis in homine, cap. iii. Charter. Tom. VII. pag. 361.

(a) Quibus, ab ischiade diuturna vexatis, ischium è proprio loco excidit, atque rursus incidit, iis muci innascuntur.

Si jam simul attendatur, posse hic nasci inflammationem, cum innumeris arteriis ligamenta & glandulas articularum irrigari constet ex Anatomicis; poterit & sequi suppuratio, puris facti in cavo articuli accumulatio, &c, adeoque omnia mala similia produci poterunt, ac à naturalibus articularum humoribus hic collectis nec resorptis iterum. Satis autem frequentes fieri ab hac causa luxationes, docuit *Peiius* (b), & ingenue fatetur, se hoc didicisse propriis erroribus. Dum enim à lapsu v. gr; vis valida trochanterem majorem ossis femoris urget, facile patet, caput ossis femoris fortiter apprimi suæ cavitati, quâ continetur; unde glandulæ hic locatæ, & ligamentum teres validam contusionem pati poterunt, quam sepe inflammatio, suppuratio, & puris vel mucilaginis accumulatio sequuntur. Distracta sic & debilitata ligamenta non amplius retinebunt caput ossis femoris in suo situ, sensim illud expelletur ex suo cavo, musculi affixi suâ contractilitate sursum trahent os femoris, & immedicabilem postea claudicationem facient. Difficile cognitu hoc malum in initio, cum luxatio diu possit sequatur. Si cognoscatur talem causam prægressam fuisse, & dolor molestus in articuli loco adsit, genæfectio, tenuis diæta, & cura antiphlogistica requiruntur; ut inflammatio futura caveatur, vel tollatur si jam adsit. Quies simul parvis affectæ, & idonea somenta applicata proderunt summopere; sicque poterit præcaveri luxatio, ab hac causa nascitura, quæ, si jam nata fuerit, immedicabilis videtur.

§. 363. **H**Æ causæ (361. 362.) juvantur extensis, laxatis, ruptis ligamentis, sive id ab externa, sive ab interna causa.

Sola ligamentorum cohesio efficit, ut ossa articulata suo loco maneant: In quibus ergo requiritur flexilitas quidem, ut cedere possint variis articuli motibus; sed & simul talis tenacitas, ut non patiantur facile nimiam elongationem. Demonstratum fuit in *Commentariis* §. 25. no. 3, nimiam distractionem merito numerari inter illas causas, quæ partes solidas corporis debilitant; unde nimia extensio ligamentorum, licet non statim fecerit luxationem, poterit tamen sic disponere articulos, ut postea facillimè luxationem patiantur. Idem verum erit, si vel à nimia laxitate totius solidæ compagis corporis, vel à peculiari ligamentorum debilitate, illa non satis resistent causis distrahentibus. Ideo *Celsus* generales omnium luxationum causas describens dixit, (c) *Omnes articuli, cum validis nervis comprehenduntur, excidunt aut vi expulsi, aut aliquo casu nervis vel ruptis, vel infirmis; faciliusque in pueris & adolescentulis, quam in robustioribus.* In juniori ætate omnes partes solidas molliores esse, & facilius distrahi posse, omnibus notum est. Sed & in quibusdam hominibus, adultis quamvis & satis robustis, mira laxitas ligamentorum in omnibus, ferè articulis observatur. Aliquando enim publico spectaculo

(a) Aphorism. Sect. VI. n°. LIX. Chart. pag. 159, & suiv.

Tom. IX. part. II. pag. 189.

(c) *Medicin. Lib. VIII. Cap. XL. pag.*

(b) *Académie des Sciences l'an 1712, Mém.* 143.

se exposuerunt histriones, qui omnes ferè articulos corporis solà musculorum vi luxare, atque iterum reponere noverant, & cereum quasi corpus in quasvis ferè figuras flectere. Meritò hinc monuit Hippocrates, (a) quòd in luxatis facillè restituentis naturæ à naturis plurimùm differunt, & multùm cavum à cavo distat: nam hoc quidem faciliùs, illud minùs facillè superatur. Multùm etiam discriminis est inter eos quibus nervorum conjunctio laxa est, & quibus tensa.... Complures autem videre licet, ita humidos, ut, ubi velint, sine dolore articulos suâ sede moveant, atque item & sine dolore restituant. Postea etiam addit (b) quòd carnosus articuli minùs facillè exidant, sed & difficiliùs reponantur, si elapsi fuerint; contrarium verò obtinere in macilentis. Deinde hanc rem (c) boum Exemplo confirmat, quibus ultimâ hyeme emaciatis femoris articuli facillimè excidunt.

Si autem vi externâ rupta fuerint ligamenta, vel suppuratione, erosione, &c, soluta fuerit illorum cohesio, facillè patet, levi etiam de causâ articulos excidere posse.

§. 364. **HINC** figuræ in parte mutatio, tumor, cavitas, elongatio, accuratio membri, immobilitas, distractio musculorum, torpor subjacentium, paralyxis, vasorum vicinorum compressio, dolor, pervigilium, inflammatio, œdema, ancylosis, convulsio, marcor, mors partis, vel & totius.

Recensentur hæc paragrapho illa phœnomena quæ luxationem factam comitari solent, vel sequi.

**FIGURÆ MUTATIO, TUMOR, CAVITAS,** Signa communia quæ quamvis luxationem comitantur, describens Celsus dicit, (d) *Siquidem semper eâ parte tumor est, in quam os prorumpit; eâ sinus, à qua recessit.* Inprimis autem insolitus talis humor, & præternaturalis cavitas apparet, si articuli luxati satis nudi fuerint, ut v. gr; in humero & cubito: in femoris enim articulo, ob copiosam pinguedinem & plurimos musculos circumpositos, difficiliùs hoc detegitur. Ut autem certò constet, an articulus luxatus fuerit necne, pulchre monuit Hippocrates, partem læsam debere conferri cum parte sana. Nam (e) *ad exemplum integri æstimare vitiatum oportet.... Neque spectare alterius hominis articulos: (alii enim magis exstant, alii minùs) sed ipsius laborantis, an integer vitio dissimilis sit.* Non autem solam figuræ mutationem sufficere, ut constet articulum quemdam excidisse, pariter monet, dicens (f) *multis enim articuli præ dolore, aut alia de causa, ut non exciderint, nequeunt tamen eo modo quo in sanis corporibus, figurari.* Imò, licet cavitas præternaturalis appareat circa articuli locum, nisi & tumor insolitus in alio loco adsit, ob caput articuli alieno loco positum, turpis poterit error committi, inprimis circa articulum humeri. Hippocrates (g) dicit, se plures novisse, nec ignobiles Medicos, qui credebant, humeri articulum luxatum esse, dum divulso acromio humeri superior commissura depressa & cava appareret. Et Galenus (h) in Commenta-

(a) Lib. de Artic. Comment. I. Textu xxiii.

xxiv. Charter. Tom. XII. pag. 304. 305.

(b) Ibid. Text. xxv. pag. 305.

(c) Ibid.

(d) Medicin. Lib. VIII. cap. xi. pag. 543.

(e) Lib. de Artic. Comment. I. Textu

xxxiv. xxxv. Charter. Tom. XII. pag. 310.

(f) Ibid. Text. xxxvii. pag. 311.

(g) Ibid. Text. lxii. pag. 322.

(h) Ibid. pag. 323.

riis in hunc textum *Hippocratis* narrat, sibi simile quid accidisse. Dum enim in palæstra acromium ipsi diductum fuisset, palæstræ magister cavitatem præternaturalem videns credebatur, humeri caput in alam prolapsum fuisse, unde validè extendebatur brachium, & deinde elapsum articulum repellere nitebatur, sed frustra. Dum aliis etiam adiutoribus adhibitis validissima fieret extensio, *Galenus* ipse, digitis alterius manûs alæ lateris affecti immisiss, tentabat reducere luxatum articulum; cum autem nihil præter naturam in alæ cavo inveniret *Galenus*, monuit, ut ab ulteriori extensione abstinere: illo tamen invito pertexerunt distendere, credentes doloris acerbitate victum *Galenum* iussisse, ut cessarent; & nisi alter accedens prudentior cohibuisset, musculum avulsissent, perversâ tamen hac arte convulsionis periculum instare sensit *Galenus*, quod non nisi continuâ olei calidi perfusione evitare potuit; uti aliâ occasione dictum fuit in *Commentariis* §. 164. Unde apparet, quantâ cautellâ opus sit, ut constet de articuli luxatione, cum perissimè etiam aliquando sic erraverint. Vidi sic misero rustico totum brachium ad humerum usque gangrænâ correptum fuisse, dum phlegmone verâ tumentem cubitum luxatum crederet, & validis, illisque sæpe repetitis, extensionibus vexasset rudissimus homo; qui tamen ignaræ plebeculæ persuaserat, se in luxationibus & fracturis curandis omnes antecellere.

**ELONGATIO, ACCURTATIO MEMBRI.** Dum articulus suo cavo; quo naturaliter continetur, excidit, musculi ossi affixi propriâ contractione illud sursum ducunt; unde plerumque luxatum membrum brevius fit, similè modo ac in *Commentariis* §. 343, dictum fuit, ossibus fractis membra accurtari. In quibusdam tamen casibus, licet rariùs, membrum luxatum elongatur: si nempe caput articuli elapsum sustineatur sic, ut à musculis attrahi nequeat. Sic v. gr; maxilla inferior si utrimque luxetur (a), totum mentum inclinatur, & in anteriorem partem promovetur, inferioresque dentes longius, quàm superiores excedunt, intentique temporum musculi apparent. Ultra enim tubercula quæ ante cavum articuli ponuntur, prolapsa maxillæ inferioris capita non possunt retrahi à musculis affixis, & ideo in tali casu maxilla inferior semper ultra superiorem eminet. Et *Hippocrates*, de femoris luxationibus agens, inter illa signa, quæ docent, femur in anteriorem partem prolapsum esse numerat, quod pars affecta longior sit, si cum altera conferatur; (b) *Ossi enim, quod à coxa sursum procedit ad pectinem, femoris caput inhaeret, cervixque articuli cavo sustinetur.* Ob has autem binas causas femur luxatum longius fieri voluit. Accurtatio ergo membri luxati frequentius quidem accidit: elongatio tamen ejusdem etiam aliquando locum habet. Rariùs tamen accidit, partem luxatam eandem longitudinem retinere cum parte sana: illud tamen contingere monet *Hippocrates*, ubi femoris luxati caput in anteriorem partem erumpit, & simul addit, rarè talem luxationem fieri.

**IMMOBILITAS.** Omnes illi motus, qui requirebant articuli luxati debitam & naturalem dispositionem, vel omnino fieri non possunt, vel saltem non nisi summa cum difficultate; certè nunquam in vera luxatione omnes motus exerceri possunt, qui integro articulo fieri solebant. V. gr; humeri articulo bene constituto, potest homo extenso brachio innumeros conos describere, quorum ver-

(a) *Medicin. Lib. VIII. cap. xii. pag. 544.*(b) *Lib. de Artic. Comment. III. Text. LXIX, Charter. Tom. XII. pag. 329.*



tices in articuli cavo concipi possunt, bases verbò ab extremis digitis describuntur: si autem humeri ossis caput cavo scapulæ elapsum fuerit, numquam hoc fieri poterit. Idem etiam in aliis articulationibus verum est. Non tamen semper omnes articulorum motus destruuntur luxatione factâ; sæpe enim quidam superiunt, ut optime notavit *Hippocrates*. Postquam enim egit de illis, qui à primo natali die humeros breviores habuerunt, sive ob luxationem in utero jam factam, sive alia de causa, dicit, (a) Quibus verbò ætate jam robustâ, humeri caput erupit, neque restitutum est, pars quæ supra commissuram est, tenuatur & gracilioris habitus fit: ubi dolore liberantur, non æquè præstare possunt opera omnia, quæcumque requirunt, ut cubiti à pectore diductus in latera attollatur. Ad ea autem valent, quæcumque efficienda sunt, humero, vel in priorem partem, vel in posteriorem ad pectus adducto: nam terebrâ, ferrâ, secure, ac rastris utuntur, dummodo cubitum non admodum altè attollere necesse sit. In aliis plurimis locis ejusdem libri de diversis luxationibus ejusdem articuli agens *Hippocrates* monet, quinam motus articuli impediantur, quinam verbò superstities maneant. Unde sub hac limitatione immobilitas inter effectus luxationum numeratur.

**DISTRACTIO MUSCULORUM.** Caput articuli elapsi, alieno loco positum, necessariò premet vicinos musculos, illòsque distrahet: sed præterea musculi ossi luxato affixi necessariò situm suum mutabunt: hinc quidam ex illis elongari debebunt, alii verbò econtra laxari. Et ab hac causa etiam pendet mutatio figuræ in parte luxata. Dum *Petitus* (b) signa enumerat, quibus cognoscitur, ossis femoris caput cavo suo elapsum versus posteriora ivisse, monet, glutinosos musculos laxatos esse, tricipitem autem chordæ instar validissimè tensæ à pubis regione usque ad medium ossis femoris apparere. Dum maxillæ inferioris utrumque caput luxatum est, faciliè patet ex Anatomica cognitione partium, quanta distractio debeat fieri musculorum temporalium, &c; unde sæpe convulsiones, & mors ipso sequuntur.

**TORPOR SUBJACENTIUM, PARALYSIS.** Si nempe articulus elapsus vicinos nervos majores compresserit; vel ut à vertebrarum luxatione contingit, ipsa medulla spinalis prematur. Ubi de spinæ luxatione agit *Hippocrates* (c), monet; quòd, ubi spinæ superior pars intorsum luxatur, toto corpore resoluti & torpidi (*παρεμπειρωτοι*) fiant. Videantur & illa, quæ dicta sunt in *Commentariis* §. 170, no. I. lit. γ. Si jam caput ossis humeri, in cavum axillæ elapsum, magnos truncos nervorum ibi decurrentes comprimat, patet faciliè, eadem mala in partibus suppositis fieri posse. Quando ossis femoris caput in anteriorem partem luxatur, inter alia signa hujus mali numerat *Hippocrates* (d) urinæ suppressionem, quia femoris caput tunc insignibus nervis adjacet. Videretur autem à compressis nervis potius debere sequi urinæ excretionem involuntariam, quàm ejusdem suppressionem. Sed monuerat *Hippocrates* alibi (e), si medulla spinæ laxa fuerit quacumque de causa, primis temporibus nec stercus, nec urinam, egeri; vetustiore autem facto morbo, hæc etiam, non urgente homine, prodire: unde patet, à compressis

(a) Lib. de Artic. Comment. I. Textu 121. Charter. Tom. XII. pag. 310.

(b) Académ. des Sciences l'ap 1712. Mém. pag. 163.

(c) Lib. de Artic. Comment. III. Text. 11. Charter. Tom. XII. pag. 391.

(d) Ibid. Text. CVII. CVIII. pag. 411.

(e) Prothætic. Lib. II. cap. XI. Charter. Tom. VIII. pag. 819.

nervis sequi aliquando urinæ suppressionem. Si ergo integre compressi fuerint nervi motui & sensui dicati, paralysis erit perfecta cum insensibilitate; si levior tantum compressio, minuet quidem, non tamen integre abolebit nervorum functionem: partes subjectas occupabit torpor, qui, ut pulchre dixit *Galenus* (a), inter paraly: sin & integram valetudinem medius affectus est.

**VASORUM VICINORUM COMPRESSIO.** Equè jam, ac caput ossis humeri, cavo suo elapsum axillam versus, premit sæpe vicinos insignes nervorum truncos, sic & poterit comprimere maxima vasa sanguinea hic posita; adeoque, quamdiu ibi hæret, impedire liberum sanguinis influxum & effluxum in partibus suppositis; unde gangræna, vel atrophia, sequentur. Videantur & illa, quæ dicta sunt in *Commentariis* §. 161, & §. 166.

**DOLOR.** Illa dispositio fibræ nervosæ, cerebro ortæ, quæ dissolutionem continui minuitur, doloris ideam in mente excitat, ut dictum fuit §. 200. Sed non potest articulus suo loco elabi sine valida dislensione ligamentorum hunc articulum ambientium; & quamdiu os luxatum manet in hoc situ præternaturali, ligamenta plùs distrahantur, quàm naturaliter solent: unde dolor, & sæpius acutus quidem, omnem luxationem recéns factam comitatur; cessans plerumque, vel saltem plurimum minutus, postquam ossa luxata in debitum situm reposita fuerunt. Ob hanc rationem, doloris inter causas, meritis numerabatur luxatio §. 224. n°. 3. Si jam consideretur, periosteum in illo loco, ubi ligamenta articulorum oriuntur, ab osse secedere, & supra ligamenta pergere (vide *Commentaria* §. 343.), patet non posse distrahi ligamenta, quin similiter afficiatur periosteum incumbens, quod acutissimum sensum habet; unde iterum nova doloris causa oritur. Præterea caput ossis luxati, premendo partes vicinas, poterit fibras nervosas per has partes dispersas distrahere, & earumdem vasis compressa obstructionem, inflammationem, &c, facere; unde iterum nascetur dolor. Ubi autem os luxatum non repositum fuerit, diuturnâ distractione fibræ ligamentorum debilitantur sic (vide §. 25, n°. 3.) ut faciliùs cedere possint & elongari sine rupturæ periculo; unde dolor sensim minuitur, & tandem cessat (vide §. 228, n°. 1.) Vincinæ partes verb, à capite ossis luxati pressæ & tritæ, callosæ fiunt & sensum amittunt. Paulò antè dictum fuit, ubi de immobilitate, quæ luxationem sequitur, agebatur, tandem dolore liberari illos, quibus articuli elapsi non fuerunt repositi, & multos adhuc motus sæpe satis commodè perfici posse. Ubi de luxatione ossis femoris versus partem anteriorem agit *Hippocrates*, dicit, (b) *Ubi caro, in quam articulus excessit, jam trita est, & glutinosa evasit, dolor tempore conquiescit: quo cessante, ingredi absque baculo possunt, si alioquin velint, potesque affecto crure ferri corpus.* Notavit enim *Gorræus*, (c) γλίττορ in fluidis significare majorem lentorem; in solidis verb partibus auctam tenacitatem.

**PERVIGILIUM.** In *Commentariis* §. 226, vigilia numerabatur inter effectus doloris: cum ergo modò probatum fuerit, dolorem luxationem comitari, patet & pervigillum adesse debere, quamdiu doloris acerbitas durat.

(a) De Loc. affect. Lib. II. Cap. III. Charter. Tom. VII. pag. 404.]

(b) Lib. de Artic. Comment. III. Text. xciii. Charter. Tom XII. pag. 411.

(c) Definit. Med. pag. 133.

**INFLAMMATIO.** In sequenti capitulo patebit, inflammationem adesse, dum immobille liquidum in vasorum angustis hærens liquido à tergo urgente, & per febrem fortius moto, premitur, & atteritur. Supponitur ergo obstructio, & celerior humorum circuitus. Sed in *Commentariis* §. 112, demonstratum fuit, omnem vim comprimentem, vel & elongantem vasa flexilia, angustare eorumdem cavitates, ideoque obstructionis causam esse posse. Per luxationem autem elongantur ligamenta, & musculi & tendines ossibus affixi; ossa sedibus suis elapsa comprimunt vicinas partes; unde obstructio ut effectus à luxatione tanquam causâ sequetur. Febris autem inter d. loris effectus recensetur §. 226; unde apparet, in luxationibus blnâ illa concurrere, quæ inflammationi producendæ sufficiunt; obstructio nempe & celerior motus sanguinis per febrem, à dolore, omnem luxationem comitante, ortam. Quam v. l. dæ autem febres unâ cum inflammatione luxationes sæpe sequantur, *Hippocrates* pluribus locis docuit: humeri osse in cubiti articulo versus priorem partem luxato, nisi (a) subito reponatur, graves vehementesque inflammationes cum febre oriuntur. verum ubi humerus in posteriorem partem erumpit (id quod raro accidit) maximè omnium dolor. m. movet, & febrem, eaque sub pura bile continuatur, mortifera est. & paucis diebus hominem præcipitat. Quod & confirmat (b), ubi de cubiti luxatione agit. Et alibi de maxillæ luxatione agens (c) monet quàm celerrimè restituendam esse: nisi enim reponatur (d) mortis periculum instat propter febres continentes: & postea addit (e), quod soleant tunc albo biliosa sincera pauca dimittere, & si evomant, sincera, biliosa, nempe vomunt.

**ŒDEMA.** Dictum fuit in *Commentariis* §. 112, n°. 1, hoc nomine quidem omnes tumores præter naturam vocatos fuisse, postea tamen solos tumores molles indolentes, & digito prementi cedentes sic dictos fuisse. Talis tumor plerumque tantum in membrana cellulosa hæret, accumulata lymphâ & stagnante in cellulis huius membranz. Luxationes autem talis tumor comitatur imprimis, quando articulus elapsus venas majores comprimit: sic enim impeditur liquidi venosi motus, unde tenuissimus ros, ab arteriis effusus in cava membranz cellulose, per venas commodè resorberi nequit, adeoque accumulatus stagnat, & in aquam, sive ichorem dictum *Hippocrates* convertitur.

**ANCYLOSIS.** Recentî cicatrice contractos articulos ἀγκύλας Græcis vocari dixit *Celsus* (f). Articulorum verò detentiones (τῶν αρθρῶν κατοχῆς), appellari ἀγκύλας & ἀγκυλώσεις. habetur apud *Æginetam* (g), factas ob humorum infarcitionem vel ob quamdam nervorum contractionem. Ablatam ergo articulorum flexibilitatem ancylosis significat; quam sæpe tumor præternaturalis comitatur. Sed, ut mobiles articuli maneant, requiruntur debita figura & adaptatio extremorum ossium articularum, lubricitas summa ob cartilagineam æquabilissimam horum extremorum superficiem, & linimentum inungens; denique & ligamentorum, articulum ambientium, debita debet esse flexilitas. Sed per luxationem factam hæc requisita aliquando tolluntur, vel insigniter mutantur. Ligamenta enim, dum articulus suo cavo excidit, rupta, vel validè distracta, inflam-

(a) Lib. de Fract. Comment. III. Text. LXII.  
Charter. Tom. XII. pag. 266. 267.

(b) Lib. de Artic. Comment. II. Text. 1.  
Charter. Tom. XII. pag. 131.

(c) Ibid Text. xx. pag. 340.

(d) Ibid. Text. XXIV.

(e) Ibid. Text. XXIII. pag. 347.

(f) Medicin. Lib. V. cap. XXIII. n°. XXVIII.  
pag. 117.

(g) Lib. IV. cap. IV. pag. 70, versâ.

mantur; uti etiam ab illa vi, quæ ad luxata restituenda adhiberi debet. Sed hanc inflammationem suppuratio sequi poterit, vel & gangræna; unde postea ligamenta contracta manebunt & rigida. Præterea malè sic affectis ligamentis non fiet talis secretio mucii articulos lubricantis, qualis naturaliter fieri solet; unde iterum impediatur articuli motus. Et dum ligamentis inflammatis à minimo motu articuli accerrimus dolor oritur, quiescente parte, non attenuatur satis nec resorbetur articulorum linimentum; quod ergo accumulatum, diffusâ tenuissimâ parte, in massam irrefolubilem postea concrefcens, omnem articuli motum tollet. Si jam, dum elabitur ex suo cavo articulus, vel dum elapsus reponitur, cartilaginea superficies ad margines cavi fortius attritalædatur, vel alio quocumque modo depravetur, iterum alia ancylosis origo patet.

**CONVULSIO.** Accerrimum dolorem, turbato toto sensorio communi, convulsio sæpe sequitur, uti dictum fuit §. 226. Unde vel ob hanc rationem convulsio luxationem sequi possit. Sed præterea luxationem sæpe comitantur ingens musculorum distorsio, tendinûmque distractio, quæ convulsioni producendæ sufficiunt. Novimus enim quotidianis Observatis, si musculorum, digitos manûs pedisque moventium, tendines loco suo exsiliant, quàm enormis dolor & tetanus musculi sequantur, quem *Crampum* vocare solent. Monuit *Hippocrates* (a), ubicumque cruris ossibus luxatis, accedente vulnere, articuli qui ad pedem sunt, sive in anteriore, sive in exteriori rem partem penitus excidant, reponendi non sunt... Scire enim convenit, ubi repositi servantur, hominem decedere, paucisque diebus vitam trahere. Nam pauci septimum diem excedunt, cum nervorum distensio assumantur. Idem malum expectandum esse dicit (b) si cubiti ossa circa carpum nec luxentur, ut facto vulnere excidant, & postea dicit (c) quomodo si repositio articulo nervorum distensio supernascatur citò expelli debes, & subinde calido humore perfundi.

**MARCOR.** Ubi à quacumque causa arteriæ majores, vel & nervi, ad partem quamdam tendentes impediuntur, quominus vitales humores, ad vitam & nutrimentum necessarios, deferant & distribuunt per partem, oritur verus marasmus; dum sensim dissipatis liquidis, quæ aderant, nec novis allatis, vasa omnia contrahuntur. Mirum tale Exemplum in *Commentariis* §. 161, habetur, ubi arteriâ axillari integre dissectâ, brachium totum postea Mumie instar exaruit. Ubi ergo v. gr; caput ossis humeri elapsum maxima illa vasa axillaria compressit diu, sibile malum metuendum esse facile patet.

Sed & aliam causam marcoris notavit *Hippocrates*, quando nempe ossa luxata non fuerunt reposita. De femoris enim luxatione agens dicit, quod si hæc acciderit illis, qui nondum incrementi apicem adepti sunt, neque restituta fuerit, (b) brevius redditur femur, crus & pes; neque enim ossa similiter in longitudinem augentur, sed breviora fiunt, femur præsertim. Crus item universum sine carne & musculis efficitur, ad hæc effaminatum tenuisque; partim quod articulus loco motus sit, partim quod nequeat suo munere fungi, quum naturalem statum non retineat. Namque usus aliquis id, quod valde effaminatum est, confirmat; solvit etiam aliquid ex eo, quod augeri membrum in longitudinem prohibebat. Potissimum autem læduntur, quibuscumque, dum in utero sunt, hic articulus elabatur; deinde quibus id accidit, dum in ætate sunt admodum tenera; minime quum jam robusti sunt. Marcorem autem illum locum habere notat

(a) Lib. de Artic. Comment. IV. Text. xv. Charter. Tom. XII. pag. 435.

(b) Ibid. Text. xxv. pag. 443.

(c) Ibid. Text. xxx. pag. 445.

(d) Ibid. Comment. III. Text. LXXX, LXXXI, pag. LXXXII. 403-405.

inprimis in proximis articulo luxato locis (a): quod probat Exemplo illorum, quibus humeri luxati à nativitate fuerunt, vel saltē antequam perfectum corporis incrementum adepti fuerint. Illis enim humeri os brevius est, cubitum verò & summam manum sanis minora paulū habent. Hujus rei & hanc rationem addit, quòd possint pleraque opera non minù manu partis læsæ præstare, quàm alterà manu sanà: ideoque, coxæ articulo versus interiorem partem elapso, carnes magis minui dicit, quia crute uti nequeunt. Unde marcor ille, articulum luxatum, nec repositum, sequens, non semper adscribi potest compressioni majorum vasorum, sed sæpe etiam pendet à defectu motus muscularis in parte sic læsa. Ideo notat Hippocrates (b), quòd, ubi adultis femoris os versus exteriorem partem exciderit, nec restitutum fuerit, non adeo multum minuatur partis torositas, quia non perit membri usus. Carne enim, in quam articulus excessit, per attritum firmiore facta, sine baculo incedere possunt. Postea verò ex plurimis circa hunc marcorem Observatis generale axioma deduxit, dicens (c) *Quæcumque in corpore ad aliquem usum fabricata sunt: si quis moderatè utatur, excrescatque in eo laboris genere, cui singula assueverunt; hoc passio bene valent, augentur, & ad longam senectutem deducuntur. Si in usu non sint, sed otiosa degant, morbis parent, non augentur, & maturè senescunt: id præcipue accidit nervis atque articulis, nisi quis illis utatur.* Quantum autem effectum præstet motus muscularis, ut ex ingessis restituantur illa, quæ vitæ & sanitatis inevitabili effectū quotidie pereunt de roto corpore & singulis partibus, demonstratum fuit in *Commentariis*. §. 25. n°. 2, & §. 28, n°. 2, Si jam simul consideretur, musculos, tendines, ligamenta, &c, sibi relicta spontaneâ contractione, abbreviari, & tandem rigescere; & minutis causis distendentibus propriâ contrahilitate vasa nostri corporis arctari; patebit ratio, quare post luxationem, impedito membri motu, marcor sequatur.

Omnia hæc, quæ de hoc marcore apud Hippocratem sic sparsim habentur, collegit Celsus, & brevi, nec minù eleganti sermone sic expressit. Articuli (d) quibus in pueritia exciderunt, neque repositi sunt, minù quàm ceteri crescunt: omniumque, quæ suo loco non sunt, caro emacrescit, magisque in proximo membro, quàm ulteriore: ut putat, si humerus loco suo non est, major in eo ipso sit macies, quàm in brachio; major in hoc, quàm in manu. Tum pro sedibus, & pro castibus, qui inciderunt aut major aut minor, usus ejus membri relinquitur; quòque in eo plùs usus superest, eò, minù id extenuatur.

Optimorum Chirurgorum Observata etiam hanc rem confirmant. Juveni (e), dum in pratis sedentem arrepto pede protraxerat ludibunda puella, dolor ortus fuerat circa femoris articulum, satis levis. Peritissimus Chirurgus advocatus, omni curâ examinans hoc malum, nullum luxationis signum invenit, sed à musculorum, & ligamenti articulum ambientis, distractione dolorem hunc ortum fuisse credidit: ideoque linteum spiritu vini madidum loco dolenti applicuit, & commodâ ligaturâ firmavit. Sollicita mater, quæ longè operosiora Artis molimina expectaverat, advocat rusticum, qui ignaræ plebeculæ in luxationibus restituendis magnus Magister habebatur. Rudis ille homo validissimâ extensione produxit, quæ falsò credebatur ad esse, luxationem sic ut caput ossis femoris, cavo suo enormi hâc vi eductum, versus interiora vergeret, uti

(a) Lib. de Articulis. Comment. III. Text. XXXVIII. pag. 408.

(b) Ibid. Text. XCIII. XCIV. Charter. Tom. XII. pag. 411. 412.

(c) Ibid. Text. civ. pag. 417.

(d) Medic. Lib. VIII. cap. xi. pag. 544.

(e) Delamotte, Traité complet de Chirurgie, Tom. IV. pag. 367, & suiv.

evidenter apparuit, postquam idoneis remediis acerrimus dolor & tumor immensus adeo crudeliter vexata pars imminuebatur. Crus affectum binorum pollicum longitudine superabat crus sanum. Cum nondum apicem incrementi æger adeptus esset, prædixit Chirurgus, defecturum postea in partem affecta proportionale reliquo corpori incrementum. Eventus probavit hujus asserti veritatem, cum enim postea ad quatuor pollicum longitudinem increvisset totum corpus, crus læsum binis circiter pollicibus brevius remansit sano, licet in initio simili longitudine superasset.

MORS PARTIS, VEL TOTIUS. Inter effectus doloris §. 226, gangræna numerabatur: quæ talis partis corporis mollis affectio est, quæ abolito influxu vitalis humoris in arterias, effluxu per venas, in mortem tendit. Validam autem inflammationem, quæ toties luxationes comitatur, sæpe idem malum sequitur. Dum cruris ossa circa pedem cum vulnere luxantur; monet *Hippocrates* (a), si tentatur repositio, gangrænam pedem & crus prehendere. Si ergo vasa majora sic compressa fuerint, vel læsa per luxationem, ut impediatur humorum vitalium influxus & effluxus, mors partis instat; uti etiam, si validâ inflammatione jam præsentem luxatum os reponere tentant. Fortis enim sæpe extensio & rudior attrectatio ad hoc requiruntur, à quibus citissimè inflammatio in gangrænam transit. Tristis talis casus habetur apud modò laudatum Auctorem. (b). Famulo luxationem cubiti pridie passio, licet validâ inflammatio jam articuli locum & vicina occupasset, restitutionem moliebatur rudis homo, in auxilium adhibitis etiam binis robustis viris, qui partem validissimè extenderent. Sequenti die gangræna jam ad mediam brachii altitudinem ascenderat, & misero solâ exstirpatione membri vita servari potuit. Mortem autem totius sequi aliquando satis constat ex illis, quæ in *Commentariis* hujus paragraphi jam dicta sunt. Maxillæ enim luxationem diras convulsiones & mortem sequi dictum fuit. Post cubiti luxationem validas febres continuas, paucis sæpe diebus lethales, nasci, ab *Hippocrate* pariter observatum fuit; uti etiam, ubi majores articuli unâ cum vulnere sic luxantur, ut ossa emineant; tunc enim convulsiones instant & mors, si reponantur; & licet relinquuntur, sæpe tamen adhuc anceps vitæ periculum manet.

### §. 365. EX quibus notis signa evidentia habentur luxationis;

Ut constat de luxatione articuli cujusdam, primò inquiritur, an talis causa præcesserit, à cujus vi & impetu articulus suâ sede expelli potuisset. Sive hæc vis externa fuerit, de qua dictum §. 361; sive interna in cavo articuli nata; & de qua similiter dictum fuit §. 362. Simul tunc attenditur, an fortè ligamenta articulum coercentia à vi externa prægressa distracta nimis, vel & rupta fuerint; vel à quacumque demum causa sic laxata, ut non satis firmant articulum, quem ambiunt; & de quibus dictum fuit §. 363. Postquam ex his constitit, justum adest luxationis factæ metum, sedulò inquiritur, an illa signa adsint, quæ luxationem factam docent. Primaria sunt, tumor præternaturalis, ob caput articuli elapsi alieno loco positum; & cavitas insueta in illo loco quem naturaliter caput ossis elapsi solebat occupare. Ut firma autem sit diagnosi,

(a) Lib. de Artic. Comment. IV. Text. xvi. |

(b) de Lamotte, Traité complet de Chirurgie. Tome IV. pag. 339.

debent hæc binæ adesse; alterutrum si enim tantum deprehendatur, falleret sæpissime. Exemplum habetur in *Commentariis* præcedentis paragraphi talis erroris, ubi malè credebatur adesse luxationem humeri, quia cavitas præternaturalis apparebat circa articuli locum ob acromii divulsionem, interim nullo apparente tumore insolito in vicinia. Sic vidi, quod post lapsum orto tumore duro inflammatorio in inguine, luxatio ossis femoris culparetur; cum tamen in macilenta satis puella facile perciperetur tactu, articuli locum se bene habere, nullamque cavitatem præternaturalem adesse. Multum confirmatur hæc diagnosi, si motus membri, à naturali articuli conformatione determinatus, omnino sublatus sit, vel saltem quàm plurimum depravatus. Si tunc simul pars affecta conferatur cum parte sana, & in figura & in longitudine insignis differentia appareat, nullum dubium videtur superesse.

Aliquando tamen contingere potest, ut satis difficilis sit luxationis diagnosi. Si enim à valida contusione, distorsione, &c., inflammatio locum articuli tumere fecerit, non adeo facillè licebit distinguere cavitatem præternaturalem in loco articuli, & tumorem insolitum in vicinia; dum interim omnis articuli motus impeditur ob doloris acerbitem. Unde in simili casu quàm maximè attendendum est, an causæ prægressæ tales fuerint, à quibus merito luxatio expectari posset. Neque nocebit in dubio casu suspendere iudicium, quia, validà inflammatione natà, minimè tutum fore luxatam reponere, unde hæc prius per idonea remedia sedatà, postea locus affectus examinari poterit.

Quantà autem sæpe cautellà opus sit ad luxationes distinguendas, docet mirus satis casus, quæ apud *Galenum* habetur. Homini in palæstra brachium luxatum fuerat: Medicus, partem læsam conferens cum parte sana, circa articuli locum nullam tamen differentiam invenit; unde satis temere hanc (a) tulit sententiam, *vulnus quidem aliquod huic regioni illatum fuisse . . . articulum verò illasum esse*. Balneum itaque adire ægrum, & postea, pannis laneis, oleo cum pauca cera persusis, restà parte, decumbere & quiescere iussit. Cum tamen his factis totà nocte dolor non remisisset, sequenti die indignabundus (quia alii adhuc Medici ipso imperitiores in consilium vocati essent) promptissimè pridie factam diagnosim confirmavit, humerum verò læsum inflammatum dolore dixit, idèoque in usu eorundem pergendum esse voluit. Tertià die, cum nihil remitteret dolor, in consilium vocatus *Galenus* vidit, humerum affectum quidem non habere præternaturalem cavitatem in loco articuli, imò potius plùs tumere, quàm alter humerus, qui secundùm naturam se habere credebatur; sed sub alam brachii affecti digitis immisissis statim deprehendit, caput articuli elapsi ibi hære, unde luxationem adesse conclusit. Fefellerat autem Medicum comparatio partis læsæ cum altera parte simili, quam sanam credebatur; cum tamen æger, sciscitante *Galeno*, recordari se dixit, quod quondam ex curru delapsus humerum læsisset; unde acromium avulsus fuerat; sicque in humero, qui naturaliter se habere credebatur, præternaturalis cavitas circa articuli locum apparebat, & ideo comparatio binorum humerorum inter se Medicum in errorem duxerat.

Postquam jam constitit de luxatione præsentì, præterea requiritur in diagnosi, ut determinetur, versus quem partem articulus elapsus iverit, an versus exteriorem, interiorem, superiorem, inferiorem, &c. Plurima enim ad prognosim & curam scitu

(a) Lib. de Medic. Officin. Comment. I. Text. 1. Charter. Tom. XII. pag. 4.

necessaria ab hac cognitione pendent. Anatomica cognitio, ossium articulatorum variam unionem in diversis articulis docens, & consideratio motuum illorum, qui ab articuli naturali dispositione pendent, multum hic lucis dant. Præsertim autem hoc noscitur ex loco, in quo caput articuli elapsi hæret. Ideo sollicitissime collegerunt *Hippocrates*, & post illum optimi omnes in Arte Magistri omnia signa, quibus distinguere possent variæ ejusdem articuli luxationes. Sic v. gr; cubito in posteriorem partem prolapsio monet, quod sic affectus (a) *extendere brachium nequit*; & contrà, eodem articulo in priorem partem luxato, *flectere non potest*. De femoris variis luxationibus agens, singularum signa accuratè notavit (b), &c; quæ omnia hic describere supervacuum videtur.

§. 366. **E**T expensis magnitudine, figurâ, situ, parte pressâ & interceptâ, tempore durationis, concrezione luxatorum, dolore, inflammatione, convulsione, & reliquis symptomatibus, partibus ambientibus tenuioribus, crassioribus, ligamentis destructis, vel modò elongatis, musculis annexis, & similibus, prognosis habetur, quæ doceat, an integra, an deficiens, celeris, tarda, facilis, vel difficilis futura sit sanatio.

Postquam per signa diagnostica constitit luxationem factam esse, sedulò debent ponderari omnia illa, quæ hæc paragrapho recensentur, ut possit haberi certa prognosis illorum, quæ metuenda sunt à luxatione jam cognita; vel & ab illa vi, quæ necessariò debet adhiberi, ut luxata ossa restituantur. Omnia autem hæc indicare oportet, si non ægro ipsi, saltem ancis ejus, ne postea secuta damna, quamvis nullâ Arte vitari poterint, Medentium incuriæ, non verò magnitudinè mali, ascribantur. Inprimis autem in prognosi quæritur, an cura talis expectari possit, ut omnes motus, integro articulo exerceri soliti, restituantur; an verò aliquis quidem usus membri luxati superstes futurus sit; non tamen absolūtè talis, qualis ante luxationem factam fuerat. Sic enim distinguitur *integra & deficiens* curatio. Præterea debet determinari, an brevi temporis spatio cura perfici possit, an verò longiori morâ opus sit, ut debita firmitas articulo restitatur. Si enim v. gr; à valida distractione, vel à laxitate nimia, luxationem factam prægressa, ligamenta robur suum amisserint, non poterit, celeris curatio expectari. Facilis autem cura dicitur, si levis tantum extensio ad luxata restituenda sufficiat, neque gravia ulla symptomata adsint. Ubi autem contrarium obinet, difficilis cura meritò prævidetur, quæ & validam vim, & multa Artis molimina requireret. Nam (c) *histrionis est, parvam rem attollere, quò plùs præstitisse videatur*; nunquam tamen nocebit, difficiliorem parum dedisse prognosim: sic enim si sinistri quid acciderit, illud prævisum fuisse Medentibus, apparebit; si verò omni-

(a) Lib. de Artic. Comment. II. Text. 1. | finem, pag. 398, & sequ.

Charter. Tom. XII. pag. 331.

(c) Cels. Medicin. Lib. V. cap. xxv. n.º. 1.

(b) Ibid. Comment. III. Text. 127111. ad | pag. 283,



omnia feliciter cesserint, faustus eventus laudem merebitur. Quænam autem metuenda sint, patebit, consideratis sequentibus.

**MAGNITUDINE.** Luxationis magnitudo mensuratur distantia, quæ est inter illum locum, quem caput ossis elapsi occupat, & articuli cavum. Facile autem pater, quò plùs recesserit os luxatum à suo cavo, in quo naturaliter hæret, eò magis distrahi debere, imò & rumpi aliquando, ligamenta articulum ambientia; atque etiam musculos & tendines vicinos eò majorem vim pati, unde dolor summus, inflammatio, &c., sequentur. Simul etiam evidens est, eò faciliùs restitui posse luxationem, quò propiùs articuli cavo hæserit os elapsum. Unde *Celsus* (a) monet, longè faciliùs humerum in suam sedem compelli, si in partem priorem, quàm si in alam, exciderit.

**FIGURA.** Dictum fuit §. 364, figuræ mutationem in membro luxato adesse: quò ergo, comparatione institutà cum simili parte sana, major invenitur figuræ diversitas, eò major mutatio sitûs partium omnium vicinarum adest; adeoque earumdem validior distractio, vel intorsio: quæ omnia, ut facile patet, curæ difficultatem augent. Sed & ipsius articuli luxati figura magnam hic differentiam adferre poterit. Sic v. gr; humeri osse luxato, debità extensione factà, si ejus caput ante sinum clavum scapulæ locetur, remissis partibus extensis, facile in suum locum revertitur. In osse femoris autem longè alio modo se res habet. Caput enim ejus unà cum cervice angulum obrusum facit cum reliquo ossis deorsum tendentis corpore; unde alià adhuc Arte opus erit. Licèt enim, validà extensione factà, è regione cavi sui poneretur articulus elapsus, posset facillimè sursum ire, & præterlabi cavum suum à latere positum. Unde *Hippocrates* (b), de restitutione ossis femoris versus interiorem partem luxati agens, sic disponit totum apparatus, ut, dum extensione factà articulus elapsus è regione sui cavi fuerit, curantis brachio urgeatur à latere sic, ut in sedem suam revertatur.

**SITU.** Si considerantur pulcherrima illa Observata; quæ *Hippocrates* (c) de ossis femoris luxati vario situ habet, patebit evidenter, quanta si differentia effectuum luxationes sequentium ob solam hanc causam. Si enim versus interiorem partem iverit femoris os, nec reponi poterit articulus (uti sæpe contingit) (d) carnes ambientes os luxatum emacrescent, & plurimum viciatus manebit parvis usus. Longe levius è contra malum sequetur (e) si versus exteriora luxatum fuerit idem femoris os. Ideoque generalem hanc conclusionem posuit *Hippocrates* (f) in coxis quidem multum refert in interioremne partem articulus excidat, an in exteriorem: in genu refert quidem, sed minus. Suus verò claudicandi modus utrisque est. Nam quibus in exteriorem procidit, vari magis sunt; minus autem resti stant quibus in interiorem partem luxatur. Similiter ubi circa talos articulus prorumpit, si quidem in exteriorem partem, vari sunt, sed stare queunt: si in interiorem, valgi; & stare minus possunt.

**PARTÈ PRESSA ET INTERCEPTA.** Quanta mala fieri possint, dum ossa sedibus suis elapsa vicinas partes premunt, nunquam evidentiùs apparet, quam in luxatione vertebrarum: harum enim cavo inclusa medulla spinalis tunc premitur, contunditur, imò & aliquando laceratur. Eò autem magis funesta mala contingunt,

(a) Lib. VIII. Cap. xv. pag. 149.

(b) Lib. de Artic. Comment. IV. Text. 21111. Charter. Tom. XII. pag. 455.

(c) Ibid. Comment. III. Text. XLVIII. ad

Tom. I.

finem. Charter. Tom. XII. pag. 398. & sequ.

(d) Ibid. Text. XCIII. XCIV. pag. 411. 412.

(e) Ibid.

(f) Ibid. Text. LXXXVII. pag. 406.

prout altiori loco talis luxatio facta fuerit. Capitis hinc luxationem; elapsis versus posteriorem partem processibus, quibus summæ vertebræ committitur, absolute lethalem meritò posuit Celsus, ita ut (a) *Nervi sub occipitio extendantur, & mentum pectori agglutinetur, neque bibere is, neque loqui possit; interdum sine voluntate semen emitat: quibus celerrimè mors supervenit.* Et postea monet, eundem casum manere (b) *eos, quorum in spina vertebræ exciderunt, sed tardius quidem mori, quàm quibus capitis luxatio contigit; intra triduum tamen.* Simul ibidem pessima illa mala enumerat, quæ vertebrarum luxationem sequuntur; si nempe totæ loco motæ fuerint: tunc enim medullam spinalem, membranas, & nervos rumpi necesse esse dixit. Si verò paululum tantùm excesserunt vertebræ in exteriori parte, curam ex Hippocrate proposuit. Videantur etiam de hac re illa, quæ dicta fuerunt in Commentariis §. 364, de torpore & paralyti partium, quæ articulo luxato supponuntur. Si autem, dum reponitur articulus luxatus, intercipientur malà fortunà nervi, vasa, musculorùmve aut tendinum partes, &c., facillè patet, quàm enormes dolores, convulsiones, &c., inde fieri possint. Non facillè tamen hæc interceptio continget, si debita extensio partis luxatæ repositionem præciserit.

TEMPORE DURATIONIS. Generalem hanc regulam posuit Hippocrates in luxationibus restituendis, (c) *semper autem restituere convenit omnes articulos qui exciderunt, protinus quum adhuc calidi sunt, vel certè quàm celerrimè. Nam qui reponit, facilius & citius reponit; & æger minorem molestiam sentit, ubi priusquam locus intumuerit, articulus restituitur.* Sic enim & facillimè hoc fieri monet, & ægrum minimam molestiam pati, si restituitur articulus elapsus, antequam locus intumuerit. Celeberrimi etiam Chirurghi, dum ante fracturæ repositionem totum apparatus prius disponunt, qui requiritur ad retinenda in situ ossa fracta, luxata ossa statim reducunt, & dein illa parant, quæ continendis ossibus jam repositis necessaria videntur (d). Et si malà fortunà luxationem fractura comitetur, semper prius luxationem restituumt, antequam fracturæ curam aggrediantur; partim ob modò dicta, partim etiam quia ossis fracti extrema, naturali situ disposita, illà vi, quæ requiritur ad restituendam luxationem, facillè iterum à se mutuo recederent (e). Si autem elapsus articulus aliquo tempore sic manserit, brevè timebit locus affectus, inflammabitur, & dolebit immaniter; unde gangrænæ metus à rudiori attractione imminet. Præterea ligamenta, distracta diu, robur suum amittunt; unde facillimè postea elabatur repositus articulus. Glandulæ autem insignes, in majoribus articulationibus locatæ, pressione capitis ossis elapsi liberæ, vel & inflammatæ, tumere poterunt sic, ut cavum articuli multum minuant; unde & difficilis repositio & difficilior adhuc repositi ossis retentio in situ naturali. Accedit, quodd & mucosum illud articulos lubricans linimentum, motu articuli attenuari & dissipari solitum, nunc accumuletur, & inspissetur sæpe in massam postea nullà Arte resolvendam, quæ articuli cavum sæpe sic replet, ut nullus locus ampliùs elapso ossis capiti superfit. Si jam simul consideretur, luxationem, nisi citò restituitur, semper sequi inflammationem, à qua suppuratio diuturna, & profundè hærens fieri poterit,

(a) Medicina. Lib. VIII. Cap. XIII. pag. 546.

(b) Ibid. Cap. XIV. pag. 547.

(c) Lib. de Artic. Comment IV. Text. LXIV. Charter. Tom. XII. pag. 466.

(d) de Lamotte, Traité complet de Chirurgie, Tom. IV. pag. 358.

(e) Ibid. pag. 358.

(ut *Hippocrates* (a) de luxatione femoris agens monuit) patebit faciliè ratio; quare in prognosi plurima mala prævideantur, si diu duraverit luxatio, antequam tentetur reductio.

**CONCRETIONE LUXATORUM.** Notum est, partes omnes corporis, sibi mutò accumbentes & contiguas, à concretionem impediri intermedio liquido tenuissimo, roris instar, omnia cava minora & majora corporis occupante. Simulac autem ille ros deficit, brevi concreſcunt inter se partes antea separatae. Ubi autem inflammatio partem quamdam occupat, vasa majora infarcta & distenta tenuissimas exhalantes fistulas comprimunt; unde siccitas in partibus inflammatis oritur, & ob hanc facilis concretio cum vicinis. Sic post validas pleuritides & peripneumonias semper ferè pulmo pleuræ accretus reperitur. Ossis jam elapsi caput, natural suo limimento orbatum, partibus accubens à distractione valida aut compressione inflammatis, faciliè cum illis concreſcit, si diu ibi hæreat. Unde patet, impossibilem esse tunc reductionem. Sed & ipsum articuli cavum repleri luxuriantibus glandulis, vel mucò inspissato, statim vidimus. Fortè & sensim ipsum hoc cavum ossium minuitur diu elapso manente articulo: dentibus enim evulsis lamellæ, maxillæ, quæ à se mutò remotæ alveolum constituerant, sensim propius ad se mutò accedunt; tandèmq̃ue sic uniuntur, ut nullum alveoli vestigium maneat.

**DOLORE.** Recens factam luxationem semper dolor comitatur, ut dictum fuit in *Commentariis* §. 364. Si verò acerbissimus fuerit, meritò pessima quæque metuuntur: quia indicat, partibus talem adesse conditionem, quæ in cohesionis totalem solutionem tendit (vide §. 220.). Præterea pessimi effectus doloris summi, §. 226. enumerati, exspectari debent; præcipuè quia ad repositionem articuli luxati requiritur valida extensio partium, jam adeo dolentium; unde convulsionis, delirii, gangrænæ, &c. metus est.

**INFLAMMATIONE.** Quare inflammatio luxationem factam sequatur, dictum fuit in *Commentariis* §. 364. Semper autem adesse solet, nisi citò reponatur articulus elapsus. Ubi autem valida inflammatio partem luxatam occupavit, maximum periculum est. Nisi enim reponantur citò luxata, difficillimè postea reponi poterunt: si verò inflammatae partes rudiùs tractentur, gangræna brevi sequetur. In tali autem casu ex binis malis minus eligendum est, præstâtque luxata relinquere, donec inflammatio idoneis auxiliis sedata fuerit. Hæc fuit etiam *Hippocratis* sententia: dicit enim de periculosissimis luxationibus agens (b) eodem autem die restituendi sunt (articuli) vel certè posteriori; tertio aut quarto minimè; siquidem quarto die malum recrudescere maximè videmus. Ubi ergo non protinus recondantur, his diebus superjendum est. Contineri enim solet, quod intra decem dies conditur. Et alibi de cubiti luxatione agens generalem regulam posuit, quòd (c) nullum articulum, dum febris est, compellere in suam sedem convenit, sed minimè omnium cubitum. Febris autem inflammationis validæ luxationem comitantis signum & comes est. Sic & *Celsus* monuit, dicens, (d) Quidquid autem loco suo motum est, ante inflammationem reponendum est. Si illa occupavit, dum conquiescat, laceſſendum non est: ubi finita est, tentandum est in his membris, quæ id patiuntur. In *Commentariis* §. 364, talis casus habetur, quo conficit, pessimam gangrænâ fel-

(a) Lib. de Artic. Comment. III. Text. xciii. Charter. Tom. XII. pag. 411.

(b) Ibid. Comment. IV. Text. xxx. p. 445.

(c) Lib. de Fractur. Comment. III. Text. lxi. Charter. Tom. XII. pag. 167.

(d) Medicin. Lib. VIII. Cap. xi. pag. 544.

cutam fuisse, dum cubiti luxatio reponeretur, postquam inflammatio valida partem jam occupaverat. In tali ergo casu differri debet luxatorum reductio; & monendi sunt æger ejusque amici, instare pessima mala, si hoc tentetur; difficilem autem postea curam fore, nec integram sæpe: ne mala secutura imputentur temere postea Chirurgo vel Medico. Licet enim luxata quàm citissimè restitui debeant, si nil vetet; tamen Observata docuerunt, non desperandum esse omnino, licet articulus elapsus diu remanserit. Humerus enim luxatus, cum valida inflammatio accessisset, non potuit reponi nisi post binos menses elapsos; & tamen integra fuit sanatio tam diuturni mali (a). Quàm tædiosa autem mala sequantur articularum jam inflammatorum extensiones, pluribus exemplis demonstravit *Hildanus* (b).

**CONVULSIONE ET RELIQUIS SYMPTOMATIBUS.** Convulsio nem luxationi aliquando succedere in *Commentariis* §. 364, dictum fuit; inprimis ob doloris vehementiam, & musculorum aut tendinum distortionem aut distractionem validam. Quanta autem mala convulsionem sequi possint, dictum fuit in *Commentariis* §. 233. Facile autem patet, luxatorum restitutionem tentari non posse, ubi convulsio adest, quia & dolor immaniter augetur, & valida deberet fieri partium omnium distractio; adeoque convulsionis causæ augerentur. Adeo autem metuebant convulsionem Veteres Medici in hoc casu, ut & *Hippocrates* (c) & post illum *Celsus* dixerit (d) *si quoque repósito ossæ nervi distenduntur, rursus id proinus expellendum est*. Videtur & alibi ob hanc causam *Hippocrates* dixisse (e) *in tetanis & opisthotonis, si maxillæ solvantur (luxentur) lethale est*. Non potest enim hæc luxatio restitui, quia tetanus prohibet; & nisi citò restituatur, mortis periculum adest, ut dictum fuit in *Commentariis* §. 364.

Si jam præter modò recensita symptomata, valida febris, animi deliquia, singultus, &c, adsint; patet faciliè, tutò non posse tentari luxatorum reductionem; adeoque difficilem prognosin esse.

**PARTIBUS AMBIENTIBUS TENUIORIBUS, CRASSIORIBUS.** Dictum fuit ex *Hippocrate* in *Commentariis* §. 363, carnosos articulos minùs faciliè excidere, sed & difficiliùs reponi, si elapsi fuerint. Hinc periculosa inprimis luxationes majorum articularum, quos validi muscoli ambiunt, & fortissima ligamenta coercent. Non enim possunt nisi à validissimis causis tales articuli suis sedibus expelli; unde periculosa sæpe symptomata solent sequi. Ob hanc causam *Celsus*, agens de illis luxationibus, quas vulnus comitatur, dicit (f) *Hic verò & ingens periculum est, & eò gravius, quò majus membrum est, quòve validioribus nervis aut musculis continetur. Ideoque ab humeris, femoribusque, metus mortis est; ac si repõsita sunt ossa, spes nulla est, non repõsitis tamen, nonnullum periculum est. Et ubi de femoris luxatione agit, dicit (g) Magnum autem femori periculum est, ne vel difficulter reponatur, vel repõsitum rursus excidat . . . cum ibi valentissimi nervi musculique sint, si suum robur habent, vix admittere ut reponatur; si non habent, repõsitum non continere*. Unde patet, etiam ad hæc in prognosi attendendum esse.

(a) De Lamotte *Traité complet de Chirurgie*, Tom. IV. pag. 354.

(b) *Centur. II. Observ. xc. pag. 168.*

(c) *Lib. de Artic. Comment. IV. Text. xxx.* *Charter*, Tom. XII. pag. 445.

(d) *Medicin. Lib. VIII. Cap. xxv. pag. 557.*

(e) *Coac. Prænot. n.º 361. Charter*, Tom. VIII. pag. 872.

(f) *Medicin. Lib. VIII. Cap. xxv. pag. 557.*

(g) *Ibid. Cap. xx. pag. 554.*

**LIGAMENTIS DESTRUCTIS, VEL MODO ELONGATIS.** Si per luxationem factam ligamenta, articulum coercentia, sic distracta fuerint, ut patiantur elabi os suâ fede, sine ruptura tamen, restituto ossè sensum contracta poterunt iterum pristinum robur acquirere. Si verò disrupta fuerint, magnum periculum est, ne cruda hæc labia ipsi ossi vel vicinis partibus accrescant; vel cicatrix sanati vulneris ligamenta minùs flexilia faciat: unde postea impediatur articuli facilis mobilitas. Sic v. gr; vix potest concipi luxatio ossis femoris à vi externa subito facta (sensum enim debilitatis vel elongantis ligamenti, à causis in ipso cavo articuli hærentibus, fieri posse luxationem, certum est) quin simul disruptum fuerit ligamentum illud teres ex cavo coxæ enatum, & femoris ossis capiti insertum. Unde in hoc casu curæ difficultas patet: rarissimè enim retrotracta hæc ligamenti rupti extrema iterum recrescent; unde repositum os postea faciliùs excidere poterit. Ubi autem luxata ossa, ligamenti penitus destructis, per vulnus integumentorum exeunt, difficillimus casus est. Et quidem eò usque, ut Hippocrates desperaverit de curatione talium luxationum. Dicit enim (a) ubicumque cruris ossibus luxatis, accedente vulnere, articuli qui ad pedem sunt, siue in anteriore, siue in posteriorem partem penitus excidant, reponendi non sunt, sed finendum est, ut cui placet Medico, eos reponat: scire enim convenit ubi repositi servantur, hominem decedere, paucisque diebus vitam trahere; nam pauci septimum diem excedunt, cum nervorum distensione absumentur. Unicam salutis spem superesse monet (b) si non reponantur articuli sic luxati; nam tunc adhuc servari poterunt, sic tamen (c) ut turpis claudicatio totâ vitâ maneat. Idem etiam obtinere periculum (d) monet, si brachii ossa cum vulnere luxentur. Omnium pessimas tales luxationes esse monet (e) quæ robustioribus ossibus accidunt. Unde (f) si femoris os ad genu luxatur cum vulnere (ἰσχυρὸς ποινισµένον), ubi reponitur, manetque majori vi, & citius adhuc homo absumitur, quàm superioribus casibus, si non reponitur, res longè periculosior est, quàm in superioribus. Hæc una tamen salutis spes superest. In solis digitis pedum & manuum luxatis, & per vulnus factam eminentibus (g) curam tentari posse voluit; sed non nisi summa cum cautela. Merumque enim & hæc ossa reposita postea abscedere monet (h) quare nisi vereretur Medicus, ne vulgò imperitus haberetur, nihil reponere prorsus deberet. Rarus tamen casus docuit, non semper desperandum esse, saltem si circa inferiores articulos talis luxatio unâ cum destructione ligamentorum contigerit. Fœmina agilissima ex altissima, quam conscenderat, arbore delapsa directè pedibus suis terræ impeerat: unde in sinistro crure valida ecchymosis à pedum digitis usque ad femoris mediam altitudinem facta fuit. Sed pes dexter, solo impingens, circa malleolos sic invertebatur, ut tibiæ os, ruptis integumentis, ad trium quatuorve digitorum longitudinem non tantum eminere, sed terræ infixum hæreret. Simul fibula fracta erat ad binorum circiter digitorum distantiam ab articulatione. Ingens contusio & pessima dilaceratio partium faciebant, ut in consilium vocati

(a) Lib. de Artic. Comment. IV. Text. XV. Charter. Tom. XII. pag. 435.

(b) Ibid. Text. XVII. pag. 437.

(c) Ibid. Text. XXV. pag. 443.

(d) Ibid. Text. XXVI. pag. 443.

(e) Ibid. Text. XXVIII. pag. 444.

(f) Ibidem.

(g) Ibid. Text. XXX. pag. 445.

(h) Ibid. Text. XXXI. pag. 446.

Chirurgi expertissimi concluderent, exstirpationem partis debere fieri. Cum tamen in flore ætatis esset, robusta & optimæ temperiei fœmina, malumque circa inferiorem partem esset, tentata fuit reductio ossis luxati, & fracturæ: tunc enim exspectari poterat, an aliqua spes affulgeret curæ, cum raro tam citò gangræna, quæ metuebatur merito, proserperet, quin exstirpatio adhuc cum fructu potuisset postea institui. Præter spem tamen serè omnem, optimis remediis adhibitis, dolores leniti fuerunt, nec ullæ convulsionones sequebantur: & per exfoliationem separatis partibus ossis fibulæ & tibiz, quæ aeri nudo expositæ corruptæ fuerant, tam periculoso malo emerfit hæc mulier; sic ut incedere potuerit, & solita pericere opera, rigido tamen manente articulo pedis (a). Satis tamen patet, quàm difficiles & periculosæ sint luxationes, quæ destructis ligamentis contingunt.

**MUSCULIS ANNEXIS ET SIMILIBUS.** Si enim circa articulum luxatum validi muscoli hæserint, non poterit luxatio fieri, nisi à fortissimis causis, unde sæpe sic distrahi poterunt muscoli, ut postea vel nullo modo, vel saltem non integre, pristinas vires recuperent; ideoque postea in motu partis luxatæ semper defectus supererit. Sic v. gr; ex Anatomicis notum est, alterum bicipitis brachii musculi tendinem, ex superiori & exteriori parte sinûs scapulæ (in quo caput ossis humeri locatur) ortum in capsâ articulari hæere, super caput ipsum ossis humeri procedere ad sinum, ibi loci insculptum; sicque ex articuli cavo emergere, & dein in carneum ventrem intumescere, alterisque ejusdem musculi capiti uniri. Si jam humeri ossis caput versus anteriora luxetur, patet faciliè magnam vim sic inferri posse huic bicipitis tendini; unde postea in motu membri defectus forte supererit.

Sic indicatis præcipuis fontibus, unde prognos luxationum deduci posset, sequitur, ut de curatione agatur.

§. 367. **A**D quam requiritur 1. Luxatorum redaptatio. 2. Repositorum in suo loco ad sanationis finem tetentio.

Si omnibus bene ponderatis constitit, nulla adesse talia symptomata, quæ vel inutilem redderent, vel impossibilem, luxationis restitutionem, hæc tentanda est. In præcedentibus monitum fuit, diu factas luxationes restitui non posse, quia plerumque articuli cavum à concretis humoribus, vel luxuriantibus partibus à pressione ossis elapsi jam liberis, repletum esse solet. Pariter monitum fuit, non posse tentari curam, si valida jam adfuerit inflammatio, tumor ingens, vel convulsio; ut etiam, si hæc certò brevè adfutura prævideantur: tunc enim curam differi prudentia jubet. Ad curationem autem requiruntur bina sequentia.

1. Hoc per se patet.

2. Ligamenta, quæ ossa articulata inter se nectunt, præcipuam firmitatem articulis præstant. Sed luxatio non potest contingere, nisi hæc ligamenta vel rupta fuerint, vel sic elongata, ut patiantur articulum suâ fede elabi. Dictum autem fuit in *Commentariis* §. 363, distractione validâ sic posse debilitari partes fir-

(a) De Lamotte *Traité complet de Chirurgie* Tom. IV. pag. 435, & suiv.

mas corporis, ut multum de suo robore amittant. Unde; licet luxatorum restitutio facta fuerit, nondum tamen ligamenta pristina firmitate habent, ideoque sæpe facilis foret elapsio articuli, nisi Arte caveretur, ne hoc fiat. Quàm facile autem iterum luxari possint articuli post reductionem factam, docet casus, quem narrat sæpius laudatus Chirurgus (a). Ingenue enim fateatur, sibi accidisse dum restituisset luxatum humerum, nec caveret, ne æger brachium elevaret, illico iterum elapsum fuisse articulum; quem tanta cum celeritate reduxit, ut nec famuli, qui ipsum adjuvabant, hunc errorem animadverterent. Requirit ergo ad luxationis curationem, ut ossa reducta in suo situ retineantur, tamdiu, donec debita firmitas redierit ligamentis; sic ut motus, in sanitate exerceri soliti, sine periculo luxationis iterum fieri possint: ille enim finis curationis est. Tempus autem, quod requiritur, ut ligamenta iterum debitam firmitatem recuperent, non adeo exactè limitatum invenitur apud Auctores. Interim certum est, illud varium esse, pro diversa magnitudine luxationis, & articuli, pro varia ægri temperie, & symptomatibus magis minùsve urgentibus, quæ luxationem comitantur. Luxationis magnitudo, ut dictum fuit paragrafo præcedenti, mensuratur distantia ossis elapsi à cavo suo, quo naturaliter continetur; & facile patet, eò majorem vim inferri ligamentis & reliquis ambientibus, quò plùs à loco suo naturali distet articulus elapsus; adeoque, eò longius tempus ad integram curationem requiri. Prout jam majorem minorémve vim sustinere debet articulus in sanitate, eò diutius inter cura protrahitur: sic (b) femoris, & (c) tali, luxatio diuturnam quietem requirit, monente *Celfo*: digiti verb articulum (d) decimo quarto die confirmatum esse, dixit *Hippocrates*. Quantam autem hic differentiam faciat diversa temperies, monuit iterum *Celsus*; dicens (e) *si corpus tenue, si humidum est, si nervi infirmi, expeditius os reponitur; sed & multò faciliùs excidit, & postea minùs fideliter continetur. Quæ contraria his sunt, meliùs continent: sed id, quod expulsum est, difficulter admittunt.* Similia his & apud *Hippocratem* (f) habentur. Symptomatum autem numerum & vehementiam protrahere sæpe curam, satis patet. Tamen *Hippocrates* monuit, levem inflammationem post restitutam luxationem potius prodesse, quàm nocere; cùm & dolor tunc membri usum prohibeat, & tensa pes inflammationem ligamenta fortius retineant articulum in suo cavo. Dicit enim in loco citato (quem & alià occasione allegavi §. 224. n°. 3.) (g) *Qui reposito articulo, partibus quæ juxta sunt nullà inflammatione affectis, protinus humero uti sine dolore possunt, hi nullà curà sibi opus esse arbitrantur. Sed Medici officium est præagere contra eorum opinionem, siquidem his rursus prolabitur magis, quàm quibus nervi inflammatione tentantur.* Non nocebit unquam parum diutius cavere, ne validi motus membro, luxationem passio, exerceantur; modò caveatur simul, ne nimis diuturnà quiete obrigescant articuli.

(a) De Lamotte Traité complet de Chirurgie, Tom. IV. pag. 347.

(b) Medicin. Lib. VIII. Cap. xx. pag. 555.

(c) Ibid. Cap. xxix. pag. 556.

(d) Lib. de Artic. Comment. IV. Text.

xiv. Charter. Tom. XII. pag. 467.

(e) Medicin. Lib. VIII. Cap. xi. pag. 544.

(f) Lib. de Artic. Comment. I. Text. xxviii.

xxviii. Charter. Tom. XII. pag. 306. 307.

(g) Ibid. Text. xxix. pag. 307. 308.

Simul in cura attendendum est, ut idoneis remediis & victu debito leniantur illa symptomata, quæ maximè molesta his in casibus esse solent; vel & præcaveantur futura. Præcipua sunt, dolor, & inflammatio, cum omnibus, quæ ex his sequi poterunt, malis. De his jam dictum fuit in præcedentibus partim, & etiam partim infrequentibus dicitur. Facile autem patet, eò plura & graviora symptomata expectanda esse, quò major fuerit articulus luxatus; quia non nisi à fortioribus causis tales articuli suis sedibus expelli possunt, & validam pariter extensionem requirunt, ut reduci possint. Unde Hippocrates sic monuit (a) ubiqueque autem reponitur, imponenda abstinentia est maxima, ubi maximus fuerit, & difficillimus ad reponendum; minima ubi exiguus & facile reconditur articulus.

§. 368. **REPOSITIO** fit 1. Firmando corpus ægri. 2. Movendo partem, ut directè respondeat suæ cavitati, 3. Introducendo per intorsionem, trusionem, pulsationem.

1. Cùm enim extensio major minòrve ad luxationem restituendam requiratur; neque illa sine dolore fieri possit, patet facîle ob rationes dictas §. 349. nò. 2, requiri, ut sic firmetur æger: ne turbare operantem possit. Præterea hoc requiritur, ne totum corpus sequatur, dum pars affecta trahitur.

2. Prudenter monuit Galenus de generali cura omnium luxationum agens; quòd necesse sit, (b) id quod in antiquam sedem unde excessit, reversurum esse, rursus idem iter facere ..... Considerato igitur in singulis luxatis, unde eaperit articulus expelli, quà processerit, & ubi constiterit; oportebit enim excutendi finem principium esse revertendi, atque inde rursus ad excidendi principium procedere. Deinde hoc assertum Exemplo humeri in priorem partem elapsi illustrat. Quantam verò utilitatem habeat hoc monitum ad felicem luxatorum restitutionem, facîle patet. Os enim suâ sede elapsum viam sibi fecit vicinas partes removendo; facillimè igitur redire poterit per viam jam factam, minimè per alienam: inprimis autem si ligamenti ruptis articulus excesserit; nisi enim eidem directè loco iterum occurrat, non poterit in suam sedem redire. Requiritur jam, ut hoc fieri possit, extensio, magis vel minùs valida, prout major vel minor fuerit articulus luxatus; simulque ne partes vicinæ fortè intercipientur, dum articulus elapsus in suam sedem revertitur. Manus sufficiens extensio fieri plerumque poterit in minorum articularum luxatione; vel & in junioribus aut laxæ temperiei hominibus, etiam in majoribus articulis; si verò validior vis requiratur, laqueis & machinis sæpe opus erit. Plurima pulcherrima circa horum usum & fabricam apud Hippocratem in libro de Articulis habentur, quibus & alia addiderunt Recentiores; videantur & illa, quæ de hac extensione dicta sunt in Commentariis §. 349.

3. Ubi jam articulus elapsus debitâ extensione, & iusto motu, sic depositus fuit, ut respondeat suæ cavitati, reliquum satis facîle perficitur. Unde de luxa-

(a) Lib. de Artic. Comment. IV. Text. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

(b) Ibid. Comment. I. Text. VII. pag. 294.



tione ossis femoris versus anteriorem partem agens Hippocrates dicit (a). Si bene extendamus femoris caput, è regione pristini sui cavi excitabitur, quod ubi sic excitatum fuerit, non facillè prohiberi poterit, quominus in suam sedem revertatur; ita ut jam quovis modo impellere, ac dirigere abunde sit. Sed minus extendunt quàm par sit, idcirco majori negotio reponunt. Ligamentorum enim elasticitas, & musculorum robur, sæpe tunc sufficiunt, ut redeant in suum cavum elapsus articulus. Cognita autem articulationis luxatæ fabrica facillè docet peritum Chirurgum, quid ulterius faciendum sit, si, post extensionem debitam, è regione sui cavi locatus articulus non revertatur in suam sedem: tunc enim levi inorsione, trusione, pulsatione, &c., reliquum perficietur. Imò in multis luxationibus restituendis extensio & reductio ferè eodem tempore fiunt ab exercitatis Chirurgis. Sic de maxillæ luxatæ restitutione agens Celsus, postquam monuerat, quomodo æger disponi & firmari deberet, dicit (b) *Ubi vehementer maxilla apprehensa est, si unâ parte procidit, concutendum mentum, & ad guttur adducendum est: tunc simul & caput apprehendendum, & excitato mento, maxilla in suam sedem compellenda, & os ejus comprimendum est, sic ut omnia penè uno momento fiant.* Dum suspensio sub axilla homine, (supra portam, scalam, &c.,) luxatum humerum reducere tentant Chirurghi, validâ tractione penduli brachii deorsum factâ, sæpissime illico in locum suum redit articulus elapsus. Quantum autem intersit Chirurgo ad curæ felicitatem in difficiilibus casibus peritos habere adjutores, facillè patet.

Rediisse autem in antiquam sedem luxatum os, cognoscitur plerumque ex sono quoddam, qui auditur illo momento, quo reductio fit. Monuit autem Celsus quoddam (c) *caput humeri impulsum in suam sedem, modò cum sono, modò sine hoc, compellatur.* Ferè semper tamen talem, obscurum saltem, sonum audiri, omnes ferè Chirurghi observant. Multùm mali ab hoc sono videtur timuisse Hyeronimus Fabricius ab Aquapendente (d): credebatur enim fieri, dum caput ossis allideretur sinu superciliis; unde hæc rumpi possent, & cavitatem subire, antequam caput ossis ingrederetur; adeoque integra reductio fieri non posset: aut putabat strepitum illum nasci, quia caput ossis sinum contundit; unde postea pessima quæque timebat mala. Sed fidelissima optimorum Chirurgorum & quotidiana Observata docuerunt, satis inanem hunc metum esse, cùm plerumque talis strepitus percipiatur, & raro tamen talia mala sequantur, quæ his causis adscribi merito possent. In *Commentariis* §. 365, dictum fuit, inter signa diagnostica luxationis præcipuè numerari partis vitiatam figuram & cavitatem circa sedem articuli, tumorem autem in loco alieno: bene repositis ossibus luxatis, apparet, hæc omnia iterum abesse debere. Simul dolor recens factam luxationem semper comitatur, ob validam distractionem ligamentorum & aliarum partium ambientium; reposito autem articulo, statim ille dolor vel omnino cessat, vel insigniter saltem minuitur: solet enim aliquando superesse aliquis dolor, optimè etiam factâ reductione, ob vim, quam passæ fuerunt partes ambientes & à luxato osse, & ab extensione quæ sæpe satis valida requiritur, antequam reductio fieri possit.

(a) Lib. de Artic. Comment. IV. Text. |  
 xlv. Charter. Tom. XII. pag. 456.  
 (b) Medicin. Lib. VIII. cap. xii. pag. 546. | 350.  
 Tom. I.

(c) Ibid. cap. xv. pag. 549.  
 (d) Chirurg. Univers. Lib. V. cap. 1. pag.

§. 369. **REPOSITA** in loco retinentur quiete, fasciis, situ partis naturali.

Postquam reposita fuerunt ossa, quæ suis sedibus exiverant, altera pars curationis (§. 367. n. 2.) superest, ut nempe in naturali situ retineantur. Hoc autem fit.

**QUIETE.** In omni luxatione ligamenta articulos coercentia vel rupta fuerunt, vel admodum saltem elongata: nisi ergo quies imperetur, facile iterum elabatur repositus articulus. Præterea demonstratum fuit §. 25. n. 3, solidas partes corporis debilitari nimia distractione; & §. 28. n. 5, dictum fuit, augeri vim cohesionis in solidis; si diu omnes partes in eodem contactu maneant; & quidem sæpe eo usque, ut tandem nimium robur acquirant. Quies ergo semper necessaria erit, ut firmitas redeat ligamentis nimis distractis, vel ut fiat unio eorumdem, si rupta fuerint. Cavendum tamen, ne à nimis diuturna quiete rigescant ligamenta; vel ab accumulato linimento articulorum, & inspissato ob motus defectum, nascatur ancylosis. Unde post aliquot dies elapsos, dum metus inflammationis abest, & nimis dolor sedatus, præstat leviter dimovere articulum & molliter perficere; uti sollicitè monuit *Hippocrates* (a) de curatione humeri luxati agens. Omnium maximè in cubiti luxationibus hanc cautelam observandam monuit *Celsus* dicens, (b) *Celerius tantùm sapiusque id resolvendum est multoque magis aqua calida fovendum, & diutius ex oleo & nitro ac sale perficiendum. In cubito enim celerius, quàm in ullo alio articulo, sive extrà remansit, sive intus reverterit, callus circumdatur; isque, si per quietem increvit, flexus illius postea prohibet.*

Præterea dolor aut inflammatio, quæ sæpe, ob validam vim ambientibus partibus illatam, etiam post reductionem luxationis supersunt, quietem postulant.

**FASCIIS.** Nisi omnino rupta, vel validissimè distracta fuerint ligamenta, repositum os facile continetur, modò quiescat pars. Unde non semper fasciæ requiruntur. Sic enim maxillam luxatam dum reposuit peritissimus Chirurgus (c), nullas se applicuisse fascias testatur; & tamen optimè cura successit. Si verò aliquis metus sit, ne reductum os iterum elabatur, præstat fasciis firmare partem; inprimis si spleniis, vel aliis similibus applicatis, fasciarum pressio maximè determinetur ad illum locum, versus quem articulus excessit. Pulcherrimè hoc notavit *Hippocrates* de cura luxationis humeri ossis agens, dicit enim (d) *His itaque mederi oportet cerato & spleniis, & multas fascias circumdare: tum lanam mollem ac mundam in alam subicere, donec id cavum compleatur, ut vinculum fulciat, & articulum sustineat.* Sic enim cavebitur, ne iterum caput ossis humeri ex sua sede in axillæ cavum delabi possit. Illam enim solam luxationem ossis humeri se novisse dicit *Hippocrates* (e); unde de aliis luxationis modis non egit.

Facile autem patet, si cognoscatur via, quâ os suo cavo elapsum est, in omni

(a) Lib. de Artic. Comment. I. Text. xxx. xxxi. Charter. Tom. XII. pag. 308. 309.

(b) Medicin. Lib. VIII. cap. xvi. pag. 551.

(c) De Lamotte, Traité complet de Chirurgie,

Tom. IV. pag. 335.

(d) Lib. de Artic. Comment. I. Text. xxix. Charter. Tom. XII. pag. 308.

(e) Ibid. Text. III. pag. 350.

luxatione per idoneam ligaturam sic posse præcaveri, ne rursus excidat. Ubi autem sic firmata pars fuit, rarius solvi debet, nisi inflammatio accesserit: tunc enim frequentius in omnibus luxationibus apparatus debere solvi iussit Hippocrates (a).

SITU PARTIS NATURALI. Debebit pars affecta diu quiescere: ut autem possit sine molestia sic retineri, requiritur talis situs, quem in homine dormiente observamus, dum nulli muscoli agunt voluntatis imperio: sed flexores artuum propriâ contractilitate tunc prævalent extensoribus musculis; unde omnes ferè articuli leviter inflexi apparent. Videantur quæ de naturali partium situ dicta fuerunt in *Commentariis* §. 349. n°. 3. Generalem ideo hanc regulam in omni luxatione posuit Hippocrates (b) *Semper autem quiescere vitiatum articulum convenit, & quam optime figurari.* Et hinc inde in singularibus luxationibus commodissimum situm describit. Sic v. gr; de cubiti luxatione agens dicit (c) *in curatione ita figurare brachium oportet ut manus paulò sublimior cubito habeatur, humerus verò ab latius.* Sic autem & *suspensum, & collocatum habitui, positioni, viribus, naturæ, & usui commodum erit.*

His observatis omnibus, felix satis exspectari poterit curæ successus, quando à vi externa, suâ sede expulsi fuerunt articuli: ubi verò ligamentorum nimia laxitate elabuntur articuli, longè difficilior cura est. Dixerat Celsus: (d) *Qui nervorum vitio prolapsi sunt, compulsi quoque in suas sedes iterum excidunt.* Repositio talium luxationum facillima quidem est, sed retentio in situ difficilissima; imò aliquando penitus impossibilis. Sola ferè spes est, ut diuturnâ quiete partis, & roborantibus fomentis applicatis, redeat laxatis ligamentis debita firmitas. In similibus casibus pulchrum effectum vidit Peitius (e), dum splenia crassa, spiritu vini aromatico cum aluminis pulvere & ovi albumine mistis madida, articulo femoris undique applicaret; idoneâ ligaturâ circumpositâ, ut hæc applicata manerent; sæpiusque de die, non remoto apparatu, & splenia & fascias eodem remedio humectabat. Galenus se bis curasse femoris luxationem, ab hac causa factam, affirmat; (f) *diu autem oportet siccantibus medicamentis commissuram circumdare, dum nervus illigans abunde siccetur, ne ampliùs ita extendatur, ut femur oris eavi possit excidere.* Tantam difficultatem in curatione talium luxationum agnovit Hippocrates, ut ad ultimum Artis præsidium, ignem nempe, in talibus casibus, confugerit. Cum enim multos videret ob hanc calamitatem bellicis certaminibus inutilis redditos, neque ullum illos rectè curantem novisset, fuso satî sermone (g) hanc curandi methodum descripsit. Agit autem de illa luxatione ossis humeri, quâ illud in alæ cavum prolabitur: facillè patebit tamen & in reliquis ejusdem articuli, vel & aliorum luxationibus, illud tentari posse.

Tota autem curationis ratio in eo videtur consistere, ut ferro candenti adusâ cute, & panniculo adiposo in illo loco, versus quem articulus prolabi solet, p<sup>er</sup> cicatrices sanatorum ulcerum sic corrugentur & indurentur integumenta, ut non patiantur se facillè extendi postea; unde cavebitur, ne hæc viâ elabi articulus possit. Brachio parum ele-

(a) Lib. de Artic. Comment. IV. Text. LXIV. Charter. Tom. XII. pag. 466. 467.

(b) Ibidem. pag. 467.

(c) Ibid. Comment. II. Text. 1. pag. 331.

(d) Medicin. Lib. VIII. Cap. XI. pag. 544.

(e) Acad. des Sciences, l'an 1722. Mém. pag. 163.

(f) Lib. de Artic. Comment. IV. Text. XL. Charter. Tom. XII. pag. 453.

(g) Ibid. Comment. I. Text. XLII - LX. pag. 312., & sequ.

vato (nisi enim attollatur, non datur facilis accessus ad alam; si elevetur multum, tensa nimis cutis prehendi non poterit) laxam cutim unà cum panniculo adiposo digitis prehensam attolli jubet, ut sic integumenta quàm maximè recedant à glandulis, nervis insignibus, & magnis vasis sanguineis hic locatis.

Deinde jubet, ut elevata sic cutis, ferro non nimis crasso vel rotundo, sed oblongo potius, quàm celerrimè trajiciatur; idèoque ferrum eò usque ignitum voluit, ut pelluceat (a) *καὶ δὲ διαφανὴς γένηται*: deinde cute adhuc elevatà, per bina hæc foramina, ustione factà, jubet transmitti debere tenuem spatulam (b) *ἐπαλειπτέον*; quo facto remittenda cutis est, & medio inter bina foramina loco alia ustio facienda est tenui ferro candenti per integumenta adaëto, donec subjectæ spatulæ occurrat. Sic tribus in locis distinctis sine periculo læsionis suppositarum partium ustio fiet. In curatione autem escharæ separabuntur, & deinde integumenta accrescent iterum sibi invicem; sed ut faciliè patet, ob jacturam substantiæ igne omnia destruyente factam, corrugatæ fiunt cicatrices, & duræ: idèoque monuit (c) ne toto curæ tempore multum attollatur humerus, sed modicè tantum, quatenus curatio ulcerum postulat: sic enim, non dislentis integumentis, firmius & arctius accrescent sibi mutuo margines ulcerum. Imò, ulceribus jam curatis, voluit Hippocrates brachium adhuc longo tempore debere (d) lateri alligari, ut firmissimæ reddantur cicatrices, & illud spatium, in quod maximè humerus procidere solebat, contrahatur. Bina præterea adhuc alia loca (e) indicavit, quorum ustio prodesse posset in hoc casu; nempe ab utroque latere capitis ossis humeri, inter hoc & magnas chordas, quæ utrimque cavum axillæ faciunt; tendines nempe pectoralis musculi & latissimi dorsi.

Simili modo herniarum curam aliquando tentatam fuisse ab Empirico novi, dum herniæ locus, reductis priùs elapsis visceribus, caustico vel ferro candenti profundè satis exureretur; hæc spe, ut contracta per cicatricem satis profundam integumenta non paterentur faciliè postea extensionem.

## INFLAMMATIO.

§. 370. **INFLAMMATIO**, Ignis, Phlegmone, ob causæ, & effectuum similitudinem, ab igne nomen habet.

Antequam de morbis a cutis dicendum erat, optimè Historia inflammationis & omnium ejus effectuum præmittitur, quia & magnum lumen his morbis inde affunditur, & inflammationis, partes externas corporis occupantis, successivæ mutationes in sanationem, vel alios morbos, distinctius cognosci poterunt, & ex illis prævideri, quid futurum sit, si simile malum internas corporis partes obsideat.

Obtinuit jam communi usu, & quidem in omnibus linguis, quantum novi, ut

(a) Lib. de Artic. Comment. I. Text. XLIV. Charter. Tom. XII. pag. 313.

(b) Ibid. Text. XLV.

(c) Ibid. Text. LV. pag. 318.

(d) Ibid. Text. LVI.

(e) Ibid. Text. LV. pag. 317.

huic malo ab igne nomen imposuerint. Inflammatio sic Latinis dicitur, φλεγμονή φλῆσις, Græcis, &c. Nec mirum, cum omnes majorem calorem, quem ab ignis majiori copia in loco nasci in Physicis probatur, inflammationi semper attribuerint. Galenus sic dicit : (a) *tumori autem quum pulsus accedit, atque ardor, inflammationem perficit, quæ propriè φλεγμονή superius appellata est : quod vocabulum non sic accipiebatur apud Veteres; eo siquidem notabant omnem ardorem, quemadmodum sæpenumero declaravimus. Ab Erasistrati verò sæculo, consuevit usurpari ad illos tumores significandos, quibus non modo ardor accedit, sed renixus etiam, & pulsus, necessarioque rubent. Similiter & alibi (b) recensens illa signa, quibus phlegmonem adesse cognoscitur, caloris mentionem fecit. Sic etiam Ægineta (c) dicit : Communiter quidem calidos omnes & dolentes cum ardore tumores phlegmonas vocare consueverunt. Pro diversitate verò materiæ efficientis ipsos, horum quoque differentiam variare dicunt. Sanguine namque bono, & moderatæ crassitudinis in partem aliquam confestim irruente, & ob copiam impaucto, propriè dictam phlegmonem fieri; bile flavâ autem in quadam parte hærente, herpeia; sanguine verò cum bile flavâ irruente, erysipelas. Quando verò sanguis influens calidus admodum fueris & crassus, carbones parere solet.*

Commune ergo omnis inflammationis attributum calor erat, & nomen omnibus inflammationum speciebus commune φλεγμονή, quod postea tamen illi inflammationis speciei tantum datum fuit, in quâ unâ cum calore renitens tumor & rubor aderat; reliquis autem inflammationum diversitates variis nominibus appellaverunt. Ita & apud Celsum legimus (d) : *Noiæ verò inflammationis sunt quatuor, rubor, & tumor, cum calore & dolore. Unde constat, & apud Latinos generale inflammationis nomen certæ tantum speciei datum fuisse.*

In loco autem inflammato majorem ignis copiam adesse, docent thermometra, & effectus omnino similes, ac fierent ab igne elementari corpori applicato. Dum enim homo sanus dorsum manûs, v. gr; igni admovebit, incipiet sentire majorem calorem; deinde pars incipiet rubere: si propius adhuc admoveat, tumor fiet, & dolor; si pergit igni admoveere manum, dolor immaniter augebitur, epidermis in bullas elevata secedet, & tandem auctâ ignis actione in escharam comburetur cutis, quæ tunc omnino mortua per supurationem factam à vivis partibus separari debet. Sed eadem omnino, & quidem eodem ordine, mala inflammationem sequuntur. Levis enim calor, rubor, & tumor inflammationem natam in manûs dorso comitantur cum dolore; quæ omnia augentur, prout increfcit malum. A valida inflammatione, in gangrænam jam tendente, pariter epidermis in bullas elevatur, crustæ gangrænosæ oriuntur, similiter per suppurationem tantum separandæ à vivis; & si pergit augeri inflammationis vehementia, omnia ad ossa usque nigrescunt, ac si vivo igne in carbonem usta fuissent; tuncque sphacelus adesse dicitur. Hinc ardentem febrim, ignem (εἰς πυρ) vocavit Hippocrates, quia sæpe tantus inde fit calor circa vitalia, ac si verus ignis ibi hæreret; unde etiam tam subita sæpe mors. Et in ardentissima febre, peste nempe, dum morbi malignitas per metastasin ad certa loca corporis ruit, observatur illa, sic comburi, ac si igne actuali hoc factum fuisset, uti in carbonibus pestilentiali-

(a) Lib. de Fract. Comment. III. Text. 111. Charter. Tom. XII. pag. 136.  
(b) Lib. de Tumorib. præter natu. cap. II.

Charter. Tom. VII. pag. 313.

(c) Lib. IV. cap. XVII. pag. 63. vers. 1.

(d) Medicin. Lib. III. cap. x. pag. 139.

Cccc liij

bus patet; qui suppuratione in omni ambitu factâ postea excidunt, perfectè eodem modo, ac solet fieri, dum ferro candenti pars corporis exusta fuerit. Sic sapiens Antiquitas sola Observatione effectuum meritò ab igne nomen inflammationi dedit, cum & causæ & effectus omnino respondeant; & hodiernis Observatis circa ignis naturam hæc omnia pulchre confirmantur.

§. 371. **ESTQUE** sanguinis rubri arteriosi in minimis canalibus stagnantis pressio & attritus à motu reliqui sanguinis moti, & per febrem fortius acti.

Datur in hac paragrapho definitio inflammationis, sive phlegmones, propriè dictæ ex suis causis, quam Veteres dederunt ex phænomenis. Definiverunt enim phlegmonem, (ut patet ex illis, quæ ex Galeno præcedenti paragrapho fuerunt allegata) quoddam sit tumor præternaturalis, renitens, durus, ruber, calens, cum dolore punctorio, & febre plerumque comite. Notandum autem est, definitionem hic datam tantum respicere inflammationem, quatenus hæret in illis vasis, quæ naturaliter sanguinem rubrum continent, vel quæ saltem dilatata illum admittere possunt. Quid autem fiat, ubi simile malum in tenuioribus vasis hæret, dicetur postea §. 379. 380. His positis, datæ definitionis explicatio dari poterit.

Bina hic occurrunt, quæ simul unita inflammationis naturam constituunt: obstructio nempe, & sanguinis in locum obstructum irruentis aucta celeritas. Stagnat enim sanguis in inflammatione, & transire nequit per vasorum angustias, licet à tergo impulsus liquor urgeat: adest ergo obstrutio canalis transitum tollens liquido per illum trajiciundo. Sed ex illis, quæ dicta sunt §. 107, patet, obstructionem adesse, his positis. Materia obstruens est sanguis ruber sed arteriosus; quia, in solis arteriis obstructionem propriè dictam locum habere posse, demonstratum fuit in *Commentariis* §. 119. Loca obstructa sunt minimorum canalium angustia; quia, ut faciliè patet, immeabiles moleculæ per latiorum vasorum amplitudinem transire adhuc poterunt; circa fines verò convergentium vasorum hærebunt. Non autem hic intelliguntur minimi totius corporis canales, sed tantum angustissimi rami maximorum vasorum, quæ nempe crassissimam partem humanorum liquidorum, sanguinem rubrum continent. Unde canales illi minimi quidem dicendi sunt ratione maximorum vasorum, sed maximi sunt inter minimos. Ultimus enim finis arteriæ rubræ major semper erit arteriâ serosâ inde ortâ, quæ omne rubrum suæ diametri parvitate naturaliter excludit. Sic & pariter ultimus finis arteriæ serosæ ob eandem causam semper major erit arteriâ lymphaticâ inde ortâ, &c. Unde patet, veram phlegmonem ferè tantum in arteriis rubris minimis, vel in serosis dilatatis hærare; ideòque esse illam, quæ §. 122, dicebatur inflammatio primi generis. Ubi autem in angustis convergentium vasorum immeabiles moleculæ hærent, liquidum vitali motu à tergo urgens necessariò comprimet easdem; & quidem satis magnâ vi, cum cordis & arteriarum actione sanguis ruat in loca hæc obstructa, tali quantitate motus, quâ potuisset ad extrema corporis usque satis magna adhuc cum celeritate pervenire; unde magna pressio erit, & renovata singulis cordis & arteriarum contractionibus (vide *Commentaria* §. 120.). Cum putem immobiles hærare videantur moleculæ obstruentes, minimorum canalium an-

gustis impactæ, non ita apparet primâ fronte, quare attritus fieret, qui itum quemdam & reductum harum molecularum supponere videtur. Sed si considerentur illa quæ dicta sunt in *Commentariis* §. 132, n°. 1, patebit, obstruentes moleculas non semper immobiles hæere, sed nunc artèriarum contractione retropelli versus latiorè locum, nunc iterum cordis, artèrias implentis, actione protrudi in eadè angustias; unde verus attritus hic locum habet.

Hæstenus autem dicta omnia conveniunt æquè obstructioni, in minimis canaliculis à sanguine rubro arterioso stagnante factæ, quàm inflammationi: unde in definitione inflammationis additur, *per febrim fortius aili*. Ubi valida inflammatio notabilem corporis partem, vel viscera quædam occupavit, febris tunc semper adeste deprehenditur: sed si in minima corporis, inprimis externi, parte inflammatio hæreat, an tunc dici potest, semper adeste febrim? Ophthalmiæ, anginæ quædam inflammatoriæ, &c, toties observantur, licet nulla in pulsu mutatio appareat. Pulchre hoc explicuit *Galenus*, dum pulsuum naturam describit, qui inflammationem comitantur; (a) *Incipienti quidem major eo qui secundum naturam, & vehementior, & celerior & crebrior. Augefcens adhuc cum illa omnia increfcunt, tum clarè jam durior, & magis vibratus est. Paulò post autem subjungit. Hæc inflammatio habet, quæ pulsum per totum corpus immutat, vel quia magna est, vel quia principem partem insidet. Si verò universum corpus non afficiat, pulsus in parte inflammata talis erit, qualem diximus.* Sub hac ergo limitatione accipiendum est, quòd febris sit omnis inflammationis comes; nempe, si non in toto, saltem in parte inflammata, pulsus, robur & celeritas augebuntur, tuncque febris quasi partis ipsius est, uti iterum alio in loco pulcherrimè monet *Galenus*. Postquam enim dixerat, plurimas esse inflammationis differentias, illis tamen omnibus febres solere accedere notat. Deinde primam inflammationis differentiam ponit, quòd humida vel sicca sit; (b) *humidam quidem, quæ in calida defluxione partem obsidente fit: siccam verò, in qua citra ullum defluxum innatus calor accenditur. Hoc autem quadamtenus velut febris partis ipsius est.* Antiquissimorum etiam Medicorum opinione confirmatur, quòd auctus motus inflammationem semper comitur: *Celsus* enim in Præfatione, ubi varias Medicorum sectas & dogmata recenset, sequentia habet; (c) *Si sanguis in eas venas, quæ spiritui accommodatæ sunt, transfunditur, & inflammationem, quam Græci φλογμὸν nominant, excitat, eaque inflammatio talem motum efficit, qualis in febre est, ut Erasistrato placuit.* Ubi notandum, non dici simpliciter, quòd febris fiat, dam inflammatio adest, sed tantùm, talem motum fieri, qualis in febre est.

Inde saluberrimum in Praxi Medica monitum posuit *Simson* (d), ne decipiantur Medici, credentes nullam inflammationem adeste, si febris absit. Cum sæpe fixos dolores intestinorum & ventriculi inflammatio producat, licet nulla febris observetur, pulsu explorato: imò pleuritides spurias epidemicas se vidisse asserit, quæ sine ulla febre pluribus mensibus affligebant ægros, nisi statim venæsectione, & aliis inflammationi debellandæ aptis remediis, curarentur. .

(a) Lib. de Puls. ad Tyron. cap. xii. Chart. Tom. VII. pag. 8, 9.

(b) Methodo medendi ad Glaucon, Lib. II. cap. 1. Charter. Tom. X. pag. 367.

Medicin. Lib. I. Præfat. pag. 5.

(d) The System of the Womb, &c. by Thomas Simson, pag. 106. 107.

Ex modò dictis simul apparet, obstructionem plurima habere communia cum inflammatione; nulla enim inflammatio concipi potest, quin simul adsit obstructio. Præterea in *Commentariis* §. 120, demonstratum fuit, validam obstructionem augere velocitatem liquidi transmittendi per vasa libera; id est, febrem facere. Sed simulac febris obstructionem factam comitatur, adest inflammatio; quæ ergo posset vocari obstructio cum febre vel in toto, vel saltem in parte.

§. 372. **Q**UOD ergo fieri potest vel in finibus arteriosis, vel in vasis serosis lymphaticis aliisque minoribus arteriosis, dilatatis osculis admissos globos rubros, aut alia fluidi elementa crassa per fines transmittere non potentibus. Si sanguis transfunditur in eas venas, quæ spiritibus accommodatæ, inflammationem excitat. *Cels.* lib. I. Præf. pag. 5.

Inflammatio ergo propriè dicta sive phlegmone, uti patet ex definitione data paragrapho præcedenti, tantum locum habere potest in vasis, quæ naturaliter sanguinem rubrum habent; vel & in illis, quorum initia per morbos sic dilatari observantur, ut partem rubram sanguinis possint admittere. In reliquis minoribus vasis fluidi tenuioris elementa concreta quacumque de causa possunt pariter hære immixta, potestque fluidum à tergo pariter urgere loca hæc obstructa majori velocitate: cum tamen nullus rubor tunc appareat in parte sic affecta, non vocatur phlegmone, sed erysipelas, oedema calidum, &c, uti dicitur. §. 379. 380. Quousque autem rubra pars sanguinis penetrare possit, & quot decrecentes vasorum series ingredi, si illorum initia præternaturaliter dilatentur, nondum per Experimenta adeo limitari potest. Interim hoc constat, sanguinem rubrum in morbis non solum ingredi posse vasa serosa, quæ sanguineis magnitudine proxima coloratum fluidum, serum flavum nempe, continent; sed etiam longè minora adhuc, quæ pellucida fluida naturaliter tantum habent. Album oculi, in omnibus sanis margaritarum splendorem ferè æmulans, natà inflammatione sæpe totum rubet, & innumeras vasculorum ramificationes exhibet, quæ sanguine rubro distentæ nudo oculo distinctissimè conspici possunt, cum in statu naturali nihil colorati liquidi habeant. Imò vidi aliquoties in pessimis ophthalmiis, per ipsam corneæ tunicæ adeo pellucidam substantiam transire vas sanguine rubro plenum, nudo etiam oculo conspicuum. Sed tenuiora adhuc vasa esse corneæ, quam adnatæ, nullus dubitat; cum unà cum contentis fluidis in sanitate pelluceant omnino, & inflammatione validè natà, diu circa limbum corneæ undique appareant rubro sanguine distenta vascula, nullo adhuc vitio in ipsa cornea apparente; donec tandem vi & duratione morbi sensim dilatata corneæ vascula sanguinem rubrum etiam admittere possint. Ex quibus patet, veram phlegmonem sive inflammationem sanguineam aliquando etiam in minutis admodum vasculis obtinere posse.

Quod ad locum attinet ex *Celso* in hac paragrapho allegatum, cujus jam ob aliam causam in præcedenti paragrapho meminimus; constat antiquissimos Medicos venarum nomine comprehendisse æque illa vasa, quæ hodie arterias vocamus, quam venas propriè dictas. *Erasistrati*, & plurimorum postea ejus sectæ additorum,



addictorum, opinio fuit, non contineri venis pulsantibus, arteriis hodie vocatis; sanguinem, sed spiritum, qui pulsum faceret in his vasīs. *Galenus* tempore adhuc plurimi, huic sectæ addicti, audebant idem dixerunt; imò quidam promiserunt, se demonstraturos, ipsam aortam sanguine vacuam esse; quos *Galenus* falsè deridet, & pulcherrimis Experimentis falsa dixisse (a) evicit.

Unde ex *Erasistrati* opinione secundum *Celsum* saltem hoc patet, quòd crederet, tunc inflammationem adesse, cum sanguis ex venis in arterias, naturaliter sanguine vacuus, iret; id est, in locis alienis hæreret. Hodie, cognita sanguinis circulatione, his meliora novimus; tamen quodam sensu tolerari posset hoc effectum, cum & inflammatio fiat, si sanguis talia vasa ingrediatur, quæ naturaliter tantum tenuiores humores capiunt.

Videantur etiam illa, quæ in *Commentariis* §. 122, dicta sunt de inflammationum variis speciebus, quatenus in diversis decrefcentium diametrorum seriebus vasorum hærent.

§. 373. **E**RGO ejus sedes omnis pars corporis, in qua reticulares arteriarum distributiones, vel lymphaticorum arterioforum ortus.

Postquam *Ruyfchius* pulcherrimam suam Arte detexerat, ubique ferè in corpore arterias in minutissimos ramos divisas distribui, & in omni ferè puncto ramulos ex majoribus truncis emissos communicare cum vicinis; obtinuit usum apud Medicos, has arteriarum distributiones reticula vel plexus reticulares appellare, quia relicta inter concurrentes & sibi mutuo implexos ramulos interstitia reticuli nassas satis aptè referunt. Dùmque tot annorum spatio sedulam operam huic Arti navavit magnus ille Vir, invenit sæpe (ut passim in ejus operibus occurrit) relicta spatia inter reticulares plexus, quæ vasīs carere videbantur, postea feliciori successu repleta, innumera iterum vascula exhibuisse, simili ferè ordine distributa; ac in majoribus ramulis observatum fuerat antea. Sed ubicumque arteriæ in minimos ramulos divisæ observantur, poterunt hæere fluidi molecule, concretione, vel mutatione figuræ, factæ immeabiles: vel & angustatione horum vasculorum, minutâ capacitatem, impediri poterit liber transitus liquidi naturaliter per illa fluentis; unde obstructio, & aucto motu liquidi à tergo impulsu inflammatio, nasci poterit. Cum etiam in omni ferè corporis loco ex arteriis sanguineis deriverentur ramuli, qui suâ parvitate partem rubram sanguinis excludunt; poterit, horum vasculorum initiis dilatatis, per errorem loci rubra sanguinis pars minora vascula ingredi, & in illorum angustis hæere immeabilis: unde iterum fient omnia similia mala.

§. 374. **H**INC arteriæ ipsæ; venæ; nervi, membranæ, muscoli, glandulæ, ossa, cartilagines, tendines, viscera omnia,

(a) De Anat. Administrat. Lib. VII. Cap. XVI. Charter. Tom. IV. pag. 164, & sequ.  
Tom. I.

adeoque totum ferè corpus, sed nusquam frequentius; & tenacius, quàm in adipe.

Cùm ergo ex hodierna Anatome constet; omnes ferè corporis partes vasa habere, quæ demonstrari ad oculum possunt; patet, inflammationem in toto ferè corpore, obtinere posse, omnibûsque ejus partibus, quæ hæc paragrapho enumerantur.

**ARTERIÆ, VENÆ.** Tunicæ horum vasorum componuntur ex aliis minoribus vasis, uti in majoribus horum truncis ad oculum demonstrari potest per injectiones Anatomicas. Et in animalibus, post diuturnum & velocissimum cursum mactatis, sæpe tota aoræ externa superficies ferè nigra apparuit, ob distenta nimio sanguine vascula, quæ mirabili texturâ per membranas magni hujus vasis distribuuntur. De hac re dictum fuit in *Commentariis* §. 113. n°. 2, ubi tumor vasculorum minorum, majorum vasorum membranas constituentium, referebatur inter illas causas, à quibus majorum canalium capacitas minui poterat.

**NERVI.** Duplici modo possunt considerari nervi, vel quatenus cerebri, cerebelli & medullæ spinalis propagines renerrimas continent, vel quatenus vaginis tenacibus, omni vasorum genere donatis (vide *Commentaria* §. 181.) constant; quibus vaginis tutò mollissima & pulposa encephali & medullæ spinalis substantia ad qualvis corporis partes defertur. An tenerrima illa & omnem sensum fugientia vascula, quæ propriè dictam nervi substantiam constituunt, inflammantur aliquando, non adeo patet. Tamen cùm & per hæc fluat tenuissimum fluidum à cerebro, cerebello, & medullâ spinali (ut dictum fuit in ejusdem §. 181; *Commentariis*) non videtur adeo absconum & in his vasculis rale quid obtinere posse. In majoribus autem, & per injectiones Anatomicas tam evidenter demonstratis, vasculis, quæ sua texturâ vaginas & runicas nervorum constituunt, inflammationem veram obtinere posse, facillè patet.

**MEMBRANÆ.** Nam per injectiones Anatomicas hodie novimus, solidissimas etiam, & exsangues omnino habitas Veteribus, membranas nil aliud esse, nisi meram vasorum texturam.

**MUSCULI, TENDINES.** Innumeras arterias muscularem carnem undique perreptare, hodie constat; imò & solidissimos apparentes & penitus albicantes tendines artificiosâ injectione penitus rubescere novimus; non tantum ob vasa illa repleta, quæ vaginas tendines invadentes constituunt, sed etiam plurima similia inter ipsas sibi mutuo accumbentes tendinum fibrillas decurrere certum est. Unde & hic inflammatio locum habere potest; & in pessimo rheumatismo, musculis inflammatis, sæpe tam enormes dolores fiunt, dum vel levissimus nixus ad motum tentatur.

**GLANDULÆ.** Sive hæ sint meri vasorum convolutorum glomeres; sive cavi folliculi, per emissaria collectum cavis suis humorem eructantes, qui à vasculis innumeris membranarum folliculorum talium perreptantibus secretus in cava eorum infunditur, res omnino eadem erit. Nam in utroque casu innumera vascula arteriosa fabricam glandulæ constituere asseritur; unde & in his inflammatio nasci poterit: uti quotidiana Observata testantur in parotidibus, glandulis submaxillaribus, inguinalibus, &c.

OSSA. In vulnere capitis Historia in *Commentariis* §. 249. 252. 253, satis evidenter, ut puto, probatum fuit vasa ex perioſteo ad os delata, inter ejus lamellas decurrere; alia etiam per ſingularia foramina ad diploen cranii, in aliis verbò oſſibus ad medullam, pertingere: unde & ſeparatio corrupti, & reſtitutio perditæ, vaſorum per ipſam oſſis ſubſtantiam diſperſorum efficacæ adſcribatur. Ergo & hic inflammatio poteſt naſci, vel in vaſis arterioſis decurrentibus inter medias lamellas oſſeas, vel in ipſis medullæ vaſculis; unde dolores profundiffimi & pertinaciſſimi ſimul, ſpina ventroſa, &c, ut poſtea in Capitulo de morbis oſſium dicitur. Oſſibus autem inflammationem etiam aliquando accidere poſſe jam *Galenus* (a) notaverat. Poſtquam enim dixit, ipſas etiam vaſorum tunicas inflammari poſſe, uti & membranas, nervos & tendines, addit: *Quamobrem oſſa quoque nonnunquam inflammatio attingit, ut & ex ipſis aliquando primariò affectis movetur (ἰσχυαται)*. Ex illis autem, quæ præcedunt locum allegatum, facile patet, quòd voluerit *Galenus*, partibus incumbentibus inflammatis malum ad oſſa pertingere poſſe non tantùm, ſed etiam inflammationem in ipſis oſſibus primò natam ad reliquas partes pergere aliquando.

CARTILAGINES. Oſſibus certè proximæ ſunt cartilagine, & plurimæ tandem in oſſa mutantur; uti ex oſteogenia apparet. Cùm autem in oſſibus, quæ quondam cartilagine fuerunt, vaſcularis ſtructura deprehendatur, uti modò dictum fuit, admodum probabile videtur, ſimilem fabricam præexiſſe in cartilaginibus: ſed etiam ſubtiliſſimorum Anatomicorum induſtriâ vaſa in cartilaginibus detecta fuerunt. Sic in cartilagine thyroidea ſe centenos poros vididi affirmat *Cloptonus Haverſius* (b) quorum quidam vaſa ex perichondrio ad cartilaginis ſubſtantiam pergentia admittebant, alii ab eadem redeuntia tranſmittlebant. In juniorum cadaveribus felici injectione vidit *Ruyſchius* (c) *vaſa ſanguifera ſeſe penetrare per patellæ corpus, atque immenſo numero in ima ejus medullia ſe abdere*. Et alibi (d) hanc rem confirmat, dicens, ſe oculis demonſtrare poſſe, vaſcula ſanguifera vera dari in ipſis cartilaginibus; ſequè hæc detexiſſe in cartilaginea ſuperficie capitis oſſis femoris, & etiam ad margines cartilaginum mobilium, quæ inter oſſium articulatim commiſſorum extrema ponuntur. Cùm autem hæc vaſa ex oſſe contiguo in cartilaginem tendant, mirabatur, quòd ad duarum tantùm linearum altitudinem procederent, nunquam autem emergerent in ſupremam cartilaginis ſuperficiem. Ex his ergo patet, in cartilaginibus, æquè ac in oſſibus, inflammationem fieri poſſe.

VISCERA OMNIA, ADEOQUE TOTUM FERE CORPUS. Mirabili vaſorum texturâ, & in ſingulis ferè diverſâ, conſtare viſcera, hodie certò novimus. Et acuti morbi viſcerum poſtea pertractandi docebunt evidentiffimè, inflammationem & omnes ejus ſequelas, ſuppuratorem, gangrænâ, ſcirrhum, &c, aliquando in his obſervatas fuiſſe; ne quidem ipſo corde excepto, quod tamen ſolum viſcerum vitis non macerari, nec ſupplicia vitæ trahere, ſed læſum mortem illico adferre *Plinius* voluit (vide *Commentaria* §. 304.) Nam mulieri, ſuppuratâ cordis pulpâ, per multos dies urinam purulentam effluxiſſe, & in cadavere

(a) Lib. de Tumor. præter Natur. Cap. II.  
Charter. Tom. VII. pag. 315.

(b) Obſerv. de oſſib. Serm. V. Cap. I.  
no. CCXXXIII.

(c) Adverſar. Anatom. Dec. II. no. II.

pag. 3.

(d) Ibid. Dec. III. no. IX. pag. 33.

ejusdem, quarto mense mortuæ, calculos & abscessus in corde repertos fuisse, testatur *Hollerius* (a). Unde merito concluditur, totum ferè corpus inflammationi obnoxium esse, cum omnes ferè ejus partes vasculosæ esse hodiernâ Anatomie constet.

#### NUSQUAM FREQUENTIUS ET TENACIUS, QUAM IN ADIPE.

Constat certissimè, cellulosa dictam tunicam ubique ferè in corpore inveniri, quæ diversa nomina acquirit, prout diversam materiam continet. Si enim alba, granulosa, non nisi calore fusilis, materia cellulas hujus membranæ repleat, adiposa tunica dicitur: quando verò materia in hac membrana contenta ferè sponte diffuit, pinguedinosa vocatur. In illis verò corporis locis, in quibus tenerima invenitur hujus membranæ fabrica, ejusque cellulæ tam parvæ, ut pingue contentum oculis fugiat, simpliciter cellulosa dicitur; uti v. gr; in dorso manûs, fronte, &c. Quàm latè autem hujus membranæ dominium pateat in corpore humano, apparebit, si consideretur, omnes musculos tendinèsq; investiri tali cellulosa membrana non tantum, sed omnes musculorum fibras, quousque oculorum acies, & subtilissimorum Anatomicorum dexteritas & patientia, penetrare potuerunt, similibus vaginis cellulosis regi. Vasa ferè omnia in tali cellulosa substantia decurrunt; imò & ipsam vasorum & viscerum fabricam talis cellulosa substantia pro parte constituit. Unde patet, frequentissimè in hac tunica, cellulosa dictâ, vel pinguedinosa aut adiposa, inflammationem posse contingere; & ubi in hac parte hæret, tenacissima esse solet, sæpe non resolvenda; sed in supurationem vel & gangrænam frequentissimè tendit. Cum enim arteriæ, per hanc membranam disperis, pingue oleum, vel simile unctuosum smegma lubricandis partibus inserviens, in sanitate fecernere soleant, & in cellulas, tam faciliè dilatæ, hujus membranæ deponere; videtur, his vasis dilatatis vel ruptis per inflammationem, ipsa rubra pars sanguinis transsudare quasi & accumulari in his cellulis: unde tumor ruber & durus, veram phlegmonem comitans, oriri videtur, qui ferè semper tantum in hac tunica cellulosa hæret. Pulcherrimè hanc rem *Galenus* (b) expressit, (quem locum antea etiam in *Commentariis* §. 118, aliâ occasione allegavi) dicens: *Quum sanguis calidus copiosior in aliquam animalis partem præcubuit, majora ejus vasa protinus distenduntur, quæ plenitudinem non ferunt; ab his deinceps quæ minora sunt. Mox ubi nec in iis satis continetur, exsudat foras in ea ampla spatia, quæ inter vasa sunt, sic ut etiam omnia, quæ in composita carne habentur, loca occupet.* Per carnem autem hic intellexisse *Galenum* membranam illam adiposam, vel cellulosa, satis patet ex illis, quæ ultimo capite ejusdem libri scribuntur. Præterea per inflammationis eventus optimè confirmatur, illam frequentissimè in membrana cellulosa hærrere. Si enim validam inflammationem suppuratio vel gangræna sequatur, pus collectum, vel gangranosus tabus, percuta cute, in membrana adiposa semper hærrere observatur. Sic vidi, dum terribilis gangræna totum crus à genu ad apices digitorum pedis usque ferè occupasset, secessisse magna panniculi adiposi frustra subiectis musculis & tendinibus omnino illæsis.

(a) *Comment. in Coac. Hippocr. pag. 84.*

(b) *Method Med. Lib. X. Cap. vi. Charret, Tom. X. pag. 233.*

§. 375. 1°. **H**ANC Stagnationem (371) efficit in arteriis minimis quidquid premendo, distrahendo, intorquendo, rumpendo, contundendo, urendo, erodendo, crispando, vasorum fines ita arctat in conicis, cylindricisve, ut diameter aperturæ fiat diametro sphaeræ sanguinis minor. Calor, motus vehemens, infixa, ligaturæ, pondera incumbencia, acria ingesta vel applicata, frigus acris, frictio nimia, omnes causæ vulnerum, contusionum, erosionum, fracturarum, luxationum, obstructionum, huc pertinent.

In definitione inflammationis §. 371, bina considerabantur: stagnatio nempe sanguinis rubri arteriosi in canalibus minimis, & dein pressio & attritus, sanguine à tergo urgente majori impetu in loca hæc à stagnante sanguine obstructa. Enumerantur nunc hæc paragrapho illæ causæ, quæ hanc stagnationem efficere possunt in arteriis minimis, quæ tamen per ultimas suas angustias naturaliter partem rubram sanguinis transmittere possunt.

1. Arteriæ, quæ rubrum sanguinem vehunt, postquam per laterales ramos tenuiores pars inde secesserit ad varios usus, rubram sanguinis partem, quæ molecularum suarum determinatâ magnitudine minora vasa ingredi naturaliter non potest, tradunt venis, cum quibus continuum canalem faciunt. Ubi ergo arteria talis minima definit, ibi incipit vena: arteria autem ex majori amplitudine semper in suo decursu magis & magis angustatur; vena autem in initio angustissima toto suo decursu amplior fit. Hinc in arteriis liquidum à basi coni versus verticem, in venis verò à vertice versus basim movetur: unde & venæ, æquæ ac arteriæ, canales conici dici possunt. Circa illum autem locum, ubi angustissima jam facta arteria venulæ minimæ continuatur, per aliquam saltem longitudinem videtur canalis cylindricus esse, cujus latera nec convergunt, nec divergunt: si plus procedat versus arteriam vel versus venam, jam iterum coni vel directi, vel inversi, figuram canalis habet. Sed circa hunc locum, ubi arteria sanguinea definit, & vena minima huic continuata incipit, maxima est angustia; unde omnium frequentissimè molecule sanguinis, quacumque de causa immissibiles factæ, hic hærebunt. Si jam concipiatur, vasorum fines arctari quacumque ratione, stagnatio fiet liquidi, quod per has angustias transire nequit. Simul ex dictis patet ratio, quare in textu dicatur, *in conicis cylindricisve*.

Dictum fuit in *Commentariis* §. 115, particulas minimas liquorum circulantium in animalibus, per microscopia visibiles, sphaericas apparuisse, & circa ultimas vasorum angustias, singulas ferè tantum moleculas, & sæpe adhuc cum quadam difficultate, transire potuisse: unde facile patet, arctatis à quacumque causa canalium angustissimis sinibus, impediri liberum transitum, & obturari canalis cavum; dum magnitudo molecule transmittendæ capacitatem vasis transmissuri excedit. Fit ergo obstructio, (ut ex ejus definitione data §. 107, patet) quæ omnis inflammationis semper comes est.

Cum autem, (ut dictum fuit in *Commentariis* §. 109.) canalium nostrorum sectio perpendicularis ad axim sit circulus, illeque inter figuras isoperimétras omnium maximam habeat aream; patet iterum, omnem causam, quæ valet mu-

D d d d iij

tare figuram canalium, facere stagnationem liquidi transmittendi per ultimas canalis angustias. Præcipue tales causæ hic enumerantur, quarum, plurimæ antea explicatæ jam fuerunt.

**PREMENDO, DISTRAHENDO, INTORQUENDO.** Videantur de his illa, quæ dicta sunt in *Commentariis* §. 112. n°. 1. 2. 3.

**RUMPENDO.** Vasorum dicissorum orificia sponte contrahi, & liberum exitum fluidis, naturaliter per illa circumductis, impedire, demonstratum fuit in *Commentariis* §. 159; uti & §. 158. n°. 2. & 4: simulque patuit ex illis, quæ dicta fuerunt ibidem n°. 5, tunc veram inflammationem ab hac causâ sequi.

**CONTUNDENDO.** Cùm contusionis idea accumulationem vultusculorum involvat, uti dictum §. 322, patet ex modò dictis, quare stagnatio liquidorum inde fiat. Accedit, quòd contusio semper fiat, à duro obtuso corpore partes corporis nostri lædente, quod sine compressione fieri non potest.

**URENDO, ERODENDO, CRISPANDO.** Omnibus enim his modis vel destruitur pars corporis integre, ut vivo igne vel fortissimis causticis fit, unde vasis vivis ad limites talis mali positus obstaculum nascitur; hinc stagnatio, & inflammatio sequuntur: vel si mitior fuerit horum actio, contractis solidis, & inspissatis fluidis, immeabilitas tamen nascitur in pluribus vasis; unde iterum eadem mala fient, uti postea latius in *Capitulo de combustionibus* dicitur.

**CALOR.** Si nempe multum excesserit gradum illum, qui in homine sano naturaliter observatur. Demonstrabitur autem postea, quando de calore aucto, tanquam febrium symptomate, agetur, quòd fibræ solidæ inde siccantur, rigidaeque & contractæ reddantur (vide §. 689.): sed, auctâ rigiditate fibrarum, vasorum ex his conflatorem contractilitas augetur; adeoque cavitas eorundem minuitur, unde obstructio fiet; uti demonstratum fuit in *Commentariis* §. 113. Si jam simul consideretur, nimio calore diffuari tenuissimas fl uidorum partes, sanguinem autem & ejusdem serum concreverê in massas solidas, vix resolvables postea; patebit evidenter, calorem auctum merito inter inflammationis causas recenseri.

**MOTUS VEHEMENS.** Videantur illa, quæ dicta sunt in *Commentariis* §. 100, ubi probatum fuit, à solo aucto motu obstructionem, inflammationem, omnemque ejus sequelas nasci.

**INFIXA.** Dum acuta quævis corpora partibus infixa hærent, lædunt vasa; & comprimunt vicina; simulque dolorem & irritationem continuam faciunt; unde facile patet, inflammationem debere sequi, inprimis si circa partes satis acuti sensus hæserint: tunc enim non solent sedari hæc mala; donec suppuratione sacellâ natura expulerit illud molestum. Mirum talem casum habet *Ruysschius* (a). Puella incisus parentibus aciculam deglutiverat. Postea tumor durus & inflammatorius in inguine oritur cum febre & dolore satis valido. Applicatis mollissimis cataplasmatibus ad suppurationem perducebatur tumor; quo deinde lanceolâ discisso unâ cum pure copioso acicula æruginè obducta prodiit, non sine excrementorum alvinorum commixtione. Ad felicem tamen curam perductum fuit periculum hoc malum. Plurima tamen Observata docuerunt, aculas & similia acuta corpora diu hæere posse in panniculo adiposo sine magno malo. Tornionem sic

(a) Observat. Anatom. Chirurg. n°. LV. pag. 514

novi, qui jam à sex annis festucam ligneam infixam gerit illi manûs loco, qui inter pollicem & indicem digitorum medius est; quam ibi hærentem facillè tangere licebat: consuetos tamen labores exercebat quotidie sine ullo ferè incommodo; unde noluit pati unquam, ut educeretur à Chirurgo, licèt pessima quævis ipsi ominaretur. Aliud vidi simile Exemplum, quod hoc probat. Puella conquirebatur de dolore quodam punctorio circa humerum: dum partem omni modo examinabam, nihil potui detegere mali, licèt etiam undique attrectarem; dixitque se non semper, sed aliquando tantùm, dolorem illum percipere. Iussi ex galbano factum emplastrum applicaret, & post aliquot dies rediret. Cùm nullum inde levamen haberet, rursus omni curâ dum partem affectam attrectarem, sensi digitum pungi, vidique acutum apicem eminere per cutim læsam: eduxi forcipe acum, unâ cum parte sili sex pollices longâ; móxque agnovit, se illam acum, dum operi suo intenta esset, ante sex circiter septimanas perdidisse.

**LIGATURÆ.** Vasa comprimendo illorum cavum arctant, maximè autem agunt in venas; quia & minùs firmas tunicas habent, quàm arteriæ; & pleræque magis versus superficiem corporis locari solent. Ubi autem fortis adstringuntur ligaturæ, tunc unâ cum venis & arteriæ comprimuntur. In venæsectionis administratione quotidie hoc apparet: si enim modicè adstricta fuerit ligatura, pertusâ venâ sanguis cum impetu exsilit; si nimis fortiter adducta fuerit, compressâ simul arteriâ, nihil ferè sanguinis effluit: quod ubi vident Chirurgi, laxato vinculo, sanguinis effluxum promovent. Videantur & illa, quæ dicta sunt in *Commentariis* §. 112. n°. 4, ubi simul explicatum fuit, quare *pondera incumbentia* externâ vasorum compressione obstruções pariant.

**ACRIA INGESTA VEL APPLICATA.** Videtur omnibus ferè partibus corporis nostri, tam externis quàm internis, hæc proprietas incisse, ut ab acrim applicatione contrahantur; & plurima experimenta hanc rem evincunt. Si guttula aceti oculo inspergatur, sic contrahuntur palpebræ invito etiam homini, ut nullâ ferè vi diduci possint; acria venena ingesta ventriculû & intestina contrahi faciunt; unde ab acre retento & calefacto inflationes summæ oriuntur. Dum vivi canis nudo intestino olei vitrioli guttulam penicillo applicarem, vidi illud statim sic contrahi, ac si laqueo injecto constrictum fuisset. Verosimile jam videtur, etiam in minoribus vasis acria, si illuc veniant, similes constrictiones facere posse, unde obstruções, & accedente motûs circulatorii augmento, inflammatio nasci poterunt. Sic dum acida labes sanguinem ipsum infeecerit, pruritus, obstruções, pustulæ, ulcera circa vasa cutanea observantur, ut dictum fuit §. 64. Dum stagnans serum, hydropicorum crura distendens, acre fieri incipit, cutis inflammatur sæpissime. Si autem tantâ vi prædita fuerint acria, inprimis externè applicata, ut vasorum continuitatem solvere valeant, patet facillè ex prædictis, longè adhuc magis inflammationem producere posse.

**FRIGUS ACRIÆ.** Constat certò, per frigus solidas partes corporis in omni dimensione minui; ergo & arctari vasorum cava. Simul probatum fuit in *Commentariis* §. 117, sanguinis moleculas frigore adunari: utroque ergo hoc effectu frigoris, obstruções & inflammatio nasci poterit; imò sæpe satis subita gangræna, ut dicitur postea §. 454. 455. An non inde patet ratio, quare tam frequens pleuritis sequitur, dum sudantes à laboribus agricolæ se frigori incautiùs exponunt? Aer enim inspiratus frigidus ferè tangit intercostalia loca, dum tenerima

tantum pulmonalium vesicularum membranula interponitur : simul externè talis frigidus aer, allabens non bene tecto corpori, malum auget.

**FRICTIO NIMIA.** Quantum possit frictio in resolvendis obstructionibus, dictum fuit in *Commentariis* §. 133. n°. 3. Sed ubi vel nimis valida, vel nimis diuturna frictio adhibetur, poterit excitari etiam in frigidissimo hydropico calida febris, uti dictum fuit in *Commentariis* §. 28. n°. 2. Accelerato enim motu sanguinis venosi, cor fortius & celerius contrahitur, unde augmentum circulatorii motus : à quo, si nimium fuerit, inflammationem oriri, demonstratum fuit in *Commentariis* §. 100. Sic & validà frictione videmus, partes corporis calere, rubere, tumere & dolere ; sed hæc omnia veram phlegmonem præsentem demonstrant, citò quidem resolvendam, nisi diuturna adhibita fuerit frictio, vel violenta admodum. Dum enim in navibus, subito vento inflatis velis, rudentes, quos firmiter prehenso manus tenent nautæ, celerrimè trahuntur, à validissimo hoc attritu ingens dolor, & calor tantus fit, ut uno momento in gangrænosas vesiculas attollatur epidermis. Si jam simul consideretur, per frictiones rubram partem sanguinis pelli in plurima minora vasa, in quibus naturaliter nunquam hæret, ( uti docet rubor omnem frictionem ferè sequens ) patebit adhuc melius, per frictiones nimias inflammationem excitari posse.

**OMNES CAUSÆ VULNERUM, CONTUSIONUM, &c.** De his omnibus antea jam actum fuit,

§. 376. 2°. **E**AMDEM producit, quidquid meatus obturat ; acriæque applicat simul, siye intus, siye extus ; ut oleosa, falina, acria.

Totum corpus in sua superficie externa & interna perspirabile esse novimus quàm certissimè ; per minimas nempe fistulas arteriosas, extrorsum patentes, omni momento vitæ sanæ tenuissimus expellitur halitus ; qui polità laminà metallicà, vel speculo frigido, percussus, condensatur in tenuissimam lympham, quæ tota exhalat sine ullis fæcibus residuis. Si jam à quacumque causâ obturentur illi meatus, per quos perspirabile illud tenuissimum expellitur, dilatantur vascula illa tenuissima à liquido impulsio ; & sic dilata crassiores humores admittent, unde obstructio & stagnatio necessariò sequentur. Sed, minimis exhalantibus vasculis sic obstructis, proxima his magnitudine vasa, cum non possint prioribus tradere partem tenuissimam fluidi quod continent, pariter dilatabuntur ; sicque malum propagari poterit à tenuissimis exhalantibus ad sanguinea vasa usque.

Cum autem tenuissimum illud exhalans omni ferè dore aquam referat ; oleum verò ingressum aquæ in tenuissimas fistulas vitreas impediat, vel saltem reddat difficiliorem ; hinc fortè ab oleis applicatis cuti externæ toties erysipelata & inflammationes oriuntur. Olgo sic inuncta fuisse Athletarum corpora, ne nimio sudore diffunderent, legitur ; post balnea verò unctiones adhibitas fuisse, ne humiditas in balneis acquisita evanesceret, nec reſeratis à balnei calore meatibus nativa caliditas exspiraret (a). Multis hominibus, post applicationem pinguis em-

(a) Hier. Mercur. de Arte Gymnastica Lib. I. Cap. VIII. pag. 36. 37.



plastri vel unguenti, statim cutis inflammatur: imò videntur & quidam in interioribus ferè similem dispositionem habere; dum à pinguioribus assumptis, inprimis à lardo, statim febrecitant. Si jam oleosis his & pinguibus corporibus acrimonia simul insit, pertinacissimæ inde inflammationes nasci poterunt. Oleum amygdalarum, quod recens pressum adeo blandum est; ætivo tempore paucorum dierum spatio rancidum fit, & tantam acquirit acrimoniam, ut parca etiam copiâ deglutitum statim fauces inflammer. Idem in butyro, rancido factò, vel in fartagine nimis diu fixo, verum est. Acre autem pingui mistum plùs nocet, quia loco, cui applicatur; tenacissimè adhæret, neque aquosis facillè se ablui patitur. Baccæ mezeræi Officinæ, thymelææ lauri folio semper virente fructus, digitis pressæ merum pingue oleum sudant; quod gustatum primò saporis lenitate fallit, sed mox fauces inflammat adeo, ut me incautiùs gustantem ferè præfocaverit; nec potui, per integrum bihoriū continuò fauces eluens postea cum melle, tollere penitus molestissimam hanc acrimoniam. Sic etiam olea illa acria empyreumatica valido igne ex cervorum cornibus, ligno gualaco, & similibus, expressa, (quæ ad rigiditates articulorum ab infracta materie immeabili sanandas adeo commendantur) imprudentiùs cuti inuncta pessimas inflammationes, imò gangrænâ ipsam aliquando produxisse, observatum fuit. In his enim maxima tenacitas oleosa, quæ meatus obstruunt; & valida simul acrimonia, quæ vasa irritata constringuntur, deprehenduntur,

§. 377. 3°. **O**MNIA, quæ sanguinem cogunt, ut coeat; motus nimius; derivatio tenuioris partis ex sanguine per sudores, urinas, salivas, diarrhœas; coagulantia.

In Historia obstructionis dictum fuit, illam fieri ab excessu molis transituræ suprà capacitatem vasis transmittentis; adeoque ejusdem generales causas esse, angustiam nimiam vasorum, vel auctam magnitudinem molecularum fluidi transmittendi, vel denique ubi hæc bina simul concurrunt. Binis autem præcedentibus paragraphis dictum fuit de causis, stagnationem producentibus in minimis arteriis sanguiferis; quatenus illa sit ab arctatione horum vasorum: hæc autem paragrapho agitur de illis causis, quæ, manente licet eadem vasorum capacitate, sic sanguinem coire faciunt, ut per ultimas minimarum arteriolarum angustias transire nequeat. Inter has autem numeratur primò,

**MOTUS NIMIUS.** In *Commentariis* §. 100, ubi agebatur de illis, quæ sunt ab augmento motus circulatorii ut causâ, demonstratum fuit, sanguinem à motu aucto sic disponi, ut faciliùs concreseat. In sanguine enim semper est nixus in concretionem; qui tamen eo validior est, quò vasorum tortior est actio in sanguinem contentum. Robusti hominis sanguis de vena missus concrescit statim, & in quiete relictus plurimùm concreti rubri, parum autem fluidi seri exhibet; contrarium in debilibus puellæ cruore obtrinet. Totum autem hoc pendet à magis minùsve efficaci actione vasorum in sanguinem. Sed per motum auctum, vasorum actio intra idem tempus & sæpius & fortius agit in fluida contenta; unde major eorumdem condensatio sequitur. Præterea aucto motu dissipantur fluidissima, quæ organis fecermentibus & excernentibus intra idem tempus major copia fluidi à sanguine separandi, applicatur; unde iterum sanguinis concretio augetur. Accedit etiam, quòd auctum motum sequatur calor aug-

Tom. I.

E e e

mentum, à quo pariter sanguis sic inspissatur, ut per minimas arteriarum angustias amplius transire nequeat. Unde in morbis acutis, dum calor augetur plurimum, statim cerebri actiones læsæ, & respiratio difficilis docent, in sanguine nasci talem immeabilitatem, ut non possit amplius libere transire per minima horum viscerum vasa.

**DERIVATIO TENUIORIS PARTIS EX SANGUINE PER SUDORES.** Docuerunt Observationes (ut dictum fuit in *Commentariis* §. 93.) in sanguine humano crassissimam partem esse globulos rubros, plurimum autem tenuiores liquidi illis interponi, per quod à mutuo contactu & facili concretionē impediuntur. Simulac ergo quacumque de causa de sanguine tollitur tenuis illa & fluidissima pars, molecule crassiores contiguæ tactæ, & circa ultimas arteriarum angustias maximè pressæ, adunantur & con crescent; unde canalium obstructio, & liquidi stagnatio, sequuntur. Sic phthisicis, dum nocturnis sudoribus dfluunt, incipit circa cutanea vascula immeabilis sanguis hæerere, & pustulas inflammatorias facere. Ob hanc causam sudores in morborum acutorum initio damnavit (a) *Hippocrates*; & (b) *Sydenhamus* in variolis nocuisse observavit, si initio morbi sudoribus diluerent ægri.

**URINAS.** In hysteriis & hypochondriacis sæpe incredibilis copia urinæ, tenuis instar aquæ, emittitur, si animi quodam affectu graviore turbati fuerint: sed sanguine sic diluente suo vehiculo orbat, crassior pars concrefcere incipit, & aliquando pessimæ inflammationes sequuntur; vel sanguinis crassamentum, circa abdominalia viscera depositum, pertinacissimas obstructions producere solet. Unde toties passionem hystericam vel hypochondriacatā atrabilis sequitur.

**SALIVAS.** Si examinetur saliva, quæ homini sano aperto ore sponte effluit; satis tenuis est (motu enim linguæ & vicinarum partium mucus oris & faucium, salivæ mistus, magis tenacem efficit) & Chemico examine serè totam aquosam esse constat; cum ex sexaginta uncis salivæ serè quinquaginta & novem uncie leni igne abstrahi possint, quæ omni dote aquam referunt. Saliva pariter non concrefcit in aqua ebulliente; unde sero sanguinis tenuior est. Copioso ergo salivæ effluxu tollitur plurimum tenuis liquidi de corpore; unde hoc orbatu sanguis immeabilis fit. Ob hanc causam illi, qui, vel ex mala consuetudine, vel nicotianæ abusu, quotidie magnam salivæ copiam perdunt, toties pessimis abdominalium viscerum obstructionibus laborant. Postquam densis aphthis omnes oris interni partes diu testæ fuerint, his postea deciduis, incredibilis copia salivæ exit per dilatata vasa. Nisi idoneis auxiliis tollatur immodicum illud salivæ profluvium, exhausti sæpe pereunt, vel postea diuturnis morbis consistantur; dum tenuissima parte sanguinis sic perditâ difficillimæ obstructions nascuntur. Nec obstat, quodd salivatione mercuriali, per plures sæpe septimanas protractâ, quotidie ingens liquidi copia sic perdat, absque eo, quodd sanguis inde inspissetur: nam tunc non exit saliva propriè dicta, sed soluti omnes humores corporis per vim argenti vivi putridæ aquæ specie exeunt; unde tunc non fit iactura tenuissimæ partis sanguinis, manente parte crassâ immeabili, sed vera dissolutio ipsius etiam partis rubræ sanguinis; ideoque hoc ferre possunt, modò bono victu resituantur novi humores, dum evacuantur illi, qui antea adfuerant.

**DIARRHŒAS.** Per illam pariter tenuiorem sanguinis partem de corpore

(a) *Prediction. Lib. I. Comment. II. Text.* (b) *Dissert. Epistol. & alibi passim.*  
*avll. Charter. Tom. VIII. pag. 740.*

subduci posse, satis patet. Ideo in febre ardente, si alvus cum imperiū prorumpat, lethale dicit Hippocrates in *Coacis Prænotionibus*, & alibi. Cū enim in hoc morbo sanguis jam immeabilis hæere incipiat in minimis arteriolis, subductis per alvi fluxum liquidis tenuioribus, immedicabile malum redditur.

COAGULANTIA. Videantur de his illa, quæ dicta sunt in *Commentariis* §. 117.

§. 378. **E**FFICIUNT eam in vasis lymphaticis arteriosis 1. Omnes causæ, quæ initia horum latiora ampliant, ita ut in ea intrent partes sanguinis crassiores, quæ pulsus ulterius occurrunt angustis conniventibus, ubi tum patiuntur eadem, quæ exposita (§. 377): talis est laxitas vasculi in suo principio; motus violentus liquidi arteriosi; 2. Omnes causæ alteri inflammationi communes (§. 375, 376.).

Hætenus consideratæ sunt illæ causæ, à quibus liber transitus crassissimæ sanguinis partis (rubræ nempe) per minimas arterias sanguiferas impeditur; quæ vel agebant vasa angustando, vel fluidum transmittendum reddebant immeabile. Sed præterea observatur vera inflammatio rubra in illis vasis, quæ naturaliter excludunt sanguinem rubrum angustia sui cavi. Evidens hujus rei Exemplum habetur in ophthalmia, in qua sæpe tota adnata, imò & ipsa cornea, rubet, vasculis rubro sanguine repletis nudo etiam oculo conspicuis; cū tamen naturaliter nihil sanguinis rubri in his vasculis contineatur. Debuerunt ergo talem inflammationem præcessisse quædam causæ, per quas dilatata hæc vascula admittere poterunt sanguinem rubrum. Facile autem patet, rubram sanguinis partem, semel ingressam hæc vasa tenuiora, obstructionem facere debere, cū continuo occurrat majoribus angustis canalium convergentium. Unde in hoc casu stagnatio nascitur, licet maneat eadem amplitudo canalium, neque augeantur molecule fluidi transmittendi. Aptissimo nomine vocatur *error loci* tale malum, cū sanguis ruber, minora vasa ingressus, immeabilis hæret, non potens transire per ultimas horum vasorum angustias: totum enim malum pendet tunc tantum ab eo, quod sanguis ruber alieno loco hæreat. Videantur illa, quæ circa hanc rem dicta sunt in *Commentariis* §. 118, ubi simul probatum fuit, vitium illud obtinere posse in omnibus illis locis corporis, in quibus minora vasa, tenuius fluidum vehentia, ex majoribus derivantur. Adeoque error loci nunquam poterit obtinere in vasis sanguineis rubris, cū nulla particula observetur in sanguine sano, quæ suâ magnitudine globum rubrum superet; sed in reliquis decrefcentium vasorum seriebus adesse poterit. Quousque rubra jam pars sanguinis aliquando penetrare poterit, nondum certò per Experimenta constat: hoc tamen novimus, quod in morbis minora longè vasa sæpe ingrediatur, quàm sunt illa, quæ serum sanguinis continent; ut statim patuit, dum ipsa corneæ tunicæ vascula quandoque ingredi poterit. Cū autem omne illud fluidum, quod in sanguine sano rubris & serosis globulis tenuius est, lymphæ vocetur generali nomine; hinc & vasa,

Eccc ij

per quæ hoc tenuius fluidum movetur, lymphatica dicuntur; quæ vel venæ sunt, vel arteriæ. Sed probatum fuit in *Commentariis* §. 119, obstructionem locum habere non posse in venis, nisi ab externa earundem compressione transitus impediatur liquido: unde errore loci partes fluidi crassioris tantum in arteriis lymphaticis hæere poterunt; sub quo nomine comprehenduntur omnes arteriæ, quæ naturaliter globos rubros & serofos excludunt, tenuioria autem fluida admittunt.

Requiritur ergo ad errorem loci, ut initia arteriarum lymphaticarum sic dilatentur, ut rubram sanguinis partem admittere possint. Sed demonstratum fuit in *Commentariis* §. 26, vasorum amplitudinem pendere à binis diversis causis, resistantiâ nempe laterum vasorum, & momento liquidi impulsu; adeoque mensurari ratione compositâ ex ratione directâ impetus liquidi impulsu, & ratione inversâ resistantiæ laterum. Si ergo laxitas major oriatur à quacunque causa in vasculi lymphatici initio, manente quamvis eodem impetu liquidi impulsu, illud dilatabitur; & vicissim aucto impetu liquidi impulsu, manente quamvis eadem firmitate laterum, idem fiet; omnium ergo maximè, si binæ hæ causæ simul concurrant. Videantur & illa, quæ de laxitate vasorum, ut causâ erroris loci, dicta sunt in *Commentariis* §. 118. Quare verò aucto motu liquidi arteriosi vasorum initia ampliuntur; dictum fuit in *Commentariis* §. 100. Experimenta autem confirmant modò dicta. Pars enim corporis exposita vaporî tepidæ aquæ tumebit, & rubebit, magis solitò, ob sanguinem rubrum laxata vasa minora ingressum. Et post validos cursus videmus totam cutim externam rubere, & oculos quasi sanguine perfundi, ob sanguinem rubrum aliena ingressum vasa, quæ majori impetu fluidi impulsu dilatata fuerant.

2. Ubi jam sanguis ruber lymphatica vasa ingressus fuit, patet faciliè, quòd omnes illæ causæ, quæ angustare poterant majorum vasorum cava, applicatæ his minoribus, idem faciant. Illæ autem recensitæ fuerunt in numeris hic citatis.

§. 379. **U**NDE & similis morbus in omni vase conico; ubi fluit ex lato in angusta liquor, obtinere potest; ut enim in sanguine rubro, sic in lympa alia est fortè pars crassior reliquis.

In sanguine sano, recens de corpore educto per minimum vulnusculum, turbulisque vitreis minimis excepto, microscopia diversas partes distinguunt, ut etiam in pellucidis animalium viventium partibus, in quibus morum humorum per vasa observare licet. Conspiciuntur enim globuli tenuiori pellucido fluido innatantes, in quo nihil ulteriùs detegere possumus, cum pelluciditas faciat, ut homogeneum tantum fluidum videatur. Omnino tamen probabile videtur, in lympa tenui pellucida sanguinis esse quasdam partes crassiores reliquis, quæ determinatâ suæ molis magnitudine continentur in vasis proportionalibus, neque naturaliter tenuiora his vascula ingredi poterunt. Nisi enim globuli rubri tam magni forent, ut in sanitate serosa vasa, & his minora, ingredi non possent, faciliè patet, quòd omnis sanguis derivaretur in minora vasa; unde majora omnia exinanirentur. Idem verum est in vasis serum sanguinis vehentibus, & reliquis minori-

bus. Unde, simulac in morbis sanguis nimis fluidus sit, diffantur omnia de corpore, vel in cavis majoribus & minoribus corporis fluida accumuluntur, ut in hydropicis fieri observatur; sed tunc semper vasa majora collabuntur, defectu copię crassioris sanguinis, qui illa distendere solebat. Idem jam videtur verum esse in reliquis decrefcentium vasorum seriebus, à maximis sanguineis ad subtilissima usque; quod nempe singulis vasorum seriebus propria sint fluida, quę tam crassas moleculas continent, ut proxima minoris magnitudinis vascula ingredi nequeant, sed propriis vasis coerceantur. His positis, si à quacumque causa minuatur canalium talium convergentium cavum, vel adunentur moleculę, quę solitariae per ultimas horum angustias transeunt, inflammatio sequi poterit; non rubra, sed pellucida in tenuissimis his vasculis. Præterea, si sequentis magnitudinis vasculi orificium, sive à laxitate, sive à nimio motu, sic dilatetur, ut proximę magnitudinis vasis crassissimas moleculas admittat, simile malum fiet ab errore loci. Quot ergo intercurrent vasorum series inter vas maximum & minimum, tot poterunt esse diversę inflammationes; & quidem in singulis duplices, vel à proprio fluido, immeabili facto ob molecularum auctam magnitudinem, vel angustiam vasis; vel errore loci, ob moleculas crassiores ex vasis majoribus initia dilatata vasorum minorum ingrossas. In maximis tamen vasis sanguineis error loci nunquam inflammationem facere poterit, cū nulla crassior pars globulo rubro in sanguine deprehendatur. An rheumatismus, arthritis, podagra, à minimorum vasculorum inflammatione fiunt? Videantur illa, quę dicta sunt in *Commentariis* §. 122.

§. 380. **E**X quibus vera diversitas phlegmones; erysipelatis, œdematis, schirri, cum inflammatione liquet.

**PHLEGMONES.** Licet Veteres quancumque inflammationem hoc nomine quondam vocaverint, obtinuit tamen usu postea (ut dictum fuit in *Commentariis* §. 270, & *Galen*i & *Æginetę* testimoniis confirmatum fuit) sic vocare tumorem præternaturalem, rubrum, renitentem, calentem, pulsantem & dolentem, in parte molli, quem febris in toto vel in parte comitatur. Fit autem à sanguine rubro stagnante circa arteriarum fines, dum reliquus sanguis, cordis & arteriarum viribus pulsus, majori impetu à tergo loca hæc obstructa urget. Potest ergo phlegmone hæreere vel in angustis ultimis arteriarum rubrarum, quod rariùs fit; vel fieri è sanguine rubro impacto per errorem loci arteriis serosis vel lymphaticis, quod longè frequentius observatur. Patuit autem ex illis, quę dicta sunt in *Commentariis* §. 374, veram phlegmonem potissimum hæreere in membrana adiposa.

**ERYSIPELATIS.** Sic definitur à *Galeno* erysipelas, quod verę phlegmones æmulum malum omnino videtur: (a) *Si ex sanguine & flava bile justò calidioribus fluxio mista fuerit, aut ex sanguine quidem, sed fervido, ac substantiâ tenuissimo, affectus erysipelas vocatur, multò inflammatione calidior, adspelluque flavior. Et si tingeris, sanguis facillè subfugit, rursusque affluit, exquisitè tenuis &*

(a) *Method. Medend. ad Glaucon, Lib. II, cap. 1. Charter, Tom. X, pag. 168.*

*visu ruber. Non tamen aquè cruciat erysipelas atque inflammatio: neque secundum ullam inflammationis speciem aut pulsat, aut premit, aut distendit. Verùm aliquando moderatè omnino infestat, & maximè, quum in solam cutem sparsum est, minimèque subiectam carnem lædit. Atque magna ex parte tale sit, exquisitumque erysipelas est. Et paulò post dicit, (a) Exquisitum erysipelas solius cutis est affectus. Cùm autem erysipelatosi loci color aliquid flavescentis rubro misti haberet, bilem tamquam causam præcipuam erysipelatis, inculcaverunt veteres Medici. Sed novimus hodie, serum sanguinis naturaliter flavescere; unde ubi pauculum rubrum cum multo sero hæret in vasis serosis obstructis & inflammatis, color ille ex rubro flavescens in parte affecta oritur. Simul etiam apparet, quantam affinitatem inter se habeant erysipelas & phlegmone, cùm tantum differant magnitudine molecularum obstructum. In phlegmone enim pars rubra sanguinis in vasis distentis & obstructis accumulatur; in erysipelate serum sanguinis inprimis cum paucio rubro intermisso sic immeabile hæret: phlegmone potissimum in membrana adiposa hæret; erysipelas integumenta corporis externa, vel & membranaceas partes internas, obsidet. Atque etiam patet, erysipelas in phlegmonem degenerare posse, dilatatis vasis majorem copiam rubri sanguinis admittentibus, maloque propagato ad membranam adiposam: & aliquando nasci posse inflammationem, quæ inter erysipelas & phlegmonem quasi ambigat; tuncque composito nomine ex utroque affectu vocaverunt tale malum veteres Medici. Illis enim, quæ modò allegavi, statim subjungit Galenus, (b) Quemadmodum id quod subiectam carnem intradit, minimèque ex planè tenui fluxione fit, solum erysipelas non est; sed jam mistus ex erysipelate & inflammatione affectus in quo, quum propria erysipelatis symptomata prævalent, à recentioribus Medicis erysipelas phlegmonodes; quum verò inflammationis, erysipelatodes inflammatio dicitur. Quòd si neurius luculenter vincant, sed paria cernantur, inflammatio & erysipelas mista esse dicuntur.*

**ŒDEMATIS.** *Ōδυμα*, ut dictum fuit in *Commentariis* §. 112, n°. 1; simpliciter significabat tumorem: postea tamen hoc nomine plerumque intelligebatur tumor mollis, non dolens, & digito tangenti facillè cedens, sine mutatione coloris in cute, qui tumor plerumque ab aquosis humoribus panniculum adiposum distendentibus fit. Illud verò œdema, de quo hic agitur, longè alterius naturæ est, & ut distinguatur à vulgari œdemate, caldum solet vocari. Demonstratum enim fuit in *Commentariis* §. 379, in minoribus etiam vasis arteriosis, quæ suâ angustia serum & rubram partem sanguinis excludunt, veram inflammationem contingere posse. Tumor ergo dolens, calens, non ruber, parum flavescens, imò aliquando penitus albus, vocabitur œdema calidum; quòd tantum ergo differt ab erysipelate, quia in minoribus longè vasculis hæret. Solet vocari & œdema erysipelatosum, quia quàm proximè ad erysipelas accedit. In facie & capite frequenter observatur; tuncque vulgò rosa bullata (*de beltoos*) dicitur. Videtur jam apud Galenum aliquod talis œdematis vestigium reperiiri. Quamvis enim illo nomine quemvis tumorem vocari asserat, vel magis particulari usu frigidus tumor postea sic dictos fuisse moneat alibi, tamen de curatione erysipelatis agens, sive cum aliis affectibus juncti, dicit, (c) *Quemadmodum autem sæpe phlegmone admiscetur erysipelas, ita etiam aliquando œdemati: ac vocetur, quod ex ambobus tum est*

(a) Ibidem. pag. 369.

(b) Ibid. pag. 368. 369.

(c) Method. Med. Lib. XI. V. cap. III. Chart.

Tom. X. pag. 311.

*conflatum, erysipelas œdematosum.* Quodd autem non intellexerit illum casum, quando distentiarum frigido tumore partium cutis erysipelatoſa fit, evidenter patet ex illis, quæ ſequenti capite ſubjungit dicens, (a) *Quemadmodum autem ex biliſa fluxione eryſipelas, ita ex pituiſa conſtat œdema ipſum, rarus quidam ac indolens tumor.* Equidem ſcio aliter quoque œdemata provenire circa pedes in hydropicis affectionibus, phthiſibus, aliſque pravis, qui vehementes ſunt, habitibus; atque in illis quidem œdema plenitudinis hominem premeſis eſt ſymptoma, nullam ſeorſim propriam curationem requirens. Licet autem ex præconcepta opinione indolentem tumorem dixerit, quem à pituita ortum credebat, tamen ex remediis, quæ ad hanc œdematis ſpeciem commendat, patet facile, potiùs calidæ quàm frigidæ indolis fuiſſe: paulo poſt enim addit, (b) *At ſi ex pituiſo humore in partem injluente œdema conſtituit, abunde aliquando ſatisfacit ſpongia ſola, quæ ex aqua, in qua fit aceti aliquid, maduerit.*

Cùm ergo illud œdema calidum vera ſit inflammatio, hærens in arteriis lymphaticis minimis, ſemper metus eſt, talem fortè natam eſſe diatheſim in tenuiſſima ſanguinis lymphæ, quâ immeabilis facta ſua vaſcula obſtruit; unde cerebri inprimis functiones, à libero circuiſu humorum per minimas arteriolas pendentes turbari poterunt; ſive ſimili malo etiam in encephalo nato, ſive per meſtaſin ab exterioribus verſus interiora delato. Accedit, quodd, ſi vehemens fuerit ille morbus, deſtructis tenerimis vaſculis, ſatis ſubitò in gangrænâ tendat.<sup>o</sup>

**SCIRRHI CUM INFLAMMATIONE.** Scirrhus eſt tumor durus, ſcaber, vix dolens, circa loca inprimis glanduloſa hærens. Qui, ſi confirmatus fuerit, & diu hæſerit, tali conſtat materiâ, quam nullâ Arte hætenus reſolvi poſſe conſtat, neque unquam benignâ ſuppuratione à partibus ſanis ſeparari. Unde patet, quàm periculoloſa ſit inflammatio in ſcirrhi viciniâ, vel in integumentis ipſum tegentibus, nata; cùm citò in cancrum tunc degeneret, uſi poſtea latiùs dicetur, quando peculiari capitulo de ſcirrho agatur. Optimè Galenus ſcirrhi duritiem à phlegmone reſiſtentia diſtinxit, (c) *Phlegmone namque non durum (σκληρὴν) ſed reſiſcentem tumorem efficit (ἀντίτῳ), perinde atque utres ſunt liquidæ materiæ, atque aeris pleni.*

§. 381. **Q**UOTIES autem cauſæ hæ (375. 376. 377. 378. 379.) produxere ſtagnationem hanc (371. 372. 379.) in vaſis (372. 373. 374. 378. 379.), tum viſ aëti ſanguinis à vita ſuperſtite producit effectus quosdam, qui ſimul ſigna inflammationis.

Bina in omni inflammatione, in quacumque demum vaſorum ſerie hæreat, occurrunt obſervanda; liquidi nempe immeabilitas, facta anguſtatione vaſis, vel concneratione molecularum fluidi, vel denique errore loci; & viſ vitæ à tergo urgens velocitate auctâ propulſos humores in vaſa impervia. Hæc ſi concurrant, adeſt inflammatio; ſi ſola immeabilitas liquidi adſit, obſtructionis idea habetur; quæ ergo cauſæ

(a) Method. Med. Lib. XIV. cap. 1v. Char-  
ter. Tom. X. pag. 311.

(b) Ibid.

(c) Epidem. Lib. VI. Comment. I. Text.  
xxx. Charter. Tom. IX. pag. 389.

prolegomena est inflammationis, procatactica autem causa est motus auctus urgens locum obstructum. Dum autem hæc fiunt, nascuntur quædam mutationes in parte inflammata, quæ observatæ dant veram diagnosis inflammationis præsentis. De his autem agitur paragrapho sequenti, ubi ordine enumerantur.

§. 382. 1. **A**RTERIÆ minutæ vixque visibiles obstructæ jam à sanguine distendente augmentur: inde tumor ruber. 2. Vasa lymphatica arteriosa, antè pellucida, & invisibilia, eadem patiuntur; inde augmentum rubedinis, præcipuè dum vasa tenerrima; & vesiculæ, in panniculo adiposo, plena sanguine intruso, crasso, liquidiore parte orbato. 3. Distenta vascula, rupturæ propinquant in fibris minimis; inde dolor punctorius. 4. Compinguntur valde liquida & solida; hinc durities, renixusque partis. 5. A rubro accumulato, & valido impulsu, rubedo splendens. 6. A renixu, pulsu, compactu, vasorumque adhuc meabilium angustatione à tumore obstructorum, attritus fit ingens partium liquidi inter se, in solidum, solidi in illas; inde calor, & ætus. 7. Et quia pulsi à corde sanguinis impetus exceptus finibus vasis obstructi latera dilatat, fit pulsatio. 8. A fibris irritatis, & sanguine celerius per aperta actio, quia venis revehitur; sed arteriis in multis prohibetur, acceleratur pulsus, fit febris, sitis, calor, vigilæ, debilitas, molestia.

1. Demonstratum fuit in *Commentariis* §. 120, ubi de illis effectibus agebatur, qui obstructionem ut causam sequebantur, quòd vasa obstructa necessariò deberent extendi & dilatari. Illa enim vis, quæ cor pellit sanguinem in arterias, facit recedere illarum latera ab axi canalis, quia plenæ sunt, & convergunt sensim angustiores factæ. Resistentia ergo circa fines arteriarum, & plenitudo illarum, præcipuè causæ sunt, quare à sanguine impulsu dilatentur. Sed in canalibus obstructis resistentia summa est, & simul maxima plenitudo, quia nihil per fines illorum transire potest; maxima ergo necessariò debet sequi dilatio. Si jam simul consideretur, inflammationem comitari auctum sanguinis motum, patebit evidenter, adhuc magis debere extendi canales, dum inflammatio adest, quàm in simplici obstructione. Dum autem hæc dilatio fit in illis arteriis, quæ naturaliter sanguinem rubrum vehunt, vel saltem dilatatæ jam illum admittere possunt, evidens est, tumorem ab extensis vasis natum, rubrum esse debere: si enim in minimis vasis hæreat obstructio aut inflammatio, posset etiam in maxima dilatactione, quam sine ruptura ferre possent, adhuc excludi pars rubra sanguinis, ut dictum fuit §. 379. & 380. Imò & concipi potest, tale malum in vasculis adeo exilibus hære. ut illorum tumor, ab hac dilatactione factus, ne quidem sub sensu caderet. Videantur de hac re illa, quæ dicta sunt in *Commentariis* §. 122. Vera autem, & propriè sic dicta, inflammatio semper in talibus vasis hæret, quæ sanguinem rubrum admittere possunt, vel naturaliter, vel dilatatæ, ut ex definitione §. 371, datà patet.

Præterea



Præterea calor auctus, omnis inflammationis comes, uti demonstrabitur statim n<sup>o</sup>. 6, facit augmentum tumoris. Constat enim certis Experimentis, corpora omnia expandi in omni sua distensione per caloris augmentum.

2. Arteria serosa ex minima arteria sanguinea derivatur, ut ramus ex suo trunco; sed non possunt arteriæ sanguineæ latera distendi, quin distrahantur & ampliatur orificia arteriarum serosarum, quæ ex illis oriuntur; unde pars rubra sanguinis hæc orificia dilatata poterit ingredi. Idem verum erit respectu arteriarum lymphaticarum, quæ ex serosis arteriis derivantur. Nam & hæc posse distendi sic, ut capiant sanguinem rubrum, patet in ophthalmis, uti jam antea dictum fuit. Hinc ergo manifestum tumoris & rubedinis augmentum fit. Neque tamen ab his omnibus vasis distentis viderentur posse tam enormes tumores oriri, quales sæpe in validis inflammationibus apparent: sed demonstratum fuit in *Commentariis* §. 374, nusquam frequentius & tenacius fieri inflammationem, quam in adipe, dum & tenerrima hujus membranæ vascula infarciuntur sanguine rubro immeabili, & per oscula vasorum, patentia in cellulas hujus membranæ, dilatata pars sanguinis rubra effunditur; unde tam facile expansilis membrana adiposa mirum sæpe in modum distenditur. Pulcherrimè hanc tumoris in phlegmone originem notavit *Galenus*. Postquam enim dixerat, nullum tumorem posse nasci, nisi nova substantia parti tumenti accedat, vel à copioso calore partes fusæ in spiritum abirent; qui distenderet illam in majorem molem, (uti v. gr; aqua in vapores per calorem resoluta immensum spatium occupare potest); probavit non fieri tumorem in phlegmone ab hac liquidorum rarefactione, quâ in vapores sive spiritus solverentur. (a) *Apparet enim manifestè, si pars laborans phlegmone scissa fuerit, sanguis permixtus effluere, & locus universus sanguine plenus, quemadmodum spongia madens; spiritus autem neque statim excidere, neque postea: & in fine ejusdem capitis addit, (b) in inflammationibus autem omnia sanguine replentur, ex vasis per eorum tunicas resudante, in omni verò carnis parte roris instar permixto. Per carnem autem intellexisse Galenum tunicam adiposam, patet ex illis, quæ dicta sunt in *Commentariis* §. 374, uti & ex aliis plurimis apud eundem locis. Nam & in capite modò citato sollicitè monet, tumorem, qui inflammationem comitatur diversum penitus esse ab illo, qui aucto corporis habitu fit: ibique (c) *πολυσαρκίας* vocabulo utitur, ut majorem obesitatem significet.*

Sed dum tenuiora vasa dilatata ingreditur sanguinis rubra pars, simul cum illo & serum & tenuior lymphæ in his vasis hærebunt; sed rubrum illud solum immeabile ibi manebit, angustius conniventium vasorum impactum; reliqua tenuiora, inter resistentes hoc obstraculum & à tergo urgentes humores pressa, per laterales ramos derivabuntur; unde magis & magis accumulabitur in vasis obstructis solum rubrum; atque inde iterum oritur rubedinis in parte inflammata augmentum.

3. Cum ergo vasa immeabili liquido obstructa distendantur impetu fluidi à tergo urgentis, distrahentur tunicæ eorumdem; ergo & fibræ nervosæ per has disperse; adeoque dolor excitabitur, uti patet ex illis quæ dicta sunt in *Commentariis* §. 220, & §. 224, n<sup>o</sup>. 2. Cum autem maximum vas inter minima (arteriæ nempe rubræ angustissimus finis) ne quidem decimam partem capilli crassitie æquet, patet, distractionem fibrillarum nervearum, per talis vasculi tunicas dif-

(a) Lib. de Tumor præter Naturam, cap. 11. |  
Charter. Tom. VII, pag. 313,

(b) Ibid. pag. 315.

(c) Ibid. pag. 313.

perfarum, dolorem excitare debere talem, ac si in puncto minimo corporis hæreret; hæcque dolor punctior vocatur. Sed talis minima arteriola rubra plurimum adhuc excedit magnitudinem ferossæ aut lymphaticæ; in quibus tamen ab inflammatione similis distractio, & dolor nascitur, minori adhuc spatio hærens. Unde, & centenis talibus vasculis inflammatis, dolor apparet, quasi in uno puncto fixus hæreret; tantum inde ortus, quia liquidum à tergo majori impetu impulsus vascula sic distendit, ut fibræ nervossæ, horum vasculorum latera constituentes, rupturam minentur. Unde Simulac in favissima etiam pleuritide venæsectione tantum sanguinis educitur, ut æger jamjam in animi deliquium caderet, cessat integre, vel saltem plurimum remittit, dolor.

4. Sanguis noster, quiescit, separatur in binas partes, rubrum nempe conerescens, & serum fluidum, cui illud rubrum innatat. Binæ autem inprimis causæ sunt, quæ concretionem sanguinis impediunt; perpetuus nempe motus, & tenuioris liquidi interpositio inter globulos rubros, per quam à mutuo contactu remouentur. Ubi autem rubrum illud immeabile hæret vel in vasis sanguiferis, vel & in minoribus dilatatis, quiescit, & fluidissima pars exprimitur; uti dictum fuit no. 2, hujus paragraphi: unde fit adunatio & compressio globulorum rubrorum ad se mutuo; cumque flexiles sint, mutabitur figura spherica, & pluribus in punctis se invicem tangent, adeoque plùs cohærere incipient. Unde, pergentibus iisdem causis accumulabitur in vasis distentis admodum, uti & in cellulosa substantia tunicæ pinguedinossæ, rubrum illud concretum; atque inde major durities & renixus partis inflammatæ necessariò sequentur. Cùmque vasa sic distenta comprimant alia sibi adjacentia, angustatis illorum cavis propagabitur malum per totum loci inflammati ambitum. Ob hanc causam duritiem cum dolore sæpe posuit Hippocrates pro inflammatione. Sic in Prognosticis de vesicæ inflammatione & malis, quæ illam sequuntur, agens dicit (a) *κρίνε ὁ σκληρὸς τὴν ἐμπύοναν, αὐτὴν vesicæ durὰ ἔσθ' ὀδυνητή*, &c. Et aliis in locis, uti notavit Hollerius (b) phlegmonem ab aliis tumoribus præter naturam distinxit duritiæ & dolore.

5. Tenuiori omni fluido expresso, solum rubrum in vasis distentis accumulatum hæret; unde, cæteris paribus, eò major semper rubedo, quò validior adest inflammatio. Cutis autem, quæ in plerisque corporis locis laxa semper est & mobilis, à panniculo adiposo sanguine immeabili infarctò & turgido quàm maximè tenditur, unde polita resplendet. Tensæ enim cuti semper talis nitor adest; unde pingues nitere dicuntur, distentâ nempe cute per pinguedinem accumulata. Sic perpassum canem macie confectus lupus rogabat (c), unde sic niteret. Quàm pulchre resplendet tensa cutis in juniorum fronte, quæ in senibus laxa turpibus sulcatur rugis!

6. Constat hodie certissimis Experimentis, solo tritu corporum ad se mutuo posse excitari calorem summum, imò vivum ignem sic nasci. Simul etiam evictum fuit, tantò majorem excitari ab hoc tritu calorem, quò fuerint rigidiora & magis elastica corpora sic attrita; uti etiam, quò majori vi ad se mutuo apprimantur, & quò celerius agitentur (d). Verum quidem est, aquam vel aliud

(a) Comment. II. Sentent. LXXI. Chart. Tom. VIII. 659.

(b) Comment. in Coac. Prænot. Hippoc.

132. 552.

(c) Phædr. Fab. Lib. III. Fab. VII.

(d) Boerhaav. Chem. Artic. de igne, Experiment. IX. Tom. I. pag. 96, & seq.

liquidum interpositum inter corpora, dum ad se mutuo atteruntur, impedire ne tantus calor nascatur, ac quidem ab iisdem, nullo liquido interposito, fieret; unde videretur, ab attritu fluidorum nostrorum ad canales quibus continentur, non posse facile excitari calorem. Sed si consideretur, sanguinis globulos elasticos esse, & moveri rapidissime per canales elasticos, & circa ultimas arteriarum sanguiferarum angustias singulos ferè tantum transpirari; adeoque, omni tenuiori fluido jam per laterales ramos dilapso, fortiter ad latera vasorum atteri; patebit facile, ab hoc attritu calorem nasci debere. Unde etiam in robustis, quibus densus sanguis, major calor observatur: dum verò dissolutus sanguis plùs vergit in aquæ non elasticæ indolem: minor semper calor adest. Ob eandem causam major calor comitatur velociorem sanguinis per vasa motum. Neque obstat, quòd in loco inflammato immeabilis sanguis in vasis obstructis hæreat. *Leeuwenhoeckii* enim Experimento, in *Commentariis* §. 132, allegato, consistit, immeabilem talem moleculam illo tempore, quo cor non agit, arteriæ contractione retropelli, mox cordis systole, expulso sanguine in arterias, propelli iterum ad priores angustias: unde patet, ire & redire posse sic moleculam obstructentem in canali obstructo. Cum autem ex modò dictis constitit, tenuiora liquida exprimi, crassum immeabile accumulari & condensari continuò, simulque motus velocitatem augeri in parte inflammata, patebit ratio, quare tantum sequatur necessariò caloris augmentum. Sed vicina vasa, nondum obstructa, ab inflammatis vasculis dilatatis compressa angustabuntur; unde & in his major attritus fiet, partim ob majorem angustiam; partim ob auctam celeritatem liquidi transjiciendi. Si enim ex centum vasculis quinquaginta fuerint impervia; per reliqua, nisi stagnatio fiat, tantò majori velocitate debebunt transire fluida. Omnia ergo illa concurrunt; quibus constat per Experimenta posse nasci majorem calorem. Sanguis enim, liquidissima parte expressa, concrevit in solidam ferè massam, quæ validà actione vasorum, & impetu liquidi à tergo urgentis, omni momento condensatur; angustata à vicinis tumentibus vasa fortius applicantur ad liquida contenta, motusque fluidorum per vasa acceleratur. Unde patet ratio, quare inflammatio ob causæ & effectuum similitudinem ab igne nomen habeat, uti dictum fuit §. 370.

7. Cum totum corpus in omni ferè puncto arterias habere hodie ex Anatomicis constet, illæque omnes eodem tempore, dum cor est in systole dilatentur, contrahantur autem momento sequenti, dum cor est in diastole, patet, omnia ferè corporis puncta pulsare omni momento vitæ. Sed illos motus, qui semper eadem lege sunt in corpore nostro, non animadvertimus, licèt etiam validissimi fuerint. Simulac verò à consueto ordine deviant, statim illos percipimus. Sic cordis pulsus adeo validus, tam facile, manu pectori admodò, percipiendus, non sentitur ab homine sano: simulac verò à consueto rythmo recedit post animi affectus, motum corporis velociorem, &c, illico cor palpitare dicitur. Non mirum ergo est, pulsus in parte inflammata sentiri, qui antea non adfuisse videbatur. Sanguis enim, vi cordis projectus in arterias obstructas circa fines suos, omnem suum impetum impendit his dilatandis; unde necessariò latera arteriarum magis recedunt ab axi sui canalis; cessante autem cordis actione arteriæ tantò majori vi reagent, quò plùs distentæ fuerint. Pulsus ergo augetur in parte inflammata, &c, suo robore & velocitate auctis superans naturalem, percipitur distinctissime.

8. Quando arteriarum fines obstructi sunt, liquida venis contenta, quæ his arteriis respondent redeunt ad cor: sed postea hæc corde expulsa non poterunt pelli per arterias obstructas, sed debebunt transire per arterias reliquas liberas tantò majori velocitate. Non minuitur enim copia liquidi per vasa transiendi, sed minuitur numerus vasorum transmittentium; unde patet evidenter, debere augeri velocitatem fluidi per reliqua vasa aperta movendi. Sed simul apparet, ab hac causa non posse nasci majorem velocitatem, in fluidorum motu, Medico observabilem, nisi pars affecta habuerit talem magnitudinem, ut numerus vasorum imperviorum, comparatus cum reliquis vasis apertis, insignem differentiam facere possit. Si enim millesima pars arteriarum sic natà inflammatione obstruatur, augmentum celeritatis requisitum, ut per reliqua vasa aperta moveatur sanguis, non videtur facilè observari posse. Ergo alia debebit esse causa, quare natam inflammationem febris comitetur sæpe, vel sequatur; licèt in exigua admodum parte corporis hæserit morbus. Sic enim in paronychia, v. gr; dum inflammatio exiguum tantum corporis locum occupat, tamen sæpe valida febris adest. Ideo in textu additur à fibris irritatis. Ubi de doloris effectibus agebatur in *Commentariis* §. 226, fuit demonstratum, à dolore febrem nasci: sed dolentissimas inflammationes valida ob hanc causam comitatur febris; si vix vel parum doleant, sæpe sine febre sunt. Unde ab irritatione fibrarum nervearum, per vasa inflammata, vel vicinas partes, ab his pressas vel distractas, dispersarum, potissimum febris excitari videtur. Revera autem adeste talem irritabilitatem in vasis nostris, per quam acceleratur humorum circuitus, docent plurima Observata. Dum in morbis acutis soluta morbi materia per vasa fluit, per metastasim sæpe deponenda ad alia loca, vel criticis evacuationibus expellenda de corpore, quanz sæpe oriuntur turbæ in corpore, quàm miris modis sæpe acceleratur & turbatur pulsus! Cùm ab ingestis majori copiâ cibis, vel iisdem non assuetis & durioribus aut acrioribus, factus chylus unâ cum sanguine per vasa fluit, nascitur febris. De his autem agitur postea in febrium Historia; sufficit obiter hæc notasse, ut conslet fibrarum irritationem febrem producere posse.

Natam verò febrem comitantur præcipua ejus symptomata, *fitis, calor, vigilia*, &c, de quibus singulis postea peculiari capitulo dicetur. Notandum autem, non quamlibet inflammationem comitari hæc mala, sed tantum, ubi tota sanguinis massa inflammatoriam illam spissitudinem habet, quâ non nisi difficulter per minima vasa transire potest. Constat enim, in sanguine sano esse naturalem proclivitatem in cohesionem, & quidem eò majorem, quòd homo fuerit robustior. Quamdiu autem viscerum & vasorum efficacîa potest superari nixus ille in concretione, qui in sanguine adest, tamdiu vita manet incolumis. Videmus autem quotidie in morbis acutis sic degenerare sanguinem; ut tandem vix amplius fluidus maneat, & concreseat illico, simulac cessât vasorum attritus illum à concretione impediens. Sic in febre ardenti stillæ sanguinis de naribus prodeuntes illico in solidas massulas concrescunt; imò sæpe solutas nasi internæ arterias sic obstruant statim, ut salutare illud naturæ molimen, toties profusâ hæmorrhagiâ hos morbos solvere tentantis, impediatur omnino. Unde meritò Hippocrates in *Coacis prænotionibus* (a) minimas illas sanguinis stillas damnavit & ali-

bi (a) trium ægrorum Exemplo lethalem eventum probavit, quibus quarto & quinto die pauculum quid de naribus sic stillaverat. Dum ergo incipit augeri hæc proclivitas sanguinis in cohesionem, patet facile, difficilius transire illum per minimas arteriolas, hinc cordi oritur major resistentia: & cum pulmo statim debeat excipere, & per arteriæ pulmonalis minimas angustias transmittere, sanguinem corde dextro expulsum, minimum vitium incipientis talis immeabilitatis in pulmone percipitur, unde aucta respiratione nituntur sic affecti viam parare sanguini per pulmonem transjiciendo. Tunc nascitur illa *molestia*, quæ in omnibus morbis acutis, inflammatoriis inprimis, malum signum dat; laboriosa fit & difficilis respiratio, & continuò mutato corporis situ anxietatem suam ægri testantur. Hæc est illa *dyssœpia Hippocrati* dicta, quæ (licet etiam ab aliis causis nasci possit, uti postea dicitur §. 631, & sequentibus) frequenter tamen sanguinis immeabilitati ortum debet.

Ex omnibus ergo, quæ hæc paragrapho dicta sunt, patet phlegmonem his signis cognosci, quoddam sit tumor ruber, cum dolore punctorio, durus & splendens, calens & pulsans, quem febris in toto, vel in parte saltem, comitatur.

### §. 383. HÆC species (382) est morbi nondum adulti.

Omnia autem signa præcedenti paragrapho recensita observantur in phlegmone, quæ nondum ad apicem sui incrementi pervenit, sed adhuc in adscensu est. Tria enim in omnibus morbis stadia observant Medici, incrementum, statum, decrementum. Incrementum vocatur, quamdiu omnia symptomata augentur; status, ubi hæc ad summum pervenerunt fastigium, neque sensibile horum augmentum vel decrementum animadvertitur; decrementum verò, quando & vehementia & numerus symptomatum minuuntur. Ubi enim phlegmone ad statum pervenit, tunc incipit disponi ad varios exitus vel in sanitatem, per resolutionem nempe; vel in alios morbos, suppurationem, gangrænam, sphacelum, scirrhum; uti statim dicitur. Sed tunc simul mutantur plurima ex illis phænomenis, quæ phlegmonem nondum adultam comitabantur; & succedunt nova, quæ prius non aderant. Sic v. gr; rubedo, tensio, dolor, durities, quæ in phlegmone observantur, ubi illa in gangrænam tendit, incipiunt minui; imò tandem omnino cessant: & contrà sensus hebes, color pallidus, cinereus, fuscus, stacciditas, pustulæ ichore plenæ, &c, succedunt. Sollicitè ergo in phlegmone, uti & in aliis morbis, hæc stadia distinguenda sunt, ut aliquid certi in diagnosi, prognosi, & indicatione curatoria determinari possit.

### §. 384. TUM cruor emissus pleno saltu ex vena latè aperta pelvi exceptus, frigidescens, format albam, duram, crassam, rigidam pellem instar corii ferè porcini.

Ubi validà inflammatione laboranti homini sanguis sectâ venâ educitur, mirum

(a) Epidem. Lib. I. Comment. II, Text. LXIII, Character. Tom. IX, pag. 49.

fatís apparet in sanguine phænomenon. Notum est, sanguinem venâ exsiliientem, puro vase exceptum, paulò post coagulari; deinde separari in binas partes, tenue nempe flavescens liquidum, serum dictum; & partem rubram concretam, huic sero pletumque innatantem; quæ insula solet dici. In morbis autem inflammatoris plerisque superior pars insulæ tegitur albâ subcærulecente pelle, sæpe aliquot lineas crassâ, quæ firmiter insulæ rubræ cohæret, & sæpe talem tenacitatem habet, ut novaculâ se vix dividi patiatur. Quia autem in pleuritide laborantium sanguine frequenter talis coriacea cuticula observatur, ideo talem sanguinem pleuriticum dixerunt Medici, licet & in aliis morbis sæpius observetur. Mira satis habentur apud Auctores de hac re Observata; sic Syhendamus (a) notavit, quodd, si sanguis de vena secta non recto flumine versus horizontem profiliat, sed percutim repens perpendiculariter dimanet, licet satis celeri se proripiat gradu, non nascatur tunc talis coriacea in sanguine pellis; & ingenuè fateatur, se hujus rei causam nescire. Observavit simul, in tali casu ægros non perinde levâri, quàm si pleno rivo sanguis effluxisset, & hanc pellem habuisset. Præterea monet, à quocumque alio obstaculo, quo impeditur liberrimus sanguinis de vena secta exitus, impediri hujus pellis generationem, & minùs levâminis inde ægros percipere. Et, quod magis mirum videtur, licet patulo de venæ vulnere liberrimè effluerit sanguis, modò agitur digito immisso, non nasci illam pellem observavit. Satis ergo videtur obscura esse origo hujus pellis in sanguine venâ educto. An feri sanguinis productum est, per morbum ipsum in majorem concretione proni? Sed certè hæc pellis ipsius insulæ, quæ sero innatat, summum locum occupat semper. An chylus, in sanguinem perfectum nondum elaboratus recrudescens? Sic voluit acutissimus *Simson* (b). Obslare tamen videtur, quodd chylus sanguini permixtus, neque adhuc subactus, fluidus sero sanguinis innatat; non verò cohæreat insulæ. Dicit idem Auctor, si brachio aut femori vinculum arctum injiciatur, deinde post tres quatuorve horas incidatur vena, sic ut sanguis libere profiliat, hanc pellem semper adesse, uti etiam in sanguine mulierum gravidarum; causamque posuit, quodd sanguis aliquamdiu obstructis vasibus remoram patiatur post ligaturam injectam, & circa uterum in gravidis stagnet, vel saltem lentius moveatur. Ut verum fatear, anceps hæreo, quid de hac pelle tenaci, sanguinis rubræ parti semper arctissimè cohærenti, statuendum sit. Voluerunt magni nominis in Arte Medica Viri, fieri hanc crustam, dum auctâ circulationis velocitate densatus sanguis magis in concretione pronus fieret; adeoque non esse causam prædisponentem, sed potiùs effectum, morbi. Sed vidi, dum fanissimis hominibus vena secaretur quotannis verno tempore, sæpius talem crustam adesse. Imò in homine debili, cui ad hæmorrhiam præcavendam, quâ laboraverat, sanguis mittebatur singulis tribus mensibus, vidi semper crustam illam adesse. Adfuit ergo talis sanguinis diathesis, licet nulla inflammatio adesset. Et contra in validissimis inflammatoriis morbis aliquando nulla talis crusta in sanguine apparuit; quod tamen pro malo omnino semper habitum fuit.

(a) De Pleuritide, pag. 333. 334.

(b) De re Medica Dissert. quatuor, pag. 175.

§. 385. **INCRESCENTE** malo, eadem adhuc (382. 383. 384.); sed aucta; separatur expressa lymphæ, densatur sanguis ruber.

Omnia illa, quæ hæcenus enarrata fuerunt symptomata, ortum ducebant ex eo; quodd immixtum fluidum in angustis conniventium arteriarum hæret; simulque impetus sanguinis, velocius à tergo impulsus urget, hæc loca obstructa. Si ergo augeatur tenacitas materiæ obstructæ, vel & in pluribus vasis idem malum fiat, & increseat momentum liquidi à tergo urgentis; patet facili, omnia hæc mala augeri debere. Hinc major tumor partis inflammatæ, color præ summa rubedine in purpureum vergens, calor urens, dolor immanis à fibris distractis jam rupturæ proximis, splendor tense partis summus, &c. Et cum sanguis pulsus in vasa obstructa transire nequeat, tenuissima pars per lateralia vasa exibat; rubrum solum immeabile manebat; applicabitur materiæ obstructæ, & vi sanguinis à tergo urgentis ad illam compingetur; unde continuè augebitur copia immeabilis materiæ, adeoque major difficultas tollendi hæc obstacula nascetur.

§. 386. **SI** humor fluens blandus, motus ejus sedatus; causa obstructuens non nimis solidata, obstructio parva, eaque inprimis in arteriis, vel in initiis lymphaticorum, canales mobiles, diluens vehiculum, reducto fluore concreti, motu stagnantis, solvitur inflammatio *resolvendo*.

Omnis morbus exit in sanationem, alium morbum, vel mortem. Generalis hæc regula etiam in inflammatione locum habet: unde varii ejus exitus considerandi sunt. Dum solvitur inflammatio sic, ut nihil mali superfit, & omnes functiones partis affectæ ad pristinam redierint integritatem, sine ullo alio morbo secuto; tunc dicitur sanatio. Si verò inflammatio in suppurationem abeat, tollitur quidem inflammatio, sed ejus loco alius morbus, abscessus nempe, sequitur. Idem verum est, si inflammatus locus in scirrhum induruerit. Ubi autem inflammatio validissima omnem influxum & effluxum vitalis liquidi tollit in parte affecta, cessat hæc quidem, sed sequitur gangræna, post hanc sphacelus, qui vera mors partis est.

Omnium ergo maxime optabilis inflammationis exitus erit ille, qui resolutio Medicis vocatur. Quando nempe à vita supersit, & idoneis remediis adhibitis, immeabilis materia, in vasis obstructis hærens, sic solvitur, vel vasa, in quibus hæret, sic disponuntur, ut transire possit illud immeabile in venas, vel retropelli in majora vasa; sic ut, manente integritate vasorum, liber restituatur per vasa, antea impervia, circuitus humorum, & concretum fluidum nunc solum humoribus circumstantibus mistum, sine impedimento transire possit per illas angustias, quas secundum sanitatis leges pervadere debet. Ubi hæc obtinent, tunc dicitur inflammatio sanata esse *resolvendo*.

Inquirendum ergo est in illa signa, quæ docent, possibile esse hanc resolutionem; hæc autem omnia hæc paragrapho enumerantur. Longè enim diversa medela

requiritur, si confliterit, inflammationis alium exitum expectandum esse, uti patet in sequentibus.

**SI HUMOR FLUENS BLANDUS.** Omnes humores nostri sani, exceptis excrementis & bile forsan, adeo blandi sunt & lenes, ut oculus, & nervi nudi in crudo vulnere, sine dolore horum attractum ferant: & hoc requirebatur ut per terrerrima vasa valido satis impetu in sanitate transire possent, nec læderent tamen. Cum ergo resolutio inflammationis supponat motum stagnantis liquidi, & restitutum fluxorem concreti, sine ulla destructione vasorum, patet facili, nullam acrimoniam notabilem hic adesse posse. Dum enim premitur in vascula obstructa, validâ vi cordis, sanguis, ibique à vasorum actione retropremitur, dum cor est in diastole; omni momento quasi affricatur horum vasculorum lateribus; si ergo sanguis scateat acribus, evidenter apparet, tenera hæc vascula debere solvi & destrui. Hæc est ratio, quare in scorbuticis, v. gr; ne levis quidem inflammatio, licet ab externis causis in cruribus nata, resolvendo curari possit, sed ferè semper in ulcerosam diathesim degeneret. Idem etiam in aliis omnibus cacochymis, quæ acrimoniam comitem habent, observatur.

**MOTUS EJUS SEDATUS.** Demonstratum fuit in *Commentariis* §. 120, natâ obstructione, à liquido virali urgente extendi vas obstructum, dilatarî, attenuari, & tandem solvi. Sed tunc aderat tantum talis humorum celeritas, qualis in sanitate esse solet. Facili autem apparet, aucto impetu humorum in locum obstructum citius adhuc debere solvi vasis obstructi cohesionem. Sed ad resolutionem inflammationis requirebatur, ut maneret vasorum integritas. Ubi ergo velocissimus motus humorum comitatur inflammationem, nulla resolutionis spes est.

**CAUSA OBSTRUENS NON NIMIS SOLIDATA.** Velocior motus humorum non tantum nocet, quatenus vasa obstructa per hunc frangi possent, verum etiam, quia tantò majori vi compinguntur moleculæ obstruentes ad se mutuo. Ad resolutionem autem inflammationis opus erat ut obstruens concretum resolveretur iterum in illas moleculas, ex quibus adunatis concreverat. Quò autem magis expressum fuerit liquidum tenuius crassiores moleculas à mutuo contactu impediens, quò plùs hæc ad se invicem pressæ & adunatæ fuerint, eò firmiùs cohærebunt, & difficiliùs iterum dissolvi poterunt. Sed dum augetur circulationis velocitas, dissipantur tenuissima, & adunantur crassiora, uti demonstratum fuit in *Commentariis*, §. 100; & simul causæ, compingentes ad se mutò moleculas immeabiles, in obstructo vase hærentes, intra datum tempus eò frequentius his applicantur. Hæc est ratio, quare in pleuritide & similibus morbis, ubi validissima febris per duodecim horas, v. gr; adfuit, desperent periti Medici de resolutione, & omnem curæ scopum ad coctionem & excretionem materiæ inflammatoriæ dirigant.

**OBSTRUCTIO PARVA EAQUE INPRIMIS IN ARTERIIS VEL IN INITIIS LYMPHATICORUM.** Parva obstructio dicitur vel ratione loci, quem occupat in vase obstructo; vel quia in paucis tantum vasis partis affectæ tale malum hæret. Si enim v. gr; in vasis serosis initio dilatato globulus ruber hæserit immeabilis, longè faciliùs poterit tolli hæc obstructio, quàm si ad ultimas angustias talis arteriæ serosæ penetraverit. Sic si maxima pars vasorum in loco quodam corporis obstructa fuerit, singula hæc dilatata prement & angustabunt vicina, unde difficilior resolutio semper erit talis obstructionis. Omnium autem facillimè, cæteris paribus, obtineri poterit resolutio inflammationis, si malum hæserit in majoribus



majoribus vasis. Venæsectio enim, & pleraque alia inflammationis remedia in majoribus vasis potissimum efficaciam habent. Sic si, v. gr; rubra pars sanguinis immeabilis hæserit in arteriæ sanguiferæ maxime angustia, vel errore loci ingressa fuerit vasa ferosa, vel proxima his magnitudine lymphatica, debebit illud obstruens sic solvi, vel vas obstructum sic laxari, ut transire possit; vel debebit ex his angustis retropelli in latiore locum. Sed globulus ruber ex *Leeuwenhoeckii* Observatis in serofos, ex quibus componitur, facillè dissilit; sic & globus serofus in alios minores solvi poterit: ergo obstructio talis, si hæreat in arteriis sanguiferis, serofis, vel lymphaticorum initiis, sic resolvi poterit. Sed si minora longè vasa in suis initiis dilatata, ingressus fuerit globus ruber sanguinis, licet in serofos solveretur, vel & in minores, nondum tamen posset angustias ultimas talis vasculi superare; unde patet in hoc casu resolutionis difficultas. Alterum remedium, in resolvendis inflammationibus summæ efficacis, erat, ut per largam sanguinis missionem sic minueretur copia, & debilitaretur impetus, quid à tergo urgentis ut contractione propriâ vasis retropelleretur, obstruens ex angustia in latiore locum (vide §. 141.). Sed tota hæc actio pendet à reactione vasis, cessante causâ distendente: omnium ergo efficacissima erit in vasis maximis, quæ firmas & maximè elasticas tunicas habent; in minimis autem & tenuissimis vasculis vix multum boni inde expectari potest. Patet ergo, ratio, quare ad curam inflammationis per resolutionem requiratur, ut obstructio non hæreat in minimis vasculis. Observata jam practica hanc rem confirmant, & quidem omnium pulcherrimè in ophthalmiis, ubi oculi vasa inflammata optime distinguere possumus. Quamdiu vasa adnata tantum rubent, nullo vitio in pellucida cornea apparente, magna spes est benignæ resolutionis sine ullo remanente vitio. Ubi autem tenerrima & adeo pellucida vascula corneæ dilatata crassiores humores admitterint, nunquam resolvetur integre hoc malum; sed semper sequetur suppuratio, vel opaca macula relicta corneæ nitorem deturbabit diu, imò & sæpe totâ vitâ manebit.

**CANALES MOBILES.** Vasa nostra, ut maneat sanitas, debent cedere posse liquidis impulsis; & dein, cessante causâ distendente, redire ad pristinam magnitudinem. Hæc vocatur canalium mobilitas. Bina jam opposita vitia sunt, quibus minuitur, imò & integre tolli potest aliquando, canalium nostrorum debita mobilitas: si nempe horum latera adeo laxa sint, ut facillimè cedant quidem liquidis vi cordis impulsis, sed cessante cordis actione, tam parum firmitatis & roboris habeant, ut non possint suâ vi propellere sanguinem impulsam. Et contrâ tanta rigiditas aliquando nascitur in canalium lateribus, ut non patiantur se satis dilatari ab impulsis humoribus. Prius vitium nimia debilitas; posterius nimium robor valorum dicitur. Si nimia debilitas peccet, levi etiam vi dilatanda vasa poterunt quidem errore loci admittere crassiora liquida; sed cum facillè cedere possint, poterunt & ultimi fines in hoc casu sic dilatari, ut crassiora hæc ingressa venis tradant, unde tunc facillimo negotio solvitur obstructio. Accedit, quòd in hoc casu motus humorum langueat semper, atque deficiente vasorum robore nunquam densa & compacta sint fluida: unde facillè pater, rarò in similibus corporibus inflammationes nasci; natas autem non difficulter curari posse. Ubi autem nimium robor vasorum adest, compactus semper & densus sanguis est; liquidissima dissipantur; hinc crassiora uniuntur, & nata inflammatio difficulter re-

solvi poterit partim ob majorem imbecillitatem fluidi densati; partim ob validam canalium obstructorum contractionem, quâ obstruentes moleculas arctissime comprehendunt, & resistunt suæ dilatationi. Quotidie hoc observatur, morbos acutos inflammatorios in foeminis & junioribus facillimè benignâ resolutione curari quàm sæpissime, in adultis, & duro labore fractis corporibus, raro. Hoc monuerat Hippocrates dicens (a) *Corpora exercitata ac densa citius à pleuritici & peripneumonici morbis pereunt, quàm inexercitata.*

**DILUENS VEHICULUM.** Dum in morborum acutorum initio, per sudorem, alvi fluxum, vel aliam quamcumque evacuationem, dissipantur liquidissima, semper magnus metus est sinistri eventus. Moleculæ enim crassissimæ sanguinis, interposito liquido tenuiori, à mutuo contactu & concretionem impediuntur.

Dum sanguis mittitur homini sano, apparet homogeneous fluidum. Illud autem sibi relictum secedit in binas partes distinctas: rubræ enim moleculæ adunatæ connescunt, secedente sero fluido. Si verò sanguis recens missus bacillo agitur, donec refrigerit, impeditur illa separatio: feri à rubra parte sanguinis, & tota massa fluida manet. Unde patet, quantæ necessitatis sit diluens tenue liquidum, ut sanguinis concretio prohibeatur. Ob hanc rem Hippocrates in morborum acutorum initio semper damnavit liquidioris sanguinis partis subductionem per sudores, alvi fluxum, &c. Sic dixit (b) *sudor multus, cum febribus acutis oborietis, malus.* (c) *In febre ardente, si alvus eruperit, mortale est.* Et Sydenhamus qui tam sollicitè varia naturæ molimina in sanandis morbis observavit, notat (d) quòd, si in variolarum initio profusus sudoribus diffuerent ægri, semper augerentur omnia symptomata.

Si omnes illæ conditiones modò enumeratæ, vel saltem plurimæ, adsint, tunc expectari potest resolutio, sive mutatio morbi inflammatorii in sanitatem perfectam, non expulsâ de corpore materiâ morbi, neque destructis vasibus; sed mobilis redditâ materie, & vasibus obstructis reaseratis. Si verò quædam ex dictis conditionibus ad resolutionem requisitis desint; tunc per Artem conamur supplere hunc defectum. Blando victu & medicamentis mollissimis lenitas conciliatur humoribus: venæsectione, quiete, aere frigidiusculo, &c, nimia circulationis velocitas sedatur: fomentis applicatis parti affectæ vasa laxantur, ut facilius cedere possint: potu tenui aquoso diluens vehiculum suppeditatur; vitando simul omnia, quibus fluidissima humorum pars de corpore subducitur. De his autem omnibus postea dicetur in cura inflammationis.

§. 387. **SI** humor fluens blandus, motus citatus, obstructio magna nec solvi (§. 386) potens, auctis symptomatibus (§. 382. 384. 385.), vascula distenta rupta cum dolore, calore, pulsu, tumore, liquores suos effundunt, solvunt, putrefaciunt leviter, solida tenera atterunt, solvunt, fluidis miscent in unum similem album, spissum,

(a) Coac. Prænot. n.º. 398. Charter. Tom. VIII. pag. 871.

(b) Prorrhet. Lib. I. n.º. 57. Charter. Tom. VIII. pag. 740.

(c) Coac. Prænot. n.º. 130. Charter. Tom. VIII. pag. 859.

(d) Sydenham, Opusc. Universæ, 321.

glutinosum, pinguem humorem, pus dictum; hæc *suppuratio*, alter modus, quo terminatur inflammatio.

Ubi obstruentes moleculæ vasorum convergentium finibus adeo impactæ hærent, ut non detur aditus diluenti vehiculo, quo solutæ penetrent in venas; interimque motu citato fluidum à tergo urgens pergit magis magisque protrudere immeabile illud obstruens in majores angustias vasorum; patet tandem immeabile fluidum, maximè pressum, immobile hæsurum penitus in vase obstructo, neque retropelli posse ex his angustias in latiore vasis locum. Tota ergo illa vasis inflammati longitudo omni influxu vitalis humoris carebit, adeoque debet separari à reliquis partibus vivis & sanis. Observatio jam sollicita naturæ, morbos curantis, docuit Medicos, suppurationem natam perfectissimè separare à vivis partibus & sanis omne illud, quod inflammatione perditum erat. Unde apparet, non adeo metuendam esse suppurationem, nisi in talibus corporis partibus, quarum integritas absolutè ad vitam & sanitatem requiritur, ut v. gr. in encephalo, vel ubi pus natum sine periculo educi non potest, ut in locorum intercostalium inflammatione, &c. Quomodo autem per suppurationem separentur omnia illa, quæ vitali fluidorum motui penitus inepta facta sunt, pulcherrimè patuit ex illis, quæ dicta sunt in vulnere Historiæ; dum recenscebantur illa phænomena, quæ in omni vulnere in corpore sano, à primo initio usque ad integram curationem, observantur (vide *Commentaria* §. 158.) Primum enim sanguis ex vasis, à causa vulnerante discissis, effluebat; dein contractis horum orificiis, subrubellus tenuis ichor; tunc sicca serè fiebat vulneris superficies, & à vitali motu humorum, urgente obstructos jam vasorum fines, oriebatur inflammatio vera; uti docent dolor, rubor, calor, tumor, febricula, sitis, &c. Postea separabantur extrema vasorum impervia, unà cum parte fluidi immeabilis his vasorum finibus impacti; apparebat in vulnere liquor tenax, albus, pinguis, pus dictum; quo prudenter deterso omnis vulneris superficies æquabilissimè humida apparebat, evidenti signo, referata jam esse antea obstructorum vasculorum oscula separatis nempe extremis vasorum contractis & imperviis. Suppuratio ergo est salutaria illud naturæ humanæ molimen, quo omne illud, quod vitali humorum motui ineptum factum est, separatur à reliquis partibus vivis & sanis. Hinc optimè dixit (a) *Hippocrates* (vide locum citatum §. 158. n. 7, & §. 323.) quòd acuto telo insictum vulnus possit curari sine suppuratione; carnes verò contusas & dissectas debere putrescere, & in pus versas contabescere. Quamvis autem putredinis vocabulum hic usurpetur, dum de suppuratione agitur, non intelligenda tamen est propriè dicta putredo, quæ in cadavere fit, ubi vita nulla est; sed alia degeneratio humorum, quæ per vitam superstitem fit. Pulcherrimè hoc distinxit *Galenus* de febribus agens. Sedimentum enim urinæ album, læve & æquale, tamquam optimum signum laudabat, designans materiam morbi solutam evacuari de corpore. Vocavit tamen hanc mutationem putredinem, dicens (b) *Putredo autem humorum, quæ fit in vasis, similis est illi, quæ in inflammationibus fit & abscessibus phymatis, &c. & aliis.* Duo autem genera hujus putredinis esse dicit (c) *alterum quidem fit superante naturâ, alterum verò*

(a) Lib. de ulcer. Cap. 11. Charter. Tom. XII. pag. 131.

(b) De Febr. Lib. I. Cap. viii. Charter.

Tom. VII. pag. 115.

(c) Ibidem.

*evicta. Superante quidem & per inflammationes & phymatodes tumores omnes, pus; in humoribus autem venarum & arteriarum, id quod subsidet in urina, proportionem puri respondens. Atque hæc putredo non simpliciter putredo censetur, sed etiam habet aliquid concoctionis; manente enim adhuc concoquendi facultate vasorum, putrescens tunc humor ad talem alterationem deducitur. Unde apparet evidenter, quoddam puris confectio distinctissima sit à spontanea degeneratione humorum in putredinem.*

In inflammationis autem non resolvendæ transitus in suppurationem videtur talis esse. Liquidum à tergo urgens, aucta per febrem comitem celeritate, singulis cordis ictibus pellitur in locum obstructum; unde continuè hæc arietatione discenta ante obstructionis locum vasis latera incipiunt sensim divelli, & separatim cohesio extremi obstructi cum reliqua parte vasis. Dum hoc fit, effunduntur humores ex vasibus jam apertis: calore loci hæc solvuntur, incipiuntque quasi subputrescere; immeabile fluidum in cæcæ vasorum separatis hærens ab eisdem causis incipit solvi; solidæ partes tenerrimæ, antea continentes hoc immeabile, pariter atteruntur, dividuntur, & cum liquidis effusis, morâ & calore mutatis, abeunt in homogeneum liquidum, quod pus vocatur. Mirum fortè videri posset, solida vasorum latera sic solvi posse & misceri cum fluidis, ut horum miscela appareat homogeneus liquor; sed, si consideretur incredibilis ferè horum vasorum parvas, res patebit. Ex Observatis enim *Leuwenhœckianis*, & aliorum acutissimorum Virorum, patuit calculo subducto, quinquaginta ferè millicens globulorum rubrorum sanguinis æquare tantum ponderis granum unicum (a). Sed minimæ arteriæ sanguiferæ unicum tantum talem globulum transmittunt; unde apparet, quàm exigua & quàm tenera hæc vascula esse debeant: arteriæ tamen sanguiferæ minimæ sunt maxima adhuc vasa inter minima. Sed & antea probatum fuit, veram inflammationem sanguineam posse etiam esse in serosis, & lymphaticis arteriis. An ergo mirum videtur, solida stamina talium vasculorum sic posse atteri, & misceri fluidis; ut dispareant? In phthisicis aliquando sic consumitur tota pulmonis substantia, & puris formâ per sputa educitur, ut post mortem lustrato cadavere non absque ratione mirentur Medici, quomodo, tantillâ parte nobilis adeo visceris superfluit, vita tam diu protrahi potuerit.

Humor autem ille, ex liquidis effusis & solidis tenerrimis attritis & simul permixtis constans pus dicitur: cujus dotes, si perfectissima maturatio & coctio inflammationi non resolvable facta fuerit, hic recensentur. Semper enim pus tunc album apparet, spissitudine ferè referens lactis cremorem; tactu pingue, in omni puncto æquabile; nihil omnino heterogenei habens. Ubi verò ab his conditionibus recedit pus, damnatur. Hæc omnia notavit Hippocrates in Prognosticis dicens (b) *est autem pus optimum quod album, æquale, læveque est, & minime sætidum: quod autem è contrario se habet, deterrimum est.* Sic & Celsus agens de illis, quæ ex vulneribus & ulceribus exeunt, de sanie nempe, sanguine, ichore, &c., dicit, (c) *Pus inter hæc optimum est. Sed id quoque pejus est, multum, tenue, dilutum; magisque, si ab initio tale est: itemque si colore fero simile, si pallidum, si lividum, si sæculentum. Præter hæc si malè olei; nisi tamen locus hunc odorem excitat. Melius est, quò minus est, quò crassius, quò albidius: itemque si læve est, si nihil olet, si*

(a) Medical. Essays Tom. II. pag. 113. | Tom. VIII. pag. 617.

(b) Comment. I. Sentent. XLII. Charter.

(c) Medic. Lib. V. Cap. xxv. no. xx. p. 189.

*aequale est.* Paulò Pùst pulcherrimè notat, pure factò inflammationes solvi; sic enim pergit. (a) *Modò tamen convenire & magnitudine vulneris & temporì debet. Nam plùs ex majore, plùs nondum solutis inflammationibus naturaliter fertur.* Ubi jam materia inflammatoria, coquenda in pus, magis rebellis est; vel vires coquentes debiliores, vel utraque hæc concurrunt, tunc non nascetur pus enumeratas modò conditiones habens, sed alius magis minùve ab his degenerans liquor; ut pulcherrimè notavit *Galenus* explicans textum *Hippocratis* modò citatum. Postquam enim dixerat, sanguinem in phlegmone effusum in inania spatia, vasis vicina (tunicam nempe cellulofam), non posse redire in priorem naturam, sed immutari debere & putrescere, non aliter quàm omnia, quæ alieno in loco vehementiùs incalescunt, subjungit sequentia, (b) *Itaque si nativus quidem caler à propria temperie plurimum recesserit sanguis, ut in moricino corpore, putrescit. Sin autem ille vim adhuc aliquam retinet, mixta quædam sanguinis mutatio fit; parit quidem ab ea, quæ præter naturam, parit verò ab ea, quæ secundum naturam causa est; quatenus ut illa putrefacit; sic ista, concoquit. Earum verò utraque prævaluerit, protinus inactia, tum in colore, tum in odore, tum in substantia, necessario consequuntur.*

Puris ergo confectio à sanitate superflite pendet: idcòque meritò inter pessima signa in morbis numeravit *Hippocrates*, si ulcus ante morbum, vel in morbo natum, nullum ampliùs pus funderet, sed siccum evaderet: moriturum enim talem ægrum pronunciat (c).

Cognoscitur autem, locum inflammatum tendere in suppurationem ex sequentibus conditionibus.

**SI HUMOR FLUENS, BLANDUS.** Si enim insignis adsit humorum acrimonia, hæc stagnatione & calore majori loci inflammati augebitur admodum: unde fiet erosio vasorum & destructio, non autem blanda illa separatio extremorum vasorum obstructorum, quæ in suppuratione fieri debet.

**MOTUS CIRCULATUS.** In resolutione inflammationis requirebatur unà cum humorum lenitate motus sedatus; sed ubi suppuratio sequetur, semper adest major velocitas circulationis. Unde suppuratio medium quasi obtinet inter benignam resolutionem, & gangrænâ. In resolutione, sine ulteriore latione vasorum, aut evacuatione liquidi imbecillis facti, reducuntur concreta ad pristinam fluiditatem, & stagnantia moventur: in gangrænâ autem fit vera mors partis inflammatae; & postea totum illud mortuum separari debet à vicinis vasis vivis. Sed in suppuratione abscinduntur vasorum obstructorum fines, & liquida extravasata unà cum solidis tenerrimis in pus versa debent educi; sicque differt à resolutione: à gangrænâ verò, quia per suppurationem non destruitur tota pars afflita. Ob hanc causam & aucta humorum velocitas, quæ inflammationem comitatur, admodum pacata debet esse, ut resolutio sperari possit. Et contrà, si validissima adsit febris, brevi gangrænâ sequetur: in suppuratione autem, nec tam sedatus est motus, ut in resolutione; nec tam velox, ut in gangrænâ solet esse. Unde tum nulla resolutionis spes est, æquè nocere potest, si nimis minuatur febris, quàm si incitetur imprudenter; uti postea patebit in *Commentariis* §. 403. n°. 3.

**SI OBSTRUCTIO MAGNA, &c.** Quandonam obstructio magna vel parva

(a) Ibid. pag. 190.

(b) Prognost. Comment. I. Sentent. XLII. Charter. Tom. VIII. pag. 618.

(c) Ibid. Sentent. XXII. pag. 605. & Coacq. Prænot. n°. ccccxcvi. pag. 881.

*evistâ. Superante quidem & per inflammationes & phymatodes tumores omnes, pus; in humoribus autem venarum & arteriarum, id quod subsidet in urina, proportionè puri respondens. Atque hæc putredo non simpliciter puredo censetur, sed etiam habet aliquid concoctionis; manente enim adhuc concoquendi facultate vasorum, putrescens tunc humor ad talem alterationem deducitur. Unde apparet evidenter, quod puris confectio distinctissima sit à spontanea degeneratione humorum in putredinem.*

In inflammationis autem non resolvendæ transitus in suppurationem videtur talis esse. Liquidum à tergo urgens, auctâ per febrim comitem celeritate, singulis cordis ictibus pellitur in locum obstructum; unde continuâ hæc arietatione distenta ante obstructionis locum vasis latera incipiunt sensim divelli, & separatur cohæsis extremi obstructi cum reliqua parte vasis. Dum hoc fit, effunduntur humores ex vasis jam apertis; calore loci hæc solvuntur, incipiuntque quasi subputrescere; imbecabile fluidum in extremitatibus vasorum separatis hærens ab eisdem causis incipit solvi; solidæ partes tenerrimæ, antea continentes hoc imbecabile, pariter atteruntur, dividuntur, & cum liquidis effusis, morâ & calore mutatis, abeunt in homogeneum liquidum, quod pus vocatur. Mirum fortè videri posset, solida vasorum latera sic solvi posse & misceri cum fluidis, ut horum miscela appareret homogeneus liquor; sed, si consideretur incredibilis ferè horum vasorum parvitas, res patebit. Ex Observatis enim *Leuænhoeckianis*, & aliorum acutissimorum Virorum, patuit calculo subducto, quinquaginta ferè millicentes globulorum rubrorum sanguinis æquate tantum ponderis granum unicum (a). Sed minimæ arteriæ sanguiferæ unicum tantum talem globulum transmittunt; unde apparet, quàm exigua & quàm tenera hæc vascula esse debeant: arteriæ tamen sanguiferæ minimæ sunt maxima adhuc vasa inter minima. Sed & antea probatum fuit, veram inflammationem sanguineam posse etiam esse in serosis, & lymphaticis arterioli. An ergo mirum videtur, solida lamina talium vasculorum sic posse atteri, & misceri fluidis; ut dispareant? In phthisicis aliquando sic consumitur tota pulmonis substantia, & puris formâ per sputa educitur, ut post mortem lustrato cadavere non absque ratione mirentur Medici, quomodo, tantillâ parte nobilis adeo visceris superstite, vita tam diu protrahi potuerit.

Humor autem ille, ex liquidis effusis & solidis tenerrimis attritis & simul permixtis constans pus dicitur: cujus dotes, si perfectissima maturatio & coctio inflammationi non resolvibilis facta fuerit, hic recensentur. Semper enim pus tunc album apparet, spissitudine ferè referens lactis cremorem; tactu pingue, in omni puncto æquabile; nihil omnino heterogenei habens. Ubi verò ab his conditionibus recedit pus, damnatur. Hæc omnia notavit *Hippocrates* in Prognosticis dicens (b) *est autem pus optimum quod album, æquale, læveque est, & minimè fixidum: quod autem è contrario se habet, deterrimum est.* Sic & *Celsus* agens de illis, quæ ex vulneribus & ulceribus exeunt, de sanie nempe, sanguine, ichore, &c, dicit, (c) *Pus inter hæc optimum est. Sed id quoque pejus est, multum, tenue, dilutum; magisque, si ab initio tale est: itemque si colore sero simile, si pallidum, si lividum, si sæculentum. Præter hæc si malè olet; nisi tamen locus hunc odorem excitat. Melius est, quod minus est, quod crassius, quod albidius: itemque si læve est, si nihil olet, si*

(a) Medical. Essays Tom. II. pag. 113. | Tom. VIII. pag. 617.

(b) Comment. I. Sentent. XLII. Charter. | (c) Medic. Lib. V. Cap. xxvi. no. xx. p. 289.

*aequalis est.* Paulò Pùst pulcherrimè notat, pure factò inflammationes solvi; sic enim pergit. (a) *Modò tamem convenire & magnitudine vulneris & tempori debet. Nam plùs ex majore, plùs nondum soluis inflammationibus naturaliter fertur.* Ubi jam materia inflammatoria, coquenda in pus, magis rebellis est; vel vires coquentes debiliores, vel utraque hæc concurrunt, tunc non nascetur pus enumeratas modò conditiones habens, sed alius magis minùsve ab his degenerans liquor; ut pulcherrimè notavit *Galenus* explicans textum *Hippocratis* modò citatum. Postquam enim dixerat, sanguinem in phlegmone effusum in inania spatia, vasis vicina (tunicam nempe cellulofam), non posse redire in priorem naturam, sed immutari debere & putrescere, non aliter quàm omnia, quæ alieno in loco vehementiùs incallescunt, subjungit sequentia. (b) *Itaque si nativus quidem calor à propria temperie plurimum recesserit sanguis, ut in morticino corpore, putrescit. Sin autem ille vim adhuc aliquam reinet, mixta quædam sanguinis mutatio fit; parim quidem ab ea, quæ præter naturam, parim verò ab ea, quæ secundum naturam causa est; quare ut illa putrefacit; sic ista, concoquit. Earum verò utraque prævaluerit, protinus inacidia, tum in colore, tum in odore, tum in substantia, necessario consequuntur.*

Puris ergo confectio à sanitate superflite pendet: ideòque meritò inter pessima signa in morbis numeravit *Hippocrates*, si ulcus ante morbum, vel in morbo natum, nullum ampliùs pus funderet, sed siccum evaderet: moriturum enim talem ægrum pronunciat (c).

Cognoscitur autem, locum inflammatum tendere in suppurationem ex sequentibus conditionibus.

**SI HUMOR FLUENS, BLANDUS.** Si enim insignis adfit humorum acrimonia, hæc flagratione & calore majori loci inflammati augebitur admodum: unde fiet erosio vasorum & destructio, non autem blanda illa leparatio extremorum vasorum obstructorum, quæ in suppuratione fieri debet.

**MOTUS CIRCULATUS.** In resolutione inflammationis requirebatur unà cum humorum lenitate motus sedatus; sed ubi suppuratio sequetur, semper adest major velocitas circulationis. Unde suppuratio medium quasi obtinet inter benignam resolutionem, & gangrænam. In resolutione, sine ulteriore læsione vasorum, aut evacuatione liquidi immeabilis facti, reducuntur concreta ad pristinam fluiditatem, & stantia moventur: in gangræna autem fit vera mors partis inflammatae; & postea totum illud mortuum separari debet à vicinis vasis vivis. Sed in suppuratione abscinduntur vasorum obstructorum fines, & liquida extravasata unà cum solidis tennerrimis in pus versa debent educi; sicque effiit à resolutione: à gangræna verò, quia per suppurationem non destruitur tota pars afflicta. Ob hanc causam & aucta humorum velocitas, quæ inflammationem comitatur, admodum pacata debet esse, ut resolutio sperari possit. Et contrà, si validissima adfit febris, brevi gangræna sequetur: in suppuratione autem, nec tam sedatus est motus, ut in resolutione; nec tam velox, ut in gangræna solet esse. Unde dum nulla resolutionis spes est, æquè nocere potest, si nimis minuatur febris, quàm si incitetur imprudenter; uti postea patebit in *Commentariis* §. 403. n°. 3.

**SI OBSTRUCTIO MAGNA, &c.** Quandonam obstructio magna vel parva

(a) Ibid. pag. 190.

(b) *Prognost. Comment. I. Sentent. XLII.*  
*Charter. Tom. VIII. pag. 618.*

(c) Ibid. *Sentent. XXII. pag. 605. &*  
*Coacat. Prænot. n°. CCCXCVI. pag. 681.*

dicenda sit; uti etiam de signis resolutionis, dictum fuit in parāgrapho præcedenti. Sed præcipuè noscitur inflammationem tendere in suppurationem, si tumor, calor, dolor, rubedo, & reliqua symptomata, parāgraphis hic citatis enumerata, augeantur; non quidem summa cum velocitate, tunc enim gangræna potiùs sequeretur; sed continuo tamen incremento. Difficile quidem foret, accuratè cognoscere illum limitem, ubi definit resolutionis possibilitas, & incipit suppurationis initium, tamen hoc certum est, dolorem, pulsationem, febrem, calorem, &c. manifestè augeri illo tempore, dum suppuratur locus inflammatus. Pure autem factò, hæc omnia iterum minuuntur, quod pulchre monuit *Hippocrates* dicens (a) *dum pus rocreatur, simul dolores & febres magis, quàm eo procreato, oboriuntur.* Nec mirum, cùm vascula distenta, dum rupturæ proxima sunt, acerrimum doloris sensum excitare debeant (vide §. 221.): illis autem ruptis, dolor inde ortus cessat.

§. 388. **SI** humor acer, valde motus, obstructio magna, vasa rigida; omnia symptomata (§. 382. 386. 387.) magna, tum vascula subito rumpuntur, liquida putrescunt; ichor effusus sub epidermide in bullas colligitur instar loturæ carnis, vel saniei flavæ, cineritius, pallidus, fuscus, ater fit color; rubor, dolor, calor, pulsatio, tumor in loco affecto definit, in vicinis obtinet; fit mors partis affectæ: vocatur *Gangræna*; tertius modus, quo exit inflammatio.

Sequitur jam tertius inflammationis exitus, qui dicitur *Gangræna*. Dum à quacumque causa in parte molli corporis tollitur influxus liquidi vitalis per arterias, ejusdemque redivit per venas; tunc mors hujus partis fit, quæ dum incipit & perficitur, gangræna vocatur. Differt ergo hic inflammationis exitus à suppuratione, quòd omnis liquidorum motus in parte affecta suffocetur omnino, ruptis subito vasculis; cùm in suppuratione sensim separentur obstructa vasorum extrema per motum vitalis liquidi à tergo urgentis. Inflammatio autem in gangrænam tendit inprimis, si adsint sequentia.

**HUMOR ACER.** Accerrima quævis corpori applicata externè gangrænam faciunt; nec refert ferè, an acida, an alcalina, an alterius cujuscumque speciei acris fuerint. Sic oleum vitrioli; cauterium potentiale, Ghirurgorum, ex sale alcalino acris cum calce viva coctò; olèa acris empyreumatica ex cornu cervi vel ligno guaiaco expressa; sales volatiles alcalini, &c. cuti applicata veras escharas gangrænosas faciunt. Idem fiet, si sanguinis massa acris inquinata fuerit. Verum quidem est, hæc accerrima sanguinem ingredi non facillè posse: observantur tamen in morbis mirabiles tales humorum degenerationes, per quas sæpe satis subito in summam acrimoniam evecti destruant omnia. In scorbuto pessimo putrido sæpe gingivæ cum intolerabili fœtore, verà gangrænâ depascuntur; pessima ulcera, citò gangrænosa, in variis corporis partibus, & inprimis in cruribus, fiunt. Similia & ab atra bile turgida, & motà, observantur mala (vide §. 1104.). Unde patet, si inflammatoriæ sanguinis tenacitati simul comes fuerit insignis acrimonia, brevi debere destrui vascula, & nasci gangrænam.

(a) Aphor. Sect. II. n°. XLVII, Chapter. Tom. IX. Part. II. pag. 85.



**VALDE MOTUS.** Sedatus motus humorum resolutioni inflammationis favebat; citatior suppurationem promovebat; sed admodum vehemens tantâ vi agit in fines obstruâtos minimarum arteriolarum, ut subito rumpantur omnia, non leparerentur sensim; ut in suppuratione §g. Pulsuum autem velocitate & respiratione auctis, motus velox humorum circulantium cognoscitur in toto corpore; summa autem dolor & calor ingens in parte inflammata idem designant. Si jam velocitati motûs humorum, simul addit eorundem acrimonia, patet facile, citissimè debere destrui tenerissima hæc vascula; cum acria & majori impetu & frequentius intra datum tempus his applicentur. Præterea demonstratum fuit in *Commentariis* §. 100. solâ celeritate motûs circulatorii auctâ, sales & olea sanguinis acriora reddi; atque novos nasci stimulos, augentes circulationis velocitatem, ex qua producti fuerant. Ex quibus omnibus satis apparet, quantum periculum imminet parti inflammata; si validissima febris addit.

**VASA RIGIDA.** Demonstratum fuit in *Commentariis* §. 52, auctâ vasorum rigiditate, densari quàm maximè sanguinem, & dissimili liquidissimam partem; unde magis in concretionem pronus erit. Et, ut dictum fuit §. 386, canalium flexilis mobilitas & diluens vehiculum inter illa numerabantur, à quibus resolutio inflammationi sperari poterat: contraria ergo si obtineant, pejor semper sequetur eventus. Cùmque in hoc casu magnâ velocitate per vasa moveantur humores, totus ille impetus ager in obstruâtos vasorum fines, cujus aliter magna pars dilatandis flexilium canalium lateribus impenditur; adeoque avellentur subito magnâ hæc vi vasorum extremitates unâ cum insaciente concreto fluido, & sient omnia illa, quæ mox dicentur. Inde patet ratio, quare duro labore fractis corporibus adeo funesti plerumque sint morbi inflammatorii.

**OMNIA SYMPTOMATA MAGNA.** Si tumor loci inflammati subitissimè increseat, rubedo summa in purpureum vergens, calor urens, dolor magnus incrementum continû, pulsus celerissimus, respiratio anhelosa, &c; brevi gangrana aderit.

**TUM VASCULA SUBITO RUMPUNTUR, &c.** Si jam consideretur, acre fluidum valido motu pulsuum urgere fines vasorum immeabile materiâ sic insarctos, ut nihil omnino transire possit; apparet facile, subitam rupturam vasorum expectandam esse: inprimis si rigiditas nimia vasorum impediat, quominus distendi facile sine ruptura possint. Sed vasis ruptis liquida effluent; quæ spontaneâ mutatione corrumpentur, & quidem satis celeriter; cum magnus calor, validè inflammationi semper comes, putredini producendæ faveat quàm maximè; ut dictum fuit §. 84. n°. 5. Dum autem omnia hæc sunt in loco inflammato, observantur quædam mutationes sensibiles, quæ docent, tale malum jam adesse, vel saltem brevi adfuturum. Illa autem phænomena omnia perfectè similia sunt his, quæ ab igne, corporis parti applicato, fiunt, ut dictum fuit in *Commentariis* §. 370. Incipit enim tunc epidermis secedere à cute subjecta, & ab humoribus effusus in bullas attolli, ichore plerumque subrubello plenas; vel in pejore gradu mali flava tenuis sanies his bullulis continetur: splendens illa rubedo mutatur in colorem cinereum, pallidum, fuscum, & nigrum tandem, & prout color vergit à cinereo vel pallido in nigredinem, eò major minorve mali progressus notatur. Deinde omnia ferè inflammationis phænomena quiescunt, imò aliquando penitus abolita videntur. Nec mirum hoc est, cum à motûs vitalis hu-

morum celeritate auctâ per partem inflammata[m] ortum ducant. Rubor hinc evanescit, cum, cessante humorum influxu non amplius pellatur sanguis per vasa partis sic affectâ; & cum ob eandem causam non amplius distendantur hibræ nervosæ, dolor cessat. Calor, & pulsatio, cum validum fluidi impulsu ad latera vasorum attritum supponant, pariter desinunt, ubi gangræna inflammationem sequitur. Subita hinc doloris & reliquorum symptomatum remissio in morbis acutis inflammatoriis, sine bonis signis prægressis, merito adeo funesta habetur. Ubi enim in loco corporis externo gangræna post validam inflammationem fit, ex modò dictis signis faciliè cognoscitur, adesse illud malum; sed si interiora corporis similem patientur morbum, subita doloris cessatio præcipuum signum dat. Sic in vehementissima pleuritide, & dolentissima intestinorum inflammatione, sæpe acerrimus dolor evanescit subito; dumque miseri victum morbum credunt, paulò post moriuntur. Hæ sunt fallaces illæ in morbis pessimis induciæ; Medici famæ sæpe adeo insidiosæ; dum imprudens optimum morbi, citò tunc semper lethalis, eventum sperat & prædicat.

Destitutis ergo vasis, aboletur omnis influxus & effluxus humorum in parte affectâ, id est, mors fit; tuncque omnia, quæ sequuntur, mala à spontanea corruptione mortuæ jam partis pendent. Si enim considerentur illæ mutationes, quæ, in aere calido & humido inprimis, recens mactatorum animalium carnibus accidunt; patebit, similes esse ferè illis, quæ in gangrænosis partibus observantur. Vividus enim & ruber color recentis carnis incipit sensim deleri; succedit color pallidus vel cinereus, sensim magis in fuscum vergens; imò & tandem nigrescunt ferè carnes tales putrefactæ; & in tabum olidum dissolunt, cum antea adeo firmæ fuerint. Citius autem hæc omnia in parte gangrænosa fiunt, quia vicinæ partes vivæ calore suo putredinem mortui augent.

Vicina autem mortuæ tali parti loca vitalibus humoribus adhuc pervia sunt; sed in consinio mortui & vivi necessariò obstaculum humoribus, huc pulsus, nascitur, cum per mortuam jam partem penetrare nequeant. Unde illo limite quasi nova nascitur inflammatio; post quam, suppuratione factâ, separatur mortuum gangrænosum à vicinis vivis, vel proserpit gangræna, vitali humorum motu suffocato in contiguis locis. Hoc autem fecellit aliquando incautos, dum crederent nondum adesse gangrænam, quia dolor adhuc sentiebatur in parte affectâ; licet propriè loquendo in parte gangrænosa nullus sensus sit, sed à partibus suppositis & ambientibus adhuc vivis & inflammatis dolor ille oriatur. Bonum autem semper signum habetur, si in ambitu toto partis jam gangrænose rubor, dolor, calor, sensus, &c., inveniantur; modò non tam valida sint hæc symptomata, ut metus sit, & hanc inflammationem in gangrænam tendere. Novimus enim tunc, vitam superflitem in reliquo corpore moliri separationem gangrænosi corrupti à vivis partibus vicinis.

§. 389. **U**BI sic affecto (388) loco, compressio externa accidit, vel calor ingens humida dissipat, pars mortua instar arefacti corii durefcit, inferiora suffocat, & corrumpit.

In loco jam illo, quem gangræna occupat, nullus humorum motus est per vasa, sed

sed mera quies & stagnatio; unde fient hic tales mutationes, quales fierent in cadavere ab iisdem causis. Calor partium vivarum suppositarum & ambientium, si simul humiditas adsit, in putridum liquamen totum illud mortuum converteret; si autem externâ compressione, vel calore ingenti, dissilientur humidissima tunc pars mortua exsiccatur, indurefcit, & arefactum corium nigrum perfectè refert; sæpe tantæ tenacitatis, ut novacula vix discindi possit. Hoc autem inprimis in partibus externis, cute rectis observatur; in reliquis enim locis in tabum potius deliquescent gangrænosâ. Sic in herniâ in carceratâ mortui hominis, antea sanissimi, intestina vidi in putridam pulvem conversâ fuisse bidui spatii, quo morbus duraverat. Ubi autem in morbis acutis à decubitu circa os sacrum & coccygis gangræna nascitur, macula nigerrima arida & exsueca in loco affecto apparet. Quàm subito autem à sola compressione externa etiam in sanissimo homine non tantùm gangræna nascitur, verùm etiam cutis nigrescat & corii instar induretur, didici sequenti casu. Dum vastæ molis lignum parant fabri lignarii, ut inde molendini axis construeretur, illudque circumvertunt, accidit trilli infortunio, ut elevata vectibus hæc moles, proprio pondere circumrotata, in proximam fossulam abriperet binos homines; quorum unus tanto pondere suffocabatur miserrimè; alter tibiz sinistræ spinæ incumbentem molem sustinere debuit ultra dimidium horæ, antequam tolli potuerit. Bonâ fortunâ fossulæ fundus limo molissimo copioso tangebatur, unde minùs nocuit tanti ponderis pressio; & homo ille non multùm mali inde passus fuit, sed lætus se domum recepit, pedibus ultra quadrantem horæ sine incommodo incedens. Sequenti die vocatus inveni tunc in cruris parte anteriori, ubi tibiz ossis tanta superficies solis ferè integumentis tegitur, maculas nigras majores minorésque, quæ sugillationis à contusione factæ speciem referebant; sed probè examinatis his apparuit cutim in illis locis mortuam & nigerimam instar corii induruisse. Scabra enim ligni incumbentis superficies quædam loca sic presserat, ut cutis, intra durum os suppositum & massam incumbentem posita, omni vitali influxu & effluxu humorum privaretur; & postea, suppuratione in omni ambitu harum macularum natâ, totum illud mortuum excidit. Sic pulchre vidi, quid sola compressio facere possit, & quare in morbis loca, quibus in lecto totum ferè corporis pondus sustinetur, tam subito aliquando gangrænâ corripiantur. Ubi autem durum tale coriaceum tegmen vivis partibus suppositis appressum hæret, illæ inflammabuntur, adeoque tumentes, si non possunt elevare hoc operculum & separare à vivis partibus, quibus cohæret, comprimuntur similiter, & profundius serpet idem malum.

§. 390. **F**RIDIDA actu vel potentiâ, adstringentia, coagulantia, repellentia, pinguis acria, emplastica, narcotica, ligaturæ fortes, compressio externa, hanc mutationem inflammationis in gangrænâ (388) citò promovent.

Recententur hæc paragrapho talia de quibus constat, quòd, si loco inflammato applicentur, satis subito ex inflammatione gangrænâ faciant.

**FRIGIDA ACTU VEL POTENTIA.** Inter illa, quæ in inflammationem disponebant, ut in gangrænâ tenderet, numerabantur §. 388, obstructio

Tom. I.

H b b h

magna, & vasorum rigiditas. Sed frigoris effectus sunt, solidorum major contractio & robur, fluidorum verò aucta immedietas. Summum ideo frigus, constringendo vasa, & coagulando humores, omnem humorum circuitum impedit; unde subita partis mors ab acerrimo gelu fit. Ubi autem vis vitæ hæc obstracula superare vallet in parte quadam corporis frigefacta, tunc ingens calor nascitur ab attritu fluidi densati per vasa angustiora reddita. Experiuntur hoc illi, qui nive manus fricant: post molestum enim frigus satis acris calor percipitur. Unde patet, frigida, loco inflammato applicata nocere, vel quatenus morum, integre suffocant; vel quatenus postea calorem, qui jam nimius adest, augment. Aliquando tamen frigida applicata prodesse possent; si per errorem loci humores crassiores, minora vasa ingressi, contractis frigore vasis retropellerentur in majores ramos; præcipue si vitium illud in tenuioribus fluidis hæreret. Sanguinis enim rubra pars statim coagulatur in aqua frigida, serum & tenuior lymphæ non. Sed facillè patet, nihil boni expectari posse à frigidis applicatis, nisi recens morbus, & mitis simul fuerit. Si enim obstruens inflammatorium in vasorum minimis angustis impactum penitus immobile hæreat, augebitur potius malum. Hæc autem perfectè quadrant Veterum doctrinæ. Sic Hippocrates, postquam binis in locis (a) frigidum inter alia mala, etiam nigredines (μυλασμοί) facere monuerat, paulò post frigidis utilitates recensens dicit, illud prodesse si (b) inflammationes aut desagraciones ad rubrum & suberuentium colorem, ex recenti sanguine vergunt... inveteratas enim denigrat. Erysipelas etiam non ulceratum juvat, exulceratum siquidem lædit. Et Galenus, licet frigidorum usum in phlegmone commendat, pulchras tamen cautelas addit, dicens (c) Magisque proficere ad incipientes phlegmonas frigidis, adstringentibusque, quàm discutiuntibus, est utendum: atque etiamnum magis, ubi crassum, quod confluit, non est. Sed si sanguis in parte quàm phlegmoneprehendit, vehementer est impactus, (σφοδρὰς ἐμφύσις γινώσκων) non est ampliùs repercutiuntibus utendum, sed tum discutere est tempestivum. Non potuisset certè meliùs dixisse, si ex circulatione sanguinis cognita inflammationis naturam cognovisset. Et alio in loco de erysipelatis cura agens monet, quòd hoc ampliorem quidem refrigerationem requirat, quàm phlegmone; & dein addit, (d) Esto autem refrigerationis terminus ipsa coloris mutatio. Etenim quod purum erysipelas, statim cum hac quiescit: quod non purum est, sed jam quodammodo phlegmonodes, si plusculum refrigeres, lividam cutim præfert. Si ne sic quidem quis desistat, nigricat, potissimum in senili corpore; ut quadam ita refrigeratione ne discutiuntibus quidem medicamentis ad perfectionem sanentur, sed relinquatur scirrhusus quidam tumor in parte. Ex quibus satis patet, quàm anceps sit frigidorum ad inflammationes sanandas usus, cum inde tam facillè in peiores morbos degenerent, nisi ipso initio adhibeantur; vel in illis casibus, ubi non à sanguine rubro, sed à tenuioribus humoribus, aliena vasa ingressis, morbus oritur: uti v. gr. in erysipellate, œdemate calido, & similibus malis.

Frigida autem potentia videntur illa, quæ applicata corpori sano calorem tollunt vel minuunt, licet ipsa actu calida fuerint; vel saltem non multum frigidiora quàm est pars ipsa corporis, cui applicantur. Sunt ergo talia, quæ causas ca-

(a) Aphor. Sect. V. 2. no. xvii & xx. Character. Tom. IX. part. II. pag. 204. 05.

(b) Ibid. no. xiiii. pag. 208.

(c) Method. Med. Lib. XIII. cap. vi. Character. Tom. X. pag. 101.

(d) Ibid. Lib. XIV. cap. lxi. pag. 220.

loris in parte minuunt vel tollunt integre. Sed calor à motu fluidorum per vasa nascitur, hoc minuto decrescit; aucto verò increscit: patet ergo, quòd frigida potentia dicantur illa, quæ circulationis velocitatem & robur tollunt vel minuunt. Sic v. gr; aqua calida, parti applicata, laxando vasa, & diluendo moleculas obstruentes nimium calorem in loco inflammato tollere poterit; unde frigida dicetur potentia, licet actu calida fuerit. Facile autem patet, hæc & similia raro nocere inflammationibus; uti patebit in curatione inflammationis: non enim tollunt hæc motum humorum per vasa, sed remotis obstaculis circulationis æquilibrationem restitunt. Illa autem nocerent quàm maximè, quæ vitam suffocando in parte frigus inducerent, ut de quibusdam venis legitur. Sic cicutâ epotâ Socrates sensit frigescere crura, & hoc frigore supra pubem ascendente, placidè exspiravit.

**ADSTRINGENTIA, COAGULANTIA.** Per illa enim vasorum minuitur amplitudo, & fluida redduntur immedabilia: conspiciant ergo hæc, ut obstructionis causas augeant, adeoque liberum motum humorum per vasa tollunt: hoc verò motu omnino sublato in parte, gangræna adest.

**REPELLENTIA.** Locus inflammatus, ob rationes dictas §. 282. n°. 1. 2, tumet, & sæpe satis validè: unde concluderunt veteres Medici, aggestam hic esse materiam, quæ antè non adfuerat, adeoque aliunde advenisse. Hanc autem accumulationem, cum sæpe satis citò viderent fieri, per fluxionem nasci credebant. Ideo partem curæ ponebant in repulso illius, quod influxerat; inprimis in initio morbi, uti paulò antè in eadem hac paragrapho ex Galeno probatum fuit. Talem repulsam sanguinis à finibus arteriarum basim versus possibilem esse, certissimis constat Observatis. Sanissimus homo subito percussatur metu, statim pallor faciei & labiorum docent, sanguinem rubrum retrocessisse versus cor & maiora vasa; unde & cordis palpitatio, & anxietas mox hunc pallorem sequuntur. Idem etiam in animi deliquio manifestò patet. Hoc autem repulso moleculæ sanguinis, quæ errore loci ingressæ fuerant minora vasa, possent iterum retropelli in latiora; sicque solveretur obstructio. Quousque autem hæc prodesse possint, dictum fuit paulò antè, quando de frigidorum applicatione ad loca inflammata agebatur. Cum autem illa omnia quæ externè applicari possent hac spe, ut talem retropulsam efficiant, agant tantum vasorum contractione auctâ, patet faciliè, periculosum esse horum usum, nisi in initio inflammationis ab errore loci factæ; simulque ab his augeri malum, nisi statim profuerint.

**PINGUIA ACRIA, EMPLASTICA.** Videantur de his illa, quæ dicta sunt in *Commentariis* §. 376. Cum enim hæc inflammationi producendæ apta sint, natam jam ab aliis causis augebunt procul dubio, inprimis si emplastica tenacitate loco affecto adhæserint: tunc enim & magis imperforabilem reddent locum affectum, & acce hinc mistum loco affixum manebit diu.

**NARCOTICIS.** Fortè ex sua natura non sunt adeo damnoſa, inprimis si prudenti usu adhibeantur. Sed cum hæc omnia doloris sensum obtundant, manente ejus causâ; hinc sæpe inflammatio augetur omni momento, & sine ullo doloris sensu destructis vasis, gangræna sequitur. Acerrimus autem dolor, calor, pulsus & reliqua symptomata satis monuissent & ægrum, & illos, qui ejus curam gerunt, pessima quævis metuenda esse in tali casu, nisi hæc narcotica exhibita pacavissent doloris sensum: unde tunc sæpe negliguntur efficacissima auxilia, quæ hunc inflammationis in gangrænam exitum impediissent.

H h h h ij

**LIGATURÆ FORTES.** Quomodo inde gangræna nascatur, dictum fuit in *Commentariis* §. 355. Facile autem patet, si inflammatus jam locus forti ligaturâ stringatur, longè citiùs expectandum esse idem malum.

**COMPRESSIO EXTERNA.** De hac dictum fuit in paragrapho præcedenti.

§. 391. **TUMQUE** in sphacelum augeat.

Demonstratum fuit in *Commentariis* §. 394, veram phlegmonem omnium frequentissimè in tunica cellulosa sedem suam habere, illamque immanem in molem aliquando distendi posse. Sic natâ inflammatione in dorso manûs, ubi tenerima tunica cellulosa est, tamen aliquando tumor oritur, binos pollices transversos & ampliùs sæpe crassitie æquans. Ubi ergo gangræna natam in hoc loco inflammationem sequitur, tota illa moles corrupta separari debet posse. Poteritque in tali casu scalpellum ad magnam profunditatem sine ullo sensu adigi, unde omnia supposita mortua esse crederentur. Accidit tamen sæpissime, tendines & musculos suppositos vitales manere; tuncque nondum est sphacelus: ille enim dicitur adesse, quando ad ossa usque omnia incumbentia mortua sunt; uti postea dicitur in *Commentariis* §. 425. Verùm ubi panniculus adiposus adeo distentus, jamque gangrænâ corruptus, interimque tenaci cute coarctatus, omnia subiecta premit; poterit & in illis vitalis humorum circuitus suffocari omnino, tuncque gangræna in sphacelum, id est, mortem perfectam partis; transit. Omnia ergo præcedenti paragrapho recensita, quæ inflammationem in gangrænam convertebant, poterunt gangrænam natam sic augere, ut fiat sphacelus.

§. 392. **SI** pars inflammata glandulosa, calor internus externusve magnus, materies impacta interior, crassior, emunctoria obstructa glandularum, folliculi verò harum & latera distenta, sit tumor durus, indolens glandula: vocatur *Scirrhus*; quartus finis alicujus inflammationis.

Ultimus jam sequitur inflammationis exitus: ubi nempe nec resolvitur inflammatio, nec separatur ramen à sanis partibus vicinis illud, quod vitali humorum motui secundum sanitatis leges peragendo ineptum redditum fuerat. Manet ergo illud morbosum sanis unum partibus sic, ut tandem indomabilem adeo indolentem acquirat, ut nullo ampliùs naturæ molimine, nullis hætenus cognitis in Arte auxiliis, solvi possit; sed ferro vel igne debeat tolli. In illis autem corporis locis, per quæ rapido motu pulsus sanguis omni momento transit, patet satis, non posse diu immutata manere infarcta immeabile materie vasa; continuâ enim hæc aëritatione vel separabitur omne illud, quod libero humorum per vasa motui resistit, per blandam suppurationem; vel gangrænâ aut sphacelo corruptetur brevi. Ubi verò talis est conditio loci affecti, ut sanguinis arteriosi impetus vel nihil omnino, vel saltem parum admodum, in illum agere possit; tunc metus est, ne materies impacta, liquidiori parte sensim distatâ immobilis ibi maneat, & tumorem durum indolentem constituat, qui *Scirrhus* vocatur. Omnium autem frequen-

tissimè ille exitus inflammationis observatur in partibus glandulosis. Emissariis enim harum glandularum obstructis, nihil poterit exire secreti per harum fabricam liquidi; quod morâ & stagnatione inspissatum illarum cava, vel intricatissimam vascularem compagem, replebit & distendet: cùmque humorum circulantium impetus directè agere non possit in materiam hanc impactam; hæc manebit, liquidissimâ parte spoliabitur, & scirrhus faciet. Evidens hujus rei Exemplum habetur in mammarum inflammatione. Lac enim, ex sanguine per arterias mammarias allato secretum, in ductibus galactophoris hærens, coagulari incipit; tenue serum per papillæ fistulas exsillat; residuum inspissatum ibi hæret extra circulationis quasi tetritorium; & tumorem talem durum indolentem, sedatâ inflammatione, sæpe totâ vitâ relinquit. Ob eandem causam toties scirrhus testiculorum inflammationem sequitur: si enim consideretur, patvam adeo arteriam spermaticam ex ipsius aortæ trunco natam, verâ anastomosi ramulis emissis, similibus vendis communicantibus, sanguinem rubrum tradere, deinde innumeris ramulis convolutis, & distinctim locatis testium substantiam constituere; patebit evidenter, sanguinis arteriosi impetum in loca obstructa hic ferè nullum esse: unde semel impacta materies hic adeo rebelles ad optima quævis remedia tumores sæpe facit. Inflammationem autem in locis glandulosis natam sequitur inprimis scirrhus, si ad fuerint sequentia.

**CALOR INTERNUS, EXTERNUSVE MAGNUS.** Solent frequenter mammarum inflammatarum curam puerperæ custodibus suis, vel & aliis sæpe delirantibus aniculis, committere: cùmque nihil plùs soleant metuere, quàm suppurationem, & suppurati loci lanceolâ Chirurgicâ pertusionem; omni molimine hanc prohibere conantur. Si autem mollissimis fomentis applicatis benignam resolutionem inflammationi tentarent perficere, minimè culpandæ forent: sed periculoso errore mammam inflammatam ardenti prunæ exponunt; vel linteis siccissimis & calidissimis sovent continuò; aut spiritum vini ferè servidum applicant; tali quidem sæpe cum effectu, ut nulla sequatur suppuratio, sed distatâ parte liquidissimâ, & residuo quàm maximè inspissato, indomabilis nascatur scirrhus: tuncque miseræ mulieres, dum levem puncturam acutissimæ lanceolæ adeo metuebant, postea sæpe crudelem, & satis aliquando periculosam, operationem sustinere debent. Idem etiam malum sequitur frequenter, si validissima febris inflammationem loci glandulosi comitetur, ob easdem causas.

**MATERIES IMPACTA INERTIOR, CRASSIOR.** Cùm lac tantam copiam crassi coaguli caseosi in se contineat, illudque morâ & stagnatione tam facillè separetur à parte serosa, quâ diluebatur; ideo in mammis omnium frequentissimi scirri observantur. Quando sanguinis fluidissimâ parte spoliati sæx, atram dictam bilem Veteribus consilirens, piceâ ferè suâ tenacitate infecit fluidorum massam, levissimæ etiam in locis glandulosis obstructions in scirrhos degenerant; uti dicitur postea in *Commentariis* §. 485.

**EMUNCTORIA OBSTRUCTA GLANDULARUM, &c.** Omne enim illud, quod ex arteriis allato sanguine glandularum fabricâ fecernitur, per harum emissoria debet effundi in determinatos usus. Si jam à quacumque causâ impediat liquidi secreti exitus, debebit illud accumulari, & distendere folliculum, quo continetur. Liquidissimâ autem parte secreti humoris dissipatâ vel resorptâ, residuum spissius factum ibi hærebit immeabile. Humor autem circulantium im-

H h h h iij

petus agere potest in vasa, quæ latera folliculi talis infarcti constituunt, minime in contentam hujus cavo materiam, uti facile patet: unde hæc manebit sæpe nullâ Arte re solvenda. Stagnatione autem, & liquidissimæ partis dissipatione, tenuissimos etiam in nostro corpore humores miris modis concresecere posse, certò novimus. Bilis in sua vesicula stagnans, obstructo ejus emissario, in calculos toties concrescit. Limpidissima urina solâ morâ duro calculo originem præbet: & postea patebit, ubi calculi Historia dabitur, tales concrectiones calculosas etiam in ventriculis cerebri, abdominis cavo, &c, repertas fuisse; quæ loca tamen tenuissimo tantùm rore, ex minimis arteriis exhalante, alluuntur. Interna narium superficies in homine sano, si bene emunctæ fuerint nares, tenui satis lymphâ mader; sed paucarum horarum spatio diffusâ parte tenuissimâ coriæ: jam concreverunt lemæ. Plura similia adduci possent, sed hæc sufficiunt, ut probetur tennes admodum humores in corpore humano pessimis concrectionibus originem dare posse.

§. 393. **CAUSA**, pars affecta, magnitudo, profunditas, velocitas, natura ægri, symptomata inflammationis, collata cum signis, effectibusque, prognosin absolvunt.

Enarrata jam fuerunt inflammationis præsentis signa & varii exitus. Sequitur jam prognosin, quæ determinat, quænam mala metuenda sint, quænam bona sperari possint. Ut autem cognoscatur, quò vergat inflammatio, an in benignam resolutionem; an verò in suppurationem, gangrænam, aut scirrhum, debent considerari sequentia.

**CAUSA.** Sic v. gr; contagium variolosum ita mutat sanissimi etiam hominis corpus, ut intra triduum tota externa cutis, imò & sæpe interna æsophagi, ventriculi, &c, superficies scateat pustulis inflammatoriis: sed nunquam hîc resolutio, expectari potest; semper suppuratio; vel in pessima specie vera gangræna sequitur. A contagio verò morbilloso cutis externa inflammatur quidem, nunquam tamen suppuratio sequitur, sed desquamata epidermide solvitur malum. Observaverunt omnes Auctores, qui peste correptos homines tractaverunt, in variis corporis locis oriri inflammationes aliquando tam sævas, ut paucis horis pars inflammata in carbonem exuratur, qui postea, suppuratione in toto ambitu natâ, à partibus sanis separabatur, & excidit. Apparet ergo diversissimos esse inflammationis exitus pro varietate causarum, ex quibus oritur.

**PARS AFFECTA.** Prout nempe magis minùsve ad vitam & sanitatem necessaria est. In manu v. gr; tumor inflammatorius satis magnus etiam facillè fertur; sed si circa glottidis rimam inflammatione tumeat membrana has partes investiens, exiguo etiam tumore suffocabitur æger. Si in manu vel pede phlegmone in gangrænam transeat, separari poterit hîc mortuum illud à vivo; sed si in cerebro tale malum contigerit, patet facillè, vix ullam spem superesse. Sed non tantùm majus minùsve discrimen à varietate partis affectæ pendet, verùm etiam longè diversus inflammationis exitus erit ob eandem causam. In locis glandulosis scirrhus metus est; in illis verò corporis partibus, ubi maxima pinguedinis copia locatur, inflammatio sæpissime in suppurationes & fistulas difficiles transit, uti circa anum, &c,



**MAGNITUDO.** Quò enim majorem locum corporis occupat phlegmone, eò plura vasa sunt obstructa, eò major quantitas immeabilis liquidi in vasis infectis hæret; simulque tantò major est celeritas circulationis per vasa reliqua libera, ut dictum fuit in *Commentariis* §. 382. n<sup>o</sup>. 8. Sed hæc omnia repugnant illis conditionibus, quæ requiruntur ad resolutionem inflammationis (vide §. 386.); unde in tali casu semper suppuratio, vel gangræna expectanda sunt.

**PROFUNDITAS.** Demonstratum fuit in *Commentariis* §. 374, omnes ferè partes corporis inflammatione posse corripì; nusquam tamen frequentius & tenacius illam nasci, quàm in tunica pinguedinosa. Profunda hinc inflammatio vel hærebit in tunica hac, vel in aliis partibus. Si in pinguedine hæreat, quæ inter musculorum interstitia se insinuans satè profundè decurrit, remedium externè applicatorum efficacia vix eò usque penetrare poterit: & suppuratio, vel gangræna talem inflammationem sequens, difficillimè poterit depurari. Si verbò tendines, musculos, vasa, membranas, periosteum, ossa ipsa occupaverit inflammatio; patet ob easdem causas curæ difficultas. Quanta autem mala fieri possint, si viscera ipsa inflammata fuerint, dicitur, postea, quando de morbis acutis inflammatoriis agetur.

**VELOCITAS.** Dum liquida immeabilia hærent in vasis obstructis, à vita superflite pulsum fluidum in hæc loca facit effectus quosdam, qui sunt signa inflammationis recensita §. 382. Si autem hæc increfant velocissimè, si rubor, tumor, calor, dolor, &c. augeantur omni momento; facilè prævidemus, brevè rumpenda esse tenerima vascula, & nullo modo expectandam esse resolutionem; sed gangrænam brevè adfuturam. Ideo §. 386, motus humorum sedatus numerabatur inter illa, quæ requirebantur ad resolutionem inflammationis; & contra citatus humorum motus suppurationem, vel & gangrænam futuram, designabat.

**NATURA** ægri. Unicuique homini sua privata sanitas est; & licèt solidorum & fluidorum dotes omnino variz videantur in duobus hominibus, tamen sæpe ambo integrè sanitate fruuntur; sic tamen ut unus in hos, alter in alios morbos, magis pronus vivat. Duris laboribus fractus rusticus si pleuritis decumbat, vix emerget. Densissimus enim sanguis & vasa rigida nullam ferè spem benignæ resolutionis relinquunt. In laxis autem & debilibus corporibus tales morbi longè faciliùs curantur. Sed & morboſa temperies inflammatione laborantium varium morbi faciet exitum. Sic mucosi & frigidi homines rarè inflammationibus laborant, & tantùm ferè levissimis: si autem putridus scorbutus humores infecerit, minima inflammaticula, vel leve etiam vulnusculum, in difficillimum ulcus, vel & gangrænam, sæpe transit.

**SYMPTOMATA**, &c. De his dictum fuit §. 382, & sequentibus. Ex illis autem omnibus rite consideratis facilè prævidetur, quem exitum habitura sit inflammatio; sicque prognosis absolvitur.

§. 394. **PERSPICUUM** quoque pro vario statu mali varias esse curaturo indicationes.

Sequitur jam, ut ex omnibus antè dictis eliciantur indicationes curatoriz, per quas determinatur, quomodo tolli debeat cognitum malum. Nihil autem magis damnosum in Arte est, quàm morbo quidam generalem curam adscribere, nullà ratione habità varii ejusdem morbi statûs. Sic eodem nomine pleuritis, diversi

certe vocantur morbi; qui in sua origine similes quamvis fuerint, tamen sæpe in decursu omnino variant, & diversissimam medelam requirunt. Longè enim alia curatio requiritur, dum pleuritis incipit, quàm ubi jam per aliquot dies duravit, & manifesta signa incipientis suppurationis adsunt. Non potest ergo generalis cura inflammationis dari, sed requiritur diversa, prout in huc illumve exitum tendit. Verum quidem est, resolutionem inflammati in curatione tentandam semper esse, si ullo modo possibilis videatur; tamen, si v. gr; gangrænæ indicia jam appareant, sola separatio corrupti per suppurationem in ambitu mortui natam superest, & omnis curatio ad illam promovendam dirigitur: cùm omni Artis molimine caveatur suppurato, quamdiu resolutionis spes est; inprimis si interna corporis inflammatio occupaverit. Quatuor ergo illi modi, quibus terminatur inflammatio, seorsim considerandi sunt, & singulorum curatio describenda erit. Primb ergo dicetur de cura inflammationis, quæ resolvendo fit; quando nempe reducto fluore concreti & motu stagnantis, solvitur inflammatio.

§. 395. **SI** enim aliqua causarum (375. 376. 377. 378. 379.) in parte quacumque (372. 373. 374. 379.) inflammationem (371) produxit, ut adsint symptomata (383. 384.) & conditiones primæ (386); oriuntur hæ indicationes,

1. Impedite ulteriorem vasculorum læsionem.
2. Eam, quæ jam facta, tollere.
3. Materiæ obstruenti fluiditatem, lenitatemque conciliare, conservare.
4. Vel, si id obtineri non potest, retropulsam in vasa majora agere.

Cùm hæc postea tantum usum habebunt in curatione pleurididis, peripneumonix; anginæ & similibus morborum; hinc singula accuratè consideranda erunt.

Exactissimè jam determinatur in textu morbi conditio, cujus sanatio mox describetur. A quacumque enim causa nata fuerit inflammatio, quamcumque etiam partem corporis, internam vel externam, occupaverit; modò recens fuerit morbus, & adsint illa, quæ §. 386, enumerantur, tentari poterit resolutio; quæ obtinebitur, si fieri possint illa, quæ sequentibus quatuor numeris continentur.

I. Ad inflammationis resolutionem requirebatur concreti obstruentis reductio in fluiditatem, & stagnantis liquidi motus, uti dictum fuit §. 386 Sed, nisi conserveatur integritas vasorum, liquida effusa vasis fractis stagnabunt necessarib. In omni autem inflammatione tumor à vasis distentis, & dolor à distractione fibrarum rupturæ jam proximæ, satis testantur jam jam rumpenda esse vasa, si eadem causæ pergant agere: sed vasorum continuitate solutâ, sequitur suppuratio; vel, si subitò hæc fiat, gangræna. Patet ergo, requiri ad resolutionem inflammationis, ut caveatur ulterior vasculorum læsio.

2. Quamdiu adhuc integra sunt vasa inflammata, illorum læsio consistit in nimia dilatazione, distractis lateribus à liquido vitali impulso in locum obstructum. Si ergo tollatur nimia hæc vasorum extensio, satisfcit huic indicationi.

Binæ autem hæ indicationes curatoriæ solida respiciunt; quæ sequuntur, ad fluida pertinent.

3. Hæret

3. Hæret in vasis obstructis concretum immeabile fluidum; cùmque inflammatio tantum in arteriis locum habere possit (vide §. 371.), impetus liquidi à tergo urgentis versus majores angustias semper pellet illud obstruens: requiritur ergo, ut attenuetur eò usque, ut per ultimas angustias vasis obstructi transpiri possit. Non sufficit tamen sola attenuatio concreti liquidi, nisi simul blanda nostrorum humorum indoles conservetur; natà enim putredine, concretus sanguis solvitur quidem, sed simul magnam acquirit acrimoniam. Sed acre sanguini mistum, rapido pulsus motu per tenerissima hæc vascula, nimia distensione prægressà jam debilitata, brevi illa destruet; unde tunc gangræna loco benignæ resolutionis sequeretur: demonstratum enim fuit in *Commentariis* §. 388, acrimoniam humorum facere, ut inflammatio citissimè in gangrænâ tendat. Patet ergo, quòd concreti solutionem lenitas semper comitari debeat.

4. Aliquando accidit, vasorum initia dilatata crassas adeo moleculas ingredi, ut vix sperari possit, illas eò usque posse attenuari, ut per ultimas illorum angustias libere fluere possint. Sic sanguis ruber in pessimis ophthalmiis ipsa pellucidæ cornæ vascula ingreditur, quæ longè adhuc tenuiora sunt, quàm adnatæ vascula; hæc tamen suâ angustia omne coloratum fluidum excludunt naturaliter. Licet ergo sanguis ruber hic hærens immeabilis solveretur in serum, illudque iterum in lympham sero tenuitate proximam, tamen non posset per ultimos fines tenuissimorum horum vasorum transire. Unicum tunc superest ut resolutio fieri possit, nempe retro pulsus obstruentis moleculæ ex angustiiis, quibus impacta hæret, versus latiorē vasis locum, & inde in majora vasa, ut sic torrente sanguinis abrepta, motu & attritu ad vasa & vicinas moleculas, solvatur.

## §. 396. LÆSIO ulterior impeditur.

1. Causas (375. 376. 377. 378. 379.) notas tollendo; corrigendo:

In morbis curandis totum, quod Ars facere potest, est, ut restituatur sanitas: sed illæ causæ, numeris hic citatis recensitæ, sunt tales, ut sanissimò etiam corpori applicatæ inflammationem facere possint: frustra ergo sunt omnia molimina, nisi possint tolli causæ. Sic dum à decubitu diuturno inflammatio circa os sacrum, & coccygis oritur, si non possit caveri partis hujus compressio à pondere corporis incumbentis, non poterit impediri inflammationis in gangrænâ transitus. Idem in reliquis inflammationis causis verum esse faciliè patet.

2. Impetum arteriosum sanguinis minuendo, per eductionem sanguinis; purgationem alvi.

Bina concurrebant in definitione inflammationis explicata §. 371, sanguinis nempe arteriosi in minimis canalibus stagnatio, cum pressione & attritu à motu sanguinis, per febrem fortius acti in hunc locum obstructum. Sed sanguis immeabilis hærens in his canalibus obstructionem quidem facit, sed nulla cæteroquin inde fieret læsio vasis obstructi, nisi impetus arteriosus sanguinis à tergo urgeret. Præcipuum ergo, quod requiritur, ut læsio ulterior vasorum inflammatorum caveatur,

Tom. I.

Iiii

erit, sic minuere illum impetum, ut nec rumpi, nec magis distendi vasa possint ab hac causa. Integre tolli non potest arteriosi sanguinis motus per partem vitæ superslitem; poterit tamen tam pacatus reddi, ut non ampliùs nocere possit. Hoc autem obtinebitur per.

**EDUCTIONEM SANGUINIS.** Dictum fuit §. 381, vitam superslitem, ubi illa stagnatio adest, producere effectus quosdam, qui simul erant signa inflammationis. Horum autem numero & magnitudine mensuratur inflammationis malignitas, & prævidentur varii ejus exitus. Ubi ergo à quacumque causa debilitatur vita, & minùs actiuosa redditur; minuentur illi effectus necessarij, qui à vitali motu humorum in loca obstructa irruentium pendebant. Possumus jam per sanguinis missionem pro lubitu minuere motum sanguinis per vasa ad mortem usque, id est, quietem perfectam; ergo & pro vario gradu hujus evacuationis plus minusve reprimere circulationis impetum. *Helmontius*, & post illum alij proscripserunt sanguinis hanc iacturam, tanquam inutilem & damnosam in curatione morborum inflammatoriorum: credebant enim, pleuritidem v. gr; nasci, dum acidum hostile intercostalibus locis instar spinæ infixum hæreret (a), hinc clamabant, frustra mitti sanguinem, sed evellendam esse hanc spinam pleuriticam; (b) *eruentum Moloh cathedris præsidere Medicis*; specificis remedijs debere debellari hunc morbum; non verò enervandas esse vires per venæsectionem, &c. Sed ex antecedentibus patuit, spinam illam pleuriticam esse sanguinem immeabilem in vasis arteriosis hærentem; liquidum autem, à tergo pulsus in loca hæc obstructa urgere hanc spinam, & distractione fibrarum dolorem illum producere. Verum quidem est, perfectissimam curationem fore, si posset illico solvi, & in fluorem reduci immeabilis ibi hærens sanguis. Sed an hoc efficere potuit *Helmontius* suis specificis? Jactavit quidem hirci resectis testibus manantem cruorem, si exsiccatus tereretur in pollinem; cervi priapum; papaveris sylvestris flores, &c. Sed si quis legat illa, quæ in fine hujus capituli habet de proprio morbo, patebit satis, jactata hæc remedia parum profuisse. Cum ergo hæcenus nullâ fide constet, dari talia remedia, quæ specifica suâ vi externè applicata, vel intus assumpta, solvere possint tam subitò stagnantem hunc & immeabilem sanguinem; nihil melius potest fieri, quàm ut impediatur ulterior hujus obstructis protrusio in majores adhuc angustias vasorum convergentium; ejusdemque caveatur major compactio & consolidatio. Bina autem hæc obtineri possunt, minuto impetu sanguinis arteriosi; quod satis commodè & tutè per venæsectionem fieri potest, uti etiam per,

**PURGATIONEM A L V I.** Hæc enim post sanguinis missionem remedium dat efficacissimum ad sedandum nimium impetum. In *Materia Medica* ad hunc numerum habentur talia purgantia, quæ sine aucto motu hunc effectum præstant, simulque humores nostros solvunt. *Sydenhamus*, postquam triginta annos Praxi Medicæ impenderat, sollicitè naturæ decursus in morbis observans, in schedula monitoria de novæ febris ingressu, quam sub vitæ finem edidit, illam methodum commendat. Agebat de inflammatoria febre, cum subita determinatione materiæ morbi cerebrum versus. Post venæsectionem præmissam haustum purgantem ex tamarindis, rheo, senæ foliis, manâ, &c, dabat; vesperi leni parcgorico sedabat

(a) *Helmont, Capit. Pleura furens n.º.* (b) *Ibid. n.º. xxxiv. pag. 322.*  
XIII. pag. 319.

turbas à purgante hoc, quamvis leni, excitatas. Alternis diebus ad tertiam vicem usque tali purgante utebatur: hæcque methodo feliciter sanabatur morbus, ex sua natura satis periculosus. Monet tamen sollicitè, purgantia hæc nocuisse, nisi præmissa fuerat venæsectio.

Facile autem patet, non in qualibet inflammatione requiri omnia hæc Artis molimina; sed tantum in tali casu, quando partis affectæ integritas ad vitam vel sanitatem quàm maximè requisita non patitur alios inflammationis exitus; vel etiam, quando in tali corporis loco inflammatio hæret, ut suppuratione factâ non possit commodè pus educi; unde postea pessima quævis mala expectanda forent.

### 3. Copiam liquorum minuendo per eadem.

Dictum fuit in *Commentariis* §. 378, frequentissimam inflammationis causam esse nimiam dilatationem vasorum lymphaticorum, arteriosorum, per quam admittunt crassiores sanguinis partes, quàm ut per ultimos illorum fines possint transire. In *Commentariis* verò §. 106. lit. *δ*, & §. 118, demonstratum fuit, plethoram esse inter illas causas, per quas vasorum initia dilatantur. Cum ergo venæsectio, & purgatio alvi, copiam liquorum minuant, proderunt & hoc respectu. Præterea diminutâ liquidorum copiâ, minor fit pressio & compactio elementorum sanguinis ad se mutuo, à qua pressione inflammatoria sanguinis densitas sæpissime oritur. Si enim sanguis, corde pulsus, in vacuas arterias rueret, nulla foret resistentia; adeoque nulla fieret compressio: ubi autem cor sanguinem exprimit in arterias plenas, debent vel arteriæ dilatari, vel sanguis, harum cavo contentus, comprimi. Quò autem magis repletæ sunt arteriæ, eò magis resistunt suæ dilatationi; adeoque debet fieri sanguinis condensatio. Merito igitur ob hanc causam §. 106. lit. *δ*, inter plethoræ effectus inflammatio numerabatur, adeoque imminutio copię liquidi, per vasa fluentis, sic disponet corpus, ut à diathesi inflammatoria quàm maximè alienum sit; potiùsq; in oppositum malum vergat, hydropem nempe, qui validas liquidorum evacuationes solet sequi.

### 4. Revellendo impetum sanguinis in partes alias, suctu, frictu, epispasticis, vesicantibus, fomentis, balneis, fonticulis, setaceis; fori alvi subductione.

Hoc artificio sapiens antiquitas usa fuit semper, ut ex Veterum monumentis apparet. *Hippocrates* de angina agens dicit, (a) *Sic affectis à venis quæ in brachiis sunt, sanguis detrahendus est; simulque alvus subducenda; ut, quod morbum exhibet, id avellatur.* Sic & *Galenus* de capitis dolore curando agens laudat revulsionem in totum corpus (b) *acribus clysteribus, & vinculis, ac multis infernarum partium frictionibus; sanguinis etiam nonnihil, si ita necessitas urget, detrahendo. Parti autem medemur, interim dum in corpus totum revellimus, ea capiti inspergentes, quæ repellendi vim obtinent.* Plura similia loca apud eosdem Auctores

(a) Lib. de Loc. in Hom. Cap. xi. Charter. Tom. VII. pag. 370.

(b) Method. Medend. ad Glaucon. Lib. I. Cap. xvi. Charter. Tom. X. pag. 364.

occurrunt; quibus constat, quòd in plurimis morbis magnam spem curæ in revulsionibus his posuerint. *Helmontius*, in veteres Medicos ubique fere debaccharus, risit has revulsionum nugas: & post *Harvæum* plurimi spreverunt hæc auxilia, tamquam penitus inutilia, & sanguinis circulationi cognitæ repugnantia. Ratione tamen & Experimentis confirmatur revulsionum in morbis utilitas: simulac enim minuitur, vel tollitur integre, resistentia sanguini per vasa propulso in quodam corporis loco, illico majori velocitate huc ruit & derivatur. Discissâ sic mediocris etiam magnitudinis arteriâ, omnis sanguis per hunc locum, jam non resistentem, effluit. Dum excusso fortè liberantur abdominalia vasa & viscera tantâ pressione, nisi circumductâ fasciâ pendulæ & flaccidæ fulciantur partes, sæpe tanto cum impetu versus hæc loca derivatur omnis sanguis, ut deficiat debita pressio in cerebri & cerebelli vasis, & lethali syncope pereat puerpera. Idem fit in asciticis, dum subito paracentesi instituta omnis aqua educitur, nisi stringatur abdomen. Patet ergo, minuatâ resistentiâ in quodam corporis loco, sanguinem majori impetu & copiâ eò versus derivari. Sanguini autem corde propulso per vasa resistent illorum plenitudo, & laterum firmitas, quâ renitentur suæ dilatationi. Omnia ergo, quæ vasa partis cuiusdam corporis deplent, vel efficiunt ut illorum latera facilius cedere possint distendenti sanguini, derivant impetum & copiam humorum in hanc partem. Si jam v. gr; consideretur, sanguinem, corde pulsum, partim versus caput & superiora trunci corporis, partim versus inferiora distribui; patebit, depletis vasis inferioribus, vel minuatâ horum resistentiâ, impetum & copiam sanguinis huc versus derivari, & averri à superioribus. Possibilis ergo est revulsio impetû sanguinis arteriosis à loco inflammato ad alium quemvis; inprimis si ille locus, versus quem revulsio fit, ab iisdem truncis majoribus arteriosis sanguinem suum accipiat. Sic in morbis inflammatoriis encephali exteriorem partem capitis fovant Medici, ut, per carotidis externæ ramos aucto impetu sanguinis, minor pressio urgeat capitis interiora. Dum fracti ossis callus luxuriabat, dixit *Celsus* ( vide *Commentaria* §. 357. ), quòd conferat (a) *aliquid de sinapi cum sicu in alterum pariter membrum impositum, donec id paululum erodat, eoque evocet materiam*. Omnia autem revelentia vel laxant vasa, vel illa evacuant, frictione, aut stimulantibus, excitatâ frequentiori vasorum contractione in parte, versus quam revulsio fieri debet. Revulsio autem inprimis fit sequentibus.

**SUCTU.** Quod omnium optimè per cucurbitulas fit; per quas in illo loco; cui applicantur, tollitur atmosphæræ pressio, vel saltem insigniter minuitur; educto aere per antliam, aut suctionem; aut admodum rarefacto per linum accensum cucurbitulæ cavo contentum. Simulac jam in hoc loco minuitur æquabilis pressio aeris in corporis superficiem, vasa omnia plus distenduntur; tumet, & rubescit pars; & si diu maneant applicatæ cucurbitulæ, verâ inflammatio, imò & gangræna, nasci poterunt. Incantamenti instar dolores sedari, revulsione factâ per cucurbitulas applicatas, jam notaverat (b) *Galenus*. Ad menstrua cohibenda cucurbitulam quàm maximam mammis apponi iussit (c) *Hippocrates*. Difficillimas ophthalmias, vix ullis remediis cedentes, solis cucurbitulis nuchæ appofitis

(a) *Medicin. Lib. VIII. Cap. x. in fine.*  
pag. 541.

*Charter. Tom. X. pag. 191.*

(c) *Aphor. Sect. V. no. 1. Charter. Tom.*

(b) *Method. Med. Lib. XII. Cap. ultimo, IX. Part. II. pag. 224.*

sanatas fuisse, vidi sæpius. Quanto in usu apud Ægyptios in similibus morbis fuerint, videri potest apud *Prosperum Alpinum* (a).

**FRICTU.** Venæ inprimis, utpote facilius comprimendæ, deplentur frictione; hinc arteriæ, his venis respondentes, facilius se in venas depletas evacuant: minuitur ergo resistentia sanguini in has arterias fluxuro; adeoque majori impetu & copia huc derivatur, uti patet ex modò dictis. Ob hanc causam potest pars quæcumque corporis solâ frictione calere, rubere & inflammari: & si continueretur frictio, calor & motus augmentum toti corpori communicantur. Hinc in acutis morbis longam frictionem damnavit *Celsus*; (b) *Longâ verò frictione vii, neque in acutis morbis, neque increscentibus convenit; præterquam cum phreneticis somnus eâ quaeritur.*

Et paulò post frictionum usum ad revulsionem faciendam memorat, dicens, (c) *Nam & capitis longos dolores ipsius frictio levat; non in impetu tamen doloris: & membrum aliquod resolutum ipsius frictione confirmatur. Longè tamen sæpius aliud perfricandum est, cum aliud dolet: maximèque cum à summis, aut à mediis partibus corporis evocare materiam volumus: ideòque extremas partes perfricamus.*

**EPISPASTICIS.** Sic dicuntur hæc remedia ab attrahendo, quia versus partem, cui applicantur, copiam & impetum humorum deducunt. Licet jam omnia quæ vasa in parte quadam corporis laxant & debilitant, attrahentia dici possint; quia vasis laxatis facilius humorum datur ingressus; tamen plerumque hoc nomine solent vocari talia, quæ acri stimulo vasa partis, cui applicantur, irritant in frequentiores & fortiores contractiones, id est, humorum vitalium per vasa motum accelerant. Varia jam hæc attrahentia acceperunt nomina, pro majori vel minori eorumdem acrimonia. Quæ levem tantum ruborem excitabant in parte, cui applicantur, phænigmi dicebantur; si major rubor, calor, pruritus, & tumor sequerentur, solebant vocari sinapismi; quia tritis seminibus sinapi parti cuidam corporis applicatis, omnia hæc phænomena sequuntur: si acriora adhuc epidermidem in vesicas attollerent, vesicatoria, vel vesicantia, dicebantur; si igneâ vi urerent partes, caustica appellabantur. Omnia hæc veram inflammationem excitant in locis, quibus applicantur, illamque augere possunt, si acerrima fuerint, in gangrænâ usque. Quantam autem hæc omnia efficaciam habeant ad revellendum impetum sanguinis versus alias partes, quotidiana docent *Observata Practica*. Si acutâ phrenitide laborantis pedes involvantur pasta panis cum seminibus sinapi tritis, rasurâ raphani rusticani, aut similibus; sæpe intra paucas horas, dolore & inflammatione hic ortis, levatur morbus, & resipiscere incipit æger. Quando natura molitur ex universali humorum massa secernere nocitura, & deponere ad quædam corporis loca, solent Medici, epispasticis applicatis, vagam hæc materiam determinare versus tales partes, ubi minimè nocebit: & sæpe pulcherrimo cum successu. Sic in variolis, dum à primò morbi insultu crura & pedes fovebantur mollissimis decoctis, & applicabantur hæc epispastica pedum plantis, sæpius vidi, densissimo agmine variolas inferiora corporis occupasse; in facie autem, & artubus superioribus, paucissimas tantum erupisse. Ex quibus satis patet attrahentium utilitas.

**VESICANTIBUS.** Hæc, uti modò dictum est, sunt fortiora adhuc epi-

(a) De Medicina Ægypt. Lib. II. Cap. xiv. pag. 141, & sequ. | (b) Medicin. Lib. II. Cap. xiv. pag. 89.

(c) Ibid. pag. 89. 90.

spasticis; & parti corporis, cute tectæ, applicata solvunt epidermidem, illamque attollunt in vesiculas, liquido distentas, & inde nomen habent. Omnia jam, quæ validissimam inflammationem excitare valent, sunt etiam vesicantia; dum enim inflammatio in gangrænam transit, bullulæ epidermidis primùm ferè nascentis gangræne signum dant: sic & ignis vivus epidermidem in vesicas attollit. Acerrima hinc omnia remedia, ut ranunculi pratenses, hydropiper, sedum minus acre, &c, si vel majori copiâ, vel diutius, applicata maneant corporis parti cuidam, vesicæ excitant. Omnium tamen maximè in usu sunt cantharides: quæ insecta arida & exsucca, per triginta annos & ultra in officina servata in vase vitreo, satis etiam negligenter clauso, tamen vim suam retinuisse novi. Tritæ cantharides, sed rudiùs, emplastro tenaci miscentur, vel & pastæ panis; & parti, versus quam revulsio debet fieri, applicantur per octo vel decem horas; intra quod tempus solent vesicæ elevari apparere. Si enim nimis diu relinquuntur cantharides, irritatur pulpam illam nervosam, epidermidi subjectam, sæpe intolerabiles dolores excitant; inò & aliquando molestissimam stranguriam faciunt, & mictum cruentum.

Cùm autem omnia hæc insignem acrimoniam habeant, & irritando partem, cui applicantur sæpe motum sanguinis in toto corpore augeant (quod tamen repugnat indicationi in hoc casu, uti patuit numero 2, hujus paragraphi) ideo in illorum usu majori cautelâ semper opus erit.

**FOMENTIS BALNEIS.** Hæc ex aqua, additis simul talibus, in quibus vis emolliens & laxans adest, fieri solent. Quæ autem omnia tantùm agunt, quatenus, laxatis solidis, minuunt resistantiam laterum vasorum; unde faciliùs dilatantur, quamvis maneant eadem causæ vasa distendentes. Omnium efficacissima sunt balnea vaporis: solius enim aquæ tepidæ halitui exposita pars corporis per quadrantem horæ incipiet tumere. Ubi autem revulsio fieri debet versus tales corporis partes, quæ commodè balneo immergi nequeunt; tunc fomenta balneorum vicem pulchre supplent; modò calida retineantur.

**FONTICULIS.** Discinditur cutis ad panniculum adiposum usque; vel & in illis, qui inani metu ferrum repudiant, cauterio potentiali eroditur. Vulneri sic factò imponitur globulus ex auro, argento, ebore, vel aliâ quacumque materiâ non faciliè mutabili, emplastròque tenaci sic firmatur, ut loco moveri nequeat. Sic heterogeneo corpore interposito inter vulneris facti labia impeditur horum concretio; levis contusio fit in toto ambitu vulneris à duro hoc corpore appresso; inde inflammatiuncula quotidiana & levis irritatio in parte, versus quam impetus arteriosus sanguinis derivari debet. Profunt inprimis fonticuli talibus ægris, qui adeo flexiles habent solidas partes, ut minimo excessu impetus facillimè dilatentur vasa, & errore loci crassiores fluidorum partes admittant. Sic v. gr; illis, qui levissima de causa ophthalmiâ laborant, toties profuit fonticulus. Ubi autem valida inflammatio partem quandam subito occupat, patet faciliè, fonticulorum usum inutilem esse; nam poterit pars affecta diu corrupta esse per gangrænam, antequam fonticuli aliqua efficacia posset exspectari. Idem verum est de.

**SETACEIS.** Plerumque nuchæ solent imponi. Tenaculo arreptam cutim unâ cum panniculo adiposo elevat Chirurgus; dein crassâ acu, ad hanc operationem paratâ, pertundit, filumque crassius in vulnere factò relinquit; quod quotidie trahitur per vulnus: unde irritatio, & inflammatio continua loci, in quo setaceum hæret. Similes ulus habent ac fonticuli; sed plerumque majorem do-



lorem & irritationem faciunt. Pertinacissimos capitis dolores, nullis aliis remediis cedentes, revulsione factâ per setaceum curatos vidi; & plurima apud optimos Auctores habentur Exempla, quibus hoc confirmatur. Mirum talem casum habet *Ruyfchius* (a). Puella octodecim annorum, sanguineæ temperiei, capitis dolore assiduo & intolerabili torquebatur. Incausum adhibita fuerant efficacissima in similibus casibus remedia, purgantia, venæsectio repetita, vesicatoria, sternutatoria, cucurbitulæ. Imò cruciali incisione integumentorum capitis, quam larga sequebatur hæmorrhagia, frustra adhibita, cogitabant celebres in Arte Viri de cranii terebratione instituenda. Antequam tamen ad ultimum hoc & crudele remedium pergeretur, proposuit *Ruyfchius* setacei applicationem; quo facto, statim dolor evanuit; cùmque postea ægra, molestiarum peritæsa, solum auferret, sopitus hæcenus recruduit dolor; novo setaceo applicato, statim cessans. Sed tertiâ vice setaceo ablato molestissima cephalalgia rediit, cedens tamen statim, dum novum applicaretur.

**FORTI ALVI SUBDUCTIONE.** Quantum prodesset in morbis inflammatoriis impetum & copiam humorum minuere alvum ducendo, & quænam purgantia tunc convenirent, dictum fuit numero 2, hujus paragraphi. Notandum autem, eadem etiam prodesse ad repellendum impetum à parte inflammata, in primis si in superioribus corporis partibus hæserit malum. Tanta enim potest derivatio fieri per vasa mesenterica versus intestinorum cavum, ut nulla ferè supersit sanguinis pressio in vasis encephali; unde fortiora purgantia toties vertigines, imò & animi deliquia, sequuntur. In Ophthalmiis, dum tota adnata rubet, sanguine crasso minora vasa ingresso; dato fortiori purgante, dum pallor faciem & oculos occupat, retroperit sanguine in majora vasa, sæpe tam felix & subita curatio fit. Clysmata frequentius injecta hunc effectum pariter faciunt; partim laxando, partim leni stimulo derivando humorum impetum versus hæc loca. *Hippocrates* de curatione doloris aurium agens, postquam cucurbitularum applicationem in parte averfa jusserat ad avertendam fluxionem; dicit (b) quodd si per hæc dolor minimè sedetur, . . . medicamentum quod deorsum dejectionem moveat, propinato; sursum autem minimè, quum vomitus nihil conferat. Ex paulò post de ophthalmiis agens addit, quodd si subito oculi inflammationem concepian, nihil omnino illine; sed aut fortissimo in infimis partibus urito; vel alio quopiam alvum subducente medicamento attenuato; cautione adhibita ne vomitum provokes. Ex quibus patet, Veteres Medicos purgantia adhibuisse, ad revulsionem faciendam à locis inflammatis, & quidem talia, quæ satis fortiter agerent; utitur enim in hoc loco *Hippocrates* vocabulo *αντιφλογικα*, quod extenuationem corporis, & vasorum collapsum per validam evacuationem, significat. Vomitum autem sollicitè vitari jussit ideo in his casibus, quia sanguinis copia & impetus versus caput augentur, dum vomitus fit; uti facile patet, si vomentem hominem quis adspiciat: oculi enim rubent, lacrymantur, labia & totâ facies distenduntur, & sanguine turgent.

5. Aere subfrigido, sicco; affectibus animi nullis, vel sedatis; quiete naturali, vel artificiali; victu tenui, liquido, antiphlogistico, potu simili; medicamentis diluentibus & refrigerantibus simul.

(a) Observat. Chirurg. n°. xi, pag. 396.

(b) I. lib. de loc. in hom. cap. vi. Clianer. Tom. VII. pag. 364.

Agitur hoc numero de illis, per quæ motus humorum per vasa sedatissimus fieri possit, ut impediatur ulterior læsio vasorum inflammatorum.

**AERE SUBFRIGIBO, SICCO.** Quatenus nempe pulmonibus recipitur inter respirandum. Sanguinem enim ex corde dextro per arteriæ pulmonalis angustias pulsum quàm celerrimè ab hoc attritu calefcere, & refrigerio aeris indigere, ex Physiologicis constat. Si autem aer externus incaluerit nimis, non poterit hoc refrigerium inde expectari. Constat autem pulcherrimis Experimentis in vivis animalibus capris, solo hujus refrigerii defectu acutissimam febrem nasci, paucis etiam horæ minutis lethalem, dum in aere calidissimo versarentur hæc animalia (a). Patet ergo, aerem subfrigidum multum conferre ad pacatam sanguinis circulationem. Siccus autem aer humido semper præfertur, cæteris paribus; & humidus aer, si frigidus simul sit, nimio posset peccare refrigerio. Observatur enim semper, homines autumno & hyeme ad sensum majus frigus percipere, si humidus aer fuerit, quàm si siccus; licet tamen thermometra eundem gradum caloris notent: quod videtur fieri, quia aer corpus nostrum ambiens citius calefcit à calore corporis, si nullam aquam habeat, vel saltem minimam copiam; nam (b) *quoddenfiora corpora, sive fluida fuerint, sive consistentia, eò pluri tempore egeant, ut ab eodem igne æqualiter incalēscant.*

**AFFECTIBUS. ANIMI VEL NULLIS, VEL SEDATIS.** Posse motum circulatorium sanguinis accelerari admodum per validos animi affectus, constat quotidianis & certissimis Observatis. De hac re dictum fuit etiam §. 99, n°. 1. Unde patet sedulò hos vitandos esse; si verò nati fuerint, sopiendi illico. Quomodo autem hoc fieri possit, dictum fuit in *Commentariis* §. 104.

**QUIETE NATURALI VEL ARTIFICIALI.** Quantum possit quies in omni morbo, in quo nimia circulationis velocitas adest, vel futura metuitur, dictum fuit in *Commentariis* §. 105. Dum autem nullis animi affectibus turbatur mens, nihilquè validè agit in sensuum organa, solet sponte subrepere pacatissimus somnus. Unde in morbis omnibus acutis inflammatoriis tenebricolo in loco decumbere faciebant ægros veteres Medici, ab omni strepitu remotos. Si verò per hæc quies nondum possit conciliari, tunc præmissis illis, quæ præcedentibus numeris dicta sunt, anodynorum usus satis tutus erit. Videantur de his illa, quæ dicta sunt in *Commentariis* §. 202, & 229, n°. 2.

**VICTU TENUI, LIQUIDO, ANTIPHLOGISTICO.** Ut restituantur illa, quæ inevitabili vitæ & sanitatis effectû quotidie pereunt de corpore, requiruntur alimenta, quæ, licet optima fuerint, semper tamen alienam indolem habent, & per viscerum & vasorum actionem debent mutari in naturam nostram. Dum autem hæc permutatio & subactio ingesti alimenti fit, si illud, vel nimis copiosum fuerit, vel non facilè permutabile, oritur etiam in sanis & robustis corporibus febricula; per quam vel subigitur, vel expellitur illud, quod turbas has excitat. Imò quotidie ferè aliquot post prandium horis quivis etiam sanus in se ipso augmentum celeritatis in pulsu observat. Quò autem debiliores fuerint vires illæ permutantes cruda ingesta in bonum sanguinem, eò major acceleratio motus circulatorii ab assumtis alimentis. Si debilis puella fumo induratas carnes, pingue lardum, vel similes difficilis digestionis cibos sumserit in prandio, febricitabit

(a) Boerhaav. Chem. tract. de igne, Exper. XX. Coroll. xvi. Tom. I. pag. 17. & sequ.

(b) Ibid. Experim. XXI. pag. 150.

certò post aliquot horas. Phthifici, quos sensim hectica febris depascitur, etiam à lactis usu copiosiore augmentum suæ febris percipiunt. Cum autem ingestorum assimilatio in naturam liquidi vitalis sani pendeat inprimis ab actione solidorum in liquida, & magnâ copiam humorum jam coctorum, cui sensim pauculum crudi chyli miscetur (vide *Commentaria* §. 25. ); & per sanguinis missionem & alvi ductionem, numero 2 & 3, hujus paragraphi præscriptas, ad curam inflammationis per resolutionem, subducantur humores cocti & minuat circulations impetus; patet evidenter, in victu non posse usurpari nisi talia, quæ facillimè subiguntur. Omnia ergo, quæ levissima etiam actione viscerum chylopoieticorum in bonum chylum possunt mutari, & deinde pulmonis & arteriarum inprimis efficaciam facillimè ulterius perfici in sanguinem, huc conveniunt. Lactis hinc ferum, inprimis acidulum illud, quod ex lacte ebutytrato paratur, lac duplò vel triplò aquæ dilutum, pristinæ hordeaceæ, avenaceæ, &c, fructuum horzorum recentes succi tanti in his casibus usus sunt; inprimis si parvâ copiam simul, & repetitis sæpe vicibus ingerantur. Talis enim victus nunquam gravabit corpus, simulque gratum refrigerium illi inducet, quod in morbis acutis inflammatorii adeo prodest. Spontaneo hinc appetitu, æstivis caloribus summis, sani etiam homines, & in morbis calidis ægri, tenues liquidos refrigerantes cibos appetunt, à contrariis verbò abhorrent: & contrà hyemali sub frigore, & in morbis languidis frigidis oppositus victus prodest. Paucis verbis, ut solet, hæc expressit Hippocrates dicens (a) *Imbecilli victus, frigidi; valentes verbò calidi.*

POTU SIMILI. Succus citri, vel aurantium, cerasorum, ribesiorum; vel illorum syrupi aut sapæ inspissatæ, quæ in Officinis prostant, magnâ copiam aquæ diluta, gratissimum potum exhibent; cumque ingens horum varietas esse possit, & omne tenue liquidum ad hunc usum conveniat, poterit facillè ex his selegi tale, quod ægro placeat.

#### MEDICAMENTIS DILUENTIBUS ET REFRIGERANTIBUS.

SIMUL. Hæret sanguis arteriosus immeabilis in canalibus minimis, & impetu à tergo urgentis liquidi premitur & atteritur, uti patuit ex definitione inflammationis data §. 371; & demonstratum fuit §. 382. n.º 6, calorem intensum sequi hunc attritum. Ut ergo ulterior læsio vasorum inflammatorum impediatur, conveniunt talia remedia, quæ & diluendo concretum, obstructionem solvere possunt, & nimium calorem natum tollere. Diluens tantum unicum propriè loquendo habetur in hoc casu, aqua nempe; & reliqua omnia medicamenta tantum diluunt ratione aquæ, quam continent: sed statim dictum fuit, liquidos cibos & tenues potus hic convenire, id est, aquosos; unde & unâ cum medicamentis conspirabunt, ut dilutio fiat. Refrigerantia autem medicamenta sunt talia, quæ nimii caloris causas tollunt, vel minuunt. Sed in *Commentariis* §. 382, n.º 6 & 8, demonstratum fuit, calorem nimium, inflammationis comitem, nasci ab aucta circulatione & attritu valido solidorum in liquida, & liquidorum in solida in vasis inflammatis, uti & in vicinis adhuc pervisi, sed à tumore obstructorum accumulentium augulatis. Ergo refrigerantia remedia erunt omnia illa, quæ densitatem nimiam fluidi tollere possunt, vasa infarcta laxare, & nimium impetum circulationis minuire. Omnia ergo aquosa non tantum proderunt diluendo, sed etiam simul sunt refrigerantia. Observatur enim, eò frigidiores esse corporis temperiem, quò major aquæ

(a) Epidem. Lib. VI. Comment. IV, text. XLVIIII, Charter, Tom. IX, pag. 494.

copia in corpore adest; & contrà, eò majorem adesse calorem; quò minùs dilutus sanguis est: hinc hydropicis omnia frigent, robustis verb & exercitatis hominibus calor magnus adest. Simul autem aqua prodest, quatenus solidas partes corporis laxat, ut dictum fuit in *Commentariis* §. 35 & 54. Sed sanguine per aquosà diluto, & laxatis vasis, semper minuitur circulationis impetus, ut patet evidentissimè in debilibus puellis, quæ aquosorum potuum tepidorum abusu in tantos languores incidunt. Ubi ergo spes est, inflammationem resolvi posse; basis omnium medicamentorum antiphlogisticorum est aqua: cui adduntur mollissima farinosa, ut magis laxentur vasa; & solventissima remedia, ut concretum inflammatorium attenuetur, & meabile reddatur. Variæ jam poterunt esse talium remediorum formulæ; quarum specimina quædam in *Materia Medica* ad hunc numerum habentur. Notandum etiam est, sanguinis missionem, & purgationem alvi, de quibus numeris 2 & 3, hujus paragraphi dictum fuit, in morbis inflammatoriis refrigerium facere.

6. Sedando impetum in ipso loco, applicatis refrigerantibus, repellentibus, adstringentibus externè, admistis anodynis, tum aperientibus, variâ pro re nata, misturâ.

Hactenus dictum fuit de illis auxiliis, quæ mutando alias partes, vel & totum corpus, ulteriorem vasorum læsionem impediabant: nunc agendum de illis, quæ ipsi loco inflammato exterio applicata nimium impetum humorum sedare valent. In *Commentariis* §. 382. n°. 8, dictum fuit, à fibrarum irritatione in loco inflammato accelerari, motum humorum, & in parte affecta, & in toto corpore. Omne ergo, quod applicatum parti inflammatae poterit tollere hanc irritationem, sedabit impetum. Sed hæc irritatio fiebat inde, quia sanguisurgens vasa obstructa distrahebat illorum latera; omne ergo, quod obstructionem natam solvere poterit, & liberam viam sanguini expedire per vasa aperta, tollet hanc irritationem. Duplici autem modo hoc fieri poterit, vel laxando sic vasa obstructa, ut transmittant per ultimos suos fines in venas immeabiles moleculas; vel sic constringendo vasa per refrigerantia, repellentia, aut adstringentia, ut repellantur obstruens immeabile ex angustiis, quibus hæret, versus latiorum locum vasis. Posterior hæc methodus in cura inflammationis apud veteres Medicos usitata fuit sæpe frequenter, quando à nulla causa evidente prægressa subitò inflammabatur pars quædam corporis; tuncque à fluxione deducebant mali originem: *Galenus* de hac re agens monet, quosdam, Methodicorum sectæ addictos, Medicos dixisse, inflammationes omnes laxantibus indigero, quia adstrictas affectiones esse credebant (notum enim est, hanc sectam Medicorum à stricto & laxo morborum causas deduxisse) & postea plurimos temere hanc opinionem secutos fuisse. Paulò post autem subiungit, quòd & ratio & experientia suadeant, post debitas evacuationes, partem inflammatam perfundendam & illiniendam esse talibus remediis, (a) quæ influentis humoris repellendi vim habeant; simulque vacuarent illum, qui jam in affecto loco continetur; tonumque & robur affectis partibus redderent. Laudavit autem ad hos effectus præstandos, semper vivum, malicorium, rhus, &c, in quibus

(a) Method. Medend. ad Glaucon, Lib. II, cap. II, Charter. Tom. X. pag. 370.

vis refrigerans & adstringens satis manifesta adest. Et in sequenti capite ejusdem libri dicit, quod inflammationes ab aliis causis, non autem subito tali fluxione, natas, (a) humefcere ac calefacere nihil vetat.

Ex modò dictis ergo, uti & ex illis, quæ habentur in *Commentariis* §. 390, ubi agebatur de effectu frigidorum actu vel potentia applicatorum loco inflammato, patet, aliquando, sed non semper, prodesse refrigerantium, repellentium, & adstringentium usum; & requiri cautelam in horum applicatione, cum magnopere lædere possint, si non profuerint. In levioribus inflammationibus pulcherrimè sæpe profunt, si in principio adhibeantur; sic ophthalmias incipientes solà aqua frigida applicata toties curatas vidi. Ubi autem vetustior jam morbus est, inflammatorium illud obstruens vas quasi incuneatum (uti *Galenus* (b) optimè dixerat in loco citato §. 390. non patietur se retropelli facili: unde angustatis per hæc vasis, & fluidis coagulatis, augebitur malum. In hoc casu ergo laxantia aperiencia, quæ vasa expediunt, & materiam obstruentem solvunt, conducunt. Prudentis ergo Medici est pro re nata varia seligere remedia.

Utiliter etiam his videntur admisceri posse anodyna, sive dolorem sedantia medicamenta. Dictum fuit in *Commentariis* §. 202, illa remedia, quæ dolorem sedant, agere triplici modo: vel enim tollunt doloris causam; vel partem corporis, cui causâ dolorifica applicatur, sic disponunt, ut minùs afficiatur ab hac causâ, vel denique manente causâ doloris; nullâque mutatione inductâ parti affectæ, tollunt doloris sensum. Omni ergo modò memorata erunt anodyna, quatenus aperiendo canales obstructos & laxando, aut repellendo immeabilem materiam ex angustis versus loca latiora, tollunt doloris causas; aut partem affectam sic disponunt, ut minùs afficiatur ab eisdem causis. Sed præter hæc possunt & adhiberi illa, quæ doloris sensum sopiunt in parte, cui applicantur; modò simul non negligantur illa auxilia, quæ doloris causas tollere vel emendare valent. Solani hinc, hyosciami, cynoglossæ, & similibus folia, fomentis, locis inflammationis applicandis, addere licet: nam doloris validi effectus (uti dictum fuit §. 226.) sunt febris, calor, sitis, siccitas, &c, quæ omnia nocent partibus inflammationis: cumque plurima ex his malis à doloris sensu oriantur (vide §. 229. n°. 2.), patet faciliè, multum boni expectandum esse ab illis remediis, quæ doloris sensum obtundunt.

§. 397. **LÆSIO** facta tollitur usu eorundem (396): nam distractione nimia laxatâ, propria fibræ vis priscam formam restituet; & nutritio vires reddet.

Læsiō facta erat diffusio vasis obstructi à pressione liquidi vitalis urgentis locum obstructum. Cum ergo omnia, præcedenti paragrapho recensita, impetum sanguinis vel minuant, vel avertant; patet faciliè, læsionem factam per eadem remediâ tolli. Quamdiu enim resolutionis spes superest, nondum soluta est vasorum cohesio, licet validè distracta fuerint. Unde, simulac obstructio resoluta fuit, sensim proprio robore redeunt in priorem dimensionem distractæ fibræ: totum enim malum, quod tunc superest, est debilitas fibræ à nimia distractione

(a) Ibid. pag. 371.

(b) Method. Med. Lib. XIII. cap. VI.  
Charter. Tom. X. pag. 301.

facta vide §. 25. n.º. 3. ), quæ curatur, si causæ distrahentes tollantur ( vide §. 28. n.º. 5. ) & idoneis alimentis, per vim valorum & viscerum mutatis, restituantur illa, quæ perierant. Quod jam firmiora & magis elastica fuerint vasa, quæ per inflammationem distenta fuerunt, eò citius redeunt in priscam formam; & contrà, quod tenerioribus in vasis hæserit inflammatio, eò longius tempus requiritur, antequam his redeat debitum robur. An fortè inde ratio deduci potest quorundam phænomenorum, quæ post morbos inflammatorios encephali, resolutione sanatos, sæpe diu supersunt? Accidit enim aliquando post phrenitidem, aut deliria in febribus acutis, variolis, &c, satis, valida, sanatis his morbis, superesse ingentem debilitatem, vel & perturbationem omnium vel quarundam tantùm functionum, quæ ab encephalo pendent. Si tunc vesicatoriis, catharticis, sudoriferis, & similibus evacuantiis, aut validè moventibus, tentetur cura, omnia in pejus ruunt: sensim tempori & naturæ commissa hæc mala evanescent. Sydenhamus, qui in rimanda tectissimorum etiam morborum indole adeo sagax erat, suo hanc rem confirmat suffragio (a). Observaverat enim in febre continua epidemica, quæ citissimè caput petens phrenitidem facere solebat, post evacuationes generales, per venæsectionem & cathartica factas, coma aliquando supervisse; quod tamen post multos dies sensim evanescebat, modò quotidie lecto furgeret æger, neque validis remediis vexaretur. Videtur enim in similibus casibus æquabilis humorum per vasa encephali motus utcumque turbatus manere, donec redierit vasculis, nimia distentione debilitatis, pristinum robur.

§. 398. **MATERIÆ** obstruenti conciliatur fluiditas, si illa attenuatur, si diluitur,

1. Vasis oscillationes elasticas restituendo per imminutionem distendentis liquidi, misso sanguine, purgatione multâ; per stimulum additum fibris ope liquidi tenuis, aromatici, calidè eptoti, fermentis, frictionibus, cucurbitis, scarificationibus.

Tertium requisitum ad curam inflammationis, quæ resolvendo fit, erat, ut materiæ obstruenti fluiditas & lenitas concilietur & conservetur ( vide §. 395. ) Unde jam ordine tractandum est, de methodo & auxiliis, quibus hoc obtineri poterit: ac primò quidem de illis, per quæ fluiditas conciliatur tali materiæ immixtibili, ut per vasorum fines angustissimos sine impedimento transire possit. Duplici autem modo imprimis videtur hoc fieri posse; vel diluendo, quando nempe aqua admixtione & interpositione suarum partium separat adunatas sanguinis moleculas; vel attenuando per attritum valorum & frictiones, aut & talia remedia, quæ particularum suarum figurâ & rigiditate dividere possent illa, quæ concreverant. Possunt deinde diluentia & attenuantia sic combinari, ut conspirantibus viribus majores effectus faciant.

2. Sanguis noster sponte suâ in concretionem tendit, si quiescat; & quidem eò majoris, quò fortior homo est: jugis ergo motus requiritur & mutatio situs in sanguinis particulis, ut impediuntur à concretionē: & per eundem hunc motum

(a) *Schedula Monit. de novæ febris ingressu. pag. 661.*

iterum solvitur illud, quod jam inceperat concrefcere. Dum homo in animi deliquium cadit, stagnat in magnis venosis receptaculis circa cor sanguis; & imprimis magnâ copiâ inter cor dextrum & pulmonem in sinu venoso & auriculâ colligitur, & incipit statim ad concretionem disponi. Si aquâ frigidissimâ, corpori adpersâ, homo talis incipiat reviviscere, mox valida nascitur cordis palpitatio; lentescens jam sanguis, & in polypofos quasi flocculos mutari incipiens, in pulmonalis arteriæ angustii hæret; contractâ arteriâ pulmonali hi flocculi retroprimuntur; sicque eunt & redeunt, donec tandem repetito hoc attritu ad vasorum latera solvantur; tuncque omnis anxietas cessat, & libera iterum patet sanguini, corde dextro expulso, per pulmonalis arteriæ angustias via. Idem effectus expectari poterit, si vasis inflammatis restituantur oscillationes elasticæ, quibus antea movebantur. Si enim considerantur illæ causæ, per quas in sanitate vasa nostra moventur; patebit, in vase inflammato debere deficere motum illum oscillatorium, per quem nunc distenduntur, nunc contrahuntur iterum. Dum enim cor contrahitur, omnem sanguinem cavis suis contentum expellit in arterias plenas; quæ ergo, cum flexiles sint, momento possunt, dum cor est in diastole, arteriæ propriâ elasticitate & actione fibrarum suarum muscularium contrahuntur iterum; unde sanguis harum cavis contentus propellitur; cumque valvulæ aortæ impediunt, quominus sanguis versus cor retroprimi posset, hæc vi sanguis ex arteriis derivatur in venas. Si jam concipiatur, obstaculum hærrere in arteriæ cavo, quod liberum sanguinis transitum impediat, sanguis vi cordis impulsus, dilatare poterit talem arteriam; sed non poterit momento sequenti contrahi arteria dilatata, quia sanguis ejus cavo contentus per obstructum finem transire nequit, & retrogressum impedit à tergo urgens impetus vitalis liquidi. Manebit ergo talis arteria distenta & plena, sed immota; cum ejus elasticitas & vis muscularis non possint superare resistentias. Quomodo jam poterit restitui oscillatio in hac arteria? Solâ imminutione liquidi distendentis. Sed obstructus finis negat transitum in venam; unde nihil superest, quam sic minuere copiam & impetum vitalis liquidi, ut naturalis arteriæ contractio ejus efficaciter prævaleat, adeoque contentus sanguis retroprimatur versus arteriæ basim. Obstruens tunc illud immeabile, non amplius pressum fluido à tergo urgente, arteriæ contractione pariter ibit versus latiorē locum (nisi sic impactum fuerit his angustias, ut penitus immobile sit), momento autem sequenti pelletur in priores angustias, sicque hoc ita & reditu atteretur ad latera vasis & vicinas sanguinis alluentis moleculas; unde merito attenuatio & divisio concretarum molecularum expectari poterunt. Quod autem massulæ concretæ sic iterum solvantur, ut per arteriarum ultimas angustias transire possint, ad oculum patuit in Experimento pulcherrimo *Leeuwenhoeckiano*, cujus mentio facta fuit in *Commentariis* §. 132. n°. 1. Quomodo autem & copia, & impetus distendentis fluidi, minui possint per venæsectionem & purgationem alvi, dictum fuit numeris 2 & 3, præcedentis paragraphi. Quantum verò possit imminutio liquidi distendentis ad restituendam vasorum oscillationem, à nimia plenitudine suffocatum, in plethoricis patet; in quibus sæpe pulsus arteriæ vix potest percipi, si ad summum gradum plethora pervenerit; dum autem ingenti sanguinis missione nimia minuitur copia, mox pulsus insurgit, & omnes functiones, antea serè suppressæ, restituantur.

PER STIMULUM ADDITUM FIBRIS OPE LIQUIDI TENUIS

Kkkk iij

AROMATICI, CALIDE EPOTI. Demonstravit celeberrimus *Baglivus* in tractatu, quem scripsit de *fibra motrice & morboſa* (a), solidis corporis partibus ineffe talem proprietatem, ut irritatæ à ſtimulis miras ſæpe turbas excitare poſſint; ſive aucto naturali, quem ſecundùm ſanitatís leges exercere ſolent, motu ſive eodem omnino perturbato. Per Experimenta certiffima conſtat, in majoribus partibus ſtimulos hunc effectum facere. Ingeſta alimenta, motu ventriculi & inteſtinorum ſenſim per omnes horum gyros & anfractus deducuntur uſque ad finem inteſtini recti, totòque hoc itinere ſpoliata omni ſolubili, tandem excernuntur de corpore: ſi autem purganti ſtimulo irritentur inteſtina, brevi admodum temporis ſpatio ingeſta per alvum deturbantur, accelerato motu perſiſtente propulſa. Acria venena, dum internam inteſtinorum ſuperficiem rodunt, faciunt ſæpe ſic contracti inteſtina in omnibus locis, quæ tangunt, ut integre claudantur; unde, interepto aere elſtico, enormes adeo abdominis tumores tunc aliquando obſervantur. Imò hæc irritabilitas adeo tenaciter multis corporis partibus adhæret, ut etiam poſt mortem, imò in & iſdem à reliquo corpore reſectis, diu ſuperſtes maneat. *Verulamii* Obſervatio docuit, (vide *Commentaria* §. 1.) cor hominis eviſcerati in ignem projectum ſaltâſſe in altum, & motum hunc continuâſſe ſeptem vel octo minutorum ſpatio. Dum in fele, poſt abortum demorſuâ, licèt diu jam obriguiffet, abdomine ac pectore reſerato, ciſternam chyli inflaret *Peyerus*, obſtupuit, aere ad cor delato, auriculas primò, dein totum cor vibrare per plures horas. Dum fortuito hoc caſu incitatus idem tentabat in humanis cadaveribus, parem habuit ſucceſſum; ſic tamen ut in quibuſdam facilis, in aliis verbò difficilis cordis motus reſuſcitaretur; & aliquando præter aerem inſuflatum, quem calidum eſſe expedit, etiam externo ſortu opus haberet. Suſpenſorum autem corda facile motum recipere, & ſervare receptum diutiſſimè, Experimentis didicit (b). Ex quibus omnibus apparet, fibras viſcerum & vaſorum, ſtimulis applicatis etiam ſatis levibus, incitari poſſe ad majores motus. Dum ſaniſſimus homo nimiam copiam ſalis, vel aromatum, aut vini ſumſit, ſtimulis hiſ irritantur vaſa & cor in celeriores motum, & naſcetur febris. Ubi ergo obſtructa vaſa, impetu vitalis liquidi à tergo urgentis, diſſenta fuerunt admodum & diu, ſæpe fibræ nimis diſtractæ vires ſuas amiſerunt, neque ſatis reagent in fluidum contentum. Poſtquam ergo per venæſectionem & purgantia, ſubduſta ſuit diſſidentis liquidi copia, & minutus ſanguinis arterioſi impetus, proderit dare talia remedia, quæ ſanguini miſta, & per canales arterioſos circumducta, blando ſtimulo poſſunt irritare fibras vaſorum, ut fortiori vi contrahantur, ſicque atterant & dividant obſtruentes moleculas, ut per anguſtias vaſorum ſine moleſtia tranſire poſſint; tunc enim inflammatio ſanata erit per reſolutionem. Huic autem ſcopo inſerviunt blanda aromata, quæ largâ aquæ copiâ inſuſa potantur, lignorum fantalorum, ſaſſafras, quinque radicum aperientium & ſimilium inſuſum, vel leve decoctum, quæ nunquam in tali caſu nocere poterunt. In *Materia Medica* ad hunc numerum talis formula habetur.

Dum autem talia remedia largâ copiâ aſſumuntur, ut illorum efficacia determinetur verſus partem affectam, proſunt ſomenta, friſſiones, cucurbitæ, ſcarificationes: de quorum omnium uſu actum fuit in *Commentariis* §. 134. Friſſio-

(a) Lib. I. cap. XI. p. 355. & ſequ.

(b) *Peyer. Paſerger. Anatom. pag. 199.*



nes autem in hoc casu profunt, quia perfectè imitantur & suppleant alternâ pressione & relaxatione vasorum actionem in fluida. Facile autem patet, lenissimas tantùm hic requiri frictiones; neque illas unquam adhiberi posse locis inflammatis, nisi postquam tensio & dolor per evacuantia, & impetum sanguinis minuentia remedia, integre sublata fuerint; vel saltem plurimùm imminuta.

## 2. Nova liquida tenuia, aquosa, calida potando, impacta diluendo.

Postquam per evacuantia subducta fuit magna pars liquidorum, & vasorum oscillationes restitutæ fuerunt, nihil magis convenit ad curam inflammationis per resolutionem, quàm replere vasa tali liquido, quod per omnia etiam minima vasa facillimè transire poterit. Aqua autem has dotes habet; & subtilissima nostrorum fluidorum pars, quæ sub sensu cadit, aquam ferè omni dote refert; unde patet, aquam per minima etiam corporis vascula transire posse. Hæc calida potata summum remedium in omnibus morbis inflammatoriis dat: circulationis lege enim deducta ad illa loca corporis, ubi obstruens illud inflammatorium hæret impactum, illud alluet; vasorum efficacità cum illo conteretur; sicque sensim se interponens inter concreti hujus moleculas, illas separabit à se mutuo & diluet. Quantum autem possit in referendis obstructionibus aqua diluendo & attenuando, dictum fuit in *Commentariis* §. 134, & 135. Simulque notandum est, reliquis omnibus, quæ concretum inflammatorium attenuare & solvere possunt, auxiliis, aquam pro vehiculo servire. Omnes ergo potus tennes, in quibus aqua prædominatur, hic tanti usus sunt: serum lactis, hydrogala, cerevisia tenuis & mollis, hordei, avenæ, &c., decocta, cassia & theæ infusum, præcipua sunt.

## 3. Utendo attenuantibus, resolventibus, & oppositis genio obstruentis, internè, externè; formâ decocti, balnei, fortis, vaporis, cataplasmatici, emplastri, unguenti specie.

Quamvis aqua, plurima concreta dissolvere possit, ut omnia salina, saponacea; mucosa, gelatinosa, &c., tamen & multa sunt, quæ aquâ solâ solvi nequeunt. Ob hanc causam unâ cum aquosis sumuntur talia remedia, in quibus vis solvendi cognita est. Seliguntur autem illa, quæ obstruentis genio opposita sunt. Obstruens autem in hoc casu est sanguis ruber, vel & tenuius liquidum immedicabile, in propriis vasis hærens, aut per errorem loci alienis vasis impactum; simulque adest major motus & calor, qui in putredinem quàm maximè vergere faciunt nostros humores (vide §. 4. n°. 84. & 5.); unde attenuantia concreti inflammatorii simul debent esse putredini quàm maximè adversa. Pulcherrima jam talia habentur remedia: cognita in Arte, in quibus simul & summa vis solvens; & antiseptica simul virtus est. Mel, veteribus Medicis adeo usitatum in omnibus morbis inflammatoriis, has dotes egregiè possidet, ejus enim usu immodico, vel & nimis diuturno, sic solvi potest totus sanguis, ut aquæ instar per alvum dilabatur; Interim tamen omnes vegetabilium partes melle condiuntur, & conservantur quàm optimè ab omni corruptela. Imo Babyloniorum sepulchras in melle fieri me-

moriz tradidit *Herodotus* (a). Saccharum, tanto hodie in usu, simili valet efficacia: fructuum horæorum recentes succi, cichorei, taraxaci, scorzonæ, tragopogoni, &c, solventissima decocta, tanto cum fructu in hoc casu adhiberi possunt. Inter salina attenuantia nitrum reliquis præfertur, quia reliqua (vide §. 135. n°. 2.) vel alcalina sunt, hincque nostros humores in putredinem magis disponunt; vel stimulis suis, non adeo facile superandis à vi vasorum & viscerum, impetum sanguinis arteriosi nimis augerent. Variæ jam inde & factis gratæ possunt fieri remedium formulæ, pro usu interno: simulque proderit & externè parti inflammatae applicare similia, per balnea, fomenta, vapores, cataplasmata. Externa autem hæc remedia non tantum videntur agere, quatenus aqua, attenuantibus remediis dives, se per bibulas cutis externæ venas insinuans, & sanguini mista communi circulationis lege deferretur per omnia corporis loca; vel & per derivantia, attrahentia, propellentia (vide §. 134.) determinatur magis versus locum inflammatum; verum etiam quatenus eadem hæc remedia, aqua diluta, se per arterias ipsas introducunt; sicque directè ad ipsa loca obstructa pervenire poterunt integris suis viribus. Illa enim arteriæ pars, quæ ponè locum obstructionis hæret, vacua est, & nullus illam urget impetus sanguinis corde impulsus, omnisque rami talis arteriæ, qui ultra obstructionis locum ex illa prodeunt, pariter vacui erunt. Unde illà vi, quæ fistulæ minimæ cavæ contigua fluida trahunt, ingreditur hos ramos liquidum applicatum. Dum ergo & interna & externa remedia sic conspirant, ab utraque parte moleculæ immeabiles, in vasis obstructis hærentes, alluuntur attenuantibus. Si tunc simul oscillationes elasticæ restitutæ fuerint, patet facile, has moleculas teri quasi cum his remediis, atque sic solvi posse, si adhuc ulla spes benignæ resolutionis supersit. Emplastra autem & unguenta, quæ ad hunc scopum obtinendum applicantur parti inflammatae, non debent habere nimiam tenacitatem aut acrimoniam insignem; quia tunc potius morbum augerent (vide §. 376.); unde sumuntur talia, quæ leviter tantum cuti hærent, & tenuem exhalantem rorem reperiunt & coercent, ut sic pars affecta in proprii quasi vaporis balneo hæreat, & per laxata vasa bibula remedium applicatorum virtus se facilius insinuet.

§. 399. **LENITAS** procuratur potu aquoso, victu blando, medicinâ blandâ diluente, & obtundente, vel singulari dote acri specifico opposita.

Dictum fuit §. 386, requiri blandam humorum indolem, ut resolutio inflammationis fieri possit: unde non sufficit materiæ obstructi fluiditatem conciliare, nisi simul conservetur lenitas, aut corrigatur acrimonia, quæ jam adest. Aquâ & omnia aquosa inprimis huic scopo inserviunt: nihil enim aquâ purâ lenius est, & per hanc acerrima quævis sic dilui possunt, ut non noceant amplius. Vitrioli oleum concentratissimum, quod ignis instar partes corporis, quibus applicatur, uno momento destruit, copiâ ingenti aquæ affusâ sic poterit enervari, ut turò deglutiri possit. Unde, simulac acria quædam sanguini mista sunt, sitis cogit

statim ingentem copiam aquæ vel alterius tenuis potûs assumere; donec per urinæ vias, aut sudores, expulsa fuerint. Experiuntur hoc omnes etiam sanissimi, qui sale conditas carnes, vel similia, in prandio sumserunt nimiam copiam. Præterea tenues aquosi potus reliquis indicationibus curatorii, de quibus præcedentibus paragraphis dictum fuit, simul faciunt. Victus ex mollissimis cerealibus, hordeo, avenâ, sagopyro, oryzâ, &c, lacte, oleribus mollissimis pariter hic conducet. Hordei prisanâ in morbis acutis sæpe sola ægros nutrebat Hippocrates; ut ex libro ejus de visu in morbis acutis patet. Optima medicamenta in hoc casu sunt; quæ ex emollientibus & leniter viscosis fiunt; althææ, malvæ, verbasci & similibus decocta; emulsiones ex farinosis & suboleosis; olea ipsa mollissima expressa tanti hic usûs: quamcumque enim acrimoniam sic obtundunt & involvunt, ut iners fiat. Quia autem olea illa sætis citò rancida fiunt, inprimis in magno calore; ideo sæpe emulsa his præferuntur, in quibus oleorum obtundens virtus est, neque tamen adeo metuenda est hæc degeneratio in rancidam acrimoniam. Si autem ante inflammationem factam acris cacochymia humorum præexistiterit, vel postea observetur nata fuisse, tunc convenient illa, quæ acrimoniam cognitam specificâ vi opposita cognoscuntur. Sic acidæ acrimonie absorbentia, vel & alcalina, putridæ verò acida conveniunt, &c.

#### §. 400. RETROPULSUS fit;

1. Evacuatione magnâ liquidi arteriosi, venosique, missione sanguinis.
2. Laxatione fibrarum.
3. Frictione artificiali.

Dictum fuit §. 395, ubi generales indicationes curatorie enumerantur, quæ in curatione inflammationis per resolutionem locum habent; quodd si non possit materiz obstruenti conciliari talis fluiditas ut per arteriarum angustias transeat, tunc unicum hoc superesset tantum, ut nempe retropulsa ex his angustias ageretur in majora vasa, ibique torrente circulantium humorum abrepta divideretur sic, ut postea meabilis esset per illa vasa, per quæ secundum sanitatis leges fluere debet. Methodus hæc locum habere potest in omni quidem inflammatione, sed inprimis in illa specie, quæ errore loci fit; quando nempe fluidi crassiores moleculæ minorum vasorum dilatata orificia ingressæ, per ultimos illorum fines transire nequeunt. Si enim in tali casu v. gr; globulus ruber arteriam serosam ingressus retropelli possit; redibit iterum in arteriam rubram, per cujus ultimas angustias naturaliter transire poterit; adeoque soluta erit inflammatio. Ut autem hæc retropulsio fiat, debet tolli, vel admodum minui, impetus liquidi vitalis in locum obstructum; debent sic laxari fibræ vasis obstructi, ut permittant retroire impactam moleculam; tandem debet conciliari motus huic moleculæ, per quem regredi possit versus latiore vasis obstructi locum. Singula hæc sequentibus numeris expenduntur.

1. Videantur de hac re illa, quæ dicta sunt in Commentariis §. 141, n°. 1;
2. Hæret enim molecula obstruens valde impacta vasis angustis: unde, &

Tom, I,

LIII

rigidæ fuerint fibræ hujus vasis, sic comprimunt hanc moleculam, ut immobilis maneat: proderit ergo in tali casu fibras laxare, dum simul prius per sanguinis missionem impetus liquidus à tergo urgentis minutus fuit, aliter enim ulterius protruderetur obstruens molecula in majores angustias, quia laxatæ fibræ paterentur se facilius distendi; quod repugnaret huic indicationi, quæ retropulsam obstruentis jubet, non verò ejus propulsam per laxata vasa. Quomodo autem, & per quæ remedia, laxari possint fibræ corporis humani, dictum fuit §. 35, 36, 54.

3. Videantur illa quæ de frictione ad hunc scopum adhibendâ, dicta sunt in *Comementariis* §. 141, n°. 2.

§. 401. **HINC** intelligitur; quænam sit in omni morbo inflammatorio, interno, externo, illa, semper quærenda, resolutio; quæ sanatio perfecta; quæ sine crisi (386).

In quocumque corporis loco inflammatio hæreat, manet semper eadem definitio; nempe, obstructio canalis arteriosi cum impetu valido vitalis liquidi à tergo urgentis locum obstructum. Quænam ergo erit inflammationis resolutio, quando molecula obstruens canalem arteriosum sic attenuatur & dividitur, aut vas obstructum sic laxatur, ut liber fiat humorum transitus per vas antea impervium: vel etiam quando talis molecula retropellitur in latiora vasa? Facile autem patet, hanc inflammationis curam omnium optimam & tutissimam esse, quia sine ulteriori partium læsione functionum integritatem restituit. Sed non semper est in potestate Medici inflammationem curare per resolutionem. Quænam autem requirantur, ut resolutio fieri possit, dictum fuit §. 386.

**QUÆ SANATIO PERFECTA.** Sola resolutio potest dici sanatio perfecta inflammationis, quia illam tollit, nullo alio morbo inducto. Reliqui autem exitus inflammationis in suppurationem, vel scirrhum, non sunt perfectæ sanationes, quavis inflammationem tollant; quia desinit inflammatio in alium morbum, qui iterum novam curationem requirit, antequam sanitas integre restitatur. Ubi autem inflammatio in gangrænam vel sphacelum desinit, tunc non in sanationem, sed in mortem tendit.

**QUÆ SINE CRISI.** Quid propriè crisis in morbis sit, & quomodo hoc vocabulum apud Medicos tam veteres, quàm recentiores variâ significatione usurpatum fuerit, postea opportuniùs dicetur in febrium Historia, ubi de hac re latius agetur. Sufficit hic notare, quòd tunc inflammatio dicatur sanari sine crisi, quando morbi materies, liquidum nempe immeabile in vasis arteriosis hærens; à vita supersit & remediis adhibitis sic disponitur, ut iterum libere fluat per vasa sua, sanitatis legibus obsequiosum penitus. Ubi autem eadem hæc materies morbi sic quidem mutatur, ut mobilis fiat, nec ampliùs impacta maneat vasorum angustis, & tamen tales conditiones non habeat, quæ requiruntur, ut cum sanis humoribus sine functionum impedimento fluat per vasa; tunc evacuat de corpore, vel deponitur ad quædam corporis loca; diciturque tunc crisi sanari inflammatio; & evacuatio materiæ, vel depositio ad alia loca vocantur critica: Dum v. gr; globulus ruber errore loci ingressus est vas serosum, & inflamma-

tio inde facta fuit; si vel retropellatur globus ruber ex vase seroso in arteriam rubram, vel dividatur in sex serosos globulos ( quibus ex *Leeuwenhoeckii* sententia componi creditur ) sanata erit hæc inflammatio sine crisi: quia materies morbi sic disposita fuit, ut sine impedimento fluere possit per omnia vasa, per quæ secundum sanitatis leges moveri debet. Si verb vas obstructi finis una cum immeabili obstruente molecula, impetu liquidi sani & blandi à tergo urgentis, sensum separatur, sublata erit obstructio; sed continuitate vas interrupta effundentur humores, separatum extremum vas obstructi cum immeabili sua molecula contenta non poterit amplius sanitatis legibus obedire; hinc debebit removeri, cum jam instar corporis heterogenei considerari possit. Unde tenebrica hæc solida, cum liquidis effusis mista, calore corporis, & levissimo inchoata putredinis initio murantur in pus, quod evacuari debet, cum nunquam possit nostrorum humorum indolem acquirere. Sanatur tamen & hoc modo inflammatio, sed facta crisi; quia materia morbi per vim vitæ superslitem mutata separatur & excernitur de corpore. Sic apparet evidenter, quomodo inflammationis resolutio differat ab ejusdem sanatione, quæ per crism fit. Et videtur pulcherrime hic convenire *Galen*i de morborum vario exitu generale axioma (α, τὰ μὲν γάρ μιν ἄλλα κρίνεται πάντως ὅσα δὲ μικρὰ λύνται μόνον. Si quidem magni judicantur omnino; qui autem parvi, solvuntur solum. Valida enim inflammatio in suppurationem aut gangrænam definit; levis verb resolvi poterit.



## ABCESSUS.

§. 402. SI, his ( 395. 396. 397. 398. 399. 400. ) frustra, non, aut sero paratis, inflammatio in suppurationem ( 387. ) vergit, idque per signa, ibi ( 387 ) posita, notescit, indicationes erunt,

1. Crudum ocius maturare in unum humorem.
2. Idem, ut & vicina; emollire.
3. Ad exteriora ducere.
4. Puri cocto exitum conciliare.
5. Mundare locum.
6. reliquum instar vulneris percurare.

Abcessus, ἀπόσπαισις, ἀποσπμα, apud veteres Medicos variam significationem habuit. Morbi enim mutationem in alium morbum hoc nomine vocavit Hippocrates dicens (β, ἵε ἄλλων πυριτῶν εἰ νοσημάτων ἀποσπάσεις ἐς τεταρταίους ἡμεροῖς, ex aliis febribus & morbis decessus ( abscessus ) in quartanas siebant. Præterea & absces-

(a) De Crisib. Lib. III, cap. iv, Chapter, Tom. VIII, pag. 433

(b) Epidem. Lib. I, Comment. II, Textu XXI, Chapter, Tom. IX, pag. 44.  
LIII ij

sus nomine vocabatur illud naturæ humanæ molimen, per quod ex sanguine separabantur quædam nocitura, quæ evacuabantur de corpore; vel deponerentur ad quædam loca; idcirco distinxerunt Veteres bifariam hos abscessus, nempe in illos, qui per effluxum (κατ' ἐξου) & alios, qui per decubitus (κατ' ἀπόθιον) in partes quædam fiebant (a). Sic v. gr; in peripneumonia materies morbi observatur exire de corpore per sputa, alvi fluxum biliosum, aut urinam crassam copiosam cum multo sedimento; tuncque abscessus per effluxum factus fuit. Ubi autem nulla talis excretio observatur, interimque signa salutaria ægrum supersitem fore docent, tunc monet Hippocrates (b), expectandos esse abscessus vel ad aures, vel versus inferiora corporis materiâ morbi versus has partes depositâ. Vulgatissimo tamen hodie in usu est, abscessus nomine intelligere inflammationis transitum in suppurationem, & puris inde nati collectionem in loco quodam corporis. Hoc autem sensu abscessus definivit Galenus (c) affectiones in quibus ab invicem partium corpora, quæ prius mixta se tangebant, se abscedunt. Spatium igitur in medio vacuum fieri necesse est, quod materiam aliquam aut flatulosam, aut humidam, aut ex utraque missam, continebit. Mutantur autem in abscessum & inflammationes quædam, & erysipelatosi phlegmosique tumores non pauci. Dum enim vasorum inflammatorum fines obstructi vitalis fluidi à tergo urgentis vi separantur, cum effusis humoribus miscentur, & calore loci foventur, transeunt in pus; quod partes prius contiguas removendo locum sibi facit. Cùm autem vera phlegmone (ut dictum fuit §. 374.) ferè semper tantùm in panniculo adiposo hæreat, facilè cedens hæc membrana pure collecto distendi potest in maximum aliquando tumorem. Tale autem cavum præternaturale fieri à pure collecto, postquam phlegmone suppurata fuit, non verò præexistisse, patet inde, quod si pars inflammata lanceolâ pertundatur, antequam pus factum fuerit, sanguis exit, vel & tenuius ichorosum fluidum, & totus tumor solidus apparet: ubi verò post suppurationem factam pertunditur talis locus, pure educto cavitatis manifesta apparet, facta à secessu partium, quæ prius contiguæ fuerant.

Omniùm optimam esse inflammationis curam, quæ per resolutionem fit, nullus dubitat; sæpe autem non est in potestate Medici vel Chirurgi hanc obtinere; tunc suppurationi sola superest: facilè enim patet, reliquos inflammationis exitus, in gangrænam nempe vel scirrhum, peiores longe esse. Si ergo ex signis §. 387, enumeratis constet, talem esse inflammationis indolem, ut non possit expectari resolutio; vel, licet fortè in initio spes adfuerit illam obtineri posse, tamen frustraneâ applicatione, aut neglectu idoneorum remediorum, aut iisdem ferè adhibitis (postquam per plures jam dies impetus vitalis liquidi continuâ pressione consolidavit obstruentes moleculas, & expressâ parte fluidissimâ easdem reddidit omnino irrefolubiles) omnis hæc spes evanuerit; tunc indicationes curatoriæ omnino sic dirigendæ erunt, ut quâ citissime factâ suppuratione tollantur omnia illa, quæ & in solidis & in fluidis per inflammationem adeo corrupta sunt, ut nullo modo ampliùs sanitatis legibus obedire possint: & deinde hoc facto restituantur perdita, & uniantur illa, quæ à naturali cohesionē separata fuerant. Hæc autem sequentibus numeris hujus paragraphi considerantur.

(a) Gal. Epidem. Lib. I. Comment II. Text. XIV. Charter. Tom. IX. pag. 55.

(b) Prognostic. Comment. II. Text. LXV. LXVI. Charter. Tom. VIII. pag. 654. 655. &

Coacar. Prænot. n°. cccxcv. Ibid. pag. 874;

(c) Method. Med. ad Glaucon. Lib. II. cap. IX. Charter. Tom. X. pag. 382.

1. Causa materialis morbi, quamdiu tales condiciones habet, ut morbum faciat vel augeat, cruda vocatur; ubi autem per vitam supersititem, propriam indolem, aut medicamenta idonea sic mutata fuit, ut minus recedat à sanitatis legibus, minúsque turbet functiones corporis, tunc cocta dicitur. Ille autem status morbi, in quo hæc causa materialis sic mutatur, ut minús noceat, dicitur maturatio vel coctio. Poterit ergo hæc cruditas in partibus fluidis & solidis locum habere; adeoque & maturatio. In phlegmone autem crudum vocatur, omnis materies sic obstruens, ut resolvi nequeat; omne vas sic obstructum; ut referari non possit. Debet ergo, ut restitatur sanitas, separari vas illud sic obstructum unà cum contenta materia immeabili, à reliquis vasibus vivis & perviis, & cum effusis liquidis mutari in unum humorem, qui pus dicitur. Quamdiu ergo nondum soluta est cohesio finis obstructi à reliquo vase pervio, vis vitæ, urgens locum obstructum, faciet augeri omnia symptomata inflammationis (vide §. 381. 382; ubi autem hæc separatio facta est, cum per fines abscessos jam liber sit humorum transitus, patet satis, minui debere plurimum omnia hæc mala. Cruditas ergo ex symptomatum omnium incremento, vel summo vigore; maturatio verb ex eorumdem remissione cognoscitur. Pulchræ habentur apud Celsum, ubi de abscessibus agit (a) *Crudum est autem, in quo major quasi venarum motus est, & gravitas, & ardor, & distentio, & dolor, & rubor, & durities; & si major abscessus est, horror, atque etiam febricula permanet: penitusque condita suppuratione pro his; quæ alioqui cutis ostendit, punctiones sunt. Ubi ista se remiserunt, jamque is locus prurit, & aut sublividus, aut subalbidus est, matura suppuratione est.*

2. Durities & renixus partis inflammatae à compactis admodum liquidis & solidis oritur (vide §. 382, n°. 4.); & quamdiu illa adest, crudus merito dicitur morbus. Sed maturatio requirit separationem finium obstructorum à reliquis vasorum partibus: quò ergo magis hæc emolliuntur ut contabescant quasi, eò citiùs & minori cum dolore hæc separatio fieri poterit. Si autem valida phlegmone partem occupavit, plerumque observatur, licet medium loci affecti jam mollescere incipiat, omnem tamen ambitum adhuc durum esse; unde & vicina simillimis emollientibus foveri debent, uti monuit Celsus, (b) *Si qua circa duriora sunt, ad ea emollienda, vel malva contrita, vel sæni græci lini semen ex passo coctum superdandum est.*

3. Si pus natum ex suppuratione loci inflammati circa corporis superficiem sub cute hæreat, plerumque solet sponte cutis elevari in tumorem; omnino maxime, si emollientibus & laxantibus foveatur locus. Si autem profundiorum locum occupaverit, tunc majus periculum est, ne sinuosas sibi vias in paniculo adiposo formet; vel in corporis interioribus si lateat, purulentà labe viscera corruptantur. Simulac ergo ex signis §. 387, recensitis constat, inflammationem tendere in suppurationem, omni Artis molimine tentandum est, ut versus exteriora derivetur pus. De pleuritis cura agens Celsus ad magnum & recentem dolorem commendat sanguinis missionem: sed ubi (c) *vel supervacuum vel serum id auxilium est, confugiendumque ad cucurbitulas est, antè summâ cute incid. Rectè etiam sinapi ex aceto super pectus imponitur, donec ulcera pustulæque*

(a) Lib. V. cap. XXVIII. n°. XI, pag. 327.

(b) Ibid. pag. 318.

(c) Ibid. Lib. IV. cap. VI. pag. 109. 210a

*excitet; & tum medicamentum quod humorem illuc citet.* Et in peripneumonia, ubi ad summum incrementum morbus pervenit. (a) *Prodest etiam impositus super pectus sal bene contritus, cum cerato mistus: quia leviter cutem erodit, eoque im-  
petum materię, quę pulmo vexatur, evocat. Utile etiam aliquod malagma est ex  
his, quę materiam trahunt.* Si jam ubique pus factum commodè posset versus  
exteriora duci, non adeo metueretur illę inflammationis exitus: nam v. gr; à pleu-  
ritide suppurata moriuntur aęri, dum ulcus pure plenum tumore suo versus inte-  
riora prominente, pulmonem comprimendo suffocat, vel dum idem ruptum in  
thoracis cavum pus deponit; unde empyema, phthisis, & mors. Si verb apostema in  
locis intercostalibus natum versus extimam corporis superficiem vergat, ibique tu-  
morem faciat, illo pertuso, & pure evacuato, felix plerumque successus sequitur.  
Ob hanc causam veteres Medici externas has partes stimulis irritabant, vel & mol-  
lissimis fovebant cataplasmatibus aut fomentis, ut versus exteriora tenderet morbi  
impetus.

4. Quando vasorum obstructorum fines, cum sanguine immeabili in illis hæ-  
rente, calore, humoribus admistis, & morā in loco clauso, abierunt in pinguem,  
album, homogeneum liquorem, tunc pus coctum adesse dicitur. Quibus autem  
signis cognoscatur, tale pus jam præsens esse, postea in §. 405, explicabitur.  
Ubi autem pus illud loco clauso & calido diutius continetur, incipit sensim te-  
nulus fieri & simul acrius; cūque venulę resorbentes patulis suis orificiis in tota  
superficie cavi, quo pus continetur, hient, illud resorbebitur his, & reliquę  
sanguinis massę admistum, purulentam cacochymiam efficiet: unde febris hec-  
tica, & phthisis sequi poterunt. Præterea pus illud acrius factum totam superfi-  
ciem loci, quo continetur, malè afficiet; cūque simul attenuetur, poterit no-  
vas sibi vias facillimè invenire in panniculo adiposo; unde pessimi sinus & fistu-  
lę sæpe sequuntur, dum non satis citò puri cocto conciliatur exitus. Unde ite-  
rum patet, quantum differant inter se resolutio inflammationis, ejusdemque cura  
per suppurationem: Dum enim resolvitur inflammatio materies morbi per vitam  
superstitem & idonea remedia sic mutatur, ut evadat salubri quàm simillima,  
& cum reliquis humoribus per vasa fluere possit sine læsione functionum, unde  
nulla requiritur evacuatio. Quando autem per suppurationem fit separatio illo-  
rum fluidorum & solidorum, quę per inflammationem corrupta fuerant, hæc  
quidem convertuntur in blandum pus; illud tamen penitus alienum est à nostro  
humorum indole, illisque nullum omnia turbat, febrēsque accendit, donec  
evacuetur de corpore, vel per metastasim à sanguine secernatur, & deponatur  
ad quædam corporis loca; unde iterum educi debebit, ut sanatio fiat. Patet  
ergo, puris cocti evacuationem requiri, & quidem satis citò, cū longiori  
morā semper acrius reddatur. Quanta autem mala fiant, dum pus in abscessu la-  
tens non satis citò educitur, docuerunt Observationes Medicę. Virgini quadra-  
genarię sinistra parotis suppurata fuerat, & decimo quarto morbi die ad pugni  
magnitudinem excreverat abscessus ibi factus. Licet autem in initio morbi febris  
nulla adfuisset, sed domestica curaret negotia quotidie; cū non in tempore  
exitus factus fuit puri contento, febris accessit stipata pessimis symptomatibus,  
lipothymia, nausę, vigiliis, &c, unde paucis diebus postea perit. Sponte quidem

(a) Celsi, Medicin. Lib. IX. cap. VII. pag. 212. 213.



ruptus fuerat abscessus aliquot diebus ante mortem, sed nihil vel parum admodum puris effluxerat (a). In puero trimestri abscessus circa humerum dextrum erat; cum autem parentes incisionem fieri nollent, sponte quidem tumor incepit subsidere, sed resorptum pus per metastasim ad genitalia delatum lethalem gangrænam harum partium fecit (b). Plurimæ similes Observationes occurrunt apud Auctores, quæ docent, quàmpericulosum sit pus coctum in vomica clausa diu relinquere.

5. Quamdiu locus suppuratus clausus manet, vomica clausa dicitur; ubi vero vel sponte, vel per Artem, puri exitus conciliatus fuit, tunc vomica aperta vocatur. Tota autem superficies cavi illius, quod pus continuit, macerata fuit in hoc pure, unde semper plus minùsve malè affecta erit; inprimis si pus morâ & calore acrius factum fuerit. Non poterit ergo partium separatarum unio & consolidatio fieri, neque restitutio perditorum, nisi priùs omnis illa superficies ad conditionem puri vulneris reducat. Semimortua ergo vasorum extrema & semicorruptæ panniculi adiposi partes, priùs separari debebunt, & reliqua omnia fieri, ut dictum fuit in vulnerum Historia §. 206. 207. 208. (c) *Ulcera non purgeta coire nequeunt, etiamsi adducantur; neque sua sponte coalescunt. Ulcera etiam, quorum circumpositæ partes inflammantur, coire non possunt, quamdiu aderit inflammatio. Neque glutinari possunt ulcera quorum ambientes ulcus partes nigritie occupantur, aut sanguine putrescente, aut etiam varice sanguinis influxum supeditante, nisi circumstantes ulcus partes sanas effeceris.*

6. Post depurationem illam ulcus transit in naturam puri vulneris, sed cum iactura substantiæ; unde tunc perditæ regeneratio, & separati unio, procurari debet.

§. 403. **MATURATIO** fit applicatione horum, quæ,  
1. Motum in parte augeant, fovendo, stimulando, calefaciendo per ea, quæ re ipsâ, vel & virtute calefaciunt; in toto similia præstant, excitatâ febriculâ.

Omnis maturatio crudi inflammatorii in coctum pus fieri debet per vim vitæ superflitem: simulac enim hæc vel deficit, vel languet, nullum pus fieri observatur. Ideo inter signa mortis numerat Hippocrates (d), si ulcus vel ante morbum, vel in ipso morbo natum, siccum fuerit. Et in phthisicis ultimo morbi stadio sputa minuuntur, imò & sæpe cessant ob eandem causam. Vis vitæ autem mensuratur liquidorum trajectu per vasa. Cum ergo separari debeant vasorum obstructorum fines, unâ cum materia immeabili contenta, per vim liquidi à tergo urgentis, patet illud citiùs fieri, si motus fluidorum per vasa in parte suppuranda augeatur robore & celeritate; tunc enim intra datum tempus frequentioribus & validioribus simul ictibus fluidum per vasa projectum arietabit obstructos fines,

(a) Hildan. Observ. Chirurg. Centur. I. Observ. XXXIX. pag. 33.

(b) Ibid. Observ. LXXXI. pag. 59.

(c) Hippocrat. Lib. de Ulcer. Cap. IV.

Charter. Tom. XII. pag. 131.

(d) Prognost. Comment. I. Sentent. XXII. Charter. Tom. VIII. pag. 605.

illósque à cohæſione ſolvat. Unde & motus citatus recenſebatur §. 387, inter illas conditiones, quæ faciebant inflammationem in ſuppurationem tendere. Notandum tamen, nimis velocem liquidorum per vaſa motum ſubito rumpere vaſcula, non autem ſenſim ſeparare; unde gangræna loco ſuppurationis benignæ ſequeretur, ut dictum fuit §. 388. Requiritur ergo hic juſtum moderamen, ut nempe motus in parte major ſit, quàm in ſanitate; nec nimius tamen. Calor autem loci inflammati, ſi in corporis ſuperficie ſit; vel febris major minorve, ſi internis lateat malum, demonſtrabunt, an motus augendus vel minuendus ſit. Unde vel topicis auxiliis parti affectæ applicatis, vel internis remediis, augendus erit motus, ſi deficiat. Et ut dictum fuit *Commentariis* §. 371, inflammationem habere comitem febrim in toto, vel ſaltem in parte; ſic etiam motus augendus erit vel in parte inflammata ſola, ſi fieri poterit; vel in toto excitatâ febriculâ. Sic videmus in phthiſicis, in quibus quotidie pus ſit febriculam illam hæcticam ſemper adeſſe, ingraveſcentem, dum pus conficitur; imminutam verbò, quando pus factum exſcreatur. Ideo *Hippocrates* dixit loco in *Commentariis* §. 387, allegato, (a) *dum pus procreatur, ſimul dolores ac febres magis, quàm eo procreato oboriuntur.* In *Materia Medica* ad hunc numerum laudantur gummata illa aromatica, ammoniacum, galbanum, opopanax, &c. in quibus omnibus ſtimulus adeſt moderatus, & tenacitas ſimul ſatis magna, per quam hærent parti, cui applicantur; ſicque coercent exhalans ſubtiliſſimum quaſi proprio vaporis balneo partem ſovent, ſimulque laxatis ſic vaſis aromaticum illud ſtimulus inſinuantur: unde tam pulchros effectus habent talia remedia in omnibus inflammationibus, ubi à nimis debili motu ſcirrhus metuitur. Omnia autem hæc, quæ blando tali ſtimulo majorem motum in parte affectâ excitant, ſimul & virtute caleſciunt, quia auctum motum fluidorum per vaſa major calor ſequitur; ut demonſtratum fuit in *Commentariis* §. 382. n°. 6. Proſunt ſimul & pulcherrimè illa, quæ actu ipſo calida ſunt, modò non tantum habeant caloris gradum, ut diſſipando liquidiſſimam partem, reliquum in ſcirroſam duritiem convertant. Unde omnium optimus hic eſt humidus calor; quando nempe fomenta vel cataplaſmata, loco ſuppurando applicata pannis laneis calefactis vel ſimilibus obvolvuntur, ut continuo ſed blando calore foveatur pars affecta. Nam (b) *calidum ſuppuratorium eſt, non in omni ulcere maximum ſecuritatis ſignum: cutem emollit, extenuat, dolorem ſedat.* Quare autem *Hippocrates* dixerit, non in omni ulcere, explicat *Galenus* in *Commentariis* ſuis in hunc aphoriſmum; quia nempe putridis ulceribus & rheumaticis omnibus calidum nocet, augendo putredinem, & attrahendo fluxionem.

2. Excitatum motum, & calorem ad eum locum coercent, impediendo nimiam exhalationem & diſſipationem per obturantia glutinoſa, lenimen acrimoniz nimiz.

Locus inflammatus ſemper calet magis, quàm in ſanitate ſolebat (vide §. 382. n°. 6.); cùmque omnia ſymptomata inflammationis augeantur, ubi illa in ſuppurationem tendit (vide §. 387.), ergo & calor auctus erit dum abſceſſus ſit. Sed per calorem auctum liquidiſſima pars humorum noſtrorum diſſipatur, ut patet:

(a) Aphoriſm. Sect. II. n°. XLVII. Charter. | (b) Ibid. Sect. V. n°. XXII. pag. 207. Tom. IX. Part. II. pag. 85.

bit in *Commentariis* §. 689; unde maximè conducet talia applicare, quæ continuâ humectatione partem affectam fovent, & restitunt illud, quod per calorem auctum dissipatur continuò. Pulcherrima ergo erunt illa remedia, quæ maximam copiam aquæ continere possunt, nec faciliè tamen illam iterum dimittunt. Talia autem sunt glutinosa omnia, quæ cum aqua in ductilem pastam abire possunt, uti omnia farinosa, & inprimis farina seminum lini, quæ ingentem copiam aquæ absorbere potest. Ex similibus mollissima cataplasmata fiunt, quorum variz formulæ in *Materia Medica* ad hunc numerum habentur. His si involvatur undique locus suppurandus noctes & dies, inprimis si curetur, ut calida maneant, solet satis citò omne inflammatum irresolubile maturari, & in bonum pus converti. Cùm autem omnia hæc remedia unà cum vi humectante simul emolliant & laxent partes solidas corporis, dolorem plerumque satis acrem, suppurationis comitem, plurimùm mitigant (vide §. 228. n°. 1.); omnemque acrimoniam inviscando & obtundendo leniunt: adeoque & hoc respectu profunt, quia blanda humorum indoles requirebatur ad suppurationem, uti dictum fuit in *Commentariis* §. 387. Cùm autem inprimis hic metuatur degeneratio in putredinem (vide §. 84. n°. 4. & 5.) ob stagnationem fluidorum in vasis obstructis, illorùmque celeriore motum per vasa vicina aperta, & auctum calorem; ideo seliguntur talia quæ calore partis, cui applicantur, brevi mutantur in oppositam putredini indolem, id est, acefcunt. Farinam hinc fecalis citissimè acefcentem, ipsum acetum, acetosam & similia Chirurgi addunt cataplasmatibus maturantibus. Solent etiam his addere recens buryum, oleum lini, vel similia mollissima pingua, partim quia cutaneos meatus obturando humidi diffationem impediunt; tum etiam quia per hæc addita cavetur, ne cataplasmata illa nimis citò arefcant.

### 3. Moderando motum totius fluidi vitalis, ejusque temperiem ita, ut nec torpeat, nec excitetur, nimis.

Maximi momenti hæc regula est in Praxi Medica, tam in morbis internis; quàm in externis curandis. Motus citatus humorum inflammationem facit tendere in suppurationem (vide §. 387.) motus nimius, subito destructis vasculis tenerrimis gangrænam producit (vide §. 388.); motus sedatus autem in resolutione inflammati locum habet (vide §. 386.). Quamdiu ergo resolutionis spes est, impetum vitalis liquidi aucter minuant Medici per illa remedia, de quibus actum fuit §. 396, ut caveatur ulterior læsio vasorum inflammatorum: ubi autem signa docent, resolutionem inflammati impossibilem esse, tunc requiritur semper major motus, quàm naturaliter in sanitate aderat, ut separantur fines obstructi vasorum, & convertantur cum effusis humeribus in bonum pus: adeoque patet, tunc sæpe nocere posse illa, quæ nimis debilitant circulationis impetum. In hoc ergo casu vel per remedia interna, vel per topica parti affectæ applicata, tale queritur moderamen in motu humorum per vasa, ut in loco suppurando sit major calor & celerior motus, quàm in sanitate; neque tamen tanta hæc sint, ut subito destructis vasculis omnem influxum vitalium humorum per partem tollant, id est, gangrænam faciant. Cognoscitur autem tale moderamen adesse, si calor in loco inflammato caloris sani gradum excedat quidem, nec multum tamen; si dolor adsit, sed non summus; si pulsatio percipiatur modica; si tumor, rubor,

& reliqua inflammationis symptomata augeantur quidem, sed sensim. Hæc autem signa in ipso loco affecto docent, an minui debeat, an augeri vitalis fluidi motus. Ubi autem inflammatio tanti momenti est, ut totum inde turbetur corpus, tunc febris magnitudo, sitis, siccitas linguæ, facillè demonstrant, quid fieri debeat, ut illud moderamen obtineri possit. Nullum ergo universale suppurans est, sed, prout vel augeri vel minui debet motus humorum, diversa medela requiritur. In calido juvenili corpore suppurando loco applicatum cataplasma ex avena, lacte, butiro insulso, proderit; in melancholicis, senibus, aut frigida temperiei hominibus bulbos ceparum sub cineribus asstos, galbanum, ammoniacum gummi & similia stimulantia adduntur, ut incitato parum motu, feliciùs succedat suppuratio loci inflammati, & caveatur scirrhus; qui sæpe sequitur in tali casu, si inflammatio glandulosa loca corporis occupaverit. Idem jam in internis inflammationibus obtinet. Sic in pleuritide incipiente audax sanguinis missio ad animi deliquium usque sæpe morbum tollit; ubi verbò seriùs vocatus Medicus videt, curam per resolutionem non ampliùs obtineri posse, superest tunc coctio materiæ morbi, & coctæ evacuatio per sputa, urinas, &c, vel in abscessum conversio. Qui tunc per venæsectionem vel alia evacuantia vitam nimis debilitat, semper nocet; cùm requiratur in tali casu febris moderata ad maturationem crudi inflammatorii.

4. Relinquendo locum clausum, donec omne inflammatum irresolubile suppuratum sit. His enim causis bonum fiet pus in parte.

Accidit in majoribus abscessibus sæpius, medium centrum loci suppurandi mollescere, & digitis cedere, dum tamen maxima pars tumoris inflammati in omni ambitu dura manet. Cùm autem pure jam factò, si nimis diu relinquatur locus clausus, plurima sequi possint mala, uti dicitur in *Commentariis* §. 406, ideo sæpe festinant Chirurghi aperire tales tumores, dum vel minimam fluctuationem percipiunt. Sed omnia mala, quæ observata fuerunt sequi, si non satis citò concilietur exitus puri, pendent vel à putredine & acrimoniâ, quam pus nimia morâ acquirit, ut, & dum copia auctum novas sibi vias parat in panniculo adiposo, & sinus fistulasque producit; vel ab ejusdem attenuati resorptione per vasa bibula venosa, unde cacochymia purulenta sanguinem inficiet; aut dissipatâ parte tenuiori reliquum crassescens scirrhosos tumores producet, inprimis circa loca glandulosa. Quamdiu autem locus clausus manet; & aeri nullus datur accessus, non tam subita degeneratio in putredinem fiet; & dum pus continetur cavo, cujus ambitus undique durus est, non poterit facillè cumculos agere in panniculo adiposo: neque magnus erit metus resorptionis attenuati puris, cùm distenta vasa arteriosa per inflammatoriam non resolubilem materiam adjacentes venas compriment. Præterea illud pus, quod in semimaturo tali abscessu hæret, optimum dat remedium, quo vicina omnia adhuc dura & cruda solvantur, dum contiguum pus, calore & morâ, illa quasi contabescere facit. Tali phrasi usus fuit Hippocrates in loco allegato in *Commentariis* paragraphi 323, uti & alibi, ubi dicit, (a) εἰάχου γὰρ τὰς σάρκας τὰς φλαθίστους & κοπιέας τῶν γινομένων ἐν ταύτῃ.

(a) Lib. de Caput. vulnerib. Cap. xiv, Charter, Tom. XII, pag. 121.

*Carnes enim collisas & laceratas in pus versas, necesse est tabescere.* Sic etiam in *Commentariis* §. 158. n°. 7, dictum fuit, pus in vulnere natum solvere partes semilaceras, & inflammata vasorum extrema unâ cum infarctis liquidis. Pareat ergo, quanti usus sit, locum suppurandum clausum relinquere, donec, omne crudum inflammatum, fuerit maturatum. Ita enim imitatur naturam aquæ suppurationem optimè perficit, ubi locus clausus est, qui suppurari debet. Sic recenti vulnere divisus partibus, postquam sanguinis effluxus cessavit, crusta sanguinea cavo vulnere innascitur, & sub hoc tegmine blandâ suppuratione depuratur vulnere superficie. Unde naturam ubique secutus *Hippocrates* hoc axioma Medicum posuit, *Quæcumque concoqui opus est, occludi convenit; contraria verò exsiccare atque aperire.*

Si jam omnia illa fiant, quæ quatuor his numeris enumerata fuerunt, tunc bonum pus fiet in parte. Quænam autem sint puris boni conditiones dictum fuit in *Commentariis* §. 387.

§. 404. **N**ISI materies inflammata sic mutata, cum periculo, & sine profectu, aperitur abscessus.

Quamdiu enim nondum ad perfectam maturitatem deductus est inflammatorius tumor, si aperiatur, nihil puris effluet, sed merus sanguis, ut dictum fuit in *Commentariis* §. 382. n°. 2; vel si jam pro parte in pus versus fuerit, illo educto reliqua indurata difficiliùs & longiori temporis spatio maturari poterunt. Præterea dum crudi tales tumores secantur, longè acerbior dolor oritur, & majus periculum est, ne pertulâ cute subjacentes partes lædantur. In maturo enim abscessu collectum pus cum elevat à partibus suppositis, hinc turò aperiri poterit, cum lanceolæ cuspis, cute perforatâ, cavum pure plenum ingreditur; unde nullum periculum læsionis vasorum aut fibrarum musculosarum erit. Ideo *Celsus* de abscessibus agens, qui in locis nervosis occurrunt, dicit (b) *Sed cætera etiam subcruda aperiri possunt; inter nervos ultima expectanda maturitas est, quæ cutem extenuet, eique pus jungat, quò propius reperiatur.* Idem verum erit in illis locis, ubi magna vasa sanguinea decurrunt; uti v. gr. in inguinibus & sub axillis, ubi frequenter tumores tales inflammatorii occurrunt, postea suppurandi. Nemo enim prudens, tales abscessus aperiet, nisi penitus maturi fuerint, cum magna vasa vel illorum insignes rami facillimè lædi possent, ingenti cum periculo, si nimis citò dissecarentur. Quantum autem retardetur cura, & augeantur dolores, si crudi abscessus aperiantur, optimorum Chirurgorum Observata docent. Nobili viro post febrim prægressam, sub axilla oriebatur tumor inflammatorius acerrimè dolens; Chirurgus, qui curam ejus gerebat, spreto prudentiorum consilio, simulac levem fluctuationem in hoc tumore percepisset, profundè adactâ lanceolâ pertudit, acerbissimo cum dolore ægri. Neque pauculo puris educto illum sequebatur levamen, sed contrâ febris & inflammatio augebatur. Mollissimis cataplasmatibus applicatis diu, sanatum fuit malum, quod paucorum dierum spatio fieri potuisset, nisi temerario ausu ante perfectam maturationem apertus fuisset tumor. Pluribus exemplis hanc rem probat sæpius laudatus Chirurgus *Lamot-*

(a) *Epidem. Lib. VI. Comment. II. Text.*  
xxxiv. *Charter. Tom. IX. pag. 416.*

(b) *Medicin. Lib. VII. Cap. II. pag. 409.*

*tius* (a). Sic aliquoties vidi, bubones venereos nimis citò dissectos, quia metuebatur lues à pure diu retento, maximas molestias fecisse, & sæpe per menses curam protractam fuisse, dum cogeantur erodentibus consumere Chirurgi, illa quæ pus diutius relictum in loco clauso paucorum dierum spatio solvisset certissimè. Notandum tamen, frequenter accidere in abscessibus, extremum marginem adhuc aliquam duritiem habere, dum tamen reliquum penitus maturatum est. Sponte ruptis talibus tumoribus, & pure omni sic educto, duræ illæ reliquæ paucis diebus solent fundi quasi & evanescere. Non nocuisset ergo & aperuisse tales tumores, quorum longè maxima pars jam suppurata fuerat.

§. 405. **MOLLITIES** partis, fluctuatio pressi tumoris, albiditudo, remissio doloris, caloris, ruboris, tensionis, pulsus, febris, vertex mucronatus tumoris, gravitas dolori succedens, docent pus jam factum, atque exitui aptum esse.

Cùm itaque periculosum sit aperire locum suppuratum ante perfectam maturitatem, simulque plurima mala sequi possint, si pus factum nimis diu relinquitur in loco clauso, uti dicitur sequenti paragrapho; ideo summâ curâ expendenda sunt illa signa, quæ docent, pus jam factum esse & collectum in abscessu sic, ut cum fructu inde educi possit. Signa illa autem deducuntur ex mutatis phenomenis, quæ loco suppurando accidunt, dum incipit irresolubilis materies inflammatoria abscedere, ad perfectam maturationem usque.

**MOLLITIES PARTIS** In *Commentariis* §. 382. n.º. 4., demonstratum fuit, in phlegmone à compactis admodum inter se liquidis & solidis magnam duritiem fieri, quia tunc sanguis densatus in vasis, obstructis quidem, integris tamen adhuc; hæret. Ubi verò, dum suppuratur phlegmone, vascula distenta rumpuntur, humida effunduntur, tenerrima solida atteruntur; solvuntur, & abeunt in pus (vide §. 387.) duritiei succedit necessariò mollities, cùm tunc sub integra cute subsit fluidum, non autem dura & cruda inflammatoria materia. Possè enim ingentem duritiem esse in corporibus, licèt pro maxima parte fluidis constent, modò illa distinctis vasis contineantur, non verò in unum locum confluant, docent poma, pyra, rapæ, &c. Licèt enim hi fructus incredibilem succi copiam habeant, tamen admodum duri sæpe sunt; ubi verò tunduntur, in pulpam mollissimam abeunt; ut etiam dum igni proprijs admoventur: tunc enim elasticus aer, in his fructibus latens, calore rarefactus vasa rumpit, unde humores effunduntur; sicque durissimum pomum intra horæ quadrantem adeo mollescere potest, ut diffluat. Idem etiam contingit, dum per putredinem solvitur in his fructibus vasorum continuïtas.

**FLUCTUATIO PRESSI TUMORIS.** Ut certi sint Chirurgi, inflammatum locum æquabiliter suppuratum esse solent oppositis tumoris locis digitos apponere, tuncque nunc ab una, nunc autem ab altera, parte leviter premere: si tunc, dum premunt ab uno latere, in opposita parte percipiunt humoris contenti undulationem, noverunt satis omnem tumoris ambitum maturatum esse. Ubi verò talis fluctuatio non sentitur, licèt ab utraque parte mollities appareat,

(a) *Traité complet de Chirurgie*, Tom. I. pag. 111. & suiv.

tunc in medio tumoris poterit adhuc esse cruda inflammatoria materies, quæ impediatur, quominus motus impressus uni parti ad oppositam partem pertingere possit. Tales autem occurrere abscessus, qui bifariam sic quasi dividuntur, dum in medio centro adhuc crudi manent, in extremis autem maturati sunt, docent Observationes Chirurgicæ, & jam monuerat Hippocrates dicens (a) *Quæ tubercula foras protuberant, acuminata, æqualiter commaturatione, neque in ambitu dura, deorsum tendentia, neque bifida, meliora sunt. Contraria, mala; & quæ plurimum contraria, pessima.* Et Galenus in Commentariis suis in hunc textum monet (b) *In bifidis enim medium non sine vitio invenitur, sed crudum (ἀκμαῖον) atque durum.* Verum quidem est, abscessum maturum fluctuationem hanc communem habere cum aneurysmatibus, & tumoribus quibusdam ampullosis, humores continentibus; sed tamen abscessus ab his optimè distinguitur, quia inflammationem prægressam sequitur. Satis autem patet, hanc fluctuationem pressis tumoris non posse commodè percipi, nisi emineat tumor; dum enim in panniculo adiposo, profundè inter musculos decurrente, abscessus hæret, hoc signo non faciliè detegitur.

**ALBITUDO.** In Commentariis §. 382. n°. 1, & 2, demonstratum fuit, rubedinem comitari debere inflammationem natam, quia nempe vasa obstructa & dilatata, uti etiam panniculus adiposus, sanguine rubro crasso infarsa erant. Ubi ergo omne illud crassum inflammatorium unà cum vasorum extremis obstructis abiit in pus album & æquale, causæ majoris rubedinis aberunt. Præterea, dum ab interiore parte pus, ab exteriori verò mollissima fomenta vel cataplasmata, cutim macerant, illa contabescit quasi, albūque colorem acquirit. Dum enim, emplastro quocumque applicato, fovetur repercussus exhalantis liquidi vapore cutis, paucorum dierum spatio albescit penitus. Sensim etiam marcescens & extenuata cutis puris albi subjacentis colorem exhibet. Patet ergo ratio, quare inter signa maturi abscessus merito numeretur & albitudo. De abscessibus agens Celsus habet sequentia. (c) *Et, quod de subito durius non est, melius est; & quod, quamvis rubet, coloris tamen in album mutati est: quæ signa jam pure oriente nascuntur; tumor enim ruborque multò antè incipiunt.*

**REMISSIO DOLORIS, CALORIS, RUBORIS, TENSIONIS, PULSUS, FEBRIS.** Omnia hæc signa inflammationis producebantur à vi acti sanguinis per vitam supersitem, dum nempe impetu & celeritate auctis urgebat vasorum obstructorum fines (vide §. 381.); horūque omnium ratio data fuit in Commentariis §. 382. Postquam ergo per suppurationem fines obstructi arteriarum separati fuerint, cessat causa horum symptomatum; adeoque desinunt, vel saltem plurimum minuantur. Unde merito Hippocrates (d) monuit (vide locum allegatum in Commentariis §. 387.) circa puris generationem dolores & febres majores esse, quàm illo jam facto. Notandum tamen, aliquando acerbissimum dolorem superesse, licet locus suppurandus perfectissimè maturuerit, quia pus collectum & auctum quotidie cutim incumbentem distendit & sensim dilacerat: sed dolor ille, uti patet, ab alia causa oritur, & rupto sponte, vel pertuso lanceolâ abscessu, cessat illico. Ideo

(a) Epidem. Lib. VI. Comment. I. Text. 111. Charter. Tom. IX. pag. 375.

(b) Ibidem, pag. 376.

(c) Medicin. Lib. V. Cap. XXVIII. no. IX. pag. 316.

(d) Aphorism. Sect. II. n°. XLVII. Charter. Tom. IX. Part. II. pag. 85.

Celsus postquam recensuerat signa, quibus abscessus cruditas cognoscitur (vide *Commentaria* §. 402. n°. 1.) statim subiungit; (a) *Ubi ista se remiserunt, jamque is locus prurit, Et aut sublividus aut subalbidus est, matura suppuratio est.* Notandum enim est, licet cutis, maturo jam abscessu; albescat plerumque, aliquando tamen à pure distendente sic comprimi vasa cutanea, ut sublato vitali influxu & effluxu humorum gangrænescat, & sublividum colorem acquirat. Similia his maturi abscessus signa habentur apud *Æginetam*. Dicit enim postquam loci inflammatus in suppurationem tendentis signa recensuerat, (b) *Consummato abscessu, plurima (horum) minuuntur, puncturæ autem pruriginosæ fiunt, Et torpor sentitur, & tumor in apicem acutum elevatur, tangenti lenis & cedens, Et superficies circa apicem abraditur (ἀπορίπτει).* Ubi pulchre notat, quomodo sensim cutis in vertice mucronato abscessus maturi quasi excoriando per strata secedat.

**VERTEX MUCRONATUS TUMORIS.** Quando phlegmone suppuranda maturefcere incipit, ferè semper in medio loco percipitur mollities & fluctuatio aliqua, licet reliquis ambitus adhuc durus sit. Cum autem ad suppurationem promovendam mollissima soleant applicari cataplasmata, laxata integumenta cedent in hoc loco puri sensim copiâ aucto, & extendentur ultra æquabilem tumoris superficiem, quia in reliqua parte tumoris suppurandi major durities faciliem extensionem prohibet. Ob hanc ergo causam vertex mucronatus talis eminebit, illoque in loco, sensim distractis & debilitatis integumentis, rumpetur sponte abscessus, vel tutissimè lancellâ pertundi poterit.

**GRAVITAS DOLOREI SUCCEEDENS.** Paulò antè dictum fuit, dolorem augeri, quandiu suppuratur locus inflammatus: debent enim sensim abrumpi fines vasorum obstructorum; adeoque, dum fibræ nervosæ, per vasorum tunicas dispersæ, rupturæ proximæ sunt, acerrimus erit dolor (vide §. 221.), qui cessabit, quando integra ruptura fuit. Sed tunc aderit pus, quod extra vasa in cavo præternaturali factò, vel & cavo naturali dilatato, collectum hæret, & pondere suo gravabit partes, quas occupat. Sanus enim homo; licet corporis sui pondus non sentiat, simulac tamen extra vasa humores colligantur, statim gravitatem percipiet. Dum post validas contusiones fractis vasis sub integra cute sanguis colligitur in paniculo adiposo, statim de gravitate insolita partis conqueruntur ægri (vide §. 329. n°. 2.) Ubi hydrops anasarca, accumulato sero, crura distendit, plumbeos quasi arcus trahunt miseri. Facile autem patet, gravitatis illum sensum tantùm locum habere, ubi alicujus momenti suppuratio adest; & in morbis internis latentis abscessus præcipuum signum esse, si post dolorem acutum inertis ponderis sensus in loco affecto percipiatur; uti postea in pleuritide, peripneumonia, & similibus morbis patebit, quando de illis dicetur.

§. 406. **S**I tum relinquitur diu in loco clauso, attenuatur, acre fit, putrescit, augetur, vicina consumit, erodit, mole, pondere, & motu sinus fistulæque, creat variis locis varias, pessimas intestino recto. Aut dissipatâ parte tenuiori, reliquum durefcens tumores duos, maximè circa glandulas, creat. Vel denique venis, lym-

(a) Medicin. Lib. V. Cap. xxviii. no. xi. | (b) Lib. VI. Cap. xviii. pag. 64.  
pag. 317.



phaticis, aut sanguiferis per erosa oscula impressum absorbetur, sanguini miscetur, hunc inquinat, & collectum in visceribus pessimis collectionibus ea corrumpit, horum functiones turbat, atque ita infinitos, eosque gravissimos morbos efficit.

Postquam ergo per signa præcedenti paragrapho enumerata constitit, omne cruidum inflammatorium maturatum esse, & in bonum pus conversum, tunc quantocyus pus illud collectum debet educi: semel enim ad ultimam perfectionem ubi pervenit pus, album nempe, crassum, leve, æquabile & inodorum redditum, tunc sensim incipit degenerascere, & quotidie in pejus mutari. Extra vasa enim hæret, neque amplius circulationis legibus subjacet, sed stagnat, & calore loci spontaneam mutationem sequitur, quâ in putredinem vergit. Quamvis enim in loco clauso, nullo aere admisso, lentius corrumpantur omnes animalium partes, putrescunt tamen. Præterea per putredinem observatur nasci major tenuitas in nostris humoribus; sanguis enim de vena missus, concrefcens statim, nam putredine postea integre dissolvitur. Cylica bylis, in sanis & quiescentibus animalibus spissior semper, dum putrescit, in tenue liquamen solvitur. Ideo & puri, nimis diu in abscessu maturo retento, perit illa unctuositas & balsamicus lentor, quo cremorem lactis ferè æmulator, atque in tenue ichorofum fluidum muratur: hanc verò tenuitatem auctam à putredine semper comitatur major acrimonia, ut dictum fuit in *Commentariis* §. 86. Tota ergo superficies cavi loci, quo pus illud attenuatum & acrius factum continetur, aluitur continuo tenui jam & rodente ichore, unde tenella vasorum extrema hic hiantia destruentur, humores effusi in similem corruptelam abibunt; adeoque erosus parietibus cavi continentis, augebitur abscessus magnitudo, & ab humoribus huc delatis per erosa vasa crescet puris copia. Innumera jam, & ubique obvia apud probatissimos Auctores, Observata docuerunt, à pure diu relicto & putrefacto consumi & erodi etiam solidas corporis partes. Post empyema consumptos fuisse pulmones, sic ut vix reliquæ invenirentur tam nobilis visceris, legitur apud *Schenkiū* (a). Pericardium non tantum, sed & ipsam cordis substantiam adeo solidam à pure erosam fuisse memorizæ tradidit idem Autor (b). Solida ossa erosa & in caviem conversa à pure corrupto, doluerunt toties Chirurghi in profundis suppurationibus, &c. Patet hinc ratio, quare dixerit *Hippocrates*, (c) qui suppurati curantur aut secantur, si pus purum aut album effluat, evadunt; si suberuentum & carnosum, & graveolens, pereunt; uti etiam (d) qui suppurato jecore aduruntur, si pus purum albumque fluat, sopites evadunt (in tunica namque his pus inest); si verò qualis amurca fluat, pereunt. A corrupto enim pure tunc erosa erat ipsa viscerum substantia, unde certa imminet perniciēs.

Præterea, cum inflammatio omnium frequentissimè locum habeat in tunica adipsa, ut dictum fuit §. 374; suppuratio ex inflammatione nata eundem occupabit locum. Sed tenerrima hujus tunicæ fabrica facillimè erodetur à pure acriori reddito; imò solo etiam pondere suo & mole pus, in hac membrana tam faciliè

(a) Observat. Medic. Lib. II, pag. 250, 251.

(b) Ibid. pag. 274.

(c) Aphorism. Sect. VII. n°. XLIV. Charter, Tom. IX. Part. II. pag. 315.

(d) Ibid. n°. XLV. pag. 316.

dilatabili hærens, illam distendit, & novas sibi faciet & pessimè sinuosas vias. In *Commentariis* enim §. 244, §. 300. n<sup>o</sup>. 5, demonstratum fuit aerem, panniculum adiposum ingressum, miro emphysemate totum aliquando sepelivisse corpus; unde paruit, viam patere ex quocumque loco hujus tunicæ per omnem ferè ejus ambitum. Sic vidi, parotide glandulâ suppuratâ, dum non conciliabatur exitus puri collecto, illud viam sibi fecisse descendendo in panniculo adiposo per collum, humerum, & brachium, ad cubiti flexuram usque; ibique sic corruptis ligamenta cubiti articulum firmantia, ut postea immedicabilis facta fuerit ancylosis. Post profundam inflammationem circa femotis articulum, sequebatur abscessus; cùmque latens sub maximis musculis pus educi non potuisset, illud descendens sinuosum ulcus fecit, per totam femoris & cruris longitudinem decurrens; unde post rædiosissima mala, incassum tentatis omnibus, perit cacochymia purulenta confectus egregius juvenis. Si jam simul consideretur, pus illud in tunica cellulosa collectum, morâ & calore attenuatum, sæpe validissimis musculis accumbere, patet, facillè, quòd horum musculorum motu pressum propelli possit per omnia loca vicina, adeoque sinus profundos & pessimas fistulas sic fieri posse; inprimis dum pus per tunicam adiposam sic repens se musculorum interstitiis insinuat. Prout jam major crassities est adiposæ tunicæ, vel plura sunt strata musculorum sub incumbentium in loco suppurato, eò peiores cuniculos agere poterit pus diu retentum. Ideo in abdomine, ob magnam copiam pinguedinis hic plerumque positæ, & inter musculorum abdominalium varia strata decurrentis, adeo molesti sinus & fistulæ observantur; ut dictum fuit in *Commentariis* §. 307.

Nullibi tamen ferè peiores fistulæ & sinus à pure nimis diu retento nascuntur, quàm circa intestinum rectum. Cùm enim crassissimæ faeces per illud exire deberent, necesse erat, ut distendi posset facillè in omni ambitu: ideo undique molissima & copiosa pinguedo huic intestino circumponitur, adeoque pus in abscessu hic nato diu retentum profundissimos sinus facere poterit (a) *Putrescens enim ferendo quæ mollia sunt, depascitur, quum nimirum anus humidus sit, & caro mollis, in qua pabulatur, dum tuberculum rumpatur, infraque ad rectum intestinum computrescat.* Si jam ipsum intestinum rectum simul erosum fuerit, per cellulosam tunicam hujus intestini, cryptas mucilaginosas, &c, poterit se pus diffundere, & rædiosissima mala producere; quæ multum augentur, dum faeces alvinæ hic transeuntes omnia conspurcant. Tanta mala metuens *Hippocrates* noluit expectandum esse, donec tuberculum in his locis natum penitus maturuerit, verum crudum adhuc quàm celerrimè secari jussit (b).

AUT DISSIPATA PARTE TENUIORI, &c. Accidit & hoc aliquando, licet rariùs, inprimis quando calidis admodum remediis tractatur abscessus, sine emollientium & humectantium admisione. Solent sic mulieres mammam suppuratam exponere prunæ ardenti, ut evitent maturi abscessus aperturam lanceolâ Chirurgicâ faciendam. Diffatur tunc pars tenuissima, residuum inspissatum in scirrhum indurefcit, & totâ vitâ cruciat metu canceri, qui & sæpe sequi solet. Similis durities sæpe remanet post bubones venereos ante debitam maturationem discissos, vel nimis calefacientibus remediis tractatos. Convenit ergo hic monitum *Galenii*,

(a) *Hippocrat. Lib. de Fistulis, Cap. 1. Char-*  
ser. Tom. XII, pag. 141.

(b) *Ibid Cap. II, pag. 142.*

ubi de erysipelatis & phlegmones curatione agit, dum scirrhus metuendus erat ab his affectibus; dicit enim (a) Quod si quis iis, quæ vehementer trahunt discutiuntque medicamentis vacuare veniet, nec iis, quæ humectent & calefaciant, molliat ac liquet; huic paucis inprimis diebus egregie processisse curatio videbitur; cæterum quod de affectu restabit, insanabile erit. Si quidem toto, quod in eo tenuium partium erat, discusso, quod reliquum est, veluti lapidosa concretio linquetur.

VEL DENIQUE VENIS LYMPHATICIS, AUT SANGUIFERIS, &c. Dictum fuit id Commentariis §. 158. n. 7, pus in vulneribus fieri ab effusis per vasorum extrema humoribus, morâ & reformatione, vel dissipatione partis fluidissimæ, inspissatis. Si enim detergeretur omni horâ vulnus, non inveniebatur pus, sed tenuis tantum humor, qui duodecim horarum spatio v. gr; in pus muratur. Videbitur autem fluidissima pars extravasatorum humorum potius reorberi osculis venosis quàm dissipari extrorsum, quia bonum pus non nisi bene recto vulnere per emplastra vel unguenta, solet fieri; & in omni vulneris superficie venarum æquè quàm articularum discussa hiant oscula, quæ illâ vi, quâ minimæ fistulæ vitreæ liquores trahunt, contiguos humores hauriunt, & dein majoribus venis tradunt, sicque sanguini miscent. Pari ergo ratione pus in abscessu diu relictum sponte attenuabitur, simulque, blandâ suâ indole depositâ, acre fiet; tuncque venosis osculis contiguus reorptum cacochymia purulentâ sanguinem inficiet: unde febris hectica, & phthisis sequi poterunt. Pus autem in loco cavo corporis collectum reorberi sic posse venosis osculis, & sanguini misceri, docent Observata plurima. Nobili viro in bellico conflictu cubitus trajiciebatur globulo plumbeo, sic ut cubiti os fractum esset, & dein gravia plurima symptoma una cum febre continua accederent; simulque magnus, satis abscessus vulneris locum & vicina occuparet. Cum jam maturi abscessus aperturam faciendam statuisset Chirurgi, ingens diarrhœa vulneratum corripuit, statimque omnis tumor membri vulnerati evanuit; visumque fuit, ingentem puris copiam alvo exortam fuisse. Et dum postea novo pure tumeret abscessus, ortâ denuo diarrhœa illud evacuatum fuit: hocque modo periculosum satis vulnus sanabatur (b). In homine abdomen perfoſso, cum levamine omnium symptomatum, urinam copioso pure mistam vidit (c) externi Scultetus. Vidit Galenus (d) pulmonis vomitam per urinam; thoracis autem per intestina & alvum expurgari. Pulmonis vomitam, cum spinæ distorsione, purulentâ dysenteria per plures dies durante sanatam fuisse, observatum fuit (e); licet ingens debilitas & pessima plurima signa persuasisse expertissimis Medicis, nihil spei ampliùs superesse; neque tantum ex ipsis orci faucibus sic crepta fuit hæc puella, verum etiam spinæ distorsio sponte emendata fuit. In variolis toties observatur, pus reorptum pessimas febres accendere; & deinde ad varia corporis loca pus illud deponi, subitotque attollere tumores, qui pertusi verum pus emittunt, & aliquando in pessima ulcera degenerant. Ingens Observationum numerus apud fide dignissimos Auctores habetur, quibus confirmatur pus nimis diu relictum in loco clauso venis absorberi, & sanguini misceri posse atque postea ad varia cor-

(a) Galen. Method. Med. Lib. XIV. cap. IV. Charter. Tom. X. pag. 322.

(b) Belloſſe Chirurg. d'Hôpital, parti. III. chap. xv. pag. 164.

(c) Armament. Chirurg. Observ. LXI. p. Tom. I.

145.

(d) De Loc. Affect. Lib. VI. cap. IV. Charter. Tom. VII. pag. 517.

(e) Acad. des Sciences l'an 1731. Mémoires, pag. 724, & suiv.

poris loca deponi: simulque patet ancipitem penitus eventum esse in his casibus, prout has illasve partes pus à sanguine secretum occupat. Licet enim in casibus modò enumeratis felici successu per alvi & urinæ vias pus eductum fuerit, magnum tamen periculum semper adest, ne viscera pessimis collectionibus corrumpat, aut totam sanguinis massam, cui miscetur, sic depravet, ut postea immedicabiles inde sequantur morbi. Pus enim in abscessu clauso collectum vix resorbebitur, nisi jam tenuius & acrius factum fuerit; dumque sanguini mistum per vala fluit, majorem adhuc acquireret acrimoniam, unde pessimæ sæpe febres, sanguinis corruptio, & infinita mala sequi poterunt. Ab hac causa toties in variolis, dum omnia ferè in vado credebantur, subito phrenitis summa orta fuit, quam brevè mors sequebatur; pure nempe resorpto & ad cerebrum delato. Habetur apud Hippocratem (a) talis casus, qui huc facere videtur. Describit enim ægrum, internâ pectoris suppuratione laborantem, in quo stertor pectoris, difficilisque respiratio docere videbantur, collectum magnâ copia pus fuisse. (a) *Supra quadragesimum autem diem, prope sexagesimum, ut opinor, oculus sinister cum tumore, sine dolore excrucatus est: neque verò longè postea etiam dexter, pupillæque admodum candidæ & siccæ siebant; neque multò post hanc excruciationem mortuus est, non ultra septem dies, cum steriore & multa desipientia.* Admodum enim verosimile videtur, pus resorptum, pessimâ metastasi primò ad oculos delatum, dein ad ipsum cerebrum mortem induxisse. Prout jam varia viscera à purulenta hac colluvie occupantur, diversi orientur morbi; dum pus hic depositum premendo partes, quibus accumbit, vel majori acrimoniam natâ rodendo, illorum functiones turbat, vel integre tollit. Unde patet simul, summâ hic prudentiâ opus esse: nimis enim citò apertus abscessus, antequam omnia penitus maturuerint, plurima damna facere poterit; uti dictum fuit in *Commentariis* §. 404; si verò non concilietur exitus puri factò, periculosissima sequi poterunt mala. Signa autem maturationis perfectæ cum cura enumerata fuerunt paragrapho præcedenti.

Ab hac puris resorptione toties pereunt illi, quibus extirpatis membris, vel aneurysmate exsecto, ingens vulnus factum fuit, quod quotidie magnam copiam puris dat. Si enim sæpe detergeatur pus in superficie vulneris collectum, omne ferè corporis nutrimentum deficit, hæc viâ exiens; sicque vero marasmo contabescunt. Si verò diutius relinquatur pus in tanti vulneris superficie, illud resorptum cacoehymiam purulentam inducit, & omnia, quæ inde sequi possunt, mala: nisi decoctis vulnerariis detergentibus, potatis magnâ copiâ, abluatur pus sanguini mistum. Aliquando autem debiles tales ægri sufficientem talium decoctorum copiam ferre nequeunt, sed inde hydropici fierent; tuncque ferè semper infelix successus sequitur.

§. 407. **ISDEM** auxiliis (403) integumenta loci suppurati infernè & supernè emolliuntur, attenuantur, laxantur, ut & vicina:

Quando inflammatio per benignam resolutionem curari non potest, tunc sola suppuratio bona est, ad quam obtinendam requiruntur indicationes curatorie

(a) Galen, Epidem. Lib. VII. text. xxx. Charter. Tom. IX. pag. 565.

§. 402, recensitæ, & sex numeris ibidem comprehensæ. Primò enim debebat crudum inflammatorium ad perfectam maturationem perducì; de qua re actum nunc est, uti & de signis, per quæ certi sumus, illam maturationem factam esse; tumque præcedenti paragrapho enumerata sunt illa mala, quæ metuenda sunt, quando abscessus maturus, bono pure plenus, nimis diu clausus relinquitur. Secunda indicatio curatoria erat, ut locus suppurandus, uti & vicina emollirentur (vide §. 402. n°. 2.) de qua re nunc hæc paragrapho agitur.

Omnium frequentissimè inflammatio in panniculo adiposo, aut tunica cellulosa dictâ, hæret, (vide §. 374.). Cutis densa unâ cum epidermide huic incumbit in omni ferè superficie externa corporis: hæc vel pertundi, vel sponte rumpi debet, ut concilietur exitus puri facti; unde facillè patet, requiri quàm maximè, ut hæc integumenta laxentur & emolliantur. Sed illa remedia, quæ ad maturationem crudi inflammatorii commendabantur in *Commentariis* §. 403, eadè operâ & hoc perficient. Obturantia enim illa glutinosa, quæ n°. 2, illius paragraphi laudabantur, simul hanc vim habent, ut laxent & emolliant solidas corporis humani partes. Dum ergo talia cataplasmata vel fomenta applicantur externè loco suppurando; integumenta macerantur & contabescunt quasi; simulque pus sub cute hærens internam ejus superficiem alluet, & macerabit: quod multùm adjuvatur prægnante illo calore, qui (vide §. 403. n°. 1.) in parte suppuranda adest. Non videtur ergo aliud quid ad hanc indicationem curatoriam requiri.

§. 408. **Q**UIN & hac ope (407) minutâ resistantiâ horum, per auxilia maturantia (403) pus factum extrâ pellitur vel attrahitur foras.

Pus jam factum, in loco clauso hærens, auctum quotidie à vicinis partibus, pressum communi omnibus fluidis lege, tendet eò versùs, ubi minor resistantia est. Si jam emollientissimis remediis applicatis sic debilitata fuerint integumenta, ut cedant facillimè distendenti puri, illud elevatis integumentis extrorsum tendet, neque sinuosas vias in panniculo adiposo sibi faciet. Omnia ergo illa auxilia, quæ ad maturationem crudi inflammatorii adhibentur, simul etiam pus factum foras attrahunt. Probatum enim fuit in *Commentariis* §. 134, attrahentia remedia esse talia quæ resistantiam minuunt illo in loco, versus quem derivatio fieri debebat.

§. 409. **T**UM modicè acria, emollientia, subpinguia, mista simul applicentur, ut & mortua tegumenta faciliùs, & sine dolore; aperiri queant.

Debet exitus conciliari collecto puri sub integumentis adhuc integris, unde horum divisio fieri debet, sive sponte & sensim dilacerentur à pure distendente, sive lanceolâ Chirurgicâ pertundantur. Ut autem hoc minimo dolore fiat, mollissima & subpinguia applicantur, quibus sic contabescunt integumenta, ut emortua ferè omni sensu careant. Ubi ergo incipit ferè maturus abscessus in verticem mucronatum elevari, huic loco Chirurgi plumaceolum unguento basilico, vel alio simili molliissimo, inunctum solent applicare, ut summa fiat in hoc loco integumentorum emollitio; sic enim laxatis fibris minuetur dolor (vide §. 228. n°. 1.),

N n n ij

qui in hoc loco prominente satis acer plerumque esse solet. Simul aliquando emollientibus miscentur modicè acria, ut fermentum panis, sapo Venetus, mel, &c, quæ macerata integumenta quasi emori faciunt, & citiùs rumpi. Sic lotrices, quæ totâ die saponis lixivio manus macerant, albam & ferè emortuam digitorum cutim habent, quæ sæpe etiam excoriando secedere solet. Formulæ similium remediorum in *Materia Medica* ad hunc numerum habentur.

§. 410. **DEIN**, pressio rite pure in assurgentem tumorem, partem albißimam, mollißimam, eminentiorem, inferiori, intrudatur scalpellum, donec exeuns pus satis penetratum doceat; dein elevetur æquabili sectione sursum latâ plagâ, aut per oppositam plagam cuspidè actâ, media integumenta dissecantur, vitatis fibris; vasisque; leniter mox exprimatur, & successivè, pus abundans; nec aere, nec turundis, vexetur.

Ubi jam omnis ambitus loci suppurandi perfectè emollitus est, & omnia signa docuerunt, maturationem factam esse, nisi sponte rumpantur integumenta; exitus puri conciliandus est per Artem; ne fiant illa mala, quæ §. 406, recensita fuerunt. In locis glandulosis abscessus diutius clausi relinquuntur, quàm in aliis partibus, quia major ibi scirrhi metus est, si fortè aliquid nondum maturatum relinqueretur. Unde de abscessuum apertura agens *Celsus* sequentia monuit, (a) *Si pus maturuit, in aliis quidem & inguinibus raro secandum est: item ubicunque medicis abscessus est: item quoties in summa cute, vel etiam carne vitium est, nisi festinare curandi imbecillitas cogit. Satisque est cataplasmatibus efficere, ut per se pus aperiat, nam ferè sine cicatrice potest esse is locus, qui expertus ferrum non est.* Ex quibus apparet, quòd non tantùm in locis glandulosis, sed etiam in aliis casibus spontaneam abscessuum aperturam prætulit illi, quæ per Artem fit, in primis, uti videtur, ob cicatricis deformis metum. Sed vulnus lanceolâ factum pulchriùs postea consolidari poterit, quàm si major cutis plaga tabefacta, & à pure contento exesa, secesserit. Quare autem turpem sæpe cicatricem post apertum ferro abscessum viderit *Celsus*, patet faciliè ex illis, quæ in eodem loco habentur. Ubi enim altius hærebat pus, candenti ferramento abscessum aperiri iussit: in alio in casu dum cutis vehementer extenuata erat, illam totam super pus excidendam voluit. Idem faciebat, si cutis palleret; tunc enim illam emortuam esse & inutilem futuram dixit, adeoque commodius esse, ut excideretur.

Ut concilieretur exitus puri in abscessu maturo collecto, attendendum est ut hoc fiat minima cum molestia ægri & sine periculo lisionis partium suppositarum. Sola enim integumenta communia pertundenda sunt; sub quibus pus hæret, & quæ à pure distendantur & eleventur. Solent hinc Chirurgi mollißimè premere in omni ambitu tumorem supparatum, ut integumenta recedant quàm maximè à partibus suppositis; cùmque soleat plerumque quædam pars tumoris in verticem mucronem prominere, uti dictum fuit §. 405, huic inprimis loco scalpellum imprimitur, quia integumenta hic magis attenuata, & ferè emortua, facillimè, & ferè sine dolore, pertundi pos-

(a) *Medicin. Lib. VII. cap. II. pag. 408, 409.*

sunt, inprimis si subpinguibus & modicè acribus applicatis mucronatus ille vertex ferè contabuit, uti paragrapho præcedenti dictum fuit. Quàntùm autem commodè fieri poterit, locus inferior tumoris pertundi debet, ut proprià gravitate pus per aperturam factam effluere possit: sic tamen ut consideretur situs, quem pars affecta habebit post aperturam factam; (a) *dandæque opera, ut imus sinus exitum habeat; ne quis humor intus subsidat, qui proxima & adhuc sana rodendo sinuet.* Si vero apex abscessus maturi in superiori loco est, ibique integumenta mollissima & albissima appareant, præstat ibi pertundere, quàm in alio loco quamvis inferiori, ubi viva adhuc & inflammata cutis non sine summo dolore, & magnis sæpe postea secuturis molestiis discindi poterit. Postea enim aperturâ factâ poterit mutato partis situ, vel leni compressione per splenia & fascias ex Arte circumductas satis impediri, ne pus relictum in abscessu, pondere suo sinuosas vias in panniculo adiposo faciat.

Simulac scalpellum integumenta penetravit, hæret in medio pure, & statim ad latera scalpelli pus incipiet prodire, inprimis si leni pressione vicinorum tensa fuerint integumenta à pure subiecto. Ubi autem satis magna puris copia adest, præstat parum profundius demergere scalpellum, ut postea elevato ejus apice æquabili sectione latior plaga fiat. Ob eandem causam, si sine discrimine fieri possit, per medium abscessus mucronatum verticem, ab uno latere ad oppositum, scalpellum transadigitur, & dein illud elevando simul & semel imposita integumenta discinduntur, ut sic maxima apertura fiat; quod nunquam nocebit. Nisi enim patulum sic fiat orificium, membranæ cellulosæ partes sæpe satis magnæ, ferè gangrænossæ, protrudentur unâ cum pure, & aperturam obstruent, unde postea novâ sectione opus erit. Accedit, quòd evacuato pure tensa antea integumenta propriâ contractilitate corrugentur, & aperturam factam plurimum imminuant. Ideo pro generali ferè regula haberi potest, dum abscessus pertundetur, tam latam debere fieri plagam, ac sine periculo læsionis partium subiectarum fieri poterit. Ubi autem pus statim sub cute hæret, patet facili non requiri, ut scalpellum ad magnam profunditatem adigatur. Aliquando verb accidit, pus hære profundius reconditum, & tunc majori cautela opus est: turpe enim est, frustra secuisse abscessum; periculosum autem sæpe, profundius apicem scalpelli adigere: & in similibus casibus pericia & dexteritas Chirurgi inprimis elucescunt. Nisi enim ex Anatome situm partium optimè noverit, vel inani semper trepidabit metu, vel temerario ausu contemnet periculum, quod ignorat. Cùm enim inflammatio omnium sæpissime in panniculo adiposo hæreat, uti jam aliquoties dictum fuit, illæque inter musculos ubique se insinuet, patet, quòd profundissimè sæpe pus latere possit, nullo omnino vitio apparente in integumentis. Inflammationis profundæ signa prægressa, suppurationis dein indicia hanc sequentia, fluctuatio puris, pressâ parte percepta, lucem in obscuris talibus casibus dabant. Notabilem maximè talem casum habet toties laudatus egregius Chirurgus *Lamottius* (b). Fœmina post lochiorum suppressionem jam per novem menses lecto affixa fuerat, incurvato miserimè corpore jacere coacta, ut acerbissimos parum leniret dolores; facie enim genubus admotâ, calcaneis autem versus nates reflexis, noctes discique in eodem manebat situ. Cùmque dolor inprimis hypogastrium mediâ inter umbilicum & pubem altitudine oc-

(a) Cels. Medicin. Lib. VII. cap. II. pag. 409.

(b) Traité complet de Chirurgie Tom. I. pag. 280.

cuparet, omni curâ hunc locum examinavit peritissimus vir, atque aliquam undulationem percipit, quamvis nulla durities aut tumor adessent, neque integumentorum color ullo modo mutatus esset. Longo Arti usu firmus in similibus malorum diagnosi conclusit, profundum hic latere abscessum, qui omnium malorum causa esset; & licet abnueret quatuor Chirurgi, qui antea miserimæ hujus fœminæ curam gesserant, aperturam faciendam esse in hoc loco statuit, illamque maximam cum cautela perfecit, donec in cavum abdominis penetrasset. Nihil tamen omnino puris exivit per aperturam factam, licet comprimeretur abdomen, spiritum contineret ægra, vel situs corporis mutaretur. Attonitus infausto hoc eventu optimus Vir, in sinu ridentibus aliis Chirurgis, abiit; candidèque fatetur, insomnem se duxisse noctem. Sequenti mane, dum mutaret apparatus hesternæ plagæ, ingentem copiam puris exire vidit lætus, licet non intelligeret, ubi illud latuisset. Perrexerat pus quotidie effluere per sex circiter septimanarum spatium, tuncque perfectè convaluit à tam desperato morbo hæc fœmina; posteaque adhuc peperit, & sine difficultate incedere potuit, parum tantum inclinans versus dextrum latus, ubi malum hæserat. Similem casum vidi, dum profundum mammæ muliebris abscessum aperiret Chirurgus, quod ne gutta puris exiverit, licet ad pollicis altitudinem & ultra scalpellum adegisset: paucis tamen horis postea sponte ingens copia puris per aperturam factam prodiiit. Unde patet, non statim mutandam esse diagnosin in tali casu, si omnibus prius rite ponderatis conclusum fuerit, pertundi debere locum. Licet enim scalpelli apex ad puris latibula non penetraverit, versus locum tamen hunc minùs resistentem sæpe sponte pus paulò post derivabitur.

VITATIS FEBRIS, VASISQUE. Si sub integumentis pus collectum immediatè hæreat, & ut dixit *Celsus* (a) pus cuti jungatur; satis patet, nullum esse metum læsionis vasorum aut fibrarum, cum pus cutim à subjectis partibus elevet, neque hæcenus confliterit, suppurationem veram musculorum substantiam occupasse unquam, sed in panniculo adiposo hærare tantum. Quamvis enim *Ægineta* dixerit, quoddam (b) *Abscessus sit corruptio & permutatio carniū aut carnosarum partium, veluti musculorum, venarum, arteriarum*, tamen post maximas suppurationes, imò & gangrænas, quotidiana Observata docent, consumpto panniculo adiposo nitidissimos & integros inveniri musculos. Verum quidem est, miras aliquando degeneraciones non tantum tunice adiposæ, verum etiam muscularis ipsius substantiæ observatas fuisse, sed tunc talibus tumoribus apertis, non exivit pus, sed alius omnino liquor; unde non videntur ad suppurationem propriè dictam pertinere talia mala. Memorabile tale Exemplum habetur in *Actis Edinburgensibus* (c). Fœmina per aliquot menses tumorem gesserat in cruris externa parte, in medio prominentem & molliorem, cum manifesta fluctuatione, dum digitis premeretur. Cum cutis in illo loco ruberet, dolor adesset acerrimus, febris hæctica, sudor nocturnus, diarrhœa tertio quoque die recrudescens, &c, videbatur optimum, fore, si locus incideretur. Postquam ergo per biduum cataplasmata maturantia applicata fuerant, & integumentis plurimum attenuatis evidentissimè fluctuatio percipiebatur, incisione satis profundâ, quæ pollicem cum dimidio longitudine æquaret, apertus fuit tumor; sed ne guttula puris prodiiit;

(a) *Medicin. Lib. VII. cap. 11. pag. 409.*(c) *Medical Essays Tom. I. pag. 234.*(b) *Lib. IV. cap. XVIII. pag. 64.*



effluerunt verò binæ tréſve unciz muciz. Sequenti die fungoſa moles per aper-  
turam factam eminuit, quâ ablata ſimilis recrevit, & poſtquam ingens copia  
ſimilis ſubſtantiz ſic ablata fuerat, immiſſum ſpecillum per totam cruris ſubſtan-  
tiam penetravit, donec in oppoſita parte cutim tangeret. Paucis diebus poſtea  
mortuâ hâc muliere, cutis cruris affecti ſana reperiebatur, ſed panniculus adipo-  
ſus unâ cum muſculis degeneraverat in fungoſam molem ſic, ut diligenti exa-  
mine tamen non poterint diſtingui muſculi. Perioſteum ubique ſeceſſerat ab  
oſibus malè affectis. Ex hoc caſu conſtat quidem, in informem talem maſſam  
potuiſſe per morbos mutari muſculos, tamen nullum hic pus fuit inventum, quod  
maximè notandum eſt. An ſimiles abſceſſus intellexit Hippocrates dicens (a),  
*Verùm, ut ſummatim dicam, cætera quoque omnia, quæ mucoſa ſunt, & mucos produ-  
cunt, ut pote glutineſa, ubi tangantur, citò in hanc vel illam partem digitis ela-  
buntur; quæcumbrem aliora hæc Medici reperiunt, quàm exiſtiant?* Agebat enim  
in hoc loco de fractura auri, & ſuppuratione illam ſecutâ; & monebat, ſi in-  
ciſio fieri deberet, illam non parvam debere eſſe, quia pus altius hærebat, quàm  
quis putaret, & paulò antè monuerat, cataplaſmata nocere auri fracturæ, qua abſceſ-  
ſus concitant, & mucos plurimos & ſuppurationes moleſtas; deinde illa ſubjun-  
git, quæ modò allegata fuerunt.

Non videtur ergo tantum periculum eſſe læſionis fibrarum, dum maturi abſ-  
ceſſus aperiuntur; adeoque ſupervacuam eſſe anxiam illam cautelam, quam ſa-  
tis operoſè deſcribit Fabricius ad Aquapendente (b) in ſingulis ſerè locis cor-  
poris, ut nulla fiat ſectio niſi ſecundùm ductum fibrarum muſculorum ſubjacen-  
tium: idem enim ille Auctor poſtea in eodem capitulo ſatetur, Anatomæ ignaros paſ-  
ſim non errare in ſecandis abſceſſibus, (c) ob puris copiam, quæ attollit partem,  
& reddit membra ſubjecta tuta ab incidente ſtrumento.

**LENITER** MOX **EXPRIMATUR, ET SUCCESSIVE, PUS ABUN-**  
**DANS.** In maximis abſceſſibus, in quibus ingens copia puris collecta hæret,  
ſimul & ſemel omne pus educere non ſemper tutum videtur. Omnes enim par-  
tes, quæ ſacculum talem pure plenum ambiunt, antea preſſæ admodum, nunc uno  
momento hâc preſſione liberatæ, flaccidiſſimæ fiunt, & ſanguinis maximam co-  
piam in vaſa ſua admittunt, unde minor ejus appuſſus ad cerebrum & cerebel-  
lum, hinc animi deliquia & mors ipſa metuenda forent. Idem periculum im-  
minet, ſi ab alia quavis humorum colluvie partæ preſſæ ſubitò liberantur: ideo  
monuit Hippocrates quòd (d) qui empyi aut hydropici uruntur, aut ſecantur  
pure aut aquâ conſertim effluente, omnino intereunt. Si verò abſceſſus fuerit in tali  
corporis loco, ut factâ aperturâ pro ratione effluentis puris poſſint ſulciri partes  
circumductis ſcaciis, tunc ſatis tutò maximæ etiam evacuationes fieri poterunt,  
ut poſtea dicetur, ubi de aſcitis cuta per paracentefin agetur. Neque nocebit ali-  
quam puris copiam hic relinquere; cavi enim hujus facci parietes pure bono, opti-  
mo certè & naturali baſamo teſtæ, ſoventur, & depurantur, ſemimortua vaſo-  
rum extrema ſeparantur, & omnia diſponuntur ad optimam conſolidationem,  
ut latiùs dictum fuit in vulnereſtium Hiſtoria 5, 148. n°. 7. 8. 9. Requiritur ſolùm,

(a) Lib. de Artic. Comment. II. text. LVI.  
Charter. Tom. XII. pag. 363.

(c) Pag. 663.

(b) De Chirurgicis Operat. cap. CVII. pag.  
654.

(d) Aphoriſm. Sect. VI. n°. XXVII. Charter.  
Tom. XII. part. II. pag. 263.

ut non maneant tanta puris copia, quæ disflendendo partes nocere posset, & vias sinuosas sibi facere in panniculo adiposo; quod satis cavebitur, si apertura facta relinquatur libera, & in tali ponatur situ, ut pus abundans propriâ gravitate exire possit. Unde quàm maximè cavendum est, ut apertus abscessus,

**N E C A E R E, N E C T U R U N D I S, V A X E T U R.** Aperto abscessu, licet omne pus eductum fuerit, tamen post viginti quatuor horas, & citiùs aliquando, novum pus ibi colligetur, quod pariter educi debebit. Ob hanc causam Chirurgi metuentes, ne apertura facta nimis citò concresecat, solebant turundas huic officio immittere, sicque impedire hanc concretionem. Sed turundæ tales, ex linteis carptis siccis factæ, humores contiguos absorbent, & inde turgent; unde, cum conicæ figuræ sint, exprimuntur brevi postea; vel, si emplastris aut fasciis applicatis retineantur, dilatatæ epistomii instar orificium obturant, omnemque exitum puri collecto impediunt; quod ergo sinuosas sæpe vias quærit in panniculo adiposo tam faciliè dilatabili. Præterea turundæ illæ, dum tument absorptis humoribus, lentâ dilaceratione officii latera distrahunt; unde molestus dolor, & inflammatio nova sæpe oriuntur. Patet ergo, turundarum in his casibus usum vel inutilem esse, vel damnosum. Sed etiam; dum renovatur apparatus, & turunda extrahitur, pure elapso liberrimus datur aeri accessus in cavum hoc jam vacuum. Quantum autem nocere possit aer, si libere hiantes hic tenuissimorum vasculorum fines alluat, dictum fuit in *Commentariis* §. 204 & 245.

Omnium ergo optimum erit, plano plumaceolo factam aperturam tegere, ut pus collectum libere effluere possit, simulque cavere, ne fasciæ vel emplastra premant orificium; potiùsque curandum est, ut vicinæ partes spleniorum & fasciarum artificiosâ applicatione premantur leviter, sicque pus derivetur versus orificium patulum & ab omni pressione liberum. Turundarum autem in apertis abscessibus usus jam *Celfo* suspectus fuisse videtur; de his enim agens dicit, (*a*) *Tum, si qua in alis, vel inguinibus sunt, sine linamento nutrienda sunt. In cæteris quoque partibus, si ima plaga exigua est, si mediocris suppuratio fuit, si non altè penetravit, si febris non est, si valet corpus, æquè linamenta supervacua sunt. In reliquis, parcè tamen, nec, nisi magna plaga est, imponi debent.* Videantur & illa, quæ de turundarum noxis dicta sunt in *Commentariis* §. 289.

**§. 411. D E N I Q U E** curetur mundantibus, suppurantibus, digestivis, balsamicis, deterisivis, exsiccantibus, pro re nata variatis, juxta doctrinam vulnerum 192- ad 220.

Sequitur nunc, ut agatur de illis indicationibus curatoriis, quæ binis ultimis numeris §. 402, recensentur; nempe, quomodo mundandus sit locus apertus, & ad conditionem puri vulneris deducendus. Tota enim superficies interna cavi abscessus macerata fuit in pure contento, unde ferè semper malè affecta erit, uti dictum fuit in *Commentariis* §. 402. n°. 5; adeoque debebit hæc superficies mundari, & separari omnia illa, quæ in solidis fluidisque partibus sic corrupta sunt, ut unionem partium separatarum impedire possent. Omnium autem maxi-

(a) Medicin. Lib. V, cap. XXVIII. no. XI. pag. 317.

mè impura erit abscessûs superficies, si pus nimîâ morâ à blanda sua indole degeneraverit; tunc enim & cutim impositam, & vicinas panniculi adiposi partes quasi contabescere facit; sed tunc fordidiæ tales superficies consolidari simul nequeunt, nisi prius mundentur. Monuit hoc *Galenus* dicens ( a ) *Quum verò cuis in suppurationibus amplius extabuerit, ita ut attritis vestium fragmentis similis reddatur ( ως παχύνει γαρίσσαι )* haud facillè subiectis corporibus coalescit; itaque, emissario largiore facto, ulcus necessariò curandum est. Quænam verò requirantur auxilia, ut fordidum ulcus depuretur, & ad vulneris puri recentis conditionem deducatur, in *Historia vulnerum* dictum fuit; & quidem præcipuè in *Commentariis* §. 204. 205. 206. 208. 209.

§. 412. **SI** inanis metus ferrum repudiat, applicetur causticum parti ( 410 ); eschara butyro separetur mollita; curatio fiat ut priùs ( 410. 411. )

Omniùm tutissimè scapello aperitur maturus abscessus, sed aliquando Chirurgis res est cum hominibus, qui adeo pusillanimes sunt, ut in animi deliquium cadant, si vel mentio tantùm hujus rei fiat. Optimum est, talibus fraudem facere, & illis nil minùs suspicantibus perturbare abscessum. Varias ad hunc rem machinas excogitaverunt Chirurgi, dum annulo, quem indice digito gerebant, lanceolam occultabant; aut lanceolæ cuspidem, lamellæ metallicæ affixam, cataplasmate aut unguento tegebant, & deinde loco aperiendo applicabant, quod tunc leviter premendo apparatus facillè perficitur. Plura talia apud *Pareum* ( b ) & alios habentur. Si neque sic necessaria apertura maturi abscessûs impetrari possit, tunc nihil aliud superest, quàm ut mucronato abscessûs vertici applicetur cauterium potentiale dictum apud Chirurgos, qualia plura sunt in *Officinis*. *Lapis infernalis*, vel & corrosivum vulgare Chirurgorum ex calce viva & cineribus clavellatis paratum ( vide *Materiam Medicam* ad hunc numerum ) inprimis solent adhiberi. Applicatur parti emplastrum, quod in medio forameſſi habet, respondens loco, ubi causticum applicari debet; huic foramini imponitur causticum; & dein alio emplastro superimposito tegitur; & ille apparatus sic relinquitur per unam alterâve horam, donec eschara satis profunde inusta fuerit. Unguento deinde basilico, butyro insulso, vel similibus mollissimis applicatis, escharæ mortuæ à partibus vivis separatio promovetur; & dein pus per aperturam sic factam educitur: tuncque ad curationem omnia eadem requiruntur ac modò dictum fuit. Certum interim est, miculolos tales majorem longè dolorem pati; maturi enim abscessûs divisio scalpelli ope unico temporis momento perficitur; caustici autem actio horam, & sæpe longius tempus, requirit; & postea, dum eschara sensim à vivis partibus contiguâ secedit, adhuc satis magnus sæpe dolor sentitur. Major præterea cicatricis deformitas solet sequi post caustici applicationem.

( a ) *Method. Med. ad Glaucon. Lib. II. cap. ix. Charter. Tom. X. pag. 384. 385.*

( b ) *Livre VII. chap. x. pag. 167.*

## FISTULÆ.

§. 413. **H**INC Sinuum, Fistularumque origo, causa, natura, locus, effectus, intelliguntur (406).

Dum recenscebantur §. 406, illa mala, quæ metuenda sunt, quando pus in abscessu undique maturo nimis diu relinquitur, dictum fuit, quod pus mole, pondere, & motu, sinus fistulasque creet, variis locis corporis varias. De his autem sinibus, & fistulis in hoc capitulo agetur.

Sinus autem apud Medicos & Chirurgos designat cavum, inter partes molles corporis naturali contactu remotas, factum à pure in abscessu collecto, & per aperturam, sponte vel Arte paratam educto. Talem enim sinus definitionem dedit Galenus de hac re agens, (a) *At enim quæ pars ita afficitur, quousque in externa superficie aperta sit, abscedere ipsa dicitur, tumque per se affectus abscessus vocatur. Verum, ipso parte aliqua sic, aperto, ut contentus humor excernatur, affectus non amplius abscessus, sed jam sinus nominatur.* Ex hac verb definitione sequeretur, post omnem abscessum sequi necessarium sinum. Obtinuit tamen usu, sinum tantum vocari, quando latera abscessus aperti, educto pure contigua facta non concreverunt citò inter se, sed separata manent diutius; adeoque in hoc cavo præternaturali quotidie novi humores aggregati difficultatem curæ faciunt. Unde alio in loco sequentem sinus definitionem Galenus dedit (b) *Quum corpora pus excoriat, & continentia à subjæctis separat ac diducit; dein eo quomodocumque evacuato, separata pristinum statum recuperare nequeunt, affectio sinus appellatur.* Similia & habet alibi. Postquam enim monuerat (loco in Commentariis §. 411, citato) cutim in suppurationibus sic rãbefactam, ut attritis vestium fragmentis similis reddatur, difficulter subjæctis corporibus coalescere; statim in sequentis capituli initio dicit, (c) *Quum amplius subjæctis corporibus coalescere cutis non potest, ejusmodi affectus sinus appellatur.* Hanc autem sinus definitionem iisdem ferè verbis ex Galeno habet (d) Paulus Ægineta.

Fistula autem à sinu differt, quod sit angustior, diutius plerumque duraverit, & interna superficies, uti & orificium, callo sæpe obducta sint. Unde sequentem fistulæ definitionem dedit Ægineta (e) *fistula sinus est callosus, plerumque ex abscessibus nascens, ducta ab arundineis fistulis translatione appellatus.* Ex alibi (f) addit, fistulas plerumque abscessus non bene curatos sequi. Paucissimis verbis Latiniſſimus Celsus, Postquam monuerat ex abscessibus, & aliis ulcerum generi-

(a) Lib. de Medic. Officin. Comment. II. Text. xxvii. Charter. Tom. XII. pag. 64.

(b) Lib. de Tumor. præternatur. cap. iv. Charter. Tom. VII. pag. 316.

(c) Method. Med. ad Glaucon Lib. II. cap.

x. Charter. Tom. X. pag. 385.

(d) Lib. IV. cap. xlviii. pag. 69.

(e) Lib. IV. cap. xlix. pag. 70.

(f) Lib. VII. cap. lxxvi. pag. 93. vers.

bua fistulas oriri, illarum definitionem dedit, dicens (a) *Id nomen est ulceri alto; angusto, calloso.*

ORIGO. Autem sinuum & fistularum facillè patet ex illis, quæ in *Commentariis* §. 406, dicta sunt. Phlegmone enim in abscessum mutata, si pus collectum, loco clauso manente, nimis diu retineatur, vel aperturam nimis angustam, aut non satis declivem, exire commodè non possit, sinubus & fistulis originem dat.

CAUSA. Pus bonum pondere & mole suâ viam sibi faciens in facillè dilatabili tunica cellulosa; vel idem pus morâ & stagnatione corruptum & acrius factum, vicina rodens.

NATURA. Constitit in cavo præternaturali inter partes molles, à naturali contactu remotas per collectam materiem purulentam, ichorosam, saniosam, &c.

LOCUS. Semper in panniculo adiposo est; neque constitit ullis Observatis fide dignis, quantum novi, nunquam muscularem substantiam propriè dictam fistulas pervasisse. In *Commentariis* §. 374, dictum fuit, quàm latè pateat panniculi adiposi extensio per totum corpus & omnes ferè ejus partes; & quomodo non tantùm musculis & tendinibus circumponatur, verùm etiam majorum musculorum in minores subdivisionibus se interferat, quo usque sensibus hoc detegi potest. Unde patet, quàm mirabiles anfractus sæpe sinus & fistulæ habere possint, & quare in profundis admodum & difficilissimis ab orificio suo locis fontem eorundem sæpe inveniant Chirurgi ut plurima testantur Observata. Juvenis viginti duorum annorum acerbissimo jam ultra sex septimanarum spatium cruciabatur dolore, qui lumbos, inguen, & nates in dextro latere occupabat, & cogebat miserum noctes dièsq; dorso incumbere, genubus elevatis, & pedibus versus nates reflexis. Optimis remediis incassum adhibitis, dum examinantur partes dolentes, nulla mutatio in colore cutis aut figurâ partium inveniebatur: ad latus autem vertebrarum lumborum inter cristam ossis ilii & ultimam costam spuriam percipiebatur undulatio profunda. Hoc loco, ad magnam fari profunditatem adacto scalpello, discisso ad trium pollicum longitudinem, effluxerunt sinceri puris libræ sex & ultrâ; & postea eodem die incredibilis copia puris sponte per aperturam factam exivit, totùmque inundavit lectulum, inscio ægro, sed summo tamèn cum doloris levamine. Dum apparatus auferret Chirurgus, & premeret abdomen, denuo notabilis copia puris exivit; & adhuc multò plùs, dum crus & femur ejusdem lateris comprimerentur, quamvis nullus omnino tumor in his partibus appareret. Dùmque sequentibus diebus, omni pure evacuato, quantum fieri poterat per compressionem abdominis & femoris, premerentur partes à pede infimo ascendendo ad genu usque, magna adhuc puris copia exivit (b). Ex mirabili hoc casu apparet, pus bonum, & nondum degenerans in pejorem indolem, solo, ut videtur, pondere sinuosas tales sibi fecisse vias à lumborum regione ad infimâ pedis usque; & licèt validâ tali suppuratione omnem corporis habitum perdidisset miser ille homo eò usque, ut summa femoris pars pugno comprehendi potuerit, quinque tamen mensium spatio post aperturam factam convaluit, & dein, post binos menses amissum corporis

(a) *Medicina. Lib. V. cap. xxviii. n°. xii.* pag. 318.

(b) De Lamotte. *Traité complet de Chirurgie*, Tom. I. pag. 357, &c.

habitu penitus recuperavit; imò obesior, quàm ante morbum hunc, redditus fuit.

Similem casum vidi, sed infausto eventu lethalem. Mediæ ætatis viro sano & alacri sine manifesta causâ oritur tumor mollis in latere sinistro ad altitudinem circiter ossis illi, & ad distantiam binorum digitorum tranversorum à spina dorsi. *Celeberrimus Boerhaavius* consultus iussit scalpello dividi tumorem latâ satis plagâ: sed meticulosus æger, simulac primum scalpelli ictum sensit, aufugit illico, neque potuit precibus amicorum, neque secutorum malorum intentatis minis, adigi, ut sectionem pateretur. Levissimus tantùm fuerat scalpelli ictus, qui cutim vix penetraverat, unde nihil effluxit omnino; sed, applicato emolliente cataplasmate, post biduum per cutis hoc vulnusculum incredibilis copia puris effluxit. Quia cæteroquin omnes functiones corporis optimè apparebant, magna spes curæ affulgebat, sed pergebat quotidie copiosi puris effluxus. Cùm dilatationem parvulæ hujus aperturæ quàm maximè necessariam esse urgeret meritò dexterminus Chirurgus, qui ejus curam gerebat, post plurimos dies elapsos tandem illam admisit, sed iterum dolorem sentiens, cùm firmari ab adstantibus ministris absolute renuisset, motu corporis impedivit, quominus satis ampla hæc fieret. Interim per aliquot dies videbatur minui puris quantitas, sed mox inopinatò ingens copia puris undatim ferè effluxit. Magna cum difficultate à morosissimo hoc ægro impetravit Chirurgus, ut specillo liceret explorare, quò versùs ille sinus tenderet, potuitque versus superiora sub integumentis ad costas usque illud adigere: cùmque moriem ipsam vel levissimæ etiam sectioni præferre se pertinacissimè assereret miser æger, ruptorio communi applicato illi loco, ubi specilli immissi apex resistentiam invenisset, nova apertura facta fuit. Sed licèt splenis, ligaturis, corporis situ idoneo, &c, tentaretur cura, nihil omnino profuit, & pergebat pus exire tantâ copiâ, ut fasciæ, splenia, & testulus inde quotidie inundarentur. Febricula hæctica interea depascebat corpus; manente tamen appetitu integerrimo, & alvo liberâ, nec nimis laxâ tamen. Post aliquot septimanas, emaciato jam penitus corpore, in inguine dextro ad altitudinem summitatis ossium pubis tumor mollis apparuit; quo aperto, sinceri puris septem libræ effluerunt, neque tamen ideo sequentibus diebus cessabat pus exire per aperturam inguinis æquè, ac per binas priores, quæ in dorso erant. Tandem exhausto corpore, ad vitæ finem usque appetitu optimo manente, & placidè expiravit.

Cùm mirarer quàm maximè, unde tanta copia puris prodire potuisset, & peritissimus Chirurgus putaret, ex ipso abdominis cavo per inguinis aperturam fluxisse; quod tamen vix credere potui, cùm nullus abdominis tumor, & nullum vitium in chylopoiesi apparuerit per totum morbi decursum, obtinui ab amicis defuncti, ut in cadavere hæc perscrutari liceret.

Specillum immisimus per binas aperturas in dorso, neque illud ad notabilem aliquam profunditatem adigere potuimus. Dum verò illi orificio, quod in inguine erat, specillum applicuimus, illud totâ suâ longitudine ingressum fuit, licèt nulla vis adhiberetur; sed quàm lenissimè hoc factum fuerit. Educto hinc specillo filum per idem orificium introductum fuit & sensim versus superiora illud adigebatur, donec resistentia perciperetur. Deinde lentâ incisione filii hujus plumbei ductum sequentes invenimus, illud non penetrasse in cavum abdominis, sed versus posteriora sursum ivisse, sub peritonæo supra musculum psoas, sub rene dextro; neque potuimus ullam communicationem invenire hujus sinûs, cum aperturis illis, quæ in

dorso erant. In thoracis & abdominis cavis ne guttula quidem puris invehta fuit; cūmq; toto morbi decursu nullum vitium in cerebri functionibus observatum fuerat; à cranii apertura abstinuit. Ex quibus satis patuit, omnem illam puris copiam in solo panniculo adiposo hæsisse, cū nullæ aliæ partes vitiatæ apparerent, & in magnis cavis corporis nullum puris vel suppurationis prægressæ vestigium deprehensum fuerit.

**EFFECTUS** sinuum & fistularum similes sunt illis, qui in *Commentariis* S. 406, recensiti fuerunt, dum pus nimis diu in abscessu maturo clauso relinqueretur: in sinibus enim & fistulis hærens, neque integre evacuari potens plerumque, ibi moram trahit, attenuatur, putrescit, & in acrem saniem degenerat; & quidem adhuc citius quàm in abscessu clauso, cui acri datur accessus. Sinus ergo & fistulæ parietes pessimè afficiuntur ab hoc pure corrupto, sicque degenerabunt tandem, ut difficillimè mundari possint, & ad puri vulneris conditionem reduci; quod tamen omnino requiritur, ut unio partium separatarum fieri possit, quam etiam impedit pus ibi relictum, instar corporis heterogenei interpositi omnem concretionem prohibens. Simul patet inde, eò peiores fistulas esse, quò diutius duraverint, & quò propiores fuerint talibus partibus, à quarum erosione vel magnum periculum, vel curæ tarditas & difficultas, meritò prævidentur. Unde *Hippocrates* de his agens dixit (a) *Fistulæ difficillimæ sunt, quæ in cartilaginosis & excarnibus locis sunt, & cavæ sunt, & procedunt, (cuniculos agunt), ac sanie manant semper, caruncula in osculo ipsis est. Curatu autem faciliores sunt, quæ in mollibus, & carnosiss, & non nervosis existunt.* Accuratissima etiam, sed parum amplior, fistularum prognosis apud *Celsum* habetur. (b) *Expedita curatio est in fistula simplici, recentis, intra carnem. Adjuvaturque ipsam corpus, si juvenile, si firmum est. Inimica contraria his sunt: itemque, si fistula os, vel cartilagineum, vel nervum, vel musculos læsit; si articulum occupaverit; si vel ad vesicam, vel ad pulmonem, vel ad vulvam, vel ad grandes venas arteriasve, vel ad maxillas, guttur, stomachum, thoracem penetravit. Ad intestina quoque eam tendere: semper periculosum, sæpe pestiferum est. Quibus multum mali accedit, si corpus vel ægrum, vel senile, vel mali habitus est.*

S. 414. **APERTI** (413) faciliè cognoscuntur; clausi cavitatis mollis tactu deteguntur.

Quæritur jam, quibus signis cognosci possit, an sinus aut fistula adsit? Quando apertura extrorsum patet versus corporis superficiem, tunc satis detegi possunt. Si enim puris magna copia per parvum tale orificium exeat, vel pressione partium vicinarum inde educi possit, satis patet, amplum debere locum esse: in quo pus illud hæsit. Ut autem simul constet, versus quam partem sinus vel fistula tendat, specillo jubet explorari *Celsus* dicens, (c) *Anse omnia autem demitti specillum in fistulam convenit, ut quò tendat, & quàm alid perveniat scire possimus.* Hæcque methodo voluit simul distingui posse, an fistula ad os usque pervenerit necne; uti etiam, an os cariosum jam factum sit. Ut autem certus esset, an ab uno orificio externo ortæ fistulæ dividerentur in plures quasi rivulos, sequens monitum dat (d) *Cor-*

(a) *Coac. Prænot. no. Dxi. Charter. Tom. 328. 329.*

VIII. pag. 881.

(c) *Ibid. pag. 329.*

(b) *Medicin. Lib. V. cap. xxviii. no. xii pag.*

(d) *Ibid. pag. 330.*

poris inclinatio nocet, num in plures partes fistulæ penetrarint; quia sæpe, cum quis aliter decubuit, aliterque membrum collocavit, pus ferri, quod jam desierat, iterum incipit; restatūque, non solum alium sinum esse, ex quo descendat, sed etiam in aliam corporis partem eum tendere. Omnium autem optima methodus sinus & fistulas, variumque eorumdem decursum detegendi, videtur esse, si per siphonem prudenter & leni vi aqua tepida injiciatur. Hæc enim facile se per omnes anfractus fistularum insinuat; & si versus exteriora sub integumentis fistula decurrat, tumore elevatae cutis varium docebit iter: si verò profundius descendant sinus aut fistulæ, quantitas aquæ injectæ cavi talis præternaturalis magnitudinem docebit saltem; neque in tali casu specilli usu plura ferè detegentur. Præterea, si parum rudiùs adigatur specillum per fistulæ orificium, vias sæpe faciet dilacerando tenerum panniculum adiposum, quæ non adfuerant; neque potest sic cognosci fistulæ longitudo, si anfractuoso itinere decurrat.

Ubi verò clausi adhuc sinus sunt, difficilior diagnosi est, inprimis si profundè admodum hæserint. Lucem tamen dabunt inflammationis prægressæ signa, & dein suppurationis hanc sæcutæ indicia. Si tunc post hæc attractu molliis cavitas, & undulatio percipiantur, satis certi sumus, sinum talem adesse. Accedit, quoddam rardè suppuratio alicujus momenti in corpore diu lateat, quin hæctica adsit febricula. Summâ tamen prudentiâ hic opus est, ne aliquando latens aneurysma, aut varicosus tumor pro suppuratione profunda habeantur; qualis error tamen perito Chirurgum non facile continget, si mali originem & decursum attentâ mente consideraverit. Tamen fatendum est, profundos adeo aliquando inventos fuisse abscessus, ut in illis detegendis sæpe cepsitaverint etiam pericillissimi, ut patet ex miro illo casu, cujus mentio facta est in *Commentariis* §. 410; & apud optimum Chirurgum *Lamottium*, qui tanto cum candore hunc casum descripsit, plura similia Observata inveniantur.

§. 415. **CURANTUR** dissectâ parte inferiori, impletione cavi per liquefacta digestiva pro re nata, injectu deterfivorum, ligaturâ sensim premente à fonte ad aperturam: sed citissimè integumentis artificiosè supra cannulam fossatam, filum argenteum; vel per syringotomon, dissectis.

Omnibus sinibus & fistulis communis curatio, hæc sequentia requirit. 1°. Ut liber concilieretur exitus puri, & impediatur, ne illud in sinu & fistula stagnare diu possit, & corrumpi. 2°. Ut rota interior superficies cavi sinûs vel fistulæ mundetur, & ad conditionem puri vulneris deducatur. 3°. Ut mundæ partes, sed adhuc separatae, contiguæ fiant & concrecant inter se. Ubi autem bina priora requisita. Ars perficit, tertium facillè obtinebitur; ut optimè monuit *Celsus* dicens (a) *Neque verendum est, ne purum corpus puro corpori junctum non coeat, adjectis quoque medicamentis ad id efficacibus; cum sæpe exulceratio digitorum, nisi magnâ curâ prospeximus, sanescendo in unum eos jungat.* Præcipua ergo difficultas in libero puris collecti exitu conciliando, & depuratione cavi sinûs, consistit: & dantur aliquando tales casus, in quibus illud admodum difficile, imò sæpe omnino im-

(a) *Medicin. Lib. V. cap. XXVIII. n°. XII. pag. 331.*



possibile est. Vidi sic fistulam angusto orificio in pectoris sinistri anteriori parte patentem, quæ anfractuosa viâ ponē costæ cartilaginem descendebat. Non poterat ullâ Arte impediri ne pus in fundo hujus fistulæ collectum stagnaret, cū costæ cartilago & compressionem redderet inutilem, & aperturam fundi talis fistulæ periculosam admodum, si non omnino impossibilem. Voluit quidem Celsus in tali casu costam ab utraque parte præcidendam & eximendam esse, (a) *ne quid intus corruptum relinqueretur*; sed nemo facile tentabit, credo, in vivente homine ex costâ fragmentum abscindere, & deinde illud avellere à pleura, cui satis firmiter adhæret. Omnes serè methodos expertus æger sine fructu patienter tulit, quod non poterat evitare, malum; & post biennium subitâ morte extinctus fuit. Sic etiam, ubi fistula ad os usque pervenit, illudque affecit, non poterit depurari locus, antequam corrupti ossis particula secesserit, vel per Artem ablata fuerit. Frequentissimæ occurrunt tales fistulæ circa maxillas, quæ per annos sæpe durant, nullisque cedunt remediis, dente autem evulso carioso, vel etiam sano, qui per maxillarum thecam penetrans continuâ irritatione partes molles incumbentes lædit, paucorum sæpe dierum spatio sanantur. Ad fistularum autem curam in primis laudantur sequentes Methodi.

**DISSECTA PARTE INFERIORI.** Si sinus aut fistulæ orificium sic ponatur, ut contenti cavo humores propriâ gravitate versus illud tendere nequeant, semper difficilis cura est; accumulabuntur enim & augebunt cavum illud præternaturale. Ideo tunc tentant periti Chirurghi semper novam aperturam facere in parte inferiori, ut sponte pus, sanies, &c., elabi possint. Si autem dubium videatur, ubinam inferior sedes sinus vel fistulæ sit, turundâ obturant orificium per 24 horas sic, ut nihil exire possit; tuncque collecti humores tumorem facient in loco maximè declivi. Idem fit, si per siphonem prudenter aqua tepida injiciatur. Hâc methodo quidem cavetur, ne stagnent in sinu vel fistulâ collecti humores, sæpe autem tota superficies interna sordida admodum, vel etiam callosa facta est; unde requiritur depuratio, quæ fit.

**IMPLETIONE CAVI PER LIQUFACTA DIGESTIVA PROMPTA.** Quomodo similes sordes in vulneribus natæ tolli debeant, dictum fuit in *Commentariis* §. 207, atque eadem remedia hic convenient, leniora vel acriora, prout crassiores sordes fuerint, vel magis, minùsve callosa superficies sinus vel fistulæ inveniat. Sed patulo vulnere faciliè hæc in omni puncto applicari poterunt; longè autem difficilior est, eadem per omnem superficiem anfractuosa fistulæ distribuere. Veteres Medici collyriis ad hanc rem usi sunt: quo nomine licet hodie plerumque in Officinis tantùm intelligantur illa remedia, quæ oculorum morbis curandis inserviunt, tamen constat, illud quondam magis generalem significationem habuisse; καλλύριον enim dicebatur quasi κολεσθῆ ὑπερ, cauda truncata, uti ex optimis Auctoribus probat *Gorrhæus* (b), ob figuram conicam. Sic & *Celsus* laudans ad curam fistulæ recentis & simplicis, quæ in carne est, emplastrum, quod recentibus vulneribus imponitur, modò salem vel alumen, vel squamam æris, vel æruginem, &c., habeat, dicit (c) *Ex quæ eo collyrium fieri debet alterâ parte tenuius, alterâ paulò plenius. Idque, ad partem, quâ tenuius est, an-*

(a) Medicin. Lib. VII. cap. IV. no. II. pag.

412

(b) Defin. Med. pag. 324. 325.

(c) Lib. V. cap. XXVIII. pag. 330.

*recedente demitti oportet in fistulam, donec purus sanguis se ostendat.* Totus scopus videtur fuisse, ut hâc methodo superficiei internæ sinûs vel fistulæ in omni puncto applicarentur talia, quæ sordes hic natas abstergere, aut callum consumere possent. Omnium optimum ergo videtur esse, si aloë myrrha, olibanum, ærugo, &c. non excipiantur solis pinguibus emplastris, sed potius melle aut vitello ovi subigantur: tunc enim ab humoribus affluentibus solvantur, sicque majori efficacîa agent in loca quibus applicantur; & præterea, dum sic dissolvunt, æquabilius distribuentur per omnem sinûs aut fistulæ amplitudinem. Accedit, quòd collyria firmam satis consistentiam habere debeant, ut instar corporis solidi per orificium sinûs vel fistulæ immitti, & ad fundum usque protrudi possint; adeoque, nisi deliquescant sensim, toto tempore, quo ibi manent, instar corporis duri contundent & prement parietes, sicque sæpe magis nocerent, quàm prodesse. Sumitur ad hunc usum v. gr; terebinthina purissima, vel aliud simile nativum balsamum; cui additur æqualis quantitas vitelli ovi; deinde his bene mistis additur mel, & alia detergentia, prout requiritur; & ex his vel sit solidum coni truncati instar collyrium, vel liquidioris consistentiæ remedium, quo leni calore fuso tota cavitas impletur.

**INJECTU DETERSIVORUM.** Facile patet, priorem methodum tantum locum habere, ubi simplex sinus vel fistula est, rectâque viâ decurrit. Quando autem anfractuoso itinere fistula procedit, vel in plures quasi rivulos funditur, aliis auxiliis opus est. Tunc enim (a) collyrio uti non debemus, quod unam partem curet, reliqua omittat; sed eadem medicamenta arida in calamus scriptorium conjicienda sunt, isque ori fistulæ aptandus; inspirandûque, ut ea medicamenta intus compellantur, aut eadem ex vino liquanda sunt; vel, si sordidior fistula est, ex mulso; si callosior, ex aceto; atque intus infundendum, quidquid inditum est. Omnia ergo illa medicamenta, quæ collyriis parandis pro re nata inserviebant, liquidis convenientibus diluta per fistulæ aperturam solent injici, & varîe tales formulæ in *Materia Medica* ad hunc numerum habentur. Notandum tamen, sæpe hæc nocere, si valido impetu urgeantur: tunc enim in facili dilatabili panniculo adiposo novas vias facere possent, adeoque malum augere. Præterea omnia hæc tantum profunt, quatenus sordes tollunt, & callositatem fistularum consumunt: post depurationem autem factam nocerent potius, quia impedirent partium separatarum unionem: optima enim etiam balsama, inter partes corporis vulnere separatas interposita, instar corporis heterogenei consolidationem impediunt. Unde sola glutinancia commendat Celsus. Tunc si (b) ea tunica, quæ inter foramen & integram carnem est, vîcta tot medicamentis exeat; infrâque, ulcus purum sit. Spongiam enim melle cocto illitam imponi jubet, & collyria damnat, cum nullus metus sit, (c) ne purum corpus puro corpori junctum non coeat, ut paulò antè ex eodem Auctore dictum fuit. Cognoscitur autem, totam internam superficiem puram esse, si pus album, leve, æquabile exeat, nihilque saniei vel ichoris adsit, nullûque sætor percipiat. Sic v. gr; turundam vel collyrium sinui aut fistulæ immisum, uti & emplastrum aut plumaceolum ejusdem officio applicatum, sedulò examinant Chirurgi periti, dum renovant apparatus, ut videant an in quodam loco, tenui sanie hæc madercant, loco boni puris; tunc enim certi sunt, nondum omnem ambitum sinûs vel fistulæ purum esse.

(a) Cels. Medicin. Lib. V. cap. xxviii. no. xii. pag. 331.

(b) Ibid.

(c) Ibid.

## LIGATURA SENSIM PREMENTE A FONTE AD APERTURAM.

Pus, licet optimum fuerit, tamen morâ & stagnatione corrumpitur, & degenerat in saniem tenuiorem & acriorem ( vide *Commentaria* §. 402. n<sup>o</sup>. 4. ); unde, licet interna sinûs aut fistulæ superficies optimè mundata fuerit, nisi impediri possit puris nimis diuturna mora, novæ iterum sordes nascentur, neque poterit fieri partium separatarum concretio. Ut autem hoc impediatur, artificiosa ligatura summum ulum habet, & talis dispositio partis, ut pus collectum liberrimè exire possit per fistulæ orificium, ac nullo modo colligi & stagnare in fundo ejusdem. Sic habetur apud *Galenum*, quod in femore (a) *sinum deorsum vergentem & ad genu terminatum, cujus os sublimè supra femoris medium esset, sine ulla ex adversa parte divisione, ad sanitatem perduxerit, substrato popliti molli pulvino quò demissus inguen quàm genu esset.* Ligatura verò talis esse debet, quæ leni pressione mundas jam partes reddat contiguas. Cùm autem etiam in puro vulnere, si alicujus momenti fuerit, quotidie pus generetur, debebit illud exire posse: unde non simul & semel in tota sua longitudine sinus vel fistula per fascias & splenia comprimi debet, sed sensim à fonte ad aperturam procedendo. Summâ ergo curâ inquirendum est, in quo loco fundus sive fons sinûs vel fistulæ hæreat: hoc autem cognosci potest prudenti injectione mulsæ vel simillium detergentium, quæ fistulæ depurandæ inserviunt, si attendatur, quò versùs & quousque hæc tendant; uti etiam si leni pressione, incipiendo in loco satis diffuso, & pergendo sensim versus aperturam, contentum in sinu pus exprimatur: simulac enim tunc pressio, in parte sanâ vicinâ, facta, progrediendo pervenit ad fundum sinûs, incipiet pus prodire per aperturam. Cognito ergo illo limite, ubi fundus sinûs vel fistulæ contiguus est partibus sanis, imponitur huic loco spleniolum ( si certus sit Chirurgus totam internam superficiem mundam esse ) sicque pressio fasciæ circumductæ determinatur, ut in hunc locum agat; reliqua sinûs aut fistulæ longitudo spiralis fasciæ circumductione laxius tantùm firmatur, ejusdem orificio liberrimo manente, ut pus contentum exire possit. Solicitè hanc methodum descripsit *Galenus* de varia sinuum cura agens (b) *colligatio à sinûs profundo quidem incipiat, & ejus ore finiat. Fasciarum verò spiræ sinûs profundum sine dolore ardeant, quæ paulatim usque ad os laxentur; Simulque sic monet, idque ipsum laxam deligationem habeat medicamenti, circumducto forinsecus emplaastro, ad os sinûs forficibus discisso, ut sanies aliqua effluere possit.* Sequenti deligatione antequam tollatur spleniolum fundo sinûs applicatum, leniter exprimitur omne pus, & postea ablato spleniolo tentatur, an adhuc aliquid puris premento loca vicina exeat; si enim hoc fiat, signum est, splenium non fuisse adhibitum debito loco, sed ultra illud adhuc pus collectum fuisse: adeoque debebit ejus situs mutari. Si verò nihil puris tunc exire deprehendatur, spleniolum illud parum plûs versus sinûs aperturam admoveatur, sed sensim procedendo, & similibus cum cautelis; sicque concretio partium separatarum in fundo sinûs incipiet, sensimque versus ejusdem aperturam progreditur. Brevi sermone, ut solet, hæc comprehendit *Hippocrates* dicens, (c) *Quæ abscesserunt, ut sublimia sint, naturalem sedem tangere quidem debent, non verò comprimi* ( hunc enim sensum

(a) *Method. Med. ad Glaucon. Lib. II.*  
cap. x. Charter. Tom. X. pag. 386.

(b) *Ibid.*

Tom. I.

(c) *Lib. de Medic. Officin. Comment. II.*  
text. xxvii. Charter. Tom. XII. pag. 63.

esse obsecari satis hujus loci Galeni Commentarius docere videtur) *Ex sana verò parte exordium, & ad ulcus finiendum, ut, quod subest, fundatur (ἐξ ἀβιάπτου) aliud autem non colligatur.* Optimè autem hic videtur convenire emulgenti vocabulum, quia sic sensim à fundo sinús derivatâ pressione verius ejus a perturam liberam, exprimitur omne pus, uti fit, dum vaccarum ubera simili blandâ compressione à superioribus versus inferiora mulgentur, papillæ orificio interim patulo manente. Signa autem, per quæ novimus curam in hoc casu bene procedere, Galenus optimè recensuit sequentia: (a) *an verò altæ sinús partes coaluerint, ex manente sania deprehendes, si ea multa vel pauca, cocta vel cruda sit. Præterea si neque in ipso sinu dolor sentiat, nec tumor appareat, sed totus locus æquabilis sit, siccus, ac doloris expertus.* Quòd si puris probè colli portio exigua in ore conspiciatur, multò magis de glutinando sinu sperandum est. Quamvis autem hæc methodus in plurimis casibus pulchre profuerit, facillè tamen patet, illam locum habere non posse, nisi tota superficies sinús vel fistulæ purissima fuerit, & pressio externa in illam agere possit. Ubi ergo vel ab osse vicino affecto fistula originem duxit; vel tota callota interiori se non facillè depurari patitur, aut sic decurrit, ut pressio externa fundum ejus attingere nequeat; tunc sola dissecctio integumentorum superest, ut totâ superficie nudatâ medicamenta idonea possint applicari in omni loco, ubi hoc requiritur.

**SED CITISSIME INTEGUMENTIS DISSECTIS ARTIFICIOSE SUPRA CANNULAM FOSSATAM.** Omnium promptissima cura fistularum & sinuum est, si dissecantur integumenta, sic ut fistula mutetur in ulcus apertum. Difficultas enim curationis non pendet adeo à callositate interna, quàm quòd pus ibi stagnet & corrumpatur. Observata fidelissima docuerunt, & plures similes casus ipse vidi, quibus constat, simplici dissecctione curatas fuisse fistulas quatuordecim dierum spatio, quæ aliis methodis frustra tentatæ fuerant per plurimos menses, imò & annos. Hujus rei probè gnarus Celsus ideo dixit, (b) *Adversus fistulas quoque, si altius penetrant, ut ad ultima demitti collyrium non possit; si tortuosæ sunt, simplices; majus in manu, quàm in medicamentis præsidium est; minusque opus est, si sub cute transversæ feruntur, quàm si rectæ intus tendunt.* Igitur, si sub cute transversa fistula est, demitti specillum debet, supràque id ea incidi. Si flexus reperiuntur, hi quoque simul specillo & ferro persequendi sunt. Idemque faciendum, si plures se quasi rivuli ostendunt. Multa quidem jactantur ad maximè etiam rebelles fistulas sine sectione curandas arcana, sed quàm parum his fidei habendum sit, patuit Exemplo Ludovici Decimi quarti, Galliarum Regis. Cùm enim fistulâ ani laboraret, & innumera proponerentur remedia, præcipua tentata fuerunt Regis jussu in aliis ægris simili morbo laborantibus, sed incassum omnia. Cùmque integer annus jam transisset, dum hæc tentamina fierent; Rex operationem subiit, & constanti animo tulit, licèt pluribus incisionibus omnes fistulæ rivulos prosequi cogeretur Chirurgus (c). Ut autem hæc sectio tutò fieri posset sinet læsione suppositarum partium, varias excogitaverunt methodos Chirurgi. Quando enim sub integumentis decurrit fistula, sufficit cannulam fossatam per orificium fistulæ immittere prudenter, & adigere ad fundum usque; deinde scalpello vel novaculâ crenæ huic instrumento insculptæ fortiter appressâ simul & semel omnia incumbencia discindere. Ubi verò fistulæ decursus ma-

(a) Method. Med. ad Glaucon. Lib. II.  
cap. x. Chaner. Tom. X. pag. 386.

(b) Medicin. Lib. VII. c. xv. n.º. 1. pag. 412.

(c) Dionis Cours d'Opérations de Chirurgie  
Démonstrat. IV. pag. 288, & suiv.

gis intorſum tendit, uti v. gr; in fiſtulis ani toties fit, tunc adhibent,

**FILUM ARGENTUM.** Ex argenteo puro candefacto & ſenſim refrigerato, ut molliſſimum ſit, paratur ſtylus apice obtuſo inſtructus, qui per aperturam fiſtulæ immittitur, & ſenſim protruditur ad fundum uſque, donec ſub integumentis ſentiat obſcuſus ille ſtyli apex: incifione tunc ibi loci factâ apex ille educitur, tuncque bina ſtyli extrema ſimul elewantur, ut integumenta à ſuppoſitis partibus removeantur, & tunc ſcalpello vel forſice diſcindi poſſint.

Hâc methodo uſi fuerunt in fiſtulis ani ſectiōe curandis: ſtylum enim talem per externum oriſcium fiſtulæ immiſſum protrudebant, donec indice digito ano immiſſo ejus extremum ſentirent Chirurgi, emergens nempe per internum fiſtulæ oriſcium; vel, ſi illud non aſſeſſet, ſtyli apice audaſter perforabant inteſtinum rectum. Tunc indice curvabant ſtyli extremum, & per anum educebant; & prehenſis binis ſtyli extremis protrahabant illa: quæ diſcindenda erant; nempe non tantum integumenta communia, ſed & ſphincter ani, & ipſius inteſtini recti latus, diſſecari in tali caſu debent (a). Aliam adhuc methodum fiſtulas ani curandi habet Hippocrates (b): ſtanneum ſpecillum quod altero ſuo extremo perforato quintuplex linum crudum gerat, ſetâ equinâ circumvolutâ colligatum, fiſtulæ oriſcio jubet immitti: deinde ſiniſtræ manûs indice anò inducitur ſpecilli extremum prehendi, incurvari, & foras produci vult, donec linum ſequatur. Ablato dein ſpecillo lini capita nodo conſtringi jubet, ægrumque dimitti, ut ſanorum inſtar negotia ſua peragat. Scopus erat, ut ſenſim ſic attererentur lino crudo integumenta omnia, tandèmq; integre ſolverentur: unde monuit Hippocrates (c) *quantò putreſcente & exefa fiſtula, linum laxatur, tantò illud ſingulis diebus intendere ac intorquere ſemper oportet. Si verò linum crudum, putreſcere videatur, antequam fiſtulam exederit, alterum linum crudum, ſetâ adjunctum trajiciatur, conneſtaturque.* Hanc curationis rationem longam eſſe dixit meritiſ Cæſus (d); an autem ſine dolore ſit, uti affirmat pariter, quàm maximè dubitarem. Linum enim paulatim cutem, quæ ſupra fiſtulam eſt, incidit: ſimulque & id ſaneſcit, quod à lino relictum eſt, & id, quod ab eo mordetur, inciditur. Dum enim inter ambulandum motis his partibus linum ad cruda fiſtulæ latera atteritur, moleſtus ſatis dolor eſſe debet; ſi verò adeo calloſa ſit fiſtulæ ſuperficies, ut ab hoc attritu non doleat, non facile etiam hâc methodo integumenta incumbētia ſolventur; tuncque poſt longa hujus curationis tædia ad ſcalpellum tamen veniendum erit. Fruſtra autem ſæpe tentatam fuiſſe hanc methodum ſatis patet ex illis, quæ paulò pòſt apud Hippocratem in eodem loco habentur. Dicit enim (e) *ſi verò fiſtula minimè exefa fuerit, demiffò in eam ſpecillo quouſque pervenerit, incidenda eſt, æris flore inſpergenda, & per dies quinque ſinenda.* Et Cæſus in loco modò citato ſic monet, (f) *qui feſtinant, adſtringere cutem lino debent, quò celeritùs ſecetur.* Uti etiam, ſi linum illinitur calum exedentibus medicamentis, adjici quidem celeritati, ſed & tormento quoque; tandèmq; ſubjungit poſſe (g) *tamen fieri, ut ad ſcalpelli curationem etiam illo*

(a) Dionis Cours d'Opérat. de Chirurg. De-  
monſt. IV. pag. 385.

(b) Lib. de Fiſtul. cap. III. Charter. Tom.  
XII. pag. 141.

(c) Ibid. pag. 143.

(d) Medicin. Lib. VII. cap. n°. 17. pag.

14.

(e) Lib. de Fiſtul. cap. 17. Charter. Tom.  
XII. pag. 143.

(f) Medicin. Lib. VII. cap. V. n°. 17. pag.  
414, in fine.

(g) Ibid. pag. 415.

loco *veniendum sit*. Evuluit ideo hæc methodus, cum vel nullum successum habeat, vel diuturnitate, simulque doloris ferè continui molestia & ægro & Medenti summum sædium faciat.

**SYRINGOTOMON.** Ab usu, quem in fistulis secandis habet, nomen datum fuit huic instrumento, cujus variaz figuræ apud Auctores habentur. Omnium maximè solebat laudari ad fistularum ani curationem. In hoc instrumento stylus, quo exploratur fistulæ profunditas & decursus, unitur scalpello, per quod dissecitio fieri debet; sicque unico instrumento perficitur operatio, quæ aliter plura requirebat. Syringotomi tamen, qui apud *Scultetum*, *Solingenium*, *Fabricium ab Aquapendente* & alios delineantur, minùs commodi videntur esse, inprimis pro fistularum ani curatione. Falcatus enim cultellus in specillum ex eodem metallo paratum definit, adeoque non potest habere illud instrumentum debitam flexilitatem, quæ requiritur, ut digito per anum immisso specillum in cavum intestinum prominens incurvari & protrahi possit. Recentiorum autem Chirurgorum industria hujus instrumenti incommoda correctæ fuerunt. Cultelli enim falcati ex optima chalybe confecti, uni extremo setuminando, unitur specillum ex puro & flexili argento confectum, dum alterum extremum in manubrium incurvum definit (a). Reliqua autem, quæ in confectioe hujus instrumenti observanda sunt, uti & ejusdem figura, apud laudatum Auctorem habentur.

Discissa sic fistula mutatur in ulcus apertum, & si tunc appareat, plures adhuc cuniculos adesse, simili modo dissecandi sunt, ut nullæ maneant latebræ, in quibus pus collectum possit corrumpi & curam retardare. Cumque sæpe tunc interna superficies callosa inveniatur, solent hinc inde scarificare Chirurgi, ut fortioribus digestivis vel etiam erodentibus callositas citius tolli possit. Imò *Celsus* dixit, (b) *ubi ad fines fistulæ ventum est, excidendus ex ea totus callus est*. Omnia autem quæ in *Commentariis* §. 411, dicta sunt, hic pariter observanda erunt.

§. 416. **BUBO**, parotis, furunculus, anthrax, carbunculus, phyma, erysipelas, morbilli, variolæ, maculæ rubræ, hinc quoad cognitionem, prædictionem, curationem, sciuntur.

Ex illis autem omnibus, quæ hæcenus in Historia inflammationis, & suppurationis inde secutæ, dicta fuerunt, habetur cognitio plurimorum malorum, quæ ad inflammationem & ejus exitus varios referri possunt, quamvis peculiare nomen illis in Arte detur. Simulque eorumdem prognosis & curatio ex iisdem fontibus hauriri possunt. Præcipua hic enumerantur.

**BUBO.** Inguina *βουβωνας* dixerunt Græci, & glandularum in inguine tumores eodem nomine vocaverunt. Cum autem similes glandulosi tumores sub axillis observentur, idem nomen & illis datum fuit. Imò & glandularum in aliis corporis partibus tumores bubones appellatos fuisse, apud *Galenum* legitur: (c) *Quin etiam in collo & secus aures, sæpenumero glandulæ iis quibus in collo, capite, vel aliquâ vicina parte ulcus est natum, intumescunt. Nominant autem ipsas glandulas cum sic intumuerunt, bubones*. Obtinuit tamen hodie usu, glandularum inguinalium, vel &

(a) Garengéot, *Traité des instrumens de* 412.

Chirurgie Tom. I. chap. ix. pag. 186.

(c) *Method. Medend. Lib. XIII. cap. v.*

(b) *Medicin. Lib. VII. cap. 17, no. 1. pag. 137.*

Charter. Tom. X. pag. 197.

subaxillarium tumores, hoc nomine tantum vocare. Bubones autem illi sunt vel inflammatorii, suppuratorii, vel & scirrhusi, à communibus nempe inflammationis causis ortis. Præterea & in morbis contagiosis pessimis frequentissimè bubones oriuntur, uti v. gr; in peste. Sic & in lue venerea sæpe observantur, & tunc plerumque non adeo subito nec validè inflammantur, sed diutissimè solent hæzere, antequam vel resolvi, vel ad bonam suppurationem deduci possint, ad efficacissima etiam remedia sæpe rebelles. Aliquando etiam in morbis per *adipsam* vel & *mutasam* ad hæc loca deponitur materies morbi optimo cum successu. Imò etiam in hominibus, cæteroquin sanissimis, sine ulla causa topica subiti tumores hîc nascuntur, primò inflammatorii, dein suppuratorii: hæcque sunt incognita illa naturæ molimina, per quæ ex universali humorum massa separantur illa, quæ nocerent, licèt nulla signa latentis cujusdam mali prægressa fuerint. Ideo & hæc loca pro emunctoriis viscerum habita fuerunt apud. Veteres Medicos, & glandulas facillimè fluxionem recipere ob imbecillitatem & rariorem texturam dixit *Galenus* (a) Certè, si consideretur glandularum inguinalium & subaxillarium situs, apparebit, aptissimas esse illas, ut excipiant illa, quæ ex universali humorum massa abscedent. Ponuntur enim in mollissima tunica adiposa, ab omni compressione muscutorum ferè liberæ; maximis arteriis venisque & truncis nervosis adjacent, & ab illis ramos recipiunt. Tantum autem cum reliquis horum nervorum ramis habent commercium, ut illis læsis sæpe illico hæ glandulæ inflammantur & tumeant. Sic vidi sæpius in paronychia dolentissima subito sub axilla tumorem ortum fuisse, licèt in extremo digiti apice hæreret malum. Dum aciculam sub ungue adigeret mulier malâ fortunâ, & nervosam ibi reconditam pulpam læderet acerbissimo cum dolore, intra quadrantem horæ sub axilla ejusdem lateris tumorem insignem natum fuisse miratus fui. Patet hinc ratio, quare *Hippocrates* dixerit, (b) *febres bubonibus obortæ, præterquam diariæ, malum.* Designat enim tunc, naturam quidem tentasse salutari molimine per abscessum expellere nocitura, nec tamen potuisse. Unde febres tunc sequentes latenti, nec minùs contumaci tamen, causæ originem debent; nisi ephemeræ fuerint, quæ, intra viginti quatuor horarum spatium integre finitæ semper, naturæ vincentis robur demonstrant. (c) *Bubones verò febribus succedentes, si in acutis statim per initia remiserint, deteriores.* Irritum enim tunc naturæ conamen indicatur in periculosis febribus, quod semper malum est, rarò enim solent bubones apparere in febribus, nisi acutissimæ fuerint. In pessimis variolis bubones me vidisse memini: in peste omnes Observatores illos satis frequentes esse testantur.

**PAROTIS.** Glandularum circa aures positarum tumor hoc nomine vocatur. *Παροτις* Græcis, quasi *παρά τοῖς ὤτοι ἀνίστηται* prope aures abscessus dicitur. Apud *Hippocratem* sæpe τὰ παρ' ὤ; *πάματα* vocantur, vel & simpliciter τὰ παρ' ὤ;. Uti jam dictum fuit de glandulis inguinalibus & subaxillaribus, quod in mollissima pinguedine hæreant à compressione muscutorum liberæ, &c; illud & de parotidibus verum est: locum enim illum occupant cavum, qui ad radicem auriculæ inter processum mammillarem & condyloideum maxillæ inferioris reperitur; & inde versus anteriora; inferiora & posteriora lobi auriculæ extenduntur. Pariter & magnis

(a) Method. Medend. Lib. XIII. cap. v. | Charter. Tom. IX. pag. 161. Confer. Aphorisma. Charter. Tom. X. pag. 196. | Sect. IV. n°. LV. Ibid. Part. II. pag. 170.

(b) Epidem. Lib. II. Comment. III. text. x. | (c) Ibid.

ramis externæ carotidis adjacent. Frequentius longè in morbis apparent harum glandularum tumores, quàm bubones; & plurima in morbis prælagia Hippocrates inde deduxit, ut postea patebit. Sufficiet hic ex Celsò notasse sequentia: (a) sub ipsis verbò auribus ~~apertis~~ oriri solent, modò in secunda valetudine, ibi inflammatione oritâ; modò post longas febres, illuc impetu morbi converso. Id abscessus genus est, itaque nullam novam curationem desiderat: animadversionem tantummodo hanc habet necessariam, ut, si sine morbo id innumuit, primùm reprimentibus experimentum fiat: si ex adversa valetudine, illud inimicum est, maturarique & quàm primùm aperiri commodius est.

**FURUNCULUS.** Est tumor inflammatorius dolentissimus, in superficie corporis externa hærens, difficulter ad suppurationem veniens, ruberrimus, & postquam abscessus talis ruptus est, plerumque concretum sanguinem in fundo ostendit, unde vulgò sanguineum ulcus (*bloodswe*) solet vocari. Accidit aliquando, hujusmodi abscessus, plurimos in eodem loco homines, epidemicorum more, affligere, & non singulos, sed plures in diversis locis corporis nasci. Celsus sequentem furunculi descriptionem habet, (b) furunculus verbò est tuberculum acutum cum inflammatione, & dolore; maximèque ubi jam in pus vergit. Qui ubi adæptus est, & exiit pus, subter apparet pars carnis in pus versa, pars corrupta subalbida, subrubra; quem ventriculum quidam furunculi nominant. In eo nullum periculum est, etiamsi nulla curatio adhibeatur: maturefcit enim per se atque erumpit. Sed dolor efficit, ut potior medicina sit, quæ maturius liberet. Cum autem in furunculis nunquam benigna resolutio expectari possit, totus curationis scopus in eo consistit, ut quàm celerrimè suppurentur; & quia plerumque difficilius ad perfectam maturationem perducuntur, hinc emollientibus solent addi talia, quæ paulò majorem motum in parte suppurada excitare valent. Unde Celsus dixit, (c) proprium ejus (furunculi) medicamentum galbanum est. ●

**ANTRAX.** Quando à subita & validissima inflammatione cutis externa unà cum panniculi adiposi subjecti parte sic corrumpitur, ut in ficcam duram escharam convertatur, quæ omnino mortua, suppuratione debet solvi à partibus vivis contiguis; tunc anthrax vocatur. In peste frequens hoc malum fuisse testantur Observatores; inprimis quando, jam mitiori utcumque redditâ atrocis morbi indole, versus externa corporis derivabat viatrix natura latens virus. Duplex tamen anthracis species describitur apud Galenum, ubi de variis inflammationis speciebus agit. (d) Quum verbò sanguis admodum calidus ac crassus est, in quamcumque partem confertim fluxerit, hanc exurit, ulcusque cum crusta efficit. Quidquid verbò circumstat, in inflammationem attollit, ferventem, ac dolore gravi conflantem. Vocatur autem hujusmodi affectus (*ἀνθράξ*) carbunculus. Quid si influens sanguis niger sit, crassus, sæculentus, ac fervidus, qualis est prior, admixtamque sanienem quamdam tenuem habeat, pustula in cutis superficie oriuntur, his quæ ex igne sunt similes; sub quibus ruptis crustosum ulcus invenitur. Est & hic affectus etiam (*ἀνθράξ*) carbunculus. Prior species datæ definitioni anthracis maximè convenire videtur; posterior mitioris indolis malum designat. Curatio in eo consistit, ut; suppuratione

(a) Medicin. Lib. VI. cap. xvi. pag. 391.  
 } 91.

(b) Ibid. Lib. V. cap. xxviii. no. viii. pag.  
 } 14.

(c) Ibidem.

(d) Method. Med. ad Glauc. Lib. II. cap.  
 1. Charter. Tom. X. pag. 369.



in omni ambitu anthracis natâ, separaretur à vasis vivis, quibus cohæret, & integer excidat. Nunquam enim poterit ipsa anthracis substantia in pus converti sola ergo mollissima remedia hic conveniunt.

**CARBUNCULUS.** Anthraci propriè dicto affine malum, sed mitius plerumque solet hodiernis Chirurgis hoc nomine vocari, quando nempe post validam inflammationem, & plerumque admodum dolentem, pluribus aperturis dehiscit cutis, & per hæc orificia corrupti panniculi adiposi fragmenta exeunt; quia autem aliquando novem aperturas habuisse talis carbunculus visus fuit, nostratibus *Negenog* dicitur: quamvis revera sæpissime plures pauciorèscve habere observetur. Distinctum tamen ab his carbunculis videtur fuisse malum, quodd *Celsus* sub eodem nomine descripsit: (a) *Rubor est, superque eum non nimium pustula eminent maximè nigræ, interdum sublividæ, aut pallidæ. In iis sanies esse videtur; infra color niger est. Ipsum corpus aridum & durius quàm naturaliter oportet. Circaque quasi crusta est; eaque inflammatione cingitur. Neque in eo loco levare cuius potest, sed inferiori carni quasi affixa est. Somnus urget. Nonnumquam horror, aut febris oritur, aut utrumque. Idque vitium subteractis quasi quibusdam radicibus ferpi interdum celerius, interdum tardius. Cura etiam, quam postea subjungit satis probat, malignam satis indolem hos carbunculos habuisse, & perfectâ morte destruxisse partes, quas occupabant. Protinus enim adurete jubet, quod sine sensu fieri posse addit, (b) quoniam ea caro moriua est. Finem verò ulsionis posuit, quando (c) ex omni parte sensus doloris est. Quàm periculosi autem sæpe fuerint illi carbunculi, monuit eodem loco *Celsus*: (d) *Si circa stomachum faucèscve id vitium incidit, sæpe subito spiritum elidit.**

**PHYMA.** *Αὐτὸ τὸ φῦμα* phymata ista fuisse *Galenus* voluit, dicit enim (e) *Ab iis, quæ ex terra progerminant, Græci homines phymata vocaverunt, hoc est, tubercula, eos præter naturam, tumores qui prorsus sine causa externa proveniunt, sed potissimum eos hoc nomine vocant qui extra corporis superficiem extuberant. Verùm ob nominis alterius inopiam interdum & latos, pauloque naturalibus partibus elatiores (tumores) hoc eodem nomine appellant. Unde satis laxa huius vocabuli significatio videtur fuisse, & hoc nomine bubones, & aliarum glandularum suppurationes designatas fuisse, constat ex alio *Galen*i loco: (f) *Verùm eximie phymata quædam, appellantur, inflammationes nonnullæ, sponte nascentes, quæ & celerrimè in accumen generantur, quæ celerrimè in altum attolluntur, & celerrimè etiam suppurantur; quorum plurima est in inguinibus & axillis generatio, quodd his in locis plures sint adenes, naturam excrementis in se promissæ excipiendis, idoneam sortiti. Imò & abscessus, post longas febres natos ad articulos, φῦμα vocavit (g) Hippocrates; & alibi (h) vomica introrsum ruptam; & in ipsa urethra natum tumorem suppurandum, eodem nomine (i) appellavit. Quem locum *Hippocratis Celsus* hoc modo expressit: (k) *Quibus in fistula urinæ minuti abscessus, quos φῦμα***

(a) *Medecin. Lib. V. cap. xxviii. no. 1. pag. 315, 316.*

(b) *Ibid. pag. 316.*

(c) *Ibid.*

(d) *Ibid.*

(e) *Epidem. Lib. VI. Comment. I. text. xiii. Charter. Tom. XII. pag. 375.*

(f) *Aphorism. Sect. III. no. xxvi. Charter. Tom. IX. Part. II. pag. 132.*

(g) *Ibid. Sect. IV. no. xlii, xlii. pag. 163. 164.*

(h) *Ibid. Sect. VII. no. viii. pag. 191.*

(i) *Ibid. Sect. IV. no. lxxxi. pag. 191.*

(k) *Medicin. Lib. II. cap. viii. pag. 70.*

*Græci vocant, esse cæperunt, iis, ubi pus ex parte profluxit, sanitas redditur. Idem Auctor alio in loco pūmaſa vocavit (a) orientia tubercula simpliciter. Ubi verò de abſceſſuum variis generibus agit, pluribus ſequentem phymatis deſcriptionem d. (b) Phyma verò nominatur tuberculum furunculo ſimile, ſed rotundius & planius, ſæpe etiam majus. Nam furunculus ovi dimidii magnitudinem raro explet, nunquam excedit. Phyma etiam latiùs patere conſuevit: ſed inflammatio dolorque ſub eo minores ſunt. Ubi diuulſum eſt, pus eodem modo apparet; ventriculus, qui in furunculo, non invenitur; verùm omnis corrupta caro in pus vertitur. Id autem in pueris & ſæpius naſcitur, & faciliùs tollitur: in juvenibus rariùs oritur, & difficiliùs curatur. Ubi ætas induravit, ne naſcitur quidem.*

Ex quibus omnibus hoc patet, tumorem inflammatorium, ſatis citò plerumque ſuppurandum, phymatis nomine ut plurimum appellari; adeòque ejuſdem cognitionem & curam ex inflammationis & abſceſſus Hiſtoria deducendam eſſe.

**ERYSIPELAS.** Videantur illa, quæ dicta ſunt in in *Commentariis* §. 580.

**MORBILLI.** Si perpendantur illa, quæ *Sidenhamus*, accuratiſſimè morbillorum decurſum à primo initio ad finem uſque deſcribens, habet; patebit evidenter, poſt febrim prægreſſam, quarto plerumque die in regularibus, ſetiùs ociùſve in anomalis, in cute externa faciei apparere minimas papulas inflammatorias, quæ racematim cohærentes maculas rubras faciunt: poſtea truncus corporis atque artus rubere incipiunt, latè diſfuſis maculis. Tandem octavo vel nono die iterum diſparet omnis illa rubedo, & ruptâ cuticulâ corporis ſuperficiès tota alba apparet, ac ſi farinâ reſperſa foret, & ſquamularum formâ decidit epidermis. Unde apparet, morbillos ad eryſipelas proximè accedere, cùm integumenta corporis externa, vel & membranaceas partes internas quandoque, tantùm occupent, illòſque nunquam ſequatur ſuppuratio, ſed epidermidis deſquamatione ſecedant.

**VARIOLÆ.** Sunt veræ puſtulæ inflammatoriæ, non eryſipelatoſæ, uti in morbillis, ſed in ſuppurationem benignam, ſi mites fuerint & bonæ indolis, abeunt; vel in gangrænâ, ſi peſſimæ. Externam corporis ſuperficiem non tantùm, ſed & os internum, fauces, ventriculus, viſcera occupare obſervatæ fuerunt, uti poſtea latiùs dicitur, quando peculiari capitulo de his agetur. Sufficit hic notaſſe, quòd inflammationis veræ omnia phænomena, & exitus in abſceſſum vel gangrænâ hic obſerventur; & generales regulæ, quæ in cura inflammationis & abſceſſus explicatæ fuerunt, & ſequenti capitulo de gangrænâ adhuc dicentur, in variolis pariter locum habeant.

**MACULÆ RUBRÆ.** Hoc nomine vocantur omnes cutaneæ illæ efflorescentiæ, ſive exanthemata, dictæ, quæ aliquando poſt morbum prægreſſum, quandoque & ſine ulla alia læſione functionum ſenſibili obſervantur; neque tamen ad modò recentia in hac paragrapho mala referri poſſunt. De his poſtea inter februm ſymptomata §. 723, & ſequentibus, peculiari capitulo dicitur; tuncque patebit, illarum quoque cognitionem & curam ex Hiſtoria inflammationis deduci poſſe.

(a) *Medicin. Lib. V. cap. XVIII. n.º. XVI.* } (b) *Ibid. cap. XXVIII. n.º. IX. pag. 315. pag. 354.*

§. 417. **N**EC difficulter hinc scitur eventus suppurationis internæ, ad quam Artificis manui accessus non datur, inagna quippe & multa mala (406. 413.), & collectiones puris in cava corporis.

Ex omnibus jam illis, quæ hætenus de abscessibus & fistulis dicta sunt, patet facile, quanta sæpe sit difficultas curæ in suppurationibus internis, quas nec oculis lustrare, nec manibus attingere possumus. Indicationes enim curatoris §. 402, recensitæ æquæ in suppurationibus internis, quàm externis locum habent: sed sæpe impossibile, vel saltem admodum difficile est, illa facere, quæ indicationes jubent. Nam nec crudi maturatio in coctum, nec vicinorum emollio per mollissima fomenta & cataplasmata poterit accelerari, si manibus negetur accessus. Omnino impossibile plerumque est, ad exteriora ducere in his casibus materiam suppuratam, & puri cocto lanceolâ Chirurgicâ exitum conciliare: quod ergo morâ & stagnatione corruptum & attenuatum rodet vicinas partes; vel resorptum bibulis venis purulentâ cacochymiâ totum sanguinem inficiet: unde omnia mala illa fient, quæ §. 406, recensita fuerunt. Sed pus sic in interioribus corporis partibus latens in abscessu clauso, auctum quotidie, nisi resorptum fuerit venis, pondere suo & mole novas sibi vias inveniet, & sinus latentissimos fistulasque intricatissimas facere poterit; donec tandem ruptis vel erosif. membranis in cava corporis majora effundatur, sicque in pectoris cavo empyema, in abdomine verò purulentum dictum asciten efficiet. Dúmque pus, morâ & calore corporis quotidie magis & à blanda sua indole degenerans, viscera alluit, post summas miseras toleratas, tandem tabefactis visceribus lentus marasmus sequitur.

§. 418. **S**I tum necessitas partis affectæ ad vitam, sanitatémve scitur, facile prævidentur futura, & curationis difficultas.

Si cognitum fuerit, quænam partes corporis internæ per suppurationem læsæ fuerint, determinari poterit ex Physiologicis quænam mala expectanda sint, simulque major minörve curæ difficultas evidenter apparebunt. Sic v. gr; si hepar suppuratum fuerit, magnum meritò periculum imminere creditur. Visceris enim hujus ad vitam sanam integritas omnino requiritur; cum bilis confectio, ad chyloiesin adeo necessariæ, ab hepate inprimis pendeat. Icterus ergo, cachexia, hydrops, & plurima alia mala inde metuenda sunt. Præterea friabilis hujus visceris substantia, à pure diu retento & acriori reddito, tota corrumpi poterit; unde tabes hepatica, & alvi fluxus colliquativus putridissimus, citò necans. Si verò ruptum tale apostema in cavum abdominis contentum pus effuderit, ascites purulentus cum certa ferè semper pernicie sequetur. Apertum enim tunc in hepate ulcus quotidie novum pus generabit; viscera omnia abdominalia in hoc pure macerabuntur, & corrumperentur brevi. Si autem bonâ fortunâ pus in hepatis abscessu latens per abdominis integumenta viam sibi fecerit versus exteriora, anceps adhuc erit eventus. Cum enim

purum & album pus effluit, evadere poterit talis æger; sed si amurcæ speciem habeat, peribit certò, uti monuit *Hippocrates* (a). Dubia ergo tantum spes in tali casu superest, neque tamen certa omnino desperatio. Si autem inflammatio nata in molli encephali substantia in suppurationem abiverit, nec exitus patebit puri hic collecto; nec evitari sæpe poterit tenerrimorum flaminum, à quibus tota vita & humanitas pendent per suppurationem destructio: undè satis patet, nihil fere spei superesse. Rara quidem in vulnere capitis Historia Exempla docuerunt, per nares aurèsvæ aliquando, nondum hæcenus bene cognitæ per Anatomen viis, pus, ichorem sanguinem exivisse de calvaria cavo, & evasisse homines in desperatissimis etiam casibus; tamen fortè ne centesimus sic evadit. Si jam vitalia in thoracis cavo recondita viscera, cor, & pulmones abscessus occupaverit, satis patet, quanta metuenda sint mala.



## GANGRÆNA.

§. 419. SI inflammationi (371. 372.) gangræna (388) succedit; alia curatio requiritur. Vocatur autem gangræna ea partis mollis affectio, quæ, abolito influxu vitalis humoris in arterias, effluxu per venas in mortem tendit; sed sphacelus ea, quæ jam in tota parte omnem vitalem actionem perfectâ morte destruit, supersistere vitâ in reliquis.

Patuit in Historia inflammationis, illam habere varios exitus, resolutionem nempe benignam suppurationem, gangrænam & scirrhum. De resolutione inflammationis, uti & de suppuratione dictum fuit: sequitur nunc ordine, ut agamus de gangræna, &, qui illam sæpe sequitur, sphacelo.

Gangrænæ definitionem satis accuratam dedit *Galenus* dicens, (b) *Gangrænæ autem vocant mortificationes ob magnitudinem inflammationis, non quidem factas, sed quæ fiunt: vel uti satis eleganter exprimit per paraphrasin versio hujus loci; quum pars corporis aliqua ob inflammationis magnitudinem nondum emortua est, sed adhuc emoritur.* Eandem definitionem ex *Galeno*, ut solet, habet *Ægineta* (c), qui tamen præmittit, quòd inflammatio nec resoluta (*διαρρουστρα*), nec in pus conversa, ut plurimum in gangrænam vel sphacelum transeat. Designat ergo gangræna partis corporis incipientem mortem. Dum jam perfecta gangræna adest, faciliè distinguitur ab inflammatione per illa signa, quæ §. 427, enumerabuntur: ubi autem validissima inflammatio jamjam in gangrænam mutabitur, vel & gangræna ex inflammatione nasci incipit, aliqua ambiguitas esse posset ex hac definitione. In

(a) *Coac. Prænot. no. CCCCLII. Charter. Tom. VIII. pag. 878. Aphorism. Sect. VII. no. xlv. Charter. Tom. IX. part. II. pag. 316.*

(b) *Method. Med. ad Glaucon. Lib. II. cap. XI. Charter. Tom. X. pag. 388.*  
(c) *Lib. IV. cap. XIX. pag. 64.*

illo enim limite quasi medio & valida inflammatio partis mollis in mortem tendit, & incipiens gangræna nondum totam vitam abolevit. Pulcherrimè hoc alio loco monuit Galenus. Postquam enim dixerat, gangrænam medium affectum esse inter sphacelum & magnam inflammationem, quodque tantò gravior esset inflammatio, quantò levior sphacelo, addit sequentia, (a) *Verùm abutimur interdum vicinorum affectuum nominibus ad eos significandos, qui ad hos accedunt, quamquam nondum ex toto ipsorum speciem & naturam habent. Sic igitur & ingentem inflammationem cum non amplius suum colorem tuetur, dolorique est, interdum nominare gangrænam consuevimus, quæ quavis gangræna nondum penitus sit, futura tamen est paulò post, si negligatur.*

Videtur Celsus & canceri & gangræne nomen adhibuisse, ut hunc affectum significaret. Dicit enim, (b) *Interdum vel ex nimia inflammatione, vel ob æstus immodicos, vel ob nimia frigora, vel quia nimis vulnus adstrictum est, vel quia corpus senile, aut mali habitus, cancer occupat.* Deinde talem canceri descriptionem exhibet, quæ gangræne & sphacelo satis convenit (cancer enim à carcinomate Celsus omnino distinxit) tandemque hæc subiungit, (c) *Modò oritur ea, quam Græci γαστήρας appellant. Priora (cancer nempe) in qualibet parte corporis fiunt: hæc (gangræna) in prominentibus membris, id est, inter ungues & alas, vel inguina, ferèque in senibus, vel in his, quorum corpus mali habitus est.* Pergit postea graphicè describere illa omnia, quæ gangræne proserpenti, & in sphacelum tandem terminatæ accidunt. Unde videretur ex modò allegatis concludi posse, quòd Celsus in extremis corporis gangrænam, in reliquis verò partibus cancerum vocaverit idem malum. In eodem tamen capitulo curam gangræne describens monet sequentia, (d) *solent verò nonnunquam nihil omnia auxilia proficere, ac nihilominus serpere sub his cancer. Inter quæ miserum, sed unicum, auxilium est, ut cætera pars corporis tuta sit, membrum, quod paulatim emoritur, abscindere.* Satis autem patet, quòd hîc de exstirpatione partium extremarum, sphacelo corruptarum, agat, & tamen hunc affectum cancerum nominet Celsus.

Gangræna verò inflammationem sequitur, quando tam valida est obstructio, ut nullo modo resolvi possit, illaque in omnibus loci affecti vasis addit; vel, licet quædam vasa libera fuerint in initio mali, illa à vicinis obstructis & tumentibus sic comprimantur, ut brevè tollatur omnis transitus humorum per arterias; adeoque & nihil redire poterit per venas, arteriis obstructis continuatas. Idem malum fiet, si motus circulatorii impetu & velocitate, vel acrimoniâ humorum circulantium, aut utrisque his causis simul conspirantibus, subitò rumpantur vascula in loco inflammato, & effusi humores putrescant (vide §. 388.) Utroque in casu impediatur liquidorum arteriosorum influxus in partem, & eorumdem per venas reditus, uti facile patet: tota ergo pars sic affecta nullum amplius vitale commercium cum reliquo corpore habet; adeoque spontaneâ mutatione, omnibus animalium partibus communi, in putredinem tendet. Requiritur ergo longè alia curatio, quàm in suppuratione; in qua blanda quidem separatio fit finium vasculorum obstructorum unâ cum imbecillâ materia obstruente, & aliqua simul degeneratio liquidorum obtinet, sed talis, quæ vincente naturâ fit; cum putredo devictam naturam ostendat,

(a) Lib. de Artic. Comment. IV. Text. xvi. pag. 300.

Charter. Tom. XII. pag. 437.

(b) Medicin. Lib. V. cap. xxvi. n°. xxxi.

(c) Ibid. pag. 301.

(d) Ibid. n°. xxxiv. pag. 304.

ut optimè *Galenus* notaverat (vide loca allegata in *Commentariis* §. 387.); si enim calor innatus à propria temperie plurimum recesserit, tunc sanguinem putrefecere, ut in cadavere, dicit: ubi verò ille calor adhuc aliquam vim retinet, tunc mixta quædam mutatio fit, partim ab ea, quæ præter naturam, partim verò ab illa, quæ secundum naturam causa est. Illa verò causa, quæ præter naturam est, putrefacit; ea, quæ secundum naturam est, concoquit. In suppuratione ergo coctio est à superflua vita in parte, quæ secundum naturam causa est; in gangræna verò sola putrefactio, quæ præter naturam est, agit.

Quamdiu verò partes molles solæ sic moriuntur, vel mortuæ sunt, gangræna vocatur; quæ præcipue in panniculo adiposo, uti sequenti paragrapho dicitur, hæret, ubi verò muscoli, tendines, ligamenta, periosteum, ossa ipsa, perfectâ mortificatione afficiuntur, tunc vocatur sphacelus. Quia autem in cadavere omnis vitalis actio perit æquè in toto, quàm in singulis partibus; ideo definitioni additur, quòd sphacelus supponat quidem perfectam mortem in parte affecta, superstitem tamen vitam in reliquis. Sed quoniam in gangræna, à partibus ambientibus & suppositis adhuc vivis, plerumque calor manet; & validissimam inflammationem, quæ partes affectas urit, plerumque sequi solet; imò aliquando, uti paulò antè dictum fuit, validissima inflammatio gangræna vocatur, quando jamjam in hanc abibit; ideo Chirurgis nostratibus solemne est, gangrænam vocare ignem calidum (*heet vuur*); sphacelum autem, in quo omnis actio vitalis cessat, dixerunt ignem frigidum (*houd vuur*); quia pars sic affecta brevi ad frigus aeris ambientis deducitur: calorem enim excitans causa, motus nempe humorum per vasa, in parte sphacelata omnino deficit.

Sphaceli autem vocabulum non semper perfectam partis affectæ mortem significasse videtur apud veteres Medicos. Sic v. gr; *Hippocrates* (a) ipsius encephali sphacelum describit, neque tamen absolute lethalem morbum pronunciavit; sed tantum dixit, paucos ex hoc morbo evadere: imò sequenti capitulo curam hujus mali descripsit. Facile autem patet, sphacelum propriè dictum in hac parte omnino lethalem esse debere, & quidem quàm citissimè, si hoc nomine absoluta mortificatio tam nobilis visceris intelligeretur. *Galenus* autem *Archigenis* vetusti Medici, locum quemdam considerans, in quo vocabulum *σφακελιδες* occurtebat, notavit, ambiguum quàm maximè esse hujus vocis significationem: (b) sunt enim qui dicunt ipsam vehementem dolorem declarare; alii tantum inflammationis excessum, ut partem ad corruptionis periculum inducat, quod à nonnullis gangræna appellatur; alii partis affectæ corruptionem ipsam sphacelon dici volunt &c. Plura alia loca apud *Hippocratem* & *Galenum* habentur, quæ varium hujus vocis usum demonstrant; quæque apud *Gorræum* & *Foësum* in *Hippocratis* *Œconomia* recensentur. Unum alterumve talem textum adduxisse hîc suffecerit.

§. 420. **G**ANGRÆNA ergo ut plurimum panniculum adiposum, sphacelus cuncta ad ossa usque inficit, illa præcedit, hic ut plurimum sequitur; nisi ab ossis corruptione, medullæ, vel pe-

(a) De Morbis Lib. I. cap. viii. Charter. Tom. VII. pag. 558.

(b) De Loc. affect. Lib. II. cap. viiii. Charter. Tom. VII. pag. 409.

riosteii originem duxerit : unde & apparet singularis gangrænæ species, quæ sine febre, inflammatione, aut jacturâ caloris nativî, fit in partibus sub confusa medulla dorfi positâ (326).

Demonstratum fuit in *Commentariis* §. 374, inflammationem nullibi frequentius locum habere, quàm in panniculo adiposo; cùm autem gangræna ferè semper inflammationem validissimam sequatur, patet evidenter, quod & hæc eundem locum occupet. Hoc autem quàm maximè notandum est, quia aliquando Chirurgi sphacelum adesse credunt, ubi sola gangræna adest; dum v. gr; in dorso manûs ubi vix ulla pinguedo adest, nascitur phlegmone, sæpe membrana cellulosa incredibiliter intumescit: si tunc post talem phlegmonem sequatur gangræna, & ad tantam crassitiem mortua pars inveniatur, sphacelo omnia corrupta esse putant; cùm tamen sub tumente membrana cellulosa vivi & integri tendines musculique sepulti hæreant; uñ postea, separatis corruptis partibus apparet. Si autem in tam macilenta parte tantus tumor nasci possit ab inflammatione, quid fiet in natibus, femoribus, cruribus, brachiis, &c, ubi insignis adeo copia pinguedinis naturaliter observatur, maximis musculis accumbens, ut lubrico pingui oleo illorum motus faciliores reddat?

Quamvis ergo enormis sæpe crassities gangræna corrupta sit, quotidianæ fere Chirurgicæ Observationes docent, totum illum tumorem tantùm in panniculo adiposo hære, qui tunc, separatione factâ à partibus suppositis vivis, ingentibus frustis educitur; sicque aliquando servantur partes corporis, dum sola exstirpatio superesse videtur. Sphacelus autem non tantum adiposum panniculum, sed & musculos, tendines, ligamenta, periosteum, ossa ipsa, perfectâ morte destruit.

Si jam consideretur, tumentem tam immaniter panniculum adiposum, cute integrâ sæpe coercitum, comprimere omnia subiecta, patebit faciliè posse ab hac causa sola deleri omnem vitalem influxum & effluxum humorum in partibus suppositis. Accedit, quod putredo, gangrænam natam sequens, contigua omnia suâ labe inficere possit; adeoque gangræna sphacelum plerumque solet præcedere. Sunt tamen quidam casus, ubi sphacelus sine gangræna prægressâ oritur, uti v. gr; si ingenti contusione in parte quadam corporis omnia ad os ulque simul & semel destruantur; vel etiam, si quacumque de causa ossa ipsa, vel contenta his medulla, aut periosteum vasa ad ossa deferens & redeuntia inde excipiens, sic afficiatur, ut vitalis humorum motus per arterias & venas tollatur omnino in his partibus. Lues venerica & spina ventosa sæpe observatæ fuerunt ossa sic corruptisse, licet partes incumbentes adhuc vivæ forent; tuncque malum sic à suppositis partibus ascendendo corrumpit omnia; cùm in gangræna prius afficiantur incumbentes, & dein suffocentur omnia, quæ his supponuntur.

Quare autem gangræna sequatur, dum validâ contusione, vulnere, aut aliâ quacumque de causa, medulla dorfi sic læsa fuit, ut liquidi nervosi influxus in partes, læsionis loco suppositas, omnino impediatur, demonstratum fuit in *Commentariis* §. 162, ubi simul dictum fuit, nervorum majorum destructionem similia mala producere. Cùm autem reliquæ gangrænæ validas febres, vel inflammationes, soleant sequi semper; vel à mero caloris nativî defectu in summo senio nascantur; hæc species, sine his prægressis orta, lentâ quidem sed indomabili pernicie omnia depascitur.

§. 421. **ERGO** gangrænæ & sphaceli causa eadem, sed vi, duratione, loco, diversa.

Quando vasa corporis nostri sic mutata sunt, ut sanguinem aliòve per illa in sanitate fluentes humores, transmittere nequeant, neque debitas inde secretiones facere, & dein venis tradere, mors est. Quod ubi in panniculo & cute tantum obtinet, gangræna vocatur; si autem omnis actio vitalis in tota parte quadam corporis destructa fuerit, tunc sphacelus est. Causa ergo & gangrænæ & sphaceli eadem erit; nempe omnis illa, quæ influxum, effluxum, secretionem, excretionem humorum in parte quadam corporis tollit.

Major autem debet esse vis causæ, quæ sphacelum producet, cum solidiores longè partes per illam corrumpantur; muscoli nempe, tendines, ossa ipsa; gangræna autem tantum tenerum panniculum adiposum, plerumque & cutim, perfectâ morte destruat.

Sed & eadem causa, quæ gangrænâ produxit, pergens agere, sphacelum facere poterit. Si enim v. gr; ab externa compressione vitalis influxus & effluxus humorum in cute & panniculo adiposo integre sublatus fuerit, patet facile, nisi causa comprimens removeri possit, omnia supposita ad os usque suffocari debere, adeoque ab ejusdem causæ majori duratione sphacelum nasci.

Locus autem gangrænæ, ut dictum fuit, est in panniculo adiposo; sphacelus autem occupat omnia: unde iterum nova distinctio gangrænæ & sphaceli oritur.

§. 422. **I D E O** 1°. omnia, quæ inflammationem faciunt (375. 376. 377. 378. 379.), si liquida stagent, & nifus in ea vivi sanguinis magnus: eò pertinent, α. Ligatura venarum. β. Compressio earum ab causa quacumque, ut tumore, &c. γ. Frigus ingens. δ. Prohibita perspiratio in phlegmone per adstringentia, emplastica, frigida, re-percipientia, stupefacientia, maxime si interna acria, vel acria simul externis applicatis permista. ε. Inflammatio interna, externa. ζ. Vulnerata, contusa, luxata, fracta, maxime si artè constricta. η. Oleosa acria sanis applicata, vel ægris. θ. Decubitus. ι. Herniæ suffocata, & clausa.

Hæc paragrapho & sequentibus agetur de causis illis, quæ gangrænâ & sphacelum facere poterunt. Primo loco recensentur omnes illæ causæ, quæ inflammationem producant, quæque numeris hic citatis enumeratæ fuerunt. Omnis enim inflammatio supponit obstaculum in angustiis arteriosis, per quod liber transitus liquidi transmittendi impeditur; adeoque, si hoc in omnibus vasibus partis cujusdam corporis fieret, sphacelus esset, impedito omni vitali motu humorum per partem sic affectam. Si jam simul consideretur, ex definitione inflammationis §. 371, non tantum hic adesse stagnationem liquidi immeabilis, verum etiam validum impetum sanguinis à tergo urgentis agere in loca hæc obstructa, patebit, posse sæpe subito rumpi vascula, liquida effundi, putrefcere, &c, adeoque &



gangrænam nasci, uti demonstratum fuit in *Commentariis* §. 288. Quia autem arteriæ suos humores tradere debent venis, quæ eosdem reducant ad cor; ex quo iterum pelli debent per arterias, ut maneat debita sanguinis circumductio per totum corpus omnisque ejus partes; ideo omnes illæ causæ, quæ impediunt quominus arteriæ libere se possint in venas evacuare, poterunt suffocare vitalem motum fluidorum in parte, adeoque gangrænam & sphacelum producere. Demonstratum autem fuit in *Commentariis* §. 119, obstructionem in venis locum habere non posse, nisi ab externa compressione earundem; adeoque huc pertinent.

**A. LIGATURA VENARUM.** Solebat hæc occasione celeberrimus horum Aphorismorum Auctor Auditoribus suis sequentem casum enarrare. Nobilis juvenis, Academix Ultrajectinæ civis, hilari exceptus convivio domum redierat bene potus. Auræ captandæ gratiâ apertæ fenestræ pronus incubuit, cubitis innixus, sicque totâ nocte mansit vino somnôque sepultus. Sequenti mane expergefactus, dum corpus movere volebat, concidit, credens se pedibus carere. Tristi enim infortunio subligacula artè adstricta sic compresserant venas, ut nihil per illas redire potuerit, dum interim per arterias, aucto per ebrietatem impetu, sanguis pelleretur; unde tumor partium, & ab hoc tumore major adhuc adstrictio subligaculorum facta fuerat. Suffocato hinc omni vitali humorum motu, gangræna utrumque crus occupaverat, quæ citò ascendens ad femur utrumque, letalis fuit.

**B. COMPRESSIO, &c.** uti jam ligaturæ, sic & aliæ quævis causæ comprimentes venas possunt gangrænam facere eadem ratione. Observationes Medicæ & Chirurgicæ docuerunt, insanabiles gangrænas & sphacelos originem suam debuisse latentibus in corpore tumoribus, qui nullâ Arte tolli poterant, & difficillimè cognosci. Sic *Hildanus* (a) mirabilem talem casum se vidisse affirmat, Homo integræ ætatis, optimæque temperiei, insolitum frigus, gravitatem & stuporem in utroque crure sentire incipit, sine ulla causâ cognita prægressa: auctis sensim his malis gangræna sequitur, & post illam sphacelus ad genu ascendens, & mors. In cadavere invenitur tumor scirrhusosus venam cavam descendentem comprimens circa illum locum, ubi in binas iliacas finditur. Aditque fide dignissimus Auctor, quòd plura similia Exempla, brevitati studens, omiserit. Non minùs mirabilem casum mihi videre contigit in viro illo, cujus mentionem feci in *Commentariis* §. 413. Binis enim ante mortem septimanis crus sinistrum dolore incipiebat, tumere, tandèmq; totum œdematosum fieri, tumore jam ultra genu ascendente; cùmque simul extremus pes frigidescere inciperet, apicisque digitorum pedis jam sublivescerent, gangrænam brevi secuturam timui; adeoque fomentis antisepticis totam partem noctes dièsq; involvi curavi. Credebat autem mecum peritissimus Chirurgus, qui ægro huic aderat, latentem puris collectionem illicam venam aut cruralem compressisse, adeoque immedicabile malum fore, nisi causâ comprimens tolli posset. Scrupuloso tamen examine non potuimus detegere locum, ubi hæreret causâ mali; unde in solo antisepticorum usu pergendum esse conclusimus. Sequenti die mirabamur, crus multùm detumuisse, magisque calere; narrabatque æger, & qui illi adfuerant, quòd pluri-

(a) De Gangræna & Sphacelo Cap. iv. pag. 775.

mos flatus summo cum imperu & maximè sonoros ano explosisset. Perrexit omni horâ minui affecti cruris tumor, & bidui spatio, lenibus frictionibus simul adhibitis, totus evanuit. In cadavere, ut dictum fuit, nihil puris in cavis corporis majoribus inventum fuit; sed in abdomine inveni intestinum colon, non subjacens ventriculo, (ut solet) sed illi incumbens, flatibus distentum: illa autem ejus pars, quæ in latere sinistro à liene descendendo ponè intestina tenuia locatur, sic contracta erat, ut pollicis vix æquaret crassitiem, simulac verb sub intestinis tenuibus emergebat illud intestinum, iterum inflatum apparebat. Unde admodum verosimile videatur, colon illo in loco iliacæ venæ incumbens, flatibus distentissimum, illam compressisse; unde tumor cruris ejusdem lateris secutus fuit, qui flatibus his explosis iterum evanuit. Nisi hæc certè in cadavere vidissem, fateor, quod vix unquam credidissem, à flatibus sic comprimi posse ingentem talem venam, ut gangrænæ inde periculum immineret.

7. FRIGUS INGENS. Dictum fuit in *Commentariis* §. 117, moleculas sanguinis frigore sic adunari, ut immeabiles fiant; adeoque obstructions faciant. Si jam ingens frigus in partem quamdam corporis egit tam validè, ut liquida congelaverit, quæ per vasa fluere debent, patet faciliè, omnem vitalem influxum & effluxum humorum in tali parte tolli penitus; adeoque veram gangrænâ adesse imò & sphacelum, si vis frigoris ad ossa usque penetraverit. Verum quidem est, sanguinem ejusque serum majorem requirere frigoris gradum, antequam congelantur, quàm aqua; & calorem corporis in homine sano ingenti etiam frigori resistere posse, si simul validè corpus moveat: tristia tamen Exempla, & quotidiana in Borealibus regionibus, docuerunt, extrema corporis à summo frigore subitissimè sæpe sic siderari posse, ut vero sphacelo corrupta decendant. Unde summi frigoris effectus factis conveniunt ignis vivi actioni in partes nostri corporis; sit nempe subitissima destructio earumdem. Quod pulcherrimè habetur apud *Virgilium*, qui & frigoris & caloris effectus conjungit, dicens (a).

*Ne tennes pluvia, rapidive potentia solis.*

*Acrior, aut Boreæ penetrabile frigus adurat.*

Gangræna tamen & sphacelus; ab acerrimo frigore orta, signa habent distincta, quibus differunt à reliquis gangrænâ; ut dicetur §. 427. n. 6, atque etiam diversam curam requirunt; de qua §. 454, & sequentibus agetur. Omnium autem citissimè gangræna nascitur à frigore, si satis magno calori succedat. Dum profundum puteum mundare vellet famulus, julio mense, summum frigus percepit, simulque dolorem atrocissimum in magno pedis sinistri digito, qui paulò post ad malleolos ascendebat: tota pars hæc vero sphacelo erat corrupta, & post horæ spatium jam ultra cruris medietatem ascenderat, & procul dubio brevi sustulisset hominem de medio, nisi subito exstirpatio facta fuisset (b).

8. PROHIBITA PERSPIRATIO, &c. Quantum noceat prohibita perspiratio inflammationi, & quomodo, pinguibus applicatis cuti externæ, pessimæ aliquando nascantur inflammationes, inprimis si acria pinguibus mista fuerint; dictum fuit in *Commentariis* §. 376. De adstringentibus autem, frigidis, emplastis, &c., probatum fuit in *Commentariis* §. 350, quod omnia hæc mutatio-

(a) *Georgic. Lib. I. versu. 91.*

(b) De Lamotte *Traité complet de Chirurg.*  
Tom. III. pag. 384.

nen inflammationis in gangrænam citò promoveant. Phlegmone enim propriè dicta tantum in majorum vasorum angustii hæret, quæ vel naturaliter, vel dilatata saltem, sanguinem rubrum capere possunt; unde, licet humorum motus per vasa majora impeditus fuerit, per minora tamen poterit manere libera circulatio: sed gangræna tunc tantum adest, quando vitalis influxus & effluxus humorum in omnibus vasorum seriebus suffocatur in loco quodam corporis: adeoque omnia illa, quæ in parte inflammata perspirationem prohibent, gangrænam faciunt, quia liquidorum motum per minima vascula tollunt, majoribus vasis per inflammationem jam impervii factis. Observationes Medicæ docuerunt, infelicissimo cum successu similia locis, phlegmone obfessis, sæpe applicari. Puella laborabat ardentissimâ febre continuâ, fervido sub caniculæ ardore, & die critico sudore & calore summo æstuans, haustæ de puteo gelidissimæ aquæ manus immergit; mox dolor & tumor manus occupavit, quousque aquæ immergæ fuerant, & paulatim harum partium livor sequebatur. Profundis scarificationibus, aliisque remediis adhibitis, *Hildanus* servavit miseram, sic tamen ut dextræ manus digitorum extremæ phalangæ caderent sideratæ omnino (a). Similes casus & in *Miscellaneous curiosis* (b) habentur, quæ hoc confirmant.

Omnium verò frequentissimè gangræna nascitur, si loco inflammato applicentur calida, quæ acri suo stimulo motum augment in parte affecta; ut etiam, si iisdem interne exhibitis acceleretur motus circulatorius. Demonstratum enim fuit in *Commentariis* §. 388, humorum acrimoniam & validum motum mutare inflammationem in gangrænam. Inde toties funestus eventus fuit in morbis inflammatoriis, dum Chemicæ sales suos volatiles oleosos & similia acerrima tam audacter propinarent, tamquam summa resolutiva; imò & Chirurgi spiricum salis ammoniaci, alcohol, &c. applicarent locis inflammatis.

II. INFLAMMATIO INTERNA, EXTERNA. Quomodo phlegmone in gangrænam transeat, dictum fuit §. 388, sed ibi tantum de tali malo agebatur, quod externas partes occuparet, & variâ phenomenorum mutatione sensibili inflammationis transitum in gangrænam demonstraret. Interim tamen certissimum est, veram phlegmonem, & omnes ejus exitus, in suppurationem, gangrænam, scirrhum, in internis corporis partibus æquè locum habere posse; uti postea patebit, quando de morbis acutis inflammatoriis agetur. Idem etiam demonstratum fuit in *Commentariis* §. 374, & 379.

§. VULNERATA, CONTUSA, &c. De his omnibus in propriis capitulis dictum fuit. Quàm frequenter autem à nimis valida adstrictione fasciarum gangræna oriatur, dictum fuit in *Commentariis* §. 355.

III. OLEOSA, ACRIA, &c. Videantur illa, quæ de his dicta sunt in *Commentariis* §. 376, & 390. Similia enim acerrima sæpe cum sint, & tenacitate oleosâ pertinacissimè hærent partibus, quibus applicantur, gangrænam producere poterunt, licet nulla inflammatio adsuerit; longè citius autem, si inflammatis partibus talia inungantur. In nobili fœmina *Celeberrimus Boerhaavius* tristem talem casum vidit. Laborabat paralyfi cruris semorisque dextri; cùmque præscriptum ipsi fuisset linimentum ex galbaneto *Paracelsi*, oleo cornu cervi, & similibus sit-

(a) *Hildanus* de gangræna & Sphacelo, cap. 1. (b) *Decur.* II. ann. 3. pag. 145. ann. 4. pag. 177.

mulantibus acrioribus, uti leviter pars inungeretur; illa lentæ curæ pertæsa maximâ copiâ hoc linimentum applicuit, & deinde linteo cerato undique partem textit, ne remediis vis exspiraret. Cùm autem obtusior sensus in parte affecta adesset, illique dolorem perceptum spe subitæ curationis contemneret sequenti die totum femur & crus gangrænâ correptum inveniebantur. Unde patet, quânam periculosus sæpe sit usus oleosorum & acrium simul, si imprudenter applicentur.

6. DECUBITUS. Frequentissima hæc gangrænæ causa est: dum enim decumbimus, totum corporis pondus paucis tantum locis sustinetur, unde à compressis vasculis inflammatio & levis dolor oriuntur, mutato situ corporis statim evanida. Hinc homines etiam sanissimi, dum dormiunt, corporis posituram subinde mutant, sicque facili hoc præcavetur. Ubi verò in morbis dolentissimis, arthritide, podagrâ & similibus, coguntur ægri jacere immobiles, cum à minimo corporis motu hæc tormenta immaniter augeantur; compressis arteriis venisque in illis partibus, quibus corporis pondus incumbit, suffocatur omnis vitalis motus & gangræna fit. Nunquam tamen frequentius, nunquam citius, ab hac causa gangræna nascitur, quàm in morbis acutis, in quibus sæpe oritur illa *anæsthesia* quâ levem dolorem & molestiam in partibus, à decubitu compressis, minimè sentiunt ægri, tuncque simul projectis viribus dorso incumbere solent. Sed (ut dictum fuit in *Commentariis* §. 112. n°. 4, ubi de obstructionis causis agebatur) homine sic horizontaliter decumbente, lectus semper in medio comprimitur superius & inferius assurgit, unde totum corporis pondus ossi sacro & coccygis inprimis ferè innititur, quod solis integumentis & paucâ pinguedine tectum est. Partes ergo molles his ossibus impositæ validâ hâc pressione omni vitalium humorum influxu & effluxu privantur, & moriuntur citissime; imò & ipsa hæc ossa corrumpuntur: unde postea difficillimæ curationis tædia assigunt miseros hos homines, si à periculosis illis morbis evaserint. Ut præcaveantur omnia hæc mala, sola mutatio situs corporis sufficit: si enim sexies v. gr; tantum nycthemeri spatio liberentur hâc pressione corporis incumbentis partes affectæ, explicabuntur ab humoribus impulsis vasa, & redibit vita. Deinde curatur, ut nudo corpore mollissimæ alutæ incumbant, quâ nihil pulchrius est in hoc casu. Ubi autem secesserit epidermis, & levis excoriatio facta fuerit, tegitur locus emplastro diapompholygos vel simili, cui cerussæ vel lapidis calaminaris tenuissimus pulvis inspergitur. Si jam ob summam ægri debilitatem, vel aliam quamcumque causam, vix possibile sit situm corporis toties mutare; tunc vel loris suspensum tenetur corpus, vel annulus ex stramine convolutus, mollissimâ alutâ obductus, corpori supponitur ita, ut partes, pro quibus meruit, ab omni compressione liberentur. Non potest ergo satis inculcari Medicis, ut semper de gangrænâ à decubitu nascitura cogitent, ubi in morbis acutis hebetes & semisopitos, quasi ægros vident, paucarum enim sæpe horarum spatio circa coccygis os omnia corrumpuntur. Sed non tantum hic loci, verum & circa scapulas, ischii ossis tubera, femoris ossis trochanteres majores, imò & circa ipsas vertebrae spinas in emaciatissimo homine, à decubitu gangrænam natam vidi. Quanta sæpe mala fiant, dum in fracturis curandis Chirurgi ægrorum quærelas vilipendunt, neque situm partis mutant, dictum fuit in *Commentariis* §. 354. Et de pessimarum fracturarum curatione agens *Hippocrates*, sequens monitum habet, (a) *Meminisse*

(a) Lib. de Fractur. Comment. III. text. xxvi. Charter Tom. XII. pag. 245.

etiam debemus exulcerari ejus modi partes, si diu in eodem habitu perseverent, & ægerime ad sanitatem posse perducī. Usus fuit hic vocabulo *ἰκτερίματα*, quod exco-  
 riatione, attritus, intertrigines significat, & optime quidem. Dum enim incipit pars  
 quædam corporis à decubitu male affici, oritur macula rubra, paulò post cuticula  
 quæsi detrita abscedit, & dum leve malum credunt minùs periti, paucis horis postea  
 macula nigra pessimam mortificationem indicat.

1. *HERNIÆ SUFFOCATÆ ET CLAUSÆ.* Quamvis herniæ nomen di-  
 versissimis soleat tribui morbis, uti v. gr; dum tunicæ testem ambientes, vel & ip-  
 sum scrotum extravasatâ lymphâ replentur, hernia aquosa dicitur: si venæ in sperma-  
 tico funiculo in varices intumuerint, hernia varicosa dicitur: si testis in scirhum  
 induruerit vel aliquando in fungosam massam miro modo excreverit, hernia car-  
 nosa dicitur, &c; hoc tamen in loco intelliguntur illæ herniæ, quæ à contentis  
 abdomine partibus, per dilatatum vel & ruptum peritonæum exeuntibus ex cavo  
 abdominis sunt. Cùm autem intestina, à mesenterio pendula, & omentum quasi  
 fluctuant in abdomine; hinc præ cæteris omentum vel intestina per dilatatum,  
 vel ruptum, peritonæum solent exire. Dictum autem fuit in *Commentariis* §.  
 307, in omni abdominis ambitu hernias posse nasci, & alias partes, præter in-  
 testina vel omentum, sic aliquando ex cavo abdominis elabi: omnium tamen  
 frequentissimæ sunt herniæ, quæ à dilatato peritonæo per umbilicum, vel in  
 inguine per annulos musculorum abdominalium, exeunte sunt. Umbilicales  
 tunc vel inguinales herniæ solent vocari; quæ postremæ, si in scrotum usque  
 delabantur, scrotales; si verò versus femora tendant, uti in foeminis frequenter  
 fit, femorales dicuntur. Si jam v. gr; per annulos musculorum abdominalium  
 dilatatum peritonæum unâ cum intestini parte exiverit, patet facillè in ipsis his an-  
 nulis hære intestini fistulam duplicatam (nisi raris in casibus pars intestini mesente-  
 rio opposita, sensim dilatata, per annulos abdominales exiverit in appendicem  
 sensim longiorem factam mutata (a). Motu ergo peristaltico chylus &  
 reliqua, cavo intestinalis fistulæ contenta, huc pelli debebunt, & sæpe redire  
 inde nequeunt, dum in angustiis annuli abdominalis intestinum comprimitur.  
 Idem à flatibus intestinum elapsum replentibus fieri poterit. Vocatur talis hernia  
 tunc suffocata & clausa, quia nec elapsum intestinum, nec contenta ejus cavo,  
 in abdomen redire possunt. Summi tunc dolores oriuntur, motus peristalticus  
 turbatur, vomitus fit, singultus, &c, & paucarum sæpe horarum spatio intes-  
 tinum sic strangulatum gangrænescit; imò, quod magis mirum videtur, robustissimus  
 & sanissimus homo sic subitò moritur. Post summos enim cruciatus subitò omnis  
 dolor cessat: dùmque miseri omnia in vado esse credunt, pereunt. Peritos tamen  
 Medicos vel Chirurgos non facillè decipient fallaces illæ induciæ, cùm extre-  
 morum frigus, facies cadaverosa, & frigidus sudor, lividusque sæpe corrupti in-  
 testini per integumenta pellucens color, mortem instare satis doceant. Ex cogni-  
 ta hæcenus fabrica corporis non facillè mihi videtur explicari posse, quare herniam  
 suffocatam & clausam cita adeo mors sequatur sæpe: Observationes quidem Chi-  
 rurgicæ & Medicæ docuerunt, nervos abdominalia mirum habere imperium in vi-  
 tales functiones ipsas. Sic in *Commentariis* §. 170. n°. 3, ex *Ruysschii* Observatis  
 notatum fuit vulnus abdomini inflitum, quod mesenterium læserat, post diros

(a) Académ. des Scienc. l'an 1700. 1701. 1713.

cruciatus paucis diebus lethale fuisse, licet in cadavere non inveniretur in ulla alia parte læsio alicujus momenti: tamen in vulnere abdominis Historia ex optimorum Auctorum Observatis consistit, ingentis longitudinis frustra resecta fuisse vel sponte separata ex tubo intestinali, vitâ tamen manente. Patuit ibidem, confui posse læcera intestina, imò & mesenterium filo trajectum ad vulneris abdominalis aperturam adduci, ut bina extrema intestini læsi contigua redderentur, & concreverent inter se. In tali casu, ubi ab hernia suffocata gangræna metuitur, audacissimâ venesectione sic debilitandus æger est, ut inflammatio hîc nata careat urgente motu vitali; deinde narcotica dentur parvâ dosi simul, sed quâvis octavâ horæ parte, donec induciæ fiant: mollissimis interim fomentis foveatur hernia, clysmata ex similibus parata injiciantur omni horâ; & tentetur reductio: quæ si his obtineri nequeat, sola discissio integumentorum abdominalium omnium & peritonæi superest, ut strangulatum intestinum liberetur, & in abdominis cavum revolvî possit, de qua re videantur *Commentaria* §. 316. Ubi autem gangræna jam occupavit herniam suffocatam, plerumque cita mors sequitur; vel, si evaserint tales ægri separatâ parte corruptâ tubi intestinalis, extremum superius aperturæ affigendum est, ne fæces in cavum abdominis delabi possint. Tuncque totâ vitâ in hoc loco anus artificialis manet, nisi rarâ fortunâ intestini extrema iterum sic concreverint inter se, ut continua maneat intestinalis fistula à ventriculo ad anum usque. Miri tales casus in *Commentariis* §. 317, habentur, quibus probatur, talem concretionem possibilem esse.

§. 423. 2°. QUÆ liquida acuunt, ut vascula exedant, destruântque, ut «. Stagnatio clausi & calidi humoris diuturna, unde acrimonia (80), corrosio, hinc cruor in aneurysmate, pus in abscessu, aqua in cranio, thorace, abdomine, scroto, &c; contusa & effusa in læsis. ß. Mala, morbosa, acris temperies in toto peccans, & locum alluens, ut lymphæ diu fluens circa loca tendinosa, ichor cancri, fluor dysentericus, fluor hydropicus, materiæ febrilis, pestilentis, variolæ, scorbuticæ fluxus ad carnem, inprimis ad gingivas.

«. Sanguis noster, & omnes inde secreti humores, (si fortè bilem & urinam exceperis, in quibus tamen stagnando acrimonia nascitur, vel saltem plurimum augetur) blandi adeo sunt in sanitate, ut nec oculo instillati, nec crudo vulnere applicati, ullum dolorem faciant: hoc autem requireretur, ut rapido satis motu per tenerissima vasa humores fluere possent. Si ergo à quacunque causa liquidis nostris major concilietur acrimonia, destruentur vasa, atque sic impediatur vitalis influxus & effluxus humorum, adeoque nascetur gangræna. Unde §. 388, humorum acrimonia merito recensetur inter causas, quæ inflammationem in gangrænam tendere faciunt. Præcipue talis acrimoniæ in liquidis nostris natæ, causæ sunt sequentes.

«. STAGNATIO, &c. Demonstratum fuit in *Commentariis* §. 80, liquida humana, etiam in corpore sanissimo, solâ quiete & calore sponte in putredi-

nem vergere ; imò & omnia alimenta assumta , quamvis ex propria indole ab omni putredine aliena fuerint , viginti horarum spatio in corpore nostro sic mutari , ut similem naturam adipiscantur. Sanus homo , aquis submersus , paucis diebus putrescit totus , à simplici stagnatione liquidorum , & calore aeris communis. Calor autem major hanc degenerationem in putredinem auget in nostris humoribus , nisi tantus fuerit , ut exsiccatione dissilet humidum , & reliqua exsiccet. Sic in aere calidissimo , & siccissimo simul , non putrescunt animalium carnes tam citò ; imò sæpe penitus exsiccatæ ab omni putredine servantur : in aere autem calido , & humido simul , putrescunt quàm citissimè. Præterea observatur , si nullus detur aeri accessus ad flagnantes humores , eosdem diu ab omni putredine immunes servari posse. Ob hanc causam *flagnatio clausi & calidi humoris diuturna* , in textu habetur.

✓ **CRUOR IN ANEURYSMATE.** Videantur illa quæ dicta sunt in *Commentariis* §. 112 , n°. 1 , & §. 176. Ibi enim constitit ex fidelissimis Observatis , cruorem in dilatatæ arteriæ sacco stagnantem , tantam acquisivisse acrimoniam , ut non tantùm partes molles corrumpere , sed etiam solida ossa destrueret omnino.

**PUS IN ABSCESSU.** Videantur *Commentaria* §. 406.

**AQUA IN CRANIO , THORACE ABDOMINE , SCROTO , &c.** In cavis corporis majoribus & minoribus aquam accumulari posse , quotidianis Observatis constat ; sive hoc fiat ruptis vasis lymphaticis , contentam lympham effundentibus , sive , dum exhalans ros in cava corporis à venulis bulbis non reforbetur. Quam diu autem nullus aer accedit , diu sine ulla corruptione manere potest talis aqua ; tandem tamen putrescere incipit , & omnes partes rodere , quas alluit Ubi postea de hydropse agitur , patebit ex fidelissimis Observatis , omentum , hepar , lienem , &c. in putrida tali aqua macerata , contabuisse penitus ; imò apertis post mortem ascite defunctorum cadaveribus , sæpe tetra mephitis pessimè omnes adstantes affecit. Omnium frequentissimè gangræna ab hac causa nascitur , quando hydrops anasarca crura & femora occupat. Cùm enim frigidi semper hydropici sint , sæpe dum foco nimis assident , vel hypoaostulis suppositis pedes calefaciunt , epidermis in bullas attollitur , quibus ruptis ingens copia aquæ exit sæpe summo cum levamine. Frequenter tamen tunc circa illas aperturas à sero præterlabente , accessu aeris jam magis acri factò , gangræna fit : distentus antea tam enormiter panniculus adiposus collabitur flaccidus , & partim ab acri sero alluente corrumpitur , partim ob vitalis influxus debilitatem moritur.

**CONTUSA ET EFFUSA IN LÆSIS.** Videantur illa , quæ de his in capitulo de *contusione* dicta sunt.

β. **MALA , MORBOSA , &c.** Stagnatione humores sanos & blandos acres posse fieri apparuit ex modò dictis : sed accidit aliquando , sanguini & inde secretis liquidis adesse jam majorem acrimoniam , licet per vasa moveantur solutà naturali lege. Verum quidem est , rarò vel nunquam in sanguine ipso esse magnam acrimoniam ; citò enim destruerentur tenerrima vasa : tamen quandoque quædam adest , quæ non adeo sensibiles effectus habet , quamdiu integræ sanguinis massæ mista manet : ubi verò secreta inde sunt , & in quibusdam partibus corporis collecta , tunc sæpe pessimè nocet. Sic v. gr ; susceptum luis venereæ con-

R r r r iij

tagium, humoribus circulantibus mistum, nullum ferè sui signum exhibet: ubi autem latens illud virus ad partes quasdam deponitur, illas erodit, nequidem durissimè ossibus exceptis. Si ergo acre aliquod morbosum sanguini inhærens ad loca quasdam corporis deponatur, vel humores à sanguine secreti solito acriores locum quemdam diu alluant, poterunt vascula inde exedi & destrui; adeoque tollitur vitalis influxus & effluxus humorum, id est, gangræna fiet.

**LYMPHA DIU FLUENS CIRCA LOCA TENDINOSA.** Dictum fuit in *Commentariis* §. 163, nervorum tenforum aut tendinosorum talia vulnera, quibus pro parte tantum rescinduntur, sæpe sequi evacuationem tenuis, acris, & copiosissimi simul feri: simulque notabatur, nunquam in talibus casibus benignam suppurationem fieri, sed sinuosas collectiones ichorosz talis materiæ omnem pinguedinem musculus interpositam sic corrumpere, ut gangrænosa facta magnis sæpe frustis exeat, imò & ipsas tendinum vaginas pinguedinosas sic destrui; unde postea immobilitas musculorum fit, & totius membri usus sæpe perit. Ichorem vocavit *Celsus* dicens (a) ἰχὴρ tenuis, subalbidus, ex malo ulcere exit, maximeque ubi, nervo laeso, inflammatio secuta est. Μαλίστη crassior est, glutinosior & subalbida, mellique albo subsimilis. Fertur hoc quoque ex malis ulceribus, ubi nervi circa articulos laesi sunt, & inter hæc loca, maxime ex genibus. Quia autem circa articulos inflicta vulnera aliquando talis ichoris effluxus comitatur, & postea articuli vicini immobilitas sæpe totà vità manet, ideo Chirurgi articulorum aquam (*Leedenwater*) vocaverunt: composito hinc nomine aptissime expressit hoc malum *Hildanus* (b) *Hydrarthron* vocans. Cùmque urentis doloris sensum ægri in hoc malo percipiunt, summam lymphæ effluentis acrimoniam culpæ solent, licet fortè à distractis lentâ dilaceratione fibris nervosis, vel tendinosis accerimus ille doloris sensus oriatur. Interim hoc plurimis & fidelissimis Observatis constat, post lymphæ talis diuturnum fluxum circa loca tendinosa gangrænam ferè semper sequi; sive hoc fiat ob lymphæ fluentis acrimoniam, sive quia diluente hoc vehiculo orbatu sanguis pertinacissimas inflammationes facit. Integrum tractatum de *Ichore & Meliceria* habet *Hildanus*, ubi plurimi casus enarrantur, qui modò dicta confirmant.

**ICHOR CANCRI.** In calamitosissimo enim hoc morbo in tantam sæpe acrimoniam degenerant humores effluentes, ut lintea applicata stygiæ instar aquæ comburant, & vicinam cutim erodant profundissime, per quam desluunt. Sed, ut postea dicetur, non tantum in partibus externis, verum etiam in internis cancri inventi fuerunt; unde facillè patet, quàm horrenda mala debeant fieri, dum acre illud virus interiora corporis depascitur.

**FLUOR DYSENTERICUS.** Si v. gr; cancriosis hepatis vel pancreatis virus intestina depuens continuum deponendi alvi tenefum, cum horrendis torminibus, faciat, patet facillè, sic erosio intestinalis, veram gangrænam fieri posse. Dum turgens atra bilis calore aeris, corporis motus, vel quacumque alia de causa, morveri incipit, dysentericæ illæ atrabilariz fiunt cum dolore intolerabili, quam sæpe brevi post gangræna intestinalium sequitur (vide §. 1104.), & placida, omni dolore sublato, mors.

**FLUOR HYDROPICUS.** Paulò antè in eadem hac paragrapho dictum fuit,

(a) *Medicin. Lib. V. cap. xxiv. n. xx. p. 288. 289.* (b) *De Ichore & Meliceria, cap. iiii. p. 837.*



serum hydropticum per aperturas, casu vel & Arte factas in cruribus, totum aliquando evacuari; verum simul in hoc transitu sæpe vicina his aperturis loca corrumpere. Sed Observationes Medicæ docuerunt, idem illud serum quandoque, venis reפורטum & humoribus circulantibus mistum, per alvum, urinas, &c, exire. *Hydropicis, & circa venas aquâ in alvum prolapsâ solutio, fit (a) dixit Hippocrates.* Si jam morâ & stagnatione aquæ illæ putrescere inceperint, antequam venis resorbeantur, augebitur hæc putredo, dum cum sanguine per vasa circumducuntur; & si per mesenterica vasa in cavum intestinorum tunc excernantur, villosa tunica intestinorum macerabitur & contabescet, dum putridâ hâc aquâ alluitur continuè, unde putredo, gangræna & mors ipsa toties sequuntur. Generalem hinc modò allegatæ Coacæ prænotionis sensum alio in loco magis limitavit Hippocrates dicens (b) *in hydropie incipiente alvi profluvium aquosum oborietur, citra cruditatem, morbum solvit; tunc enim nondum putredinis ullus motus est.*

**MATERIÆ FEBRILIS.** Febris, uti patebit postea, quando peculiari capitulo de hac agetur, sæpe causam suam materialem, unde ortum duxit, vel à qua sustentatur, sic mutat & subigit, ut sine ulla evacuatione redeat omnium functionum integritas. Aliquando etiam latens in corpore noxium mutatur quidem per febrim, & mobile redditur; cum autem illud pergeret turbare functiones, si maneret, expellitur de corpore; vel per abscessum deponitur ad quædam corporis loca. Nec refert, an illud, quod sic abscedit, præexistit ante: utroque enim in casu materia febrilis vocatur. Ubi ergo materia febrilis per abscessum deponitur ad quædam corporis loca, non tantum per erysipelata, phlegmonas, & suppurationes facit, sed aliquando subito vitam omnem in parte suffocat, unde gangræna & sphacelus quàm celerrimè oriuntur.

Aliâ occasione in Commentariis §. 253, memini mirabilis talis casus, ubi homini quinquagenario in febre acuta continua unius noctis spatio siderabatur extrema pars dextri pedis, & postea decidebat; homine tamen supersite manente: simulac enim morbi malignitas hanc partem occupaverat, cessabat febris, & redibat reliquo corpori sanitas. In vetula septuagenaria, febre ardenti laborante, mirabatur Tulpus, quòd pestifer morbi humor tanto impetu brachium sinistrum invaderet, (c) *ut factio initio à commissura humeri præcipitaretur una nocte in inmedicabilem sphacelum usque ad extremos digitorum apices, cum tanta protinus cutis nigredine, & tam exsucco atræ carnis squalore, ac si integrum mensem expositum fuisset reorridio urentis solis æstui.* Simile infortunium & in alia muliere se vidisse asserit; & apud alios Observatores plures tales casus habentur. Observaverat & Hippocrates, in morbis aliquando jactura partis cujusdam corporis vitam redimi, unde sequens monitum Medicis reliquit (d) *Pedes autem digitiq; penitus nigri minus perniciosi sunt lividi. Sed & alia signa considerare convenit. Nam si æger malum leviter ferre videatur, atque signum aliquod salubre præterea se ostenderit, morbum in abscessum versus iri spes est; ex quo homo quidem incolumis evadet, partes autem corporis quæ nigredinem contraxere, decident.*

(a) Coac. Prænot. n.º. cccclxi. Charter, pag. 164.  
Tom. VIII. pag. 879.

(b) Ibid. n.º. cccclvii. pag. 878.

(c) Observ. Med. Lib. III. cap. xlviii.

(d) Progm. Comment. II. Sentent. IX. Charter, Tom. VIII. pag. 614.

**PESTILENTIS.** Omnes, qui de terribili hoc morbo scripserunt Auctores testantur, quodd, si mali hujus virulentia in partem quamdam corporis abscederet, illa subito destrueretur, sic ut mortua & vivis adhuc contigua hærens, supuratione in ambitu natâ, postea separari debuerit. Anthraces pestilenciales dicebantur plagæ tales, in superficie corporis apparentes, ac si vivo igne ambussæ fuissent. Longè terribiliora adhuc mala sequebantur illam pestem Atheniensium, quam *Thucydides* adeo graphicè descripsit (a), qui non solum hæc correptos viderat, sed ipse laboraverat. Sanissimos enim repente invadebat tetra lues, cum capitis dolore, oculorum rubore, & inflammatione: mox fauces & lingua sanguinolentæ erant; spiritumque tetrum & pessimè olentem exhalabant ægri. Sequebatur sternutatio & rauco: paulò post ad pectus descendebat morbus cum rursi vehementi; dein bilis vomitus; singultus molestissimus; ardor internus intolerabilis; corpus externè non admodum calere videbatur, sed subrubrum lividumque, & pustulis minutis ac ulceribus repletum erat. Sic sensim videbatur morbus à capite descendere per omnia; illique, qui septimum nonumve diem superaverant, descendente jam in ventrem morbo, exulceratione vehementi & magno profluvio debilitati peribant. Si autem morbi furor corporis extremitates corripuisset, tales ægri maxima quidem pericula effugerant; & evaserunt quidam; sed manuum pedumque summitatibus amissis mutili, quandoque pudendis, vel & oculis, orbi, ipsâ morte calamitosiorem vitam trahebant languidi. Sic & *Galenus* (b) sevam pestem in summos pedes grassatam fuisse, illòque corrupisse, memorat.

**VARIOLOSÆ.** In pessimis enim confluentibus tota facies in bullam gangrænosam elevatur, & hæc pelliculâ ruptâ ichor exit tenuis sæpe ôlidißimus, subiecta cutis & panniculus adiposus à tabo hoc gangrænofo miserrimè depascuntur. Imò memini me aliquoties vidisse, quodd jam *Sydenhamus* notaverat, in febribus talium ægrorum elevatas vesicas, ovum gallinaceum æquantes, tenui ichore, vel & sanguinolentâ sanie plenas, quibus ruptis subiecta caro nigerrima apparebat.

**SCORBUTICÆ FLUXUS AD CARNEM, INPRIMIS AD GINGIVAS.** In scorbuto illud satîs mirum observatur, quodd adeo minuatur vasorum cohesio, ut à levissima vi frangantur. Sic rudiorum attractum in hoc morbo laborantibus semper ecchymosis sequitur, fractis vasis, effuso sub cute integra sanguine. Imò sine ulla vi externa, sponte ruptis vasis, maculæ illæ scorbuticæ fiunt cæruleæ, vel & nigricantes, à musculorum adjacentium motu fractis vasis, vel erosio ab aciori sanguine. Vasorum enim minutam cohesionem in hoc morbo semper acrior sanguinis indoles comitatur; uti postea patebit in hujus morbi Historia. Non mirum ergo est, si scorbuticæ materiæ fluxus ad carnem, destructis vasis, gangrænam faciat. Crurum ulcera pessima, ad optima quævis remedia omnino rebellia, facillimè gangrænosa, quotidie observantur in scorbuticis. Nullibi tamen citius scorbuti præsentis indicia observantur, nullibi celerius corrumpit partes, quas occupat, quàm circa gingivas. Incipiunt calere, dolere, vel & prurire gingivæ, ad levem attractum sanguinem fundunt; hinc inde dein maculæ albæ oriuntur, in ambitu suo rubræ & inflammatæ, quæ sæpe, si negligantur, profer-

(a) De bello Peloponesiaco, Lib. II. | (b) De usu part. Lib. III. c. v. Chart. Tom. IV. p. 345. punct

punt & depascuntur omnia, inprimis in junioribus, cum horrendo fœtore, & copiosissimo salivæ tenuis & olidissimæ simul ex ore fluxu. Nostates malum hoc cancrum aquaticum (*Waterkanker*) solent vocare, quia cancri instar exedit omnia, & jugis talis salivæ fluor adest. Nisi in initio compescatur hoc malum, (quod spiritu falis marini aquâ diluto omnium certissimè; dein & aliis acidis fossilibus, muriâ falis marini, &c, fit) non tantùm gingivas, sed & genas, labia, linguam, imò & dentes, ipsâque ossæam maxillam omnino corrumpit, & excidere facit. Aeris liber accessus, calor loci & humiditas, lymphæ acerrima sæpe & putrida, continuò hæc loca alluens in pessimo sœorbuto, natam semel hic corruptelam augent immaniter.

§. 424. 3°. QUÆ mortem extremorum creant defectu vitalis influentiæ, ut quies senilis, debilitas summa, contusiones ingentes magnorum nervorum, spinæ dorsi, medullæ spinalis, magnorum gangliorum (326. 420.)

Cùm gangræna talis sit corporis mollis conditio; quæ abolito influxu vitalis humoris in arterias, effluxu per venas, in mortem tendat (vide §. 419.); patet evidenter, illam nasci debere, quando causæ moventes humores per vasa tam debiles fiunt, ut ad extrema corporis usque motum continuare nequeant. Cordis autem vis arterias implens & dilatans, arteriarum efficaciam, quâ se contrahere possunt & impulsû à corde sanguinem propellere per ultimas suas angustias in venas, sunt illæ causæ, quæ sanguinis motum per vasa absolvunt. Attamen musculorum, venis adjacentium, motu venosi sanguinis fluxus cor versus promovetur. Ubi ergo in senio, vel per debilitatem summam, à quacumque etiam causa natam, cordis vires sic imminuuntur, ut non possint ad extrema corporis usque arterias impulso sanguine dilatare, incipit nasci quies illa senilis, & ab hac extremorum gangræna. Præterea requiritur in arteriis talis flexilitas, ut cedere possint, & dilatari à sanguine corde impulso; simulque tale robur, ut cessante cordis actione, elasticitate suâ, & fibrarum muscularium actione, propellere possint sanguinem cavis suis contentum. Unde ab oppositis fibrarum solidarum, & vasorum ex his compositorum, vitiis, idem sequitur effectus; nempe æquabilis sanguinis motûs impedimentum, & stagnatio.

À nimia debilitate & laxitate fibrarum & vasorum, impediri humorum per vasa motum, probatum fuit in *Commentariis* §. 26, & 44. Idem malum fieri à nimia fibrarum & vasorum rigiditate, constitit ex illis, quæ 6. 33, & 52, dicta sunt.

In decrepita autem senectute, plurimis canalibus concretis jam, qui in juvenute & flore ætatis pervii fuerant (vide *Commentariis* §. 43. n°. 4.), nimium in vasîs robur adest, & callositas, per quam resistunt suæ dilatacioni; unde tandem cor non ampliùs valet evacuare contentum suis cavis sanguinem, adeoque obruitur, & quiescit. Videantur illa, quæ in *Commentariis* §. 128, de inevitabili mortis necessitate ab hac causa dicta fuerunt. Mirabilem casum, qui modò dicta confirmat, habet *Tulpius* (a). Seni Fatuo, diutissimè debili, fatiscebant eb usque &

(a) *Observat. Medicin. Lib. III. cap. XLVI. pag. 162.*

languidum cor, & effectus partium calor, ut à minima corporis offensa sequeretur protinus gangræna. Si enim vel natibus infideret, vel cubito incumberet, vel calcem pavimento imponderet, vel scapulam in parietem inclinaret, illico à gangræna obsidebatur non minùs pars premens, quàm pressa. Brevi serpens malum occupabat univerfum ferè corpus, sic ut omnia jam emortua forent, antequam verè emoreretur miserrimum hoc lascivientis mortis ludibrium. Similem ferè casum in femina nonagcnaria vidi, cui ante mortem non tantùm extrema gangrænosa siebant, verùm & gena, cui dormiens incubuerat simili labe corripiebatur. Tam debiles enim videntur fuisse in his ægris cordis vires, ut externà compressione, quantumvis, hæc lævis fuerit, complicata vasa explicare non potuerint.

Sed & aliam incurabilis gangrænæ causam Historia Medica docet, quando nempe arteriæ, quamvis cordis vires integræ satis fuerint, sic obriguerunt, ossæ quandoque factæ, ut nec cedere possint sanguini cordis vi impulso, neque se contrahere. Nobili viro sexaginta septem annos nato, qui optimâ sanitate valuerat toto vitæ decursu, oriebatur gangræna in digito pedis, quæ sensim adscendens cruris dimidium jam occupabat. Cùm cæteroquin vires constarent, & pulsus satis fortis & æquabilis esset, certæ morti, quæ sic gradatim corpus depasceret, incertum auxilium præposuit animosus senex, crûsq; gangrænosum sibi amputari voluit. Exstirpatione factâ, duæ trësve uncie sanguinis ex musculari carne resecta exiverunt: ubi autem laxabatur tornatilis ligatura, quæ arteriam subpopliteam compresserat, mirabatur peritissimus Chirurgus, qui operationem fecerat, ne guttam quidem sanguinis exire. Arteriosi autem trunci extremum durum & callosum esse apparuit. Quatriduò autem post exstirpationem peractam periit æger. Dum examinabatur crus abscissum, patebat, truncos arteriosos majores pro maxima parte osseos factos fuisse, & in quibusdam locis adeo contractos, ut vix setam admitterent suis cavis. Unde satis patuit gangrænæ hujus causa (a).

Cùm ergo seniles tales gangrænæ ferè semper immedicabili vitio vasorum ortum debeant, vel cordis debilitati non facillè corrigendæ, patet satis, nec separationem corrupti hîc expectari posse per suppurationem, neque profuturam exstirpationem. Nihil ergo superest, quàm ut pars affecta sale, aceto, vino, rutâ, scordio & similibus condidatur, & ab omni putredine præservetur; simulque bono victu & cardiacis vires vitales augeantur, quantum fieri potest. Hâc methodo celeberrimus Boerhaavius in Senatorio hujus urbis viro per sex integros menses stigma gangrænosum, in pollice pedis natum, continuit, ne proferperet. Cùm autem, convocato Medicorum consilio, plurium suffragis concluderetur, tentandam esse separationem illius mortui à vivis partibus per suppurationem, & hunc in finem cataplasmata maturantia applicarentur, tridui spatio gangræna jam ad femur usque ascendit, & paulò post placidè expiravit æger.

Quare autem contusiones ingentes, vel alias læsiones insignes magnorum nervorum, gangliorum, spinæ dorsi aut medullæ spinalis, sequatur gangræna explicatum fuit in *Commentariis* §. 162.

(a) Philosoph. Transact. n<sup>o</sup>. cccclxix. pag. 226. Abridg. Tom. VII. pag. 571.

## 5. 425. 4°. V E N E N A mirabilia.

Præter hæcenus recensitas gangrænæ causas, adhuc aliæ quædam occurrunt; quæ ad priores classes reduci non poterant. Dantur enim in rerum natura talia, quæ corpori humano applicata mortem partis, imò & totius, citò & certò faciunt, licet modus Physicus, quo hoc faciant, hæcenus lateat. Cùm enim in qualitatibus sensibilibus venenorum sæpe nihil occurrat, cui tanta efficacia ascribi posset, totà substantiâ nocere, & occultâ qualitate hæc agere Galenus, & post illum Scholæ dixerunt. Recentiores Philosophi, quibus rerum causas ignorare turpissimum videbatur, exploserunt qualitates illas occultas, & riserunt Veterum simplicitatem, qui candidè ignorantiam confessi, effectus illos mirabantur, quorum causas minimè intelligerent. Verum potiori jure subtilissimos Philosophos, de veneno viperarum disputantes, risit Magni Hetrurix Ducis venator (vide Commentaria 5. 155,) dum illorum ratiunculas convelleret, epotâ non tantùm bile viperæ, verùm etiam iratissimæ & maximæ viperæ salivâ, spumâ, & venenato succo ponè dentes in loculis peculiaribus collecto, vino dilutis, & haustis. Licet enim in vulnere noceant venena quædam, impune tamen sæpe deglutiuntur. Unde Psyllis, qui sugendo curabant venenata vulnera, non tribuit Celsus, (a) scientiam præcipuam... sed audaciam usu ipso confirmatam; Adeoque conclusit, (b) ergo quisquis, exemplum Psylli secutus, id vulnus exsuxerit; & ipse autus erit, & tuum hominem præstabit. Illud interea antè debet attendere, ne quod in gingivis, palatove, aliâve parte oris ulcus habeat.

Vidimus 5. 423, in morbis aliquando nasci aliquid, quod naturæ humanæ adeo adversum est, ut partem corporis, versus quam deponitur, illico faciat emori. Dictum fuit ibidem, contagium variolosum paucorum dierum spatio sic corrumpere posse omnia in sanissimo etiam juvene, ut tabo gangrænofo totum corpus diffluat. Sed præter hæc, Observationes Medicæ docuerunt, venenatorum animalium morsu etiam levissimo, gangrænâ & sphacelum nasci posse. Dum per Libyæ deserta exercitum duceret Cato, ubi ingens venenatissimorum animalium copia erat, occurrebat & exiguus serpens *Seps* dictus, qui miserum militem parvo tantùm vulnere læserat in crure, statim, (c).

----- Plagæ proxima circum

Fugit rapta cutis, pallentiâque ossa retexit

Jamque sinu laxo nudum est sine corpore vulnus.

Membra natant sanie; suræ fluxere; sine ullo

Tegmine poples erat; femorum quoque musculus omnis

Linquitur, & nigra distillant inguina tabe.

Sic sensim ascendendo abdomen, pectus & contenta his viscera diffuebant; imò & ipsa ossa consumta fuisse canit Poeta, & quidem satis subitò: (d)

----- Omne

Quidquid homo est aperit pestis, natura profandâ

(a) Medicin. Lib. V, cap. xxvii, no. 111. |  
pag. 309.  
(b) Ibid.

(c) Lucan. Pharsal. Lib. IX. vers. 768.

(d) Ibid. vers. 779.

*Morte patet, manant humeri, fortisque lacerti:  
Colla, capique fluunt. Calido non ocyus Austro  
Nix resoluta cadit, nec solem cera sequetur.  
Parva loquor, corpus sanie stillasse perustum;  
Hoc & flamma potest; sed quis rogus abstulit ossa?  
Hæc quoque discedunt; putresque secuta medullas  
Nulla manere sinunt rapidi vestigia fati.  
Cyniphias inter pestes tibi palma nocendi est:  
Eripiunt omnes animam, tu sola cadaver.*

Fortè Poetæ fides parum suspecta videretur nonnullis, cùm solitâ licentiâ uti potuisset in horrendis illis malis enarrandis, quæ morsum hujus serpentis sequuntur: sed in *Commentariis* §. 105, casus mirus habetur, qui huc satis accedit. Sanissimam enim puellam venenatissimus serpens momorderat, unde brevî moriebatur: dùmque cadaver paucis tantùm post mortem horis auferre volebant, tabefactæ jam ab ossibus secedebant carnes.

Latet sæpe deleteria facultas in quibusdam rebus, de quibus nullus cogitasset unquam, nisi frequentes casus docuissent, inesse his talem malignitatem. Sic observatum fuit in Gallis, secales grana (inprimis illa quæ martio mense terræ tradi solent) solo humido & frigido sata, si pluvix copiosæ fuerint, pro magna parte in spicas surgere degeneres omnino, quæ & nigrae erant, & à solita figura recedentes galli gallinacei calcaria non ineptè referebant. Dùmque in annonæ penuria non mundarent satis secales ab hoc vitio pauperes, plurimi gangrænâ siccâ, nigra, lividâ corripiebantur, quæ à digitis pedum incipiens sensim adscendebat: in magno satis talium ægrorum numero tantùm unus fuit, cui gangræna in manu inciperet. Quod maximè mirum videbatur, soli viri hæc gangrænâ afficiebantur, mulieres nullæ, nisi hinc inde quædam juniores puellæ. Dum gallinis dabantur vitiosa hæc secales grana, maluerunt integro triduo inediam pati, quàm hæc sumere; quibusdam autem fraude ingesta hæc grana non videbantur nocere (a). Mirabilis hæc Observatio docuit, saluberrimum humano generi alimentum sic à latente causâ mutari posse, ut verum fiat venenum.

§. 426. **G**ANGRÆNÆ futuræ signa sunt causæ ejus (422. 423. 424. 425.) præcognitæ.

De his omnibus, numeris hîc citatis; dictum fuit. Agendum nunc de illis signis, quibus præsens gangræna cognoscitur, & distinguitur ab inflammatione, quæ illam sæpe præcedit; & à sphacelo qui gangrænam aliquando sequitur.

(a) Académ. des Sciences l'an 1710. Hist. pag. 80.

§. 427. **A**T verò præsentis, hæc, 1. phænomena inflammationis subito ablata sine correctione causæ ( confer 382. 383. 385. 422. 423. 424. 425.) 2. Sensus hebes. 3. Color pallidior, cinereus, fuscus, lividus, niger. 4. Mollities, flacciditas, ad tactus vestigia non resurgens. 5. Pustulæ ichore lymphatico subflavo, vel rubello plenæ in loco inflammato. 6. Ubi à frigore, pruritus & punctura ingens, unâ cum rubore intenso, quem brevî nigrîtudo mortifera sequitur.

Si bene intellecta fuerint illa, quæ dicta sunt de causis præcedentibus, naturâ, & loco gangrænæ, faciliè distinguetur, an gangræna adit, necne, sequentibus signis.

1. Phænomena inflammationis oriebantur à vi vitæ urgente sanguinem in vasa obstructa majori celeritate, ut dictum fuit §. 381: omnia autem illa §. 382, & sequentibus enumerata fuerunt. Si ergo hæc phænomena increverint omni momento, dein subito desinant, novimus, non cessasse hæc mala ob causæ correctionem, id est, resolutionem concreti inflammatorii; quia hæc nunquam fit, nisi initia fuerint omnia inflammationis symptomata ( vide §. 386.) Neque poterit tunc adesse suppuratio, quia per hanc inflammationis phænomena non abolentur, sed sensim, non subito, mutantur & mitescunt: multò minùs adhuc scirrhus expectari poterit, in quo omnia adhuc lentiori gradu mutantur. Superest ergo tantùm ille exitus inflammationis, quo in gangrænâ, id est, mortem partis, tendit. Quare autem tunc cessent symptomata, quæ inflammationem comitantur, explicatum fuit in *Commentariis* §. 388. Ubi inflammatio corporis partem externam occupat, sensibus mutatio coloris & reliqua signa gangrænæ, ex inflammatione natæ, percipi possunt. Si verò interiora corporis simile malum occupaverit, calor, dolor, febris subita ablatio idem docet.

2. Locus inflammatus antea dolentissimus erat, ob distractas fibras nervosas per tunicas vasorum distentorum dispersas: cùm ergo causa distendens, vitalis nempe humorum influxus per vasa, cesserit, aberit & dolor; vel saltem quàm plurimùm minuetur. Accidit enim aliquando, panniculo adiposo jam per gangrænâ corrupto, cutim tamen nondum emortuam esse, unde aliquis sensus supererit; ut etiam in partibus panniculo adiposo suppositis; quæ tunc, interposito hoc mortuo & insensibili, corporum externorum actionem obtusiori sensu percipiunt.

3. Demonstratum fuit in *Commentariis* §. 382. n. 1, 2, & 5, locum inflammatum rubere, & cutim præ summa tensione splendere. Simulac verò omnis humorum motus per partem inflammatam tollitur, incipit deficere floridus ille ruber color, pallor dein nascitur, quem color cinereus, fuscus, &c, excipit; sic ut, pro vario colore partis affectæ, varius sit corruptelæ gradus; eò pejor semper, quò magis à pallore in mortiferam nigredinem vergat. Pulcherrime hæc gangrænæ præsentis notas sic recensuit *Galenus* (a) *quum enim vehementer obstructa sunt in maximis inflammationibus, tum vasorum orificia, tum omnes*

(a) De Tumor, præter, naturam cap. VIII. Charter. Tom. VII. pag. 317, 318.

*meatus naturalis perspiratione destituti, sic agrotantia corpora promptè moriuntur. Ac primum qui coloris flos inflammationibus adfuerat in ipsis exstinguitur (ἀποσβέννεται τὸ τῆς ζωῆς ἰσχυρὸν); deinde dolor & pulsus abeunt, nequaquam sedato affectu, verum sensu emortuo.*

4. Quamdiu inflammatio durat, durus & renitens tumor partem occupat, qui compressus illico resilit, quia impetus vitalium humorum, à tergo urgens loca obstructa, distendit omnia. Ubi ergo deficit ille impetus, mortuâ jam parte, omnia flaccescunt, & panniculus adiposus, antea distentissimus, nunc mollis apparet, & impressi digiti vestigium retinet. Tangenti tunc locum sic affectum videtur sub cute tenax quasi fluctuare materia, vel saltem manifesta partium cuti suppositarum vacillatio percipitur, quæ tantum à corrupto panniculo adiposo fit; cujus ingentia frustra postea secedunt, dum mortuum à vivis benignâ suppuratione separatur.

5. Signum hoc solet ferè pathognomonicum haberi, quo præsens gangræna in externa corporis superficie cognosci possit. Rumpuntur enim subito vasa (ut dictum fuit §. 388.), dum inflammatio in gangrænam abit, & effunduntur humores; brevi corrumpendi. Epidermidis, tenerrimi cum cute subiecta nexus solvuntur, illaque ab effusis humoribus in pustulas attollitur; quæ vel ichore flavescente, vel & aliquando subrubello, loturæ carni in instar, turgent; in pessimis autem gangrænis, quæ brevi in sphacelum tendent, etiam nigro ichore plenæ tales bullulæ apparent.

6. Peculiaris hæc gangræne species distinctis signis cognoscitur. In borealibus regionibus, & rigidissimâ hyeme, miserrimi tales casus satis frequentes occurrunt. Extremæ nempe corporis partes, digiti pedum manuûque, nasi apex, aurium lobus, acerrimo gelu subito gangrænâ sic corrumpuntur, ut postea cadant: sic autem solet procedere hoc malum. Primò à frigore pallor oritur, sequitur dein rubedo, quam comitatur dolor punctuarius molestissimus, vel pruritus magnus; rubedo dein augetur, in purpureum ferè colorem vergens; dein nigrescit pars sic affecta, & ad ossa usque vero sphacelo corrupta, cadit. Quia autem gangræna ab hac causa orta citissimè partes corporis facit emori; & aliam longè curationis methodum requirit, uti dicitur §. 454; ideo omni curâ attendendum est, ne ullus in hac diagnosi error contingat.

§. 428. **SPHACELUS** futurus scitur ex signis gangræne præsentis (427) assiduò auctis.

Dictum fuit in *Commentariis* §. 420, gangrænam plerumque præcedere; hanc verò sequi sphacelum. Si ergo omnia signa gangræne præsentis, præcedenti paragrapho recensita, augeantur, novimus sphacelum metuendum esse. Gangrænosæ enim partes poterunt viva supposita comprimendo suffocare, vel & proserpente putredine corrumpere.

§. 429. **PRÆSENTIS** autem signa sunt; 1. Gangræna exquisita prægressa. 2. Sensus, motûsque integre sublatis, ut pars scissa, puncta,



usta, usque ad ipsa, ossa, nihil sentiat, sed gravis modò sit. 3. Color lividus, fuscus, niger. 4. Mollities, flacciditas, frigus, cutis separabilis, tandem siccitas, durities. 5. Fœtor cadaverosus. 6. Corruptio mortifera, profunda, omnia vicina depascens in ossa usque.

1. Signum hoc Medici & Chirurgi attentionem tantùm excitat; non enim semper sphacelus sequitur, licèt exquisita gangræna prægressa fuerit, sed tamen tunc meritò metuitur hoc malum.

2. Non adeo facilè sæpe determinare, an sphacelus adsit, necne. Sæpe enim panniculus adiposus, validâ phlegmone occupatus, in crassitudinem immanem distenditur, etiam in illis locis ubi non multùm pinguedinis adest; utl v. gr; in manuum & pedum dorso, & digitis. Si jam gangræna tales partes occupet, poterit scalpellum adigi ad magnam profunditatem sine ullo doloris sensu. Imò poterit distensus panniculus adiposus, cute integrâ coercitus, sic comprimere subiectas partes, ut hebetior in illis sensus sit, imò ferè nullus, quamvis nondum omnino mortuæ fuerint hæ partes, & postea ab hac pressione liberæ reviviscant quasi. Unde non potest concludi, sphacelum adesse, nisi certi fuerimus, profundissimis scarificationibus vel puncturis nullum omnino excitari dolorem: si enim adhuc aliquid vivi sub panniculo adiposo gangrænâ corrupto, lateat, poterit separatio corrupti expectari.

Notandum præterea, sæpe motum superesse posse in parte, quamvis sphacelo penitus corrupta fuerit. Vidi hoc in viro illo, cui in febre subito anterior pedis pars sphacelo corripiebatur (vide §. 423. lit. B.). movebat enim digitos pedis affecti, licèt scalpello ad ossa usque adactò nullum omnino dolorem perciperet, nec vel unica sanguinis guttula efflueret. Neque mirum hoc videbitur, si consideretur plurimos musculos, pedum manuumque digitos moventes, satis altè locari; unde, licèt extremæ partes membri sphacelo affectæ fuerint, poterunt musculi adhuc sani suâ actione partes mortuas movere, quibus suis tendinibus affiguntur. Tendines enim, funium instar, trahuntur, dum musculi agentes turgent; & cùm tenacissimi sint, diu manent integri, licèt reliquæ partes molles jam putredine diffuant: unde & in illo viro coacti fuimus postea, dum separabantur mortua à vivis, forcice rescindere cohærentes adhuc tendines. Simulac integre mortua fuerit pars corporis, sentitur ejus gravitas tanta ac si plumbum vivis partibus affixum hæreret. Quamdiu enim liber transitus humorum per omnia vasa obtinet, integrâ sanitate fruimur & corporis nostri pondus non sentimus; ubi autem à quacumque causa ille impeditur, gravitatem & torporem percipimus. Unde lassitudines illas spontaneas morborum prænuuncias dixit Hippocrates (a).

3. Videantur illa, quæ præcedenti paragrapho n°. 3, dicta sunt.

4. Quare mollescat & flaccida fiat pars corporis gangrænâ & sphacelo affecta; dictum fuit pariter paragrapho præcedenti. Cùm autem calor, à fluidorum per vasa motu fiat (vide *Commentaria* §. 382. n°. 6.), motu hoc sublato, necessariò pars sic affecta ad communem aeris ambientis temperiem reducitur; sed tunc frigescere dicitur, quia calor corporis sani semper calorem aeris ambientis superat.

(a) Aphorism. Sect. II. n°. v. Charter. Tom. IX. Part. II. pag. 46.

Quamdiu autem gangræna tantum adest, partes suppositæ adhuc vivæ suo calore poterunt aliquem saltem teporem parti affectæ conciliare; ubi vero ad ossa usque omnis vitalis influxus desinit, patet facillè, frigus nasci debere.

Solet tunc epidermis secedere semper, quæ & tenacissima est, & non facillè putredine corrumpitur: sic etiam post combustiones, cantharides applicatas, &c., integra manet epidermis; solutis tamen vinculis, quæ illam cuti nectebant, ab humoribus effusis in bullas attollitur. Imò dum pars cadaveris humani in aqua diu maceratur, & putrescit, non corrumpitur epidermis, sed secedit à partibus suppositis in tabum putridum jam resolutis.

Licet autem incipiente sphacelo mollities & flacciditas partis sic affectæ appareat; tamen postea, fluidissimis partibus dissipatis, reliqua omnia exsiccata contrahuntur, & exsiccantur sic, ut durissima appareant. Partibus enim sphacelo corruptis idem accidit, quod in carnibus animalium mactatorum, in aere libero suspensis, observatur, apud illos, qui equinis carnibus ferocissimos canes alunt: Primò enim hæc carnes putrido tabo diffuunt, dein indurescunt quàm maximè. Imò in aridis & exsiccis senilibus corporibus sphacelo correpta pars sine ulla putredine feryari potest diu, sed exsiccata. Mirabilis talis casus Hagæ-Comitum observatus fuit. Nonaginta duorum ferè annorum anus de dolore atrocissimo dextræ tibie conquererebatur; Medicus advocatus vero sphacelo totum crus affectum invenit, ferè ad genu usque. Cùm vires projectæ, & decrepita senectus, exstirpationem sideratæ partis vetarent, bono victu & cardiacis remediis vires inflaurabantur: interimque emortuum illud membrum terebinthinæ spiritu inungebatur assiduo, posteaque spiritu juniperino fovebatur. Sic omnis putredo prohibita fuit, neque proserpsit sphacelus; sed miro spectaculo pars mortua, Ægyptiacæ mumie instar exsiccata, vivo corpori adhæsit per sex ferè integros menses; tuncque tandem mortua fuit hæc mulier (a) *Hildanus* ex Observationibus *Smetii* similem casum refert (b). Mulier nempe alterum pedem aridum, nigrum, & absque tumore sphacelatum, sine ullo motu aut sensu, aliquamdiu gestaverat: post multum temporis pars hæc mortua à vivis separata cecidit, specièmq; linguæ bovilæ, fumo indurata, præ se tulit.

5. Pars enim sphacelo affecta omnia eadem patitur in aeris communis calore, quæ cadaver; unde & similis foetor, & corruptio aderit.

6. Sicut jam in cadavere spontaneâ corruptione omnia pereunt, exceptis ossibus solis, quæ etiam post sæcula plura superfuisse, constat Observatis; sic & sphacelo omnes partes molles, nisi exsiccantur, in tabum putridum diffuunt, & ab ossibus secedunt. Simul & hoc in sphacelo observatur, quòd, nisi Arte vel naturâ limes ponatur inter vivum & mortuum, & parres molles rimâ factâ in hoc confinio secedant à se mutuo, pergat mortifera hæc corruptio depascere omnia vicina, & quidem eò citius, quòd vita est actuosior: unde in juvenili corpore, imprimis si valida simul febris adest, tam citò sphacelus serpit; in decrepita senectute, modò antisepticis pars mortua à corruptione præservetur, sæpe satis diu toleratur malum. Liquida enim per vasa vitalia ad sphacelum usque propulsa sistuntur, & venæ corrupta miasmata resorbent; hinc vivum, & contiguum

(a) Miscellan. Curios. dec. III. an. v. & vi. pag. 495.

(b) De Gangræna & Sphacelo cap. vii. pag. 779.

mortuo, ulterius afficitur. Horrendum tale spectaculum narrat Tulpus, dicitque, nullum mortalium acerbius quid tulisse unquam, vel vidisse execrabilius. Mulier nempe annorum quinquaginta ex acerbissimo ventris dolore nata gangræna medium abdomen depascebatur sic, (a) ut confusio umbilico, & perforato peritonæo, denudaverit non modò mesenterium, ac intestina, sed exederit præterea pleraque ventris exta. Cruentus cutis, musculorum, peritonæi, omenti oras, lacerum mesenterium, ventris viscera pure sanie, & effusus cibi reliquiis sordissimè conspurcata, nemo sine horrore videre poterat. Pulcherrimè modum, quo gangræna & sphacelus prosperere solent, Celsus descripsit dicens, (b) Caro illi ulceri vel nigra, vel livida est, sed sicca & arida; proximæque cuius plerumque subnigris pustulis impletur; deinde ei proxima, vel pallida, vel livida & ferè aruginosa & sine sensu est. Deterior in inflammatione est, omnique ea simul serpunt: ulcus, in locum pustulosum; pustulæ, in eum, qui palles aut livet; pallor aut livor, in id quod inflammatum est; inflammatio in id, quod integrum est, transit.

§. 430. **I**NGENS in hoc morbo & velox discrimen præstigia vera exigit.

Simulac sphaceli præsentis signa apparent; omnibus rite perpensis, sine ulla mora concludendum est, quid fieri debeat, ut vita servari possit. Si verò nihil aliud supersit, quàm exstirpare partem mortuam, illud faciendum quàm citissimè. Unius enim alteriusve horæ spatio aliquando sic prosperit malum, ut nulla amplius medela supersit. Plurima Observata Medica & Chirurgica docuerunt, quàm velox discrimen in hoc morbo sit: unicum & satis notabilem casum adduxisse sufficiet. Mulier, ante quatuor septimanas fœtum enixa, sana, subitò In dextro pede tantum dolorem sensit, ut ejus atrocitatem summis ejulatibus exprimeret. Nullum tamen in parte dolente post sollicitum etiam examen vitium apparuit; nec frigus, nec calor nimius aderat: nec mollissimis cataplasmatibus, neque aliis remediis adhibitis, levabatur dolor; & ad suram usque tumere & inflammari incipiebat crus. Cùmque sæpius mutarentur applicata remedia, ut leniretur intolerabilis dolor, tandem levamen sensit ægra, & obdormiens satis tranquillam noctem duxit: dum verò Chirurgus novisset, pacatum esse dolorem, sequenti mane seriùs illam invisit, ne turbaret: sed obstupuit ille, videns totum pedem frigidum, sine ullo sensu, perfecto sphacelo corruptum, malo jam supra malleolos ascendente. Concludebatur illico partem exstirpandam esse: post bihorium, necessariis omnibus ad hanc operationem dispositis, redit Chirurgus, sphacelus autem jam totum crus ad genu usque occupaverat. Tanta serpentis mali velocitate territus noluit tentare exstirpationem, quam inutilem fore credebat, cùm jam vitales vires labascerent; uti patebat ex debilitate pulsûs. Sequenti die jam dimidium femoris altitudinem sphacelus occupabat. Audacior alter Chirurgus, sed non prudentior, exstirpavit semur, sine ullo ægræ dolore quidem; sed & sine ullo fructu, cùm bihorio postea exspiraverit (c).

(a) Observ. Medicin. Lib. III. Cap. III. pag. 307.

pag. 187.

(c) De Lamotte Traité complet de Chirurgie Tom. III. pag. 358.

§. 431. QUAM veritatem dabit. 1. Iuxta consideratio ætatis; temperiei, morbi virium. 2. Velocitas mali. 3. Causa interna vel externa cognita. 4. Anni tempestas. 5. Locus affectus, ut vitæ magis minuscve necessarius, vel prout humidâ, sinuosâ, aut siccâ temperie donatur.

Ut firma ergo prognos habetur, quæ determinet, quænam metuenda sint; quænam speranda; sequentia debent considerari.

1. ÆTAS. In junioribus, cum liquida solidis prævaleant, omnia ferè diffuunt; unde sæpe satis velox putredinis semel natæ progressus. Hoc imprimis in gangræna illa gingivarum, quam cancerum aquaticum solent vocare, patet, quæ citissimè in hac ætate omnia depascitur. Mediâ ætate gangræna & sphaceli magnas tantum inflammationes sequuntur; vel & in febribus acutis aliquando observantur. In senectute verò à mera quiete & defectu subtilissimi liquidi eadem hæc mala nascuntur; tuncque rarè vel nunquam curantur, cum non possit emendari causa. An *καρκίνος* *αυτονόμος* canceri extrema occupantes, quos in senectute nasci, & senibus commori dixit Hippocrates (a), huc referendi? Certe Celsus canceri nomine simile malum descripsit, & *γὰρ σπαραγ* appellari dixit, si (b) in prominentibus membris, id est, inter ungues & alas vel inguina, nasceretur. Addiditque, ferè in senibus, vel in his, quorum corpus mali habitur est, hoc malum fieri. Et Hippocrates, in loco modò citato, paulò post subiungit, quòd ex articulis periculo maximè obnoxii sint magni digiti, & imprimis pedum.

TEMPERIEI. Hæc vel sana est, vel morbosa. Sic in calidæ temperiei hominibus si sphacelus natus fuerit, nisi Arte vel naturâ limes ponatur serpenti malo, citò perget vicina depascere. In frigidis autem, cæteris paribus, lentior observatur gangræna & sphaceli progressus. Si autem morbosa temperies in putridum vergens prædominetur, ut in scorbuto putrido, atræ bilis quâdam specie, &c., pessima quævis metuenda erunt.

MORBI. Sic v. gr; post diuturnum hydropem gangræna pedum rarissimè curatur. Ubi verò in morbo acuto febrilis materia (vide §. 423, lit. β.) extremam corporis partem quandam occupat, & omnino emori facit; magna spes est, modò reliqua signa salubria sint, evadere posse talem ægrum, sed hæc parte sui corporis mutilum.

VIRIUM. Quàm maximè notandum est, quòd & post velocissimum humorum motum in febre ardentissima, & post stagnationem & quietem in decrepita senectute, nascantur gangræna & sphacelus. In priori casu, quò vires vitales fuerint validiores, eò citius perget malum; in posteriori verò, eò minor spes erit, quò debiliior vita fuerit. Facile autem patet, debilitatem summam magis metuendum esse, quàm nimis velocem humorum vitalium per vasa motum, illum enim minuere possumus per illa remedia, de quibus in Commentariis §. 102. 103. 104. 105, dictum fuit; excitare verò fatiscientes, imprimis in summo senio, vires, longè magis arduum est, imò sæpe penitus impossibile.

(a) Prædic. Lib. II, Cap. viii, Charter. Tom. VIII, pag. 817.

(b) Medicin. Lib. V, Cap. xxvi, n°. xxvii, pag. 394.

2. Inflammationis, quæ benignâ resolutione curari poterit, decursus nunquam velox est; sed symptomata omnia, vel sensim, vel vix augentur: ubi eadem in suppurationem tendit, dolor, calor, rubor, &c, velocius incrementum; omnium velocissimè, si in gangrænam abitura sit; atque iterum in gangrænam tantò majus discrimen; quò citius hæc proferpserit: idem & in sphacelo verum est. Casus ille hoc confirmat, qui præcedenti paragrapho allegatus fuit: statim enim dolor in summam atrocitatem usque augebatur; inflammatio validissima secuta fuit, quæ brevi mutabatur in gangrænam; hæc verò in sphacelum quàm citissimè proserpente. Jure merito ergo peritis omnibus Chirurgis semper suspensa fuit magna velocitas incrementis mali; & quidem omnium maximè, si ab internis causis, sine ulla læsione externa, gangræna nata fuerit.

3. Tunc enim novimus, an hæc causa tolli vel emendari possit, an non? Si v. gr; cognosceretur, tumorem scirrhum venam cavam descendente sic comprimere, ut inde gangræna in extremis inferioribus nasceretur (vide §. 422. lit. p.), satis pateret, incurabile hoc malum esse: si verò à decubitu diuturno pondus corporis partes circa os sacrum & coccygis sic compresserit, ut inde gangræna fiat, mutato situ corporis, impediri poterit mali progressus; & dein idoneis remediis separari à partibus vivis illud, quod corruptum erat.

4. Ab acerrimo frigore gangrænam nasci certum est; uti etiam à summo calore; sive per ignem corpori applicatum, sive à validissima inflammatione. Omnium ergo optima anni tempestas erit illa, in qua nec acre frigus, nec intensus calor adest, id est, ver vel autumnus. Hyemalis verò tempestas maximè nocet illis gangrænis, quæ à quiete senili fiunt; æstas autem damnosa inprimis, si post validas inflammationes; aut humorum putridam corruptelam, similia mala sequantur: omnium maximè, si intensum calorem aeris humiditas simul comitetur.

5. Nisi incipiens gangræna subito corrigatur, destructis solidis, extravasatis & corruptis fluidis, sic corrumpitur pars, ut nullo modo sanitas restitui possit. Tuncque nihil aliud superest, quàm separare illud mortuum à vicinis partibus vivis quàm citissimè. Si jam pars affecta talis fuerit, ut ejus integritas ad vitam absolute requiratur, patet facile, nihil spei superesse; uti v. gr; si cerebellum, medulla oblongata, medulla spinalis, &c, gangræna corrumpantur. Præterea major curæ difficultas erit, si gangræna humida, corporis loca occupaverit; nata enim putrefactio ab humorum illuvie continua plurimum augebitur; unde tam difficiles gangrænae, quæ os internum occupant, & tam citò proserpunt, cum fœtore intolerabili. Ubi autem locus affectus sinuosus est, ut sunt genitalia in utroque sexu, intestinum rectum, &c, semper metus est, ne difficilius mortuum à vivo separari possit; & quamvis hoc factum fuerit, postea malum hoc degeneret in fistulosum ulcus. Ubi verò extremæ corporis partes siccae & tendinosæ gangrænam aut sphacelo corrumpuntur in senibus, vel & in aliis hominibus, quibus sicca temperies naturaliter est, similia mala oriuntur; plerumque tamen tardius proserpet malum, neque tanta putredo sequetur: sed etiam longè difficilior erit separatio corrupti à vivis & sanis partibus, quia hæc per liquida sana, ad limites gangrænae debito imperu & copiâ allatâ, perfici debet.

Ex omnibus jam, quæ hæcenus dicta sunt, colligi possunt axiomata quædam, quæ legitimam in his malis prognosin faciunt, & sequenti paragrapho enumerantur.

Tttt ij

§. 432. 1. **HINC** regulæ,  
A Gangræna sphacelus.

▲ Sphacelo mors partis: & vicinorum cita infectio.  
Gangrænæ illico succurrendum.  
Sphacelus illico exstirpandus.

**A GANGRÆNA SPHACELUS.** Cùm gangræna ut plurimum solum panniculum adiposum occupet (vide §. 420.), sphacelum præcedere solet. Sæpe enim sub tumente enormiter panniculo adiposo, & jam gangrænâ corrupto, vivi musculi adhuc uil & periosæum & ossa sana, hærent. Facile autem patet, gangrænâ mole suâ vicinas partes vivas comprimere posse adeo, vel & propagatione mali sic afficere, ut moriantur; tuncque à gangrænâ sphacelus natus est.

**A SPHACELO, &c.** Quamdiu adhuc per quasdam membri affecti partes aliqua humorum circumductio superest, nondum sphacelus adest, & adhuc aliqua spes manet, corrupta à vivis partibus separari posse. Ubi verò omnis vitalis influxus & effluxus humorum omnino sublatus est, mors partis adest. Sed mortua hæc pars vivis coheret; & sæpe eædem causæ, quæ sphacelum produxerant, pergunt agere, & vicina similiter perdunt: imò, licet hæ causæ cessaverint, contigua tamen loca citò inficiuntur. Liquida enim vasorum continuitate ad locum corruptum deferentur; hinc puredinem hanc alluent omni momento, & flagrabunt hic, quia per mortuæ partis vasa transire nequeunt. In solidis autem partibus continuitate substantiæ proserpet malum. Quàm citò autem vicinæ partes à sphacelo afficiuntur, patuit in memorabili illo casu, cujus mentio facta fuit in *Commentariis* §. 430.

**GANGRÆNÆ ILLICO SUCCURRENDUM.** Illa enim (utl optimè dixit *Galenus* in loco allegato in *Commentariis* §. 419.) inter magnam inflammationem & sphacelum quasi media est (a) quæ tantò gravior ejusmodi inflammatione est, quantò levior sphacelo: sub hoc enim natura membri universa corrumpitur, idemque ubi jam hæret, curationem non admittit, sed solum à principio, cùm nondum sphacelus est, sed magna gangræna sphacelo vicina. Cùm autem gangræna in mortem partis, id est, sphacelum, tendat; patet, omni Artis molimine huic succurrendum esse quàm citissimè.

**SPHACELUS ILLICO EXSTIRPANDUS.** Sanæ enim & vivæ partes vicinæ afficiuntur brevî proserpente malo. Unde, quò diutius differtur exstirpatio, eo plùs perditur de corpore. Adeoque, (b) miserum, sed unicum, auxilium est, ut cætera pars corporis tuta sit, membrum, quod paulatim emoritur, abscindere. Fatendum tamen est, Observationes Medicas & Chirurgicas docuisse, aliquando & naturam, quæ toties sibi soli sufficit, perfecisse curam in talibus casibus, ubi sola exstirpatio locum habere posse videbatur. Homo quadraginta circiter annorum, bonæ temperiei, vulneratur gladio in parte media interna & inferiori brachii dextri. Vulnus hoc sequebatur statim ingens hæmorrhagia, quam adstringentibus & forti ligaturâ compefcebant. Febris continua, ardens, accessit, cum vigilis ferè perpetuis; & brevî postea ad cubitum usque omnia sphacelata apparue-

(a) Lib. de Artic. Comment. IV. Text. XVI.  
Charter. Tom. XII. pag. 437.

(b) Cels. Medicin. Lib. V. n°. XXXIV.  
pag. 304.

runt; imò & interna brachii pars ad axillam usque jam corrupta erat, & ipsum brachii os usque ad distantiam quatuor digitorum transverforum ab axilla nudum erat, omnibus ipsi incumbentibus jam putredine sublati. Cùm ad tantam altitudinem jam ascendisset malum, febris adefset cum anxietate, genæ lividæ forent, pulsus debilis & vacillans, periti Chirurghi in consilium vocati concluderunt, extirpationem tentari non posse. Dum hæc fierent, accedit muliercula, quæ se curaturam hunc ægrum pollicetur: Chirurghi commiserunt illius curæ hominem, quem brevi credebant periturum, illa totam partem unguento quodam perfricat, deinde linteis tegit, simulque cibos valde nutritios & optimum vinum exhibet: post viginti quatuor horas jam apparebat limes serpentis mali; pergebat eodem modo, & quotidie in melius videbatur mutari malum, secedentibus partibus corruptis sponte. Cùm autem à cubito ad apices digitorum usque omnia corrupta forent, & teterrimum fœtorem spargerent, voluerunt Chirurghi tollere hoc corruptum, cùm vix ampliùs hæreret reliquis partibus: sed noluit pati hoc mulier illa, quæ curam dirigebat, unguento solo omnia perfici posse affirmans. Tandem post sex septimanas sponte totus cubitus ab osse humeri cecidit: illa interim & nudam ossis humeri partem & reliqua suo unguento textit; & tam felici quidem cum successu, ut mensis spatio elapso ossis humeri, pars, quæ nuda fuerat, secesserit à reliquo osse sano, & quatuor mensium spatio ad cicatricem deductum fuerit terribile hoc malum (a). Unguentum autem illud, quo usa fuerat hæc mulier, Balsamo *Lucatelli* in Officinis dicto, satis simile erat, confectum ex olivarum oleo, cera, terebinthina, ligno santalo rubro. Ne autem credatur, mirabilem hanc curam hujus unguenti efficaciam adscribendam esse, alius casus evincit, quo constat, naturam, nullis omnino remediis adjutam, talem separationem sphacelo corrupti membri perfecisse. Septemdecim enim annorum puellæ crus sphacelatum erat; cùmque huic pauperculæ extirpationem partis affectæ suaderet peritissimus Chirurgus, solo miseram servandi desiderio ductus, illa pertinaciter negavit, nihilque membro huic corrupto applicuit præter lintea pura: tamen sponte suâ in articulo genu separatione factâ membrum corruptum cecidit (b). Plures similes casus occurrunt apud Observatores, qui docent, sponte à sanis partibus secessisse, illa, quæ sphacelo corrupta fuerant. Longè tamen frequentius accidit, prosperere sphacelum, nisi extirpetur, & satis citò occidere. Cùm ergo semper sphacelo corrupta pars tolli debeat, sive sponte separetur, sive refecetur; & anceps admodum eventus sit, si soli naturæ hoc committatur; apparet, axioma tamen hoc verum esse, quo statuitur, sphacelum illico extirpandum esse. Interim mirabiles illi casus docent, non omnino desperandum esse in illis casibus, ubi vel ob debilitatem summam, vel alia quacumque de causa, extirpatio fieri nequit. Tuncque bono victu & cardiacis vires erigendæ sunt; dum interim pars affecta conditur talibus, quæ omnem putredinem prohibent & emendant; de quibus paragrapho sequenti dicitur.

## 2. Gangræna cerebri, viscerum, vesicæ lethalis, & in acutis cita mortis, partibus majoribus vix apparentibus læsis, causa.

**C E R E B R I.** Si enim consideretur mollis & tenera cerebri substantia, patet faciliè, illam brevi tempore in putridum tabum debere diffuere, si gangræna hic

(a) Acad. des Sciences l'an 1702, Mem. pag. 270. & suiv.

(b) De Lamotte Traité complet de Chirurgie, Tom. III. pag. 365.

nata fuerit. Neque datur hic depurationi locus, licet mortua à vivis separarentur; nam undique dura calvaria exitum impedit. In vulnere capitis Historia patuit quidem ex fidelissimis Observatis, magnam partem cerebri, sed imprimis corticalis substantiæ, aliquando per vulnera, fungos, suppurationem, &c., ablatam fuisse, viam tamen superstitie; quin & sine ulla remanente læsione functionum cerebri; imò etiam evacuatione per nares vel aures levata fuisse omnia symptomata, quæ ab effusis sub calvaria humoribus, encephalon comprimentibus nasci solent. Sed ut evadere posset homo, cujus cerebrum gangrænâ affectum est, quot non deberet concurrere fortunati eventus, qui tamen singulim raro occurrunt! Deberet enim sisti gangræna, & corruptum separari à reliquis adhuc integris; deinde deberet illud jam separatum non amplius inficere tenetrimam cerebri pulpam, cui contiguum est; adeoque citissime evacuari per tales vias, quas nondum Anatomicorum industria detexit, licet Observata videantur docere, illas, adesse; si non naturaliter, saltem in morbis. Ultimò requireretur, ut restituerentur illa, quæ per gangrænâ de ipsa cerebri substantia perierant. Si omnia hæc seriò ponderentur, patebit, credo, nihil spei superesse, ubi cerebrum gangrænâ corruptum fuerit; multò adhuc minus, si cerebellum, vel medulla oblongata eodem malo affecta fuerint. Dixerat Hippocrates (vide Commentaria §. 268. (a) *cerebro corrupto* (ἐγκεφάλῳ φθαρτῷ) alii in tribus diebus, alii in septem moriuntur, has verò si effugerint, servantur; sed satis dubium videtur, an ipsius encephali corruptionem intellexerit hoc nomine. Quædam enim loca videntur docere, quòd longè alia mala sub hoc nomine descripsit: dicit enim (b) quòd si cerebrum fideratum fuerit (ἢ δι' ἐκτασίαν ὁ ἱκεφάλῳ) caput dolor occupat, & per cervicem ad spinam pervadit, ipsum inauditio obsidet, frigus in caput irruit, totus tumescit, ac derепente voce captus proditur; ex naribus sanguis fluit, & lividus evadit. Hunc si morbus leviter corripuerit, quum sanguis abierit, melius habet, si verò vehementer correptus fuerit, citò moritur. Patet autem evidenter, non hic describi encephali corruptionem, sed compressionem à sanguinis copia nimia, vel derivatione ad caput. Alibi autem calvariæ corruptelam sub hoc nomine designavit, dicit enim: (c) Dolor paulatim anteriorem maximè capitis partem detinet, & intumescit, & livescit, febrisque ac rigor prehendit. Quum sic habuerit, quâ parte tumescit, secare oportet, & os perpuratum radere, donec ad duplicatam laminam (ὡς τὴν διστοίδα) perpuerit, deinde ut fracturam curare. Ex quibus patet, Hippocratis auctoritatem non repugnare huic regulæ prognosticæ, quâ gangræna cerebri damnatur tamquam lethalis.

**VISCERUM.** Cùm gangræna partes corporis, quas occupat, destruat; & dein, nisi sistatur, proferpat satis citò sæpe; patet facili, nullam ferè spem superesse, si hoc malum occupaverit viscera; præsertim si mollioris substantiæ fuerint, ut hepatis, & lien; illa enim brevi in putrilaginem dissolunt. Vitalia autem viscera, thoracis cavo recondita, si post validissimas inflammationes gangrænâ corripentur, mors certa videtur sequi debere, cùm in ipso quasi fonte suo tunc vita opprimatur. In cadavere proprii filii, ischuriâ mortui, renes cum vicinis partibus gangrænâ affectos vidit Hildanus (d). Interim tamen certissimis Observa-

(a) Coac. Prænot. no. cxxxxviii. Charter. Tom. VII. pag. 583. 584.  
Tom. VIII. pag. 865.

(b) De Morb. Lib. III. Cap. 1v. Charter.

(c) Ibid. Lib. I. Cap. viii. pag. 559.

(d) De Gangræna & Sphacelo Cap. 1v. p. 174.



tis constitit, non omnium viscerum gangrænam certò lethalem esse; si enim firmior & membranaceæ substantiæ fuerint uti v. gr; intestina, & possibilis sit gangrænosus corrupti separatio non tantùm à partibus vivis, verùm etiam separati eductio de corpore, sæpe evadunt, ut pluribus Exemplis demonstratum fuit in *Commentariis* §. 317, ubi de illis casibus agebatur, quando per vulnus, suppuracionem, aut gangrænam intestinalis fistulæ pars ablata erat. Videtur ergo in illis visceribus, quorum firmior substantia non tam facillè in putridum tabum dissolvitur, & in quibus corrupti eductio de corpore sperari potest, gangræna summum quidem periculum, sed non semper certam mortem facere. An non hoc indicavit *Hippocrates*, dum de pulmonum inflammatione agit? In validissima enim horum inflammatione illos ad latera prolabi & livores foras ostendere dicit; tuncque Veteres vocasse sideratos (βλητες) sic affectos (a) monet. Sed livor ille gangrænosæ natæ signum est (vide §. 427. n°. 3.). In sequenti dein Prænotione subiungit sequentia: Quibus verò totus pulmo inflammatus fuerit unà cum corde, ut ad latus allabatur, hi toti resolvuntur, & jacet æger frigidus, expers sensus moriturque secundo aut tertio die. Si verò etiam sine corde contigerit, & minùs diu vivunt. Quidam autem etiam servantur. Per sputa enim posset educi ex pulmone tabus gangrænosus. Corde autem ipso corrupto, quis aliquid sperare auderet? Sputa verò talia gangrænosæ educi aliquando de pulmone, docent Observata Medica. Sputum cœnosum, argilæ cuiusdam liquidioris speciem præ se ferens, in ælperatis phthisicis observavit *Benedictus* (b) & in illorum cadaveribus pulmones in amurcam fordescentem conversos vidit, certissimo plenæ ræpionis indicio. Sed & sputa hæc gangrænosæ videntur aliquando observata fuisse, ægro postea superstitè, dum gangrænosum corruptum, à vivis partibus & sanis separatum, sic excerneretur. Saltem sequens *Hippocratis* sententia hoc docere videtur: (c) Spui excreationes in febre, lividæ, nigrae, biliosæ, si quidem supprimantur, malæ sunt; secedentes verò pro ratione, utiles. Simile & in *Aphorismis* pronunciatum habetur. (d) In febribus non intermitentibus excreationes lividæ, cruentæ, graveolentes, & biliosæ, omnes malæ: bene tamen si prodeant, bonæ. Sequens autem *Aphorismi* pars, & *Galenii Commentarius*, docent, tunc bene prodire has excreationes, quando & facillè ferunt ægri, & inde levatur morbus. Inanis fortè videbitur fiducia, salutem sperare, si pulmo jam gangrænosus factus fuerit; sed certè nunquam nocebit ægris, si ne quidem in desperatissimis morbis Medicus omnem spem abjecerit.

VESICÆ. Post validas inflammationes, aut insignes læsiones vesicæ, per vulnèra, lacerationes in calculi rudiori eductione, &c, gangræna sequitur, pessimi semper eventus; partim, quòd acris urina affectam sic vesicam semper alluens putredinem natam augeat; partim etiam, quòd numerosissimis nervis prædita vesica cerebri totumque systema nervosum miris modis afficere possit. Stomachum affici, bilis vomitum, singultum, frigus, mortem ipsam sequi, si vesica vulneretur, monuit *Celsus* (e). Evulso calculo, (f) distentione nervorum periclitatur aliquis,

(a) Coac. Prænot. no. cccc. Charter. Tom. VIII. pag. 875.

(b) Tabidor. Theatr. pag. 68.

(c) Coac. Prænot. no. ccxliiii. Charter. Tom. VIII. pag. 865.

(d) Sect. IV. no. xlvii. Charter. Tom. IX. Part. II. pag. 165.

(e) Medicin. Lib. V. Cap. xxvi. no. xix. pag. 138.

(f) Ibid. Lib. VII. Cap. xxvi. no. v. pag. 481.

*dum vesica ejus agitur, dixit alibi. Duras ac dolentes vesicas ( id est, inflammatas ) (a) graves omnino ac exitiales pronunciavit Hippocrates, & omnium quidem exitiosissimas, quæ cum febre continua sunt; tuncque in prima morbi periodo ægrum sæpe interire monuit. Interim tamen excisâ vesicâ cancrum ( quo nomine gangrænam designasse Celsum, in Commentariis §. 419, dictum fuit ) aliquando sequi Celsus scripsit, illûmque cognosci (b) si & per vulnus, & per ipsum colem fluit sanies mali odoris, cûmque ea quædam à concreto sanguine non abhorrentia, tenuisque carunculæ lanulis similes. Licet autem, non videatur omnino desperasse de curatione hujus mali, monet tamen (c) orio cancro sæpe affici stomachum, cui cum vesica quoddam consortium est: exque eo fieri, ut neque, retineatur cibus, neque, si quis retentus est, concoquatur, neque corpus alatur: ideoque ne vulnus quidem aut purgari, aut ali possit. Quæ necessariâ mortem maturant.*

Si jam in morbis acutis inflammatoriâ densitate immeabiles facti humores, vel per errorem loci in alienis vasis hærentes, tenerrima encephali vascula, unde vita & humanitas pendet, sic obstruxerint, ut omnis vitalis influxus & effluxus tollatur; mors subita sequetur; neque ulla ferè læsio sensibilis detegi poterit, cûm omnem sensum fugiant hæc minima. Nec refert, an statim morbus has partes occupaverit, an verò in aliis corporis locis nata inflammatio per metastasin versus encephalon tendat. Unde tam solícite Hippocrates omnia signa notavit, quibus futurum delirium in morbis prævideri posset, ut caveatur, antequam fieret, malum: quod, ubi factum est, certam perniciem adferre solet. Vidi sic in febre continua ortum cruris dolorem, qui subito evanescibat; sed mox orta phrenitis improvisò subslulit ægrum tertiâ morbi die. Et apud Hippocratem similes casus habentur, qui hoc confirmant. (d) Calvo in Larissa femur dextrum repente doluit, nihilque ex oblati profuit. Primo die febris acuta ardens sensim prehendit, doloresque concomitabantur. Secundo die femoris quidem dolores remiserunt, sed febris intensa est; submolestè patiebatur (ὀνειδωμένος), non dormiebat, summa corporis frigebant, urinarum non bonarum copia profluxit. Tertio femoris quidem dolor cessavit, verum mentis alienatio perturbatioque, & multa jactatio. Quarto circa meridiem celerrimè defuncta est. In Commentariis §. 423. lit β, dictum fuit, materiam febrilem aliquando versus extrema corporis deponi, ibique citissimè corrumpere non tantum molles partes, verum etiam ossa ipsa; idem & in peste observatum fuisse, ibidem constitit. Si jam similis materia versus encephalon, pulmones, cor, viscera, tenderet, pater facillè illico mortem sequi debere.

### 3. Gangræna oris interni, labiorum; narium, genitalium, curatur difficilis.

Norum est ex Anatomicis, circa labia cutim desinere, & solam epidermidem labia, genas internas, & reliquas oris fauciumque partes regere. Si in his partibus oriatur inflammatio non resolubilis, raro sequitur bona suppuratio, sed ferè sem-

(a) Prognost. Comment. II. Sentent. lxxi. Charter. Tom. VIII. pag. 659. Coac. Prænot. n°. cccc.lxxi. Ibid. pag. 879.

(b) Medicin. Lib. VII. Cap. xxvii. pag. 485.

(c) Ibidem. pag. 486.

(d) Epidem. Lib. III. Comment. III. Text. lxxvi. Ægrot. v. Charter. Tom. IX. pag. 199.

per depascens putredo gangrænosa. Aeris enim expositæ partes, salivâ sæpe accori, humectatæ continuè, in fœtidissimum liquamen dissolunt: cùmque tunc ingens plerumque adsit salivosi humoris profluvium, & semel natum hoc malum, nisi citò curetur, exedat omnia vicina, cancrum aquaticum vocaverunt. Frequens salis in his regionibus malum, & aliquando epidemicorum morborum more plures simul affligens, inprimis illos, quibus acris scorbutica cacochymia adest; ut dictum fuit in *Commentariis* §. 423, lit. *g*. Nascitur primò in buccarum interiori parte, gingivis, labiis, linguâ, tonsillis, &c, levis rubedo parum dolens, & major calor; paulò pòst medium illius loci stigma album occupat, quod sæpe fallit Chirurgos, qui suppurationem futuram tunc putant. Dolor tunc augetur inprimis in illo loco, ubi album illud stigma hæret, uti & in ejus marginibus, qui tunc ruberrimi apparent. Profundiùs exeditur porrò ille locus, & totum illud album, quod nil est nisi vera eschara gangrænosa, cadit, si levius malum fuerit, & in adultis. Si verò major adfuerit malignitas, & inprimis in juniore ætate, ubi omnia molliora sunt, proferpit malum, & alba illa macula quaquaverfùm in omni ambitu diffpergitur: simul tunc putridissimus halitus ore exit, & perpetuum olidissimæ salivæ stillicidium; & nisi subita tunc & efficax adhibeatur medela, citissimè exedit omnia.

Tristissima sic mala vidi, quorum non sine horrore recorder, in pauperum infantibus, dum in initio neglectum fuerat hoc malum, vel perversâ tractatum medelâ. Gingivarum enim gangræna, proserpente malo, non tantùm destruxerat dentes, qui jam prodierant, sed & futurorum rudimenta in alveolis latentia sic corruperat, ut miselli illi jam ab ineunte ætate senectutis incommoda ferre debuerint, edentuli facti. Sed levia hæc sunt; corruptis gingivis totam ferè maxillam inferiorem osseam cecidisse vidi, linguam crosam, labia, genas, mentum, exesa omnino, donec mors tantis malis finem imponeret. Tantus autem fœtor sæpe comitatur hoc malum, ubi ad summam malignitatem pervenit, ut ferri nequeat. Vocabar ad hominem obesum, & scorbuto putrido pessimo laborantem, cujus maxilla inferior tota ferè hoc malo exesa erat: cùmque ignorarem morbum, ille propriùs assidentem, dum alloqui vellet, tam tetro afflavir halitu, ut in animi deliquium ferè ceciderim, & totâ die molestissima nausea remanserit. Cùm frequenter à scorbuto oriatur hoc malum, ideo spiritu cochleariæ, theriacali, & similibus os colluere solent; sed hæc ferè semper nocent. Si levius malum fuerit, & incipiens tantùm, (quod cognoscitur, si rubedo, calor, & dolor adsunt, sed nullus adhuc fœtor) sal ammoniacus, aut nitrum multâ copiâ aquæ dilutum, addito pauculo aceti vel succi citri, optimè proderunt, si os his colluatur, vel lintea his madida partibus affectis applicentur leniter. Solent autem pessimo more Chirurgi penicillis remediis his intinctis ruditer perfricare partes, quod semper nocet, dum dolor augetur inde, & teneræ partes destruantur. Si verò jam incipiat serpere malum, & fœtor adsit, modò dicta remedia non sufficiunt, sed oportet tunc spiritum salis marini domare hanc putredinem. Unciæ dimidiæ mellis rosarum viginti guttæ spiritus hujus miscentur; deinde sæpius de die affecta pars penicillo huic remedio intincto oblinitur: augetur spiritus salis marini quantitas, si major putredo adfuerit: imò in pessimis casibus ipsum spiritum salis marini, sine ullis aliis admistis applicui, & pulcherrimo cum successu semper; nam statim sistebatur gangrænæ hujus progressus, & brevi pòst separabatur

eschara gangrænosa à vivis partibus. Neque fefellit unquam me huic auxilio unicè confidentem, nisi cùm, gingivis jam omnino corruptis, maxillæ os affectum foret, tunc enim illius cariem impedire non potui : mollium verbò partium oris interni gangrænam eradicat certissimè (a).

Ubi autem in labiis illud malum nascitur, aliud præterea periculum adest. Epithelio enim, quod labiorum mollem substantiam tegit, eroso, nervosæ papillæ in molem immanem sæpe expanduntur, dum coercente hoc vinculo liberantur, & in pessimum cancrum fungosum degenerant. Si verò nares internas investiens membrana corruptatur, ossa nudantur; in quibus, cùm tenerrima sint, nulla sperari potest exfoliatio, sed semper carie consumuntur & cadunt. Patet ergo curæ difficultas, si gangræna hæc loca occupat.

**GENITALIUM.** Loca enim hæc cellulosâ mirabili structurâ constant, semiputridum odorem etiam in sanis spargunt, binis corporis cloacis, (alvo nempe & vesicæ) quibus corrupta à corpore eliminantur, quàm proximè adjacent : Unde nata hic gangræna citissimè proserpit, & difficulter curatur. Imò *Hildanus* (b) ingenuè fateatur, ex infinitis propemodum, quos viderat, ægris gangrænâ scroti laborantibus, ne unum quidem restitutum fuisse. Unde sanatur talis gangrænæ Historiam à peritissimo Medico ipsi communicatam, tamquam monstrum in Arte, admirabatur. Mirum talis gangrænæ Exemplum ante septem annos videre mihi contigit. Homini quadragenario, optimæ temperiei, sano & robusto levis stranguria oritur, sine ulla causâ manifesta : cùm adhuc semel similem molestiam passus à balsamo sulphuris terebinthinato levamen percepisset, iterum idem illud sumisit, & quidem repetitis vicibus, sine ullo fructu. Biduo elapso à decocto emolliente, quod sumerat, stranguria minuebatur, sequenti die aucta plurimum; cœpitque tunc dolorem sentire in perinæo, & dum urinam redderet, mirum tremorem in toto scroto & pene percepit : accessit dein febris, & urinam emisit, quæ sedimentum crassum mucosum haberet copiosum, & balsamum sulphuris adhuc redoleret, ante quatrimum assumptum. Licet fomenta mollissima externè applicarentur; vena secaretur; purgantia antiphlogistica sumeret, &c, nihil serè inde levaminis apparuit magna enim cum molestia urinæ olidissimæ pauca guttulas valido nixu exprimebat, & septimâ die morbi scrotum immaniter intumuit; uti & cavernosa penis substantia in uno tantùm latere. Sequenti die scrotum gangrænosum factum crepuit, & sanguinolentam saniem effudit, penisque totum latus affectum pariter gangrænosum apparuit. Fomenta & cataplasmata ex ruta, scordio, marrubio, sale ammoniaco, &c, applicabantur cum aceto; profundæ fiebant scarificationes; cùmque horrenda putredo adesset, spiritum salis marini ipsum sextuplâ aquæ copiâ dilutum applicui partibus gangrænosis; sicque impediēbatur, ne proserperet malum. Cùm intolerabilis ægro adesset anxietas, nausea continua pulsus celer & debilis, urina & sanies corrupta inundarent hæc loca continuo, nihil serè spei superesse videbatur : calor tamen æquabilis corporis totius ad extremam usque, & firmum corporis robur faciebant, ne omnino desperarem. Non potui tamen impetrare ab ægro, qui certissimam mortem prævidebat, & avidè exoptabat, tamquam terribilis mali unicum finem, ut fierent illa, que profutura

(a) Boerhaav, Chem. Tom. II. part. III. |

(b) Observat. Chirurg. Centur. V. Observ. Process. cxlviij, lxlviii. pag. 468.

quàm maximè sperabam : communi potui spiritum salis marini inflillaverunt adflantes ægro infcio, tandèmq; permisit, ut profundas scâs scarificationes facerent in partibus gangrænosis Chirurgus, quas deinde texit linteis spiritu salis marini sextuplo aquæ diluto madidis, & cataplasmata ex antisepticis applicavit. Sic potuit impediri, ne proserperet malum, & decimâ quartâ morbi die incepit in laterali penis parte apparere rima, quæ mortuum à vivis separabat; & post triduum, in inguine, simile separationis inceptæ vestigium apparuit. Optimam tunc recuperandæ valetudinis spem concepit æger, & scâs alacriter assumsit oblata remedia; reddiit appetitus, bonoque victu languentes erigebantur vires : omne corruptum gangrænosum ostidui spatio separatum fuit sic ut de toto scroto nihil superesset, nudique suspensorii testium muscoli conspicerentur. Urethra binis in locis, prope bulbum nempe, & digiti transversî circiter à glande penis distantia, jacturam substantiæ passâ fuerat talem, ut postea non ampliùs urinam dimitteret per glandis aperturam, sed illa in perinæo efflueret, & quamvis tubo argenteo politissimo immisso, & in urethra noctes dièsq; relicto, caveremus, ne concreverent abreptæ urethræ fines, simulque mollissimis applicatis balsamis conaremur efficere, ut elongata vasa retexerent illud, quod perierat, non potuimus hoc impetrare, sed remanserunt illi hiatus, posteaque semper urinam reddidit per foramen urethræ in perinæo, & manebit hæc molestia totâ vitâ, licèt optimâ sanitate fruatur adhuc superstes ille homo. Simile sanatæ gangrænæ in scroto Exemplum habet in suis Observationibus *Stalpartius van de Wiet*, qui & notavit, postea aliquid carnosî à cute, & carnosâ abdominis membranâ, deorsum excrevisse, ac testiculos sensim contexisse : (a) *recens autem hoc scrotum glabrum omnino erat rugisque carebat; tamque aridè continebat testes, ut loco moveri non possent.* Similem cicatricem post sanatam gangrænâ in illo homine vidi.

A partu difficili, genitales sæminarum partes aliquando sic contunduntur & lacerantur, ut gangræna sequatur, difficilis semper, non tamen omnino incurabilis. Apud Observatores tales casus memorantur : unicum ex *Ruyshio* adduxisse sufficiet. Mulier ex partu difficili incidit in tam enormen vulvæ & intestini recti gangrænâ, ut brevi illam perituram crederent multi. Evasit tamen ab hoc malo, & perfectissime curata fuit, licèt post separationem corrupti in vagina inveniretur foramen in rectum intestinum penetrans; quod nucem juglandem cortice suo vestitam transmittere posset, per quod scæces alvinæ liberrimè in vulvam transibant. Plures alias à simili malo mulieres se curasse ibidem monet Auctor (b).

#### 4. Sphacelus extremorum, tendinosorum, lethalis in senio.

Demonstratum fuit in *Commentariis* § 424, & *Observationibus Practicis* confirmatum seniles illas gangrænâs plerumque nasci à talibus causis, quæ nullam medelam capiunt. Plerumque enim vasorum nimis rigiditati, vel & cordis viribus labefactis ortum debent. Nulla ergo separatio corrupti hîc ferè expectari poterit, cùm illa ab humorum sanorum per vasa, debitam flexilitatem habentia, valido appulsu pendeat. Neque proderit extirpatio partis affectæ, nam ab iisdem causis in trunca parte redibit malum; uti memorabili Exemplo tunc allegato constitit.

(a) *Observat. rarior.* Centur. I, n<sup>o</sup>. LXXXV. | (b) *Observ. Chirurg.* n<sup>o</sup>. LIX. pag. 55. Tom. I. pag. 363. | 56.

Unicum, quod Ars habet, est, ut condidatur pars affecta talibus, quæ etiam in cadavere arcerent putredinem: hæcque methodo potuit in effectis etiam senibus, quâdam jam sui parte mortuis, per integros menses impediri, ne prosperet malum. Solet plerumque in pedum digitis purpureum aut lividum tale punctum apparere primò, quod, nisi sic condidatur, brevì prosperens lethalem sphacelum facit. Neque, quantum novi, ullis Observatis confluit, curatam fuisse gangrænâ in decrepita senectute sponte in pedum digitis ortam. In senē tamen septuagenario, sed vegeto, dum sponte circa malleolum internum dextri pedis natam gangrænâ aceto, vino & sale, cum ruta recenti infusus, foveri curarem noctes diēsq̃ue, separatio gangrænosi corrupti facta fuit, & cura successit.

5. Gangræna hydropicis, phthificis, scorbuticis pessima, mortis nuncia.

In hydropicis gangræna nascitur, vel quia collecta aqua premeudo partes suffocat; vel quia putrida & acris reddita contigua rodit: sed nihil tunc spei superest. Si enim maneant aquæ, augebitur malum; cùm eadē causæ pergant agere, quæ illud produxerunt. Si verò quocumque modo evacuentur aquæ, flaccidæ, & jam ferè tabefactæ partes, non ampliùs æquabili pressione fluidi, illas alluentis, sustentatæ, diffluent, vasa rumpentur, & accelerabitur mors partis affectæ, & totius.

In phthificis autem, cùm jam atrophia adsit ex cacochymia purulenta sanguinis, tandēque putridissimâ diarrhœâ soleant perire; paret facili, nullam spem superesse, si gangræna partem quâdam corporis occupaverit. Vitales enim vires minuuntur quotidie, & acrior fit omnium humorum indoles; unde nec separatio corrupti, nec regeneratio perditæ hic obtineri poterit.

In scorbuticis autem (ut dictum fuit in *Commentariis* §. 423, lit. B.) sic minuitur vasorum cohesio, ut à levi etiam vi frangantur; simulque major humorum acrimonia adest: imò & in pessimo scorbuto putrescunt omnia (vide §. 1151, n. 3. 4.). Cùm ergo humorum acrimonia, vasculorum ruptura, effusorum humorum putredo gangrænâ facere possint (vide *Commentaria* §. 388.), difficillima erit cura ejusdem mali, si scorbuticâ cacochymia sanguis infectus fuerit. Hinc in ulceribus crurum, in scorbuto adeo familiaribus, gangrænosa illæ crustæ ferè semper adsunt; renatæ mox, si detergentibus applicatis ablatae fuerint; & ob hanc causam hæc ulcera vix unquam ad bonam cicatricem perducì possunt.

6. Sphacelus superiora petens, vigiliis, deliria, syncopen, ructus, singultus, spasmos, dolores, sudorem frigidum, soporem, creans prænunciat mortem.

Recententur omnia symptomata, quæ lethalem sphacelum comitari solent, & quidem illo, quo procedunt, ordine. Si enim sistitur vel sponte, vel per Artem, sphacelus, oritur separatio inter vivum adhuc & mortuum, neque ampliùs, tali limite posito, prosperit. Ubi verò pergit malum, tunc dicitur superiora petere, qui ab extremo articulo pedis digiti incipiens ascendit, pedem, crus totumq̃ue,

femur denique occupans: in manuum verò digitis si inceperit, per totum brachium ad axillam usque ascendere solet antequam occidat. Semper autem observatur, cerebri functiones turbari, si sphacelus in mortem tendat: deinde etiam incipiunt vitalia affici; tandemque placido sopore sepulti tales ægri moriantur. Pessimum ergo signum est, si in gangræna vel sphacelo, extrema corporis occupante, signa appareant turbati cerebri. Unde Hippocrates monuit, (a) at sideratio gravis periculo non vacat. Quod si vomitio biliosa, aut cum anxietate adfuerit, aut oculorum stupor, vocis defectio, aut rarus sermo, aut deliratio quædam, mortem & convulsionem metuere oportet. Vigilæ autem, uti patebit postea in phrenitidis & symptomatum febrilium historia, primum sæpe semper signum dant, quo excitatur attentio Medici, ut omni Artis molimine à capite vim morbi avertat: has deinde sequitur delirium; tunc cerebello affecto syncope fit; dumque inde excitantur, ab inordinato motu spirituum per nervos viscerum abdominalium, ructus & singultus oriuntur; postea spasmi & dolores. Tunc sudor ille viscidus, guttatim in cute collectus, frigidus, mortis imminens signum certissimum, apparet: de quo mira phrasi dixit Helmontius quod (b) non sit iam latex in sua natura, quantum ros alimentarius resolutus, cui mors imperat. Tandem placido sopore sepulti moriuntur. Prout jam à diversis causis sphacelus nascitur, celeriori vel tardiori gradu hæc omnia procedunt. Si enim à mera quiete senili hoc malum oritur, lentè proferpit; & poterit per plures menses aliquando tolerari, antequam mortem inferat; modò pars affecta conditur talibus, quæ omnem putredinem arcant. Si verò in vegeto juvenili corpore post validissimam inflammationem gangræna, & post hanc sphacelus, sequatur; celeritè superiora petit, & paucarum sæpe horarum spatio incurabilis evadit; uti pluribus Exemplis, in hoc capitulo jam allegatis, cõstitit. Pleaque jam ex his phenomenonis, quæ sphacelum lethalem comitantur, apud Celsum habentur. Postquam enim descripserat, quomodo proferperet gangræna, addit sequentia: (c) Inter hæc deinde febris acuta oritur, ingensque sitis: quibusdam etiam delirium accedit, alii quamvis mentis suæ compotes sunt, balbutiendo vix sensus suos explicant: incipit affici stomachus: fit sædi spiritus ipse odor. Atque initium quidem ejus malis recipit curationem: ubi verò penitus insedit, insanabile est. Plurimique sub frigido sudore moriuntur.

7. Lividitas, nigritudo, ariditas circa ulcera, gangrænani, sphacelum, mortem, adesse nunciant.

In Prognosticis suis Hippocrates, ubi tam sollicitè omnia recenset, ad quæ Medicum attendere oportet, ut prævideat illa, quæ in morbis futura sunt; habet & sequens monitum, (d) Nec verò ignorandum an ulcere, vel ante morbum, vel in ipso morbo nato, laboret. Nam si æger moriturus est, lividum & fæccum, aut pallidum, & fæccum ante evadet. In Commentariis autem §. 158, n°. 7, & §.

(a) Fp'dem. Lib. VII. text. lxxx. Charter. Tom. IX. pag. 578.

(b) Cap. Latex humor. neglectus, n°. xvii. pag. 303.

(c) Medicin. Lib. V. cap. xxvi. n°. xxxi. pag. 308.

(d) Prognost. Comment. I. Sentent. xxii. Charter. Tom. VIII. pag. 601.

403, n°. 1; ubi hujus prognostici mentio facta fuit, demonstratum est, à vita superflite, & humoribus ad vulnus ulcève allatis, pûs bonum fieri; si nempe bona liquida apto impetu & debitâ copiâ huc venirent; sin minùs, aliud liquidum in vulnere observari, à boni puris conditionibus degenerans; unde in cacochymicis corporibus tam difficilis erat boni puris confectio, & ulcerum vel vulnerum consolidatio. Ubi verò vasorum vel humorum, aut utrorumque, vitio nihil defertur ad vulnus, sicabitur ab aere & vicinarum partium calore vulneris superficies, & totum illud, quod sic exsiccatur erat, postea separari debebit, ut cura perficiatur. Designat ergo ariditas ulceris, vitalem influxum & effluxum humorum desinere in hoc loco: lividitas autem & nigrîtudo veram jam mortificationem indicant; adeoque pro pessimis signis hæc meritò in morbis habentur.

§. 433. **INDICATIO** in gangrænæ curatione; 1. Vires firmare. 2. Putridi ingressum in venas impedire. 3. Putredinem conceptam arcere, coercere.

Absolutis illis, quæ circa diagnosin & prognosin gangrænæ notanda erant, agendum est de indicationibus curatoris, quæ determinant, quomodo, & per quæ remedia cura perfici possit. Ne autem confusio hæc oriatur, in memoriam revocanda sunt illa, quæ in *Commentariis* §. 419, dicta fuerunt. Nempe difficulter distingui posse illum limitem, qui gangrænâ incipientem dirimit à phlegmone, à qua nascitur. Cùm ergo gangræna in suû initio ad phlegmonem quàm proximè accedat; & ab eadem tamen plurimùm differat, quando in sphacelum jam transibit; patet intermedio hoc tempore varios esse malignitatis in gangræna gradus, neque eandem requiri curationis methodum. Incipiens enim gangræna aliquando felici correctione tolli potest, uti dicitur §. 441. Ubi verò confirmatum malum est, non poterit reddi corruptæ parti sanitas, sed debebit mortuum separari à vivis partibus, quibus adhæret. Generalia tantùm ideo indicationis curatoris capita hæc paragrapho expenduntur; de reliquis postea dicitur.

1. Quamdiu expeditus sit motus humorum sanorum per vasa debito cum impetu & velocitate, sanitas adest, & virium integritas. Ubi verò nascitur æquabilis hujus motûs impedimentum, sive in toto, sive in parte, vires debilitantur etiam vel in toto corpore, vel saltem in parte affecta. Unde spontaneas illas lassitudines, per quas homines solitos labores non sine molestia perficere possunt, licet cæteròquin adhuc satis bene se habere videantur, morbos prænunciare dixit *Hippocrates* (a). Frequenter enim observantur hæc lassitudines, quando inflammatoriâ spissitudine minùs meabilis redditus sanguis, difficiliùs per ultimas vasorum angustias transire potest. Vires ergo firmabunt omnia illa quæ liberum humorum per vasa circuitum sustinent, & tollunt illa impedimenta, quæ hunc turbant. Adeoque, pro causarum diversitate, varia ad firmandas vires conducent remedia, uti sequenti paragrapho dicitur.

2. Urina naturaliter eluit de corpore illa, quæ putredini proxima nocerent, si diutius cum reliquis humoribus per vasa fluerent: ubi autem perfecta ichuria uri-

(a) Aphorism. Sect. II. n. v. Charac., Tom. IX. part. II. pag. 46.



nz secretionem & excretionem impedit, hæc retenta, acriora facta & putrida, tennerrimis encephali vasis inprimis nocere videntur; & ægri hoc morbo laborantes, postquam similia ferè mala passi fuerunt, ac illi qui sphacelo moriuntur, pariter sopore profundo oppressi pereunt. Merito ergo metuitur, ne putredo gangrænam sequens, venis contiguus resorpta, simili modo noceat; adeoque cavendum est, ne hoc fiat.

3. Omnis pars corporis nostri, quæ omni vitali humorum influxu & effluxu, quo antea gaudebat, privatur, spontaneâ mutatione in putredinem tendit. Requiritur ergo, ut futura putredo caveatur, vel jam nata emendetur, & sic coercetur, ne vicina adhuc integra inficiat. Ubi manibus accessus datur ad partem affectam, talia applicari poterunt, à quibus meritiò ille effectus expectandus est; si verò in profundis corporis lateat malum, patet faciliè, hoc difficillimum esse.

§. 434. **FIRMANTUR** vires; dando 1. Quæ causæ internæ (422. 423. 424. 425.) debellandæ profint, spiritus excitent, liquidis motum circularem conservent, habitâ simul ratione ætatis, sexûs, temperiei, tempestatis. Illa ergo ex classe refrigerantium, vel calefacientium petuntur pro re nata. 2. Cibos, potûsque analepticos. 3. Epithemata ex pane tosto cum præscriptis (nº. 1. hujus §.) applicata venis, vel circa nares.

1. Dum huic indicationi satisfieri debet, necessariò respiciendum est ad indolem causæ, quæ gangrænam produxit: sed causæ omnes in numeris hic citatis in diversas classes ordinatæ fuerunt, & enumeratæ. Sic v. gr; si putridus scorbutus pessimâ cacochymiâ sanguinem infecerit, proderunt ad firmandas vires omnia illa, quæ putredine huic adversa sunt: vinum Rhenanum, succus citri, aurantiorum, &c, optima erunt. Pauperibus lac.ebutyratum, vel ejusdem serum, cum pauculo macis vel nucis myristicæ, decoctum, inferviet. Cùmque omnis gangræna, quamvis ex diversissimis causis nata, semper putredinem faciat, patet, acidorum illorum ferè universalem usum esse.

**SPIRITUS EXCITENT.** Certissimis constat Observatis esse in rerum natura talia, quæ in subtilissimum nostri corporis liquidum, quod spiritus vocamus, insignem habent efficaciam, & totum corpus miris modis turbare possunt. Interim tamen tota hæc vis pendet sæpe à corpusculis, vel effluviis, adeo subtilibus & minutis, ut non tantum sensus, sed & omnem ferè imaginationem, fugiant. Asa foetida v. gr; solo halitu suo viroso inordinatos illos spirituum motus compescit sæpe tam feliciter in hystericeis mulieribus; & tamen, postquam per integros menses satis amplum locum suis effluviis implevit, vix ulla sensibilis apparet ponderis imminutio. Moschi fragrantia e contra mobilissimas in genere nervoso sæminas tories pessimè affectit, imò & diras aliquando in his convulsiones excitavit: tamen nec moschus sensibile ponderis detrimentum patitur, licet plurimis etiam servetur annis, & omnia vicina corpora indelebili ferè odore infecerit. Habentur in Arte cognita talia remedia, quæ solo halitu suo languentes spiritus excitent,

& novam quasi vitam inspirent etiam debilissimis hominibus. Si jam in animi deliquium lapsuræ puellæ odoratissimum citrei pomum naribus supponitur, mox reviviscit: idem & aceti fragrantia, & ferè omnium aromatum gratissimorum halitus faciunt. Inprimis autem illa, quæ spiritus excitant, in gangræna & sphacelo curandis locum habent, quia nil magis debilitat, nec citius ferè omnes vires etiam in robustis hominibus prosternt, quàm putrida effluvia. Si sanissimus homo æstivo tempore malâ fortunâ occurrat cadaveri submersi animalis majoris illo tempore, dum tumidum abdomen crepat, tam tetro mox afflabitur halitu, ut in animi deliquium cadat, & torâ die, pessimâ nauseâ languebit. Dum in morbis corrupta bilis circum præcordia hæret, summa debilitas observatur; & hæc faburrâ excusâ, vires redeunt. Cùm ergo in gangræna putredo adsit, vel brevî futura metuatur, patet, quare fragrantia illa aromata, inprimis si acida admisceantur, tantum usum habeant. Apud *Hildanum* (a) & alios Auctores pretiosi lapides bezoardici, margaritæ, os de corde cervi & similia commendantur; sed vinum Rhenanum cum succo & cortice citri, cinnamomo; nuce myristica, &c., his longè efficaciora sunt; & si febris valida, aut major calor corporis, à calidioribus abstinendum esse suadeant, sambuci, rosarum, &c. flores, unâ cum aceto, spiritus excitabunt, simulque gratum refrigerium facient.

**LIQUIDIS MOTUM CIRCULAREM CONSERVENT.** Cùm gangræna sit talis conditio partis mollis, quæ abolito influxu & effluxu vitalis humoris in mortem tendit, id est, in quietem perfectam; omni molimine conservandus est humorum per vasa motus, ut hæc caveatur. Circuitus autem humorum impeditur vel liquidi transmittendi, vel vasorum transmittentium vitio, vel defectu causarum moventium. Omnia ergo illa, quæ liquida diluunt & attenuant, vasa aperient, & leni stimulo causas moventes incitant, pulcherrimè hic convenient. Decocta hinc ex graminis, bardanæ, scorzonæræ radicibus, uti & illis, quæ aperientes dicuntur, lignorum santalorum, sassafras, &c. infusa, tanti usûs sunt; quia vi diluente, solvente, & simul blando aromatico stimulo, omnibus his indicationibus satisfaciunt.

**HABITA SIMUL RATIONE ÆTATIS, &c.** Longè enim alia requiruntur in decrepito senè, ubi omnia languent, & frigida mucosa est sanguinis indoles, quàm in vegeto & calidæ temperiei juvene. Mulierum corpus laxius semper, cæteris paribus, quàm in viris, facillimè mutabile quidem etiam à levissimis causis, tamen summas & subitissimas mutationes faciliùs fert. Docent hoc menstrua, gravitas, partus, lochia, hæmorrhagiæ uterinæ sæpe adeo enormes; unde & à sexu iterum in medendo varietas obtinet: uti etiam, prout temperies biliosa calida, aut aquosa frigida fuerit. Idem de varia anni tempestate verum est: æstivis enim caloribus, inprimis si simul humida aeris constitutio fuerit, omnia in putredinem vergunt; hyemali frigore omnia diutissimè incorrupta servari poterunt. Confer & illa, quæ de his dicta fuerunt in *Commentariis* §. 193.

**ILLA ERGO EX CLASSE REFRIGERANTIUM, &c.** Primò examinandum est, an vires deficiant, an non: si pulsus sit fortis, magnus, & utrumque durus; si calor satis magnus ad extrema corporis usque adsit, si urina colorata, rubra fuerit; novimus, satis magnas circulationis vires esse; adeoque il-

(a) De Gangræna & Sphacelo, cap. xii. pag. 786,

lam minimè augendam; sed si pulsus debilis, & reliqua, modò dictis contraria, adfuerint; tunc concluditur, motum circulatorium humorum incitandum esse. Deinde examinatur, an liquidorum indoles in putridam alcalinam: indolem vergat; an verò mucosa frigida cacochymia prædominetur (hæc autem ex illis, quæ de glutinoso spontaneo & alcalino spontaneo antè dicta sunt, cognoscuntur); in priori casu gratissima acida stimulantia exhibentur; in posteriori verò sales volatiles oleosi, elixiria proprietatis, &c, adeo profunt. Variæ tales formulæ remedium in *Materia Medica* ad hunc numerum habentur.

2. *Ἀναλαμβάνειν* dicitur de illis, qui ex gravioribus morbis resurgentes vires recolligunt. Licet autem, morbo devicto, sanitas redierit, requiritur tamen in his, ut bono nutrimento restituantur illa, quæ per morbum prægressum perierant. Debilitas autem postulat in talibus hominibus, ut dentur cibi & potus, in quibus abundat quidem materia, unde per chylopoiesin & hæmatopoiesin possint restitui perdita; sed & simul tales sint, ut nullam ferè, vel minimam saltem, actionem vasorum & viscerum requirant, ut sanis humoribus assimilentur. Cibi verò & potus, qui has dotes habent, vocantur analeptici. Videantur illa, quæ de his dicta fuerint in *Commentariis* §. 28. n°. 1. Sed & in horum delectu ad ætatem, sexum, consuetudinem, &c, attendendum est, uti modò dictum fuit præcedenti numero. Cùmque plerumque putredinis metus sit in gangræna, exacercentibus, ut lacte decocto panis, avenæ, hordei, &c, iusculis carnis vitulinæ cum succo citri, &c, hæc parantur. Videantur illa, quæ in *Materia Medica* ad hunc numerum habentur.

3. Ex Physiologicis constat, in tota corporis externi superficie venarum bibularum oscula patere, quæ contigua liquida haurire possunt, & sanguini miscere illico: unde patet, ad vires firmandas maximum usum posse habere illa remedia, quæ externæ cuti apponuntur. Illa enim, quæ primo hujus paragraphi numero laudata sunt, si sic epithematis formâ applicantur, subtilissimam & maximè fragrantem sui partem venis bibulis insinuant; quæ ergo statim cum sanguine venoso ad cor deferretur, atque inde ope arteriarum per univèrsam corpus distribuitur. Hinc citissima virium restitutio sequitur, quatenus nempe à gratissimis illis stimulis, nullis viscerum actionibus mutatis, excitantur spiritus, & augmentur cordis vires. Solent autem hæc precipuè applicari illis locis, quibus magnæ venæ adjacent: uti v. gr; sub axillis, poplitibus, collo, &c, ut brevi itinere resorpta per venas bibulas hæc effluvia magnas venas ingrediantur. Sed non tantùm hæc viâ videntur prodesse epithemata talia, verùm etiam si nervi quibusdam, quibus maximum imperium in vitales corporis functiones esse per Experimenta novimus, applicentur quàm proximè. Nervi per narium internam superficiem dispersi tales sunt, & hominem nimio corporis motu fatigatum, & jam in syncope lapsurum, panis recens de clibano educti fragrantia refecit illico. Idem jam de omnibus aromatibus ferè verum est, quorum fragrantia solo olfactu percepta vires erigit statim. Solent hinc etiam cordi, ubi magni illi nervi circa ventriculi orificium superiùs locantur, similia applicari tanto cum fructu, uti etiam umbilico. Incredibilem enim efficaciam habere aliquando remedia, externè iis locis applicata, docent Observationes Medicæ. Homo severissimâ cardiagiâ contabescebat, dum quatuor à pasto horis recrudesceret quotidie dolor; intolerabilis omnino, nisi mensè incumbens miser cardiacam validissimè comprimeret;

unde incurabile carcinoma stomachum obsidere credebatur: paucarum tamen horarum spatio curatum hunc morbum vidit *Helmontius* (a), *fragranti emplastro ad palmæ vix latitudinem extento*. Imò non sine ratione videtur conclusisse idem Auctor, quòd omnia serè remedia solo odore agant, id est, subtilissima suâ & spirituosâ parte: simulac enim nativo suo odore spoliantur, nimis diu servata in Officinis, etiam vires absunt. Sic scamnoneum ubi cadaverosus ejus odor periit, effœtum penitus est; si castoreum virus suum amiserit, nihil efficit amplius, &c. Requiritur autem, ut firmetur vires, horum epithematum talis applicatio, per quam caveatur, ne calor corporis subtilissimam dissipet fragrantiam extrorsum: fumitur hinc panis tostus, ut siccissimus & maxime bibulus fiat; perfunditur tali epithemate (varias formulas vide in *Materia Medica* ad hunc numerum); applicatur nudæ cuti; postea tegitur vesicâ ovillâ vel suillâ molliissimâ, oleo prius perfricatâ; deinde idoneâ ligaturâ hæc omnia firmantur.

5. 435. **IMPEDITUR** putrefacti in venas introitus. 1. Firmando vires (434), adeoque augendo motum ad exteriora. 2. Curando exitum ad exteriora: fomenta, cataplasmata ex diaphoreticis, emollientibus, laxantibus, facta; scarificationes; cucurbitæ; hiru-  
dines id agunt, cum calore externo.

Secunda indicatio generalis in gangrænæ curatione erat, impedire putridi in venas ingressum (vide 5. 433. n°. 2.). Gangrænosa enim pars vivis vasis undique vel adhæret, vel saltem contigua est, & sensim solet in putridum tabum deliquescere; unde facilis erit resorptio illius putrefacti per venas, à qua pessima mala oriri possunt; febres nempe putridæ, deliria, virium prostratio subita, &c. Poterit autem hæc resorptio impediri sequentibus.

1. Quæ liberrimum faciunt humorum per vasa motum, vires firmare dicuntur; uti in *Commentariis* 5. 433, n°. 1, habetur: adeoque eadem illa, quæ præcedenti paragrapho enumerata fuerunt, sic augebunt vires vitales, si languent, ut per ultimas exhalantes arterias, in superficie corporis ubique positas; liberrimè diffidentur illa, quæ naturaliter per has vias eliminari debent. Quamdiu autem nullum impedimentum est in ultimis illis exhalantibus fistulis, videmus, aucto circulationis impetu & velocitate, majorem liquidorum copiam per has expelli, sive insensibili perspiratione, sive sudore: ratio facillè patet, quia organis fecernentibus & excernentibus intra idem tempus major fluidorum copia applicatur. Sed dum arteriolæ exhalantes majori momento liquidi impulsu urgentur & dilatantur, vicinæ his venulæ resorbentes angustantur; adeoque & diffici-  
lius erit per has ingressus liquidi contigui resorbendi. Accedit, quòd calor; auctum motum humorum per vasa comitans, dissipet illa, quæ resorberentur. Ideo in omnibus morbis, in quibus motus circulatorii humorum augmentum adest, siccitas nascitur à diffatis tenuissimis; & contrà in languidis morbis, in quibus nimis tarda & debilis circulatio est accumulatis humoribus turget corpus. Quantum autem resorbere possint venulæ in superficie corporis posite, dum languidæ

(a) Capit. Imago fermenti imprægnat, &c. no. XXII. pag. 93.

sunt vitales vires, docuerunt mira Observata; de quibus postea in hydrope dicetur. Constitit nempe, hydropicorum corpora, eductâ omni aquosâ colluvie, brevi tempore iterum intumuisse, licet ab omni potu sere abstinerint & siccissimos tantùm cibos sumperint. Unde videntur talia corpora ex ipso aere per venulas absorbentes haurire aquam. Summi ergo usus erit, augere parum circulatorium humorum morum, ut impediatur putridi gangrænosî in venas ingressus: & , si quid fortè ingressum fuerit, illud per urinas, aut cutis spiracula expellatur iterum; dum firmatis viribus motus versus exteriora augetur.

2. In abscessuum curatione dictum fuit, quàm maximè requiri, ut crudum inflammatorium, jam maturatum, duceretur ad exteriora ( vide §. 402. n<sup>o</sup>. 3. ): ne illud resorptum purulentâ cacochymâ sanguinem inficeret, plurimisque & gravissimis morbis daret originem ( vide §. 406. Sed in gangrænæ curatione exitus ad exteriora procurandus est tantò majori curâ, quanto tabus gangrænosus pure pejor est. Nihil autem magis impedit exitum illum ad exteriora, simulque vivas partes suppositas plùs suffocat, quàm si cutis gangrænosa & exsucca corii aridi instar induruerit: si enim tunc simul satis validus motus humorum in partibus vivis adhuc supersit, sub hac crusta omnia corrumpuntur. Optimum ergo erit, per fomenta aut cataplasmata applicata continuò humectare locum gangrænosum, omnèque meatus sic aperire, ut viva vasa omnia hîc perspirent quàm liberrimè. Aqua, & omnia remedia, in quibus aqua prædominatur, huic scopo inserviunt; simul adduntur talia, quæ emolliendi & laxandi vim habent. Cùm autem in parte gangrænosa circuitus humorum deficiat, ideòque & calor inde pendens; requiritur calor externus applicatus, ne fomenta & cataplasmata applicata frigeant. Pulcherrimè hoc obtinetur, si imponatur ex terra sigulina parati lateres calefacti, quales variæ magnitudinis & figuræ in his locis habentur: à pulchro effectu, quem in doloribus colicis levandis habent, dicti ( *Kolyksteen* ). Verum quidem est, calore sic & humectatione augeri putredinem in partibus jam mortuis; sed simul & facilitatur earumdem separatio à vivis: unde nunquam hæc adhibentur remedia, nisi simul spes adfuerit, hanc separationem obtineri posse. Prudenter hoc monuerat *Celsus*, ubi de gangrænæ curatione agit, dicens, (a) *medicamenta verò, dum malum serpit, adhibenda nulla sunt, quæ pus movere consueverunt: ideòque ne aqua quidem calida*. Quamdiu enim proserpit malum, augeretur ab his putredo, & eò citius omnia vicina inficerentur. Solent tamen semper fomentis & cataplasmatibus ad gangrænâ misceri talia, quæ & putredinî resistunt efficacissimè; & penetrabili aromaticâ vi in motum deducunt stagnantia. Quia autem omnia illa in aqua facillè possunt solvi, tùmque subtilem habent simul fragrantiam, quâ omnia aperiunt vasa, sine nimio tamen mortis augmento; simulque solent augere illam evacuationem, quæ per cutis spiracula fit; diaphoretica vocantur. In *Materia Medica* ad hunc numerum similium formularum Exempla habentur, in quibus emollientibus & laxantibus ruta, alliaria, sambuci, calendule, chamæmeli flores, &c, miscentur.

SCARIFICATIONES. Quæ inprimis usum habent, si panniculus adiposus, materiâ inflammatoriâ distentus ad magnam crassitudinem, gangrænokus factus fuerit. Sæpe enim tunc tanta moles corrupti & mortui incumbit par-

(a) Medicin. Lib. V. cap. xxvi. n<sup>o</sup>. xxxiv, pag. 303:

tibus vivis subjectis ut solâ compressione suffocentur : simulque applicata fomenta vel cataplasmata non possunt penetrare suis viribus, & impedire putrefacti in venas introitum. Unde per scarificationes loci gangrænosî spiracula quasi sunt ; per quæ aucto motu ad exteriora expelli possit corruptum, & admitti illa, quæ putredinem præsentem corrigant, futuram verò arceant. Scarificationes autem illæ tantum debent fieri in parte mortua, & penetrare quàm proximè ad viva, neque tamen illa lædere ; sic enim poterunt sine ullo dolore fieri, neque, crudo vulnere in partibus vivis facto, facilitabitur putridorum in venas ingressus. Docent enim venenatorum animalium morsus, quàm facillè cruento in vulnere virus recipiatur venis.

**CUCURBITÆ.** Ablatâ enim atmosphæræ pressione illo in loco, cui cucurbita hæret impetus sanguinis per vivas adhuc partes moti distendit vasa, elevabit mortua incumbencia, & repellet putrida. Imò, dum à mortuis incumbentibus vasa vicina pressa non poterant explicari ab humoribus impulsis, ablatâ per cucurbitam maximâ parte hujus pressionis, libera iterum fiet via liquidis per hæc vasa transmittendis : sicque redibit vita in partibus, quæ abolito omni influxu & effluxu humorum in mortem tendebant. Quantam autem efficaciam habeant cucurbitæ, ut deficientem vitam & nutritionem restituant in partē, docuit *Tulpius* (a). Notæ juniori ex amplo brachii abscessu tanta puris copia subducta fuerat, ut postea deficeret nutritio, tandēque universum brachium emacresceret. Cùm jam illud exarefactum esset, cucurbitula cornea aliquoties imponebatur, cujus succu & calor & nutritio redibant tam pulchre, ut exsuccum illud brachium pristinum vigorem & torositatem recuperaverit & solitum robur ; sic ut postea in navi officio suo fungi potuerit. Pulchrum etiam usum habent cucurbitæ, si applicentur partibus vivis in gangræne vicinia, ut augeatur vitalis liquidi huc ruentis impetus & copia : sic enim, uti postea §. 444, dicitur, solventur fibræ necscentes gangrænam parti sanæ, & obtinebitur separatio.

**HIRUDINES.** Animalcula hæc partem corporis, cui applicantur, trifulco ore vulnerant, dein sanguinem exsugunt, & sæpe pertinaciter affixa manent, donec satûra & sanguine plena decident ; vel nitro, sale, aut similibus respersa, deferant locum, cui adhærent. Pergit sæpe tunc, remotis jam hirudinibus, sanguis effluere ; inprimis quando hæmorrhoidibus applicantur : & quidem tantâ copiâ, ut apud Auctores, qui de hirudinum usu scripserunt, remedia enumerentur, quibus nimius ille sanguinis fluxus compesci posset. Tota ergo hirudinum actio est, ut vulnerent vasa, & dein sugendo educant sanguinem ; adeoque minutâ resistentiâ sanguinem majori copiâ & impetu huc derivari faciant. Similem ergo effectum habent, ac cucurbitæ, inprimis, si scarificetur locus, cui cucurbitæ applicabuntur. Usus ergo habent inprimis, si scarificationes timeant ægri ; aut talis fuerit loci situs, ut cucurbitæ applicari nequeant. Animalcula autem hæc gangrænosum & mortuum locum non facillè mordebunt, sed in vicinia loci gangrænosî applicari poterunt.

Ex omnibus, quæ hâc paragrapho dicta sunt, patet, talem hic laudari perfectè methodum, qualem Veteres adhibuerunt contra venenatorum animalium morsus. *Celsus* tunc cucurbitulas commendat, & jubet (b) *scalpello circa vulnus incidere*

(a) *Observat. Medic. Lib. III. cap. xlix.* | (b) *Medicin. Lib. V. cap. xxvii. n.º iii. p. 266.* | p. 266.

quò plùs vitiatì sanguinis extrahatur. Si cucurbitula defit, hominem vulnus ex-fugere vult; quod tutò fieri posse monet, modò nullum in ore interno ulcus ha-buerit. Deinde in loco calido hominem demorsum collocandum voluit; foveri verò vulnus animalibus vivis per medium dissectis, adhuc calidis, tuncque antidota ex-hibenda esse. Quæ si defint, potionem meri vini cum pipere exorbendam voluit; vel quidlibet aliud, quod calori movendo est,

§. 436. **PUTREDO** incipiens corrigitur, 1. Tollendo ejus cau-sas sensibiles ( 422. 423. 424. 425. ).

Nihil hic generale determinari poterit, sed requiritur priùs, ut sollicitè inda-gentur causæ paragraphis hic citatis enumeratæ, à quibus gangræna, & illam sequens putredo, ortum duxit. Quod enim in uno casu prodesset, summopere noceret in altero. Sic v. gr; in illa gangræna specie, quæ post summam debilita-tem, aut senilem quietem, sequitur, cardiaca calida moventia & incitantia sum-mum usum habent: eadem tamen hæc nocerent summopere, si in calido juvenili corpore, post summam inflammationem, gangræna nasceretur.

§. 437. 2. **CORRIGENDO** ejus causam proximam, stagna-tionem, & colorem. a. Condiendo stagnantia contra putredinem. ß. Muniendo solida contra eadem. γ. Stagnantibus correctis per vasa munita conciliando motum.

Quantùm stagnatio & calor ad putredinem faciant, jam sæpius dictum fuit: Per octoginta annos sanus homo vivere poterit, neque ulla putredo in corpore aderit; sanissimi autem juvenis cadaver bidui spatio totum putrescet, inprimis si calor aeris ambientis magnus simul adfuerit. Sola stagnatio putredinem non facit, vel saltem quàm lentissimè: docent hoc maceratorum animalium carnes, quæ hyemali sub frigore plurimis septimanis incorruptæ servari possunt. Neque solus calor corrumpit facilè, nisi stagnatio accesserit: perpetuo cursu exercita flu-mina summis etiam æstivis ardoribus puram & limpidam aquam exhibent; & contrà in stagnis collecta aqua pessimam mephiticam totà æstate spirat. Optimè hinc Galenus dixit, (a) videtur autem ex materia humida omnis fieri putredo, ex causa verò effefrice, & extraneo, & præter naturam calore, simul verò ab immobilitate augeri. Ut ergo putredo concepta arceatur, & coerceatur, ( vide §. 433. no. 3. ) expedit, nimium calorem compescere, & stagnantia deducere in motum.

a. Cùm requiratur ad curam gangrænae, ut stagnantia in motum deducantur; atque iterum cum reliquis humoribus fluant per vasa; patet, omni ope cavendum esse, ne putrescant: si enim jam putrida facta moverentur, destruerent te-nerima vasa, & corrumpere bonos humores, quibus miscentur. In *Commen-tariis* enim §. 86, probatum fuit, sanguinem dissolvi à putridis, & minima va-sa destrui; adeoque etiam depravari omnes actiones solidarum & liquidarum par-tium corporis, unde innumera mala possent nasci. In putrido scorbutico, & in

(a) Epidem Lib. III, Comment. III, text. 2, Charter. Tom. IX, pag. 256.

atrâ bile turgente patuit toties , quanto cùm periculo corrupta & stagnantia in motum deducantur ; uti postea dicetur , quando de his morbis agendum erit.

β. Non enim humores soli mutantur & corrumpuntur per putredinem , verùm etiam solidæ corporis partes cohæsiõnem suam perdunt , ut sic animalium carnes in aere calido & humido putrefactæ diffuant in tabum olidissimum. Pro vario autem putredinis gradu plùs minùsve mutatur cohæsiõ in partibus solidis , uti quotidiano in culinis Experimento constat. Recens enim macratæ carnes tenaces esse solent , si statim mensis adhibeantur ; per aliquot dies servatæ multùm de illa tenacitate perdunt ; ubi autem ad levissimum putredinis initium usque in aere aperto relinquuntur , penerrimæ evadunt , & in ore diffuunt ferè , dum manducantur. Unde & *Plinius* memoriæ tradidit , quòd ( α ) *Galli sagittas in venatu helleboro tingunt , circumcisosque vulnere teneriorem sentiri carnem affirmant : venenatâ hellebori vi ad putredinis initium disponente animalium carnes.*

γ. Postquam bina priora facta sunt , tunc turbò motus excitari poterit. Si enim vel humores stagnantes putrefacti acquisiverint notabilem acrimoniam ; vel vasa in cohæsiõne sua per putredinem natam multùm debilitata fuerint , vel utrumque vitium adfuerit ; à motu excitato rumpentur vasa , effundentur humores , putredo præsens augebitur ; adeoque gangræna non sanabitur , sed increfcet potiùs ; uti patet ex illis , quæ in *Commentariis* §. 388 , dicta fuerunt.

§. 438. **C**ONDIUNTUR liquida applicatione salis , aceti ; vini , spirituum vini , aromatum.

Habentur in Arte talia remedia cognita quæ animalium partes ab omni putredine servant ; sed cùm præter hoc requiratur , ut fluida stagnantia , per hæc remedia correctâ vel præservata , moveantur postea per vasa minuta ; patet , quòd hæc antiseptica talia esse debeant , ut non tollant dotes in vasis transmittentibus & humoribus transmittendis requisitas ad hunc motum ; unde non debent condiri instar cadaveris , sed debet simul vita servari in parte , & restitui , si defecerit. Præcipuè autem hoc obtinebitur applicatione sequentium.

**SALIS.** Animalium carnes , quæ paucis diebus putrescerent , sale marino undique respersæ , vel ejus muris immerse , servantur incorruptæ diutissimè : sed simul observatur carnes illas duriores fieri. Sal marinus , gemmæ , ammoniacus præcipua sunt , uti & nitrum ; quando nempe in fomentis diluta partibus gangrænosus applicantur.

**ACETI.** Quod omni putredini quàm maximè adversum est ; unde tantus usus in morbis putridis fuit jam apud antiquissimos Medicos ; imò vel solo odore suo his morbis decumbentes reficit. Quotidianis Experimentis constat , animalium carnes aceto æquè posse præservari à putredine , quàm sale. Interim hoc boni habet acetum , quòd nec solida induret adeo , nec liquida coagulet ; sed eontra sanguinem potiùs dissolvat. Acida reliqua fortiora , ignis vi ex fossilibus expressa , ut sunt spiritus nitri , salis marini , sulphuris , vitrioli , &c. , omnem quidem putredinem arcent , sed simul fluida coagulant , solida autem con-

(α) Hist. Natur. Lib. XXV. cap. v. in fine.



trahunt & indurant; imò, si meraciora hæc fuerint, destruunt. Unde pater, quare levissimum illud fermentatione paratum acidum, acetum nempe, illis præferatur.

VINI, SPIRITUUM VINI. Aprinas carnes, vino immerfas, in Germania à putredine servari notum est, simúlque teneras manere. Unde & in vino antiseptica virtus est, quæ huic indicationi respondet. Spiritus autem vini, & alcohol inde paratum, efficacissima quidem contra omnem putredinem præsidia sunt; sed sanguinem ejúsque serum coagulant; vasa autem corrugant & contrahi faciunt: unde partem mortuam corporis servare quidem possunt, & cavere ne serpat putredo, sed tamen nunquam redire poterit vita in partibus illis, quæ alcohole vini diu conditæ fuerunt. Sic in mirabili illo casu, cujus mentio facta fuit in *Commentariis* §. 429. n°. 4, crus emortuum, spiritu terebinthinæ inunctum quotidie, & deinde assiduo spiritu juniperi solum, non putrescebat, sed mumie instar exsuccum & aridum redditum vivis partibus adhærebat. Vini ergo spiritus proderit potius dilutus aquâ; tunc enim, quamvis debilior fuerit, tamen servare poterit partes à corruptione; neque tamen nocebit solida crispando, aut coagulum fluidis inducendo.

AROMATUM. Plurima talia in *Materia Medica* ad hunc numerum recensentur, in quibus hæc vis obrinet, ut etiam cadaveribus adpersa putredinem arceant quàm diutissimè, simúlque gratissimo suo halitu reficiant vires. Inter illa autem scordium, alliaria, ruta, salvia, marrubium, absinthium, tanacetum præcipuè commendantur. De scordio mira narrat *Galenus* (a); nempe à viris fide dignis scriptum fuisse, quòd, cùm post conflictus bellicos cadavera pluribus diebus insepulta jacuissent, multò minùs computruerint illa, quæ casu scordio ibi erefcenti incubuissent; maximè verbò incorruptas mansisse illas horum cadaverum partes, quæ herbam hanc attigissent. In alliaria similes vires laudavit *Hildanus* (b) licèt scordium prætulèrit: tamen tantè fecit illam herbam in gangræna & sphacelo curandis ut etiam ad ulcera putrida & fordida, ut verno tempore succum ex illa pressum in lagenis vitreis, oleo super infuso, servaret, ne hyemali tempore saluberrimo hoc remedio destitueretur. Omnibus autem his plantis inest subtilis fragrantia, à qua præcipuè illarum vis medicata pender: longâ autem coctione, inprimis in vasis apertis, illa diffatur in auras, & iners decoctum residuum nullas ferè vires habet. Optimum ergo erit vasis clausis infundere has herbas in aqua pura ferè fervida; dein expresso liquido addere vinum, acetum, sal, &c: vel & recentes herbas in pulvem tritas, addito sale & aceto, cataplasmatibus instar, partibus gangrænosus applicare. Quantum autem hæc similia profuerint quandoque, patuit ex illis, quæ in *Commentariis* §. 338, dicta fuerunt.

## §. 439. IISDEM (438) servantur solida intacta.

Hoc satis pater: solidæ enim partes ex sua indole non corrumpuntur facilè, sed tantùm quia liquida continent suis cavis, vel illis alluuntur. Unde per exsic-

(a) De Antidotis Lib. I. cap. xxi. Charter. Tom. XIII. pag. 88;.

(b) *Observat. Chirurg. Centur. II. observ. xciv. pag. 171.*

cationem dissipatis pro maxima parte fluidis partes animalium diu sine putredine fervari poterunt.

§. 440. **STAGNANTIA** deducuntur in motum, α. Diluendo aquosis affatim haustis & applicatis. β. Stimulando arterias per ea, quæ malo opposita. γ. Movendo liquida calore, frictione cardiacis. δ. Sublatâ copîâ nimis distendente per missionem sanguinis.

Ex ipsa definitione gangrænæ §. 419, patet stagnare liquida in suis vasis in loco gangrænâ affecto, cum cesset influxus vitalis humoris per arterias, effluxus per venas. Sed stagnatione & quiete nostrorum fluidorum moleculas adunari, demonstratum fuit in *Commentariis* §. 117; adeoque, ut stagnantia deduci possint in motum, requiritur, ut moleculæ concretæ inter se dividantur iterum sic, ut possint per ultimas vasorum suorum angustias transire. Sed & moleculis jam divisâ debet conciliari motus, qui deerat, dum stagnabant: simul etiam, si à quacumque causa vasorum transmittentium capacitas imminuta fuerit, & hæc tollenda erit. Hæc autem omnia obtineri poterunt sequentibus.

α. Tota cutis in omni ferè puncto absorbentium venularum oscula habet: hinc diluentia applicata externè loco affecto poterunt se his oculis insinuare, sanguini misceri, & communi corporis lege per omnia distribui. Quantum autem effectum habeant diluentia in resolvendis stagnantium fluidorum concretis moleculis, dictum fuit in *Commentariis* §. 132. n°. 2, & §. 134. Sed & ibidem demonstratum fuit, fomenta diluentia parti affectæ applicata non tantùm prodesse, quatenus diluens aquosum venulis absorbentibus insinuent; verum etiam quatenus laxando omnia vasa faciant, ut impetus & copia vitalis liquidi in parte augeantur; adeoque & diluens liquidum universali humorum massæ permixtum, magis versus hæc loca derivetur. Si jam simul attendatur ad illa, quæ in *Commentariis* §. 398. n° 3, habentur patebit, externâ applicatione, diluentia etiam posse ingredi arteriolarum exhalantium extrema; si nempe majores ramuli, unde minores hæ arteriæ prodeunt, obstructi fuerint, tunc enim ultimi illorum fines vacui contigua liquida ebibent illâ vi, quâ minimæ fistulæ cavæ liquores hauriunt. Si jam simul, dum hæc externè applicantur, ingens similium copia potatur, resolutio concretorum fluidorum obtinebitur, quatenus per diluentia liquida fieri poterit.

β. Cum autem, respectu nostrorum fluidorum, aqua ferè sit unicum diluens; hæcque ex se iners sit, requiritur motus cordis & arteriarum, ut illa actiosa & mobilis reddatur. In parte gangrænosa stagnatio est: hinc licet & externè & internè diluentia adferantur, nisi possit simul hic excitari motus, nihil boni fiet. Unde paulò major motus in toto corpore, id est, febris modica, semper tunc proderit; ideo unâ cum diluentibus solent dari talia, quæ blando stimulo motum parum augent (vide de his *Commentaria* §. 398. n°. 1.), ut infusum ligni sassafras, trium fantalorum, rutæ, alliaræ, &c. Cùmque humorum nostrorum spontanea corruptio, dum stagnant semper in putredinem vergat (vide §. 80.); simul his adduntur gratissima acida, & inprimis vegetabilium expressi succi,

ut

ut citreorum; aurantiorum, ribesiorum, &c; vel & fermentata àcida, vinum nempe aut acetum; quæ omnia minimè coagulant sanguinem, sed attenuant potius & dissolvunt. Prout jam major minorve putredinis merus est, & in victu & medicamentis, acida plùs minùve exhibentur. Ubi verò à defectu & quiete senili, vel à lenta & frigida sanguinis cacochymia, gangræna nascitur, neque ulla hæcenus adsunt putredinis signa, tunc sales volatiles oleosi, elixiria, tincturæ aromaticæ, &c, prodesse poterunt.

7. CALORE. Vitam perfectam in homine, id est, sanitatem, calor comitatur, & quidem æquabilis, per omnia corporis loca diffusus, ad extremas etiam partes usque. Vitæ viribus auctis vel minutis, pariter increscit vel decrescit calor; tandemque in cadavere, omni vitâ cessante, frigus oritur, & omnium quies. Sed non tantùm calor vitæ præsentis comes & signum est, verùm etiam latens & sopita quasi vita calore excitatur, & redditur actiosa. Rana hyemali frigore torpent, imò mediâ in glacie sepultæ hærent immobiles: si in hypocaustum delatæ calefcent, reddit agilitas. Vitale flamen pulli, in sacculo colliquamenti ovi incubati latens, iners ibi hæret, neque crescit, donec caloris gradu requisito latens in actum deducatur vita, &, ut ex immortalibus acutissimi *Reaumurii* Observatis paruit, insectorum vita potuit pro lubitu excitari, deprimi, prolongari, vel brevior reddi, dum majori minorve calori exponerentur (a). Jam apud Antiquissimos mira hæc ignis & caloris proprietas videtur cognita fuisse, quâ cuncta in rerum natura animantur. Scribit enim *Plutarchus*, sapientissimum Regem *Numam* ignem tamquam omnium rerum principium colendum dedisse: (b) *Mobilissimus enim in natura ignis est. Motus autem est, aut cum motu ejus generatio. Aliæ verò materiæ partes calore destituta, torpidæ jacentes Et mortuis similes, desiderant ignis vim, velut animam: quæ simulac accersit, conferunt se ad agendum aliquid aut patientiam.* Patet ergo, quantum expectari possit à calore externo, ut stagnantia deducantur in motum; modò simul adhibeantur illa, quæ putredinem arcere possint, quæ aliter metuenda foret.

FRITIONE. De variis frictionis usibus, & quomodo per illam major motus in toto corpore, vel & in parte, excitari possit, dictum fuit in *Commentariis* §. 28. Sufficit hic notasse, alternam illam pressionem & relaxationem partium, quæ in omni frictione sit, supplere naturalem vasorum in liquida contenta actionem; adeoque stagnantia per illam moveri poterunt, quod hic requirebatur. Summi ergo usus erunt, ubi à quiete senili gangræna in extremis adest, vel brevi futura metuitur. Ubi autem post validas inflammationes gangræna metuitur, frictiones tantùm mollissimæ & prudenter adhibitæ prodesse poterunt: rudiori enim tractatione vasa, liquidis immedicabilibus distenta, frangentur.

CARDIACIS. Cùm cor causa princeps statuatur omnium illorum motuum, unde vires vitales æstimentur, ideo omnia remedia, quæ hos motus augent, cardiaca vocantur, licet non semper in solum cor proximè agant. Cardiaca autem illa inprimis duplicis generis sunt, vel replentia, vel moventia. Priora restitunt copiam humorum sanorum; posteriora motum illorum per vasa augent. De

(a) Mémoires pour l'Histoire des Insectes, Tom. II. Mém. 1.  
Tom. I.

(b) *Plutarchi* Camillus, Tom. I. pag. 139.

posterioribus autem hic præcipue agitur, cum indicatio curatoria jubeat, stagnantia in motum reducenda esse. Vinum, succus citri, aurantium, & similia gratissima acida inprimis hic usum habent; cum simul putredini hic metuendæ advenitur. Videatur de his Institutionum Medicarum celeberrimi *Boerhaavii* §. 1112, ubi pulcherrima enumerantur.

§. Cum modò dictum fuerit, ut in curatione gangrænæ stagnantia deducantur in motum, excitandas esse vires vitales; mirum fortè videri posset, quare venæ-sectio nunc laudetur, cum per illam minuatur humorum copia & debilitentur vires. Sed in illo casu proderit, si vel in toto corpore plethora adfuerit, vel in loco affecto vasa, immeabili liquido infarcta, à vi & impetu liquidi à tergo urgentis nimis distendantur: demonstratum enim fuit in *Commentariis* §. 106, *lit. J*, metuendam esse, circulationis suffocationem, vasorum rupturam, & gangrænâ à nimia plenitudine; & in *Commentariis* §. 100, probatum fuit, eadem mala à nimio sanguinis per vasa motu fieri. Præterea in *Commentariis* §. 398. n. 1, dictum fuit, per missionem sanguinis imminuto liquido distendente, restitui vasis oscillationes elasticas, quæ ad motum stagnantium quàm maximè necessariæ sunt.

Metuendum fortè videretur, ne putrefacti facilior esset introitus in venas depletas per sanguinis missionem: sed hæc vix adhiberi debet, nisi factis valida febris adsit, per quam motus magnus ad exteriora fit, qui putridi in venas ingressum impedit (vide §. 435. n. 1.), & præterea non potest adesse magna putredo, quamdiu spes superest, stagnantia liquida per vasa adhuc integra moveri iterum posse. Unde, licet aliquid putredinis illius incipientis venas ingrederetur, illud faciliè elueretur ex sanguine per diluentia assatim hausta (vide *lit. \**, hujus paragraphi), & per urinam aut sudores exiret de corpore.

§. 441. **HIS** (434. 435. 436. 437. 438. 439. 440.) citò applicatis; sæpe renovatis, multoties incipiens gangræna felici correctione & diaphoresi benignè tollitur.

Nunquam faciliè desperandum est licet gangræna adesse videatur, modò nondum illa signa adsint, quæ docent vasa jam rupta esse, & humores effusos putrefactos. Si enim omnia illa, quæ paragraphis hic citatis dicta fuerunt, citò applicentur, & pertinaciter pergatur in eorundem usu, sæpe redit vita in partem, quæ jam mortua credebatur. Neque nocebit hoc tentare, modò aliqua, quantumvis etiam levis, spes felicitis successus superfuerit; quia eadem hæc remedia applicata proderunt etiam in illis casibus, ubi nihil ampliùs expectari poterit, quàm separatim mortui à vivo, ut §. 445. dicitur. Licet ergo validissimæ inflammationis phænomena subito ablata fuerint sine correctione causæ, & color loci affecti, antea ruberrimus, jam inceperit mutari; imò quamvis aliquæ parvæ pustulæ ichore lymphatico plenæ in cute apparuerint) quæ docent tantum tenerissima vascula cutim epidermidi nectentia rupta esse), adhuc tentari poterit hæc methodus. Dictum enim fuit in *Commentariis* §. 419; non semper adeo faciliè esse, ut distinguatur validissima inflammatio à primo gangrænæ

ex illa natæ initio; quia & valida inflammatio in mortem tendit, & incipiens gangræna nondum totam vitam abolevit in parte. Ubi ergo in illo confinio inter gangrænam & inflammationem affectus consistit, efficacissima auxilia simul & semel applicanda sunt: si enim pergant eadem causæ agere, brevi destruentur vasa, & effusa liquida stagnabunt & putrescent. Sed vasis destructis nulla amplius spes est, stagnantia in motum reduci posse. Memorabiles casus in confusiois Historia allegati, in *Commentariis*, imprimis §. 338, docent, quàm inopinati aliquando successus in gravissimis etiam casibus hanc methodum secuti fuerint.

§. 442. **S**I autem liquida jam putrefacta; horumque mobilissimæ partes exhalaverint, tum & canales destructi fuerint, malum non cedit his remediis, neque reddetur corruptæ parti sanitas, sed vicina multum destruentur motis, neque tamen exhalare potentibus, vivis.

Dum autem omnia illa, de quibus actum fuit binis paragraphis præcedentibus; tentantur, oportet Medicum vel Chirurgum quarrâ quaque horâ inspicere locum affectum, si sensibus pateat; & sollicitè attendere, an signa vitæ auctæ vel redeuntis appareant; an verò omnia in pejus ruant, & color mutetur in pallidum, fuscum, lividum, vel & nigrum; tunc enim novit certò, partem mortuam esse, & vasa sic destructa, ut nulla motus vitalis restituendi spes supersit. Liquida ergo stagnantia sponteâ degeneratione putrescent (vide §. 80.); solida destruantur; & dum sic aer extravasata liquida alluit, eò citiùs corrumpuntur. Sed demonstratum fuit §. 82, à putredine sic mutari nostros humores, ut aquosa pars exhalet, sales verò nativi, blandi, saponacei & satis fixi, fiant acres, alcalini volatiles; olea pro parte sic attenuentur, ut fœtida & volatilia fiant; residuum verò oleum, mobilissimis his partibus orbatum, terrestri & fixiori humorum parti unitum, tenacissimam fecem constituat. Omnia ergo & hæc contingunt, ubi gangræna confirmata partem occupat; & partes mortuæ postquam mobilissima exhalaverunt, exsiccata durum sæpe & coriaceum tegumentum formant; quam escharam gangrænosam vocant. Sed sub hac eschara vivæ partes sepultæ hærent: si ergo tunc arteriâs stimulando, vel per cardiaca, frictiones, aut calorem externum motus liquidorum multum augeatur per viva adhuc vasa, illa ad duram hanc & inperspirabilem crustam comprimuntur, & atterentur; unde nova inflammatio in his fiet, citò iterum in gangrænam tendens, adeoque augebitur brevi, in sphacelum usque, malum, dum ad ossa usque omnia perfectâ morte destruantur; vel putredo mota in panniculo adiposo versus vicina loca propagabitur, sicque proferpet gangræna. Hoc pulcherrimè expressit *Celsus* loco illo in *Commentariis* §. 429, citato. Postquam enim dixerat, de gangræna agens, quòd caro illi ulceri vel nigra, vel livida sit, sed sicca & arida; proximæque cutis plerumque pustulis subnigris impleatur, &c, addit sequentia, (a) *Omniâque ea simul serpunt; ulcus in locum pustulosum: pustulæ in eum, qui pallet aut livet: pallor aut livet in id, quod inflammatum est: inflammatio, in id quod integrum est, transit.*

(a) Medicin. Lib. V. cap. xxvi. n.º xxx. pag. 301,

§. 443. **I**DEO totus scopus hoc casu (442) separare mortuum à vivo.

Cùm enim nulla ampliùs circumductio humorum per partem sic affectam super-  
sit, neque illa restitui possit, uti ex modò dictis paruit; unicum tantùm superest in  
Arte remedium, nempe ut tollatur illud mortuum, ne vel pressione suppositis vivis  
partibus noceat, vel suo contagio inficiat vicina.

§. 444. **S**EPARATIO hæc fit semper vi vitalis liquidì ruentis  
ad fines gangrænosaë escharæ, ibidem suffocati, sicque in suppura-  
tionem (347) acti, unde solvuntur fibræ necientes gangrænam parti  
sanæ.

Sed quomodo fiet hæc separatio mortui gangrænosi à vivis partibus contiguis?  
Vitalis humorum per vasa motus in partem mortuam agere non potest, quia in  
illa absolutè deficit, neque interim spontaneâ mutatione illius mortui hæc sepa-  
ratio obtineri poterit; in cadavere enim nunquam observatur. Superest ergo  
tantùm ut pars viva crustæ gangrænosaë contigua ab illa secedat. Semper au-  
tem observatur, quamdiu vitales functiones validæ sunt, in illo loco, ubi gan-  
grænosa crusta vivas partes tangit, rubor & inflammatio; quia in illo confinio vi-  
vi & mortui humores per vasa viva allati sistuntur, cùm non possint per crustam  
gangrænosaë transire. Sed inflammatio illa hic nata per resolutionem curari ne-  
quit, quia non possunt referari obstructorum vasorum fines; unde vel in gan-  
grænam, vel in suppurationem tendet, (scirrhus enim in hoc casu non metui-  
tur). Omne ergo Artis molimen huc dirigendum est, ut in hoc loco suppuratio  
fiat; quæ obtinebitur, si illæ adsint conditiones, vel sponte vel per Artem, quæ §.  
387, recensentur. Vitalis ergo motus sic moderandus erit, ut major sit quàm in  
sanitate, nec nimius tamen; humoribus lenitas concilianda; putredo præcaven-  
da. Tunc enim continuâ aritatione liquidorum vitalium, quæ per vasa viva &  
pervia usque ad locum gangrænosaë pelluntur, sensim solvantur latera vasorum,  
& separabitur cohesio inter vivum & mortuum: ex solutis vivorum vasorum extre-  
mis effundentur humores, qui, ut dictum fuit in *Commentariis* §. 387, in pus  
mutabuntur. Cùmque pars gangrænosa mortua, nullis ampliùs liquidis vitalibus  
irrigata, mobilissimis partibus distatis, aeris ambientis & vivarum partium  
vicinarum calore exsicceetur; contrahetur in omni dimensione, sicque secedet à  
vivis partibus adhuc magis, simulac incipiunt vasorum vivorum extrema per sup-  
purationem solvi. Critur tunc rima, quæ perfectissimè omne mortuum gangræ-  
nosum separat à partibus vivis, tuncque nullus ampliùs metus superest, ne gan-  
græna proserpat: sed eschara gangrænosa insulæ instar inter medias partes vivas  
hæret: inferiori parte plerumque diutius affixa adhuc manens, licet in reliquo  
ambitu jam soluta fuerit; donec tandem, iisdem causis pergentibus, quotidie  
magis contrahatur; tandèmq; soluta penitus excidat, & purum ulcus relinquat.  
Suppurationem autem esse unicam naturæ humanæ methodum, per quam à vi-  
vis partibus separantur illa, quæ sic corrupta sunt, ut vitæ & sanitatis legibus

obedire ampliùs nequeant; dictum fuit in *Commentariis* §. 158. no. 7, & ibidem *Hippocratis* auctoritate confirmatum. Qui plùs hic sapere voluerunt, putantes, quòd secundo, urendo, corrodendo possent citiùs perficere hanc separationem mortui gangrænosi à vivis partibus, erraverunt certè. Omnibus enim his modis vel relinquitur pars mortui, vel unà cum mortuis destruuntur viva vicina. Dum enim butyro antimoniij, vel caustico liquore ex argento vivo in aqua forti soluto (quem *Bellosius* (a) adeo laudat) tangitur gangrænosi loci illa pars, quæ vivis partibus proxima est, poterit aliquando impetrari, ne proserpens putredo vicina afficiat, sed nunquam sic fiet separatio mortui à vivo. Quidquid enim de vivis partibus tangitur acerrimis his corrosivis, illico moritur, & per suppurationem postea separari iterum debet à partibus vivis. Totum ergo, quod per hæc obtineri poterit est, ut sic putrido gangrænoso undique circumscribatur limes, in quo partes mortuæ quidem sunt, sed concentratissimis illis acidis spiritibus sic penetratæ ut omnem putredinis progressum impédiant. Sicque inter partes vivas & gangrænosum corruptum medius limbus ponitur, qui omne commercium inter vivas partes & putridas gangrænosas tollit. Ipse autem ille limbus mortuus est, & separari debet à vivis partibus, quibus cohæret; quæ separatio à sola natura perficitur per suppurationem factam, uti statim dictum fuit.

Docuerunt *Observationes Chirurgicæ*, scarificationes partium gangrænosarum sæpe prodesse, ut vis antisepticorum remedium profundius penetraret, omnisque putredo arceatur: sed simul constat eisdem *Observatis*, semper nocere illam methodum, quæ gangrænosa cultro refecantur à vivis partibus. Toties jam laudatus Chirurgus *Lamottius* ingenuè fatetur (b), quòd tentaverit aliquoties scalpello mortua à vivis separare, cum illud in *Nosocomiis* sic factum vidisset à celeberrimis Chirurgis; sed semper pessimo successu. Fæminæ, dum in morbo acuto sine sensu jaceret, scælsque clam dimitteret, oriebatur gangræna circa coccygis os. Levibus scarificationibus mali progressum tentabat impédire, sed frustra; licèt etiam profundâ incisione ambitum loci gangrænosi separaret à partibus vivis, & antisepticiis fomentis muniret. Refecuit postea gangrænosa corrupta, unde cogebatur ægra in latus alterutrum decumbere; cùmque & sic in illis corrupta auferret iteratis sectionibus, nudavit totum coccygis os, & maximam partem ossis sacri, trochanteres ossis femoris utriusque, & partem ossium ilij; donec tandem misera hæc mulier moreretur. Additque, se sæpius vidisse hanc methodum adhibitam fuisse, sed semper infausto eventu. Noc mirum; cùm in tali casu mortuum illud gangrænosum subjectas partes vivas defendat, ne ab urina & facibus conspurcentur, & rodantur. Accedit, quòd, quamdiu morbus talis acutus adest cum illa insensilitate, pondus corporis nimis diu incumbens uni parti novas gangrænas faciat in alijs locis, si situs corporis mutetur, vel crudas partes vivas, tegmine hoc gangrænoso orbatas, subito suffocet. Ubi autem leviter tantùm scarificantur loca gangrænosa in talibus casibus, & fomentis efficacibus putredo præcavetur, totùmque separationis opus

(a) *Chirurgien d'Hôpital*, part. III. chap. II. pag. 189, 190.

(b) *Traité complet des Opérations de Chi-*

*rurg.* Tom. III. *Observ.* cccxviii, & suiv. pag 335, & suiv.

naturæ relinquitur, morbo devicto, & viribus vitalibus restauratis, pulcherrimus semper observatur curæ successus, etiam in sæds profundis gangrænis; ut pluribus Exemplis modò laudatus Auctor confirmat: imò fateatur, quòd sæpius viderit in pauperibus, quorum nulla cura habita fuerat sponte suâ secessisse crustas illas gangrænosas, à decubitu circa os coccygis & vicina loca natas. Probè memini, me idem frequenter observasse, licèt nullæ scarificationes adhiberentur, sed tantùm vinò, aceto, & sale foverentur partes ad putredinem arcedendam.

- §. 445. **A**DEOQUE patet, in eo hærerè Artem, ut 1°. Fiant ea, quæ dicta, ( 433. 434. 435. 436. 437. 438. 439. 440. 2°. Ut acceleretur suppuratio. 3°. Ut emolliatur eschara.

Cùm ergo ex modò dictis pateat, solâ suppuratione posse fieri perfectam separationem mortui à vivo, hæc omni Artis molimine promovenda erit, & acceleranda: simulque, dum hæc expectatur & perficitur, cavendum est, ne nimia putredo hic nascatur, quæ vicina suo contagio inficiat; vel venis resorpta totum corpus turbet. De hac re autem numeris hic citatis actum est. Cùmque eschara gangrænosa, diffatis liquidissimis partibus aliquando corii exsucco rigiditatem ferè acquirit; patet, illam faciliùs separari posse, si priùs humectetur & emolliatur.

- §. 446. **U**T suppuratio acceleretur; conducit scarificatio putrefacti usque ad vivorum initia: sic enim, suffocatione nimia imminutâ loco serpentis gangrænæ fit abscessus, quo cutis & adeps gangrænosa plerumque à subjectis adhuc vivis separantur.

In quibusdam corporis locis tunica adiposa, præcipua phlegmones & gangrænæ sedes, satis notabilem crassitiem habet; imò, licèt satis tenuis fuerit, aliquando immeabili sanguine infarcta & inflammata in molem incredibilem distenditur. Si jam gangræna occupaverit totam hanc massam, vivi muscoli & tendines, &c, sepulti hærebunt sub hoc mortuo, neque poterunt illud amovere; unde suffocationis metus est, & magnum periculum, ne ad ossa usque moriantur omnia, & gangræna in sphacelum transeat. Ut hoc præcaveatur, scalpello solent Chirurgi sectiones facere in loco hoc gangrænoso, sibi invicem parallelas, longitudine & numero diversas, pro varia magnitudine partis affectæ. Aliquando & his addunt similes sectiones transversales, quæ priores decussant (a). Profunditas autem harum sectionum talis esse debet, ut vivas & sensiles partes subiectas non lædant, mortuas tamen quàm proximè ad viva usque dividant. Cru-

(a) Garengot, Traité des Opérations de Chirurgie, Tom. III. pag. 347.



dele enim foret & sæpe periculosum, vivas partes scalpello dividere, & longè facillior esset ingressus putridi gangrænosi, dum crudum tale vulnus allueret, quod tamen quàm maximè cavendum est. Unde Veteres jam monuerant (a) ad vivas partes usque loca gangrænosa incidenda esse. Sic & Celsus de curatione gangrænæ agens, sequentia habet: (b) *Quidquid aridum est, intentione quâdam proximum quoque locum malè habet, usque ad sanum corpus concidere.* Ita enim spiracula quasi sunt, per quæ vasa viva supposita emergere possunt, & removere mortua incumbentia; simulque retexere novam fabricam, ut suppleat illa, quæ gangræna corruperat. Perfectè idem hîc fit quod in Historia vulnenum capituli dictum fuit, quando nempe minutis foraminulis perterebrabatur calvariæ os, ad variam profunditatem pro vario corruptelæ gradu; tunc enim per hæc puncta emergebant vascula supposita, separabantur partes ossis corrupti, & restituebantur perdita. Præterea, divisis sic partibus gangrænosæ, facillior ingressus conciliatur fomentis illis antisepticis, & mortuæ partes undique his penetrantur, & ab omni putredine quàm efficacissimè defenduntur; simulque escharæ emolilitio faciliùs poterit impetrari, dum per rimas illas applicata emollientia se undique insinuant. Postquam omnia hæc facta sunt, si vitales vires bonæ fuerint, ad omnem ambitum loci gangrænosi vivæ partes inflammabuntur, fictque suppuratio, per quam totum illud mortuum, scarificationibus sic divisum & emolilitum sensim separabitur; sitque tunc ex gangræna ulcus, sed sordidum, quod tamen sic depurabitur quotidie magis magisque, dum cutis & panniculus adiposus (quæ tantum solent gangrænâ occupari, vide §. 420.) contabescunt quasi & à vivis partibus subjectis secedunt. Ubi autem gangrænâ tales partes occupat, quæ paucâ tantum pinguedine teguntur, crusta talis gangrænosa non habebit tantam crassitiem, ut scarificationes illæ requirantur; vel sine læsione partium vivarum suppositarum commodè fieri possint. Sic v. gr. dum à decubitu circa os coccygis & sacrum gangræna nascitur, rarò crassa talis crusta gangrænosa adest, quia nuda ferè ossa statim sub cute hærent.

§. 447. **Q**UO autem sanguis plùs in hòsce fines ruat, hirudines, cucurbitæ, & similia attrahentia sæpe applicata profunt.

De his dictum fuit in *Commentariis* §. 435. n°. 2. Omnia autem hæc locum habent, quando vitalium humorum impetus languet; ubi enim valida febris adest simul, sæpe prodest potius nimium circulationis impetum minuere. Præterea attrahentia his locis applicata prodesse poterunt quatenus diluentium & antisepticorum remedium, quæ ore assumpta sunt, efficaciam huc versus determinant. Videantur de horum usu, quæ dicta fuerunt in *Commentariis* §. 134.

Non incongruum erit hîc addere quædam de usu corticis Peruviani in gangrænæ & sphacelis curandis, cum ex Observatis recentioribus constare videatur, specificam vim in hoc cortice esse, quâ & sistitur serpentis mali progressus, & acceleratur suppuratio, per quam mortua à vivis separantur. Decem, elapsi sunt

(a) Galen. Method. Med. ad Glaucôn. Lib. I. cap. xi. Churter. Tom. X. pag. 388.

(b) Medicin. Lib. V. cap. xxvii. n°. xxxiv. pag. 303.

anni, quando celeris Northamptoniensis Chirurgus *Rushworthus*, literis ad societatem Chirurgorum Londinensium datis, corticis Peruviani usum in sistendis & sanandis gangrænis & sphacelis celebravit, sibi que hoc plurimis Experimentis constare affirmavit. Sequenti anno *D. Amyandus* rescripsit, quòd jam septies felici successu in sphacelo usus fuisset eodem remedio, & præsertim in sene sere octogenario, cui sphacelus ex phlegmone natus proserpebat quotidie: viginti tamen quatuor post corticem datum horis, mortui à vivis separatio, & laudabilis pus apparuit. Postea & alii celebres Chirurgi suis testimoniis confirmaverunt modò dicta. Sic in homine quinquagenario, cui sine ulla causa externa in dorso pedis prope medios pedis digitos sphacelus ortus erat, mira hujus remedii efficacia apparuit. Postquam enim per octiduum frustra applicatis internis & externis remediis solitis sphacelus totum pedem occuparet, ipsum tendinem *Achillis* jam inficeret, omnesque Medici & Chirurgi inevitabilem mortem præviderent, nihil etiam ab exsiliatione partis sperantes, quia febris valida, lingua aspera & siccissima, torvus aspectus, sitis, inquierudo, &c. aderant; unanimi consensu omnium statutum fuit, in desperato hoc casu, corticis Peruviani vires experiri. Omni quadrihorio drachma dimidia corticis huic ægro data fuit, & sequenti mane, cum vespertino tempore diei præcedentis prima dosi exhibita fuisset, jam in melius omnia tendere videbantur: febris enim & reliqua symptomata mitiora erant, pacatam satis noctem æger habuerat, nullumque progressum sphacelus fecerat. Sequenti die jam aliquid humidi ex parte affecta prodibat, & tertia post exhibitum corticem die, bini magni abscessus ad utrumque malleolum apparuerunt; unde satis patebat nullum amplius metum esse, ne serperet malum. Cum deinde sexta quaque horâ daretur eadem corticis dosi, redibat febricula levis; neque adeo laudabile pus apparuit; unde statim quartâ quaque horâ iterum exhibebatur, & ita per viginti & octo dies perrectum fuit: deinde adhuc per quinque vel sex dies sextâ quaque horâ dabatur drachma dimidia corticis. Toro autem hujus curæ decursu æger uncias decem corticis Peruviani sumsit. Musculi omnes & tendines pedis, sphacelo jam putrefacti, antequam cortex exhibebatur, sensim separati fuerunt: ossa verò digitorum pedis, metatarsi & tarsi nuda sic & corrupta successivè fuerunt abscissa. Post septem circiter menses tota cura absoluta fuit, tibiæque & fistulæ extrema firmâ cicatrice sere integre obducta erant; potuitque ligneo cruri innitens æger incedere, & postea optimâ valetudine usus fuit (a).

Plures ibi casus recensentur, quibus constat, corticis Peruviani usum gangrænâs & sphacelos cohibitos fuisse, ne vicina sana inficerent; & deinde felici separatione mortua à vivis secessisse, licet nulla omnino febris intermitrentis indicia forent in toto morbi decursu; & quamvis ab externa læsione gangræna nata fuisset: quinimo, cortice exhibito omnia pulchre cederent, intermissò ejus usu, mox in pejus omnia vergere observatum fuit; datæque iterum cortice, felix denuo fuit successus. Bini tamen ibidem recensentur casus, quibus patet, dato quamvis cortice, periisse ægros, neque superatam integre fuisse gangrænâ. In hydropico nempe, dum puncturis crurum collectæ lymphæ parabatur exirus, sphacelus ortus fuit dato cortice quidem sistebatur malum, sed immedicabili ictero obsessus æger; morboque & remediis evacuantibus exhaustus, gangrænâ crus alterum occupan-

(a) Philosoph. Transactions, no. ccccxxvi. | pag. 643. - 652;  
pag. 429. & 434. Abridgement, Tom. VII, |

te, fato cessit. Alter casus observatus fuit, in quinquagenario viro, cui post liberiores bacchi usum, & inde ortam cachexiam, phlegmone pedis in sphacelum digitorum & metatarsi transivit. Frustra plurimis remediis tam externis quam internis adhibitis quotidie serpebat sphacelus, cum febre lenta, & copioso urinæ limpidioris profluvio. Tandem quartâ quâque horâ dabantur scrupuli bini corticis Peruviani; & licet in ejus usu per aliquot dies pergeretur, nihil tamen profuit nec sphacelo, nec urinæ profluvio; & ægrotus intra duarum septimanarum spatium periiit.

Plures alii casus, qui corticis Peruviani vires in curandis gangrænis & sphacelis probant, habentur in *Actis Edinburgensibus* (a). Cum autem frequentissimè gangrænas, & aliquoties sphacelos, etiam in senibus, sine corticis Peruviani usu, non tantum subsistisse, verum etiam pulcherrimè separatos à vivis partibus, imò & sanatos viderim, nondum auderem ex propriis Observatis aliquid hic determinare. Meretur certè rei hujus dignitas, ut quâvis datâ occasione tentetur, quid cortex Peruvianus in his morbis valeat.

§. 448. **INCISA** (446) pars calidis liquoribus, corruptioni resistentibus (438), & duritiem escharæ (389) emollientibus (403,) fovenda.

Ut fiat separatio mortui gangrænosæ à vivis partibus, quibus adhæret, pulcherrimè convenit sic emollire & humectare hanc crustam gangrænosam, ut ferè diffluat: sed dum hoc fit, putredinis semper metus est. Debent ergo talia applicari, in quibus emolliens hæc vis est, sed & simul antiseptica his miscenda sunt. Dum ergo alcohole vini, spiritu vini camphorato, & similibus folis fovetur locus gangrænosus, impeditur quidem putredo, sed indurantur omnia, & dum incisionibus satis profundis factis hæc suâ efficaciâ penetrare possunt ad partes vivas suppositas, illas emori faciunt, sæpeque novas crustas mortuas generant. Ubi autem emollientibus foveantur hæc loca, pauculum illud mortuum, quod in locis scarificatis vivis vasis incumbit, ita laxatur, ut ferè diffluat, adeoque vix amplius vivis vasis cohereat, unde facillimè inde separari poterit vi vitalis humoris, per vasa viva supposita huc pulsæ. In *Materia Medica* ad hunc numerum habetur liquor talis, qui potentissimè putredini resistit, simulque ibi describitur cataplasma emolliendis escharis gangrænosæ inserviens; quod partim ex aromaticis antisepticiis herbis, partim verbè ex emollientissimis constat. Solent Chirurgi similibus cataplasmatibus, antequam applicabuntur parti affectæ, inspergere liquores antisepticos, sicque pulcherrimo effectu bina hæc adminicula conjunguntur. Simplex cataplasma ex avenæ vel fecalis farina, quæ citissimè acefcunt, in lacte ebutyrato decoctis, addendo sub finem rutam recentem contritam, salis ammoniaci aliquam quantitatem, & oleum lini vel simile, ne nimis citò arefceret hæc puls, utrique huic indicationi optimè satisfacit.

(a) Medical Essays Tom. III. pag. 35 — 47. Tom. IV. pag. 47. — 65.  
Tom. I. Z z z z

§. 449. **PARTES** pendulæ, emortuæ, solutæ, emolliæ escharæ tollendæ tenaculis, forfice.

Dum omnia hæc sunt, crustæ illæ gangrænosæ, inprimis si scarificando in plures partes divisæ fuerunt, incipiunt solvi, separari à se mutuo & vivis partibus, runcque aliquando pendulæ, paucis adhuc tantum in punctis coherere. Dum depurationi loci gangrænosi nimis student sæpe Chirurgi, avellunt hos foccos gangrænosos tenaculis, sicque sæpe dolorem faciunt; imò & circa loca tendinosæ convulsionem & tetanum; dum irritant vel trahunt nudos sæpe suis vaginis mucolis tendines; uti constat Observationibus Medicis & Chirurgicis in *Commentariis* §. 164. allegatis. Quantum noceat, crudeli curâ mortuas partes, etiam nondum emollitas, sed vivis coherentes rescindere, dictum fuit in *Commentariis* §. 444. Natura toties in curandis morbis sibi sola sufficiens, perficiet, separationem mortui à vivis, quam inchoavit: totum, quod Ars potest, est, ut bono victu & idoneis remediis efficiat, ut sani humores debitâ copiâ & impetu per vasa viva huc ferantur, & continuâ quasi arietatione repellant has crustas gangrænosas, emollientibus fomentis & cataplasmatibus laxatas; simulque putredo hic metuenda caveatur antisepticiis medicamentis. Quidquid autem ab omni cohesione cum vivis liberum est, tolli debet, ne diutius relictum & putrescens tenerimis vasibus suppositis noceat: si pendulæ gangrænosæ lacinæ pro parte coherere adhuc, forfice rescindendum est omne illud, quod à vivis partibus solutum est; relinquendum autem illud, quod adhuc coheret: dum enim illud à vivis partibus avellitur, crudum vulnus, fit, sanguinem fundens, quod à gangrænoso tabo pessimè affici posset; facilisque foret in crudo sic vulnere putredinis gangrænosæ resorptio. Generalis ergo regula haberi potest, nihil hic tollendum esse, quo ablato dolor nascitur, vel sanguis effunditur.

§. 450. **TOTI** parti affectæ assiduè applicanda cataplasmata calida, & cum calore continuo sustentato agentia; quæ ex emollientibus, diaphoreticis, anodynis, consent.

Cùm in parte gangrænosa vitalium humorum per vasa motus nullus sit, calor inde pendens pariter deficiet; adeoque calore externo supplebitur ille defectus. Facile autem patet, hoc tantum locum habere, si crassæ satis fuerint crustæ illæ gangrænosæ; aliter enim vivarum partium suppositarum calor sufficeret. Solent ideo etiam ad hunc usum cataplasmata fomentis præferri, quia pulvis illæ calorem diutius retinent, neque tam citò exsiccantur, adeoque non tam sæpe renovari possunt. Lateribus autem illis calefactis, de quibus antea dictum fuit, applicatis, commodè poterit sustineri calor. In illis autem cataplasmatibus, uti statim §. 448, dictum fuit requiritur & emolliens vis, & simul ut adsint talia, quæ putredinem arceant, & grato stimulo aromatico viva vasa parum stimulent, (vide de his *Commentaria* §. 435. n°. 2.). Varia ergo hæc esse debent pro diversa loci affecti conditione. Si enim ingens siccitas adsit, emollieria & humectantia quàm maximè proderunt, si autem putredinis validæ signa

adfuertit antisepticorum major copia requiritur. Si pallor, frigus, inertia prædominentur in toto corpore, vel in parte affecta, aromatum stimulantium major copia proderit; & contrà si valida inflammatio circa gangrænæ limites addit, flores sambuci, sempervivum & similia refrigerantia proderunt. Solent autem his cataplasmatibus addi anodyna, quæ doloris sensum sæpe satis molestem, dum gangrænosa eschara à vivis partibus separatur, obtundunt & leniunt. Eschara enim hæc innumeris nexibus hæret partibus vivis sentientibus: dum ergo illa sensum se contrahit, & in omni dimensione minuitur; lentâ dilaceratione distrahuntur nervosæ sensiles fibrillæ in partibus vivis gangrænosam escharam ambientibus; unde dolor (vide §. 220. 221.). Patet ergo iterum, quantum usum emollientia & laxantia in tali casu habeant, cum & citius his applicatis eschara gangrænosa solvatur; & dolor à distractis fibris nervosis ortus tam pulchre leniatur per eadem, ut probatum fuit in *Commentariis* §. 228. n°. 1. Simul tamen possunt & his cataplasmatibus addi talia, quæ manente quamvis doloris causâ ejus sensum minuunt, uti v. gr; hyoscyamus, solanum Officinarum, &c. In *Materia Medica*, ad hunc numerum talis cataplasmatidis formula habetur.

§. 451. **H**UC etiam plurimum facit rarior partis detectio, quam vulgò fieri solet.

Quanta cum velocitate sæpe proferpat gangræna & sphacelus, antea Chirurgis & Medicis Observationibus fidelissimis constat: ob hanc causam pessima semper quævis metuentes Chirurghi partes gangrænosas sæpius inspiciunt, & merito quidem, quamdiu nondum constat, gangrænæ progressum cohibitum esse. Postquam autem crena illa, separans mortui & vivi confinia, apparuit in omni ambitu loci gangrænosi, limes positus est serpenti malo, quem nunquam transibit, quia soluta est continuitas, quâ partes mortuæ cohærebant vivis. Nullum ergo periculum est, licet cataplasmata illa diutius maneant applicata sine renovatione; constant enim talibus, quæ putredinem hic metuendam prohibent, & continuâ hæc maceratione crustæ gangrænosæ citissimè contabescunt, & suppuratio adeo hic necessaria promovebitur. Dum autem sæpius renovatur apparatus, aeris liber accessus partibus vivis, nudis jam hæc crustâ gangrænosâ, nocebit, uti demonstratum fuit in *Commentariis* §. 204, præcipuè si diu scrutando, & instrumentis suis depurando, loco gangræ noso notabile tempus impenderint Chirurghi, uti aliquando facere solent. Sufficit, ut Chirurgus ter quaterque in die accedens subollaciât, an aliquid putridi deprehendat; & si nihil tale addit, tunc totum apparatus per viginti quatuor horas relinquat.

§. 452. **U**BI, his (446. 447. 448. 449. 450. 451.) factis, eschara contrahi, scarificata tumescere, margo sana tumere, rubere, suppurari, mortuum vacillare incipit, signum est, separationem fieri, subsistere serpens malum, brevi purum futurum locum.

Postquam vitalis liquidi vi, ruentis ad fines gangrænosæ escharæ, solutæ sunt  
Z z z z ij

fibræ neſcentes gangrænam parti ſanæ, vaſorum vivorum extrema retrahentur illâ vi, quæ explicata ſuit in *Commentariis* §. 158. n°. 1, interimque eſchara gangrænoſa, quæ nihil ampliùs per vaſa recipit, calore partium vicinarum perdet mobiliffima & fluidiffima; adeoque exſiccabitur & mole minuetur: unde in omni ſuo ambitu contrahetur, & recedet à margine vivo, cui co hæſit: utroque illo effectu conſpirante naſcitur rima illa, inter vivas partes & eſcharam gangrænoſam media, quæ limitem certiffimum ponit proſperpentem antea malo. In illo autem loco vaſa viva, mortuo hoc tegmine libera, incipiunt perſpirare, & liquores patulis ſuis oriſciis effundere, unde tunc in rima illa humiditas apparet, quæ redeuntis vitæ in hoc loco optimum ſignum eſt. Si autem ſcarificationibus gangrænoſa eſchara diviſa fuerit, paulò poſt & illarum fundus, qui antea ſicciſſimus fuerat, humectari incipiet. Facile autem hoc diſtinguitur ab humectatione illa, quæ ſomentis & cataplaſmatibus applicatis debetur. Si enim his remotis pars bene deterſa inſpiciatur, ſicca omnino apparebit, quamdiu nondum incepta eſt ſeparatio mortui à vivo; & contrà, ſi jam viva vaſa ſuppolita removerint ſaltem pro parte mortuum incumbens, in fundo ſcarificationem apparebit manifeſta humiditas, quæ licet prudenter deterſa fuerit, redibit illico. Paulò poſt incipiet ſuppuratio naſci: ſed ſtatim in illa rima, quæ gangrænoſum mortuum à vivo margine ſeparat, non apparet bonum pus, ſed aliud à conditionibus boni puris degenerans liquor; pariterque à tabo gangrænoſo diverſus, interque illum & pus quaſi medius. Illud enim liquidum quod per vitalia vaſa jam libera & aperta aſſertur, morâ, calore, & diſſipatione vel reſorptione partis liquidiffimæ in pus convertitur; verum mortuum gangrænoſum, in tenuem ichorem diſfluens, huic ſe miſcet. Perfectè ergo illud tunc obtinet, quod *Galenus* in loco citato in *Commentariis* §. 387, tam pulchre dixerat: nempe (a) *mixta quædam ſanguinis mutatio fit, partim quidem ab ea, quæ præter naturam, partim verò ab ea, quæ ſecundum naturam cauſa eſt; quarum ut illa, quæ præter naturam eſt) putrefacit; ſic iſta (quæ ſecundum naturam eſt cauſa) concoquit. Earum verò utraque prævaluerit, protinus indicia, tum in calore, tum in odore, tum in ſubſtantia, neceſſariò conſequentur.* In initio enim ſeparationis ſubrubellus ichor eſt: ſed tamen craſſior parum & unctuoſior, ſequentibus verò diebus ille magis magisque ad conditiones laudabilis puris accedit, donec tandem omnes boni puris dotes habeat. Margo autem vivus, undique ſolutus à gangrænoſo mortuo, quod illi adhæſerat, ſe jam perfectè habet, ut labia vulneris; unde incipiet tumere, rubere, dolere, calere, &c, ob rationes expoſitas in *Commentariis* §. 158. n°. 5. Omnia autem eadem etiam ſient in partibus vivis, quæ eſchæræ gangrænoſæ ſubjacent: nam & illæ ſenſim ſeparabuntur ab hoc mortuo; unde cruſta illa, quæ antea validè adhærebat, incipiet mobilis fieri & vacillare, dum digito tangitur, & levi preſſione in omni ambitu liquidum ſub illa collectum exit; ſicque ſenſim, ſolutis omnibus nexibus, quibus mortuum hærebat vivis partibus, illud excidit; tuncque relinquit purum vulnus cum jactura ſubſtantię, quod repleti & conſolidari debet.

(a) Prognost. Comment. L. Sentent. XLII. Charter. Tom. VIII. pag. 618.

\* §. 453. **T**UM Ienia, anodyna, balsamica, digestiva applicanda sunt; raro detegendum ulcus est; omnia, quæ fibris rigiditatem dant, vitanda; quies parti danda; & porro instar ulceris malum petraclandum erit (411).

Postquam ergo serpens malum substituit, & gangrænosa crusta, à margine vivo separata, insulæ instar inter partes vivas hæret, tunc considerandum est tamquam ulcus sordidum, quod primò depuratione, & dein perditæ substantiæ regeneratione & consolidatione indiget. Unde de gangrænæ curatione agens Celsus optimè dixit: (a) *postea si vitium consiliit, imponi super vulnus eadem debent, quæ in putri ulcere prescripta sunt.* Sed depuratio hujus ulceris consistit in eo, ut tam citò, quàm fieri possit, excidant gangrænose crustæ, impetu vitalium humorum per vasa allatorum separatæ à partibus vivis, quibus adhærebant. Hoc autem obtinebitur inprimis talibus remediis, quæ gangrænosas illas crustas laxant & emolliunt. Mollissimum hinc unguentum aureum, basilicum, sive tetrapharmacum, ab ingredientium numero dictum, butyrum recens, &c, tanti hic usûs sunt. Neque metuendum est, ne vasa viva emollientissimis his nimis laxata in fungosam dictam carnem degenerent; impedit hoc enim his incumbens crusta gangrænosa; quâ ablata, & puro sic reddito loco, applicantur talia, quæ blandè roborant, & nimiam vasorum dilatationem coercent. Sed & simul hæc emollientia anodyna sunt, ob rationes dictas in *Commentariis* §. 450. Si autem pro parte jam separatis crustis gangrænohis vasa viva nuda incipiant nimis attolli, mastiche pulvis infusus his locis facillè hoc tollet; dum interim eadem emollientia reliquis plagæ partibus imponuntur. Rara detectio loci affecti quàm maxime proderit, ut §. 451, dictum fuit. Omnia autem spirituosâ, ut alcohol vini, spiritus vini camphoratus, theriacalis, &c, putredinem quidem prohibent, sed curam retardant, dum fluida coagulant, & fibras solidas faciunt rigidissimas, adeoque difficiliùs separabitur mortuum à vivis, cum solidarum partium per hæc augeatur cohesio. Idem continget, si acribus lixivis, salis marini, ammoniaci, &c, pars gangrænosa continuò foveatur: notum enim est quotidiano Experimento, carnes animalium, muræ immerfas, indurescere. Sufficiens ergo modò dicta. Sed & quiescere pars debet, ut meliùs in situ maneat apparatus; atque etiam, ne, motâ parte, pulpofa illa & mollia vasa atterantur ad gangrænosas escharas, sicque destruantur. Reliqua autem quæ requiruntur ad integram curationem gangrænæ, postquam omni mortuo separato purus factus est locus; intelliguntur facillè ex illis, quæ dicta sunt in *Commentariis* §. 411, ubi de curatione ulceris aperti agebatur.

§. 454. **S**I ab impactu acri, gelu, gangrenâ (§. 427. n°. 6.); pars nive imposita, vel impositis lintreis aquâ gelidâ humectatis, operienda erit, donec, spiculis frigoris in nivem vel aquam receptis, iterum solvi incipiat, redeunte vitâ.

(a) Medicin. Lib. V. ca. . xxvi. n°. xxxiv. pag. 304.

Abfoluta jam foret gangrænæ curatio, quæ in omnibus cafibus locum haberet, niſi obſervaretur quædam gangrænæ ſpecies, quæ à frigore ingenti naſcitur (vide §. 422 lit. γ.). Hujus gangrænæ ſigna diagnoftica enumerata fuerunt §. 327. n°. 6. Si autem cura hujus gangrænæ tentaretur methodo hæſtenuſ deſcriptâ, pars affecta citò & certò ad oſſa uſque ſphacelo corrumpetur, & de corpore decideret; utl in Borealiſ regionibus, & etiam in hiſ, triſtibus Exemplis toties conſtitit, dum acerrima ſæviebat hyems. Omni ergo curâ hæc gangræna à reliquis diſtinguenda erit: quod facilè fieri poterit, ſi ad cauſam prægreſſam, & ſigna præſentis hujus gangrænæ attendatur.

Frigus meram tantùm caloris privationem eſſe, voluerunt Scholæ; adeoque à frigore orta mala calore applicato cutari poſſe crediderunt multi. Sed ſi conſiderentur frigoris effectus, videtur illud non eſſe privationem ſimpliciter, ſed potiùs ens Phyſicum diſtinctiſſimum ab omni alio. *Helmontius*; qui ubique in Scholas acerrimè invehitur dicit (a) quòd dum vir juvenis deſcenderet manè ex Alpiſ perpetuâ nive teſtis, tamen in illo cervicis latere; quod ſolem reſpiciēbat, veſicas ambuſtis ſimiles habuerit. Unde concludit, in eodem loco, tempore, & ſubjecto (aere nempe) hætere tantum calorem, qui cutim in veſicas attolleret; ſimulque tale frigus, quod impediret nivis ſolutionem per calorem ſolis; adeoque poterat & frigus & calor ſimul exiſtere, licèt ſe mutuo non deſtruerent; hinc voluit patere, frigus non eſſe caloris privativam abſentiam, ſed ens verum. Si conſiderentur illa, quæ in congelationibus liquorum artificialibus contingunt, apparet, frigus habere ſatis mirabiles proprietates, & tranſire poſſe ex uno corpore in aliud; ſicque poſſe augeri immaniter, dum frigidifſimo v. gr; jam corpori novum continuò conciliatur frigoris augmentum. Unde acutiſſimus Philoſophus *Reaumurius*, cui tot & tanta inventa debentur, comparavit hanc frigoris proprietatem, ignis adeo notæ virtuti, quâ à minima etiam ſcintillula, materiâ inflammabili, exceptâ, ſummus ignis excitari poteſt. Verùm utl requiritur ignis actualis ad producendum novum ignem hoc modo, ſic etiam glacies ſemel facta novam glaciem producere valet (b), & admiſtis quibuſdam ſaliſus, &c, frigus glaciei augeri poteſt quàm maximè, etiam mediâ aſtate. Aqua certo frigoris gradu fluiditatem ſuam amittit, & in corpus ſolidum mutatur, tuncque glacies dicitur: & adeſt in hac glacie aliquid, quod inde exire poteſt, & corporibus contiguis ſolidis liquidifque inſinuari. Si enim v. gr; glacies, illum frigoris gradum habens tantùm, qui requiritur, ut non diſſuat in aquam, miſceatur ſali marino, augetur frigus; & utl docuerunt Obſervata, illud frigoris augmentum tantùm fit, quando glacies incipit deliqueſcere (c): ſi tunc huic miſcelæ ex glacie & ſale marino immergatur vaſculum aquam continens, illa in glaciem mutabitur multò frigidior ad thermometer, quàm erat prior illa glacies, cujus miſcela cum ſale marino frigoris illud augmentum factum fuerat. Sicque repetitis vicibus glaciem ſic factam cum ſale marino miſcendo poterit frigoris gradus augeri immaniter; utl pulcherrimis Experimentis in *Adit Parisiſis* loco modò citato conſtitit. Hæ autem frigoris proprietates cognitæ fortè

(a) *Ortus Medicin. Capit. Natura con-*  
*griorum neſcia*, pag. 135. n°. XXIII. XXIV.

(b) *Académ. des Sciences l'an 1734. Mém.*  
pag. 228.

(c) *Ibid. 252.*



aliquam lucem affundere poterunt illis, quæ observantur fieri in partibus corporis humani acerrimo frigori expositis. Calor corporis nostri, dum fani sumus, etiam in summo ætatis terrore, superat aeris ambientis calorem; unde patet, requiri acerrimum frigus, antequam possint partes corporis nostri gelu rigescere. Cum autem, cæteris paribus, calor minor sit in extremis partibus corporis, quia celeritas sanguinis per vasa moti minuitur in maxima à corde distantia; ideo frigoris aeris ambientis effectus in pedum manuumque digitis, nasi apice, & auriculis præcipuè observantur. Cum autem gelu aquam priùs fluidam convertat in rigida spicula; pari ratione & humores nostri, qui maximam copiam aquæ in se habent, afficiuntur. Omnis ergo influxus & effluxus humorum per vasa cessabit, cum fluidi naturam amittant congelati humores; ergo aderit gangræna: ut patet ex ejus definitione data §. 419. Cum autem in minimis tunc & tenerimis vasculis congelata illa spicula hæreant, faciliè patet, si hæc moveantur calore subito applicato, frictionibus, &c, debere destrui omnia. Si enim supponatur, pro parte resolutis his spiculis, motum redire circulatorium in parte; necessariò omne illud, quod nondum in fluxum conversum est, illico hærebit circa vasorum angustias: cumque impetus liquidi vitalis à tergo urgentis in hæc obstacula agat, rigidis & acutis his moleculis vasorum cohesio debet destrui citissimè; adeoque brevi fiet immedicabile malum, nihilque supererit, præter corrupti & mortui à vivis partibus separationem. An non augentur hæc mala, quia salinæ liquidorum nostrorum moleculæ, per congelationem, excutuntur, & in majores massulas conrescunt; quæ mortæ antequam iterum in fluidis solutæ fuerint, rigiditate suæ molis & figuræ pariter nocere possent? Saltem hoc Experimenta docent, aquam sale gravidam non nisi majore frigoris gradu congelascere; & antequam congeletur, salem inde excuti & in fundo colligi.

Docuerunt jam Observationes, in frigidissimis regionibus satis frequentia hæc mala felicissimè sanari, si partibus congelatis applicetur aqua frigidissima, congelationi proxima: tunc enim causa illa Physica, quæ in partibus congelatis fluida fecerat converti in rigidam glaciem, inde educitur, & aquam proximæ parti contiguam congelat. Hoc modo liquidis pristina redit fluiditas, quibus per cardiacæ stimulantia, frictiones, &c, tunc tutò conciliatur motus. *Hildanus* sic refert (a) Septentrionalium plagarum incolas, dum vespèri domum redeunt, priùs nive perfricare manus, extremum nasum, & auriculas antequam ad ignem accedunt, vel vaporarium ingrediuntur. Imò ex relatione viri fide dignissimi narrat, quòd viator, qui in itinere frigore obriguerat, cum quasi mortuus ad divertorium deduceretur, hospes illum demerserit illico in frigidam aquam, quo facto, undequaque spicula glacialia exiverunt, sic ut totum corpus glaciali tali crustâ tectum undique conficeretur. Postea exhibitò ampliore cyatho hydromelitis cum pulvere cinamomi, macis & caryophyllorum in lecto sudor provocatus est; sicque convaleuit, amissis tamen manuum & pedum extremis articulis.

§. 455. **ALITER** enim caloris applicatu pars putrescit, aëis, nec educitis spiculis.

(a) De gangræna & spliacelo cap. xiii. pag. 754.

Dum enim, nondumeductâ illâ causâ Physicâ, quæ congelationem fecit, conciliatur motus per calorem externum spiculis illis glacialibus, destruuntur tenerrima vasorum omnium stamina; ut statim dictum fuit. Pulchre hoc apparet in pomis congelatis: si enim illa igni admoveantur, ut regelascant, omnem saporem perdunt, & in mollem pulpam conversa corrumpuntur brevi. Si autem frigidissimæ aquæ, & tantum non congelatæ immergantur, pulchro spectaculo crusta glacialis undique hæc poma tegere incipit; quâ deciduâ, iterum aquæ simili immerguntur; illudque repetitur, donec nulla amplius glacies ex pomis his prodire deprehendatur: deinde detergâ & siccata pristinum saporem retinent, & diu servari possunt. Idem fit & in corporis humani partibus, summo gelu contractis, si imprudenter calori exponantur, antequam glacialia illa spicula, nivis vel aquæ gelidæ applicatione,educta fuerint: corruptæ enim verosphacelo tales partes decidunt. Videtur jam hoc monuisse Hippocrates, dum dicit: (a) jam verò etiam quibusdam pedes perfrigerati deciderunt ex calidæ affusione.

§. 456. **E**O autem peracto (454) calidis refocillandus, cardiacis; & in sudorem usque calefaciendus æger est.

Postquameductis glacialibus illis spiculis nullus metus est, ne excitato motu partes destruantur, tunc dantur talia, quæ in parte affecta, & in toto corpore majorem paulò excitant motum, & æquabilem calorem diffundunt per omnia. Sic enim expeditissima iterum redibit humorum circumductio per illas partes, in quibus paulò antè mera stagnatio & quies aderant. Unde lenes frictions tunc commendat *Hildanus* (b); deinde fomenta ex lacte dulci decocto cum foliis lauri, rosmarini, salviæ, lavendulæ, &c. applicari voluit, & postea in lectum composito ægro calida sudorifera propinavit; fomentis interim illis continuò applicatis ad partes affectas, ut sic determinatio excitati motus per remedia interna potissimum versus has partes fieret. In *Materia Medica* formulæ talium remedium habentur. Solum certè ligni sassafras infusum, vili pretio parabile, potatum largâ copiâ profuisse vidi sæpius in pauperibus, qui, rigidissimâ hyeme prægressâ, in hæc inciderant infortunia.

## S P H A C E L U S.

§. 457. **S**i gangræna jam in sphacelum conversa, infectum aufertendum:

Quid sphacelus sit, dictum fuit in *Commentariis* §. 420, ejusque præsentis signa enumerata fuerunt §. 429; patuitque ex illis, nihil aliud tentari posse;

(a) De liquidorum usu cap. 1, Charter. Tom. VI, pag. 444.

(b) De gangræna & sphacelo cap. XIII, pag. 793.

quàm ut auferatur illud, quod sphacelo corruptum fuerit. In gangræna incipiente adhuc aliqua spes erat, fecili correctione posse superari malum, si subito efficacissima adhiberentur auxilia ( vide §. 441 ); ubi autem ad ossa usque omnia emortua sunt in sphacelo, nunquam poterit redire in has partes vita; adeoque unica tantùm indicatio curatoria superest, nempe ut mortuum naturâ, vel Arte, à vivis separetur. Mira Historia, in *Commentariis* §. 429. n°. 4, enarrata, de anu illa, quæ crus sphacelo affectum per plures menses gessit spiritu terebinthinæ conditum, docet quidem, in exsucco tali corpore potuisse caveri putredinem sic in parte mortua, sed tamen hæc non erat sphaceli curatio, quæ semper separationem omnimodam mortui à vivis partibus requirit. Quinimo in loco ibidem citato habetur, quod etiam in decrepita hac ætate natura separationem mortui à vivis partibus molita fuerit. Postquam enim per quinque integros menses lecto affixa fuerat, sponte notabilis fissura apparuit in confinio mortui & vivi; perfectam tamen separationem corruptæ partis in ultimo illo senio nullus expectare poterat, & mors brevi post secuta fuit. In sanis tamen, & in flore ætatis constitutis hominibus, sponte separatas cecidisse partes sphacelo infectas, constitit Observatis certissimis, in loco modò citato, ut etiam in *Commentariis* §. 432, enarratis. Naturæ ergo ductum sequuntur Medici & Chirurgi, dum sphacelatas partes tollunt, & quidem quàm ocysimè, si talis conditio ægri fuerit; ut & ferre possit illa, quæ ad hanc ablationem requiruntur; & spes sit illum supersitum esse posse, postquam hæc facta fuerint. Licet enim in raris casibus sponte ceciderint partes corporis sphacelo corruptæ, tamen longè frequentius solet prosperare hoc malum, & vicina viva depascere; adeoque tutius & melius videtur, illico rescindere mortuum, ne partes sincere trahantur. Ubi verò sphacelus non progreditur amplius, tunc sine periculo licet expectare per aliquot dies salutaria hæc naturæ vincentis molimina; modò interim antiseptics remediis partes condiantur, & ab omni putredine serventur. Præcipuè, si talis fuerit partis affectus conditio, ut non multum damni sequeretur, licet aliquem adhuc progressum sphacelus faceret. Uti v. gr; si pedis inferiora sphacelata essent, nisi citissimè adscendat sphacelus, sine periculo expectari hic potest sæpe per aliquot dies, cum extirpatio in hac parte sub genu semper fieri debeat; uti postea dicitur in *Commentariis* §. 468.

**Q**UÆ ablatio diversa, prout pars vel tota, vel pro parte affecta, vel prout tota tolli non potest ob situm; ut nates, &c.

Cùm in ablatione infecti, uti postea dicitur §. 467, sanum quàm maximè conservandum, omnèque corruptum tamen integre auferendum sit, patet faciliè, magnam hic diversitatem occurrere in curatione. si membrum aliquod, brachium v. gr; integre corruptum fuerit, vel tantum pro parte. Præterea extirpatio propriè dicta, quâ tota pars affecta tollitur, locum tantum habet in extremis corporis, non autem in aliis locis. Unde v. gr; dum ab decubitu diuturno in morbis omnia circa os sacrum & coccygis vero sphacelo corrumpuntur, faciliè patet, situm harum partium non permittere, ut rescindantur omnia mortua una cum

ossibus; sæpe tunc etiam affectis. Idem verum est, si ab eadem causa, circa prominentes vertebrae spinas, scapularum eminentias, ossium femoris trochanteres majores, &c, simile malum oriatur.

§. 459. **S**i ergo pars non usque in fundum corrupta, aut extirpari nequit, conamur, 1. Progressum impedire. 2. Corruptum auferre.

Accidit aliquando, ut, panniculo adiposo ad enormem crassitiem distento & gangrenoso facto, omnia ad ossa usque omnino emortua credantur, licet tamen aliquid vitale in subiectis partibus sæpe supersit, quod incumbente hoc mortuo liberatum vitam redintegrat in membro, quod extirpandum credebatur. Mirabilis talis casus in *Commentariis* §. 338, memoratus fuit, qui hoc confirmat. Licet enim, post validam contusionem anterioris partis cubiti, tota manus pallida & frigida esset, & scarificationibus etiam profundis nullus perciperetur dolor; imo per manum transactâ lanceolâ ne guttula quidem sanguinis exiret, tamen sensim calor & vita redierunt in hanc partem; quæ penitus mortua videbatur. Decumbebat in Nosocomio ante multos annos mulier, quæ pessimam necrosim à decubitu circa os sacrum habebat, sic ut non tantum integumenta corrupta forent; verum etiam ipsius ossis sacri satis magna superficies nigresceret. Cum jam ferè desperaret de sanatione tanti mali celeberrimus *Boerhaavius*, qui ejus curam habebat, inceptum lamellæ corruptæ ab osse sacro separari, & vivum os suppositum vasis emissis retexit novum periossteum, sicque ad cicatricem perductum fuit tam grave malum. Ubi ergo aliqua adhuc spes superest; nondum omnia penitus corrupta esse; vel conditio loci extirpationem mortuæ partis vetat, tunc binæ oriuntur indicationes: impedire nempe, ne mortuum vicinas partes vivas inficiat, & progrediatur; & deinde separare omne illud quod corruptum erat.

§. 460. **P**ROGRESSUS tollitur, si communicatio mortui cum vivo aufertur.

In parte sic mortua omnes humores quiescunt in vasis suis, vel his ruptis effusi stagnant. Quamdiu autem inter mortuum & vivum cohesio manet, liquida allata per vasa adhuc viva sistuntur illo in loco, ubi sphacelus incipit; adeoque & suffocabitur motus in parte viva in vicinia mortui, sicque propagabitur malum. Neque poterit hoc impediri, nisi tollatur vivi cohesio cum mortuo; quod simulac factum est vel naturâ, vel Arte, per vasa viva abrupta exhibunt humores, extrema vasorum soluta retrahentur, rima fiet mortuum à vivo separans, neque tunc amplius prosperet sphacelus, licet etiam plurimæ concurrant causæ, quæ sphaceli propagationi quàm maximè favent. Docuit hoc sequens casus, satis singularis. Miles furti reus, ut supplicium evitaret, ex castelli muris precipitem se dedit, pedesque sic rupibus impegit, ut non tantum illos luxaverit, verum etiam binas fracturas habuerit cum vulnere. Cum pauci tantum milites adessent, nullus erat in hoc loco Chirurgus; unde miser ille

sine ullo auxilio Artis per quatuor menses jacuit, stramine incumbens, & solo pane & aquâ vivens. Non mirum ergo, quòd gangræna & dein sphacelus utrumque pedem occupaverit. In calamitosissimo hoc statu tamen separatio mortui à vivis partibus facta fuit in utroque pede paulò supra malleolos, & circa hunc locum partes vivæ tumentes protuberantem formabant annullum, qui sic coercuit sphacelum, ut nullo modo proferperit amplius; licet omne illud, quod his annulis supponebatur, teterima putredo depasceret, quæ talem mephirim spirabat calidissimâ anni tempestate, ut totum castellum inficeret, unde congebantur illum ad Nofocomium proximæ urbis deferre. Rescuerat miser homo cultello, quem habebat, sibi ipsi dextrum pedem, circa articulum tibię cum tarsi ossibus, sine ullo dolore, aut hæmorrhagiâ; atque dum ad Nofocomium transportabatur, magna pars sinistri pedis defluerat: & licet in itinere intollerabilem foetorem spargeret, ubicumque transfiret, instar putridissimi cadaveris, limites tamen per separationem vivi à mortuo à natura positos nunquam transgressus est sphacelus. Cùmque tibię & fibulæ extrema nuda omnino corrupta forent, utriusque cruris exstirpatio facta fuit, & postea satis brevi tempore convalescit (a). Patet ergo, sphaceli progressum tolli, si communicatio mortui cum vivo auferatur.

§. 461. **I**D fit, si in vicinia sani & mali limes ponitur secando; urendo, rodendo; isque undequaque satis profundus.

Ars naturam imitando conatur tunc limitem talem ponere, quo impediatur mortui progressus & communicatio cum vivis partibus. Sed nunquam hoc poterit fieri tam accuratè per Artem, ac quidem à natura factum observatur, quæ omne mortuum perfectissimè à sanis & vivis partibus secedere facit, interimque omne vivum servat illibatam. Ubi enim cultro, igne vel erodentibus hoc fit, semper relinquitur pars mortui, vel destruuntur viva simul. Probarum enim fuit in *Commentariis* §. 444, solâ viralis liquidi, ad fines corrupti ruentis, efficaciam solvi nexus illos, quibus mortua cohærent vivis, & deinde blandâ suppuratione separari undique hæc & excidere. Quàm proximè autem ad partes vivas, sed in mortuis tamen, convenit igne vel cultro limitem illum ponere. Cùm enim in hoc casu omnia nondum in fundum usque corrupta supponantur, vel talis partis affectæ conditio fuerit, ut integre tolli nequeat; crudele foret vivas partes sic destruere, atque inde summi dolores inflammationes, &c, nascerentur, inprimis cùm in sphacelo satis profundè hæc penetrare debeant. Verum quidem est, quòd sic pars mortui vivis affixa relinquatur: sed tamen omne illud corruptum, quod ponè hunc limitem hæret, non ampliùs putrido contagio nocebit sanis partibus, & pauculum illud mortui relictum sic condiri poterit antisepticiis remediis, ut omnis putredo caveatur. Dùmque in omni ambitu loci, sphacelo infecti, talis limes per Artem fit, & profundis scarificationibus dividitur reliqua superficies, longè profundius penetrabunt applicata remedia; adeoque nullus putredinis metus supererit, utroque expectari poterit separatio perfecta mortui à vivis partibus, quæ soli naturæ debetur. Potest jam secando talis limes poni, vel & ferro ignitio; uti

(a) Belloste Chirurgien d'Hôpital, Partie III. Chap. xv. pag. 161. & suiv.

etiam causticis illis liquoribus, qui uno momento destruant omnia, quæ attingunt. Solutionem meracissimam argenti vivi in aqua forti factam laudavit *Bellosius* (vide *Commentaria* §. 444.). Butyrum antimonii præferunt alii; inprimis si rectificatione, tenue instar aquæ & limpidum redditum fuerit; tunc enim poterit hoc liquido acerrimo, penicilli ope, pro lubitu in omni ambitu sphaceli talis limes circumscribi. Inprimis autem laudatur in his casibus illud remedium, quia constat salis marini spiritu concentratissimo, parti regulinæ antimonii unito: spiritus autem salis marini incomparabile ad omnem putredinem coercendam & corrigendam remedium est; unde tam pulchrum usum in sanandis gingivarum gangrænis habet, ut in gangrænæ curatione dictum fuit. Verum, ut jam sæpius monitum fuit, per hæc non fiet separatio mortuorum à vivis, sed tantum inter sanam partem & sphacelum interponitur limbus, qui & ipse mortuus est, & separari postea debebit; atque interim tamen communicationem vivi cum mortuo tollit. Pulcherrimè certè erodentium medicamentorum vires notavit *Celsus*, dum de carbunculi curatione agit, dicens (a) *sequitur enim sub medicamentis erodentibus crusta; quæ undiquè à viva carne diducta, trahit secum, quidquid corruptum erat.* Optimè enim notat, mortuam talem crustam nasci quidem ab erodentibus, sed illam tamen postea à vivis partibus separari: hæc separatio ergo non ab erodentium vi pendet, quæ jam dum evanuit, antequam illa fiat.

§. 462. **INFECTUM** separatur, si, impedito progressu (461) prius, vel simul dum id fit, tota pars usque in fundum sanum uritur, secatur, dein acri lixivio calidè applicato eroditur, donec in escharas, assiduè emolliendas (403), & tollendas, usque ad viva consumatur, eximatur; vitæ summa cum cura vivis.

Cùm sphacelus tunc adesse dicatur, quando ad ossa usque omnia mortua sunt (vide §. 420.) debent omnia hæc corrupta auferri quàm ocyssumè, ne illud, quod in osse vel periosteo adhuc vivum mansit, suffocent, vel putredine corruptant. Sed sphacelo affectæ partes mortuæ sunt, neque magis afficiuntur à remediis applicatis, quàm cadaver; unde vel secando, vel urendo, hæc tolli debent; vel talibus erodentibus, quæ per calorem externum actiosa fieri possunt etiam in cadavere. Docuit enim *Petius* (b) cauterium potentiale Chirurgorum, cadaveri applicatum, vix ullum effectum fecisse, licèt per quindecim horas cuti contiguum mansisset, & disfluxisset; ut semper solet, quando aeri exponitur. Ubi verbò lineis calidis applicatis continuè fovisset locum cadaveris, cui cauterium potentiale applicabatur, post quindecim horas invenit cutim, pulvis instar, mollem redditam fuisse, atque vim remedii per cutim ad pinguedinem penetrasse. Summo ergo cum fructu ad tollendas partes illas mortuas poterit applicari vulgare illud cauterium Chirurgorum potentiale, quod ex lixivio calcis vivæ & cinerum clavellatorum inspissato fit; vel & ipsum illud lixivium adhiberi posset; & si vicinarum partium vivarum calor non sufficiat, externus calor adhibeatur: sic

(a) *Medicin. Lib. V. cap. xxviii. n.º. 1.*  
pag. 316.

(b) *Académ. des Sciences l'an 1731. Mém.*  
pag. 315.

parvo temporis spatio partes mortuæ in escharas convertuntur, quæ mollissimi unguenti vel butyri applicatione emolliæ, commodè tolli possunt; & deinde idem remedium iterum applicetur eodem modo, donec omne illud mortuum sic consumtum fuerit ad viva usque. Quia autem in omni sphacelo semper putredinis metus est, viderentur acida corrosiva potius convenire, quàm lixivium illud ex calce viva & sale alcalino paratum, quod sales nostrorum humorum illico volatiles alcalinos reddit & putridos. Sed si consideretur, sphacelum ad ossa usque penetrare, atque acida inptimis acerrima illa, ossibus semper nocere, facile patet, quare acidis hic potius abstinendum sit: sic dentes Agyrtæ solent spiritu vitrioli attingere, & statim dealbare, sed post aliquot septimanas incipiunt flavescere, tandemque nigrescunt, & frustillatim excidunt, vitali horum fabricâ destructâ per acidum illud vitrioli. Unde ad limitem ponendum inter mortuum & partes vivas præfertur acidum illud salis marini concentratissimum, quod in antimonii butyro adest. Ut autem illud mortuum citissimè in escharas convertatur & separetur, conducet potius lixivium illud acerrimum alcalinum. Ubi autem, partibus mollibus sic consumtis, in osse ipso aliquod vitium apparet, quod ex mutato ejus colore facile patet; tunc illa oportet adhibere, quæ in vulneribus capitis laudata fuerunt; quando nempe ipsum calvariæ os malè affectum erat. Vide §. 249. 250. 251. 252. 253.

Cum autem omnia hæc remedia acerrima sint, & momento temporis serè destruant partes, quas attingunt, patet, summâ cautelâ opus esse, ne unâ cum mortuis destruantur & viva. Et quia in vero sphacelo nihil vitalis sæpe superest præter ossa & periosteum ipsis incumbens; imprudenti similium applicatione possent & hæc lædi, unde postea difficillimæ curationis tædia nascuntur; cùm corruptarum in osse partium separatio sæpe satius multum temporis requirat, uti postea in capitulo *de morbis ossium* latius dicetur. Præterea, dum in profundum usque penetrant hæc remedia, tendines nervi, & membranæ tendinosæ vicinæ adhuc vivæ his lædi & irritari; hincque iterum pessima mala fieri possent, uti dictum fuit §. 163.

Præterea notandum est, hanc erosionem per corrosiva non requiri, nisi magna sit crassities partium mortuarum, aliter enim tutè sine his cura perficitur. Sic dum à decubitu circa os sacrum & coccygis sphacelus factus fuit, solent partes mortuæ nigrescere, & instar corii siccissimi arefcunt; cùmque nulla hic panniculi adiposi crassities sit, vix possent hæc applicari sine periculo læsionis ossis suppositi. Dum autem in tali casu subinde vino, aceto & sale soventur partes, & deinde simplici plumbato emplastro reguntur, morbiq; impetu remisso corporis situm sæpius mutant ægri, & feces & urinam retinent, quibus antea conspurcabantur hæc loca; sponte separatur omne mortuum, & felicissimè cura perficitur; uti sæpius vidi, & in *Commentariis* §. 444, dictum fuit.

§. 493. **U**BI dein sanitatis & vitæ indicia redeunt, curandum ut ulcus, vulnúsve.

Ubi abolitus est influxus vitalis humoris in artetias, ejusdémque effluxus per venas, tunc mors partis adesse dicitur (vide §. 415,): signa ergo redeuntis vitæ

A a a a iij

erunt illa, quæ docent, humores iterum influere per arterias, effluere per venas, id est, circuitum liquidorum restitutum esse, vel saltem incipere restitui. Sed hoc nunquam fiet in illis partibus, quæ vero sphacelo corruptæ sunt, sed tantum in suppositis vel ambientibus. Si ergo vel scarificando, vel erodendo, pars mortui & corrupti ablata fuerit, vel divisa ad confinia vivorum usque, simulac vita suppositarum partium incipit prævalere, humescunt rimæ illæ, quæ antea siccissimæ fuerant, & in omni ambitu sensim secedet mortuum à vivo; ut dictum fuit lætus in *Commentariis* §. 452. Nullus tunc ampliùs metus est, ne sphacelus proferpat, sed considerari potest, ut ulcus fordidum, quod post depurationem corruptarum partium per benignam suppurationem ad conditiones puri vulneris deducetur, adeoque & similem curationem requiret. Notandum tamen postquam purus fuerit talis locus, mollissima inprimis balsama prodesse, ut, quantum fieri possit, restitatur jactura perditæ substantiæ: de qua re vide §. 190, & sequentes.

§. 464. **SI** verò pars extrema in os usque sphacelata tolli potest; salvâ vitâ, unâ cum osse ipso extirpanda erit; quia nudum valis nutriri nequit, neque vivere potest.

Methodus modò explicata tantum locum habet in illis corporis locis: in quibus pars affecta integre tolli nequit; vel ubi nondum omnia penitus corrupta sunt. Verùm ubi in parte extrema corporis ad os usque omnia emortua sunt, nihil aliud (ut dictum fuit in *Commentariis* §. 432. n°. 1. ex *Celso*) quàm (a) *miserum illud, sed unicum auxilium est, ut cætera pars corporis tuta sit, membrum, quod paulatim emoritur, abscindere*. Si enim, verbî gratiâ, brachium sphacelatum fuerit ad ossa usque, quid prodesset acri lixivio corruptas carnes erodere, & tollere, donec ossa nudarentur undique, cum eadem hæc ossa, omnibus incumbentibus orбата, mori debeant, & nullus sit postea talis membri usus? Ubi autem à decubitu, corruptis omnibus incumbentibus, os sacrum vel coccygis nudatur, alia res est: tunc enim exterior superficies tantum nuda est; reliqua verò horum ossium pars à partibus lateralibus & suppositis vivis per vasa humores recipit; unde facillè vita sustineri poterit in his ossibus, imò & corruptum quid si fuerit in ipsa horum ossium substantia, separari poterit; & restitui illud, quod sic perierat. Quamvis autem raris quibusdam casibus constiterit, sponte suâ cecidisse partes sphacelatas aliquando, & naturam solam, sine ullo etiam Artis auxilio, curam perfecisse, tamen inde concludi nequit, extirpationem non requiri, ubi sphacelus extrema occupat. Generalis enim hæc regula obtinet, sanas partes quàm maximè conservandas esse: sed sphacelus sibi relictus proferpit, & vicina depascitur; imò, antequam sponte sistatur, sæpe tam altè ascendit, ut extirpatio non nisi summo cum periculo fieri possit, quæ antea longè tutius instituta fuisset. Videantur illa quæ dicta sunt in *Commentariis* §. 432, ubi agebatur de axioma illo Practico, & sphacelum illico extirpandum esse concluderetur: ibi enim pluribus de hæc re actum fuit.

Seriò tamen examinari debet priùs, an quidem spes sit, salvâ vitâ, extirpationem partis sphacelatæ institui posse. Si enim à latente causâ interna ortum duxerit

(a) Medicin. Lib. V. cap. xxvi. n°. xxxiv. pag. 304.



sphacelus, citòque progrediatur, æger debilis sit, vel provectæ admodum ætatis; satis patet, nihil sperandum esse ab exstirpatione, quæ tunc plerumque & Arti, & Artifici, vituperio esse solet. Et si ullibi, certè in hoc casu, locum habet regula *Celsi*, quòd nempe sit (a) *prudētis hominis primùm eum, qui servari non potest, non attingere, nec subire speciem ejus, ut occisi, quem fors ipsius interemit.* Nunquam quidem caret periculo exstirpatio extremæ partis corporis, licet & in sanissimo cæteroquin homine, & à dexterrimo fiat Artifice. *Verùm hie quoque nihil interest an satis tutum præsidium sit, quod unicum est;* uti optimè dixit (b) *Celsus* de membrorum gangræna corruptorum exstirpatione agens. Hoc saltē requiritur, ut non instituat, nisi certò constiterit, spem aliquam superesse felicitis eventus.

§. 465. **ILLA** exstirpatio in digitis, metacarpo; vel metatarso, cuneo peragitur, & malleo.

In his enim locis ossa exstirpanda satis tenuia sunt, & possunt facillè sic uno ictu abscindi; solus metus est, ne, dum valido ictu cuneus sic adigitur, ossa findantur, & postea inde difficillima curatio fiat. Vidi tamen, felicissimè curam successisse, dum hæc methodo exstirpabatur in muliere pedis sinistri major digitus, per medium secundæ phalangæ adacto cuneo. Sed imponebatur digitus exstirpandus mollissimo ligno, deinde cuneus acutissimus & fortissimus imponebatur, & mallei plumbi unico ictu transadigebatur. Crederem satis tutam esse hanc operationem, si talibus cum cautelis fiat: ictus enim, quatumvis etiam validi, vehementia suffocatur illico, dum superiùs agit minimè elasticum plumbum, inferiùs mollissimum lignum resistit; unde non videtur ossis discissi fissura adeo metuenda esse. Dum verò forcipibus incisoriis, licet acutissimis (c), abscindebant digitos Chirurgi, majus erat fissuræ in osse periculum: non potest enim hoc fieri nisi validissimâ pressione, quæ non simul & semel, sed magis successivâ actione hoc perficit. Plurimis tamen, & quidem magni nominis Chirurgis, in usu fuit, potiùs acutissimo cultello rescindere in articulatione phalangerum digitorum ligamenta & reliqua incumbētia, sicque sine ossis ulla læsione exstirpare partem corruptam. Sic *Dionysius* (d) hanc methodum præ cæteris adhibuit, uti etiam *Garengotus* (e) qui cautelas in hac operatione observandas addidit. *Hildanus* (f) pariter exstirpationem digitorum tenaculis incisoriis, aut cuneo & malleo, factam damnavit. Satis certè simplex hæc operatio est, si digitus sic exstirpetur: ubi verò una cum digito os metatarsi, vel metacarpi, quod ipsum sustinet, tolli debet, vel ubi integer digitus in articulatione sua cum osse metatarsi vel metacarpi abscindendus est, parum magis composita est. Tunc enim partes carneæ laterales etiam discindi debent, uti facillè patet. Hoc ergo unico scalpelli ictu minimè perfici posset, & ob hanc rem *Hildanus* descripsit scalprum, vel potiùs cuneum alatum acutissimum, cujus ope, unicâ sectione, posset tolli integer digitus,

(a) Medicin. Lib. V. cap. xxvi. no. 1. pag.

monstrat, huitième pag. 498.

(b) Ibid. Lib. VII. cap. xxxiii. pag. 497.

(c) Opérations de Chirurgie, Tom. III. pag.

(c) Scultet. Armament. Chirurg. pag. 45.

439.

(d) Cours d'Opérations de Chirurgie, Dé-

(f) De Gangræna & sphacelo cap. xvi. pag.

800.

vel & simul ipsius metacarpi vel metatarsi ossis pars. Figuram illius instrumenti dedit in eodem loco (a). Scriniarii similia scalpria, sed minora, ad cavata opera perficienda, adhibent.

§. 466. **I**N majoribus verò, ut femore, crure, humero, brachio; eget operosiore molimine, quod intelligitur ex sequentibus.

Facile apparet, quò majora fuerint ossa partis exstirpandæ, eò magis metuedam esse horum fistulam, si cuneo & malleo hæc operatio perficeretur; unde in majoribus membris alia longè methodus requiritur. Docuerunt etiam Ober- vata, pessima symptomata secuta fuisse; dum rudi tali operatione tollebantur ma- jores corporis partes. Sic apud *Hildanum* (b) habetur, quodd, cum juveni cui- dam, dissiliente bombardâ, manus sinistra perfracta fuisset, barbitonsor, manu scamno impostâ, securim, quâ rustici ligna findere solebant, applicuerit illi loco, in quo exstirpatio fieri debebat; deinde jussit cuidam ex adstantibus, ut fortissimo ponderosi fatis mallei lignei ictu securim percuteret. Unico sic momento manus abscissa fuit, sed statim gravissimi dolores & vigilæ, aliæque mala sympto- mata secuta sunt; unde quidem post longum temporis spatium evasit miser, sed tamen ob ossium comminutorum separationem tædiofa admodum cura fuit, cum vix ad cicatricem perducì potuerit locus. Alla adhuc methodus membra majora exstirpandi, quæ etiam citissime perficiebatur, à *Leonardo Botallo* descripta fuit; & habetur etiam in *Microtechnè Johannis Hornii* (c), qui omnia Opera Me- dica & Chirurgica *Botalli* edidit fultque annotationibus illustravit. Construebantur binæ columnæ lignæ, ponderoso cippo infixæ, & utrimque per longitudinem interius fulcatæ. Cippo infixus erat firmiter latus culter, acie suâ sursum spectans, & alterius cultri, per sulcum, columnis insculptum, mobilis, aciem sibi oppo- sitam habens. Imponebatur membrum det truncandum cultro inferiori, qui cippo infixus erat, illo in loco, ubi exstirpatio fieri debebat; tuncque superior culter plumbo oneratus magnâ vi per sulcos columnarum descende- bat, aut gravi malleo percussus adigebatur, sicque momento temporis carnes unâ cum osse sece- bantur. Tunc parvo autem & momentaneo cum dolore exstirpationem talem per- fici voluerunt, ut ægri hanc passi ignis scintillulam in membrum incidisse crede- rent illo tempore, dum omnia simul & semel disseccarentur. Satis autem patet, ossa majora & cavâ non posse sic discindi, nisi cum periculo fisturæ in his ossibus; & ut optime notavit *Schelhammerus* (d) de hac re agens, quotidiana in culinis Experimenta hoc docent. Dum enim lanii, vel coqui, animalium par- tes securi etiam acutissimâ, & magnâ vi adactâ discindunt, ossa neuriquam ad perpendicularum franguntur, sed inæqualiter finduntur, vel in festucas dissiliunt. Unde evluit hæc methodus ab *Hildano* (e) & alijs præclari nominis Chirurgis improbata. In juniorum tamen membris exstirpandis hanc methodum locum ha-

(a) De Gangræna & Sphacelo. cap. xix. pag. 817.

(b) Ibid. pag. 800.

(c) Microtechnè, Sect. I. §. 17. pag. 384.

(d) De humani Corporis tumoribus, part. II. n.º. lvi. pag. 171.

(e) De Gangræna & Sphacelo. cap. xvii. pag. 801.

bere posse innuit *Solingenius* (a), quia in hac ætate molliora ossa non tam faciliè finderentur.

Quàm autem methodo, & quibus cum cautelis membrorum exstirpacio tutissimè perfici possit, dicetur sequentibus.

§. 467. DEFINITUR locus, ubi exstirpacio instituenda, ex hisce:

1. Sanum maximè conservandum.
2. Corruptum accuratissimè simul & semel tollendum.
3. Usus commodissimus parti superstici procurandus.

Postquam omnibus rite perpenſis conclusum fuit, partem sphacelo corruptam exstirpandam esse; tunc determinari debet, quonam in loco amputatio fieri debeat; hoc autem fiet ex Arte, si attendatur ad sequentia.

1. Cùm hæc operatio tantùm instituatur, ut mortuum tollatur, ne relictum vivis partibus noceat; patet satis, non plùs tollendum esse, quàm absoluta necessitas requirit.

2. Illud enim, quod relinquitur ex mortuo & corrupto, vivis partibus vicinè continuitate substantiæ unitur, adeoque facillimè propagabitur malum, etiam post exstirpationem factam; cùm tamen hæc instituta fuerat in hunc finem, ne proferendo sphacelus depaſceret corpus. Præterea ut dictum fuit in *Commentariis* §. 461, mortuum illud relictum requireret continuam applicationem talium remediorum, quæ omni putredini resistunt; adeoque & frequentem apparatus renovationem. Sed post exstirpationem peractam, ob hæmorrhagiæ metum diutius relinqui debet apparatus, adeoque sæpe pessimè putrescerent omnia, & proſerperet sphacelus: unde vel repetenda foret hæc operatio, vel suo fato relinquendus æger; summâ certè Artis ignominia. Licet autem disputatum fuerit inter Chirurgoſ, an sectio in parte viva, vel in mortua, fieri deberet; tamen omnes conſenſerunt in eo, omne corruptum simul & semel esse tollendum. Illi enim, qui in parte mortua secabant, post exstirpationem factam, cauteriis ignitis adurebant illico mortuum relictum. An ergo non liceret unquam exstirpare partem, nisi omne corruptum accuratissimè simul & semel tolli posset? Sanè in desperatissimis casibus certæ morti incertum sæpe præfertur remedium; & cùm sine dolore & ferè sine hæmorrhagia in parte mortua possit fieri exstirpacio, videtur aliquando & hoc tentandum esse, si absolute fieri nequeat in parte viva.

Peritissimus Chirurgus, annoſo Artis usu firmus; cum successu felicissimo exstirpationem instituit in tali casu, de quo omnes desperabant, & non sine ratione (b). Tristissimo infortunio navis Præfecti tota manus & brachium ad humerum usque miserrimè contusa, imò contrita ferè fuerant. Rudis homo, luxationem humeri adeſſe credens, partem affectam validissimis tractionibus & contorsionibus vexaverat; unde post quatridduum, non suspicante tantum malum Chirurgo, qui ægri curam gerebat, totum brachium ad humerum usque vero sphacelo corruptum erat; quinimo malum jam ultra humeri articulum versus

(a) *Manuale Operation det Chirurgie.* 4. (b) *De Lamotte Traité complet de Chirurgie* Tom. III. *Obſerv.* cccxi. pag. 408.

pectus & collum extendebatur. In consilium vocatis pluribus Chirurgis, omnes concluderunt, certam mortem instare, exstirpationem inutilem fore, adeoque suo fato relinquendum esse miserum hominem. Cùm autem in flore ætatis esset æger, & intrepido animo nulla febris adesset, brachiũque affectum cadaverosum scetorem jam spargeret, qui auctus continuò tandem ægro intolerabilis foret; neque signa instantis mortis adhuc adessent, solus *Lamotius* huic torrenti obniti ausus fuit, atque exstirpationem faciendam persuasit; quæ, licet successu caruisset, saltem hoc efficeret, ut commodius ultimum illud vitæ suæ stadium transigeret æger, & tranquillius moreretur. Proximè ergo ad articulum humeri exstirpatum fuit brachium, sine ulla hæmorrhagia, paucâ tantùm sanie subrubella ex carnibus dissectis exstillante. Et dein, idoneis remediis adhibitis, omne, quod relictum fuerat mortuum secessit à partibus vivis; sic ut post quindecim dies elapsos nihil corrupti superesset amplius, & bimestri spatio ex ipsi orci faucibus ereptus æger, ad suos redire potuerit sanus.

3. Hæc regula limitat illam, quæ n°. 1, hujus paragraphi dicta fuit: nam quamvis sanum conservandum sit quàm maximè, tamen, si prævideatur, truncæ partis usum commodiorem postea futurum, si plùs tollatur de partibus vivis, quàm requireretur, ut omne corruptum simul ac semel accuratissimè auferatur; & hoc faciendum erit. Cùm autem, ut statim dicitur, sectio in viva carne semper fieri debeat, non multùm referret, an parum altius hæc facta fuerit.

§. 468. **ERGO** in cæteris sectio fiat in sano prope ægrum (467. n°. 1. 2. ); in crure autem sub genu semper (407. n°. 3.)

Varia fuerunt circa hanc rem Auctorum sententiæ: quidam enim, doloris & hæmorrhagiæ metu, in parte mortua sectionem instituendam volebant; alii econtra in parte sana & viva. Quamvis autem *Celsus* primus fuisse videatur, qui de hac operatione scripserit, tamen apud *Hippocratem* quædam inveniuntur, quæ videntur evincere, quodd sectionem in parte mortua prætulit. Postquam enim dixerat (a) quæcumque circa digitorum articulos ex toto abscinduntur, plerumque detrimentum non afferunt, nisi dum secantur, homo animi defectione lædatur, subjungit sequentia (b) ex toto autem ossa ad articulos in manu, in pede, & in crure, nonnullis ad talum, atque in brachio, nonnullis ad primam palmæ partem, plerumque circa noxam præciduntur, nisi protinus anima deficiat, vel quarto die continens febris superveniat. Ut autem evitetur animi deliquium, dum membra detruncantur, paulò post monet, emortuas omnino partes, & nullum ampliùs dolorem sentientes, circa articulos præcidendas esse, cavendo, ne aliqua læsio fiat (c) nam, ubi qui secatur, dolet, quum nondum, quâ secatur, emortuum corpus fuerit maximum periculum est, ne sub dolore anima deficiat: ejusmodi autem animæ defectio plurimos repente suffulit. Videtur ergo ex modò allegatis constare, quod in mortua tantùm parte exstirpationem fieri voluerit *Hippocrates*; reliqui autem corrupti, quod adhuc vivis & sanis partibus cohererebat, separationem soli naturæ commiserit, & quidem quod

(a) Lib. de Artic. Comment. IV. text. xxxii, Charter. Tom. XII. pag. 446.

(b) Text. xxxiii. pag. 447.  
(c) Text. xxxiv. pag. 447.

in articulis tunc separaverit partes mortuas. Statim enim modò allegatis subjungit sequentia (a) *At femoris os hoc modo nudatum, vidi octogesimo die abscedere: crus tamen huic homini ad genu vigesimo excisum est.*

In parte sana verò exstirpationem faciendam describit *Celsus* sequenti modo; (b) *igitur inter sanam viiatarumque partem incidenda scalpello caro usque ad os est sic, ut neque contra ipsum articulum id fiat, & potius ex sana parte aliquid excidatur, quàm ex agra relinquatur.* Apud *Galenum* non habetur exstirpationis descriptio; & apud *Æginetam* satis obscura est; tamen videtur in parte sana illam descripsisse, quia & nimium sanguinis profluvium metuebat, & panniculum lineum partibus scētis circumponebat, ne ferra per illas tracta dolores pareret (c). Arabes dein, & postea plures alii Medici & Chirurghi sectionem in parte mortua fieri voluerunt, & cauterio actuali consumendas esse carnes corruptas, quæ adhuc vivis partibus cohærebant. Sed plurima incommoda habet illa methodus, quâ scētio non in parte viva, sed in mortua instituitur. Debet enim postea relictum mortuum comburi ad viva usque, donec æger dolorem percipiat; crusta sic nascitur, quæ vivis partibus adhærens putridi exhalationem versus exteriora impedit; deinde debet omne illud combustum separari à partibus vivis, quod non sine magno & diuturno dolore solet fieri uti dicitur in capitulo de *Combustione*. Præterea, sectione, sic in parte mortua, factâ, os ferrâ dividitur: dum ergo postea adhuc notabilis pars carniū ustione destruitur, os necessariò ultra vulnus superficiei prominebit multum, atque iterum illud omne, quod sic eminet, ferrâ debet tolli; vel summa faciet longissimæ curationis tædia, si expectandum sit, donec sponte separetur & excidat. Videntur autem Medici & Chirurghi tantum ideo sectionem fecisse in parte mortua, quia metuebant hæmorrhagiam & dolorem; unde *Celsus* monuit, exstirpationem summo cum periculo fieri: (d) *Nam sæpe in ipso opere, vel profusione sanguinis, vel animæ defectione, moriuntur.* Cum autem hodiernis inventis possit impediri metuendum illud sanguinis profluvium, dum tornatili ligaturâ ( *Tourniquet* ) magni arteriarum trunci comprimuntur; eadēque operâ pressis nervis stupor & insensibilitas in parte secanda oriantur; patet evidenter, præferendam esse exstirpationem, quæ in parte viva fit, proximè ad mortuam; ut sic omne corruptum simul & semel tollatur; interimque servetur omne vivum, quantum fieri possit. Varias circa exstirpationem artuum sententias Auctorum collegit, & ordine chronologico disposuit celeberrimus *Petitus* (e), sicque demonstravit quomodo successivè hæc Chirurgiæ pars ad illam, quâ nunc colitur, perfectionem venerit.

Cum autem in definitione, loci ubi exstirpatio fiet, simul ratio habenda sit usus commodissimi in parte superflite; ideo exstirpatione cruris semper determinatur locus sub genu, ad quatuor vel quinque digitorum distantiam ab articulo, sic enim hoc fiet sine læsione tendinis illius, qui vastissimis femoris musculis originem debet & patellæ inferitur; neque dissecabitur ligamentum, quod patellam tibie alligat. Ille autem locus eligitur, licet sphacelus tantum ad maleolos usque ascenderit. Si enim exstirpatio inferiori loco fieret, non posset

(a) Text. xxxiv. pag. 447.

(b) Medicin. Lib. VII. cap. xxxiii. pag. 498.

(c) Lib. VI. cap. lxxxiv. pag. 95.

(d) Medicin. Lib. VII. cap. xxxiii. pag. 497.

(e) Académie des Sciences l'an 1732. Mém. pag. 288, &amp;c.

postea talis homo cruri ligneo insilire, nisi flexo articulo versus posteriora reflexum gereret inutilem truncum; dumque in eodem hoc situ totis diebus retinentur hæ partes, obrigescet genu articulus, & molestum in lecto decubitus faciet; & ad plurima alia vitæ munia inutilem reddet talem hominem. Ubi verb sub genu abscissum membrum fuit, postea commodissimè possunt artificiales machinæ applicari; quæ amissi membri damnum compensent. Imò aliquando adeo tædunt magnanimos heroes inutilem hanc partem circumferre, quæ illos ad bellum munera redderet impotes, ut maluerint exstirpationem sub genu pati, quàm has molestias. *Paræus* (a) sic refert, quòd dum capitaneo quidam, globo ex tormento bellico majori expulso, auferretur totus pes parum supra malleolos, atque jam ab hoc vulnere convalesceret, postea tamen exstirpationem hujus trunci sub genu subiecit, expertus, quantum incommodi faceret relicta hæ cruris pars. Licet autem sub genu eligatur ille locus qui infra validum hunc tendinem & patellæ ligamentum est, tamen & maluit peritissimus Chirurgus sub genu partem exstirpare, quamvis ligamentum dissecari deberet, quàm in femore, quia longè commodior usus partis superfluis esse potest, si sub genu exstirpatio fiat. Successit feliciter hæ operatio, in fœmina cui molaris lapidis diffracti pars totum crus miserrimè contriverat, ad genu ferè usque, unde ad binorum circiter pollicum distantiam ab articulo genu crus resectum fuit (b).

s. 469. **A**D amputationis administrationem, & felicem successum intelligendum, attenditur:

1. Ad præparationem.
2. Actionem ipsam.
3. Curationem symptomatum.
4. Consolidationem.
5. Supplementum amissorum.

Recensentur hic generalia illa, quæ in omni exstirpatione majorum membrorum observari debent, & quæ postea seorsim singula considerabuntur. Maximi imprimis momenti est ad felicem successum periculosa talis operationis, ut priùs attentè mente considerentur omnia illa, quæ operationis tempore, vel statim post illam peractam, parata esse debent. Præstatque hæc omnia quando per otium licet, in chartam conjicere, & ordine disponere, ut semper menti præsentia sint, dum aliquando subitam membrorum exstirpationem infortunati casus requirunt. Ut autem commodè considerari possint omnia, quæ huc spectant, neque in eorundem dispositionem nascatur confusio, optimum erit quinque distinctis numeris hæc distribuere.

1. Antequam exstirpatio fiat, debet pars exstirpanda firmari, sicque disponi, ut lumini opposita sit; debent idonei esse adjuutores, qui immobilem ægrum retinere possint; debent adesse tales fasciæ, splenia, &c, quorum applicatione trunci majores arteriarum, ad partes exstirpandas tendentium, claudantur pro lubitu; requiritur præterea, ut omnia instrumenta tali disponantur ordine, quali

(a) Liv. XII. chap. xxix. page 305.

(b) De Lamotte Traité complet de Chirurgie Tom. III. pag. 427. & suiv.

adhibebuntur. Sic v. gr; culter incurvus, qui discendis omnibus partibus molibus ad ossa usque inserviet, primo loco ponatur; proximus dein huic sit anceps cultellus, quo inter ossium interstitia, si duplex in parte amputanda os fuerit, locatæ partes discindi debent. Tunc sequatur ferra, &c, unde quàm maximè necessarium est, ut, antequam incipiat hæc operatio, sedatâ mente Medicus unâ cum Chirurgo omnia hæc examinet. Generalia monita circa operationes Chirurgicas perficiendas pulcherrima habet *Hippocrates* in libro illo (a), quem *de Medici Officiis* inscripsit; & in loco citato quædam imprimis habentur, quæ in extirpationibus faciendis summi usus sunt. Dicit enim inter alia, instrumenta sic debere disponi, ut operantem non impedian, commodèque accipere possit illa, dum operationem perficit; vel, si alius operanti illa tradet, is paulò antè exercitatus sit, ut imperata faciat. Deinde addit, illos, qui ægro assistunt, partem, in qua operatio instituetur, debere exhibere operanti, prout requiritur; reliquum verbò ejus corpus immobile retinere. Ultimò monet, quòd silentes auscultare debeant, ut operantis jussa audire, & audita promptè exsequi possint. Ergo in similibus operationibus non admittantur otiosi spectatores, nisi tales, qui ad salutaris Artis exercitium destinati, sensim assuescere debent his spectaculis, ut discant proximi miseras firmo intueri animo. Nunquam adsint amici ægri, ne fortè intempestivâ misericordiâ moti operantem impedian, vel saltem importunis ejulationibus turbent.

2. Nihil magis conducit in similibus gravioribus operationibus Chirurgicis, quàm exercitatos habere adjutores: imò nunquam deberent fieri extirpationes majorum membrorum, nisi plures adessent periti Chirurgi; quod etiam ut fiat, multis in locis lege cautum est. Plurima enim accidere possunt non prævisâ, quæ totam turbarent operationem, nisi alij præsentem opem ferre possent. Sic accidit, ut Chirurgus, dum incautiùs cultrum incurvum, quo omnia ossibus incumbentia disciderat, tractat, sic se ipsum vulneraverit, ut inceptam operationem perficere non posset. Egregius Chirurgus *Lamottius* ingenuè fatetur pluribus in locis, quòd in difficillimis operationibus operatos successus habuerit tantùm, quia dexterimos & peritissimos habebat adjutores: Artem suam exercebat enim in eadem urbe cum tribus aliis Chirurgis; omnibùsque hoc solemne erat, nunquam graviozem aliquam operationem perficere, vel difficiliozem casum tractare, nisi in consilium & auxilium vocatis reliquis omnibus.

3. Præcipua symptomata sunt hæmorrhagia, & animi deliquium. Omnia ergo illa, quæ §. 471, recensentur, ad sanguinem sistendum remedia parata esse debent, ut sine ulla mora adhiberi possint. Conducet etiam in promptu habere gratum cardiacum, quo æger resocillari possit illico, si in animi deliquium delapsus fuerit. Interim tamen crudele videretur excitare miserum his remediis, dum ipso hoc tempore si non tota operatio, saltem notabilis ejus pars, perfici posset sine doloris sensu. Cùmque hodiernis inventis hæmorrhagiam operationis tempore satis compescere norint Chirurgi, animi deliquium, non à jactura sanguinis, sed à dolore vel timore ortum, non adeo metuendum erit.

4. 5. Bina hæc, quæ ad felicem successum operationis spectant, & ad supplementum defectum illarum actionum, quæ à parte extirpata solebant perfici, non

(a) Comment. I. text. XXXIII. XXXIV. XXXV. Charter, Tom. XII. pag. 33. 34.

requirunt , ut omnia huc spectantia in promptu sint exstirpationis tempore ; cùm postea per otium de his cogitare liceat.

Præparatio fit ,

1. Compresflu vasorum magnorum sanguiferorum arterioforum per splenia applicata pyramidalia , & ligaturam tornando adigendam super his in parte sana prope ægram.
2. Tractu valido & æquabili partium incidendarum ope ligaturæ ex corio fibulatae cum loris.
3. Firmatione cautâ ægri , & partis amputandæ.
4. Moderato inflexu partis , ne nimis extensa secetur.
5. Narcotico cardiaco ipsi ægro exhibito.

1. Apud veteres Medicos & Chirugos hujus rei nulla mentio fit : unde non mirum est , quòd *Celsus* dicat (a) , cum periculo summo membra præcidi. Describit enim exstirpationem fieri debere in parte viva , uti ibidem patet. Discissis ergo omnibus partibus mollibus , patulo rivo ex vasis arteriosis dissectis sanguis effluere debebat : unde non tantùm imminebat mortis periculum , verùm etiam necessariò turbari multùm debebat ipsa operatio. Undatim enim effluens sanguis impedit , quominus Chirurgus reliqua commodè perficere possit. Imò , quod mirum videtur , ante *Paræum* nullus distinctè locutus fuit de ulia methodo , quâ compesci posset sanguinis effluxus operationis tempore (b). Post exstirpationem factam cauteriis ignitis quidem compescere tentabant hæmorrhagiam ; sed hic agitur de illa , quæ mollibus partibus dissectis oritur , antequam os ferrâ divisum fuerit. Satis tamen adhuc imperfecta fuisse videtur illa methodus , quâ *Paræus* (c) usus fuit. Validam enim ligaturam fieri voluit parum supra locum , ubi exstirpatio fiet , adhibuitque in hunc usum vinculum latum & forte , quo ad reliquandos capillos , mulieres uti solent. Satis autem patet , tali ligaturâ non posse facilè comprimi majores truncos arteriosos , profundiori loco plerumque sitos : post *Paræum* tamen *Fabricius ab Aquapendente* , *Hildanus* , alique eâdem methodo usi fuerunt. *Morellus* verò Chirurgus Gallus ingeniosissimus , in castris stipendia merens , septuagesimo quarto sæculi elapsi anno , primus invenit pulcherriam methodum sanguinem compescendi exstirpationis tempore (d) : splenia nempe applicabantur illis locis , per quæ ex Anatome notum erat truncos arteriosos decurrere ; deinde ligaturâ circumductâ bacillo transmissio arctabantur tornando : sæpeque pro lubitu poterant angustari , vel & integre comprimi arteriæ , quæ ad partem amputandam sanguinem adferebant ; adeoque tutissimè omnis hæmorrhagia impediabatur. Cùm autem tornatilis hæc ligatura , quamvis simplicissima foret , non careret tamen incommodis , postea correctâ fuit. Dum enim circumverteretur bacillus , ut arctaretur ligatura , cutis intercepta dolebat acerrimè. Præterea pressio illius ligaturæ non agebat tantùm in vasa comprimenda ,

(a) Medicin. Lib. VII. cap. xxxiii. pag. 497.

(b) Académie des Sciences l'an 1731. Mém. pag. 188.

(c) Liv. XII. cap. xxx. pag. 306.

(d) Académie des Sciences l'an. 1731. Mém. pag. 189.



sed totum membri ambitum stringebat satis validè. Insuper requirebatur famulus, qui hanc ligaturam adstringeret vel laxaret, ad nutum illius, qui operationem perficiebat. Simulque in eodem loco adesse debebat alter, qui membrum exstirpandum retineret; unde iterum satis notabile incommodum nascebatur. Tandem cum, resectâ parte, tornatilis ligatura parum laxaretur, ut sanguis erumpens arteriarum ligandarum patula officia monstraret Chirurgus, loco sæpe movebantur splenia, imò & totus apparatus; sicque valida poterat nasci hæmorrhagia, quæ ægrum debilitaret summopere, antequam omnia iterum reposita forent. Ut cuncta hæc mala evitarentur, pulcherrimam machinam excogitavit egregius Chirurgus *Peitius*, quæ sanguinis effluxum, compressis arteriis, impedire poterat quàm certissimè; interimque careret omnibus illis incommodis modò memoratis. Longè autem melior idea habebitur ex figura hujus instrumenti cum omnibus suis requisitis, quàm ex sola descriptione, quæ in *Actis Parisinis* (a) videri poterit. Habetur etiam apud *Garengeotum* (b), qui tamen solam machinam, quâ ligatura ad lubitum adstringi vel laxari potest, delineavit; vineulum autem ipsum, splenium cylindricum, & reliqua descripsit tantùm. Spleniorum autem pyramidalium loco solent nunc arteriæ comprimendæ imponere cylindrum ex linteo convolutum factum, qui talem firmitatem habeat, ut ejus figura non nisi à validiori pressione mutetur, interimque non nimis durus sit, ut cedere possit. Si enim nimis mollis fuerit ille cylindrus, à ligaturæ circumductæ compressione complanaretur, adeoque illius pressio non in arteriam adeo, quæ profundius plerumque jacet, ageret, sed in vicinas partes. Si nimis durus foret idem, tantùm in paucis punctis tangeret arteriam, quæ proinde se subducere aliquando posset. Ultimò requiritur, ut cylindrus ille assuetur ligaturæ, per quam in loco retinebitur, ne ex situ suo delabatur, dum laxatur operationis tempore tornatilis ligatura, quæ paulò post iterum astringi debet. Facile autem patet, cylindri illius variam debere esse magnitudinem, prout his illiusve corporis locis applicabitur; ut etiam pro varia ætate & statura ægri, qui hanc operationem subire debet. Loca autem, ubi magni trunci arteriosi hærent, ex fidelissimis *Eustachii* tabulis satis cognosci poterunt. Sic si exstirpatio sub genu fiat, cavo subpopliteo applicatur cylindrus; si supra genu, in femoris parte interiori maximus truncus arteriæ cruralis poterit comprimi, &c. Cùm autem & magni trunci nervosi, in pluribus locis, arteriis vicini sint, eadem operâ & hi comprimuntur: unde stupor & insensibilitas in partibus suppositis nascetur; adeoque acerbus dolor, crudelem hanc operationem comitans, obtundet plurimùm.

2. Demonstratum fuit in *Commentariis* §. 158. n°. 1, partes molles corporis, inter quas causâ vulnerans adacta fuit, magis magisque à se mutuò recedere; adeoque amputatò membro omnes partes molles accurabuntur. Sed ossis truncati manebit eadem longitudo, adeoque illud ultra æquabilem vulneris fascii superficiem eminebit. Verùm omne illud, quod de osse sic eminet, nullis partibus mollibus tectum, corruptetur; & postea vel ferrâ iterum abscondi debet, vel sponte separabitur à reliquo osse sano, & carnibus tecto; sed non nisi post longum temporis spatium. Omni ergo modo curandum est, ne os ultra partes mol-

(a) L'an 1718. Mém. pag. 153.

(b) Nouveau Traité des Instrumens de Chirurgie Tom. II. pag. 351.

les emineat, Celsus jam hoc monuerat, ubi de membris præcidendis agit: postquam enim caro ad os usque resecta fuerat, dicit (a) *Ubi ad os ventum est, reducenda ab eo sana caro, & circa os subsecanda est, ut eâ quoque parte aliquid offis nudetur: dein id ferrulâ præcidendum est, quàm proximè sanæ carni etiam inhærenti: ac tum frons ossis, quam ferrula exasperavit, lavanda est, supràque inducenda cuis, quæ sub ejusmodi curatione laxa esse debet, ut quàm maxime os undique contegat.* Nihil autem dixit Celsus de methodo, per quam cutis tam laxa servari possit; ut postea os tegere valeat: videtur enim ejus intentio fuisse, ut cutis crudis his partibus applicata cum illis concreveret: nullam enim facit mentionem nec ligaturæ vasorum, nec causticorum applicatorum, sed simpliciter dicit, (b) *quo cutis inducta non fuerit, id linamentis erit contegendum, & supra id, sponsia ex aceto deliganda. Cætera postea sic facienda, ut in vulneribus, in quibus pus non moveri debet, præceptum est.* Difficulter ergo intelligitur, quâ Arte potuerit talis cura perfici.

Circa finem autem sæculi elapsi Petrus Hadrianus F. Verduinus, celebris Chirurgus Amstelædamensis, tractatulum scripsit de nova artuum decurtandorum ratione (c), cujus in exstirpatione cruris Exemplum proponit. Cultro enim falcato & ancipiti suram lævâ manu arreptam perfodiebat in illa altitudine, ubi exstirpatio fieri debebat, deinde deorsum ponè ossa abscindebat. Reliquas verò cutis carnisque partes transversim incidebat, & separato periosleo ferrâ decurtabat ossa. Illo autem tempore, dum ferrâ dividebantur ossa, retroducebatur avulsæ carnis & cutis portio illa relicta versus posteriora, ne laderetur à ferræ dentibus. Simulac autem os discissum erat, aquâ tepidâ vulnus abstergebat, ne aliquid scobis ossæ in vulnere maneret, quod sanationem remorari posset; quo factò pendula illa carnis cutisque relicte portio, dicto citius, antrosum reflectebatur, & mutilatæ parti coaptabatur. Vulneris dein oræ fungo, linamento, aut alio quovis styptico idoneo tegebantur; totiusque trunci vesica bovina, aquâ egelidâ emollita applicabatur, atque idoneâ dein ligaturâ applicatâ firmabantur hæc omnia. Tabulis autem æneis instrumenta omnia huc requisita, ipsamque operationem satis nitidè exhibuit Auctor in eodem tractatulo, qui etiam habetur in *Bibliothecæ Anatomicæ-Chirurgicæ Mangei tomo primo*. Vocabat autem exstirpationem hoc modo factam methodum curandorum artuum per insitionem. Torus scopus erat, ut hoc modo, applicatâ carnis relicte portione ad crudum vulnus, obcurarentur arteriarum discissarum orificia, & crudæ partes contiguæ factæ concreverent inter se, nudatamque os tegeretur illico.

Neque timebat ossis, ferrâ divisi, & aere tacti, separationem, cùm jam olim vidisset, hanc non adeo necessariam esse, ac multi quidem voluerant. Præterea dicit, quòd caro illa, quâ vulnus tegitur, super eminens sæpe ultra vulneris margines nihil incommodi adferat; sensim enim labia illa sic contrahuntur, ut parva admodum sit cicatrix. Partes autem illæ molles, sic trunco membro appositæ concretæ, pulvinaris instar, faciunt, ut sine ullo dolore totum corporis pondus postea inniti possit. Succesisse autem sibi hanc curam in adolescente affirmat Auctor, atque postea Amstelædamensis Nosocomii Chirurgos, in viro triginta annorum, cruris eisdem methodo exstirpasse felici etiam cum eventu narrat,

(a) Medicin. Lib. VII. cap. XXXIII. pag. 498.

(b) Ibidem,

(c) Dissertatio Epistolaris de nova artuum decurtandorum ratione, Amstelædami 1696.

Circa

Circa idem ferè tempus Genevensis Chirurgus *Sabourinus* in eandem incidit opinionem, neque illam ex modo citato Auctore hausisse videbatur, quia & exstirpationibus in articularum locis faciendis illam adaptaverat, & planè diversâ deligatione utebatur. Secundo hujus sæculi anno methodum hanc *Academia Regiæ Scientiarum* proposuit; sèquæ semel hoc modo exstirpationem perfecisse dixit, tali cum successu, ut toto operationis tempore tantum quatuor vel quinque uncias sanguinis perdidit æger, & postea ne guttulam quidem. *Academiæ* jussu in nosocomio Parisiensi idem Chirurgus novæ hujus methodi Experimentum fecit, præsentibus harum rerum aptissimis judicibus *Duverney* & *Meryo*. Æger autem fuit mortuus; neque tamen videbatur operationis cuidam vitio mors adscribenda esse, licet major fuerit sanguinis jactura, quam solet adesse in exstirpationibus vulgari methodo factis (a).

Celeberrimus *Heisterus* in suis *Institutionibus Chirurgicis* (b) hujus inventionis gloriam prædictis auctoribus negat; & in libello, cui titulus, *Currus triumphalis terebinthinae*, &c. Auctore *Jacobo Jounzio*, Londini 1679, edito, hanc methodum jam descriptam fuisse contendit. Apud *Ruyfchium* (b) habetur descriptio hujus operationis, quæ ipso præsentè facta fuit, & felici cum successu, unde concludit, novam hanc methodum amplectendam esse. Tamen deinde iterum evolvit; & , ut testatur celeberrimus *Heisterus* (c), postea ipse *Verduinus*, & alii *Amstelædamensis* Chirurgi, ab illa abstinerunt, & ad antiquam methodum reverti sunt. *Garengotus* tamen (c), qui hanc methodum descripsit amplo sermone, & figuris additis illustravit, optat, ut in Nosocomiis iterum tentaretur; additque plures successus felicissimos hujus methodi visos fuisse.

Varia sic facta hujus methodi fuisse videntur, hodièque, saltem in his regionibus, extra usum est. Dum autem vulgari methodo exstirpationis membri fit, impossibile quidem est, totam trunci superficiem carne vel cute tegere; tamen hoc caveri poterit, ne postea ossi dissectis extremum ultra reliquam vulneris superficiem eminet. Circumducitur nempe membro, proximè supra illum locum, ubi sectio fiet, annulus, ex corio factus molli, firmiterque adstringitur. Anulus autem instructus est ille annulus, per quas transmissis habenis à ministro sursum trahi possit, sicque partes molles omnes, antequam sectio fiet retrorahuntur quantum fieri potest. Exstirpatione factâ, remoto coriaceo illo annulo, partes sursum tractæ remittuntur & descendunt, sicque cavetur, ne os emineat ultra partes molles. Ad hos usus manicam ex aluta paratam descripsit & figurâ expressit *Hildanus* (f).

3. Antequam operatio hæc tentetur, debemus certi esse, partem amputandam non tantum, verum & reliquum ægri corpus sic firmatum esse, ut penitus immobilis sit neque operantem Chirurgum turbare possit. Multi enim crederent, nunquam hos dolores experti, se satis magnanimos esse, & turpe putarent, vinculis adstringi, vel famulorum manibus teneri. Sed prudentia jubet, nunquam talibus promissis confidere. Simulque curandum est, ut tales adsint adju-

(a) *Académ. des Sciences*, l'an 1702. Hist. pag. 42.

(b) *Part. II. Sect. I. cap. xxxv. §. III. pag. 481.*

(c) *Epist. Problem. XIV. pag. 9, & sequ.*

(d) *Institut. Chirurg. part. II. Sect. I. cap. xxxv. §. v. pag. 482.*

(e) *Opérations de Chirurg. Tom. III. pag. 413.*

(f) *De Gangæna & Sphacelo, cap. xix. pag. 802.*

res, qui jam ad hæc spectacula durati illas animi dotes habeant, quas in Chirurgo requirit Celsus: vult enim, ut sit (a) animo intrepidus, immisericors, sic, ut sanari velit eum, quem accepit; non ut clamore ejus motus, vel magis, quam res desiderat, properet; vel minus quàm necesse est, secet: sed perinde faciat omnia, ac si nullus ex vagiibus alterius affectus oriretur. Multi autem temere suam in similibus operationibus constantiam jactant; atque postea turbati omnino jussa operantis nec intelligunt, nec perficere possunt; imò aliquando in animi deliquium labuntur: sicque & operantem Chirurgum impediunt, & miserum ægrum diutius in his tormentis manere faciunt.

4. Summi momenti hæc regula est: debet enim post operationem peractam poni in tali situ, in quo diutissimè sine ullo incommodo manere possit. Sed ille est situs naturalis partium quem in homine sano dormiente observare licet, in quo omnes motus voluntarii silent. Omnes enim articuli corporis leviter flexi apparebunt, nullum verò membrum erit extensum. Hippocrates optimum ægri decubitus in morbis describens (b) hoc pulchre notaverat; uti dictum fuit in *Commentariis* §. 211, ubi & datæ fuerunt rationes, quare omni motu voluntario musculorum silente, articuli leviter inflecti debeant. Sed si pars validè extensa secetur, amputatione factâ, ut hæmorrhagia sistatur, ligari solent vasa, uti dicitur §. 471. n.º 1; utque hoc fiat, sæpe aliquid vicinæ carnis eadem ligaturâ intercipitur, adedque, mutato partis truncatæ situ post ligaturam vasorum factam, caro musculosa pariter alio disponetur modo, unde sæpe enormes dolores & pessima alia mala nascuntur, quæ omnia vitari poterunt, si moderatè inflexa pars secetur.

5. Quàm vano metu olim Medici optima hæc remedia vitaverint, dictum fuit in *Commentariis* §. 202, & 229. Prudens autem illorum usus incantamenti instar sævos dolores mitigat, & animi mœrorem tollit: inprimis si opium tali datur quantitate, ut nondum gravem inducat soporem, sed levissimum blandè subrepentis somni initium quasi faciat. Nascitur tunc pacata adeo menti tranquillitas, & serena in vigilante etiam homine quies, quam nullus credere posset, nisi expertus. Probè memini, me quondam, ut molestum lenirem dolorem, sumpsisse unicum granum opii, hoc cum effectu, ut vigilem duxerim noctem, sed absque dolore, tantòque cum animi oblectamento, ut feliciorem in campis suis Elysiis statum fingere non potuerint Poetæ. Sequenti mane post levem nauseam facilis vomitus excussit, unâ cum opii pilula nondum integre dissoluta, fluxam hanc beatitudinem. Summi ergo usus poterit esse narcoticum remedium, unâ alterâve horâ ante operationem instituendam exhibitum; non hæc spe, ut sopitus æger nullum sentiat dolorem (tantâ enim copiâ dare hæc remedia periculosissimum foret), sed ideo, ut instantis mali metus tollatur, vel minuat. Licet enim gravis sit hæc operatio, & non sine acri dolore perfici possit, molestior tamen metus ille est, quo imminētis mali imago menti semper præsens est, dum miseri omnia horæ minuta numerant, quæ extirpationis constitutum tempus præcedunt. Unde non immeritò insidias undique imminentes subire semel satius esse, quàm cavere semper, confessus est *Julius Cæsar* (c). Rara quidem Exempla docuerunt, non semper hæc Artis adminicula necessaria esse, darique tales homines, qui intrepido ani-

(a) Medicin. Lib. VII. cap. 1. pag. 406. | sequ. Charter. Tom. VIII. pag. 600.

(b) Prognostic. Comment. L. text. 211, & | (c) Sueton. Lib. I, cap. LXXXVI. pag. 106.

mo futura mala intueri nōrunt. Sic magnanimus heros, postquam ex sclopeti vulnere molestissimum ulcus fistulosum in femore gesserat per viginti annos, tot malorum pertæsus, necessariam exstirpationem ipse conclusit, diēque & horam, quā illam institui vellet, indicavit. Statuto tempore, dum accedunt Chirurgi & Medici, invenerunt dormientem (a). Simile Exemplum & alibi (b) habetur: ubi strenuissimus navis Præfectus, postquam statutum fuerat, brachium prope humeri articulum exstirpandum esse, rogavit Chirurgos, ut liceret prius lassum vigiliis protractis jam per aliquot dies corpus somno reficere; quo concesso, placidissime dormivit. Sed pauci sunt, qui invicto hoc mentis robore gaudent: aliis ergo per Artem benignè succurrendum est, cum tūc hoc fieri possit. Turcæ certè opium sumunt, ut intrepidi contemnunt belli pericula, unde narrat *Beltonius* (c), totam provinciam oplo ferè spoliari, dum Turcarum Imperator, bellum gesturus, militum delectum facit. Formula talis narcotici cardiaci in *Materia Medica* ad hunc numerum habetur.

§. 470. **A**CTIO fit in parte præparata (469.);

1. Cultro acuto, forti, curvo, in dorso obruso, bene temperato, fortiter per omnia ad os usque adacto, æquabiliter & fortissimo applicatu ad os in orbem circumacto, ut unā celeri sectione totum periosteum accuratè discissum sit.
2. Si duplex in amputanda parte os, interstitia similiter minori, utrimque acuto, cultello quàm exactissime dissecando.
3. Dissecta (1. 2. hujus) per ministros fortiter distrahendo, ut hiatus sit inter margines sectionis.
4. Serrâ acutâ, subtili, forti, tensâ, os secando, quæ agenda perpendiculari, forti, æquabili motu; incipiendo ab tenuioris dissectione, desinendo in crassissimum, si os duplex; ne vi ferræ in festucas fissum dissiliat debilius.
5. Ossa inter secandum per ministros artificiosè flectendo, ut liber sit ferræ meatus.

1. Primùm, quod fieri debet in ipsa actione, est, ut simul & semel quàm celerrimè omnes partes molles ad ossa usque dissecantur, sicque hoc facto libera via pateat ferræ. Ad hanc sectionem faciendam requiritur culter satis acutus quidem, sed tamen sic factus, ut non nimis tenuem aciem habeat; illa enim obtunderetur, dum ossi appropinquit. Cum autem extrema corporis teretem figuram habeant, culter ille curvus debet esse, ut majorem superficiem secare possit. Curvatura autem hujus cultri modica tantùm sit, & per totam cultri longitudinem æqualis, non versus apicem tantùm. *Garengeotus*, qui omnia observanda in cultri

(a) Académ. des Sciences, l'an 1731, Mém. pag. 142. & suiv.

(b) De la Motte, Traité complet de Chirurgie, Tom. III. pag. 413.

(c) Observat. Lib. III. cap. xv. pag. 179.

hujus confectione exactissimè descripsit (a), monet, cultri hujus figuram optimam esse, quæ magni satis circuli arcum referat, sic ut radii, perpendiculariter ex hoc arcu in chordam subtensam incidentis, illa pars, quæ inter arcum & chordam coniunctur, pollicem vix excedat. Interim satis tamen patet, majorem cultrum requiri pro femore quàm pro brachio exstirpando, adeoque variaz magnitudinis cultros in Armamentariis Chirurgicis adesse debere. Dorsum autem cultri talis obtusum esse debet, ut sine periculo offensæ, Chirurgus manûs volâ vel digitis illud excipere, sicque cultrum dirigere possit. Culter ille per cutim & carnes adigitur ad os usque, & deinde, acie ejus manente ossi applicatâ, circumducitur in orbem, donec circularis sectio omnia diviserit, & inprimis simul ipsum periosteum. Præstaret, ut Chirurgi, antequam in vivo homine exstirpationem membrorum facerent, sæpius tentarent hanc in cadavere, sicque discerent firmâ manu, (cultri acie semper manente perpendiculari ad partem applicandam, ne deviet) circulari sectione omnes partes molles dividere. Voluit *Heisterus* (b) cutim cum pinguedine prius circulari sectione dividendam esse, & deinde retrahendam, quantum fieri possit, ut sic altiori in loco musculosa caro alterâ sectione ad os usque disseccari posset, & operatione factâ cutis & pinguedo magis tegerent ossis truncam partem. Sed sic binis sectionibus, fit quod aliter unicâ satis celeriter perfici poterit. Quia autem post exstirpationem peractâ tenacibus sæpe opus est emplastris ad varios usus, ideo, priusquam hæc instituat, convenit (c) prius omnes pilos in loco vicino abraderet, ne postea dolorem satis molestum excitent, dum renovari hæc emplastra debent.

2. Si unicum tantum in parte amputanda os foret, hoc sufficeret: ubi verò bina ossa sunt, ut in cubito & crure, non possunt primâ hâc sectione discindi illa, quæ inter bina hæc ossa ponuntur, adeoque requiritur alia sectio. Cum autem in quibusdam locis distantia v. gr; inter fibulam & tibiam tres quatuorve tantum lineas æquet, meritò monuit modò laudatus Auctor (d) cultellum, quo ad hanc sectionem utetur Chirurgus, non posse esse latum. Præterea in illis locis, ubi bina ossa adsunt, non potest primâ sectione omne periosteum hæc ossa ambiens disseccari: ista enim ejus portio, quæ illam partem horum ossium, quâ se mutuo respiciunt, tegit, non poterit cultro majori curvo attingi, ut faciliè patet. Debet ergo solitiè cultello eodem, quo partes inter bina ossa fixæ discinduntur, dividi periosteum, ne illud postea enormi cum dolore serræ dentibus laceretur. Simulque attenditur, an fortè in aliis locis aliquid de carne vel periosteo nondum integre discissum fuerit. Ex omnibus his aparet, quanta firmitas Arti accesserit, dum compressis arteriis omnis hæmorrhagia impeditur operationis tempore; absque hoc enim impossibile foret distinguere, an partes molles ad os usque penitus dissectæ forent, cum sanguine omnia inundarentur.

3. Ut autem ferra liberrimè agere possit, partes dissectæ a se mutuo remouentur, trahendo illas ab utraque parte; & inprimis versus superiora, ut carnes eo magis ab ossibus recedant, illæque altiori loco refecari possint: unde postea eo

(a) *Instrumens de Chirurgie*, Tom. II. pag. 160.

(b) *Instrum. Chirurg. part. II. Sect. I. cap. XXXIV. §. VII. pag. 474. & Cap. XXXVI. §. III. pag. 483.*

(c) *Garengot, Opérations de Chirurgie*; Tom. III. pag. 356 & 386.

(d) *Instrumens de Chirurgie*, Tom. II. pag. 169.

minor metus erit, ne ossis truncati pars ultra æquabilem vulneris superficiem emineat. Hoc autem poterit fieri trahendo versus superiora anulum illum coriaccum, qui supra locum exstirpationis ponitur; ut in præcedentis paragraphi numero secundo dictum fuit. Optimè etiam ad hanc rem convenire videtur sequens methodus. Sumitur lineum, longitudine pedem æquans vel excedens, quinque vel sex digitorum transversorum latitudinem habens; unum autem hujus linei extremum finditur usque ad duas tertias longitudinis partes. Binas hæc fissi hujus linei capita sic applicantur carnibus discissis, ut fissurâ suâ os comprehendant nudatum, & tegant totam superficiem carniū. Dum ergo bina hæc capita versus posteriora reflectuntur decussata, & trahuntur, simulque alterum ejusdem linei extremum in parte anteriori hærens eadem directione adducitur, patet, partes molles æquabilissimè sursum duci, & majorem adhuc partem ossis nudari, simulque caveri, ne ferra partes molles lædere possit. (a). Interim tamen curandum est, ne ferræ dentes huic lineo intricentur, inde enim turbaretur operatio.

4. Quænam observanda sunt in constructione ferræ, quâ ossa dissecantur, videantur apud *Garegeotum* (b). Sufficit hic notare præcipuas ejus proprietates. Acuta autem & subtilis esse debet, ut levi vi ossa dissecari possint, quod facillè patet: si enim crassa foret ferræ lamina, tantò plùs de ossium substantia deberet dentibus abradi, ut via fieret ferræ descendenti, adeoque tortiori molimine opus esset. Verùm ferræ subtilitas facit, ut & faciliùs frangi, si rigida & elastica valde fuerit; vel saltem flecti possit, si minùs fragilis. Posterius cavetur, dum arcu chalybeo firmata ferræ lamina pro lubitu per cochleam applicatam tendi potest: prius autem vitatur, si non nimis rigida fuerit chalybeæ laminæ, ex qua ferra facta est, temperatura. Neque facillè frangetur ferra, si recta & perpendiculariter per os adigatur: ubi verò inde deflectitur, hæret ferra, neque poterit moveri sine magna vi adhibita; unde sæpe periculum est, ne rumpatur. Tale infortunium Chirurgo accidisse narrat *Hildanus* (c): cùmque illo tempore nondum inter operandum tornatili ligatura commiscebatur hæmorrhagia, exanimis ferè jacebat æger, antequam alia ferra adesset, quâ operatio absolveretur. Ideo voluit *Hildanus*, ut semper binæ ferræ æqualis crassitie adsint, ubi exstirpabitur membrum.

Applicatur autem ferra ossi, quàm proximè fieri poterit sine læsione, circa carniū dissecatarum orbiculum; dein lentissimè crena insculpitur perpendicularis in osse. Ubi autem hæc facta est, non ampliùs tantum periculum est, ne ferra deviet, cùm crenæ lateribus undique sustineatur. Pergitur dein æquabili motu, cavendo quàm maximè, ne unquam à perpendiculari deflectat ferra; brevi enim tunc hæreret immobilis, unde nova iterum via ferræ parari deberet: vel si pergeretur, periculum foret, ne ferra rumperetur. Notandum præterea, non requiri, ut magnâ vi, ferra apprinatur ossi, quod in vivente homine, vel & in recens mortuo, mollius & succulentum est, adeoque facillè cedit: tunc enim dentes ferræ profundius immergerentur ossis substantiæ, adeoque non posset æquabilissime ferra reciprocari, sed per subsultus tantùm. Ubi autem duplex in parte amputanda os est, atque notabilis in magnitudine illorum & robore diversitas, uti v. gr. in crure

(a) Garegeot, Opérations de Chirurgie, 173. & suiv.  
Tom. III. pag. 367.

(c) De Gangræna & Sphacelo, cap. XVIII.

(b) Instrumens de Chirurgie, Tom. II. pag. pag. 607.

(in brachio enim ulna & radius non tam multum differunt), tunc omnium optimum est, si primum ferræ vestigium imprimatur tibiz, deinde sic inclinetur ferra, ut simul fibulam radat; atque simul curetur, ut fibula prius discissa sit quam tibia. Sine his cautelis enim periculum foret, ne fibula in festucas dissiliret, dum ferræ pressione & pondus sola sustineret. Facile autem patet ex cognito situ horum ossium, Chirurgum, ut omnia modò dicta perficere possit, commodissimè locari inter bina ægri crura non verò extra illa; uti in figuris *Hildani* (a) malè exprimitur.

5. Dum enim ferra profundius descendit jam in ipsam ossis substantiam, si v. gr; ille minister, qui crus exstirpandum circa genu tenet, parum elevet partem, alter verò pedem extremum parum deprimat, augebitur hiatus inter ossis partes resectas, & liberrima fiet ferræ via. Si verò adjuutores in tali operatione fuerint imperiti, vel animo turbati, patet faciliè, plurima mala fieri posse.

6. 471. **SYMPTOMATUM**, exstirpationem sequentium; prius marium, hæmorrhagia semper illico sistenda.

1. Vasis, jactu sanguinis deprehensis, apprehensis per tenacula è latere compressa, educis, filo trajecto & circumducto arctè constrictis, majora sunt. Aut vas constringendo per filum acubus binis incurvis utrimque ad latera vasis infixum.
2. Cauteriis ignitis applicatis.
3. Plumaceolis vitriolo imbutis ad vasa; absorbentibus alia ad loca applicatis.
4. Partes vivas, retroractas (469: n°. 2.) laxatas reducendo.
5. Vesicam circumponendo trunco, pulvere adstringente refertam.
6. Ligaturâ firmante.
7. Somno, quiete, victu; sollicitè procuratis.

Amputato membro, vasa dicta hiant apërta: hinc, nisi tornatilis ligatura arteriæ ad partem tendentis truncum compressisset, pleno rivo sanguis undatim efflueret. Sed non poterit hæc ligatura relinqui, quia, impedito omni affluxu sanguinis arteriosi in partem, de novo gangræna & sphacelus fieret. Debent ergo sic obturari quacumque demum methodo hoc fiat, vasorum discissorum orificia, ut laxatâ quamvis tornatili ligaturâ truncum arteriæ comprimente, sanguinis fluxus non sit timendus. Voluerunt tamen quidam Auctores, non illico sistendam esse hæmorrhagiam, sed conducere, ut aliqua copia sanguinis effluat; partim ut minuatur sanguinis abundantia, partim etiam ut evacuetur illa sanguinis pars, quæ in his vasis prope partem mortuam stagnaverat, & fortè aliquid maligni inde contraxerat. Sed cum hodie in parte viva exstirpatio tantùm fiat, nullum hujus rei periculum est; & si postea appareat, sanguinem nimiam copiam vel rarefactione curationi obesse, poterit venesectione tutò hoc tolli. Videtur ergo hæmorrhagia post membrorum exstirpationem illico sistenda esse: quod quomodo fieri possit, sequentibus numeris considerabitur.

(a) De Gangræna & Sphacelo, pag. 804



1. In *Commentariis* §. 218. n°. 4, dictum fuit, *Paræum* primum fuisse, qui post amputationes membrorum vasa ligaturâ firmavit, & crudelem methodum cauteriis adurendi partem truncatam repudiavit. Postea omnes Chirurgi illum secuti sunt.

Ut autem hæc ligatura bene fieri possit, laxatur tornatilis ligatura, ut sanguis per aperta vasorum orificia effluens demonstret illorum loca. Duplici tunc modo ligantur vasa: vel enim tenaculo, (quale apud *Garengéotum* (a) describitur & delineatur) quod elatere sponte clauditur & firmissimè quidem, arripiuntur vasa, & protrahuntur ultra plagæ superficiem, & deinde ligantur. Sed uti facillè apparet, sanguis appulsus sensim protrudet talem ligaturam, sicque periculum erit, ne illa decidat, & recrudescat de novo hæmorrhagia: unde voluerunt alii (vide *Commentaria* §. 218. n°. 4.) debere trajici filum per ipsam arteriæ substantiam, & deinde circumductum arctissimè constringi. Alia (& quidem hodie usitatissima) methodus est, ut acus admodum curva, quæ plura fila, non contorta inter se, sed in eodem plano posita, habet adigatur per carnes circa arterias positas; primò supra arteriæ locum, deinde similis punctura eadem acu, & iisdem filis manentibus, fiat infra arteriam; ita ut binis his puncturis quatuor fiant foramina, quæ quadratum spatium includunt, in cujus medio arteria hæret, quæ ligaturâ firmari debet (b). Extrema tunc filorum nodo constriunguntur, sicque clauditur arteria hoc vinculo, quod non immediatè tunc arteriæ ipsi applicatur, sed, carnibus interceptis simul, illam æquabilissimè comprimit. Prior autem methodus tenaculo protracta vasa ligandi peritissimis Chirurgis aliquando magis arrisit, quam illa, quæ acubus per carnes vicinas transfigendo fit, quia metuebant à partibus tendinosiis, nervis, &c. puncturâ læsis, vel vinculo interceptis, acerrimos dolores, & convulsiones. Sic egregius Chirurgus *Lamottius* (c) se solâ hæc methodo semper usum fuisse dicit; vel vitrioli globulis, vasorum discissorum orificiis adaptatis, ad sistendas hæmorrhagias post membrorum exstirpationem. Non autem solam arteriam, ligandam, verùm etiam circumpositæ carnis partem simul, tenaculo arripiebat & ligabat, sicque minus periculum erat, ne ligatura facta delaberetur nimis citò. Interim tamen non omnino condemnabat alteram methodum; quinimo in eodem loco ejus felicem successum candidus enarrat, dum, post periculosam brachii exstirpationem prope ipsum humeri articulum factam, transfadcto filo per carnes, arteria, inter illud filum & os intercepta, claudebatur, sine ullo malo symptomate securo.

Notandum tamen, quòd & metu & dolore aliquando exanimis ferè jaceat æger, adeoque non magno impetu sanguis exsiliat, & tantùm per maxima vasa; æger, nisi omnes notabiles rami sic ligaturâ firmati fuerint, periculum foret hæmorrhagiæ, & deberet sæpe postea totus apparatus iterum tolli, ut illa compesceretur. Præstat ergo grato cardiaco exhibito excitare vires, & attentè circumspicere, an fortè cum impetu per arteriam notabilem quamdam adhuc sanguis exsiliat, quæ tunc pariter liganda erit. His factis, nullus amplius hæmorrhagiæ metus est; neque opus erit ferris igneis, neque adeo valida requiritur ligatura, quæ recens

(a) Instrum. de Chirurg. Tom. II. pag. 183. | Tom. III. pag. 371.

&c.

(c) *Traité complet de Chirurgie*, Tom. III.

(b) *Garengéot*, *Opérations de Chirurgie*, pag. 415.

discissas carnes contundit, & novam inflammationem, imò & gangrænâ aliquando excitat.

2. Ad *Paræi* tempora usque videtur fuisse universalis hæc methodus sistendi sanguinem per cauteria ignita applicata. *Hildanus* (a) non tantum laudat cauteriorum usum post membri amputationem, verùm etiam multis encomiis extollit cauterium cultellare. Candenti nempe cultro carnes ad ossa usque secabantur, sicque eadem operâ sistebatur sanguis. Sed post talem operationem debet ambusta vulneris superficies separari per suppurationem, adeoque periculum erit, ne os ultra partes molles emineat, & difficilem curationem faciat. Verum quidem est, quòd & ipsum os cauteriis pariter exuri voluerit; sed & tunc videtur satis longum tempus requiri, ut mortua illa ossis pars separetur, licet contrarium voluerit Auctor. Videantur illa, quæ de causticorum ignitorum usu in compescendis hæmorrhagiis dicta sunt in *Commentariis* §. 218. n°. 1. & 4. Ibi enim habentur rationes, quare optimi Chirurgi hæc methodo abstineant.

3. Sumitur vitriolum, & inprimis Cyprium, in pulverem conteritur, qui plumaceolis vasis discissis applicandis inspergitur: vel, quod melius est, vitrioli pulvis gossypio excipitur, & sunt inde noduli spherici, vel & conici, qui vasis discissis applicantur. Sanguis effluens, simulac vitriolum tangit, coagulatur in thrombam, qui vasis discissi orificium obturat sicque sanguis sistitur. Ubi verò maximæ arteriæ discissæ sunt, sanguis magnâ velocitate erumpens abriperet hos globulos vel hæc plumaceola; unde simul requiritur pressio externa, per quam applicata hæc maneant ad vasorum dissectionum orificia: ideo dies noctesque adesse debent famuli, qui leni pressione continuò hæc in loco retineant. Præterea vitriolum vasorum extrema, & crudas carnes, quas tangit, in escharam convertit; quæ postea separari debet: tuncque hæc escharâ deciduâ, novus iterum erit hæmorrhagiæ metus, uti antea dictum fuit in *Commentariis* §. 218. Ideo ferè omnes Chirurgi magis hodie confidunt vasorum ligaturæ, neque vitriolum adhibent, nisi ubi non faciliè vasa prehendi & ligari possunt. Vitriolum autem illud tantùm apponitur majorum vasorum orificiis; reliquæ trunci superficiei, ubi plurima vasa minora discissa hiant, applicantur talia, quæ sanguinem absorbent; & cum illo in crustam abeunt, quæ operculi instar minorum vasorum hiatus tegit. Ubi verò cautum est, ne ex majoribus truncis discissis sanguis exire possit, faciliè patet, nihil timendum esse, licet ex minoribus ramulis aliquid adhuc sanguinis lentè exsillet; sponte enim hi rivuli clauduntur; uti probatum fuit in *Commentariis* §. 159.

4. In præparatione ad exstirpationem ipsam dictum fuit, cutim & subjectas partes molles debere sursum trahi quantum fieri possit, & in hoc situ retineri, donec amputatio membri facta sit. Deinde, vinculo soluto, reducuntur, ut ossis resecti pars non emineat ultra reliquam vulneris superficiem: dumque hoc fit, distracta antea vasa laxantur; unde sibi relicta nunc vasorum dissectionum orificia contrahi possunt, & se recondere sub partibus vicinis. Hæcque ratione partium retrotractarum reductio sistendæ hæmorrhagiæ utcumque conducit. Voluit *Paræus* (b) tunc truncum debere quatuor in locis acu perforari, ut trajectis, filis, &

(a) De Gangrænâ & Sphacelo, cap. XIX. pag. 812. 813.

(b) Liv. XII. chap. XXII. pag. 307.

crucis formam decussatim positis, adduci magis possent partes molles, & in situ retineri. Sed si validè adducerentur hæc fila, dolor satis magnus, & valida inflammatio, faciebant, ut brevè post iterum discindi deberent; si laxè tantum, inutiles erat hæc cautela.

5. Cum nihil plùs metuatur post membri exstirpationem, quàm hæmorrhagia; hinc anxî curâ omnia Arris molimina adhibent Chirurghi, ut hanc evitent. Et quamvis ligatis vasis majoribus, & absorbentibus pulveribus applicatis ad locum, satis cautum videatur, solent tamen vesicam, simili pulvere refertam, trunco circum applicare, ut, si fortè aliquis sanguis adhuc exiret, vel malâ fortunâ ligatura trunci cujusdam arteriosi solveretur; pulvres illi, statim cum sanguine in massam firmam concrecentes, prohiberent hæmorrhagiam. In *Commentariis* autem §. 218. n°. 3, dictum fuit, adstringentia illa parum efficere posse, nisi simul idonea compressio accesserit, quæ sola sine his etiam quàm efficacissimè hæmorrhagiam compescere potest, ut ibidem n°. 6, probatum fuit. Farina volatilis molitorum, gypsum, bolus Armena, præcipua sunt. Colophonium vel resinam cum bolo laudant alii. Lycoperdi fungi dissectos orbiculos, nostros Chirurghi ad similes usus adhibere solent, & satis feliciter quidem. In *Materia Medica* ad hunc numerum tales formulæ habentur. Celeberrimus tamen in Arre vir (a) *Alexander Monrous*, qui plurima utilissima monet in exstirpationibus membrorum observanda, dudum jam horum pulverum adstringentium usum apud Scotos evuluisse norat, quia & cum sanguine, vel aliis humoribus affluentibus, in duras massas concrescunt, quæ teneram vulneris superficiem lædunt; & postea difficulter tolli possunt, cum satis pertinaciter adhæreant. Consultit hinc, ut ligatis majoribus arteriis, reliqua trunci superficies mollissimis tegatur lintei carpi filamentis, quæ non lædent crudum vulnus, interimque liquida affluentia satis absorbent. Monetque simul, longè pulchrius hoc obtineri, & æquabiliorem pressionem conciliari parit, si loco plumaceolorum, ex linteis carpi convolutis factorum, filamenta hæc simpliciter applicentur, variâ crassitie, prout major eminentia vel cavitas superficiei requirunt.

6. Cum illâ methodo ligandi arterias majores dissectas, quæ hodie invaluit; hæmorrhagiæ periculum nullum sit, non requiritur stricta adeo ligatura: sufficit autem talis, quæ blandâ pressione lintea carpi & reliquum apparatus in loco retineat. Si enim ligatura circumposita truncum magis urgeat, plurima fient mala: tora enim pressio fasciarum in partes molles solas agat, cum os cedere nequeat; adeoque sursum prementur carnes, & os nudum relinquent. Præterea crudum illud vulnus (vide §. 158. n°. 5.) incipiet tumere calere, dolere, inflammari; adeoque summus gangrænæ metus erit, si valida compressio accesserit (vide §. 422. lit. ζ.). Unde etiam prudentes Chirurghi maluerunt, ubi metuebant hæmorrhagiam, noctes dièque famulos apponere, qui blandâ manûs pressione stypticos pulvres & reliquum apparatus continerent.

7. Quàm necessarium sit, ut vigiliæ impediatur in vulneratis, & quies concilietur, demonstratum fuit in *Commentariis* §. 202. Dictumque fuit ibidem, satis tutum esse in talibus casibus narcoticorum usum. Multò magis ergo hoc verum erit in exstirpationibus. Ubi autem paulò ante operationem (vide §. 469. n°. 5.)

(a) Medical. Essays Vol. IV. no. 22. pag. 311, &c.  
Tom. I.

narcoticum datum fuerit, illud perget agere adhuc per aliquot horas, blandumque somnum inducet. Multum etiam huc faciet tranquilla pacata mentis serenitas, quæ adesse solet semper, dum transierunt illa mala, quæ antea brevi futura metuebantur. Quam periculofum verò sit partem truncatam movere, conflit illo casu, cujus aliâ occasione (in *Commentariis* §. 218. n°. 6.) mentio facta fuit. Femur exstirpatum fuerat nobilissimo viro, qui intrepido animo hanc operationem sustinuerat; cum faustus hæcenus fuisset curationis progressus, vigesimâ primâ post exstirpationem die, se ipsum solus erexit in lecto subito & magnâ satis vi; sed mox imprudentiæ suæ poenas luebat, illico succedente validâ hæmorrhagiâ, quamvis ligaturâ occlusæ fuissent arteriæ: vixque à tanto periculo evasit, ope pulcherrimi instrumenti à celeberrimo *Petito*, excogitati, quo comprimebatur hians arteriæ orificium, simulque arteriæ truncus supra vulneris locum pro lubitu angustari poterat (a). Omnia autem illa, quæ circa victus regimen in vulneratis à §. 192, ad §. 197, enumerantur, hic accuratissimè observanda sunt. Minimum enim diætæ vitium tanto vulnere nocere poterit, cum recens chylus, ingefflorum dotes sæpe diu adhuc retinens, versus hunc locum minùs resistentem maximâ sæpe copiâ feratur; uti monitum fuit in *Commentariis* §. 192. Præterea, cum aliquando per exstirpationes magna corporis pars tollatur, parciore victus ratio instituenda est, cum minùs requiratur ad corporis nutrimentum, quàm antea; & omne superfluum vulnere locum minùs resistentem urgeat: unde vasorum dilatio nimia, carnes fungosæ, &c, nasci possent.

§. 472. **CONSOLIDATIO** fit in osse, si citò curetur exfoliatio, & caveatur caries, quod fit, si illico ei applicetur splenio-lum spiritu vini mastichino madidum.

Superficies ossis in parte truncata ferræ dentibus contusa fuit, unde videtur hic requiri separatio extimæ illius superficiei. Ut hanc promoverent Chirurgi, solebant candenti ferro os nudum leviter tangere (b). Merito autem hæc methodus hodie repudiatur. In vulnere enim capitis & fracturarum Historia patuit, ossium consolidationem & separationem corrupti, non indigere tanto molimine, sed felicissimè perfici, modò ab aere & pinguibus defendantur. Si ergo statim post exstirpationem ossi applicetur plumaceolum, spiritu vini, cum mastiche, vel similibus, decocto madidum; aer arcetur, & felicissima cura sequi solet, uti dictum fuit in *Commentariis* §. 252. n°. 2. Ubi autem cauterio applicato os comburitur, certò debet separari omne illud, quod ignis vi destructum fuit; adeoque retardabitur cura. Quinimo Observata fidelia videntur evincere, non semper necessariam esse illam ossis disseci exfoliationem. In methodo enim illa curandorum artuum exstirpatorum per insitionem, de qua dictum fuit in *Commentariis* §. 469. n°. 2, illico carnis relictæ pars trunco applicatur undique, & postea accrescit: testaturque *Ruyfchius* (c) qui in cubito tali methodo institutam exstirpationem coram viderat, & quotidie deligationi vulneris adfuerat, quòd nulla

(a) Académie des Sciences l'an 1731. Mém. pag. 144.

(b) Ambroise Paré Liv. XII. chap. xxxv. pag. 308.

(c) *Epist. Problem.* XIV. pag. 14.

fenibilem separationem extremitatum ossium cubiti & radii toto curæ tempore observaverit; creditque factum hoc ideo fuisse, quòd illico carne tectæ ossium extremitates aeri minùs expositæ fuissent. Ubi autem vulgari methodo membra exstirpantur, licet ossa nudata diutius aeri exponantur, tamen neque tunc semper sensibiles partes ab ossibus secedere monet celeberrimus *Monrous*. (a) In quatuordecim enim exstirpationum casibus, tantùm ter ossis particulas abscississe observavit; in reliquis ne vestigium exfoliationis inventum fuit. Ex quibus patet, nullo modo requiri, ut exfoliatio ossis dissecti promoveatur, cùm non semper necessaria sit.

§. 473. **I**N carne verò, ut in Historia vulnere dictum fuit ( ab 189: 192, ad 210 ).

Omnia, quæ in curatione vulnere numeris citatis dicta sunt, hic iterum conveniunt. Notavit autem celeberrimus *Monrous* ( b ) cavendum esse, ne nimis citò tollatur primus apparatus. Lintea enim carpta, pulveres styptici, fungus lycoperdi, &c, pertinaciter solent adhærere vulneris superficiei, neque sine dolore & metu hæmorrhagiæ inde avelli possunt; donec suppuratione natâ humescant iterum & sponte decidunt: ideo noluit, ante quintum diem apparatus renovari. Si verò à sanguine vel ichore fasciæ penetratæ sœtere incipiant, forfice rescindendas jubet, omniâque illa removenda, quæ non adhærent firmiter vulnere; deinde puris linteis applicatis omnia iterum tegi voluit. Raram dein deligationem commendat, secundâ quâque vel tertiâ tantùm die faciendam, dum pruritus, in vulneris loco perceptus, acrius jam fieri pus indicat. Molli verò, per lintea carpta applicata, compressione spongiosæ carnis generationem præcavendam monet; & fila, quibus arteriæ ligatæ fuerunt, si non satis citò cadant, & crescente carne tegantur, cautè rescindenda jubet, ne diutius relicta postea commodè educi nequeant, & fistulosum ulcus diu maneat.

Quamvis autem à dextrerrimis Chirurgis exstirpatio membri facta, omnesque cautelæ hoc capitulo enumeratæ scrupulosè observatæ fuerint, tamen aliquando quædam sequuntur, mala, quæ nec prævideri poterant facillè neque sæpe ullâ Arte tolli. Dictum fuit in *Commentariis* §. 172. n°. 1, magnam sæpe nasci curæ difficultatem, dum post majorum membrorum exstirpationem latum vulnus quotidie ingentem puris copiam colligit: sæpius enim absterfo pure, impeditur vulneris consolidatio, quod tunc in fonticuli naturam serè degenerans incredibilem copiam liquidi dimittit quotidie: unde subducto corporis nutrimento hæc viâ, totum corpus exsiccaturo vero marasmo. Si autem diu maneat in tanti vulneris superficiei collectum pus, illud, morâ & calore attenuatum, venosis osculis resorbetur, & omnem sanguinem putridâ cacochymiâ inficit; unde iterum plurima mala fiunt. Sed rara deligatio nimiam humorum jacturam impedit, & decoctorum ex herbis vulnerariis largus usus eluet de sanguine resorptum pus, & per urinas vel sudores expellet. Ubi autem improvisò omne corporis nutrimentum huc ruit, & maximâ copiâ per aperta hic vasa exit, in angusto spes est.

( a ) Medical. Essays Tom. IV. n°. xxii. | ( b ) Ibid. pag. 342.  
Pag. 345.

Homini in flore ætatis crus exstirpatum fuerat ob Iphacelum, quem contraxerat dum mediâ ætate puteum profundum mundaret. Felicissimè successerat operatio, nulla sequebatur febris, appetitus erat integerrimus, atque interim diætæ regimè debitum observabat æger, ossis extrema jam exfoliata fuerant, plagæque ipsa ad cicatricem perducebatur; tota vulneris amplitudine dimidii nummi imperialis magnitudinem circiter æquante. Cùm sic omnia in vado esse credebantur, optimæque valetudine fruebatur æger, incepit de vulnere aliquid albicantis, lactææ quasi materiæ, exire, sensimque augebatur hujus materiæ copia eò usque, ut singulis deligationibus duas trêsvē libras exivisse deprehenderetur: accessit simul profusus alvi fluxus. Binis his evacuationibus intra octodecim dies sic exhauriebatur æger, ut vero marasmo confectus periret. Nulla tamen causa hujus mali à peritissimis Chirurgis, qui communi consilio ægri curam gerebant, poterat detegi; nullumque inveniebatur remedium, quod cohiberet infautum illud nutrimenti corporis per vulnus & alvum profluvium (a).

Alterum, quod graviores operationes Chirurgicas aliquando sequitur, malum, convulsio est; quæ non statim, sed diu pôst, licèt omnia prospere cedere videantur, sæpe ægros opprimit. Sic *Mauritius à Reverhøft* Anatomæ Professor Hagæ Comitum in Epistola data ad celeberrimum *Ruysschium*, narrat, quòd in virgine triginta duorum annorum, postquam crus infra genu dextrâ admodum & celeri manu resectum fuisset, (b) *quin etiam ipsa curatio satis feliciter pro tempore succederet, optatumque eventum polliceretur*; infaustus tamen & lethalis eventus fuerit. Continui & intolerabiles dolores aderant in parte affecta, similisque percipiebantur in ipsa parte ablata (quod sæpe in exstirpationibus observatur). Ante debitum tempus menses prodibant cum validis intestinorum cruciatibus, & dejectionibus assiduïs. Postquam autem hæc mala cessaverant, statim conqueri cepit de faucium anxietate, & respirandi difficultate, quæ passioni hystericæ, familiari huic virgini malo, adscribebantur. Sed brevè postea, colli dolor & immobilitas, masticatio & deglutitio impediri, oris clausura, musculorum faciei distorsio, sinistrum ominabantur eventum, licèt omnia in vulnere laudabilia apparerent. Nec internis nec externis remediis applicatis minuebantur hæc symptomata; febris intendebatur, accedebat delirium, tandèmq; mors omnibus his malis finem imposuit. Additque egregius Vir, se in illis, qui ab hernia intestinali secti fuerant, quandoque similia symptomata observasse, & lethali plerumque cum eventu, licèt saluti jam proximè viderentur.

Apparet ergo ex his Observatis, nunquam posse promitti in gravioribus operationibus Chirurgicis felicem curam, sempérque adesse periculum; non tantum in ipso opere, ut *Celsus* (c) monuerat, animi deliquium vel sanguinis profusionem metuens; sed diu etiam postea, licèt omnia ex voto cedere videantur. Debent ergo Chirurgi & Medici ægri amicos monere, talia pericula in omnibus exstirpationibus, quamvis dextrè factis adesse; ne postea vel ignorasse, vel fessellisse videantur. Non sine ratione ergo & (d) *Hippocrates*, & (e) *Arateus* (vide *Commentaria* §. 233.) convulsionem, vulnere accedentem lethalem damnaverunt.

(a) De Lamotte *Traité complet de Chirurgie* Tom. III. pag. 385. & suiv.

(b) *Ruyssch. Epist. Anatom. Problem. XIV. pag. 4.*

(c) *Medicina. Lib. VII. cap. xxxiii. pag. 457.*

(d) *Aphorism. Sect. V. n.º 11. Charter. Tome IX. Part. II. pag. 195.*

(e) *De caus. & sign. Morbor. acutor. Lib. I. cap. vi. pag. 3.*

Optimum, quod Ars habet in dolendis illis casibus, est, ut blandissimis oleis, fomentis emollientissimis, tepidæ vapore, &c, totum corpus, & inprimis partes dolentes & convulsæ, laxentur; uti in *Commentariis* §. 234. n°. 3, ex *Hippocrate*, *Aretæo*, *Galen*o, &c, commendatum fuit. Pulcherrimum casum, qui horum vim salubrem probat, habet *Paræus* (a). Militi, ob sphacelum post vulnus sclopeti brachio inflictum natum, in ipso cubiti articulo exstirpaverat membrum: post quindecim dies convulsioprehendit miserum, sic ut maxillæ firmissimè clauderentur, & labia & faciei muscoli distorti risum lardonicum facerent. Cùm omnium rerum indigus, in summa domûs parte decumberet, malè tecto corpore, frigori & vento expositus æger, *Paræus* iussit illum deferri in stabulum, in quo pecorum magnus numerus erat, & fimi ingens copia. Ab utraque parte corporis positus carbonibus ardentibus, perfricuit nucham, brachium & crura linimentis, & fimi acervo mundum stramen imposuit, deinde supra hoc militem linteo calido involutum reposuit, & bene tecto corpore reliquit per tres dies & noctes. Fimi blandus & humidus calor adeo profuit in desperato serè hoc casu, ut post copiosum sudorem & levem diarrhæam, inceptis æger parum diducere maxillas, antea spasmo pertinacissimè clausas; & tandem ab ipso mortis limine redux convaluerit.

§. 474. SI ægro, sic truncato magnam partem (466-471.) viscera chylopœa & hæmatopœa valida sunt, plethoræ effectus sæpe sequuntur (106) quibus ut auferatur causa, missio sanguinis aliquoties, pro re, nata, instituenda, & victus moderatus.

Visum fuit aliquando, supervixisse diu homines, quibus in bellicis conflictibus utrumque crus globo ex tormentis bellicis majoribus emissio ablatum fuerat. Sed quanta tunc pars corporis periit! Pergunt interim viscera omnia, si cæteroquin sanus fuerit talis homo, suis fungi muneribus: hinc ex ingessis tantum chyli & sanguinis parabitur, quantum antea; vasorum tamen recipientium numerus longè minor erit; adeoque reliqua vasa magis debebunt distendi & repleti, ut auctam quotidie humorum copiam possint recipere. Omnes ergo effectus plethoræ sequentur necessarîo. Et quia artubus truncati ad solitos labores minùs idonei sunt, augebitur plethora, dum quotidie minùs dissipabitur per corporis motum, quam antea solebat. Nihil ergo superest, quam ut sanguinis missione tollatur nimia copia, reptenda aliquoties, si signa plethoræ urgentis redeant; sensim autem postea minuat sanguinis educendi copia, ut sic gradatim corpus insigni huic mutationi assuescat. Simul victus instituitur talis, qui sustinendo corpori sufficiat quidem, nec tamen nimis augeat humorum copiam. Nisi hæ cautelæ observentur, metus est, ne vasa nimis dissenta rumpantur: unde apoplexia, hæmoptoe, &c, fieri poterunt, nisi dilatatis orificiis sanguinis nimiam copiam in locis minùs periculosis effundant; uti dum salubri narium hæmorrhagiâ, cruentâ dejectione, &c, tollitur plethora. Sic *Galenus* monet, quod (b) *intestinelorum venis, præ sanguinis copia adaperitis, cruentum dejiciatur; sic ut similis affectus sit, atque ubi ora venarum, non in ano.*


(a) Livre XII. Chapitre xxxvii. page 309. | xxxviii. Chartez. Toni. XII. pag. 450.

(b) Lib. de Articul. Comment. IV. text.

*sed in intestinorum anfractibus, aut ad initium recti intestini, longè ab ano aperiantur. Per multos autem videmus experiri hoc malum, quibus membrum excisum fuerit. Sed in manu Medici non est copiam sanguinis nimiam per vasa dilata vel rupta educere in talibus corporis locis, in quibus tunc hoc fieri poterit; adeoque semper metus est sinistri eventus. Sola venæ-sectio in tali casu nocituram sanguinis abundantiam minuit sine periculo. Nisi enim vel sponte, vel per Artem solvatur plethora in illis, qui magnam corporis partem sic amiserunt, sæpe (a) ad thoracem vel pulmonem confluit, quod malum jam grave est. Alterutrum enim, vel pulmonis inflammationem, & lateris dolorem, vel sanguinis spumum supervenire necesse est. Ex Benedictus inter Observationes suas sequentem regulam Præcticam posuit: (b) Gibbosi, & quibus membra amputata, fluxionibus magis læcessiti, & phthisi maximè periclitantur.*

§. 475. **A**MISSI damnum farcit imitatio artificialis perdit, per fabricatas machinulas. Vide *Aquapendentem, Hildanum, Solingenium, Paræum.*

Facile potest adaptari truncato membro Arte facta machina, quæ figuram partis ablatae refert; sicque, dum vestibus tegitur, tollitur deformitas. Sed, Mechanici miris inventis aliquem adhuc usum ablatae partis restituere potuerunt. Supra locum amputationis enim musculi, & illorum partes residuae, ad voluntatis nutum turgent & inflantur: adaptaverunt autem his musculis pulcherrimâ Arte fabricatas machinas; per quas, dum musculi, qui antea truncatae partis ablatos articulos flectebant, v. gr; turgent, aliqua quasi imago similis motus excitatur. Integrum tale sceleton ferreum & ab anteriori & à posteriori parte delineavit Fabricius ab *Aquapendente*. Manûs talis artificialis figuram, quam ab optimo Artifice precibus vix extorquere potuerat, exhibuit *Paræus* (c), ubi & plures aliae similes figurae habentur.



## DE COMBUSTIONE.

§. 476. **S**I ignis ardens, vel in fervido corpore latens, corpori nostro applicatur, oritur destructio vasculorum, extravasatio humorum, pro varietate causæ, durationis, partis affectæ, varia.

Datur in corpore hominis sani caloris gradus, thermometris mensurandus, à quo nec liquidis nec solidis aliquid noxæ accidit. Rarè etiam in fortissimis homi-

(a) Galen. Lib. de artic. Comment. IV. text. xxxviii, Charter, Tom. XII. pag. 451.

(b) Theatrum Tabidorum pag. 108.

(c) Livre XXIII. Chap. xii. pag. 580.



nibus calor ille nonagesimum sextum gradum thermometri *Fahrenheitiani* (dicti à primo portatiliu thermometrorum in his saltem regionibus artifice) excedit. Ubi verò ultra centesimum gradum in morbis ascendit, incipit sanguis ejusque serum ad coagulationem disponi: si autem centesimum & vigesimum gradum æquat calor, serum sanguinis coagulatur. Calor ergo ad hunc gradum evectus jam liquida nostra mutat; solidæ autem partes nondum videntur inde multum lædi. Ubi verò ad ebullientis aquæ calorem, quæ circiter ducentesimo & duodecimo gradu mensurari solet, perventum est, & citius adhuc; jam solidæ corporis partes inde læduntur, & destruuntur quædam ex illis. Aqua enim ebulliens, vel & ebullitioni proxima, si tangat partem nostri corporis, paulò post ruptis vasis tenerrimis, quæ epidermidem cuti nectebant, effunduntur humores, qui collecti epidermidem in bullas elevant. Ubi autem major calor, quàm est ebullientis aquæ, corpori humano applicatur, plura vasa destruuntur, & citissimè quidem. Sic ferrum candens uno momento destruit omnem partem corporis, quam tangit.

Ignis autem corpori applicatus vel ardet & lucet, uti v. gr; candelæ flamma, ardens pruna, &c; vel inhæret quibusdam corporibus sic, ut non luceat quidem, interimque pessimè comburat omnia, quæ tangit. Sic v. gr; ferrum potest adeo calere, ut sulphur accendat, & partes nostri corporis ad ossa usque destruat; nec luceat vel ardeat tamen. Tunc dicitur latere ignis in talibus corporibus, quamvis adeo sensibiles effectus præstet. Effectus illi reduci possunt ad vasculorum destructionem, humorum extravasationem, atque eorumdem coagulationem. Sic v. gr; si aqua ebulliens per aliquot tantum momenta partem corporis tangit, ruptis vasculis sub epidermide colliguntur extravasati humores: verum & cutis, & sæpe panniculi adiposi suppositi pars sic inde mutantur, ut coagulatis fluidis tolleretur omnis vitalis influxus & effluxus humorum in his locis; & postea partes sic affectæ, verè gangrænosæ, suppuratione in omni ambitu facili, separari debeant. Ubi ferrum candens parti corporis applicatur, statim dura & siccissima elchata nascitur, nihilque extravasati liquidi apparebit in illo combustionis loco, quamvis vascula destructa fuerint. Ratio faciliè patet, quia eadè illà ignis actione liquida coagulata fuerint. Extravasatio ergo humorum levioris adhuc combustionis effectus est; validiori autem liquida & solida simul in siccam crustam convertuntur.

Effectus verò ignis corpori applicati differunt pro varietate causæ. Ignis quidem videtur esse ex sua natura unus idèmq; sed rarissimè corpori nostro applicari potest purus ignis, semper enim ferè alteri corpori adhæret. Nam purissimi alcoholis accensi flamma nequidem purus ignis est, sed aquam secum rapit. Speculis ustoriis collecti solis radii in foco suo fortè purum ignem habent; in reliquis Experimentis ignis semper pabulo suo sustentatur, vel aliis corporibus unitur. Illa autem corpora, quæ ignem in se continent, vel pabulum ardenti præbent igni, dicuntur causeïllorum effectuum, qui ab igne hoc modo corpori nostro applicato fiunt. Ingens autem observatur diversitas in his, per Experimenta tantum determinanda. Sic per accensi alcoholis flammam manum movere licet, sine damno ferè; si verò quercino ligno focus instructus ardeat, illico combureretur. Præterea in fluidis detecta fuit hæc proprietas, quòd quædam longè majorem copiam ignis capere & retinere possint, quàm alia. Aqua igni ardenti imposita vix calefcet

ultra ducentefimum & decimum quartum gradum thermometri *Fahrenheitiani*; & ubi semel hunc caloris gradum acquisivit, non incalescet plus, quantumcumque etiam suppositus augeatur ignis. Oleum autem lini, olivarum, vel simile aliquod ex seminibus vel fructibus expressum, dum ebullit, ad sexcentefimum ejusdem thermometri gradum facit ascendere mercurium. Unde enormis diversitas effectuum observatur, dum vel aqua ebulliente, aut fervido oleo, pars corporis amburitur.

DURATIONIS autem ratione, effectus ignis corpori applicati augeri vel minui facile patet. Ferrum candens uno momento applicatum cuti, mox remotum; comburet quidem, sed leviter; diutius appressum parti quidam ad ossa usque omnia destruet. Longè periculosior hinc combustio ab ebulliente pice, quàm ab oleo; quia illa tenacissimè adhæret, oleum verb citiùs desluit.

PARTIS AFFECTU autem diversâ indoles, & varius in corpore humano usus, iterum novam diversitatem facit. Cyclopes illi, qui anchoris cudendis quotidie incumbunt, volas manuum instar cornu durissimas & insensiles habent, atque impune vivum ignem, imò & candens ferè ab igne ferrum, arripiunt: iidem tamen, dum à valido labore lassî focalis suis assidentes vesperî obdormiunt, sæpe à modico tali igne cutim in cruribus combustam, & in vesiculas elevatam, habent. Dum civis Hagensis ori admotum selopetum inflat, infortunato casu incenditur pulvis pyrius, quo, infcio hoc homine, gravidus erat tubus; miserique palatum, gula, gingivæ, lingua adurebantur. Licet autem & vencescitio, & alia selecta adhiberentur remedia, per oscliduum tamen nihil omnino deglutire potuit; posteaque, separatis partibus mortuis, viva supposita cruda & dolentissima novas fecerunt misérias, donec tandem post diuturnam veluti cum morte collectationem convaluerit, ossis etiam fragmentis à palato separatis (a). Facile autem patet, longè minùs periculi fore & molestiæ, si loco gulæ manum pulvere pyrio accensio combussisset.

§. 477. **HUJUS** (476) varietatis gradus varii similes sunt his; qui decurrunt à prima & levissima inflammatione, (370, ad 404.) usque in sævissimum sphacelum.

Quæcumque jam fuerit causa ignem continens, & applicans corpori, quantumvis magna aut parva fuerit duratio hujus applicationis, cuicumque demum parti corporis ignis applicatus fuerit, effectus quidem erunt varii, sed omnino similes illis tamen, qui in variis inflammationis gradibus observantur: summus enim ignis partem corporis destruens non plus facit, quàm sphacelus omnia corumpens. Levis autem, quamvis jam molesta, ignis actio tumorem aliquem & ruborem excitabit in parte quadam corporis, ferè erysipelatis instar; auctà ignis vi, tumor & rubor augebuntur, & fiet vera phlegmone: dein pergente, vel & auctà adhuc ignis actione, vesiculæ elevantur, & omnia gangrænae, ex valida inflammatione natæ signa apparent: ultimò per ignem omnia destruantur ad ossa usque, uti in vero sphacelo fit. Dictum autem fuit in *Commentariis* §. 370, ob hanc effectuum similitudinem, plegmonem nomen ab igne

(a) *Sulpat. vander Wiel. Observat. rar. Cent. 1. n.º. xxiv. pag. 100,*

accepisse

accepisse. Quot autem possunt esse gradus intermedii inter levissimum erysipelas & perfectissimum sphacelum, tot etiam intercurrunt inter minimam & maximam combustionem. Sola ferè diversitas est in celeritate, quia per ignem applicatum momento temporis perfectus sphacelus fieri poterit; qui semper, post brevissimam quamvis inflammationem, tardius sequitur.

§. 478. **H**I NC phænomena, diagnosis prognosis, eadem.

Ex modò dictis; patet, phænomena combustionis eadem esse illis, quæ inflammationem comitantur. Verùm, sicut inflammatio, pro varia magnitudine & intensitate, varios habebat exitus, variamque requirebat medelam, uti in ejus Historia dictum fuit; ita etiam in combustionem obtinet: adeoque & cognosci debent illa signa, quæ docent variam combustionis magnitudinem. Horum cognitio ad diagnosis pertinet. Levis combustio noscitur ex cognita causa, quæ nec valida fuit, nec diu applicata; uti v. gr; si aqua, nondum omnino fervida, per momentum tantum partem corporis attigerit; rubor cutis, levis tumor, dolor molestus quidem, ne tamen acerrimus, vesiculæ vel nullæ, vel paucæ tantum, neque statim post combustionem ortæ, & limpida aqua plenæ, hujus speciei diagnosis absolvunt. Pejor combustionis gradus scitur, cognita causâ validiori, aut majori duratione ejusdem, dolore valido, vesiculis liquore flavescente plenis, statim post combustionem apparentibus, sensu tensionis & rigiditatis in cute loci combusti. In pessima autem combustionem, ubi per validissimam causam subito destruuntur omnia, nullæ vesiculæ sunt in loco ambugo, quæ tamen postea sæpe in ejus ambitu oriuntur, cutis livida, imò aliquando penitus nigra est, & nullum sensum doloris habet, licet scalpello pungatur, dura & penitus arida.

Prognosis autem pendet à cognita combustionis specie per signa diagnostica; indole partis læsæ, & ægri temperie. Hicque in primis cauti debent esse Medici & Chirurghi, ne plùs promittant, quàm efficere possint. Ubi enim levis tantum combustio est, sine cicatrice relicta, sanari poterit; si verò ruptis vasibus effusus humoribus, vel iisdem coagulatis per ignem, in parte affecta destructus fuit humorum circuitus, totum illud suppuratione, in omni ambitu natâ, separari debebit, & turpiter errabit ille, qui facilem talis combustionis curam, & sine cicatrice promittit: separatâ enim hâc parte mortuâ cavum ulcus fiet: cuius amissa substantia rarè vel nunquam sic reparari poterit, ut æqualis fiat superficies cum cùte vicina. Prout jam tenerioris vel durioris fabricæ fuerit pars ambugo, iterum prognosis variat. Sic v. gr, circa oculos summum semper periculum etiam à levi combustionem est, ne lædatur visus. In atrabiliaris, cacoehymicis, & scorbuticis in primis corporibus, levis sæpe combustio in pertinacissimum ulcus degenerat. Ad omnia ergo hæc in prognosi attendendum est, ne postea mala sequentia adscribantur Medico vel Chirurgo si non monuerit, hæc metuenda esse.

§. 479. **Q**UIN curatio nihil differt: potus antiphlogisticus semper necessarius.

Sicut enim nulla generalis cura est inflammationis, sed illa variat prout, in re-  
Tom. I. E e e e

solutionem, suppurationem, gangrænam, vel schirrum tendit; sic etiam & in combustionem longè alia requiruntur, quando illa intra limites resolvendæ inflammationis subsistit, quàm si in crustas gangrænosas vel & sphacelatas partem converterit. Sequentibus ergo paragraphis pro vario gradu ambustionis peculiaris cura tradetur; patebitque, illam satis respondere indicationibus curatoriis in phlegmones Historia enumeratis. Unicum tantùm hoc in omni combustionis specie commendari potest, nempe potius tenuis antiphlogistici usus. Semper enim inflammatio levem etiam combustionem comitatur. Imò in gravioribus combustionibus, imprimis si magna pars corporis affecta fuerit, omnia illa conveniunt, quæ in valida phlegmone curanda laudata fuerunt. Venæsectio hinc, etiam repetita pro re nata, & purgantia antiphlogistica summi usus sunt. Hac methodo *Hildanus* (a) feliciter curavit tinctoris famulum, qui in ahenum tinclurâ calidâ, nec omnino fervidâ tamen plenum inciderat; simul optimis externis remediis applicatis, intra quatuordecim ab universi corporis combustionem tali sanatus fuit. Sed hæc combustio, uti ex Historia patet, non excesserat limites resolvendæ inflammationis, nisi paucis tantùm in corporis locis, quæ ramentis ligni quercini, & aliis similibus in fundo haeni jacentibus contigua fuerant; quibus etiam, uti ibidem monet *Hildanus*, alia curationis methodus adhibita fuit. Patet saltem & hoc Exemplo, quantum illa, quæ in curanda inflammatione resolubili fuerunt laudata, etiam in combustionem profint.

§. 480. **USTIO** intra limites resolvendæ inflammationis subsistens (386) curanda his, quæ liquida condiant, moveant, vasa expediant, conservent: id fit igne moderato, foru, cataplasmate, (395, ad 402.) butyro loto, spiritu vini cum paucis vitriolo.

Si combustio parvam tantùm corporis partem læserit, non opus erit venæsectione, purgantibus antiphlogisticis, &c, corpus turbare; sufficiet enim tunc topica medela ipsi parti affectæ adhibita. Ubi verò tam levis ustio fuit, ut resolubilem inflammationem tantùm excitaverit in parte, satis facilis cura est: tuncque omnia illa, quæ in singulis serè familiis habentur diversa, remedia valent. Quod enim mirum videtur, optimi etiam Chirurgi oppositæ virtutis remedia hic commendant, emollientia nempe, & adstringentia, attrahentia & repellentia, &c. Sic *Paræus* (b) portulacæ, lactucæ, plantaginis, &c, succos, mollissimum ovi albumen laudat; & eodem in loco ad idem malum commendat lutum forti aceto dilutum, atramentum scriptorium oxycrato mistum, alumen rupeum aquâ solutum, imò & acres ceparum bulbos cum paucis sale tritis applicari summo cum fructu monet. Vidi aliquando & plurima alia fuisse applicata in tali casu & cum levamine quidem, modò frequenter renovarentur. Hoc & monuerunt serè omnes Chirurgi, in initio applicata remedia locis combustis sæpe renovanda esse, donec dolor sedetur; & uti *Paræus* (c) dixit, donec calor parti impressus eductus fuerit. Dum *Hildani* uxor sapæ ebullienti ad carpum us-

(a) De Combustione, cap. VII. pag. 912. | (c) Ibidem.

(b) Liv. XII. chap. XVII. XVIII. pag. 300. |

que dextram manum improvise immiserat, illico dolor vehementissimus ortus est, non tantum in manu, verum etiam toto brachio. Calida aqua abluit statim sapam, deinde pariem læsam inunxit linimento, ex cepis crudis, sale sapone & oleo amygdalarum dulcium, & rosaceo composito, brachium vero oleo rosaceo inunxit, & fasciâ, postea intinctâ, involvit; simulque addit, quoddam sæpius omnia illa iteraverit, tam pulchro quidem cum successu, ut tantam combustionem nulla cutis exulceratio secuta sit, præter parvam pustulam in pollice, alterâque similem in digito indice, quæ tamen levi negotio solo unguento basilico curatæ fuerunt (a). In alio casu dicit, quoddam singulis horis quater emplastra renovaverit primâ die sicque major pars empyreumatis evocata fuerit (b). Videntur ergo plurima esse remedia, quæ combustionem in hoc gradu curare possunt, modo tales habeant proprietates, ut liquida stagnantia condiant, & moveant, vasa interim expediant simul, & illorum integritatem conservent. An ignis, applicatus corporis humani partibus, illis manet unitus pro tempore? An inde potest educi per attrahentia, ut spicula glacialia ex partibus congelatis aquæ frigidæ vel nivis applicatione educuntur? Certè solâ ignis prudenti applicatione lenitur dolor in parte combusta, tandemque totus tollitur. Unde optimè Fernelius dixit, quoddam (c) *ignis si proprius ipsi pars ussa admoveatur proprii inusti mali fit alexiterium, eamque revocato empyreumate dolore levat*; additque, remedia nonnulla impressum partibus ardorem foras calore prolestant; ut *ari & porri illita folia præsentis ambusis sunt remedio*. Postea numerosum catalogum addit medicamentorum, quæ ad eundem scopum faciunt, licet viribus medicatis omnino diversis gaudeant. Vidi sæpius, solâ aquâ tepidâ applicatâ, unguento populeo inuncto, vel & alio simili, levatum fuisse dolorem in parte combusta; qui tamen paulò post augebatur iterum, levandus illico, modò aliud linteum aquâ tepidâ madidum parti applicaretur, vel novâ copiâ ejusdem linimenti inungeretur; sicque repetitis vicibus eadem applicando sensim omnis dolor evanescebat. Quidquid sit de illa ignis proprietate quam tantum dubii instar proposui, sufficit Practico novisse illa remedia, quæ tutè & certò dolorem in ambusis leniunt, & malum hoc sanant. Usus autem docuit, hæc obtineri posse sequentibus.

**IGNE MODERATO.** Si v. gr; manus dextra combusta fuerit, sinistra foco admoveatur in tali distantia, ubi gratissimum calorem percipit; tunc manus dextra in eadem à foco distantia ponitur, incipiet augeri dolor in initio, sed brevè post minuetur; parum proprius admoveatur manus dextra foco, dolebit iterum, & paulò post evanescet dolor: sic sensim proprius ad focum accedat manus læsa, donec possit ferre calorem foci in illa distantia, in qua manus sana illum sine molestia tolerare valet. Ubi hoc factum est, sanata est combustio, & quotidianis Experimentis hujus methodi utilitas probatur, diciturque vulgò tunc exuri combustionem (*uytbranden*)

**FOTU, CATAPLASMATE,** &c. In *Materia Medica* ad hunc numerum tales formulæ habentur, & plures aliæ similes adhiberi possent. Omnium maxime profunt, si tepida applicentur (frigida enim actu nocere ambusis ob-

(a) Hildan. de Combust. cap. vi. pag. 322. | (c) Therapeut. Lib. VI. cap. xx. pag. 453.  
(b) Iuid. cap. ix. pag. 327.

servantur) & renouventur frequenter, donec dolor sedetur. Emplastra plumbata, linimenta similia ex plumbi calcibus facta, molissimum olea quævis pariter protulunt. Spiritum vini autem omnibus remediis, quotquot adhuc inventa fuere, palmam præripere Sydenhamus (a) asseruit; si nempe lineæ spiritu vini imbuta partibus ambustis applicentur illico, & horum applicatio repetatur, donec dolor ab igne excitatus penitus evanuerit; posteaque bis in die eadem tantum applicanda voluit. Notandum hic est, quod pariter ille vir commendat frequentem applicationem ejusdem remedii renovati in initio mali. Pauculum vitrioli addidisse spiritui vini fortè proderit æquè, ac alumen, & similia, adstringendi & repellendi vi prædita, quæ laudata fuerunt à Paræo & aliis. Fortè hæc sua efficiaciâ sanguinem aliena vasa ingressum, constringendo vasa, repellunt versus latiorē arteriarum locum, sicque inflammationem hic natam solvunt. Omnia tamen hæc remedia, quantumvis etiam decantatissima fuerint, tantum profunt, ubi combustio resolvendam inflammationem fecerit; si enim sic destructa fuerint vasa, vel coagulata liquida, ut non possit separari resolutio concreti, nec stagnantibus possit conciliari motus; alia curatio requiritur, ut in sequentibus paragraphis dicitur.

§. 481. **U**STIO itura in gangrænam, crispatâ jam & erosâ cute, elevatis bullis, curanda ut inflammatio talis, fotu, cataplasmate, emollientibus, digestivis (402, ad 454.).

Si jam signa (vide §. 478.) doceant, combustionem tantam fuisse, ut benignâ resolutione curari non possit, sed metus sit, ne in gangrænam transeat, tunc omnia illa convenient, quæ ad similem inflammationem, numeris hic citatis, commendata fuerunt. Benigna suppuratio tunc quæ separat omne illud, quod in solidis & fluidis sic mutatum est, ut vitæ & sanitatis legibus amplius obedire nequeat, promovenda est, molissimis fomentis & cataplasmatibus applicatis. Notandum tamen, bullas in loco combusto elevatas non semper notare, gangrænam hic adesse. Si enim non statim, sed post aliquot tantum horas appareat, & tenui limpidâ aquâ turgeant; neque dura & crispata appareat subiecta & vicina cutis; nondum desperandum est, sine suppuratione posse curari talem combustionem. Vidi enim sæpius, ignis vi solutos quidem nexus tenerrimos epidermidis cum cute subiecta, illam tamen non admodum læsam; & sine ulla suppuratione, vel cicatrice relicta, sanatam fuisse talem combustionem. Bullas illas elevatas illico pertundendas volunt Paræus & Hildanus, ne contentus ichor rodât subiectam cutem & exulceret; sed & in me ipso, & aliis, frequenter vidi, nullam noxam ortam fuisse, licet integræ relinquerentur: non enim tam citò corrumpitur illud extravasatum; & cuticula, integra relicta, & ab aere & ab applicatis remediis defendit tenerrimam illam pulpam nervosam, quæ supponitur, & adeo dolet, si nudetur; ut unusquisque in se ipso expertus aliquando fuit, quando à quacumque causa epidermis in quodam corporis loco deraditur: tunc enim dolor lancinans molissimus (Schrynnedepyn) percipitur. Solet enim cœ-

(a) De peripneumonia Notha, in fine, pag. 343.

tentus his bullis ichor sponte reforberi vel dissipari, & cute subjectâ, testâ, renatâ epidermide, illa pars, quæ in bullas elevata fuerat, sponte secedit postea sine ullo dolore. Si verò subjecta cutis sic læsa fuerit, ut per suppurationem tolli debeat nonresolubilis inflammatio, præstat levi aperturâ harum bullarum exitum facere contento ichori, epidermidem verò relinquere; quæ nunquam quid mali faciat, neque corrumpetur. Si enim, ut solet fieri sæpe, abscindatur epidermis jam collapsa, nuda cutis superficies dolentissima erit. Hoc pulchre notavit *Paræus* (a) dicens, profundas combustiones minùs dolere, quàm superficiarias: monuitque Chirurgos, ut in his casibus dolentissima loca tegerent raro linteo, ne rudiori tactu hæc irritarent, dum depurantur. Similem cautelam in superficialibus illis combustionibus commendat *Hildanus* (b), totumque locum ambustum telâ Cambriacensi tegebat; neque auferbat illam, donec sanatus esset locus. Certè epidermis relicta magis naturale tegumentum dabit.

Ubi ergo non resolvenda inflammatio, à combustionem natâ, suppurationem requirit, mollissima cataplasmata proderunt, & reliqua illa, de quibus dictum fuit §. 402, & sequentibus, ubi de abscessu agebatur. Et licet nullum profundum ulcus adfuerit, sed sola tantum epidermis fecesserit, maxima tamen sæpe copia optimi puris quotidie in loco ambusto nascitur; sicque sensim sanatur malum. Mirabatur hoc quàm maximè *Hildanus*, dum curabat ancillam, quæ servidâ aquâ totum crus combusserat ad genu usque. Singulis enim deligationibus, quæ bis quotidie fiebant, ultra semilibram puris albi, æqualis & optimi, invenit in linteis & emplastris amoris, duravitque per multos dies tam copiosi puris effluxus; licet sola tantum epidermis fecessisset, nullibique profundum ulcus, multò minùs cæchra gangrænosâ adesset (c.) Curatio autem inujus combustionis, per suppurationem facta, quinque septimanarum spatio absolvebatur.

Cùm autem causa comburens non semper æquali vehementiâ in omnem loci ambusti ambitum egerit, uti sæpe fit; accidit aliquando, ut in quadam parte resolubilis inflammatio sit, in alia minimè: unde tunc varia pro re nata applicari debent remedia. Sic v. gr; dum aqua servida delabitur in corporis partem, ille locus quem primò tangit, longè pejus afficietur, quàm vicina, per quæ postea defluit. Unde in casu illo, (de quo §. 479, dictum fuit,) uti tinctoris famulus toto corpore in servidam ferè aquam inciderat, *Hildanus* totum ferè corpus quidem inunxit unguento ex sapone, sale, cepis crudis, &c. confecto, quibusdam tamen locis, ubi combustio profundius penetraverat, mollissima tantum remedia applicuit. Nunquam tamen nocebit, licet resolutio vix sperari posse videatur, in gravioribus combustionibus, venæsectionem, purgantia antiphlogistica, diluentia, &c. adhibere; cùm illis citò applicatis, & si opus fuerit repetitis, multoties etiam incipiens gangræna feliciter curtur; uti dictum fuit §. 441. Inprimis si facies ambusta fuerit, unde turpis, & totâ vitâ manens, deformitas merito metuitur; vel & aliquando cæcitas, si vel oculi ipsi, vel vicina his loca læsa fuerint. Celebrerrimo *Boerhaavio* tale infortunium quondam accidit, dum *Papinianâ* machinâ dissiliente, servidissima aqua in faciem insiluit; quæ & se insinuans intra vestes, brachium misere combusserat. Tota facies mox in bullam ele-

(a) Liv. XII. chap. XVIII. XIX. pag. 301. | (c) Observ. Chirurg. Cent. IV. Observ.

(b) De Combustione, cap. VII. pag. 214. | CRUII. pag. 371.

vata fuit, palpebræque tumidissimæ sic impediabant omnem visum, ut nequidem candellæ lumen distinguere potuerit. Illico sibi sanguinem mitti ad animi deliquium usque iussit; & sequenti die venæsectionem reperendam curavit: deinde purgans satis forte sumsit; quamvis etiam à levioribus purgantibus ad syncopen usque serè moveretur. Solo unguento nutrito faciem inungi curavit, & emplastro ex lapide calaminari tegi. Subfederunt tumidæ partes post tam validas evacuationes, & victu tenuissimo & potibus antiphlogisticis magnâ copiâ sumtis tantum profecit in curatione periculose hujus combustionis, ut magno generis humani bono, salvis oculis, incolumis evaserit à tanto malo; & post octo vel novem dies iterum in publicum prodierit. In brachio tamen sœda cicatrix post diuturnam suppurationem relicta fuit; ibi enim aqua fervida, inter vestes se insinuans, diutius manserat applicata cuti.

§. 482. **USTIO** jam in crustas gangrænosas, vel sphacelatas acta, curanda ut illi morbi (419, ad 476.).

Ubi autem combustionem sic destructa fuerunt vasa, aut humores adeo coagulati, ut omnis influxus & effluxus humorum in parte affecta impediatur, vera gangræna est; & si ad ossa usque malum penetraverit, sphacellus. Omnia ergo illa, quæ de curatione horum malorum in numeris hic citatis dicta fuerunt, in tali casu proderunt. Debet nempe mortuum illud & corruptum separari à vivis partibus, quibus coheret. In his casibus apparet evidentissimè inanis jactantia illorum, qui arcanis suis remediis brevi tempore, & sine cicatrice relicta, se omnes combustiones curare posse gloriantur. Plures tales casus quotidie occurrunt, & serè semper vidi, quòd aqua ebulliens, dum in partem quædam corporis decedit, illum locum, quem primò tangit, gangrænosum reddat; reliqua verò loca, per quæ successivè dein defluit, leviter tantum comburat. Si tunc in tali loco pertundatur epidermis in bullas elevata, subjacet macula cinerea, vel & flavescens, quæ vera eschara gangrænosa est; & iisdem legibus à vicinis partibus vitalibus per suppurationem solvitur & excidit, ac in gangrænâ: ab aliis causis ortis, accidit; ut in *Commentariis* §. 444, explicatum fuit. Si verò ab igne ardente, pulvere pyrio, oleo ebulliente, aliisve gravioribus causis combusta fuerit corporis pars quædam; escharæ illæ durissimæ sunt & adeo crassæ, ut scarificationibus sæpe profundius opus sit, ut partes vivæ suppositæ ab hoc mortuo incumbente liberari possint. Sola mollissima unguenta tunc profunt, uti & fomenta & cataplasmata similia: omnia exsiccantia & adstringentia nocent; Spiritus vini, adeo laudatus à Sydenhamo & aliis, ad omnes combustiones, inducendo has crustas, retardat curationem non tantum, sed & sæpe omnia mala auget. Patuit hoc evidentissimè in tristissimo casu, quem toties laudatus *Lamottius* (a) refert. Hysterico paroxysmo correpta puella prona facie in ignem delapsa est; dumque fortè dolore excitata se erigere voluerit, supina denuo in ignem cecidit; unde tota facies, & collum ad mammas usque, uti & tota cervix ad humeros usque miserrimè combusta fuerunt. Mox lintea, spiritu vini madida, locis ambustis applicata fuerunt, & per triduum sic pergebatur. Sed augebatur

(a) *Traité complet de Chirurgie*, Tom. III. pag. 388, & suiv.



dolor, & nigredo jam primâ die apparens extēdebat se quaquavēsum, unâ cum fātore cadavērofo intolerabili. Bonâ fortunâ facies levius combusta fuerat, & oculi manferant illæsi. Sed à mento ad mammas usque, & à nucha ad angulum inferiorem utriusque scapulæ, nihil nisi mera crusta arida gangrænosa erat. Profundæ fiebant scarificationes in omni ambitu gravissimæ hujus combustionis: & deinde rimis illis factis applicabatur unguentum Ægyptiacum in spiritu vini dissolutum; impositis simul splenis spiritu vini madidis. Sed omnia manebant siccissima; nullumque apparebat vestigium incipientis separationis. Ideo ablatis his remediis, totum locum ambustum texit unguento mollissimo, ex cera flava, oleo olivarum, & vitellis ovorum sub prunis ardentibus ad crepaturam usque coctorum, confecto. Nondum per triduum hoc applicatum fuerat, quin omnia humefcerent. Satis citò dein inceptum decidere escharæ mortuæ & corruptæ, & mensis spatium totus locus purus erat & nitidus; ultra quatuor tamen mensium spatium requirebatur, antequam ad cicatricem perducere potuerit gravissimum hoc malum. Similes aliquot casus adducit idem Auctor quibus confirmatur, in talibus malis mollissima tantum conducere remedia. Similia etiam in talibus combustionibus commendat *Hildanus* (a). Ubi verò ad ossa usque omnes partes molles ambustione destructæ sunt, sola exsiccatio superest; ut in sphacelo dictum fuit. Talem casum *Lamottius* in loco modò citato habet.

Patet ergo, curam gangrænæ & sphaceli in ejusmodi combustionibus convenire; & semper in prognosi tunc monendum esse, tale malum non nisi longo temporis spatium curari posse, semperque turpem mansuram esse cicatricem.

§. 483 **N**USQUAM plus prospiciendum pulchritudini cicatricis, quam hic (vid. 217.)

Quid sit cicatrix, explicatum fuit in *Commentariis* §. 217, ubi de vulnere curatione agebatur; ibique dictum fuit omnium perfectissimam sanationem vulnere esse, ubi nullum vulneris facti vestigium manet. Si verò hoc obtineri nequeat, tunc pulcherrima cicatrix dicitur adesse, quando vestigium plagæ, post sanationem absolutam relictum, quàm simillimum est cuti vicinæ. Simulque notatum fuit ibidem, tria inprimis ad cicatricis pulchritudinem requiri, ut nempe partes uniantur in eodem situ, quem antea habuerant; neque plagæ locus emineat ultra vicinæ cutis superficiem, neque cavus maneat. Cum ergo post combustiones foedæ adeo sæpe cicatrices remaneant, omni curâ attendendum est, ut hæc difformitas caveatur, quantum fieri per Artem poterit. In illa combustionis specie, quæ intra limites resolvendæ inflammationis consistit, & sine suppuratione sequenti curari potest, nulla manebit cicatrix; unde ignari sæpe credunt, quòd omnes combustiones ita curari possint. Ubi autem valida suppuratio, vel gangræna post combustionem nata cutim & panniculum adiposum consumpserit, tunc summa difficultas est, curare tale malum sine deformi cicatrice. Si in parte, quæ vestibus tegi solet, foeda maneat cicatrix, hoc fortè vilipendi posset. Ubi autem facies, & inprimis in amabili sexu, ambusta fuit, omni Artis molimine tentandum est, ut cicatrix, si omnino evitari nequeat, saltem minimè deformis sit.

(a) De Combustione, cap. VIII. pag. 214.

Cum verb, consumptis panniculo adiposo & cute, cicatricem tegens glabra pelli-  
cula subjectis musculis vel eorumdem involucris tendinosis accrescat; locus ille  
ferè semper cavus erit, & politus & resplendens magis apparebit, quàm vicina  
loca. Optimum, quod Ars habet, est, ut mollissimis & humectantibus ambu-  
stus locus foveatur continuò, ad integram curationem usque; ut laxata his reme-  
diis vascula magis elongentur, & retexant plùs de perditia substantia. Omnia  
ergo exsiccantia, rodentia aut adstringentia vitentur; & applicentur talia, quæ  
in aliis casibus luxuriantem carnem gignerent. Notandum tamen quàm maximè,  
hic summâ circumspeditione opus esse: aliquando enim in loco combusto tota  
superficies non fuit passâ æqualem ignis vim; ideòque emollientissima, toti plagæ  
applicata, quædam loca facerent protuberare; sicque turpis nasceretur cicatrix.  
Solicite ergo lustrandus est omnis ambustæ plagæ ambitus, & pro re nata magis  
minùse emollientia quibusdam locis applicanda sunt. Unde non cujusvis Chirur-  
gi est pulchram cicatricem locis ambustis inducere. Imò formatam jam cicatri-  
cem, si durior & aspera fuerit, mollissimis unguentis inungendam quotidie voluit  
*Hildanus* (a), & fovendam decoctis mollissimis; sique alicubi emineat, lami-  
nâ plumbeâ, argento vivo inunctâ, deprimi jussit. Monet præterea, quotidie  
post inunctionem Chirurgum debere manibus cutem induratam & contractam ex-  
tendere; ut sic tollatur, quantum fieri potest, cicatricis deformitas. Si omnibus  
his turpis cicatricis emendatio obtineri nequeat, illam excindendam voluit; &  
deinde labia vulneris facti à mutuo contactu debere removeri sibilis applicatis.  
(quam methodum figurâ additâ expressit), & mollissimis balsamis incarnationem  
promoveri. Cum autem nunquam sædior cicatrix fiat, quàm si partes, muta-  
to naturali earumdem situ, concreverint inter se; simulque illud Chirurgi igno-  
rantiam vel negligentiam arguat; omni attentione hoc cavendum erit. Narrat  
*Hildanus* (b), quòd misero infanti, sex tantum menses nato, manus dextra  
combusta fuerit, ita ut, excepto pollice, omnium digitorum extremi articuli  
cecidissent; &, imperitis tam gravis combustionis curâ commissâ, digiti retrorsum  
incurvati manûs dorso, quod etiam combustum fuerat, & inter se invicem con-  
creverint. Cum omnis membri usus sic periisset, & contracta in globum manus  
sædissimum exhiberet spectaculum; pater infantis, post absolutam curam septem  
jam mensibus elapsis, *Hildanum* consuluit, qui mollissima fomenta & unguenta  
per aliquot dies applicuit, ut laxaret omnia; deinde novaculâ rescidit callosam  
cicatricem, quæ digitos dorso manûs alligabat, simillique modo concretos inter  
se digitos separavit; postea pulchro artificio, applicatâ machinâ sensim digitos in  
naturalem situm reduxit, uti in loco citato figura demonstrat. Post faciei combu-  
sionem reflexam palpebram inferiorem genæ concrevisse vidi; unde sædissima lippitudo  
totâ vitâ manebat.

Ex quibus omnibus patet, magnam requiri in Chirurgo peritiam & dexterita-  
tem, ut graves combustiones absque insigni deformitate, aut usûs partium depræ-  
vatione, curentur; atque sæpe immedicabilia mala nasci, dum imperiti jactatis ad  
combustionem remediis consili, quæ levioribus malis curandis sufficiunt, graviorum  
combustionum curam aggrediuntur.

(a) De Combustione, cap. xiv. pag. 931. | (b) Ibid. cap. xv. pag. 952.

## SCIRRHUS.

§. 484. SCIRRHUS (392) pro causa habet quidquid succum in glandulis coagulare, inspissare, siccare, potest. Ejus ergo sedes omnis glandula; sed inprimis quæ liquorem facilius inspissandum habet, vel ratione loci stagnare plus cogit. Unde in oculis, naribus, ore, mammis, axillis, inguinibus, pancreate, mesenterio, utero, sæpius obtinet.

Sequitur jam ultimus inflammationis exitus, quando nempe (vide *Commentaria* §. 392.) nec resolvitur inflammatio, neque tamen separatur à sanis partibus vicinis illud, quod vitali humorum motui secundum sanitatis leges peragendo ineptum redditum fuerat, tam in fluidis quam in solidis partibus. Ut autem, ubi de gangræna agebatur, dictum fuit non tantum de illa specie, quæ post validas inflammationes sequebatur, verum etiam de gangrænâ ab illis omnino causis oriundis; ita pariter & in hoc capitulo generalis scirrhi Historia & curatio describitur.

De tumorum differentiis agens *Galenus* dicit (a) tumores duros & absque dolore scirrhos vocari; hancque scirrhi definitionem pluribus in locis habet, & videtur hæc generalis maximè fuisse scirrhi notio. Quibusdam tamen in locis parum diversam scirrhi descriptionem dedit dicens, (b) *exquisitus igitur scirrhus tumor est præter naturam, sensu carens, ac durus. Non exquisitus autem, non quidem sine sensu omnino est, sed ægre tamen admodum sentit. Qui igitur sine sensu est, curationem non admittit, qui verò hebetis sensus est, ut insanabilis non est, sic nec curatu facilis.* Quod autem in hoc loco *Galenus* vocabulum *ἀναισθητός* non usurpaverit eidem significatione, quæ *ἀναισθητός* solet sumi, patet evidenter ex alio loco, ubi dicit (c) *scirrhum nominamus tumorem durum, qui sine dolore est, non tamen omnino sine sensu; talis enim sanabilis non est.* Ex quibus omnibus saltem hoc patet, duriciem sine dolore in omnibus scirrhis adesse; in pessimis autem insanabilibus, secundum *Galenum*, etiam insensibilitatem.

Non autem in locis glandulosis tantum, verum etiam in aliis corporis partibus scirrhos descripsit *Galenus*. De cura enim scirrhi agens (d), aceti vires commendat, tamquam efficaces & tutas, ubi carnosæ musculorum partes in scirrhum induruerant; majori cautela in aceti usu opus esse voluit, si ligamenta vel tendines simili malo afficerentur. Imò in puero, ex erysipellate vehementer adstricto

(a) Aphorism. Sect. IV. n.º. xxxiv. Charter. Tom. IX. Part. II. pag. 155. Epidem. Lib. VI. Comment. I. text. 11. Ibid. Part. I. pag. 356.

Charter. Tom. X. pag. 378.

(c) Method. Med. Lib. XIV. cap. vi. pag. 324.

(b) Meth. Med. ad Glaucon. Lib. II. Cap. vi.

(d) Ibid. cap. v. pag. 323.

Tom. I.

Fffff

& refrigerato, tumorem scirrhosum in toto femore relictum fuisse dicit (a.) Negari enim non potest, etiam in locis aliis corporis, quam in glandulis tumores præternaturales, duros, indolentes reperiri; qui ergo ex generali definitione *Galeni* scirrhi vocari deberent. Verum cum alium sæpe exitum habeant hæc mala, neque tam facile in cancerum degenerent, fortè meliùs tumores scirrhoeides vocari possent, distinctionis causâ.

Scirrhi autem propriè dicti sedes, glandula videtur esse, sive folliculus cavus, cujus latera omnis generis vasculis constant, & in cujus cavum minimarum arteriarum oscula hiantia singulare liquidum deponunt, arteriosâ fabricâ à sanguine allato ad glandulam, secretum: per glandulæ emissarium deinde collectum in ejus cavo liquidum exit, variòsque usus in diversis locis corporis præstat. Simpliciter tales glandulæ plurimæ sunt, quæ collectum in suis cavis liquidum versus asperæ arteriæ, œsophagi, &c, eructant. Si verò plurimi tales folliculi simul adunati concipiantur, quorum emissaria omnia in unum canalem majorem abeunt, qui collectum sic liquidum in singulares usus defert; tunc glandularum harum congeries, unâ communi membranâ vestita, & in unum commune emissarium desinens, vocatur glandula composita, sive conglomerata, ex quorundam Anatomicorum sententia. Parotides, v. gr; & reliquæ glandulæ salivam à sanguine secernentes, & per unum emissarium in cavum oris emittentes, tales dicuntur. Videantur de his illa, quæ in *Institutionibus Medicis* celeberrimi *Boerhaavii* §. 241, & sequentibus habentur.

Omne ergo illud, quod succum glandularum fabricâ secretum, in cavis illorum collectum, coagulando, inspissando, aut exsiccando potest reddere immedicabilem, sic ut per illorum emissaria exire nequeat, dabit scirrho originem. Idem etiam efficiet omnis causa, quæ externâ compressione sic angustat glandularum emissaria, ut secreti in cava illorum succi exitus impediatur. Dissenditur enim tunc à retento succo folliculus, tenuissima pars sola resorbetur osculis venosis hic patentibus, vel exibat per angustata emissaria; crassum retinebitur, accumulabitur, extendet glandulæ folliculum, comprimet vasa per membranas glandulæ decurrentia: unde tumor orietur & durities ab infarctis vasis, & coagulatis, inspissatis aut exsiccatis liquidis; nervisque per glandularum fabricam dispersis compressis, orietur doloris absentia; & in scirrho insanabili, ut dixit *Galenus*, ab eadem causa fiet omnimoda insensibilitas. Verum etiam in aliis corporis locis; in quibus arteriosâ fabricâ, absque folliculorum talium interpositione, secretus humor in communi quodam receptaculo colligitur, similia mala oriri possunt. Sic v. gr; in testibus arteria sanguinem advehens venæ sociæ sanguinem rubrum tradit; deinde in ramulos innumerabiles divisa, totam serè testis substantiam constituentes, ultimis suis osculis eructat in commune receptaculum humorem singularem, mirabili hæc fabricâ, à sanguine secretum. Si jam quacumque de causa impediatur liber exitus collecti illius in communi receptaculo humoris, omnia eadem fient mala, ac modò de glandulis sic affectis dictum fuit, & testis in tumorem durum indolentem, distenditur, id est, scirrhosus fiet. Frequentia satis in Praxi Exempla occurrunt, quæ hoc confirmant, quibùsve constat, difficillimam hic loci, æquè ac

(a) Method. Medend. ad Glaucon. Lib. II. cap. vi. Charter. Tom. X. pag. 378.

in aliis scirrhis, esse curationem, & in cancrum pariter testium has indurationes converti. Sed & in aliis visceribus idem obtinere poterit. In hepate enim à sanguine venæ portarum secernitur bilis hepatica, quæ minimis ramulis, per totam hepatis substantiam dispersis, recepta tandem in magnum ductum hepaticum infunditur, pèrque illum versus intestina deferitur. Si jam ipse ductus hepaticus obstructus fuerit; vel minores ramuli, in hunc secretam hepatis fabricâ bilem deferentes, à quacumque causâ fuerint obturati, stagnante humore coagulato, inspissato, exsiccato; totum hepar, vel quædam ejus pars poterit in scirrhosum tumorem distendi. Cui malo producendo multum favet, sanguinis venæ portarum tardior motus (cùm jam venosus factus iterum per convergentium canalium angustias pelli debeat), & secreti humoris facilis degeneratio in lentorem immedicabilem. Adeoque, licèt ex quorundam Anatomicorum sententia in glandulis, conglomeratis dictis, ut v. gr; parotide & similibus, non fœrent tales folliculi colligentes secretum ab arteriis liquidum, & minimis suis emissariis in communem ductum excretorium deferentes; sed ramuli secretorii ex arteriis derivati, nullis folliculis interpositis, directè in ductum excretorium deferrent secretum humorem; nascetur tamen ab iisdem causis scirrhus: si nempe succus ille, ab arterioso sanguine secretus, coagulatus, inspissatus, exsiccatus, obstrueret ductum communem excretorium, vel & ramulos illos secretorios, eundem succum in commune hoc receptaculum deferentes. Magna enim difficultas curationis scirrhî, qui in glandulis propriè sic dictis hæret, præcipuè consistit in eo, quòd materies in his folliculis collecta extra circulationis territorium quasi hæreat, neque impetus liquidi arteriosi, cordis & vasorum vi propulsi, directè adeo in hæc loca agere possit. Sed si parotis glandula ex arteriis minimis, in glomerem convolutis, & ultimis suis emissariis secretum liquidum in ductum communem excretorium deferentibus, constet; an ullo cum effectu arteriosi liquidi impetus ad ultima illa oscula inspissato fluido infarscta pervenire poterit, ut obstructum illud referet, vel ipsa hæc minima vascula unà cum obstruente humore, benignâ suppuratione, separaret à reliquis vasis, quibus cohærent? Certè patebit, credo, hæc pensitantibus, summam hic difficultatem esse; & docent tardiosissima talia testium mala, in quibus tamen sine folliculis interpositis secretio fieri videtur, hujus rei veritatem.

An ergo eò curatio difficilior scirrhus, quò in glandulis magis compositis hæret? Sic videtur. Dum enim folliculi illi simplices, qui in cute externa linimentum illud pingue colligunt, & emissariis suis excernunt, obstruuntur; accumulatur secretus humor, distenditur folliculus, & tumor nascitur; qui à varia consistentia materiæ contentæ diversum nomen habet, meliceridis, atheromatis, vel steatomatis, ut dictum fuit in *Commentariis* §. 75, & 112. n°. 1. Videntur enim tales tumores huc referendi esse, imprimis si duriorum materiam continent, ut in steatomatibus fit; tunc enim sub generali scirrhî definitione (vide §. 392.) continentur. Sed ampullosos dictos tales tumores audent incident Chirurgi, contentam materiam exprimunt, & deinde validis suppurantibus, vel & erodentibus, folliculi ipsius cavum consumunt, felici toties cum successu. Rarò enim hi tumores in cancri malignitatem degenerant, licèt externâ specie scirrhum malignum referant. Vidi memorabile hujus rei in hac urbe Exemplum. Sexagenarius vir jam per multos annos gesserat tumorem durum, sensim auctum, tandemque pugni magnitudinem æquantem, in inferiori & sinistra faciei parte prope

F f f f f ij

maxillæ inferioris angulum latâ: basi quidem cuti inhærebat, sed niobilis unâ cum cute elevari poterat, nulli subjectæ parti accretus. Incipit sensim magis in fastigium elevari tumor; cutis rubra, imò ferè livida apparebat in apice tumoris; pruritus primò, dein dolor in cute distenta oriebatur; & cùm pessima quævis mœtueret boni senis familia, nihilque ipse tumori applicari vellet, sponte ruptus fuit apex: exivit materia granulosa dura, subsedit tumor omnis, sic ut vix vestigium maneret atque aliquot adhuc annis crudâ senectute postea vixit. In compositis autem glandulis, si scirrhus factus fuerint, succus ille inspissatus non in uno cavo hæret, sed in pluribus loculis vel & vasculis dispersus est; unde longè major curæ difficultas est, uti facili patet.

Præterea, si scirrhus facta fuerit glandula composita, multum differt, in quibus vasis talis glandulæ obstructio hæreat. Sunt enim hic vasa, quæ sanguinem arteriosum adferunt, à quo per glandulæ fabricam peculiaris succus secernitur: adsunt vasa, quæ succum illum ab allato sanguine secernunt: sunt & vasa, quæ secretum hunc liquorem continent: adsunt denique & alia, quæ illum excernunt. Si jam vasa adferentia obstructa fuerint, videtur vitalium humorum impetus loca hæc obstructa vi sufficiente urgere posse, ut fiat per suppurationem separatio finium obstructorum à reliquis. Fortè illud obtinet, quando in morbis toties tumentes parotides glandulæ in benignam supurationem abeunt. Ubi verò in secernentibus vasculis simile malum obrinet, facili patet, minori impetu vitales humores in hæc loca agere posse. Ubi autem in vasculis secretum liquorem continentibus, & colligentibus, concretus stagnat humor, ille extra circulationis limites positus ad optima etiam remedia rebellis est. Si verò in ductibus excretorii idem malum obtineat, eadem ratio est; nisi quando talis horum situs est, ut cum fructu resolvablentia, & concretum humorem attenuantia, remedia illis applicari possint, vel causa quædam circa ipsum ultimum orificium ductus excretorii glandulæ hæreat, quæ vel obstruendo vel comprimendo liquidum excernendi exitum impediat. Sic v. gr. si in ipso ductu excretorio parotidis glandulæ infarctus humor hæserit; tota glandulæ hujus fabrica in scirrhum converti poterit, sed situs hujus ductus spem facit, ut fomentis, frictionibus, &c., adhuc superari possit incipiens malum; omnium maximè quidem, si circa hujus ductus aperturam, quâ in os secretum & collectum liquidum effunditur, causa obstruens hæserit, vel tumor aliquis in vicinia aperturæ hujus natus illam compresserit. Confirmant hanc rem illa, quæ in genitalium morbis observantur. Si enim à gonorrhœa vel alia quacumque causa tumor nascatur circa illum locum urethræ; ubi vesicularum seminalium & vasorum deferentium communia emisfaria hiant, impeditur excretio liquidum testibus secreti aliquando in utroque teste, sæpius, in alterutro tantum, tuncque incipit paulò post tumere vas deferens & epididymis, deinde etiam ipsa propriè dicta testis substantia. Observavi tunc semper, epididymidem prius tumere, & satis sæpe indurescere; testem verò postea etiam distendi in majorem molem quidem, sed longè molliorem tactu, quàm est distenta epididymis. Solètque in hoc casu feliciter plerumque curari tale malum, quia causa non in ipsa testium substantia, sed circa finem ductus excretorii hæret. Simulac enim tumor ille in urethra minuitur, sensim etiam decrescit epididymis, & lenibus frictionibus ad pristinam redit magnitudinem & mollietatem, omnisque testis tumor evanescit. Ubi verò ipsa testis sub-

stantia indurum tumorem attollitur, nullo vitio prius observato in epididymide, lærgè difficilior morbus est; talisque scirrhus rarissimè, vel nunquam, resolvi poterit. Malum enim tunc hæret in minimis illis vasculis secermentibus, vel secretum liquorem continentibus, quæ tot circumvolutionibus miro ordine hic disponuntur, ut nullus ferè, vel exiguus admodum, possit esse impetus vitalis liquidi per parvam adeo arteriam spermaticam huc allati, nihilque ferè sperari possit ab externis remediis, cum tot involucris intricatissima hæc testium substantia defendatur.

Cùm ergo à coagulatione, inspissatione, aut exsiccatione succi glandulosi scirrhus nascatur, patet, illum frequentius nasci debere in illis locis, ubi glandulosâ fabricâ viscidus humor secer nitur; vel qui; licet statim post secretionem talem lentorem non habeat, illum tamen paulò post acquirit. Totum os internum, fauces in primis, œsophagus, aspera arteria, pulmonis bronchia, &c, cryptulas tales mucosas habent, in quibus lentus mucus deponitur lubricandis & defendendis his partibus inserviens; non mirum ergo frequenter hic scirrhos nasci. Recensentur jam illa corporis loca, in quibus scirrhî sæpius observantur.

IN OCULIS. Glandulas sebaceas in palpebrarum limbis positas, unctuosum smegma parantes, quod palpebras illinit, & ab attritu mutò defendit, obstructis suis emissariis, intumescere posse, & tumores scirrhosos facere, satis frequentia testantur. Observata: sed & glandula innominata hic hæret, similibus morbis obnoxia. Et caruncula illa, in majori oculi angulo locata, scirrhescit aliquando, & in magnam molem excrescit. Scirrhum talem in majori oculi sinistri cantu natum, castaneæ magnitudinem æquantem, feliciter abstulit *Hildanus* (a) & trium septimanarum spatio, illæso visu, sanavit. Magis horrendum casum idem Auctor refert (b), ubi ingens scirrhus, durus, lividus, & jam hæmorrhagia terribilis: summâ tamen dexteritate, methodo ibi descriptâ, totum hunc tumorem unâ cum integro oculi bulbo ex orbita refecuit, & à calamitosissimo hoc malo nobilem virum per sanavit.

NARIBUS. Membranam mucosam, narium cava investientem, numerosis scatere corpusculis glandulosis, demonstravit *Ruyfchius* (c), & figurâ expressit. Cùm autem liquor his glandulis secretus facillimè inspissetur, scirrhî hic nascituræ frequens datur occasio. Videtur jam *Hippocrates* scirrhos in his locis natos descripsisse, dum de polypis agit, quorum quinque distinctas observavit species. De secunda autem specie dicit, (d) *Nasus carnisbus impletur, Et ad contactum caro dura apparet*; quam serratensis comburi iussit. Quartam autem polypi speciem sic describit (e): *Intus circa cartilaginem durum quid aliqua ex causa adnascitur, quod caro esse videtur; si verò ipsum attigeris, sonat velut lapillus*. Naso autem per scalpellum diviso pariter inuri iussit, ut curetur hoc malum. In quinta autem polypi specie (f) *in cartilaginis summâ parte ex obliquo velut cancri parvi exoriantur*, quos etiam inurendos voluit.

ORE. Mucosis cryptis omnes ferè oris interni partes præditas esse, hodie satis notum est. Palatum osseum investiens membrana callosa illas habet; uvula,

(a) Observat. Chirurg. Cent. . Observat. 11. pag. 11.

(b) Ibid. Observat. 1. pag. 2.

(c) Epist. VIII. Tab. IX. Fig. VII.

(d) De Morbis Lib. II. cap. 11. Charter. Tom.

VII. pag. 163.

(e) Ibid.

(f) Ibid.

velum pendulum palatinum, tonsillæ, membrana mucosæ in spiras sinuosas complicata constantes, numerosissimos habentales mucosos folliculos parentibus osculis spumantem mucum copiosissimum hic eructantes. Faucium postrema pars lacunas tales mucosæ plurimas habet, quæ ulcuscula mentiuntur, & hæc specie imperitis sæpe imponunt. Non mirum ergo est, toties hic scirrhos observari. Tonsillas, post inflammationem illarum malè curatam, in scirrhos induruisse vidi aliquoties. Uvulæ scirrhosam in tumorem durum, lividum, inæqualem excrevisse, sic ut totum oris cavum impleret, & dentes anteriores serè attingeret, observavit *Hildanus* (a). Circa uvulæ radicem tumorem durum inæqualem, ovi gallinacei magnitudinem æquantem, vidit idem Auctor (b); unde respiratio impediabatur, cibique, sed imprimis potus deglutitio difficillima fiebat.

**MAMMIS.** Quamvis enim mammas glandulosas esse negaverit *Ruyfchius* (c); talis tamen illarum fabrica est, atque illa lactis à sanguine secreti indoles, ut in mammis satis facillè scirrhî nasci possint: quam rem etiam Observationes quotidianæ confirmant. Ex arteriis enim, nullis folliculis interpositis, emissi tubuli lactiferi cum vicinis coeunt in majores ramulos, tandèmq; vasa lactifera majora faciunt; quæ iterum angustantur, & minimis fistulis in papilla exeunt. Cùm autem lac in mammis collectum, lactifera vasa distendens, possit redire iterum in vasa, unde exiverat, & ne guttulâ quidem lactis per papillam exeunte, turgidissima mamma aliquando depleatur satis citò & subsidat; patet tubulos lacteos continuari arteriis ipsis, nullòsq; folliculos inter hos & illas interponi. Verùm lac, ex sua natura in coagulum facillè tendens, stagnans in vasis lactiferis dilatatis, in colostrum & serum abit: hoc tenuius per papillæ aperturas dilabi, vel & facillè redire in sanguinem potest; colostrum verò sero suo orbem hærebis immeabile in vasis lactiferis, magisq; exsiccatum tandem in scirrhum, vix resolvendum sæpe, abit. Cùmque in glandulis propriè dictis natus scirrhus ideo sæpe ad optima remedia rebellis erat, quia vitalium humorum impetus & efficacia in coagulatum succum, glandulæ cavo contentum, nullum serè effectum facere poterat; idem & in mammis obtinebit. Majores enim tubuli lactei respondent cavis glandularum, colligentibus secretum humorem; angusta eorundem extrema, in papilla hiantia, similem usum habent ac glandularum emissaria, collectum in cavo humorem deducunt. Pater ergo ratio, quare in mammis, licèt propriè loquendo glandulosæ non fuerint, scirrhî tamen nasci possint.

**AXILLIS, INGUINIBUS.** Dictum fuit in *Commentariis* §. 416, glandulas in his locis positas aptissimas esse, ut excipiant illa, quæ ex universali humorum massa abscedunt: idèoque & in morbis, & aliquando in sanitate, salutari naturæ molimine versus hæc loca deponi quædam, quæ alibi fortè magis nocuissent. Hinc subitò sæpe tumores in his glandulis nascuntur; & aliquando satis rebelles, sive ob materiæ impactæ indomabilem naturam, sive ob intricatissimam harum glandularum vascularem compagem; quâ fit, ut liquidi arteriosi impetus minori efficaciâ in hæc loca obstructa agere possit. Quando inveteratus

(a) Observ. Chirurg. Centur. I. Observ. XIX. pag. 93.

(b) Ibid. Observ. xx.

(c) Epist. Problem. XV. pag. 7, & seq. & alibi pluribus in locis.



scirrhus mamma occupat, plerumque & subaxillares glandulæ tument induratae. A venereo contagio inguinum glandulas in difficillimus curatu scirrhos sæpe mutari, omnibus notum est.

Sed non tantum in externis partibus corporis, verum etiam in internis toties scirrhzi inventi fuerunt, qui pertinacissimis morbis chronicis originem dabant.

**PANCREATE, MESENTERIO.** Plurimis Observationibus Medicis constitit has partes scirrhosas inventas fuisse: paucas adduxisse sufficiet. Rustica, quinquaginta & unum annos nata, numerosæ proles mater, sine satls vixerat: ante quinquennium ægrotare inceperat, menstruis suppressis, & crebro vomitu, simulque tumore abdominis sensim crescente, qui totum hypochondrium dextrum occupans manubus palpari poterat, & versus sinistram corporis partem dimoveri: tandem post insignes cruciatus periit. Aperto cadavere, præter alia mala, omnes glandulæ mesenterii scirrhosæ inventæ fuerunt, & simul apparuit, tumorem illum, qui exterius palpari potuit, fuisse pancreas tumidum & scirrhosum. Imò & pylori circulus scirrhosus inveniebatur; & ventriculi interior facies undique glandulis induratis albicantibus scatebat (a). Totum pancreas & mesenterium scirrhosa, & immensæ molis in cadavere mulieris sexagenariæ vidit Paræus (b): & affirmat ibidem, quod in cadaveribus illorum, qui scrophulis laboraverant, inveniri glandulas mesenterii tumidas, variae magnitudinis, sic ut quædam pugnum æquarent; & in quibusdam inveniretur gypseæ materia, in aliis verbò purulenta. In cadavere mulieris hydropicæ plurimæ glandulæ scirrhosæ repertæ fuerunt, quarum decem vel duodecim pugnum æquantes ligneam habebant duritiem (c).

**UTERO.** Scirrhelcere utrum jam monuerat Hippocrates, atque in hoc loco solo (saltem alibi me invenisse non memini) vocabulo *εξίππιδιον* usus fuit: (d) Si uteri scirrho affecti sint (*ἢ αἱ μήτρας ἐξίπιδιον*) tum menses occultantur, tum eorum os connives, neque concipit, & velut aliud quid est. Quodd si contigeris, tamquam saxum illic esse videtur; &c. Et apud Æginetam (e) uteri scirrhus describitur. Imò & alio in loco Hippocratis cancrum ex scirrho uteri metuendum esse, scribitur: (f) Quum mulieri uteri duri evadunt, & ad pudenda prominent, inguinæque indurantur, & ardor in pudendis inest, cancri dantur exordia. Recentiorum pariter Observationibus constitit, talem morbum in hac parte aliquando inventum fuisse. In cadavere mulieris, quæ durum & distentum abdomen diu gesserat, Paræus (g) invenit uterum, caput hominis adulti magnitudine suâ, æquantem, quem de cadavere exemtum cum coram pluribus Medicis & Chirurgis discindere vellet, totam ejus substantiam adeo duram & scirrhosam invenit, ut acuto scalpello vix dividere potuerit. Dissecta uteri latera trium digitorum transversorum crassitiem excedebant. In uteri illius cavo inveniebatur densum scirrhosum corpus, binos pugnos magnitudine æquans, quibusdam in locis tantum adhærens uteri partibus: in hujus massæ substantia atheromata, cartilagine, imò & ossa reperiebantur. In medio uteri collo similis scirrhus ovum gallinaceum mole excedens

(a) Miscellanea Curios. Dec. II. ann. 6. pag. 271.

(b) Livre VII. chap. xxi. pag. 175.

(c) De Lamotte Traité complet de Chirurgie, Tom. II. pag. 160.

(d) De Mulierum Morbis Lib. II. cap.

xxxviii. Charter. Tom. VII. pag. 821.

(e) Lib. III. cap. lxxviii. pag. 54.

(f) De natura Mul. cap. xxviii. Charter. Tom. VII. pag. 692. & de Morbis Mul. Lib. II. cap. xxi. ibid. pag. 823.

(g) Livre. XXIV. chap. xxi. pag. 616.

inveniebatur. Uterus autem ille cum contentis novem librarum pondus superabat. Apud *Hildanum* similes Observationes habentur, quæ hanc rem confirmant (a).

Quamvis autem in locis corporis, hæc paragrapho enumeratis, frequentius inveniantur scirrhi; tamen & in aliis visceribus pariter deprehensi fuerunt. Hepar scirrhosum vel in toto, vel in parte, inventum fuisse, passim apud Observatores legitur. Scirrhum lienii familiarem morbum esse & diuturnum, *Aræus*, (b) memorie tradidit. In ventriculo & intestinis scirrhos inventos fuisse, & in Observationibus paulò antè memoratis, & apud plurimos Observatores habetur. Vesicam urinariam totam scirrhosam fuisse, ejusque membranas quartam pollicis partem crassitie æquasse legitur (c), &c.

§. 485. **H**INC inflammatio (392); lac stagnans, caseosum, durescens, coagulatum, contusio (324); attritus validus; anthrax; bubo; ulcus præmaturè clausum; materies atrabilaria sanguinis, bilivæ, maximè cessante consueto menstruo, vel hæmorrhoidali fluxu; lapidescens, crassa, austera, gypseæ materies; vita tristis; victus durus; hæreditaria labe, scirrhum creare possunt.

Recensentur hæc paragrapho præcipuæ causæ, à quibus scirrhus nasci solet.

**INFLAMMATIO.** Dictum fuit in *Commentariis* §. 392, inflammationem circa loca glandulosa aliquando in scirrhum desinere; tuncque non separari vasorum obstructorum fines unà cum infarcto immeabili liquido à vicinis partibus sanis, sed manere illud morbosum, atque adeo indomabilem indolem sæpe acquirere, ut postea nullo naturæ vel Artis molimine solvi possit; sed vel totà vitæ maneat, vel ferro aut igne tolli debeat. Pulcherrimè hanc scirrhi ex inflammatione originem notaverunt veteres Medici. Sic *Aræus* dicit (d), Si à phlegmone jecur non suppurat, nemini dubium fuerit tumorem durum subsidentem in scirrhum mutari ac stabiliri: & *Æginæta* de uteri scirrho agens, habet sequentia (e), scirrhus est uterus, aliquando repenti, sine causa evidenti: plerumque verò à phlegmone prægressa, quæ nec soluta, nec in abscessum conversa fuit. Videnturque scirrhosæ tales malè curatæ inflammationis reliquæ non tantum in locis glandulosis, verum etiam & in aliis corporis partibus obtinere. Observaverat hoc *Galenus*, ubi de erysipelatis cura agit (vide locum citatum in *Commentariis* §. 390). Postquam enim dixerat, illud majorem refrigerationem requirere, quàm phlegmone, monet, incauto refrigerantium usu lividam cutim fieri, imò & nigrescere, potissimum in senilibus corporibus sic (f) ut quidam ita refrigerantium ne discutientibus quidem medicamentis ad perfectionem sanentur, sed scirrhosis quidam tumor in parte relinquatur. In morbis inflammatoriis fortè sæpius sic scirrhus in locis etiam non glandulosis nascitur, dum per frequentes nimis venæsectiones, debilitatis viribus,

(a) Observ. Chirurg. Centur. I. cap. 12v. 12vi. 12vii. pag. 11.

(b) De Caus. & Sign. Morb. diut. Lib. I. cap. xiv. pag. 143.

(c) Abridgement of the Philosph. Transact. Tom. III, pag. 147.

(d) De Caus. & Sign. Morbor. diuturn. Lib. I. cap. xiiii. pag. 42.

(e) Lib. III. cap. 12viii. pag. 54.

(f) Method. Medend. Lib. XIV. cap. riii. Charner. Tom. X. pag. 310.

non valet impetus vitalis liquidi solvere obstruentes moleculas ultimis vasorum angustis impactas, neque blandâ suppuratione separare. Inde fortè post pleuritidem toties pleura, imò & pulmonis pleuræ accreti pars in scirrhum indurefcit. Partium enim membranacearum, post infelicem validarum inflammationum curam, miræ observatæ fuerunt degeneraciones. In pleuritidis História postea dicetur, aliquando & pericardium inflammari, & fortè sæpius, quàm putatur. Et in cadaveribus inventum fuit, tenuissimam illam membranaceam cordis capsulam miro modo inspissatam, imò & induratum fuisse, post pectoris morbos diuturnos. Sic in cadavere nautæ, qui gravissimo asthma, & tussi laboraverat, tandèmq; hydropico tumore abdominis, scroti, crurum, detentus perierat, inveniebatur inter alia mala pericardium pollicis crassitiem æquans, cordi firmiter accretum, & cartilagineæ ferè duritiæ, sic ut vix cultro cederet (a). Licèt enim, per morbos mutato pericardio, hic invenerint glandulosam fabricam *Malpighius* (b) & *Santorinus* (c), tamen videtur ipsa membranacea substantia pericardii in casu modò recitato degenerasse, cum non invenirentur folliculi dilatati & indurati, sed totum pericardium cartilagineum factum esset.

**LAC STAGNANS,** &c. Videantur illa; quæ in *Commentariis* paragraphi præcedentis de hac re dicta sunt. Inprimis frequens ab hac causa scirrhus in mulierum lactantium mammis oritur, dum suppurationem metuentes inflammatas mammas igni exponunt, vel spiritu vini calido sovent. Minuitur sæpe sic tumor, dissipatæ, vel per papillas effluente tenuissimâ parte lactis in ductibus lactiferis stagnantis; sed residuum crassum manet, & scirrhum sæpe nullâ Arte resolvablem facit.

**CONTUSIO.** Videantur *Commentaria* §. 324.

**ATTRITUS VALIDUS.** Inde enim inflammatio & omnes ejus sequelæ nasci poterunt. In publicis prostibulis toties observata fuerunt condylomata scirrhoposa, in vagina à nimio attritu nata. In illis verb, quibus circa jecur ulcerosum turpior longè libido sævit, similia mala apparent, dum (d).

*podice laevi*

*Caduntur tumida, Medico ridente, marisca.*

**ANTHRAX.** Quid sit, in *Commentariis* §. 416, dictum fuit: quando nempe à lubra & validissima inflammatione cutis, unâ cum panniculi adiposi parte subjectâ, in siccam & duram convertitur escharam; cujus curatio in eo consistit, ut per suppurationem in omni ejus ambitu solvatur à partibus vivis, & excidat. Hoc autem si obtineri nequeat, sedatâ inflammatione partium vicinarum, manebit scirrhosus talis tumor; inprimis si loca glandulosa tale malum occupaverit.

**BUBO.** Generali ferè significatione glandularum tumores in diversis etiam corporis partibus ortos, sic vocatos fuisse, in *Commentariis* §. 416, monitum fuit, potissimum tamen hoc nomen datur glandulis inguinalibus tumentibus. Frequentissimè tales tumores à venereo contagio nascuntur, & sæpe diu manent, ad optima quævis remedia rebelles.

(a) Acta Physico-Medica, &c. Vol. II. Observ. xx. pag. 48.

(b) In Epistola ad Societ. Lodin, de stru-  
Tom. I.

raglandul. conglobat. &c. pag. 7. edit. London.

(c) Observ. Anatom. cap. VIII. pag. 141.

(d) Juvenal. Lib. I. Sat. II. v. 12.

ULCUS PRÆMATURE CLAUSUM. Frequenter Observatur, dum phlegmone in abscessum conversa est, mediam loci partem omnino emollitam & maturam esse, licet totus ambitus tumoris adhuc durus sit (vide *Commentaria* §. 402. n<sup>o</sup>. 2. ): unde abscessus talis non citò aperiendus est. Sed accidit aliquando, in vertice mucronato abscessus tensa integumenta, & cataplasmatibus macerata, sponte rumpi, & exitum dare puri contento, reliqua autem adhuc cruda & dura manere. Nisi tunc apertum maneat tale ulcus, & simul suppurationem excitantibus remediis tegatur locus, sæpe scirrhusa durities manet satis diu; quæ tamen in locis non glandulosis sensim plerumque dissipari solet. Ubi verò in mammis, post malè curatam suppurationem, talis durities manet, sæpe scirrhum non resolubilem relinquit. Nunquam tamen frequentius ab hac causa scirrhus oritur, quàm in bubonibus veneris, quando hi suppurati aperiuntur ante perfectam maturationem, vel his apertis, Chirurgi longæ curæ pertæsi, exsiccantibus consolidationem aperti ulceris tentant: tunc enim semper ali- quid scirrhusi relinquitur.

MATERIES ATRABILARIA SANGUINIS, BILISVE. Quotiescumque sanguini arterioso perit fluidissima pars, sive per motus corporis vehementes, sive per protractas mentis exertationes; tunc illud quod superest, colore solito nigrius, tenacitate piceâ ferè, ex oleo crasso sanguinis & terrestri ejus parte simul unitis, immeabile fit, & majori cum difficultate per minimas vasorum angustias transit: obstructionibus hinc producendis aptissima est hæc materies, & vocatur *Atra bilis*. Ubi verò bilis propriè dicta in suo folliculo stagnat, miram tenacitatem acquirere potest, & sæpissime in calculosas concreciones degenerat. Tenax talis amurciosa materia à bile stagnante & inspissata orta etiam vocatur *Atra bilis*; longè tamen acrior, longè faciliùs putrescens, quàm prior ex sanguinis crassamento nata. Poterit ultima hæc species totam bilis officinam turbare, & obstruere loca, quibus continetur, & postea putredine accedente, pessima quævis mala facere. Prior autem species scirrhis producendis inprimis apta videtur cum sanguis lentore tali inquinatus facillimè in fabrica intricatissima glandularum hæreat. Docent Observationes Præcticæ frequentissimè scirrhos inveniri in talibus corporibus, quæ ex sua peculiari idiosyncrasi in atrabiliarium temperiem inclinant; cujus signa in celeberrimi *Boerhaavii Institutionibus Medicis* §. 896, enumerantur. Veteres Medici semper ferè atram bilem, tamquam scirrhî & canceri causam, incusaverunt; imò *Galenus* (a) hanc solam canceri originem tantùm agnoscit, quando atrabiliarium humor collectus in corpore, neque per hæmorrhoides, vel varices evacuatus, neque ad cutim propulsus, ad alias corporis partes defertur. Atque in opinione confirmabatur, dum in partibus sic affectis venæ atro & crasso sanguine plenæ conspiciebantur: quare autem hoc fiat, postea in canceri Historia §. 497, dicitur. Magna effectuum scirrhî & atræ bilis similitudo evincit, sæpe illum ab hac oriri. Tenax enim & piceus humor atrabiliaris dictus, viscerum abdominalium vasâ plenumque replet & obstruit, & chronicos maxime morbos facit. Ubi verò à quacumque causa incipit fundi & corrumpi simul stagnans ille humor, incredibili malignitate furit (vocabatur tunc *atra bilis, turgens vel mota* Veteribus Medicis) & febres acutissimas citò lethales etiam in frigidissimis corporibus excitat; dysenterias pessimas, &c, viscerum erosiones,

(a) Method. Medendi ad Glaucon. Lib. II. cap. xii. Charter. Tom. X. pag. 389.

animi deliquia, mortem subitam sæpe producit. Sed & scirrhus diu potest hære, in corporis partibus, vix nocens, nisi adjacentia vasa multum comprimant: si verò vel sponte, vel imprudenti medicâ, incipiat moveri vetustis scirrhii materia, in horrendum cancrum brevi degenerat.

MAXIME CESSANTE CONSUETO MENS TRUO. Maximè mutationes in muliebri corpore fiunt illo tempore, dum menstrua primò prodire incipiunt, uti etiam postea, quando cessant in effluetis. Observationes omnium ferè Medicorum docent, circa illud tempus in utero & ovariis sæpe ab infarctis vasis scirrhos natos fuisse. Mammis autem cum utero tantus consensus est, ut, simulac impediatur sanguinis uterini libera excretio, incipiant turgere, uti in gravidis mulieribus patet, & in puerperis, quando lochiis cessantibus, vel minutis multum, mammae attolluntur lacte turgidæ. Ideo non mirum erit, cessante fluxu menstruo consuetò, mammae affici, illarum vasa distendi, & scirrhos nasci. Sic etiam frequentissimè observatur, scirrhos ab aliis causis natos circa hoc tempus augeri mole; & sæpe in cancrum mutari. Pulchre hæc notavit Hippocrates dicens (a) *Conclusi uteri menses ad mammas remittunt*. Postquam autem enumeravit plurima symptomata, quibus deceptæ mulieres se tunc gravidas credunt, subjungit sequentia (b): *Et in mammis tubercula dura exoriuntur, quædam quidem majora, quædam verò minora. Hæc autem minime suppurant, sed semper duriora fiunt, ex his deinde occulti cancri nascuntur*. Ex propriis Observatis conclusit Dionysius (c), ex viginti mulieribus, quæ cancro laborant, quindecim hoc malo affici intra quadragesimum quintum & quadragesimum ætatis annum: additque, se in itinere per Galliæ provincias in singulis ferè urbibus plures hoc morbo affectas vidisse in cœnobiiis, semper autem circa modò dictum ætatis tempus; vel si in junioribus occurreret malum, menstrua sanguinis evacuatio deficiebat in illis. Imò à retentis vel parcius fluentibus menstruis glandulosa alia corporis loca in tumores attolli, docuit Hollerius (d) dicens, se uno anno vidisse plùs quàm ducentas puellas, quibus medio vere, non satis exeunte sanguine menstruo, tumores in inguinibus nascebantur. Et in illo casu, cujus mentio in *Commentariis* præcedentis paragraphi facta fuit, sana hæcenus mulier circa quadragesimum sextum ætatis annum subito suppressis menstruis, ægrotare incepit; & postea in cadavere mesenterium, pancreas, ventriculus, pylorus, scirrhosa inventa fuerunt. Ex quibus omnibus satis patet, quantum ad scirrhum producendum, vel augendum, si præexliterit, possit facere consueti fluxus menstrui cessatio.

VEL HÆMORRHOIDALI FLUXU. Cum atrabiliaris humor, uti patet postea in capitulo de melancholia, sæpe soleat deponi versus abdominalia viscera, & ibi plurima, & satis mirabilia mala facere; nihil commodius videtur, quàm per hæmorrhoidalia vasa tenacem & sæpe piceum ferè sanguinem dimitti, atque hoc in melancholica temperiei hominibus frequenter observatur. Unde Hippocrates (e) laudavit hæmorrhoides, si melancholicis contingerent. Ubi ergo atrabiliaria materies, solito hæmorrhoidali fluxu evacuari consueta, hoc suppresso retinetur; pertina-

(a) De Morbis Mulier. Lib. II. cap. xx. Charter. Tom. VII. pag. 807.

(b) Ibid. pag. 808.

(c) Cours d'Opérations de Chirurgie, Démostr. IX. pag. 314.

(d) Comment. II. in Lib. III. Cœac. Hip. pocr. n°. XI. pag. 246.

(e) Aphor. Sect. VI. n°. XI. Charter. Tom. IX. part. II. pag. 254.

cilicis obstructionibus in locis glandulosis producendis occasionem dare potest; ut paulò antè in eadem hac paragrapho dictum fuit.

**LAPIDESCENS, GRASSA, AUSTERA, GYPSFA, MATERIES.**

Nisi constaret numerosissimis Expetimentis, vix crederetur etiam in tenuissimis & limpidissimis corporis nostri humoribus hæere materiam, unde durus satis potest crescere calculus. Limpida & tenuis urina, per minimas fistulas renales à sanguine secreta, toties calculosis concretionibus originem dat; non tantùm, ubi in pelvi, ureteribus, aut vesicâ stagnat collecta, verùm etiam in ipsis renibus, qui aliquando toti calculosis inventi fuerunt. Plurimos calculos renales vidi excretos, qui pedunculos habebant, quibus fistulis renalibus inhæsisse videbantur; dum reliqua illorum superficies globosa apparebat. Ex glandula sublinguali calculum eductum vidi. In ipso abdominis cavo, quod tenuissimo exhalante rore tantùm mader, calculi inventi sunt. In cerebri substantia, & in omnibus serè corporis locis, deprehensi sunt; ut postea in calculi Historia latius dicetur. Si ergo similes concretiones circa loca glandulosa fiant, pertinacissimi nascuntur scirrhii. Variam autem duritiem in calculis in corpore humano natis observare licet: aliquando durissimi sunt, ut in vesicâ calculis inprimis observatur: quandoque longè molliores & friabiles, ut in optimis sunt illi, qui in bile concreſcunt; imò & albos friabiles, gypsum serè referentes, tussi pulmonibus excretos vidi: & in *Commentariis* præcedentis paragraphi ex *Paræi* Observationibus constitit, glandulas mesenterii scirrhosas, gypseâ materiâ turgidas inventas fuisse.

**VITA TRISTIS.** Dicitur postea in *Commentariis* §. 1090, in morbis melancholicis mirum hoc observari, quòd nempe atra bilis in sanguine prædominans, & inprimis jam circa viscera abdominalia hærens, miram anxietatem, & mororem insuperabilem producat, cujus tædio violentas aliquando manus sibi inferunt. Sed non hoc tantùm, verùm etiam quòd validi animi affectus, & inprimis mœsticia similem materiam in sanguine producant, & in viscerum abdominalium vasis figant. Cùm ergo vita tristis atrabilariam materiam producere possit, patet ex autè dictis, quòd & scirrho dare originem valeat.

**VICTUS DURUS.** Inter causas melancholiz recensentur §. 1093, etiam cibi austeri, duri, terrestres, sicci, diu assumti, inprimis si simul quiescât & torpeat corpus: unde literatis toties pertinacissimæ sunt in visceribus abdominalibus obstructiones, dum carnibus & piscibus fumo, sale, aere induratis, fabis, pisces, &c. utuntur frequentius; interimque mentem acriter, corpus verò minimè, exercent; solent hi semper magno suo damno experiri, duriora hæc mesorum illis relinquenda esse; mollissima autem olera, lactucam, intybum, cichorea &c. sapientum ventribus amica esse; unâ cum teneris juniorum animalium carnibus, &c. Dum farinosis crudis nec fermentatis pauperum infantes vescuntur, miscellis abdomen in tumorem attollitur, tenellis visceribus insuperabili lentore infarctis. A fructibus austeris immaturis avidè comestis rusticorum pueri similia mala patiuntur.

**HÆREDITARIA LABES.** Phthisim, epilepsiam, podagram, ex parentibus in prolem transire, funestis toties Exemplis constitit: idem & de pluribus alijs morbis fortè verum est. Tales autem morbi hæreditarii, si non penitus incurabiles, saltem ab omnibus Medicis curatu difficillimi habentur. Solebat hæc occasione suis Auditoribus dicere celeberrimus Auctor, quòd familiam novisset, in qua

omnes certo ætatis termino fiebant iſterici; tandēque, nullis remediis cedente malo, hydropici peribant. In cadaveribus, (quæ incidenda Medicis libenter concedebant, ut funeſti huic familiz mali cauſa detegi, & poſtea curari vel præcaveri poſſet) inveniebatur hepar ſcirrhoſum.

§. 486. **EFFECTUS** ſcirrhi nati occupare auſtā mole vicina; ea premere, comprimere; lædere functionem ſcirrhoſi, & vicini; hinc inflammationes, ſuppurationes, gangrænas, paralyſes, atrophias, ſphacelos, ſterilitatem, partum difficilem, vulvulum, & multa ſimilia mala producere, quæ ex natura & officio læſi comprimentis, facile deduci queunt.

Pars ſcirrhoſa augetur magnitudine: ſed hoc fieri nequit, quin vaſa partium ſcirrho adjacentium anguſtentur; imò & aliquando comprimantur integre. Ideo inter cauſas obſtructionum, quæ externā vaſorum compreſſione illorum cava arceſcent, numerantur etiam ſcirrhoſi tumores (vide §. 112. n°. 1.). Innumeri ergo, illique penitus diverſi effectus ſcirrhi eſſe poſſunt, pro varietate partium, quæ in ſcirrhum induruerunt, & diverſis functionibus vicinorum, quæ à ſcirrho increſcente comprimuntur. Sic ſcirrhus ab externa cauſa, in corpore euchyſmo natus, mammas occupans, ſæpe in ſeram uſque ſeneſtam innocuus manet: ubi idem malum in œſophago, vel vicinis partibus, quæ tumentes illius cavum arceſcere & comprimere poſſunt, hæſerit; omni deglutitionum in ventriculum tranſitu impedito, poſt *Tantalii* poenas ſæpe per meſes toleratas, inevitabilis mors ſequitur. Sufficiet ergo generales fontes hic indicare, unde ſcirrhi nati effectus deduci poſſunt: ſingularium autem malorum, quæ à ſcirrho ut cauſa ſequuntur in corpore humano, cognitio à functionibus partium affectarum læſis pendet. Quædam tamen ex præcipuis enumerantur hæc paragrapho.

**INFLAMMATIONES, SUPPURATIONES, GANGRÆNAS, SPHACELOS.** In §. 375, ubi de inflammationis cauſis agebatur, dictum fuit, omnes obſtructionum cauſas inflammationem facere poſſe: ſed, uti modò dictum fuit inter cauſas obſtructionum, quæ externā compreſſione vaſa arceſcant, etiam ſcirrhus numeratur; adeoque hæc res patet. Natam autem inflammationem ſequi poſſunt omnes ejus effectus; adeoque & ſuppuratio & gangræna & ſphacelus. Notandum tamen in ſcirrho exquiſito & confirmato ſuppurationem nunquam fieri, ſed quidem in partibus vicinis à ſcirrho tumente compreſſis. Prætera in *Commentariis* §. 422. lit. β, ex *Obſervationibus Hildani* conſtitit, à tumore ſcirrhoſo venam cavam comprimente illo in loco, ubi in binas iliacas finditur, in utroque crure gangrænam natam fuiſſe, quam ſphacelus ſequebatur, ad genua aſcendens, & mors.

**PARALYSES.** Ut fiant motus muſculorum voluntarii, requiritur liberum commercium inter cerebrum & muſculos per nervos; ſi ergo ſcirrus nervum ad muſculum tendentem in toto hoc itinere à cerebro ad muſculum uſque alicubi compreſſerit, erit muſculus ille paralyticus. Si jam ingens truncus nervoſus ad partem quamdam corporis tendens à tali cauſa comprimatur, erit perfectæ paralyſis illius membri. Dum ſubaxillares glandulæ, ſcirrhoſæ ſeſtæ & tumidæ valde

Ggggg iij

premunt vicinos truncos nervosos, patet facillè, inde paralytim nasci posse. Vidi sic in muliere sexagenaria dextram mammam totam scirrhosam, & dein glandulas sub axilla dextra admodum tumidas pariter induruisse; unde primò maximus dolor in toto brachio dextro, dein stupor, & incipiens paralytis. Simul in colli dextro latere glandulæ tumidæ admodum & duræ erant, & frequentia animi deliquia; fortè à pari vago & intercostali ejusdem lateris compressis.

**ATROPHIAS.** Dictum fuit in *Commentariis* §. 161, quòd, si arteria major tota sic discindatur, ut postea nullus ampliùs sanguis ad partes suppositas venire possit, tunc omnia illa, quæ ab hoc trunco vitalem sanguinem accipiebant, emori, sublato omni vitalis liquidi influxu; simulque notabatur ibidem, duplici modo hoc fieri: vel enim stagnabant liquida non ampliùs propulsa motu sanguinis arteriosi, & corrumpebantur; unde putrida & lenta gangræna fiebat: vel humores in partibus suppositis relictis, propriâ contractione vasorum, transibant in venas, quæ musculorum vicinorum turgentium ope humoris receptos cor versus revehant: sic omni liquido orbata vasa collabuntur, latera collapsa concrevunt inter se, & partis moles minuitur quotidie; donec tandem arefacta omnia mumiam ferè referant, utl ibidem miro casu probatum fuit. Facillè patet, eadem mala fieri debere, si scirrhus suâ mole arteriam ad partem quamdam corporis tendentem compresserit, sic ut omnis sanguinis transitus impediatur.

**STERILITATEM.** In utroque sexu sterilitatem nasci posse, si organa generationi dicata in scirrhum induruerint, sic ut inde illorum functiò aboleatur vel depraveretur, nullus dubitat. Testiculos v. gr; in viris scirrhescere posse plurimis Observatis constat. Verùm cum in mulieribus plures adhuc requirantur conditiones, omnino necessariæ, ut non tantùm suscipiantur hominis primordia, sed in utero hæc possint retineri, foveri, ali ad perfectæ maturitatis tempus usque; facillè patet, longè frequentiores esse sterilitatis causas in sexu feminino. Observata jam docuerunt, scirrhosos tumores, vel in ipsis partibus genitalibus natos, vel in locis vicinis ortos, mole suâ omnia vicina comprimentes, frequentem satis dedisse sterilitatis causam. In obesis mulieribus omentum crassius factum uteros comprimere sic, ut genituram suscipere nequeant, notavit *Hippocrates* (a). Si uterorum os durum fuerit, aut & cervix, quod immisso digito deprehendi potest, sterilem fore mulierem, nisi curetur, in eodem loco monet. Incisis autem cadaveribus paruit sæpe, scirrhos hinc latentes fuisse sterilitatis causam. Sexagenariam matronam, quæ bis nupta sterilis semper fuerat, incidit *Hildanus* (b), ut sterilitatis causam inveniret; & vidit scirrhum circa orificium uteri, qui instar annulli collum matricis cingebat, sicque claudebatur ejus aperturam; ut styli acies vix immitti posset. In alia muliere, quæ primo puerperio uteri inflammatione correpta fuerat, & postea sterilis manserat, invenit post mortem scirrhum, ovi anserini magnitudine ante orificium uteri sic locatum, ut omnem aditum versus uterum præcluderet, tamque pertinaciter adhaerentem, ut nullo modo avelli potuerit (c). Vaginam uteri totam scirrhosam vidi, & in omni suo

(a) Lib. de natur. mulieb. cap. XIX. Char. LXV. pag. 51.  
 (b) Tom. VII. pag. 690. (c) Ibid. Observ. LXVI.  
 (d) Observ. Chirurg. Centur. I. Observ.



ambitu adeo tumentem, ut vix stylum admittere posset. Sæpius etiam observatur in illis mulieribus, quæ steriles vixerunt, circa illud tempus, quo menstrua desinere consueverunt, cancrasam nasci uteri diathesin, quæ enormibus doloribus, ac si sanie exstillante; & profundissimâ, vasis varicosis redditus & dein erosus, hæmorrhagiâ malignitatem suam satis manifestat. Ex quibus omnibus patet, scirrhum meritò inter sterilitatis causas recenseri.

**PARTUM DIFFICILEM.** Ut utero fœtus maturus exeat, requiritur ut ejus orificium & vagina liberrimè expandi possint. Si ergo partes illæ induerint scirrho, vel & in vicinia similes tumores nati compresserint hæc loca, patet facili, partum difficilem, imò sæpe impossibile omnino fore. Verum quidem est, rarè scirrhum tam citò in magnam molem extendi, ut, si non præexistere ante conceptionem, graviditatis tempore natus adeo multum nocere posset, dum fœtus excludetur. Videretur autem scirrhus in utero vel vaginâ natus sterilitatem inducere debere, unde etiam inter sterilitatis causas in Observationibus modò allegatis numerabatur. Observata tamen plurima docuerunt, mulieres gravidas factas fuisse, licet parva admodum, imò nulla ferè, apertura fuerit, per quam semen uteri cavum ingredi potuisset, unde non semper absoluta sterilitas sequitur, licet magnus etiam scirrhus hæc loca occupaverit; sed semper tunc erit difficilis partus. Historia Medica plurimos casus habet, qui modò dicta confirmant; paucos adduxisse sufficiet. Mulier triginta & octo annorum primipara moriebatur inter partus dolores, neque potuit in lucem prodire fœtus. In cadavere celeberrimus *Littorius* invenit matricis collum obturatum substantiâ glandulosâ, quæ utero coherebat, & parvis hinc inde foraminulis perforata erat (a). In muliere quadragenaria primipara fœtus mortuus non nisi magnâ difficultate potuit educi, ob nimiam pelvis offæ angustiam. Post tres menses iterum impregnata, circa partus tempus per bidduum summis torquebatur doloribus, sine ulla oris uteri dilatatione. Distractis rudi satis instrumento, cum speculum uteri deesset, vaginæ lateribus, cicatrix concreti orificii uteri apparuit; dumque scalpello illud discinderet Chirurgus, invenit cartilagineam ferè duritiem, & omnem ambitum aperturæ uteri pluribus incisionibus dividere debuit, ut aliqua dilatio fieri posset. Eductus fuit sic Chirurgi manu fœtus mortuus, & illico misera hæc puerpera febre acutâ, dolore pleuritico, & respiratione impeditâ correpta fuit; unde post viginti quatuor à partu horas periit (b). In cadavere fœminæ, quæ post partus dolores per sex dies frustra toleratos mortua fuerat, invenit *Hildanus* (c) uterum lacerum, & caput infantis in cavo abdominis hærens. Horum malorum causa erat scirrhus, qui capitis fœtus magnitudinè æquabat ferè, & suâ mole impediverat, ne fœtus exire potuerit.

**VOLVULUM.** Causa quæcumque intestinalem fistulam in quodam loco ita angustare valet, ut contenta, motu peristaltico propellenda ad anum usque, transire nequeant, terribilem hunc morbum producere poterit; unde tunc sædo spectaculo omnia, inverso motu peristaltico versus ventriculum redeunt, & post summas anxietates, vomitu excutuntur. Ubi inflammatio tale malum comitatur, sæpe sa-

(a) Académ. des Sciences, l'an 1705. Hist. pag. 66.

(b) Medical. Essays, Tom. III. pag. 317. &c.

(c) Observat. Chirurg. Cent. I. Observ. LVII. pag. 51.

bitò lethale est; sine hac autem diutius hominem affligit. Observati fuerunt & scirrhi, mole suâ ardentes, vel integre obturantes & intestinalem fistulam, huic morbo originem dedisse. In cadavere hominis, qui per aliquot annos dolore fixo & continuo sub hepatis regione laboraverat, & tandem gravissimâ passione iliacâ extinctus fuerat, invenit *Hildanus* (a), scihrrum jam exulceratum in cœci intestini fundo. Notabile casum, qui modò dicta confirmat, vidit celeberrimus *Boerhaavius*. Festivus in nobili familia puer, calopodiis ferratis in glacie currens æstuabat, dein calente ab hoc motu corpore traham ingreditur quâ pauper vehebatur; sicque mansit per horulam acri satîs frigori expositus. paulò post dolorem in abdominè sensit, & deinde languit semper. Incepit post aliquot septimanas tardior fieri alvus, tandèmq; ferè integre supprimebatur. Appetitus manebat satîs bonus, sed singulo ferè triduo post diras anxietates, cibos toto hoc tempore ingestos revomebat. Post varia remedia tentata, sed frustra, moritur puer; & cadaver lustrandum conceditur Medicis, qui in consiliû vocati, dum in vivis esset puer, diversas circa morbum hunc habuerant opiniones. Scirrhum latere prædixerat *Boerhaavius*; hinc lenissima tantùm remedia solventia, & tales cibos, à quibus minimùm sæcum alvinarum colligi solet, commendaverat. Vomitoriis excutiendam esse pituitosam saburram, in intestinis stabulantem, & illam obstruentem, concluderant alii Medici, & persuaserant parentibus ægri: sed ab illis assumtis omnia mala augebantur. Aperto cadavere, inventus fuit scirrhus, ileon intestinum comprimens, prope illum locum, ubi ultimus ejus finis intestino colo inferitur. Ante locum obstruclum intestina tenuia enormiter dilatata apparebant, ponè locum obstruclum sic contracta, ut proeelsûs vermiformis magnitudinem vix superarent.

Præter illa mala, quæ hæc paragrapho enumerata sunt, plura alia similia à scirrhis nasci possunt, qui in aliis corporis partibus hærent. Dolores fixos, chronicos à scirrhis ventriculi & pancreatis, jam in cancro malignitatem vergentes, ortos, legitur. Hepatis scirrhus immedicabilem sæpe icterum, & lethalem postea hydropem produxit. Illa, quæ hætenus dicta fuerunt, sufficient, ut demonstretur, plurimos chronicos, illòsq; pertinacissimos, morbos, scirrhis, in corporis interioribus latentibus, originem debere. Sequitur jam, ut de scirrhi diagnosi & prognosi agatur.

s. 487. **PRÆSENTIA** scitur; causâ (484. 485.), effectû (486), phænomenis (392), loco affecto (484), temperie ægri, cognitis.

Ubi in externis partibus corporis scirrhus hæret facillè detegitur: difficilîus cognoscitur, si in partibus internis lateat. Lucem tamen obscuris his casibus affundet sequentium attenta consideratio.

**CAUSA.** Sic v. gr; causa prædisponens ad scirrhi generationem est atrabilia sanguinis spissitudo in humoribus; in victu austera terrestria crassa diu sumpta, absque validis corporis exercitiis; in animi affectibus mœror diuturnus. Causa verò efficiens est v. gr; contusio, inflammatio non resoluta nec in suppurationem

(a) Observ. Chir. Cent. 1. Observ. 121. pag. 49.

conversa, menstruum vel hæmorrhoidum consuetus fluxus subito suppressus, labes hæreditaria, &c. Si constet, tales causas præcessisse, merito scirrhus metuitur.

**EFFECTU.** Scirrhus semper lædit functionem partis, quam occupat; sæpe etiam turbat actionem vicinorum, quæ auctâ suâ mole comprimitur. Unde si causæ scirrhi producendo apræ, prægressæ fuerint, & signa læsarum functionum doceant, partium quarundam usum, quem in sanitate habebant, turbatum esse, vel & omnino abolitum; diùque in eodem statu maneat sine notabili incremento morbus; augetur firmitas diagnoscens, quâ scirrhi præsentia determinatur. Sic v. gr; si post acutum pectoris morbum, nec blandâ resolutione, nec benignâ suppuratione, sanatum, maneat dyspnoea, & tussis sicca, atque ad minimum corporis motum, vel post cibum largiori copiâ assumtum, augeantur hæc mala, merito concluditur, scirrhum in pulmone natum esse, qui, mole suâ angustans vasa aerea, difficilem respirationem facit, & compressis vasis sanguineis impedit, ne sanguis corde dextro expulsus liberrimè per omnes arteriæ pulmonalis angustias transire possit; unde auctâ per motum corporis sanguinis velocitate, vel crudi chyli largiori copiâ sanguini venoso dextri cordis mistâ, incipit obrui pulmo, & augetur cordi dextro resistentia, quam omni respirationis auctæ molimine superare vel invitus nititur homo, tales angustias passus. Latens in pulmone vomica, comprimens partes vicinas, similia quidem efficiet, sed augebitur, crescente puris copiâ hæc anxietas, donec vel suffocetur æger, vel rupto abscessu liberetur. Hæctica febricula, hujus morbi semper ferè comes, latens tale malum indicabit satis. Ubi autem scirrhus hic latet, omnia diutissimè manent in eodem statu, & sæpe per plures annos sine ullo incremento persistant hæc mala.

**PHÆNOMENIS.** Hæc sunt in scirrhi, externas partes occupante, tumor, durities, doloris absentia: sed ubi interiùs latet, hæc phænomena sensibus sæpe detegi nequeunt; unde tunc soli effectus scirrhi lucem in tali casu affundunt.

**LOCŒ AFFECTO.** Dictum fuit in *Commentariis* §. 484, circa loca glandulosa frequentissimè scirrhos nasci, & imprimis si fluidum, glandulosâ fabricâ secretum, suâ naturâ facilè inspissetur; uti v. gr; lac in mammis: unde à levibus etiam causis scirrhi hic nascuntur.

**TEMPERIE ÆGRI.** Atrabiliaria nempe, quæ scirrhi producendo maximè favet, ut in *Commentariis* §. 485, dictum fuit: cujus signa in semeioticis recensentur, de quibus postea in capitulo de *Melancholia* latius dicetur.

§. 488. **EX** iisdem (487) eventus præfigitur, considerando durationem mali, & effectus (486). Sunt per se innoeui, evadunt motu incitato maligni.

In prognosi determinatur facilis difficillive curatio scirrhi per diagnosis cognoscitur, uti etiam illa mala prævidentur, quæ à functionibus læsis scirrhosarum partium vel vicinarum à tumente scirrhi compressarum, in corpore fiunt. Prognosis ergo ex iisdem fontibus petenda erit, ex quibus diagnosi deducta fuit. Longè enim v. gr; difficilior erit cura scirrhi, qui ab atrabiliaria sanguinis spissitudine ortum duxit, quàm si idem malum post inflammationem remanserit. Longè alia metuenda erunt, si scirrhus magnis vasis adjacens illa compresserit suâ mole, quàm si in

mamma idem hæserit, vix nociturus, nisi in cancrum degeneraverit. Inprimis autem in prognosi attenditur ad durationem mali & ejus effectus varios. Ut enim patebit paulò post, recentem scirrhum curari posse plerumque magna spes affulget; si per annos hæserit, indomabile malum est, nisi exstirpari possit. Effectus autem scirrhii ferè tantùm variant ob diversitatem partium, quæ scirrho laborant, vel à tumente ejus mole comprimuntur.

Scirrhus verò, cùm indolens tumor sit, non adeo multùm nocet ex sua natura, nisi tali in loco situs sit, ut vicina comprimendo insignes corporis functiones turbet. Sic in mammis per viginti annos & ultra sine noxa scirrhos hæsisse novi: imò & constitit Observatis, etiam in interioribus corporis illos delituisse absque insigni sanitatis detrimento. In homine sexagenario, post lapsum ex alto mortuo, *Littorius* (a) invenit totum lienem putrefactum, neque tamen de ullo malo conquestus fuerat homo ille, & sanus satis atque hilaris semper vixerat. Sed parva debuit fuisse moles illius lienis, cùm tantùm unciam unam cum dimidia æquaret pondere; adeoque non potuit vicinas partes suâ mole multùm premere. Imò & *Hippocrates* de lienosis agens habet sequentiâ (b): *Progressu verò temporis quibusdam morbus in hydropem degenerat, & contabescunt. Quibusdam verò splen suppuratur, &usti confanescunt; quibusdam etiam durus & magnus existens confanescit. Oritur autem morbus, quum ex febribus & vitiosâ curatione bilis aut pituita, aut utraque ad lienem decubuerint, & diuturnus quidem affectus est, minime tamen lethalis.* Tamen si consideretur scirrhii indoles, patebit satis, plurima inde nasci posse mala, si motus humorum per vasa incitetur, quacumque demum de causa hoc fiat. Hæret enim in scirrho liquidum coagulatum vel inspissatum, sive in folliculis collectum, sive per fabricam intricatissimam vascularem partium dispersum; illud ergo tamquam mortuum & inertis ibi corpus concipi potest. Sed vasa hoc liquido immeabili repleta, vel folliculi eodem distenti, in suis membranis habent vasa vitalia, per quæ angustata, à concreto hoc scirrroso illa comprimente, difficilius humorum transitus est; qui tamen adhuc fieri poterit, ubi pacatus est vitalium humorum motus: si verò per febrem v. gr; augeatur circulationis celeritas; vascula hæc vitalia, undique à scirrho concreto compressa, non poterunt dilatari, ut eodem tempore major per illa fluere possit liquidorum copia; hinc fiet in his obstructio, & urgente velociori humorum motu, inflammatio. Cùm autem à valido tunc attritu in vasis his angustatis calor nasci debeat satis validus (vide §. 382. n°. 6); sequetur brevi putrefactio concreti illius scirrholi (vide §. 84. n°. 4. & 5.), & omnia illa mala, de quibus postea in cancri Historia dicetur. Patet ergo ratio, quare ex propria natura innocuus scirrhus, auctâ circulationis velocitate, malignus fieri possit.

### §. 489. QUI sæpe vitari impos æternum metum parit.

Quis enim Medicus cavere queat vel in proprio corpore ne aliquando incitetur humorum motus? Animi affectus quos vitare nemo potest, natos verò compescere vix sapientissimi valent, augent sæpe immaniter circulationis impetum

(a) Académ. des Sciences l'an 1700. Hist. pag. 50.

(b) Lib. de Affection. cap. V. Charter. Tom. VII. pag. 625, 626.

& velocitatem (vide §. 99. n°. 1. ). Diætæ errores satis etiam levēs hoc efficere aliquando possunt. Motus corporis musculares aucti eodem modo nocebunt. Sed numquam impetrari poterit ab ægris, ut tanta cum cura hæc omnia vitent, cū indolens scirrhus semper ferè negligatur. Licet autem summā etiam sollicitudine ad omnia hæc attenderetur, quis ullā Arte cavere poterit, ne epidemicis morbis grassantibus corripiatur, vel externis læsionibus, contusione v. gr; aut similibus, irriteretur mitis hæc scirrhus? Præterea & illæ mutationes, quæ naturaliter corpori accidunt, scirrhū in cancrum convertere valent; ut v. gr. menstrui fluxus cessatio in effusis mulieribus (vide §. 495.) Patet ergo, dum scirrhus in quadam corporis parte hæret, æternum adesse metum pejoris mali, cū nullā arte vel prudentiā vitari possint omnes causæ, quæ benignum scirrhū in pessimum cancrum mutare valent.

### §. 490. UNDE Curaturus notet:

1. Scirrhū, si recens, benignus, loco idoneo situs; nondum perfectè durus, in homine euchymo, tentandum emolliente, resolvente medelā; quo fumi acidi, & vis mercurii inprimis spectant.

In scirrho curando summā prudentiā opus est, nihilque hic temere tentandum; cū commissi errores postea corrigi nequeant, & calamitosissima mala sequantur perversam scirrhī medelam. Medicorum ergo & Chirurgorum animis semper observetur salutare monitum *Hippocratis* dicentis (a), *Quibus oculi canceri oriuntur, eos non curare præstat: curati namque citò intereunt, non curati verò diuturniori tempore perdurant.* Scirrhos enim malignos & inveteratos hoc nomine vocasse videtur *Hippocrates*, qui tam faciliè irritantur à remediis applicatis, & in cancrum degenerant exulceratum. Priusquam ergo ullum remedium applicabitur scirrho, sedulò examinandum est, an spes sit, illum resolveri posse: hoc autem cognoscetur, si scirrhus habeat sequentes dotes.

**RECENS.** Tunc enim concretus humor nondum, liquidissimā parte diffusā, in massam non resolvendam ampliùs abivit: & rarè adhuc in scirrho recenti tota glandulæ substantia affecta est, unde major oportunitas erit per vasā per via huc adducendi solventia remedia, quorum major etiam efficacia erit in concretum, quod nondum in calculosam ferè duritiem transit. Si ergo scirrhus per plures jam menses in quadam parte corporis hæserit, angusta resolutionis spes superest. Optimè hinc dixit *Aretæus* de scirrhis lienis agens (b), *Orientes avertere, & nuper incipientes discutere oportet.* Monuit tamen ibidem, non adeo faciles esse horum scirrhorum resolutiones.

**BENIGNUS.** Quamdiu indolens scirrhus est, neque nimis magnus; nec durus admodum, neque integumentorum color mutatus fuerit, nullūque pruritus, neque calor major in illo vel ejus vicinia sentitur, benignus dicitur. Contraria si obtineant, tunc malignus vocatur; cujus signa postea enumerabuntur n°. 3, hujus paragraphi.

(a) Aphorism. Sect. VI. n°. xxxviii. | (b) De Curat. Morbor. diuturn. Lib. I. cap. Charter. Tom. IX. Part. II. pag. 171. | 14. pag. 118.

**LOCO IDONEO SITUS.** Cùm nempe medicamenta commodè applicari possint, & manubus accessus detur; ut, si fortè præter spem hæctenus benignus scirrhus à remediis applicatis irritaretur, tolli integre ferro possit. Unde requiritur, ut & adfint conditiones sequenti hujus paragraphi numero recensitæ.

**NONDUM PERFECTE DURUS.** Saxea enim illa ferè durities, & prærupta scabra superficies scirrhum confirmatum indicant, & à lenissimis etiam solventibus remediis applicatis hic scirrhus in majorem malignitatem degenerabit brevè. Debet ergo tumor talis pressioni utcumque adhuc cedere posse; aliter enim metuendum est, vasa cum liquidis coagulatis ferè concrevisse in massam irresolubilem.

**IN CORPORE EUCHYMO.** Cùm enim in *Commentariis* §. 485, dictum fuerit, cacochymiam atrabiliariam scirrhis producendis quàm maximè favere; quid juvabit multo molimine solvere impactam vasis materiem, si hæc solutà, ab eadem causa similis obstructio brevè renascetur? Si v. gr; acri scorbuto putrido sanguinis massa infecta fuerit, putredinis hic adeo noxiæ magnus metus erit, dum emollientibus & resolventibus remediis tentatur scirrhi resolutio.

Tot cautelæ requiruntur, ut absque periculo, scirrhus medela fieri possit. Fraudulenti Agyrtæ, delirantes aniculæ, nimis sæpe imprudentes Chemicæ, dum suis arcanis temere confidunt, contemnunt pericula, quæ ignorant; & magnis promissis deceptos homines in summas misérias præcipitant.

Ubi ergo omnibus rite perpenfis patuit, scirrhum resolvi adhuc posse, quænam tunc medela requiritur? Sola certè emollientia, quæ vasa laxant, & solventia, quæ sine magno motu excitato fundere valent concretos humores, conducunt. Dixerat quidem *Aretæus*, igni similibus remediis, ad scirrhosam duritiem lienis molliendam, utendum esse, sed statim commendat irrigationes (a) ex aceto, oleo & melle; unguentariæ glandis pulverem inspergendum jubet, & mollissima laudat cataplasmata. Aliâ occasione (§. 406.) mentio facta fuit regulæ Præticæ, quam *Galenus* de scirrhi curatione agens habet. Dicit enim (b), Quod si quis iis quæ vehementer trahunt discutiantque medicamentis vacuare tentet, nec iis, quæ humectent & calefaciant, molliat ac liquet; huic paucis primis diebus egregiè processisse curatio videbitur. Cæterum, quod de affectu restabit, id insanabile erit. Siquidem toto, quod in eo tenuium partium erat, discussio, quod reliquum est, velut lapidosa concretio linquetur. Veritas hujus rei toties apparuit in lactantibus mulieribus, quæ tumores in mammis natos, ut suppurationem evitent, prunæ ardenti exponunt, & perfricant: sic enim brevè minuitur tumor, nec fit suppuratio, sed totâ vitâ manet indomabilis scirrhus. Nihil ferè pulchrius est, quàm partem scirrhosam vaporis aquæ tepidæ exponere bis de die, dein molliter perfricare, & postea imponere emplastrum aromaticum, inprimis additis gummi ferulaceis, ammoniacis, galbano, sagapeno & similibus, qualia plurima in Officinis prostant. Fomenta & cataplasmata ex similibus parata iisdem usibus servire poterunt. In *Materia Medica* ad hunc numerum talium formularum Exempla habentur. Hæc methodo per menses continuatâ, mammarum scirrhos recentes me sæpius curasse lætus recordor. Plurimum profuisse etiam vidi, saponis Veneti in lacte factam solutionem adeo spissam,

(a) De Currat. Morbor. diuturn. Lib. I. cap. XIV. pag. 128.

(b) Method. Med. Lib. XIV. cap. iv. Chapter.

Tom. X. pag. 322. Method. Med. ad Glaucon. Lib. II. cap. vi. ibid. pag. 379.

ut pultem tenuiorem referet, spongiâ exceptam, & loco scirrhuso applicatam, superimpositâ vesicâ fuillâ, oleo perfricata.

Fumi acidi, & imprimis fermentatione ex vegetabilibus parati, aceti nempe, plurimum profuerunt in scirrhis resolvendis. Apud *Galenum* (a) jam hujus remedii usus commendatur: voluit enim emollientium applicationem interpolari debere usu illorum, quæ scirrhî materiam attenuare & incidere valent; atque inter incidentia præ reliquis laudat acetum. In tendinum & ligamentorum scirrhosis indurationibus curandis, aceto acerrimo candentem lapidem pyriten, vel ejus defectu molarem, exstinguebat, & supra calidum adscendentem ex aceto vaporem tendines & ligamenta scirrhusa dimoveri curabat; hoc facto, iterum emollientia remedia applicabat. Metuebatur tamen, ne ipsam tendinum & ligamentorum substantiam vapor aceti, nimis diu vel sæpe applicatus, læderet. Sed in lienis vel carnosarum partium scirrhuso tutum ejus usum dixit. Imò & composita quædam ex aceto medicamenta se excogitasse monet, atque ammoniacum thymiana, aceto dilutum ad luti crassitiem, lienis scirrhuso impositum, perfectam sanationem attulisse, absque ullo alio remedio, dicit. Pulcherrimè autem monuit alio in loco (b) laxantium usu mollescere quidem scirrhum, sed non decrefcere; medicamentorum verb, quæ aceto, constant, applicatione ejus molem insigniter minui. Unde alternum horum auxiliorum usum commendat. Imò *Galenus* (c) & internum aceti usum in viscerum scirrhis curandis laudat; monèturque in lienis scirrhuso externa remedia sola non sufficere, verùm etiam requiri validissimas portiones, ex cortice radicum capparis & scolopendrii, & myricæ radicibus & ramulis in aceto vel oxymelite decoctis. Recentiorum Observata etiam salutarem aceti usum in scirrhis resolvendis probant, sive in vapores resolutum partem alluat, sive fomenti vice adhibeatur, sive denique gummi ferulaceis mistum emplastri formâ applicetur parti scirrhusæ. In omnibus ferè Officinis obtinuit, gummi ammoniacum, galbanum, opopanax, sagapenum, aceto diluere, dein colo depurare à sordibus admistis, tuncque leni igne exsiccare. Hæc autem præparatio non tantùm instituta fuisse videtur, ut ab heterogeneis admistis mundaretur hæc gummi, verùm etiam ut acerrima aceti pars, dissipatâ inter inspissationem tenui & aquosâ, illis gummi uniretur, sicque augetur horum remedium efficaciam, quâ concreta dividere & attenuare valent. Unicum ex *Hildano* casum adduxisse sufficiet (d). Juveni & robustæ Matronæ, dum infantem lactaret, sinistra inflammatur mamma: sedatâ inflammatione, tumor durus remansit, plurimis remediis frustra tentatus à mulierculis & Empiricis. Vocatus *Hildanus*, infantem ablactari jussit, dein mamam quotidie inungi curavit linimento, quod inter alia bonam copiam gummi ammoniaci in aceto scilicet dissoluti haberet, similique bis de die emolliens cataplasma applicuit; hæcque methodo, dato per intervalla leni purgante, durus ille tumor integre resolutus fuit: idemque sibi in alio simili casu successisse affirmat.

Internum remedium nullum fortè magis efficax habetur, quàm acetum sale alcalino purissimo saturatum; vel si vini Rhenani libræ addatur uncia media salis cardui benedicti, stipitum fabarum, vel similis cujusdam; talisque mixturæ ter vel quater de die uncia dimidia sumatur. Antiquis jam laudatus fuit similium

(a) Method. Med. Lib. XIV. cap. v. Char-  
ser. Tom. X. pag. 323.

cap. vi. Ibid. pag. 379.

(c) Ibid. cap. vii.

(b) Method. Med. ad Glaucon. Lib. II.

(d) Observat. Chirurg. Centur. I. pag. 152.

usus. Juxta Plinium (a) cinis *sarmentorum*, *vitiūque*, & *vinaceorum*, *condylo-*  
*matīs* & *sedis vitiīs* medetur *ex aceto*: item *luxatis* & *ambustis* & *lienīs* *tumori*,  
*cum rojaceo* & *ruia* & *aceto*: . . . *dant* & *bibendum cinerem sarmentorum ad lienis*  
*remedia aceto conspersum*. Laudatur etiam *sulphuris accensī vapor*, ad partem *scir-*  
*rhosam determinatus*; sed cū *pulmoni infectus*, sit *difficilius adhiberi poterit*.  
 Etiam *aceti cognita vis*, quā *sanguinem dissolvit*, majorem *spem curationis* in tali-  
 bus *casibus facit*, cū *sulphuris acidum*, inprimis si *meracissimum fuerit*, *sani-*  
*guini coagulum inducat*.

De *argenti vivi efficacia* in *obstructionibus referendis dictum fuit* in *Commen-*  
*tariis* §. 135. n°. 4: & in *scirrhis resolvendis* sæpe *ejus usus profuit*, tam *exter-*  
*nus*, quā *internus*; sed tantū in *scirrho benigno* & *incipiente*. Ubi enim in *lapi-*  
*deam* *terē duritiem conversus est*, & *malignus fieri incipit*, nullum omnino à *for-*  
*tissimis etiam mercurialibus præparatis*; neque ab ipsa *salivatione*, *argento vivo*  
*excitata*, *levamen expectari potest*; quin potius *exacerbantur omnia*, & *aucto*  
*humorum motu per hoc remedium*, *scirrhus citius in cancerum mutatur*. Solet cum  
*fructu scirrhi resolubili applicari emplastrum de ranis cum mercurio*, *cavendo*  
*tamen*, ne *imprudenti ejus applicatione excitetur sæpe periculosa salivatio*: unde  
*simulac ægri aliquem dolorem vel tensionem circa gingivas sentire incipiunt*, *aufere-*  
*rendum est emplastrum, locūque*, cui *adhæsit*, *saponis lixivio sollicitè depurandus*.  
 In *bubonibus venereis scirrhosis resolvendis* hoc *emplastrum pulchre prodesse solet*.  
*Cinnabaris accensī vapor*, *sulphuris* & *argenti vivi conspirantibus viribus prodest*,  
 sed sæpe *subitò salivationem excitat*.

2. Si non cedit his, si *locus, situs, vicinā, mobilitas, conditio*  
*mali, robur & valetudo ægri permittunt*, *ocylus ferro integre*  
*eximendus est*.

Ubi verò, *omnibus illis adhibitis per plures septimanas, vel & menses, nulla*  
*fit scirrhi imminutio*, nihil aliud superest, quā ut *tollatur*, ne *relictus canceri*  
*æternum metum faciat*. Præstat autem citò hoc *facere*, quia *diutius relictus talis*  
*scirrhus solet augeri mole*, & sæpe *vicinis partibus accrescere*; unde *postea longè*  
*difficilior erit ejus extirpatio*; imò & *aliquando penitus impossibilis*. Accedit,  
 quod & sæpe *soleat malum propagari ad vicinas glandulas*; tūcque *plures scir-*  
*rhi extirpandi forent*, ut *integra fieret curatio*. Rarè enim in *mammis scirrhi*  
*maiores non resolubiles diu hærent*, quin & *glandulæ subaxillares afficiantur*  
*simili malo*. Vidi sic in *muliere*, cui ab *externa contusione mamma scirrhusa*  
*facta fuerat*, & *frequenti applicatione fervidi serè spiritūs vini in lapideam duri-*  
*tiem conversa*, non tantū *glandulas subaxillares*, sed & *totum collum, pectus,*  
*humerūque ejusdem lateris*, *penitus induruisse*. Nunquam tamen *satis incul-*  
*cari poterit Chirurgis*, ut de *scirrho extirpando non cogitent*, nisi *certissimi*  
*fuerint*, illū *integre tolli posse*. Si enim *vel minima ejus pars residua ma-*  
*neat post extirpationem*, *brevi in cancerum degenerabit*; uti *toties funestis*  
*Exemplis constitit*. Antequam ergo *scirrhi extirpatio concluditur*, *sequentia erunt*  
*consideranda*.

(a) Natur. Histor. Lib. XXIII. proem. pag. 588.



**LOCUS.** Debet esse talis, ut manibus Chirurgi & instrumentis facilis detur aditus. Quis enim de scirrhis internis tollendis cogitare auderet? In ipso tamen pudoris sinu enatum scirrhum, pugnum magnitudine æquantem, membranâ crassâ ac densâ obvolutum, intus album & testiculorum virilium substantiam referentem, à dexterrimo Chirurgo resectum absque ulla læsione vicinarum partium, vidit *Tulpius* (a) in vidua quinquagenaria, quæ sic felicissimè à tristissimis malis imminuentibus liberata fuit, cum abscissa hæc moles non obscura jam indicia scirrhi in carcinoma degenerantis haberet.

**SITUS, VICINA.** Inprimis considerantur ratione magnorum vasorum, quæ in scirrhi vicinia hærent, cum tunc magnum periculum ab horum læsione imminet: uti v. gr; si glandula subaxillaris vel parotis tolli deberet. Neque tamen in difficillimis talibus casibus exercitati Chirurgi desperant; & constitit fidelissimis Observatis, prudenti manu etiam in his locis scirrhos tolli posse. *Hildanus* (b) in muliere scirrhum jam cancrosum mammæ abstulit; simulque debuit tres alios scirrhos, sub axilla ejusdem lateris hærentes, tollere, quorum unus ovi magnitudinem æquabat. Periculosam tamen hanc operationem feliciter perfecit; & ligatis vasis ad scirrhum illum majorem subaxillarem tendentibus, metuendam hic hæmorrhagiam vitavit. Parotidem glandulam, uti & subaxillarem, scirrhosas factas, a peritissimo & dexterrimo apud *Haganos* Chirurgos felicissimè exstirpatas vidit *Abrahamus Kaavius*; notavitque in absolutissima de scirrho dissertatione, quam ad gradum Doctoratûs adspirans scripsit, & defendit eadem die, quâ *magnus Boerhaavius* avunculus ejus obiit, quod exstirpatâ glandulâ parotide nequidem opus fuerit vasa arteriosa ligare, sed immisâ spongiâ adstringenti liquore ebrâ compescebatur hæmorrhagia; quæ sponte post octavum diem, pure subitus procedente, excidit. Ex quibus patet, quantum exercitata manus etiam in periculosis casibus valeat.

**MOBILITAS.** Antequam scirrhum ferro eximendum esse concludatur; debet prius constare illum versus omnem directionem mobilem esse, neque cuiam parti acretum. Nisi enim integre tollatur, minima etiam pars scirrhi relicta in cancerum degenerabit quàm certissimè, uti omnes Observatores testantur. Omnis autem glandula hæret in tunica cellulosa, & cum illa naturaliter mobilis est quaquaversum. Debet ergo scirrhus prehendi digitis, dein sursum, deorsum, & ad latera moveri; si jam in omnem directionem æquali facilitate cedat, mobilis est, neque partibus suppositis vel ambientibus adhæret. Tunica cellulosa quidem illi undique accrevit, sed illa absque ullo damno, imò & sine magno dolore, inde separari poterit, uti statim dicetur. Aliquando accidit, scirrhum quidem inferius & ad latera satis mobilem esse, cutim tamen ejus superiori parti accrevisse, quod noscitur facilè, quia in tali casu cutis elevari nequit in hoc loco: poterit tamen & tunc tolli scirrhus, simul rescindendo cutis partem, cui accrevit. Sed tunc semper majus vulnus fieri debebit, & turpior erit ob cutis perditam cicatrix.

**CONDITIO MALI.** Ut nempe scirrhus solitarius sit; vel alii, si adsint, resolvi possint, vel etiam ferro eximi, si opus fuerit. Quid enim juvaret v. gr;

(a) Observat. Med. Lib. III. cap. xxxiv. |

(b) Observ. Chirurg. Centur. 2. Obs. lxxxix. |

scirrhum ex mamma tollere, si certis signis constaret; utrum pariter scirrhosum esse; vel in altera mamma simile malum adesset, quod ob rationes sequenti numero dicendas, eximi non posset?

**ROBUR ET VALETUDO.** Omne enim Artis molimen ægri salutem habet pro scopo. Unde si projectæ vires adeo fuerint, ut metuendum foret à dolore, hæmorrhagiâ, aut validâ suppuratione sepe sequente, majorum tumorum extirpationem, periturum ægrum; frustra tentaretur cura. Idem verum est, si magna cacochymia totam sanguinis massam infecerit; tunc enim vix unquam vulnera ad bonam cicatricem perducentur, nisi hæc emendari potuerit. Verum quidem est, si metus sit, scirrhum brevi in cancrum abiturum anceps remedium certæ atque adeo horrendæ perniciæ præferendum esse: tuncque prudentis etiam Medici foret, suadere scirrhî ablationem, licet non absque periculo fieri posset.

Postquam omnibus bene ponderatis conclusum fuit, scirrhum tollendum esse; quæritur, quânam methodo hoc fieri debeat? Cauteria actualia, neque corrosiva hic locum habent, nisi tam parvus fuerit scirrhus, ut sic simul & semel destrui possit; sed & in hoc casu tutius cultro abscindi poterit: si enim vel minimum quid relinquantur, cancri metus est. Si scirrhosus tumor, quod rariùs, fit, sic propendeat, ut totus emineat ultra superficiem vicinarum partium, & pedunculo quasi affixus hæreat; fuerunt quidam, ut laqueo circumducto angustum illud collum, cui scirrhus adhæret, stringatur validè, ut sic omni nutrimento intercepto marcescat & decidat. Sed neque hæc methodus locum habere poterit, nisi certus sit Chirurgus, nihil de scirrho ipso laqueo sic intercipi: illud enim relictum, reliquo quamvis deciduo, in cancrum degeneraret. Tristissimum talem casum vidit celeberrimus *Boerhaavius* ante multos annos in hac urbe, dum magnum tumorem scirrhosum in dorso situm, qui angustius collum habebat, sic curare aggredirentur quidam, quamvis satis moniti fuissent, pessima quæque expectanda fore. Binis enim laminis æneis, ad hanc rem paratis, & per cochleas sensim arctius appressis, tentabant comprimere tumoris hujus radicem; sed infaus-tissimus fuit eventus: horrendâ enim putredine non tantum scirrhus, sed & vicina; corripiebantur, tetramque adeo spirabant hæc mephitim, ut ab omnibus, etiam Chirurgis, derelictus miser homo, infelix temerarii facinoris victima, tandem moreretur.

Omnium ergo optimum videtur, ferro scirrhum tollere, quando nulla resolutionis spes superest, & quidem ocyùs. Periculum enim est, ne diutius relictus talis scirrhus crescat mole, accrescat partibus vicinis, vel etiam propagetur malum ad vicinas glandulas. Duplici autem modo sectione scirrhus tollitur: vel enim, dissectis integumentis, integer scirrhus enucleando quasi eximitur; vel totus scirrhus unâ cum integumentis omnibus simul & semel refecatur. Prior methodus, tutior longè, tardiùs tamen perficitur; locumque habet in tollendis scirrhis minoribus nullibi cuti accretis, sed undique liberis in membrana cellulosa hærentibus. Ubi verò ingens scirrhus est, cuti accretus, posterior methodus adhibetur: uti v. gr; quando mamma tota scirrhosa extirpari debet. Ut enucleando scirrhus tollatur, tensis manu Chirurgi integumentis, cutis & panniculus adiposus discinduntur ad scirrhum usque, sine ejus læsione. Sectio hæc pro varia magnitudine scirrhî alia est: in minoribus scirrhis sic eximendis recta

sufficit

sufficit; decussatim facta sectio requiritur, si majores fuerint. Elevatis deinde per hamulos sectionis angulis, cultello separantur integumenta à scirrho, donec totus nudetur antèrius: postea, forcipe *Helvetii* per ipsam scirrhi substantiam adacto, lenissimè protrahitur, ut commodiùs in omni suo ambitu cultello separari possit, & eximi. Cùm in panniculo adiposo hæreat glandula scirrhusa, illa separatio sine multo dolore fit, nisi illo in loco, ubi vasa scirrhum ingrediuntur. Ablato scirrho, compresso sanguinis effluxu, examinatur, an aliquid scirrhusi relictum fuerit; deinde cutatur, ut vulnus cum substantiæ jactura: de qua re in vulnèrum Historia generali dictum fuit. Scirrhi talis enucleatio, cum omnibus suis cautelis exactissimè describitur in modò laudata dissertatione *Abrahami Kæssii*; qui illam à dexterrimo Chirurgo felicissimè institutam coram viderat. Moneatur meritò, ne imprudentiùs trahatur scirrhus, dum separatur: tensis enim nervis ad scirrhum tendentibus, non tantùm acerrimus dolor nascitur, verùm etiam convulsio lethalis, diu etiam post operationem peractam, secuta fuit. Paritèrque cavendum, ne acrioribus stypticis irriteretur cruda vulneris superficies, vel talia adhibeantur, quæ sanguinem fortissimè coagulant: thrombi enim sanguinis concreti in venis discissis hærentes, per latiores continuò factos ramos ad cor & pulmones pervenire possent; polyptisque originem dare. Lintea carpta, idonea ligaturâ appressa, plerumque sufficiunt: fungus orbicularis (*Bovist*) pariter pulchrè usùs ad sistendum sanguinem.

Ubi autem unà cum integumentis incumbentibus aufertur scirrhus, ut in mammæ exstirpatione fit, requiritur, ut sectio sub scirrho per panniculum adiposum transeat, absque læsione partium subjectarum. Ut hoc fiat, elevatur scirrhus à partibus suppositis, sive digitistantùm Chirurgi prehendatur; sive acubus transfixis, vel forcipe *Helvetii* per scirrhi substantiam adacto: attollatur; vel & bidente trajecto per cellulosam tunicam inter scirrhum & partes subjectas sectio instituitur cultro, qui sub bidente, illi appressus manens, omnia sic discindit; transeundo per membranam cellulosam: interim bidente elevato, dum sectio fit, elevatur scirrhus, sicque cavetur, ne partes suppositæ cultro lædantur. Pro varia magnitudine scirrhi, & conditione loci, in quo hæret, diversa methodus eligitur à Chirurgis. Verùm talis scirrhi exstirpatio fieri nequit, quin ingens vulnus remaneat; unde semper periculum est, ne vel nimia suppuratione exhauriatur corpus, vel pus in tam lata plaga collectum, dein venis bibulis resorptum, purulentà cacoehymia sanguinem inficiat. Unde prior methodus, quæ enucleando scirrhum tollitur, tutior est, cùm illam nunquam tam valida suppuratio sequatur, & longè citiùs curetur inflicto vulnus. Omnium felicissimè peraguntur hæ operationes, si Chirurgus peritos & intrepidos adjuutores habeat, qui dissectas inter operandum arterias digitis comprimere norunt, ne impetuose exsiliens sanguis turbet operantem.

3. Si vetus, colore, duritie, scabritie, pruritu, inchoato dolore malignus, loco vel viciniâ timendus, adhaerescens, in corpore cacoehymo, exstirpatu impossibilis; tum omnia vitanda, quæ motum augent, ne carcinoma fiat. Ideo emollientia, suppurantia, rodentia, caustica, ciliipantia mala sunt.

Tom. I.

IIIII

Præcedentibus numeris actum fuit de illis, quibus scirrhus resolvi, vel tolli poterat: agitur hoc numero de illo casu, quando nulla spes resolutionis superest, neque tamen tolli potest scirrhus. Resolutionis impossibilitas noscitur, si scirrhus vetus fuerit; si color integumentorum mutatus in rubrum, purpureum, vel lividum; si lapidea durities, & scabra & prærupta tumoris superficies. Sin verò his omnibus accedat pruritus, longè major metus est, brevi in cancerum transiturum hoc malum; incipit enim tunc moveri scirrhii concreta moles, levitèrque distendi nervi per illam dispersi; unde grata titillatio & pruritus adeo molestus, ut ægri tales, quàmvis moniti sevérrimum cancerum instare, si scalpant vel fricent locum, tamen abstinere nequeant. Si jam dolor, pruritus brevi sequens, adsit, gravior adhuc malum est. Exstirpationem scirrhii talis impossibilem esse scitur, si vicinis sic accreverit, ut integre tolli nequeat; vel tali situs sit loco, ad quem Chirurghi manubus aditus non conceditur; aut denique vicina vasa sanguinea maxima periculosam nimis operationem fore doceant: in quo tamen casu plurimum à dexteritate & peritia Chirurghi intrepidi sperari potest. Si verò maligna adeo cacochymia sanguinis massam infecerit, ut vulneris facti, dum scirrhus tollitur, consolidatio sperari vix possit; vel in aliis locis corporis scirrhii plures pululentes; facillè patet, irritam fore hanc operationem, si institueretur. Cum ergò in tali casu emendari non possit malum, nec tolli, totum, quod Ars valet, est, ut in eodem statu retineantur, & præcaveatur sedulò, ne in deterius vergat. Hic est ille casus, de quo dixit Hippocrates in loco citato in *Commentariis*, n.º 1, hujus paragraphi, quòd (a) quibus occulti canceri oriuntur, eos non curare præstat: curati namque citò intereunt; non curati verò diuturniori tempore perdurant: scirrhus enim, dotes modò recensitas habens, meritò cancer occultus vocatur. Observatur autem scirrhum irresolubilem citissimè in cancerum mutari, si motus humorum augeatur vel in toto corpore, vel in parte affecta; ut dictum fuit in *Commentariis* §. 488. Omnia ergo talia remedia, quocumque etiam titulo commendentur, noxia sunt. Nunquam enim poterit hic suppuratio fieri; quæ scirrhosum non resolvable à partibus sanis separet; sed pessima sequetur & indomabilis putredo, quæ omnia vicina depascitur, ut statim in canceri Historia dicitur. Quamdiu autem integumentis suis adhuc continetur scirrhus in cancerum tendens, tolerabilis est; ubi verò ruptis his cancer ulceratus nascitur, tunc indomabili malignitate furit. Omnia ergo emollientia, & suppurantia, minuendo integumentorum cohesionem, malum hoc accelerant. Rodentia autem & caustica longè adhuc citius & pejùs nocent. Quantum obfist emollientia scirrhis inveteratis applicata, Observationibus suis demonstrat *Hildanus* (b); & ipse aliquoties vidi, dum delirantes aniculæ mammarum scirrhos, quos ad suppurationem deducere moliebantur brevi tempore in caneros exulceratos similibus applicatis abire fecerunt. Voluit *Estmullerus* (c), incurabilem scirrhum intractum omnino relinquendum esse; vel applicatione vitrioli in aceto dissoluti in lapideam duritiem convertendum. Verùm & hoc periculosum videtur, cum aucta scirrhii durities majorem malignitatem indicet, & ab acribus his irritaretur: inprimis si scirrhus

(a) Aphorism. Sect. VI. no. xxxviii.  
*Charter*, Tom. IX. part. II. pag. 172.

(b) *Observ. Chirurg. Centur. I. Observ.*  
 LXXXIX. pag. 69.

(c) *Oper. Med. Tom. II. part. II. pag.*  
 3238.

puncturis jam molestus; ad tactum dolens, & colore livescens esset; quali scirrho illud remedium applicari voluit auctor. Præstat ergo talibus, quæ omnem inflammationem avertunt, vel natam sedare valent, scirrhum munire, ne in pejus vergat; cum Artem hæcenus cognitam superet mali hujus pertinacia.

4. Sed sola tum (§. 490. n°. 3.) anodyna, sedantia motum, saturnina, mercurialia blanda conveniunt.

In victu tunc mollissima olera conveniunt, juscula carniū recentium, lacticia, cerealia, fructus horæi mites, bene maturi (vide *Materiam Medicam* ad hunc numerum). Pro potu lac aquâ dilutum, recens & mollis cerevisia, decocta hordeacea, avenacea, similia. Omnes animi affectus validi vitentur sedulò; nari sopiantur prudenter. Acria omnia, calefacientia, moventia, hic nocent summo opere. Si jam dolores lancinantes, vel pruritus molestus, in parte scirrhusa percipiuntur, anodynis hæc sedanda, tam internè sumtis, quàm externe applicatis; quorum varix formulæ in *Materia Medica* habentur. Si verò incipiant inflammari scirrhi integumenta, plumbatis remediis prudenter applicatis tenrandum est, ut hæc federetur. Acetum lithargyrii aquæ copiâ dilutum, nutritum dictum unguentum, ex hoc & oleo solani Officinarum intimè simul mistis paratum, emplastrum diapompholygos, præcipua sunt. Iisdem remediis sedatur pruritus. Mollissimâ alutâ tegatur locus scirrhosus, ut omnis attritus vestigium caveatur, à quo faciliè excoriari possent integumenta. Unde si mamma scirrhusa fuerit nunquam loricas ex balenæ ossibus factas induant mulieres, neque valido labore se exercent; cum à pectorali musculo supposito tunc agitur scirrhus. Blanda mercurialia optimi hic usus sunt: amalgama ex argento vivo & plumbo factum, emplastro diapompholygos mistum, pulcherrimè profuit etiam in illo casu, ubi jam inflammari integumenta scirrhi cœperant: tenuem lamellam plumbeam argento vivo perfricatam, & scirrhi figuræ adaptatam, laudant alii. Ubi autem mercurialia scirrho applicantur, cavendum sedulò, ne ab incautò horum usu excitetur salivario, semper hic nociura, cum scirrhosum concretum solvere non possit, interimque motum augeat, & humorum acrimoniam: adeoque scirrhi in cancrum degenerationem promoveat.

§. 491. SI simul temperies peccat, hæc corrigenda præ cæteris:

Cum totus scopus sit in cura hac, palliativâ Medicis dictâ, ut non augeatur mole, neque degeneret in cancrum scirrhus; patet satis, temperiem morbosam; si adfuerit, corrigendam esse. Dictum fuit in *Commentariis* §. 485, atrabiliariam temperiem quàm maximè scirrho occasionem dare: eadem ergo, si adfuerit, scirrhum præsentem augebit; adeoque diætæ & medicamenta talia sint, quæ huic temperiei emendandæ conveniunt: de quibus postea in capitulo de *Melancholia* dicitur. Eligenda tamen illa remedia sunt, quæ blandâ & saponaceâ vi fundunt tenacem illum atrabiliarium succum; vitanda omnia, quæ notabilem acrimoniam habent. Mel, sapo Venetus, blandi & quàm maximè tamen solventes herbarum succi, vel decocta, profunt; qualia ex cichoreo, taraxaco;

Iiiii ij

endiviâ , sumariâ & similibus confici poterunt. Si acris scorbutus, v. gr; simul adfuerit, pariter apris remediis debellandus erit, vel mitigandus saltem, quia acre scirrho mistum, uel statim patebit, ejus malignitatem auget, & brevi in cancerum mutat.

## C A N C E R.

§. 492. **SCIRRHUS** (392) ætate, augmento; motu; vicinorum, si movetur ita, ut vasa vicina ad margines scirrhi inflammari incipiant, evadit malignus, & vocatur jam cancer à similitudine, vel carcinoma.

Sequitur jam omnium, quibus humanum corpus affigitur, calamitosissimus morbus quem hæctenus nunquam sanatum fuisse constitit, nisi unâ cum vitio pars vitiata tolli potuerit. Neque solâ pertinaciâ, quâ ad omnia rebellis manet, metuendus morbus est; verum etiam diris cruciatibus, & putredine intolerabili, quâ vivum corpus sensim depascitur, terribilis. Accedit omnibus his malis tormentorum diuturnitas, quibus per plures menses, imò & annos, aliquando affliguntur miseri, antequam, ultimum omnium malorum remedium, mors finem sævissimis doloribus faciat. Nisi enim erosio vasibus majoribus hæmorrhagiâ pereant, miserrimam vitam diu trahunt, antequam pereso corpore moriantur.

Cancer, καρκίνος, καρκίνωμα, solet vocari hic affectus; illudque nomen huic datum fuisse voluit *Galenus* (a), quod similitudine quâdam cancerum animal referat. Uti enim illud animal utrimque pedes porrigit, sic & venæ atro sanguine turgentes undique ex carcinomate exeunt. Addidit *Ægineta* (b), quod carcinoma pertinacissimè adhæreat partibus, quas occupat, uti cancer animal chelis suis prehensam prædam firmissimè tenet, atque inde majoris similitudinis rationem deduxit. Ex illis autem, quæ in *Commentariis* §. 419, dicta fuerunt, patuit, *Celsum* sub canceri nomine gangrænam & sphacelum descripsisse: carcinomatis autem vocabulo usus fuit, ut illum morbum designaret, quem hodie Medici & Chirurgi & cancerum, & carcinoma, promiscuè solent vocare. Licet enim obscurior aliquantùm videatur carcinomatis apud *Celsum* (c) descriptio, talia tamen habet, quæ satis ostendunt, quod hunc morbum sic vocaverit. Circa faciem enim, aures nares, labra, mammas mulierum, maxime id vitium fieri dicit, circâque illud venas quasi recurvari: summamque etiam illius malignitatem, & facilem irritabilitatem, dum secatur vel uritur, pariter in-

(a) Method. Med. ad Glaucon. Lib. II, cap. XII. Chaner. Tom. X. pag. 390.

(b) Lib. VI. cap. xxvi. pag. 66.

(c) Medicin. Lib. V. cap. xxviii. no. 11; pag. 317.

dicavit. Quinimo nulli unquam Medicinam profuisse in his malis dixit; (a) Sed adusta protinus concitata sunt, & increverunt, donec occiderent. Excisa etiam, post inductam cicatricem tamen reverterunt, & causam mortis attulerunt. Ex quibus omnibus satis patet, carcinomatis nomine cancerum hodie dictum, à Celfo descriptum fuisse.

Scirrhum prægressum cancer sequitur, vel potius scirrhus in cancerum mutatur. An autem nunquam cancer oriatur in corpore absque scirrho prægresso, alia quæstio est: patebit, credo, illis, quæ in *Commentariis* §. 496, dicuntur, simile malignitate, & horrendis effectis, malum observari in multis corporis locis, licet nullus scirrhus præexistat. Sed quomodo scirrhus in cancerum transit? Quibus signis à cancro distinguitur? Communi omnium Medicorum consensu scirrhus vocatur tumor durus, indolens, (vide *Commentaria* §. 392.): scirrhus autem in cancerum tendente manet, tumor, sed accedit dolor, qui antea non adfuerat. Signum ergo cancerum à scirrho distinguens, dolor est. Verùm cum ingens discrimen sit, & per varios gradus decurrit hoc malum, antequam ad pessimam malignitatem pervenerit, ideo apud Auctores scirrhomen aliquando retinetur, licet jam lancinantes illi dolores adfuerint. Melius tamen tunc distinctionis gratiâ, canceri occulti vocantur, quàm scirrhi, vel statim §. 474, dicitur.

Scirrhus, uti in *Commentariis* §. 484, patuit, pro causa habuit, quidquid succum glandulosâ fabricâ paratum, in ductibus secretoriis, excretoriis, vel & in folliculis hunc colligentibus, coagulare, inspissare vel siccare potest; dum simul intricatissima vasculorum, quæ glandulas constituunt, fabrica; vel & humor in folliculis extra circulationem quasi positus, faciunt, ut sanguinis arteriosi impetus non possit agere in vasa hæc vel receptacula obstrueta, neque in materiam obstruentem, tali cum effectu, ut solvatur concretum; vel blandâ suppuratione separentur illa, quæ circulationis legibus amplius obedire nequeunt. Hæret ergo concretus succus in vasis, vel in cavis folliculis, quorum latera omni vasorum genere constant; potestque ibi diu hære immutatus, & quidem sine magno damno, ut quotidiana Observata testantur. Sola functio partium scirrhosæ læditur, vel & aliquando turbatur actio partium; quæ à scirrho adjacentes comprimuntur. Ubi verò à quacumque causa augetur motus humorum per vasa viva & pervia, quæ circa scirrhi substantiam hærent, patet ex illis, quæ ad §. 375, dicta sunt, inflammationem hic nasci facillimè, cum vasa hæc à scirrhoso concreto compressa & angustata placidè motos humores transmittere possint, acceleratâ autem circulatione, obruantur. Sed Inflammationem hic natam sequentur omnia ejus effecta (vide §. 382.), dolor nempe, attritus ingens, & inde natus calor & ætus. Verùm in *Commentariis* §. 84, demonstratum fuit, citratum humorum motum, auctumque calorem, quàm maximè ad putredinem disponere. Scirrhosum ergo concretum, hæcenus mite, & inertis corporis instar in vasis vel receptaculis infatis hærens, putrescere incipiet, & majorem acrimoniam acquirere; sicque irritare & rodere valebit loca, quibus continetur. Non mirum ergo, tunc dolorem nasci, quò, uti dictum fuit, cancer à scirrho distinguitur. Idem effectus sequetur, si vasa vicina, à scirrho contiguo pressa, inflammantur: facili enim patet, tunc brevi in ipsa scirrhi substantia simile oriturum malum. Unde toties, & satis citò sæpe, scirrhus mam-

(a) Medicin. Lib. V. cap. XXVIII. nò. II. pag. 318.

mæ in cancerum mutantur in mulieribus, quæ manuum operâ victum comparare debent; atteritur enim tunc durus scirrhus ad vicina vasa, quæ inde inflammantur; sicque brevi scirrhus in cancerum degenerat. Si ergo scirrhus sensim auctus magis comprimatur vicina loca, cancer brevis fiet. Sed præterea ipsa hæc concreta scirrhi substantia tandem poterit sponte suâ acris fieri, & omnia eadem mala producere. Dictum fuit enim §. 485, atrabiliarium sanguinis materiem scirrhis producendis quàm maximè favere: imò veteres Medici ab hac sola causa scirrhorum originem ferè deduxerunt; & ad hanc materiem solvendam & evacuandam de corpore totam curationem intenderunt.

Patebit autem ex illis quæ postea in capitulo de *Melancholia* dicentur, atrabiliarium illud, & piceæ serè tenacitatis, humorem diuturnâ morâ & stagnatione acrem fieri & rodentem; tuncque summa mala producere. Idem ergo & in scirrho contingere poterit, & inprimis in atrabiliaris temperiei hominibus; adeoque & ætate mæ signus fiet, licet nulla alia causa accesserit.

§. 493. **I**N quo (492) gradus inflammationi vicinæ; acrimoniæ putridæ excessus in loco affecto; dignitas partis; glandularum nexarum numerus conditio; temperies totius, diversos malignitatis primæ status docet

Simulac prima tantum initia degenerationis scirrhi in cancerum adsunt; malignus dicitur; & meritò, ob horrenda mala, quæ postea sequuntur. Sed malignitas illa major minorve est, citiusque vel serius in pessimam indolem mutatur, pro variis conditionibus, quæ hæc paragrapho enumerantur.

**GRADUS INFLAMMATIONIS VICINÆ.** Leve erysipelas vel mitis inflammatio in vicinis scirrhi, vel etiam in ejus integumentis, nata; sæpe prudenti applicatione plumbati emplastri, aceti lithargyrii multâ aquâ diluti, vel similibus, sedari poterit; sicque præcaveri, ne in cancerum exulceratum citò degeneret scirrhus. Ubi verò valida inflammatio in scirrhi integumentis, vel in vicinis partibus illum ambientibus, nata fuerit, pessima mala expectanda sunt brevi.

**ACRIMONIÆ PUTRIDÆ EXCESSUS IN LOCO AFFECTO.** Præcipua canceri malignitas in eo consistit, quòd scirrhi substantia, in vasis vel receptaculis adhuc vivis hærens putrescat, & sanie virulentâ vicina omnia rodât & exulceret. Non verò statim, in canceris etiam exulceratis, ad ultimam illam malignitatem procedit malum, sed sensim & per gradus. Quò ergo major fuerit putredo, eò pejora erunt omnia. In canceris apertis putredinis major minorve acrimonia ex sanie exstillantis foetore, & erosione vicinarum partium, satis cognoscitur: in occultis verò pruritus, calor, dolores lancinantes, tumoris scirrhi augmentum subitum, indicant varium putredinis inceptæ gradum.

**DIGNITAS PARTIS.** Si enim v. gr; pancreas, ventriculus, hepatis, intestina &c, cancro affecta fuerint, longè sæviora symptomata sequentur, & acerbior prognosis erit, quàm si v. gr; in mamma simile malum hæreret.

**GLANDULARUM NEXARUM NUMERUS ET CONDITIO.** Solitarius cancer diutius toleratur, minùsque affligit, quàm si in diversis locis



corporis simile malum hæreat. Adeoque pejor morbus erit, si talem partem obsideat, quæ propagatione mali vicinas glandulas afficere poterit. Vix unquam diu scirrhus insignis, & jam cancerum minitans, in mamma hæret, quin & glandulæ axillares ejusdem lateris incipiant scirrhose fieri; uti quotidianis Observatis constat. Frequenter etiam, dum una mamma scirrhosa fuit diu, altera similiter afficitur. Cùmque inter mammas & uterum tanta affinitas sit, sæpe & uterus simili malo laborare incipit. Tristissimum casum vidit celeberrimus *Boerhaavius*, qui hoc confirmat. Nobili matronæ mammam dextram occupans cancer, nondum exulceratus, exsiliabatur; post annum in mamma sinistra simile malum exscindebatur pariter. Sed languit postea, & omnia signa canceri uterum occupantis, habuit, tandèmq; sævissimis cruciatibus enecta perit. In scirrhii Historia dictum fuit, constitisse Observationibus Medicis, dum glandulæ colli omnes induerunt, etiam glandulas mesenterii similiter affici; frustra ergo in similibus casibus cura tentatur, cùm malum in glandulis communicantibus redeat.

TEMPERIES TOTIVS. Atrabilaria temperies scirrhis producendis apta est, uti in *Commentariis* §. 485, dictum fuit: eadem ergo temperies scirrhum natum augere poterit. Sed scirrhus augmento suæ molis in cancerum mutatur, uti patuit §. 492; patet ergo in siccis illis; macilentis, atrabilaris corporibus maximum futuri canceri metum esse. Omnium maximè, si atrabilaris ille succus in sanguine prædominans incipiat solvi, & acris fieri: uti enim statim patebit §. 495; omne acre, scirrho mistum, illum in cancerum convertit. Idem verum erit, si v. gr; putridus scorburus simul adsit: rarò enim diu scirrhii in talibus corporibus hærent, quin evadant maligni.

§. 494. **SI** suis continetur pellibus, occultus; his ulcere ruptis; manifestus vel ulcerosus dicitur; posterior primi foboles.

Scirrhus, uti jam sæpius monitum fuit, tumor durus, indolens, est in parte glandulosa. Ubi autem titillatio, pruritus, dolor, calor in hoc tumore percipiuntur, non amplius scirrhus vocari poterit, sed cancer. Quamdiu autem integumenta canceri nondum erosa sunt, sed suis ille adhuc pellibus continetur, vocatur occultus: ubi verò in illam malignitatem degeneravit, ut integumenta eroserit, & sanies exeat; tunc vocatur cancer manifestus vel ulceratus. Apud *Aëtium* legitur (a), quòd *Phinoxenus* vocaverit cancerum occultum, qui in abditis corporis hæreret: ut v. gr; in utero vel intestinis. Post illum & alii idem dixerunt. Verùm alia videtur fuisse *Hippocratis* opinio: ille enim (in loco citato in *Commentariis* §. 485.) tale malum in mammis hærens occultum, cancerum vocavit. Dum enim agit de menstruis retentis, ob os uteri aversum, dicit, menstrua retenta ad mammas remitti, falsàque graviditatis specie deludi mulieres: posteaque addit sequentia: (b) *Et in mammis tubercula dura oriuntur, quædam quidem majora, quædam verò minora. Hæc autem minimè suppurant, sed semper duriora fiunt: ex his deinde oculi cancri nascuntur.* Ex quibus evidenter apparet, quòd *Hippocrates* scirrhum à

(a) Tetrabibl. IV. Serm. IV. cap. XLIII. | cap. XX, Charter, Tom. VII, pag. 808.

(b) Hippocrat. de Morb. Mulier. Lib. II.

cancro occulto distinxerit, illamque sic vocaverit in locis corporis quamvis, externis, hærentem. Cancer autem occultus ulceratum semper præcedit, uti facillè ex modò dictis patet.

§. 495. **C**AUSA est quidquid scirrhum facit (484. 485.), acre scirrhus mistum; mutatio in circulantibus, à menstruis, hæmorrhoidibus, hæmorrhagia quâlibet, retentis; sterilitas, cœlibatus, effœta ætas à 45, ad 50 annos; victus austerus, acer, calidus; affectus animi tristes & biliosi; irritatio externa quâlibet, motu, calore, acrimoniâ, emolliente, suppurante, causticâ, vesicante medicamentâ, vel internâ similia peragente.

Agendum nunc de causis, per quas scirrhus indolens, in cancerum testum primò; deinde in ulceratum mutatur. Omnis autem causâ, quæ scirrhum fecit, potest considerari, ut causâ canceri remota: sed eadem hæc causâ pergens agere, poterit augere scirrhum natum, adeoque & in cancerum convertere.

**ACRE SCIRRHOMISTUM.** Sive materia ipsa scirrhi tempore mutetur in acrimoniam, & corrumpatur; sive per morbos blanda humorum sanorum indoles pervertatur, iritabitur scirrhus, qui hæctenus quieverat, & brevis in cancerum degenerabit. Idem fiet, si in victu assumantur talia, quæ acria sunt, neque per vires vasorum & viscerum facillè subigi possunt; qualia sunt aromata plurima, & acres inprimis aliorum & ceparum bulbi; his enim assiduò utentium sudor & urina hæc assumpta redolent. Unde patet, quàm insidiosum malum sit scirrhus, quamvis minutissimus fuerit. Licet enim in dicta caverentur omnia acria, quis à morbis, epidemice sæpe grassantibus, tutus semper erit, per quos blanda humorum indoles toties mutatur? Accedit quòd, acria hæc noceant pariter augendo circulationis velocitatem: aquâ solâ scirrhus in cancerum converti poterit, uti antea dictum fuit. Plurimis Observatis Medicis constat, quàm periculosus sit acrium usus in his casibus; unicum adduxisse sufficiet. Post sævissimam ophthalmiam rupro oculo effluerant humores, & collapsæ palpebræ concreverant in nobili viro; sicque per quatuordecim annos sine ullo maligno symptomate vixit. Cùm autem tunc vino liberalius uteretur, concoctu difficilibus cibis aromatibus, cepis alliis, porris, raphanis, &c, vesceretur avidè, tam diu silens malum in nervum erupit. Palpebræ enim clausæ sensim inceperunt diduci, & excrevit ex orbitæ fundo tumor durus, lividus, malignus tandem ovo anserino major extra palpebras prominens, horrendo spectaculo. Felicissimo successu ex imò orbitæ fundo resevit cancerosum hunc tumorem *Hildanus* (a) & sanavit ægrum. Meritò hinc cancro laborantibus in victu commendavit *Galenus* (b) prisanæ cremorem, serum lactis, olera mollissima, malvam, atriplicem, blitum, &c, pisces saxatiles, &c.

**MUTATIO IN CIRCULANTIBUS,** &c. Videantur illa, quæ de his dicta sunt in *Commentariis* §. 485. Ibi enim & *Hippocratis* testimonio, & optimo-

(a) *Observ. Chirurg. Cent. 1. Observ. I.*  
pag. 1. & sequ.

(b) *Method. Med. ad Glaucon. Lib. II. cap. xii.*  
Chaz. et. Tom. X. pag. 390.

rum Auctorum Observatis constitit, non tantum scirrhos nasci, si consuetæ illæ evacuationes subsisterint, verum etiam scirrhos, si prius adfuerint, in cancrum brevi abire. Omnium maximè à menstruis suppressis iritantur scirrhî in mammis, vel & circa uterum hærentes.

**STERILITAS.** In *Commentariis* §. 486, ubi de effectibus scirrhî natî in corporis variis partibus agebatur, notatum fuit, sterilitatem sæpius à scirrho, partes genitales mulierum obsidente, produci: imò quantum ex *Historia Medica* patet, videtur inter observatas sterilitatis causas hæc frequentissima fuisse. In sterilibus ergo mulieribus non sine ratione Medici latentes scirrhos suspicantur, qui ætate & augmento solent in cancrum degenerare. Accedit præterea, graviditatis tempore, cum adeo dilatentur omnia vasa uteri substantiam confluentia, sæpe sic referari, auctâ vasorum capacitate, incipientes obstructions, vel saltem sic disponi uteri vasa, ut postea facilius transmittant humores. Unde mulieribus, quæ inordinatis & suppressis sæpe menstruis laborant, ob vasa uteri non satis facile dilatanda, toties profuit imprægnatio.

**CÆLIBATUS, EFFÆTA ÆTAS,** A 45, AD 50, ANNOS Constitit & hoc Observatis Medicis: ut enim dictum fuit in *Commentariis* §. 485, observavit *Dionysius*, quartam partem mulierum cancro laborantium hoc malo affici inter, quadragesimum quintum & quinquagesimum ætatis annum; additque, quod frequentissimè Moniales hoc morbo correptas observaverit. Hoc etiam testatur *Vesalius* (a).

**VICTUS AUSTERUS ACER; CALIDUS.** Atrabilarium materiam, scirrhis sæpe causam dare §. 485, dictum fuit; patuitque etiam ex illis, quæ in *Commentariis* §. 493, habentur, ab eadem scirrhum augeri, & ad canceri malignitatem disponi. Omnia ergo, quæ augent atrabilarium succum in sanguine, vel etiam majori excitato calore & motu, eundem acriorem reddunt, nocebunt summopere. Verum, ut postea fusiùs dicetur in capitulo de *Melancholia* §. 1093, cibi austeri, duri, sicci, terrestres, cum quiete & torpore corporis diu assumpti, humorem atrabilarium in sanguine generant; unde scirrhî & canceri inde futuri causas, augebunt. Omnia acria, calefacientia, in victu pariter vitanda, quia aucto motu humorum nocent, ut paulò antè dictum fuit.

**AFFECTUS ANIMI TRISTES ET BILIOSI.** Dum generosæ indolis homines altâ mente repositam injuriam gerunt, & memores iras in pectore nutriunt, solent in teterrimam melancholiam sæpe delabi, & chronicis morbis pessimis diu colluctati, tandem pereunt. Non mirum ergo & scirrhos inde generari, si non adfuerint; illos verò, qui jam adsunt, in cancrum mutari: cum atrabilaria temperies, tristes illos animi affectus sequens, illis malis producendis apta sit. Ira autem, meritò biliosus affectus dicendus, scirrhis nocet quàm maximè. Dum enim (b),

----- calido sub pectore mascula bilis.  
Intumuit, quam non exstinxerit urna cicuta.

calor magnus conciliatur toti corpori, motus humorum augetur, febris excitatur

(a) *Chirurg. Magn. Lib. V. cap. XVI.* | (b) *Aul. Pers. Salyr. V. vers. 144.*  
Tom. I. K k k k k

tur valida sæpe, totum corpus tumet, & rubet: unde ab aucto motu magnum periculum est, ne scirrhus in cancerum abeat.

**IRRITATIO EXTERNA QUÆLIBET MOTU CALORE,** &c. omnia hæc, quocumque dæmum titulo jactentur, noxia semper sunt. Scirrhum enim confirmatum & non resolubilem nemo prudens curare aggredietur, nisi solâ exstirpatione: ubi verb hæc tentari nequit, nihil superest, quàm servare scirrhum immutatum quàm diutissimè. Omnis enim mutatio scirrhi talis in malum tendet. Frictio, ubi spes resolutionis superest, summum remedium est: scirrhum malignum autem citissimè in cancerum mutat, calor; diffusis mobilissimis, scirrhum in summam duritiem convertet, vel putredinem, adeo hic metuendam, promovebit. Quantum noceant emollientia, suppurantia, rodentia, dictum fuit in *Commentariis* §. 490. n<sup>o</sup>. 3. Unde generalis regula Practica est in scirrho tali curando, ut nihil ingeratur in corpus, quod motum augere possit vel calorem; nihil extrinsecus applicetur scirrho, quod illum irritare valeat. Simplex aluta mollissima, ut vestium attritus caveatur, vel plumbatum emplastrum, optima sunt.

### §. 496. **L O C U S** ut scirrhi (484):

Cùm cancer plerumque ex scirrho oriatur, facilè patet, quòd & eundem locum occupet. Observata tamen Medica videntur evincere, cancro omnino simile malum in quibusdam locis corporis nasci, licet nullus scirrhus præexistat. In labiis v. gr; si vel frigore fissæ, vel aliâ quacumque de causa tenuis membranulla illorum superficiei incumbens lacera fuerit, incipit emergere fungosus tumor; ad tactum sæpe satis mollis, qui auctus sensim in magnam satis molem expanditur, & dolore, maligno ichore exeunte, erosione vicinorum, hæmorrhagiâ, & rebelli ad quævis remedia indole, verum cancerum refert omni dote: & nisi tempestivâ sectione tollatur, omnia vicina depascitur eodem modo, ut in cancro exulcerato fieri solet. In lingua pariter papillæ nervosæ, coercente integumento liberæ, in fungosam massam expanduntur, & in eandem malignitatem degenerant; uti toties tristissimis Exemplis constitit. In pene viri similes pessimæ degenerationes papillarum nervearum observantur. Memorabile hujus rei Exemplum habetur apud *Hildanum* (a). Faber ferrarius à teneris annis habuerat in summa penis glande verrucam, lentis magnitudinem non excedentem, quam sine multa molestia gesserat, quamdiu cælebs vixerat. Postquam uxorem duxerat, dolor ingens & continuus accessit, ita ut per tredecim annos ab uxoris congressu abstinere debuerit. Successu temporis verruca in horrendum cancerum degeneravit, & quidem tantæ magnitudinis, ut recens nati infantis caput æquaret: penis totus in molem carneam inæqualem & lividam transformabatur, ulceribus plurimis hinc inde erofus, per quæ urina exiens conspurcabat omnia. Fœtor addeò horrendus aderat, ut à familiaribus & amicis defereretur. Cùm incautum tentatis plurimis remediis pro derelicto haberetur ab omnibus, *Hildanus* totum penem abscidit, & felicissimè sanavit hunc hominem;

(a) *Observ. Chirurg. Centur. III. Observ. LXXXVIII. pag. 272.*

sic ut postea corpore validus fuerit, & solitum opificium peragere poruerit, atque decem annis post hanc curationem supervixerit. Sed ex Anatome constat, in lingua, labiis, glande penis esse numerosissimas papillas nervosas; acutissimè dolentes, ubi epithelio, illas tegente, deslituntur; videnturque hæ papillæ in horrenda hæc mala degenerare, omnium frequentissimè in locis modò dictis, & aliis similibus, ubi tenerrimâ tantùm membranulâ teguntur. Neque tamen in his locis solis, verùm etiam, ubi cutis ipsa adest, similia mala observata fuerunt. Vidi sic in virgine adulta facis magnam verrucam in dorso locatam, quam jam ab infanzia gesserat, tandem ab attritu lorice arctioris, ex balneæ ossibus factæ, auctam, in cancerum degenerasse. Cùm autem angusto collo pensilis emineret, Chirurgus filo illud contrinxerat, unde brevè decidebat verruca; locum, ubi hæserat, dein lapide infernali erosit. Sed paulò post ingens & malignus fungus excrevit, & cutis vicina induruit; cùmque de extirpatione formidolosi mali cogitaretur, alio morbo correpta periit. Vidi sic in pollice pedis, dum unguem imprudentius secuerat Chirurgus in rustica, & læserat tenerrimam illam pulpam nervosam hic locatam, similem excrevisse fungus; quem rodentibus dum consumere tentabat idem Chirurgus, sic irritavit; ut in horrendum cancerum abiret; unde postea pars extirpati debuit. Si jam quis vellet, verrucas, in locis cute testis plurimque duriores, sub generali scirrhi definitione posse comprehendì, opponi tamen posset, in labiis, lingua, &c, molles sæpe tales fungus excrevere, nec minùs malignos tamen. Fortè similia mala, à degenerantibus papillis nervosis orta, distinctionis causâ, canceri fungosi dici possent.

Cùm autem injectionibus *Ruyfchianis* constet, papillas illas nerveas non tantum constare solâ pulpâ nervosâ, verùm & vasculis sanguineis satis numerosis; hæc omnia simul degenerant, & augentur mole: unde toties à verrucis malignis imprudenter resectis periculosa hæmorrhagia orta fuit. Neque videtur improbabile, & ipsam nervorum propriè dictam substantiam sic degenerare. Accutissimus enim dolor & in canceris illis fungosis, & in scirrho canescente, demonstrat, vitales manere nervos per hanc massam dispersos: & in *Commentariis* §. 268, & 295, satis patuit, quàm faciliè ipsa cerebri substantia, cranio & membranis coercentibus libera, in fungosam molem attollatur. Nervi ad varia corporis loca delati, vaginis tanacibus tutò defenduntur, & coercentur; ubi verò, his depositis, explicatur mollis illorum substantia, uti v. gr; in lingua, glande penis, palpebrarum internâ superficie, &c, membranâ superimpositâ coercentur; quâ erosâ, vel aliâ quacumque causâ læsâ, fungosæ tales excrementa emergunt. Necessarium ergo erit Chirurgis & Medicis novisse, etiam cancerum sæpe metuendum esse, licet nullus scirrhus prægressus fuerit.

§. 457. **COGNOSCITUR** occultus ex signis scirrhi (487) prægressi, accedente titillatione, pruritu, calore, rubore, dolore lancinante, urente, pungente, colore rubello, rubro, purpureo, cæruleo, livido atro: duritie summâ, præruptâ, scabrâ, cum eminente apice; tumoris augmento; vasis sanguiferis vicinis tumentibus, nodosis, varicosis, crassiss, atris,

Kkkkk ij

Scirrhus præfens quomodo cognoscatur, in *Commentariis* §. 487, dictum fuit. Sed ut ex scirrho cancer fiat, & factus noscatur, debent quædam nova accessisse phenomena, quæ antè non adfuerant. Nanquam autem scirrhus subito in cancerum pessimum transit, sed sensim mutatus in pejorem malignitatem degenerat. Illæ autem mutationes, quæ scirrho accidunt, successivæ sunt, & illo ordine hic enumerantur, quod se mutuo sequi solent. Cancer ulceratus, vel etiam occultus, dum jam jam in ulceratum mutabitur, satis cognoscitur ab omnibus; ubi verò scirrhus prima dare signa incipit suæ degenerationis in pejorem indolem, difficilior aliquando ejusdem cognitio videtur. Monuerat hoc Galenus de hoc affectu agens, dicit enim (a) *At ubi magna quidem omnia sunt, nemo de appellatione ambigit, sed nominant uno assensu omnes ejusmodi affectum, cancerum. Quum autem adhuc incipit, nil miri est si vulgus lateat, non secus profectò quàm stirpes quæ à terra jam exeunt; nam hæc quoque peritis tantum agricolis agnoscuntur.* Cùm enim scirrhus §. 292, definiatur tumor durus indolens, hoc nomen retineri poterit, quamdiu nullus dolor adest; ubi autem incipit titillatio & pruritus oriri, jam ab innocua sua indole (vide §. 488.) degenerat, neque adhuc canceri, propriè dicendi, nomen meretur, in quem tamen brevi mutabitur. Licet autem aliquid dubii possit esse, circa denominationem hujus affectus, in illo limite, ubi scirrhus in cancerum transit, in curatione tamen nullus inde error nascetur, cùm & vetustus scirrhus, & incipiens cancer, eadem medelam requirant; exstirpationem nempe, vel talia remedia, quæ sedant nova orta symptomata, & futura præcavent, malumque incurabile in eodem statu conservant; cavendo, ne in pejus ruat: scirrhum autem in cancerum transire cognoscitur sequentibus.

**TITILLATIONE, PRURITU.** Suspectum maximè in vetustis scirrhis hoc signum est, indicans, nervos, per scirrhii substantiam dispersos, levissimè tendi vel irritari; sed pruritus brevi, auctâ nervorum distensione, jam eorundem dissolutionem minitante, sequetur dolor (vide §. 220.), scirrhii jam in cancerum mutati signum. Periculum hujus symptomatis augetur, quod pruriens locum ægri vel inviti scalpere cogantur; sicque augeatur scirrhii cancrifcentis malignitas, cùm irritatio quælibet externa, ut dictum fuit in *Commentariis* §. 455, scirrho in cancerum convertendo sufficiat. Cùmque ignarum vulgus sibi persuasum habeat, pruritus in quibusvis malis incipientis sanationis certissimum signum esse, lætantur sæpe miseri, dum omnium malorum acerbissimum cancer nempe, imminet. Vidi sic impudentissimum Agyrtam gratulari miseræ mulieri, dum pruritus illum sentiret, in scirrho incurabili, cui emplastrum, ex calefacientibus admodum paratum, imposuerat; sed post paucas septimanas cancer pessimus exulceratus totam mammam, & vicina omnia, miserrimè depascebat. Cùm autem prudentes Medici & Chirurgi unanimi consensu incurabilia pronunciant hæc mala, ægri, licet toties moniti, faciles tamen aures præbent inani jactantiz horum nebulosum, cùm omnes illa, quæ impensè cupiunt, faciliè sibi persuaderi possint.

**CALORE, RUBORE.** Scirrhus, quamdiu benignus est, colorem similem habet, ac cutis vicina, neque plus calet; unde meritò pessima metuentur, si hæc accedant. Signum enim est tunc inflammationem nasci in vas-

(a) Method. Med. Lib. XIV. cap. 1x. Charter. Tom. X. pag. 319.

vitalibus, per scirrhī substantiam dispersis; vel saltem in scirrhī integumentis, vicinisque partibus. Ut enim patuit ex illis, quæ dicta sunt in *Commentariis* §. 382, rubor & calor inter effectus inflammationis merito recensentur. Et à calore & motu auctis scirrhū in cancerum abire monitum fuit §. 495. Periculum auget, quòd calor major ad putredinem disponat omnia (vide §. 84. n. 5.); pariterque observatum fuit §. 85, putredinem natam caloris molesti sensum facere. Calor ergo perceptus in scirrho vel putredinem jam inceptam notat, vel brevī futuram indicat; hinc semper periculosus.

**DOLORE LANCINANTE, URENTE, PUNGENTE.** Signum hoc, uti sæpe jam dictum fuit, cancerum, occultum quamvis, à scirrho distinguit. Primò dolores percipiuntur, non continui, sed per intervalla tantum, & subito evanidi, ac si lanceola acutissima celerrimè per scirrhū transdigeretur. Sæpe accidit, si non irriterent perversa medellā scirrhī, dolores illos lancinantes diu non percipi iterum, atque per annos adhuc silere malum. Ubi verò quotidie ferè recurrunt similes lancinationes, & tandem pungentes dolores, non tam citò evanidi, percipiuntur, summus metus est; ne occultus cancer brevī in exulceratum transeat. Omnium pessimus dolor ille est qui vivi ignis, interna scirrhī adurentis, sensum exhibet; tunc enim canceri occulti integumenta sensim à tumente ejus mole distrahuntur, & à majori acrimonia eroduntur.

**COLORE RUBELLO RUBRO, PURPUREO, CÆRULEO, LIVIDO, ATRO.** Varii malignitatis gradus in cancro occulto noscuntur ex mutatione ejusdem colore, sic ut calor rubellus levissimum malum designet, pessimum verò ater: reliquæ autem colorum mutationes intermedios gradus indicant. Rubellus enim color levem inflammationem notat, ruber validiorem, purpureus validissimam, & jam incipientem quasi necrosin. Ubi autem attenuatis jam, & erodi incipientibus integumentis, canceri subjecti color transparenere incipit, primò cæruleus apparet, aucto malo lividus; & cum jamjam exulcerabitur, per tenuem adhuc pelliculam canceri ater color conspicitur.

**DURITIE SUMMA, PRÆRUPTA, SCABRA, CUM EMINENTE APICE.** Quamdiu nondum pellibus suis ruptis occultus cancer in manifestum conversus est, semper durissimus apparet, instar lapidis; & quò major illa durities fuerit, eò pejora omnia expectanda sunt. Ubi autem exulceratus est, protuberante contentæ materiæ parte per erosā integumenta, minùs durus apparet. Nunquam tunc superficies talis tumoris æquabilis apparet, sed nodosis eminentiis aspera & prærupta. In illo autem loco, ubi integumenta, magis distracta vel erosa, minùs resistunt, prominulus apex extuberat, certissimum signum canceri brevī exulcerandi; solentque tunc postea in apice illo sensim integumenta quasi excoriando secedere; atque plerumque ubi primò omnium cancer exulceratur.

**TUMORIS AUGMENTO.** Scirrhus benignus plurimis sæpe annis manet absque notabili molis suæ augmento; ubi verò malignus fieri incipit, sæpe paucis septimanis quadruplū & ampliùs augetur; tuncque certò novimus, quòd in cancerum exulceratum tendat. Nunquam hoc evidentius apparet quàm quando benignus hætenus, nec resolvable tamen, scirrhus perversa medellā irritatur.

**VASIS SANGUIFERIS VICINIS TUMENTIBUS, &c.** Horrendum aspectum sic refert cancer talis, atque inde huic affectui inprimis nomen illud

Kkkkkk iij

datum fuit, quoddam venis undique exporrectis cancri animalis figuram utcumque referret, uti dictum fuit in *Commentariis* §. 452. Durus enim ille tumor, integumentis adhuc coercitus, mole tamen auctus, vicinas venas comprimit, quæ hinc à sanguine difficilius transeunte distentæ turgent, & varicosæ apparent. Dúmque tenuissima pars sanguinis per angustata vasa transpiratur adhuc, crassius reliquum aggestum nigrum ferè colorem habet. Observatur autem semper, cutis, à quocumque tumore distentæ, venas augeri plurimum. Sic in hydropicis, & in gravidis mulieribus abdominis distenti cutis varicosas & amplissimas venas habet. Cùm autem venæ illæ varicosæ à tumore subtus distendente utcumque complaneantur, adhuc majores apparent, quàm si teretem suam figuram retinerent. Nodosæ verò apparent venæ, quia prærupta & scabra cancri superficies in quibusdam locis magis, in aliis verò minus illas comprimit. Ob atrum autem illum venarum colorem veteres Medici melancholicum humorem hic aggestum culpabant: sed ex modò dictis faciliè patet, unde hoc fiat.

His signis occultus cancer, in partibus corporis externis hærens, facis cognosci poterit; ubi autem in interioribus delitescit, difficilius hoc scitur. Scirrhî prægressi signa, calor & dolor in illis locis; in quibus antea inertis tantùm ponderis sensus percipiebatur, lucem in obscuris his casibus dant.

Cancrum non exulceratum in mamma describens Aëtius, omnia hæc signa enumerat dicens: (a) Cancro itaque non ulcerato in mamma existente, tumor apparet ingens, ad tactum renitens, inæqualis, instar feræ savus, penitissimè pertinaciter insertus, radices longè latèque extendens, & venis circumfistis velut Aligatus, quas circumcirca varicosas habet, colore cineritius ad ruborem vergens, & aliquando sublividus, & videntibus quidem mollis apparet, tangentibus autem durissimus est, ut visui hæc parte non sit credendum: dolorem autem inducit, pungentem, latè se extendentem, ut sæpe per consensum glandularum malignas inflammationes sub alis excitet. Perringunt etiam dolores usque ad claviculam & scapulas.

§. 498. **U**L CERATUS noscitur ex prægresso occulto, priùs cognito (§. 497), si aperitur: pellis tum quasi excoriando denudatur; & tenuis, acer, ichor, quasi transsudando exprimitur.

Cancer ulceratus differt à non ulcerato solà integumentorum erosione; & post cancerum occultum sequitur, uti dictum fuit §. 494. Unde faciliè cognosci poterit; supponit enim cancerum occultum prægressum, & dein ejus aperturam. Nunquam autem simul & semel rumpuntur integumenta, neque his ruptis collecti liquidi copia exit, ut in abscessibus maturis sponte apertis observatur: verùm sensim, excoriando quasi secedit cutis & epidermis, arque aliquid tenuis ichorosi per attenuata integumenta exprimitur; sicque per strata illa diserpuntur summo cum dolore, donec cancri substantia sensim per factam aperturam exprimatur. Quomodo autem cancer ulceratus à primò initio

(a) *Tetrabibl. IV. Serim. IV. cap. XLIIII.*



per varios auctæ malignitatis gradus decurrat ad mortem usque, sequens docebitur paragrahus.

§. 499. **EJUS** hic progressus: vasa sana circa margines canceri duri vi fluentis vitalis liquidi attrita, & adfurgente tumore distracta rumpuntur; hinc putredo, tum sanies subtilis, acris foetida, cadaverosa, ambientia rodens, vicina exedens; progressus in ambitum, & in profundum ad partes vicinas emittendo undique radices malignas, quibus tenet fortiter; labia tumida, retorrida, horrenda; dolor intolerabilis, urens, pungens, rodens; color cineritius, lividus, niger; canceri occulti ad glandulas communicantes; hæmorrhagiæ; convulsiones; febris lenta; extenuatio totius; *Α'σπασ* indolentes in ore calli; lipothymix; inde peresis & consumptis mors.\*

**VASA SANA CIRCA MARGINES CANCRI**, &c. dictum fuit §. 497, tumoris augmentum, unâ cum summa duritie, scirrhi cancrifcentis signum esse. Vasa ergo sana ad margines canceri, imò circa totam ejus superficiem, atteruntur: idem accidit & illis vasis, quæ per ipsam canceri substantiam dispersa vitalibus liquidis adhuc pervia manserunt; nam & illa, undique compressa à duro cancroso tumore, cui inhærent, illi continud affricantur. Inflammatio & quæ illam comitatur, major humorum per vasa circumductorum velocitas, omnia hæc mala augent. A continuo autem hoc attritu vasa rumpuntur, & humores contentos effundunt, qui putrescunt brevi. Nulla autem hic suppurationis benignæ spes est, per quam mortuum illud & corruptum à partibus vivis separaretur. Patebit hoc, si considerentur illa, quæ in phlegmone in supurationem abeunte fiunt, & comparentur cum scirrhi, & canceri inde nati, indole. In abscessu enim ultima vasorum arteriosorum extrema tenerima, liquido coagulato non resolvendo infarcta, impetu arteriosi liquidi à tergo impulsu solvuntur à cohesione, & abscinduntur quasi: patula, his extremis obstructis separatis, vasorum oscula liquores sanos affundunt, & miscent in loco clauso calido, & paucorum dierum spatio hæc simul mutantur in blandum pus, quod sponte rupto, vel pertuso hoc loco, evacuatur. Vincente sic naturâ, uti optimè dicit *Galenus* (a), pus nascitur (vide *Commentaria* §. 387; & 452.), & ex sua indole putrescens humor ad talem alterationem deducitur. Extrema enim illa vasorum, unâ cum obstruente liquido immeabili, humoribus sanis affusis absorbentur quasi, & solvuntur in homogenum pus. Sed in scirrho coagulatum liquidum per annos sæpe manet, antequam in cancrum degeneret, simulque in talibus locis hæret, in quæ liquidi arteriosi moti efficacia vix agere poterit; in glandularum nempe cavis, vel intricatissimâ fabricâ ramulorum, à sanguine arterioso allato singularem humorem fecernentium. Rebells ergo canceri materia, & vitalium humorum debilis, vel nulla ferè, in hanc efficacia, nunquam salubrem materiæ morbosæ concoctionem sperare

(a) De Febris Lib. I. cap. VII. Charter, Tom. VII. pag. 115.

sinunt unde maligna tantum putredo erit expectanda. Pulcherrimè monuerat Galenus (a), putredinem duplici de causa nasci: vel ob facultatem concoctricem debilem, quæ nullam in melius mutationem putrescentis perficere posset, vel ob summam malignitatem humoris, qui à valida etiam facultate superari nequit. Utraque autem hæc in cancro concurrunt: vitalis enim liquor, à quo concoctrix illa facultas Galeni pendet, efficacia nulla hic est, vel exigua admodum: malignitas materiæ, debili hac facultate superandæ, summa est. Fallaci ergo spe miseros ægros deludunt, qui canceri materiam suppurantibus solvi posse, & in pus reduci, quantumvis etiam jactatis arcanis, contendunt. Sed an non posset totus cancer emori, & dein, ut in gangræna & sphacelo sit, sponte separari à partibus vivis per supurationem in omni ambitu natam? Felix certè foret, & genus humanum demeretur quàm maximè, qui hoc efficere posset! Licet autem sola hæc spes) sed quàm lev., aliquam possibilitatis umbram habeat, satis tamen patet, summas hic occurrere difficultates. Non enim totus cancer mortuus est, sed vitalibus humoribus pervasa, & nervi vivi in medio hoc mortuo & corrupto hærent: docent hoc dolor acerrimus, & continuus copiosæ saniei effluxus. In gangræna autem & sphacelo mortuæ omnino partes nullum dolorem excitant, licet ferro vel igne destruantur, & in siccissimas crustas abeunt, ut in horum malorum Historia patuit. In cancro ergo mortuum & corruptum, vitalibus adhuc vasibus & nervis intercurrentibus donatum, diras illas calamitates, mox enumerandas, efficit. Neque unquam superabile videtur hoc malum, nisi mortuum illud tolli posset, vel viva vasa interposita, absque propagatione mali ad vicina loca, mori: tunc enim, omni vitali influxu & effluxu per partem abolito, gangræna vel sphacelus nasceretur loco canceri; & periret quidem pars affecta, sed impediri posset tamen mali progressus, & separari corruptum à vivis. In minimis canceris, summis rodentibus, vel & vivo igne, simul & semel destructis, aliquando successit talis cura: sic parvo, sed maligno, tumore in naso externo laborantem Verbi Divini Ministrum curavit celeberrimus Boerhaavius, dum acerrimo vitrioli oleo eroderet totum simul & semel. Sic enim fit crusta mortua, quæ, si totum cancerum comprehendat, postea à vivis partibus & sanis benignâ supuratione poterit secedere. Pulcherrimè hunc erodentium medicamentorum usum noravit Celsus (quem locum allegavi aliâ occasione In Commentariis §. 461.) dicens, (b) *Sequitur enim sub medicamentis erodentibus crusta, quæ, undique a viva carne diducta, trahit secum, quidquid corruptum erat; purusque jam sinus curari potest implentibus.* Verùm impossibile est, majores cancores momentaneâ actione acerrimi etiam corrodentis, vel ipso vivo igne sic destruere, ut omnino in escharam mortuam converterentur. Quidquid autem cancerosi nondum mortui & sub tali crusta reconditur, licet minimum fuerit, indomabili scititate furet postea. Unde parum ab hac methodo sperandum videtur, nisi in canceris minoribus, qui tamen & tunc ferro tutius extirpari poterunt. An autem unquam cognita fuerint remedia, quæ depascentem canceri putredinem cohibere valent; illumque à vivis & sanis partibus separare, quis dixerit? Legitur apud Herodotum (c) quoddam Democedem, ob curatam difficilem luxationem Darii Regis, frui

(a) De Febrilib. Lib. I. cap. VII. Charter. | pag. 316.

Tom. VII. pag. 115.

(c) Lib. III. pag. 111.

(b) Medicin. Lib. V. cap. XXVIII. n°. 1.

stra tentatam à Medicis Ægyptiis, celebris, sanaverit *Atossam* Cyri filiam, *Darii* uxorem, cui in mamma illa ortum ulcus ( *φύμα* ), deinde disrumpit porro serpebat; quod pudibunda celaverat, quamdiu parvum erat; cum autem malè se haberet, *Democedi* revelavit. Nulla autem fit in hac curatione sectionis vel ulsionis mentio. Narrat *Helmontius* quod ( *a* ) vir quidam in tractu *Juliacensi* cancerum unumquemlibet sanabat, inperso, pulvere indolente, atque sum demum emplastro incarnante solidabat. Additque, Artem hanc cum illo sepultam esse. Quidquid sit de harum Historiarum veritate, saltem quantum novi, hodie tale remedium ignoratur.

**TUM SANIES SUBTILIS, ACRIS, FÆTIDA, &c.** Mortua illa canceri exulcerati massa, aeris accessu, calore partium ambientium vivarum, brevi in horrendam putredinem convertitur, & in olidissimum tabum diffluit. Vasa autem vitalia, per canceri substantiam dispersa, nova liquida adserunt, quæ brevissimè corruptuntur, dum putrida hæc loca alluunt. Nervi vivi & dolentissimi, acri hoc tabo irritati continuò, majorem copiam tenuis & acris feri huc versùs fortè derivari faciunt. Constitit enim ex illis, quæ dicta sunt in *Commentariis* §. 163, nervos tenfos, tendines, membranas nervosas à levi etiam punctura lasas, pessima producere symptomata, & imprimis ingentem sæpe hæc mala comitari evacuationem acris & tenuis feri. Admodum ergo probabile est, & hanc causam concurrere in cancro exulcerato, dum ingens sæpe copia tenuis liquidi exit. Videtur autem liquidum, ad cancerum delatum, ipso in loco degenerare, & malignam adeo indolem acquirere, quamvis antea mite fuerit. Vidi enim in sanissima cæteroquin fœmina cancerum exulceratum acerrimum talem tabum stillare, qui ergo non præexistit in sanguine, sed in loco affecto genitus fuerat. Unde non statim in cancro exulcerato acerrima talis sanies exit, sed sensim crescit ejus malignitas, quotidie auctà putredine. Videmus autem & in aliis morbis, fluida in quibusdam locis corporis hærentia, & ab humorum sanorum indole degenerantia, in suam naturam corrumpere allata liquida. Dum post extirpationem mammæ v. gr; ingens plaga manlit, toties doluerunt Medici & Chirurgi, humoribus copiâ ingenti huc allatis, & in bonum pus conversis, totum corpus exhauriri, & vero marasmo exsiccare. Ubi in fistuloso ulceris cavo degenerans à bono pure liquor stabulatur, nunquam album & æquale pus ibi colligitur, sed ichor vel sanies. Ubi ab offe carioso v. gr; fistulosum ulcus nascitur, pejor erit adhuc collecti in ejus cavo liquidi indoles. Ex quibus omnibus videtur patere cancerosam massam putrefactam affluentes humores, quamvis optimi fuerint, in similem malignitatem convertere. Videtur in hac opinione fuisse *Helmontius* dum dixit, ( *b* ) *Sanies & pus non sunt ulceris aut partis excrementa, ut neque digestionis naturalis: sed sunt producta seminum sive radicum ulceris . . . . Dum in ulcere habitat proprius corruptor, qui cruorem alimentarium vitiat, antequam digeri sit aptus . . . . Sanies ergo & pus non sunt excrementa ulceris, sed producta corruptoris: suntque cruoris in noxiam materiam depravati indicia, signa producta, effectus, sive fructus.* Pluribus deinde hanc sententiam deducit, & argumentis firmat: modo allegata

*a*) In Capitulo de Ideis morbofis n<sup>o</sup>, xxxviii. | *ag.* 437

Tom. I.

( *b* ) In Capitu'o Scabies & ulcera scholæ  
rum n<sup>o</sup>, xvii, pag. 258.

fatils evincunt, quòd fuerit in illa opinione, sanos humores ad ulcus allatos degenerare in similem malignitatem, ac in fundo & labiis ulceris hæret.

Saniem autem illam, ex cancro ulcerato manantem, horrendam acrimoniam acquirere posse, constat certissimis Observatis. Vidi lineæ loco cancroso applicata, sanie hæc madentia, penitus exesa æquè, ac si aqua forti tacta fuissent. Meritò hinc dixit *Aetius*, (a) *At verò ulceratus cancer assiduo erodit, & ad profundum perforat, nec sisti potest, & saniem emittit omni ferarum veneno deteriore, copiam & odore abominabilem.* Non mirum ergo, si acerrimum illud virus erodat & depascatur omnia. Non sine horrore recordor, me vidisse cancrum mammæ exulceratum ad axillas usque omnia exedisse, donec, erosæ vasibus majoribus, profusâ hæmorrhagiâ subito moreretur ægra. Quatuor mensium spatio exulceratum cancrum totam mammam & vicina omnia ad sternum & axillas usque erodisse testatur *Hildanus* (b). A cancroso tumore ventriculi erosum invenit foramine pugnæ æquante *Stalpartius van der Wielus* (c). Lobus hepatis ventriculo incumbens, & vicinum diaphragma pariter exesa erant. A pancreate cancroso diaphragma perforatum, spinam dorsii etosam, renes omnino corruptos & putidos fuisse, legitur (d). Plurimi similes casus apud Observatores occurrunt.

**PROGRESSUS IN AMBITUM ET IN PROFUNDUM**, &c. Si cancer exulceratus ab acerrima hac sanie eroderetur ad viva usque, atque propriatè sic consumeretur, aliqua adhuc salutis spes affulgeret post tot calamitates; verum horrendum hoc malum vicina omnia in similem malignitatem convertit, primò illa indurans, ac deinde verà propagatione mali erodens. Hoc autem non tantum fit in ambitu, verum etiam pellibus suis ruptis in profundum se demergit, hæcque ratione malignas radices emittere dicitur, quibus vicinis adhæret fortissimè. Undique enim induratae tales cancri ulcerati propagines solent dispergi, quarum minimum quid, post extirpationem cancri relictum, brevi repullular, & æquè ferocè malum renasci facit.

**LABIA TUMIDA, RETORRIDA, HORRENDA.** Dum schirrus incipit in cancrum mutari, summa durities observatur, & tumoris augmentum (vide §. 497.): simulac autem excisæ integumentis in apice illo eminente, qui in scirrhus maligno jam solet adesse, datur via, undique pressa cancri substantia per aperturam factam expanditur, circa labia ejusdem retorquetur; & in fungosam molem excrescens, lividi, & aliquando ferè nigri coloris, horrenda illa cancri exulcerati labia constituit.

**DOLOR INTOLERABILIS, URENS, PUNGENS, RODENS.** Cutis enim adhuc integra à turgente massa cancroso sensim discerpitur, unde à distractis lentâ hæc dilaceratione nervis cutaneis dolor summus, & diuturnus tamen. Præterea nervi per cancri substantiam dispersi vivi manent, & omni momento ab acerrima sanie eroduntur, quæ & per vicina loca depluens omnia depascitur. A continua ergo distractione & lentâ erosionem ingens dolor miseris ægros cruciat, absque ulla ferè intermissione. Patet igitur, quantum cancer sevitie gangrænam & sphacelum superet, cum illis malis, perfectâ morte destructis omnibus, nullus addit dolor.

(a) Tetrabibl. IV. Serm. IV. cap. XIII.

(b) Obs. Chir. Cent. III. Obs. xcii. p. 267.

(c) Observat. Rarior. Centur. post. Part. I.

Observ. XXVI. Tom. II. pag. 273.

(d) Miscell. Curios. Dec. I. A. Observ.

xcix, pag. 232.

**COLOR CINERITIUS, LIVIDUS, NIGER.** Quando sanissimi etiam an' m'is & si carnes in aere calido suspenduntur, ruber color brevi in pallidum & cineritium mutatur. Seinde incipiente putredine livescunt, tandemque nigrescunt, dum in tabam putrefactam resolvuntur. Eadem colorum mutatio in gangrena & sphacelo affectus partibus humani corporis observatur. Cum ergo in cancro ulcerato maxime ejus pars mortua sit, & à calore partium vicinarum, & libero acris accessu, putrescat, patet facillè, quare sic color mutetur pro vario corruptelæ gradu. Unde & color cinereus minus malus est, pejor lividus; niger autem pessimus, quia summam putredinem adesse significat.

**CANCRI OCCULTI AD GLANDULAS COMMUNICANTES.** Constat Observatis Medicis, dum glandulæ in quadam corporis parte morbozæ factæ sunt, alias etiam in diffitis sæpe locis affici. Sic in scirrhi Historia dictum fuit, dum scrophulose sunt colli glandulæ, plerumque etiam mesenterii glandulas simili malo affici; unde merito communicantes glandulæ hæ dicuntur. In scirrhis vetustis, & inprimis in cancro mammarum, sæpe semper glandulæ subaxillares induratz tumunt, & in cancos occultos degenerant.

**HÆMORRHAGIÆ.** Quando nempe vasa sanguinea, per ipsam canceri substantiam decurrentia, solvuntur, vel ubi à depascente vicinas partes malo insignes trunci arteriosi eroduntur; ut in canceris mammarum toties observatum fuit, arteriam ipsam axillarem, vel insigniores ejus ramos erosos, lethalem brevi fecisse hæmorrhagiam. Difficillimè autem compesci poterit talis sanguinis effluxus; à compressione enim, vel & liquoribus stypticis acrioribus, pessimè irritari solet cancer. Neque solum à magnis vasis vicinis erosis valida hæmorrhagia nascitur, verum etiam dispersa per ipsam canceri substantiam vasa sæpe adeo dilatantur, ut ab illorum etiam solutione ingens periculum imminet, licet in sanitate eadem hæc vasa satis exilia fuerint. In horrendo illo cancro oculi, cujus, ex *Hildani* Observationibus in *Commentariis* §. 495, mentio facta fuit ruptis vasis dilatatis, bidui spatii septuaginta unciz sanguinis effluerunt; licetque ex tanta sanguinis jactura æger admodum debilis foret, sequenti tamen die solutâ fasciâ, quâ tegebatur malum, majori adhuc quàm antea impetu sanguis erupit. Accidit aliquando in effectis mulieribus, postquam omnia signa scirrhi uteri prægressa fuerint, ut dolor fixus continuus pubem, hypogastrium, lumbos occupet, & saniosus ichor ex pundendis exeat: solet tunc sæpe immanis hæmorrhagia uterina sequi, unde admodum debiles factæ pro tempore levamen sentiunt, donec restauratis viribus redeant omnia eadem mala. Videtur tunc canerosa talis diathesis circa uterum hæzere, quæ dilata vasa erodit.

**CONVULSIONES.** Quæ vel nimiam evacuationem cruoris prægressam sequi solent; vel à nervis irritatis & dolore intolerabili nascuntur. Vide §. 226, & 232.

**FEBRIS LENTA.** Ob vigilias perpetuas & acrem dolorem toleratum. Præterea sanies illa acris putrida, canceri superficiem semper alluens, venulis erosis se insinuat, totumque sanguinem putridâ labe corrumpit: unde & postea §. 586. *lit. i*, inter febris causas singulares cancer recensetur. Si enim blandum pus, in abscessu clauso nimis diu retentum, venas ingressum, omnia adeo turbare possit (vide §. 406.) quantum magis hoc fiet à tabo cancroso resorpto!

**EXTENUATIO TOTIUS.** Quantum dolor diu toleratus, & animi

curæ corpus extenuare possint, docent Observationes quotidianæ. Cum ergo tales ægri continuis torqueantur doloribus, & pessima omnia prævideant, non mirum est, illos contabescere. Præterea ingens copia liquidi de corpore subducitur, dum acrem illam saniem continuò fundit cancer exulceratus; interimque hecistica febricula, & vigilæ protractæ corpus depascuntur; simulque functiones illæ, quæ restaurandis perditis inserviunt, parando ex ingestis bonos humores, depravantur.

*Αἰσθητός, INDOLENTES IN AURE CALLI.* Intolerabilem fatorem cancer ulceratus spargere solet, sic ut adstantes ferre nequeant. Interim coguntur miseri ægri noctes diésque illum pati, unde tamen omnis olfactus perit. Inter canceri symptomata etiam hæc recensuit Hippocrates dicens, (a) *Ipsa quoque toto corpore extenuatæ sunt, nares siccæ & obductæ, neque eleuantur; spiritus est imminutus, & nihil odorantur: in auribus dolor quidem nullus, sed interdum callosa concretio innascitur.* Olfactum ablatum in cancro laborantibus observavi, sæpius indolentes autem in aure callos nondum mihi videre contigit. An fortè sunt incipientes scirrhi folliculorum, qui in meatu auditorio hærent?

*LIPOTHYMIÆ, &c.* vel ab hæmorrhagia, aut doloribus, vigilis, febre; consumtis viribus. Tandemque, post summas misérias diu toleratas, toties optata inter diros illos cruciatus mors omnibus his malis finem imponit.

Ex omnibus illis, quæ modò dicta fuerunt, patet, quàm deplorabile malum cancer sit, si tolli nequeat; uti etiam quàm horrendi sint ejus effectus, si in corporis interioribus hærens indomabili rabie furat: in hoc uno tunc felices ægri quoddam depasitis visceribus citius moriantur; cum per menses, imò & per annos quandoque, sensim erodantur, si in exterioribus hæreat radicatum malum. Simulque apparet, quanta cum cura scirrhus, infelix nascituri canceri rudimentum, tractari debeat; extirpandus statim, si nulla resolutionis spes affulgeat, quantumvis etiam fallaci suâ indolentiâ videatur innoxius.

§. 500. **I**N eûchymis occulti canceri quiescentis facilis toleratio, moti rabies (499) prædicatur.

In prognosi ergo omnia modò enumerata mala timentur, si nempe cancer exulceratus fuerit. Quamdiu enim adhuc occultus est, pellibus suis coercitus, tamdiu tolerari potest, modò quiescat, nullisque irritetur remediis, quæ motum humorum per vasa augere possunt in ipsa canceri substantia, vel in vicinis partibus; tunc enim brevi fureret. Optimè hoc monuit Celsus, qui de carcinomatis cura serè desperasse videtur, adeoque solam curam palliativam commendat, dicens, (b) *Neque ulli nunquam Medicina profuit: sed adusta protinus concitata sunt, & increverunt donec occiderent. Excisa etiam, post induritam cicatricem, tamen reverterunt, & causam mortis attulerunt.* Cum interim plerique nullam vim adhibendo, quæ tollere id malum tentent; sed imponendo tantum lenia medicamenta, quæ quasi blandiantur, quominus ad ultimam senectutem perveniant, non prohibeantur. Docuit jam Historia Medica, caneros occultos per plures annos hæsisse in corpore absque notabili malo. Narrat Tulpus quoddam scemina gesserit per (c) *quinquaginta*

(a) De Mulier. Morbis. Lib. II. cap. xx. pag. 318.

Charter. Tom. VII. pag. 809.

(b) Medicina. Lib. V. cap. xxvii. no. II. pag. 50.

(c) Observ. Medic. Lib. I. cap. xlviii.

*amplius annos durum ac inæquale carcinoma; sed sine ulcere ullâve gravi noxâ. Adversa dein mariti fortuna cum affligeret miseram, increvit dolor & pruritus hactenus silentis mali, & adurentibus medicamentis impositis, Empirici consilio, brevi in cancerum ulceratum pessimum abiit.*

Observavit *Hildanus* (a) in cive Lausannensi tumorem cancrosum ovum gallinaceum magnitudine æquantem, qui circa papillam sinistram jam per multos annos hæserat. Medicorum quorundam consilio emplastrum de mucilagibus, de meliloto, & similia applicuit, hæc spe, ut paulatim emolliretur tumor. Sed brevi post horum applicationem dolor & inflammatio sequebantur; unde hæc removit, & refrigerantibus applicatis sedavit symptomata. Deinde abstinuit, diuque postea superstes fuit. Unde in his casibus veritas Aphorismi *Hippocratici*, in *Commentariis* §. 490. n°. 1. allegari, patet, quod nempe (b) quibus oculi canceri oriuntur, eos non curare præstat; curati namque cito intereunt; non curati verò diuturniori tempore perdurant. Cujus asserti veritatem pluribus Exemplis probat *Hildanus* (c).

Non autem potest expectari canceri occulti diuturna quies, nisi corpus ægri euchymum sit, id est, sanguis ejus, omnesque humores, blandam habeant indolem, qualis in sanissimis semper adesse solet. Si enim insignis cacochymia prædominetur, per quam humores à naturali indole in majorem acrimoniam degenerant, uti in scorbuto acri, atrâ bile confirmatâ, biliosâ calidâ temperie fit; brevi cancer occultus in ulceratum transibit, uti dictum fuit in *Commentariis* §. 495.

§. 501. **C**ANCER parvus, incipiens, liber, loco apto situs; vasis magnis non adcretus, à causa externa ortus, in juvenili, sanòque corpore, solus in toto corpore, illico ferro exstirpandus, vel abscindendus est.

Licet autem ex modò dictis constiterit, caneros occultos diu tolerari posse aliquando, cum tamen etiam in scirrho, uti dictum fuit in *Commentariis* §. 489, æternus metus peioris mali maneat, longè magis hoc in cancro verum erit. Adeoque pro axioma Practico haberi poterit, omnem cancerum exstirpandum esse, si, salvo ægro, & absque recidivæ metu, fieri possit. Quamvis enim *Celsus* (d) nunquam Medicinam cancro profuisse scripserit, innumeræ tamen Observationes docuerunt, illum tutò & felici cum eventu refecari sæpe posse. Verùm, uti antea dictum fuit, obscuram & confusam canceri descriptionem dedit; & si considerentur illa, quæ in canceri cura jubet, facilis patet ratio, quare infelichter cesserit; statim enim voluit imponi debere medicamenta adurentia; & si levatur malum, minuunturque ejus indicia, tunc curationem procedere posse ad scalpellum & usionem, dixit. Sed satis apparet, hæc methodo prius irritari cancerum pessimè, antequam ad ejus exstirpationem procedatur. Si jam considerentur illa, quæ alii veteres Medici de

(a) Aphorism. Sect. VI. n°. xxxviii. Character. Tom. IX. Part. II. pag. 171.

(b) Observ. Chirurg. Centur. I. Observ. xxxix. pag. 70.

(c) Ibidem.

(d) Medicin. Lib. V. cap. xxvii. n°. 12. pag. 313.

cancti ablatione habent, evidens erit ratio, quare pessimus evertus sequi debuerit. Sic apud *Æginetam* (a) legitur, quòd quidam cauteriis omne vitiatum confumerent, alii totam mammam excindentes deinde adurerent: addit tamen, *Galenum* solam sectionem commendasse, quâ totus cancer sine ulla radice relicta excinderetur. *Actius* (b) canceri Chirurgiam *Leonida* tradens dicit, supra cancerum partem mammae sanæ debere incidi, & incisam cauteriis inuri, donec crustâ indurâ sanguinis eruptio sistatur; mox iterum debere secari, tuncque de novo aduri, sicque alternatim secando & urendo pergendum esse, donec totus cancer absumptus sit. Tuncque post amputationem integre peractam rursus partes omnes ad resiccationem usque debere inuri; additque, primas inuolutiones fieri sistendi sanguinis causâ, postremas verbò ad omnes morbi reliquias abolendas. Scirrhus tamen solâ sectione tolli posse monet: credebat enim tunc nullum hæmorrhagiæ periculum esse, adeoque nec usionem requiri. Quam periculosa autem fuerit crudelis hæc canceri curatio, satis patet; imò & in sequenti capitulo habetur, quòd convulsiones metuendæ essent illo etiam tempore, quo ulcus repurgatur. Ubi autem solâ sectione cancer tollitur, uti hodie fieri solet, non videtur adeo periculosa cura esse, modò adsint sequentes conditiones.

**PARVUS.** Ubi enim magnus cancer est, & operatio majus discrimen habet, & ingentis vulneris, quod tunc fieri debet difficilis cura est: sæpe enim, ingenti puris copiâ quotidie exeunte, exhausto corpore, vero marasmo contabescunt; vel à putredine diutius relicto in tantâ plagæ superficie, & resorpto, cacochymia purulenta sanguinis fit, sæpe funesta.

**INCIPIENS.** Quò enim diutius duravit malum, eò pejor, cæteris paribus; eventus; cum tunc aliquando periculum sit, ne infernè cancer malignas radices vicinis partibus infixarit.

**LIBER.** Nisi enim totus cancer simul & semel tolli possit, minimæ etiâ ejus reliquæ malignis repullulabunt: si autem suppositis partibus jam accretus fuerit, integre tolli non poterit. Quomodo autem cognoscatur, an cancer liber sit, dictum fuit in *Commentariis* §. 490. n°. 2.

**LOCO APTO SITU, VASIS MAGNIS NON ADCRETUS.** Et de his in loco modò citato dictum fuit, uti & tertio ejusdem paragraphi numero: simulque ibidem patuit, quantum etiam in periculosissimis casibus possit Chirurgi periti dexteritas, & intrepidus animus. Parotides enim scirrhusas, glandulas submaxillares, & subaxillares, ingentium vasorum vicinâ adeo metuendas, sectione prudenti ablatas fuisse constat, & felicissimo cum successu. Nullum tamen dubium est, pessima metuenda esse, si cancer magnis vasis adcreverit; tamen & in simili casu anceps remedium tentandum videtur, modò aliqua spes affulgeat, ægrum à dirissimo omnium malorum cancro sic liberari posse.

**A CAUSA EXTERNA ORTUS, IN JUVENILI ET SANO CORPORE.** Ubi enim à latente diathesi scirrhus, & ex hoc cancer natus fuit, magnus metus est, ne illo extirpato, manente eadem causâ, renascatur alter. Ubi autem v. gr. à contusione mammae ortum duxit, recidivæ periculum non est. Cum verbò ad

(a) Lib. VI. cap. XLV. pag. 88.

(b) Tetrabibl. IV. Serm. IV. cap. XLV, & XLVI. pag. 981.



vulneris, post exstirpationem relictī, consolidationem optima sanitas requiratur, patet satis, quanta spes curæ sit, si in juvenili & sano corpore talis operatio instituat: efflueta enim ætas, imprimis in fœminis, scirrhus (vide §. 485.) & cancro (vide §. 495.) producendis quàm maximè opportuna est; uti etiam atrabilaria temperies.

**SOLUS IN TOTO CORPORE.** Docuerunt enim Observata, ablato cancro, si in alia quadam parte corporis scirrhus, licet parvus, adfuerit, illum brevi augeri, & in cancerum mutari. Sollicitè ergo omnia loca glandulosa corporis externi examinanda sunt, ut detegatur, an aliquid scirrhusi ibi lateat. Cùm autem in scirrhi Historia constiterit, & in corporis interioribus similia latere posse mala; pariter attendendum est an quædam signa doceant, internas partes scirrhusi vel cancro affici. Sic in illis, qui glandulas colli omnes ferè scrophulosas habent, plerumque simile malum mesenterii glandulas occupat. Cùm autem inter mammas & uterum mira communicatio sit, antequam ad exstirpationem cancrofæ mammx procedatur, sedulò attendendum est, an circa uterum aliquid similis mali adeste suspicio sit. Si enim pondus insolitum circa hypogastrium sentiat, aut dolor molestus illa loca occupet, validæ hæmorrhagiæ uterinæ subinde redeant, aliquid saniosi acris de vagina destillet, &c, magnus metus est, ne post mammx exstirpationem, quàmvis felicissimè peractam, in utero pejus adhuc malum recrudescat.

§. 502. **EMOLLIENTIA**, emplastica, suppurantia, acria, excoriantia, vesicatoria, caustica, ei applicata convertunt in cancerum ulceratum; ergo vitanda.

Funeſti toties eventus, post similibus applicationem, docuerunt satis, nunquam his sanari cancerum, sed irritari tantum. Unde omnes prudentes Medici & Chirurgi unanimi consensu prohibent similibus usum. Sola enim canceri medela est exstirpatio. Omnia emollientia, emplastica, suppurantia, movent indomabilem canceri materiam, & ad pessimam putredinem disponunt; nunquam autem ad suppurationem deducere poterunt. Acria, excoriantia, vesicatoria, caustica actualia & potentialia, canceri testī integumenta solvunt, illūque brevi apertum, & pessimè ulceratum, reddunt. Videantur illa quæ de similibus remedium noxa dicta fuerunt in *Commentariis* §. 490. n°. 3, & §. 495. Unicui adduxisse Exemplum ex *Paræo* (a) sufficit, quò modò dicta confirmantur. Nobilis virgo, ex comitatu Reginæ matris, tumorem nucis magnitudine in mamma sinistra gerebat, cujus maligna indoles ex doloribus lancinantibus satis apparebat. *Paræus* curam palliativam solum convenire iudicavit, æsentiente expertissimo Medico, qui in consilium vocatus fuerat. Post biestrem spatium, manente eodem morbi statu, morosior ægra alium Medicum consuluit, qui integram curam promittit audax, licet monitus esset, ab aliis incurabile illud malum haberi. Applicuit tumori calida emollientia; unde brevi immaniter augebatur tumor mammx, unà cum dolore acerrimo & validissima inflammatione;

(a) Livre VII. chap. XXXI. pag. 181.

donec tandem rumperetur tumor, simulque ingens hæmorrhagia sequeretur; quam dum causticis pulveribus applicatis compescere nitebatur. Medicus, omnia pessimè irritabantur symptomata, brevique post moriebatur ægra. Quam infelix ille, cui conscia mens exprobat, quod simili temeritate proximum in tanta mala projecit!

§. 503. **C**ANCER magnus, vetus; adhærens, locis exstirpationi ineptis situs, vasis magnis adcretus vel incumbens à causa interna ortus, in corpore senili, cacochymico, ad cancerum composito, aliis jam canceris in eodem corpore sociatus, nec ferro (501), nec medicamentis (502) tangendus est.

Enumerantur hæc paragrapho omnia illa signa, quibus canceri exstirpatio vetatur: quæ penitus opposita sunt illis, quæ §. 501, recensita fuerunt, & faciliè ex illis, quæ ibi dicta fuerunt, intelliguntur. Requiritur autem in similibus casibus, ubi de exstirpatione canceri deliberatur, ut omnia seriò ponderentur: si enim cancer relinquitur, qui exstirpari poterat, pessimè consulit ægris; si tollatur talis qui relinquendus erat, augentur omnia mala, & frustra operationis, satis sepe crudelis, tormenta patiuntur miseri. Ubi ergo vel immensâ mole, aut temporis diuturnitate metuendum malum est, aut vicinis partibus adcreverit, nil boni ab exstirpatione sperari ferè poterit: satisque patet, hanc omnino impossibilem esse, nisi manibus Chirurgi & instrumentis facilis aditus pateat. Ubi verò vasorum magnorum vicinia periculosa fore ferè hanc curationem demonstrat, non tentanda, nisi certus quis sit, ligaturâ, vel alio quocumque modo, metuendam hæmorrhagiam compesci posse. Evidens est ex illis, quæ dicta sunt in *Commentariis* §. 501, cancerum à causis internis ortum vix unquam cum spe felicitis eventus tolli posse; & maximè quidem si effusa ætas, vel insignis cacochymia demonstrent, difficulter factum vulnus consolidandum fore. Uti enim in vulnere Historia patuit, restitutio perditæ, & unio separatorum, humores sanos, per vasa bona, apto impetu & copiâ debitâ allatos, postulant. Ubi autem in locis etiam disitis plures scirrhi occurrunt, vel occulti jam canceri, novimus, corpus ad canceri generationem dispositum esse, adeoque inutilem fore exstirpationem mali, cujus germina manifesta in aliis locis occurrunt, brevi mutanda in similem malignitatem. Faciendum interim est, aliquando prudenti consilio posse tolli cancerum, licet quædam signa adfuerint, quæ vel periculosa fore exstirpationem, vel inutilem aliquando; suaderent. Summa enim hujus mali atrocitas facit, ut anceps remedium præferatur certæ atque adeo horrendæ perniciæ, modò aliqua tantum spes affulgeat felicitis eventus; vel saltem possit diu differri, post exstirpationem factam, ne in aliis locis idem malum repullulet. Omnia tamen hæc pericula indicari debent ægro ejusque amicis, ne vel ignorasse timenda mala; vel fefellerit videatur Medicus. Sic in scirrhi Historia dictum fuit, etiam in periculosissimis, ob magnorum vasorum viciniam, locis, feliciter successisse exstirpationem. *Hildanus*, uti ex ejus *Observatis* enarratum fuit, mammam exstirpa-

vit

vit, licet plures scirrhi, & satis magni, sub axilla ejusdem lateris hæerent, quos eodem tempore abstulit. Probi Medici est, nihil consulere ægris, nisi quod in proprio corpore factum vellet, si simili malo laboraret. Ubi ergo, omnibus rite perpen-  
sis, constitit, cancri exstirpationem omnino impossibilem esse, vel penitus inutilem fore, nihil aliud superest, quàm in eodem statu retinere incurabile malum, & lenire symptomata. Quamvis autem methodo, & quibus remediis, hoc imperari poterit, dicitur in sequentibus.

§. 504. **N**ISI enim cum radice & semine integre exstirpari queat, asperabitur, ad interiora recurrit, alios generat, factos auget.

Cancræ radix vocatur, quicquid de ejus substantia vicinis partibus accrevit, & per illas quasi dispergitur. Dictum enim fuit §. 499, cancerum exulceratum in profundum ad partes vicinas undique emittere malignas tales radices, quibus fortiter hæret. Aptissimè autem hoc nomen datur his cancri propaginibus, quia resectus ex illis radicibus relictis brevi repullulat. *Hildanus* (a) narrat, quòd dum scirrhusum lingue tuber examinaret, tactu deprehenderit, majoris fili instar propagines ab hoc scirrho per lingue substantiam dispergi. Nisi ergo cancer cum suis radicibus tolli possit, brevi recrescet idem malum. Habetur apud *Ruyfchium* (b) audax talis curatio, quæ post sectionem factam candenti ferro inurebat locum, ut cancri radices destrueret integre. Vetula tumorem malignum induratum gesserat in lingua à longo tempore, postque iteratam sectionem recidivam passa fuerat. Communi consilio celeberrimus *Ruyfchius* & peritissimus Chirurgus concluderunt, nil aliud superesse remediû, quàm ut excinderetur denuo renatum malum, & deinde locus candenti ferro inureretur. Cradelem curam admisit facillè animosa hæc anus & fortiter pertulit, vix ullos ejulatus inter hæc tormenta emittens, licet satis fortiter cauteria adigerentur, & quidem iteratâ vice. Escharis separatis locus brevi ad cicatricem deductus fuit, atque postea diu sana vixit.

Semen cancri autem vocatur illa causa, quæcumque demum fuerit, quæ primum scirrhi rudimentum nasci fecit. Si jam à suppresso menstruo aut hæmorrhoidalî fluxu consueto, atrabiliariâ temperie, vitâ tristi, labe hæreditariâ, &c, primam originem duxerit scirrhus, ex quo postea cancer factus fuerit; nisi hæc vitia emendari possint, frustra exstirpabitur cancer; cum manente causâ justus metus sit, similia mala in aliis locis brevi renascitura: imò & fortè in internis partibus jam scirrhi rudimenta hærent. Si verbò scirrhi in aliis locis jam adsint, ablato cancro, augebuntur brevi, & in similem malignitatem degenerabunt; ut plurimis Observationibus constitit. In cadavere puellæ, in orphanotrophio publico à strumis colli scirrhis suffocata, vidit *Tulpius* (c) sub qualibet struma clanculum delitescere minores alias, non singulas, sed vicinas aliquando in eodem loco occurrentes, formâ seminibus Lupinorum non absimiles. Tali autem ordine disposita erant hæc strumarum latentia semina, ut majora minoribus semper incum-

(a) Centur. III. Observ. LXXXIV. pag. 264.

(c) Observat. Med. Lib. I. cap. XLVI. pag.

(b) Observat. Anat. Chir. n<sup>o</sup>. LXXVI. pag. 70.

berept, declinante sensim usque adeo illarum mole, ut tandem vix æquarent semen sesaminum.

§. 505. CAUSA canceri tollenda cum cancro; vel antequam tollatur ille.

Nisi integre auferri queat, relinquendus est.

Uteri, faucium, palati, axillarum, inguinum insanabilis; labiorum curatu difficilis.

CAUSA CANCER, &c. Ratio ex illis; quæ modò dicta sunt patet. Optimum est, modo aliquam patiatur moram ferox malum aptâ medelâ rollere prius causam canceri antequam extirpatio instituat. Si verb in mora periculum sit, tunc poterit tamen cancer tolli modò spes bona affulgeat, cancerosam in corpore diathesin superari posse.

NISI INTEGRE AUFERRI, &c. Certum enim tunc est, reliquias canceri resecti, quamvis minimæ fuerint, brevi in similem molem excreturas, pari, imò aliquando & majori, malignitate. Memorabile hujus rei Exemplum videlicet celeberrimus Boerhaavius in nobili fœmina. Extirpabatur à dexterrimo Chirurgo mamma cancrofa; hocque factò, in media plaga apparuit stigma cinereum, digiti minoris unguem vix æquans magnitudine: cùmque illud ipsi substantiæ pectoralis musculi infixum hæreret, rescindere funditus non audebat Chirurgus, sperans erodentibus hoc tolli posse. Curatio vulneris satis feliciter procedebat, jamque ferè omnis superficies cicatrice obdusta erat, tuncque incepit illud stigma attolli, mole augeri, & in fungosam massam expandi, quæ summâ malignitate furens omnia vicina depascebatur, donec misera hæc ægra moreretur. In alio simili casu audacior alter Chirurgus excidit viva de carne musculi pectoralis relictam canceri resecti radicem: cùmque omnia felicissimè cedere videbantur, decimâ quartâ die post extirpationem factam inceperunt maxillæ constringi, & tandem adeo obrigescere, ut nullâ vi diduci potuerint; & incassum tentatis efficacissimis etiam remediis, tetanodes periit. Apparet ex his casibus, quanta cum cura ante extirpationem examinari debeat, an cancer undique liber nulli parti cohæreat.

In quibusdam verb corporis locis canceri si nascantur, curatio vel impossibilis his omnino, vel saltem difficillima est. In visceribus corporis si canceri hæreant; facile patet, nullam medelam superesse, cùm nullus detur Chirurgi manibus aditus. Insanabiles etiam haberi solent canceri uteri, inprimis si ulcerati fuerint: scirrhus enim tumorem, jam in cancerosam malignitatem tendentem, in hoc etiam loco resectum fuisse ex Tulpii Observationibus in Commentariis §. 484. dictum fuit: exulceratum verb cancerum quis hic attingere auderet, cùm malignis radicibus tunc undique adhærescat; ut in cadavere mulieois, (a) à cancro uterino crudelem in modum percisse, vidit idem Auctor? Tumor enim lividus ac ater, cruore & sanie undique perfusus, membranaceis filamentis undique neccebatur utero. De uteri morbis agens Aretæus etiam de cancroso ejusdem ulcere

(a) Observ. Med. Lib. III. cap. xxxiv.

loquitur, monétque illud occidere, sed diuturno tempore prius afflitas: (a) *Et res putrida ab ulcere, neque ipsis agrotis tolerabilis emanat, efferatque manuum atrectatione, & medicamentis, & quolibet genere medelæ exasperatur. Ex quibus satis patet, quod verum uteri cancerum hic descripsit, licet pauld post subiunxerit sequentia: At cancer neutiquam ulcus est, sed tumor durus & indomitus, qui unâ totum uterum distendit.* Videtur enim hoc de testæ cancro dixisse; ulceratum verbò ulceris maligni & exedentis nomine descripsisse; statim enim hæc addit: *hæc eadem verbò cancerosa utraque sunt & diuturna, & perniciofa: ulceratus autem cancer non ulcerato longè improbius est, & odore, & doloribus, & vitâ & morte.*

**FAUCIUM** Dictum fuit in *Commentariis* §. 484, scirrhi sedem satis frequentem esse in mucosis illis folliculis, fauces, pharyngem undique occupant; & imprimis quidem, quia horum ope à sanguine secernitur & colligitur lentus mucus, ex propria natura faciliùs inspissandus. Præterea numerosissimæ papillæ nervæ per harum partium superficiem dispersæ, aliquando in cancerum fungosum pessimum degenerant, ut dictum fuit in *Commentariis* §. 496. Vidi sic horrendo spectaculo magnam partem palati & totum velum pendulum palatinum cancerosum tactum fuisse in sene, qui post summas miseras ex hoc morbo periit. Ubi altas jam radices in faucibus egerit cancer, faciliè patet, incurabile malum esse. Ubi verbò parvam tantùm partem occupavit, fortè prudenti Arte tolli posset. *Apud Hippocratem* (b) legitur, cancerum in faucibus ultionè sanatum fuisse.

**PALATI.** Callosa & dura membrana, quæ palatum osseum investit, uti modò dictum fuit, aliquando & in cancerum degenerat, & ferè semper insanabilem, nisi fortè exiguus admodum fuerit. Difficultatem curationis augeat, quod hæc membrana destructa vel erosâ, ossa palati nuda corrumpantur; unde iterum pessima mala nascuntur. Ideo *Galenus* explicans illum *Hippocratis* Aphorismum, qui cancerum occultos curare prohibet, dixit (c) *Qui eancrum in palato (ἐν τῷ ὑπάρειν, quod fornicatum palatum osseum designat) ortum, & qui in sede, & qui in sinu muliebri secuerunt, aut usserunt, ulcera ad cicatricem perducere non poterunt; sed homines curationis cruciatu ad usque mortem excarnificaverunt; qui citra curationem longiori tempore cum minore molestia vitam exegissent.*

**AXILLARUM, INGUINUM.** Vicinia maximorum vasorum facit, ut vix extirpari possint absque periculo lethalis hæmorrhagiæ. In scirrhi Historia notatum fuit, *Hildanum* felici eventu tumorem scirrhosum, inchoato jam dolore malignum, extirpasse sub axillis. Ubi autem jam in verum cancerum hæc mala abierunt; & imprimis si ulceratus fuerit, patet faciliè quàm periculosa talis cura foret; cum & varicosa vasa sint circa cancerum, & summus metus, ne subiectis vasis jam accreverit. Accedit, quòd vicinis glandulis sæpe inhæreat eadem labes, unde post periculosam extirpationem sæpe recrudescunt malum.

**LABIORUM CURATU DIFFICILIS.** Frequens satis malum, dum vel mordendo læduntur labia, sicque contunduntur corpuscula illa rotunda,

(a) De caus. & sign. morbor. diuturn. Lib. II. cap. II. pag. 64.

(b) Epidem. Lib. VII. text. CXXIX. Ægrot.

CXXIII. Charter. Tom. IX. pag. 596.

(c) Aphorism. Sect. VI. n. XXXVIII. Charter. Tom. IX. part. II. pag. 272.

per horum substantiam dispersa; unde toties scirrhī, in pessimum cancerum degenerantes, oriuntur; ut etiam si membranula tenerrima, quā labia teguntur, laxā nervosā fabricā labiorum, in fungos cancriscentes attollitur. Ubi ergo talis mali vestigium apparet, tollendum illico; sive erodentibus, quod in exiguis canceris hic natis aliquando successit; sive cultro, quod longè tutius est. Quamdiu autem nondum in magnam molem increverunt canceri labiorum, satis tunc tolli possunt. Si verbō negligantur, proserpit malum, totūque labium, imò & vicinas partes exedit; tūcque non nisi magno cum discrimine tolli potest, & post exstirpationem turpis deformitas manet. Vix tamen credi potest, quantæ magnitudinis canceri à peritissimis Chirurgis aliquando ex labiis resecti fuerint; & feliciter curati, absque insigni deformitate. Vidi sic hominem, cui binæ tertię partes labii inferioris sic fuerunt ablatae; & tamen satis pulchrā cicatrice coaluerat tantum vulnus. In alio, qui necessariam exstirpationem admittere noluerat, totum mentum sensim exesum vidi, antequam moreretur.

§. 506. **ERGO** in statu (503) adspiramus ad duos: 1. Quietem mali; 2. Lenimen symptomatum.

Ubi ergo cancer, cognitus signis §. 497, recensitis, ob conditiones §. 503: enumeratas, nec ferro, nec medicamentis tolli vel emendari potest, miserrima ægri conditio est, cum latentem in corpore hostem gerat, qui à causis, nullā sæpe prudentiā evitandis, facillè irritari possit sic, ut indomabili sævitie furat. Functis hæc prognosıs ægro minimè revelanda est, sed amicis tantum, hacque spe erigi debet, posse aliquando ad mortem usque tolerari malum sine tantis calamitatibus, modò cum prudentiā tractetur. Optimè enim in *Commentariis* suis in Aphorismum illum *Hippocratis*, quo occulti canceri cura vertatur, monuit *Galenus* (a) non abstinendum esse ab illa curatione, quæ cancerum mitiget ac demulceat, sed tantum à talibus, quæ illum irritent. Tota spes tunc in eo consistit, ut sustineatur malum, & impediatur ulterior ejus malignitas; simulque leniantur symptomata, quæ inprimis sunt pruritus, calor, dolor. Quomodo autem, & per quæ remedia, hoc impetrari possit, docebunt sequentia.

§. 507. **QUIES** impetratur: 1. Locum defendendo ab omni externo per plumbata, & narcotica. 2. Causam (495) cognitam minuendo, corrigendo, avertendo; quo lenia purgantia ex blandis vegetabilibus, mercurialibusque faciunt, parvā & sæpe geminatā dosi datā. 3. Diluentibus, aperientibus blandis, subcalicis. 4. Vitando, quæ sumta, vel applicata vicem causæ gerunt.

Dictum fuit in *Commentariis* §. 492, dum vasa vicina, ructo humorum motu, ad duos scirrhī margines atteruntur, inflammationem nasci, scirrhūque

(a) Aphorism. Sect. VI, n°. XXXVIII. Chartes, Tont. IX, Part. II. pag. 171.

hactenus benignum in cancerum mutari; & ex illis, quæ dicta sunt in *Commentariis* §. 499, consistit, ab eadem causa canceri malignitatem augeri. Quies ergo summo opere h.c. necessaria erit. Absoluta quidem tantum in cadavere obtinetur, sed pacatissimus humorum blandissimorum per vasa pervia motus hic intelligitur, ut nulla fiat canceri irritatio, nec ab aucto motu, nec ab acribus huc delatis.

1. Quantum noceat scirrhis & canceris inde natis, irritatio quælibet externa, dictum fuit in *Commentariis* §. 495: omni ergo curâ locus affectus defendi debet ab attritu vestium imprimis; & ut dictum fuit §. 490. n. 4, quàm maximè cavendum erit, ne occulti mammarum canceri à loricis arctè adstrictis premantur, vel ab agitatione valida pectoralis musculi suppositi irritentur. Unde nunquam melius eleemosynæ publicæ possent impendi, quàm alendis miseris illis scæminis, quæ cancro testis laborantes manibus tamen victum sibi comparare debent. Omnium optimum est mollissimâ alutâ regere locum affectum, ut omnis vestium incumbendum attritus evitetur. Emplastra ad eundem usum laudantur, sed talia tantum, quæ nec emolliendo nimis integumenta, nec movendo canceri materiam, nocere possunt. Sola ergo plumbata hic convenient, & quidem talia, quæ non adhærent firmiter partibus, quibus applicantur: tunc enim metus foret, ne exhalans liquidum sub emplastro tenaci coercitum, maceraret integumenta, atque illa brevi disrumpi faceret. Simul etiam his misceri solent narcotica, quæ suâ efficacîâ nimis facillè irritabiles nervos, per cancerum ejusque integumenta dispersos sopiant parum, sicque metuendum hic pruritus compescant, & molestos dolores lancinantes sedent. Emplastrum diapicnophylos officinarum, ex oleo solani & plumbi calcibus paratum, pulcherrimi in his casibus usus est. Similium emplastrorum formulæ in *Materia Medica* ad hunc numerum habentur.

2. Omnes enim causæ §. 495, enumeratæ, cùm scirrhum in cancerum mutant, si pergant agere, vel augeantur, poterunt cancerum testum in ulceratum convertere. Illæ ergo, per sua signa cognitæ, tolli debent, vel saltem minui: si verò neque hoc impetrari possit, averti debet illarum actio à parte affecta, quantum fieri poterit. Nihil magis nocet cancro, quàm humorum acrimonia, cùm & benignus scirrhus citò inde in cancerum degeneret, ut antea dictum fuit. Sedulò ergo inquirendum est, an hæc adsit, & qualis; & deinde per idonea remedia, singulari acrimoniæ cognitæ opposita, hæc emendari debet: alia enim requiruntur ad acrimoniam acidam, muriaticam, putridam, rancidam, oleosam, &c. Ut avertatur materies morbosa in humoribus lætens, pulcherrimè conducunt purgantia, sed leniora, & talia quæ sine multis turbis excitatis in corpore fundunt humores & evacuant. Lenissima mercurialia præparata, purgantibus mista præcipuè hic laudantur, ob magnam vim solvendi, quam possident; cavendo semper, ne imprudenti illorum usu salvatio hic nocitura excitetur. Si putredinis signa adsint, ut in scorbuto sæpe observatur, tamarindorum cum foliis senæ decoctum, cremor & crystalli tartari, & similia proderunt. Ut autem turbæ, à lenioribus quamvis purgantibus in corpore excitatæ sedentur, conducet leve opiatum exhibere post purgantium operationem finitam. Quantum autem prosit purgantium usus, in canceris

M m m m ij

taetis præservandis, ne ulcerentur, docuit *Galenus* (a). *Mulierem* enim, *cancrosum* diathesin in *mamma* habentem, circa *veris initia* quotannis *purgavit* satis *fortiter* medicamento *atram bilem* evacuante, simulque *notat*, quod, *omissâ* hac *purgatione*, in *profundo dolor* oriretur, certo *indicio*, *cancrois diathesis* malignitatem tunc *augeri*.

3. Totus scopus enim est, ut fiat æquabilis & sedatus humorum circuitus: hoc autem obtinebitur, si paulò plùs diluti fuerint humores, & vasa pervia. Dantur ergo talia, quæ diluunt, & attenuant, neque tamen humorum motum augent. aqua autem sola ferè diluit, uti dictum fuit §. 134: huic dein adduntur talia, quæ & vi attenuante prædita sunt, & simul blandâ indole omnem acrimoniam leniunt. Decocta ergo radicum bardanæ, chinæ, scorzonæ, zarzeparillæ, graminis; infusa agrimonie, betonicæ, florum althææ, malvæ, verbasci, sambuci, papaveris rhæados, &c, pulcherrimum usum habent. Sic enim diluens vehiculum sanguini affunditur, attenuantibus & leviter obtundentibus solvuntur humores, & lenitur *acrimonia*; simulque per urinam, vel & diaphoresin, eluuntur nocitura: unde similia remedia à Medicis vocantur sanguinem depurantia. Cùm autem sales inter remedia attenuantia magnum nomen habeant, neque tamen acriora in hoc casu conveniant, sola adhibentur mitissima subalcalica qualia sunt v. gr; nitrum stibii, & sal polychrestus, in quibus nitrum fixatum, tuncque alcalinum, sulphuris accensi simul vapore acido sic invertitur, ut minis acree fiat, licèt adhuc alcalinæ indolis particeps maneat; unde tunc subalcalica dicuntur hæc salia. Seliguntur autem hæc inprimis ideo, quia in scirrhis curandis sales alcalini, acido oleoso vini Rhenani mitigati, toties profuerunt. Cùm autem satis magnus numerus simplicium in Officinis habeatur; quorum blanda vis attenuans usu cognita est, possunt satis variari hæc formulæ, ne diuturnus ejusdem remediî usus nauseam moveat ægris, dum diu maner eadem indicatio curatoria in hoc casu.

4. Auctos humorum motus in toto corpore, vel in parte affecta acrimonia quævis humorum, irritantia quæcumque, præcipuæ causæ erant, quæ scirrhum mutabant in cancerum; uti dictum fuit §. 495. Omnia ergo hæc, tam in victu, quàm remediis internis & externis, sollicitè vitanda erunt. Cùmque atrabilaria humorum tenacitas & scirrhis originem det, illisque jam natis malignitatem conciliet, uti ex antè dictis patuit; inprimis curandum erit, ne in victu sumantur talia, quæ hanc producere, vel natam augere, possint. Dieta ergo sit talis, qualis in scirrho insanabili §. 490. n°. 4, descripta fuit. Quia autem affectus animi validi, & præcipuè tristitia hic adeo nocent (vide §. 495.) blandâ spe erigendus est ægrorum animus, ne imminetis mali æterno metu contabescant. Hæc omnia si sedulò observentur, poterit per annos sæpe, imò ad ultimam senectutem aliquando compesci minax malum (vide § 500. ), donec vel communi fato, vel aliis morbis pereant, & futuris eripiantur miseris: hocque totum est, quod ab Arte hæctenus cognita in diro hoc morbo expectari poterit.

(a) Lib. quos quibus, & quando, purgare oportet, *Charter*. Tom. X. pag. 470.



§. 508. **SYMPTOMATA.** *Iisdem* (507) leniuntur; dolor opiata exigit.

<sup>1</sup> Omnia enim symptomata; quæ cancro occulto accidunt, tantum ab ejus aucta malignitate pendent: si ergo methodo præcedenti paragrapho descripta in eodem statu servetur cancer, lenientur mala præsentia, & cavebuntur futura. Præcipuum symptoma est dolor, à distractis integumentis ob tumoris augmentum, vel acrimoniâ cancri rodente nervos vivos, per ejus substantiam dispersos. Causam doloris tollere sæpe non possumus; tunc ergo nihil superest, quam narcoticorum usu obtundere sensorium commune, ut manente quamvis doloris causâ tollatur ejus sensus, & caveantur doloris effectus nonnulli, hic metuendi (vide §. 229. n°. 2.). Nisi enim hoc fiat, vigilæ, inquietas, jactatio, febris &c, (vide §. 226.) aderunt, atque fiet brevis omnium malorum augmentum. Videantur de narcoticorum usu illa, quæ dicta sunt in *Commentariis* §. 202, & 229.

§. 509. **EXULCERATUS** (498. 499.) ni tolli queat, lenitur sæpe mundando, plumbata lenissima applicando, tum dicta (507. 508.) adhibendo.

Ubi autem cancer, pellibus suis ruptis, exulceratur, tristissimum exhibet Medenis spectaculum; atque adeo sæpe horrendum, ut viderim intrepidus, & longo Artis usu duratos, Chirurgo vix sustinuisse, ut siccis oculis luctuosissima hæc mala tractarent. Abominabilis enim fœtor, retorrida illa labia, & certa curæ desperatio, movent etiam tales, qui inter crudelissimas operationes nullis ægrorum ejulatibus turbantur. Quamvis enim quisque, ut puto, pretio redimere vellet, ne hæc calamitatum spectator esset, jubet tamen proximi commiseratio, ut miseros derelinquendo non reddamus miseros, & conemur saltem lenire incurabile malum.

Acerrimus ichor, quotidie malignior, &, uti optime dixerat *Actius* (vide §. 499.), omni ferarum veneno deterior, rodit dolentissimam cancri superficiem, si diu ibi relinquitur, & defluens inde vicina omnia exedit. Unde sæpius de die mundari debet locus affectus, & vicina omnia vel unguentis mollissimis, vel emplastris plumbatis, defendi debent, ne à depluente sanie erodantur. Omnium optimum est, si quater ad minimum intra 24 horas mollissimis plumaceolis, leviter tepefactis, absorbeatur collectum virus; deinde tota superficies cancri exulcerati tegatur similibus plumaceolis, sed leviter unguento nutrito, sine corpore dicto in *Officina*, ex aceto lithargyrii & oleo simul mistis composito, obductis: sicca enim plumaceola, quamvis optime imbiberent exsudantem ichorem, adhærescerent ulceri, postea, his avulsis, acerrimus dolor fieret. Sic liber aeris accessus cavetur, impeditur exsiccatio, & aceti vis putredinis resistit; cujus tamen acrimonia plumbo addito mitigatur. Pinguia omnia nocere observata sunt, dum imperpirabile ulcus reddunt, sicque saniei liberum exitum impediunt. His plumaceolis deinde superimponitur emplastrum dipompholygos, sed foraminibus

exfectis in tota ejus superficie, ut sanies libere possit exire, deinde his foraminibus lineæ carptæ sicca applicantur, ut imbibant exsudantem ichorem. Lenissimâ fasciæ applicatæ circumductione torus hic apparatus retinetur; validior enim pressio loci affecti exasperaret statim omnia mala.

Cùm autem & pessima putredo cancrum exulceratum comitari soleat, & huic occurrendum est, quantum fieri poterit. Acetum, sal marinum, gemmæ, &c., efficacissimè quidem omnem putredinem domant; sed ab omnibus acribus pessimè irritatur cancer ulceratus. Narrat *Hildanus* (a), quòd Chirurgus mammæ cancrofæ applicuerit unguentum *Ægyptiacum*, ut foetorem emendaret, & fungosam cancri luxuriam compesceret; verùm adeo inde irritabatur malum, ut brevi temporis spatio ad costas usque tota mamma eroderetur. Unde apparet, quantâ hic prudentiâ opus sit. Omnia autem hæc adeo diluta applicanda sunt cancro ulcerato, ut suâ acrimoniâ nocere nequeant. Acetum vigecuplo aquæ dilutum, addito salis marini, pauculo, ferri poterit, multumque proderit, si singulis vicibus, dum mundatur locus, tota superficies tepido tali liquido abluatur. Spiritus salis marini, cùm adeo efficaciter omni putredini resistat, summi pariter usûs erit; modò tantâ copiâ aquæ diluatur, ut oculo instillatum hoc liquidum vix dolorem faciat. Cancrum exulceratum mammæ in paupercula muliere, cæteroquin sanissima, per quindecim menses potui hujus remedii usu sic sustinere, ut vix in deterius vergeret, imò in marginibus aliquod suppurationis vestigium vidi, quâ fungosæ molis pars quædam separata cadebat, fundo facis puto apparente. Magnâ tamen spe, quam conceperam, excidi postea, dum, auctâ malignitate, leni hoc auxilio putredinem cohibere amplius non potui, & acrioribus remediis illico exasperaretur malum: unde & hæc misera, postquam per biennium cancrum exulceratum gesserat, periit. Fatetur ingenuè *Hildanus* (b) se fallaci spe delusum fuisse, dum cancrum linguae ulceratum tractaret variis remediis, & quidem tam pulchro cum successu, ut non tantùm quotidie mitesceret atrox malum, verùm etiam, post validam hæmorrhagiam, & copiosum saniei cadaverosæ effluxum, omnis tumor evanesceret, ac malignitate extinctâ ulcus laudabilem saniem funderet, & caro, non livida, sed rubella & sana sensum succresceret, ita ut jam ferè cicatrice obducendus videretur locus, solâ tantùm parvâ rimulâ relicta. Cùm omnia jam in vado esse crederet, scrophulosus tumor, sub maxilla inferiore latens, auctus quotidie, labæ suâ linguam denuo infecit, quæ adeo paucorum dierum spatio intumuit, ut totum oris cavum imple-ret non tantùm, sed, & ultra dentes promineret adeo, ut ante mortem horrendo spectaculo viderit *Hildanus*, superiores dentes per excfam linguam inferioribus conjunctos fuisse. Docent tristissimî hi casus, quàm terribile malum sit cancer exulceratus, post fallaces inducias tantò acerbius furens. Fortè tamen & inde aliqua spes affulget, non penitus impossibilem esse cancri separationem à partibus sanis; licèt hæcenus ignotetur, quâ methodo, quibûsve remediis hoc fieri possit. Quàm felix ille, qui hoc inveniret! Quantâ poenâ dignus, qui inventum celaret, turpis lucri causâ!

Possent jam his remediis quæ putredini resistunt, cum fructu addi talia, quæ urentem dolorem narcotici suâ vi lenire valent, etiam dum externè applicantur.

(a) Observat. Chirurg. Cent. III. Observ. | (b) Ibid. Observ. LXXXIV. pag. 265. LXXXVI. pag. 267.

Solani succum laudat *Galenus* (a); cicutam, phellandrium; alii *Ægineta* (b) pariter, ut dolorem tolleret in canceris ulceratis, jubet solani succum molli linteo duplicato exceptum applicari loco affecto, & extrinsecus lanam molliissimam eodem succo madidam, circumponi, cavendo ne siccescant. Varia fomenta similia possunt parari ex hyoscyami, cynoglossæ, papaveris foliis, aquæ infusis, addito aceto & sale, sed parca quantitate, ne suâ acrimoniâ dolores augeant, & exasperent adeo faciliè irritabile malum. Ad eisdem usus opii aliquot grana similibus tomentis misceruntur.

In victu molliissima tantùm conveniunt olera, jussula carniū, lacticiā; vitanda omnia, quæ difficilius digeruntur, vel acrimoniâ suâ nocere possent; ut dictum fuit ad §. 507. Largus usus infusi florum sambuci & papaveris rhododæ plurimum prodesse solet.

§. 510. **EXSTIRPATIO** fit, 1. Corpus victu, medicamentisque refocillantis, & causæ adversis præparando. 2. Totum simul & semel cum omni radice filo trajecto, vel furcillâ suffixâ elevatum excindendo, vel detectum incisus integumentis, filo trajecto attolendo; & deinde prudenter separando. 3. Vulnus rarâ, blandâque obligatione curando, cruore prudenter prius evacuato.

Si cancer exulceratus in tali corporis loco hæret, ad quem manibus Chirurgi accessus datur, neque partibus vicinis adhuc accrevit, nec in aliis locis scirrhi deprehendantur, qui tolli nequeunt; nullâque suspicio sit, in internis corporis partibus latere simile malum; tollendus est quantocyus, ne diutius relictus auctâ malignitate plûs noceat, aut vicinas glandulas inficiat. Sequentia autem in canceri exstirpatione observanda erunt.

1. Cùm sæpe crudelis hæc operatio sit, & ablato cancro aliquando latum vulnus supersit, præstat prius blandissimis alimentis corpus replere, & gratis cardiacas, neque tamen admodum moventibus, erigere vires dolore, metu, vigiliis prostratas: sic enim postea felicior consolidatio facti vulneris sequetur. Simul attendendum est, talia debere dari, quæ canceri causæ cognitæ adversa sunt. Si v. gr; putridus scorbutus in corpore prædominans benignum scirrhum in cancerum exulceratum mutaverit, cærealia omnia, fructus horzi molliissimi, vel & leviter acidi, conducunt si atrabilaria temperies peccaverit, mel, gramineæ fucci, unâ cum prioribus convenient. Si autem signa docuerint, acidum austerum in corpore prædominari, carniū jussula, pingua molliissima, &c, dari debent. Cùm autem cancer ex sua natura in pessimam putredinem vergat, plerumque aëscencia sola tantùm exhibentur. Verùm sæpe urget mali atrocitas, neque datur tempus corrigendi cognitam humorum acrimoniā ante exstirpationem, cùm metus sit, ne ulceratus cancer vicina inficiat loca, vel malignas radices in profundum dimittat, siquæ impossibilem exstirpationem reddat: unde tunc

(a) Lib. II. Method. Med. ad Glaucon. cap. | (b) ibi. IV. cap. xxvi. pag. 66.  
XII. Charter. Tom. X. pag. 390.  
Tom. I.

præstat statim cancerum rescindere, & deinde idoneo viâ, debitisque remediis, cognitam humorum cacochymiam emendare.

2. Funestam adeo prognosim canceri dedit *Celsus* (a), ut solam ferè curam palliativam admiserit. Excisum enim cancerum tamen reverti & occidere dixit. Innumeris autem Observationibus constat, cancerum, si totus simul & semel cum omni sua radice tollatur, tutò exstirpari, & absque recidiva (b). Ubi verò vel minima ejus particula relinquitur, tunc malignius repullulat. De variis autem methodis, quæ ad exstirpationem canceri proponuntur, dictum fuit in *Commentariis* §. 490. n°. 2, ubi de scirrhi ablatione agebatur.

3. Cum vasa sanguifera vicina cancro tumeant, & atro crasso sanguine soleant distendi (vide §. 497.), videtur optimum fore, ut, resecto cancro, sanguis ille, qui in his vasibus sæpe diu stagnavit, effluere permittatur, neque statim sistatur hæmorrhagia; justus enim metus adest, ne fortè ille sanguis in canceri vicinia aliquid maligni contraxerit, ex quo deinde in aliis corporis locis simile malum recrudesce-ret. Dictum enim fuit §. 499, cancerum exulceratum in glandulis communicantibus, propagatâ labe, cancrum occultos excitare. Neque multùm mali inde fiet ægris, si aliquot uncie sanguinis sic effluerint. Majoris cautelæ gratiâ voluit *Paræus* (c), premendas undique esse venas varicofas atro sanguine distentas, ut penitus evacuarentur; deinde cauterio actuali utebatur, partim ut hæmorrhagiam compesceret, partim etiam ut latentes fortè mali reliquias destrueret penitus. Crudelis hæc methodus sanguinem cauteriis sistendi obsolevit ferè, cum mitioribus remediis hoc tutò fieri possit: & si integre resectus fuerit cancer, non opus erit crudum vulnus adurere, ut ejus reliquie tollantur. Dictum tamen fuit antea in *Commentariis* §. 504, *Ruyfchium* in lingua renatum denuo post extirpationem cancerum ferro sustulisse, & dein cauteriis adussisse locum, felici cum eventu.

Ablato cancro vulnus crudum adest, latum scilicet, si major cancer cum omnibus integumentis simul & semel resectus sit: si verò enucleando ablatus fuit, minus vulnus erit, & citius curabitur, uti in scirrhi Historia §. 490. n°. 2, dictum fuit. Rara deligatio convenit ideo, ne nimia puris copia subducatur necessarium corpori nutrimentum, sicque marasmo pereant ægri: simulque cavendum, ne pus nimis diu relictum in tanti vulneris superficie, venulis resorptum, purulentâ cacochymia sanguinem inficiat, unde iterum pessima fierent mala: cum autem multùm sic de corporis substantia perditum fuerit, omnia illa observari debent, quæ in vulnere, cum jactura substantiæ, curatione dicta fuerunt §. 189, & sequentibus. Inprimis autem blanda derersio loci, dum deligatur vulnus, necessaria erit, ne renascentium vasorum tenera pulpa rudiori tractatione destruat; uti pariter in vulnere curatione dictum fuit.

§. 511. **HIS** actis (§. 510), diu pergendum in viâ & medelâ cancro adhuc præfenti propriâ; quin & patet, quæ mala à cancro in loco exstirpationem rehuentē prodire queant.

Cum autem Medentibus nihil turpius, ægris nihil calamitosius, accidere possit

(a) *Medecin. Lib. V. cap. XXVII. pag. 318. Observ. LXXXVII. pag. 270.*

(b) *Hildan. Obser. v. Chirurg. Cent. III. | (c) Livre VII. chap. XXXI. pag. 180.*

quàm si post crudelem operationem toleratam in aliis locis corporis simile renascetur malum; diu adhuc pergendum erit in victu & medela, quæ causis cancri adversa cognoscuntur: præcipuè si ab internis causis cancer extirpatus originem suam duxerit. Ubi enim ab externa causa, contusione v. gr; in corpore sano cancer natus fuerit, post ejus ablationem vix adest recidivæ periculum. Præstat certè nimia hic attentio, quàm secuta nimis oliscantia; facilèque ab ægris, semel dirum hunc morbum expertis, scrupulosa etiam præscriptorum Medicorum Observatio impetratur. Illa ergo omnia, quæ §. 507. n<sup>o</sup>. 2. 3. 4. dicta fuerunt, diu adhuc erunt continuanda. Cùm autem ex illis, quæ dicta sunt ad §. 484, & 496, patuerit, etiam in partibus internis corporis aliquando scirrhus & cancos deprehensos fuisse, apparet satis, quàm horrenda mala sequi debeant, dum rodens sanies ex cancrolo ulcere depluens viscera depascitur. Plurimorum, & quidem pertinacissimorum, morborum chronicorum origo à scirrhis viscera obsidentibus sæpe pendet; constititque Observationibus Medicis, in scirrhis & cancri Historia memoratis, enormes dolores, mirabiles viscerum erosiones, tandèmq; post acerbissima tormenta, subitam mortem à cancro, interna corporis depascente, ortam fuisse.

## DE MORBIS OSSIUM.

§. 512. **I**PSA ossa morbos patiuntur similes iis, quos hæctenus in mollioribus partibus descripsimus.

Antequam de morbis internis dicetur, ultimum superest capitulum, in quo de ossium morbis agitur. Utilissima erit & horum morborum pertractatio, ut postea plurima intelligi melius possint, quæ in lue venerea, rachitide, scorbuto observantur.

Ossa, quæ merito (a) & durissima, & aridissima partes animalis, & . . . maxima terrestres & à Galeno dicuntur, & fulciendis ac stabiliendis reliquis inserviunt; similes morbos pati, ac partes corporis molliores, mirum fortè videbitur: verissimum tamen hoc esse patebit ex sequentibus.

Ossa omnia quondam mollia fuerunt; totum enim hominis rudimentum primis à conceptu diebus, nisi æquabili ambientis fluidi pressione sustineatur, informis mucis specie dissolvitur; & hoc in generatione pulli ex ovo per immortalia Malpighii Observata constitit. Sed & in homine jam nato plurimæ partes membranaceæ & molles inventiuntur, quæ postea in solidissima ossa mutantur. Docent hoc inprimis capitis ossa, quæ adhuc satis diu membranæ naturam retinent loco illo in capitis vertice, Fontanellæ dicto, qui ad octavum ætatis annum, & seriùs adhuc, in quibusdam hominibus membranaceus & mollis manet. Imò, quod mirabilius est, durissimi postea futuri dentes, dum

(a) Libr. de Ossib. in Proëmjo, Charter. Tom. IV. pag. 2.

in recens nati mandibulis latent, mollem mucum, innumeris vasculis irrigarum, referunt. In prima ergo sua origine mollia ossa cum fuerint, omnes morbos mollium partium pati potuerunt, saltem antequam induruerint. Postquam aurem illam soliditatem acquisiverunt, quæ requiritur, ut destinatis in corpore humano inserviant usibus, non ramen omnino dura & arida sunt, prout in sceletis conspiciuntur, sed succulenta, & pluribus adhuc vasis irrigata, quæ & per ipsam ossis substantiam, & in cava illorum, liquores deducunt. Unde ratione horum vasorum continentium, & fluidorum contentorum, omnia eadem mala ossibus accidere poterunt, quæ in partibus mollioribus observantur: simulque parer, in illa inprimis ætate ossa his morbis magis obnoxia esse, quàm mollioribus partibus magis suâ naturâ accedunt, id est, in junioribus; quod & quotidiana observata testantur. Unde & spina ventosa, uti postea patèbit, ferè tantùm in junioribus deprehenditur. In decrepita senectute arida & exsucca facta à levibus etiam causis franguntur; sed aliis ossium morbis minùs affici solent.

Docuerunt præterea Observationes fidelissimæ, per morbos ossa sic mutata fuisse, ut amisâ soliditate naturali carniū molliem acquisiverint. Refert *Pettitus* (a) quodd, aperto abscessu circa femoris cum coxa articulum nato, invenit femoris ossis caput, & ossis ischii cavum, colore & consistentiâ carnem omnino referentia, sed mole multùm aucta, atque adeo mollia, ut à levi etiam attractu sanguinem funderent: dictique egregius ille Vir, quodd sæpius similem ossium degenerationem in mollem & carnosam substantiam viderit. Ex quibus omnibus satis patet, mollium partium morbos etiam in ossibus obtinere posse; quod adhuc magis confirmabitur ex illis, quæ Anatome in ossium fabrica detexit.

§. 513. **N**AM interstitia horum vestiuntur membranulâ eodem vasorum genere instructâ, iisdem liquoribus perpetuò allatis humectata, ac illæ.

Demonstraverunt celeberrimi Anatomici (b) *Clopto Haversius* & (c) *Dominicus Gagliardus*, ossa corporis humani constare lamellis sibi mutuo applicatis; sic tamen ut non semper & ubique arctissimè uniantur, sed inter illas relinquantur interstitia, per quæ vasa satis numerosa decurrunt. Omnium pulcherrimè hoc apparet in ossibus cavis majoribus, uti v. gr; in osse femoris, humeri, tibiæ, &c. In medio enim loco horum ossium lamellæ arctissimè unitæ apparent, & firmissima ossis compages ibi deprehenditur: ubi verò à medio ossis utrinque versus ejus extrema lamellæ ossæ pergunt, incipiunt internæ lamellæ secedere ab incumbentibus, atque notabile interstitium relinquunt. Quò magis autem pergitur versus extrema, eò plures lamellæ secedunt, donec tandem in extremis hujus ossis tenuis tantùm crusta ossea superfit, quæ tegit & defendit mirabilem illam cellulosam fabricam quæ in ossibus majori-

(a) *Traité des Maladies des Os* Liv. I. chap. xi. pag. 319.

(b) *Observat. de Ossib.* *Sergis*, l. cap. iv.

§. xxv. & sequent.

(c) *Anatom. Ossium* pag. 204.

bus circa illorum extremitates observatur. Dum enim secedunt per omnem ambitum cavi ossis lamellæ à se mutuo, angustatur ossis cavum, tandemque in extremitatibus nullum fit, toto hoc spatio repleto cellulari ossæ fabricâ. Nam inter secedentes lamellas ossæ ubique ossæ propagines emergunt tenues, quæ separatim lamellas inter se uniunt, & in situ quasi retinent; simulque relicta interstitia in minores cancellos subdividunt. In ossibus verò minoribus, quæ magnum cavum non habent, uti v. gr. in phalangis digitorum, non apparet illa unio & concretio laminarum in medio, sed plurimæ laminæ ex interioribus totâ suâ longitudine distant ab incumbētibus, & cancellos tales ossæ non tantum versus extrema, ut in majoribus ossibus observatur, sed ubique formant. Unde etiam apparet ratio, quare longè debiliora sint hæc ossa, cum robur ab unitis & concretis plurimis lamellis ossis pendeat. In cranio similes lamellæ ossæ observantur, quæ sibi mutuo incumbentes calvarie ollam constituunt; & manifesta inter has interstitia in quibusdam calvariis observare licet.

Interstitia hæc inter has lamellas secedentes relicta vestiuntur suis membranulis quas plurima vasa percrepant. Docuit hoc injectionibus suis *Ruychius*: & in recens mactatorum animalium ossibus majoribus, absque ullo artificio adhibito, hujus rei veritas apparet: adeoque non mirum est, ossa partium mollium morbos pati, cum & simile vasorum genus, & eosdem liquores, habeant.

Ossium autem hæc ex lamellis sibi mutuo accumbentibus fabrica pulcherrimè respondet illis, quæ in morbis quandoque observantur. Dicitum fuit in vulnere capitis Historia §. 249, si, pericranio læso, diu nudatum fuerit os, illud colorem suum mutare, & tandem squamam corruptam separari ab ostesupposito sano. Dùmque pulcherrimâ Arte minimis terebris (vide §. 252.) pertunditur locus affectus in osse, per hæc foraminula emergunt viva vasa supposita, & separant corruptum, & deinde retexunt perditam ossis substantiam, novumque periosteum formant, simili modo ac in partibus mollibus perditâ per vulnus substantia recrefcit. Constat autem Observationibus ibidem memoratis, non requiri ad hanc rem, ut ad diploen usque perterebretur locus affectus (ibi enim vasa esse nemo negabit), verum in minoribus malis sufficere lævissimam terebrationem, & tamen vascula per hæc foraminula emergere. Manifestum ex his ergo est, inter ossium calvarie lamellas decurrere vascula, quæ corrupti ossis tegmine libera citò satis emergunt. *Celsus* de viriatis ossibus curandis agens jam dixerat, (a) *Oportet autem ante omnia os nudare, ulcere exciso, & si latius est ejus vitium, quàm ulcus fuit, carnem subsecare, donec undique os integrum patefiat: tum id, quod pingue est, semel iterumve satis est admoto ferramento adurere, ut ex eo squama secedat, aut radere, donec jam aliquid cruoris ostendatur, quæ integri ossis nota est. Nam necesse est aridum sit id, quod vitiatum est.*

§. 514. **E**T prout hæc spatiola (§. 513) majora, eò os ibi propriùs accedit structuræ partis molli.

Cum enim interstitia hæc inter secedentes lamellas relicta membranulas habeant

(a) Medicinæ, Lib. VIII, cap. II, pag. 508.

vasculis irrigatas, quod ampliora fuerint hæc spatiola, eò major aderit horum vasculorum numerus; adeoque os illo loco quàm proximè ad partium mollium structuram accedet.

§. 515. **I**DEOQUE aptius ibi (§14) pati eos morbos, qui aliter molles partes occupare dicuntur.

Ex antè dictis hoc satis patet. Adfunt enim hîc vasa, & humores, æquè ac in partibus mollibus propriè dictis. Omnia ergo quæ in præcedentibus de nimis debili, vel & nimia firmitate vasorum dicta fuerunt, omnèsq; spontaneæ humorum degeneraciones, pariter hîc locum habere poterunt. Poterit humorum motus per hæc vasa nimis incitari, vel nimis tardus esse. Obstructio, solutio continui, inflammatio, & omnes ejus sequelæ pariter ob eandem rationem æquè in ossibus, quàm in partibus mollibus, adesse poterunt.

§. 516. **T**ALIS est latior circa juncturas pars, quum densior; minùsq; vasculosa sit in osse medio.

Dictum fuit in *Commentariis* §. 513, lamellas, ex quibus ossa majora corporis constant, in medio ossis arctissimè sibi mutud uniri, & vix ulla interstitia relinquere; hinc maxima erit illo in loco ossis soliditas, simulque vel nulla, vel paucissima tantum & minima, vasa inter has lamellas decurrere poterunt. Cum autem versus extrema sensim magis magisque à se mutud recedant lamellæ, & spatiola inter has media augeantur, latefcet os circa juncturas, sed simul debilius erit, & faciliùs lædi poterit, quia crusta illa ossea externa, ex unitis inter se lamellis ossis facta, ibi tenuissima est. Dixit *Cloptus Haversius* (a) quod observaverit in osse femoris, latera ejus in medio osse, antequam ullæ lamellæ secesserant, quintuplò crassiora esse, quàm in capite ejusdem ossis. Verùm in simili femoris osse, quod tædiolæ Arte præparatum possideo, inveni latera in medio vigecuplò crassiora esse ad minimum tenui illà crustâ ossèâ, quâ caput ossis femoris, & trochanter major, & inferior ejus pars tibiz articulata, teguntur; adeoque, patet, quare versus juncturas os partium mollium morbos frequentius patiatur. Unde etiam in fracturis longè pejora mala metuuntur, si circa latiorè ossium partem prope juncturas fuerint, ob vasorum numerosorum læsionem, & liquidorum effusionem & corruptionem, uti in *Commentariis* §. 342, 343, dictum fuit. Requirebatur autem major firmitas in mediis ossibus; quàm versus extrema; quia, dum v. gr; totum corporis pondus ossi femoris inniditur, maxima vis in medium os agit. Simulque arctissimè hîc unitis lamellis cavum nascitur medullæ locandæ inserviens, acque etiam augetur ossis robur: demonstraverunt enim Mechanici, cylindrum cavum difficiliùs frangi cylindro solido, in quo eadem materiz quantitas est (b).

(a) Observat. de Ossib. Serm. I. cap. IV. §. 5. p. 157.

(b) Académ. des Sciences l'an 1705. Hist. pag. 158.



§. 517. **HINC** (514. 515. 516.) prima morborum in ossibus distinctio.

Ut aliquid distincti in morbis ossium tradendis habeatur, necessarium erit illos in quasdam classes disponere, prout variz partes ossium fabricam constituentes affectus sunt: diversi enim penitus horum morborum erunt effectus; & alia requiratur curatio, prout hæc illæ partes laborant. Prima autem horum morborum divisio desumitur, à loco quem occupant, in ossibus scilicet majoribus articulis: prout nempe vel in media, solidissimâ horum ossium parte, vel circa extrema hærent; ubi crassiora quidem sunt hæc ossa, sed minùs firma, & cellulosa fabricâ constant.

§. 518. **OSSA**, præter vasa mollibus communia (513) partibus, in suis cellulis latioribus (516) habent vesiculas oleo subveli medulloso, ibi secreto, & in suos usus asservato, plenas, hæc vesiculæ, majores circa juncturas, circa densitatem ossis sensim abolentur, & in canales pingue vehentes tenuissimos versæ, evanescent ferè.

Cùm ergo ossa in parte sua latiori circa juncturas magis accedunt ad structuram partium mollium, poterunt imprimis in illis locis omnes morbos in partibus mollibus observatos pati. Sed præterea in ossibus aliud quid obtinet, unde pessimorum in his morborum origo sæpe pendet. Oleum enim medullosum satis tenue in cellulosa hac ossium parte hæret, à sanguine arterioso secretum, in vesiculas collectum, quæ & cum se mutuo, & toto systemate medulloso in majori ossium cavo hærente, communicant; & per poros cartilaginum, quibus extrema ossium articulatorum incrustantur, transsudent in articulorum cava, ut unâ cum glutinoso glandularum hîc positarum humore faciant linimentum, quo mobiles articuli inunguntur (vide *Commentaria* §. 362.). Præterea & hæc vesiculæ medullose, inter secedentes lamellas osseas locatæ, videntur etiam his lamellis osseis largiri medullaris olei partem, quâ ossium nimia fragilitas cavetur. Ut enim patebit postea in *Commentariis* §. 524, in illis locis, ubi lamellæ ossis arctissimè uniuntur, per poros his incisulptos ingreditur oleum medullare, & inter lamellas sibi mutuo incumbentes distribuitur; cùm in solidissima & media ossium parte non detur adeo locus inter lamellas osseas, ubi vesiculæ medullose locari possent. Duplicem ergo usum videtur habere medullosum oleum, his folliculis, in cellulosa ossium parte locatis, contentum: lubricare nempe articulos, & inter lamellas osseas se diffundere, ut ossium nimia ariditas præcaveatur. Unde etiam, dum vel per morbos; vel in decrepita senectute, deficit illud oleum medullare, articuli difficiliùs moventur & crepitant; atque ossa, non ampliùs hoc oleo inuncta, à levi etiam vi franguntur.

Quantâ autem copiâ olei medullaris in cavernosa hac ossium parte contineatur, patet in ossibus bovinis cæcis: postquam enim omnis medulla, majori

horum ossium cavo contenta, educta sunt, si findantur horum ossium extrema, vel malleo percutiantur, magna adhuc copia tenuis olei medullofi exir. De fabrica horum folliculorum, medullosum oleum continentium, postea §. 524, dicitur, cum similes omnino sint, ac illi, qui medullam in majorum ossium medio cavo hærentem constituunt; solaque differentia sit, quod in cavernosa ossium parte pauci folliculi simul, vel fortè & singuli tantum in minoribus cancellis, hæreant; cum medulla congeries sit plurimorum talium folliculorum, una communi membranâ comprehensorum. Ubi jam major distantia est inter secedentes ossis lamellas, patet faciliè, plures folliculos tales locari posse; in illis verbò locis, ubi contigæ sunt hæ lamellæ, vel saltem quàm minimùm à se mutuo distant, nulli tales aderunt; sed vel per tenuissimos canales ex his folliculis propagatos distribuetur inter lamellas oleum illud tenue, vel per poros illos (de quibus postea dicitur) lamellarum ossæarum idem illud oleum ingreditur,

### §. 519. HINC (§18) altera morborum in ossibus classis.

Nova hinc morborum in ossibus origo, quatenus nempe folliculi illi medullare oleum tenuissimum continentes afficiuntur, unde olei illius pessima corruptela; & plurima mala fient, quæ postea §. 526, enumerabuntur.

§. 520. HABENT ossa periosseum externum convexa ambiens; tegens, vasa arteriosa in cellulas, in que medullam ferens, venosa excipiens, magna, parva, numero infinita.

Demonstravit *Clopto Haversius* (a), omnia corporis ossa tegi tenui membranâ, pellucidâ ferè, & acutissimi sensûs, quæ variis fibrarum stratis, sibi mutuo incumbentibus, non verbò intertextis, constat. Fibræ hæc parallelo ductu ad se mutuo, & secundùm ossium longitudinem, decurrunt. In quibusdam locis crassior hæc membrana apparet, & febris se mutuo decussantibus vario ordine constare videtur; verùm hoc fit à musculis, illorûmve tendinibus, supra periosseum decurrentibus, antequam ossibus inseruntur. Observavit præterea, periosseum supra ossa decurrens illa deferere illis in locis, ubi ligamenta, ossa articulata necessaria, oriuntur, & hæc ligamenta superficandere; atque ad vicinum os pergere; ut alia occasione in *Commentariis* §. 343, dictum fuit. Unde credidit, periosseum tantum esse continuationem unius ejusdemque membranæ, quæ à dura matre originem ducens, cranium investit, & deinde supra omnium reliquorum ossium superficiem extenditur. Membrana hæc, supra ossa expansa, illorum cavitatibus & eminentiis variis perfectissimè se accommodat, adeoque omnem illorum superficiem tegit. Illa verbò pars ossium articularum, quæ ligamentis, capsulam articularem constituentibus, continetur, periosseo destituitur; cum, uti modò dictum fuit, in his locis ossa deferat, & supra ligamenta pergat. Nihil ergo ad ossa venire, neque ali-

(a) Observat. de Ossib. Serm. I. cap. III. §. XI. & sequ.

quid inde redire potest, nisi periostei ope. Omnes ergo arteriæ, quæ pro nutritione & incremento ad ossa veniunt, vel & in cellulosam illarum fabricam penetrant, aut per distincta foramina ad medullam in majorum ossium medio cavo collectam feruntur, prius per periosteum transeunt: pariterque venulæ residuum sanguinem revehentes in periosteum ordinantur. Unde hæc membrana tota vasculosa est, uti Arte suâ pulcherrimè demonstravit *Ruychius* (a), atque vasorum ramulis, ex periosteio in os pergentibus, venulisque inde redeuntibus, omni serè in puncto ossi nectitur, atque ideo firmissimè adhæret, imprimis in junioribus. In decrepita enim senectute, plurimis vasis jam abolitis, laxius ossi adhærere periosteum observatur. *Cloptus Haversius*, qui pulcherrima sua de ossibus Observata scripsit, anæquam *Ruychii* inventa orbi erudito innotuerant, firmam illam (b) periostei cum ossibus cohesionem miratus, credidit hanc membranam ossibus firmissimè accrescere illo ætatis tempore (c) quando adhuc mollia & glutinosa quasi erant: viderat tamen egregius ille Vir (d) minimis fibrillis, ex periosteio in ipsam ossis substantiam emissis, illud ossi uniri: constitit autem postea *Ruychianis* injectionibus, fibrillas illas esse vascula ex periosteio in os tendentia, atque numero serè infinita. Neque tantum majoribus ossibus vasculosum periosteum imponitur; verum etiam & exiguis adeo auditus ossiculis, quæ periosteio carere magni in Arte Viri dixerant, similis membranula tenerrima datur; & internam tympani cavitatem suo etiam periosteio tegi, vasculis innumeris prædita, invenit *Ruychius*, & figuris expressit. (e).

### §. 521. HINC (250) iterum morborum tertia series in ossibus 4

Quæcumque ergo causa liberum humorum per vasa periostei transitum in os; vel eorum reditum ex osse in periosteum impediverit, poterit in ipso osse morbos facere, licet causa horum morborum prima & efficiens non in ipsa propriè dicta ossis substantia, sed tantum in periosteio, hæserit. Ratio ex illis, quæ præcedenti paragra-pho dicta fuerunt, facillè patet. Unde iterum nova morborum in ossibus classis habetur.

### §. 522. HABENT ossa periosteum internum cava medullæ receptacula ambiens, tegens; vasa arteriosa in vesiculas medullo-sas distribuens; venosa excipiens magna, parva, numero infinita.

Periosteum illud internum non adeo facillè demonstratur, quàm periosteum externum: talis tamen membranula adesse videtur, sed tenerrima, cum duro ossis tegmine tutissimè defendatur. Cranium dura mater investit, periostei interni munere fungens; sed cum hæc membrana vaginas emitit, quibus ex medulla oblongata & spinali egressi nervi tuto defenduntur, crassior & densior ejus fabrica requirebatur. In cavis ossibus majoribus ab omni externa injuria

(a) *Adversar.* Decad. 3. Tab. II. fig. 8.

(b) *Observat.* de ossib. Sermon. I. cap. III. §. XVII. & seq.

(c) *Ibid.* §. XIX. Tom. I.

(d) *Ibid.* §. XX.

(e) *Epistol.* Anasom. VIII. pag. 10, & 11; Tab. IX. fig. 1. & X.

defensa hæc membrana, tantùmque tegendæ internæ ossium superficiæ & recipiendis vasis interveniens, non requirebat tantam firmitatem & robur; adeoque ob summam illam tenuitatem difficiliùs detegitur. In Ossibus illis, quorum interior superficies tota cellulosa est, talis continua membrana non faciliè invenitur, cum adeo intricata hæc fabrica sit; uti etiam in ossibus majoribus circa extrema, ubi fecedentes lamellæ ossæ mirabilem illam spongiosam substantiam faciunt. Sed hæc membrana imprimis adesse debet in illa parte majorum ossium, quæ arcuè unitis lamellis ossis solidissima est, & magnum cavum in medio habet, in quo medulla locatur. Monuerat Ruyschius, Anatomicos sæpe nimis liberaliter loqui (a) *de membrana, quam putant ipsam medullam ambire*; dixitque, in ossibus, quorum tota cavitas plena est substantiâ osseo-spongiosa, aut osseo-filamentosa, non inveniri unam communem medullæ membranam; nec mirum, cum tunc non collecta, sed per cancellos illos dispersa hæreat medulla. Alibi tamen ossis humeri ex puerulo, bisariam secundum longitudinem divisi, fabricam sic describit, atque etiam figurâ expressit: (b) *Substantia interior, quæ osseo-spongiosa, medullosa liquore imbuta, & membranulâ adeo tenui obfusa, ut telam araneam adæquet. Hæc autem superbit arteriis repletis, & exinde rubedine prædita.* Et in eodem Thesaurò describit (c) *portionem ossis femoris ex infante, serrâ divisam, in cujus cavo non solum visui occurrunt membranula instar telæ araneæ tenuis, quæ medullam ambi; verum etiam arteriolæ per illam dispersæ.* Ex quibus satis apparet, teneram talem membranulam in cavis ossium internis hæere. Fortè tamen dubium videri posset, an hæc membranula pertineat ad medullam, an verò ossis internum sit periosteum; vel denique an eadem membranula utroque fungeretur munere. Sed si considerentur illa, quæ Clopio Haversius de medullæ structura habet, videbitur admodum probabile esse, hanc membranulam à medulla distinctam esse. Dicit enim, (d) totam medullæ collectæ molem tegi tenuissimâ & pellucidâ membranulâ, quæ in pluribus locis colorata apparet, ac si à sanguineis vasculis, per suam fabricam dispersis, ruberet. Ubi autem hanc membranulam à medulla, parum majorem consistentiam habente, cautè separabat, vidit sæpius vascula per medullæ superficiem decurrentia integerrima mansisse; certissimùmque se esse dicit, hæc vascula ad membranam illam incumbentem, nunc separatam, non pertinuisse: statimque postea dicit, quòd (e) hæc membrana ossi adhæreat, non tantum per exiguas venulas, verum etiam quòd se insinuet transversis poris, qui in interna ossis superficie reperiuntur. Ex qua descriptione patet, tenerissimam membranulam internæ ossium superficiæ necti, & sub hac vasa, procul dubio in alia membranula ordine disposita, per medullæ superficiem decurrere, adeoque distinctum foret internum illud periosteum à medulla ipsi contigua. Usus illius periostei foret ergo, non tantum vasa arteriosa in vesiculas medullosas distribuere, & venosa inde redeuntia recipere, verum etiam ipsius ossis vitæ & nutrimento, per vasa immixta in ossis substantiam, & inde recepta, prospicere. An hoc fortè docent mira Observata in morbis ossium? Describit Ruyschius, & figuram addidit ossis cubiti, carie exesi, (f) *in cujus cavo continetur fistula ossæ in*

(a) Adversar. Decad. III. pag. 31.

(b) Thesaur. X. Tab. III. fig. 11. pag. 39.

(c) N°. CLXXXII. pag. 37. &amp; tab. III. Fig. IV.

(d) Observat. de ossib. Serm. III. cap. 1.

§. CXIV.

(c) Ibid. §. CXXX.

(a) Thesaur. X. n°. CLXXVI. pag. 35. Tab. II. fig. 1.

*totum separata ab ossis cubiti exteriori substantia, ita ut undique mobilis esset.*  
Non adeo improbabile videtur, à vitio quodam in periosteo interno nato affectam fuisse ossis partem anteriorem, cui inprimis periosteum illud internum prospicit, & deinde partem ossis tubulatam interiori secessisse à reliqua ossis exteriori parte.

§. 523. **HINC** (522) quarta morborum in ossibus divisio.

Cùm hæc membranula vasculis constet, uti modò dictum fuit, poterunt obstructio, inflammatio, omnésque ejus sequelæ & hic locum habere; unde & os contiguum malè afficietur, & proximè supposita medulla pariter vitium contrahere poterit, de qua re statim dicetur.

§. 524. **HABENT** ossa in suis cavis infinitas vesiculas oleo subtili medullosas plenas, id asservantes, distribuentes & inter se mutuo & inter lamellarum interstitia, & in cava juncturarum, & per poros ductos. Hæ vesiculæ arterias, venas, lymphæ ductus, adipos ductus, nervulos, membranulas, habent.

Dictum fuit §. 518, de vesiculis oleo subtili medullosis plenis, quæ in cellulosa ossium parte circa juncturas hærent: hic autem agitur de medulla propriè dicta, quæ in majorum ossium cavo reconditur, & ex infinitis vesiculis simul collectis, & unâ communi membranâ inclusis, constat. Observaverat *Cloptus Haversius* (a), oleum medullosum non hærrere in cavo membranæ medullam ambientis effusum, sed in minimis vesiculis colligi, ex quarum adunatione fiunt lobuli majores, peculiari membranulâ vestiti; ex horum dein lobulorum unione tota medullæ massa, in majorum ossium cavis conspicua, componitur. Videntur autem minimæ illæ vesiculæ, oleum medullosum continentes, communicare inter se; uti pariter & lobuli, ex collectione harum vesicularum facti; unde oleum illud, & ad ipsius ossis substantiam, & ad cava juncturarum, venire poterit ex omnibus medullæ locis, etiam distitis. Dum enim talis lobuli medullaris membranam lædebat *Haversius*, vidit (b) non simul & semel, sed gradatim tantùm effluere oleum medullosum, sensimque tamen evacuari totum per lenem pressionem, quæ leviter comprimeret, nec frangeret tamen minimas illas vesiculas. Dum medullæ durioris partem igne liquabat, videbat (c) liquefactum pingue gradatim diffuere, lobulis & vesiculis vacuis remanentibus. Confirmatur hoc ulterius inde, quòd majori motu, & nutrimenti defectu, minuat medullæ quantitas; augetur verò quiete, & pleniori victu: quod pluribus Experimentis constitisse affirmat *Duverney* (d), qui & medullæ fabricam similem describit, ac modò dictum fuit. Oleum autem illud medullosum triplici modo videtur exire posse ex illis vesiculis, in quibus collectum hæret. Vel enim per vesiculas & lobulos communicantes versus extrema ossium derivatur, atque ibi per poros cartilaginum, quibus extrema ossium articularum inruunt, in articularum cavitates exsudat, (vide *Commentaria* §. 362.), ut expeditissimi motus fieri possent absque attritu & detritione ossium motorum: atque ideo etiam post validos motus medullæ co-

(a) Observat. de ossib. Ser. III. cap. I. §. cxxiv. & sequi.

(b) Ibid. §. cxxviii

(c) Ibid. §. cxxix.

(d) Académ. des Sciences l'an 1700, Mémoires, pag. 255.

pia minuitur. Vel fortè attenuatum hoc oleum venulas minimas absorbentes ingreditur, sanguisque miscetur: certè in morbis acutis videmus sæpe, paucorum dierum spatio omnem corporis pinguetudinem ferè consumi. Ultimò videtur & hoc oleum medullosum ipsam ossium substantiam ingredi, illisque conciliare debitam cohesionem & unctuositatem. Dum indagabat vias illas *Cloptio Haverfius* (a), quibus oleum medullosum ossium substantiæ se insinuat, invenit, internam ossium laminam numerosis foraminulis pertundi, per quæ tamen post sollicitum examen nulla vasa ad medullam tendere, vel ab illa redire, vidit. In proximè sequenti lamella ossea similes poros vidit, sed non incumbentes directè prioribus, verùm aliis locis positos, adeoque non poterit directà viâ ex foraminulis internæ lamellæ oleum medullosum ingredi sequentis lamellæ poros, sed debet illud oleum, postquam primam lamellam penetravit, inter hanc & secundam lamellam pergere, donec simili poro occurrat in hac lamella, quem ingreditur, atque inde inter secundam & tertiam lamellam iterum decurrat, donec & hujus poros ingreditur, sicque successivè inter lamellas ossis distribuatur, donec ad extimam illarum superficiem perveniat. Foraminula illa, quæ oleum medullare ingreditur, transversos poros vocavit Auctor; vias autem illas, secundum quas oleum illud transversis poris receptum inter lamellas osseas decurrit, antequam proximè sequentis laminæ poros transversos ingreditur, vocavit poros longitudinales; quia ductum fibrarum osseas lamellas constituentium sequuntur. Monuit simul idem Auctor (b), longitudinales illos poros difficilè detegi, neque absque optimorum microscopiorum ope, omnium tamen facillimè in costis; additque, quòd pulcherrimè illos distinguere potuerit in densissima scapulæ parte, ubi lamellæ osseæ immediatè cohærebant sibi mutuo; viditque medullam, hos poros longiusdinales ingressam, lateribus illorum instar olei adhærere. Quinimo testatur, quòd in osse humano, inter undecim vel duodecim distincta lamellarum ossearum strata, eisdem observare potuerit. Transversi ergo pori medullare oleum transmittunt tantum; longitudinales verbò illud inter lamellas deducunt; sicque lamellarum interstitia hoc oleo inunguntur. Illa autem olei medullaris per ossis substantiam distributio tantum obtinet illis in locis, ubi lamellæ osseæ sibi invicem contiguæ sunt; in illis verbò locis circa juncturas, ubi inter illas notabilis distantia est, locantur vesiculæ medullares §. 518, descriptæ, quæ oleum illud facillimè largiri poterunt.

Pulcherrimâ hæc structurâ oleum medullare æquabilissimè per ossium substantiam distribuitur, cùmque interna ossis lamella transmittere debeat illam copiam medullæ, quæ & propriis, & lamellarum omnium incumbentium, usibus inservire debet, hinc maximus in illa pororum transversorum numerus occurrit; minor in sequente; sensimque decrefcit, prout magis versus extimam ossis superficiem pergitur; quam rem sic se habere invenit idem Auctor. (c).

Siccissimæ sic atque aridissimæ maximèque terrestres totius corporis partes; ossa nempe (vide §. 512.) tenuissimo oleo irrigantur; fortèque ab hoc oleo terrestrium partium unio, tamquam ab interposito glutine, fit. Omni enim oleo, vi ignis expulso, ossa fragilia fiunt; atque eadem valido calcinata igne, dein

(a) Observat. de ossib. Serm. I. cap. IV. } (b) Ibid. §. XXXVII;  
§. XXXIV, & sequ. } (c) Ibid. §. XXXV.

oleo. immersa; novam itetum cohesionem acquirunt; uti in *Commentariis* §. 21, dictum fuit.

Patet inde, quare ossa, pingui sic undique penetrata oleo, luculentum igni pabulum dent; adeo ut, referente *Herodoto* (a), Scythæ, præ lignorum penuria, succensis ossibus carnem victimarum coquant; imò, si defuerint lebetes, omnes carnes hostiarum in alvos illarum injicientes admistâ aquâ, ossa succendant; sicque fiat, ut bos se ipsum excoquat. Simul apparet, quare nitidissima etiam scelera, quamvis perforatis ossibus majoribus omnis medulla inter coquendum effluerit, postea iterum flavescant; imò sæpe pingue oleum exsudent; sensum nempe oleo medullari, inter lamellas osseas distributo, versus ossium superficiem emergente.

A sanguine arterioso separatur oleum illud medullare, in vesiculis illis colligitur; & deinde ex his exit, ut destinatis à natura usibus inserviat. Observavit *Clopto Haversius* (b), arterias ad medullam tendentes penitus distinctas esse ab illis, quæ per ossium substantiam vitales humores deducunt, atque etiam per foramina singularia ossibus insculpta in medullam usque deferri; sic tamen (c) ut non rectè penetrent in ossium cava, sed obliquè decurrant per ossium substantiam, antequam ad medullam perveniant, & quidem satis notabili sæpe longitudine: vidit enim idem Auctor (d) talem arteriam per sesquipollicis spatium intra ossis substantiam decurrere, quamvis ossis crassities in hoc loco octavam pollicis partem vix excederet; neque tamen potuit detegere (e) quoddam talis arteria in toto hoc decursu aliquos ramulos per ossium substantiam dispergeret. Postquam hæc arteria in cavum ossis venit, (f) solet plerumque dividi in duos ramos, quorum singuli versus extrema opposita ossis tendunt, & innumeris ramulis per vesiculas medullofas dividuntur. Licet autem microscopio viderit egregius Auctor, plurima vascula sanguinea per minimam vesiculam medullarem dispergi, ingenuè tamen fatetur, (g) se non potuisse detegere, an singulæ vesiculæ talia vascula habeant: imò videtur fuisse in illa opinione, hoc minimè requiri, cum secum invicem communicent vesiculæ, adeoque secretum fabricâ arteriosâ oleum medullare in quibusdam vesiculis posset etiam ad alias venire. Injectionibus tamen *Ruysschianis* patuit, totam medullam in omni sua parte vasculis talibus præditam esse; adeoque admodum probabile videtur, similem apparatus vasculosum in omnibus vesiculis medullaribus obtinere.

Postquam verò secretum fuit oleum medullosum, residuus sanguis minimis venulis traditur, quæ collectæ in majores trunculos tandem in unicam desinunt venam, quæ (h) plerumque per idem foramen, per quod arteria ingreditur, solet exire. Observavit tamen laudatus Auctor, minimas venulas, à medulla venientes, ipsi ossium substantiæ immergi, atque ibi disparere: fortè hæc venulæ arteriarum medullam nutriendum sanguinem revehant; nam & in aliis multis corporis locis observatur arteriarum venarumque duplex apparatus, quorum unus secretioni peculiaris liquidi inservit, alter partis ipsius vitæ & nutrimento.

Cum autem per injectiones & illæ partes medullæ rubeant, quæ absque his candidæ & pellucidæ apparent, patet, & minores vasorum series hic accessse adeoque & lymphatica vasa: probatur hoc etiam inde, quia omnia cava corporis,

(a) *Melpomene*, sive lib. IV. pag. 240. 241.

(b) *Observat. de ossib. Serm. III. cap. 1. §.*

xxvii.

(c) *Ibid. Serm. I. cap. v. §. xlvj.*

(d) *Ibid.*

(e) *Ibid. Serm. III. cap. 2. §. cxlii.*

(f) *Ibid.*

(g) *Ibid.*

(h) *Ibid. §. cxliii.*

majora æquè ac minora, tenuissimo exhalante liquido madescunt, adeoque & similes venulæ absorbentes hic aderunt.

An autem hic adiposi ductus adsint, quibus in vesiculis collectum oleum medullare deferatur ad loca destinata, nondum se observare potuisse fatetur (a) toties jam laudatus Auctor, crediditque potius, harum vesicularum contigua latera poris pervia esse, quibus ex una in aliam aditus pateret. Insignes tamen invenit ductus adiposos (b), per quos ex cavernosa ossis parte in articularum cava oleum medullare transir.

Nervos in medulla adesse, demonstravit *Duverneyus* (c). Vidit enim, unâ cum arteria & vena nervum per ossis substantiam ad medullam tendere, atque observavit, tria hæc vasa eadem vaginulâ, quæ periostei productio est, includi. Præterea sensum doloris in medulla percipi directis Experimentis evicit. In Nosocomiis enim, dum post membrorum extirpationem renovabatur apparatus, sæpius jussit, nudam medullam rudiùs attingi, statimque ægri doloris mollestei sensum exprimebant. Utque nullum dubium circa hanc rem superesset, coram *Academiæ Parisinæ Membriis* animalis vivi femur resecur. *deinde expectavit* paulisper, donec dolor, crudelis hujus operationis comes, transiisset: tuncque stylum per medullæ substantiam adigit, statimque animal acerrimi doloris signa dedit. Experimentum hoc aliquoties iteratum fuit, similibus cum cautelis, atque eodem successu.

§. 525. **HINC** (524) quinta & ultima, ex hac divisione, morborum in ossibus differentia.

Cùm ergo in intimis ossium medullis tam varii humores, tam numerosa vasa adsint, omnes ferè morbi hæcenus recensiti & hic contingere poterunt; adeoque nova hæc & ultima morborum in ossibus divisio erit. Primò enim considerabatur morbi, quatenus in ipsa propriè dicta ossium substantia hærent, quorum diversitas inde deducebatur, prout vel latiore & cellulosa ossium circa juncturas partem, vel mediam & solidiorem, occupabant. Secundò dictum fuit de vesiculis, oleo medullosa plenis, in cellulosa parte ossium hærentibus, atque aliud morborum genus inde nasci posse, paruit. Tertio actum fuit de periosteo externo, ossa convexa ambiente, atque & in hac parte nova morborum origo descripta fuit. Quarto de periosteo interno similia ferè dicta sunt. Quintò & ultimò medullæ in majorum ossium cavis ex optimorum Anatomicorum inventis fabrica & usus tradita fuerunt, ut & morbi in hac parte orti cognosci possent. Hisque omnibus jam præmissis evidentior haberi poterit morborum in ossibus observatorum diagnosi; atque ex ipsidem firmior patebit prognosis, horum morborum varios eventus designans; simulque indicationes curatoriar, in singulis aliquando diversæ, ex Artis regulis poterunt determinari.

§. 526. **SI** medullosum (518. 524.) oleum in suis vesiculis emissariis, vel in ossium interstitiis stagnat, calore & motu vitali acre, putridum, saniosum fit; secretionem novam impedit; vasa

(a) Observat. de Ossib. Ser. III. cap. 1. §. XXXIX.

(b) Ibid. §. CXXXII.

(c) Académ. des Sciences, l'an. 1700. Mém. pag. 253, & suiv.



adferentia, fecernentia obturabit; vesiculam suam inflammabit; dein suppurabit; vel gangranosâ putredine corrumpet liquida & vascula; hinc ossea ipsa substantia vasis orba, liquido vitali privata, acrisbus crofa, in cineritiam quasi calcem vertitur, ubi tenuissima, id est, in cellulâ apophysium; sic dolor, calor, pulsatio, tumor, abscessus, caries contingit pessima. Stagnatio hæc ab omni obstruktionem oriri potest (vid. cap. de Obsr.). Si autem ex interno malo, tum ferè spina ventosa audit.

Agitur hæc paragrapho de illis morbis, qui ossibus accidunt, quando oleum medullosum, à sanguine arterioso secretum, collectum in vesiculis in cellulosa ossium parte dispersis, vel in fisdem in medulla aggregatis, stagnat & corrumpitur.

Ex illis, quæ §. 524, dicta sunt, patuit, oleum illud in vesiculis illis minimis colligi, & servari ad debitos usus, atque forè ibidem pro tempore stagnare, vel saltem tardissimè moveri. In animalibus enim quiescentibus illud magnâ copiam accumulatum solet inveniri; post validos verò corporis motus multum minuitur; adeoque per stagnationem intelligitur talis conditio hujus olei medullofi, vel partium illud continentium & deducendum, per quam non possit obedire illis motibus, qui ad usus hujus olei in sanitate necessarios requiruntur. Debet enim oleum illud medullosum posse exsudare in articulorum cava, ut lubricentur articuli, debet insinuari inter lamellarum ossearum interstitia; debet posse transire libere ex minimis illis vesiculis in similes proximè accumbentes, donec ad loca illa perveniat. A quacumque ergo causa impediatur ille olei medullofi motus, fiet stagnatio. Sed videmus, blandissima etiam pinguis sponte in horrendam acrimoniam mutari, quædam citius, alia ferè. Oleum amygdalinum blandum, dum recens pressum habetur, æstivis caloribus intra paucos dies adeo fit acre, ut fauces adurat, dum deglutitur. Butyrum pariter eodem modo solet corrumpi, sed non tam citò. Verum quidem est, libero aeris accessu multum accelerari hanc corruptelam; adeoque medulla, in ossium cavo stagnans, ob hanc rationem tardius corrumpetur, tamen diuturniori morâ similiter degenerabit. Calor autem vitalis stagnans illud oleum citò putrefaciet, inprimis cum, ex propria indole, medulla admodum prona sit in putredinem: paucis enim diebus fanissimorum etiam animalium maceratorum medulla solet corrumpi, & foetorem intolerabilem spargere; simulque, destructâ oleosâ tenacitate, diffilit in saniem tenuem, sed putridissimam. Patebit faciliè, pessima mala tunc necessariò sequi debere, si consideretur partium medullare oleum fecernentium, colligentium, & deducendum tenerrima fabrica. Arteriz enim ad medullam tendentes, simulac in ossis cavum pervenerunt, depositis, ut videtur, callosis tunicis, adeo pulposæ & molles evadunt, ut etiam annosi bovis medulla intra digitos facillimè conteri possit in liquamen oleosum. Semel ergo natâ hîc corruptelâ, oleum medullare, in saniem acrem mutatum, erodet vesiculas, quibus continetur, & vicinas adhuc sanas destruet similiter, dum illas alluit, sicque in parva etiam medullæ parte natum tale malum propagabitur per omnia hæc loca. Poterunt ergo hæc vascula inflammari, omnèque sequi inflammationis effectus: verum benigna sup-

puratio hic vix locum habere poterit, cum acerrima sanie putridæ indoles sit; & licet hæc fieret, collectum pus in loco clauso hærens, neque inde educi potens, similiter attenuaretur & putresceret. Unde destructis vasis vitalibus harum partium necessariis gangrænosæ corruptio sequetur, & quidem pessima.

Præterea putrida hæc sanies, auctâ quotidie malignitate, pejor redditur, omnemque internam ossis cavi superficiem alluit, adeoque & membranam externam medullæ, & periosteum internum, brevi destruet: ossea ergo substantia, vasis vitalibus sic orba, acri sanie eroderetur pariter, & destruetur. Omnium autem citissimè hoc fiet in latiore ossis parte (vide §. 516.), sive in cellulis apophysium, ubi ossea substantia tenerrima est, & inter disjunctas à se invicem lamellas vesiculæ medullosæ hærent; adeoque in his locis corruptum oleum medullare lamellas osseas ab utraque parte alluit, ergo & citius destruet. Circa solidissimam verbò ossium partem tardius destruetur ossea substantia, quia & densius os est, & corrupta sanies internam tantum ossis lamellam tangit: sensim tamen hæc finies, (augetur enim cum acrimonia tenuitas) se insinuat poris lamellæ externæ, sicque inter lamellas osseas pergere poterit eodem modo, ac de medullosa oleo dictum fuit §. 524: atque hæc ratione osseæ substantiæ erosio fiet; ita ut etiam solidissima ossa destructâ omni cohæsione, in calcem fatiscant. Ubi de ossibus tracta agebatur, constitit, ossa etiam majora corporis, cariola facta, minimâ vi fracta fuisse (vide §. 344).

Cum ergo inflammatio, omnesque ejus sequelæ, in his locis adesse possint; & ex dictis ad §. 524, constet medullam læsam dolere, patet ratio, quare dolor, calor, pulsatio, &c, hic deprehendantur. Miri etiam tumores observati fuerunt ab hac causâ, dum lamellæ osseæ à se mutuo sensim magis remotæ, inprimis versus juncturas\*, immaniter auxerant naturalem ossis affecti molem. Fœmina lapsu genu contuderat, atque postea in loco læso tumor apparuit, qui & in partibus mollioribus & in osse ipso hæere videbatur: octo annorum spatio sensim auctus tumor fuerat in magnam molem. Externâ dein læsione vulnus in parte anteriori & superiori illius tumoris factum fuit, atque os ipsum denudatum, sensimque extima ejus pars secessit; tuncque apparuit cavum in parte cavernosa ossis tibiæ adeo amplum, ut decem uncias liquidi injecti caperet, ne guttulâ quidem per vulnus exeunte. Cum exstirpatio sola superesse videretur, interimque in gravida muliere hæc non tentari posset, dilata fuit operatio, donec peperisset. Post partum autem pessimè computruerant omnia, & paulò post periit (a). In eodem ossis tibiæ loco ingentem talem tumorem vidit *Pettitus* (b), quo aperto, invenit massam carneam pugno majorem, in caverna ossea undique latentem, unâ cum pure fœtido, quam eduxit, & postea ossis partes corruptas tenaculis, inob & cuneo & malleo, refecuit, atque feliciter tam grave malum curavit. Ex quibus patet, partes molles, in cellulosa parte ossium circa juncturas, mirum in modum sæpe degenerare posse, atque inflammationes, abscessus, &c, hic aliquando inveniri. Ubi verbò oleum medullosum corrumpitur, terribissima mala fiunt, & pessima ossium caries, quæ tunc adesse dicitur quando os corruptum in pulverem quasi fatiscit, & specillo exploratum non resistit amplius. Unde

(a) Académ. des Sciences l'an 1737. Hist. pag. 64.

(b) Traité des Maladies des Os, Tom. II. chap. xvi. pag. 385.

Celsus dixit (a) *In carie quidem expedita cognitio est, si specillum tenue in foramina demittitur, quod magis minùve intrando, vel in summo cariem esse, vel altius descendisse testatur.* Pessimum ergo osium vitium caries, totalem scilicet eorumdem corruptelam indicans aut erosionem: leviora enim ossium vitia, separatis lamellis corruptis per exfoliationem, sanari solent; caries nunquam, sed ferro vel igne tolli debet, donec ad viva perventum fuerit.

Cùm ergo plurimæ causæ obstructionis, uti ex ejus Historia patet, stagnationem hanc olei medullofi efficere possint, apparet teterrima hæc mala à variis admodum causis originem ducere posse. Illa autem, quæ vi externâ vasa comprimere aut destruere possent, minùs hic locum habent, cùm duro osse satis tutò defendatur medulla. A validis tamen contusionibus, & fracturis ossium, lædi posse medullam, nullus dubitat. Ubi autem, absque ulla læsione externa, ab interno vitio ortum duxerit olei medullofi corruptio, tunc plerumque solet à Medicis & Chirurgis vocari *Spina ventosa*, quæ à *Rhaze* Medico Arabe celeberrimo primò descripta fuit (b), & hoc nomine vocata, quia consistebat hic morbus in corrosione & corruptione ossis, unâ cum dolore pungente & tumore. Ubi enim hoc malum, à medulla corrupta incipiens, os erodit, integumenta mirum in modum tument, imò & ipsa ossis substantia sæpe in maximam molem distenditur. Displicuit hoc nomen *Marco Aurelio Severino*, qui integrum Tractatum de hoc morbo scripsit, maluitque vocari, græco verborum complexu, *Pædarthrocacem*, quasi puerorum ad articulos malum, quia & pueris familiare erat hoc malum, & circa articulos frequentius observabatur (c). Sequentem verbò dedit hujus morbi definitionem: (d) *Pædarthrocace abscessus est corruptorius, seu sphacelismus ossis, circa articulum in pueris, ex primis spermatis, & mensruui sanguinis inquinamentis non repurgatis, per congestum illapsus & computrescatis, natus.* Non negavit tamen, adultioribus hoc malum contingere posse, atque Exemplum adultæ mulieris hoc morbo laborantis adducit (e). Ad vigesimum quintum annum usque tum viros tum fœminas hoc morbo laborantes se observasse dicit *Petrus de Marchettis* (f), non autem provectiori ætate, nisi antea eodem morbo tentati nondum convalescent. Cùm verbò in rachiticis pueris osium circa articulos tumores, absque illorum corruptela, observentur frequentissimè, *pædarthrocaces* nomen magis ambiguum videtur esse. Imò videtur alio in loco *Severinus* (g) ipse vacillare, dum noluit ita facillè asserendum esse, quòd *spinæ ventositas* & *Pædarthrocace* una eademque res esset. Non incongruum erit ergo, *spinæ ventosæ* nomen retinere ad hunc affectum designandum, cum *Rhazes* primus Auctor, qui aliquid de hoc morbo memorie tradidit, illo usûs fuerit; poteritque ex illis, quæ in hac paragrapho dicta fuerunt, satis limitari illius significatio, quòd nempe sit ossis corruptio, à vitio in ipsa medulla nato originem ducens; adeoque ossis corruptela in parte interiori ossis primò incipit, sensimque progrediendo per totam ejus substantiam pergit, donec eroso, vel à tumente ossis substantia distracto periosteò, dolor, & tumor incumbentium fiat. Ubi verbò ossis corruptela;

(a) Medicin. Lib. VIII. cap. 11. pag. 508.

(b) Freind. History of Physick, Tom. II.

pag. 55.

(c) M. Aurel. Seve. de recond. abscess. natur.

pag. 337.

Tom. I.

(d) Ibid. pag. 356.

(e) Ibid. 347.

(f) Observat. Medic. Chirurg. rarior. syllog. pag. 118.

(g) De Recond. abscess. natur. pag. 357.

in exteriori parte incipiens, versus interiora pergit, licet tamen ipsam medullam etiam inficiat, caries ossis vocabitur: sic simul evitabuntur omnes illæ lites, quæ inter eruditissimos Auctores agitantur, an spina ventosa Arabum Græcis antiquis cognita & descripta fuerit, necne. Cariem enim ossium, illorumque siderationem (*σπασμωγὴ*) illis cognitam fuisse, nullus dubitat; illa autem ossium corruptio, quæ à medulla prius affecta ortum ducit, apud veteres Græcos non legitur.

§. 527. **LIQUET** signa hujus mali, & status (526); esse signa inflammationis profundæ, nec ad tactum externum favientis.

Quam maximè dolendum est, malum hoc sæpe non cognosci, nisi serò, quando nempe osse penitus corrupto incumbencia incipiunt in tumorem attolli. Unde omni curâ attendendum est, ut quantum possibile sit, in ipsa sua origine detegatur. Difficillimum autem hoc sæpè esse, patet faciliè, si consideretur, in mediis ossibus latere malum. Lucem tamen in his tenebris dare poterunt sequentia. Si cognoscatur talis esse morbosus cacochymia in corpore, à qua novimus per Observata Medica ossa frequentissimè affici. Tales sunt in primis lues venerea, scorbutus, & rachitis in junioribus, qui postremus morbus, uti postea in ejus Historia dicitur, sæpe magnam suspicionem latentis lavis venereæ lenioris habet. Ex his novimus, causas prædisponentes ad hunc morbum in corpore adeste. Præsentis autem morbi signum serè tantum habetur unicum, nempe dolor profundus, pertinax, molestissimus, in intimis ossibus, uti ægri solent ipsi dicere, hærens, cum sensu lentæ erosionis. Accedit, quòd dolor ille calore corporis majori in lecto, vel post validos corporis motus, aut aromatum vel vini majorem copiam assumptam, augeatur. Licet autem pars dolens validè prematur, vel fricetur, nullum inde doloris augmentum fit; nec mirum, cum durum os impediatur, ne tactus externus in locum affectum agere possit. Hæc sunt signa incipientis mali: ubi verò osse jam eroso periosteum externum affici incipit, dolores augentur, & rudiori tactu exacerbantur plurimum; simulque tunc tumor mollis incumbentium partium nascitur: imò plerumque prius solet ipsa substantia ossis in tumorem attolli; tuncque faciliè nascitur malum: sed serò, quia tota ossis substantia jam corrupta nullam medellam capit, sed vel sponte cadet separata à partibus vivis, vel ferro aut igne tolli debet.

§. 528. **PROGNOSIS** ex difficili separatione, absterfione, emundatione, mala multa, & difficillimam curationem prævidet.

Si jam perpendantur omnia illa, quæ hæcenus de morbi hujus indole dicta fuerunt, patebit faciliè, pessima quævis hîc metuenda esse & difficillimam fore curationem. Hæret enim in medio duri ossis cavo corruptum oleum medullosum, quod ad curationem deberet posse abstergi & elui. Sed nulla datur via, quâ exire possit, nisi prius os erosum fuerit, vel audaci Arte perterebrari

retur. Morâ interim & calore loci quotidie acrius fiet illud oleum, adeoque emnia augebuntur mala. Præterea si ossis interna superficies ab acri hac sanie erosa fuerit, corrupti ossis partes, quamvis à sanis & vivis partibus separarentur, hærent in medio ossis cavo, & mole suâ & asperitate teneram medullam læderent, sicque nova producerent mala. Docuerunt jam Observationes Medicæ; miras ossium degenerationes, dolores intolerabiles, febres mortem ipsam ab hoc malo facta fuisse. Offa tarsi à spina ventosa corrupta fuisse, & in unam substantiam osseam confusa quasi, quæ nil minùs quàm nativam horum ossium fabricam referret, vidit *Ruysschius* (a), & figurâ expressit (b). In homine paucis ante obitum diebus vidit idem Auctor, femur à duobus tumoribus spongiosis obsecsum, quorum unus septem ulnæ quadrantes, alter unicum tantum circumferentiâ adæquaret. Offa metacarpi in homine; qui per triennium toleraverat hoc malum, rupis instar aspera specillo invenit *Severinus* (c), manumque affectam adeo intumuisse, ut caput infantis magnitudine æquaret. Plura similia Exempla apud auctores habentur. Ex modò enarratis factis constat maligna pefuni hujus morbi indoles.

§. 529. CURATIO optima tentatur; 1. Omnia vasa largissimè implendo decoctis ex his, quæ validè penetrant, multum abstergent, putredini resistunt. 2. Dein validè movendo cuncta per methodum sudorem exprimendi vapore calido artificiosè ad corpus applicato. 3. Simul tum, dum sudor fluit, motum determinando ad locum affectum per topica fomenta, & applicatione determinatâ vaporis calidi ad partem illam.

Quando jam tumor partium incumbentium sponte aperiebatur, nullam aliam curam superesse voluit *Rhazes* (d) præter illam, quæ urendo vel secando corrupti ossis partes tolleret. *Petrus de Marchettis* (e), simulac æger conqueretur de dolore pungente in articulis manuum vel pedum, &c., quamvis nullus appareret tumor, illico omnia discindenda voluit, & deinde ferro & igne tollendam esse vitiatam ossis partem. Antequam autem crudeli hac methodo unâ cum vitio pars vitiatâ tollatur, videtur tentari posse sequens cura, cujus pulchri successus sæpe fuerunt observati.

1. Hæret morbi fomes reconditus ossium cavis: externa remedia huc penetrare nequeunt, nisi quatenus venis bibulis recepta, circulantibus humoribus mista, unâ cum sanguine huc deferri possint. Unicum ergo tantum superesse videtur, ut nempe corpus repleatur ingenti quantitate tenuis liquidi, in quo vis penetrabilissima, detergens, & putredini quàm maximè resistens, adest: deinde ingestum tale liquidum accelerato motu feratur per vasa, ejusque efficaciâ determinetur ad partem affectam, quantum fieri poterit. Magna enim tunc spes est, tali liquido per vasa vitalia in ossis substantia, & medullâ nondum

(a) Theaur. VIII. n°. LXVIII. pag. 21.

(b) Theaur. V. Tab. III. fig. 14.

(c) De recond. abcess. nat. pag. 375.

(d) Freind. History of Physick, Tom. II. pag. 57.

(e) Observat. Medic. Chirug. rarior. Syllog. 2. pag. 118.

penitus destructâ, hærentia delato ad locum affectum, putredinem sisti posse, corrupta separari à vivis & sanis, dilui oleum illud medullosum, venulisque bibulis resorberi, atque per urinæ vel sudoris vias de corpore expelli. Putridos enim illos humores, in ossium cavis hærentes, in sanguinem resorberi posse, docet febris hectica putrida, totum sæpe sanguinem pessimâ cacoehymia inficiens, quando malum hoc ad magnam malignitatem pervenit. Sed largus talis remedii usus cavebit facili, ne putridum illud resorptum noceat. Omnium optima ad hunc scopum sunt ligna illa, in quibus aromatica fragrantia & magna copia balsamicæ resinæ adest: talia sunt lignum juniperinum, buxinum, quercinum, &c., &c., quod omnium commendatissimum ad hos usus semper fuit, lignum guaiacum, cuius decoctum ex Arte paratum subacidulum & balsamicum penitus est. Cùmque duriora hæc ligna sunt, & magnam copiam resinæ habeant, non adeo facili aqua hæc penetrare poterit, nisi prius in scobem rasa fuerint, leni calore per aliquod tempus digerantur, & deinde in vase clauso ebulliant per aliquot horas. Solet aliquando parca copia salis alcalini cujusdam addi, dum in digestionem ponuntur hæc ligna, ut aqua facilius intimam illorum substantiam penetret; & sub finem coctionis aliquot uncias spiritus vini rectificati adduntur, ut omne resinosum in his lignis hærens tantò melius solvatur. Talis decocti formula in *Materia Medica* ad hunc numerum habetur. Posset tali decocto infundi rasura ligni sassafras, quod volatili fragrantia præditum longam coctionem ferre nequit, absque jactura virium medicatarum. Meracissimi talis decocti uncias aliquot sumat æger ter vel quater de die, simulque pro potu quotidiano utatur debiliori decocto, ex residuo decocti meracioris novâ aquâ affusâ, parato. Pro varia ætate, temperie, viribusque ægri major minorque copia horum decoctorum exhibetur: proderit semper tantum potare, quantum ferre poterit; sic enim penetrabili detergente & antiseptico liquido quàm maximè replebitur totum corpus, atque satisfiet primæ indicationi curatoris.

2. Postquam per aliquot dies largo talium decoctorum usu vasa omnia repleta sunt, & incipit quasi tumere corpus, tunc conducet, motum humorum per vasa augere. Frictionibus quidem pro lubitu ferè motum sanguinis accelerare possumus, unde & hæc solent adhiberi: commodissimè tamen hoc fit vapore calido nudum corpus undique alluente, sicque simul sudores eliciente, per quos diffatur liquidum ingestum, & nova oportunitas datur, corpus replendi similibus. Nudato hinc corpore, linteo cerato undique obvoluto, exponitur calidæ aquæ vapor æger; vel quod omnium efficacissimum est, accensi spiritus vini vapor. Vix per pauca minuta vapor ille calidus penetrabilissimus corpus alluit, quin incipiant calefcere ægri totòque corpore profusissimis sudoribus diffuere; qui aliquando observati fuerunt ingesta decocta redolere. Tantâ sæpe copîâ, hæc methodo, sudor exprimitur, ut quandoque robustissimi etiam homines, in animi deliquium cadant, si diutius spiritus vini accensi vapor exponantur. Unde cautelâ hic opus est: constitit enim, in cura luis veneræ, simili methodo tentatâ, aliquando periisse homines, dum ab imperitis cogenter diutius hos sudores pati, quàm vires ferre possent. Per horam dimidiam in debilibus quotidie sudorem sic movere sufficiet: robustissimi etiam vix sufficiunt per biborium: præstatque semper Medicum præsentem

esse dum sudat talis æger, ut pro re nata judicet, quousque pergendum sit. Hoc factò linteis calidis deterfo corpore, in lectum calidum deponatur æger, sicque levius sudabit adhuc sæpe per unam, alteramve horam. Cùm autem periculosissimum foret, si frigidus aer æstuans adeo à sudore corpus allueret, necessarium erit, ut aer loci, in quo versatur æger, satis calidus sit, quod accenso fornace commodissimè fieri poterit. Ob hanc causam maluerunt alii, ut æger nudato corpore in lecto jaceat, & per infundibulum sub stragulis vapor accensi spiritus vini corpus undique foveat. Sic enim nullum periculum erit, quominus frigidus aer corpus alluat. Sive autem in lecto, sive extra hunc in cista quadrangulari, vel alia simili machinâ, sub craticula, ut vocare solent, sudet æger, curandum semper, ut caput emineat; aliter enim suffocationis periculum immineret. Finito sudore, datur jusculum ex macilenta carne confectum, vel & vini pauculum, ut languentes sæpe post profusissimos sudores vires refocillentur.

3. Facile patet, accelerato motu penetrabilissimum tale decoctum pelli æquabiliter per totum corpus. Requirebatur autem quàm maximè, ut remedii efficacia potissimum in partem affectam ageret. Quando agebatur de curatione obstructionis (vide §. 134.), dictum fuit, dari in Arte auxilia, per quæ remedium ingestorum vis pro lubitu ad partes quasdam corporis determinari posset. Illa autem erant talia, quæ liquidi vitalis impetum & copiam augerent in partibus, versus quas indicatio jubebat, derivari debere remedium efficaciam. Hoc autem obtineri poterit, minuendo vasorum resistentiam in partibus his, & augendo circulationis velocitatem in iisdem. Fomentis mollissimis calidis applicatis, cataplasmatibus similibus, vel & cucurbitis perficitur prius; posterius frictionibus, & stimulantibus adhibitis, fiet. Pulcherrimi usus erit in his merbis pannis laneis, decocto guaiaci calido madidis, partem affectam fovere, simulque sic determinare vaporem accensi spiritus vini, ut hanc partem primò aluat.

§. 530. **HOC** modo (§ 29) si diu continuetur, sæpe multum boni fit, maximè si diætâ simul tenuis, & putredini oleosæ adversa, instituitur.

Si jam omnia illa, quæ paragrapho præcedenti dicta sunt, fiant, decoctum tale penetrabilissimum, & putredini adversum, auctâ circulationis velocitate, rapidè movetur per omnia vasa, & inprimis in parte affectâ, determinatione huc versus factâ per fomenta, vaporem calidum, &c: sic abluatur omne corruptum & per sudores diffatur de corpore. Sed pertinax tale malum paucis diebus tolli posse, nullas spes est; unde aliquando per tres quatuorve septimanas eadem methodo quotidie sudores exprimi debent, habitâ semper ratione virium ægri. Interimque toto curæ tempore bono victu sustentandum corpus est; sed tali, qui ex eupeptis conficitur, & minimè pinguibus. Hâc enim methodo solent semper emaciari quàm maximè ægri, omni ferè pingui corporis solum & per sudores diffato: cùmque præcipua morbi malignitas à corrupto oleo pendeat, meritò vitantur pingua omnia, ne morbi materiam augeant. Juscula ego carniū, omni pinguedine soliciè, ablata, panis biscoctus, hordei, avenæ, oryza, milii decocta, pa-

nate læ fructus horæ bene maturi, præcipuè hic conveniunt Pro potu serum lactis, vel lac triplâ aquæ copiâ dilutum, concedi posset: præstat tamen debilius gusiaci decoctum, quod additis passulis majoribus, glycyrrhizâ, &c, satis gratum reddi poterit.

Omnibus illis, quæ hætenus dicta fuerunt, sollicitè observatis, felix sæpe successus fuit etiam in talibus malis, ubi jam de exstirpatione partis affectæ delibebatur. Symptomatum remissio, & tumoris subfidentia, præcipua signa sunt, quibus docemur, curam rectè procedere. Notandum tamen, aliquando per hæc mala sic degenerare osium fabricam, ut sæpe supersit totâ vitâ major tumor in osse affecto, licet omnis corruptela olei medullofi felicissimâ curatione ablata fuerit: neque tamen multum nocet postea talis tumor, solâ sæpe deformitate notabilis. Aliquando & observatum fuit, dum hæc curatio instituitur, ossis corrupti partem felicissimè separari, & abscessu factò partium mollium incumbentium, educi, sequente deinde optimâ sanatione. Notabilis talis casus habetur in *Actis Edinburgensibus* (a) ubi in simili malo in puella septenni, postquam per sex menses decocto lignorum usâ fuerat bis de die, & cerevisiâ antiscorbuticis herbis medicatâ pro potu communi, ossis tibiæ tota substantia abscessit; sic ut circa genâ ossis tibiæ pars relicta æquaret tantum trium digitorum transversorum longitudinem; prope malleolos autem vix dimidium hujus longitudinis superesset. Renato tamen callo tanta ossis jactura restituta fuit eò usque, ut affecto crure currere, saltare, &c, potuerit absque ullo impedimento. Aliqua tantum in figura renati ossis difformitas mansit, quia innixa fuera huic membro puella antequam callus perfectè induisset. Ab externa noxa ortum fuisse hoc malum credebant parentes; sed post absolutam curationem notabili jam tempore elapso, ulcus in superiori brachii parte apparuit, ex quo acutæ festucæ, ab osse humeri separatæ, brevè post emerferunt: unde patuit latentis causæ prius malum potius originem suam debuisse, cum in alio loco simile renasceretur, absque ulla externa injuria.

Cum autem in junioribus sæpe occurrat hic morbus, non semper ab illis impetrari poterit, ut satis magnam similibus decoctorum quantitatem potent, & sudoribus exprimendis methodo dictâ vix sufficerent tenella hæc corpora. Profuit tunc, si semel in septimana daretur purgans hydragogum, reliquis autem diebus sumerent lenia antiscorbutica; pars verbò affecta obvolvatur continuè penetrabilissimis fomentis ex aceto, sale, urinâ sanâ, rutâ, alliariâ, &c, paratis. Simul pro potu ordinario serum lactis exhibetur. Sic vidi aliquoties successisse curam, postquam per plures menses similia adhibita fuissent: sed ferè semper integumenta tunc parvo foramine aperiuntur, saniei copia quædam exit, sensimque subsidet ossis intumescencia, & aliquando etiam ossis corrupti partes exeunt, & cava admodum postea cicatrix manet. In puella, cui ossa tarsi & metatarsi pedis dextri sic affecta in maximam molem intumuerant, dein & in cubito & radio manus dextræ similis mali vestigia apparuerant, per integrum biennium in hac cura perrexî; sic tamen, ut remittente malo, singulis mensibus bis, & deinde semel tantum, purgans sumeret. Pluribus in locis aperiabantur in pede integumenta; sensim tamen sic subsedit ille tumor, ut commodè incedere potuerit, quamvis naturalem magnitudinem ossis adhuc tumida excederet.

(a) Medical Essays, Tom. I. n<sup>o</sup>. XXIII. pag. 238.



Ubi autem malum illud eò usque adolevit, ut totam ferè medullam corruperit; & vitalia vasa per illam delata penitus destructa fuerint, nihil ferè ab optimis etiam remediis expectari poterit. Decoctorum enim usus non proderit, cum vasorum vitalium integritas requiratur ut ad hæc loca virtute suâ medicata penetrare possint. Pessima tunc expectanda mala sunt, cum oleum corruptum, quotidie malignius factum, in cavo ossis hæreat: atque unicum in Arte præsidium est, ut osse terebrato via fiat corruptæ materiæ hic stabulanti: sic enim imitatur naturæ viam, quæ eroso osse aliquando expurgat omne corruptum. Successisse hanc methodum apud optimos Chirurgos legitur. Homo lue venerè laborans tumorem habebat in ipso tibiæ osse; post salivationem toleratam disparuit tumor, sed dolores in hoc loco non cessabant penitus, & binis septimanis post curationem absolutam augeri cœperunt. Post variâ tentata remedia, ad os usque dissecta fuerunt incumbentia integumenta, sed absque ullo levamine: post biduum trepano excissa fuit ossis pars in cavum usque, atque statim exivit olidissima sanies; patuitque, totam medullam sic corruptam fuisse: tria adhuc similis magnitudinis foramina in osse per trepanum facta fuerunt, & resectæ postea ossis inter foramina medii reliquæ; cauteriis reliquum ossis corrupti tangebatur, & cura successit. Eandem methodum simili cum eventu adhibitam fuisse in puella, testatur celebris Chirurgus *Petitus* (a).

§. 531. **SI** textura arteriosa, vel venosa, ut & lymphatica, (§. 513. 516. 520. 522.) obstructa fuerit, defectu novi, vel stagnatione alati liquidi, iterum in iis partibus oriuntur similes omnino morbi ordine tantum mutato (§. 526).

Patuit sic ex premissis, quanta mala fiant, si medullosum oleum in suis vesiculis, vel in ossium interstitiis stagnet & corrumpatur. Ut autem bona fiat medullæ secretio, illiusque collectæ neque motibus corporis consumptæ, resorptio fortè per venas pro parte, requiritur exquisita humorum vitalium circulatio per illa vasa, quæ liquores ad medullam vehunt & reducut inde. Si ergo à quacumque causa oriatur obstructio in textura vasorum, quæ per ossium lamellas secedentes in latiori eorundem parte prope juncturas distribuuntur, si ve in illis quæ per internum periosteum, aut membranam externè medullam ambiunt, decurrunt, turbabitur secretio olei medullofi, fietque ejus jam secreti stagnatio, compressus à vicinis vasculis obstructis, & tumentibus, tenerimis vesiculis medullaribus, illarumque emissariis. Idem contingeret à periosteï externi vasis obstructis: dictum enim fuit §. 520, periosteum illud, superficiem ossium, convexam ambiens, excipere & transmittere omnia illa vasa, quæ vel in cellulas ossium, vel in medullam feruntur, aut inde redeunt; adeoque natum in periosteio externo vitium poterit propagari per totam ossium substantiam, atque medullam ipsam. Sola hæc tantum diversitas obtineat, quòd ordine mutato mala illa procedant. Ubi enim medullosum oleum primò corrumpitur, illud in acrem saniem mutatum, vesiculas, quibus continetur, illa-

(a) *Traité des Maladies des Os*, Tom. II. pag. 615.

rūmque texturam vasculofam erodet; hinc & medullæ membranam, periofteum internum, ossisque substantiam ipsam simili modo destruet; tandēmq; eroso offe, ipsum periofteum externum afficiet, sicque ab interioribus propagabitur malum exteriora versus. Ubi autem à periostei externi inflammatione malum inceperit, ab exterioribus versus interiora procedit & affecto prius offe, dein contenta ejus cavo inficit. Periostei enim vitia statim os ipsum afficere, patuit satis ex illis, quæ in vulnere capitis Historia (§. 249) dicta fuerunt: jam monuerat *Aristoteles* (a), siderari ossa suis membranis spoliata (φιλύμενα τὰ ὅστια τῶν ὑμῶν ἀπὸ τοῦ σιδήρου). Quam citò autem à periosteo affecto destrui possit vitalis in offe fabrica, inprimis patet in paronychia, quando nempe validissima inflammatio, in periosteo ultimam phalangem digitorum regente, nascitur, cum dolore intolerabili. Vix enim per paucas horas duravit tale malum, quin sideretur integre ultima phalanga, & postea cadat.

### §. 532. QUORUM (531) ergo diagnosi, prognosis, curatio; eadem (§. 29. 530).

Cum enim texturæ vasorum periostei externi, ossæ substantiæ ipsius, periostei interni, &c. prius affecta, tandem malum ad ipsas vesiculas medullofas perveniet, ultimus effectus erit idem; & sequentur omnia illa, quæ §. 526, dicta fuerunt. Curatio ergo eadem requiretur.

### §. 533. PATETQUE, maximum periculi discrimen hære in diversitate loci (§. 18. 520. 522. 524.) ubi prima mali causa ortum sedemque habet. Quibus primò præmissis clarior doctrina.

Quamvis lævissima etiam periostei externi inflammatio possit dare originem terribis illis malis, quæ à corrupto oleo medulloso oriuntur, patet tamen satis, illam facilius curari posse, quam si periofteum internum, aut membrana medullæ ipsa inflammentur; cum in priori casu à remediis externis major spes affulgeat, & discissis integumentis, in multis locis corporis, manibus accessus detur ad locum affectum; adeoque separatio, absterfus, & emundatio facilius perfici poterunt. Multum ergo differt, in quo loco prima mali causa ortum sedemque habeat; & cæteris paribus, semper eò majus discrimen est, quò profundius hæreat malum. Ex illis autem, quæ hætenus dicta fuerunt, multum lucis affundetur ossium morbis cognoscendis & curandis.

### §. 534. 1. INFLAMMATIO ossis benignior à periosteo externo inflammato oritur, cujus infinitæ causæ (vide totam Historiam inflammationis) notique effectus.

2. Cognoscitur per signa inflammationis profundæ ad tactum aucta:

3. Prævidentur plurima mala (§. 31. 526.), ni ocius sanetur.

(a) De Histor. Animal. Lib. III, cap. XII, in fine.

3. Curatur ut inflammatio, maximè id agendo, ut totum aver-  
tatur ab offe extrorsum; quod fomentis, & aliquando factâ inci-  
sione fit.

1. Omnium ergo maximè benignus ossium morbus erit ille, qui à perioste-  
o externo incipit. Dictum fuit §. 520, periosteum externum infinitorum valorum  
texturâ constare, adeoque inflammatio hic locum habere poterit (vide §. 373. 374-)  
nascique ab infinitis ferè causis, in Historia inflammationis ordine recensitis. Natâ  
autem inflammatione, sequentur omnes ejus effectus, atque expectandi erunt varii  
ejus exitus.

2. Præcipua signa inflammationis sunt (vide §. 382) tumor, rubedo, dolor,  
calor, pulsatio in loco affecto: si autem solum periosteum externum fuerit inflam-  
matum, neque in partibus incumbentibus simile vitium obtinuerit, patet facilè  
nec tumorem nec rubedinem percipi posse, sed dolor & calor, aliquando etiam pul-  
satio, in hoc casu signa inflammationis erunt. Ubi autem rudius tangitur locus  
affectus, sic ut pressionis effectus ad periosteum pervenire possit, augmentum do-  
loris nascitur: atque hoc signo distinguitur ab inflammatione periosteï interni,  
vel membranz medullam ambientis aut medullæ ipsius. Ut enim dictum fuit  
§. 527, tunc ab attacku externo non augetur dolor, quia omnes illæ partes duri  
sub ossis tegmine tutò defensæ hærent. In illis verò locis, ubi validissimis musculis  
& magnâ pinguedinis copiâ teguntur ossa, uti v. gr; circa os femoris, non nisi  
à valida pressione dolor exacerbatur.

3. Cùm enim omnia vasa, quæ ad ossis substantiam veniunt, priùs per perio-  
steum externum transeant, & plurima ex illis innumeris ramulis per illud perio-  
steum distribuuntur, antequam ossi inferantur, patet satis, quàm periculosa sit  
inflammatio hic nata. Omnia enim mala, quæ numeris hic citatis recensita  
fuerunt, à periosteï inflammatione ortum ducere poterunt. Licet autem levis  
tantùm in offe noxa fiat, tædiosissima tamen inde mala sæpe sequuntur. Si enim  
in parvo tantùm loco os corruptum fuerit, nunquam periosteum ibi accrescet,  
sed vicina & incumbentia ab acri sanie irritabuntur, & sient sæpe ab hac causa  
pessimæ & incurabiles fistulæ; inprimis si hoc contigerit in talibus locis corpo-  
ris, ubi magna moles incumbentium ossa tegit, sicque impeditur, ne ad laten-  
tis mali originem usque sectione via tutò parari possit. Si enim v. gr; periosteum  
ossis femoris, prope ejus articulationem cum coxa, inflammatum fuerit, atque  
in suppurationem abiverit, patet satis, quanta difficultas curationis futura sit,  
quòque mala inde nasci poterint. Vidi sic egregium juvenem, post neglectam  
in hoc loco inflammationem profundam, ulcus sinuosum habuisse, quod per  
interstitia musculorum decurrens, quamvis postea repetitis sectionibus variis  
in locis exitus conciliaretur puri, nunquam tamen depurari potuit; unde,  
post summas misérias per annos toleratas, tandem tæbe purulentâ periit. Post-  
quam ergo per diagnosin constitit, tale malum adesse, efficacissima statim  
remedia tentanda sunt, ut resolutione curetur talis inflammatio; siveque evite-  
tur suppuratio, adeo sæpe in his casibus periculosa; & multò magis adhuc  
gangræna.

4. Omnia ergo illa, quæ in curatione inflammationis resolvable commodata  
Tom. I.

Q q q q q

fuerunt §. 395. 396. 397. 398. 399. 400. illico adhibenda sunt: cumque inprimis hic metuatur ossis suppositi corruptio, illud tentandum est omnis Artis molimine, ut extrorsum avertatur malum. Conducent ergo inprimis illa, quæ §. 396. n°. 4, laudata fuerunt; mollissima hinc fomenta, & cataplasmata parâ affectæ noctes dielsque applicanda, curando, ut semper calida maneant: sic enim externa integumenta flaccescent, atque impetrabitur aliquando, ut huc versus deriveretur inflammatio, longè minùs nocitura, quàm si subiectum os ab eadem afficeretur. Plurima postea in morborum acutorum Historia occurrent Exemplâ, quibus constat, inflammationem, interius profundè delitescentem, sic posse versus exteriora derivari summo cum levamine. Dixerat Hippocrates, (a) *Ab angina detento, si tumor & rubor in pectore oboriantur, bonum; foras namque vertitur morbus.* Unde prudentes Medici solent mollissimis fomentis externas partes fovere, imò aliquando & sinapisinis irritare, felici toties cum successu. In molestissimo ischiadico dolore Hippocrates (vide Commentaria §. 229. n°. 1.) balneis, fomentis, linimentis partem emolliri voluit. Cucurbitulis admotis foras attrahere iussit alibi (b). In *favissima odontalgia* illico solet levamen observari, dum tota facies in latere affecto inflata tumet.

Ubi autem his frustra tentatis nullum levamen oblevatur, superest tantùm, ut ad os usque omnia simul & semel dissecentur, si conditio loci permittat. In acutissima paronychia, quæ plerumque ab inflammatione periostei ultimæ phalangæ digitorum, aut tendinis affixi, nascitur, nisi audaçter ad os usque incisio fiat cito, sideratur os, & extrema phalanga cadit, post summos dolores toleratos, & sinuosa ulcera, quæ sæpe omnia vicina depascuntur, & manum totam dein rigidam & immobilem reddunt. Tempestiva sectio omnia hæc mala præcævet. In dolore ischiadico, fomentis, balneis, cucurbitulis, &c. frustra adhibitis, profundè partem inuri debere veteres Medici omnes voluerunt. Quantum boni faciat sectio integumentorum cranii, ubi post contusiones aut vulnera metus est, ne calvariz os afficiatur, in vulnerum capitis Historia dictum fuit.

§. 535. **T**ALEM inflammationem vergere in abscessum docent: 1. Signa valida inflammationis prægressæ (§34. n°. 2.) 2. Pulsatio, febris, horripilatio vaga. 3. Absentia signorum resolutionis (§36).

Quamdiu aliqua spes est, inflammationem periostei externi resolutione curari posse, omnia illa, quæ præcedenti paragrapho dicta fuerunt, tentanda erunt. Ubi autem in suppurationem vergit malum, alia quædam requiruntur. Sequentia autem docebunt, abscessum expectandum esse.

1. Levem inflammationem curari posse resolvendo spes est; ubi autem symptomata omnia vehementia sunt, & augentur continuò, optimum, quod sperari poterit, suppuratio est. Dolor ingens, caloris validi perceptio, & acuta febris, præcipua signa sunt, quibus docemur, profundam talem inflammationem irresolubilem esse, atque in abscessum vergere.

(a) Aphorism. Sect. VII. n°. XLIX. Charter. Tom. IX. Part. II. pag. 318.

(b) De Locis in Homine. cap. IX. Charter. Tom. VII. pag. 368.

2. Ubi inflammatio rendit in suppurationem solent pleraque ejus symptomata augeri. Pulsatio ergo major erit, & distinctius percipietur in loco affecto; febris aderit plerumque, cum suppurationis comes sit, si alicujus momenti fuerit. Principuum signum dar horripilatio vaga; quæ dum adest, semper suppurationis, etiam in corporis interioribus delitescens, suspicio nascitur. Sentiant ægri tunc, ac si aqua frigida peruso corpore horrescerent, perfectè ferè ut in febrium intermittentium initio fieri solet: sed mox evanescit talis horripilatio, & postea nullo ordine servato redit. Docuerunt jam Observationes Practicæ, tales horripilationes vagas tunc adeste quando inflammatio alicujus momenti in suppurationem tranlit.

3. Signa resolutionis, paragrapho in textu citatâ, explicata fuerunt. In his autem casibus, recens malum, dolor mitis, febris parva, & moderati tantum caloris sensus in parte affecta, spem resolutionis faciunt. Si ergo contraria his adfuerint, abscessus, vel gangrænæ, metus erit.

§. 536. **R**E autem ipsâ adesse docent signa suppurati profunda ) 387. 405.)

Nisi ex præcedentibus constiterit, prægressam fuisse validam inflammationem; non adeo faciliè abscessus hanc sequens cognosceretur. In abscessu, qui versus superficiem corporis hæret, mollities partis, fluctuatio puris contenti, albitudo, &c, evidentia satis signa sunt, uti in *Commentariis* §. 405, explicatum fuit. Ubi verò malum hæret circa talia ossa, quæ magnâ incumbentium mole teguntur, difficillimè latens abscessus detegitur. Aliquando enim parca tantum copia puris inter os & periostum collecti nullum tumorem sensibilem facit. Sæpe etiam accidit, non remitti dolorem in hoc casu, pure quamvis factò, quia illud sensim copiâ auctum, nisi periosteum jam exederit, intrer illud & suppositum os viam sibi facit, sicque lentâ dilacratione periosteum ab osse divellit, unde acerbissimus dolor oritur. Non mirum ergo latens sæpe malum etiam peritissimos fallere, neque cognosci nisi seriùs, corrupto jam osse, vel pure rupto periosteo, per vicina loca diffuso, & pessima ulcera sinuosa faciente. Ubi aurem circa spinam tibiæ abscessus hæserit, satis faciliè cognosci poterit. In aliis verò locis ferè rantiùm novimus abscessum factum esse, quia præcesserunt talia signa, ex quibus abscessum fieri concluditur.

§. 537. **T**U M pus, exeso periosteo; os nudabit, vasis privabit; corruptet ( 531 ) brevi. confer. 406. ).

In suppuratione, uti dictum fuit §. 387, vascula inflammatoriâ materiâ non resolvable infarcta rumpuntur: cum ergo hoc in suppuratione periostei sit, tollitur vitale commercium in illa parte ossis suppositi, quæ à vasis per suppurationem jam destructis humores suos recipiebat, adeoque necessariò sequetur noxa in osse ipso. Præterea pus illud, in loco profundo hærens, sensim acrius fiet, & superficiem ossis contiguam erodet, adeoque omnia mala brevi augebuntur: idemque mole auctum, nisi periosteo exeso per vicina loca dispergatur, magis magisque separabit periostei cum osse cohesionem, uti modò dictum fuit, adeo-

Q q q q q ij

que major ossis pars nudabitur suo periosteo, & corrumpetur. Præter hæc mala, quæ à suppuratione periostei in osse subiecto contingunt, metuenda erunt adhuc omnia illa, quæ à pure diu in loco clauso relicto, & corrupto aliquando observata fuerunt. De his videantur illa quæ in Commentariis §. 406, dicta fuerunt.

§. 538. **Q**UARE illico abscessus aperiendus, pus eliciendum, ulcus mundandum, (403. 404. 409. 410. 411.); dein simul os tractandum iisdem cautelis, ac in vulneribus capitis cum cranio detecto, dictum (252. 253. 259. 260. 262. 266.)

Ut omnia hæc mala vitentur, & curari possint illa, quæ jam adsumt, nihil superest quàm audacter incidere omnia incumbentia, ut puri exitus fiat, & accessus detur ad os affectum. Difficile sæpe, imò & periculosum est, profundam talem sectionem facere, sed ut optimè Celsus de membrorum exstirpatione dixerat, (a) nihil interest, an satis tutum præsidium sit, quod unicum est. Cum verò in talibus casibus & Medentium fama, & ægri vita, sæpe periclitentur, summâ prudentiâ opus erit. Anatome magnorum vasorum & reliquarum partium, quæ vitari debent, situm demonstrat: notandum tamen, magnam sæpe varietatem decursus vasorum in diversis hominibus observari; adeoque in difficillimis casibus præstat, cure & pinguedine priùs dissectioni attendere, an & quomodo ulterius tutò pergi possit, quàm simul & semel cultellum ad os affectum usque adigere. Accidit enim sæpe integumentis communibus dissectionis, pus rupto periosteo, per vicina loca diffusum viam invenire, quæ exeat, & monstrare semitam, quâ tuto sinuosi ulceris dissectioni fieri possit, & ad locum affectum perveniri. Omnia illa, quæ de curatione abscessus numeris hic citatis dicta fuerunt, pariter observanda erunt. Cùmque plerumque in his casibus sinuosas vias pus sibi fecerit, & sordida sint illa loca, quæ pus alluit, inprimis si diutius relictum fuerit, blanda detergentia solent injici, qualia inprimis ex aloe, mirrhâ, mastiche, sarcocollâ, &c. sunt additis melle, terebinthinâ, & vitello ovi: hæc enim sufficient indicationi, quæ ulcus mundari præcipit, interimque ossi affecto proderunt. Omnia etiam illa, quæ in Historia vulnerum capitis dicta fuerunt de curatione cranii, quando illud pericranio orbatum erat, locum habebunt in his casibus, ubi post abscessum periostei os nudatur. Hæc numeris hic citatis videri poterunt.

§. 539. **V**ERGERE autem illam inflammationem (534) in gangrænam partis, docent: 1. Signa summæ inflammationis (388. 422.) 2. Indolentia partis sine bona causa. 3. Tumor densus, lentus, nec multum dolens incumbentium.

Quando in Historia inflammationis dictum fuit de vario ejus exitu, notabatur, gangrænam post illam sequi aliquando; & §. 388, descripta sunt signa, quibus

(a) Medicin. Lib. VII. cap. XXXIII. pag. 497.

futuram prævidere, & præsentem cognoscere possemus. Verùm inter illa signa quædam erant, quibus in parte corporis externa gangrænam adesse significabatur, per quæ tamen gangræna perioslei in profundo latens distingui nequit. Bullulæ enim epidermidis, color lividus, fuscus niger, &c. non adsunt, nisi omnia jam corrupta fuerint. Agitur autem hic de illis signis, quibus gangræna perioslei cognosci possit, licet incumbentes huic partes nondum simili labe affectæ fuerint.

1. Summam inflammationem adesse ex vehementia symptomatum, illorumque subito augmento, cognoscitur. Præcipua signa inflammationis perioslei, ut dictum fuit §. 534. n°. 2, sunt dolor; calor, & pulsationis profundæ sensus; quæ ergo omnia si admodum valida fuerint, & subito incrementum, merito gangræna metuitur.

2. Quàm fallax sæpe signum sit doloris absentia subita in validis inflammationibus, dictum fuit §. 388, & 427. n°. 2; atque ibidem datæ fuerunt rationes, quare, destructis per validam inflammationem partibus, doloris cessatio sequatur. Idem ergo & in hoc casu locum habebit. Ubi inflammatio curatur per resolutionem, dolor quidem minuitur, sed sensim & per gradus; neque summam inflammationem unquam bona resolutio sequetur, ut patuit ex illis, quæ §. 386, dicta fuerunt. Quando ergo sine bona causâ, id est, absque signis resolutionis, post summam inflammationem subita doloris ablatio sequitur, pessimum signum est, & semper gangrænam inflammationi successisse indicat.

3. Propagatur tunc labe per partes incumbentes, atque inprimis afficitur panniculus adiposus, qui levibus sæpe de causis in maximum tumorem attollitur. Cum autem omnia symptomata inflammationis ferè cessent, ubi gangræna adest, tumor ille non habebit duritiem illam & renitentiam, quam observamus in phlegmone, sed flaccidus erit, vix dolens, semperque in hoc casu designat, panniculum adiposum pariter jam gangrænosum fieri. Videantur & illa, quæ in *Commentariis* §. 427. n°. 4, dicta sunt.

§. 540. **ADESSE** jam scimus ex iisdem (§ 339), tum ex colore incumbentium pallido, cineritio, livido.

Ubi enim illa signa, quæ docent, inflammationem perioslei vergere in gangrænam, manent vel augentur, novimus satis illam jam adesse vel brevi futuram. Mutatus color integumentorum (de quo vide §. 388, & 427. n°. 3.) designat, gangrænam in periosleo inceptam jam propagari per incumbentes partes. (a) *Propter os ægrotans, caro livida, malum, dixit Hippocrates.*

§. 541. **TUM** Os nudum, vasis; succoque vitali orbem, acri putrefactâ materie gangrænosâ exeditur in cariem (§ 526); serpit citò contagio crescente.

Corrupto enim per gangrænam periosleo, omnis vitalis influxus & effluxus humorum tollitur in illo ossis loco, cui perioslei pars, jam corrupta, solebat prospicere, adeoque extrema lamella ossis morietur. Vasa media inter hanc & frequentem lamellam à vasis perioslei interni per ossis substantiam dispersis, vel à

(a) Aphor. Sect. VII. n°. 11. Charter, Tom. IX. Part. II. pag. 193.

vasculis inter lamellas ossis decurrentibus, & à vicino periosteò externo adhuc sano derivatis, vitales humores poterunt recipere: sed mortua pars his incumbens brevi suffocabit & in illis vitam, & tabus gangrænosus mortuarum partium erodet omnia, unde pessima caries in ossè nascetur. Omnibus jam incumbentibus unà cum ossè ipso corruptis, adest sphacelus, uti ex ejus definitione §. 419, & 420, data patet. Verùm à sphacelo vicinorum cita infectio sequitur (vide § 432.) adeò que patet quare hoc malum contagio citò crescente serpat.

§. 542. **ERGO** statim locus affectus ad os usque incidendus; muniendus, os verò curandum ut suprà dictum (248, 249. 252. 258. 259. 260. 261. 262. 266.

Tota spes curæ in eo consistit, ut; si adhuc aliquid vitalis in ossis substantia superest, illud liberatum à mortuo incumbente separet corrupta, & retexat perditam substantiam: vel, si jam per totam ossis crassitiem mortua sint omnia vasa, facta aperta in ossè ipso via fiat, quâ medulla corrupta expurgari queat. Impossibile enim est, in tali casu, medullam bonam manere posse, dum tota ossis substantia mortua est. Debet ergo statim, incisione facta ad os usque, detegi latens malum: neque adeo crudele hoc erit, cum plerumque omnia incumbentia gangrænosa sint. Merito ergo de horum malorum cura agens Celsus dixit (a), *Oportet autem ante omnia os nudare ulcere exciso, & si latius est ejus vitium, quàm ulcus fuit, carnem subsecare, donec undique os integrum pateat.* Si enim, uti dictum fuit §. 534 n°. 4, aliquando incisione opus sit vivarum partium periosteò inflammato incumbendum, ut ab ossè avertatur malum, longè magis necessarium erit talem sectionem facere, quando gangræna jam adest, ipsiusque ossis corruptio. Nulla enim depuratio poterit fieri ossis affecti, nisi via priùs extrorsum pateat.

Sectione ergo facta, interponuntur plumaceola siccissima vulneris labiis, quæ in diem sequentem relictæ, madefacta ab affluentibus humoribus, tument, magisque debiscere faciunt vulneris aperturam; sicque hoc facto patebit oculis nudum os, poteritque ex mutato ejus colore, asperitate, & cognosci, qualis & quanta corruptela adsit. Videantur de his illa, quæ in Commentariis §. 249, dicta sunt, videtur & Hippocrates probasse hanc curandi methodum. Ubi enim agit de encephali sphacelo, describit ipsius calvarie corruptelam, (uti aliâ occasione in Commentariis §. 432, dictum fuit) habetque sequentia: (b) *Si fideratio cerebri invaserit, dolor paulatim anteriorem maximè capitis partem detinet, & intumescit, & livescit, febrisque ac rigorprehendit. Quum sic habuerit, secare oportet, quâ parte tumuerit, & os perpuratum radere.* In vulnere capitis Historia dictum fuit, de pulcherrima illa methodo, quâ minimis cuneolis leviter perterebrabatur calvarie os, ut vasis vivis suppositis via fieret, sive citius & melius separaretur ossis corrupta pars, & regeneraretur perditâ substantia. In aliorum ossium similibus morbis hanc methodum prodesse posse, facile patet. Sed ut inde aliquid boni sperari possit, nondum tota ossis substantia corrupta esse debet, sed sub parte mortua vitalia adhuc vasa requiruntur. Ubi ergo os, incisione detectum,

(a) Medicin. Lib. VIII. cap. 11. pag. 508. (b) De Morbis Lib. I. cap. viii. Chamberl. Tom. VII. pag. 559.



penitus corruptum invenitur, ferro vel igne tollendam partem mortuam jussit *Celsus* (a); & post illum celebres Chirurgi. Quantum autem etiam in his casibus valeat natura, bono victu & idoneis remediis adjuta, patuit in miro illo casu, cujus in *Commentariis* §. 530, mentio facta fuit. Maxima enim pars ossis tibiæ abscessit sensim, & educta fuit; posteaque renatus fuit callus adeo firmus, ut ægra incedere, currere, & saltare potuerit, absque ulla noxa.

§. 543. **SI** periosteum internum (§22) inflammatur, causas agnoscit easdem (§34); affectusque habet, quoad os internum; eosdem; exitum in abscessum, aut gangrenam eundem (§35. 539.); sed ob denegatam exhalationem, pejorem; unde medulla tota, totum inde os, foetidissimâ putredine, & carie pereunt.

Periosteum illud internum ossium concavam superficiem tegens, de quo §. 522; dictum fuit, tutius defenditur, quàm periosteum externum, adeoque rariores in illo occurrunt morbi. Cum autem hæc membrana vasculosa sit, inflammationis causæ plurimæ & hic adesse poterunt, adeoque & varii inflammationis exitus. Ut jam periosteum externum innumera vascula per ossis substantiam distribuit, atque inde redeuntia recipit; sic & hoc obtinere videtur in periosteo interno. Cumque vitia periostei externi os ideo inprimis afficiant, quodd, destructis vasculis his, vitalium humorum circuitus per ossis substantiam tollatur; idem verum erit & in morbis periostei interni. Adeoque poterit interna ossis superficies corrumpi, licet externa ejusdem pars adhuc sana maneat. Videtur hoc confirmari Observatione *Ruyfchiani*, de qua in *Commentariis* §. 522, dictum fuit. In ossis enim cubiti cavo fistula ossea, integre separata ab ejusdem substantia exteriore, libera & mobilis hærebat. Unde sicut in calvarie osse pericranii vasa externæ tabulæ prospiciunt, duræ matris verò vasa internæ tabulæ; ita & ferè in ossibus majoribus cavis obtinet: atque uti in diploe, inter binas cranii tabulas mediâ hæc vascula pericranii & duræ matris concurrunt, ita fortè & in media ossium substantia simile quid sit. Os humeri servavit *Ruychius* (b), in quo osseo-spongiosa substantia, tamquam in diploe cranii, reperitur inter duas lamellas, seq̃ue hoc in nonnullis ossibus observasse affirmat; atque inde explicat, quomodo tubulus talis osseus ab externa parte ossis separari posset. Alibi (c) idem Auctor similem casum habet, quo modò dicta confirmantur. Ex osse enim tibiæ, inveteratâ carie corrupto, naturæ vi emerfit frustum osseum teres & cavum, cujus figuram in tabulis suis expressit. Omnia ergo mala, quæ ossibus accidunt à periosteo externo inflammato, suppurato, aut gangrenoso, similiter fieri poterunt, si periosteum internum iisdem afficiatur morbis. Si autem consideretur, omnem corruptelam inde natam in medio ossium cavo hære, nullamque dari viam, quâ, exire possit, patet evidenter, longè magis metuendos esse illos morbos, qui periosteo interno accidunt; brevem enim medullam inde corrumpetur, sentietur omnia illa mala, quæ §. 526, enumerata fuerunt.

(a) Medicin. Lib. VIII. cap. 11. pag. 509. | VIII. & Thef. Anatom. VIII. n°. VIII. pag.

(b) Theatro X. n°. CLXXVI. pag. 35. 36. | 7. Tab. III. fig. 2. 3. 4.

(c) Musci Anatom. pag. 171. Fig. VI. VII.

§. 544. **U**NDE etiam liquet, siue membrana hæc (§ 522) primò ipsa inflammetur, siue à corrupta priùs medulla contagio suscepto læsa sit, eundem brevè oriri morbum ossis cariosi à medulla putrefacta, vix unquam curabilem.

Periosteum enim nternum concavam ossium superficiem tegit, & membranz communi, quæ medullæ folliculos collectos ambit, contigua est. Unde facillè patet, inflammato periosteo interno, brevè debere medullam affici. Si enim hæc inflammatio in abscessum vel gangrænam terminetur, evidens est, pus vel saniem debere tenerrimam medullæ fabricam erodere; adeoque illam corruptam fore brevè, & secutura esse omnia illa mala, quæ §. 526, recensita fuerunt. Difficultas curationis patebit ex illis, quæ in *Commentariis* §. 528, dicta sunt. Neque facillè credo quis distinguere possit, an membrana medullam ambiens, aut medulla ipsa an verò periosteum internum inflammatum sit; cùm in utroque casu signa profundæ inflammationis adsint, neque tactu rudiori augeatur dolor; atque effectus similis sit, nempe caries ossis, & medullæ pessima putredo. Unde & eadem medela requiritur, ut statim dicetur.

§. 545. **C**OGNOSCITUR id malum, quando in inflammatione subsistit hæcenus. 1. A signis inflammationis generalibus (§ 382); 2. A loco profundo. 3. A dolore obtuso, fixo, diuturno, nulli remedio externo cedente, nec ad tactum aucto; 4. sed post motus musculares incrementum.

Cùm plerumque serò tantùm cognoscatur hoc malum, ex pessimis nempe effectibus, sedulò investigari debent illa signa, quibus hoc detegi in ipso initio possit: quod tamen satis difficile videtur.

1. Cùm pleraque signa inflammationis, numero hic citato descripta, in locis externis corporis tantùm observari possint; solus tantùm calor, & dolor, atque febris inflammationis, plerumque comes, si alicujus momenti fuerit, tamquam signa hujus mali considerari poterunt. Pulsatio enim in loco tam profundo vix percipietur, imprimis, quia vascula periosteï interni tenerima sunt.

2. Si jam hæc inflammationis signa adsint, neque tamen in externis partibus aliquid mali percipiat, magna suspicio est in intimis ossium recessibus hærent morbum.

3. Solent tales ægri conqueri, quòd sentiant ossa ab interioribus extrorsum quasi diffindi. Dolor ille fixus in eodem loco manet, obtusior quidem, sed molestissimus, cùm nec mutato partis dolentis situ, neque ullis fomentis, cataplasmatibus, &c, mitigetur; interimque tactu quamvis rudiori, non exasperetur. Ratio facillè ex antè dictis patet.

4. Patuit ex illis, quæ in *Commentariis* §. 524, dicta fuerunt, oleum medullare ex cavis ossium transire posse in articularum cava, ossium mobilium extremis & ligamentis articularum inungendis & lubricandis interveniens: sicut consumi per auctos motus corporis. Unde ergo per hos motus stagnantia in

fium

sum cavis deducuntur in motum, & tardiùs motù celerìus agitantur. Proinde si dolor adfit ab inflammatione perioſteo interno, vel & in membrana medullari, evidens eſt, accelerato per has partes humorum motu, illum debere augeri. Iſtud doloris augmentum ſemper ægri ab hac cauſa ſentiunt, ut etiam ſi vini vel aromatum copioſo uſu incaluerint.

§. 546. **SANATUR** tum: 1. Curatione ad inflammationem generali (à 395. ad 401.) 2. Deinde, ſimulac apparuerint reſolutionis incipientis ſigna (386). methodo propoſitâ (529), ſtriçtè ſatis obſervatâ.

1. Illa inflammationis curatio, quæ per reſolutionem fit, omnium maximè optabilis eſt, ſempèrque quærenda (vide §. 401.): verùm in hoc caſu difficillimè obtineri poterit. Rarò enim primis diebus talis morbi Medici conſultuntur, cùm obtuſus dolor & profundiffimè hærens vel negligatur ſæpe in initio, vel externis remediis, vix profuturis, tentetur. Quantum autem conducatur ad reſolutionem inflammationis, ut morbus recens ſit, patuit ex illis, quæ ad §. 386, dicta ſunt. Præterea fomenta, fricções, balnea, &c, quæ tanti uſus ſunt in hac inflammationis curatione, ad partem affectam minimè perſtingere poterunt. Unde nihil hic ſuper eſt, quàm venæſectione & purgantibus antiphlogiſticis impetum & copiam liquidi arterioſi minuere, & viſtu tenui, remediisque diluentibus & attenuantibus uti.

2. Si ſymptomata inflammationis poſt hæc remedia adhibita minuantur quidem, neque tamen integre ceſſent, non licet acquieſcere, ſed omni Artis molimine tenendum eſt, ut integra curatio fiat. Minimum enim in hoc loco relictum malum peſti vorum & incurabilium ſæpe morborum origo poſtea eſſe poterit. Adeoque licet ſedata fuerit inflammatio, præſtat tamen methodum illam adhibere, quæ §. 529, explicata fuit, ut minimæ etiam prioris mali reliquæ tollantur. Cùm autem in hac methodo, repleto priùs per decocta lignorum corpore, febris artificialis excite- tur, patet facilè, hanc tentari non poſſe, priuſquam cura inflammationis prægreſſa fuerit, aliter enim omnia in pejus ruerent.

§. 547. **SI** verò ſuppuration hic vel gangræna acciderit, & per prægreſſâ inflammationis internæ ſigna (245) valida, tum ex dolore fixo, profundo, obtuſo noſcitur; vel methodus (529), vel nihil ſanat.

Ubi autem remedia, inflammationi per reſolutionem curandæ propria, vel non adhibita fuerunt, vel ſerò, aut tam valida fuerit inflammatio, ut omnibus his, licet tempeſtivè adhibitis, reſolvi non potuerit, exſpectandi ſunt alii inflammationis exitus, ſuppuration nempe vel gangræna. Cùm verò puri vel gangrænoſo ſabo, hæc collectio, nullus detur exitus, patet ſatis, quanta mala metuenda ſint. Cognoscitur hos inflammationis exitus adſeſſe, ubi ſigna reſolutionis abſuerint, & dolor fixus, profundus, & obtuſus adfit. Unica tunc curæ ſpes ſuper eſt in methodo illa §. 529, deſcripta, ut nempe ablatur omne corruptum. Si verò neque ſic curari poſſit malum, &

incisione incumbentium partium tutò possit fieri via ad os affectum, terebrâ illud perforandum erit in cavum usque, ut exire possit corrupta sanies. Felici cum successu hoc factum fuisse aliquando, patet ex illis, quæ ad §. 530, dicta fuerunt. Tentata fuit aliquoties salivatio, per argentum vivum excitata, in his casibus; nunquam tamen illam profuisse vidi; adeoque satis patet, ab aliis remediis nihil boni expectandum esse.

§. 548. **T**UM enim putrefactâ totâ mole ossis internâ, tumefacto; inflammato, carioso interno osse, periosteum externum inflammatur, distrahitur à tumore, eroditur ab acri; incumbencia lento contagio corrupta, spongiosa fiunt, tument, dolent, totum membrum perit: sola exstirpatio sanat.

Pus enim in loco clauso calido retentum attenuabitur, putrescet, acie fiet (vide §. 406.). Gangrænosus tabus, si adfuerit, longè citiùs adhuc in pessimam indolem degenerabit. Oleum medullosum, corrosis vesiculis illud continencibus, effusum stagnabit, & acrimoniam rancidam, quâ nulla pejor est, acquirit. Adeoque brevi totum ossis cavum putridissimâ sanie & acerrimâ replebitur. In casu illo, in Commentariis §. 530, memorato, dum trepano perforabatur tibi os, putridissima sanies exhibat, & apparuit evidenter, totam medullam sic corruptam fuisse. Concava ergo ossis superficies ab acri hoc ichore erodetur, valcula inter lamellas ossis media inflammabuntur, lamellæ antea contigux separabuntur, fiet tumor in ossis substantia, tandèmq; erodentur. Dum hæc fiunt, novi dolores oriuntur: corruptis enim omnibus partibus, quæ ossis affecti cavo continentur, dolor, qui priùs aderat, cessat sæpe, vel saltem admodum obrusus manet. Verùm ubi periosteum externum, quod adeo sensile esse novimus, incipit distrahi à tumore, vel erodi ab acri sanie huc usque jam penetrante, acerbissima tormenta patiuntur ægri: incipiunt tunc partes molles ossi incumbentes affici, & lento contagio corrupti. Oriunturque tumores harum partium, & inprimis in panniculo adiposo, satis magni, sed spongiosi, & tactui cedentes. Sensim sic versus exteriora malum propagatur; corrumpuntur omnia; & totum membrum perit. Ultimò enim omnibus, unâ cum osse ipso, mortuis, verus adest sphacelus, quem sola exstirpatio sanat. In gangrænis pessimis, validissimisque contusionibus, licet plurimæ partes destructæ forent, semper ferè aliqua adhuc spes aderat, sub mortuis partibus hæreere viva vasa, quorum ope corruptum separari, & perditum regenerari posset. In hoc verò casu non afficiuntur partes molles, nisi ossa supposita priùs omnino corrupta fuerint.

§. 549. **Q**UALITAS venerea, scorbutica, rachitica; est causa frequens: inde intelligitur, quid sit gummi, tophus, nodus, exostosis, abscessus, caries, spina ventosa in osse.

Licet inflammatio periostei interni, membranæ medullam ambientis, & folliculorum medullosum oleum continentium, possit nasci ab omnibus ferè causis, quæ inflammationem in aliis locis corporis producere valent; tamen, cum adco

tutò defenſæ lateant hæ partes, rariùs à communibus cauſis hic inflammatio oritur. Sed obſervatum fuit, in quibuſdam morbis natam in ſanguine cacochymiam verſus oſſa potiùs deponi, atque illorum fabricam corrumpere Tales ſunt inprimis,

**QUALITAS VENEREA.** Frequentiſſimis Obſervationibus conſtitit, ut poſtea latiùs in luis veneræ Hiſtoria dicetur, ſubtiliſſimum illud contagium, ſanguini miſtum, dein ad varia corporis loca deponi, atque ibi ſenſim erodere omnia, ſimulque tali prædium eſſe efficaciâ, ut humores ſanos corrumpat, & in ſuam naturam convertat ſic, ut ab illi iterum ſimilia mala, in vicinia loci affecti non tantùm, ſed & in diſſitis partibus, oriantur. Patebit etiam poſtea, virus illud oleoſis & mucofiſ noſtri corporis humoribus quàm maximè intricari: non mirum ergo erit, ſi pingui oleo, ſive per oſſium ſubſtantiam diſperſo, ſive in illorum cavis collecto, ſe inſinuet, & deinde lentâ eroſione, ut ſolet, corrumpat omnia. Omnium peſſimi oſſium morbi à lue veneræ frequentiſſimè naſci obſervantur; inprimis ſi diù in corpore jam hæſerit, atq; radiceſ fixerit, rariùs enim à recenti hoc malo oſſa inſiciuntur. Oriuntur tunc dolores illi pertinaciſſimi, ſæpe nullis remediis cedentes; aliquando tamen, poſt curam per ſalivationem, vel per decoctum guaiaci, mitiores facti, recrudescunt poſtea. Quomodo ipſa oſſium medulla à veneræ lue corrupta fuerit, patuit ex illo caſu, cujuſ in *Commentariis* §. 530, mentio facta fuit. Innumeris autem fide digniſſimorum Auctorum Obſervationibus confirmari poſſet, oſſa peſſimè à lue affici ſæpiſſime. Coſtas, ſternum, clavículas inde exefas vidi, vertebraſ colli eroſas ab ulcere veneræ pharyngem depaſcente; totam tabulam exteriorẽ oſſis bregmatis dextri carioſam factam cecidiſſe memini, &c. Hæc ſufficient, ut probetur, veneræ luem ſatis frequentem cauſam dare oſſium morbis.

**SCORBUTICA.** Prima ſerè ſcorbuti ſigna circa gingivas & dentes apparent, notiſſimùmque eſt, ab hoc morbo carioſos dentes factos frullatim excidere, non tantùm, verùm etiam maxillam ipſam in parte ſua oſſea peſſimè aliquando affici. Ulcera illa pertinaciſſima crurum, quæ ſcorbuticis adeo frequentia ſunt, ſæpe oſſium cariam comitem habent. Quinimo in peſſima ſcorbuti ſpecie omnia oſſa carioſa intra fuerit (*a*). In magno militum ab hoc morbo deſectorum numero invenit *Petitus* (*b*) perioſteum in plurimis corporis locis integre ſolutum fuiſſe ab oſſibus, atque ſub perioſteo hæſiſſe lympham fulcam, vel nigricantem ſætoris intolerabilis. Unde ſatis patet, quàm funeſtum oſſibus malum ſcorbutus ſit, inprimis ſi inveteratus fuerit morbus; tunc enim dolores oſſium nocturnos inprimis, & plurima ſigna cum lue veneræ communia habet.

**RACHITICA.** Quando poſtea de rachitide peculiari capitulo dicetur, patebit, illum morbum magnam cum ſcorbuto affinitatem habere, & ſæpe non carere ſuſpicionẽ lenis labis veneræ admixtæ: omnium frequentiſſimè enim infeſtat tales infantes, qui geniti ſunt ex parentibus labi veneræ & iteratis gonorrhœis olim obnoxii. Videmus autem, oſſa in hoc morbo peſſimè affici: dentes enim nigrefcunt, & carioſi excidunt, epiphyſes protuberant, & levi vi ſolvuntur ab oſſibus, quibus cohærent, & in pejori hujus morbi gradu ſæpe caries oſſium & ſpina ventofa obſervantur.

Ex hætenus dictis intelliguntur ſequentes oſſium morbi.

**GUMMI.** Sic ſolet vocari tumor, ex ipſa oſſis ſubſtantia enatus; talis

(a) Académ. des Sciences, l'an 1699, Mém.

(b) Traité des Maladies des Os, Tom. II,

tenacitatis & mollietiei, ut digiris cedat, ferè uti solent gummi ex arboribus siliantia, & concreta, dum radiis solaribus mollescunt, vel nondum perfectam duritiem acquisiverunt. In lue venerea laborantibus sætis frequenter tales tumores in capite, uti etiam in media & solidissima parte majorum ossium, observantur. Videntur autem hi tumores fieri, quando vascula inter lamellas, ossium substantiam constituentes, decurrentia, obstructa vel inflammata dilatantur, & lamellas incumbentes elevant. Forè etiam in his tumoribus ipsa ossis substantia propriè dicta, naturaliter adeo dura in molliem præternaturalem & morbosam degenerat. Docuerunt mirabilia Observata, à latentibus sæpe causis ossium compagem sic mollescere posse. In *Commentariis* §. 512, ex *Peitri* Observatione dictum fuit, semoris ossis caput, & ossis ischii cavum in carneam molem mutata fuisse, quæ levi etiam tactu sanguinem sunderet. Apud eundem Auctorem plures alii casus habentur (a), quibus probatur, ossa sic emolliiri quandoque (cartilagine autem, quibus ossa hæc emollita tegebantur, naturalem duritiem retinuerant). In omnibus his casibus tamen ossa tantum in quibusdam corporis locis amiserant suam consistentiam: mirabilis autem Observatio docuit, omnia sic mollescere posse. *Fœmina* viginti & duos annos nata, post febrim incepit validos dolores per totum corpus pati, deinde pedibus insistere non potuit amplius, & optimè formati corporis figura mutabatur, simulque corporis statura sic decrefcebat, ut novemdecim mensium spatio integro pede brevior facta fuerit. Non poterat misera loco moveri, quin ossa incurvarentur: tumebat toto corpore, cutisque dura, & longè crassior solito, siebat: interim avidè manducabat. Post mortem inventa fuerunt omnia corporis ossa, dentibus folis exceptis, mollietie ceram superare, poterantque faciliùs scindi, quàm carnes. Nulla erat in ossibus his emollitis cavitas, neque medullæ vestigium. Reliquæ omnes partes corporis naturaliter se habebant (b). Patet ergo ex his omnibus, posse in morbis emolliiri ossa, atque frequenter observatum simul fuisse, ossa sic emolliiri in quibusdam locis, à topico malo, simul intumuisse, unde origo horum tumorum apparet.

Simul constat ex dictis, ossium illam molliem aliquando post abscessus vicinarum partium sequi, quandoque in ipsa ossium substantia mali hujus originem esse, & inprimis dum lues venerea ossibus hæret. Interim tamen etiam simile malum in ossibus observatum fuit, licet nulla causa detegi potuerit. An acida sanguinis cacochymia ossium mollietiei causa aliquando esse posset? Videmus in debilibus pueris, quorum victus pro maxima parte ex acescentibus constat, interimque vires vasorum & viscerum tam debiles sunt, ut chyli, ex ingestis nati, indolem superare nequeunt, rachitism toties nasci, & ossium nimiam flexilitatem. Dum liquor, in quo servabat sæctum humanum *Ruysschius*, acidior justò factus erat, costæ sic emolliitæ fuerunt, ut illas vario modo flectere non tantum, verùm funiculi instar in nodum torquere potuerit (c).

**TOPHUS, Nodus.** Quando tumor talis in ossè natus durior est, quàm gummi, mollior tamen adhuc, quàm os ipsum cui adhæret, tophus vel nodus vocatur. Solebat celeberrimus *Boerhaavius* tophos, comparare cornubus vitulorum, dum adhuc sub cute hærent; nodos verbò iisdem, quando jam extra cutim promi-

(a) *Traité des Maladies des Os*, Tom. II. p. 230, & suiv. Académ. des Sciences, l'an 1711, Mém. pag. 311.

(b) *Ibid.* l'an 1700. Histoire, pag. 46, 47.  
(c) *Thes. IV. n. xxxviii.* pag. 11. *Thés. VI. n. xlii.* pag. 32.

nebant, & tamen nondum cornu duritiem habebant. Unde patet, tophum & nodum non differre à gummi, nisi tantum majori firmitate.

**EXOSTOSIS.** Sic solet vocari tumor ossium, qui duritie os ipsum æquat, vel & superat. Aliquando totum os, in omni sua parte mole auctum, facit exostosis, quod in ossibus carpi & metacarpi, tarsi & metatarsi, & in digitorum phalangis quandoque observatur. In majoribus ossibus hoc rarsissimè accidit, sed plerumque quædam tantum horum pars in talem tumorem elevatur. Ossium nutritio & incrementum, & restitutio perditæ ossium substantiæ, de quibus in vulnere capitis & fracturarum Historia dictum fuit, probant, ex humoribus sanis, debitâ copiâ & impetu delatis per vasa bona, osseam ipsam duram substantiam renasci posse. Quin etiam in fracturarum curatione toties observatum fuit, renatum callum in junioribus inprimis, attolli ultra ossis reliqui superficiem, & postea sæpe totâ vitâ tumorem durum, & osseum, relinquere. Verum illa substantia, quæ ossa fracta unit & consolidat, & restituit perditum, primo mollis est, sensim tantum osseam duritiem acquirit (vide §. 294.) Si ergo quacumque de causa dilatentur vascula, quæ adferunt materiam, ex qua os nutritur, & perditæ restituantur, poterit fieri augmentum molis, & tumor in osse ipso. Cumque inter lamellas, quarum variis stratis ossa majora constant, talia vascula distribui, admodum probabile sit (vide *Commentaria* §. 252. poterit & in his interstitiis augeri ossis moles, & lamellæ à se mutuo distendi; adeoque augeri quàm plurimum ossis crassities.

Prout nunc tumores hi in ossibus nati versus exteriora vel interiora protuberant, pro vario loco ossis, quem occupant, pro diversitate partium vicinarum, quæ ab his tumoribus læduntur, pro varia denique talium tumorum mole & figura, diversa mala sequi posse, & satis sæpe mirabilia, in corpore humano, docet *Historia Medica*.

*Ruysschius* (a) ossis tibiæ partem, exostosis affectam, serrâ divisit secundum longitudinem, atque tunc invenit exostosis cavernosam ex interna superficie ossis ortam, atque medullæ cavum angustantem. Patet facilè, quanta mala fieri possint à tali exostosis, cum medulla inde comprimi & lædi debeat, adeoque metuenda sint omnia illa, quæ §. 526, enumerata fuerunt. Exostoses illæ, quæ in media & solidissima ossium majorum parte nascuntur, plerumque satis duræ sunt in tota sua mole: illæ autem quæ prope juncturas hærent, aliquando exterius tantum duræ inventæ fuerunt, & sub hac crusta mollium partium inter secedentes hic lamellas osseas hærentium, miræ degeneraciones in carnem fungosam, pus, saniem, mucum, &c. fuerunt observatæ (b). Si interior cranii pars in talem tumorem attolleretur, patet evidenter à compresso encephalo epilepsiam, paralysem, apoplexiam, &c. metuenda esse. Dum verò ex osse temporis emergebat exostosis, per quindecim annos sine magno malo illam toleravit miles, licet sensim auctâ mole tandem melonem minorem magnitudine æquaret: dumque in homine, post lithotomiam in ipso factam mortuo, serrâ dividebatur exostosis, candore & duritie internæ suæ substantiæ ebullire referebat (c). Cum autem exostoses, in externa ossium superficie natz, perio-

(a) *Theaur. X. n. c. lxxviii, Tab. II. fig. 4. & 5.*

(b) *Perit, Traité des Maladies des Os, Tôm. II. pag. 358. 388.*

(c) *Ibid. pag. 381.*

steum incumbens lentâ distractione afficiant, molestissimi & diuturni aliquando dolores inde fiunt, omnîque acerrimi; sed citius tamen cessantes, si acutam figuram tales tumores habuerint. Vidit *Petitus* (a) ex osse tibie emergentem exostofin, apophysi styloideæ similem, quatuor lineis Geometricis ultra ossis superficiem prominentem, quæ acutissimos dolores in initio fecerat, sensim minutos, tandemque indolens tumor ossis remansit.

Solent ossi hi tumores externas læsiones aliquando sequi; paritèrque observantur fieri ab internis causis; & nunquam frequentius quàm à venerea lue: in pessimo scorbuto crurum ulcera, rebellia toties ad omnia remedia, ossium cariem sæpe aliquando & exostofin, comitem habent. Exostofes, ab externis causis ortæ, plerumque benignioris indolis esse solent, sed & difficulter curari possunt: quæ internis verbò causis originem debent, debellatis his morbis, aliquando cedere solent vel saltem plurimum minui; quod in exostofibus venereis frequenter observatur. A levibus etiam contusionibus exostofes nasci posse constat, imprimis in illis locis, ubi ossa parvis tantum incumbenibus teguntur: unde toties tales tumores in spina ossis ribiæ observantur: cùmque satis frequentibus læsionibus solet offendi hæc pars, monuit *Petitus* (b), raro inveniri homines, qui aliquam saltem non habeant inæqualitatem in hujus ossis superficie. Quam enormes autem ossis tumores validas contusiones aliquando sequantur, patebit ex sequenti casu. Juvenis sedecim annorum sexto ætatis anno sinistra manus validè contusa fuerat, integre inde curatus fuisse videbatur. Parvo tamen tempore elapso, incipit manus tumere, sensimque mole augeri per decem annos continuos, atque omnium maximum tumoris augmentum observabatur ultimo biennio. Quanta verbò moles fuerit partis affectæ, facile intelligitur, cùm sex libras pondere suo excederet. Extirpatione factâ supra carpi articulum apparuit, pollicem & indicem illæfos fuisse, reliquorum autem digitorum phalangeas in maximam molem excrevisse, & fecisse tres distinctas exostofes, quarum maximæ diameter septem circiter pollices, mediæ sex minimæ quatuor æquabat (c).

Exostofes, quæ à læsione externa factæ fuerunt, raro curantur, nisi manuum operâ tolli possint; at cùm plerumque benignæ satis indolis esse soleant, vix suaderi potest, ut periculosa sæpe, & semper satis difficilis, cura tentetur, nisi mole, figurâ, aut situ magna mala fiant.

Illæ verò, quæ causis internis originem debent, ablatis his, sæpe sanantur, vel plurimum saltem mole minuuntur: si verò, sanatis morbis, manent tamen exostofes (quod in venerea lue quandoque observatur) incisis integumentis, ferro vel igne tolli possunt, si magnum ab his relictis malum metuatur; plurimos tamen casus vidi, ubi post curatam luem manserunt exostofes, & quidem per plurimos annos, solâ tantum deformitate partis affectæ nocentes. Quânam autem methodo commodissimè tolli possint tumores illi ossi apud modò laudatum Auctorem videri potest (d).

**ABSCESSUS.** Quid hoc nomine intelligatur in partibus corporis mollioribus, dictum fuit in *Commentariis* §. 402; patuitque ex antè dictis §. 516, ossa similes morbos pati posse. Ex plurimis etiam Observatis, quorum in hoc capitulo

(a) *Traité des Maladies des Os*, Tom. II. pag. 436.

(b) *Ibid.* pag. 435.

(c) *Académ. des Sciences*, l'an 1720, *Mém.* pag. 581. & suiv.

(d) *Traité des Maladies des Os*, Tom. II. pag. 518.



mentio facta fuit, constitit, in cellulosa ossium parte prope juncturas, & in mediis ossium majorum cavis inflammationem natam transivisse in abscessum. Præterea etiam ipsa ossis propriè dicta substantia abscedere dicitur, quando una vel plures lamellæ, ex quarum adunatione ossa constituuntur, mortuæ & corruptæ à valis vivis suppositis solvuntur & separantur; atque deinde regeneratur similis lamellis his separatis substantia; cui nova periostei textura increfcit, sicque integre restituitur illud, quod perierat. Videantur illa, quæ de hac re in *Commentariis* §. 252, dicta fuerunt; ubi simul notatum fuit, *Hippocratem* jam in capitis vulneribus notasse, quiddam nudatum, vel teli vestigium in osse relictum, plerumque abscederet ab alio osse vitam & sanguinem habente. An non etiam ad abscessus ossis referri possent miræ illæ *Ruyfchianæ* Observationes, de quibus §. 522, & 543, dictum fuit; quando nempe in medio majorum ossium cavo teres fistula ossæ separata à reliquo osse inveniebatur?

**CARIES.** Gravius omnino, & distinctum penitus ab ossium abscessu, malum; Ubi enim os abscedit, cohesionem suam adhuc retinet, & plerumque lamellæ formâ separari solet. In carie verò adeo corrupta & exesa est ossis substantia, ut in pulverem fatiscat. Majorem ergo longè corruptelam ossis designat, & difficiliorem curationem. Quomodo cognoscatur caries ossis, integumentis & carnibus incumben- tibus testis, dicitur §. 553. Ubi verò oculis patet os affectum, vel specillo tangi potest, facillè cognoscitur. Unde *Celsus* dixit (a) *In carie quidem expedita cognitio est, si specillum tenue in foramina demittitur, quod magis minùsve intrando, vel in summo cariem esse, vel altius descendisse, testatur.* Illo enim in loco, ubi os carie corruptum, nullam ferè soliditatem habet, sed specillo cedit; ubi verò ad sanam ossis partem usque specillum adigitur, resistentia percipitur. Unde *Celsus*, postquam ad curationem horum malorum ossa radi jusserat, addit, (b) *Finis est, cum vel ad album os, vel ad solidum, ventum est. Albo finiri ex nigritie vitium; soliditate quædam ex carie manifestum est.*

**SPINA VENTOSA.** Quæ est caries ossis pessima, quando ab interno malo corrupta medulla os erodit; videantur illa, quæ ad finem §. 526, dicta sunt.

§. 550. **HINC** novimus, cur os cariosum colorem suum tam variè mutet ex subcæruleo candido in album pinguem, flavum, cineritium, lividum, nigrum; & quem corruptelæ gradum singuli denotent.

Ubi in vulnere capitis Historia agebatur de illis signis, quibus cognoscitur, cranium malè affectum esse (vide §. 249. §. 262.), notatum fuit, ossum sanorum in vivo homine colorem esse subrubellum, vel & subcæruleum; primumque signum vitii ossis mutatum colorem, in album, flavum, fuscum, nigrum. Idem etiam in reliquis ossibus verum est, & eo major plerumque corruptelæ gradus significatur, quò magis à naturali colore in nigredinem vergant. Prima coloris mutatio est, dum os albescit, & incipientem quasi mortem in osse denotat: unde etiam, dum *Arte Bellosiana* minimis terebris perforaretur calvaria sic affecta, primum signum felicitis cu-

(a) Medicin. Lib. VIII, cap. II. pag. 508. | (b) Ibidem.

rationis erat, si ossis superficies alba inciperet rubescere. Cùm autem demonstratum sit in *Commentariis* §. 524, oleum medullosum per poros sibi mutuo incumbendum lamellarum transire ad superficiem externam ossis usque, ibique forsitan venulis periossei recipi & sanguini misceri, patet evidenter, destructâ vitali in osse fabricâ, oleum illud huc delatum accumulari, stagnare, & corrumpi, idèque os pingue fiet, & flavescet. Quod & pulcherrimè notavit *Celsus* dicens, ubi de ossium vitis agit, (a) Id, quod vitiatum est, primò ferè pingue fit deinde vel nigrum, vel cariosum. Aucto malo, color cinereus, lividus, tandèmq; niger nascitur; perfectam mortem in osse, & pessimam ejus corruptelam indicans. Successiva hæc colorum mutatio in dentibus pariter observatur, quando incipiunt corrumpi: primò enim flavescunt, fusci fiunt, dein nigrescunt, & carioli facti frustillatim cadunt.

§. 551. **E**X iisdem liquet; cur os cariosum inæquale, asperum, spongiosum, friabile, molle, fragile evadat; arteriæ externæ, & internæ, lamellas ossis non plus comprimunt.

Patuit ex illis, quæ quinque prioribus paragraphis hujus capituli dicta sunt; ossa ex lamellis sibi mutuo applicatis constare, interque has vascula decurrere, quæ vitales humores, ad vitam & nutrimentum ossium requisitos, advehunt; omnium maxime in illa ossium parte, ubi majora inter has lamellas interstitia relinquuntur. Arteriolæ ergo, inter extimam ossis lamellam & proximè sequentem mediam, in omni ferè puncto, dum in diastole sunt, lamellam externam elevare nituntur. Verùm per periossteum dispersæ arteriolæ, dum dilatantur, æquali, vel & majori vi resistunt hujus lamellæ elevationi. Ubi ergo à quacumque demum causâ periossteum corruptitur, prævalebit actio arteriolarum inter lamellas osseas decurrentium, & levabitur exterior lamella: patet autem facilè, idem in omnibus lamellarum ossis interstitiis sic contingere posse. Minor fortè videri posset arteriolarum harum actio, quàm ut duram lamellam osseam elevare, & à subjectis separare posset; sed si consideretur, has arteriolas in omnia ferè puncta talis lamellæ quater millies horæ spatio repetitis ictibus agere, fortè non adeo mirum videbitur, parvam vim, toties applicatam, tales effectus facere posse. Ubi in vulneribus capitis nude pericranio calvariæ superficies abacere, pinguibus applicatis, &c, malè affecta fuit, harum arteriolarum vi separabatur sæpe paucis diebus squamula corrupta; ut latius in *Commentariis* §. 249, dictum fuit.

Apparet ergo ratio, quare arteriæ internæ, id est, inter lamellas decurrentes, has elevent extorsoribus, simulac deficit pressio arteriarum, quæ in exteriorum harum lamellarum superficiem agere poterant. Os itaque, quod corrumpitur, ob hanc causam inæqualem superficiem accipit, asperumque fit, & ob lamellas à se mutuo sic secedentes, spongiosum & magis fragile, plurimùmque de naturali sua soliditate amittit. In ossibus enim sanis omnium firmissima pars est illa, ubi lamellæ osseæ contiguæ sunt, quod in media parte ossium majorum fieri solet; & contrà longè magis spongiosa, mollia, & fragiliora sunt ossa circa extrema, ubi lamellæ osseæ plurimum distant à se mutuo. Friabilitas autem ossium cariosorum plurimùm augetur, quia humores stagnantes, & acriores res-

(a) Medicin. Lib. VIII. cap. II. pag. 507. 508.

diti erodunt ossum substantiam; atque omnium maximè hoc fit ab oleo corrupto, ut §. 526, dictum fuit. Præterea ossum cohesio ab oleo, glutinis instar terrestribus partibus interposito, pendere videtur: fragilissima enim fiunt ossa, uti antea monitum fuit, ubi igne aperto omne pingue expellitur, atque ossa talia diuturnâ calcinatione fragilissima reddita, si oleo iterum immergantur, firmius cohererent. Dum ergo putredine attenuatur oleum perit, & acribus simul humoribus eroditur os, patet faciliè, quare ossa cariosa penitus friabilia reddantur, sic ut à levi etiam, specilli tactu in calcem collabantur.

### §. 552. **I**TEM, cur foetorem singularem rancidi lardi exhalet.

Fœtor ille adeo distinctus est, ut periti Chirurgi hoc solo prædicere audeant; ulceri cariem ossis subesse: expedit ergo cognoscere hunc foetorem, qui verbis describi nequit, verùm quàm proximè ad lardi corrupti & rancidi abominabilem odorem accedit. Ubi caries ossis ad medullam usque pervenit, facilis ratio huius foetoris pateret; tamen similis percipitur, licet superficialia tantùm corruptela in osse fuerit. Dictum fuit in *Commentariis* §. 524, oleum medullare per poros lamellarum transire, & inter lamellarum interstitia deferri, ad extimam ossis superficiem usque; licet ergo exteriores tantùm lamellas caries occupaverit, oleum medullosum huc versùs delatum stagnabit, corrumpetur & pessimum hunc foetorem faciet.

§. 553. **N**EC non cur in loco ulceroso à subjecta carie caro superincumbens mollis, flaccida, fungosa, inflata, tumens, labia ulceris inversa; sanies clara, subtilis, vix glutinosa, foetida, parvis squamulis nigris referta; recrudescencia sine causa; pertinax rebellio contra medicamenta optima ad alia omnia ulcera.

Considerantur jam illa symptomata, quæ cariem ossis comitari solent, & quorum præsentia latens tale malum peritis Chirurgis sæpe demonstrat.

**CUR IN LOCO ULCEROSO, &c.** Quando priùs affecto osse, & corrupto, incumbentes partes afficiuntur, & ulcerantur, sensim sic exedi solent, & in mollem flaccidumque tumorem elevari, uti constans omnium Chirurgorum Observatio est, & in spina ventosa apparet; cui inde hoc nomen datum fuisse videtur. Putredo enim ossis suppositi pessimam mephitim per vicina omnia dispergit; cùmque panniculus adiposus adeo faciliè tumere soleat, inflatur brevi: neque tamen inflammatoriâ tunc duritie turget, sed mollis & laxus apparet, & tactus quasi sub digitis vacillat. Unde periti Chirurgi, dum antiqua ulcera lustrant, semper digitis explorant, an firma quidem appareant omnia in ambitu loci ulcerosi. Ossi enim corrupto non adhærent partes incumbentes, neque ullâ Arte fieri poterit, ut accrescant, nisi priùs omne corruptum separatum fuerit. Dum denique carie afficiuntur, gingivæ secedunt, neque postea unquam ad loca hæc cariosa accrescunt. Notatum fuit in *Commentariis* §. 549, à pessimo scorbuto cibus

affectis non cohesisse periosteum, sed in cadaveribus solum inventum fuisse. Unde etiam in vulneribus capitis cognoscebatur, calvariae os malè affectum esse, ex carne circa septimam diem abscedente, dolore, naturâ puris tenui & graveolente, vulneris malignitate alienâ (vide §. 255. n°. 8. Fottè etiam elastica materies, quæ à putredine gigni solet, tumorem incumbendum partium augebat.

**LABIA ULCERIS INVERSA.** Quando §. 158, agebatur de phænomenis, quæ vulnere in corpore sano & robusto contingerent, dictum fuit, labia vulneris retorqueri, ob assurgentem panniculum adiposum, cutis tegmine coercente liberum. Ob eandem causam ulceris talis labia ab inflato panniculo adiposo invententur. Verùm in vulnere labia vivo rubore persusa apparent, in his verò ulceribus sordida, pallida, livida sæpe; & uti optimè Hippocrates dixerat de vulneribus capitis cum ossis corruptela (vide §. 255. n°. 8.), carnes sile maceratas referunt.

**SANIES GLARA, SUTILIS, &c.** Quando de suppuratione agebatur §. 387, dictum fuit, Hippocratem & Galenum putredinis vocabulo usos fuisse aliquando, ut illam designarent. Optimè tamen distinxerunt suppurationem à putredine propriè dicta: illam enim dixerunt fieri vincente naturâ, hanc autem, devictâ. Unde meritis conclusit Galenus, ut in textu ibi citato patuit, suppurationem non esse simpliciter putredinem, verùm aliquid coctionis habere, & per superfitem vasorum facultatem illos humores, qui putrescerent aliter, in pus converti: addiditque idem Auctor, in ulceribus nasci liquorem magis minùsve à conditionibus boni puris degenerantem, prout vires coquentes fortiores vel debiliores essent, & materia in pus convertenda magis minùsve rebellis foret. Cùm ergo in ulcere carie ossis stipato pessima putredo à corrupto oleo adsit, partésque incumbentes & vicinæ flaccidæ, molles, & inflatæ sint, imò sæpe ferè semi gangrænosæ; patet, materiam in pus convertendam maximè rebellem esse, virèsq; concoquentes debilissimas. Non mirum ergo loco boni puris, quod à vincente natura fit, & album, crassum, læve, æquale, & inodorum est, nasci hic saniem tenuem, & olidam, fuscam aliquando, & acrem valde. Solent plerumque corrupti ossis squamulæ nigræ simul cum hac sanie exire; quod pro certissimo ossis carioli signo meritis habent Chirurgi: ob hanc causam in ulceribus diuturnis semper plumaceola & emplastra, dum renovatur apparatus, sollicitè lustrant; & si in his nigredo appareat, & fœtor (§. 552.) percipiatur, cariem ossis adesse suspicantur.

**RECRUESCENCIA SINE CAUSA.** Nisi enim integre prius depurari possit os affectum, manet semper mali fomes, licet ulcus coaluerit, atque ideo semper recrudescet. Neque unquam talia ulcera bonâ & firmâ cicatrice coeunt, sed semper cicatrix mollior, elevata, & vacillans apparebit; atque sponte postea, seriùs ocyùsve, talis locus aperietur. Ubi dentes corrupti in theca maxillari cariem fecerunt, oritur subita sæpe in gingivis inflammatio, & suppuratio; aperto abscessu pus satis olidum exit, & sanatum videtur malum; post paucas tamen septimanas redire solet, nisi evulso dente, & depurato loco affecto, integra curatio fiat. Vidi sic in puero, cui post variolas tubera pure plena in variis corporis locis orta fuerant, in fronte difficillimum ulcus, quod exsiccantibus remediis sæpius sanatum videbatur, & paulò post tamen recrudescere; donec post

integrum biennium tandem separaretur ossis corrupti squamula, & paucorum dierum sapio sanaretur perfectissimè.

**P**ERTINAX REBELLIO, &c. Nullum ulcus perfectè sanari poterit, nisi priùs ad conditionem puri vulneris deducatur. Quidquid enim mortui vel corrupti in ulcere hæserit, heterogeneum corpus est, quod unionem partium separatam impedit semper, quamdiu ibi hæserit. In vulnerum Historia §. 206. 207. 208, dictum fuit de varia methodo & remediis efficacissimis, quibus sordes illæ tolli possent. Doluerunt toties Chirurghi, quòd diuturnà etiam talium applicatione nihil profecerint in ulceribus, quæ non adeo magni momenti videbantur: invenerunt tunc ferè semper ossis cariem subesse. Monuerat hoc Hippocrates in Aphorismis dicens, (a) *Ulcera annua quæcumque fuerint, aut longius tempus habuerint, os abscedere & cicatrices cavas fieri necesse est.* Imo aliquando adeo rebellia sunt hæc ossium mala, ut nullis omnino cedant remediis. Ubi calcis os corrumpitur, dixit Hippocrates quòd (b) *morbus ævum durat.*

**§. 554. U**T &, cur caries à causa externa facilè; ab interna difficulter; à lue Gallica difficiliùs; à spina ventosa difficillimè sanetur.

Pro diversitate causæ, quæ cariem produxit, facilius vel difficilior ejusdem curatio prævidetur. Ubi enim à causa externa, contusione v. gr; vel vulnere, ortum duxit, quædam tantùm ossis pars sic corrupta est, sed per reliquam ossis substantiam sani humores per vasa bona delati, valebunt separare corruptum, & perditum restituere. Unde in vulneribus capitis caries calvariæ tam pulchre & tam citò sæpe sanatur, modò in reliquis sanum corpus fuerit. Ubi autem per morbosam cacochymiam acres redditii humores, qui per ossium substantiam fluunt, illa eroderint, patèt fatis, difficilem curam fore, cùm depurato loco carioso eadem causa sæpe supersit, quæ illam produxerat. Quò autem difficiliùs superari possit talis cacochymia, eò molestior erit curatio. Cùm verò in venerea lue contagium, ubi semel ossibus hæsit, difficulter admodum extricari possit; & sæpe, post magnas etiam curationes per argentum vivum vel guaiaci decocta, per plures menses silens malum æquali malignitate repullulet; patet fatis, difficiliorem esse sanationem cariei, quæ ab hac causa originem duxit. In spina ventosa caries ossis, ut dictum fuit §. 526, à corrupta priùs medulla oritur, adeoque vix apparet, nisi tota priùs ossis substantia erosa fuerit: nihil ergo vitalis sub tali carie hæret, quod corrupta separare & perditam restituere valet. Sola autem spes curæ in eo consistit, ut magna corrupti ossis pars Arte tollatur; vel post menses, imò & annos elapsos, sponte à vicino ossè sano separetur: hoc factum fuisse quandoque Observatis Chirurgicis, antea memoratis, constat; sed & simul apparuit, omnium difficillimam talis mali curam esse.

(a) Aphor. Sect. VI. n. XLV. Charter. Tom. I. X. part. II. pag. 177.

(b) Lib. de Fract. Comment. II. sect. XXI. Charter. Tom. XII. pag. 100.

§. 555. **DENIQUE**, cur in parte solidiore ossis mala; in spongiosa pejor; in juncturis pessima; prima lenta, altera velox, ultima velocissima sit; cur in pueris velox, & curatu difficilis; cur spina ventosa plerumque pluribus locis simul, vel successivè

Ex illis quæ ad §. 516, dicta sunt, consistit osium majorum mediam partem densissimam esse, & minùs vasculosam, ac quod magis versus extrema osium pergitur, eò plùs recedere à se mutud lamellas osseas, & majora interstitia relinquere, quæ vasculis numerosissimis, & vesiculis oleo subtili medullosis plenissimis (vide §. 518.) replentur; simulque apparuit, in illa osium parte quæ juncturas constituit, & capsulâ ligamentorum articulos necessarium tegitur, cavernosam talem substantiam quàm maximè adesse, & tenui tantùm crustâ ossi tegi quæ in ipso etiam femoris ossi unguis sæpe crassitiem vix superat. Si ergo in solidissima ossis parte caries adit, mala quidem erit, sed tamen magna spes est, separationem carioli obtineri posse, neque tam citò firma hic maximè ossis substantia erodetur. Quando verò in parte spongiosa ossis caries nascitur, brevi destructa erit tenuis illa ossi crusta, & molles partes suppositæ corrumpentur; unde pessima putredo, & metuenda inprimis olei medullosi corruptio sequetur. Cùm autem circa juncturas tenerima sit osium substantia, & major numerus folliculorum pingue oleum medullosum continentium, pejora omnia sequentur: si jam simul consideretur, putridam saniem hic collectam, erosâ ossis superficie, in cavum articuli delabi posse, patebit ratio, quare cariem hic natam tristissima sequantur mala, vix unquam superanda, nisi exstirpatione membri sic affecti. Mirabilis talis casus describitur à Meryo (a), ex quo patet, quantum mutari possit osium fabrica in cavernosa hac parte circa juncturas. Militi condyli ossis femoris, quibus tibiæ articulat, in tam enormem molem expansi erant, ut omnes partes incumbentes summis cum doloribus distraherent, unde miser anxie petebat, ut exstirparetur pars. Quo facto, tumentes condyli resecti, & omnibus partiibus incumbentibus nudati, undecim libras pendebant: erat autem globus osseus, sed cavus, plenus materiâ polypoâ, & sanie flavescente & limpidâ.

Ex modò dictis simul patet, quare caries lentius depascatur solidam & densam osium partem spongiosam, citius atque omnium citissimè cavernosam illam substantiam, quâ osium majorum extrema articulata constant.

Quia autem difficilissimi osium morbi & numerosissimi occurrunt in illa horum parte, quæ plurima vascula habet, atque ideo magis ad partium mollium naturam accedit (vide §. 515.), pater ratio, quare in pueris caries osium velox sit, & curatu difficilis. In juniore enim ætate longè major vasculorum numerus est in omnibus corporis partibus, atque sensim per ætatem plura abolentur, & expressis liquidis concresecunt (vide §. 43. n°. 4); unde ergo & major numerus vasorum in ossibus erit in pueris, & mollior horum substantia, adeoque & faciliùs lædi poterunt, citiusque corrumpi. Consistit verò omnibus Observationibus, spinam ven-

(a) Académ. des Sciences, l'an 1706, Mém. pag. 318.

tosam, five cariem ossis à corrupta prius medulla per causas internas natam, nunquam ferè unico tantum in loco adesse, sed plures partes, & sæpe satis diffusas, simili malo affici. Vidi sic in digito indice spinam ventosam, mediam phalangam obidentem; & post paucas septimanas in pedis tarso, & in osse jugali simile malum, quod post triduosam moram, separatâ ossis corrupti parte, sanatum fuit, sed surpissimam & profundam admodum cicatricem reliquit. Unde simul patet, non facile ad extirpationem partis spinâ ventosâ affectæ pergendum esse, cum plerumque in aliis locis repullulet. Ratlo autem videtur hæc esse. Spina ventosa internis causis originem debet, (vide §. 526.) & omnium frequentissimè venereæ, scorbuticæ, aut rachiticæ cacochymicæ (vide §. 549.), quæ non ad unum tantum locum, sed ad plura sæpe deponi solet. Accedit, quod natum in quodam loco malum possit inficere humores sanos locum affectum alluentes, sicque propagari per totum corpus: quod inprimis in lue venerea patet, quæ sæpe, in genitalibus primâ labe susceptâ, deinde univèrsum corpus depascitur.

§. 556. QUI his (ab 512; ad 556.); dicta de contusione (325); luxatione (ab 358, ab 358, ad 370.,) fracturisque (ab 339, ad 358.) ossium adjunxerit; tum ea, quæ de vulneribus capitis ossa lædentibus (ab 249, ad 297.); habebit Historiam, & curationem morborum præcipuorum in ossibus. Inprimis si ἀγκύλωσις additur. Quæ immobilitas articulationis cum tumore duriori. Callo fracti ad articulum ossis, inspissato linimento *Haversiano*, ligamenti rigescen-  
tibus, exostosi ad juncturas, inprimis originem debet. Difficillima curatio petenda ex diversitate causæ.

Ex illis, quæ hæcenus dicta fuerunt in hoc capitulo; intelligi poterunt præcipui morbi, qui ossibus accidere observantur: inprimis si addantur his illa, quæ aliâ occasione de ossibus per vulnera, contusiones, luxationes, & fracturas malè affectis, memorata fuerunt. In contusionis enim Historia §. 325, enumerata fuerunt illa mala, quæ ossium contusiones sequi solent. In capitulis de fracturis & luxatis plurima etiam habentur, quæ ossium morbos spectant. Ubi autem de vulnerum capitis Historia agebatur, demonstratum fuit etiam à levissimis vulneribus calvariam osseam aliquando affici pessimè: atque ibidem pûlcherrima habentur circa cognitionem & curam morborum in ossibus. Operæpretium tamen videtur, adhuc quædam addere de ancylosi, cum sæpius ab ossium vititiis oriat, quamvis & absque his fieri possit, dum nempe ligamenta articularum rigescunt, vel inspissantur & accumulatur linimentum illud, quod lubricat & inungit ossium articularum extrema, & ligamenta articulationes firmantia.

In *Commentariis* §. 364 (ubi de ancylosi agebatur, quatenus luxationem ut causam sequi observatur) notatum fuit ex *Celfo*, recenti cicatrice contractos articulos ἀγκύλας Græcis vocari; *Æginetam* verbò articularum detentiones appellasse ἀγκύλας ἀγκυλώσεις; hæcūque causas agnovisse, humorum infarctum, aut nervorum contractionem. Patebit statim, & ab ossium vititiis hoc malum nasci

S sss iiij

posse. Apia definitio hujus morbi videtur, quod sit *immobilitas articulationis cum tumore duriori*. Quando ab ossium fracturorum callo exorbitante, aut exostosi ad juncturas, nascitur hoc malum, satis patet, durum tumorem adesse. Verum ubi à ligamentis rigescentibus, aut inspissato linimento *Haversiano* oritur, sensim debet in cavo articuli accumulari linimentum illud, cum quiescente articulo non consumatur; adeoque distendet capsulam articulem, & tumorem faciet, qui, dissipatis tenuioribus partibus aggesti humoris, satis durus fieri poterit. Adeoque ob has rationes articularum immobilitatem tumor durior comitari solet, vel saltem sequi, si in initio mali nondum adfuerit. Unicus tamen excipi posset casus, qualem vidi, ubi vero marasmo exsiccabatur totum brachium, tuncque, arefactis omnibus, articularum hujus membri immobilitas erat absque tumore. Ut autem debita mobilitas articulis addit, requiritur apta figura ossium articularum, & lubricitas superficialium, quibus se mutuo tangunt, atque etiam ligamentorum, articulos ambientium, flexilitas debita. Adeoque ancylosis oritur à sequentibus causis.

**CALLO FRAC TI AD ARTICULUM OSSIS.** Dictum fuit in *Commentariis* §. 343, post fracturas aliquando sequi luxuriam vasculorum osseorum, & calli inæqualitatem, unde figura naturalis ossium deturpatur. Plurimisque in casibus constitit, deformem talem prominentiam ab exorbitante callo in loco fracturæ mansisse totâ vitâ. Si ergo fractura prope articulum fuerit, patet à tali vitio immobilitatem articularum nasci posse, ob mutatam ossium figuram. Verum quidem est, in plerisque articulis ossium articularum extrema turè recondi, plurimis partibus incumbentibus testa, adeoque difficulter posse frangi in illa parte, quæ articuli cavo continetur: tamen in locis quibusdam satis nuda ossa hærent, uti v. gr; circa cubitum & genu, atque ibi ab hac causa ancylosis nasci posset. Vidit sic *Petitus* (a), fractâ rotulâ luxuriantem callum fecisse ancylosim, curatam tamen postea, quia calli substantia nondum acquisiverat osseam duriciem. Ubi in tali casu metuitur ancylosis perici Chirurghi voluerunt, sic disponi debere partem affectam, ut callus luxurians proprio pondere versus alium determinetur locum: deinde ut inter articulum & fracturæ locum splenia ponantur, quæ fasciâ circumductâ leviter pressa impendant, ne callus versus articulum tendat: tandem ut articulus leniter moveatur, simulac primus apparatus tollitur, atque postea omni biduo, deinde singulis diebus. Neque adeo magnum erit periculum, modò prudenter fiat articuli motus, ne ossa restituta situ suo moveantur; quia ossa circa articulos latiora cum sint, majori superficie fragmenta se mutuo tangunt, adeoque non tam facillè loco suo movebuntur. Solo tali articuli motu natam jam ancylosim ab hac causa superavit modò laudatus Auctor (b).

**INSPISSATO LINIMENTO *Haversiano*.** Ut ossium articularum extrema facillimè moveri possent, neque ad se mutuo attrita læderentur, linimento lubricissimo inunguntur, quod *Haversianum* vulgò vocari solet, quia egtegius ille vir, cui tot pulchra circa ossium fabricam debentur, primus hujus linimenti naturam, & partes, quibus conficitur, accuratè descripsit: apud *Hippo-*

(a) *Traité des Maladies des Os*, Tom. I. | (b) *Ibidem*.  
pag. 397.



erat tamen jam habetur (vide *Commentaria* §. 362.) quòd omnibus articulis mucus naturâ insit, & sani sint articuli, cùm i. le purus fuerit. Linimentum illud articulorum (vide §. 362.) ex triplici distincto liquido constat; universali nempe perspirante, oleo medulloso, & mucilagine ex folliculis hic locatis secretâ. Si ergo à quacumque causa illud linimentum non dissipatur, vel refovetur, sensim accumulabitur & cavum articuli replebit; sicque impedit liberum ossium articulationum motum: interim tenuissima pars linimenti illius aggesti dissolabitur, & residuum spissius fiet; cùmque articuli motus præcipua causa sit, quâ dissipatur illud linimentum visibus suis functum illo, jam impedito vel & penitus abolito, major accumulatio fiet, tandèmq; immedicabile malum nascetur, spartim ab inspissata materia, partim ab accrimonia stagnando nata; quâ politissimas ossium superficies cartilagineas, & ligamenta articulum coercentia, erodere & corrumpere valebit.

Cognoscitur hoc malum tumore in initio molli, sensim aucto, articulationis locum occupante, neque ultra hujus limites expositò. Omnium autem frequentissimè in articulo genu hic morbus observatur.

Dixera Hippocrates, (a) *Tumores in articulis, & citra ulcus dolores,..... frigida copiose affusa & levat & minuit.* Postea etiam celebres in Arte Viri hanc methodum laudaverunt. Fortè incipiente malo prodesse posset, contractis subito frigore partibus, sicque repellentibus humorem, qui incipit accumulari, modò adhuc tenuis fuerit. Ubi verò major spissitudo jam adest, & aucta copia, parum inde sperari posse videtur. Frictiones sæpe repetitæ, articuli affecti motus, fomenta penetrabilissima ex vino, sale, aceto & urinâ sanâ, additis aromaticis herbis, marrubio, scordio, rutâ, &c., cataplasmata ex similibus parata, proderunt. In difficillimis etiam casibus embrochæ ex aquis mineralibus calidis, lento stillicidio ex alto in partem affectam delapsis, multùm levaminis, imò & integram aliquando curationem, attulerunt. Aquarum mineralium defectus suppleri poterit penetrabilissimis fomentis, modò laudatis, embrochæ instar adhibitis. Pulcherrimos effectus vidit Petrus (b), dum aqua calcis vivæ, unâ cum salis ammoniaci lixivio, ex alto in locum affectum deplueret: nascitur enim sic uno momento penetrabilissimus spiritus salis ammoniaci, qui attenuat summum remedium meritò habetur. Ubi autem tanta copia aggestæ materię est, ut per omnia hæc Artis molimina dissipati nequeat, lanceolâ pertundendum tumorem usque in cavum articuli voluit modò laudatus Auctor in loco maximè declivi, ut contento liquido exitus concilietur: deinde hoc facto, antè laudata remedia applicari jussit.

**LIGAMENTIS RIGESCENTIBUS.** Ut debitus fieri possit ossium articulationum motus, requiritur, ut ligamenta articulum coercentia talem habeant firmitatem, quâ in situ suo ossa retineantur, interimque cedere possint & elongari, dum flectuntur articuli. Ubi ergo à quacumque causa ligamenta obrigueant, licet omnia reliqua in articulo se naturaliter habeant, erit immobilitas, quam postea sequetur tumor, ob linimentum *Haversianum* in cavo articuli aggestum, neque motu dissipatum, ut in sanitate fieri solet: adeoque perfecta erit ancylosis. Causæ hujus mali poterunt esse omnes illæ, quæ fibris solidis nimiam

(a) Aphor. Sect. V. n.º. xxv. Charter, Tom. I. X. part. II. pag. 210.

(b) *Traité des Maladies des Os*, Tom. I. pag. 406.

rigiditatem conciliant (vide §. 32.) uti & istæ, quæ in vasis minoribus & majoribus corporis similem effectum præstant (vide §. 51.). Sic videmus, senes decrepitos in omnibus sæpe articulis obrigescere, partim quidem ob defectum pinguis olei articulos lubricantis, partim etiam ob ligamenta callosa, imò & ossa aliquando facta: & in illis hominibus, qui duro labore victum comparare debent, sæpe ante ætatem senectutis hæc vitia observantur, dum nimis exercitato musculari motu firmæ partes corporis indurantur (vide §. 51. n.º 3.) Post validas ligamentorum inflammationes, non bene curatas, liquido stagnante & coagulato cum vasis, quibus continetur, concrefcente (vide §. 51. n.º 4.), idem malum sequi solet; unde sæpius arthritidem passis articularum immobilitas toties accidit. Præterea demonstratum fuit (§. 25. n.º 3.), nimiam distractionem partium solidarum corporis illas reddere nimis debiles, & debilitatem ab hac causa natam sanari omni modo, quo nimia distractio tollitur (vide §. 28. n.º 5.) Ubi ergo ligamenta, quiescentibus articulis, non elongantur, sponte solent contrahi & rigida fieri adeo, ut postea omnem motum articuli impediant. Post fracturas aut luxationes curatas, nisi curæ tempore aliquando moveantur articuli, ancylosis ab hac causa frequenter nascitur, uti etiam in paralyticis membris; tuncque sæpe semper musculi flexores cum fortiores solent esse extensoribus membrorum, articuli leviter inflexi ob rigescunt, non tantum ob ligamenta indurata, verum etiam ob musculos flexores diuturnâ quiete sensim contractos & breviores redditos, qui tunc se elongari amplius vix patiuntur.

Patet ergo, ligamentorum nimiam rigiditatem omnium frequentissimam esse ancylosis causam; sed & simul, plerumque magnam spem superesse, curari posse tale malum, nisi admodum vetustum fuerit, vel originem debeat talibus causis, quæ nullâ Arte superari possunt; uti v. gr; in decrepita senectute. Si mollissimus victus instituat; balneis aquosis, & inprimis vaporis, sæpius de die exponatur pars affecta; deinde bene detergâ mollissimis oleis perfricetur; atque his factis tentetur articuli motus flectendo & extendendo, quantum absque magno dolore fieri poterit; curantur tales morbi, de quibus aliquando deseperabatur. De omnibus autem his (§. 30. 35. 51.) latius dictum fuit. Unicum libet adducere casum, qui modò dicta confirmet. Juveni post febrim acutam continuam, & affectum soporosum, reconvalescenti, dextrum crus inflexum erat, neque ullo modo illud extendere poterat: aderant circa genu articulum dolores molestissimi, unde totus membri usus sæpe perierat; cum nec ligneo crure uti posset, neque baculis nixus incedere, pendulo crure tunc suo pondere distrahente rigidum articulum summo cum dolore. Celebres Chirurgi, postquam jam ultra anni spatium duraverat malum, consulti crediderunt, ossa ipsa tibiæ & femoris simul consolidata esse; &, post plurima remedia diu applicata nullo cum solamine, concluderunt nihil superesse, nisi partis exstirpationem, quam æger tor malorum pertæsus subire voluit. Expertissimus Medicus vocatus, ut rite præpararet idoneis remediis corpus ante periculosam hanc operationem, dum sollicitè partem examinat, invenit condylum internum ossis femoris mole & parum auctum, uti etiam & respondentem huic ossis tibiæ partem: neque tamen pressa digitis hæc loca dolebant, sed præcipuus dolor erat in illo loco, ubi ligamentum est, quo patella tibiæ affigitur. Dum nititur extendere inflexum crus valida satis manuum vi, sensit Medicus, non coaluisse ossa inter se, sed tamen levem etiam extensionem

extensionem non absque ingenti dolore fieri posse: simul apparuit, tendines musculorum flectentium quàm maximè tensos esse, & versùs suam originem retractos. Omnibus ergo rite perpensis, dissuasit exsirtationem Medicus, & tentavit curam, generalibus remediis quibusdam præmissis, balneis aquæ calidæ cum aromatibus additis bis de die per horam, vel horam cum dimidia, sic ut toto corpore æger balneo immergeretur. Tam felix autem fuit curæ hujus successus, ut, quatuor tantùm vicibus adhibito balneo, crus inciperet extendi, & post octavum balneum jam terram attingeret, fulcrisque innixus incedere posset; tandèmq; oleorum mollissimorum inunctione, repetitisque balneis, integre restitutus fuit æger, superstitè tantùm ossium modò memoratà intumescentiâ, sed absque ullo motûs articuli impedimento, nisi quòd post nimis diurnam ambulationem aliquando levem dolorem in hoc crure senserit (a). Similis ferè curatio ancylosis apud *Aeginetam* (b) habetur: irrorari enim partem affectam voluit hydrelzo, in quo lini semen, althæa, sænum-græcum, &c., decocta fuerunt: deinde inungi linimentis partim ex emollientibus, partim ex aromatis compositis, similibusve emplastris tegi: simul laudavit mollem & continuam frictionem, dum hæc adhibentur; jussitq; sæpius tentari debere, an articulus possit flecti & extendi.

**EXOSTOSI AD JUNCTURAS.** Cùm requiratur ad motum articuli determinata figura in extremis ossium articularum, facile patet, per exostosin mutari hæc figurâ, motum debere impediri. Quando de exostosi in præcedentibus actum fuit, constitit tales tumores etiam circa juncturas observatos fuisse. Huc referri posse videtur, quando ossa articulata concresecunt, sive interposito linimento naturali articularum inspissato uniantur, sive scabræ fortè & erosæ ossium contiguum superficies consolidentur inter se. Notabiles tales casus in *Historia Medica* habentur. Sic scribit *Hildanus* (c), quòd inter rariora servaret collecta in cœmeteriis ossa quædam, in quibus mira concretio ossium articularum observabatur, & figuris expressit cubiti ossa cum osse humeri penitus concreta, & os femoris cum acetabulo ossis ilei sic unitum, ac si semper unicum & continuum os fuisset. In infante viginti duos menses nato totum corpus unico osse continuo constare videbatur, sic ut nullus articulus ullo modo flecti posset (d). *Columbus* (e) in capite gigantis vidit, maxillam inferiorem adeo calvariz concretam fuisse, ut in vivente omni motu carere debuisset: primam pariter vertebam occipitio sic accretam vidit, ut moveri nequiquam posset. Omnium autem mirabilissimum est, quod idem Auctor habet. Romæ in Xenodochio incurabilium diu vixerat homo, qui omnes articulos rigidos habebat, & nihil aliud movebat, quàm oculos, linguam, penem, abdomen, thoracem. Senem jam viderat, & sæpe inviserat celebris Medicus *Joannes Auricula*, qui & post mortem sceleton hujus hominis *Columbo* dono dedit, in quo omnes articuli totius corporis, à capite ad pedum digitos usque, concreti inveniebantur: bini dentes superiores deerant, totidemque inferiores è priorum regione, positi; & per hanc viam cibus potusque ingerebatur misero, quamdiu viveret.

Difficilem semper curam esse ancylosis, satis patet ex antè dictis: pro diversitate

|                                                            |                                                    |
|------------------------------------------------------------|----------------------------------------------------|
| (a) Académ. des Scienc. l'an. 1711. Mém. pag. 283, & su v. | paginâ 881.                                        |
| (b) Lib. IV. Cap. xv. pag. 70, versâ & 71.                 | (d) Académ. des Scienc. l'an. 1716. Hist. pag. 30. |
| (c) De Ichore & Meliceria Cap. xxv. Tom. I.                | (e) De Re Anatomica, Lib. XV. pag. 263.            |

tamen cause cognite prognosin variat. Si enim facta fuerit ab ossis fracti circa articulum callo, & ille jam ossis duritiem habuerit, incurabile malum est; ut etiam, si ab exostosi vel concretionem ossium articularum inter se, originem duxerit. Ubi verò à linimento *Haveriano* inspissaro, vel à ligamentis rigescentibus nata fuerit ancylosis, nisi inveteratum fuerit malum, curæ spes superest.

§. 557. QUI verò omnes morbos, hucusque descriptos, oculisque subjectos intellexit ita, ut horum enarratas causas, naturam, effectus, curationem cum cura expenderit, dein autem internis rebusque corporis partibus eadem omnia applicuerit; cum actione integrarum comparaverit; atque deinde cum ipsis internorum morborum phænomenis composuerit; videbit interna externis reapse congruere; externos Chirurgicos primò petrañdandos; nec aliter ordinati quid, vel veri, in Praxi Medica fieri posse, aut doceri.

Petrañtatis sic morbis Chirurgicis, antequam ad morborum internorum Historiam & Curationem procedatur, operæ præstium erit, paucis demonstrare, quantum lucem cognitio morborum externorum affundat detegendis & curandis morbis internis; simulque patebit evidens ratio, quare priùs de morbis externis agendum fuerit.

In prolegomenis §. 16 datæ fuerunt regulæ, quibus determinatur ordo, quo morborum Historia optimè tradi posset; nempe, ut incipiatur à talibus morbis, qui & evidentiùs cognosci, & faciliùs curari poterant, quorùmq; natura simplicior erat, & cognita requirebatur, antequam aliorum morborum indoles bene intelligi posset. Cum autem in externis partibus corporis hærentes morbi sensibus pateant, adeoque cognosci distinctiùs possint, & faciliùs ipsi loco affecto remedia applicari; simulque his similes morbi in partibus internis occurrant, quorum phænomena omnia & successivæ mutationes sensibus non adeo obvia sunt; patet evidenter ex dictis, externorum morborum Historiam præmittendam fuisse. Quanta autem similitudo sit inter morbos externos & internos, unico Exemplo demonstrare non inutile videtur.

Si vera phlegmone digitum occupaverit; tumor ruber, renitens, cum dolore punctorio & calore apparebit in parte affecta; sique alicujus momenti fuerit inflammatio, illam comitabitur febris: atque ex his symptomatibus concluditur, adesse inflammationem. Si jam in homine sanissimo, æstuanre post validos motus, gelidus boreas nudum pectus afflaverit, orietur in locis intercostalibus sæpe subito dolor acutissimus, ad minimum inspirationis nixum immaniter auctus, quem febris comitatur satis valida. Quæritur jam qualis morbus sit, & quænam hic medela conveniat. Novimus in hoc casu tales causas prægressas esse, à quibus vera phlegmone frequenter nasci solet. Demonstratum enim fuit §. 117, calore & motu circulari violento adunari moleculas nostrorum fluidorum; & §. 118, dictum fuit, per motum auctum errore loci crassiora liquida ingredi posse canalium conicorum dilatata orificia, per quorum ultimos fines transire nequeunt; simulque ibidem notatum fuit, omnium pessimas obstructions produci si magno calori subitum frigus succedens constrin-

gat dilatata vasa alienis jam humoribus infarcta per errorem loci: ex quibus omnibus constat, concurrere hic præcipuas causas obstructionis. Verùm §. 375, patuit, obstructionum causas sufficere ad veram phlegmonem producendam; & ex illis, quæ §. 373. 374, dicta fuerunt, constitit, totum fere corpus sedem inflammationi dare posse; aque omnium frequentissimè illam in adipe hærrere. Cum ergo causæ inflammationis prægressæ fuerint, locūque affectus inflammationi suscipiendæ aptus sit, concluditur meritò, dolorem illum acutum, ad minimam inspirationem auctum, cum febre comite, esse veram inflammationem locorum intercostalium. Tumor quidem & rubor, qui in digito inflammato sensibus patebant, hic non apparent semper, quia profundius hæret recondita phlegmone; sed dolor ille punctorius, ac si gladio acutissimo perfodere-tur pectus, dum thorax inspirando dilatatur, & febris, satis evincunt naturam mali: nam & digitus inflammatus, dum movetur, vel rudiùs attingitur, dolet acerrimè. Si jam consideretur natura & actio partis affectæ, patebit eviden-ter, ex illis phenomenonis, quæ in inflammatione partis externæ sensibus patent, intelligi posse omnia mala, quæ inflammationem in locis intercostalibus natam sequuntur. Tumor enim & hic erit à distentis arteriis inflammatis, plurimum auctus, dum panniculi adiposi (in saginatis animalibus in locis intercostalibus adeo conspicui) vasa tenerrima & vesiculæ sanguine crasso, liquidiori parte or-bato, infarciuntur (vide §. 382.): à distractis fibris nervosis, per vasorum dis-tentorum membranas dispersis, dolor sequetur; & acerbissimus hic loci, si tumor versùs interiora protuberans pleuram membranam lentè à costis, quibus adhæret, divellat: cūque inspirando pectus dilaretur, & costæ à se invicem recedant, patet ratio, quare inspiratione adeo augeatur dolor. Ut autem intol-erabilem hunc dolorem vitent ægri, vel leniant saltem, vix inspirant, aut saltem minimam tantum copiam aeris hauriunt; unde non satis dilatatur pul-mo, adeoque cordi dextro nascitur obstaculum, summa sit anxietas, pulmo sanguine repletur, & peripneumoniâ, à pleuritide natâ, sæpe brevi suffo-cantur.

Præterea & exitus omnino similes in hoc casu sequuntur, ac in aliis inflam-mationibus externarum partium corporis, resolutio nempe suppuratio, vel gan-græna. Mitiozem enim pleuritidem resolvendo curari posse; pejorem in absces-sum tendere; sævissimam lividâ maculâ, in loco affecto subitò sæpe natâ, gan-grænam facere, omni dolore evanescente absque correctione causæ, Observata certissima & frequentissima testantur; uti postea in pleuritidis Historia latius dicitur. Verùm & curatio eadem omnino est in pleuritide ac in aliarum partium inflammationibus. Resolutio enim hic semper tentatur, venesectione, diluen-tibus, attenuantibus remediis; fomentis, cataplasmatibus, emplastris, &c, loco affecto applicatis; & in genere omnia illa adhibentur, quæ à §. 395, ad §. 402, de cura inflammationis dicta fuerunt. Ubi verò resolutio obtineri nequit, blan-da suppuratio promovetur omnibus illis, quæ §. 402, & sequentibus exposita fuerunt; imprimis curando omni Artis molimine, ut abscessus hic natus versùs exteriora vergat, quia tantus metus est, ne iutrosfum rupto abscessu funestum empyema fiat, pure in pectoris cavum delapso. Ubi autem pleuritidi gangræ-na, iterè semper lethalis, succedit, sola spes superest ab illis remediis, quæ

§. 434, & sequentibus laudata fuerunt; uti patebit, si conferantur his illa, quæ postea §. 903, de cura gangrænosæ pleuritidis dicentur.

Idem jam de angina inflammatoria, phrenitide, peripneumonia & reliquis morbis inflammatoriis partium internarum corporis demonstrari posset; sola tantum diversitas horum morborum à varia functione partium affectarum pendet; reliqua omnia conveniunt. Adeoque meritò pro axioma haberi poterit, internos morbos externis congruere, atque nihil ordinati vel veri in Praxi Medica fieri posse, vel doceri, nisi externorum Chirurgicorum morborum Historia prius pertractata fuerit, antequam de internis morbis agatur.

## FINIS TOMI PRIMÆ.









